


Jag₁ 'mî₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a₂ma₂li' ₅₄ quian' ₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 30 Dec 2021

5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	83
SAN LUCAS	132
SAN JUAN	214
HECHOS	277
ROMANOS	351
PRIMERA CORINTIOS	384
SEGUNDA CORINTIOS	415
GÁLATAS	436
EFESIOS	447
FILIPENSES	458
COLOSENSES	466
PRIMERA TESALONICENSES	473
SEGUNDA TESALONICENSES	479
PRIMERA TIMOTEO	483
SEGUNDA TIMOTEO	492
TITO	498
FILEMÓN	502
HEBREOS	504
SANTIAGO	530
PRIMERA PEDRO	538
SEGUNDA PEDRO	548
PRIMERA JUAN	554
SEGUNDA JUAN	562
TERCERA JUAN	564
JUDAS	566
APOCALIPSIS	569

Já₁ Dse₃ quió'₅ Diú₄ a₂ca₂tó'₂ San Mateo ne₄ Si₂

Dsa₂ can'₅₄ quián₅ Jesucristo i₂jme₁chan₂ ma₂lí_g'₂
(Lucas 3:23-38)

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo
i₂jme₁lín₄ tsi₁jón₂ quián₅ David* quian'₅₄ Abraham.

² Abraham ca₂lín₃ jmei₂ Isaac,

Isaac guë'₂ ca₂lín₃ jmei₂ Jacob;

Jacob guë'₂ ca₂lín₃ jmei₂ Judá quian'₅₄ riin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;

Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;

Aminadab guë'₂ ca₂lín₃ jmei₂ Na'asón;

Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed

të₂le₃ quian'₅₄ Ruth.

Obed guë'₂ ca₂lín₃ jmei₂ Isái;

⁶ Isái guë'₂ ca₂lín₃ jmei₂ Rag₅₄ David.

Rag₅₄ David guë'₂ ně₃ ca₂lín₃ jmei₂ Salomón,

(të₂le₃ quian'₅₄ i₂jme₁lín₄ dsa₂ mí₂

quián₅ Urías le₂jñiá₅).

⁷ Salomón guë'₂ ca₂lín₃ jmei₂ Roboam;

Roboam guë'₂ ca₂lín₃ jmei₂ Abías;

Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;

Josafat guë'₂ ca₂lín₃ jmei₂ Joram;

Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;

Jotam guë'₂ ca₂lín₃ jmei₂ Acaz;

Acaz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;

Manasés guë'₂ ca₂lín₃ jmei₂ Amón;

Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ riin'₅₄,

(lia'₂ con'₂ jmi_g₄ jme₁ca₂i₃lén₂ dsa₂ israelitas

a₂ca₂tág₃ dsa₂ jui₅ 'uë₃ Babilonia).

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

12 Cang₂ jme₁ma₂tág₃ dsa₂ 'uë₃ Babilonia jaun₂,
ca₂lin₃ Jeconías jmei₂ Salatiel;
i₂ca₂lin₃ jmei₂ Zorobabel;

13 Zorobabel ně₃ ca₂lin₃ jmei₂ Abiud;
Abiud guë'₂ ca₂lin₃ jmei₂ Eliaquim;
Eliaquim guë'₂ ca₂lin₃ jmei₂ Azor;

14 Azor ně₃ ca₂lin₃ jmei₂ Sadoc;
Sadoc guë'₂ ca₂lin₃ jmei₂ Aquim;
Aquim guë'₂ ca₂lin₃ jmei₂ Eliud;

15 Eliud guë'₂ ca₂lin₃ jmei₂ Eleazar,
i₂ca₂lin₃ jmei₂ Matán;
Matán guë'₂ ca₂lin₃ jmei₂ Jacob;

16 Jacob ně₃ ca₂lin₃ jmei₂ José, dsi₂i₂gu₂ María;
María guë'₂ ně₃ ca₂lin₃ chog₅₄ Jesús
i₂tě'₂ dsa₂ Cristo*.[†]

17 Jaun₂ ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃
jme₁chan₂ Abraham ca₂tě₂ jmi₄ jme₁ca₂rě₃chán₃ David, ján₃
bá₄ le₂jaun₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂
David, ca₂tě₂ jmi₄ jme₁ca₂tág₃ dsa₂ dsa₂ israelitas jui₅ 'uë₃
Babilonia; cang₂ jaun₂ guë'₄ ně₃, con'₂ guia₃-quén₂ tsi₁jon₂ dsa₂
ca₂ñí₂ ca₂le₃ ca₂tág₃ dsa₂, ca₂tě₂ jmi₄ jme₁ca₂rě₃chán₃ dsa₂
I₂rě₂'ín₁ quián₅ Diú₄.[‡]

'A₂ lia'₂ ca₂lě₃ a₂ca₂rě₃chán₃ Jesús
(Lucas 2:1-7)

18 Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂
María jme₁ma₂li'₅₄ jág₁ a₂jéin'₂ gu₂ quian'₅₄ José; la₁ né'₃ guë'₄
a₂tiain'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅
Jme₂dsí₂ Jnió₅. 19 José dsa₂ ňe'₂ quiáin₅ ně₃ jme₁lin₄ jan₂ dsa₂
dsen₃, jaun₂ tsá₃ jme₁'nio₃ chein'₃ o₂guí'₃ María jua'₅₄ le₃ñi₅
dsa₂ juin₅; ňjia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂
bá₄ con'₂ tsá₃ 'ein₂ ňi₅. 20 Le₂jaun₂ bá₄ jme₁ma₂ca₂'náu'₃ dsí₅
jmo₃, jme₁ca₂qui₃ a₂ca₂jme₃ñia₅ jan₂ ángel quián₅ Te₁gui'₅₄ ne₅₄
ca₂juá'₂:

—Sě₄, tsi₁jon₂ David, tsá₃ lě₂jmo₂ gang'₃ jua'₅₄ cán'₁ o₂guí'₃
a₂guéng'₄ María a₂lěin₂ dsi₂i₂gog'₂, ia₁ guein₂ i₂le₃chan₂ quiáin₅
já₅ ja₁con₂ Jme₂dsí₂ Jnió₅. 21 Jaun₂ le₃chan₂ jan₂ guein₂ dsa₂ ňe'₂
quiáin₅, jaun₂ quiaín'₅₄ 'ne₂ JESÚS. § Le₃chein₂ le₂ně₅ ia₁ a₂lióin₂
dsa₂ juig₂ quiáin₅ 'uig₅₄ dsáu₁.

† 1:16 Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁
jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. ‡ 1:17
Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅
hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. § 1:21 Lia'₂
chen₂ Jesús (hebreo: Yeshua) jein₅ jág₁: Lió₂ bá₄ Te₁gui'₅₄.

22 Ca₂lě₃ ca₂le₃jě₃ a₂ně₅ ia₁jaun₂ le₃ti₃ jui₁lia'₂ ca₂juá'₂ Te₁gui'₅₄ tē₂le₃ quian'₅₄ dsa₂ i₂jme'₁ě₂ jág₁ quiáin₅, jme₁ca₂juá'₂:

23 Cán₂ jan₂ dsa₂ mi₄ guein₂,
jaun₂ le₃chan₂ jan₂ guein₂ dsa₂ ňe'₂ quiáin₅,
jaun₂ le₃chein₂ Emanuel,*
co₂'nió'₄ a₂juá'₂: Quiong'₅₄ Diú₄ jniog₄.

24 Jaun₂ jme₁ca₂ňe₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂ ángel quiáin₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂igu₂. 25 La₁ia₁ tsá₃ ca₂tián'₂ dsi₂jui₅ jme₁né₄, jua'₅₄ a₂ca₂rě₃cuiin₂₃ riin'₅₄, ca₂lia'₂ jme₁ca₂rě₃chán₃ guein₂ i₂le₂'uig₅₄ 'éi₂ quiáin₅ bá₄ María; jaun₂ ca₂quiain₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂jág₁

1 Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmig₄ lia'₂ con'₂ jme₁lín₄ Herodes rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂ tē₂le₃ ja₁'ia₂* 'iog₂, jaun₂ ca₂dsi₃lén₂ juig₂ Jerusalén. 2 Jaun₂ ca₂ňag₃:

—¿Na₅ Rag₅₄ quiáin₅ dsa₂ judíos i₂ca₂rě₃chán₃? Ia₁ 'uě₃ tē₂le₃ ja₁'ňia₂ 'iog₂, ma₂ně₂jín₄ jnia'₅₄ nei₅ quiáin₅, jaun₂ ja₂náu₅ jnia'₅₄ a₂jme₁juin'₂.

3 Jme₁ca₂rě₃ňi₅ Rag₅₄ Herodes jág₁ ně₅, 'ňio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén.

4 Jaun₂ ně₃ ca₂tě'₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₃juá'₅ quiáin₅ dsa₂, jaun₂ ca₂ňag₃ a₂já'₄ dsón'₂ lě₅ jág₁ le₃chan₂ dsa₂ I₂rě₂'ín₁ quiáin₅ Diú₄. 5 Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uě₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁'ě₂ jág₁ o₄quió'₄ Diú₄:

6 Jaun₂ 'ne₂, Belén, juig₂ tén₅ 'uě₃ Judá,
on₃jua'₅₄ 'ne₂ líng'₅ juig₂ i₂me'₂ guě₄
tē₂le₃ ne₄ jui₁lia'₂ dsa₂ i₂qui₂dsi₅ 'éi₃ 'uě₃ ně₅;

ia₁ ja₁con'₂ 'ne₂ bá₄ o₃'in₅ jan₂
i₂gon₂, cán₂ ne₄ jui₅,
jmo₃ 'í₁ dsa₂ juig₂ Israel quiáng₃.†

7 Jaun₂ Herodes ně₃ ca₂tě'₃ dsa₂ can'₅₄ 'éi₂ con'₂ jě₄ tē₃co'₅₄, jaun₂ ca₂ňag₃ líg'₂ 'e₂ jmig₄ tē₃dsón'₂ ca₂rě₃jniá₂ nei₅ jaun₂.‡

8 Jme₁ma₂ně₂ňag₃ dsa₂ 'éi₂ jaun₂ guě₄ ca₂chei₃ jui₅ juig₂ Belén,
jaun₂ ca₂tsí'₃ dsa₂:

* 1:23 Isaiás 7:14. * 2:1 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. † 2:6 Miqueas 5:2. ‡ 2:7 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂i₃léin₂. Jaun₂ nē₃, nei₅ a₂ma₂ca₂jág₃a tē₂le₃ 'uē₃ ja₁'ia₂a 'iog₂, ca₂ñó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

¹⁰ Jme₁ca₂jág₃ jaun₂, § ca₂jmo₃ 'io'₂ 'ñio₅ lin₃; ¹¹ jaun₂ jme₁ca₂i₃toin'₅₄ dsi₂néi₂, ca₂jín₂ guein₂ bē'₅₄ quiaín'₅₄ chog₅₄ i₂chen₂ María. Jaun₂ nē₃, ca₂chi₃jnē₃ ca₂jme₃juin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsi₁gu₅ quió'₅, ca₂cuē₃ cu₄nió₄, chen₂, no'₅₄ mirra nē₃. ¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuíng₃ Sē₄ quiaín'₅₄ María jui₅ 'uē₃ Egipto

¹³ Cang₂ guē₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jniá₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jnia₅ i₂bē'₅₄ quiáng'₂, chog₅₄ nē₃, cuíng₅ 'nia'₂ jui₅ 'uē₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jñag'₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uē₂ jaun₂, ca₂i₃léin₂ jui₅ Egipto. ¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rē₃lí'₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rē₃'néi₃ 'ñio₅ lin₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tin₃ ñi₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne₁ñó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rē₃ti₃ jág₁ a₂ca₂tó'₂ ne₄ si₂ Jeremías i₂jme₁'ē₂ jág₁ o₄quió'₄ Diú₄:

¹⁸ Ca₂né'₂ tē₁tsi'₅₄ co₂mí'₅₄ jē₄ juí₂ Ramá,

a₂'o₅ dsa₂ a₂qui'₂ dsí₅ guē₄ lin₃;

Raquel bá₄ 'éi₂ ca₂'o₃†

o₄quió'₄ chi'₂-guein₂ quiáin₅,

jaun₂ tsá₃ ca₂gue₃ jua'₅₄ 'ein₂ guē₃ jmo₃ lián'₂ dsí₅,

ia₁ ma₂ca₂dsan₃ bá₄ guein₂.‡

¹⁹ La₁ cang₂ guē₄ jaun₂, jme₁ma₂ca₂jon₃ Herodes, ca₂qui₃ Sē₄ a₂ca₂jme₃jniá₅ táng₃ jan₂ ángel quián₅ Te₁gui'₅₄ ja₁coin₂ 'ein₅₄ Egipto, ²⁰ Ca₂juá'₂ ángel:

§ 2:10 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1. † 2:18 Raquel: 'io₅₄ quián₅ Jacob, Génesis 29. ‡ 2:18 Jeremías 31:15.

—Nau₂, jñia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme'₁nio₃ jme₁jñi'₃ guein₂.

²¹ A₂ca₂nau₂ jaun₂ táng₃ Sě₄, ca₂tág₃ chi'₂ quiáin₅, quian'₅₄ chog₅₄, jui₅ 'uě₃ Israel. ²² La₁ jme₁ca₂rě₃ñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jmei₂, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃. ²³ Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*'Ĕ₂ Juan₅₄ jág₁ caun₂ 'uě₃ quein₂ ja₁co₂'ñiog₅
(Marcos 1:1-8; Lucas 3:1-18; Juan 1:19-28)*

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, ² a₂juá'₂:

—Jei_n'₅₄ 'nia'₂ 'au'₂, ia₁ ma₂ja₂quián₃ jmíg₄ jě₄gon₃ Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂ñia₅₄ jui₅ quió'₅ Te₁gui'₅₄;

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lě₄ 'mi'₂ a₂rě₂ta₄ quian'₅₄ jñi₄ já'₂ camello; a₂jme₁jén'₅ tú'₅ guě'₂ quian'₅₄ lo₄ já'₂; má₃ a₂jme₁guě'₅ guě'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂. ⁵ Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cuě'₅ 'éi₂. ⁶ Jme₁ma₂ca₂lě₃ jmo₂₃ qui₂ñi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ guě₄ ca₂cho₃ Juan₅₄ jmíg₂† Cuá₃ Jordán.

⁷ La₁ jme₁ca₂jág₃ Juan₅₄ juin₅ lín₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ¿'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂i₄ 'nei₂ dsí₅ Diú₄ a₂ja₂quián₃? ⁸ Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. ⁹ Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham. ¹⁰ Ia₁ ma₂lě₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. ¹¹ Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió₃ ně₃, 'éi₂ bá₄

* 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” ‡ 3:7 lit. “tióg₂ Juan₅₄ jmíg₂.”

i₂'uan'₂ guě₄ lia'₂ con'₂ guě₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂ting₂ i₁quian₃. 'Éi₂ guě₄ ně₃, tióg₂ Jme₂dsí₂ Jñió₅, dsi₂si₂ ně₃. ¹² Nē₂jag₄ bá₄ a₂ma₂chi₁chan'₂ ŋí₁ a₂quió'₅ mīg₂ trigo, dsia₃ jma₃quén₅ quian'₅₄ jme₁qui₅. Jmá'₃ mīg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmig₄ éi₃. §

Ca₂jñó₂ Jesús jmig₂

(Marcos 1:9-11; Lucas 3:21-22)

¹³ Jaun₂ ně₃, Jesús, o₂'ín₃ 'uě₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmig₂. * ¹⁴ Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmig₂. † ¿'A₂ bá₄ lia'₂ 'ne₂ ŋe'₃ ja₁con₂ jniá₂?

¹⁵ La₁ ca₂juá'₂ Jesús:

—Jui₁le₅₄ bá₄ le₂ně₅ tē₂ně₃, ia₁ dsi₂ten₅₄ de'₂ jmó₁ jniog₄ le₂ně₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lě₅ cho₅ Juan₅₄ jmig₂, ‡ jaun₂ ca₂o₃'ín₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ŋí₄ lě₃ 'nióg₃ guě₄ lín₃. 'E₂ bá₄ 'ñio₂ dsi₃ quiaín'₅₄.

4

Ca₂caun₃ i₂sě₃dsen₃ táu₂ quió'₅ Jesús

(Marcos 1:12-13; Lucas 4:1-13)

¹ Dsi₂jui₅ jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uě₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂sě₃dsen₃.

² Tě₂láu₃ jmig₄ tē₂láu₃ nei₅, ca₂jme₃'in₅₄ Jesús; cang₂ guě₄ jaun₂ ca₂lě₃ i₁cón'₅ 'ñio₅ lín₃. ³ Jaun₂ ca₂jme₃quián₃ i₂sě₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ŋi'₅₄ Diú₄, jmo₄ jui₁le₅₄ i₁ŋí'₄ ni₁cang₁ tio'₅₄ ně₅.

⁴ La₁ ca₂ŋag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ŋí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uě'₂ mi₂'o₄ Diú₄.”*

⁵ Nó₃ jaun₂, ca₂jñog₃ táng₃ i₂sě₃dsen₃ tē₂ juig₂ Jerusalén ciudad jñió₅, jaun₂ ca₂jñog₃ tē₂ guei'₅₄ guá'₅ templo ja₁ŋei₅ 'ñio₅ lín₃.

⁶ Jaun₂ ca₂juá'₂ ca₂tsí'₃ Jesús:

§ 3:12 'Nio'₂ ja₁ton₅ Mateo 13:30.

* 3:13 lit. “ia₁jaun₂ tióg₂ Juan₅₄ jmig₂.”

† 3:14 lit. “tían'₄ 'ne₂ jmig₂.”

‡ 3:16 lit. “tióg₂ Juan₅₄ jmig₂.”

Deuteronomio 8:3.

* 4:4

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁në₅; ia₁ juá'₂ ne₄ Si₂:

Chen₃ Diú₄ ángeles quiáin₅
ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

7 Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”‡

8 Con'₂ gué₄ siá'₂ táng₃ ca₂jio₃ i₂së₃dsen₃ jui₅ caun₂ má'₂ ja₁ñe₅ 'ñio₅ lin₃. Jaun₂ ca₂'ë₃ le₃jë₃ juig₂ a₂cha₂ mi₂güig₃ quian'₅₄ ca₂le₃jë₃ a₂jlá'₁ cha₂. 9 Jaun₂ ca₂tsí'₃ Jesús:

—Dsia₅₄ jniá'₂ gog'₂ 'ne₂ ca₂le₃jë₃ a₂në₅, në₁jua'₂ ca₂chi₁jne'₄ ne₃ a₂jme₁juag'₂.

10 Jaun₂ në₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jnia'₅₄ lia'₂ ne₄ 'éi₂ bá₄ jme₁ti₁.”§

11 Jaun₂ në₃ ca₂ñá'₃ i₂së₃dsen₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uë₃ Galilea

(Marcos 1:14-15; Lucas 4:14-15)

12 Jme₁ca₂rë₃ñi₅ Jesús a₂'en₅₄ Juan₅₄ né'₃ 'má₃, jaun₂ ñó₃ jui₅ 'uë₃ Galilea. 13 Tsá₃ ca₂jnia₃ jë₄ juig₂ Nazaret, ñó₃ bá₄ ca₂i₁'i₅ tē₂ Capernaum, caun₂ juig₂ a₂niog₅ chei'₅₄ jmi₁ñí'₄ 'uë₃ ja₁tén₄ Zabulón quian'₅₄ Neftalí. 14 Jaun₂ le₂në₅ ca₂rë₃ti₃ jág₁ a₂ca₂tó'₂ ne₄ si₂ Isaías i₂jme₁'ë₂ jág₁ o₄quió'₄ Diú₄:

15 'Uë₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ñí'₄,

'uë₃ Galilea le₃quió'₅ dsi₂nau₂:

16 dsa₂ i₂jme₁tián'₄ jë₄ qui₁né'₃

ma₂ca₂jág₃ caun₂ si₂ juë'₂;

dsa₂ i₂jme₁tián'₄ 'uë₃ ja₁'ei₅'én'₁ 'mú₃,

ne₄ quió'₅ ma₂ca₂'ág₂ si₂.*

17 Të₂le₃ ne₄ jui₅ jaun₂ ca₂jme₃lióg₃ Jesús ca₂'ë₂ jág₁, ca₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ guá'₂ 'éi'₃ quió'₅ Diú₄.

Ca₂të'₃ Jesús quén₂ dsa₂ i₂tsán'₂ ju₄

(Marcos 1:16-20; Lucas 5:1-11)

18 Co₂ráun₂ ñó₃ Jesús i₁ñi₂ chei'₅₄ jmi₁ñí'₄ Galilea. Ja₁jaun₂, ca₂jñin₂ Si₂mu₅₄ i₂të'₂ dsa₂ Pe₄, quian'₅₄ dsó₂ riin'₅₄ i₂chen₂ Drë₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ në₃ jme₁tioin'₅₄ táun₂ 'má₅ dsi₂jmi₂g₂. 19 Jaun₂ ca₂juá'₂ Jesús:

—'Éin₃ jniá'₂, jaun₂ cuë₅₄ ta₁ a₂chi₁liang'₂ dsa₂ mi₂güig₃, jui₁lia'₂ chi₂liáng'₁ ju₄ në₅.

† 4:6 Salmo 91:11-12. ‡ 4:7 Deuteronomio 6:16. § 4:10 Deuteronomio 6:13.

* 4:16 Isaías 9:1-2.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quiong'₅₄.

21 Me'₂ gué₄ ne₄ jui₅ ja₁i₃léin₂ jaun₂, ca₂jín₂ con'₂ gué₄ on₃ dsó₂: Jacobo quian'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñió'₃ ts₁mu₅ qui₂'méi₅ 'má₅ quió'₅, quiaín'₅₄ jmei₂. Jaun₂ ca₂tē₃ Jesús, 22 jaun₂ dsi₂jui₅ le₂jaun₂ bá₄ ca₂tí₂ ts₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quiaín'₅₄ Jesús.

Ca₂jme₃tín₅ Jesús juín₅ lín₃ dsa₂

(Lucas 6:17-19)

23 I₂ñi₅₄ Jesús le₂tan₅₄ 'uē₃ Galilea, qui₂jme₂tín₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ñí₅. Qui₂'ē₂ jág₁ dse₃ jui₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jě₃ ne₅₄ dso₄ 'e₂ niog₅ lín₅ dsa₂. 24 Le₂tan₅₄ 'uē₃ Siria ca₂i₃ág₃ jág₁ 'a₂ lia'₂ lě₅ jmo₅ Jesús ñi₂₃, jaun₂ ca₂o₃ñia₃ dsa₂ ca₂le₃jín₃ dsa₂ i₂le₁quian₅ ca₂le₃jě₃ ne₅₄ jmi₁uig₅, quian'₅₄ jui₁'ein₂ gué₃ i₂qui'₂ uig₅ quió'₅. Ca₂i₁quiaín₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lióin₂ Jesús ca₂le₃jín₃ dsa₂ 'éi₂.

25 Juín₅ lín₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁tě₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uē₃ Judea quian'₅₄ dsa₂ i₂tián'₅ le₂'ño'₅₄ Cuá₃ Jordán ně₃, ca₂jme₃quiong'₅₄ ca₂jme₃quiaín'₅₄ Jesús.

5

Jág₁ a₂ca₂cuē₃ Jesús má'₂

(Lucas 6:20-23)

1 Jín₂ Jesús dsa₂ juín₅ 'éi₂, jaun₂ ca₂uíg₂ caun₂ dsi₂con'₂ ja₁ñei₅ gué₄, jaun₂ ca₂guá₂. Jaun₂ ca₂ñi'₂ dsa₂ i₂quiaín'₅₄ le₃lág'₃ quió'₅. 2 Jaun₂ ca₂jme₃lióg₃ ca₂jme₃tín₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

3 —'E₂ gué₄ dsen₃ jui₁lia'₂ dsa₂ i₂rě₂lí₄ qui₂chi₁quiaín₁₂ jmig₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

4 "E₂ gué₄ dsen₃ jui₁lia'₂ dsa₂ i₂ta'₂ 'lia'₂ dsí₅, ia₁ cuē₃ bá₄ Diú₄ lián'₂ dsí₅.

5 "E₂ gué₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uē₃ bá₄ tñin₅₄, cuē₃ Diú₄.

6 "E₂ gué₄ dsen₃ jui₁lia'₂ dsa₂ i₂ñí₄ lě₃ 'ín₅ dsí₅ jmo₃ a₂'ñio₂ dsí₅ Diú₄, ia₁ lě₂ dsí₅ ně₂jag₄ bá₄ a₂i₁cón'₅, a₂rě₂quein₂ dsí₅ ně₃; ia₁ 'ág'₄ bá₄ dsí₅, jmo₃ Diú₄.

7 "E₂ gué₄ dsen₃ jui₁lia'₂ dsa₂ i₂ñéi₂ dsí₅ dsa₂ sián'₂, ia₁ dsia₃ bá₄ Diú₄ ñéi₂ dsí₅ guoin₅₄.

8 "E₂ gué₄ dsen₃ jui₁lia'₂ dsa₂ i₂qui₂le₁jě₃ dsí₅, ia₁ jín₂ bá₄ Diú₄.

9 "E₂ gué₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chi'₂-guein₂ quiáin₅.

10 "E₂ gué₄ dsen₃ jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂'ñio₂ dsí₅ Diú₄, ia₁ ja₁gon₂ Diú₄ bá₄ ca₂tín₂.

11 "E₂ gué₄ dsen₃ 'nia'₂, jē₁ma₂tě₂ rē₁qui₃jnaú'₂ dsa₂ jág₁, qui₂co₂jmo₂g'₂, a₂juá'₂ ca₂le₃jě₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃ jniá₂; ¹²jmo₄ 'nia'₂ 'io'₂, jui₁le'₁ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂ně₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ě₂ jág₁ quián₅ Diú₄, i₂ma₂ca₂rě₃chán₃ le₂jniá₅ con'₂ gué₄ 'nia'₂.

*Jág₁ a₂jáng'₅ léi₄ jui₁lia'₂ tsi₁ñi₁ quian'₅₄ si₂ a₂tág₅ jin₄ dsa₂ mi₂güig₃
(Marcos 9:50: Lucas 14:34-35)*

13 "Tén'₅ 'nia'₂ ta₁ ne₄ gua'₅₄ 'uě₃ jui₁lia'₂ jmo₅ tsi₁ñi₁ jē₄ má₃. La₁ nē₁jua'₂ ma₂ca₂'en₃ ñi'₅₄ tsi₁ñi₁, ĉ'₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14 'Ján₃ bá₄ rē₂jniá'₁ 'nia'₂ co₂'nió'₄ a₂lín'₅ si₂ quió'₅ dsa₂ mi₂güig₃. Jui₁lia'₂ caun₂ juig₂ a₂niog₅ dsi₂con'₂ tsá₃ lé₂ le₃dsi₃'ma₄, ¹⁵ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. ¹⁶Le₂ně₅ bá₄ 'nia'₂ ně₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ tē₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Néli'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús jui₁lia'₂ 'Éi'₃

17 "Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ gué'₂ jág₁ a₂jme₁jme₂tag₅ dsa₂ i₂jme₁'ě₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂jñiá'₄, tē₂le₃ a₂jme₁'ñia₅ bá₄ jniá₂ guio₃. ¹⁸Ia₁ a₂dsi₂jó'₃ juá'₅ jniá₂, tē₁lia'₂ niog₅ mi₂güig₃, tē₁lia'₂ jniá₂ dsi₄ guei'₅₄ ně₅, 'i₁caun₂ punto, on₃ gué'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rě₃tí₃ ca₂le₃jě₃ a₂niog₅ lé₂. ¹⁹Uig₅₄ jaun₂, jui₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, nē₁jua'₂ le₂jaun₂ jme₁tín₂₃ dsa₂ riin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ jui₁lia'₂ dsa₂ i₂nag₅ gau₂, jme₂tí₃, le₂jaun₂ jme₂tín₂₃ i₂sián'₂ ně₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄. ²⁰Ia₁ a₂dsi₂jó'₃ juá'₅ jniá₂ juíg₂ 'nia'₂, nē₁jua'₂ tsá₃ ca₂jmo'₅₄ 'nia'₂ a₂dse₃ gué₄ con'₂ gué₄ tē₅juá'₅ quian'₅₄ dsa₂ fariseos, lia'₂ o₁líg'₂ jmig₄ tsá₃ lé₂ dsi₁no'₃ 'nia'₂ ja₁gon₂ Diú₄.

*Jme₂tag₅ Jesús jui₁lia'₂ a₂rě₂'ne₂ dsa₂
(Lucas 12:57-59)*

21 'Ma₂ŋi'₅₄ bá₄ 'nia'₂ 'a₂ lia'₂ lě₅ ma₂nág₂ dsa₂ can'₅₄ quián'₂ 'nia': "Tsá₃ jŋíg'₄ dsa₂, * ia₁ nē₁juá'₂ 'ein₂ ca₂ŋi'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂." 22 La₁ jniá₂ juá'₅ juíg₂ 'nia'₂, chi₂juá'₂ 'ein₂ ca₂rē₃'né₃ quián'₅₄ rin'₅₄, † ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃. Ján₃ bá₄ le₂jaun₂ ju₁lia'₂ i₂tē₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ ju₁lia'₂ i₂quian₅ tonto_‡ rin'₅₄, go'₂ 'lián'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, nē₁juá'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, nē₁ca₂dsáu'₃ 'au'₂ tsá₃ 'ei₅ caun₂ jág₁ quián'₅₄ ríng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guě₄ guan'₂ jme₁dsian₅ mi'₅₄ o₂'éi₂ caun₂ jág₁ quián'₅₄ ríng'₂. Jaun₂ guě₄ ŋe'₅₄ táng₃ i₂dsia₄ a₂cuě'₅₄ Diú₄.

25 'Chi₂juá'₂ 'ein₂ 'nio₃ 'nag₃ ne₄ dsi₂tan₅₄, ŋi'₅₄ ta₁ 'nio'₂ jui₅ 'éi₂ caun₂ jág₁ quiain'₅₄ né₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ŋó₅ nē₁ca₂jáng'₂ o₄gú₃ chi'₂ 'í'₅₄; i₂'éi₂ guě₄ ně₃ 'liog'₃ né₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quián'₅₄ dsa₂ on₃juá'₅₄ dsi₂i₂gu₂

27 'Ma₂ŋi'₅₄ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂jŋiás': "Tsá₃ nióg'₄ jág₁ quián'₅₄ dsa₂ on₃juá'₅₄ dsi₂i₂gog'₂." § 28 La₁ jniá₂ guě'₂ juá'₅ juíg₂ 'nia'₂, chi₂juá'₂ 'ein₂ dsi₂jio₅ dsí₅ 'lig'₅₄ qui₂jín₂ jan₂ dsa₂ mí₂, co₂'nió'₄ ma₂nē₂'nióg₂ dso₄ quiong'₅₄ jui₅ tē₂dsí₅.

29 'Nē₁juá'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tion₂g₂; ia₁ dse₃ guě₄ a₂dsi₃'én₂ ca₂jne₄ quiáng'₂, con'₂ guě₄ jme₁o₁'ú'₃ ta₁jang'₂ ja₁'lig'₅₄. 30 Ján₃ bá₄ le₂nē₅ nē₁juá'₂ mi₂gog'₂ jmo₅ a₂tang'₂ dso₄, co₂dsia₅ ti₄, tion₂g₂ uíng₂; ia₁ dse₃ guě₄ a₂dsi₃'én₂ ca₂jne₄ ni₁ŋi'₁ con'₂ guě₄ jme₁o₁'ú'₃ ta₁jang'₂ ja₁'lig'₅₄.

Jme₂tag₅ Jesús ju₁lia'₂ dso₄ a₂tén₂ dsa₂ dsi₂i₂gu₂

(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jŋiás': "Chi₂juá'₂ 'ein₂ ca₂tén₂ dsa₂ mí₂ quián₅, ca₂tíin₂ cho₃ caun₂ si₂ a₂jáng'₅ léi₄ a₂ma₂ca₂tén₂ dsón'₂ riin'₅₄."* 32 La₁ jniá₂ juá'₅ juíg₂ 'nia'₂, chi₂juá'₂ 'ein₂ ca₂tén₂ dsa₂ mí₂ quián₅, on₃juá'₅₄ cha₂ 'uig₅₄, jua'₅₄ a₂ma₂nió'₅ jág₁ quián'₅₄ i₂sián'₂, jmo₂₃ a₂'no₃ 'io₅₄ quián₅ dso₄. Ján₃ bá₄ le₂jaun₂ ju₁lia'₂ dsa₂ ŋe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús ju₁lia'₂ jág₁ a₂'in₅ dsa₂ Diú₄

* 5:21 Éxodo 20:13. † 5:22 A₂lŋn'₅₄ chog₅₄ si₂ juá'₂ ján₃: "on₃juá'₅₄ cha₂ 'uig₅₄."

‡ 5:22 griego: raza; caun₂ jág₁ tē₂'o'₅₄ arameo co₂'nió'₄ a₂juá'₂: "Tsá₃ 'e₂ tio'₅₄ mi₂dsei₂." § 5:27 Éxodo 20:14. * 5:31 Deuteronomio 24:1.

33 'Ma₂nei'₂ bá₄ 'nia'₂ ján₃, 'a₂ lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuē'₅₄ a₂'ing'₅ Te₁gui'₅₄.” 34 La₁ jniá₂ juá'₅ juíg₂ 'nia'₂ tsá₃ 'e₂ 'uig'₅₄ cha₂ jua'₅₄ a₂'ing'₄ Diú₄; tsá₃ 'ě'₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂; 35 on₃ guē'₂ 'ě'₁ gua'₅₄ 'uē₃, ia₁ co₂'nió'₄ ja₁tióng₂ tag₄ bá₄ Diú₄; on₃ guē'₂ 'nió'₅ 'ě'₁ 'nia'₂ Jerusalén, ia₁ juíg₂ quió'₅ Rag₅₄ Juin'₂ bá₄ jaun₂. 36 Tsá₃ lě₁'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁j₁i₂ dsei'₂ 'nia'₂ tsá₃ lé₂ le₃jmó'₂ tiog₂, on₃ guē'₄ a₂lia'₂ ně₃. 37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂'ón₄” 'e₂, ia₁ ně₃jua'₂ 'ein₂ ca₂juá'₂ ŋag₅₄ guē'₄ con'₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús jág₁ ju₁lia'₂ a₂con₂ dsa₂ 'ma'₅₄ ja₁con₂ riin'₅₄
(Lucas 6:29-30)

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂j₁niá₅: “Ně₁jua'₂ 'ein₂ ca₂'én₂ ca₂míg₂ mi₂ne₄ rin'₅₄, le₂jaun₂ bá₄ lé₂'éi'₃ dsi₃'én₂ ca₂míg₂ mi₂ne₄ ju₁lia'₂ i₂ca₂jmo₃ ján₃; o₃ ně₁jua'₂ 'ein₂ ca₂tia'₃ ca₂míg₂ mi₂jan₄ rin'₅₄ ně₃, le₂jaun₂ bá₄ lé₂ táng₃'éi'₃, tiá'₃ ca₂míg₂ quió'₅.”† 39 La₁ jniá₂ guē'₂ juá'₅ juíg₂ 'nia'₂, tsá₃ lě₁nau₂ 'nia'₂ queng'₂ quian'₅₄ dsa₂ 'lin'₅₄. Ně₁jua'₂ 'ein₂ ca₂quein₃ rě₂jog'₂, jein'₅₄ tě₂le₃ ca₂ton₂, ju₁quein₂₃ ta₁tin₃ ton₂. 40 Chi₂jua'₂ 'ein₂ 'nag₅ quiáng'₂, a₂'nio₃ jniá'₂ ni₁tsín'₂, le₂j₁og₅ tsi₁'mi'₂ dsiog₂ qui'₅₄ cuē'₅₄ ju₁quion₂. 41 Ně₁jua'₂ 'ein₂ ca₂chi₃quióng₂ jmig₄ a₂caun'₅₄ li₅₄ caun₂ kilómetro, o₂con₄ tin₃ kilómetros. 42 Ju₁'ein₂ guē'₃ mi₅ 'e₂ mi₅ quiáng'₂ a₂dsi₂, cuē'₅₄; 'a₃ lě₁jein'₅₄ le₃mi₂ca'₅₄ quió'₅.

Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)

43 'Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂j₁niá₅: “Jme₁'nió₄ a₂mei₅₄ quiáng'₂, jme₁'ŋia₅₄ ju₁lia'₂ dsa₂ i₂'iog₅₄.” 44 La₁ jniá₂ guē'₂ juá'₅ juíg₂ 'nia'₂: Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ ju₁lia'₂ dsa₂ i₂co₂'ein₅.‡ 45 Jaun₂ le₂ně₅ bá₄ a₂rě₂jniá'₁ 'nia'₂ a₂líg'₅ chi₂'guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi₂ bá₄ cuē₅ 'iog₂ cuē'₅ lia'₂ dsa₂ 'lin'₅₄ lia'₂ dsa₂ dsen₃; ján₃ bá₄ chein₁₂ jmí₅ cuē'₅ lia'₂ dsa₂ i₂cuin₅ Diú₄ lia'₂ dsa₂ i₂tsá₃ Diú₄ cuin₅ ně₃. 46 Ia₁ ně₃jua'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂j₁og₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂. 47 Chi₂jua'₂ cuín₅ 'nia'₂ Diú₄ jmá'₃ lia'₂ dsa₂ ríng'₂, ¿'e₂ a₂ŋag₅₄ guē'₄ a₂dse₃ jmo'₂ 'nia'₂ ně₁jua'₂ le₂jaun₂? Ia₁ le₂ně₅ bá₄ jmo₅ dsa₂ i₂tsá₃ Diú₄ cuin₅ ján₃.

† 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂ juá'₂: “Jua'₅₄ a₂dse₃ ja₁con₂ ju₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ ju₁lia'₂ dsa₂ i₂'iog₅₄.”

48 Jui₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ jui₁lia'₂
dsen₃ Néi'₅ 'nia'₂ i₂guá'₅ guei'₅₄ i₂juíg'₃.

6

Jme₂tag₅ Jesús jág₁ jui₁lia'₂ a₂jmo₅ dsa₂ dse₃

¹ 'Jmo₄ 'nia'₂ 'í₁ tsá₃ lë₁jmo₂ 'nia'₂ a₂líng'₅ dsa₂ dsen₃ jñia'₅₄ lia'₂
jmá'₃ jë₄ jág₃ dsa₂. Në₁jua'₂ le₂në₅ jmo'₂ 'nia'₂, Néi'₅ 'nia'₂ i₂guá'₅
guei'₅₄ i₂juíg'₃ tsá₃ 'e₂ 'lian'₅₄ 'nia'₂ cuë₃ 'i₁caun₂.

² "Uig₅₄ jaun₂, jë₁ma₂të₂ rë₁jme₁'on'₁ 'nia'₂ 'ein₂ jme₁'ong'₁
jui₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁
jui₁lia'₂ jmo₅ dsa₂ i₂lë₁jmo₅ o₁ne₁ dsi₂néi₂ guá'₅ sinagogas
jui₁lia'₂ jë₄ calles në₃. Jmo₂₃ le₂jaun₂ a₂chein'₂ dse₃ guioin₅₄
ia₁jaun₂ 'ag₃ dsa₂ dse₃; la₁ia₁ a₂të₃dsón'₂ juá'₅ jniá₂ i₂ma₂gue₃
'lian'₅₄ bá₄ i₂le₂'éi₂. ³La₁ 'ne₂ në₃, jë₁ma₂të₂ rë₁jme₁'ong'₁ jui₁lia'₂
'ein₂ jme₁'ong'₁, jmo₄ ca₂lia'₂ jñia'₅₄ a₂mei₅₄ dsen₃ quiáng'₂ tsá₃
ñi₅. ⁴Ja₂lín₃ guë₄ dse₃ jmó'₂ jë₄ të₃co'₅₄. Jaun₂ Néi'₅ i₂jág₅ a₂dse₃
jmo'₂ jë₄ të₃co'₅₄ jaun₂, cuë₃ 'liang'₅₄.*

Jme₂tag₅ Jesús 'a₂ lia'₂ chi₃lén'₂ dsa₂ Diú₄
(Lucas 11:2-4)

⁵ 'Jë₁ma₂të₂ rë₁chi₁lén'₄ 'nia'₂ Diú₄, tsá₃ lë₁jmo₂ 'nia'₂ jui₁lia'₂
jmo₅ dsa₂ i₂lë₁jmo₅-dsáu₅ o₁ne₁, a₂të₅ dsí₅ chi₂lén'₂ Diú₄ të₃
tióin₂ dsi₂néi₂ guá'₅ sinagogas jë₄ calles në₃, ia₁jaun₂ jág₃
dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. ⁶La₁
jë₁ma₂të₂ rë₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂
chi₁lén'₄ 'ne₂ Diú₄ Néi'₅ i₂tsá₃ jniá₂. Jaun₂ në₃ Néi'₅ i₂ñi₅ 'e₂
a₂jmo'₂ jë₄ të₃co'₅₄, cuë₃ 'liang'₅₄.

⁷ 'Jë₁ma₂të₂ rë₁juig'₅₄ Diú₄, tsá₃ jmó'₂ 'nia'₂ jua'₅₄ a₂lë₁të₁'í'₁ jág₁
a₂tsá₃ ta₁ tí₄, jui₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄
të₂le₃ ia₁ a₂'lióng₂ jág₁ juá'₂. ⁸ Tsá₃ lë₁o₁lén'₅₄ 'nia'₂ jui₁lia'₂ lín₅
dsa₂ le₂'éi₂. Ia₁ i₂ma₂ñi₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂
né'₃ guë₄ a₂mí'₁. ⁹ Jaun₂ në₃, le₂la₂ bá₄ juig'₅₄ 'nia'₂ Diú₄:

Tia₅₄ quián₂ jniog₄, 'ne₂ i₂ñéi'₂ guei'₅₄ i₂juíg'₃,
jui₁jme₂go₃ bá₄ dsa₂ a₂rë₂jñió₄ a₂cheng'₂.

¹⁰ Jui₁le₅₄ bá₄ 'éi'₃ quiáng'₂,
jui₁le₅₄ bá₄ a₂'ñio₂ 'au'₂ 'ne₂ ne₄ gua'₅₄ 'uë₃,
jui₁lia'₂ lë₅ guei'₅₄ i₂juíg'₃.

¹¹ Cuë₄ a₂'nió'₅ que₅₄ jnia'₅₄ jmig₄ në₃.

¹² 'Én₃ dso₄ quián₂ jnia'₅₄,
jui₁lia'₂ 'én₅ jnia'₅₄ dsáu₁ rin'₅₄.

¹³ 'A₃ cuë₂ jmig₄ jiá₃ jui₅bí₂ a₂cáun₂ táu₂,

* 6:4 Juá'₂ a₂lín₅₄ chog₅₄ si₂ le₂la₂ ján₃; "të₃ jin₄ juín₅ dsa₂."

tě₂le₃ lio₄ bá₄ o₄gú₃ i₂sě₃dsen₃.†

14 'Ia₁ nē₁jua₂ 'én₅ 'nia₂ dsáu₁ ríng₂ jē₁ma₂'náu₂ dso₄ ja₁cong₂, ján₃ bá₄ le₂jaun₂ Néi₅ 'nia₂ i₂guá₅ guei₅₄ i₂juíg₃ 'éin₂ dsáu₂ 'nia₂ guiong₅₄. 15 La₁ nē₁jua₂ tsá₃ 'éng₅ dsáu₁ ríng₂, ján₃ bá₄ le₂jaun₂ tsá₃ 'én₂ Néi₅ dsáu₂ 'nia₂.

Jme₂tag₅ Jesús jág₁ ju₁lia₂ a₂jme₂'in₅₄ dsa₂

16 'jē₁ma₂tě₂ rē₁jme₁'in₄ 'nia₂, tsá₃ jme₁tsín₄ 'nia₂ o₄-ne₅₄ jua₅₄ a₂jmó₂ lē₁ág₄ 'lia₂ 'au₂ ju₁lia₂ jmo₅ dsa₂ i₂lē₁jmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón₂ bá₄ jme₂'in₅₄. A₂dsi₂jó₃ juá₅ jniá₂, i₂ma₂gue₃ 'lian₅₄ bá₄ 'éi₂. 17 La₁ 'ne₂ ně₃, jē₁ma₂tě₂ rē₁jme₁'ing₄, sió₅ rē₂ dsei₂, rang₂ ne₅₄ ně₃, 18 ia₁jaun₂ tsá₃ 'ein₂ le₃l₄ a₂jme₂'ing₄. Jnia₅₄ lia₂ Néi₅ i₂tsá₃ jniá₂ bá₄ ŋi₅. Jaun₂ Néi₅ i₂jág₅ ca₂le₃jě₃ a₂jmo₂ jē₄ tē₃co₅₄ jaun₂, 'éi₂ bá₄ cuē₃ 'liang₅₄.

Ju₁lia₂ a₂quen₅ lín₃ a₂rē₂'ma₄ guei₅₄ i₂juíg₃

(Lucas 12:33-34)

19 'Tsá₃ lē₁dsia₂ 'nia₂ lo₂ le₁má₂ a₂jmo₂ 'nia₂ a₂quen₅ lín₃ quiáng₂ ne₄ gua₅₄ 'uē₃ la₂, ia₁ ja₁lá₃ ja₁lē₁qui₂rē₂ju₁ tón₅ i₁cá₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas ně₃; ja₁lá₃ bá₄ chan₂ dsa₂ qui₂ju₁in₂₃ 'e₂ qui₂ju₁in₂₃ a₂tóin₅ 'ang₂₃. 20 Guei₅₄ i₂juíg₃ bá₄ 'nió₅ dsiá₁ 'nia₂ lo₂ quiáng₂, ja₁tsá₃ 'e₂ lē₂ jua₅₄ a₂qui₃'én₂ cá₁, on₃ guē₂ 'e₂ rē₂'áu₁, on₃ guē₄ lé₂ dsi₃ton₅₄ 'ang₂. 21 Ia₁ ju₁lia₂ jē₁tio₅₄ a₂quen₅ quiáng₂, ja₁jaun₂ bá₄ 'i₄ a₂'i₅ 'au₂.

Ju₁lia₂ jme₁ne₁ dsa₂

(Lucas 11:34-36)

22 'Lě₅ jme₁ne₁ dsa₂ ju₁lia₂ lě₅ caun₂ si₂ ni₁tsí₅ quió₅ ni₁ŋi₁ dsa₂; 'uig₅₄ jaun₂ ně₃, nē₁jua₂ dse₃ jme₁ne₁, ján₃ bá₄ le₂jaun₂ co₂'nió₄ tág₅ bá₄ si₂ ta₁jang₂; 23 la₁ nē₁jua₂ tsá₃ dse₃ jme₁ne₁, ta₁jang₂ bá₄ lě₅ qui₁né₃. Nē₁jua₂ si₂ quiáng₂ ně₃, chí₅ chí₁liá₃, i₁'e₂ guē₄ 'ŋio₅ juē₂ lě₅ qui₁né₃ nē₁jua₂ le₂jaun₂!

Ju₁lia₂ a₂'nio₃ dsa₂ Diú₄, a₂'in₅ guē₂ dsí₅ cu₄ ně₃

(Lucas 16:13)

24 "I₁jan₂ tsá₃ 'ein₂ lē₂ jme₃ti₃ ta₁ ne₄ on₃ ju₁ig₅₄; ia₁ jme₃'ŋiai₅₄ jan₂, i₂jan₂ guē₂ jme₃'nio₃. O₃ náu₃ tiá₂ quian₅₄ jan₂, i₂jan₂ guē₂ tsá₃ le₃jein₅₄. Tsá₃ 'ein₂ lē₂ jme₃ti₃ ne₄ Diú₄, le₂jiog₅ ne₄ a₂'in₅ dsí₅ cu₄ ně₃.

Jmo₅ Diú₄ 'i₁ chí₂-guein₂ quiáin₅

(Lucas 12:22-31)

† 6:13 A₂lín₅₄ chog₅₄ si₂ juá₂: "lio₄ bá₄ jnia₅₄ ne₄ a₂'lig₅₄;" a₂siá₂ juá₂ bá₄ ján₃: "ia₁ 'ne₂ bá₄ ca₂ting₂ gong₂, qui₂dsi₂ 'éi₃, a₂jme₃juag₂ dsa₂ ně₃, co₂tan₅₄."

25 'Jaun₂ ně₃ juíg₂ jniá₂ 'nia'₂: Tsá₃ lē₁ can₂ 'nia'₂ o₂i₁ dsi₅ jua'₅₄ a₂ŋ₄'_{i₅} 'au'₂ 'e₂ quē'₅₄, o₃ 'e₂ 'ag'₅₄ tē₁ lia'₂ chang'₂, on₃ guē'₂ o₄ quió'₄ ni₁ ŋ₁'₁ 'nia'₂, 'e₂ 'mi'₂ a₂ qui'₅₄. ¿Tsa₁ quen₅ guē'₄ jme₂ dsi₂ a₂ chan₂ dsa₂ lia'₂ con'₂ guē'₄ má₃? 26 Jīn₄ de'₂ 'nia'₂ ju₁ lia'₂ i₁ tan₅ i₂ i₂ nio₄ guei'₅₄: tsá₃ 'e₂ jne₂₃, on₃ guē'₂ 'e₂ cág'₅, jua'₅₄ a₂ dsia₂₃ lo'₂; la₁ Néi'₅ 'nia'₂ i₂ guá₅ guei'₅₄ i₂ juíg₃ qui₂ jme₂ tau₅₄. Jaun₂ ně₃, ¿Tsa₁ quen'₅ guē'₄ 'nia'₂ lia'₂ con'₂ guē'₄ já'₂ 'éi₂? 27 ¿'Ein₂ 'nia'₂, tē₂ le₃ ia₁ a₂ ŋ₄'_{i₅} 'au'₂, lé₂ le₃ jmó'₂ 'nia'₂ a₂ lé₂ le₃ chang'₂ caun₂ hora ŋag₅₄ guē'₄?‡

28 ¿'E₂ 'uig'₅₄ a₂ ŋ₄'_{i₅} lē₃ 'i₅ 'au'₂ 'nia'₂ ju₁ lia'₂ o₄ quió'₄ 'mi'₂ a₂ qui'₅₄? Jag₄ de'₂ 'nia'₂ ju₁ lia'₂ 'a₂ lia'₂ dsi₂ cón₃ lí₁ a₂ cha₂ ja₁ nau₂; on₃ jua'₅₄ i₂ jmo₅ ta₁ 'ua'₂, on₃ guē'₂ 'me₂₃; 29 la₁ juíg₂ jniá₂ 'nia'₂, ca₂ lia'₂ ŋjia'₅₄ Rag₅₄ Salomón lia'₂ con'₂ jme₁ qui'₅ tsin'₅₄ a₂ jlá'₁ guē'₄, tsá₃ ca₂ rē₃ jláin'₁ ju₁ lia'₂ jlá'₁ lí₁. 30 Jaun₂ ně₃, chi₂ jua'₂ Diú₄ le₂ ně₅ jmo₂₃ jlá'₁ nau₂ a₂ cha₂ jmig₄ ně₃, la₁ 'ióg₃ guē'₂ dsi₃ 'én₂ dsi₂ si₂, i'₂ guē'₄ bá₄ 'nia'₂ dsa₂ tsá₃ līn₄ 'én₂ jmo₃ 'í₁ qui₃ chein'₃ 'nia'₂ dse₃! 31 Jaun₂ le₂ ně₅, tsá₃ lē₁ can₂ 'nia'₂ o₂i₁ dsi₅, jua'₅₄ a₂ qui₁ ŋag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mi'₂ qui'₅₄ jniog₄?” 32 Ia₁ dsa₂ mi₂ güig₃ bá₄ i₂ nio₄ qui₂ 'en₅ 'ín₅ dsi₅ ca₂ le₃ jě₃ a₂ ně₅. I₂ ŋi₅ bá₄ Néi'₅ 'nia'₂ i₂ guá₅ guei'₅₄, a₂ 'nió'₅ quián'₂ 'nia'₂ le₃ jě₃ a₂ ně₅. 33 La₁ jmo₄ de'₂ ŋjia₅ 'nia'₂ 'ín₅ 'au'₂ a₂ jia₃ 'éi'₃ quió'₅ Diú₄ ja₁ cong'₂, quian'₅₄ a₂ jmó'₂ 'nia'₂ ca₂ le₃ jě₃ a₂ dse₃ a₂ tē₅ dsi₅ 'éi₂, jaun₂ guē'₄ guéi'₁ 'nia'₂ le₃ jě₃ a₂ ně₅ a₂ ŋag₅₄ guē'₄. 34 Tsá₃ lē₁ can₂ 'nia'₂ o₂i₁ dsi₅ jaun₂, o₄ quió'₄ jmig₄ 'ióg₃, ia₁ jma₃ quen₅ o₂i₁ dsi₅ cha₂ bá₄ lia'₂ co₂ jmig₄ lia'₂ co₂ jmig₄.

7

Tsá₃ lē₁ cáun₂ 'nia'₂ 'í₁ quió'₅ i₂ sián'₂
(Lucas 6:37-38, 41—42)

1 'Tsá₃ lē₁ cáun₂ 'nia'₂ 'í₁ quió'₅ ríng'₂, ia₁ jaun₂ tsá₃ con₂ Diú₄ 'í₁ ja₁ con'₂ 'nia'₂ guiong'₅₄. 2 Ia₁ le₂ ně₅ bá₄ con₂ Diú₄ 'í₁ ja₁ con'₂ 'nia'₂ guiong'₅₄ ju₁ lia'₂ cáun'₂ 'nia'₂ 'í₁ ja₁ con₂ ríng'₂. Quian'₅₄ 'éi'₃ a₂ dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

3 ¿'A₂ lia'₂ jniag'₃ 'ne₂ jag'₅₄ jme₁ qui₅ pí'₁ a₂ 'i₄ jme₁ ne₁ ríng'₂, ton'₂ tsá₃ leng'₅₄ guē'₂ a₂ 'i₄ ca₂ 'nau₅₄ ni₁ chá₅ pa₁ jme₁ ne₁ 'ŋiag'₂? 4 ¿O₃ 'a₂ lia'₂ lé₂ le₃ juig'₅₄ ríng'₂: “Cuē₄ jmig₄ dsi₄ jniá₂ jme₁ qui₅ pí'₁ a₂ 'i₄ jme₁ ne₁,” ton'₂ ně₅ bá₄ chi₁ 'i₁ ca₂ 'nau₅₄ ni₁ 'ma₂ chá₅ jme₁ ne₁ 'ŋiag'₂? 5 i'Ne₂ dsa₂ i₂ lē₁ jmo₅ o₁ ne₁! Dsi₄ de'₂ jniá₅ ni₁ 'ma₂ chá₅ mi₂ ne₅₄ 'ŋiag'₂, jaun₂ guē'₄ lé₂ le₃ jag'₅₄ rē₂, jaun₂ guē'₄ lé₂ dsi'₁ qui₅ pí'₁ jme₁ ne₁ ríng'₂.

‡ 6:27 A₂ līn₅₄ chog₅₄ si₂ juá'₂: “a₂ lé₂ le₃ con'₅₄ 'nia'₂ caun₂ lē₂.”

6 'Tsá₃ cuë'₂ 'nia'₂ ju₁lia'₂ dsi₂ji'₅₄ a₂lě₅ a₂jñi₅ quió'₅ jme₂dsí₂,
ia₁ con'₂ tsá₃ ñó₅ nē₁jua'₂ ja₂dsi_{in}₂ a₂jmo₃ le₁juig₁ quiáng'₂. Ján₃
bá₄ tsá₃ dsia₂ 'nia'₂ ju₁lia'₂ mǐg₂ jlá'₁ a₂quen₅ quiáng'₂ ne₄ i₁ñí₅,
con'₂ tsá₃ ñó₅ nē₁jua'₂ qui₂ca₂tsó'₃, jme₃'ióg₃.

Ju₁lia'₂ dsa₂ i₂mi₅, i₂'no'₂, i₂tě₂ nē₃.

(Lucas 11:9-13; 6:31)

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄
dsiang'₂; té₃ 'nia'₂ o₄'né₄, jaun₂ bá₄ niá₂. 8 Ia₁ ju₁lia'₂ i₂mi₅,
gue₃ bá₄; ju₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅
ju₁lia'₂ i₂tě₂ o₄'né₄, niá₂ bá₄.

9 '¿O₃ chan₂ ju₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ñí'₄,
cuë'₂ 'nia'₂ ca₂mǐg₂ ni₁cang'? 10 ¿O₃ chan'₂ 'nia'₂ jē₁ma₂ca₂mi₃
chi'₂ quiáng'₂ quió'₅ ju₄, cu₁in'₄ 'nia'₂ dsi₂mi'₂? 11 Jaun₂ nē₃,
chi₂jua'₂ 'nia'₂ dsa₂ i₂rě₂cán'₄ dso₄ tǐng'₂ cuë'₂ cosa dse₃ chi'₂-
guein₂ quiáng'₂, i'ě₂ guě₄ bá₄ Néi'₅ 'nia'₂ i₂guá₅ guei'₅₄ cuë₃ a₂dse₃
cuë'₃ ju₁lia'₂ i₂mi₅ ja₁coin₂!

12 "Ui₅₄ jaun₂ nē₃, jmo₄ bá₄ 'nia'₂ quian'₅₄ dsa₂ mi₂güig₃ rǐng'₂
ju₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂nē₅ bá₄
ta₁ quí'₅ ca₂le₃jě₃ Si₂ 'Éi'₃, quian'₅₄ guě₄ Si₂ a₂qui₂ca₂jmo₃ dsa₂
i₂jme₁'ě₂ jág₁ quián₅ Diú₄.

O₄ju₁ dsag₂

(Lucas 13:24)

13 'Tión'₂ 'nia'₂ tē₂le₃ o₄ju₁ dsag₂. Ia₁ a₂'i₂ juě'₂ bá₄ ja₁dsi₂ton'₅₄
dsa₂ ju₁ a₂jio₅ ja₁dsi₃'éin₂. Ja₂lin₃ guě₄ juin₅ dsa₂ i₂dsi₂ton'₅₄
ju₁ jaun₂; 14 ia₁ caun₂ o₄ju₁ dsag₂ rě₂quí'₅ bá₄ ja₁i₂nio₄ dsa₂
a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅ i₂dso'₂ ju₁
jaun₂.

Tē₂le₃ quian'₅₄ mǐg₂ a₂'ag₅ bá₄ ni₁'ma₂, jáng'₅ léi₄

(Lucas 6:43-44)

15 'Jmo₄ 'nia'₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ě₂ jág₁
a₂ju₁gain₂, i₂ja₂lén₂ ja₁con'₂ 'nia'₂ qui₂rě₂lin₅₄ a₂lǐn₅ já'₂ cha'₂,
la₁ tē₂le₃ né'₃ tē₂dsí₅ lǐn₅ ju₁lia'₂ lǐn₅ dsi₂ji'₅₄ náu₂ tsau₂ dsí₅.
16 La₁ tē₂le₃ 'a₂ lia'₂ jmo₅-dsáu₅ bá₄ le₃cu₁in'₂ 'nia'₂; ia₁ tsá₃ guei'₅₄
chi₁u₁ng₃ taun₅ quin₅ dsa₂ ju₁lia'₂ mǐg₂ uvas. On₃ guě'₂ lé₂
le₃quin₃ dsa₂ mǐg₂ higos guei'₅₄ 'ma₂ taun₅ jmi'₅₄. 17 Jaun₂ nē₃,
ca₂le₃jě₃ 'ma₂ dse₃, mǐg₂ dse₃ bá₄ 'ag₅; ján₃ bá₄ le₂jaun₂ ju₁lia'₂
ni₁'ma₂ 'lig'₅₄, mǐg₂ 'lig'₅₄ bá₄ 'ag₅. 18 Ju₁lia'₂ ni₁'ma₂ dse₃, tsá₃
lé₂ le₃'ag₃ mǐg₂ 'lig'₅₄; ján₃ guě'₂ le₂jaun₂ tsá₃ lé₂ le₃'ag₃ mǐg₂ dse₃
ju₁lia'₂ ni₁'ma₂ 'lig'₅₄. 19 Ca₂le₃jě₃ ni₁'ma₂ a₂tsá₃ 'ag₅ mǐg₂ dse₃,
jn₁ia'₅₄ lia'₂ a₂u₁in'₂ bá₄, dsi'₂ dsi₂si₂. 20 Jaun₂ le₂nē₅ bá₄ le₃cu₁in'₂
'nia'₂; tē₂le₃ 'a₂ lia'₂ lě₅ jmo₂₃.

*Tsá₃ ca₂le₃jín₃ tín'₄ ja₁gon₂ Diú₄.
(Lucas 13:25-27)*

21 *Tsá₃ ca₂le₃jín₃ i₂tě₂ jniá₂: “Te₁gui'₅₄, Te₁gui'₅₄,” dsi₁lein₅ gwei'₅₄ i₂juíg₃ ja₁gon₂ Diú₄; jnia'₅₄ lia'₂ jmá'₃ i₂jmo₅ a₂ñio₂ dsí₅ Ne'₃ i₂guá₅ gwei'₅₄ bá₄ dsi₁len₅. 22 Juin₅ dsa₂ lé₂ jmig₄ jaun₂ i₂juá'₂ tság₃ jniá₂: “Te₁gui'₅₄, Te₁gui'₅₄, ma₂qui₂ca₂'ě₄ jnia'₅₄ jág₁ o₄quián'₂ 'ne₂. Quian'₅₄ bí₂'éi'₃ quiáng'₂ ně₃, ma₂qui₂ma₂'uin'₅₄ jnia'₅₄ je₂na'₅₄, ma₂qui₂ma₂jmo₁ jnia'₅₄ 'lióng₂ léi₄ juě'₂ ně₃.” 23 La₁ jaun₂ guě₄ ně₃ juig₅₄ jniá₂: “O₁líg'₂ tsá₃ 'nia'₂ ca₂rě₃cuíng₅. Cau₅ jnia'₃ 'nia'₂ i₂jmo'₂ a₂'lig'₅₄.”*

*Ta₁tín₃ ne₅₄ 'uig'₅₄
(Marcos 1:22; Lucas 6:47-49)*

24 *Jaun₂ ně₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia'₂ lín₅ jan₂ dsa₂ i₂ñí'₂ dsí₅ i₂ca₂jmo₃'ne₄ ne₄ 'lau₂. 25 Ca₂já₃ jmí₅, qui₂ca₂juě'₂ jmig₂ cuá₃, ca₂'ág₂ dsí₂ tiá₂ lín₃ ca₂jná₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig'₅₄ ne₄ 'lau₂. 26 La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guě'₂ a₂juíg₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chí'₃ 'né₅ quió'₅ ne₄ ti₁tsag₁. 27 Jme₁ca₂já₃ jmí₅, ca₂juě'₂ jmig₂ cuá₃, ca₂'ág₂ dsí₂ tiá₂ ca₂jná₃ dso'₂ tsi₁'né₅ jaun₂; jaun₂ ca₂qui'₃ ca₂gon₃ gau₂ lín₃.*

28 *Jme₁ca₂lě₃ juá'₂ Jesús jág₁ le₂ně₅, 'ñio₅ lín₃ qui₂dsi₂gó'₃ dsí₅ dsa₂ 'a₂ lia'₂ lě₅ jág₁ a₂jme₂tag₂₃, 29 ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂, on₃juá'₅₄ rě'₂ lia'₂ tě₅juá'₅ quián₅.*

8

*Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅
(Marcos 1:40; Lucas 5:12-16)*

1 *Jme₁ca₂sión₃ Jesús má'₂, juin₅ lín₃ dsa₂ jme₂quiong'₅₄. 2 Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅ 'iog₅, ca₂chi₃jnë₃ ne₄ Jesús, jaun₂ ca₂juá'₂:*

—*Chi₂juá'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄ jniá₂.*

3 *Jaun₂ Jesús ně₃ ca₂néi'₃ gu₂, ca₂jña'₃ quió'₅ dsa₂ 'éi₂, jaun₂ ca₂juá'₂:*

—*'Nio₃ bá₄ jniá₂. Jme₁'liong₅₄ 'ne₂.*

Dsi₂jui₅ jme₁ca₂juá'₂ le₂ně₅, ca₂'lón₂ dsa₂ 'éi₂ 'mé'₅ 'iog₅ a₂jme₁lín₄. 4 Jaun₂ ca₂juá'₂ Jesús:

—*Ně₃ jaun₂, tsá₃ lě₁'ein₂ juig'₂ 'i₁jan₂; jnia'₅₄ lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lě₅ 'Éi'₃ quió'₅ Moisés, ia₁jaun₂ le₃ñi₅ dsa₂ a₂ma₂le₁jíng'₃.**

* 8:4 'Í₂ Levítico 14.

'A₂ lia'₂ jme'₁ én₂ jan₂ juig₅₄ 'lióg₂ romano
(Lucas 7:1-10)

⁵ Jme₁ca₂'í₃ Jesús jë₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ ñág₅ uig₅ ja₁quió₃; a₂'ua'₂ quió'₅, tsá₃ lé₂ jë'₂ gu₂-tag₅₄. ⁷ Jaun₂ ca₂juá'₂ Jesús:

—Nei₅₄ bá₄ jniá'₂ i₁jme₁'loin₁₂.

⁸ Jaun₂ ca₂ñag₃ juig₅₄ 'lióg₂:

—Te₁gui'₅₄, tsá₃ ca₂tín₂ jniá'₂ jua'₅₄ o₁'ú'₃ 'ne₂ dsi₂néi₂ quió₃; jnia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂në₅ bá₄ jniá'₂ 'ñi₃, chéng'₅ a₂jme₂ti₅₄ 'éi'₃ quió'₅ juig₃, ján₃ bá₄ le₂në₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá'₂ lé₂. Në₁jua'₂ ca₂juig₂ jniá': "Gua₂ jó", ja₁jaun₂ dsó₃ bá₄; në₁jua'₂ ca₂juig₂ jniá'₂ i₂sián'₂ guë'₂ táng₃: "Ñia₅", jiá₃ bá₄. Në₁jua'₂ ca₂juig₂ jniá'₂ dsa₂ sián'₂ quiáng₃: "O₂jmo₄ a₂la₂ a₂ó₃", a₂jaun₂ dsi₃jmó'₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quian'₅₄:

—A₂dsi₂jó'₃ juá'₅ jniá'₂ juig₂ 'nia'₂, ca₂lia'₂ 'i₁jan₂ dsa₂ juig₂ Israel, tsá₃ i₂ma₂jín₄ jniá'₂ i₂'én₂ guë'₄ lín₃ lia'₂ 'én₂ dsa₂ la₂. ¹¹ Jniá'₂ juig₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uë₃, a₂tian'₃ co₂lë₅ guë'₃ quian'₅₄ Abraham, quian'₅₄ Isaac, Jacob në₃ ja₁gon₂ Diú₄ guei'₅₄ i₂juig₃; ¹² la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jë₄ qui₁né'₃ uíng₂, qui₂dsi₃'áu₃, quíg'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lë₅ 'éng'₂.

Dsón'₂ rë'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

Ca₂jme₃'lión₂ Jesús ma₂chog₅₄ Pe₄.

(Marcos 1:29-31; Lucas 4:38-39)

¹⁴ Co₂ráun₂ ñó₃ Jesús ja₁quió'₄ Pe₄. Ja₁jaun₂ jme₁rë₂quian₅ ma₂chog₅₄ Pe₄ a₂dso'₅₄ 'i₄ dséi₂. ¹⁵ Jaun₂ ca₂ñja'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

Ca₂jme₃'lión₂ Jesús juin₅ lín₃ dsa₂ dso'₅₄

(Marcos 1:32-34; Lucas 4:40-41)

¹⁶ Le₃ca₂nei₂ jaun₂, juin₅ lín₃ dsa₂ i₂jio₅ jme₂dsí₂ je₂na'₅₄, ca₂o₃jñia₃ dsa₂ ne₄ Jesús; jaun₂ quian'₅₄ ca₂jón₄ jág₁ bá₄ ca₂'uín'₂ jme₂dsí₂ 'lín'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄. ¹⁷ Le₂në₅ bá₄ ca₂rë₃ti₃ jág₁ quió'₅ Isaías i₂jme₁'ë₂ jág₁ o₄quió'₄ Diú₄ jme₁ca₂juá'₂:

'Éi₂ bá₄ ca₂jñiá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

Dsa₂ i₂jme₁'nio₃jme₃quian'₅₄ Jesús
(Lucas 9:57-62)

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ñí₃ dsa₂ quiáin₅ të₂le₃ 'ño'₅₄ jmi₁ñí'₄. 19 Jaun₂ ca₂jme₃quián₃ jan₂ të₅juá'₅ coin₂, jaun₂ ca₂juá'₂:

—Të₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ñag₃ Jesús:

—I₂cha₂ të₂'lau₂ quió'₅ bá₄ jui₁lia'₂ i₁güi₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güig₃ ně₃, tsá₃ ja₁cha₂ jua'₅₄ ja₁quióg₃ ca₂tiá₂.

21 Jan₂ guè'₂ i₂sián'₂ i₂jme₁ma₂ñó₅ quiong'₅₄ ca₂juá'₂:

—Te₁gui'₅₄, ĸtsa₁ cuě'₁ jmi₄ a₂nég'₄ i₁'ong₃ de'₂ jniá₅ ñe'₃?

22 La₁ ca₂ñag₃ Jesús:

—Éin₃ 'ne₂ jniá₂, ju₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jmi₁ñí'₄, ca₂ñia'₃ dsí₂ ně₃
(Marcos 4:35-41; Lucas 8:22-25)

23 Jaun₂ ně₃, ca₂'í₃ Jesús 'ñió'₃ tsi₁mu₅, quian'₅₄ dsa₂ i₂ma₂quiain'₅₄. 24 Jme₁ma₂tioin'₅₄ ne₄ jmi₂g₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmi₂g₂ 'ñió'₃ tsi₁mu₅. La₁ jme₁rë₂güin₃ bá₄ Jesús ñó₅. 25 Jaun₂ ca₂i₁ñei₅₄ bá₄ dsa₂ quiáin₅, jaun₂ ca₂juá'₂:

—iTe₁gui'₅₄, lió₄! i₁la₁ dsi₃'éin₂ jnia'₅₄† ja₁lá₃!

26 Jaun₂ ca₂ñag₃ Jesús:

—ĸ'E₂ lë₃ ñí₄ lë₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmi₁ñí'₄ ně₃, jaun₂ co₂ñei'₅₄ ca₂të₁tsi'₅₄ táng₃ tei₄. 27 Jaun₂ ca₂i₃gó'₃ dsí₅ dsa₂, qui₂ca₂ñi'₃ riin'₅₄:

—ĸI₂'ein₂ bá₄ dsa₂ ně₅, le₂jio₅ dsí₂ le₂jio₅ jmi₁ñí'₄ nag₅ gau₂ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ të₂dsí₅
(Marcos 5:1-20; Lucas 8:26-39)

28 Jme₂ca₂dsióg₃ Jesús le₃ca₂ton₂ jmi₁ñí'₄, të₂le₃ 'uë₃ Gadara, § jaun₂ ca₂'uin₂ on₃ dsa₂ jë₄ le₁'on₅ 'lag₄, jaun₂ ca₂jme₃quiáin₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ñio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂ le₃ñí₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—ĸ'E₂ 'uig₅₄ tián'₅ 'ne₂ jë₄ quian'₅₄ jnia'₅₄, Jesús Ja₁ñi'₅₄ Diú₄? ĸA₂ñe'₃ 'ne₂ ja₁lá₃ a₂jmog'₅₄ jnia'₅₄ të₃jñiá₅?

30 Me'₂ cau₅ jaun₂, jme₁tion'₅₄ juin₅ i₁ñí₅ guě'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ñí₅ 'o₃.

† 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guè'₂ ně₃, juá'₂: “Gergesa.”

32 Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ të₂dsí₅ dsa₂ 'éi₂, jaun₂ ca₂i₃toin'₅₄ të₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ jui₅ siá₅, jaun₂ ca₂i₁sein'₃ të₂ jm₁ñí'₄. Ja₁jaun₂ ca₂dsain₃ ca₂'in'₃ jmig₂.

33 Dsa₂ i₂jme₁jmo₅ 'í₁ i₁ñí₅ ně₃ ca₂cuing₃. Jme₁dsi₃lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ ně₃. 34 Ca₂le₃jín₃ dsa₂ chan₂ juig₂ jaun₂ ně₃ ca₂'u₁in₂ i₁lén₂ ja₁'en'₅₄ Jesús. Jaun₂ jme₁ca₂jín₂ Jesús ně₃, ca₂chi₃quióng₂ jmig₄ a₂o₃'i₁n₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂

(Marcos 2:1-12; Lucas 5:17-26)

1 Jaun₂ ca₂'í₃ Jesús 'ñio'₃ tsi₁mu₅, ca₂ñí₃ le₃'ño'₅₄ jm₁ñí'₄, jaun₂ ca₂dsiáin'₃ juig₂ ja₁jme₁guá₄. 2 Jaun₂ ca₂o₃ñia₃ dsa₂ jan₂ dsa₂ 'lian'₂, dsíin₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lián'₂ 'au'₂, jón₃; ma₂rë₂'én₄ bá₄ dsáu'₂.

3 Jaun₂ ca₂i₃jio₅ dsí₅ i₂lin₅₄ të₅juá'₅: “A₂'in₅ 'lig'₅₄ Diú₄ bá₄ i₂në₅ a₂juá'₂ le₂në₅.”

4 La₁ i₂ñi₅ rë₂ bá₄ Jesús a₂dsi₂jio₅ dsí₅ dsa₂ 'éi₂, jaun₂ ca₂juá'₂: —¿'E₂ lë₃ dsi₂jio₅ 'au'₂ 'nia'₂ 'lig'₅₄ le₂në₅? 5 ¿Na₂ a₂'ua₁ guë₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rë₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?” 6 Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂qui₃'éin₂ dsáu₁ dsa₂.

Jaun₂ guë₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

7 Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. 8 Jme₁ca₂jág₃ dsa₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuë₃ bí₂ jaun₂ ma₂cuë'₃ jan₂ dsa₂ mi₂güig₃.

Ca₂të'₃ Jesús Mateo

(Marcos 2:13-17; Lucas 5:27-32)

9 Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Të₅₄, ca₂jme₃quiong'₅₄.

10 Ca₂lë₃ jme₁ma₂'en₅₄ Jesús guë'₅ dsi₂néi₂ quió'₅ Të₅₄, ca₂dsi₃lén₂ juin₅ guë₄ dsa₂ i₂cán₂ cu₄ ríin'₅₄, dsa₂ “i₂le₁cán'₄ dso₄” sián'₂ guë₄ ně₃, ca₂i₃toin'₅₄ i₁guë'₂ quiaín'₅₄ Jesús, quiaín'₅₄

dsa₂ i₂ma₂quaiain'₅₄ ně₃. ¹¹ Dsa₂ fariseos ně₃, jme₁ca₂jág₃ a₂ně₅, jaun₂ ca₂ñi'₃ dsa₂ quián₅ Jesús:

—¿A₂ lia'₂ gué'₅ tē₅ quián'₂ 'nia'₂ co₂lě₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₁le₁ág₄ dse₃ dsí₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂jein₅ jág₁ la₂ tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ñé₂ 'au'₂ dsa₂ mi₂güí₃ ríng'₂, on₃jua'₅₄ rē'₂ a₂jñia'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá₂ jua'₅₄ a₂tě₄ dsa₂ dsen₃; a₂tě₄ dsa₂ i₂le₁cán'₄ dso₄ bá₄ jniá₂ guio₃.

*Ca₂ñi'₃ dsa₂ Jesús jui₁lia'₂ jág₁ a₂jme₂'in₅₄ dsa₂
(Marcos 2:18-22; Lucas 5:33-39)*

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmig₂ ca₂jme₃quián₃ ne₄ Jesús, jaun₂ ca₂ñag₃:

—¿A₂ lia'₂ jme₂'in₅₄ bá₄ dsa₂ fariseos, le₂jaun₂ gué'₂ jnia'₅₄ ně₃, la₁ dsa₂ i₂quian'₅₄ 'ne₂ gué'₂ tsá₃ jme₂'in₅₄?

¹⁵ Jaun₂ ca₂ñag₃ Jesús:

—¿Lé₂ le₃tón'₃ 'lia'₂ dsí₅ jui₁lia'₂ dsa₂ i₂té₁ ja₁nio₅ jmig₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ gué'₂ dsa₂ ñe'₂ i₂jen'₂ gu₂? Já₅ jmig₄ jě₁tsá₃ ma₃dsa₂ i₂jen'₂ gu₂ 'é₂ chan₂ lé₂; jaun₂ gué₄ tóin'₃ jme₃'in₅₄.

¹⁶ 'Ma₁ tsá₃ 'ein₂ tin₂ tíong₅ tsi₁'mí'₂ gui'₅₄ quian'₅₄ 'nau₅₄ tsi₁'mí'₂ 'mí'₂. Ia₁ dsán'₅ tsi₁'mí'₂ 'mí'₂, jaun₂ jué'₂ gué₄ ja₁gag₂ lě₂.

¹⁷ Ján₃ bá₄ le₂jaun₂ tsá₃ tia'₂ dsa₂ vino 'mí'₂ 'ñió'₃ ni₁lau₂ gui'₅₄, ia₁ ne'₂. Ně₅ bá₄ téin₃ vino, ton'₂ dsi₃'én₂ ni₁lau₂ ně₃ ně₃jua'₂ ca₂jmo₃ dsa₂ le₂jaun₂. Jaun₂ lě₃, 'ñió'₃ lau₂ 'mí'₂ bá₄ 'nió'₅ tia'₃ dsa₂ vino 'mí'₂, ia₁jaun₂ le₃tin₃ bá₄ lě₂ 'í₁.

*Ja₁mí₄ Jairo, quian'₅₄ 'io₅₄ i₂ca₂ñi'₃ tsin'₅₄ Jesús
(Marcos 5:21-43; Lucas 8:40-56)*

¹⁸ Tě₃ 'en₅₄ Jesús dsia₂₃ jág₁, jme₁ca₂dsióg₃ jan₂ i₂nio₅ gu₂ guá'₅ sinagoga. Ca₂chi₃jnë₃ ne₄ Jesús, jaun₂ ca₂juá'₂:

—Lia'₂ ca₂jon₃† jan₂ chi'₂ dsa₂ mí'₂ quiáng₃. La₁ ně₃jua'₂ gog'₅₄ 'ne₂ quian'₅₄ jniá₂ o₁quiog'₂ gog'₂ ne₄ quió'₅, le₃chain₂ bá₄ táng₃.

¹⁹ Jaun₂ ca₂nau₂ Jesús, jaun₂ ca₂ñó₃ quaiain'₅₄ dsa₂ 'é₂, lia'₂ jma₃quaiain'₅₄ dsa₂ i₂ma₂ja₂lén₂ quiong'₅₄. ²⁰ Tě₃jě₄ jaun₂, ñó₃ jan₂ dsa₂ mí'₂ i₂dso'₅₄ ma₂guia₃-tín₂ ñi₂ a₂tiin₂. Ca₂jme₃quián₃ tē₂le₃ chi₁co'₅₄ quió'₅ Jesús, jaun₂ ca₂ñí'₂ chei'₅₄ tsin'₅₄ 'é₂. ²¹ Ia₁ líin₂: “Tsá₃ nag₅₄ ně₃jua'₂ jñia'₅₄ níng'₄ ca₂juig₄ tsin'₅₄, jñia₃ quió₃.”

²² Jaun₂ ca₂jen'₃ Jesús, ca₂jín₂ 'io₅₄, jaun₂ ca₂juá'₂:

—Jmo₄ lián'₂ 'au'₂, jón₃. Ma₂'lóng'₂ bá₄, ia₁ 'éng'₂.

* 9:13 Oseas 6:6. † 9:18 o₃, “ma₂i₁jón₂”, lě₂ le₃jein₃ jág₁.

Dsi₂jui₅ le₂jaun₂ bá₄ ca₂jñia₃ co₂ñei'₅₄ quió'₅.

²³ Jme₁ca₂dsióg₃ Jesús ja₁quió'₄ dsa₂ juig₅₄ sinagoga 'éi₂, jaun₂ ca₂jág₃ ma₂tion'₅₄ dsa₂ i₂jmo₅ son₅₄, ma₂tion'₅₄ dsa₂ juin₅ go₂'i₃ nē₃, qui'₂-o₂₃. ²⁴ Jaun₂ ca₂juá'₂:

—U'in'₂ 'nia'₂ ja₁lá₃; tsá₃ rē₂jon₅₄ i₂bē'₅₄ nē₅. Jñia'₅₄ lia'₂ a₂rē₂güin₃ bá₄.

La₁ jñia'₅₄ ca₂ñág₂ bá₄ dsa₂. ²⁵ Jme₁ma₂'uin'₂ dsa₂, jaun₂ ca₂'í₃ Jesús dsi₂néi₂, ca₂jña'₃ mi₂gu₂ i₂bē'₅₄, jaun₂ ca₂nau₂ bá₄ 'éi₂. ²⁶ Ca₂le₂con₂ juig₂ tio'₅₄ 'uē₃ jaun₂, ca₂i₃'ág₃ jág₁ a₂ca₂lē₃ jaun₂.

Ca₂jme₃'lión₂ Jesús on₃ dsa₂ ten₄

²⁷ Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂léin₂ tē₂ tiá₂:

—i₂Dsia₄ ñéi₂ 'au'₂ jnia'₅₄, 'ne₂ tsi₁jon₂ David!

²⁸ Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió'₅. Jaun₂ ca₂ñag₃ Jesús:

—¿'Én'₂ 'nia'₂ a₂lé₂ le₃jme₁'lio₅₄ jniá'₂?

Jaun₂ ca₂ñag₃:

—'Éin₂ bá₄ jnia'₅₄, Te₁gui'₅₄.

²⁹ Jaun₂ ca₂ñi'₃ Jesús gu₂ jme₁ne₁₂ jaun₂ ca₂juá'₂:

—Jui₁le₅₄ bá₄ con'₂ lē₅ 'én'₂ 'nia'₂.

³⁰ Jaun₂ ca₂lág₃ bá₄ mi₂ne₄ dsa₂ 'éi₂. Jaun₂ ca₂jmo₃ Jesús 'éi'₃ ca₂juá'₂:

—Tē₃ñi'₅₄ 'nia'₂ jnag₅₄ tsá₃ 'ein₂ jui₁le₂ñi₅ a₂nē₅.

³¹ La₁ 'éi₂ nē₃, jme₁ca₂'u₁in₂ jaun₂, ca₂dsia₃ ca₂le₂con₂ ja₁tén₄ 'uē₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

³² Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂ i₂sián'₂ táng₃ jñia₂₃ jan₂ dsa₂ con₄ i₂'en₅₄ jme₂dsí₂ je₂na'₅₄. ³³ Dsi₂jui₅ jme₁ca₂dsen₅ Jesús je₂na'₅₄, jaun₂ ca₂jme₃lióg₃ dsa₂ con₄ 'éi₂ ca₂dsia₃ jág₁. Dsa₂ juin₅ i₂jme₁tion'₅₄ ca₂tē₂ ne₅₄, ca₂i₃gó'₃ dsí₅, jaun₂ ca₂dsia₃:

—Ca₂le₂con₂ 'uē₃ Israel la₂, tsá₃ 'ein₂ ma₂ca₂jág₃ a₂le₂nē₅.

³⁴ La₁ dsa₂ fariseos guē'₂ nē₃, ca₂juá'₂:

—Tē₂le₃ quian'₅₄ jui₅bí₂ quió'₅ 'ñiog₅ juig₅₄ je₂na'₅₄ bá₄, jmo₅ i₂nē₅ 'u₁in'₂ je₂na'₅₄.

Dsia₅ Jesús ñéi₂ dsí₅ dsa₂

³⁵ Ca₂ñi₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ nē₃, jme₂tiin₂₃ dsa₂ dsi₂néi₂ guá'₅ sinagogas. Jme₁'ē₂ jág₁ dse₃ jui₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jē₃ ne₅₄ dso₄, quian'₅₄ ca₂le₃jē₃ jmi₁uig₅ a₂jme₁le₁quian₅ dsa₂. ³⁶ Jme₁ca₂jñin₂ dsa₂, ca₂tá'₂ ñéi₂ dsí₅, ia₁ jme₁chain₂ o₂i₁ dsí₅ ca₂lia'₂ ma₂ja₂'ú'₃ dsí₅

chain₂, nē₂jag₄ bá₄ já'₂ cha'₂ i₂tsá₃ chan₂ jmo₃ 'í₁. ³⁷ Jaun₂ ně₃ ca₂tsí'₃ dsa₂ i₂jme₁quain'₅₄:

—Dsón'₂ bá₄ dsau₅ 'lióng₂ a₂ca₂rau₂, la₁ tsá₃ juin₅ dsa₂ i₂jmo₅ ta₁ ja₁nau₂. ³⁸ Jaun₂ lě₃, mi₄ 'nia'₂ ne₄ juig₅₄ ja₁nau₂ a₂chein₃ guě₄ juin₅ dsa₂ i₂jmo₃ ta₁ ja₁nau₂ quió'₅.

10

Ca₂quió'n'₂ Jesús guía₃-tín₂ dsa₂ jě₄ quió'₅ dsa₂ quiáin₅
(*Marcos 3:13-19; Lucas 6:12-16*)

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂cuě₃ bí₂ 'éi'₃ a₂'uín'₂ jme₂dsí₂ 'lin'₅₄, a₂qui₂jme₃'lióin₂ ca₂le₃jě₃ ne₅₄ dso₄ a₂niog₅ lín₅ dsa₂, ca₂le₃jě₃ jmi₁uig₅ ně₃.

² Le₂la₂ bá₄ chen₂ ta₂guia₃-tín₂ dsa₂ i₂ca₂quió'n'₂ Jesús 'éi₂ quiáin₅: Si₂mu₅₄, i₁tě'₂ dsa₂ Pe₄; quain'₅₄ Drě₄ riin'₅₄; Jacobo* quian'₅₄ Juan₅₄ riin'₅₄, ja₁ñí'₄ Zebedeo; ³ Fe₂li₄ quian'₅₄ Bartolomé; To₁má₄ ně₃ quian'₅₄ Tě₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ñí'₄ Alfeo; Tadeo ně₃; ⁴ Si₂mu₅₄ ně₃ i₂tě'₂ dsa₂ cananista;† Judas Iscariote ně₃, i₂ca₂jín'₂ Jesús.

Ca₂chen₃ Jesús dsa₂ guía₃-tín₂ quiáin₅ a₂ca₂i'₄ jág₁ dse₃
(*Marcos 6:7-13; Lucas 9:1-6*)

⁵ Dsa₂ guía₃-tín₂ ně₃ bá₄ ca₂chen₃ Jesús jme₁ma₂ně₂cuě₃ jág₁ la₂:

—Tsá₃ o₁nó'₅ 'nia'₂ juí₅ 'uě₃ go₄ dsi₂nau₂, on₃ guě'₂ o₂ton'₅₄ 'nia'₂ 'i₁caun₂ juig₂ a₂tén₅ 'uě₃ Samaria. ⁶ Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel. ⁷ O₂nó'₅ 'nia'₂ qui₂o₂'ě₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄. ⁸ O₂jmo₄ 'nia'₂ le₁jín₃ dsa₂ i₂lín₅ 'mé'₅ 'iog₅; ca₂le₃jín₃ guě'₂ i₂lín₅ dso₄ siá'₂ ně₃, o₂jme₁lioin₅₄; o₂jme₁jen'₅₄ 'nia'₂ 'lag₄; o₂'uín'₅₄ 'nia'₂ je₂na'₅₄ quió'₅ dsa₂ ně₃. Jaun₂ le₂ně₅ juí₁lia'₂ ně₂gue'₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄, le₂ně₅ o₂jmo₄ 'nia'₂ ján₃, o₂cuě'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃ 'e₂ cán'₁ 'nia'₂, juí₁lia'₂ a₂'nió'₅ le₂'i₄ juí₅, on₃ guě'₂ cu₄nióg₄, on₃ guě'₂ cu₄tiog₂, on₃ guě'₂ ñí₁ guéin₂ tě₂lau₂ quiáng'₂, ¹⁰ on₃ guě'₂ tě₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ñag₅₄ guě₄ con'₂ a₂ma₂le₁ton₅ tag'₅₄, on₃ guě'₂ 'ma₂'i₅₄; ia₁ juí₁lia'₂ dsa₂ i₂jmo₅ ta₁, ca₂tín₂ bá₄ gue₃ má₃ quió'₅.

¹¹ 'Jě₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ jñia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂ i₂nio₃ táun₂ 'uě₃, 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei₂ tsá₃ ca₂ne₅₄ a₂chein₂.

'éi₂ tión'₂ 'nia'₂ ca₂lia'₂ ca₂tě₂ jmig₄ i'uíng'₃ táng₃. ¹² Jē₁ma₂tě₂ rē₁tóng'₁ dsi₂néi₂ quió'₅, cuiin₅₄ 'nia'₂ Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.” ¹³ Nē₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rē₂ jág₁, jág₁ quián'₂ 'nia'₂ a₂cuiin'₅ Diú₄, jui₁tě₂ 'njá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ nē₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, jui₁tě₂ 'njá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄. ¹⁴ Nē₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂, on₃ guě'₂ 'nio₃ nag₃ jág₁ quián'₂ 'nia'₂ ně₃, co₂ 'nei₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃ juá'₅ jniá₂, jē₁ma₂tě₂ rē₁qui₃dsi₅ Diú₄ 'éi'₃, 'njio₅ guě₄ uig₅ gue₃ dsa₂ juig₂ jaun₂ con₂ guě₄ dsa₂ i₂jme₁chan₂ Sodomá quian'₅₄ Gomorra.[‡]

Qui₂co₃'ein₃ dsa₂

(Marcos 13:9-13; Lucas 21:12-17)

¹⁶ Tsín₂ jniá₂ 'nia'₂ jaun₂, a₂líng'₅ nē₂jag₄ bá₄ já'₂ cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂ a₂líng'₅ dsa₂ i₂'io₅ mai₅₄ jui₁lia'₂ dsi₂mi'₂, ton'₂ 'ua₁ 'au'₂ 'nia'₂ jui₁lia'₂ lín₅ i₁ju₂. ¹⁷ Rē₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá'₅ sinagogas. ¹⁸ Lia'₂ ne₄ dsi₄má'₂ lia'₂ ne₄ rag₅₄ ně₃, dsi₁jniá₃ dsa₂ 'nia'₂ 'uig₅₄ quió₃ jniá₂; jaun₂ le₂ně₅ bá₄ lé₂ le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁con₂ dsi₂nau₂ sián'₂ ně₃. ¹⁹ La₁ jē₁ma₂tě₂ rē₁qui₃jáng'₂ dsa₂ ne₄ta₁, tsá₃ lē₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂lia'₂ 'njag'₅₄; ia₁ jē₁ma₂tě₂ rē₁jua'₅₄ 'nia'₂ jág₁, Diú₄ bá₄ cuě₃ jág₁ a₂ 'nj'₅₄ 'nia'₂ 'a₂lia'₂ 'njag'₅₄ juig'₅₄ dsa₂. ²⁰ Ia₁ on₃jua'₅₄ guion'₅₄ 'nia'₂ jua'₅₄ jág₁; 'njio₅ bá₄ Jme₂dsí₂ quián₅ Néi'₅ 'nia'₂ juá'₂ jui₅ tě₂ 'au'₂.

²¹ Ia₁ lé₂ táng₃, jui₁lia'₂ rin'₅₄ dsa₂ qui₃jin'₂ riin'₅₄ jaun₂ 'njag'₃ dsa₂, jui₁lia'₂ jmei₂ guě'₂ dsa₂ qui₃jin'₂ chi'₂ quiáin₅; chi'₂ guě'₂ ně₃ qui₃náu₃ 'nei₂ jmái'₃ chog₅₄-jmei₂, qui₃jáng'₂ a₂jme₃dsiog₅ dsa₂. ²² Ca₂le₃jin₃ jui₁lia'₂ dsa₂ mi₂güig₃ jme₃ 'njai₅₄ 'nia'₂ 'uig₅₄ quió₃ jniá₂; la₁ia₁ jui₁lia'₂ i₂tión₂ tiá₂ ca₂tě₂ jē₁ca₂tó'₂, i₂'éi₂ bá₄ i₂lión₂. ²³ Jē₁ma₂qui₂co₃'ein₃ dsa₂ jui₁lia'₂ caun₂ juig₂, cuiing₅ 'nia'₂ jui₅ juig₂ siá'₂ táng₃; a₂dsi₂jó'₃ juá'₅ jniá₂, tě₃ tsá₃ ma₂lě₅ quen'₄ 'nia'₂ i₁nio₄ ca₂le₃jě₃ juig₂ ja₁tén₄ 'uě₃ Israel, a₂guan'₂ táng₃ Jaun₅ dsa₂ mi₂güig₃.

²⁴ Jui₁lia'₂ jan₂ i₂jme₂tin₅, tsá₃ juiin'₂ con₂ guě₄ tě₅ quiáin₅; ján₃ bá₄ le₂jaun₂ jui₁lia'₂ jan₂ dsa₂ i₂jme₂ti₃, tsá₃ juiin'₂ con₂ guě₄ juig₅₄. ²⁵ Tió'₅ jui₁lia'₂ i₂jme₂tin₅ léin₂ jui₁lia'₂ lín₅ tě₅ quiáin₅; jui₁lia'₂ dsa₂ i₂jme₂ti₃ guě'₂ ně₃, dsi₁léin₂ jui₁lia'₂ lín₅ juig₅₄. Chi₂jua'₂ 'njio₅ dsa₂ juin'₂ caun₂ dsi₂néi₂ ma₂quion₅ dsa₂ Be'elzebú, i'ě₂ guě₄ bá₄ 'in₃ dsa₂, jui₁lia'₂ i₂tion'₅₄ dsi₂néi₂ quió'₅!

‡ 10:15 Sodomá quian'₅₄ Gomorra: 'Í₂ Génesis 18 - 19.

'Ein₂ 'nió₅ jme₃gan₃ dsa₂
(Lucas 12:2-7)

26 "Uig₅₄ jaun₂, tsá₃ lë₁jmo₂ 'nia'₂ gang'₃ dsa₂ mi₂güig₃. Ia₁ 'i₁caun₂ ju₁lia'₂ a₂rë₂jlë₅ tsá₃ cha₂ jua'₅₄ a₂tsá₃ le₃jniá₂, já₃n₃ bá₄ le₂jaun₂ ju₁lia'₂ a₂rë₂'ma₄ tsá₃ cha₂ jua'₅₄ a₂tsá₃ le₃ñi₅ dsa₂.

27 Ju₁lia'₂ a₂juig₂ jniá₂ 'nia'₂ la₂ jë₄ të₃co'₅₄, jua'₅₄ 'nia'₂ të₃jín₄ dsa₂ ju₁n₅; já₃n₃ bá₄ le₂jaun₂ ju₁lia'₂ a₂juig₂ jniá₂ 'nia'₂ con'₂ tei₄, jua'₅₄ 'nia'₂ co₂mi'₅₄ ju₁lia'₂ ja₁ñei₅. 28 Tsá₃ lë₁jmo₂ 'nia'₂ gang'₃ quian'₅₄ i₂jñi'₃ ni₁ñi₅, la₁ të₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄ ca₂tín'₂ 'nia'₂ jme₁gang'₃ ju₁lia'₂ i₂lé₂ le₃jñi'₃ ni₁ñi₅ quian'₅₄ guë'₂ të₂'au'₂ 'nia'₂ a₂jeng'₃ ja₁lig'₅₄.

29 '¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ñi₁ guéin₂? La₁ 'i₁jan₂ i₁tan₅ tsá₃ tián'₃ 'uë₃ jua'₅₄ tsá₃ ñi₅ Ñéi'₅ 'nia'₂. 30 Ia₁ le₂jio₅ ni₁jñi₂ dsei'₂ 'nia'₂ le₁'í₁ je₂liá'₂ mi'₂ tí₅ já₃n₃. 31 Tsá₃ lë₁jmo₂ 'nia'₂ gang'₃, ia₁ 'ñio₅ lín₃ guë'₄ quen'₄ 'nia'₂ lia'₂ con'₂ guë'₄ ju₁n₅ lín₃ i₁tan₅.

Ju₁lia'₂ i₂jme₂jnia₅ a₂cuin₂₃ Jesucristo jin₄ dsa₂ mi₂güig₃
(Lucas 12:8-9)

32 'Ju₁lia'₂ i₂jme₂jnia₅ të₂le₃ quió₃ jniá₂ jin₄ dsa₂ mi₂güig₃, já₃n₃ bá₄ le₂jaun₂ jniá₂ në₃ jme₁jniag₅ të₂le₃ quió'₅ 'éi₂ ne₄ Ñe'₃ i₂guá₅ guei'₅₄ i₂juig₃; 33 la₁ ju₁lia'₂ i₂jme₂jnia₅ a₂tsá₃ cuig₂₃ jniá₂ jin₄ dsa₂ mi₂güig₃, já₃n₃ bá₄ le₂jaun₂ jme₁jnia₅ jniá₂ a₂tsá₃ cuin₅ ne₄ Ñe'₃ i₂guá₅ guei'₅₄ i₂juig₃.

Jesús bá₄ i₂'uin₄ a₂lë₂ le₁dson'₅₄ dsa₂
(Lucas 12:51-53; 14:26-27)

34 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄ jniá₂. 35 A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂:

Chi'₂ jme₃ñiai₅₄ jmei₂,

chi'₂ ja₁míg₄ dsa₂ në₃

jme₃ñiai₅₄ chog₅₄;

i₂lín₅ mi₂lo₅₄ në₃

tóin'₃ mi'₅₄ quian'₅₄ ma₂chog₅₄.

36 Dsa₂ i₂lín₅ jmei₂ dsi₂néi₂

qui₂jme₃'iog₅₄ chi'₂ quiáin₅, §

37 'Ju₁lia'₂ i₂'nio₃ guë'₄ 'ñio₅ lín₃ chog₅₄-jmei₂ lia'₂ con'₂ guë'₄ jniá₂, tsá₃ ca₂tín₂ léin₂ dsa₂ quiáng₃; le₂në₅ bá₄ já₃n₃, ju₁lia'₂ i₂'nio₃ 'ñio₅ lín₃ guë'₄ ja₁ñi'₅₄ o₃ ja₁míg₄ 'e₂, lia'₂ con'₂ guë'₄ jniá₂, tsá₃ ca₂tín₂ léin₂ dsa₂ quiáng₃; 38 ju₁lia'₂ i₂tsá₃ ca₂'ág₂ caun₂ dsí₅ ca₂join₃ chi₂jua'₂ ca₂join₃, * a₂jiá₃ chi₁co'₅₄ quió₃, tsá₃ ca₂tín₂

léin₂ dsa₂ quiáng₃. ³⁹ Ju₁lia'₂ i₂ñí₄ lë₃ 'nio₃ lí'₂ le₃chain₂ dse₃,
dsi₃'én₂ quió'₅; já₃ bá₄ le₂në₅, ju₁lia'₂ i₂ca₂guen₃ 'mú₃ o₄quió₃
jniá₂, lí'₂ bá₄.

Co₂'nió'₄ 'lian'₅₄ dsa₂
(Marcos 9:41)

⁴⁰ Ju₁lia'₂ i₂guen₅ 'nia'₂, guei₂₃ jniá₂; ju₁lia'₂ i₂guei₅ jniá₂
guein₂₃ i₂ca₂chei₃ jniá₂ në₃. ⁴¹ I₂guen₅ ju₁lia'₂ jan₂ dsa₂ i₂'ë₂ já₃
o₄quió'₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄
gue₃ já₃ ju₁lia'₂ 'lian'₅₄ jan₂ i₂'ë₂ já₃ quián₅ Diú₄. Le₂në₅ bá₄
já₃, ju₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃
'lian'₅₄ já₃ con'₂ 'lia'₅₄ a₂ca₂tín₂ jan₂ dsa₂ dsen₃. ⁴² Ju₁'ein₂ guë₃
dsa₂ i₂cuë₅ caun₂ vaso jmi₂ güí₂, cuë'₅ jan₂ dsa₂ me'₂ le₂në₅
quiáng₃ 'uig₅₄ ia₁ a₂'ein₂₃ jniá₂, a₂dsi₂jó'₃ juá'₅, tion₅₄ bá₄ gue₃
'lian'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmi₂
(Lucas 7:18-35)

¹ Jme₁ca₂dsan₃ cuë₅ Jesús já₃ në₅ cuë'₅ chi'₂ dsi₂guia₃-
tín₂ quián₅, ca₂o₃'iin₃ táng₃ ja₁jaun₂, ca₂'í₃ ju₁ ca₂i₁'ë₄ já₃,
i₂jme₁tín₂₃ dsa₂ juig₂ tio'₅₄ con'₂ ma₂quián₅ jaun₂.

² Juan₅₄ në₃, tē₃ 'ein₅₄ né'₃ 'má₃, ca₂rë₃ñi₅ 'a₂ lia'₂ lë₅ jmo₅
I₂rë₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quiain'₅₄
³ a₂ca₂i₁ñag₁₂:

—¿'Ne₂ líng'₅ dsa₂ i₂lë₅ já₃ jiá₃, o₃ jñia₄ jnia'₅₄ i₂sián'₂ 'e₂?

⁴ Jaun₂ ca₂ñag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂të₅ ne'₅₄ 'nia'₂ la₂, 'e₂
a₂nag'₂ 'nia'₂ në₃. ⁵ O₂dsia₄ 'nia'₂ 'a₂ lia'₂ lë₅ qui₂jág₅ dsa₂
ten₄; dsa₂ i₂jme₁guan'₅₄ guë'₂ në₃, ma₂i₂nioi₅₄ rë'₂ táng₃; dsa₂
i₂jme₁lín₄ 'mé'₅ 'iog₅ ma₂le₁jín₃ táng₃ dso₄ a₂jme₁lín₄; dsa₂
i₂jme₁guin₄ guë'₂ në₃ ma₂nag₂₃; dsa₂ i₂ma₂dsan₃, jein'₅₄ táng₃;
ja₁con₂ dsa₂ te₂ñé₂ në₃ dsi₂'ag₅ já₃ dse₃ la₂ a₂lión₂ dsa₂. ⁶ 'E₂ guë'₄
dsen₃ dsa₂ i₂tsá₃ 'ag₅ caun₂-tín₃ dsí₅ ja₁con₂ jniá₂.

⁷ Jme₁ma₂lén₃ dsa₂ 'éi₂, jaun₂ ca₂jme₃lió₃ Jesús ca₂tsí'₃ dsa₂
a₂'iin₂₃ Juan₅₄:

—¿'E₂ jme₁lín'₂ 'nia'₂ jme₁të₃ ne'₅₄ lia'₂ con'₂ jme₁i₁nóg'₄ 'uë₃
quein₂ co₂ñiog₅ jaun₂? ¿O₃ bá₄ jme₁lín'₂ 'nia'₂ a₂jme₁jing'₄ jan₂
dsa₂ i₂lín₅ ju₁lia'₂ lë₅ ca₂'nau₂ ni₁'ma₂ ta₅ a₂lë₁qui₂bí₂ dsí₂ ju₁ la₂
ju₁ në₅? ⁸ Chi₂juá'₂ tsá₃ le₂jaun₂ në₃, ¿'e₂ guë'₂ ca₂i₁jag'₄ 'nia'₂?
¿O₃ bá₄ a₂jme₁lín'₂ 'nia'₂ a₂jme₁jing'₄ jan₂ dsa₂ i₂qui'₂ tsin'₅₄ jlá'₁?
La₁ on₃juá'₅₄ le₂jaun₂. Ia₁ ju₁lia'₂ dsa₂ i₂quí'₅ tsin'₅₄ jlá'₁, i₂tón'₅
dsi₂néi₂ quió'₅ rag₅₄ bá₄ i₂le₂'éi₂. ⁹ ¿'E₂ guë'₂ ca₂i₁jag'₄ 'nia'₂ jaun₂
në₃? ¿O₃ bá₄ jan₂ dsa₂ i₂'ë₂ já₃ quián₅ Diú₄ 'e₂? Dsón'₂ bá₄ jaun₂

juá'₅ jniá'₂. I₂lín₅ tson₂ guě₄ jan₂ dsa₂ i₂'ě₂ jág₁ quián₅ Diú₄ bá'₄ 'éi₂.¹⁰ Juan₅₄ 'éi₂ bá'₄ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂jñia₅₄ jui₅.*

11 A₂dsi₂jó'₃ juíg₂ jniá'₂ 'nia'₂, 'i₁jan₂ dsa₂ i₂ma₂can₅ dsa₂ m'í₂ i₂chan₂ mi₂güí₃, tsá₃ 'ein₂ ma₂lín₅ i₂juin'₂ guě₄ i₂'ě₂ jág₁ o₄quió'₄ Diú₄, lia'₂ con'₂ guě₄ Juan₅₄ i₂chon₅ dsa₂ jmig₂. La₁ia₁, i₂lín₅ i₂me'₂ guě₄ ja₁gon₂ Diú₄, i₂'éi₂ bá'₄ lín₅ i₂juin'₂ guě₄ lia'₂ con'₂ guě₄ Juan₅₄ 'éi₂.¹² Ca₂le₃ ca₂guan₃ Juan₅₄ i₂chon₅ dsa₂ jmig₂, ca₂tě₂ jmig₄ ně₃, con'₂ 'i₄ jui₅ bá'₄ ma₂já₅ tiá₂ ja₁gon₂ Diú₄. Jaun₂ dsa₂ con'₂ i₂tiá₂ dsí₅ bá'₄ chan'₂ tiá₂ jui₅ jaun₂.[†] ¹³ Ca₂le₃jín₃ dsa₂ i₂jme₁'ě₂ jág₁ quián₅ Diú₄, quian'₅₄ 'Éi'₃ quió'₅ Moisés ně₃, a₂jñia'₅₄ con'₂ ca₂'ě₂ jág₁ ja₁gon₂ Diú₄ bá'₄ jaun₂, ca₂lia'₂ ca₂tě₂ jmig₄ jme₁ca₂guan₃ Juan₅₄.¹⁴ Ján₃ bá'₄ chi₂jua'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá'₄ i₂ca₂jme₃ti₃ jág₁ a₂lě₅ a₂jme₁jiá₃ Elías.¹⁵ Jui₁lia'₂ i₂le₁dsi₅₄ rě₂gua₄, jui₁nei₅₄.

¹⁶ 'č'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmig₄ ně₃? Lín₅ jui₁lia'₂ lín₅ i₂bě'₅₄ i₂tion'₅₄ co₅ jě₄ 'ma'₅₄, tioen'₅₄ co₂mi'₅₄ qui₂guió'₅ tsí'₅ riin'₅₄:

¹⁷ Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ guě'₂ 'nia'₂;

ján₃ guě'₂ ně₂jmo₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ guě'₂ qui'₂ 'au'₂ 'nia'₂.

¹⁸ Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁guě'₅ on₃ guě'₂ 'e₂ jme₁'ín'₂ ně₃, jaun₂ ca₂'ag₃ dsa₂ a₂'ein₅₄ je₂na'₅₄.¹⁹ Ca₂guan₃ guě'₂ táng₃ Jaun₅ dsa₂ mi₂güí₃ i₂guě'₅ i₂'ín'₂, 'ag₅ táng₃ dsa₂ a₂lín₅ jlě₂ 'í₅ quian'₅₄ má₄ jmíg₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsí₂tan₅₄ ně₃. La₁ tion₅₄ bá'₄ le₃lí'₄ dsa₂ a₂dsau₅ jág₁ a₂ñí'₂ dsí₅ Diú₄, 'ui_g₅₄ ia₁ ñí'₂ bá'₄ dsí₅ dsa₂ i₂gue₅ jág₁ ně₅.

Juig₂ jě₁tsá₃ ne'₅₄ dsa₂

(Lucas 10:13-15)

²⁰ Jaun₂ ně₃, ca₂jme₃lióg₃ Jesús qui₂ca₂jéin₂ dsa₂ ja₁'lióng₂ guě₄ léi₄ juě'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

²¹ —i'E₂ guě₄ juíg'₂ 'nia'₂ dsa₂ juig₂ Corazín! i'E₂ guě₄ juíg'₂ 'nia'₂ i₂chan₂ Betsaida! Ia₁ jua'₅₄ mei'₂ guě₃ jniá'₂ ma₂jmo₃ léi₄ juě'₂ ně₅ jě₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá'₂ jě₄

* **11:10** Malaquías 3:1. † **11:12** o₃, “ca₂tě₃ jmig₄ ně₃, ma₂já'₅ ja₁gon₂ Diú₄ ně₂jag₄ bá₄ a₂lě₂ 'nei₂, Jaun₂ dsa₂ i₂con₂ qui₂jmo₂₃ 'nei₂ ně₃, 'nio₃ join₅₄ jui₁lia'₂ dsa₂ i₂i₂nio₄ jui₅ jaun₂.”

quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuë₃
léi₄ a₂qui'₂ dsí₅ jme₁i₃noi₅₄ le₁qui'₂ 'mi'₂ taun₅ qui₂le₁sén₅ ti₁juá₃
ně₃. ²² La₁ juíg₂ jniá₂ 'nia'₂, jmig₄ i₁qui₃dsi₅ Diú₄ 'éi'₃, ja₂lin₃
guë₄ tson₂ uig₅ a₂guéi'₁ 'nia'₂ con'₂ guë₄ dsa₂ i₂jme₁chan₂ Tiro
quian'₅₄ Sidón. ²³ 'Nia'₂ guë'₂ dsa₂ i₂chan₂ juig₂ Capernaum,
¿lín'₂ 'nia'₂ a₂uig'₅₄ guei'₅₄ lín₃? On₃jua'₅₄ le₂jaun₂. Të₂ ja₁ji'₂ lín₃
ja₁tion'₅₄ 'lag₄ † bá₄ sén'₂ 'nia'₂. Ia₁ jua'₂ mei'₂ guë₃ jniá₂ ca₂jmo₃
léi₄ juë'₂ jë₄ juig₂ Sodoma jui₁lia'₂ a₂ma₂ca₂jmo₃ jniá₂ jë₄ quián'₂
'nia'₂, a₂niog₅ bá₄ juig₂ jaun₂ ca₂të₂ jmig₄ ně₃. ²⁴ Jaun₂ juá'₅ jniá₂,
jmig₄ jë₁ma₂të₂ rë₁qui₃dsi₅ Diú₄ 'éi'₃, 'ñio₅ guë₄ uig₅ guéi'₁ 'nia'₂
con'₂ guë₄ dsa₂ i₂jme₁chan₂ juig₂ Sodoma.

Ja₁jñia₅ dsa₂ i₂ma₂'ú'₃

(Lucas 10:21-22)

²⁵ Jmíg₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂líng'₅ juig₅₄ gua'₅₄ 'uë₃ quian'₅₄
guei'₅₄ i₂juíg₃, ia₁ ca₂'ma'₅₄ a₂ně₅ ja₁con₂ dsa₂ i₂tin₂ si₂, i₂ñí'₂ dsí₅,
a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá₃ 'e₂
cuí'₅, ²⁶ Dsón'₂ bá₄ jaun₂, Tia₅₄, ia₁ le₂ně₅ ca₂rë₃ 'ñio₃ 'au'₂.

²⁷ Jaun₂ ca₂tsí'₃ dsa₂:

—O₄gu₃ jniá₂ ma₂ca₂dsia₃ Ne'₃ ca₂le₃jě₃. 'I₁jan₂ tsá₃ 'ein₂
cuin₅ Ja₁ñi'₅₄ Diú₄ 'a₂ lia'₂ tē₃dsón'₂ lín₅, jñia'₅₄ lia'₂ 'ñiog₅ bá₄
Jmei₂; ján₃ bá₄ 'i₁jan₂ tsá₃ 'ein₂ cuin₅ Jmei₂ 'a₂ lia'₂ tē₃dsón'₂
lín₅, jñia'₅₄ lia'₂ 'ñiog₅ bá₄ Ja₁ñi'₅₄ táng₃, ján₃ bá₄ jme₃jniái₂₃
ja₁con₂ i₂'nio₃ le₃ñi₅. ²⁸ I₂nó'₅ 'nia'₂ ja₁con₂ jniá₂, ca₂le₃jín'₃ 'nia'₂
i₂qui₂ma₂'ú'₃ dsí₅, i₂qui₂le₁quian₅ guei₂, jaun₂ cuë₅₄ jniá₂ ja₁jan'₄
'nia'₂. ²⁹ Gue₄ 'nia'₂ ta₁ quió₃ a₂cuë₅ jniá₂ 'nia'₂, jme₁tin₅ 'nia'₂
jmó'₂ ján₃, 'a₂ lia'₂ lín₅ jniá₂, ia₁ juín'₂ dsi₃ líng₅, meg'₂ bá₄ lë₅ dsi₃;
jaun₂ le₂ně₅ bá₄ dsi₁nó'₅ 'nia'₂ dsiang'₂ ja₁jñia₃ tē₂'au'₂. ³⁰ Ia₁ ta₁
a₂cuë₅ jniá₂ 'nia'₂, on₃jua'₅₄ a₂'ua'₂ ta₁; ján₃ bá₄ le₂jaun₂ on₃jua'₅₄
a₂guei₂ cán'₁ 'nia'₂ a₂cuë₅ jniá₂ 'nia'₂.

12

Jesús bá₄ i₂quian₅ 'éi'₃ ne₄ quió'₅ jmig₄ sa₅₄

(Marcos 2:23-28; Lucas 6:1-5)

¹ Jmíg₄ jaun₂ ca₂ñi₃ Jesús ja₁lë₄ ja₁nau₂ quió'₅ dsa₂ caun₂
jmig₄ sa₅₄. Dsa₂ i₂quian'₅₄ ně₃ ca₂tá'₂ i₁cón'₅, jaun₂ qui₂ca₂gág₃
mí'₂ trigo, jaun₂ ca₂guë'₃. ² Jme₁ca₂jág₂ dsa₂ fairseos, jaun₂
ca₂o₃lén₂ ca₂tsí'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂tsá₃ 'i₄ 'éi'₃ jmo₃
dsa₂ jmig₄ sa₅₄.

³ Jaun₂ ca₂ñag₃ Jesús:

† 11:23 griego: hades, co₂'nió'₄ a₂juá'₂, ja₁quió'₄ 'lag₄.

—¿Tsa₁ ma₂ca₂'í₂ 'nia'₂ ne₄ Si₂ 'a₂ lia'₂ lě₅ ca₂jmo₃ David co₂ráu₂ jme₁ca₂lě₃ i₁cón'₅ quiain'₅₄ riin'₅₄? ⁴ Ca₂'í₃ dsi₂néi₂ quió'₅ Diú₄, ca₂guě'₃ i₁ñí'₄ jñió₅, a₂tsá₃ jme₁i₄ 'éi'₃ guě'₃, a₂i₄ 'éi'₃ guě'₃ jmá'₃ jme₂dsa₂. ⁵ ¿O₃ tsa₁ ma₂ca₂'í₂ 'nia'₂ ne₄ Si₂ 'Éi'₃ quió'₅ Moisés, jui₁lia'₂ jme₂dsa₂ tsá₃ jme₂gó'₃ jmig₄ sa₅₄? La₁ tsá₃ 'ein₂ bón'₂ guě'₂ dso₄ 'éi₂ ně₃. ⁶ Juí₂ jniá₂ 'nia'₂, ja₁lá₃ chén'₅ jan₂ i₂juin'₂ guě₄ con'₂ guě₄ guá'₅ templo. ⁷ Jua'₅₄ mei'₂ guě₃ ma₂ñí'₂ 'nia'₂ 'e₂ jein₅ jág₁ la₂: “A₂'nio₃ jniá₂ a₂dsiá'₁ 'nia'₂ njei₂ 'au'₂, on₃jua'₅₄ rě'₂ a₂jñia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”, * tsá₃ jua'₅₄ jme₁bong'₅₄ dso₄ dsa₂ i₂tsá₃ 'e₂ dso₄ rin₂. ⁸ Ia₁ le₂ně₅ jaun₂, jniá₂, Jaun₅ dsa₂ mi₂güig₃, jmo₂₃ 'éi'₃ jui₁lia'₂ jmig₄ sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

⁹ Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga. ¹⁰ Ja₁jaun₂ jme₁en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos ně₃ jme₁'nio₃ 'no'₂ jui₅ bón'₂ dso₄ Jesús, jaun₂ ca₂ñag₃:

—¿I₄ 'éi'₃ jme₃'lión₂ dsa₂ jan₂ dsa₂ dso'₅₄ jme₁jmig₄ sa₅₄?

¹¹ Jaun₂ ca₂ñag₃ Jesús:

—¿Ein₂ 'nia'₂, i₂'ñio₅ jan₂ já'₂ cha'₂, ně₁jua'₂ ca₂bain₃ siá'₅ jui₁lia'₂ caun₂ jmig₄ sa₅₄, tsa₁ dsó₅ dsi₃dsein₂₃ já'₂ quiáin₅? ¹² i'Ē₂ guě₄ bá₄ quen₅ jan₂ dsa₂ con'₂ guě₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂dse₃ jui₁lia'₂ jmig₄ sa₅₄.

¹³ Jaun₂ guě₄ ca₂tsí'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lě₃ co₂rě₂ quián'₅₄ a₂caun₂. ¹⁴ Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Jui₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

¹⁵ Jme₁ca₂rě₃ñi₅ Jesús jág₁ jaun₂, ca₂o₃'ín₃ bá₄. Jaun₂ juin₅ lin₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄, ¹⁶ jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅. ¹⁷ Le₂ně₅ bá₄ ca₂lě₃ ia₁jaun₂ le₃ti₃ jág₁ a₂ca₂'ě₂ Isaías, dsa₂ i₂jme₁'ě₂ jág₁ quián₅ Diú₄, jme₁ca₂juá'₂ le₂la₂:

¹⁸ I₂la₂ bá₄ dsa₂ i₂jme₃ti₃ ta₁ ne₃,

i₂ma₂ca₂quiong'₅₄, i₂'nióg₃ guě₄ lin₃,

jaun₂ 'io'₂ jéin₅ jniá₂ quiain'₅₄.

Tón'₁ jniá₂ Jme₂dsí₂ quiáng₃ tē₂dsí₅,

jaun₂ jme₃jñiai₂₃ ca₂le₃jě₃ juig₂

jín₄ dsi₂nau₂ 'ě₃ jui₅ dsau₅ tē₃dsón'₂.

¹⁹ Tsá₃ quein₅ náu₃, on₃ guě'₂ guió'₃,

* 12:7 Oseas 6:6.

on₃ guë'₂ né'₂ jág₁ quió'₅ jë'₄ calle,

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,

on₃ guë'₂ ei₃ ni₁mecha a₂ca₂juig₄ 'ia₂ guë'₄ jme₁ŋi₁.

Jmo₃ le₂në₅ ca₂lia'₂ ca₂tió'₃

a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄

'ag₃ dsa₂ caun₂ dsí₅

ca₂le₃jín₃ dsa₂ i₂chan₂ ca₂le₃jë₃ juig₂.†

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Marcos 3:19-30; Lucas 11:14-23, 12:10)

22 Jaun₂ ca₂o₃ŋia₃ dsa₂ ja₁coin₂ jan₂ dsa₂ ten₄ i₂con₄ në₃
i₂jme₁'en₅₄ jan₂ jme₂dsi₂ je₂na'₅₄. Jesús në₃ ca₂jme₃'lió₂, ca₂jág₃
táng₃ dse₃, ca₂dsia₃ dse₃ jág₁ në₃. 23 Ca₂i₃gó'₃ dsí₅ ca₂le₃jín₃ dsa₂,
jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁
quian'₅₄ riñ'₅₄:

—A₂'uñ'₂ i₂në₅ je₂na'₅₄ quió'₅ dsa₂ të₂le₃ quian'₅₄ jui₅bí₂ quió'₅
Be'elzebú, juig₅₄ je₂na'₅₄ bá₄.

25 La₁ i₂ŋi₅ rë₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ uë'₂ tió'₅
jua'₅₄ tsá₃ dsi₃'én₂ 'éi'₃ quió'₅. Le₂në₅ bá₄ ján₃ jui₁lia'₂ dsa₂ caun₂
dsi₂néi₂, në₁jua'₂ lë₅ le₁dsoin'₅₄, niog₅ mi'₅₄, ján₃ bá₄ tsá₃ uë'₂ tió'₅.

26 Já₃ bá₄ le₂në₅, në₁jua'₂ ca₂jmo₃ Satanás mi'₅₄ dsein₂₃ jan₂
i₂quiáin₅ 'ŋiog₅, co₂'nió'₄ 'ŋiog₅ bá₄ jmo₂₃ le₁dsoin'₅₄. ¿'A₂ lia'₂ lé₂
le₃'io₃ guë'₄ bí₂ 'éi'₃ quió'₅, chi₂jua'₂ le₂jaun₂? 27 Chi₂jua'₂ jniá₂
'uing'₅₄ je₂na'₅₄ quian'₅₄ bí₂ quió'₅ Be'elzebú jui₁lia'₂ juá'₂ 'nia'₂,
¿'ein₂ bá₄ guë'₂ cuë₅ bí₂ cuë'₅ dsa₂ quián'₂ 'nia'₂ a₂'uñ'₂ je₂na'₅₄
jaun₂ në₃? 'Uig₅₄ jaun₂, guion₅₄ bá₄ dsa₂ quiáng'₂ jme₂li₅₄ a₂lín'₅
'nia'₂ guiong'₅₄. 28 La₁ jniá₂ në₃ në₂'uing'₅₄ je₂na'₅₄ të₂le₃ quian'₅₄
bí₂ quió'₅ Jme₂dsi₂ quián₅ Diú₄. Jaun₂ në₃ le₂në₅ bá₄ cuë₅ jniá₂
léi₄ a₂ma₂gua₅ 'éi'₃ quió'₅ Diú₄ ja₁con₂ 'nia'₂.

29 'Jaun₂ në₃, ¿'a₂ lia'₂ lé₂ le₃'í₂ jan₂ dsa₂ dsi₂néi₂ quió'₅ jui₁lia'₂
jan₂ dsa₂ i₂'uan'₂, a₂ŋiá'₃ a₂te₁'i₁ quió'₅, chi₂jua'₂ le₂'uig₅₄ tsá₃
ma₂në₂'nei'₂ de'₂ dsa₂? ŋia'₅₄ lia'₂ le₂jaun₂ bá₄ lé₂ le₃ŋiá'₃ a₂cha₂
quió'₅.

30 'I₂tsá₃ tión₂ le₃quió₃ jniá₂, dsa₂ i₂'iog₅₄ jniá₂ bá₄ 'éi₂; le₂jaun₂
guë'₂ i₂tsá₃ quian'₅₄ jniá₂ cág'₅, ŋia'₅₄ jmo₂₃ tsi₁rë₂ja₅₄ bá₄. 31 Juig₂
jniá₂ 'nia'₂ jaun₂ në₃, a₂lé₂ le₃'én₂ bá₄ ca₂le₃jë₃ dsáu₁ dsa₂,
ca₂le₃jë₃ 'e₂ a₂'lig'₅₄ juá'₂ në₃. La₁ në₁jua'₂ ca₂'iin₃ 'lig'₅₄ Jme₂dsi₂
quián₅ Diú₄, a₂në₅ guë'₄ tsá₃ ma₃o₂'én₂ dso₄ cha₂. 32 La₁ në₁jua'₂
chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄ le₂'én₂ dsáu₁; la₁

† 12:21 Isaías 42:1-4.

jui₁lia'₂ i₂'in₅ 'lig'₅₄ Jme₂dsí₂ Jñi₀₅, tsá₃ ma₃o₂'én₂ dso₄ cha₂ quió'₅, mi₂güig₃ la₂, on₃ guë'₂ mi₂güig₃ caun₂ nē₃.

Të₂le₃ 'a₂ lia'₂ lë₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

33 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig₅₄ jaun₂, të₂le₃ quian'₅₄ mīg₂ a₂'ag₅ bá₄ ni₁'ma₂, jáng'₅ léi₄ chi₂jua'₂ dse₃ o₃ a₂'lig'₅₄ 'e₂. 34 i'Nia'₂ tsi₁jon₂ dsi₂mi'₂! ¿'A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ guë'₂ 'nia'₂ guiong'₅₄? Ia₁ lia'₂ con'₂ lë₅ a₂'lióng₂ ñag₅₄ cha₂ të₂dsí₅ dsa₂, a₂jaun₂ bá₄ 'uë₂ mi₂'o₅₄. 35 Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rë₂'ma₄ të₂dsí₅; le₂në₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rë₂'ma₄ të₂dsí₅. 36 Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jë₂ma₂të₂ jmig₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jë₃ jág₁ a₂tsá₃ ta₁ tí₄. 37 Ia₁ të₂le₃ 'a₂ lia'₂ lë₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ juë'₂
(Marcos 8:12; Lucas 11:29-32)

38 Jaun₂ nē₃ i₂lin₅₄ dsa₂ fariseos quian'₅₄ të₅juá'₅ ca₂tsí'₃ Jesús: —Të₅, 'niog₂ jnia'₅₄ jag₅₄ caun₂ léi₄ juë'₂ a₂jmó'₂ 'ne₂.

39 Jaun₂ ca₂ñag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juë'₂. La₁ tsá₃ ma₃'e₂ léi₄ lé₂ le₃cuë'₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂i₃ñí₂ Jonás i₂jme₁'ë₂ jág₁ o₄quió'₄ Diú₄ bá₄. 40 Ia₁ jui₁lia'₂ ca₂'í₃ Jonás 'ni₅ jmig₄, 'ni₅ nei₅ të₂dsí₅ já'₂ jmig₂ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né'₃ 'uë₃ 'ni₅ jmig₄, 'ni₅ nei₅. 41 Jmig₄ jë₂ma₂të₂ rë₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄ nē₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ë₂ Jonás jág₁ quió'₅ Diú₄. La₁ nē₃ nē₃ la₂ chén'₅ jan₂ i₂juin'₂ guë'₄ lia'₂ con'₂ guë'₄ Jonás 'éi₂. 42 'Io₅₄ rag₅₄ i₂jme₁gon₂ 'uë₃ të₂le₃ sur, ján₃ bá₄ náu₃ 'éi₂ jmig₄ i₁qui₃dsi₅ Diú₄ 'éi'₃, ján₃ guë'₂ 'liog'₃ 'éi₂ 'liain'₃ 'nia'₂ i₂chang'₂ jmig₄ nē₃. Ia₁ 'éi₂ nē₃ ca₂já₃ uíng₂ lin₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂lia'₂ jme₁ñí'₂ dsí₅ 'éi₂ a₂ñí₄ lë₃ jme₁tiin₂;† la₁ nē₃ nē₃, la₂ chén'₅ jan₂ i₂juin'₂ guë'₄ con'₂ guë'₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

† 12:42 'í₂ 1 Reyes 10; 2 Crónicas 9:1-12.

43 'Jë₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ñí₃ le₂tan₅₄ ja₁quein₂ 'no'₂ ja₁jñia₃. Në₁jua'₂ tsá₃ ca₂dsó'₂ ja₁jñia₃ në₃, jaun₂ 'no'₂ táng₃ dsí₅: 44 “Nég'₄ táng₃ dsi₂néi₂ quió₃ ja₁ca₂o₃'íng₃.” Jë₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rë₂jë₄, rë₂'ia'₅₄, rë₂ chí'₅. 45 Jaun₂ në₃ o₂'iin₅₄ táng₃ dsó₅ chi₂liain'₂ con'₂ guë₄ guion₃ jme₂dsí₂ 'lin'₅₄ riin'₅₄ i₂lë₁'ñio₅ guë₄ con'₂ guë₄ 'ñio₅. Dsi₂lein₅ dsi₂tiain'₂ tē₂dsí₅ dsa₂ 'éi₂. Jaun₂ dsa₂ 'éi₂ në₃, dsió₄ lén₂ le₃'lín'₅₄ guë₄ lín₃ guë₄ con'₂ guë₄ jme₁lín₄ le₂'uig₅₄. § Le₂në₅ bá₄ dsi₃ñí₂ tsi₁jon₂ 'lin'₅₄ i₂chan₂ rë₂në₃.

Chi'₂ rin'₅₄ Jesús quian'₅₄ chog₅₄
(*Marcos 3:31-35; Lucas 8:19-21*)

46 Të₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quian'₅₄ chog₅₄ në₃. Ca₁'né₄ bá₄ ca₂tiáin'₂ a₂'nio₃ dsia₃ jág₁ quian'₅₄ Jesús. 47 Jaun₂ ca₂i₁con₂ jan₂ jág₁, ca₂juá'₂:

—Chog'₂ quian'₅₄ chi'₂ ríng'₂ tiáin'₅ ca₁'né₄, a₂'nio₃ dsia₃ jág₁ quian'₅₄ 'ne₂.*

48 Jaun₂ ca₂ñag₃ Jesús:

—¿'Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ në₃?

49 Jaun₂ në₃ ca₂'iin₃ chi'₂ dsi₂guia₃-tín₂ quiáin₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ në₃. 50 Ia₁ jui₁'ein₂ guë₃ i₂jmo₅ a₂'ñio₂ dsí₅ ñe'₃ jniá₂ i₂guá₅ guei'₅₄ i₂juíg₃, i₂'éi₂ bá₄ lín₅ jui₁lia'₂ dsó₂ ríng'₃, 'io₅₄ ríng'₃, cha₃ në₃.

13

Jág₁ a₂jáng'₅ léi₄ jui₁lia'₂ dsa₂ i₂séi₂ míg₂ jon₂
(*Marcos 4:1-9; Lucas 8:4-8*)

1 Jmíg₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ñó₃ ca₂i₁gua₂ chei'₅₄ jmi₁'ñí'₄. 2 Ia₁ ca₂ñi'₂ táng₃ juin₅ lín₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ñió'₃ tsi₁mu₅, jaun₂ ca₂guá₂. Jaun₂ dsa₂ guë'₂ në₃ ca₂tóin'₂ ca₂le₃jíin₃ chei'₅₄ jmíg₂. 3 Jaun₂ në₃ ca₂jme₃tíin₂₃ dsa₂ 'lióng₂ lín₃ jág₁ tē₂le₃ quian'₅₄ jág₁ a₂jáng'₅ léi₄. Ca₂juá'₂:

—Jan₂ dsa₂ ca₂ñe₄ ja₁nau₂ ca₂i₁séi₄ míg₂ jon₂; 4 jme₁ma₂'ein₅₄ séi₂ në₃, a₂lín₅₄ míg₂ jon₂ ca₂i₃ga'₅₄ le₂'i₄ jui₅, jaun₂ në₃ i₁tan₅ bá₄ ca₂o₃lén₂ ca₂cág'₃. 5 A₂lín₅₄ guë'₂ míg₂ jon₂ ca₂i₃to'₅₄ jë₄ ni₁cang₁, ja₁tsá₃ lín₄ gua'₅₄ lë₅. A₂jaun₂ në₃ tsá₃ uë₂ ca₂rë₃'ag₄ ca₂'ia₂, ia₁ tsá₃ jí₂ gua'₅₄ ja₁i₃to'₅₄. 6 La₁ jme₁ca₂të₂ 'iog₂, ca₂rë₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂. 7 A₂lín₅₄ guë'₂ i₃ga'₅₄ ja₁lë₄ ni₁taun₅. Jme₁ca₂i₃cón₃ ni₁taun₅ në₃, ca₂jilë₃

§ 12:45 'Nio'₂ ja₁ton₅ 2 Pedro 2:20.

* 12:47 A₂lín₅₄ chog₅₄ si₂ tsá₃ chi₁ton₅

bá₄ jon₂ jaun₂ táng₃. ⁸ La₁ a₂lin₅₄ guë'₂ ně₃ ca₂tín₂ ja₁'o'₅₄ 'uë'₃; a₂jaun₂ ca₂rau₂ dse₃; a₂lin₅₄ mīg₂ jon₂ ca₂'ág₂ jma₃cáun₃ 'ñiá₂-láu₂ mīg₂ lia'₂ ca₂mīg₂ jon₂ a₂i₃jnia₄; a₂lin₅₄ guë'₂ jma₃'nag'₂ ne₂guióg₂ mīg₂, a₂lin₅₄ guë'₂ jma₃guióg₂-guiá₂ mīg₂. ⁹ Chi₂jua'₂ 'ein₂ 'nia'₂ i₂dsi₅₄ rē₂gua₄, nei₂ 'nia'₂.

Ta₁ qui'₅ jág₁ a₂jáng'₅ léi₄

(Marcos 4:10-12; Lucas 8:9-10)

¹⁰ Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂ñag₃:

—¿'E₂ lē₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

¹¹ Jaun₂ ně₃ ca₂ñag₃ Jesús:

—Diú₄ bá₄ jmo₅ a₂rē₃ñí'₂ 'au'₂ 'nia'₂ jág₁ rē₂'ma₄ jui₁lia'₂ 'a₂ lia'₂ lē₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂.

¹² Ia₁ jui₁lia'₂ dsa₂ i₂ñí'₂ dse₃, Diú₄ bá₄ jmo₃ le₃ñí'₂ guë'₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ jui₁lia'₂ i₂tsá₃ 'nio₃ le₃ñí'₂ ně₃, Diú₄ bá₄ jmo₃ co₂dsia₅ tsá₃ le₃ñí'₂ co₂ñei'₅₄. ¹³ 'Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jág₃,

la₁ tsá₃ le₃lí'₄ 'e₂ a₂nē₂jág₃;

i₂nē₂néi₂ guë'₂ ně₃,

la₁ tsá₃ ca₂rē₃lí'₄ 'e₂ a₂nē₂néi₂,

on₃ guë'₄ ca₂ñí'₂.

¹⁴ Jaun₂ le₂nē₅ rē₂ti₃ tē₂le₃ quió'₅ dsa₂ ně₅ jui₁lia'₂ ca₂juá'₂ Isaías i₂ca₂'ē₂ jág₁ quián₅ Diú₄:

Dsón'₂ bá₄ nág'₁ 'nia'₂,

la₁ tsá₃ le₃ñí'₂ 'e₂ a₂nág'₁;

Caun₂ qui₁jag'₅₄ 'nia'₂ ně₃,

la₁ tsá₃ le₃len'₅₄ 'nia'₂;

¹⁵ Ia₁ a₂ma₂'ua'₂ dsi₄ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rē₂jni₅ rē₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ nag₃ quián'₅₄ rē₂gua₅₄,

on₃ guë'₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.*

¹⁶ 'La₁ 'e₂ guë'₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄ rē₂guá'₂. ¹⁷ A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ē₂ jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃ tē₃ ne₅₄ a₂jág'₂ 'nia'₂ rē₂nē₃, la₁ tsá₃ ca₂jág₃; jme₁'nio₃ nag₃ ně₃ jui₁lia'₂ a₂nag'₂ 'nia'₂ rē₂nē₃, la₁ tsá₃ ca₂nág₂.

* 13:15 Isaías 6:9-10.

Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

¹⁸ 'Nei₂ 'nia'₂ jaun₂, 'e₂ jág₁ dsau₅ jáng'₅ ju₁lia'₂ jág₁ quió'₅ dsa₂ i₂séi₂ míg₂ jon₂. ¹⁹ Ju₁lia'₂ dsa₂ i₂nag₅ jág₁ dse₃ a₂já₅ guei'₅₄ i₂juíg₃ ja₁gon₂ Diú₄, nē₁jua'₂ tsá₃ ŋi'₂, lín₅ ju₁lia'₂ míg₂ jon₂ a₂ca₂séi'₂ dsi₂jui₅. I₂sē₃dsen₃ bá₄ ja₂ ja₁coin₂, jaun₂ ŋjá'₂ táng₃ jág₁ dse₃ a₂jme₁ma₂jnia₄ tē₂dsí₅. ²⁰ Míg₂ jon₂ a₂ca₂séi'₂ guē'₂ jē₄ ni₁cang₁, lē₅ ju₁lia'₂ lín₅ dsa₂ i₂gue₅ 'ŋio₂ dsí₅ jág₁ dse₃ a₂nag₂₃, ²¹ la₁ia₁ tsá₃ cha₂ guē'₂ jē₄dsi₃'má₂ jmú₄ né'₃ 'uē₃, tsá₃ uē₂ tió'₅; jaun₂ jē₄ma₂já₅ o₂i₁ dsí₅ a₂dsi₂ŋi₂ 'e₂ dsí₂ŋi₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃ tí₂ bá₄ táng₃ jág₁. ²² Ju₁lia'₂ míg₂ jon₂ a₂i₃ga'₅₄ jē₄ ni₁taun₅ guē'₂ táng₃, jáng'₅ jág₁ dsau₅ ju₁lia'₂ dsa₂ i₂nag₅ jág₁ dse₃, la₁ia₁ 'ŋio₅ lín₃ guē'₄ 'i₅ dsí₅ o₂me'₅₄ dsí₅ a₂cha₂ mi₂güí₃ la₂, a₂'ín₅ dsí₅ a₂le₃cha₂ cu₄ a₂le₃chain₂ dse₃ nē₃, a₂nē₅ bá₄ a₂jme₂gau₅ táng₃ quió'₅. Ca₂le₃jē₃ a₂nē₅ jlē₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂. ²³ La₁ ju₁lia'₂ míg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ tē₂le₃ ja₁con₂ dsa₂ i₂nag₅ jág₁, ton'₂ ŋi'₂ nē₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂ ja₁coin₂. I₂lín₅₄ guē'₂ dsa₂ 'éi₂ tē₂le₃ quian'₅₄ a₂dse₃ rē₂jniá₂ a₂jmo₂₃, lín₅ ju₁lia'₂ lē₅ lia'₂ ca₂cho'₅₄ míg₂ a₂ca₂i₃jnia₄, rau₂ caun₂ 'ŋiá₂-láu₂ míg₂ lia'₂ ca₂míg₂; i₂lín₅₄ guē'₂ jma₃'nag'₂ co₂ne₂guió₂; i₂lín₅₄ guē'₂ jma₃guió₂-guiá₂ míg₂.

Jág₁ a₂jáng'₅ léi₄ ju₁lia'₂ ni₁nau₂ 'lig'₅₄ a₂ca₂'ia₂ jē₄ trigo

²⁴ Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lē₅ guei'₅₄ i₂juíg₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ míg₂ jon₂ dse₃ 'uē₃ quió'₅; ²⁵ la₁ caun₂ 'uē₂ jme₁ma₂le₁güín₃ dsa₂ le₃jín₃, ca₂guan₃ jan₂ dsa₂ 'lin'₅₄ i₂'iog₅₄ ca₂jmo₃ uig₅ dsí₅ ca₂guia'₃ jon₂ ni₁nau₂ 'lig'₅₄ jē₄ trigo, jaun₂ ca₂há'₃ táng₃. ²⁶ Jme₁ca₂i₃cón₃ trigo, jme₁ma₂tio'₅₄ mí'₂ nē₃, jē₄ jaun₂ ca₂'ia₂ ni₁nau₂ 'lig'₅₄ ján₃. ²⁷ Jaun₂ nē₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄, ca₂juá'₂: “Gui'₅₄, ¿on₁jua'₅₄ jmá'₃ ca₂ne₅₄ míg₂ jon₃ dse₃ ca₂ŋj'₂ ja₁nau₂ quiáng'₂ jme₁ca₂ŋj'₂? ¿'A₂ guē'₂ lia'₂ ca₂lē₃ a₂ca₂'ia₂ ni₁nau₂ 'lig'₅₄ jaun₂ nē₃?” ²⁸ Jaun₂ ca₂ŋag₃ dsa₂ juig₅₄: “An₁ jan₂ dsa₂ 'lin'₅₄ i₂'iog₅₄ bá₄ ca₂jmo₃ a₂nē₅.” Jaun₂ ca₂ŋag₃ dsa₂ i₂jme₂ti₃ ta₁ ne₅₄: “¿Tsa₁ 'niog'₂ jua'₅₄ co₂dsia₅ dsí₁gué₁ jnia'₅₄ ni₁nau₂ 'lig'₅₄ jaun₂?” ²⁹ Jaun₂ ca₂ŋag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con'₂ tsá₃ ŋó₅ nē₁jua'₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lín₃ guē'₄ dse₃ ju₁le₁dsi₅₄ me'₂ jaun₂, ju₁dsi₂cón₃ bá₄ co₂lē₅, ca₂lia'₂ ca₂tē₂ jmig₄ i₁ráu₃; jaun₂ guē'₄ tsing₅₄ dsa₂ a₂dsi₃cang₅₄ de'₂

le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂
'nei₃, dsi'₂, jaun₂ gué₄ cág'₃ trigo tó'₃ caun₂ ja₁tó'₃ dsi₂néi₂
quió₃.”

Jág₁ a₂jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza
(*Marcos 4:30-32; Lucas 13:18-19*)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juíg₃, lě₅ jui₁lia'₂ lě₅ mǐg₂ jon₂ quió'₅
ni₁'ma₂ mostaza† a₂ca₂jné₂ jan₂ dsa₂ ja₁nau₂ quió'₅. ³² Dsón'₂
mǐg₂ jon₂ jaun₂ lě₅ mǐg₂ a₂pí'₁ tei₄ gué₄ 'ñio₅ lin₃ lia'₂ con'₂ gué₄
mǐg₂ jon₂ siá'₂; la₁ia₁ jě₁ma₂ca₂i₃cón₃ ně₃, lě₂ caun₂ ni₁'ma₂ pa₁
gué₄ lia'₂ con'₂ gué₄ rin'₅₄ a₂cha₂ ja₁nau₂ quió'₅, ca₂tě₂ i₁tan₅ lě₂
le₃tian'₃ gu'₂ nei'₅₄.

Jág₁ jáng'₅ léi₄ jui₁lia'₂ 'a₂ lia'₂ rón'₂ i₁ñí'₄
(*Lucas 13:20-21*)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lě₅ guei'₅₄ i₂juíg₃ ja₁gon₂ Diú₄, jui₁lia'₂ lě₅ levadura
a₂co₂güín'₂ jan₂ 'io₅₄ quian'₅₄ 'ni₅ tio'₅₄ ñí₁ ca'₅₄† ti₁jui₁ harina,
ia₁jaun₂ ron'₂ dse₃ ca₂le₃jě₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(*Marcos 4:33-34*)

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tě₂le₃ quian'₅₄
jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tě₂le₃
quian'₅₄ jág₁ a₂jáng'₅ léi₄. ³⁵ Le₂ně₅ ca₂jmo₃ ia₁jaun₂ le₃tí₃ jág₁
a₂jme₁ma₂rě₂ 'ě₂ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂
jme₁ca₂juá'₂:

'Uě'₅₄ jniá₂ jág₁ 'o₃
tě₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rě₃jniá₂
ca₂le₃ ca₂jmo₃ Diú₄ mi₂güíg₃, §

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ ni₁nau₂ 'lig'₅₄
a₂ca₂'ia₂jě₄ trigo

³⁶ Jaun₂ ně₃, ca₂o₃'ín₃ Jesús jin₄ dsa₂ juin₅ ja₁jme₁'ein₅₄ jaun₂
ca₂'í₃ táng₃ caun₂ dsi₂néi₂. Jaun₂ ca₂o₃lén₂ táng₃ chi'₂ dsi₂guia₃-
tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅
ni₁nau₂ 'lig'₅₄ a₂ca₂'ia₂ jě₄ trigo.

³⁷ Jaun₂ ca₂ñag₃ Jesús:

—Dsa₂ i₂ñi₅ séi₂ mǐg₂ jon₂ dse₃, Jaun₅ dsa₂ mi₂güíg₃ bá₄ 'éi₂;
³⁸ ja₁nau₂ guě'₂ lě₅ co₂'nió'₄ mi₂güíg₃ la₂. Jon₂ dse₃ guě'₂ ně₃,

† **13:31** mostaza: On₃jua'₅₄ mi₁ján'₅ a₂cuí'₅ dsa₂go₄jniog₄; caun₂ ni₁'ma₂ dsón'₂ jaun₂
a₂tě₂ tě₅sí₃ Brassica nigra. ‡ **13:33** griego: “ni₅ tio'₅₄ ñí₁ sata”, a₂tio'₅₄ con'₂ 22

co₂'nió'₄ lín₅ chi'₂-guein₂ i₂tion'₅₄ 'éi'₃ quió'₅ Diú₄. Ni₁nau₂ 'lig'₅₄ guè'₂ ně₃, co₂'nió'₄ dsa₂ i₂tion'₅₄ juí₅ 'éi'₃ quió'₅ i₂sě₃dsen₃. ³⁹Dsa₂ 'lin'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂sě₃dsen₃ bá₄ 'éi₂. I₁ráu₃ guè'₂ ně₃, lě₅ jmig₄ jě₁ca₂tó'₂; i₂ja₃lén₂ ja₃cag'₅₄ guè₄ ně₃, ángeles quián₅ bá₄ Diú₄. ⁴⁰Jaun₂, juí₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂ně₅ bá₄ lé₂ ján₃ jmig₄ jě₁ca₂tó'₂ mi₂güig₃ la₂. ⁴¹Chen₃ Jaun₅ dsa₂ mi₂güig₃ ángeles quián₅ ia₁jaun₂ 'uín'₂ jě₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rin'₅₄ a₂'no₂₃ dso₄, ca₂le₃jín₃ guè₄ i₂ca₂rě₃chán₃ i₂tsá₃ ca₂tí₂ juí₅ 'lig'₅₄. ⁴²Jaun₂ to'₂ ja₁néi'₅ tsi'₄ si₂, ja₁tóin'₃ qui'₂-o₂₃, qui₃quíg'₃ jan₅₄ ně₃. ⁴³Jaun₂, dsa₂ dsen₃ quián₅ Diú₄ guè'₂ dsí₃lein₅ dsí₃tian'₂ ja₁jniai₅₄ tág₅ juí₁lia'₂ jniá₂ 'iog₂ ja₁jmo₅ Diú₄ Jmei₂ 'éi'₃. Chi₂jua'₂ 'ein₂ 'nia'₂ i₂dsi₅₄ rě₂gua₄, rě₂ nei₂ 'nia'₂.

Jág₁ a₂jáng'₅ léi₄ juí₁lia'₂ caun₂ a₂quen₅ guè₄ 'ŋio₅ lín₃ a₂rě₂'ma₄

⁴⁴'Guei'₅₄ i₂juíg₃ ja₁gon₂ Diú₄ ján₃ bá₄ lě₅ juí₁lia'₂ caun₂ a₂quen₅ 'ŋio₅ lín₃ a₂rě₂'ma₄ rě₂'o₅ né'₃ 'uě₃. La₁ juí₁lia'₂ jan₂ dsa₂ i₂dso'₂ ně₃, ja₁jaun₂ bá₄ 'ma₂₃ táng₃; ia₁ a₂ŋí₄ lě₃ 'io'₂ jén'₅, jaun₂ dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ 'uě₃ jaun₂.

Jág₁ a₂jáng'₅ léi₄ juí₁lia'₂ míg₂ perla a₂quen₅ lín₃

⁴⁵'Ján₃ bá₄ lě₅ guei'₅₄ i₂juíg₃ ja₁gon₂ Diú₄ juí₁lia'₂ lín₅ jan₂ dsa₂ i₂ŋi₅ 'no'₂ perlas jlá'₁ ia₁jaun₂ jmo₃ 'ma'₅₄. ⁴⁶Jě₁ma₂ca₂dsó'₂ ca₂míg₂ a₂quen₅ lín₃, dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ míg₂ jlá'₁ jaun₂.

Jág₁ a₂jáng'₅ léi₄ juí₁lia'₂ tsi₁'má₅

⁴⁷'Ján₃ bá₄ le₂jaun₂ lě₅ guei'₅₄ i₂juíg₃ ja₁gon₂ Diú₄ juí₁lia'₂ lě₅ caun₂ tsi₁'má₅ a₂táun₂ dsa₂ ne₄ jmí₁ŋí'₄ jaun₂ 'uín'₂ ca₂le₃jín₃ ne₅₄ já'₂. ⁴⁸Jě₁ma₂ca₂rin₅ tsi₁'má₅, dsa₂ ně₃ 'íin₅ tě₂le₃ chei'₅₄ jmí₁ŋí'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁to'₂, jaun₂ guian'₂ bá₄ juí₁lia'₂ já'₂ i₂tsá₃ dsen₃. ⁴⁹Ján₃ bá₄ le₂jaun₂ lé₂ jmig₄ jě₁ca₂tó'₂ mi₂güig₃ la₂: 'uín₃ ángeles ja₃jmó₂ jma₃quén₅ dsa₂ 'lin'₅₄ jě₄ quió'₅ dsa₂ dsen₃ ⁵⁰jaun₂ toin'₂ i₂'lin'₅₄ ja₁néi'₅ tsi'₄ si₂ ja₁dsí₃toin'₅₄ qui'₂-o₂₃ qui₃quíg'₃ jan₅₄ ně₃."

Juí₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

⁵¹Jaun₂ ca₂ŋí'₃ Jesús chi'₂ dsi₂guia₃-tín₂ quián₅:

—¿ŋíg'₂ 'nia'₂ ca₂le₃jě₃ jág₁ a₂juá'₅ jniá₂ ně₅?

Jaun₂ ca₂ŋag₃:

—Nág'₂ bá₄ jnia'₅₄.

⁵²Jaun₂ ca₂juá'₂ Jesús ně₃:

—Juí₁lia'₂ jan₂ tě₅juá'₅ i₂ma₂ca₂jme₃tin₅ 'a₂ lia'₂ lě₅ guei'₅₄ i₂juíg₃ ja₁gon₂ Diú₄, lín₅ juí₁lia'₂ lín₅ jan₂ juig₅₄ tsi₁'né₅ i₂'uě'₅

a₂quen₅ a₂te₁'i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ ně₃.

'En₅₄ Jesús jě₄ juig₂ Nazaret
(Marcos 6:1-6; Lucas 4:16-30)

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng'₅ léi₄ ně₅, ca₂o₃'iin₃ bá₄ ja₁jaun₂, ŋái'₃ juig₂ go₅₄. ⁵⁴ Jme₁ca₂dsiáin'₃ jaun₂ ně₃, ca₂jme₃lióg₃ ca₂jme₃tiin₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ ně₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tin₅ i₂ně₅ jág₁ a₂ŋí₄ lě₃ tiin₂₃ ně₅? ¿A₂ bá₄ lia'₂ 'io₂₃ bí₂ a₂tiin₂ jmo₃ o₂dsain₂ ně₃? ⁵⁵ ¿On₁jua'₅₄ i₂ně₅ ja₁ŋi'₅₄ tě₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂ně₅ i₂lín₅ rin'₅₄ Santiago* quian'₅₄ Sě₄, Si₂mu₅₄, Judas ně₃? ⁵⁶ ¿On₁jua'₅₄ jě₄ quián₂ jniog₄ la₂ tián'₅ 'io₅₄ riin'₅₄ ně₃? ¿A₂ bá₄ já'₄ já₅ a₂ŋí₄ lě₃ cui'₅ i₂ně₅ ca₂le₃jě₃ jág₁ a₂tiin₂ ně₅?

⁵⁷ Jaun₂ tsá₃ dse₃ ca₂tín₂ dsa₂ jág₁ jaun₂ quió'₅, tsá₃ jui₅ ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juig₂ siá'₂ jme₂gan₃ dsa₂ ju₁lia'₂ jan₂ dsa₂ i₂'ě₂ jág₁ quián₅ Diú₄; ŋia'₅₄ lia'₂ dsa₂ go₅₄ bá₄, tsá₃ jei₅₄, quian'₅₄ dsa₂ dsi₂néi₂ quió'₅ ŋiog₅ ně₃.

⁵⁸ Jaun₂ tsá₃ ma₃léi₄ juě'₂ lin₅₄ ca₂jmo₃ ja₁jaun₂, ia₁ tsá₃ guě'₂ 'én₂ dsa₂.

14

Ca₂jon₃ Juan₅₄ i₂chon₅ dsa₂ jmi₂g₂
(Marcos 6:14-29; Lucas 9:7-9)

¹ Jmi₂g₄ jaun₂ Herodes, i₂jme₁lín₄ dsi₄má'₂ 'uě₃ Galilea, ca₂rě₃ŋi₅ jág₁ a₂ŋi₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmi₂g₂ bá₄ ně₅ ŋi₅; ma₂ca₂jein'₅₄ táng₃. 'Uig₅₄ jaun₂ 'io₂₃ ju₁i₅bí₂ a₂jmo₂₃ léi₄ juě'₂.

³ Ia₁ le₂ŋi₅ ma₂ca₂jŋa'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né'₃ 'má₃ ně₃. Ca₂jmo₃ le₂ně₅ 'uig₅₄ quió'₄ 'io₅₄ Herodías i₂jme₁lě₄ dsa₂ mí₂ quián₅ Fe₂li₄ riin'₅₄. ⁴ Ia₁ 'lióng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ ně₅.”

⁵ 'Uig₅₄ jág₁ jaun₂, jme₁'nio₃ Herodes ŋii'₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ě₂ jág₁ quián₅ Diú₄. ⁶ La₁ caun₂ jmi₂g₄ ně₃, jme₁ca₂dsí'₃ Herodes ŋi₂, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmi₂g₄. A₂ně₅ ně₃ ca₂tě₂ dsí₅ 'ŋio₅ lin₃

* 13:55 Santiago: ján₃ bá₄ chein₂ Jacobo.

Herodes, ⁷ ca₂lia'₂ ca₂cuë'₃ jág₁ quió'₅, ca₂le₃jě'₃ 'iin₂₃ Diú₄ a₂cuë'₃ 'e₂ caun₂ a₂mi₃ 'io₅₄ bē'₅₄ 'éi₂. ⁸ Jaun₂ ně₃, jme₁ma₂ně₂tio'₂ chog₅₄ jág₁, ŋó₃, ca₂juá'₂:

—Cuë'₄ mi₂dsi₄ Juan₅₄ i₂chon₅ dsa₂ jmig₂, tē₂ně₃, 'i₄ 'ŋiό'₃ uing₅.*

⁹ Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂ně₅, la₁ tsá₃ ma₃'e₂ ŋi₅ jmo₃, ia₁ ma₂ně₂cuë'₃ jág₁ quió'₅ a₂'iin₂₃ Diú₄, tē₃nag₅ dsa₂ i₂tion'₅₄ dsi₂néi₂ ja₁niog₅ jmig₄. ¹⁰ Jaun₂ lě₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'ŋiό'₃ uing₅,† jaun₂ ca₂cuë'₃ 'io₅₄ bē'₅₄ 'éi₂, jaun₂ 'éi₂ ně₃ ca₂i₁con₂ ne₄ chog₅₄.

¹² Jme₁co₂lág₂ jaun₂ ně₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁ó₄. Jaun₂ guē₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'ŋiá₂ mei₅ dsa₂

(Marcos 6:30-44; Lucas 9:10-17; Juan 6:1-14)

¹³ Jme₁ca₂rě₃ŋi₅ Jesús jág₁ ně₅, ca₂o₃'iin₃ ja₁jme₁'ein₅₄, ca₂'í₃ 'ŋiό'₃ caun₂ tsi₁mu₅, a₂jme₁i₂'i₅ caun₂ ja₁co₂'ŋiog₅. La₁ juin₅ dsa₂ juig₂ te₁'i₁ con'₂ ma₂quián₅ jaun₂ ca₂rě₃ŋi₅, jaun₂ ca₂'uiin₂, ca₂i₁lein₅₄ ca₂i₁'ein₂₃ Jesús ju₁i₅ tag₅₄. ¹⁴ Jme₁ca₂dsiό₃ Jesús le₂'ŋo'₅₄ jmig₂, ca₂jág₃ juin₅ lin₃ dsa₂ ma₂tión₂ le₁ŋiog₅. Jaun₂ ca₂dsia₃ ŋéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁quile₁dsō'₅₄ quián₅ dsa₂. ¹⁵ Tē₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'ŋiog₅ bá₄ la₂ ja₁tsá₃ 'ein₂ tián'₅, 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ ně₅, qui₂dsi₃lia₅ ca₂la₂ a₂guē'₃.

¹⁶ Jaun₂ ca₂ŋag₃ Jesús:

—Tsá₃ tion₅₄; cuë'₅₄ 'nia'₂ dsa₂ guiong'₅₄ a₂guē'₃.

¹⁷ Jaun₂ ca₂ŋag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, ŋŋia'₅₄ lia'₂ 'ŋiá₂ i₁ŋí'₄ bá₄, quian'₅₄ on₃ i₁ju₁.

¹⁸ Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

¹⁹ Jaun₂ ně₃, ca₂tsí'₃ dsa₂ a₂tiaín₃ ne₄ 'uē₃. Jaun₂ ca₂ŋa₃ ta₁'ŋiá₂ i₁ŋí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cuē'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ŋí'₄, ca₂cuē'₃ chi'₂ dsi₂guia₃-tín₂. Jaun₂ 'éi₂ guē₄ ně₃ ca₂dsiό'₃ jin₄ dsa₂. ²⁰ Ca₂le₃jín₃ bá₄ dsa₂ ca₂guē'₃ ca₂lia'₂ ca₂'ág'₃ dsí₅. Jme₁ca₂lě₃ guē'₅, jaun₂ ca₂cág'₃ bá₄ guē₄ guia₃-tín₂ tsi₁mi'₂

* **14:8** lit. “rē₂dsí₂ ne₄ caun₂ ni₁ŋí₁ charola.” † **14:11** lit. “rē₂dsí₂ ne₄ caun₂ ni₁ŋí₁ charola.”

'nau₅₄ a₂ca₂chóng₃. ²¹ Dsa₂ i₂ca₂guě₃ 'éi₂ jme₁tén₄ 'ñiá₂ mei₅ jma₃ lia₂ dsa₂ ñe₂, i₂sián₂ bá₄ dsa₂ mí₂, chi₂ ně₃.

Ca₂ñi₃ Jesús ne₄ jmi₁ñí₄

(Marcos 6:45-52; Juan 6:16-21)

²² Dsi₂jui₅ jme₁ca₂lě₃ jaun₂, ca₂jmo₃ Jesús 'éi₃ a₂tón₃ chi₂ dsi₂guia₃-tín₂ 'ñi₃ tsi₁mu₅, a₂ñí₃ de₂ 'éi₂ jmi₂ le₁ññiá₄ lia₂ con₂ guě₄ 'ñiog₅ a₂dsi₃lein₃, tē₁lia₂ 'í₂ 'ñiog₅ 'ág₅ jág₁ dsa₂. ²³ Jme₁ca₂lě₃ 'ág₅ jág₁ dsa₂, ca₂ñó₃ jui₅ má₂ i₁chi₂i₁lein₄ Diú₄. Ca₂tó₂ nei₂ jme₁ca₂tó₂, jaun₂ bá₄ 'ein₅₄ 'ñiog₅. ²⁴ Tsi₁mu₅ a₂tion₅₄ chi₂ dsi₂guia₃-tín₂ ně₃, jme₁ma₂dsi₃óg₃ dsi₂jo₂ jmi₁ñí₄. Jmi₂ ně₃, qui₂ñá₅ tiá₂ lin₃ dso₂ tsi₁mu₅, ia₁ 'ei₅ tiá₂ dsí₂ 'liog₂ le₃ca₃. ²⁵ Le₁né₃ tē₂le₃ ca₂ñnia₃ jaun₂, ca₂jme₃quián₃ Jesús ja₁ñáu₄ tsi₁mu₅ tioin₅₄. ²⁶ Jaun₂ ně₃ jme₁ca₂jág₂ chi₂ dsi₂guia₃-tín₂ jóin₅ ñi₂₃ ne₄ jmi₁ñí₄, ca₂juin₂ ca₂tóin₂ co₂mi₅₄ ca₂guió₃ ca₂juá₂:

—jme₂dsí₂ 'lin₅₄† bá₄ ó₃!

²⁷ La₁ dsi₂jui₅ bá₄ ca₂juá₂ Jesús ně₃:

—jDsiá₄ 'nia₂ tiá₂ 'au₂! jñiá₂ bá₄ la₂; tsá₃ lē₁juin₂ 'nia₂!

²⁸ Jaun₂ Pe₄ ně₃ ca₂ñag₃:

—Te₁gui₅₄, chi₂jua₂ 'ne₂ ně₅, jmo₄ 'éi₃ a₂nei₅₄ ñi₅₄ ne₄ jmi₂ a₂dsi₃óg₄ tē₂ ja₁chéng₄ ně₅.

²⁹ —Ñia₅ jaun₂ —ca₂juá₂.

Jaun₂ ca₂si₃ón₃ Pe₄ 'ñi₃ tsi₁mu₅, ca₂ñi₃ ne₄ jmi₂ jme₁ñó₄ ja₁chén₄ Jesús. ³⁰ La₁ jme₁ca₂tón₃ jui₅ ca₂jág₃ 'a₂ lia₂ 'ei₅ tiá₂ dsí₂, ca₂ja₃g₃ dsí₅, jaun₂ guě₄ ca₂rě₃lióg₃ ca₂i₃óin₅ jmi₂. Ca₂guió₃ tiá₂, ca₂juá₂:

—jLi₄ jniá₂, Te₁gui₅₄!

³¹ Dsi₂jui₅ jaun₂ ca₂néi₃ Jesús gu₂, ca₂tín₂ quió₅ Pe₄, jaun₂ juá₂:

—j'E₂ guě₄ ca₂jui₄ 'én₂ 'ne₂! ¿'E₂ lě₃ ně₂'éi₂ caun₂-tín₃ 'au₂?

³² Jme₁ca₂i₃toin₅₄ 'ñi₃ tsi₁mu₅, ca₂'ág₂ táng₃ tei₄ dsí₂.

³³ Jaun₂ i₂jme₁tion₅₄ 'ñi₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag₂. Jaun₂ ca₂juá₂:

—Dsón₂ bá₄ líng₅ Ja₁ñi₅₄ Diú₄.

Ca₂jme₃'lión₂ Jesús dsa₂ dso₅₄ 'uě₃ Genesaret

(Marcos 6:53-56)

³⁴ A₂ca₂'ain₂ jmi₂ jaun₂, ca₂dsi₃lein₃ 'uě₃ Genesaret. ³⁵ Dsa₂ chan₂ ja₁jaun₂ ně₃, jme₁ca₂rě₃cuin₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃ě₃ juig₂ te₁'i₁ le₃lág₃ jaun₂, jaun₂ ca₂o₃ññiá₃ dsa₂ ca₂le₃jin₃ dsa₂ i₂jme₁le₁dso₅₄ ja₁'en₅₄ Jesús. ³⁶ Jaun₂ ca₂mi₃ tsá₃ a₂nag₅₄ o₁ññia₅₄ 'ág₃ tag₄ tsin₅₄ bá₄ cuě₃ jmi₂ ní₃ dsa₂

† 14:26 griego: fantasma.

i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄
 Jesús, ca₂'lóin₂ co₂ŋei'₅₄ dso₄ a₂jme₁lín₄.

15

Jme₂tag₅ Jesús jui₁lia'₂ 'e₂jaun₂ a₂jmo₅ a₂rě₂'ŋio₅ dsa₂
(Marcos 7:1-23)

¹ Jaun₂ ně₃ ca₂o₃lén₂ i₂lín₅₄ dsa₂ fariseos quian'₅₄ tē₅juá'₅
 i₂ja₂lén₂ Jerusalén, ca₂jme₃quiáin₃ ja₁con₂ Jesús, jaun₂ ca₂ŋag₃:

² —ǀE₂ lě₃ tsá₃ jme₂ti₃ dsa₂ i₂quiang'₅₄ tag₄ 'éi'₃ a₂chí'₅ quió'₅
 dsa₂ can'₅₄? Tsá₃ rang₂₃ gu₂ né'₃ guě₄ a₂guě'₃.

³ Jaun₂ ca₂ŋag₃ Jesús:

—'Nia'₂ guě'₂ ně₃, ǀE₂ lě₃ qui₂tsó'₂ 'nia'₂ 'éi'₃ quió'₅ Diú₄
 a₂jme₂tí'₁ 'nia'₂ jmá'₃ lia'₂ tag₄ quián'₂ 'nia'₂ guiong'₅₄? ⁴ Ia₁
 ca₂juá'₂ Diú₄: “Jme₁gan₃ 'nia'₂ chog'₂-ŋéi'₅.”* Ján₃ bá₄
 ca₂juá'₂: “I₂tě₂'on'₂ jmei₂, o₃ i₂tě₃'on'₂ chog₅₄, ca₂tín₂ jóin₂.”†

⁵ La₁ 'nia'₂ ně₃ jme₂tíng'₁ dsa₂, ně₁'ein₂ cha₂ quió'₅ a₂lé₂
 le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃ dsa₂ chog₅₄-jmei₂:
 “A₂ma₂rě₂jen'₅₄ ne₄ Diú₄ bá₄ a₂jaun₂”, ⁶ jaun₂ ně₃, jme₂tín'₂ 'nia'₂
 dsa₂ 'éi'₃ a₂tsá₃ ma₃tion₅₄ 'nió'₅ jme₃'on₅₄ dsa₂ chog₅₄-jmei₂.
 O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂
 tsá₃ ma₃'e₂ quen₅ 'éi'₃ quió'₅ Diú₄. ⁷ i'Nia'₂ dsa₂ i₂lě₁jmo₅-dsáu₅
 o₁ne₁ a₂jmo'₂ 'nia'₂ a₂jme₂juíng'₁ Diú₄ quian'₅₄ tag₄ quiáng'₂
 ja₂nóg'₅! Dsón'₂ bá₄ dsau₅ a₂ca₂juá'₂ Isaías i₂jme₁'ě₂ jág₁ quián₅
 Diú₄, jme₁ca₂tióng₃ ne₄ si₂, 'iin₂₃ 'nia'₂, jme₁ca₂juá'₂:

⁸ Dsa₂ juig₂ la₂ jme₂juag'₂ jniá₂

jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅

ja₁con₂ jniá₂.

⁹ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güíng₃ bá₄ jaun₂.‡

¹⁰ Jaun₂ ca₂tě'₃ Jesús dsa₂ juin₅ i₂ma₂quiain'₅₄ a₂jme₃quián₃
 'éi₂ ja₁coin₂, jaun₂ ca₂juá'₂:

—Rě₂ nei₂ 'nia'₂ a₂la₂; jui₁le₂ŋí'₂ 'nia'₂: ¹¹ Jui₁lia'₂ a₂dsi₂to'₅₄
 jui₅ mi₂'o₄ dsa₂, on₃jua'₅₄ a₂jaun₂ jmo₅ a₂rě₃'iog₅ jme₂dsí₂ quió'₅
 dsa₂. Ca₂le₃jě₃ a₂'uě₂ jui₅ mi₂'o₄ dsa₂, a₂jaun₂ bá₄ jmo₅ a₂rě₂'iog₅
 jme₂dsí₂ quió'₅ dsa₂.

¹² Jaun₂ ca₂jme₃quián₃ chi'₂ dsi₂guia₃-tín₂, jaun₂ ca₂juá'₂:

—ǀTsa₁ ŋi'₅₄, 'ŋio₅ lín₃ tsá₃ dse₃ ca₂tín₂ dsa₂ fariseos jág₁
 a₂ně₂chei'₅₄?

¹³ La₁ ca₂ŋag₃ Jesús:

* 15:4 Éxodo 20:12; Deuteronomio 5:16.

† 15:4 Éxodo 21:17; Levítico 20:9.

‡ 15:9 Isaías 29:13.

—Ca₂le₃jě₃ ni₁'ma₂ a₂tsá₃ ca₂chéin'₃ Ńe'₃ jniá₂ i₂guá₅ guei'₅₄ i₂juíg₃, guéi₃ le₂jio₅ jmú₄. ¹⁴ O₁lě₄ me'₂; ia₁ dsa₂ ten₄ bá₄ nē₅ quian₅ ne₄ jui₅. Š Ia₁ nē₁jua'₂ jan₂ dsa₂ ten₄ ŋjia₁₂₃ dsa₂ ten₄ riin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ já₁ dsau₅ jáng'₅ já₁ nē₅.

¹⁶ Jaun₂ ca₂ŋag₃ Jesús:

—ǃján₃ bá₄ tsá₃ ŋí'₂ 'au'₂ 'nia'₂? ¹⁷ Ia₁, ǃtsa₁ ŋí'₂ 'nia'₂, jui₁lia'₂ ca₂le₃jě₃ a₂dsi₂to'₅₄ jui₅ rē₂'o₄ dsa₂, dsi₂lě₂ rē₂tú'₅ bá₄ dsa₂, cang₂ jaun₂ 'uē₂ táng₃? ¹⁸ La₁ jui₁lia'₂ a₂'uē₂ jui₅ mi₂'o₄ dsa₂, a₂jaun₂ a₂já₅ tē₂dsí₅ bá₄ dsa₂. A₂jaun₂ bá₄ jmo₅ a₂rē₂'iog₅ jme₂dsí₂ quió'₅ dsa₂. ¹⁹ Ia₁ tē₂dsí₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jio₅ dsí₅: jui₁lia'₂ a₂jme₂dsian₅ dsa₂ dsa₂ mi₂güig₃ riin'₅₄: jui₁lia'₂ a₂nió'₅ dsa₂ já₁ quian'₅₄ dsa₂ i₂tsá₃ lín₅ dsi₂i₂gu₂, jui₁lia'₂ a₂lě₁i₂nio₄ dsa₂ tiáin'₅, tsá₃ gu₂ le₁jen'₂; jui₁lia'₂ a₂'ang₅ dsa₂; jui₁lia'₂ a₂nau₂ dsa₂ a₂jáng'₅ já₁ dsau₅ a₂jmo₂₃ tē₂jíin₁; jui₁lia'₂ a₂jmo₅ dsa₂ a₂lě₁bóin'₂ dso₄ riin'₅₄ nē₃. ²⁰ Ca₂le₃jě₃ a₂nē₅ bá₄ jmo₅ a₂rē₂'iog₅ jme₂dsí₂ quió'₅ dsa₂; la₁ a₂guě'₅ dsa₂ tē₃ tsá₃ ma₂nē₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rē₂'ŋio₅ dsa₂.

Jan₂ i₁náú₃ i₂ca₂rě₃'én₂ tē₂le₃ quió'₅ Jesús
(Marcos 7:24-30)

²¹ O₂'in₃ bá₄ Jesús ja₁jaun₂, ca₂ŋó₃ táng₃ jui₅ juig₂ Tiro quian'₅₄ Sidón. ²² Ja₁jaun₂ jan₂ 'io₅₄ cananea i₂guá₅ jě₄ juig₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

—ǃTe₁gui'₅₄, jaun₅ David, dsa₄ ŋéi₂ 'au'₂ jniá₂! Jan₂ chí'₂ ja₁míg₄ jniá₂ 'en₅₄ jan₂ jme₂dsí₂ je₂na'₅₄ tē₂dsí₅, 'ŋio₅ lín₃ ŋág₅ uig₅.

²³ La₁ tsá₃ 'e₂ ca₂ŋag₃ Jesús 'i₁caun₂. Jaun₂ o₃lén₂ chí'₂ dsi₂guia₃-tín₂ quiáin₅, jaun₂ ca₂juá'₂:

—Chei'₅₄ i₂nē₅ jui₁dsiain'₅₄, ia₁ já₅ guió'₅ co₂mi'₅₄ chí₁co'₅₄ quián₂ jniog₄.

²⁴ Jaun₂ ca₂ŋag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

²⁵ La₁ caun₂ já₅ bá₄ 'io₅₄ 'éi₂, ca₂chí₃ŋné₃ ne₄ Jesús, ca₂juá'₂:

—ǃTe₁gui'₅₄, jme₁'o₄ jniá₂!

²⁶ Jaun₂ ca₂ŋag₃ Jesús:

—Tsá₃ dsi₂ten₅₄ jua'₅₄ a₂jniá'₄ jniá₂ i₁ŋí'₄ quió'₅ chí'₂-guein₂ a₂cuě₄ dsi₂ji'₅₄.

²⁷ Jaun₂ ca₂ŋag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsi₂ji'₅₄ ni₁jne₁ a₂tsi₂séi'₂ ne₄ mesa ja₁guě'₅ juig₅₄.

28 Jaun₂ ca₂ŋag₃ táng₃ Jesús:

—i'E₂ guě₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lě₅ a₂mi'₂ ně₅.

Dsi₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

29 O₂'ín₃ bá₄ táng₃ Jesús ja₁jaun₂, jaun₂ ca₂ŋí₃ jui₅ chei'₅₄ jmi₁ŋí'₄ Galilea; jaun₂ ca₂uíg₂ jui₅ ne₄ má'₂, jaun₂ ca₂guá₂ jme₁dsióg₃. ³⁰ Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁ŋjiai₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ guě₄ dsa₂ sián'₂ i₂jme₁le₁dso'₅₄ ně₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. ³¹ Jaun₂ guě₄ ca₂i₃gó'₃ dsí₅ dsa₂ jme₁ca₂tě₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₂le₁já'₂ quió'₅, quian'₅₄ dsa₂ guian'₅₄ ně₃; dsa₂ ten₄ ně₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

*Ca₂jme₃tan₅₄ Jesús quén₂ mei₅ dsa₂
(Marcos 8:1-10)*

32 Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—'Ŋio₅ ŋéi₂ dsi₃ jing₅₄ dsa₂ ně₅, ia₁ ma₂'ni₅ jmi₅g₄ tioin'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guě'₃ ja₁lá₃. Jaun₂ ně₃, tsá₃ 'nio₃ jniá₂ dsia₁n'₅₄ tě₃ tsá₃ ma₂ně₂guě'₃, ia₁ con'₂ tsá₃ ŋó₅ ně₁ca₂'uáin₂ le₂'i₄ jui₅.

33 Jaun₂ ca₂juá'₂ chi'₂ dsi₂guia₃-tín₂ quiáin₅:

—¿A₂já'₄ lé₂ dsi₁liá₄ i₁ŋí'₄ ja₁co₂'ŋiog₅ la₂ a₂guě'₃ dsa₂ juin₅ ně₅?

34 Jaun₂ ca₂ŋag₃ Jesús ca₂ŋí'₃ chi'₂ dsi₂guia₃-tín₂:

—¿Je₂liá'₂ i₁ŋí'₄ 'i₄ guě₄ quián'₂ 'nia'₂?

Jaun₂ ca₂ŋag₃ 'éi₂:

—Guio₃ i₁ŋí'₄ bá₄ 'i₄, quian'₅₄ guě'₂ on₃-ún₂ ju₄ pí'₁.

35 Jaun₂ ca₂jmo₃ 'éi'₃ a₂tian'₃ dsa₂ 'uě₃, ³⁶ jaun₂ ca₂ŋja'₃ ta₁guio₃ i₁ŋí'₄ quian'₅₄ i₁ju₁ ně₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ŋí'₄, ca₂cuě'₃ chi'₂ dsi₂guia₃-tín₂ quiáin₅, jaun₂ 'éi₂ guě₄ ně₃ ca₂dsió'₃ jin₄ dsa₂. ³⁷ Ca₂le₃jín₃ bá₄ dsa₂ 'éi₂ ca₂guě'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃. ³⁸ Dsa₂ i₂ca₂guě'₃ 'éi₂ jme₁lě₂ quén₂ mei₅ jmá'₃ dsa₂ ŋe'₂, i₂sián'₂ bá₄ dsa₂ mí₂ quian'₅₄ chi'₂ ně₃. ³⁹ Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'i₃ 'ŋió'₃ tsi₁mu₅ a₂ŋó₃ jui₅ jě₄ juig₂ Magadán.*

* 15:39 o₃, Magdala, ja₁chan₂ María Magdalena.

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ jué'₂

(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jjin₅₄ Jesús, ia₁ a₂'no'₂ jui₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juíg₃.

² La₁ ca₂ṅag₃ Jesús:

—['Nia'₂ tĩng'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂güí₃. ” ³ Ján₃ bá₄ juá'₂ 'nia'₂ jme₁lin₅₄ jui₁lia'₂ tē₃ o₃'iog₂, “Tiá'₃ jmi₅ nē₃, ia₁ guéin₂ jniá₂ jnei₅ tio'₅₄ guei'₅₄. ” Nj'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, njia'₅₄ lia'₂ 'e₂ a₂tē₅ ne'₅₄ 'nia'₂ jmi₄ nē₃ bá₄, tsá₃ nj'₅₄ 'nia'₂ 'e₂ jein₅ jág₁.]* ⁴ Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ṅe'₂ 'nia'₂, njia'₅₄ lia'₂ caun₂ léi₄ jui₁lia'₂ a₂ca₂i₃ṅi₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ṅái'₃.

Levadura quió'₅ dsa₂ fariseos

(Marcos 8:14-21)

⁵ Jme₁ca₂'an₂ chi'₂ dsi₂guia₃-tĩn₂ jmi₁ṅí'₄, ca₂dsáu'₃ dsí₅ tsá₃ 'e₂ i₁ṅí'₄ le₁quian₅ guě'₃. ⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tĩn'₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos nē₃. Ia₁ juá'₅ quió'₅ lē₅ lia'₂ lē₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tĩn₂ jág₁ tsí'₅ riin'₅₄:

—Ia₁ tsá₃ i₁ṅí'₄ le₁quian₁ bá₄ jniog₄, jaun₂ bá₄ juá'₂ le₂nē₅.

⁸ La₁ ca₂rē₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lē₃ juá'₂ 'nia'₂ tsá₃ le₁quian₄ i₁ṅí'₄? ¡'E₂ guě₄ ca₂juig₄ 'én'₂ 'nia'₂! ⁹ ¿'E₂? ¿Tsa₁ ma₂ca₂rē₃ṅí'₂ 'nia'₂? ¿Tsa₁ ma₃dsá'₂ 'au'₂ 'nia'₂ lia'₂ con'₂ ca₂dsio'₄ jniá₂ 'ṅiá₂ i₁ṅí'₄ ca₂lin₅ quió'₅ 'ṅiá₂ mei₅ dsa₂, on₃ guě'₂ dsá'₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ guě'₂ dsá'₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ṅí'₄ ca₂lin₅ quió'₅ quén₂ mei₅ dsa₂, on₃ guě'₂ dsá'₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ nē₃? ¹¹ ¿'A₂ bá₄ lia'₂ ṅi₄ tsá₃ rē₂len'₅₄ 'nia'₂? On₃ jua'₅₄ i₁ṅí'₄ 'è₅ jniá₂ jme₁nē₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ guě₄ ca₂ṅí'₂ dsí₅ 'éi₂ a₂'è₅ Jesús jaun₂, on₃ jua'₅₄ a₂ca₂tĩn₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁ṅí'₄, a₂ca₂tĩn₂ jmo₃ 'í₁ 'a₂ lia'₂ lē₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

* 16:3 A₂lin₅₄ chog₅₄ si₂ gui'₅₄ guě₄ tsá₃ chi₁ton₅ jág₁ a₂tio'₅₄ 'ṅi₀'₃ corchetes [le₂la₂].

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rē₂'ín₁ quián₅ Diú₄

(Marcos 8:27-30; Lucas 9:18-21)

13 Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipino, jaun₂ ca₂ñi'₃ chi'₂ dsig₂guia₃-tín₂ quián₅:

—¿Ein₂ lín₅ Jaun₅ dsa₂ mi₂güig₃, juá'₂ dsa₂?

14 Jaun₂ ca₂ñag₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmi₂g₂; i₂sián'₂ guē'₂ juá'₂ a₂lín₅ Elías; i₂lín₅₄ guē'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'ě₂ jág₁ quió'₅ Diú₄.

15 Jaun₂ ca₂ñag₃ Jesús:

—¿Nia'₂ guē'₂ ně₃? ¿E₂ juá'₂ 'nia'₂ 'ein₂ lín₅ jniá'₂?

16 Jaun₂ ca₂ñag₃ Si₂mu₅₄ Pe₄:

—'Ne₂ lín₅ dsa₂ I₂rē₂'ín₁, Ja₁ñi'₅₄ Diú₄ jén'₃.

17 Jaun₂ ca₂ñag₃ Jesús:

—E₂ guē₄ dsen'₃ 'ne₂, Si₂mu₅₄, ja₁ñi'₅₄ Jonás, ia₁ 'i₁jan₂ dsa₂ mi₂güig₃ tsá₃ ně₂jme₃jnia₅ ne'₅₄ a₂ně₅, jnia'₅₄ lia'₂ Ne'₃ jniá'₂ i₂guá'₅ i₂juig₃ bá₄. 18 Jaun₂ juá'₅ jniá'₂ juig₂ 'ne₂, a₂ma₂cheng'₂ Pedro, † jaun₂ ne₄ ni₁'lau₂ la₂† jmóg'₄ jniá'₂ guá'₅ quió₃, jaun₂ ca₂lia'₂ jnia'₅₄ i₂'io₅ bí₂ 'mú₃ tsá₃ le₃qui'₅₄ jmi₂g₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. 19 Jaun₂ o₄gog'₂ 'ne₂ dsia₅₄ jniá'₂ jág₁ dse₃ quió₃ a₂lě₅ co₂'nió'₄ ñi₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuē'₂ 'ne₂ jmi₂g₄ ne₄ gua'₅₄ 'uē₃ la₂ lia'₂ con'₂ lě₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juig₃; ján₃ bá₄ le₂jaun₂ jui₁lia'₂ a₂cuē'₂ 'ne₂ jmi₂g₄ gua'₅₄ 'uē₃ la₂ lia'₂ con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juig₃ ján₃.

20 Jaun₂ ca₂tsí'₃ chi'₂ dsig₂guia₃-tín₂ quián₅ a₂tsá₃ 'ein₂ tsí'₃ 'i₁jan₂ a₂lín₅ I₂rē₂'ín₁ quián₅ Diú₄.

Ca₂'ě₂ Jesús jág₁ a₂jóin₂

(Marcos 8:31--9:1; Lucas 9:22-27)

21 Tē₂le₃ ne₄ jui₅ ja₁ñó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsig₂guia₃-tín₂ quián₅, a₂tion₅₄ dsó₃ jui₅ Jerusalén, ja₁dsi₃ñi₂ 'lióng₂ ne₅₄ jmi₁ui₅ a₂jmóg'₂ dsa₂ can'₅₄ quián₅ guá'₅, quian'₅₄ juig₅₄ jme₂dsa₂, tē₅juá'₅ ně₃. Jaun₂ ca₂juá'₂ a₂ñag₃ dsa₂, la₁ a₂'ni₅ jmi₂g₄ jaun₂, jein'₅₄ bá₄ táng₃.

22 Jaun₂ Pe₄ ně₃ ca₂jio₃ le₃cau₅, jaun₂ ca₂jme₃lióg₃ a₂tē₂néi'₂ a₂jme₁ñéi₂ jui₅, ca₂juá'₂:

—i₁Tsá₃ o₁le₅₄ le₂ně₅, Te₁gui'₅₄! i₁O₁líg'₂ bá₄ tsá₃ jui₁dsi₂ñi'₂ 'ne₂ le₂ně₅!

23 La₁ Jesús ně₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

† 16:18 griego: Petros, co₂'nió'₄ le₃jua'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7.

—jŋiag'₃ cau₅ quió₃, Satanás! ŋiia'₅₄ jni'₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₅'au'₂ jui₁lia'₂ dsi₂jio₅ dsi₅ Diú₄. Ia₁ lia'₂ dsi₂jio₅ dsi₅ dsa₂ mi₂güig₃ bá₄ dsi₂jio₅ 'au'₂.

²⁴ Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá₂, co₂dsia₅ jui₁dsi₂'én₂ dsi₅ guioin₅₄, jui₁jmo₁₂ co₂ŋjia₁₅₄ a₂jóin₂,^S jui₁jia₂ chi₁co'₅₄ quió₃.
²⁵ Ia₁ jui₁'ein₂ gué₃ i₂tsá₃ 'nio₃ jón₂ ia₁ a₂'ín₅ dsi₅ le₃chain₂ dse₃ mi₂güig₃ la₂, dsi₂'én₂ quió'₅. La₁ jui₁'ein₂ gué₃ i₂tén'₂ dsi₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güig₃ caun₂.
²⁶ Ia₁, ĉ'_{e2} bá₄ ta₁ jmo₃ a₂lí'₂ dsa₂ 'ŋio₅ lin₃ ne₄ gua'₅₄ 'uë₃ la₂, ně₁jua'₂ dsi₃'én₂ bá₄ gué'₂ jme₂dsi₂ quió'₅ mi₂güig₃ caun₂? ĉ₀₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tín'₄ jme₂dsi₂ quió'₅?
²⁷ Ia₁ Jaun₅ dsa₂ mi₂güig₃ ŋi₀i'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ ŋiia'₅₄ niog₅ ca₂jmo₃.
²⁸ A₂dsi₂jó'₃ juá'₅ jniá₂ juig₂ 'nia'₂, chan₂ i₂lin₅₄ jui₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂tě₂ ne₅₄ jjin₂ Jaun₅ dsa₂ mi₂güig₃ a₂ŋi₀i'₂ lín₅ rag₅₄ a₂qui₃dsi₂₃ 'éi'₃.

17

Ca₂rě₃tsín₃ 'a₂ lia'₂ jniá₂ Jesús
(Marcos 9:2-13; Lucas 9:28-36)

¹ Jŋéi₂ jmig₄ cang₂ jaun₂, ca₂ŋiia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂i₃lén₂ con'₂ guioin₅₄ caun₂ má'₂ ŋei₅.
² Ja₁jaun₂ ca₂rě₃tsín₃ 'a₂ lia'₂ jniá₂ Jesús tē₃ jág₅ 'éi₂. Ne₄ Jesús ca₂ŋiia₃ tág₅ jui₁lia'₂ jniá₂ 'iog₂; tsin'₅₄ gué'₂ ně₃ ca₂ŋiia₃ tiog₂ jau₂ ca₂lia'₂ tág₅ lin₃.
³ Jaun₂ dsi₂jui₅ jaun₂ ca₂ŋiia₃ Moisés quian'₅₄ Elías, tióin₂ dsia₂₃ jág₁ quiain'₅₄ Jesús.
⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'_{e2} gué₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá₂ 'ni₅ tsí'₁₀₅ láu₃; caun₂ quiáng'₂, caun₂ quió'₅ Moisés, caun₂ gué'₂ quió'₅ Elías ně₃.

⁵ Tě₃jě₄ dsia₅ Pe₄ jág₁ jaun₂, ca₂lioin₂ caun₂ jnei₅ tág₅; jaun₂ jě₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ŋí₄ lě₃ 'nióg₃ gué₄ lin₃. 'E₂ bá₄ 'ŋio₂ dsi₃ quiain'₅₄. Nei₂ 'nia'₂ jág₁ quió'₅.

⁶ Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂i₃gain'₅₄ 'uë₃ le₁'éin₂,
⁷ Jaun₂ ca₂guán'₃ táng₃ Jesús cau₅ quió'₅, ca₂ŋjau'₃, jaun₂ ca₂juá'₂:

—Nau₂ 'nia'₂; Tsá₃ lě₁jmo₂ 'nia'₂ gang'₃.

^S 16:24 lit. “jui₁quian₅₄ cróg₄ quió'₅.” * 17:1 ján₃ bá₄ chein₂ Santiago.

8 Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jín₂; njia'₅₄ lia'₂ 'njog₅ bá₄ Jesús ma₂chéin'₅.

9 Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia'₂ ca₂tě₂ jmig₄ jě₁ma₂ca₂jen'₅₄ táng₃ Jaun₅ dsa₂ mi₂güig'₃ ne₄ 'mú₃.

10 Jaun₂ ca₂ḡag₃ chi'₂ dsi₂guia₃-tín₂ ca₂ḡí'₃ Jesús:

—Chi₂jua'₂ le₂ně₅, ħ'E₂ lě₃juá'₂ tē₅juá'₅, Elías bá₄ i₂jiá₃ le₂'uig'₅₄?

11 Jaun₂ ca₂ḡag₃ Jesús:

—Dsón'₂ Elías bá₄ jiá₃ le₂'uig'₅₄, jaun₂ 'éi₂ bá₄ jme₃rě₃ ca₂le₃jě₃.

12 La₁ juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig'₅. Jaun₂ qui₂ca₂jmóg'₂ dsa₂ lia'₂ lě₂ dsí₅ ca₂le₃jě₃ guě₄ 'a₂ lia'₂ 'nio₃ jmóg'₂. Ján₃ bá₄ le₂ně₅, Jaun₅ dsa₂ mi₂güig'₃ dsi₃ḡí'₂ uig'₅ o₄gú₃ dsa₂ 'éi₂.

13 Jaun₂ guě₄ ca₂rě₃lí₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

*Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lin'₅₄ dsí₅
(Marcos 9:14-29; Lucas 9:37-43)*

14 Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃iné₃ ne₅₄, jaun₂ ca₂juá'₂:

15 —Te₁gui'₅₄, dsia₄ ḡéi₂ 'au'₂ chi'₂ quiáng₃, 'ḡio₅ lin₃ ḡág₅ uig'₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ ně₃. 16 Ma₂i₁njai₅₄ jniá₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

17 Jaun₂ ca₂ḡag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ħJe₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ħJe₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂n₁ia₅ chi'₂ ja₁lá₃.

18 Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'iin₃ tē₂dsí₅ chi'₂ 'éi₂, jaun₂ guě₄ ně₃ ca₂lóin₂ dsi₂jui₅ le₂jaun₂.

19 Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jě₄ con'₂ guoin₅₄, jaun₂ ca₂ḡí'₃ 'éi₂:

—ħ'E₂ 'uig'₅₄ tsá₃ ca₂tián₃ jnia'₅₄ dsén₄ i₂'lin'₅₄?

20 Jaun₂ ca₂ḡag₃ Jesús:

—Ne₄ ia₁ a₂n₁í₄ lě₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá₂, jua'₅₄ mei'₂ guě₃ 'én'₂ 'nia'₂, tsá₃ a₂nag₅₄ o₁n₁ia'₅₄ con'₂ tí₅ ca₂míg₂ mi₂jon₂ mostaza,† lě₂ le₃jme₁juig'₅₄ 'nia'₂ ju₁lia'₂ má'₂ ó₃: “Jḡag'₃ ja₁ně₅, gua₂ tē₂le₃ ca₂taun₂”; má'₂ jaun₂ ně₃ jḡióg'₃ ja₁'ě'₂ 'nia'₂.

† 17:20 mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂tě'₂ tē₅sí₃ Brassica nigra.

'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ guě₃ le₂jaun₂.[‡]

Ca₂'ě₂ táng₃ Jesús jág₁ a₂jóin₂
(*Marcos 9:30-32; Lucas 9:43-45*)

²² Tě₁lia'₂ i₂nioi₅₄ co₂lě₅ le₂con₂ ja₁tén₄ 'uě₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jíin'₂ Jaun₅ dsa₂ mi₂güig₃ o₄gú₃ dsa₂ mi₂güig₃. ²³ Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsí₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia'₅₄ ja₁con₂ dsí₂tan₅₄ quián₅ guá'₅

²⁴ Jme₁ca₂dsióg₃ Jesús juig₂ Capernaum quiaín'₅₄ chi'₂ dsí₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi'₂ ca₂jme₃quiaín₃ con₂ Pe₄, ca₂ñag₃:

—¿Tsa₁ qui₅ tě₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂ñag₃ Pe₄:

—Ján₅. Quí₅ bá₄.

Jme₁ca₂'i₃ Pe₄ dsí₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄ dsa₂ mi₂güig₃, ¿'Ein₂ quió'₅ mi₂₃ 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsí₂nau₂ 'e₂?

²⁶ Jaun₂ ca₂ñag₃ Pe₄:

—Quió'₅ dsí₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi':

—Tsá₃ ca₂tín₂ dsa₂ go₅₄ qui₃ jaun₂ ně₃. ²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄ dsí₂jmig₂, O₂dsen₅₄ i₁ju₁ i₂nág'₃ le₂'uig₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ guě₄ ja₁gon₂ Diú₄
(*Marcos 9:33-37; Lucas 9:46-48*)

¹ Ján₃ bá₄ jmig₄ jaun₂ táng₃ ca₂jme₃quián₃ chi'₂ dsí₂guia₃-tín₂ con₂ Jesús jaun₂ ca₂ñag₃:

—¿'Ein₂ lín₅ i₂dsen₅₄ guě₄ guei'₅₄ i₂juig₃ ja₁gon₂ Diú₄?

² Jaun₂ ca₂tě'₃ Jesús jan₂ i₂bě'₅₄, jaun₂ ca₂chei'₃ dsí₂jo₂ ja₁tiáin'₄, ³ jaun₂ ca₂juá'₂:

—A₂dsí₂jó'₃ juig₂ jniá₂ 'nia'₂, ně₁jua'₂ tsá₃ ca₂jme₁tsín'₄ 'nia'₂ 'au'₂, a₂lég'₂ lia'₂ lín₅ jan₂ i₂bě'₅₄, o₁líg'₂ jmig₄ tsá₃ lé₂ le₃dsi₁no'₃

[‡] 17:20 A₂lín₅₄ chog₅₄ si₂ chi₁ton₅ versículo 21 bá, ján₃, a₂juá'₂ le₂la₂: “La₁ jui₁liá'₂ i₂'lín'₅₄ le₂ně₃, tsá₃ o₂'iín₅ ně₁jua'₂ tsá₃ chi₂lén'₂ dsa₂ Diú₄ a₂jme₂'iín₅₄.”

'nia'₂ guei'₅₄ i₂juíg₃. ⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei'₅₄ i₂juíg₃ jui₁lia'₂ i₂jmo₅ me'₂ lia'₂ lín₅ chi'₂ bē'₅₄ la₂. ⁵ Con'₂ síá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄

(Marcos 9:42-48; Lucas 17:1-2)

⁶ 'Jui₁'ein₂ guě₃ i₂jmo₅ tsi₂sén'₂ jui₁lia'₂ chi'₂ bē'₅₄ i₂le₂la₂ i₂'én₂ tē₂le₃ quió₃ jniá₂, ja₂lín₃ guě₄ co₂ñei'₅₄ dse₃ tón₂ dsa₂ ne₄ jmi₁ñí'₄ rē₂quein₅ ca₂míg₂ ni₁to₂ dsi₂lag₅₄. ⁷ 'E₂ guě₄ juíg₂ dsa₂ mi₂güig₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂sén'₂! La₁ le₂jaun₂ dsón'₂ dsi₃ñi₂ bá₄, la₁ 'e₂ guě₄ juíg₂ jui₁lia'₂ dsa₂ i₂ton'₂ jág₁ rin'₅₄ jaun₂ jén'₃ dsí₅ 'éi₂ a₂'no₃ dso₄.

⁸ "Uig₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂, jmo₅ a₂tang'₂ dso₄, co₂dsia₅ dse₃ 'nia₄, tiong₂ uíng₂; ia₁ ja₂lín₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂rē₂liáng'₃, con'₂ guě₄ a₂jme₁o₁'ú'₃ a₂rē₂'ñia₅ gog'₂-tag'₅₄ dsi₂si₂ ja₁tsá₃ ton₅ jmi₂g₄ éi₃.

⁹ Nē₁jua'₂ mi₂ne'₅₄ jmo₅ a₂tang'₂ dso₄, dsi₄ ján₃, tiong₂ uíng₂: ia₁ ja₂lín₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄, lia'₂ con'₂ guě₄ a₂jme₁gog'₅₄ a₂rē₂'ñia₅ ta₁tin₃ míg₂ mi₂ne'₅₄ dsi₂si₂ guio₃-juíg₃.

Jág₁ a₂jang'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅

(Lucas 15:3-7)

¹⁰ 'Tsá₃ jmo₂ 'nia'₂ jua'₅₄ a₂tsá₃ jen'₅₄ jui₁lia'₂ jan₂ chi'₂ bē'₅₄ le₂la₂. Ia₁ juíg₂ jniá₂ 'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jñin₂ Ñe'₃ i₂guá₅ guei'₅₄ i₂juíg₃.*

¹² '¿'A₂ lia'₂ lín'₂ 'nia'₂? Jua'₅₄ mei'₂ guě₃ jan₂ dsa₂ 'ñio₅ caun₂ 'ñiá₂-lón₂ já'₂ cha'₂, nē₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quén'₂ co₂ne₂guión₂ rē₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂?

¹³ Jē₁ma₂ca₂dsáu'₂ ně₃, a₂dsi₂jó'₃ juá'₅ jniá₂, 'ñio₅ lín₃ guě₄ 'io'₂ jmo₂₃ o₄quió'₄ i₂jan₂ 'éi₂ con'₂ guě₄ i₂quén'₂ co₂ne₂guióg₂ rē₂dsí₂ guia₃-né₂ i₂tsá₃ i₂cón'₅. ¹⁴ Le₂nē₅ bá₄ ján₃, Néi'₅ 'nia'₂ i₂guá₅ guei'₅₄ i₂juíg₃ tsá₃ 'nio₃ jua'₅₄ dsi₃cón'₅ ca₂lia'₂ 'i₁jan₂ i₂lín₅ guein₂ bē'₅₄ jui₁lia'₂ i₂la₂.

'A₂ lia'₂ 'nió'₅ 'én₂ dsa₂ dsáu₁ rñin'₅₄

(Lucas 17:3)

¹⁵ 'Chi₂jua'₂ 'e₂ caun₂ a₂ca₂jmo₂g'₂ jan₂ ríng'₂, dsia₄ de'₂ 'nia'₂ jág₁ ja₁con'₂ guiong'₅₄, ja₁jaun₂ jme₁jniag'₂ ne₅₄ 'e₂ a₂ca₂jmo₂g'₂. Nē₁jua'₂ ca₂tón'₃ jui₅ jág₁ quiáng'₂, ja₁jaun₂ ca₂dsan₃ bá₄ mi'₅₄, ca₂lē₃ bá₄ táng₃ ríng'₂ quiain'₅₄. ¹⁶ La₁ nē₁jua'₂ tsá₃ ca₂tón'₃ jui₅

* **18:10** A₂lín₅₄ chog₅₄ si₂ chi₁ton₅ versículo 11 a₂juá'₂ le₂la₂: "Ta₁ jaun₂ bá₄ já₅ Jaun₅ dsa₂ mi₂güig₃, a₂ja₂'niai'₂ dsa₂ i₂ma₂i₂cón'₅."

jág₁ quiáng'₂ ně₃, te'₂ on₃-ún₂ dsa₂ sián'₂ ia₁jaun₂ “ca₂le₃jě₃ 'e₂ niog₅ lé₂jióg'₂ 'í₁ quian'₅₄ on₃-ún₂ dsa₂ i₂jáng'₃ jág₁ dsau₅, ně₁juá'₂ tí₅ jág₁ jaun₂.”† 17 Ně₁juá'₂ tsá₃ ca₂tón'₃ jui₅ jág₁ quió'₅ dsa₂ 'éi₂, chei'₅₄ guá'₅; ně₁juá'₂ tsá₃ ca₂tón'₃ ju₅ on₃ guè'₂ jág₁ quió'₅ guá'₅ ně₃, tē₂le₃ ja₁ŋó₄ jaun₂, jmo₄ 'au'₂ jün'₅₄ lia'₂ ja₁jing'₄ jan₂ dsi₂nau₂, o₃ jui₁lia'₂ jan₂ i₂cág'₅ cu₄ a₂ca₂tín₂ dsi₂tan₅₄ 'e₂.

18 'A₂dsi₂jó'₃ juíg₂ jniá'₂ 'nia'₂, ca₂le₃jě₃ 'e₂ a₂tsá₃ cuè'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lě₅ jág₁ quió₃, ján₃ bá₄ tsá₃ lé₂ guei'₅₄ i₂juíg₃; ján₃ bá₄ le₂jaun₂ jui₁lia'₂ a₂cuè'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juíg₃.

19 'Ján₃ bá₄ juá'₅ jniá'₂, ně₁juá'₂ on'₃ 'nia'₂ jmo'₂ caun₂ jág₁ ne₄ gua'₅₄ 'uē₃ la₂, a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ Ŋe'₃ jniá'₂ i₂guá'₅ guei'₅₄ i₂juíg₃. 20 Ia₁ jē₁le₁ŋi'₂ on₃-ún₂ o₄quió₃ jniá'₂, jē₄ jaun₂ bá₄ 'eng₅₄.

21 Jaun₂ Pe₄ ně₃ ca₂ŋag₃:

—Te₁gui'₅₄, ¿con'₂ je₂liá'₂ ráun₂ 'nió'₅ 'én₄ jniá'₂ dsáu₁ ring'₃ ně₁juá'₂ 'e₂ caun₂ a₂ca₂jmóg'₂? ¿'A₂ lia'₂? ¿Guió₃ ráun₂?

22 Jaun₂ ca₂ŋag₃ Jesús:

—Ma₁ tsá₃ juá'₅ jniá'₂ ŋia'₅₄ guio₃ ráun₂. Ta₁ 'nag'₂ co₂ne₂guióg₂ rē₂dsi₂ guia₃ ráun₂ a₂jma₃guio₃ (70 X 7 = 490)‡ bá₄ juá'₅ jniá'₂.

Jág₁ a₂jáng'₅ léi₄ ju₁lia'₂ jan₂ dsa₂ i₂tsá₃ ca₂'én₂ dsáu₁ rin'₅₄

23 'Ui₅₄ jaun₂, lě₅ guei'₅₄ i₂juíg₃ jui₁lia'₂ lín₅ jan₂ rag₅₄ i₂ca₂mág₃ cuentas quió'₅ ca₂le₃jín₃ dsa₂ i₂jme₂ti₃ ta₁ ne₅₄.

24 Jaun₂ jme₁ma₂jme₂lióg₃ chein'₂ cuentas, jme₁ca₂dsi₃lén₂ dsa₂ le₁ŋia₁i₂3 jan₂ dsa₂ i₂rin₅ guia₃ mei₅ talentos. 25 La₁, ia₁ tsá₃ 'e₂ cha₂ quian'₅₄ a₂quí₃, jaun₂ ca₂jmo₃ rag₅₄ 'éi'₃ a₂dsi₃'ni₄ dsa₂ 'éi₂ lia'₂ jma₃quian'₅₄ 'io₅₄ quiáin₅, chi'₂ quiáin₅ ně₃, ca₂le₃jě₃ 'e₂ a₂jme₁cha₂ quió'₅ ně₃, ia₁jaun₂ le₂jaun₂ jme₁dsian₅ a₂riin₂.

26 La₁ dsa₂ 'éi₂ ně₃, ca₂já₃ ca₂chi₃jnë₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá'₂, a₂quí₄ bá₄ jniá'₂ quiáng'₂, ca₂le₃jě₃.” 27 Jaun₂ juig₅₄ ně₃ ca₂dsia₃ bá₄ ŋéi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁riin₂, jaun₂ ca₂lió₂ bá₄.

28 'La₁ dsi₂ju₁5 jme₁o₂'i₁n₃ jaun₂ ně₃, ca₂jein'₂ jan₂ dsa₂ i₂jme₂ti₃ riin'₅₄ i₂rin₂ caun₂ 'niá'₂-láu₂ cu₄ denarios quió'₅. Jaun₂ ca₂tín₂ dsi₂lag₄ riin'₅₄, ca₂güi'₃ tiá₂, ca₂juá'₂: “¡Qui₄ a₂ring'₂ quió₃!” 29 Jaun₂ riin'₅₄ 'éi₂ ně₃ ca₂chi₃jnë₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá'₂, a₂quí₄ bá₄ jniá'₂ quiáng'₂, ca₂le₃jě₃.” 30 La₁ i₂jan₂ ně₃ tsá₃ ca₂gue₃, jaun₂ ju₁5 'né₅

† 18:16 Deuteronomio 19:15.

‡ 18:22 o₃, “ta₁'nag'₂ co₂ne₂guióg₂ rē₂dsi₂ guia₃-guio₃ (77) ráun₂”.

'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ riin'₅₄ ca₂le₃jě₃. ³¹ Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig'₅₄ ca₂i₁jua'₄ ca₂le₃jě₃ a₂ca₂lě₃ jaun₂. ³² Jaun₂ ca₂jmo₃ juig'₅₄ 'éi'₃ ca₂i₁quiong'₅₄ táng₃ dsa₂, jaun₂ ca₂tě₃ juig'₅₄ dsí₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i₁e₂ guě₄ 'ŋio₅ 'lin'₅₄ 'ne₂ ca₂'uíng'! Jua'₂ nē₂'én₃ bá₄ jniá'₂ ca₂le₃jě₃ a₂jme₁ring'₂ quió₃, ia₁ nē₂mi'₅₄ tion₅₄-jan₃. ³³ ¿Tsa₁ dse₃ jua'₅₄ le₂jaun₂ bá₄ nē₂dsia'₅₄ 'néi₂ 'au'₂ ríng'₂, jui₁lia'₂ nē₂dsia₃ jniá'₂ 'néi₂ dsí₃ 'ŋiag'₂?” ³⁴ Tě₃ ma₂'ne₂ jaun₂ juig'₅₄, ca₂jjiin'₂ dsa₂ 'éi₂ o₄gú₃ dsa₂ i₂nio₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁riin₂.

³⁵ Jaun₂ ca₂juá'₂ Jesús guě₄ nē₃:

—Ján₃ bá₄ le₂nē₅ jmo₃ Ne'₃ jniá'₂ i₂guá₅ guei'₅₄ i₂juíg₃ quian'₅₄ 'nia'₂ le₂jang'₂ le₂jang'₂ nē₁jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsáu₁ ríng'₂.

19

*Jme₂tag₅ Jesús jui₁lia'₂ 'a₂ lia'₂ lě₅ a₂tén₂ dsa₂ dsí₂i₂gu₂
(Marcos 10:1-12; Lucas 16:18)*

¹ Jme₁ca₂dsan₃ juá'₂ Jesús jág₁ nē₅, jaun₂ ca₂O₃'iin₃ 'uě₃ Galilea, jaun₂ ca₂dsióg₃ tē₂le₃ quióng₄ Cuá₃ Jordán. ² Jui₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂qui₂le₁dso'₅₄.

³ Jaun₂ nē₃, i₂lin₅₄ dsa₂ fariseos ca₂jme₃quiáin₃ con₂ Jesús a₂ŋia'₅₄ con'₂ cáun₂ táu₂. Jaun₂ ca₂ŋag₃:

—¿'I₄ 'éi'₃ a₂tén₂ dsa₂ dsí₂i₂gu₂ ne₄ 'uig'₅₄ nē₁e₂ caun₂ a₂lě₃?

⁴ Jaun₂ ca₂ŋag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmó'₂ dsa₂ ŋe'₂ dsa₂ mí₂ nē₃?”* ⁵ Ca₂juá'₂ nē₃: “Uig'₅₄ jaun₂ ca₂tín₂ dsa₂ ŋe'₂ téin₂ chog₅₄-jmei₂ jaun₂ con'₂ tiain₃ quiaín₅₄ dsí₂i₂gu₂, jaun₂ jě₁le₃oin₃ léin₂ caun₂ bá₄ ni₁ŋí₅.”†

⁶ Jaun₂ dsíóg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ŋag₃ táng₃ dsa₂ fariseos:

—¿'E₂ guě'₂ lě₃ nē₃ ca₂jmo₃ Moisés 'éi'₃ a₂lé₂ le₃jmo₃ dsa₂ ŋe'₂ caun₂ si₂ tē₃ron₅₄ cuě'₃ 'io₅₄ ja₁juá'₂ a₂téin₂ riin'₅₄, jaun₂ guě₄ ma₂lé₂ dsei₂₃?

⁸ Jaun₂ ca₂juá'₂ Jesús:

—Uig'₅₄ ia₁ a₂ŋí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuě₃ 'éi₂ jmig₄ a₂tén₂ dsa₂ dsí₂i₂gu₂; la₁ lia'₂ con'₂ le₂uig'₅₄ tsá₃ le₂nē₅ jme₁lě₄. ⁹ La₁ jniá'₂ juá'₅, jui₁'ein₂ guě₃ i₂lě₁tén₂ dsí₂i₂gu₂, on₃jua'₅₄ a₂cha₂ lě₃, nē₁jua'₂ on₃ guě'₂ jua'₅₄ ia₁ a₂nió'₅ jág₁ quian'₅₄ i₂sián'₂; nē₁jua'₂ jě₁ma₂ca₂lě₃ jaun₂, cáin₂ táng₃ 'io₅₄

* 19:4 Génesis 1:27; 5:2. † 19:5 Génesis 2:24.

sián'², 'no²³ dso⁴ ne⁴ Diú⁴; ján³ bá⁴ le²ně⁵ quian'⁵⁴ dsa² ŋe'² i²jén'² gu² quian'⁵⁴ jan² 'io⁵⁴ i²ma²téi² dsa² ně³, ján³ bá⁴ le²jaun² 'no²³ dso⁴ ne⁴ Diú⁴.

¹⁰ Jaun² lě³, ca²juá'² chi'² dsi²guia³-tín² quiáin⁵:

—Ně¹jua'² le²ně⁵ cha² o²me'⁵⁴ dsi⁵ quió'⁵ dsa² ŋe'² dsa² mí², ħtsa¹ dse³ jua'⁵⁴ a²tsá³ jéin'² co²ŋei'⁵⁴ gu²?

¹¹ Jaun² ca²juá'² táng³ Jesús:

—Tsá³ ca²le³jín³ lé² le³ŋí'² dsí⁵ jua'⁵⁴ lé² le³jmo³ le²ně⁵; ŋjia'⁵⁴ lia'² i²ma²cuē³ Diú⁴ bí² a²le³ŋí'². ¹² 'Lióng² bá⁴ 'uig⁵⁴ cha² a²tsá³ le³jén'² dsa² ŋe'² i²lin⁵⁴ gu²; ia¹ i²lin⁵⁴ le²jaun² ma²lín⁵ lia'² con'² jme¹ca²rě³cháin³ a²tsá³ lé² le³jéin'² gu²; i²lin⁵⁴ guē'² ně³, ia¹ a²ma²ca²jmóg'² dsa² mi²güig³ riin'⁵⁴ té'³; i²lin⁵⁴ guē'² ně³, ia¹ a²co²ŋei'⁵⁴ ma²quí'³ dsí⁵ a²tsá³ jéin'² gu² ne⁴ o⁴quió'⁴ ja¹gon² Diú⁴. Ju¹lia'² i²tió'⁵ jme³ti³ jág¹ la², ju¹jmo¹².

Ca²jme³gon'⁵⁴ Jesús chi'²-guein²

(Marcos 10:13-16; Lucas 18:15-17)

¹³ Jaun² ca²o³ŋjia³ i²lin⁵⁴ dsa² ca²o³ŋjia³ guein² quiáin⁵ ne⁴ Jesús ia¹jaun² qui³níi'² gu², tsí'³ Diú⁴ o⁴quió'⁴ ně³. La¹ chi'² dsi²guia³-tín² ně³ ca²jéin² dsa². ¹⁴ La¹ Jesús ně³, ca²juá'²:

—Cuē⁴ 'nia'² jmig⁴ ju¹ja²lén² chi'²-guein² cong²; tsá³ lě¹jmo² 'nia'² le²ně⁵ jua'⁵⁴ ŋjig'⁵⁴, ia¹ ju¹lia'² i²le²ně⁵ bá⁴ guē'² i²ca²tín² ja¹gon² Diú⁴.

¹⁵ Jme¹ca²lě³ chi²láin'² le²jan² le²jan² guein² a²jme²gu'⁵⁴, ca²ŋái'³ bá⁴ jaun².

Jan² dsó² chi'² cha² cu⁴ ca²dsia³ jág¹ quiain'⁵⁴ Jesús

(Marcos 10:17-31; Lucas 18:18-30)

¹⁶ Jan² dsó² chi'² ca²jme³quián³ con² Jesús, jaun² ca²ŋag³:

—Tě⁵ dsen³, ħ'e² jmo⁵⁴ jniá²† ia¹jaun² léi² ja¹le³chang² co²tan⁵⁴?

¹⁷ Jaun² ca²juá'² Jesús:

—ħ'E² lě³ tě'⁵ jniá² dsen³?§ Jnia'⁵⁴ lia'² jan² bá⁴ i²chan² i²lín⁵ i²dsen³, i²éi² lín⁵ Diú⁴. La¹ ně¹jua'² 'niog'² 'ú'⁴ ja¹le³chang² co²tan⁵⁴, jme¹ti¹ 'éi'³ quió'⁵ Diú⁴.

¹⁸ Jaun² ca²ŋag³ táng³ dsó² 'éi²:

—ħ'E² 'éi'³?

Jaun² ca²ŋag³ táng³ Jesús:

—Tsá³ ŋjíg'⁴ dsa² mi²güig³ ríng'²; tsá³ nióg'⁴ jág¹ quian'⁵⁴ dsa² i²tsá³ lín⁵ dsi²i²gog'²; tsá³ 'áng'¹ a²cha² quió'⁵ ríng'²; tsá³ jmó'²

† 19:16 o₃, “Tě⁵, ħ'e² a²dse³ a²jmo⁵⁴ jniá²...” § 19:17 o₃, “ħ'E² lě³ ŋag'⁵⁴ jniá² ju¹lia'² a²dse³?”

jua⁵⁴ jang⁵⁴ jág₁ të₂jág₁ a₂jmag⁵⁴ ríng²; ¹⁹ a₂jme₁gang³ chog²-
 ñéí⁵; * a₂jme₁nióg⁴ dsa₂ mi₂güüg₃ ríng² jui₁lia² 'nióg³ 'ñiag²
 në₃.†

20 Jaun₂ ca₂ñag₃ táng₃ dsó₂ 'éi₂ ca₂tsí³ Jesús:

—Ca₂le₃jě₃ a₂ně₅ ma₂guio₃ jme₂tí₂. ¿E₂ guě₄ a₂siá² 'nió⁵
 jmo⁵⁴?

21 Jaun₂ ca₂ñag₃ táng₃ Jesús:

—Ně₁jua² 'niog² léng² jan₂ dsa₂ i₂rě₂ñia₅ të₂le₃ quió⁵
 jme₂dsí₂, guan² o₂'nag₄ ca₂le₃jě₃ a₂cha₂ quiáng², jaun₂ o₂dsio⁵⁴
 ja₁con₂ dsa₂ te₂ñé₂, jaun₂ le₂ně₅ le₃cha₂ a₂jlá¹ quiáng² guei⁵⁴
 i₂juíg₃; jaun₂ guě₄ ñe⁵⁴ quian⁵⁴ jniá₂.

22 La₁ jme₁ca₂nág₂ dsó₂ jág₁ në₅, ca₂ñái³ 'lia² dsí₅, ia₁ 'ñio₅ lin₃
 jme₁cha₂ cu₄.

23 Jaun₂ ca₂juá² Jesús ca₂tsí³ chi² dsi₂guia₃-tín₂ quiáin₅:

—A₂dsi₂jó³ juíg₂ jniá₂ 'nia², 'e₂ guě₄ quian₅ ta₁ quió⁵ jan₂ dsa₂
 cha₂ cu₄ a₂'í₂ guei⁵⁴ i₂juíg₃ ja₁gon₂ Diú₄. ²⁴ Juá⁵ jniá₂, tsá₃ guě₄
 'e₂ ta₁ quian₅ a₂lé₂ le₃ñí₃ jan₂ já² camello jui₅ tau₂ mi₂cu₄, lia²
 con² guě₄ jan₂ dsa₂ cha₂ cu₄ a₂'í₂ ja₁gon₂ Diú₄.

25 Jme₁ca₂nág₂ chi² dsi₂guia₃-tín₂ quiáin₅ jág₁ në₅, 'ñio₅ lin₃
 ca₂i₃gó³ dsí₅, jaun₂ qui₂ca₂ñí³ riin⁵⁴ con² guioin⁵⁴:

—¿I₂'ein₂ bá₄ guě² jaun₂ në₃ i₂lé₂ le₃tín⁴?

26 Jaun₂ ca₂jág₃ Jesús ca₂jñin² 'éi₂, jaun₂ ca₂juá²:

—Dsón² bá₄ jaun₂, të₂le₃ quió⁵ dsa₂ mi₂güüg₃ o₁líg² tsá₃ lé₂
 le₃lé₂. La₁ të₂le₃ quió⁵ Diú₄, ca₂le₃jě₃ bá₄ lé₂ le₃lé₂.

27 Jaun₂ ca₂juá² Pe₄ në₃:

—Te₁gui⁵⁴, ca₂le₃jě₃ 'e₂ a₂jme₁cha₂ quián₂ jnia⁵⁴ ma₂ca₂tén³
 dsí₅ jnia⁵⁴ ma₂qui₂ca₂tí₄ ia₁ a₂'én₅ jnia⁵⁴ 'ne₂. ¿E₂ a₂tag₃ jnia⁵⁴
 në₃?

28 Jaun₂ ca₂ñag₃ Jesús ca₂juá²:

—A₂dsi₂jó³ juá⁵ jniá₂ juíg₂ 'nia², jě₁ma₂ca₂tě₂ jmig₄
 i₁le₃'mag² ca₂le₃jě₃ 'a₂ lia² niog₅ lě₅ mi₂güüg₃, jě₁ma₂ca₂tě₂
 rě₁guá₃ Jaun₅ dsa₂ mi₂güüg₃ ne₄ta₁ jlá¹ quió⁵, jaun₂ 'nia² në₃
 i₂ma₂ja₂nóg⁵ quiong⁵⁴ jniá₂, nio₃ gog² 'nia² jma₃cáun₃ ta₁
 a₂tiáng⁴ jmó² gong² qui₁dsí² 'éi³ ta₁guia₃-tín₂ nió³ dsa₂ juig₂
 tsi₁jon₂ Israel. ²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén³
 dsí₅ dsi₂néi₂ quió⁵, i₂ma₂ca₂tén³ dsí₅ chi² rin⁵⁴, o₃ chog⁵⁴-jmei₂,
 o₃ dsa₂ mí₂ quiáin₅, o₃ chi² quiáin₅, i₂ca₂tén³ dsí₅ ca₂tí₂ ja₁nau₂
 quió⁵ në₃, 'uig⁵⁴ quió³ jniá₂, ia₁ gue₃ caun₂ 'ñiá₂-láu₂ ñag⁵⁴ guě₄
 lia² con² guě₄ a₂ma₂ca₂tí₂, ton² gue₃ ján₃ a₂le₃chain₂ co₂tan⁵⁴.
³⁰ La₁ rě₂ně₃ juin₅ lin₃ i₂lín₅ i₂quen₅, la₁ jmig₄ jaun₂ léin₂ dsa₂

* 19:19 Éxodo 20:12-16; Deuteronomio 5:16-20. † 19:19 Levítico 19:18.

të₂le₃ jë₁ca₂tó'₂; le₂jaun₂ bá₄ já₃ jui₁lia'₂ i₂tsá₃ 'e₂ quen₅ rë₂në₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂'uig₅₄.

20

Já₁ já₁g'₅ léi₄ jui₁lia'₂ dsa₂ i₂jmo₅ ta₁ caun₂ ja₁nau₂

¹ 'Lë₅ guei'₅₄ i₂juí₃ ja₁gon₂ Diú₄ jui₁lia'₂ jan₂ dsa₂ juig₅₄ ja₁nau₂ i₂o₂'in₅ të₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁jnia₄ cho'₅₄ uing₂ uvas. ² Ca₂lí'₃ bá₄ já₁g₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmi₃g₄ jaun₂ ca₂chein₃ dsa₂ 'éi₂ jui₅ ja₁nau₂ quió'₅. ³ Jme₁co₂lág₂ jaun₂ o₂'ín₃ táng₃ con'₂ hora n₁í n₁í₃ të₂le₃ o₃'iog₂, * jaun₂ ca₂jín₂ dsa₂ sián'₂ i₂tión₂ jin₅₄ jë₄ 'ma'₅₄. ⁴ Jaun₂ ca₂tsí'₃ dsa₂ 'éi₂: "O₂nó'₅ 'nia'₂ já₃ o₂jmo₄ ta₁ ja₁nau₂ quió₃, qui₄ bá₄ jniá₂ 'liang'₅₄ 'nia'₂ con'₂ dsi₂ten₅₄." Jaun₂ i₃lén₂ bá₄ dsa₂ 'éi₂. ⁵ Jaun₂ o₂'ín₃ táng₃ con'₂ dsi₂n₁'í₃, † con'₂ siá'₂ hora n₁í₁ 'ni₅ të₂le₃ ca₂'láu₂ në₃; ‡ le₂jaun₂ bá₄ ca₂jmo₃ já₃. ⁶ Con'₂ siá'₂ o₂'ín₃ bá₄ guë₄ con'₂ hora n₁í₁ 'niá₂ të₂le₃ ca₂'láu₂, § n₃ó₃ jui₅ jë₄ 'ma'₅₄, jaun₂ ca₂dsáin'₂ táng₃ dsa₂ i₂jin₅₄ tión₂. Jaun₂ ca₂tsí'₃ 'éi₂: "¿'E₂ lë₃ tión'₂ 'nia'₂ ja₁lá₃ ta₁ne₁jmi₃g₄ tsá₃ 'e₂ ta₁ jmo'₂?" ⁷ Jaun₂ ca₂ñag₃ dsa₂ 'éi₂ ca₂juá'₂: "Ia₁ 'i₁jan₂ tsá₃ 'ein₂ tio₅." Jaun₂ ca₂ñag₃ dsa₂ juig₅₄ ja₁nau₂ ca₂juá'₂: "O₂nó'₅ 'nia'₂ já₃, o₂jmo₄ ta₁ ja₁nau₂ quió₃; qui₄ bá₄ jniá₂ 'lian'₅₄ 'nia'₂ con'₂ dsi₂ten₅₄."

⁸ 'Jme₁ca₂nei₂ jmi₃g₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: "Te'₂ dsa₂ i₂ma₂në₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ n₁íá₅ quian'₅₄ dsa₂ i₂në₂tión'₂ jë₁ca₂tó'₂, jaun₂ dsian₅ quian'₅₄ i₂në₂tión'₂ le₂'uig₅₄." ⁹ Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora n₁í₁ 'niá₂ të₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰ Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jiog₅ dsí₅ a₂jme₁gue₃ guë₄ ñag₅₄ 'liain'₅₄; la₁ co₂rë₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹ La₁ jme₁ma₂në₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄, ¹² jaun₂ ca₂juá'₂: "Dsa₂ i₂o₃lén₂ jë₁ca₂tó'₂, caun₂ hora bá₄ në₂tión'₂ në₂jmo₃ ta₁; co₂jaun₂ bá₄ 'liain'₅₄ në₂gue₃ já₃ con'₂ 'liog'₅₄ jnia'₅₄ i₂në₂tió'₄ në₂jmo₁ ta₁ ta₁ne₁jmi₃g₄ në₂ñag₅₄ 'iog₂ dséi₂ 'nio₅ lín₃." ¹³ La₁ ca₂ñag₃ juig₅₄ ca₂tsí'₃ jan₂: "A₂mei₅₄ quiáng₃, tsá₃ 'e₂ jua'₅₄ a₂tsá₃ dsi₂ten₅₄ jmo₅ jniá₂ ja₁cong'₂. ¿Tsa₁ ca₂lë₃ já₁g₁ a₂'liang'₅₄ ca₂'éi'₃ cu₄ denario guë'₂? ¹⁴ Jui₁le₂'nio₂ 'au'₂ con'₂ ma₂'liang'₅₄ në₅, guan'₂ quiáng'₂. Në₁jua'₂ jniá₂ le₂në₅ ca₂lë₃ dsi₃ qui₄ 'lian'₅₄ dsa₂ i₂në₂tong₅₄ jë₁ca₂tó'₂ con'₂ 'lian'₅₄ 'ne₂, ¹⁵ ¿O₃ tsa₁ ca₂tín₂ jniá₂ jmo₅₄ quian'₅₄ cu₄ quió₃ 'a₂ lia'₂ jnia'₅₄ 'nio₃ jmo₅₄? ¿O₃ ja₂ uig₅ 'au'₂ 'e₂, ia₁ a₂'ua₁ dsi₃?"

* 20:3 lit. "hora 'ni₅." † 20:5 lit. "hora n₁éi₂." ‡ 20:5 lit. "hora n₁í." § 20:6 lit. "hora guia₃-cáun₃."

16 'Jaun₂ ně₃ ju₁lia'₂ dsa₂ i₂lín₅ tē₂le₃ jē₁ca₂tó'₂ rē₂ně₃, léin₂ i₂le₂'uig₅₄ jmig₄ jaun₂; le₂ně₅ bá₄ ján₃, ju₁lia'₂ i₂lín₅ i₂le₂'uig₅₄ rē₂ně₃, léin₂ dsa₂ tē₂le₃ jē₁ca₂tó'₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(*Marcos 10:32-34; Lucas 18:31-34*)

17 Jme₁ma₂'en₅₄ Jesús ju₁ uig₂ tso₄ a₂dsióg₄ Jerusalén, jaun₂ ca₂tē'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

18 —Ju₁lia'₂ jág'₂ 'nia'₂, tio'₅₄ jniog₄ ju₁ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jín'₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃; 'éi₂ guē₄ ně₃ cuē₃ 'éi'₃ a₂jñag'₃ dsa₂. 19 Jáng'₂ dsa₂ ně₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ guē₄ tioin₃ cróg₄ jñag'₃; la₁ a₂'ni₅ jmig₄ jaun₂, jein'₅₄ le₃chain₂ bá₄ táng₃.

Ju₁lia'₂ a₂ca₂mi₃ chog₅₄ Jacobo quian'₅₄ Juan₅₄
(*Marcos 10:35-45*)

20 Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ñi'₅₄ Zebedeo, ja₁'en₅₄ Jesús. Jaun₂ ca₂chi₃jné₃ ca₂mi₃ a₂jmo₃ 'éi₂ dse₃ dsí₅. 21 Jaun₂ ca₂ñag₃ Jesús:

—¿'E₂ 'niog'₂ 'ne₂?

Jaun₂ ca₂ñag₃ chog₅₄ chi'₂ 'éi₂:

—¿Tsa₁ cuē'₁ jmig₄ a₂tian'₃ jma₃jan₂ chi'₂ quiáng₃ cong'₂, jē₁ma₂tē₂ rē₁'ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ guē'₂ tē₂le₃ gog'₂ jen₅?

22 La₁ Jesús ně₃ ca₂ñag₃:

—Tsá₃ ñi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ñíg'₂ ca₂le₃jě₃ ju₁lia'₂ a₂dsi₃ñí₂ jniá₂ guē'₂?*

Jaun₂ ca₂ñag₃ 'éi₂:

—Tián₂ bá₄ jnia'₅₄.

23 Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ ju₁lia'₂ 'a₂ lia'₂ niog₅ dsi₃ñí₂ jniá₂,† la₁ ju₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃juá'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ ma₂jmo₃ ñe'₃ jniá₂ co₂jñia₅₄ a₂tian'₃ con'₂ i₂ca₂tín₂ bá₄.

24 Rín'₅₄ i₂guian₃ guē₄ 'éi₂ ně₃ ca₂rē₃'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. 25 La₁ ca₂tē₃ Jesús, jaun₂ ca₂juá'₂:

—Ñi'₅₄ bá₄ 'nia'₂, ju₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bén₂. Le₂jaun₂ bá₄ jmo₅ ju₁lia'₂ dsi₂tan₅₄ i₂si₅on₅ guē₄, tián'₅ goin₂ jmo₂₃ 'éi'₃. 26 La₁ jin'₄ 'nia'₂, tsá₃ le₂jaun₂ lé₂. Chi₂juá'₂ 'ein₂ 'nio₃ jmo₃ juin'₂, ca₂tín₂

* 20:22 A₂lín₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂l₁ dsi₅ ju₁lia'₂ o₂l₁ dsi₅ a₂can₅₄ jniá₂?” † 20:23 A₂lín₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂l₁ dsi₅ ju₁lia'₂ o₂l₁ dsi₅ can₅₄ jniá₂.” ‡ 20:25 o₃, “i₂tián'₅ gon₂ jin₄ dsi₂nau₂.”

jme₃ti₃ ta₁ ne₄ riin'₅₄; ²⁷ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. ²⁸ Ia₁ le₂nē₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄

(Marcos 10:46-52; Lucas 18:35-43)

²⁹ Jme₁ma₂tioin'₅₄ jui₅ 'u₁in₂ juig₂ Jericó, juin₅ dsa₂ ja₁jaun₂ ca₂jme₃quian'₅₄ Jesús. ³⁰ Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ nē₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

³¹ Jaun₂ ca₂jí₂ bá₄ dsa₂ ia₁jaun₂ dsi₃léin₂ tei₄. La₁ tē₂le₃ i₂jui'₂ guē₄ co₂mi'₅₄ ca₂tóin'₂ bá₄, ca₂juá'₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

³² Jme₁ca₂nág₂ Jesús, jaun₂ ca₂nau₂, jaun₂ ca₂tē'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅₄ jniá₂ o₄quían'₂ 'nia'₂?

³³ Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

³⁴ Jaun₂ ca₂dsia₃ bá₄ Jesús ñéi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃léin₂ bá₄ jaun₂ ca₂jme₃quian'₅₄ Jesús.

21

Ca₂'í₃ Jesús jē₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quían₅ dsi₁léin₂ Jerusalén, dsi₃léin₂ quían₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quíain₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau₅₄ nē₅. Ja₁jaun₂ dsian'₂ 'nia'₂ jan₂ i₂bú'₄ mí₂ rē₂'ñe'₅₄, chéin'₅ quian'₅₄ guein₂ quíain₅. O₂chein'₅₄ 'nia'₂ jaun₂ tē'₅₄ ja₁lá₃. ³ Nē₁juá'₂ 'ein₂ ñag₅ 'e₂ lē₃ tsiin'₅₄, jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ nē₃ cón'₅ bá₄ cuag₃.

⁴ Ca₂lē₃ le₂nē₅ ia₁jaun₂ le₃ti₃ já_g₁ a₂ca₂tó'₂ ne₄ si₂ dsa₂ i₂jme₁'ē₂ já_g₁ quían₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, nē₅ jón'₅ Rag₅₄ quían'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

* 21:5 Zacarías 9:9.

6 Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lě₅ jág₁ a₂ca₂cuē₃ Jesús. 7 Jaun₂ ca₂i₁te₂ bú'₄ lia'₂ jma₃quian'₅₄ guein₂ quiáin₅, ca₂i₁jio₃ ja'_{1en54} Jesús. Jaun₂ ca₂jlág₂ ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús. 8 Jaun₂ dsa₂ juin₅ i₂quiain'₅₄ ně₃ i₂jñiá₅ le₃ne₄ jui₅ qui₂ca₂néi'₃ 'mi'₂ le₂i₄ jui₅ ja₁ñí₃ Jesús; i₂lin₅₄ guē'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. 9 Dsa₂ i₂i₃lén₂ le₃ne₄ jui₅, quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄ ca₂juá'₂:

i₂jui₁le₂juin'₂† bá₄ tsi₁jon₂ David!

i₂jui₁le₂jñi₃ bá₄ i₂ně₅ i₂já₅ o₄quió'₄ Te₁gui'₅₄!‡

i₂jui₁le₂juin'₂ bá₄ i₂guá₅ guei'₅₄ i₂juíg₃!

10 Jme₁ca₂'i₃ Jesús jě₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ñag₃:

—¿'Ein₂ bá₄ ně₅?

11 Jaun₂ qui₂ca₂ñag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ě₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Marcos 11:15-19; Lucas 19:45-48; Juan 2:13-22)

12 Ca₂dsi₃óg₃ Jesús jme₁ca₂dsi₃óg₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ ně₃, qui₂ca₂jéin'₃ ni₁mesa ja₁jme₁jmo'₂ dsa₂ ta₁ jme₂tsin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; 13 jaun₂ ca₂juá'₂:

—Ne₄ Si₂ juá'₂: “Né₅ quió' lě₅ ca₂ne₅₄ 'né₅ ja₁tě₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ ně₃ ma₂jmo'₅₄ ně₂jag₄ bá₄ tě₂'lau₂ quió'₅ dsa₂ 'ang₂.*

14 Jaun₂ ca₂jme₃quián₃ i₂lin₅₄ dsa₂ ten₄ quian'₅₄ dsa₂ guian'₅₄ ně₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂.

15 La₁ jme₁ca₂jág₃ juig₅₄ jme₂dsa₂ quian'₅₄ tě₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ ně₃ tion'₅₄ chi'₂ co₂mi'₅₄ qui₂quió'₅ i₁dsi₅ guá'₅, a₂juá'₂: “i₂jui₁le₂juin'₂ tsi₁jon₂ David!”, jaun₂ ca₂rě₃'néi₃. 16 Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ñag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂: Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uě₂ mi₂'o₄ chi'₂ bě'₅₄ quian'₅₄ mi₂'o₄ guein₂ tei₄ i₂guén'₅ dsi'₅₄,

'uě₂ jág₁ a₂jme₂juin'₂ 'ne₂?†

† 21:9 lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jiá₃ I₂rě₂'in₁ quiáin₅; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂. Ján₃ bá₄ le₃ně₅ ‡ 21:9 Salmo 118:26. § 21:13 Isaías 56:7. * 21:13 Jeremías 7:11. † 21:16 Salmo 8:2.

17 Jaun₂ ca₂o₃'iín₃ bá₄ ja₁tion'₅₄ 'éi₂, jaun₂ ca₂ñái'₃ táng₃ juig₂ Betania. Ja₁jaun₂ ca₂jñia₂ caun₂ nei₅.

Ca₂juá'₂ Jesús caun₂ jág₁ a₂ca₂cuě'₃ uig₅ caun₂ ni₁'ma₂ higuera a₂tsá₃ mīg₂ cha₂

(Marcos 11:12-14, 20—26)

18 Jme₁jñia₃ jaun₂, jme₁ma₂tioin'₅₄ jui₅ a₂leín₃ táng₃ jui₅ jē₄ juig₂ Jerusalén. Jesús ně₃ ca₂tá'₂ i₁cón'₅. 19 Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ jui₅, jaun₂ ca₂jme₃quiáin₃ 'uig₅₄, la₁ tsá₃ 'e₂ mīg₂ ca₂dsó'₂ guě'₂ guei'₅₄ ni₁'ma₂; jñia'₅₄ lia'₂ jmá'₃ mog'₅₄ bá₄ cha₂. Jaun₂ ně₃ ca₂juá'₂ Jesús ca₂tsí'₃ ni₁'ma₂:

—iLia'₂ o₁líg'₂ jmig₄, tsá₃ ma₃jui₁'ag₅₄ mīg₂ quiáng'₂!

Dsi₂jui₅ jaun₂ bá₄ ca₂rě₃quéin₃ ni₁'ma₂ jaun₂. 20 Jme₁ca₂tě₂ ne₄ chi'₂ dsi₂guia₃-tín₂ a₂ca₂lē₃ jaun₂, ca₂i₃gó'₃ dsi₅, jaun₂ ca₂ñí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂jui₅ ca₂rě₃quéin₃ ni₁'ma₂ ně₅?

21 Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'nia'₂, ně₁jua'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃ jui₁lia'₂ a₂ně₂jmo₃ jniá₂ quian'₅₄ ni₁'ma₂ higuera ně₅, lé₂ le₃jmó'₂ 'nia'₂, ia₁ lé₂ le₃jua'₅₄ 'nia'₂ ján₃ juig'₅₄ ni₁má'₂ ó₃: “Jñiag'₃ ja₁ně₅, o₃ o₂'ú₅ jmi₁ñí'₄”, le₂jaun₂ dsón'₂ lé₂ bá₄. 22 Le₂jaun₂ bá₄ ján₃ ca₂le₃jě₃ 'e₂ a₂mí'₂ 'nia'₂ jme₁mí'₂ ne₄ Diú₄, ně₁jua'₂ 'én'₂ tě₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

23 Jaun₂ ca₂'í₃ táng₃ Jesús i₁dsi₅ guá'₅ templo, jaun₂ tě₁lia'₂ 'ein₅₄ jme₂tñ₂₃ dsa₂, jaun₂ ca₂jme₃quián₃ juig₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juig₂, con₂ Jesús, jaun₂ ca₂ñag₃:

—¿'E₂ ta₁ lín'₅ 'ne₂, 'e₂ lě₃ jmo'₂ ca₂le₃jě₃ 'e₂ a₂jmo'₂ ñí'₂? ¿'Ein₂ ca₂cuě₃ bí₂ 'éi'₃ ně₅?

24 Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂: ně₁jua'₂ ca₂ñag₅₄ 'nia'₂ lia'₂ tí₅, jaun₂ guě₄ juá'₄ jniá₂ 'ein₂ cuě₅ bí₂ 'éi'₃ a₂jmo₂₃ ca₂le₃jě₃ a₂jmo₂₃. 25 Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mī₂güig₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂:

—Ně₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, ně₃ cón'₅ bá₄ ñag₃: “¿'E₂ lě₃ tsá₃ ca₂rě₃'én'₂ 'nia'₂ jág₁ quió'₅ 'éi'₂?”

26 La₁ ně₁jua'₂ ca₂ñag₄ guě'₂ jniog₄ 'éi'₃ quió'₅ dsa₂ mī₂güig₃ ně₃, le₃'ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsi₅ a₂jme₁lín₄ Juan₅₄ jan₂ dsa₂ i₂ca₂'ě₂ jág₁ quián₅ Diú₄. 27 Jaun₂ ně₃, ca₂ñag₃ dsa₂ can'₅₄ 'éi'₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ ně₃, ca₂ŋag₃ Jesús:

—Ján₃ bá₄ le₂ně₅ tsá₃ juá'₄ jniá'₂ 'ein₂ cuë₅ bí₂ a₂jmo₂₃ ca₂le₃jě₃ a₂jmo₂₃ ŋi₂₃.

Jág₁ jáng'₅ léi₄ ju₁lia'₂ on₃ ja₁ŋi'₅₄ jan₂ dsa₂

28 Jaun₂ ca₂juá'₂ Jesús ca₂tsí'₃ dsa₂ 'éi₂:

—ǀA₂ lia'₂ lín'₂ 'nia'₂ ju₁lia'₂ jág₁ la₂? Jan₂ dsa₂ jme₁chan₂ on₃ ja₁ŋi'₅₄. Jaun₂ ca₂tsí'₃ chi'₂ quiáin₅ i₂lín₅ i₂juin'₂ guë₄: “Jón₃, gua₂ o₂jmo₄ ta₁ ja₁nau₂ quián₂ jmíg₄ ně₃.” 29 Jaun₂ ca₂ŋag₃ chi'₂ quiáin₅: “ǀTsá₃ nei₅₄!” La₁ jme₁co₂lág₂ jaun₂ ca₂jme₃tsín₃ 'a₂ lia'₂ dsí₂jio₅ dsí₅, jaun₂ ŋó₃ bá₄ i₁jmo₅₄ ta₁. 30 Jaun₂ ca₂ŋe₄ táng₃ jmei₂ i₁chi'₄ chi'₂ jan₂ quiáin₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ ně₃ ca₂ŋag₃: “Nei₅₄ bá₄ jniá'₂, tia₅₄, i₁jmo₃ ta₁.” La₁ tsá₃ ŋei₅₄ guë'₂ jaun₂ ně₃. 31 Jě₄ le₃oin₃ le₂jaun₂, ǀ'ein₂ ca₂jmo₃ a₂'ŋio₂ dsí₅ jmei₂?

Jaun₂ ca₂ŋag₃:

—Chi'₂ i₂le₂ 'uig₅₄ bá₄.

Jaun₂ ca₂juá'₂ Jesús:

—A₂dsí₂jó₃ juig₂ jniá'₂ 'nia'₂, dsa₂ i₂cán₂ 'lia'₅₄ quián₅ dsí₂tan₅₄, o₃ ju₁lia'₂ 'io₅₄ i₂'nag₅ quió'₅ ně₃, i₂le₂'éi₂ bá₄ tiá₂ le₂'uig₅₄ dsí₃ton₅₄ ja₁gon₂ Diú₄ lia'₂ con₂ guë'₄ 'nia'₂. 32 Ia₁ lia'₂ con₂ jme₁guan₃ Juan₅₄ i₂chon₅ dsa₂ jmíg₂, ca₂jme₃jniai₂₃ ja₁con₂ 'nia'₂ 'a₂ lia'₂ dsón₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rě₃'én₂ 'nia'₂. Ia₁ a₂dsau₅ bá₄ ju₁lia'₂ dsa₂ i₂cán₂ 'lia'₅₄ quián₅ dsí₂tan₅₄, quian₅₄ 'io₅₄ i₂'nag₅ quió'₅ ně₃, ca₂rě₃'éin₂ jág₁ quió'₅ Juan₅₄. La₁ a₂dsau₅ bá₄ o₁jŋia'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guë'₂ ca₂rě₃'éng'₂.

Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

33 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin₃ cho₅₄ uing₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃; ca₂jmo₃ co₂jŋia₅₄ ja₁jlein₃ míg₂ ně₃; caun₂ guë'₂ tsi₁'né₅ ŋei₅ ca₂chi'₃ ja₁guá₃ jmo₃ 'í₁. Jaun₂ ca₂lí₃ jág₁ quian₅₄ dsa₂ sián₂ i₂nió₃ ne₄ ja₁nau₂, jaun₂ ca₂ŋó₃ bá₄ 'ŋiog₅ i₁ŋi₂ juig₂ siá'₂. 34 Jme₁ca₂tě₂ jein₂ a₂ca₂rau₂ míg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quiáin₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ míg₂ con₂ a₂ca₂tín₂ juig₅₄. 35 La₁ dsa₂ i₂tion₅₄ jmó'₂ ta₁ ja₁nau₂ ně₃, ca₂jŋai₃ bá₄ dsa₂ mozo i₂chen₄ quián₅ juig₅₄. Ca₂cuë'₃ bá₄ jan₂ tioin₅₄; jan₂ guë'₂ ca₂jŋi₃; jan₂ guë'₂ ca₂cuë'₃ quian₅₄ ni₁cang₁. 36 La₁ juig₅₄ ja₁nau₂ ně₃, juin₅ guë'₄ i₂ca₂chein₃ cang₂ jaun₂ con₂ guë'₄ le₂'uig₅₄; la₁ dsa₂ 'lín'₅₄ i₂tion₅₄ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmái'₂ ca₂le₃jín₃ dsa₂ mozo i₂chen₄ 'éi₂.

37 'La₁ jē₁ca₂tó'₂ ně₃, dsa₂ juig₅₄ ja₁nau₂ ca₂chein₃ ja₁ŋi'₅₄, ia₁ līn₂: “Jme₃go₃ dsa₂ jme₃gain₃ chi'₂ quiáng₃.” 38 La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jīn₂ ja₁ŋi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tioin'₅₄: “I₂ně₅ bá₄ tin₃ ja₁nau₂ la₂ cang₂; ně₃ o₁ŋjī'₄ jniog₄ ia₁jaun₂ jniog₄ bá₄ lé₂ quián₂.” 39 Le₂jaun₂ bá₄ ca₂jmo₃. Ca₂ŋjai'₃ bá₄ 'éi₂ tioin'₅₄, jaun₂ ca₂dsei₂₃ le₃co'₅₄ jní₁; ja₁jaun₂ ca₂ŋag'₃.

40 'Jaun₂ ně₃, jē₁ma₂tě₂ jmig₄ rē₁ŋi_ó'₂ dsa₂ juig₅₄ ja₁nau₂, ċ'e₂ līn'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

41 Jaun₂ ca₂ŋag₃ dsa₂ 'éi₂:

—A₂jme₃dsiain₂₃ dsa₂ 'lin'₅₄ 'éi₂ ca₂lia'₂ tsá₃ ŋéi₂ dsí₅, jaun₂ cuě'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tīn₂ jē₁ma₂tě₂ jein₂ a₂ráu₃.

42 Jaun₂ ně₃, ca₂juá'₂ Jesús ca₂tsí'₃ dsa₂:

—ċTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rē₃jī'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
tē₁ron₅₄ qui'₅₄ 'ia'₂;

a₂ca₂jmo₃ Te₁gui'₅₄ bá₄ jaun₂,

jaun₂ 'ŋio₅ līn₃ bá₄ jlá'₁, lág₂ jniog₄?[‡]

43 "Uig₅₄ jaun₂ juig₂ jniá₂ 'nia'₂, co₂dsia₅ jŋiá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃.

44 La₁ jui₁lia'₂ ni₁cang₁ la₂ ně₃, jui₁'ein₂ guě₃ i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ ně₁juá'₂ ca₂jlīn₃, lé₂ ti₁'liog₂ quió'₅. §

45 Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅, ca₂rē₃lí'₄ bá₄ guoin₅₄ a₂'in₅ 'éi₂ bá₄ Jesús.

46 Jaun₂ jme₁nio₃ jme₁tsáun'₂, la₁ ca₂rē₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jīn₃ bá₄ dsa₂ jmo₂₃ dsí₅ a₂līn₅ 'éi₂ jan₂ i₂'ě₂ jág₁ quián₅ Diú₄ bá₄.

22

*Jág₁ jáng'₅ léi₄ jui₁lia'₂ ja₁niog₅ jmig₄ a₂ca₂jen'₂ gu₂ dsa₂
(Lucas 14:15-24)*

1 Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

2 —Lě₅ guei'₅₄ i₂juig₃ ja₁gon₂ Diú₄ jui₁lia'₂ jan₂ rag₅₄ i₂ca₂jmo₃ co₂ŋia₅₄ caun₂ má₃ a₂ca₂jmo₃ jmig₄ ja₁jen'₂ gu₂ chi'₂ ja₁ŋi'₅₄.

3 Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quián₂ dsa₂ i₂ma₂lě₅ jág₁ ja₃lén₂ ja₃guě'₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂. 4 Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lě₅ jág₁ ja₃lén₂ jmig₄, ma₂lě₅ bá₄ co₂ŋia₅₄ má₃.

‡ 21:42 Salmo 118:22-23. § 21:44 A₂līn₅₄ chog₅₄ si₂ tsá₃ rē₂ton₅ versículo 44.

Ca₂jme₁dsiang₂₃ bá₄ ca₁jui₅ 'on'₅₄ quiáng₃; ma₂lě₅ bá₄ co₂jñia₅₄ ca₂le₃jě₃. Jaun₂ jui₁ja₂lén₂ bá₄ jmi_g₄ quió'₅ chi'₂ quiáng₃.”⁵ La₁ tsá₃ jui₅ ca₂tón'₃ dsa₂ i₂jme₁ma₂lě₅ já₁ rě₂té₄ 'éi₂. Jui₅ siá'₂ bá₄ i₃lén₂: jan₂ njó₃ jui₅ ja₁nau₂ quió'₅ bá₄; jan₂ guë'₂ njó₃ i₃dsiá₃ 'ma'₅₄.⁶ Rin'₅₄ dsa₂ 'éi₂ ně₃, ca₂jñai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuë₃, ca₂jme₃dsiog₂₃ bá₄.⁷ Jaun₂ ně₃, ca₂rě₃'ně₃ rag₅₄ 'ñio₅ lin₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsí'₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂.⁸ Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jñia₅₄ a₂jen'₂ gu₂ chi'₂ quiáng₃ a₂nio₃ jmi_g₄, la₁ dsa₂ i₂jme₁lě₄ já₁ rě₂té₄ 'éi₂, tsá₃ ma₃ca₂tíin₂ ja₃lén₂.⁹ O₂nó'₅ 'nia'₂ ně₃, o₂nau₂ jě₄ calle juë'₂ ja₁i₂nio₄ guë'₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmi_g₄ jě₁jen'₂ gu₂ chi'₂ quiáng₃.”¹⁰ Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jě₄ calle, jaun₂ chi₂ca₂liain'₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lin'₅₄ ně₃; jaun₂ ca₂can'₂ bá₄ dsi₂néi₂ ca₂lě₃, quian'₅₄ dsa₂ 'éi₂.

¹¹ Jaun₂ guë'₄ ca₂'í₃ rag₅₄ dsi₂néi₂ ca₂i₁jñin₁₂ dsa₂ i₂tion'₅₄ 'éi₂, jaun₂ ca₂jñin₂ jan₂ i₂'en₅₄ jě₄ jaun₂, tsá₃ jme₁rě₂liin₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁nio₅ jmi_g₄ jen'₂ gu₂ dsa₂.¹² Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ċ'a₂ bá₄ lia'₂ ně₂'ú'₃ 'ne₂ ja₁lá₃ tě₃ tsá₃ rě₂ling'₅₄ con'₂ dsi₂ten₅₄ a₂gog'₅₄ ja₁nio₅ jmi_g₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ñi₅ ñag₃.¹³ Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂ně₅, dsein₅₄ ca₁'né₄, qui₂dsiin₅ 'nia'₂ güig₂, 'liain'₅₄ jě₄ qui₁né'₃ ja₁qui'₂-o₃, qui₃quí'₃ jan₅₄.”¹⁴ Ia₁ juin₅ lin₃ dsa₂ i₂rě₂té₄, la₁ me'₂ bá₄ i₂rě₂quion'₅₄.

*Já₁ jui₁ lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)*

¹⁵ Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ já₁ 'a₂ lia'₂ join₅₄ Jesús jui₁lia'₂ bá₄ 'ñiái₃ ca₂jon₄ já₁ 'lia'₂, ia₁ jaun₂ cuin₃ jmi_g₄ a₂bóg'₂ dso₄.¹⁶ Jaun₂ ca₂chein₃ táng₃ i₂lin₅₄ dsa₂ quiáin₅ quian'₅₄ i₂lin₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tě₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ já₁, qui₂jme₂tíng'₁ dsa₂ jui₅ dse₃ quió'₅ Diú₄, jaun₂ tsá₃ can'₂ 'ne₂ já₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃.¹⁷ Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au'₂: ċDsióg₅ guë'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ċ'Nió'₅ qui₅₄, o₃ tsá₃ qui₅₄ 'e₂?

¹⁸ La₁ ca₂rě₃lí'₄ bá₄ Jesús a₂dsi₂jio₅ dsí₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂l₂ē₁co₂jmo₅ o₁ne₁! ħ'E₂ l₂ē₃ 'niog'₂ 'nia'₂ jo'₅₄ jniá'₂ jui₁lia'₂ tsán'₂ dsa₂ jan₂ já'₂ quian'₅₄ liá'₂? ¹⁹ 'Ē₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. ²⁰ Jme₁ma₂nē₂jág₃ Jesús, jaun₂ ca₂ñí'₃ dsa₂ 'éi₂:

—ħ'Ein₂ dsi₂ne₄ chi₁ton₅ ja₁lá'₃? ħ'Ein₂ guē'₂ quió'₅ letra nē'₃?

²¹ Jaun₂ ca₂ñag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guē'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ nē₃ jang'₅₄ 'nia'₂ con'₂ a₂ca₂tín₂ Diú₄.

²² Dsa₂ 'éi₂ nē₃, jme₁ca₂nág₂ jág₁ nē₅, ca₂i₃gó'₃ dsí₅. Ca₂téin₂ bá₄ ca₂juē'₂ Jesús, ca₂i₃lein₃ bá₄.

*Ca₂ñag₃ dsa₂ saduceos jui₁lia'₂ a₂jen'₅₄ 'lag₄
(Marcos 12:18-27; Lucas 20:27-40)*

²³ Jmíg₄ jaun₂ ca₂o₃lén₂ i₂lín₅₄ dsa₂ saduceos ca₂o₃jñin₅₄ Jesús. Ia₁ tsá'₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ nē₅ ca₂ñí'₃ Jesús ca₂juá'₂:

²⁴ —Tē₅, le₂la₂ ca₂juá'₂ Moisés: nē₁jua'₂ ca₂jon₃ jan₂ dsa₂ ñe'₂ tē₃ tsá'₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄. ²⁵ Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ñe'₂ i₂lín₅ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá'₃ guein₂ ca₂can₃ 'io₅₄ quiáin₅. Jaun₂ ca₂tē₁'ñiá'₄ bá₄ 'io₅₄ 'nág₂ 'éi₂ o₄gú₃ dsó₂ rin'₅₄ i₂jē₁ca₂tē₂ on₃. ²⁶ La₁ ján₃ bá₄ le₂jaun₂ ca₂i₃ñí₂, ca₂join₃ bá₄ ján₃. Jaun₂ ca₂guá'₂ táng₃ 'io₅₄ 'éi₂ quian'₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian'₅₄ 'éi₂. Jaun₂ le₂nē₅ bá₄ ca₂lē₃ quian'₅₄ ta₁guion₃ dsó₂ 'éi₂ con'₂ i₂jme₁lē₄ rin'₅₄, ca₂dsain₃ bá₄ tē₃ tsá'₃ guein₂ ca₂can₃ 'io₅₄. ²⁷ Jaun₂ ca₂jon₃ bá₄ 'io₅₄ jme₁ca₂jon₃ nē₃.

²⁸ Jaun₂ nē₃, jmíg₄ jē₁ma₂tē₂ rē₁jen'₅₄ 'lag₄, ħ'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ñe'₂ ca₂guá'₂ quiáin'₅₄.

²⁹ Jaun₂ ca₂ñag₃ Jesús:

—Tsá'₃ le₂jaun₂ lia'₂ ñí'₂ 'au'₂ 'nia'₂, ia₁ tsá'₃ cuiñ'₂ 'nia'₂ 'a₂ lia'₂ juá'₂ Si₂, on₃ guē'₂ cuiñ'₂ 'nia'₂ 'a₂ lia'₂ lē₅ jui₅bí₂ quió'₅ Diú₄ nē₃. ³⁰ Jē₁ma₂tē₂ jmíg₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jén'₂ guē'₄ gu₂, on₃ guē'₂ nē₅ tóin'₃ guē'₄ jua'₅₄ a₂qui₃cuiñ₃ chi'₂ quiáin₅ a₂jén'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ gwei'₅₄ i₂juíg₃ bá₄ 'éi₂ jmíg₄ jaun₂. ³¹ La₁ jui₁lia'₂ a₂jen'₅₄ táng₃ 'lag₄, ħtsa₁ ma₂'í'₂ 'nia'₂ ne₄ Si₂ jui₁lia'₂ a₂ca₂juá'₂ 'ñiog₅ Diú₄ jme₁ca₂juá'₂: ³² "Jniá'₂ bá₄ líng₅ Diú₄ quián₅ Abraham, quián₅

Isaac, quián₅ Jacob ně₃?"* A₂lín₅ Diú₄ quián₅ dsa₂ jén'₃ bá₄, on₃jua'₅₄ rē'₂ Diú₄ quián₅ 'lag₄.

33 Jme₁ca₂nág₂ dsa₂ jág₁ ně₅, ca₂i₃gó'₃ dsí₅ 'a₂ lia'₂ jme₂tag₅ Jesús.

*'Éi'₃ Juá'₅ a₂dsen₅₄ guě'₄ quió'₅ Diú₄
(Marcos 12:28-34; Lucas 10:25-28)*

34 Jme₁ca₂rē₃ŋ₁₅ dsa₂ fariseos ca₂lí'₃ bá₄ táng₃ Jesús jág₁ a₂ca₂tsín₂ quian'₅₄ dsa₂ saduceos, jaun₂ ca₂ŋi'₂ ca₂jmo₃ jág₁.

35 Jaun₂ jan₂ riin'₅₄ i₂lín₅ tē₅juá'₅, jme₁'nio₃ jme₁jo₅₄ quian'₅₄ jág₁, jaun₂ ca₂ŋi'₃ Jesús:

36 —Tē₅, ħ'e₂ 'Éi'₃ Juá'₅ a₂dsen₅₄ guě'₄ con'₂ guě'₄ ca₂le₃jě₃ Si₂ 'Éi'₃ quió'₅ Diú₄?

37 Jaun₂ ca₂ŋag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ niog₅ ŋi'₂ dsei'₂.”† 38 A₂nē₅ bá₄ 'Éi'₃ Juá'₅ a₂le₂'uig₅₄ a₂dsen₅₄ guě'₄ con'₂ guě'₄ ca₂le₃jě₃. 39 Jē₁ca₂tě₂ tin₃ 'Éi'₃ ně₃, mei'₂ tsá₃ co₂rē₂ quian'₅₄ a₂le₂'uig₅₄: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ŋiag'₂.”‡ 40 Tin₃ 'éi'₃ ně₅ bá₄ lě₅ 'uig₅₄ cho'₅₄ ca₂le₃jě₃ 'Éi'₃ quió'₅ Moisés quian'₅₄ ca₂le₃jě₃ jág₁ a₂ca₂'ě₂ dsa₂ i₂chen₄ quián₅ Diú₄ ma₂lig'₂.

*ħ'Ei₂ tsi₁jon₂ quián₅ lín₅ I₂rē₂'ín₁ quián₅ Diú₄?
(Marcos 12:35-37; Lucas 20:41-44)*

41 Tē₃ tion'₅₄ dsa₂ fariseos le₁ŋi'₂, 42 jaun₂ ca₂ŋag₃ Jesús ca₂juá'₂:

—ħ'A₂ lia'₂ lín'₂ 'nia'₂? ħ'Ei₂ tsi₁jon₂ quián₅ lín₅ I₂rē₂'ín₁ quián₅ Diú₄?

—Tsi₁jon₂ David —ca₂ŋag₃ dsa₂ 'éi₂.

43 Jaun₂ ca₂juá'₂ táng₃ Jesús:

—ħ'A₂ lia'₂ jaun₂? Ia₁ 'ŋiog₅ bá₄ guě'₂ David ca₂juá'₂ lia'₂ con'₂ jme₁ca₂'i₃ Jme₂dsí₂ Jŋi₁ó₅ tē₂dsí₅, ca₂tě₃ “Te₁gui'₅₄.” ħ'A₂ lia'₂ lě₅ jaun₂? Ia₁ 'ŋiog₅ bá₄ guě'₂ David ca₂juá'₂:

44 Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.”§

45 ħ'A₂ bá₄ lia'₂ lě₅ a₂lín₅ tsi₁jon₂ David, ton'₂ 'ŋiog₅ bá₄ guě'₂ David ca₂tě₃ “Te₁gui'₅₄ quiáng₃?”

46 Jaun₂ tē₂le₃ ne₄ jui₅ guě'₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ŋag₃ guě'₄ e₂ ŋag₃.

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18.

§ 22:44 Salmo 110:1.

23

Chóg⁵ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tē₅juá'₅ ně₃

(Marcos 12:38-40; Lucas 11:37-54; 20:45-47)

¹ Jaun₂ ně₃ ca₂ton₃ Jesús jág₁ ca₂tsí'₃ dsa₂ juin₅ i₂quian'₅₄, ca₂tsí'₃ chi'₂ dsi₂guia₃-tín₂ quiain₅ ně₃, ca₂juá'₂:

² —Dsa₂ fariseos quian'₅₄ tē₅juá'₅ ně₃, tiain'₅ ta₁ a₂jme₁lín₄ Moisés. ³ Jaun₂ lē₃ ca₂tín'₂ 'nia'₂ nág'₁ gau₂ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ juí₅ jua'₅₄ a₂jmo'₂ juí₁lia'₂ a₂jmo₂₃ guoin₅₄, ia₁ juí₁lia'₂ jme₂tag₂₃, tsá₃ jme₂ti₃ guoin₅₄; tē₂le₃ siá'₂ bá₄ jmo₂₃ dsó₅. ⁴ Qui₂'nei₂₃ lio₅₄ guei₂ 'ñio₅ lín₃ qui₂dsi₂₃ mi₂ca'₄ dsa₂, la₁ guoin₅₄ ně₃ ca₂lia'₂ njia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂. ⁵ Ca₂le₃jē₃ 'e₂ a₂jmo₂₃, jmo₂₃ a₂jnja'₅₄ con'₂ 'nio₃ jág₂ dsa₂ bá₄. Ia₁ tin₂ dsí₅ i₃quian₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄;^{*} a₂ta₁ dsí₅ i₂noi₅₄ le₁qui'₂ tsi₁'mi'₂ chen₅₄ jang₄ qui₂le₁'ág₄ a₂lē₅ lí₁ ca'₅₄ a₃tag₄. ⁶ 'Ñio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guē'₃, qui₂dsi₂tiain'₂ ja₁dsen₅₄ guē₄ juí₁lia'₂ dsi₂néi₂ guá'₅ sinagoga ně₃. ⁷ Ton'₂ 'ñio₅ tē₅ dsí₅ qui₃cuag₃ dsa₂ Diú₄ jē₄ 'ma'₅₄, qui₃tē₂ dsa₂ “tē₅”† ně₃.

⁸ 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lē₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. ⁹ Tsá₃ tē'₅₄ 'nia'₂ “tia₅₄” 'i₁jan₂ dsa₂ mi₂gúig₃, ia₁ jan₂ bá₄ Nēi'₅ 'nia'₂ i₂chan₂, i₂guá₅ guei'₅₄ i₂juíg₃. ¹⁰ Tsá₃ cuē'₁ 'nia'₂ jmig₄ a₂tē₂ dsa₂ 'nia'₂ guiong'₅₄ a₂líng'₅ juig₅₄ dsa₂, ia₁ jan₂ Irē₂'ín₁ quián₅ Diú₄ bá₄ i₂lín₅ juig'₂ 'nia'₂. ¹¹ Juí₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juin'₂ guē₄. ¹² Ia₁ juí₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lé₂ mei'₂; la₁ juí₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ guē₄ con'₂ guē₄ ca₂le₃jín₃.

¹³ 'i'E₂ guē₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₃jmo₅-dsáu₅ o₁ne₁! Ia₁ jnág'₂ 'nia'₂ o₄né₄ guei'₅₄ i₂juíg₃ ja₁gon₂ Diú₄, tsá₃ cuē'₂ 'nia'₂ jmig₄ tón'₃ i₂sián'₂. Ia₁ on₃ guē'₂ tón'₂ 'nia'₂ guiong'₅₄, on₃ guē'₂ cuē'₂ 'nia'₂ juí₅ tón'₃ juí₁lia'₂ i₂'nio₃ tón'₃,‡

¹⁵ 'i'E₂ guē₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₃jmo₅-dsáu₅ o₁ne₁! Ia₁ qui₂i₂no'₄ 'nia'₂ ca₂le₂con₂ mi₂gúig₃

* **23:5** 'Nio'₂ ja₁ton₅ Deuteronomio 6:4-9. † **23:7** o₃, Rabbí. ‡ **23:13** A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “'i'E₂ guē₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₃jmo₅-dsáu₅ o₁ne₁! Ia₁ ja₁nó'₅ 'nia'₂ qui₂jnja'₂ 'ne₄, 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄ uē₂ lín₃, ia₁ jaun₂ tsá₃ 'ein₂ le₃lí₄. 'Uig₅₄ jaun₂ ja₂lín₃ guē₄ 'ñio₅ uig₅ guéi'₁ 'nia'₂.

qui₁'ang'₄ jmi₁ŋí'₄, a₂qui₂jme₂tíng'₁ dsa₂ lia'₂ lě₅ 'én'₂ 'nia'₂ guiong'₅₄. Jē₁ma₂ca₂jon'₃ 'nia'₂ dsa₂ a₂dsi₃lén₂ juí₅ quiáng'₂, qui₂jme₂tín'₁ 'nia'₂ a₂ŋnia'₅₄ con'₂ a₂jme₃'lin'₅₄ guě₄ lia'₂ con'₂ guě₄ guion'₅₄ 'nia'₂.

16 'i'E₂ guě₄ juíg'₂ 'nia'₂, dsa₂ ten₄ i₂quian₅ ne₄ juí₅! Ia₁ juá'₂ 'nia'₂ jme₂tíng'₁ dsa₂: “Nē₁jua'₂ 'ein₂ ca₂cuě₃ jág₁ quió'₅ 'ē₂₃ guá'₅, tsá₃ 'e₂ quen₅ jág₁ jaun₂; la₁ nē₁jua'₂ ca₂'ē₃ cu₄nióg₄ a₂te₁'i₁ guá'₅, a₂jaun₂ guě₄ dsón'₂ quen₅ jág₁ quió'₅”, tion₅₄ 'nió'₅ jme₃tí₃ jág₁ a₂nē₂cuě₃. 17 'i'Nia'₂ dsa₂ ten₄, dsa₂ co₄! ¿'E₂ a₂quen₅ guě₄ 'ŋio₅ lin₃? ¿Cu₄nióg₄, o₃ guá'₅ ja₁rē₂ŋi₃ cu₄nióg₄ jaun₂ 'e₂? 18 Juá'₂ 'nia'₂ ján₃: “Nē₁jua'₂ 'ein₂ cuě₅ jág₁ quió'₅ a₂'ē₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ nē₁jua'₂ ca₂'iin₃ já'₂ i₂rē₂jen'₅₄ ne₄ ne₄chei₂, jaun₂ guě₄ dsón'₂ tion₅₄ 'nió'₅ jme₃tí₃ jág₁ quió'₅.” 19 'i'Nia'₂ dsa₂ ten₄! ¿'E₂ jaun₂ a₂lě₅ a₂dsen₅₄ guě₄? ¿já'₂ i₂rē₂jen'₅₄ ne₄ Diú₄, o₃ ne₄chei₂ a₂rē₂ŋi₃ já'₂ 'éi₂ 'e₂? 20 Jaun₂ lě₃, juí₁lia'₂ jme₁cuě₅ dsa₂ jág₁ quió'₅ a₂'ē₂₃ ne₄chei₂, on₃jua'₅₄ jmá'₃ ne₄chei₂ 'ē₂₃; a₂'ē₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun₂. 21 Le₂ně₅ bá₄ ján₃, juí₁lia'₂ i₂'ē₅ guá'₅, on₃jua'₅₄ jmá'₃ ca₂ne₅₄ guá'₅ 'ē₂₃, a₂'iin₂₃ le₂jio₅ Diú₄ i₂guá'₅ dsi₂néi₂ jaun₂ bá₄. 22 Ján₃ bá₄ le₂ně₅ juí₁lia'₂ i₂'ē₅ guei'₅₄ i₂juíg'₃, a₂ma₂ně₂'ē₃ le₂jio₅ ne₄ta₁ quió'₅ Diú₄, ton'₂ a₂ma₂ně₂'iin₃ le₂jio₅ 'ŋio₅ Diú₄ i₂guá'₅ ne₄ta₁ jaun₂ bá₄ ján₃.

23 'i'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂jáng'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juig'₂, juí₁lia'₂ menta, anís, quian'₅₄ qui₂má₃ ně₃. La₁ tsá₃ tón'₂ guě'₂ 'nia'₂ juí₅ 'Éi'₃ Juá'₅ a₂dsen₅₄ guě₄ quió'₅ Diú₄ ron₅, juí₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ ŋéi₂ dsí₅ dsa₂ mi₂güig'₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂ně₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'Éi'₃. 24 'i'Nia'₂ dsa₂ ten₄ i₂quian₅ ne₄ juí₅! Qui₁ŋí'₄ 'nia'₂ quió'₅ i₁lu₂ pí'₁, la₁ ní'₅ bá₄ guě'₂ 'nia'₂ guiong'₅₄ juí₁lia'₂ já'₂ camello.

25 'i'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ juí₁lia'₂ lě₅ ni₁vaso, ni₁uĩng₅ ně₃, qui₁riin'₄ 'nia'₂ jmá'₃ lia'₂ le₃co'₅₄. La₁ tē₂le₃ juí₅ tē₂'au'₂ 'nia'₂, qui₂rē₂can'₂ ca₂le₃jě₃ ne₅₄ a₂'lig'₅₄ a₂qui₂dsi₂ŋnia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂. 26 'i'Nia'₂ dsa₂ fariseos ten₄! Rang₂ 'nia'₂ de'₂ ŋjiá₅ le₃'ŋió'₂ ni₁vaso quian'₅₄ ni₁uĩng₅, jaun₂ guě₄ lě₂ le₁jě₃ le₂tan₅₄ le₃co'₅₄ ně₃.

27 'i'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín'₅ 'nia'₂ juí₁lia'₂ lě₅ tau₂ 'ŋio₅ a₂ŋnia'₅₄ con'₂ jniá₂ tiog₂, jniá₂ jlá'₁ jmá'₃ lia'₂ le₃co'₅₄ bá₄, la₁ le₃'ŋió'₂ qui₂rē₂can'₂ ni₁mu₅, chí'₅ ma₂'lig'₅₄. 28 Le₂ně₅ bá₄ lín'₅ 'nia'₂;

'e₂ guě₄ dsen'₃ 'nia'₂ jniág'₂ jmá'₃ lia'₂ le₃co'₅₄ tē₃jě₄ jág₅ dsa₂,
la₁ tē₂'au'₂ guě'₂ 'nia'₂ qui₂rē₂can'₂ ca₂le₃jě₃ ne₅₄ a₂'lig'₅₄, a₂jmo'₂
dsáu'₂ 'nia'₂ o₁ne₁ 'e₂ a₂jmo'₂.

29 'i'E₂ guě₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃,
i₂lě₁jmo₅-dsáu₅ o₁ne₁! Ia₁ qui₂jmo₂g'₂ 'nia'₂ tau₂ 'ñio₅ quió'₅
dsa₂ i₂ca₂'ě₂ jág₁ quián₅ Diú₄ ma₂líg'₂, qui₂jmo₂g'₂ 'nia'₂ jlá'₁
qui₂rē₂lag₄ jui₁lia'₂ ja₁le₁'on₅ dsa₂ dsen₃ i₂ma₂dsan₃. 30 Jaun₂
jag'₅₄ 'nia'₂: “Jua'₅₄ mei'₂ bá₄ ca₂rē₃chóng₃ jniog₄ jmig₄
jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃
jme₁jme₁quiain'₅₄ jniog₄ lia'₂ con'₂ jme₁ca₂jmo₃ a₂ca₂i₃'o₅₄ jmi₂
'an₅₄ dsa₂ i₂chen₄ 'éi₂ quián₅ Diú₄.” 31 Jaun₂ le₂ně₅, quian'₅₄
jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂líg'₅
tsi₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. 32 Jaun₂ ně₃,
jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

33 'jJá'₂ 'lin'₅₄! i₁Tsi₁jon₂ dsi₂mi'₂! ħ₂A₂ bá₄ lia'₂ le₃lon'₅₄ 'nia'₂
'éi'₃ uig₅ a₂já₅ ja₁con'₂ 'nia'₂ a₂dsi₁no₃g'₃ guio₃-juíg₃? 34 'Uig₅₄
jaun₂, tsin₅₄ jniá₂ ja₁con'₂ 'nia'₂ dsa₂ i₂'ě₂ jág₁ o₄quió₃, dsa₂ i₂ñí'₂
niog₅ dsi₄, i₂lín₅ tē₅ ně₃. I₂lin₅₄ 'éi₂ jme₁dsiain'₂ bá₄ 'nia'₂, i₂lin₅₄
guě'₂ qui₁tóin'₄ 'nia'₂ cróg₄. I₂sián'₂ guě'₂ ně₃ qui₁cuě'₅₄ 'nia'₂
dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ ně₃ le₂'í₁
juig₂. 35 Jaun₂ lě₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃
i₂qui₂ma₂dsan₃ mi₂güí₃, ca₂tě₂ jmi₄ Abel i₂jme₁lín₄ dsa₂ dsen₃,
ca₂tě₂ jmi₄ Zacarías ja₁ñi'₅₄ Berequías, i₂ca₂jñí'₃ 'nia'₂ i₁dsi₅ guá'₅
jě₄ ja₁lě₄ ja₁jñió₅ quian'₅₄ ja₁chí'₄ ne₄chei₂. 36 A₂dsi₂jó'₃ juíg₂ jniá₂
'nia'₂, dsa₂ chan₂ jmig₄ ně₃ bá₄ rē₂cán'₄ ca₂le₃jě₃ dso₄ jaun₂.

'O₅ Jesús o₄quió'₄ juig₂ Jerusalén
(Lucas 13:34-35)

37 'i'Nia'₂ dsa₂ juig₂ Jerusalén! i'Nia'₂ dsa₂ juig₂ Jerusalén,
'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jnag'₅₄
cang₄ dsa₂ i₂chen₅ Diú₄ jin'₄ 'nia'₂! i'Lióng₂ ráun₂ jme₁'ín₅ dsi₃
jme₁chi₁liang'₂ guein₂ dsa₂ juig₂ quiáng'₂, jui₁lia'₂ jmo₅ i₁tsín'₃
a₂chi₂lain'₂ guein₂ quián₅ to'₂ né'₃ tsi₁rē₂cu₅, la₁ guion'₅₄ 'nia'₂
tsá₃ ca₂gue'₅₄! 38 Jag₄ jaun₂, dsi₂néi₂ quiáng'₂ ně₃ tē₃'ñiá₄, tē₃tsi'₅₄
tei₄, tsá₃ 'ein₂ chan₂ lé₂. 39 Ia₁ juá'₅ jniá₂, tsá₃ ma₃la₂ jag'₅₄ 'nia'₂
jniá₂, ca₂lia'₂ ca₂tě₂ jmig₄ jě₁ma₂tě₂ rē₁jua'₅₄ 'nia'₂: “Jui₁le₂jñió₃
bá₄ i₂ně₅ i₂jón'₅ o₄quió'₄ Te₁gui'₅₄.” §

24

Ca₂'ě₂ Jesús jág₁ a₂dsi₃'én₂ bá₄ guá'₅ templo
(Marcos 13:1-2; Lucas 21:5-6)

1 Jaun₂ ca₂o₃'ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ jui₅ ñái'₅, ca₂jme₃quián₃ chi'₂ dsi₂guia₃-tín₂ quiáin₅ tē₂, ca₂juá'₂:

—Jag₄ 'a₂ lia'₂ lē₅ guá'₅.

2 La₁ jaun₂ ca₂ñag₃ Jesús:

—¿Jág'₂ 'nia'₂ ca₂le₃jě₃ a₂ně₅? A₂dsi₂jó'₃ juíg₂ jniá₂ 'nia'₂, já₅ jmig₄ lia'₂ 'i₁ca₂míg₂ ni₁cang₁ tsá₃ ma₃'e₂ jua'₅₄ a₂le₁juí₄ gué₄ lé₂ quian'₅₄ rin'₅₄. Ca₂le₃jě₃ bá₄ 'én₂.

Léi₄ a₂lé₂ jmig₄ jě₁ca₂tó'₂

(Marcos 13:3-23; Lucas 21:7-24; 17:22-24)

3 Jme₁ca₂dsióg₃ Jesús Má'₂ Olivos; ja₁jaun₂ ca₂guá₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jě₄ jmá'₃ guioin₅₄, ca₂nií'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ ně₅. ¿'E₂ léi₄ lé₂ jě₁ma₂tě₂ rē₁ñeg'₅₄ táng₃? ¿'E₂ bá₄ léi₄ lé₂ jě₁ma₂tě₂ rē₁tě₅₄ jmig₄ jaun₂?

4 Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁵ Ia₁ juin₅ i₂tē₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ I₂rē₂'ín₁ quián₅ Diú₄”; jaun₂ juin₅ dsa₂ i₂qui₂jme₃gain₂₃. ⁶ Jě₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quin'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dson'₂ lé₂ bá₄. La₁ 'nió'₅ bá₄ gué₄ a₂ñí₂ jein₂ jaun₂. ⁷ Ia₁ nio₃ 'nei₂, qui₃quin'₂ dsa₂ le₂caun₂ le₂caun₂ juíg₂ nación; dsi₂tan₅₄ gué'₂ ně₃ qui₃tóin'₃ mi'₅₄ quin'₂ quian'₅₄ dsi₂tan₅₄ riin'₅₄ i₂chan₂ juíg₂ siá'₂. Jaun₂ gué₄ ně₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uě₃ ně₃. ⁸ Ca₂le₃jě₃ a₂ně₅ lé₂ a₂le₂'uig₅₄ jmi₁uig₅ ju₁lia'₂ jan₂ 'io₅₄ i₂rē₂chan₂ guein₂ quián₅.

⁹ Jaun₂ gué₄ ně₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuě₃ dsa₂ uig₅, jaun₂ gué₄ jme₃dsian₅ dsa₂ 'nia'₂. Le₂con₂ mi₂güig₃ bá₄ jme₃ñia₅₄ dsa₂ 'nia'₂ 'uig₅₄ quió₃ jniá₂. ¹⁰ Jmig₄ jaun₂, juin₅ dsa₂ i₂tí₂ jui₅ quió'₅ Diú₄ a₂jme₁'éin₂, qui₂jme₃ñia₅₄ bá₄ riin'₅₄, qui₃jáng'₂ ně₃. ¹¹ Juin₅ dsa₂ le₃chan₂ i₂'ě₂ jág₁ i₂ju₁gan₂, jaun₂ juin₅ dsa₂ i₂jme₃gain₂₃. ¹² 'Uig₅₄ ia₁ a₂ñí₄ lě₃ ju₁si ñag₅₄ le₃'lin'₅₄ dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂ le₂jain₂. ¹³ La₁ ju₁lia'₂ i₂ná_u₃ tiá₂ tē₂ jě₁ca₂tó'₂, 'éi₂ bá₄ lión₂. ¹⁴ Jág₁ dse₃ la₂ ju₁lia'₂ 'a₂ lia'₂ lē₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ñi₅ ca₂le₃jě₃ juíg₂ te₁'i₁ gua'₅₄ 'uě₃ jág₁ dse₃ jaun₂; jaun₂ gué₄ ně₃ tē₅₄ jmig₄ jě₁ca₂tó'₂.

¹⁵ Jaun₂ ně₃, já₅ jmig₄ a₂tě₅₄ ne'₅₄ 'nia'₂ a₂ná_u₃ jan₂ dsa₂ i₂'lin'₅₄ gué₄ lin₃, a₂jme₃'ióg₃ ja₁jñiós, a₂le₃ti₃ jág₁ a₂ca₂'ě₂ Daniel

i₂jme₁'ě₂ jág₁ quián₅ Diú₄,* (jaun₂ ju₁le₂ŋ₁'₂ bá₄ i₂'i₅ si₂ la₂),
 16 jaun₂ ně₃, dsa₂ i₂tián₅ le₂tan₅₄ 'uě₃ Judea, ju₁cuíng₁₂ ju₁₅ má'₂.
 17 Ju₁lia'₂ i₂'en₅₄ guei'₅₄ 'ne₄, tsá₃ ma₃ju₁sióin₄ jua'₅₄ a₂'uě'₃ 'e₂
 'uě'₃ dsi₂něi₂ quió'₅; 18 ju₁lia'₂ i₂'en₅₄ ja₁nau₂ quió'₅ táng₃, tsá₃
 ma₃ju₁ŋjioi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅. 19 ju₁ig₂
 bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂le₁ŋjia₅ guein₂
 i₂'ín'₂ dsi'₅₄ ně₃, jmig₄ jaun₂! 20 Mi₄ 'nia'₂ ne₄ Diú₄ ia₁jaun₂
 tsá₃ o₁le₅₄ jua'₅₄ a₂cuíng'₂ 'nia'₂ jein₂ güig₂, on₃ guē'₂ jmig₄
 sa₅₄ ně₃. 21 Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂
 jmig₄ jaun₂, caun₂ jmi₁uig₅ a₂tsá₃ ma₂ca₂rě₃chá₃ ca₂le₃ ca₂nio₃
 mi₂güig₃, on₃ guē'₂ ma₃niog₅ jmig₄ jua'₅₄ a₂le₃cha₂ guē₄ cang₂.
 22 Jua'₅₄ mei'₂ guē₃ Diú₄ tsá₃ ma₂ca₂jme₃tě₃ jmig₄ jaun₂, 'i₁jan₂
 tsá₃ 'ein₂ jme₁lión₂ jua'₅₄ mei'₂ guē₃ tsá₃ le₂jaun₂. La₁ o₄quió'₄
 i₂rě₂quion'₅₄ quián₅, jme₃tě₃ bá₄ jmig₄ jaun₂.

23 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “jag₄ 'nia'₂!
 jLa₂ bá₄ chén'₅ I₂rě₂'ín₁ quián₅ Diú₄!” o₃ ně₁jua'₂ 'ein₂ ca₂juá'₂:
 “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 24 Ia₁ ju₁n₅ dsa₂
 i₂ju₁gan₂ ja₃lén₂ a₂juá'₂ a₂lín₅ I₂rě₂'ín₁ quián₅ Diú₄, a₂juá'₂ ně₃
 a₂lín₅ dsa₂ i₂'ě₂ jág₁ quián₅ Diú₄; 'lióng₂ léi₄ juē'₂ a₂o₂dsain₂ jmo₃
 a₂jme₃gain₂₃ dsa₂. Jua'₅₄ mei'₂ guē₃ lé₂, ca₂tě₂ dsa₂ i₂quion'₅₄
 quián₅ Diú₄ jme₃gain₂₃. 25 Jaun₂ ně₅ ma₂ně₂juig₂ jniá₂ 'nia'₂
 tě₃ŋjia₅. 26 Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Ní₂ 'nia'₂, jó₄
 'ein₅₄ ja₁lě₄ 'uě₃ quein₂ co₂'ŋiog₅”, tsá₃ lě₄o₂nó'₅ 'nia'₂ ja₁jaun₂; o₃
 ně₁jua'₂ 'ein₂ ca₂juá'₂: “Ní₂ 'nia'₂, ja₁lá₃ rě₂'mai₅₄ dsi₂něi₂”, tsá₃
 ju₁le₂'én'₂ 'nia'₂. 27 Ia₁ ju₁lia'₂ jme₁lě₂ si₁ŋí'₃ ca₂taun₂ ca₂taun₂,
 le₂jaun₂ bá₄ lé₂ jě₁ma₂tě₂ rě₁guan₂ Jaun₅ dsa₂ mi₂güig₃. 28 Ia₁
 ju₁lia'₂ ja₁ron₅ 'lag₄, ja₁jaun₂ bá₄ ŋi'₂ i₁tú₃ tsin₅₄.

'A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

29 'Dsi₂ju₁₅ jě₁ma₂ca₂ŋag₅ jmig₄ o₂i₁ dsi₅ jaun₂,

'iog₂ ně₃ co₂dsia₅ le₃lia'₂,

tsi'₂ ně₃ tsá₃ ma₃tág₅ jnia₅₄;

nei₅ guē'₂ ně₃ qui₂tsi₃séi'₂,

ca₂le₃jě₃ guē₄ 'e₂ bí₂ cha₂ guei'₅₄ mi₂güig₃

qui₃guian'₃.†

30 'Tě₃jě₄ jaun₂ guē₄ ně₃, le₃jniá₂ guei'₅₄ dsi₂güig₂ léi₄ quió'₅

Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃

qui'₃-o₃. Jíin₂ Jaun₅ dsa₂ mi₂güig₃, guain'₂ guei'₅₄ jě₄ jnei₅

quian'₅₄ ca₂le₃jě₃ ju₁₅bí₂ a₂'io₂₃ jláin'₁. 31 Jaun₂ qui₃chein₃ ángeles

quián₅ jéi₂ ŋí₂ trompeta tiá₂ lin₃ a₂tě₂ dsa₂ i₂quion'₅₄ quián₅

i₂chan₂ ca₂le₃jě₃ juig₂ te₁'i₁ ta₁caun₂ mi₂güig₃.

* 24:15 Í₂ Daniel 9:27; 11:31; 12:11. † 24:29 Isaiás 13:10; 34:4.

32 'Jme₁tin₅ 'nia'₂, jui₁le₂ñi'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos: jme₁chéi'₂ gu'₂ nei'₅₄, a₂ja₂'ñio₃ mog'₅₄, ñi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. 33 Le₂nē₅ bá₄ 'nia'₂ jaun₂ nē₃, jē₁ma₂tē₅ ne'₅₄ a₂lē₂ ca₂le₃jē₃ a₂nē₅, jui₁le₂ñi'₅₄ bá₄ 'nia'₂ a₂ma₂ja₂quián₃, nē₂jag₄ bá₄ i₂ma₂chén'₅ o₄'né₄ bá₄ 'éi₂. 34 A₂dsi₂jó'₃ juá'₅ jniá₂ juíg₂ 'nia'₂, tsá₃ dsi₃ñi'₂ tsi₁jon₂ la₂,[‡] ca₂lia'₂ ca₂lē₃ ca₂le₃jē₃ a₂nē₅. 35 Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ñag₅, la₁ jág₁ quió₃ o₁líg'₂ tsá₃ ñag₅ jua'₅₄ a₂tsá₃ le₃ti₃.

36 'La₁ 'i₁jan₂ tsá₃ 'ein₂ ñi₅ 'e₂ 'ió'₄, 'e₂ hora lé₂ a₂jaun₂, on₃ guē'₂ ángeles i₂tion'₅₄ guei'₅₄ i₂juíg₃, on₃ guē'₂ 'ñiog₅ Ja₁ñi'₅₄ Diú₄. § Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

37 'Ia₁ jui₁lia'₂ ca₂lē₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jē₁ma₂tē₂ rē₁guan'₂ Jaun₅ dsa₂ mi₂güig₃. 38 Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guē'₅, qui₂'ín'₂, qui₂jéin'₂ gu₂, qui₂cuin₂₃ ja₁míg₄ jme₁jéin'₂ gu₂ nē₃, ca₂lia'₂ ca₂tē₂ jmig₄ jme₁ca₂'í₃ Noé 'ñi₃o'₃ ni₁barco; 39 la₁ con'₂ tsá₃ 'ein₂ rē₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jín₃. Le₂jaun₂ bá₄ lé₂ táng₃ jē₁ma₂tē₂ rē₁guan'₂ Jaun₅ dsa₂ mi₂güig₃. 40 Jmig₄ jaun₂, on₃ dsa₂ ñe'₂ tion'₅₄ ja₁nau₂; jan₂ i₂dsán'₃, jan₂ guē'₂ i₂tē₃'ñiá₄. 41 On₃ guē'₂ dsa₂ mí₂ tioin'₅₄ éi'₅ ne₁ti₂to₂; jan₂ i₂dsán'₃, jan₂ guē'₂ i₂tē₃'ñiá₄.

42 'Jme₁jnio₂ 'nia'₂ ne'₅₄ jaun₂, ia₁ tsá₃ ñi'₅₄ 'nia'₂ 'e₂ hora jñi₃o'₂ juig'₂. 43 La₁ jui₁le₂ñi'₂ 'au'₂ 'nia'₂ a₂la₂: jua'₅₄ mei'₂ guē₃ ñi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuē₃ jmig₄ a₂'í₂ dsa₂, 'ang₃ dsi₂néi₂ quió'₅. 44 Le₂nē₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ ñi'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(Lucas 12:41-48)

45 '¿Ein₂ dsa₂ i₂ñi'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ nē₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ñi₃ riin'₅₄ jē₁ma₂tē₂ hora a₂guē'₃. 46 'E₂ guē₄ dsen₃ 'éi₂ jē₁ma₂tē₂ rē₁jo₅₄ juig₅₄ jē₁ma₂guáin'₅ jme₂ti₃ bá₄ ta₁ a₂chéin'₅. 47 A₂dsi₂jó'₃ juá'₅ jniá₂, cuē₃ juig₅₄ ta₁ a₂nio₃ ne₅₄ ca₂le₃jē₃ 'e₂ a₂cha₂ quió'₅. 48 La₁ jua'₅₄ mei'₂ guē₃ dsa₂ i₂jme₂ti₃ lín₅ jan₂ dsa₂ 'lín'₅₄ i₂tsá₃ tón'₂ jui₅ ta₁ a₂chéin'₅, ia₁ lín₂, "i₂le₃'in₄ bá₄ juig₃", 49 jaun₂ jme₂lióg₃ qui₂cuē'₅ bá₄ riin'₅₄, dsó₂ qui₂dsi₂guē'₃ qui₂dsi₂'én'₃ quian'₅₄ dsa₂ 'en₅ nē₃. 50 La₁ caun₂ jmig₄ con'₂ tsá₃ rē₂jáin₁, caun₂ hora con'₂ tsá₃ lí₄ bá₄, dsián'₄

‡ 24:34 o₃, "né'₃ a₂dsián₃ dsa₂ i₂lín₅ raza la₂."

§ 24:36 A₂lin₅₄ chog₅₄ si₂ tsá₃

chi₁ton₅ "on₃ guē'₂ 'ñiog₅ Ja₁ñi'₅₄ Diú₄."

juig⁵⁴. ⁵¹ Juig⁵⁴ ně³ cuë³ uig⁵, *'liog'³ ja₁jaun² bá₄ ján³, ja₁ca₂tín²
dsi₁len⁵ i₂lë₁jmo⁵-dsá_u o₁ne₁, ja₁qui²-o₃, qui₃qui³ ja_n⁵⁴.

25

Jág₁ jáng'₅ léi₄ ju₁lia'₂ guian₃ chi'₂ dsa₂ mi₄

¹ 'Jm_{ig}⁴ jaun² ju₁lia'² ja₁gon² Diú⁴, lé₂ ju₁lia'² ca₂jmo³ guian³
chi'² dsa₂ mi₄ jme₁ca₂can³ ni₁tsí⁵ le₁guí'² si₂ quió'⁵. Ca₂i₃lén²
ca₂i₁jme₁jein'² dsa₂ ŋe'² i₂jen'² gu₂. ² 'Njá² chi'² dsa₂ mi₄ 'éi²
jme₁coin⁵⁴; 'ñiá² guë'² i₂'ñio⁴, i₂dse³ niog⁵ dsi₄. ³ Dsa₂ mi₄
i₂co⁴ 'éi² ně³, jmá'³ ni₁tsí⁵ chi₁guí'² si₂ bá₄ ca₂can³; tsá³ ca₂can³
guë'² ni₁dsig₁ a₂'a⁴ aceite. ⁴ La₁ dsa₂ mi₄ i₂niog⁵ dse³ dsi₄ ně³
ca₂jmo³ co₂jñia⁵⁴ quió'⁵, jme₁le₁quian⁵ ni₁tsí⁵ le₁guí'² si₂, ton'²
jme₁le₁quian⁵ rë₂tsón² aceite 'a₄ ni₁dsig₁. ⁵ La₁ ca₂rë³ 'in⁴ bá₄
guë'² dsa₂ ŋe'² i₂lë⁵ jág₁ jen'² gu₂, jaun² le₃jín³ bá₄ dsa₂ mí² 'éi² ně³
ca₂tá'² i₁gü³ in³, jaun² ca₂gü³ in² bá₄. ⁶ Jaun² jme₁ca₂të² dsi₃nei⁵,
ca₂né'² tiá² i₁juá'⁴ dsa₂: "iNë⁵ jón'⁵ dsa₂ ŋe'² i₂jen'² gu₂! 'i'U³ in'²
'nia'² o₂jme₁jein'²!" ⁷ Jaun² qui₂ca₂nau² ca₂le₃jün³, ca₂jmo³ dse³
mecha tsí⁵ quió'⁵. ⁸ Jaun² ca₂juá'² dsa₂ mí² i₂'ñiá² i₂co⁴ 'éi²
ca₂tsí³ rñin'⁵⁴ i₂'ñio⁴: "Cuë'¹ 'nia'² ca₂juig⁴ aceite quiáng'², ia₁
ma₂i₁ei³ si₂ tsí⁵ quián² jnia'⁵⁴." ⁹ La₁ ca₂ñag³ dsa₂ mí² i₂'ñio⁴:
"Jan²ón⁴. Ia₁ con'² tsá³ ŋó⁵ në₁juá'² tsá³ ca₂tín'² quián² jnia'⁵⁴
guio⁵⁴, on³ guë'² quián'² 'nia'² tín'² ně³. Co₂ñei'⁵⁴ guë'⁴ dse³
o₂nó⁵ 'nia'² guiong'⁵⁴ o₂liá³ quiáng'² ja₁'nag⁵ dsa₂." ¹⁰ La₁ tē₁lia'²
i₂lén² 'éi² i₂lia⁵ aceite, tē₃jē⁴ jaun² ca₂guán'³ dsa₂ ŋe'² i₂lë⁵ jág₁
jen'² gu₂. Dsa₂ mí² i₂tián'⁵ lë⁵ co₂jñia⁵⁴ ca₂i₃toin'⁵⁴ bá₄ co₂lë⁵
quiong'⁵⁴ i₁guë'² ja₁niog⁵ jmig⁴ a₂jen'² gu₂ dsa₂. Jaun² ca₂jñág³
o₄'né⁴ jme₁ca₂jñág³. ¹¹ Jme₁co₂lág² jaun², o₃len⁵ i₂'ñiá² 'éi², jaun²
ca₂tóin'² ca₂të³, ca₂juá'²: "iTe₁gui'⁵⁴, Te₁gui'⁵⁴! iNia⁴ o₄'né⁴ jaun²
tió'⁴ jnia'⁵⁴!" ¹² La₁ jaun² ca₂ñag³ dsa₂ ŋe'²: "A₂dsi₂jó'³ juá'⁵, tsá³
cuíng⁵ 'ein² 'nia'²."

¹³ 'Jaun² le₂në⁵, chan'² 'nia'² co₂jñiag'⁵⁴, ia₁ tsá³ ŋi'⁵⁴ 'nia'² 'e₂
'i⁴, 'e₂ hora guan'² Jaun⁵ dsa₂ mi₂gü³ig³.

*Jág₁ jáng'₅ léi₄ ju₁lia'₂ 'a₂ lia'₂ lë₅ ca₂jmo³ ún² dsa₂ quian'⁵⁴
a₂ca₂dsia₃ juig⁵⁴ o₄gú³
(Lucas 19:11-27)*

¹⁴ 'Con'² siá'² lë⁵ ja₁gon² Diú⁴ ju₁lia'² jan² dsa₂ i₂'en⁵⁴ ju₁i⁵ dsó³
dsi₃ñí³ uíng² juig² siá'². Jaun² ca₂të'³ dsa₂ i₂jme₁jme₂ti₃ ta₁ ne⁵⁴,
jaun² o₄gú³ 'éi² ca₂dsia₃ cu₄. ¹⁵ Jan² i₂ca₂cuë'³ 'ñiá² mei⁵ 'éi'³ cu₄
talentos; jan² guë'² i₂ca₂cuë'³ tin³ mei⁵, jan² guë'² caun² mei⁵.
Ca₂cuë'³ le₂jan² dsa₂ 'éi² 'a₂ con'² jñia'⁵⁴ qui'⁵⁴ jmig⁴. Jaun² guë'⁴
ñó³ i₁ñí³. ¹⁶ Dsa₂ i₂ca₂gue³ 'ñiá² mei⁵ 'éi'³ cu₄ ně³, ca₂jmói'² ta₁ cu₄

* 24:51 lit. "dsia₃ juig⁵⁴ le₁juig¹ le₁dsog'⁵⁴ quió'⁵."

jaun₂, jaun₂ ca₂lí₃ con₂ gué₄ 'ñiá₂ mei₅ jmá₃ a₂dsí₂. ¹⁷ Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí₃ con₂ gué₄ tin₃ mei₅ táng₃ a₂tē₁dsi₅₄. ¹⁸ La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuē₃ juig₅₄, ca₂i₁'ó₄ né₃ 'uē₃.

¹⁹ 'Uē₂ lin₃ bá₄ i₁ñi₂ juig₅₄ ně₃; la₁ ca₂guáin₃ jme₁ca₂guáin₃ cang₂. Jaun₂ ca₂caún₃ 'í₁ ca₂chein₃ cuentas quió₅ dsa₂ i₂jme₂ti₃ i₂ca₂cuē₃ cu₄. ²⁰ Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín₂ juig₅₄ con₂ gué₄ 'ñiá₂ mei₅ a₂tē₁dsi₅₄ a₂ca₂lí₃, jaun₂ juá₂ tsí₃ juig₅₄: “Te₁gui₅₄, ca₂cuē₅₄ 'ne₂ 'ñiá₂ mei₅; jag₄, la₂ ron₅ con₂ gué₄ 'ñiá₂ mei₅ táng₃ a₂ca₂lág₃.” ²¹ Jaun₂ ca₂juá₂ juig₅₄: “Ñi₅ dse₃ ca₂jmo₅₄. Líng₅ bá₄ jan₂ dsa₂ dsen₃ i₂ca₂rē₃ti₅₄; ca₂rē₃teng₅₄ bá₄ quian₅₄ a₂ca₂juig₄ a₂ca₂dsia₃ jniá₂ gog₂, ně₃ ně₃ 'lióng₂ gué₄ a₂dsia₅₄ jniá₂ gog₂. 'Ú₅ dsi₂né₂, o₁quián₁ o₂'ñi₃ dsi₅ co₂dsia₅.” ²² Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá₂: “Te₁gui₅₄, ca₂cuē₅₄ 'ne₂ tin₃ mei₅; jag₄, la₂ ron₅ con₂ gué₄ tin₃ mei₅ táng₃ a₂ca₂lág₃.” ²³ Jaun₂ ca₂juá₂ juig₅₄: “Ñi₅ dse₃ ca₂jmo₅₄. Líng₅ bá₄ jan₂ dsa₂ dsen₃ i₂ca₂rē₃ti₅₄; ca₂rē₃teng₅₄ bá₄ quian₅₄ a₂ca₂juig₄ a₂ca₂dsia₃ jniá₂ gog₂, ně₃ ně₃ 'lióng₂ gué₄ a₂dsia₅₄ jniá₂ gog₂. 'Ú₅ dsi₂né₂, o₁quián₁ o₂'ñi₃ dsi₅ co₂dsia₅.”

²⁴ La₁ jme₁ca₂dsióg₃ i₂ca₂gue₃ caun₂ mei₅, ca₂juá₂ tsí₅ juig₅₄: “Te₁gui₅₄, guion₄ jniá₂ a₂lín₅ jan₂ dsa₂ i₂tsá₃ 'e₂ ñe₂ dsí₅, 'aun₂ ja₁tsá₃ 'e₂ ca₂jñí₂, ton₂ cag₅₄ ja₁tsá₃ 'e₂ ca₂séi₃. ²⁵ 'Uig₅₄ jaun₂ ca₂rē₃gó₅ jniá₂, ca₂i₁'ó₄ bá₄ jniá₂ cu₄ quiáng₂ né₃ 'uē₃. La₁, la₂ bá₄ ron₅ quiáng₂.” ²⁶ Jaun₂ ca₂ñag₃ juig₅₄: “i₂Dsa₂ 'lin₅₄ juí₅! 'An₁, ñi₅₄ bá₄ jaun₂ ně₃ a₂'on₂₃ ja₁tsá₃ 'e₂ ca₂jan₃, ton₂ cag₅₄ ja₁tsá₃ 'e₂ ca₂séi₃. ²⁷ 'Uig₅₄ jaun₂, jua₅₄ banco bá₄ co₂ñei₅₄ ca₂i₁tio₂ cu₄ quió₃, ia₁jaun₂ jme₁gué₄ cu₄ quió₃ jē₁ma₂guáng₃ lia₂ jma₃quian₅₄ a₂tē₁dsi₅₄. ²⁸ Jñiá₃ 'nia₂ a₂caun₂ mei₅ chan₂ i₂nē₅ jaun₂ ně₃, o₂cuē₅₄ i₂chan₂ guia₃ mei₅. ²⁹ Ia₁ ju₁lia₂ i₂ma₂le₁'io₅ 'lióng₂, tē₂le₃ 'lióng₂ gué₄ ñei₂ bá₄, ia₁jaun₂ le₃cha₂ quió₅ lia₂ qui₂rē₂tsón₂; la₁ ju₁lia₂ i₂tsá₃ 'e₂ le₁'io₅, le₂jio₅ a₂ca₂juig₄ a₂ma₂le₁'io₂₃, co₂dsia₅ jñia₃ bá₄. ³⁰ Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄ tioen₂ 'nia₂ jē₄ qui₁né₃, ja₁qui₂'-o₃ qui₃ jan₅₄ ně₃.”

Jē₁ma₂tē₂ rē₁tē₃dsi₅₄ 'éi₃ ja₁con₂ dsa₂ mi₂güig₃.

³¹ Jē₁ma₂tē₂ rē₁guan₂ Jaun₅ dsa₂ mi₂güig₃ a₂lín₅ rag₅₄ jlán₁ lin₃, a₂qui₂le₁lio₃ ángeles quiáin₅, jaun₂ gué₄ guá₃ ne₄ta₁ quió₅ a₂'uain₂ lin₃, ³² jaun₂ ñi₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ gué₄ ně₃ jmo₃ jma₃quén₅ con₂ ca₂tín₂ le₂jan₂ le₂jan₂ dsa₂ quian₅₄ rñin₅₄, ju₁lia₂ jmo₅ dsa₂ i₂jmo₅ 'í₁já₂ cha₂, jmo₂₃ jma₃quén₅ já₂ cha₂ quian₅₄ chein₄ lau₂. ³³ Tē₂le₃

gu₂ ne₁ quió'₅, chein'₃ já'₂ cha'₂; chein₄ lau₂ gué'₂ të₂le₃ gu₂ jen₅. ³⁴ Jaun₂ ně₃, juá'₂ Rag₅₄ tsí'₅ i₂tión₂ të₂le₃ gu₂ ne₁: “I₂no'₄ 'nia'₂ i₂ma₂rē₂gon'₅₄ quián₅ Ne'₃; gue₄ 'nia'₂ a₂ca₂tíng'₂ ja₁gon₂ Diú₄, ja₁ma₂lě₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güí₃. ³⁵ Ia₁ ca₂ñi₃ jniá'₂ 'ong₅₄, 'nia'₂ bá₄ i₂ca₂cué'₅₄ a₂ca₂gué'₃; ca₂ñi₃ a₂rē₂quein₂ dsi₃ i₁gui'₄ jmi₂g₂, 'nia'₂ bá₄ i₂ca₂cué'₅₄ jmi₂g₂ ca₂gui'₃; ca₂ñi₃ jniá'₂ 'no₂₃ ja₁jan₁₂, 'nia'₂ bá₄ i₂ca₂cué'₅₄ dsi₂néi₂ quiáng'₂ ca₂jan₅₄. ³⁶ Ca₂ñi₃ jniá'₂ 'in₂ tsín'₅, 'nia'₂ bá₄ i₂ca₂cué'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag'₄ bá₄ 'nia'₂.” ³⁷ Jaun₂ ně₃, ñag₃ dsa₂ dsen₃ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cué'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rē₂quein₂ 'au'₂, jaun₂ ca₂cué'₁ jnia'₅₄ jmi₂g₂ ca₂'én'₂? ³⁸ ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ 'náu'₂ ja₁jan₄, jaun₂ jnia'₅₄ bá₄ ca₂cué'₁ dsi₂néi₂ ca₂jñia'₅₄, O₃ ca₂ñi'₅₄ 'in₂ tsín'₂, jaun₂ jnia'₅₄ bá₄ ca₂cué'₁? ³⁹ ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag₅₄ jnia'₅₄?” ⁴⁰ Jaun₂ ně₃, ñag₃ Rag₅₄: “A₂dsi₂jó'₃ juá'₅ jniá'₂, ca₂le₃jě₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá'₂ bá₄ a₂ca₂jmo'₅₄ 'nia'₂.”

⁴¹ 'Jaun₂ juá'₂ táng₃ Rag₅₄ tsí'₃ i₂tión₂ të₂le₃ gu₂ jen₅: “Jnia'₃ 'nia'₂ ja₁con₂ jniá'₂, 'nia'₂ i₂tíong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmi₂g₄ 'éi₃, ja₁lě₄ co₂jñia₅₄ quió'₅ i₂sě₃dsen₃ quián'₅₄ ángeles quiáin₅. ⁴² Ia₁ ca₂ñi₃ jniá'₂ i₁cón₅, 'nia'₂ ně₃ tsá₃ 'e₂ ca₂cué'₅₄ a₂gué'₅₄; ca₂ñi₃ rē₂quein₂ dsi₃ i₁gui'₄ jmi₂g₂, tsá₃ 'e₂ jmi₂g₂ ca₂cué'₅₄ 'nia'₂. ⁴³ Ca₂ñi₃ jniá'₂ 'no₂₃ ja₁jan₁₂, tsá₃ ja₁ca₂cué'₅₄ 'nia'₂ jan₅₄. Ca₂ñi₃ 'in₂ tsín'₅, tsá₃ 'e₂ tsín'₅ ca₂cué'₅₄ 'nia'₂. Ca₂tsán₂ dsong₅₄, jme₁ca₂'ú₃ né'₃ 'má₃ ně₃, tsá₃ ca₂i₁jag'₄ 'nia'₂.” ⁴⁴ Jaun₂ ně₃, ñag₃ dsa₂ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃, o₃ rē₂quein₂ 'au'₂ o₃ ca₂ñi'₅₄ 'náu'₂ ja₁jan₄, o₃ ca₂ñi'₅₄ tsá₃ tsín'₂ cha₂ qui'₅₄, o₃ jme₁ca₂rě₃dsong'₅₄, o₃ lia'₂ con'₂ ca₂'ú'₃ né'₃ 'má₃, tsá₃ ca₂jme₁'o₁ jnia'₅₄?” ⁴⁵ Jaun₂ ñag₃ Rag₅₄: “A₂dsi₂jó'₃ juá'₅ jniá'₂, ca₂le₃jě₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güí₃ 'uin₃, o₄quió₃ jniá'₂ bá₄ tsá₃ 'e₂ ca₂jmo'₅₄ 'nia'₂.” ⁴⁶ Jaun₂ dsa₂ 'éi₂ dsi₃lén₂ ja₁dsi₃ñag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.”

26

*Ca₂quin'₃ dsa₂ jág₁ a₂tsáin'₂ Jesús
(Marcos 14:1-2; Lucas 22:1-2; Juan 11:45-53)*

¹ Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chí'₂ dsi₂guia₃-tín₂:

2 —Ma₂ŋi'₅₄ 'nia'₂ jaun₂, a₂tin₃ jmi₄g₄ nē₃ te₅₄ Jmi₄g₄ Tē₂'in₅₄, ja₁jang'₂ dsa₂ jjin'₂ Jaun₅ dsa₂ mi₂güig₃ a₂tion₃ ne₄ cróg₄.

3 Jaun₂ nē₃, juig₅₄ jme₂dsa₂, quian'₅₄ tē₅juá'₅, dsa₂ can'₅₄ quián₅ dsa₂ judíos nē₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. 4 Ja₁jaun₂ ca₂quin₃ jág₁ quió'₅ a₂jmo₃ tē₂le₃ quian'₅₄ caun₂ mai₅₄ ia₁jaun₂ cuin₃ jmi₄g₄ tsáun'₂, jaun₂ jhang'₃. 5 Jaun₂ tioin'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmi₄g₄, jme₁né₄, ia₁ con'₂ tsá₃ ŋó₅ nē₁jua'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂ts'in₂ Jesús no'₅₄ mi₂juig₂
(Marcos 14:3-9; Juan 12:1-8)

6 Lia'₂ con'₂ 'en₅₄ gué₄ Jesús juig₂ Betania ja₁quió'₄ i₂tē'₂ dsa₂ Si₂mu₅₄ 'mé'₅ 'iog₅, 7 jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa gué'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. 8 Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tioin'₅₄:

—Tsá₃ ne₄ 'e₂ lē₃ nē₂'éin₂ a₂nē₅. 9 Jua'₅₄ co₂ŋei'₅₄ bá₄ nē₂'nag₃ ia₁jaun₂ jme₁jme₂oin'₅₄ dsa₂ te₂ŋé₂.

10 Jme₁ca₂nág₂ Jesús jág₁ a₂dsia₂₃ tioin'₅₄, jaun₂ ca₂juá'₂:

—¿E₂ lē₃ cué'₂ 'nia'₂ o₂me'₅₄ dsi₅ 'io₅₄ la₂? A₂nē₂j móg'₂ la₂ caun₂ a₂dse₃ bá₄. 11 Ca₂le₃jē₃ jmi₄g₄ bá₄ i₂nio₄ dsa₂ te₂ŋé₂ jin'₄ 'nia'₂, la₁ jniá₂ nē₃ tsá₃ ma₃uē₂ 'en₅₄ jniá₂ quian'₅₄ 'nia'₂. 12 Ju₁lia'₂ no'₅₄ mi₂juig₂ a₂nē₂tsáng₂ ni₁ŋi₃, jua'₂ a₂ma₂nē₂j móg'₂ co₂ŋia₅₄ jē₁ma₂tē₂ rē₁ong₃ bá₄. 13 A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'ē₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsí₅ dsa₂ 'iin₃ 'io₅₄ nē₅.

Jmo₅ Judas caun₂ jág₁ a₂'ni₂₃ Jesús
(Marcos 14:10-11; Lucas 22:3-6)

14 Jaun₂ nē₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ŋei₅₄ i₁dsia₂ jág₁ quian'₅₄ juig₅₄ jme₂dsa₂, 15 jaun₂ ca₂i₁jua'₄:

—¿Je₂liá'₂ cué'₁ 'nia'₂ nē₁jua'₂ jin'₄ jniá₂ Jesús o₄gog'₂?

Jaun₂ nē₃, ca₂quí₃ juig₅₄ jme₂dsa₂ guióg₂-guiá₂ 'éi'₃ cu₄tiog₂. 16 Jaun₂ nē₃ tē₃ne₄ juí₅ ja₁ŋó₄ jaun₂, ca₂'náu'₃ Judas dsí₅ 'a₂ lia'₂ cuin₃ jmi₄g₄ jjin'₂ Jesús.

Má₃ jē₁ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23-26)

17 Jmi₄g₄ le₂'uig₅₄ a₂niog₅ Jmi₄g₄ Tē₂'in₅₄ a₂gué'₅ dsa₂ i₁ŋí'₄ a₂tsá₃ quian'₅₄ levadura, chi'₂ dsi₂guia₃-tín₂ nē₃ ca₂jme₃quián₃ ja₁con₂ Jesús ca₂ŋag₃:

—¿A₂já'₄ 'niog'₂ dsi₁jmó'₁ jnia'₅₄ co₂jnia₅₄ má₃ Jmig₄ Të'₂in₅₄ quiáng'₂?

¹⁸ Jaun₂ ca₂juá'₂ Jesús:

—O₂nó'₅ 'nia'₂ jë'₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: "Le₂la₂ juá'₂ të₅: Ma₂ja₂quián₃ hora quió'₃, jaun₂ ja₁quiáng'₂ i₁guë'₃ Jmig₄ Të'₂in₅₄ co₂lë₅ quian'₅₄ chi'₂ dsi₂guia₃-tín₂ quiáng₃."

¹⁹ Jaun₂ në₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lë₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jnia₅₄ a₂guë'₃ Jmig₄ Të'₂in₅₄ ja₁jaun₂.

²⁰ Jme₁ca₂nei₂ jaun₂, jme₁ma₂guá'₅ Jesús ne₄ mesa co₂lë₅ quian'₅₄ ta₁guia₃-tín₂ chi'₂ dsi₂guia₃-tín₂ quián₅. ²¹ Të₃jë'₄ tián'₄ guë'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá₂, jan'₂ 'nia'₂ i₂'en₅₄ jë'₄ la₂ bá₄ i₂jáng'₂ jniá₂.

²² Jaun₂ në₃ ca₂tá'₂ 'lia'₂ dsí₅ 'ñio₅ lin₃ bá₄ tián'₅, jaun₂ ca₂jme₃lióg₃ ca₂ñi'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

²³ Jaun₂ ca₂ñag₃ Jesús:

—I₂tiá₂ gu₂ co₂lë₅ 'ñió'₃ uing₅ quian'₅₄ jniá₂, i₂'éi₂ bá₄ i₂jáng'₂.

²⁴ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ juí₅ lia'₂ con'₂ lë₅ juá'₂ ne₄ Si₂; la₁ i'e₂ guë'₄ juig₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rë₃cháin₃.

²⁵ Jaun₂ në₃ Judas, dsa₂ i₂ma₂lë₂ dsí₅ jáng'₂, ca₂juá'₂:

—Të₅, ¿On₁ jniá₂ bá₄ 'ág'₅ 'ne₂?

Jaun₂ ca₂ñag₃ Jesús:

—'Ñiag'₂ bá₄ ma₂në₂jua'₅₄.

²⁶ Të₁lia'₂ tián'₅ guë'₅, ca₂ñja'₃ Jesús i₁ñí'₄, ca₂cuë'₃ ti₁'mag'₄ Diú₄, jaun₂ guë'₄ ca₂dsioin₃, ca₂cuë'₃ chi'₂ dsi₂guia₃-tín₂ quián₅, jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

²⁷ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuë'₃ ti₁'mag'₄ Diú₄, jaun₂ guë'₄ ca₂cuë'₃ chi'₂ dsi₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jíng'₃ a₂la₂, ²⁸ ia₁ jmi₃ bá₄ jniá₂ la₂, a₂li'₅₄ jág₁ 'mí₂ a₂të₃ron₅₄, * a₂niog₅ dsi₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁. ²⁹ Dsón'₂ juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ guë'₄ táng₃ vino ca₂lia'₂ ca₂të₂ jmig₄ i₁gui'₄ táng₃ caun₂ vino 'mí₂ co₂lë₅ quian'₅₄ 'nia'₂ ja₁gon₂ ñe'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

³⁰ Jme₁ca₂lë₃ 'ë₂₃ jme₂juin'₂ Diú₄, jaun₂ guë'₄ i₃lén₂ juí₅ Má'₂ Olivos. ³¹ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

* 26:28 'Nio'₂ ja₁ton₅ Éxodo 24:8; Hebreos 10:29; 13:20.

—Ca₂le₃jín' ₃ bá₄ 'nia'₂ tíá'₃ jén₂ 'au'₂ o₄quió₃ jniá₂ a₂'uë₂ nē₃, 'ág'₁ 'nia'₂ caun₂-tin₃ 'au'₂; ia₁ rē₂ton₅ ne₄ Si₂, juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ nē₃ dsi₃lēin₂ tsi₁rē₂jain₅₄.”†
32 La₁ cang₂ jē₁ma₂ca₂jeng'₅₄ táng₃, nei₅₄ jniá₂ jñiág₅ jui₅ Galilea lia'₂ con'₂ guē'₄ 'nia'₂.

33 Jaun₂ nē₃ ca₂ḡag₃ Pe₄:

—O₁jñia'₅₄ la₂ ca₂'ág₂ caun₂-tin₃ dsi₅ ca₂le₃jín₃ ríng'₃, la₁ jniá₂, o₁líg'₂ jmíg₄ tsá₃ 'ag₅₄ caun₂-tin₃ dsi₃.

34 Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uë₂ nē₃, né'₃ a₂'o₃ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá₂.

35 Jaun₂ ca₂ḡag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lē₅, o₁líg'₂ jmíg₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ ríin'₅₄ ján₃.

Ca₂chi₃lén'₂ Jesús Diú₄, caun₂ja₁chei₂ Getsemani

(Marcos 14:32-42; Lucas 22:39-46)

36 Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsi₂guia₃-tín₂ quiáin₅ caun₂ja₁chei₂ Getsemani, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄ Diú₄.

37 Jaun₂ ca₂jñia₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús nē₃ ca₂tá'₂ quian₅ o₂i₁ dsi₅ 'ñio₅ lin₃. 38 Jaun₂ ca₂juá'₂ ca₂tsí'₃ i₂ún₂ i₂quiain'₅₄:

—'Ñio₅ lin₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá₂.

39 Ca₂jui_g₄ bá₄ ca₂ḡó₃ guē'₄ ne₄ jui₅. Ja₁jaun₂ ca₂lia'₂ ca₂i₃'ín₃ chi'₁in₅ ne₅₄ ca₂tē₂ 'uë₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, li_o₄ jniá₂ jm₁uig₅ la₂. La₁ tsá₃ jui₁le₅₄ con'₂ 'nio₃ jniá₂, jui₁le₅₄ bá₄ a₂'ñio₂ 'au'₂ 'ne₂.

40 Jaun₂ nē₃, ca₂nau₂ Jesús, jaun₂ ca₂ḡái'₃ ja₁tián'₄ i₂ún₂ i₂quiain'₅₄, la₁ ma₂le₁güín₃ bá₄ guē'₂ 'éi₂ tián'₅; jaun₂ ca₂tē'₃ Pe₄, ca₂juá'₂:

—¿Tsa₁ ma₃tian'₃ guē'₄ 'nia'₂ jua'₅₄ caun₂ hora bá₄ jme₁jnio₂ guē'₄ 'nia'₂ ne'₅₄ quian'₅₄ jniá₂? 41 Jme₁jnio₂ 'nia'₂ ne'₅₄, chi₁lén'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

42 A₂ca₂tē₂ tin₃ ráun₂ ḡó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ḡag₅₄ jniá₂ uig₅ la₂, jui₁le₅₄ bá₄ a₂'ñio₂ 'au'₂ 'ne₂.

43 Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ñí₄ lē₃ ma₂i₁güín₃. 44 Jaun₂ ḡó₃ bá₄ táng₃ jē₁ca₂tē₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂

ca₂juá'₂ tsí'₅ Diú₄. ⁴⁵ Jaun₂ guáin'₃ ně₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Ní'₂ 'nia'₂, ca₂tě₂ bá₄ hora ně₃. Ma₂rě₂jin'₅₄ bá₄ Jaun₅ dsa₂ mi₂güig'₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ ně₃, ma₃; ia₁ ně₅ ma₂jás₂ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

⁴⁷ Tě₃jě₄ dsa₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lín₃ dsa₂ i₂ja₂lén₂ quiong'₅₄ qui₂le₁quian₅ ŋi₁tág₂, i₂le₁quian₅ ni₁'ma₂ ně₃, i₂chen₄ quián₅ juig'₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. ⁴⁸ Jaun₂ Judas ně₃, ia₁ ma₂ca₂jmo₃ bá₄ jág₁ le₂ŋiá'₅ 'e₂ léi₄ jmo₃ jě₁ma₂tě₂ rě₁jáng'₂, jme₁ma₂juá'₂:

—I₂chen'₄ jniá'₂ quió'₅, i₂'éi₂ bá₄ jma'₅₄ 'nia'₂.

⁴⁹ Jaun₂ dsi₂jui'₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—iSiang'₃, tě₅!

Jaun₂ ca₂chen'₃ rě₂jú'₅ Jesús.

⁵⁰ Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ŋi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂ŋai'₃ Jesús, jaun₂ ca₂tág₃.

⁵¹ Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ŋi₁tág₂, ca₂ti₃ caun₂ rě₂gua₄ dsa₂ i₂jme₂ti₃ quián₅ jme₂dsa₂ dsen₅₄.

⁵² Jaun₂ ca₂juá'₂ Jesús:

—Tiá'₃ táng₃ ŋi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ŋi₁tág₂, ján₃ bá₄ quian'₅₄ ŋi₁tág₂ dsiáin₃. ⁵³ ¿'E₂ líng'₂? ¿A₁tsá'₃ lé₂ le₃jme₁mi₁₂ ne₄ Ne'₃, a₂chein₃ ja₁cong₂ guia₃-tín₂ mei₅ ángeles quián₅? ⁵⁴ La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂ a₂dsi₃ŋíg₂ le₂la₂?

⁵⁵ Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ŋi₁tág₂, ni₁'ma₂, ja₂chong'₂ jniá'₂, ně₂jag₄ bá₄ líng₅ dsa₂ 'ang₂? Jua'₂ ca₂le₃jě₃ jmig'₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃ ma₂chong'₂ guě'₂ 'nia'₂ ja₁jaun₂. ⁵⁶ La₁ ca₂le₃jě₃ a₂lě₂ la₂ rě₂ti₃ jág₁ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂.

Jaun₂ guě₄ qui₂ca₂cuing₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

⁵⁷ Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ŋi'₂ tě₅juá'₅ quian'₅₄ guě₄ dsa₂

can'⁵⁴. ⁵⁸ Pe₄ ně₃ ca₂ŋó₃ uíng₂ të₂quíin₃ 'ein₂₃ Jesús ca₂të₂ i₁dsi₅ quió'⁵ jme₂dsa₂ dsen⁵⁴. Ja₁jaun₂ ca₂'í₃ ca₂guá₂ quiain'⁵⁴ 'lió₂, ia₁ 'nio₃ të₅ ne⁵⁴ 'a₂ lia'₂ ŋjia'⁵⁴ dsió₄ quian'⁵⁴ Jesús.

⁵⁹ Jaun₂ juig⁵⁴ jme₂dsa₂, quian'⁵⁴ ca₂le₃jín₃ dsi₂tan⁵⁴ quián₅ guá'⁵ ně₃, qui₂ca₂'náu'₃ juí₅ 'a₂ lia'₂ jme₃cáin'₂ Jesús dso₄ quian'⁵⁴ jág₁ të₂jág₁ ia₁jaun₂ ŋjag'₃. ⁶⁰ La₁ tsá₃ dso'₂ guë'₂ 'a₂ lia'₂ jme₃cáu'₂, o₁ŋjia'⁵⁴ juín₅ i₂qui₂ca₂nau₂ jmo₂₃ jág₁ të₂jág₁. Dsi₃lén₂ jme₁dsi₃lén₂ on₃ dsa₂, ⁶¹ jaun₂ ca₂juá'₂:

—I₂ně₅ ma₂ca₂juá'₂, “Qui'⁵⁴ jniá'₂ jmig₄ lé₂ le₃'éng₄ guá'₅ templo quió'₅ Diú₄, quian'⁵⁴ 'ni₅ jmig₄ bá₄ lé₂ le₃jmóg'₄ táng₃.”

⁶² Jaun₂ ca₂nau₂ jme₂dsa₂ dsen⁵⁴, jaun₂ ca₂tsí'₃ Jesús:

—¿Tsa₁ 'e₂ ŋag'⁵⁴ 'i₁caun₂? ¿I₂'e₂ bá₄ jág₁ ně₅ a₂jáng'₅ dsa₂ a₂rë₂cáng'₄?

⁶³ La₁ tei₄ bá₄ ca₂nau₂ Jesús. Jaun₂ ca₂ŋag₃ táng₃ jme₂dsa₂ dsen⁵⁴, ca₂juá'₂:

—Dsi⁵⁴ jniá'₂ 'éi'₃ a₂jua'⁵⁴ 'íng'₅ Diú₄ jén'₃ ne₄ jnia'⁵⁴, chi₂jua'₂ të₃dsón'₂ líng'₅ Ja₁ŋi'⁵⁴ Diú₄, I₂rë₂ 'ín₁ quiáin₅.

⁶⁴ Jaun₂ ca₂ŋag₃ Jesús:

—Ján₅, jniá'₂ bá₄ 'éi₂, juí₁lia'₂ i₁juá'₂ 'ne₂ ně₅. La₁ juá'₅ jniá'₂ juíg₂ 'nia'₂ ján₃, ca₂le₃jíng'₃, a₂já₅ jmig₄ a₂jag'⁵⁴ 'nia'₂ jíng'⁵⁴ Jaun₅ dsa₂ mi₂güí₃ guá'₃ të₂le₃ gu₂ ne₁ Diú₄ i₂'uan'₂ guë'₄ lín₃, a₂ŋjioí'₁ jë₄ jnei₅ guei'⁵⁴ dsi₂güig₂ ně₃.

⁶⁵ Jme₂dsa₂ dsen⁵⁴ ně₃, jme₁ca₂nág₂ jág₁ jaun₂, ca₂chein₃ ni₁tsin'⁵⁴ 'ŋiog₅,[‡] jaun₂ ca₂juá'₂:

—i'₂E₂ guë'₄ 'ŋio₅ 'lig'⁵⁴ juá'₂ i₂ně₅ 'iin₂₃ Diú₄ quian'⁵⁴ jág₁ ně₅ quió'⁵! ¿'E₂ guë'₄ já₃ jág₁ 'lió₂ng₂ 'niog₂ jniog₄ jua'⁵⁴ a₂jáng'₅ guë'₄ dsa₂ sián'₂ jág₁ dsau₅? Ma₂ně₂nei'₂ bá₄ 'nia'₂ guióng'⁵⁴ jág₁ 'lig'⁵⁴ a₂ma₂ně₂juá'₂ i₂ně₅ 'iin₂₃ Diú₄. ⁶⁶ ¿'A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jíin₃ tioin'⁵⁴:

—I₂ca₂tín₂ jón₂ bá₄ ně₅.

⁶⁷ Jaun₂ qui₂ca₂'ŋéi₃ dsa₂ dsi₂ne₄ Jesús tioin'⁵⁴, tsá₃ caun₂ a₂qui₂ca₂jmóg'₂. I₂lín⁵⁴ guë'₂ qui₂ca₂quein₃ tioin'⁵⁴, ⁶⁸ jaun₂ ca₂juá'₂:

—'Ne₂ guë'₂ i₂juá'₂ líng'₅ I₂rë₂ 'ín₁ quián₅ Diú₄: ¡Dsi₄ jág₁ jua'⁵⁴ 'ein₂ ně₂quein₃ quiáng'₂!

Tsá₃ ca₂tíon₃ Pe₄ a₂cuíin₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Të₃jë₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io⁵⁴ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ guë'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jín₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

[‡] **26:65** Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'⁵⁴ cuë₂₃ léi₄ jë₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

—Tsá₃ guion₅₄ 'e₂ a₂juá'₂ 'ne₂ nē₅.

⁷¹ Ca₂nau₂ Pe₄ η₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ nē₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ nē₅.

⁷² La₁ jme₁ca₂nág₂ Pe₄, tsá₃ ca₂tioin₃ táng₃ jē₃ 'iin₂₃ Diú₄, ca₂juá'₂:

—iTsá₃ dsa₂ 'éi₂ cuín₅ jniá'₂!

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Tē₃dsón'₂ bá₄ líng'₅ jan₂ rin'₅₄ 'éi₂, ia₁ nē₅ rē₂jniág'₂ 'a₂ lia'₂ né'₂ jag'₅₄.

⁷⁴ Jaun₂ nē₃, Pe₄ ca₂'iin₃ Diú₄ ca₂mi₃ a₂dsi₃ηí₂ 'e₂ dsi₃ηí₂, ca₂juá'₂:

—iTsá₃ dsa₂ 'éi₂ cuín₅ jniá'₂!

Tē₃jē₄ jaun₂ ca₂'o₃ jan₂ tē₁guí₄ dsó₂. ⁷⁵ Jaun₂ guē₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jniá₅: “Né'₃ a₂'o₃ tē₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guē₄ o₂'ín₃ Pe₄ tē₂le₃ ca₁'né₄, ca₂tá'₂ qui'₂ dsí₅, ca₂'o₃ 'ηio₅ lin₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂tē₅ ne₄ Judas i₂ca₂'nag₃, a₂ma₂nē₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tioig₂ jaun₂, ca₂jín'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂nē₂'no₃ jniá'₂ dso₄, ia₁ nē₂jing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ηag₃ dsa₂ 'éi₂:

—Tsá₃ 'e₂ a₂jaun₂ dsan₂ dsi₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñi₅ guá'₅ templo, jaun₂ ca₂'o₃'ín₃ ca₂i₁tiá₄ ché₂ dsi₂lag₅₄ ca₂jñi'₃ 'ηiog₅. ⁶ Juig₅₄ jme₂dsa₂ nē₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ηió'₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uë₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uë₃ ja₁óin₂ jmá'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂të₂ jmig₄ në₃, 'Uë₃ Jmi₂. ⁹ Le₂në₅ ca₂rë₃ti₃ jág₁ a₂ca₂juá'₂ Jeremías, dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. ¹⁰ Quian'₅₄ cu₄ jaun₂ ca₂lá₃ caun₂ 'uë₃ quió'₅ dsa₂ i₂jmo₅ ni₁dsig₁, lia'₂ con'₂ lë₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(*Marcos 15:2-5; Lucas 23:3-5; Juan 18:33-38*)

¹¹ Të₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ në₃ ca₂ŋag₃:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂në₅ bá₄, jui₁lia'₂ juá'₂ 'ne₂ në₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tióin'₅₄. La₁ tsá₃ ma₃'e₂ ca₂ŋag₃ Jesús. ¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jë₃ 'e₂ i₁juá'₄ dsa₂ në₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ŋag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂O₃'ág₃ 'éi'₃ a₂jón₂ Jesús

(*Marcos 15:6-20; Lucas 23:13-25; Juan 18:38 — 19:16*)

¹⁵ Jmig₄ jaun₂ jme₁chí'₄ tag₄ quió'₅ dsi₄má'₂ a₂lióin₂ ca₂le₃jë₃ ŋi₂, jan₂ dsa₂ i₂'en₅₄ né'₃ 'má₃, jme₁të₅ Jmig₄ Të₂'in₅₄, 'ein₂ ca₂'in₃ dsa₂ juig₂ i₂lión₂. ¹⁶ Jmig₄ jaun₂ jme₁rë₂ŋí₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'liin'₅₄. ¹⁷ Të₃jë₄ le₁ŋi'₂ dsa₂ jaun₂, ca₂ŋag₃ Pilato ca₂ŋí'₃ dsa₂ juig₂:

—¿I₂'ein₂ 'niog'₂ 'nia'₂ lon₄ jniá₂ quián'₂ 'nia'₂? ¿Barrabás, O₃ Jesús i₂të'₂ dsa₂ I₂rë₂'in₁ quián₅ Diú₄ 'e₂?

¹⁸ Ia₁ ca₂rë₃lí'₄ bá₄ Pilato 'ŋiog₅, a₂'iog₅₄ uig₅ dsí₅ bá₄ dsa₂ ca₂jíin'₂ Jesús ne₅₄.

¹⁹ Të₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, të₃jë₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá'₂: “Tsá₃ lë₁tián₅ 'ne₂ cuenta quió'₅ dsa₂ i₂tsá₃ 'e₂ rin₂ në₅. Ia₁ 'ŋio₅ gau₂ qui₂chóg₂ i₃ŋíg₂ ca₂néi₃ o₄quió'₄.”

²⁰ La₁ juig₅₄ jme₂dsa₂ quian'₅₄ gui'₅₄ can'₅₄ në₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ ŋji'₃ bá₄ Jesús. ²¹ Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ŋag₃ dsa₂ juig₂ tióin'₅₄:

—Barrabás bá₄.

* 27:10 Jeremías 32:6-9; Zacarías 11:12-13.

22 Jaun₂ ca₂ŋag₃ táng₃ Pilato ca₂ŋi₁'₃ dsa₂ juig₂:

—¿'E₂ guë'₂ 'niog'₂ 'nia'₂ jmo₅₄ jniá₂ quian'₅₄ Jesús i₂tě'₂ dsa₂ I₂rë₂'in₁ quián₅ Diú₄?

Jaun₂ ca₂ŋag₃ co₂dsia₅ ca₂le₃jín₃ tioin'₅₄:

—iTióin₃ cróg₄!

23 Jaun₂ ca₂ŋag₃ táng₃ Pilato:

—¿'E₂ 'uig₅₄ ně₃? ¿'E₂ guë'₂ dso₄ ma₂'náu₂?

La₁ tē₂le₃ i₂jui'₂ guë'₄ co₂mi'₅₄ ca₂tóin'₂, ca₂juá'₂:

—iTióin₃ cróg₄!

24 La₁ ca₂rë₃lí'₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tē₂le₃ 'ŋio₅ lin₃ guë'₄ jui₁si co₂mi'₅₄ ca₂tóin'₂. Jaun₂ lē₃, ca₂chein₃ jan₂ dsa₂ i₁quian'₅₄ jmig₂, jaun₂ ca₂rang₃ gu₂ tē₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rē₃cán'₄ jniá₂ jmi₄ dsa₂ ně₅; guion'₅₄ bá₄ 'nia'₂ rē₂cáng'₄ ně₁'e₂ ca₂jmai'₅₄.

25 Jaun₂ ca₂ŋag₃ ca₂le₃jín₃ dsa₂ juig₂ tioin'₅₄:

—iJmi₄ 'mú₃ quió'₅ i₂ně₅, jui₁dsi₂ŋag₂ jnia'₅₄ 'e₂ dsi₃ŋág₂, quian'₅₄ tsi₁jon₂ quián₂ jnia'₅₄ i₂ně₃ guë'₄ tē₁ja₃lén₂!

26 Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ guë'₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

27 Jme₁co₂lág₂ jaun₂, 'lióg₂ quián₅ dsi₄má'₂ ca₂ŋia₃ Jesús jui₅ i₁dsi₅ ne₄ta₁ jaun₂. Jaun₂ ca₂ŋi'₂ ca₂le₃jín₃ 'lióg₂ le₃lág'₃ quió'₅ Jesús. 28 Jaun₂ guë'₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃, † 29 jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guë'₂ ni₁'ma₂ ta₅ gu₂ ne₁. Jaun₂ guë'₄ ca₂chi₃ŋé₃ ne₄ Jesús tioin'₅₄, a₂lë₁qui₂co₂jmóg'₂, ca₂juá'₂:

—iSian'₃ 'ne₂, Rag₅₄ quián₅ dsa₂ judíos!

30 Ján₃ qui₂ca₂'ŋéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂. 31 Jme₁ca₂lë₃ a₂lë₁co₂jmóg'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guë'₄ ca₂jio₃ ca₂tē₂ ja₁tē₃toin'₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

32 A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmig₄ 'éi₂ a₂cán₂ cróg₄.

33 Jaun₂ ca₂dsi₃lén₂ jme₁dsi₃lén₂ caun₂ ja₁chei₂ Gólgota, co₂'nió'₄ ja₁tē'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. 34 Ja₁jaun₂ ca₂jén'₃ dsa₂ ne₄ Jesús vino a₂rë₃cón'₅ quian'₅₄ dsí'₁ já'₂, ‡ la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁qui₅' jmig₄ jaun₂. ‡ 27:34 co₂'nió'₄ caun₂ m₅ a₂ŋia₃ uig₅ quió'₅ dsa₂.

35 Jme₁ca₂lë₃ tion₂₃ cróg₄, 'lióg₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂. § 36 Ja₁jaun₂ ca₂tiáin'₂ jmo₂₃ 'í₁. 37 Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: "I₂LA₂ B₄Á JESÚS, I₂LN₅ RAG₅₄ QUIÁN₅ DSA₂ JUDÍOS".

38 Ján₃ bá₄ ca₂tioin₃ guě₄ on₃ dsa₂ 'ang₂ co₂lë₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅. 39 Jaun₂ ca₂le₃jín₃ dsa₂ i₂qui₂ca₂ñ₃ jui₅ jaun₂ qui₂ca₂jnú'₂ jág₁ uig₅, qui₂bí₂ dsi₅₄, 40 ca₂juá'₂:

—'Ne₂ guě'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄, ně₃ ně₃, lion₄ 'ñiag'₂. Sión₅ ja₁tong'₂ ně₅, chi₂jua'₂ dsón'₂ 'ne₂ líng'₅ Ja₁ñi'₅₄ Diú₄.

41 Ján₃ bá₄ le₂jaun₂ a₂lë₁qui₂co₂jmóg'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ ně₃, dsia₂₃ jág₁ qui₂tsí'₅ riin'₅₄, juá'₂:

42 —Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₂. Chi₂jua'₂ i₂ně₅ lín₅ Rag₅₄ quián₅ dsa₂ juig₂ Israel, jui₅sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅. 43 I₂ně₅ guě'₂ juá'₂ 'ei₅ caun₂ dsí₅ ne₄ Diú₄; ně₃ ně₃ 'éi₂ jui₅lio₅₄ chi₂jua'₂ tē₃dsón'₂ bá₄ 'nioi₃ i₂ně₅; ia₁ 'ñiog₅ guě'₂ ma₂juá'₂ lín₅ Ja₁ñi'₅₄ Diú₄.

44 Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

45 Jme₁ca₂tē₂ dsi₂ñí'₃,* ca₂'ág₂ nei₂ le₂tan₅₄ le₂con₂ 'uě₃ jaun₂ ca₂lia'₂ ca₂tē₂ hora ñí₁ 'ni₅† tē₂le₃ ca₂'láu₂. 46 Hora jaun₂, ca₂'ñia₂ guě₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lë₃ ma₂ně₂téi'₃ jniá₂?‡

47 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

48 Jaun₂ dsi₂jui₅ le₂jaun₂ ñó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. 49 La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

50 Con'₂ bá₄ ca₂'ñióg₂ guě₄ Jesús tiá₂ lín₃, jaun₂ guě₄ ca₂jáng'₃ jme₂dsí₂ quió'₅. 51 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uě₃ ca₂lë₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uě₃ guě'₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂; 52 tau₂ 'ñio₅ ně₃ qui₂ca₂niá₃ ca₂lë₃; ján₃

§ 27:35 A₂lín₅₄ chog₅₄ si₂ a₂ca₂lë₃ guě₄ cang₂ juá'₂ le₂la₂ ján₃; "Le₂ně₅ ca₂lë₃ ca₂rë₃tí₃ jág₁ a₂ca₂juá'₂ dsa₂ i₂'ě₂ jág₁, quián₅ Diú₄, ma₂líg'₂, ja₁juá'₂: 'Ca₂dsión₂ dsa₂ ni₁tsín₅; ca₂co₃ dsa₂ o₁ne₄ 'ein₂ lí'₂ 'mi'₂ quió₃.'" Salmo 22:18. * 27:45 lit. "hora jñéi₂."

† 27:45 lit. "hora ñi₃," ‡ 27:46 Salmo 22:1.

bá₄ qui₂ca₂jen'₅₄ juin₅ 'lag₄ jñi₅ quián₅ Diú₄ i₂ma₂dsan₃ le₂jñiá₅.
 53 Qui₂ca₂'uin₂ tau₂ 'ñio₅; ca₂i₃toin'₅₄ Jerusalén ciudad jñi₅
 jme₁ca₂jen'₅₄ Jesús, ton'₂ ca₂jme₃jñiai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ guě₄ dsa₂ i₂jme₁quian'₅₄ jmo₂₃
 'í₁ Jesús, jme₁ma₂tě₅ ne₅₄ dsi₂bi₅₄ 'uě₃ ma₂lě₂ ca₂le₃jě₃ guě₄
 'e₂ a₂ca₂lě₃ jaun₂, jaun₂ guě₄ ca₂rě₃gó'₅ 'ñio₅ lin₃; jaun₂ guě₄
 ca₂juá'₂:

—Tě₃dsón'₂ bá₄ jme₁lín₄ i₂ně₅ Ja₁jñi'₅₄ Diú₄.

55 Jme₁tion'₅₄ juin₅ 'io₅₄ ja₁jaun₂ jág₅, tióin₂ uíng₂. 'Éi₂
 ma₂ja₂lěin₂ jme₂ti₃ ne₄ Jesús le₂tan₅₄ 'uě₃ Galilea. 56 Jñ₄ 'io₅₄ 'éi₂
 jme₁'en₅₄ María i₂chan₂ Magdala, quian'₅₄ María chog₅₄ Jacobo
 quian'₅₄ Sě₄; quian'₅₄ chog₅₄ chi'₂ quián₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

57 Jme₁ca₂tó'₂ nei₂ jmig₄ jaun₂, guan₃ jan₂ dsa₂ cha₂ cu₄
 i₂chen₂ José, i₂chan₂ juig₂ Arimatea, ia₁ ján₃ bá₄ ca₂rě₃'éin₂
 le₃quió'₅ Jesús. 58 'Éi₂ ně₃, ñei₅₄ i₂jñin₁₂ Pilato, ca₂i₁mii'₄ 'lag₄
 Jesús. Jaun₂ ca₂jmo₃ Pilato 'éi'₃ a₂jáng'₂ dsa₂. 59 Jaun₂ ně₃ ca₂tág₃
 Sě₄, ca₂lio₃ rě₂ quian'₅₄ caun₂ tsi₁'mi'₂ le₁jě₃. 60 Jaun₂ ca₂i₁tio'₂
 'ñió'₃ caun₂ tau₂ 'ñio₅ 'mí₂ quió'₅ 'ñiog₅, a₂jme₁ma₂guěi₃ dso'₂
 ni₁'lau₂. Jaun₂ ca₂jñi₅ ca₂míg₂ ni₁cang₁ li'₂ pa₁, ca₂jłě₂ 'o₄ tau₂
 'ñio₅, jaun₂ guě₄ ca₂ñái'₃. 61 La₁ María i₂chan₂ Magdala quian'₅₄
 María jan₂ 'éi₂, jaun₂ bá₄ jme₁tiáin'₄ tě₂le₃ ja₁jñiá₂ o₄'né₄ tau₂
 'ñio₅.

Jmo₅ 'lióg₂ 'í₁ tau₂ 'ñio₅

62 Jme₁jñia₃ táng₃ jaun₂, co₂'nió'₄ jme₁ca₂dsan₃ tion'₅₄
 dsa₂ jmo₂₃ co₂jñia₅₄ a₂'nió'₅ quió'₅ jmig₄, jaun₂ ca₂i₁len₅₄
 juig₅₄ jme₂dsa₂ quian'₅₄ dsa₂ fariseos ně₃ ca₂jñi'₂ ne₄ Pilato,
 63 ca₂i₁jua'₄:

—Gui'₅₄, dsáu'₅ dsi₅ jñia'₅₄, a₂ca₂juá'₂ tě₂jág₁ 'éi₂ lia'₂ con'₂
 jme₁chain₂ guě₄, a₂jein'₅₄ táng₃ a₂'ni₅ jmig₄. 64 'Uig₅₄ jaun₂, chen₅
 'lióg₂ ju₁dsi₂jmó₂ 'í₁ tau₂ 'ñio₅ ca₂lia'₂ ca₂tě₂ jmig₄ 'ni₅, ia₁ con'₂
 tsá₃ ñó₅ ně₁jua'₂ ja₂lěin₂ dsa₂ i₂jme₁quian'₅₄ tě₂, jaun₂ táun₂ jág₁
 cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₁jua'₂ ca₂lě₃
 le₂jaun₂, ja₂lin₃ guě₄ juě'₂ lé₂ jág₁ tě₂jág₁ jě₁ca₂tó'₂ ně₅, con'₂ guě₄
 jág₁ tě₂jág₁ le₂'uig₅₄.

65 Jaun₂ ca₂juá'₂ Pilato:

—Ně₅ tión₂ co₂'nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂
 'í₁ 'a₂ con'₂ jñia'₅₄ tian'₃ 'nia'₂ jmó'₂.

66 Jaun₂ ca₂i₃lěin₂ jaun₂ ně₃, i₁jmo₅₄ 'í₁ dse₃ lin₃ tau₂ 'ñio₅,
 ca₂tióng₃ caun₂ sello dso'₂ ni₁cang₁ a₂chi₁jñi₅, jaun₂ ca₂chein'₃
 co₂'nió'₃ 'lióg₂ i₂jmo₃ 'í₁.

28

Jmig₄ a₂ca₂jen'₅₄ Jesús

(Marcos 16:1-8; Lucas 24:1-12; Juan 20:1-10)

¹ Ca₂ñi₂ bá₄ jmi₄ sa₅₄. Jaun₂ ně₃, tē₂le₃ ca₂jnia₃ jmi₄ le₂'uig₅₄ semana, ca₂ñe₄ María i₂chan₂ Magdala quiain'₅₄ María jan₂; ca₂i₁lein₅₄ i₁jag₅₄ tau₂ 'ñio₅ quió'₅ Jesús. ² Con'₂ tsá₃ rē₂jái₁ dsi₂jui₅ le₂jaun₂ ca₂i₁bi₅₄ 'uē₃ tiá₂ lin₃ ia₁ a₂ca₂sió₁₃ guei'₅₄ i₂juig₃ jan₂ ángel quián₅ Te₁gui'₅₄. Ca₂tē₁tsiin'₅₄ O₄'né₄ tau₂ 'ñio₅, ca₂mó₁₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³ Ca₂lia'₂ tág₅ 'ñio₅ lin₃ jniái₂ jui₁lia'₂ tág₅ si₁ñí'₃. Tsin'₅₄ a₂qui'₂ guē'₂ tiog₂ jau₂ lin₃. ⁴ Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rē₃gó'₅ 'ñio₅ lin₃ ca₂jlein₃ ně₂jag₄ bá₄ tsá₃ dsi₅ chan₂ ca₂jén'₃. ⁵ Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniái₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄. ⁶ Tsá₃ 'éi₂ ma₃chan₂ ja₁lá₃; ma₂ca₂jein'₅₄ bá₄ táng₃ jui₁lia'₂ lē₅ ca₂juá'₂ 'ñiog₅. La₂ i₂jag₄ de'₂ 'nia'₂ ja₁jme₁rē₂quiain₂₃. ⁷ O₂nó'₅ 'nia'₂ i₂ñáu'₂ o₂chei'₅₄ chí'₂ dsi₂guia₃-tín₂ quiáin₅ a₂ma₂ca₂jein'₅₄ táng₃ ne₄ 'mú₃; ma₂'ein₅₄ jui₅ ñó₅ jniái₅ lia'₂ con'₂ guē₄ 'nia'₂ jui₅ Galilea. Ja₁jaun₂ o₁jii₁'₄ 'nia'₂. Jág₁ ně₅ ma₂nē₂juig₂ 'nia'₂.

⁸ Jaun₂ ně₃ ca₂'uin₂ 'io₅₄ i₂ñáu'₂, tē₃ ma₂gó'₅, ton'₂ jén'₅ rē'₂ 'io'₂ ján₃. Jaun₂ ca₂i₁lein₃ co₂chi'₅₄ i₁con₂ jág₁ ne₄ dsa₂ guia₃-tín₂. ⁹ Tē₃jē₄ i₂lein₃ jaun₂, con'₂ tsá₃ jái₁n₅ ca₂jme₃jnia₅ Jesús ne₅₄, ca₂juá'₂:

—iSiang'₃!

Jaun₂ ně₃ ca₂jme₃quiáin₃ con₂ Jesús, ca₂chi₃jnë₃ ca₂jmo₃ i₁'áin₃ ca₂tē₂ 'uē₃, ca₂quí'₃ cu₅ tag₄ Jesús. ¹⁰ Jesús ně₃ ca₂juá'₂:

—Tsá₃ lē₁jmo₂ 'nia'₂ gang'₃. O₂nó'₅ 'nia'₂ o₂con₄ jág₁ ne₄ ríng'₃ o₂chei'₅₄ 'nia'₂ jui₁dsi₂lein₅ jui₅ Galilea, jaun₂ ja₁jaun₂ jág₂ jniái₂.

Jág₁ a₂ca₂dsia₃ 'lióg₂

¹¹ Tē₁lia'₂ i₃len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jē₄ juig₂ i₁con₂ jág₁ ne₄ juig₅₄ jme₂dsa₂ ca₂i₁jua'₄ ca₂le₃jē₃ 'a₂lia'₂ niog₅ ca₂lē₃. ¹² Juig₅₄ jme₂dsa₂ ně₃ ca₂ñii'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cué'₃ 'lióng₂ cu₄ 'lióg₂ 'éi₂, ¹³ ca₂juá'₂:

—Le₂la₂ dsiá'₁ 'nia'₂ juig₅₄ dsa₂: tē₁lia'₂ jme₁rē₂güin'₃ 'nia'₂ a₂'uē₂ ca₂dsi₃lén₂ dsa₂ i₂jme₁quiain'₅₄, jaun₂ ca₂tág₃ 'lag₄. ¹⁴ Nē₁jua'₂ ca₂rē₃ñi₅ dsi₄má'₂ jág₁ ně₅, la₂ bá₄ ne₄ jnia'₅₄ 'a₂lia'₂ jme₁'uan₅₄ dsi₅ ia₁jaun₂ tsá₃ cán'₁ 'nia'₂ o₂i₁ dsi₅. ¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lē₅ jág₁ ca₂to'₂ dsa₂ 'éi₂. Jaun₂ le₂nē₅ bá₄ jág₁ 'ei₅ ca₂le₂con₂ le₁ñi₅ dsa₂ judíos ca₂tē₂ jmi₄ ně₃.

Ca₂chen₃ Jesús chi'₂ dsi₂guia₃-tín₂ a₂dsi₃'ě₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶ Jaun₂ ně₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ jui₅ Galilea, ca₂i₃lén₂ ja₁lě₄ caun₂ má'₂, lia'₂ con'₂ lě₅ ma₂ca₂juá'₂ Jesús le₂ñiá₅. ¹⁷ Jaun₂ dsi₂jui₅ jme₁ca₂jín₂ Jesús, ca₂chi₃jnë₃ ca₂jmo₃ i₁'áin₃, la₁ i₂lin₅₄ ně₃ tsá₃ caun₂ jme₁ma₂le₁'ág₄ dsí₅. ¹⁸ Jaun₂ ca₂jme₃quián₂ Jesús ja₁tióin₂, jaun₂ ca₂juá'₂:

—Ca₂le₃jě₃ bí₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃ ně₃ ma₂ca₂ñig₂. ¹⁹ Jaun₂ lě₃, o₂nó'₅ 'nia'₂ ně₃ ca₂le₂con₂ mi₂güíg₃, o₂jme₁tin₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂ jmig₂, lia'₂ con'₂ lě₅ 'éi'₃ quió'₅ Ñe'₃, quian'₅₄ lia'₂ con'₂ lě₅ 'éi'₃ quió'₅ Ja₁ñi'₅₄, * quian'₅₄ lia'₂ con'₂ lě₅ 'éi'₃ quió'₅ Jme₂dsí₂ Jñi₅, ²⁰ o₂jme₁tiin₅ 'nia'₂ a₂nag₃ gau₂ ca₂le₃jě₃ 'éi'₃ a₂ma₂cuě₃ jniá₂ 'nia'₂. Jaun₂ ñi'₅₄ 'nia'₂ ně₃, la₂ bá₄ 'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂'ñia₅ jmig₄ jě₁ca₂tó'₂.

Co₂ně₅.

* 28:19 'Nio'₂ ja₁ton₅, Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

'Ē₂ Juan₅₄ jág₁ quió'₅ Diú₄ caun₂ 'uē₃ co₂'ηiog₅

(Mateo 3:1-12; Lucas 3:1-9, 15—17; Juan 1:19-28)

¹ Le₂la₂ bá₄ ca₂rē₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄.

* ² Jui₁lia'₂ lē₅ tio'₅₄ ne₄ si₂ quió'₅ dsa₂ i₂jme₁'ĕ₂ jág₁ quián₂ Diú₄
ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃

ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güí₃,

jaun₂ jmo₃ co₂jñia₅₄ jui₅ quiáng'₂.[†]

³ Jaun₂ né'₂ 'ĕ₂ dsa₂ 'éi₂ jág₁ co₂mi'₅₄

caun₂ 'uē₃ quein₂ co₂'ηiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄

jui₅ quió'₅ Te₁gui'₅₄ i₂jia₃.

Nia₄ 'nia'₂ caun₂ jui₅ co₂dsau₅.”[‡]

⁴ Jaun₂ le₂la₂ ca₂rē₃ti₃ jág₁ nē₅: Ca₂guan₃ Juan₅₄ caun₂ ja₁lē₄
'uē₃ co₂'ηiog₅ ca₂choin₃ jmi₂g₂ dsa₂, qui₂ca₂'ĕ₂ jág₁ a₂tsón₃ dsa₂
jmi₂g₂, jē₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁.

⁵ Jaun₂ ca₂le₃jín₃ dsa₂ chan₂ jui₂g₂ Judea quian'₅₄ dsa₂ i₂chan₂ Jerusalén
nē₃, ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñi₃
quió'₅ ca₂le₃jē₃ dsáu₁. Jaun₂ guē₄ ca₂cho₃ Juan₅₄ jmi₂g₂ § Cuá₃
Jordán.

⁶ Ni₁tsin'₅₄ Juan₅₄ 'éi₂ jme₁lē₄ quian'₅₄ ni₁jñi₁ já'₂ camello.
A₂jme₁jén'₅ tú₅ guē'₂ nē₃, lo₄ já'₂. Má₃ a₂jme₁guē'₅ guē'₂, jmá'₃
i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁷ Caun₂ ca₂ñi₃ bá₄ 'ĕ₂ jág₁
dse₃, juá'₂:

—I₂jia₃ chi₁co'₅₄ quió'₃, i₂'éi₂ bá₄ i₂'uan'₂ i₂tin₂ guē₄ lia'₂ con'₂
guē₄ jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂
nē₂tiáng₃ 'nia'₂ jmi₂g₂; la₁ 'éi₂ guē'₂ nē₃ tióg₂ Jme₂dsi₂ Jñi₀₅.

Ca₂chon₃ Juan₅₄ jmi₂g₂ Jesús

(Mateo 3:13-17; Lucas 3:21-22)

⁹ Jmi₂g₄ jaun₂ o₂'ín₃ Jesús jui₂g₂ Nazaret, ja₁tén₄ Galilea. Nj₀₃
ja₁'en₅₄ Juan₅₄. Ja₁jaun₂ ca₂cho₃ Juan₅₄ jmi₂g₂ ca₂choin₃ Jesús*
Cuá₃ Jordán. ¹⁰ Jaun₂ dsí₂jui₅ jme₁ca₂'ñio₂ Jesús ne₄ jmi₂g₂,
ca₂jág₃ ca₂niá₃ dsí₄ mi₂güí₃. Jaun₂ ca₂sión₃ Jme₂dsi₂ quián₅ Diú₄

* **1:1** A₂lin₅₄ chog₅₄ si₂ tsá₃ chi₁ton₅, “Ja₁ñi'₅₄ Diú₄.” † **1:2** Malaquías 3:1. ‡ **1:3**
Isaías 40:3. § **1:5** lit. “ca₂tióg₃ Juan₅₄ jmi₂g₂” * **1:9** lit. “ca₂tióg₃ Juan₅₄ ca₂tián₂
jmi₂g₂ Jesús.”

i₂lín₅ lia'₂ lín₅ jan₂ i₁ju₂, ne₄ quió'₅. ¹¹ Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lě₃ 'nióg₃ guě₄ lín₃; 'E₂ bá₄ 'ñio₂ dsi₃ quian'₅₄ 'ne₂.

Ca₂caun₃ i₂sě₃dse_n táu₂ quió'₅ Jesús

(Mateo 4:1-11; Lucas 4:1-13)

¹² Dsi₂jui₅ jaun₂ ca₂jio₃ Jme₂dsi₂ quián₅ Diú₄ caun₂ jui₅ 'uě₃ co₂ñiog₅. ¹³ Jaun₂ ja₁jaun₂ ca₂'₃ tē₂láu₃ jmi₄ ia₁jaun₂ cáun₂ táu₂ i₂sě₃dse_n. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

Ca₂jme₃lióg₃ Jesús jme₂tñin₂₃ dsa₂jág₁ dse₃

(Mateo 4:12-17; Lucas 4:14-15)

¹⁴ Jme₁ma₂ca₂ton'₂ dsa₂Juan₅₄ né'₃ 'má₃, Jesús ně₃ ca₂ñei₅₄ jui₅ Galilea i₁'ě₄ jág₁ dse₃ quió'₅ Diú₄, ¹⁵ juá'₂ ñi₂₃:

—Ca₂dsin₃ jmi₄ a₂ja₂quián₃ a₂jme₃gón₃ Diú₄. Jaun₂ lě₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂tě'₃ Jesús quén₂ dsa₂ i₂jme₁tion'₅₄ tsán'₂ ju₄

(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei'₅₄ jmi₁ñí'₄ Galilea. Ja₁jaun₂ ca₂jñin₂ Si₂mu₅₄ quiain'₅₄ Drě₄ riin'₅₄. Jme₁tion'₅₄ táun₂ 'má₅ dsi₂jmi₄, ia₁ jme₁lín₄ dsa₂ i₂jmo₅ ta₁ tsán'₂ ju₄. ¹⁷ Jaun₂ ca₂juá'₂ Jesús:

—I₂nó'₅ 'nia'₂, jme₁quiong'₅₄ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güí₃, jui₁lia'₂ chi₂lián'₁ 'nia'₂ ju₄.

¹⁸ Jaun₂ dsi₂jui₅ bá₄ i₃lén₂ quiong'₅₄; ja₁jaun₂ ca₂dsia₃ bá₄ tsi₁'má₅ quió'₅.

¹⁹ Me'₂ bá₄ ja₁i₃lén₂ guě₄ jme₁ca₂jñin₂ i₂chen₂ Jacobo quiain'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñi₃' tsí₁mu₅ jmóg'₅ 'má₅ quió'₅. ²⁰ Dsi₂jui₅ ca₂tě'₃ i₂'éi₂ ján₃; ca₂tén₂ bá₄ guě'₂ 'éi₂ ně₃ Zebedeo jmei₂ 'ñi₃' tsí₁mu₅ quian'₅₄ mozo quiáin₅.

Jan₂ dsa₂ i₂jme₁'en₅₄ jme₂dsi₂ 'lin'₅₄ tē₂dsí₅

(Lucas 4:31-37)

²¹ Jaun₂ dsi₃lén₂ juig₂ Capernaum. Caun₂ jmi₄ sa₅₄, ca₂'₃ Jesús guá'₅ sinagoga. Jaun₂ ca₂jme₃lióg₃ ca₂jme₃tñin₂₃ dsa₂ jág₁ dse₃. ²² Ca₂le₃jín₃ i₂ca₂nág₂ ně₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jē₁jme₂tag₅ jan₂ i₂'io₅ 'éi'₃, on₃jua'₅₄ rē'₂ jui₁lia'₂ jme₂tag₅ tē₅juá'₅. ²³ Jē₄ jaun₂ ca₂dsi₃óg₃ jan₂ dsa₂ i₂'en₅₄ jme₂dsi₂ 'lin'₅₄, ca₂juá'₂ guió'₅ tiá₂:

²⁴ —¿'E₂ lě₃ tián'₅ 'ne₂ Jesús Nazareno† jē₄ quián₂ jnia'₅₄? A₂jnia'₅₄ 'niog'₂ 'éng'₄ jnia'₅₄ bá₄ 'ne₂ ñe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jñi₃óg₃ quián₅ Diú₄.

† 1:24 o₃, "i₂chan₂ Nazaret."

25 Jaun₂ ca₂jén₂ Jesús i₂'lin'₅₄ i₂'en'₅₄ tē₂dsí₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ ně₅.

26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uē₃, ca₂guió'₃ tiá₂. Jaun₂ guē₄ o₂'iin₃ jaun₂ ně₃. 27 Jaun₂ ca₂le₃jín₃ dsa₂ i₂ca₂tē₂ ne₄ ca₂i₃gó'₃ dsí₅, qui₂ca₂ñí'₃ riin'₅₄, ca₂juá'₂:

—¿'E₂ bá₄ ně₅? ¿'An₁ a₂ně₅ bá₄ juá'₅ 'mí₂? ¡'Io₅ 'éi'₃ i₂ně₅ ca₂tē₂ ne₄ quió'₅ i₂'lin'₅₄, jaun₂ 'éi₂ ně₃ nag₂₃ gau₂ jág₁ quió'₅!

28 Jaun₂ dsi₂jui₅ bá₄ ca₂i₃ág₃ jág₁ quió'₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄

(Mateo 8:14-15; Lucas 4:38-39)

29 Jaun₂ dsi₂jui₅ jme₁ca₂'u_{ii}n₂ guá'₅, ca₂ñó₃ quiain'₅₄ Jacobo, Juan₅₄ ně₃, ja₁quió'₄ Si₂mu₅₄ quian'₅₄ Drē₄. 30 Ma₂chog₅₄ Si₂mu₅₄ ně₃ jme₁roin₂₃ dso'₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso'₅₄ 'éi₂ ca₂tsí'₃ Jesús. 31 Jaun₂ ně₃ ca₂jme₃quiáin₃ con₂ dsa₂ dso'₅₄, ca₂jña'₃ gu₂, ca₂chó'₂ jaun₂ ně₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ ně₃ ca₂jme₃lióg₃ ca₂jme₃ti₃ ta₁ ne₄ 'éi₂ tioin'₅₄.

Ca₂jme₃'lión₂ Jesús ju_{ii}n₅ dsa₂ dso'₅₄

(Mateo 8:16-17; Lucas 4:40-41)

32 Jme₁ma₂rín₂ 'iog₂ jmíg₄ jaun₂, ca₂o₃jñia₃ dsa₂ ne₅₄ ca₂le₃jín₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ ně₃. 33 Ca₂le₃jín₃ dsa₂ juig₂ bá₄ ca₂ñi'₂ o₄'né₄. 34 Jaun₂ Jesús ně₃ ca₂jme₃'lióin₂ dsa₂ ca₂le₃jě₃ ne₅₄ dso₄ a₂jme₁lín₄. Qui₂ca₂'u_{ii}n₂ rē'₂ juin₅ je₂na'₅₄ ně₃. La₁ tsá₃ ma₃ca₂cuē₃ Jesús jmíg₄ jua'₅₄ a₂juá'₂ guē₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂ 'éi₂.

Ca₂'ě₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂ ja₁tén₄ Galilea

(Lucas 4:42-44)

35 Le₁né₃ guē₄ jme₁jñia₃ jaun₂, ca₂na₂ Jesús o₂'iin₃ 'ni'₂ juig₂, caun₂ ja₁lě₄ co₂'ñiog₅, i₁chi'₄ Díú₄. 36 Jaun₂ ñó₃ Si₂mu₅₄ quiain'₅₄ riin'₅₄ i₁'niong'₂. 37 Jme₁ca₂dsáu'₂ ně₃, ca₂juá'₂:

—Ca₂le₃jín₃ dsa₂ i₂ñioi'₅₄ 'nai'₂ 'ne₂.

38 La₁ Jesús ně₃ ca₂ñag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

39 Jaun₂ le₂ně₅ ca₂i₁ñi₂ Jesús le₂tan₅₄ juig₂ tio'₅₄ ja₁tén₄ 'uē₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'u_{ii}n₂ je₂na'₅₄ tē₂dsí₅ dsa₂ ně₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅

(Mateo 8:1-4; Lucas 5:12-16)

40 Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jné₃ ne₅₄, ca₂juá'₂:

—Chi₂jua'₂ 'ŋio₂ 'au'₂, jŋia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě₃ quió'₃.

41 Jaun₂ ca₂dsia₃ Jesús ŋéi₂ dsí'₅ dsa₂ 'éi₂, ca₂néi'₃ gu₂ ca₂níi'₂ quió'₅, jaun₂ ca₂juá'₂:

—'Ŋio₂ bá₄ dsí₃. Jui₁le₅₄ le₁jě₃ quiáng'₂.

42 Dsi₂jui₅ le₂jaun₂ ca₂jŋia'₃ 'mé'₅ 'iog₅, ca₂'lón₂ dsa₂ 'éi₂.

43 Jaun₂ ca₂dsióg'₂, ca₂juá'₂:

44 —La₁ tē₃ŋi'₅₄ tsá'₃ 'ein₂ i₂juig'₂ 'i₁jan₂. Jŋia'₅₄ gua₂ o₂jme₁jnia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,[‡] o₂jang'₅₄ jág₁ dsau₅ jŋ₄ dsa₂ juig₂ a₂ma₂'lóng'₂.

45 La₁ dsa₂ 'éi₂ ně₃ tē₂le₃ i₂jui'₂ gué₄ ca₂dsia₃ bá₄ jme₁o₂'íin₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá'₃ ma₂lé₂ 'í₂ Jesús jē₄ juig₂ tē₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁jŋia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rě₂já'₃ quió'₅

(Mateo 9:1-8; Lucas 5:17-26)

1 Cang₂ jaun₂ ca₂'í₃ táng₃ Jesús jē₄ juig₂ Capernaum. Jaun₂ ca₂rě₃ŋi₅ dsa₂ a₂ma₂dsiáin'₃. ²Jaun₂ dsi₂jui₅ bá₄ ca₂ŋi'₂ dsa₂ juin₅ lin₃, ca₂lia'₂ jŋia'₅₄ tsá'₃ ma₃tē₂ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsi'₃ dsa₂. ³Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁jŋia₂₃ jan₂ dsa₂ i₂rě₂já'₃ quió'₅. ⁴Ia₁ tsá'₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ juí₅ co'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsiin₂ caun₂ tsi₁jein₁. ⁵Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rě₂'én₄ bá₄ dsáu'₂.

6 Jaun₂ i₂lín₅₄ tē₅juá'₅ i₂jme₁tián'₄ jē₄ jaun₂, ca₂l₃jio₅ dsí'₅: ⁷“¿'E₂ lě₃ juá'₂ i₂ně₅ le₂ně₅? A₂'in₅ 'lig'₅₄ Diú₄ bá₄ i₂ně₅. 'I₁jan₂ tsá'₃ 'ein₂ lé₂ le₃'én₂ dsáu₁ dsa₂, jŋia'₅₄ lia'₂ jan₂ Diú₄ bá₄.” ⁸La₁ ma₂ŋi₅ bá₄ Jesús dsi₂jui₅ a₂dsi₂jio₅ dsí'₅ dsa₂ 'éi₂ tián'₅, jaun₂ ca₂juá'₂:

—¿'E₂ lě₃ dsi₂jio₅ 'au'₂ 'nia'₂ le₂ně₅? ⁹¿'E₂ a₂quian₅ gué₄ ta₁, a₂juig₅₄ jniá₂ dsa₂ 'lian'₂ ně₅: “Ma₂rě₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?” ¹⁰La₁, ia₁ jaun₂ le₃ŋi'₅₄ 'nia'₂ a₂'io₅ bí₂'éi'₃ Jaun₅ dsa₂ mi₂güig₃ ne₄ gua'₅₄ 'uě₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

11 —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

[‡] 1:44 'Éi'₃ quió'₅ Moisés: 'Í₂ Levítico 14.

12 Jaun₂ ca₂nau₂ 'éi₂, ca₂cáun₃ tsi₁jein₁ quió'₅, tē₃ jág₅ dsa₂.
Jaun₂ ca₂i₃gó'₃ dsí'₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:
—'I₁co₂ráun₂ tsá₃ 'ein₂ ma₂jág₃ jniog₄ le₂nē₅.

Ca₂tē'₃ Jesús Leví

(Mateo 9:9-13; Lucas 5:27-32)

13 Con'₂ siá'₂ táng₃ ca₂ηó₃ Jesús chei'₅₄ jmi₁ηí'₄. Jaun₂ dsi₃lén₂
dsa₂ juin₅ ca₂ηí'₂. Jaun₂ qui₂ca₂jme₃tag₅ Jesús jág₁ dse₃.
14 Jme₁ca₂ηí₅ ja₁jaun₂, ca₂jín₂ Leví* ja₁ηi'₅₄ Alfeo, guá₅ 'éi₂
gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ηó₃ quiong'₅₄.

15 Jme₁ma₂'en₅₄ Jesús guē'₅ ja₁quió'₄ Leví; ja₁jaun₂ jme₁le₁ηi'₂
juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂
“i₂le₁cán'₄ dso₄” nē₃, tián'₅ co₂lē₅ guē'₅ quian'₅₄ Jesús quian'₅₄
dsa₂ quián₅, ia₁ i₂juin₅ lin₃ i₂le₂'éi₂ ma₂quian'₅₄ ηi₂₃. 16 Jaun₂
jme₁ca₂jág₃ tē₅juá'₅ quián₅ dsa₂ fariseos a₂guē'₅ Jesús co₂lē₅
quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿'A₂ bá₄ lia'₂ guē'₅ tē₅ quián'₂ 'nia'₂ quian'₅₄ dsa₂ 'lin'₅₄
i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ nē₃? 17 Jaun₂
jme₁ca₂nág₂ Jesús jág₁ nē₅, jaun₂ ca₂ηags:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jηia'₅₄ lia'₂
dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃
jniá₂ a₂tē₄ dsa₂ dsen₃, a₂tē₄ dsa₂ i₂qui₂le₁cán'₄ dso₄ bá₄ jniá₂
guio₃.

Ca₂ηí'₃ dsa₂ Jesús ju₁lia'₂ jág₁ a₂jme₂'in₅₄ dsa₂

(Mateo 9:14-17; Lucas 5:33-39)

18 Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂
i₂tén₅ le₃quió'₅ dsa₂ fariseos nē₃, jme₁jme₂'in₅₄. Jaun₂ dsi₃lén₂
i₂lin₅₄ ca₂ηí'₃ Jesús:

—¿'E₂ 'uig₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅
fariseos nē₃, ton'₂ tsá₃ jme₂'in₅₄ guē'₂ dsa₂ quián'₂ 'ne₂?

19 Jaun₂ ca₂ηags Jesús:

—¿Lé₂ le₃jme₃'in₅₄ ju₁lia'₂ dsa₂ i₂té₄ ja₁niog₅ jmi_g₄ ja₁jen'₂ gu₂
dsa₂, tē₁lia'₂ quiong'₅₄ dsa₂ ηe'₂ i₂jén'₂ gu₂? Ma₁ tsá₃ le₂jaun₂
jmo₅ dsa₂, tē₁lia'₂ quiong'₅₄ 'éi₂. 20 La₁ jiá₃ caun₂ jmi_g₄ a₂jηia'₃
dsa₂ i₂jén'₂ gu₂ 'éi₂. Jaun₂ guē₄ lé₂ le₃jme₃'in₅₄.

21 'Ma₁ tsá₃ jmo₅ dsa₂ jua'₅₄ a₂tióng₅ quian'₅₄ 'nau₅₄ 'mi'₂ 'mí₂
tsi₁'mi'₂ gui'₅₄, ia₁ dsáu'₅ tsi₁'mi'₂ 'mí₂ jē₁ma₂jηi₂. Jaun₂ juē'₂ guē₄
jē₁gag₂ lē₂ tsi₁'mi'₂ gui'₅₄. 22 On₃ guē₄ jmo₅ dsa₂ jua'₅₄ a₂tia'₂ vino
'mí₂ 'ηió'₃ ni₁lau₂ gui'₅₄. Ia₁ guéi₃ ni₁lau₂ gui'₅₄ quian'₅₄ dsió'₁

* 2:14 Leví i₂tē'₂ Mateo ján₃.

vino 'mí₂. Dsi₂'én₂ bá₄ vino, lia₂ ni₁lau₂ ně₃. Jaun₂'ñio'₃ ni₁lau₂
'mí₂ bá₄ 'nio'₅ tia₃ dsa₂ vino 'mí₂ ia₁jaun₂ tsá₃ dsi₃'én₂.

Ca₂gág₃ dsa₂ quián₅ Jesús mí₂ trigo jmi₄ sa₅₄

(Mateo 12:1-8; Lucas 6:1-5)

²³ Caun₂ jmi₄ sa₅₄ ca₂ñi₅ Jesús quiain'₅₄ dsa₂ quiáin₅ caun₂
ja₁nau₂ ja₁jnia₄ trigo. Dsa₂ i₂jme₁quiain'₅₄ ně₃ ca₂jme₃lióg₃
qui₂ca₂gág₃ mí₂ trigo jme₁ca₂ñi₅ ja₁jaun₂. ²⁴ Jaun₂ ně₃, ca₂juá'₂
dsa₂ fariseos:

—¿E₂ lě₃ jmo₅ dsa₂ i₂quiáng'₅₄ ta₁ a₂tsá₃ 'i₄ 'éi'₃ jmo₃ jmi₄ sa₅₄?

²⁵ Jaun₂ ca₂ñag₃ Jesús:

—¿Tsa₁ ma₂'í₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄
riin'₅₄ lia₂ con'₂ jme₁ca₂rě₃'ín₂ quió'₅, a₂ca₂lě₃ i₁cón'₅?† ²⁶ Ca₂'í₃
David dsi₂něi₂ quió'₅ Diú₄, lia₂ con'₂ jme₁lín₄ Abiatar juig'₅₄
jme₂dsa₂. Ca₂guě'₃ i₁ñí'₄ jñio'₅ a₂'i₄ 'éi'₃ a₂guě'₅ jmá'₃ jme₂dsa₂.
Jaun₂ ca₂cuě'₃ dsa₂ i₂jme₁quiain'₅₄ ně₃.

²⁷ Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig'₃ bá₄ ca₂lě₃ jmi₄ sa₅₄, on₃jua'₅₄ rě'₂
o₄quió'₄ jmi₄ sa₅₄ ca₂jmó'₂ Diú₄ dsa₂ mi₂güig'₃. ²⁸ Jaun₂ lě₃, Jaun₅
dsa₂ mi₂güig'₃ bá₄ i₂'io₅ 'éi'₃ ne₄ quió'₅ jmi₄ sa₅₄.

3

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂
jme₁'en₅₄ jan₂ dsa₂ i₂'lia'₂ caun₂ mi₂gu₂. ² Jaun₂ ca₂tiog₃ dsa₂
ca₂tian₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tě₃ jmi₄ sa₅₄,
ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂
i₂'lia'₂ mi₂gu₂:

—Ñia₅, dsi₂jo₂ la₂ nau₂.

⁴ Jaun₂ ca₂ñag₃ Jesús ca₂ñí'₃ dsa₂ i₂tion'₅₄ jág₅:

—Ju₁lia'₂ jmi₄ sa₅₄, ¿e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄
'e₂? ¿A₂lión₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lě₁tióin₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús
ca₂jñin₂ dsa₂ i₂tion'₅₄, co₂'na₂ guě'₂ qui'₂ dsí₅, ia₁ a₂ñí₄ lě₃ tsá₃ ñí'₂
dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂něi'₃ 'éi₂ gu₂; ca₂lág₃ bá₄ jaun₂ ně₃. ⁶ Dsi₂jui₅
le₂jaun₂ ca₂'uin₂ dsa₂ fariseos ca₂i₂jmo₅₄ jág₁ quian'₅₄ dsa₂
quián₅ Herodes a₂jñi'₃ Jesús.

Jui₅ dsa₂ tion'₅₄ chei'₅₄ jmi₄g₂

† 2:25 'Nio'₂ ja₁ton₅ 1 Samuel 21:6.

⁷ Jaun₂ ca₂ηó₃ táng₃ Jesús jui₅ chei'₅₄ jmi₁ηí'₄ quian'₅₄ dsa₂ i₂quian'₅₄. Jaun₂ juin₅ lin₃ dsa₂ chan₂ Galilea ca₂jme₃quiong'₅₄ ně₃. ⁸ Jme₁ca₂rě₃ηi₅ dsa₂ ca₂le₃jě₃ 'e₂ a₂nio₅ lě₂ a₂jmo₅ Jesús, ca₂O₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ηo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂O₃jii₅₄ Jesús. ⁹ Jaun₂ ca₂tsí'₃ Jesús dsa₂ quiáin₅, a₂jmo₃ co₂jnia₅₄ caun₂ tsi₁mu₅, ia₁ con'₂ tsá₃ ηó₅ ně₁juá'₂ ca₂quáin'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄ ma₂ca₂jme₃'lióin₂ le₂jníá₅. Jaun₂ ně₃, ca₂le₃jín₃ dsa₂ dso'₅₄ tíoin'₅₄ co₂'liain'₂ riin'₅₄ ca₂lia'₂ qui₂co₂dsi_{in}₅₄ Jesús, ia₁ a₂'nio₃ qui₃hí'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tě₂dsí₅ dsa₂, jaun₂ ca₂chi₃jnë₃, tíoin'₅₄ co₂mi'₅₄, juá'₂:

—i'Ne₂ líng'₅ Ja₁ηi'₅₄ Diú'₄!

¹² Jaun₂ lě₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsí₂guia₃-tín₂
(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lě₄ dsí₂con'₂. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂O₃lén₂ 'éi₂ ja₁chéin'₄. ¹⁴ Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁, ¹⁵ ia₁jaun₂ 'io₃ 'éi₂ bí₂ ján₃* a₂le₃'uúin'₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě'₂ Jesús Pe₄; ¹⁷ Le₂on₃ ja₁ηi'₅₄ Zebedeo: Jacobo quian'₅₄ Juan₅₄, i₂ca₂tě'₃ Jesús Boanerges, co₂'nió'₄ a₂juá'₂, jaun₅ ηí'₃; ¹⁸ Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ηi'₅₄ Alfeo. Tadeo, Si₂mu₅₄ i₂lín₅ cananista;† ¹⁹ Judas Iscariote ně₃, dsa₂ i₂ca₂jín'₂ Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsiáin'₃ caun₂ dsí₂néi₂. ²⁰ Con'₂ guě'₂ siá'₂, ca₂ηi'₂ táng₃ dsa₂ juin₅ lin₃, jnia'₅₄ tsá₃ jii₅₄ guě'₃ quian'₅₄ chi'₂ dsí₂guia₃-tín₂. ²¹ Jme₁ca₂rě₃ηi₅ o₁riin'₅₄, jaun₂ ca₂O₃lén₂ a₂jme₁tsaun'₂ tě₂, ia₁ 'ei₅ jág₁ a₂lě₁ma₂tě₂ i₂2₃ ηi₂₃.

²² Ján₃ bá₄ le₂jaun₂ tě₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmig₄ 'uúin'₂ je₂na'₅₄ tion'₅₄ dsí₅ dsa₂.

²³ Jaun₂ lě₃ ca₂tě'₃ Jesús tě₅juá'₅ 'éi₂, jaun₂ ca₂juá'₂ tě₂le₃ quian'₅₄ jág₁ a₂jáng'₅ léi₄:

* **3:15** A₂lin₅₄ chog₅₄ si₂juá'₂ ján₃: “a₂jme₃'lióin₂ dsa₂ dso'₅₄,” † **3:18** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ηí₄ lě₃ mei'₂ tsá₃ ca₂ne₅₄ a₂chein₂.

—ǵ'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ñiog₅ quió'₅ dsa₂? ²⁴Në₁jua'₂ co₂nió'₃ dsi₂tan₅₄ ca₂nió'₃ mi'₅₄ quiain'₅₄ riin'₅₄, dsi₂tan₅₄ 'éi₂ tsá₃ uě₂ lé₂ le₃tóin'₃. ²⁵Në₁jua'₂ dsa₂ dsi₂néi₂ tioen'₅₄ mi'₅₄ quiin'₂, ján₃ bá₄ le₂jaun₂ tsá₃ uě₂ tió'₅. ²⁶Në₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ñiog₅, ján₃ bá₄ le₂jaun₂ tsá₃ uě₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ në₁jua'₂ le₂jaun₂.

²⁷"I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jníá'₂ dsa₂ a₂te₁'i₁ quió'₅, jnía'₅₄ lia'₂ a₂'nei'₂ bá₄ de'₂ jníá₅ dsa₂. Jaun₂ bá₄ lé₂ le₃jnía'₃ a₂cha₂ quió'₅.

²⁸'A₂dsi₂jó'₃ juá'₅ jniá₂, a₂lé₂ le₃'én₂ ca₂le₃jě₃ bá₄ dsáu₁ dsa₂, ca₂le₃jě₃ 'e₂ a₂'lig'₅₄ juá'₂ ně₃. ²⁹La₁ në₁jua'₂ ca₂juá'₂ 'lig'₅₄ 'iin₂₃ Jme₂dsí₂ Jñi₅, tsá₃ ma₃a₁jaun₂ lé₂ le₃'én₂ dsáu₁. A₂rě₂cáin'₄ ca₂le₃jě₃ jmi₄ chain₂ bá₄ jaun₂.

³⁰Le₂ně₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lin'₅₄.

Chi'₂ rin'₅₄ Jesús quian'₅₄ chog'₅₄

(Mateo 12:46-50; Lucas 8:19-21)

³¹Jaun₂ ca₂dsi₃lén₂ chi'₂ rin'₅₄ Jesús, quian'₅₄ chog'₅₄ ně₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂tě'₂ Jesús. ³²Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, ně₅ tián'₅ ca₁'né₄, a₂'nai'₂ 'ne₂.

³³Jaun₂ ca₂ñag₃:

—ǵ'Ein₂ 'éi₂ lín₅ cha₃ jniá₂, rín'₃ jniá₂ ně₃?

³⁴Jaun₂ ca₂jíin₂ dsa₂ i₂tián'₅ cau₅ quió'₅, jaun₂ ca₂juá'₂:

—iJag₄! I₂la₂ bá₄ lín₅ cha₃, ríng'₃ ně₃. ³⁵Ia₁ jui₁'ein₂ guě₃ i₂jmo₅ a₂ñio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ ně₃.

4

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂

(Mateo 13:1-9; Lucas 8:4-8)

¹Con'₂ siá'₂ táng₃, co₂ráun₂ ca₂jme₃lió₃ Jesús ca₂jme₃tiin₂₃ dsa₂ chei'₅₄ jmi₁ñí'₄. Ia₁ juin₅ lin₃ dsa₂ ca₂lě₃ ně₃ ca₂ñi'₂ ja₁chéin'₄, jaun₂ ca₂'í₃ 'ñi₅ tsí₁mu₅ 'ei₅ chei'₅₄ jmi₂; jaun₂ ja₁jaun₂ ca₂guá₂. Dsa₂ guě'₂ ně₃ ca₂tóin'₂ chei'₅₄ jmi₂. ²Lióng₂ jág₁ dse₃ ca₂jme₃tag₂₃ tě₂le₃ quian'₅₄ jág₁ a₂jáng'₅ léi₄. Jě₄ juá'₅ quió'₅ a₂jme₂tag₂₃, ca₂juá'₂:

³—Nei₂ 'nia'₂: Jan₂ dsa₂ ca₂ñe₄ ja₁nau₂ ca₂l₁séi₄ míg₂ jon₂.

⁴Jme₁ma₂'ein₅₄ séi₂ ně₃, a₂lín₅₄ míg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. ⁵A₂lín₅₄ guě'₂ míg₂ jon₂ táng₃, ca₂l₃to'₅₄ jě₄ n₁h₁cang₁, ja₁tsá₃ gua'₅₄ lín₄ cha₂. A₂jaun₂ ně₃ tsá₃ uě₂ ca₂rě₃'ag₄, ca₂'ia₂, ia₁ tsá₃ ji'₂ gua'₅₄ ja₁l₃to'₅₄. ⁶La₁ jme₁ca₂jnió₃ 'iog₂ ně₃, ca₂rě₃juing₅ ca₂rě₃quén₃ bá₄, ia₁ tsá₃ jmú₄ 'lióng₂ jme₁cha₂. ⁷A₂lín₅₄ guě'₂ ca₂séi'₂ ja₁lě₄ n₁taun₅. Jme₁ca₂i₃cón₃ n₁taun₅ ně₃, ca₂jlě₃ bá₄ a₂jaun₂, tsá₃ 'e₂ ca₂rau₂. ⁸La₁ a₂lín₅₄

guë'₂ ně₃ ca₂tín₂ ja₁dse₃ 'uë₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá₂ mǐg₂, lia'₂ ca₂mǐg₂ jon₂. A₂lin₅₄ guë'₂ jma₃'nag'₂ ne₂guióg₂ mǐg₂; a₂lin₅₄ guë'₂ jma₃caun₂ 'ŋiá₂-láu₂ mǐg₂.

⁹Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rë₂gua₄, rë₂ nei₂ 'nia'₂.

Ta₁ qui'₅ jág₁ a₂jáng'₅ léi₄

(Mateo 13:10-17; Lucas 8:9-10)

¹⁰Jme₁ma₂i₂len₃ dsa₂, jme₁ma₂të₁'ŋiá₄ quiaín'₅₄ chi'₂ dsi₂guia₃-tín₂, quiaín'₅₄ i₂lin₅₄ guë'₄ dsa₂ sián'₂, jaun₂ ca₂ŋag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹Jaun₂ ca₂juá'₂ Jesús:

—Diú₄ bá₄ jmo₅ a₂rë₂ŋí'₂ 'au'₂ 'nia'₂ jág₁ a₂rë₂'ma₄ 'a₂ lia'₂ lë₅ ja₁goin₂, la₁ dsa₂ i₂tsá₃ i₂nio₄ quiaín'₅₄ jniá₂ ně₃, 'nió'₅ juá'₂ dsa₂ tē₂le₃ quiaín'₅₄ jág₁ a₂jáng'₅ léi₄:

¹²ia₁jaun₂ i₂në₂jág₃,

la₁ tsá₃ ca₂rë₃lí'₄ 'e₂ nē₂jág₃.

I₂në₂néi₂ ně₃,

la₁ tsá₃ ca₂rë₃lí'₄ 'e₂ nē₂néi₂,

on₃ guë'₂ ca₂ŋí'₂;

con'₂ tsá₃ ŋó₅ nē₁ca₂jéin'₃ dsí₅,

ia₁jaun₂ jme₁'lioin₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ mǐg₂ jon₂

(Mateo 13:18-23; Lucas 8:11-15)

¹³Ca₂juá'₂ ján₃:

—¿Tsa₁ ŋí'₂ 'nia'₂ jág₁ a₂jáng'₅ léi₄ nē₅? ¿'A₂ bá₄ guë'₂ lé₂ le₃ŋí'₂ 'nia'₂ jui₁lia'₂ jág₁ a₂jáng'₅ léi₄ siá'₂? ¹⁴Jui₁lia'₂ lín₅ dsa₂ i₂séi₂ mǐg₂ jon₂, le₂jaun₂ bá₄ lín₅ jui₁lia'₂ dsa₂ i₂'ě₂ jág₁ dse₃ quió'₅ Diú₄.

¹⁵I₂lin₅₄ dsa₂ lín₅ jui₁lia'₂ mǐg₂ jon₂ a₂i₃ga'₅₄ le₂'i₄ jui₅. Nag₂₃ jág₁ dse₃, la₁ dsí₂jui₅ jaun₂ ja₂ Satanás ŋjiá'₂ jág₁ a₂ma₂jnia₄ tē₂dsí₅ dsa₂.

¹⁶I₂lin₅₄ guë'₂ dsa₂ lín₅ jui₁lia'₂ lë₅ mǐg₂ jon₂ a₂i₃ga'₅₄ jë₄ ni₁cang₁. Nag₂₃, gue₂₃ jág₁ a₂'ŋio₂ dsí₅.

¹⁷La₁ia₁ tsá₃ uë₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jë₁ma₂ca₂can₃ o₂i₁ dsí₅, a₂co₂'ein₅ dsa₂ 'uig₅₄ jág₁ dse₃, dsí₂jui₅ bá₄ tí₂ táng₃ jág₁.

¹⁸I₂sián'₂ guë'₂ ně₃ lín₅ co₂'nió'₄ mǐg₂ jon₂ a₂i₃ga'₅₄ jë₄ ni₁taun₅. Nag₂₃ jág₁ dse₃,

¹⁹la₁ 'ŋio₅ guë'₄ 'i₅ dsí₅ o₂me'₅₄ dsí₅ a₂cha₂ mi₂güig₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁në₅ bá₄ ja₁rë₂gain₂ táng₃; tsá₃ caun₂ a₂'ín₅ dsí₅. Ca₂le₃jé₃ a₂jaun₂ ně₃ jmo₅ jlë₅ jág₁ dse₃, tsá₃ ma₃cuë'₂₃ jmig₄ a₂ráu₃.

²⁰La₁ i₂lin₅₄ guë'₄ ně₃ nag₂₃, gue₂₃ bá₄ jág₁, chan'₂ tiá₂. Lín₅ jui₁lia'₂ lë₅ mǐg₂ jon₂ a₂i₃ga'₅₄ ja₁dse₃ gua'₅₄. 'Lióng₂ rau₂.

* 4:12 Isaiás 6:9-10.

I₂lin₅₄ guè'₂ lín₅ co₂'nió'₄ míg₂ a₂qui₂ca₂'ág₂ guió₂-guiá'₂; i₂lin₅₄ guè'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ñiá'₂-láu₂ míg₂ lia'₂ ca₂míg₂ míg₂ jon₂ a₂i₃jnia₄.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Nē₁jua'₂ quian₅ dsa₂ caun₂ ni₁tsí₅ a₂guí'₂ si₂, ¿'a₂ chi'₃? ¿né'₃ tsi₁mí'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂.
²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rē₂'ma₄, a₂tsá₃ le₃jniá'₂; tion₅₄ bá₄ rē₂jniá'₂. Ján₃ guè'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rē₂ñi₅ dsa₂.
²³ Chi₂jua'₂ 'ein₂ dsi₅₄ rē₂gua₄, ju₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, jnia'₅₄ tē₂le₃ lē₅ guē₄.
²⁵ Ia₁ jui₁lia'₂ dsa₂ i₂'ñio₂ dsí₅ le₃ñi'₂, Diú₄ bá₄ jmo₃ le₃ñi'₂ guē₄ dse₃. La₁ i₂tsá₃ 'nio₃ le₃ñi'₂ ně₃, Diú₄ bá₄ jmo₃ a₂tsá₃ ma₃le₃ñi'₂ co₂ñei'₅₄.†

Jág₁ jáng'₅ léi₄ jui₁lia'₂ 'a₂ lia'₂ 'ia₂ míg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lē₅ ja₁gon₂ Diú₄, ju₁lia'₂ lē₅ quian'₅₄ dsa₂ i₂jne₅ 'e₂ jne₂₃.
²⁷ Jē₁ma₂ca₂'ia₂, qui₂dsi₂cón₃ a₂jaun₂. La₁ ju₁lia'₂ dsa₂ i₂jne₅ 'éi₂ ně₃, o₁ñia'₅₄ a₂'uē₂-jm₂ güin₂, nau₂ ně₃, la₁ tsá₃ jaun₂ ñi₅ 'a₂ lia'₂ lē₂ a₂dsi₂cón₃.
²⁸ 'Uē₃ bá₄ lia'₂ lē₅, jaun₂ bá₄ rau₂. Le₂'uig₅₄, tag₄ de'₂ jniá'₅ 'ia₂; ñó₅ jaun₂ 'ia₂ ni₁la₁, lē₂ ni₁guein₂. Nó₅ jaun₂ lē₂ ni₁cui₂g₂ lá₅ ně₃.
²⁹ Jē₁ma₂ca₂ron₂, jaun₂ guē₄ dsi₂'áun₂ dsa₂; ia₁ ca₂tē₂ jmig₄ a₂ca₂rau₂.‡

Jág₁ jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

—¿'A₂ lia'₂ lē₅ ja₁gon₂ Diú₄, o₃ 'e₂ quian'₅₄ lé₂ le₃quin₃?
³¹ Lē₅ ju₁lia'₂ lē₅ míg₂ ni₁'ma₂ mostaza. § Míg₂ jon₂ jaun₂ lē₅ a₂pi'₁ guē₄ 'ñio₅ lín₃, lia'₂ con'₂ guē₄ ca₂le₃jé₃ jon₂ a₂jne₅ dsa₂.
³² Jē₁ma₂ca₂i₃jnia₄ ně₃, dsi₂cón₃ dsiog₅ lē₂ caun₂ ni₁'ma₂ pa₁, ca₂lia'₂ qui₂rē₂já₂ ni₁gu'₂ quió'₅. Jaun₂ tian'₅ i₁tan₅ ja₁lē₄ 'en'₂ quió'₅.

† 4:25 lit. "Ia₁ jui₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ ně₃, le₂jio₅ a₂cha₂ quió'₅, jnia'₃." ‡ 4:29 lit. "'Uē₃ bá₄ lia'₂ lē₅, jaun₂ bá₄ rau₂. Le₂'uig₅₄, tag₄ de'₂ jniá'₅ 'ia₂; ñó₅, jaun₂ 'ia₂ mí₂. Nó₅, jaun₂ tó₅, míg₂ mí₂ trigo. Jē₁ma₂ca₂ron₂, jaun₂ guē₄ dsi₂cag'₅₄ dsa₂ quian'₅₄ ñí₁ hoz; ca₂tē₂ jmig₄ a₂ca₂rau₂." § 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē₂ tē₅sí₃ Brassica nigra.

Ta₁ a₂qui'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)

³³ Ca₂jme₃tin₅ Jesús dsa₂ jág₁ dse₃ të₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. ³⁴ 'I₁caun₂ jág₁ tsá₃ jme₁cuë₂₃ jua'₅₄ tsá₃ të₂le₃ quian'₅₄ jág₁ a₂jáng'₅ léi₄. La₁ jë₁ma₂të₁ 'ñiáí₄ con'₂ guioin₅₄ quiaín'₅₄ chi'₂ dsi₂guia₃-tín₂ quiaín₅, jme₁juá'₂ lia'₂ rë₂jiá₃ jág₁.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ ně₃
(Mateo 8:23-27; Lucas 8:22-25)

³⁵ Le₃ca₂nei₂ jmig₄ jaun₂ ca₂tsí'₃ chi'₂ dsi₂guia₃-tín₂ quiaín₅:

—Ma₃ le₃ 'ño'₅₄ jmi₁ñí'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñí'₄, ca₂ñó₃ Jesús ca₂jio₃ chi'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guë₄ tsi₁mu₅ siá'₂ quiong'₅₄, tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jná'₃ jmig₂ 'ñio₅ lín₃ ca₂lia'₂ ca₂i₃'a₄ jmig₂ 'ñió'₃ tsi₁mu₅, jñia'₅₄ mei'₂ tsá₃ ca₂can'₂. ³⁸ Jme₁rë₂güín₃ bá₄ Jesús ñó₃ le₃chi₁co'₅₄ rë₂dsin₅ 'mi'₂ dsi₅₄. Jaun₂ ca₂ñei₃ dsa₂, ca₂juá'₂:

—jTë₅! ¿Tsa₁ dsa₂ 'au'₂ jua'₂ dsi₃'éin₂ jnia'₅₄ ja₁lá₃?

³⁹ Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ñí'₄ ně₃, ca₂juá'₂:

—jJme₁'ua₅₄! jTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí'₄, dsí₂ ně₃ ca₂jñia'₃. ⁴⁰ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiaín₅:

—¿'E₂ lë₃ ñí₄ 'ñio₅ gan'₃ 'nia'₂? ¿'A₂ bá₄ lia'₂ ñí₄ tsá₃ rë₂'én'₂ 'nia'₂?

⁴¹ Jaun₂ i₃gó'₃ dsí₅ 'ñio₅ lín₃, qui₂ca₂tsí'₃ riin'₅₄:

—¿'Ein₂ bá₄ lín₅ i₂ně₅ ca₂të₂ jmi₁ñí'₄, ca₂të₂ dsí₂ ně₃ qui₂nag₅ gau₂ jág₁ quío'₅?

5

Jan₂ dsa₂ i₂'en₅₄ jme₂dsí₂ 'lín'₅₄
(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño'₅₄ jmi₁ñí'₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñió'₃ tsi₁mu₅, dsió₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅₄ jme₂dsí₂ 'lín'₅₄ dsí₅. ³ Jme₁guá₄ dsa₂ 'éi₂ jë₄ tau₂ 'ñio₅; jaun₂ tsá₃ ma₃'ein₂ jme₁qui'₅₄ jmig₄ tió'₅ 'nei'₂ quian'₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei'₂ dsa₂ le₂jñiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jë₂ bá₄ jñia'₅₄ ma₂gág₃; ma₂jui₃ ni₁ñí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ ně₃, jme₁i₂ñi₅₄ lia'₂ 'uë₂-jmi₂ dsi₂guio'₂ ja₁le₁'on₅ 'lag₄ lia'₂ ju₅ má'₂ ně₃, qui₂jmái'₂ uig₅ 'ñiog₅ qui₂uing₂ quío'₅ quian'₅₄

* 5:1 A₂lín₅₄ chog₅₄ si₂juá'₂: “‘uë₃ Gerasa.”

ni₁cang₁. ⁶ La₁ jme₁ca₂jín₂ Jesús já₅ uíng₂, ηó₃ jaun₂ ně₃ co₂chi'₅₄ le₃ne₄ ja₁ηó₄ Jesús, jaun₂ ca₂chi₃jnë₃. ⁷ Jaun₂ ca₂'í₃ co₂mí'₅₄ ca₂juá'₂:

—¿'E₂ lě₃ tián'₅ 'ne₂ jě₄ quió₃ jniá₂, 'ne₂ Jesús Ja₁ηí'₅₄ Diú₄ juin'₂? Ca₂Diú₄, jnag₅₄, mi₅ jniá₂ ne'₅₄ tsá₃ lě₁'ě₅ uig₅.

⁸ Ca₂juá'₂ le₂ně₅, ia₁ jme₁ma₂ně₂chí'₃ Jesús jme₂dsí₂ 'lin'₅₄, ca₂juá'₂: “¡Jú₅ quió'₅ dsa₂ ně₅, 'ne₂ jme₂dsí₂ 'lin'₅₄!”

⁹ Jaun₂ ca₂ηag₃ Jesús:

—¿'A₂ lia'₂ cheng'₂?

Jaun₂ ca₂ηag₃:

—Juin₅† bá₄ cheng₂, ia₁ a₂juag₅ jnia'₅₄ lě₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí₂ 'lin'₅₄ ja₁siá'₂. ¹¹ Ia₁ jme₁tion₅₄ juin₅ i₁ηí₅, guě'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion₅₄ i₁ηí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuě₃ bá₄ Jesús jmig₄. Jaun₂ ca₂'uín₂ ca₂i₃lén₂ i₃toin'₅₄ quió'₅ i₁ηí₅. Jme₁lě₂ con'₂ tin₃ mei₅ i₁ηí₅ jme₁tion₅₄. Ca₂le₃jín₃ 'éi₂ ca₂i₁nioi₁₂ co₂chi'₅₄ cuíng₂₃ ca₂sein₃ siá₅ i₃toin'₅₄ jmi₁ηí'₄, ca₂dsain₃.

¹⁴ Jaun₂ ca₂i₃lén₃ dsa₂ i₂jme₁jmo₅ 'í₁ cuíng₂₃ ca₂i₁chi'₄ dsa₂ jě₄ juig₂, quian'₅₄ i₂tion₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lě₃ ja₁jaun₂. ¹⁵ Jme₁ca₂o₃lén₂ ja₁'en₅₄ Jesús, ca₂jín₂ dsa₂ i₂jme₁tion₅₄ juin₅ jme₂dsí₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lě₃ quian'₅₄ dsa₂ i₂jme₁tion₅₄ je₂na'₅₄ quió'₅, 'e₂ ca₂lě₃ quian'₅₄ i₁ηí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'iin₅ 'uě₃ go₅₄.

¹⁸ Jme₁ma₂ηó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. ¹⁹ La₁ tsá₃ ca₂cuě₃ 'éi₂ jmig₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ ně₂jmo₃ Te₁gui'₅₄ o₄quiáng'₂, 'a₂lia'₂ ně₂dsia₃ ηéi₂ dsí₅.

²⁰ Jaun₂ ηá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jě₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Lucas 8:40-56)

²¹ Jme₁ca₂dsián'₃ táng₃ Jesús le₃'ηo'₅₄ jmi₁ηí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián'₃. Tě₁lia'₂ ηi₂₃ chei'₅₄ jmig₂, ²² jaun₂ ca₂dsióg₃ jan₂ dsa₂ i₂nio₅ gu₂ guá'₅ sinagoga,

† 5:9 griego: legión

i₂chen₂ Jairo. Jme₁ca₂j₁in₂ Jesús, jaun₂ ca₂chi₃jné₃ ne₄ 'éi₂.
 23 Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁j₁in'₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

24 Jaun₂ ně₃ ca₂ņó₃ Jesús quiong'₅₄; juin₅ lin₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. 25 Jě₄ jaun₂, ŋó₃ jan₂ 'io₅₄ i₂ma₂tě₂ guia₃-tín₂ ŋi₂ a₂dso'₅₄ a₂tiin₂. 26 'Lióng₂ a₂ma₂i₃ņi₂ o₄gú₃ juin₅ tě₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tě₂le₃ ca₂i₃ja₃ bá₄ quió'₅. 27 La₁ jme₁ca₂nág₂ a₂'in₅ dsa₂ Jesús, jaun₂ ŋó₃ ca₂jme₃quiáin₃ le₃ja₁ņó₄ 'éi₂, j₁n₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ņi'₃ ni₁tsin'₅₄ 'éi₂. 28 Ia₁ lín₂: “Tsá₃ a₂nag₅₄ a₂ņjia'₅₄ ní₄ ca₂juig₄ tsin'₅₄, ŋjia₃ quió'₃.” 29 Co₂tan₅₄ ds₂i₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅. 30 Jaun₂ ds₂i₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ j₁n₄ dsa₂, ca₂ņag₃:

—¿Ein₂ bá₄ ně₂ní'₃ tsín'₅?

31 Jaun₂ ca₂ņag₃ chi'₂ ds₂i₂guia₃-tín₂ quiáin₃:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂léin₂. ¿'E₂ lě₃ juá'₂ “ein₂ ně₂ní'₃ quió'?”

32 La₁ qui₂ja₂né₂ Jesús j₁n₄ dsa₂ a₂'nai'₂ 'ein₂ ně₂ní'₃ quió'₅. 33 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ŋi₅ bá₄ 'e₂ ma₂i₂ņi₂. Ca₂ņó₃ co₂ņei'₅₄ ne₄ Jesús, ca₂chi₃jné₃, ca₂juá'₂ ca₂le₃jě₃ lia'₂ tí₅ jág₁ dsón'₂. 34 Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂ně₅ ca₂ņjia₃ dso₄ quiáng'₂.

35 Tě₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. ¿'E₂ ta₁ ma₂cuě'₂ o₂me'₅₄ ds₂i₅ tě₅?

36 La₁ tsá₃ ca₂tón'₃ Jesús juí₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lě₁jmo₂ gang'₃; ŋjia'₅₄ lia'₂ 'én₃ bá₄.

37 Tsá₃ ca₂cuě₃ jmig₄ Jesús a₂dsi₃lén₂ juin₅ dsa₂ quiong'₅₄. ŋjia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. 38 Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂- 'o₂₃ co₂mi'₅₄, 'lia'₂ dsí₅. 39 Ca₂'í₃ Jesús ds₂i₂néi₂, ca₂juá'₂:

—¿'E₂ lě₃ ŋí₄ lě₃ tó'₂ 'nia'₂ mi'₅₄, 'au'₂ 'nia'₂ le₂ně₅? Tsá₃ rě₂jon₅₄ guein₂ ně₅. ŋjia'₅₄ lia'₂ a₂rě₂güin₃ bá₄.

40 La₁ ŋjia'₅₄ ca₂ņi₂ bá₄ dsa₂ Jesús tiain'₅₄. Jaun₂ ně₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂ņjia₃ chog₅₄-jmei₂ 'lag₄, dsa₂ ún₂ i₂jme₁quian'₅₄ ně₃. Ca₂i₃toin'₅₄ ja₁rě₂quian₅ guein₂ 'lag₄. 41 Jaun₂ ca₂ņja'₃ gu₂ i₂bě'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juíg₂ jniá'₂, nau₂.

⁴² Dsi₂jui₅ le₂jaun₂ bá₄ ca₂nau₂, ca₂ŋi₃. Jme₁ma₂'ein₅₄ guia₃-tín₂ ŋi₂. Jaun₂ ca₂i₃gó'₃ dsí₅ tíoín'₅₄. ⁴³ La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuē₃ dsa₂ a₂guē'₃ i₂bē'₅₄ 'éi₂.

6

Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quiain'₅₄ chi'₂ dsi₂guia₃-tín₂ quiáin₅. ² Jme₁ca₂tě₂ jmig₄ sa₅₄, jaun₂ ca₂jme₃lióg₃ ca₂jme₃tīn₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:

—¿A₂já'₄ ca₂i₁jme₁tin₅ i₂ně₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ŋi'₂ dsí₅ a₂ma₂ŋi₂ ně₅, ca₂tě₂ léi₄ juē'₂ ně₃ tīn₂ jmo₃? ³ ¿On₁jua'₅₄ i₂ně₅ tē₅'má₃ ja₁ŋi'₅₄ María, dsó₂ riin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ ně₃? Ně₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rě₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ě₂ jág₁ quián₅ Diú₄. Jŋia'₅₄ lia'₂ dsa₂ go₅₄ bá₄ tsá₃ guei₅, on₃ guē'₂ o₁riin'₅₄, on₃ guē'₂ riin'₅₄ dsi₂néi₂ ně₃.

⁵ Jaun₂ tsá₃ 'lióng₂ léi₄ juē'₂ lé₂ le₃jmo₃ juig₂ go₅₄. Jŋia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ŋi'₄ lě₃ tsá₃ 'e₂ 'én₂ dsa₂.

Ca₂chen₃ Jesús dsa₂ guia₃-tín₂ quiáin₅ ca₂i₁'ě₄ jág₁ dse₃ juig₂ siá'₂
(Mateo 10:5-15; Lucas 9:1-6)

⁷ Jaun₂ ca₂tě'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuē₃ bí₂ 'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂.

⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jŋia'₅₄ lia'₂ jma₃caún₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guē'₂ tē₂'mi'₂, on₃ guē'₂ i₁ŋi'₄, on₃ guē'₂ cu₄ 'ŋió'₃ ni₁lau₂ le₁jén'₅ tú'₅ ně₃. ⁹ Jŋia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton₂ tsá₃ cán₂ tīn₃ dsán'₃ tsin'₅₄ ně₃. ¹⁰ Jaun₂ ca₂juá'₂ ně₃:

—Jě₁ma₂tě₂ rě₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jŋia₄ 'nia'₂ ca₂lia'₂ ca₂tě₂ jmig₄ i₁'uín'₃ 'nia'₂ táng₃ juig₂ jaun₂. ¹¹ Ně₁jua'₂ cha₂ ja₁lin₅₄ tsá₃ guei₅ dsa₂, on₃ guē'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄

'nia'₂ 'liog'₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.*

12 Jaun₂ ca₂'uin₂ bá₄ chi'₂ dsi₂guia₃-tín₂ ně₃, ca₂i₃léin₂ ca₂i₁'ě₄ jág₁ a₂dsi₃quén'₅ dsí₅ dsa₂. 13 Jaun₂ qui₂ca₂'uíin'₂ juin₅ je₂na'₅₄, qui₂ca₂tsiin₂ no'₅₄ juin₅ dsa₂ dso'₅₄, qui₂ca₂jme₃'lóin₂ dsa₂ ně₃.

Ca₂jon₃ Juan₅₄ i₂chon₅ dsa₂ jmig₂

(Mateo 14:1-12; Lucas 9:7-9)

14 Ca₂rě₃ŋi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ŋi₅ dsa₂ 'e₂ a₂jmo₅ Jesús ŋi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmig₂; 'uig₅₄ jaun₂ qui'₅₄ jmig₄ jmo₂₃ 'e₂ a₂jmo₂₃.

15 I₂lín₅₄ guě'₂ dsia₅ táng₃:

—Elías bá₄ 'éi₂ ŋi₅.

La₁ i₂sián'₂ guě'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁'ě₂ jág₁ quián₅ Diú₄ ma₂líg'₂.

16 Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ ně₅ ŋi₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

17 Ia₁ 'ŋiog₅ bá₄ Herodes ma₂jmo₅ 'éi'₃ le₂jniá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rě₂'ŋei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ riin'₅₄. La₁ Herodes ně₃ ma₂jmo₂₃ quián₅. 18 Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

19 'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jii₂ Juan₅₄. Jaun₂ jme₁'nio₃ jŋag'₃, la₁ tsá₃ ca₂dsó'₂ jui₅ 'a₂ lia'₂ jmo₃. 20 Ia₁ jme₁ŋi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁tě₂tsiin'₅₄ tsá₃ 'e₂ ŋi₅ jmo₃, la₁ 'ŋi₀2 bá₄ dsí₅ jme₁nag₂₃. 21 La₁ ca₂cuin₃ jmig₄ ně₃ jme₁ca₂jmo₃ Herodes jmig₄ a₂ca₂dsí'₃ ŋi₂: ca₂jmo₃ má₃, ca₂tě'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quián₅ ně₃, ca₂le₃jín₃ guě₄ con'₂ dsa₂ dsen₅₄ quián₅ juig₂ ja₁tén₄ Galilea. 22 Jaun₂ ca₂guan₃ ja₁míg₄ Herodías ja₁niog₅ jmig₄, jaun₂ ca₂dsáin₂. A₂jaun₂ ca₂tě₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guě'₅ quiain'₅₄ ně₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mí₄ ca₂le₃jě₃ 'e₂ 'niog'₂, jaun₂ cuě₅₄ jniá₂.

23 Jaun₂ ca₂cuě₃ jág₁ quió'₅ ca₂le₃jě₃ ca₂'iin₃ Diú₄, ca₂juá'₂:

* 6:11 A₂lín₅₄ chog₅₄ si₂ juá'₂ le₂la₂ ján₃: "A₂dsi₂jó'₃ juá'₅ jniá₂, jě₁ma₂tě₂ jmig₄ i₁qui₃dsi₅ Diú₄ 'éi'₃, tsá₃ jua'₅₄ ŋi₄ uig₅ gue₃ dsa₂ jme₁chan₂ Sodoma quián'₅₄ Gomorra, con'₂ guě₄ dsa₂ i₂tsá₃ guen₅ 'nia'₂."

—Chi₂jua'₂ 'e₂ caun₂ a₂mí'₁ 'ne₂, cuë₅₄ bá₄ jniá'₂, jnia'₅₄ ca₂dsio₄ 'uë'₃ ja₁gong₂.

24 Jaun₂ ca₂o₃ 'ín₃ 'io₅₄ bē'₅₄ 'éi₂ ca₂i₁ηag₁₂ chog₅₄, ca₂i₁jua'₄:

—¿'E₂ mi₅₄ jniá'₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

25 Jaun₂ ca₂ 'í₃ táng₃ 'éi₂ dsi₂jui₅ ja₁guá'₄ rag₅₄, jaun₂ ca₂juá'₂:

—'Nio₃ cuë'₁ tē₂nē₃ mi₂dsi₄ Juan₅₄ i₂chon₅ dsa₂ jmig₂, a₂ 'i₄ 'ñió'₃ uing₅.†

26 Jme₁ca₂nág₂ rag₅₄ jág₁ nē₅, ca₂jén₂ dsí₅. La₁ tsá₃ a₂ηi₅ jmo₃, ia₁ ma₂nē₂cuë'₃ jág₁ quió'₅ le₂jñiá₅ a₂cuë'₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂nē₂néi₂ a₂mei₅₄ quiáin₅ i₂tián'₅. 27 Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. 28 Jaun₂ ca₂ηó₃ 'lióg₂ jui₅ 'ñió'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quián₅ rē₂ 'i₄ 'ñió'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ nē₃ ca₂gue₃, jaun₂ ca₂i₁cuë'₂ táng₃ chog₅₄.

29 Jme₁ca₂rē₃ηi₅ dsa₂ i₂jme₁quian'₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁ 'ó₄.

Ca₂jme₃tan₅₄ Jesús 'ñiá'₂ mei₅ dsa₂

(Mateo 14:13-21; Lucas 9:10-17; Juan 6:1-14)

30 Cang₂ jaun₂ ca₂o₃len₃ dsa₂ i₂chen₄† 'éi₂, ca₂ηii'₂ táng₃ quiain'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tin₂₃ dsa₂. 31 Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂ηiog₅, i₂jñia₄ ca₂tiá'₂.

Ja₁ juin₅ lin₃ dsa₂ i₂o₂lén₂, lia'₂ i₂dsi₂len₃ nē₃, ca₂lia'₂ jnia'₅₄ tsá₃ cuin₅ jmig₄ guë'₃. 32 Jaun₂ nē₃ ca₂tóin'₂ tsi₁mu₅ ca₂i₃lén₂ caun₂ ja₁lé₄ co₂ηiog₅ con'₂ guioin₅₄. 33 Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jñiá'₅ bá₄ dsi₃lén₂ lia'₂ con'₂ guë'₄ 'éi₂. 34 Jme₁ca₂sió₃ Jesús 'ñió'₃ tsi₁mu₅, ca₂jñin₂ juin₅ lin₃ dsa₂, ma₂tion'₅₄ le₁jñiog₅, ca₂tá'₂ ηéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jē₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tin₂₃ dsa₂ 'lióng₂ lin₃ jág₁. 35 Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tin₂ quiáin₅, jaun₂ ca₂juá'₂:

—Caun₂ ja₁co₂ηiog₅ bá₄ la₂, ton'₂ ca₂'láu₂ guë'₄ má'₃. 36 'Ei'₂ jág₁ dsa₂, ia₁ jaun₂ dsi₃lein₅ dsi₃'nióg₂ a₂guë'₃ lia'₂ con'₂ juig₂ ja₁nau₂ ma₂quián₅ nē₅.

37 Jaun₂ ca₂ηag₃ Jesús:

—Cuë'₅₄ 'nia'₂ dsa₂ a₂guë'₃.

Jaun₂ ca₂ηag₃ táng₃ 'éi₂:

—¿Lé₂ le₃dsi₁liá'₄ tin₃ 'ñiá'₂-láu₂ 'éi'₃ denario i₁ñí'₄ ia₁ jaun₂ dsio'₂ a₂guë'₃ dsa₂?

† 6:25 lit. "rē₂dsí₂ ne₄ caun₂ ni₁ñi₁ charola."

‡ 6:30 griego: apóstolous.

38 Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃léin₂ táng₃, ca₂juá'₂:

—'Ñiá₂ i₁ñí'₄ bá₄ 'i₄, on₃ guě'₂ i₁ju₁.

39 Jaun₂ ca₂chein₃ jág₁ a₂tian'₃ dsa₂ jma₃co₂niói'₃ ne₄ ñi₂ma'₂ rē'₂, 40 jaun₂ ca₂tián'₂ dsa₂ jma₃co₂niói'₃ ja₁lě₂ caun₂ 'ñiá₂-lón₂, i₂ca₂tián'₂ jma₃co₂niói'₃ jma₃tě₂lón₃-guián₂ ně₃. 41 Jaun₂ ně₃ ca₂ñja'₃ Jesús le₃'ñiá₂ i₁ñí'₄, le₃on₃ guě'₂ i₁ju₁ ně₃, ca₂jág₃ guei'₅₄ i₂juíg₃, ca₂cuě'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ guě₄ ca₂cuě'₃ chi'₂ ds₂i₂guia₃-tín₂ quián₅, ia₁jaun₂ dsia₃ 'éi₂ ne₄ dsa₂. Ján₃ guě'₂ ca₂jmo₃ dsio_g₁ quió'₅ i₁ju₁ on₃ 'éi₂, ca₂cuě'₃ ca₂le₃jín₃. 42 Jaun₂ le₃jín₃ dsa₂ ca₂guě'₃ ca₂lia'₂ ca₂rě₃tain₅₄. 43 Jaun₂ ca₂cág'₃ bá₄ guě₄ dsa₂ guia₃-tín₂ tsi₁mi'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ ně₃. 44 'Ñiá₂ mei₅ jme₁lě₂ ca₂le₃jín₃ dsa₂ ñe'₂ i₂ca₂guě'₃ 'éi₂.

Ca₂ñi₃ Jesús ne₄ jmi₁ñí'₄

(Mateo 14:22-27; Juan 6:16-21)

45 Jaun₂ ds₂i₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ ds₂i₂guia₃-tín₂ quián₅ 'ñiói'₃ tsi₁mu₅, jaun₂ ññiá₅ de'₂ 'éi₂ ñi₃ jmi_g₂ con'₂ guě₄ 'ñiog₅, a₂ds₁léin₂ Betsaida, tē₁lia'₂ 'í₁ guě₄ 'ñiog₅ 'ág'₃ jág₁ dsa₂. 46 Jme₁ma₂ca₂lě₃ 'ág'₅ jág₁ dsa₂, ca₂ñó₃ jaun₂ ně₃ jui₅ má'₂ i₁chi₂i₁lein'₁ Diú₄. 47 Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ ds₂i₂jo₂ jmi₁ñí'₄, 'ñiog₅ guě'₂ Jesús jaun₂ bá₄ 'ein₅₄ 'uě₃. 48 Jaun₂ ca₂jág₃ Jesús 'ñio₅ cán₂ ta₁ tío_{in}'₅₄ a₂jein₂₃ ni₁'ma₂ a₂gag₂ jmi_g₂, ia₁ 'liog'₂ ds₁2 le₂ca'₃. Jaun₂ con'₂ le₁né₃ tē₂le₃ ca₂ñia₃, ca₂jme₃quián₃ Jesús ñi₂₃ ne₄ jmi_g₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñi₃ co₂dsau₅ ja₁tion'₅₄ 'éi₂. 49 Jme₁ca₂jág₂ jóin'₅ ñi₂₃ ne₄ jmi₁ñí'₄, dsa₂ 'lin'₅₄ § bá₄ 'éi₂ lín₂, jaun₂ ca₂tóin'₂ co₂mi'₅₄ ca₂guió'₃, 50 ia₁ ca₂le₃jín₃ bá₄ ca₂rě₃gó'₅ 'ñio₅ lín₃ jme₁ca₂jág₂. La₁ ds₂i₂jui₅ bá₄ ca₂juá'₂ Jesús:

—i₁Tiá₂ dsia₄ 'nia'₂ 'au'₂; ññiá₂ bá₄ la₂, tsá₃ lě₁jmo₂ 'nia'₂ gang'₃!

51 Jaun₂ ca₂uíg₂ 'ñiói'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂ñia'₃ ds₁2, jaun₂ i₃gó'₃ ds₁5 'éi₂ 'ñio₅ lín₃. 52 Ia₁ tsá₃ 'e₂ ca₂ñí'₂ ds₁5 dsa₂ 'éi₂ jui₁lia'₂ léi₄ juě'₂ a₂ma₂ně₂jág₃ jmo₅ Jesús quian'₅₄ i₁ñí'₄, ně₂jag₄ bá₄ cha₂ a₂jmo₅ jnág₅ a₂tsá₃ rě₂ñí'₂.

Ca₂jme₃'lión₂ Jesús dsa₂ dso'₅₄ 'uě₃ Genesaret

(Mateo 14:34-36)

53 Jme₁ca₂'ain₂ jmi_g₂, ca₂ds₁léin₂ 'uě₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmi_g₂. 54 Ds₂i₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rě₃cuin₅ bá₄ dsa₂ Jesús. 55 Jaun₂ ca₂i₁niói₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄

dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ gué₃ já'₄ 'en₅₄ Jesús.
⁵⁶ Ca₂le₂con₂ ja₁jme₁ŋi₅ Jesús, jē₁ma₂'í₅ jē₄ juig₂, jē₄ ciudad,
 o₃ le₂'i₄ jui₅ ja₁ŋó₄ 'e₂, jme₁qui₂dsi₂jŋia₃ dsa₂ dsa₂ dso'₅₄,
 qui₂ca₂dsiog₃ ja₁niog₅ 'ma'₅₄. Qui₂ca₂mi₃ dsa₂ tsá₃ a₂nag₅₄
 o₁jŋia'₅₄ a₃tag₄ tsin'₅₄ bá₄ cué₃ jmig₄ a₂ní'₃. Jaun₂ ca₂le₃jín₃ dsa₂
 dso'₅₄ i₂qui₂ca₂ní'₃ tsin'₅₄ Jesús, qui₂ca₂'lóin₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rē₂'ŋio₅ dsa₂
(Mateo 15:1-20)

¹ Jaun₂ ně₃ dsa₂ fariseos quian'₅₄ i₂lin₅₄ tē₅juá'₅ i₂ja₂lén₂
 Jerusalén, ca₂o₃lén₂ ca₂ŋi'₂ ja₁'en₅₄ Jesús. ² Ca₂jág₃ dsa₂ 'éi₂
 ca₂jín₂ i₂lin₅₄ chi'₂ dsi₂guia₃-tín₂ a₂gué'₅ tē₃ tsá₃ “le₁jé₃” gu₂, tsá₃
 jme₂ti₃ jua'₅₄ a₂rang₂₃ lia'₂ con'₂ lē₅ 'éi'₃. * ³ (Ia₁ ca₂le₃jín₃ dsa₂
 fariseos, quian'₅₄ ca₂le₃jín₃ dsa₂ chan₂ Judea ně₃, jme₂ti₃ lia'₂
 con'₂ lē₅ tag₄ chí'₅ quió'₅ dsa₂ can'₅₄, a₂tsá₃ gué'₃ ně₁jua'₂ tsá₃
 ma₂nē₂rang₃ 'lióng₂ ráun₂ gu₂. ⁴ Jē₁ma₂o₃lein₃ 'ma'₅₄, tsá₃ gué'₃
 ně₁jua'₂ tsá₃ ma₂nē₂jme₃ti₃ con'₂ tag₄ chí'₅ a₂rang₃ quió'₅. Jaun₂
 'lióng₂ bá₄ gué'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂
 ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama ně₃.) †
⁵ Jaun₂ ně₃ ca₂ŋag₃ dsa₂ fariseos quian'₅₄ tē₅juá'₅, ca₂ŋí'₃ Jesús:
 —č'E₂ lē₃ tsá₃ jme₂ti₃ chi'₂ dsi₂guia₃-tín₂ quiáng'₂ tag₄ chí'₅
 quió'₅ dsa₂ can'₅₄? Gué'₅ bá₄ tē₃ tsá₃ ma₂nē₂rang₃ gu₂.

⁶ Jaun₂ ca₂ŋag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lē₂jmo₅-
 dsáu₅ o₁ne₁, jui₁lia'₂ tio'₅₄ ne₄ Si₂:
 Dsa₂ juig₂ la₂ jme₂juag'₂ jniá₂
 jmá'₃ lia'₂ quian'₅₄ mi₂'o₅₄ bá₄,
 la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lē₁lē₅ quió'₅ dsa₂ mi₂güig₃ bá₄. ‡

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄,
 a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güig₃. §

⁹ Ca₂juá'₂ ján₃:

—'Ŋio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂
 tag₄ quián'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃
 dsa₂ chog₅₄-jmei₂. * Jaun₂ juá'₂, chi₂jua'₂ 'ein₂ ca₂juá'₂ uig₅ ne₄
 chog₅₄-jmei₂, jui₁join₅₄. † ¹¹ La₁ 'nia'₂ ně₃ juá'₂ a₂lē₂ le₃juá'₂

* **7:2** A₂lin₅₄ chog₅₄ si₂ juá'₂ le₂la₂ ján₃: “jaun₂ lē₃ ca₂chi₂ca₂'ag₃.” † **7:4** A₂lin₅₄
 chog₅₄ si₂ juá'₂: “ni₁taza, ni₁dsig₁, ni₁ŋí₁ ně₃.” ‡ **7:7** Isaías 29:13. § **7:8** A₂lin₅₄
 chog₅₄ si₂ juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jé₃
 gué'₄ 'e₂ cosa a₂qui₂jmo'₂ 'nia'₂ ně₃.” * **7:10** Éxodo 20:12; Deuteronomio 5:56.
 † **7:10** Éxodo 21:17; Levítico 20:9.

dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jě₃ a₂cha₂ quió'₃ a₂lě₅ Corbán”, (co₂'nió'₄ a₂juá'₂, a₂ma₂lě₅ quió'₅ Diú₄ bá₄). ¹² Nē₁juá'₂ le₂nē₅ jaun₂ tsá₃ ma₃cuē'₂ 'nia'₂ jmig₄ a₂jme₃'on₅₄ guē₄ dsa₂ chog₅₄-jmei₂. ¹³ Jaun₂ le₂nē₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ṅag₃ dsa₂ can'₅₄ quiáng'₂. 'Lióng₂ bá₄ guē₄ a₂siá'₂ jmo'₂ 'nia'₂.

¹⁴ Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá₂ la₂. ¹⁵ 'Icaun₂ a₂dsi₂to'₅₄ quió'₅ dsa₂, on₃juá'₅₄ a₂jaun₂ jmo₅ a₂rē₂'iog₅ jme₂dsí₂ quió'₅. Cosa a₂'uē₂ dsí₅ dsa₂ guoin₅₄, a₂jaun₂ bá₄ jmo₅ a₂rē₂'iog₅ jme₂dsí₂.[‡]

¹⁷ Jme₁o₂'íin₃ jin₄ dsa₂, ṅái'₃ dsi₂néi₂, jaun₂ ca₂ṅag₃ chí'₂ dsi₂guia₃-tín₂ quiáin₅'e₂ jág₁ dsau₅ jáng'₅ jág₁ ca₂cuē'₃ dsa₂ jaun₂. ¹⁸ Jaun₂ ca₂juá'₂:

—¿Ján₃ bá₄ tsá₃ ṅí'₂ 'nia'₂ a₂juá'₅ jniá₂? Ca₂le₃jě₃ 'e₂ a₂guē'₅ dsa₂, on₃juá'₅₄ a₂jaun₂ jmo₅ a₂rē₂'iog₅ jme₂dsí₂. ¹⁹ Ia₁ on₃juá'₅₄ dsí₅ dsa₂ dsi₂to'₅₄ a₂guē'₅. Rē₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄ táng₃ dsa₂ ca₁'né₄.

(Ca₂'ě₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂nē₅). ²⁰ Ca₂juá'₂ ján₃:

—Ca₂le₃jě₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rē₂'iog₅ jme₂dsí₂. ²¹ Tē₂dsí₅ bá₄ dsa₂ 'uē₂ ca₂le₃jě₃ ne₅₄ a₂'lig'₅₄: ju₁lia'₂ a₂lě₅ dsí₅ dsa₂ nióí'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chí₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guē₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jě₃ a₂nē₅, tē₂dsí₅ bá₄ dsa₂ lě₂, a₂nē₅ bá₄ a₂jmo₅ a₂rē₂'iog₅ jme₂dsí₂ quió'₅ dsa₂.

Jan₂ i₁ná₃ i₂ca₂rě₃'én₂ tē₂le₃ quió'₅ Jesús
(Mateo 15:21-28)

²⁴ A₂'ein₅₄ ja₁jaun₂, ca₂o₃'íin₃ ṅó₃ 'uē₃ ma₂quián₅ juig₂ Tiro. Š Jaun₂ ca₂'í₃ con'₂ tē₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rě₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂jui₅ jaun₂ ca₂nág₂ chog₅₄ jan₂ 'io₅₄ bē'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chí₃jnē₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chí'₂ quiáin₅. ²⁷ Jaun₂ ca₂ṅag₃ Jesús:

[‡] 7:15 A₂lín₅₄ chog₅₄ si₂ chí₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄ rē₂gua₄, nei₂ 'nia'₂.” § 7:24 A₂lín₅₄ chog₅₄ si₂ juá'₂ ján₃: “quian'₅₄ Sidón.”

—Jui₁le₂tan₅₄ de'₂ ŋiá₅ chi'₂ quiáng₃; ia₁ tsá₃ dsi₂ten₅₄ jua'₅₄
a₂ŋiá'₄ ŋiá₂ i₁ŋí'₄ quió'₅ chi'₂, a₂ton₅₄ ne₄ dsi₂ji'₅₄.

²⁸ Jaun₂ ca₂ŋag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jiog₅ dsi₂ji'₅₄ bá₄ guě'₅
né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ŋag₃ táng₃:

—Dse₃ nē₂ŋag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄
i₂jme₁'en₅₄ tē₂dsí₅ chi'₂ quiáng'₂.

³⁰ Jaun₂ ca₂ŋái'₃ bá₄; jme₁dsiáin'₃, ca₂jíin₂ ja₁míg₄ roin₂₃ tei₄
ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lin₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ŋí₃ jui₅ juig₂ Sidón, jaun₂
ca₂dsióg₃ chei'₅₄ jmi₁ŋí'₄ Galilea, jaun₂ ca₂'í₃ 'uē₃ Decápolis.

³² Ja₁jaun₂ ca₂o₃ŋia₃ dsa₂ jan₂ dsa₂ i₂tsá₃ lin₄ lé₂ dsia₃ jág₁. Jaun₂
ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂
ca₂jiog₃ Jesús ca₂ŋiái₃ dsa₂ 'éi₂ caun₂ ja₁co₂'ŋiog₅, jaun₂ ja₁jaun₂
ca₂tiá₂ chi₁gú₃ rē₂gua₄ dsa₂ 'éi₂, jaun₂ ca₂'ŋéi₃ chi₁gú₃, jaun₂
ca₂nií'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃,
ca₂choin₃ dsí₅, jaun₂ ca₂juá'₂:

—¡Efata! —co₂'nió'₄ a₂juá'₂: ¡Nia₄!

³⁵ Jme₁ma₂nē₂juá'₂ le₂nē₅, ca₂niá₃ rē₂gua₄ mi₂'o₄ dsa₂ 'éi₂
ně₃, ca₂'lóin₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃
ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂jui'₂
guě₄ ca₂dsia₃ bá₄ dsa₂. ³⁷ Jaun₂ 'ŋio₅ lin₃ ca₂i₃gó'₃ dsí₅ dsa₂
jme₁ca₂rē₃ŋi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂
dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂

(Mateo 15:32-39)

¹ Jmíg₄ jaun₂ ca₂ŋí'₂ juin₅ lin₃ dsa₂. Ia₁ tsá₃ ma₃'e₂ cha₂ guě'₃,
jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

² —Ŋéi₂ dsi₃ jing₅₄ dsa₂ nē₅, ia₁ ma₂'ni₅ jmíg₄ tioin'₅₄ ja₁lá₃
quiong'₅₄, tsá₃ ma₃'e₂ cha₂ guě'₃. ³ Nē₁juá'₂ dsiain'₅₄ guě'₂ jniá₂
quió'₅ tē₃ tsá₃ ma₂nē₂guě'₃, 'uáin₂ bá₄ le₂'i₄ jui₅, ia₁ uing₂ bá₄
ja₂lén₂ i₂lin₅₄ nē₅.

⁴ Jaun₂ ca₂ŋag₃ chi'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jě₃ i₁ŋí'₄ a₂'nió'₅ le₂tan₅₄
dsa₂ nē₅ ja₁co₂'ŋiog₅ la₂?

⁵ Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

6 Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uë₃. Jme₁ma₂chan'₂ le₂guio₃ i₁ñí'₄, ca₂cuë'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guë₄ ca₂cuë'₃ chi'₂ ds₂i₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. 7 Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jníó'₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsiön'₂ 'éi₂. 8 Jaun₂ qui₂ca₂guë'₃ ca₂le₃jín₃ dsa₂ ca₂lia'₂ ca₂rë₃tain₅₄. Jme₁ca₂lë₃ jaun₂, ca₂cág'₃ dsa₂ guio₃ ts₁mi'₂ 'nau₅₄ a₂ca₂chóng₃. 9 Ca₂le₃jín₃ dsa₂ 'éi₂ jme₁lë₂ con'₂ quén₂ mei₅. Jaun₂ guë₄ qui₂ca₂'ág'₃ jág₁ dsa₂. 10 Dsi₂ju₁ le₂jaun₂ ca₂'í₃ táng₃ 'ñió'₃ ts₁mu₅ quiain'₅₄ chi'₂ ds₂i₂guia₃-tín₂ quiáin₅, ca₂dsi₃lëin₂ 'uë₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ juë'₂
(Mateo 16:1-4; Lucas 12:54-56)

11 Jaun₂ ca₂o₃lén₂ dsa₂ fariseos ca₂jme₃lióg₃ ca₂tsiín₂ quiong'₅₄, a₂mi₂₃ jmo₃ 'éi₂ caun₂ léi₄ juë'₂ a₂já₅ guei'₅₄ i₂juíg₃. 12 Jaun₂ ca₂chon₃ Jesús ds₁'ñio₅ lin₃, jaun₂ ca₂juá'₂:
—¿'E₂ bá₄ lë₃ 'nio₃ dsa₂ chan₂ jmig₄ në₃ a₂jmo₅₄ jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂ le₃guéi'₁ 'nia'₂.
13 Tiön₂ jaun₂ bá₄ dsa₂ 'éi₂, ca₂'í₃ táng₃ 'ñió'₃ ts₁mu₅ ca₂ñó₃ le₃'ño'₅₄ jmi₁ñí'₄ le₃ó₃.

Levadura quió'₅ dsa₂ fariseos
(Mateo 16:5-12)

14 Ca₂'en₃ ds₁'chi'₂ ds₂i₂guia₃-tín₂ cán₂ a₂guë'₃, jñia'₅₄ lia'₂ caun₂ i₁ñí'₄ bá₄ quian₅ i₃lëin₂ 'ñió'₃ ts₁mu₅. 15 Jaun₂ ti₁ca₂néi'₂ Jesús jág₁, ca₂juá'₂:
—Të₂ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes në₃. Ia₁ lë₅ lia'₂ lë₅ ju₁ levadura.
16 Jaun₂ ca₂dsia₃ chi'₂ ds₂i₂guia₃-tín₂ quian'₅₄ riin'₅₄:
—An₁ juá'₂ le₂në₅ ia₁ tsá₃ i₁ñí'₄ cha₂ quián₂ jniog₄.
17 Ca₂rë₃lí'₄ bá₄ Jesús jág₁ a₂dsia₅ 'éi₂ i₃lëin₂, jaun₂ ca₂juá'₂:
—¿'E₂ lë₃ juá'₂ 'nia'₂ a₂tsá₃ i₁ñí'₄ cha₂ quián'₂ 'nia'₂? ¿'E₂ lë₃ ñí₄ tsá₃ rë₂ñí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? 18 ¿O₃ bá₄ a₂lë₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lë₁le₁dsi₅₄ bá₄ rë₂guá'₂ 'nia'₂, la₁ tsá₃ nag'₂ guë'₂ 'nia'₂? ¿O₃ bá₄ tsá₃ ma₃dsá₂ 'e₂ 'au'₂ 'nia'₂? 19 Lia'₂ con'₂ jme₁ca₂dsio'₄ jniá₂ quian'₅₄ 'ñiá₂ i₁ñí'₄ bá₄ ca₂lin₅ ca₂guë'₃ con'₂ 'ñiá₂ mei₅ dsa₂, ¿je₂liá'₂ mi'₂ ca₂lë₃ ni₁'nau₅₄ a₂ca₂chóng₃ guë₄ ca₂cag'₅₄ 'nia'₂?

Jaun₂ ca₂ñag₃ 'éi₂:

—Guia₃-tín₂.

20 Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ñí'₄ ca₂lin₅ ca₂guë'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ guë₄ táng₃ 'nia'₂?

Jaun₂ ca₂ñag₃ táng₃ 'éi₂:

—Guio₃.

²¹ Jaun₂ ca₂juá'₂ táng₃:

—¿Tsa₁ rē₂len'₅₄ bá₄ guě₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

²² Jaun₂ dsi₃lén₂ juig₂ Betsaida. Jaun₂ ca₂O₃ñia₃ dsa₂jan₂ dsa₂ten₄, jaun₂ ca₂mi₃ dsa₂ a₂téi₂ gu₂. ²³ Jaun₂ né₃ ca₂ñja'₃ gu₂ dsa₂ten₄ 'éi₂, ca₂jio₃ jui₅ 'ni'₂ juig₂. Jaun₂ ja₁jaun₂ ca₂tsáng₂ jmi₁'ě'₅ quió'₅, jme₁ne₁ dsa₂ 'éi₂, ca₂téi₂ gu₂, jaun₂ ca₂ñag₃ chi₂jua'₂ ma₂lé₂ jág₃. ²⁴ Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá₂ dsa₂ i₂nio₄, i₂jniá₂ lia'₂ jniá₂ ni₁'ma₂.

²⁵ Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ guě₄ ca₂jág₃ i₁ca'₅₄ mi₂ne₅₄, jaun₂ guě₄ ca₂rē₃jniá₂ dse₃ jme₁ne₁₂, ca₂'lón₂. ²⁶ Jaun₂ ca₂dsióg'₂ Jesús co₂dsau₅ ja₁quió'₄, ca₂juá'₂:

—Tsá₃ 'ú₅ jē₄ juig₂ tē₃ jág₅ dsa₂.

Ca₂cuě₃ Pe₄ jág₁ dsau₅ a₂lín₅ Jesús I₂rē₂'ín₁ quián₅ Diú₄

(Mateo 16:13-20; Lucas 9:18-21)

²⁷ Cang₂ jaun₂ ca₂ñó₃ Jesús quiain'₅₄ chi'₂ dsi₂guia₃-tín₂ quián₅ le₂tan₅₄ juig₂ Cesarea ja₁tén₄ Filipino. Jaun₂ le₂'i₄ jui₅ ja₁i₃lén₂, ca₂ñag₃ Jesús ca₂ñí'₃ chi'₂ dsi₂guia₃-tín₂:

—¿'Ein₂ lín₅ jniá₂, juá'₂ dsa₂?

²⁸ Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín₅ Juan₅₄ i₂jme₁chon₅ dsa₂ jmi₂g₂. I₂lín₅₄ guě'₂ juá'₂ a₂lín₅ Elías. I₂lín₅₄ guě'₂ juá'₂ táng₃ a₂lín₅ ja₂i₂sián'₂ i₂chen₄ quián₅ Diú₄.

²⁹ Jaun₂ ca₂ñag₃ táng₃:

—¿'Nia'₂ guě'₂ ně₃? ¿'E₂ juá'₂ 'nia'₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín₅ I₂rē₂'ín₁ quián₅ Diú₄.

³⁰ Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂ jua'₅₄ a₂'ag₃.

Ca₂'ě₂ Jesús jág₁ a₂jóin₂

(Mateo 16:21-38; Lucas 9:22-27)

³¹ Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsi₂guia₃-tín₂, a₂ca₂tín₂ Jaun₅ dsa₂ mi₂güig₃ dsi₃ñí₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅ guá'₅, juig₅₄ jme₂dsa₂, tē₅juá'₅ ně₃. Ca₂le₃jín₃ quiñ'₃ jág₁ a₂jñag'₃. La₁ jein'₅₄ bá₄ táng₃ a₂'ni₅ jmi₂g₄ jaun₂. ³² Ca₂juá'₂ lia'₂ rē₂jíá₃ jág₁. Jaun₂ Pe₄ ně₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi'₂ a₂jme₁jnéi₂ jui₅.

³³ Jaun₂ ca₂jén'₃ Jesús ca₂jín₂ ca₂le₃jín₃ chi'₂ dsi₂guia₃-tín₂, jaun₂ ca₂jéin₂ Pe₄ ca₂juá'₂:

—jñiag'₃ cau₅ quió₃, 'ne₂ Satanás! Ia₁ tsá₃ dsi₂jio₃g₅ 'au'₂ jui₁lia'₂ dsi₂jio₃g₅ dsí₅ Diú₄; lia'₂ dsi₂jio₃g₅ dsí₅ dsa₂ mi₂güig₃ bá₄ dsi₂jio₃g₅ 'au'₂.

³⁴ Jaun₂ ca₂tě'₃ Jesús chi'₂ dsi₂guia₃-tín₂, ca₂le₃jín₃ guě₄ dsa₂ i₂jme₁tion'₅₄ ně₃, Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jñiai₅₄ a₂jóin₂,* jui₁'ein₁₂. ³⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güig₃ la₂, dsi₃'én₂ quió'₅. La₁ jui₁'ein₂ guě₄ i₂tén'₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió'₄ jág₁ dse₃ ně₃, tñin'₄, le₃chain₂ dse₃ mi₂güig₃ caun₂. ³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lín₃ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guě'₂ jme₂dsí₂ quió'₅ mi₂güig₃ caun₂? ³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tñin'₄ jme₂dsí₂ quió'₅? ³⁸ Ia₁ jui₁'ein₂ guě₃ i₂gui'₅₄ jmóg'₂ jniá₂, quian'₅₄ jág₁ dse₃ quió₃, tē₃jñi₄ dsa₂ i₂qui₂rē₂cán'₄ dso₄ i₂tsá₃ ne'₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güig₃ gui'₅₄ jmóg'₂ jē₁ma₂tē₂ rē₁guan'₂ quian'₅₄ ángeles jñió₅ quian'₅₄ ca₂le₃jě₃ bí₂jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá₂, ia₁ chan₂ i₂lín₅₄ 'nia'₂ i₂tión₂ ja₁lá₃ i₂tsá₃ tñin₅₄ dsián₃ né'₃ a₂tě₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rě₃tsín₃ Jesús lia'₂ jniái₂

(Mateo 17:1-13; Lucas 9:28-36)

² Jñé₂ jmig₄ can₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂l₃léin₂ con'₂ guioin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄. ³ Jaun₂ ni₁tsin'₅₄ ca₂jñia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tiin₂ rang₃ 'mi'₂ a₂jñia₅₄ tiog₂ le₂jaun₂. ⁴ Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsia₂₃ jág₁ quian'₅₄ Jesús. ⁵ Jaun₂ ně₃ ca₂juá'₂ Pe₄ ca₂tsí'₃ Jesús:

—Tě₅, i'_{e2} guě₄ dse₃ lia'₂ tio'₅₄ jniog₄ ja₁lá₃! Ně₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁶ (On₃jua'₅₄ jaun₂ ca₂rě₃lí'₄ rē'₂ Pe₄ 'e₂ a₂ca₂ñiai₂, tē₂'i₂₃ le₂jaun₂, ia₁ a₂gó'₅ 'ñio₅ lín₃ tioin'₅₄). ⁷ Tě₃jě₄ jaun₂ ně₃ ca₂'ág₂ jnei₅ ja₁tioin'₅₄, ca₂lioin₂. Jaun₂ jě₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guě₄ lín₃. Nei₂ 'nia'₂ jág₁ quió'₅.

⁸ Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ guě₄.

⁹ Jme₁ma₂tioin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

* 8:34 lit. "jui₁quian₅₄ cróg₄ quió'₅."

10 Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃, njia'₅₄ lia'₂ qui₂ca₂ŋí'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. 11 Jaun₂ ca₂ŋí'₃ Jesús:

—ǀ'E₂ lě₃ juá'₂ tě₅juá'₅, Elías bá₄ i₂ca₂tín₂ jiá'₃ le₂'uig'₅₄?

12 Jaun₂ ca₂ŋag₃:

—Dsón'₂ bá₄ jaun₂ Elías bá₄ i₂jiá'₃ le₂'uig'₅₄, a₂j móg'₃ ca₂le₃jě₃. ǀ'E₂ guè'₂ lě₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güig₃ a₂tsá₃ caun₂ dsi₃ŋí'₂, tsá₃ guei₃ dsa₂, 'liog'₃ dsa₂ 'uě₃ co₂ŋí'₂? 13 La₁ jniá'₂ juá'₅, i₂ma₂guan₅ bá₄ Elías, qui₂ca₂j móg'₂ dsa₂ ca₂lia'₂ lě₂ dsí'₅, lia'₂ con'₂ lě₅ chi₁ton₅ ne₄ Si₂.

*Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tě₂dsí₅
(Mateo 17:14-21; Lucas 9:37-43)*

14 Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jín₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ tě₅juá'₅ ně₃, tsiin₂₃ quian'₅₄ 'éi₂. 15 Jaun₂ dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsí'₅ 'ŋio₅ lin₃, jaun₂ i₃léin₂ i₁cuag₃ Diú₄. 16 Jaun₂ ca₂ŋag₃ Jesús:

—ǀ'E₂ jág₁ tsi₂jín'₂ 'nia'₂ quian'₅₄ dsa₂ ně₅?

17 Jaun₂ ca₂ŋag₃ jan₂ dsa₂ i₂'en₅₄ jě₄ jaun₂:

—Tě₅, la₂ njia₅₄ chi'₂ quiáng₃ a₂'ein₅₄ jme₂dsí₂ 'lin'₅₄ i₂tsá₃ cuě₅ jmig₄ dsia₃ chi'₂ jág₁. 18 Chi₂jua'₂ 'a₂ guè'₂ já'₄ jmóg'₂, jmo₂₃ tón₂ 'uě₃. Qui₂'uě'₅ chi'₂ jan₅ mi₂'o₅₄, qui₂quig'₂ mi₂jan₅₄ ně₃. Jmo₂₃ a₂rě₂'uá'₃ rě₂juí'₂ quió'₅ ně₃. Jaun₂ jme₁ma₂ně₂juí'₂ jniá'₂ dsa₂ i₂quiang'₅₄ a₂jme₁dsein₂₃ i₂'lin'₅₄, la₁ tsá₃ tió'₅, juá'₂.

19 Jaun₂ ca₂ŋag₃ Jesús:

—ǀ'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmig₄ ně₃! ǀJe₂liá'₂ jmig₄ jmá'₃ 'nió'₅ jmo₅₄ jniá'₂ tió'₅ dsi₃ ŋi₅₄ quian'₅₄ 'nia'₂? O₂quian₅ 'nia'₂.

20 Jaun₂ ca₂i₁quian₅₄ dsa₂ chi'₂ ca₂o₃jio₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jín₂ Jesús, ca₂jmo₃ táng₃ i₃'ín₃ i₂bě'₅₄ qui₂ca₂ba₂ca₂lín₂ 'uě₃, 'uě'₅ jan₅ mi₂'o₅₄. 21 Jaun₂ ca₂ŋí'₃ jmei₂ chi'₂:

—ǀJma₂je₂liá'₂ jmig₄ jén'₅ le₂ně₅?

Jaun₂ ca₂ŋag₃:

—Lia'₂ con'₂ bín'₅₄ bá₄ i₂ně₅. 22 'Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ ně₃, a₂j móg'₂ i₂'lin'₅₄ a₂'nio₃ ŋag₃. La₁ ně₁jua'₂ cha₂ a₂lé₂ le₃jmó'₂, dsia₄ ŋéi₂ 'au'₂ jnia'₅₄.

23 Jaun₂ ca₂juá'₂ Jesús:

—ǀ'A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

24 Dsi₂jui₅ le₂jaun₂ ca₂ŋag₃ jmei₂ i₂bě'₅₄ ca₂juá'₂ tiá'₂:

—ǀ'Én₂ bá₄ jniá'₂! ǀJme₁'o₁ jaun₂ le₃'éng₂ guě₄!

25 Jme₁ca₂jág₃ Jesús caun₂ qui₂ca₂ñi'₂ juin₅ lin₃ guě₄ dsa₂, jaun₂ guě₄ ca₂jéin₂ i₂'lin'₅₄, ca₂juá'₂:

—Jú₅ ja₁ně₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmig₄ tsá₃ ma₃'ú'₄ ja₁ně₅, ia₁ jniá'₂ juá'₂.

26 Jaun₂ jme₁ca₂o₃'ín₃ i₂'lin'₅₄, ca₂jmo₃ guě₄ cón'₂ ca₂guió'₃ chi'₂ 'éi₂, ca₂i₃'iin₃, ca₂ba₂ca₂lín'₂ 'uě₃, ca₂quio₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. 27 Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

28 Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ñag₃ chi'₂ dsi₂guia₃-tín₂ con'₂ guioin₅₄:

—¿'E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lin'₅₄?

29 Jaun₂ ca₂ñag₃ Jesús:

—Jme₂dsí₂ 'lin'₅₄ i₂le₂ně₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

30 Jme₁ca₂'uín₂ juig₂ jaun₂, ca₂i₃lein₃ táng₃, ca₂ñi₅ jui₅ 'uě₃ Galilea, tsá₃ jme₁'nio₃ Jesús le₃ñi₅ dsa₂, 31 ia₁ jme₁jme₂tiin₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmig₄ a₂jáng'₂ dsa₂ jiin'₂ Jaun₅ dsa₂ mi₂güig₃ o₄gú₃ dsa₂ i₂'iog₅₄ jaun₂ ñag'₃ dsa₂. La₁ a₂'ni₅ jmig₄, jein'₅₄ bá₄ táng₃.

32 La₁ chi'₂ dsi₂guia₃-tín₂ ně₃, tsá₃ ca₂ñi'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsí₅ jua'₅₄ a₂ñag₃ guě₄ 'e₂ ñag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guě₄ con'₂ quian'₅₄ riin'₅₄

(Mateo 18:1-5; Lucas 9:46-48)

33 Jaun₂ ca₂dsi₃lén₂ juig₂ Capernaum. Jme₁ma₂tián'₅ dsi₂néi₂, jaun₂ ca₂ñi'₃ Jesús chi'₂ dsi₂guia₃-tín₂, ca₂juá'₂:

—¿'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tián'₂, tsá₃ 'e₂ ca₂ñag₃, ia₁ le₂'i₄ jui₅ ja₂lein₃ tsiin₂₃ 'ein₂ dsón'₂ i₂lén₂ i₂dsen₅₄ guě₄ jě₄ quió'₅ riin'₅₄. 35 Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

36 Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂ñau'₃, ca₂juá'₂:

37 —Jui₁'ein₂ guě₃ i₂guen₅ jan₂ guein₂ bě'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

* 9:29 A₂lin₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iin₅₄ ně₃.”

“*I*₂tsá₃ 'iog₅₄ jniog₄, tē₂le₃ quián₂ jniog₄ bá₄ chéin'₅”
(Mateo 10:42; Lucas 9:49-50)

38 Jaun₂ ca₂juá'₂ Juan₅₄:

—Tē₅, nē₂jin₄ jnia'₅₄ jan₂ dsa₂ i₂nē₂'uín'₂ je₂na'₅₄ quian'₅₄ bí₂
'éi'₃ quiáng'₂. Tsá₃ ma₃nē₂cuē₁ jnia'₅₄ jmig₄ jua'₅₄ a₂jmo₃ guē₄
le₂jaun₂, ia₁ tsá₃ ŋi₂₃ guē'₂ quian'₅₄ jniog₄.

39 Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jniḡ'₅₄. Ia₁ 'i₁jan₂ tsá₃ jmo₅
caun₂ ta₁ juē'₂ lia'₂ con'₂ lē₅ 'éi'₃ quió₃ jniá₂, jua'₅₄ a₂lé₂ le₃dsia₃
'ag₃ 'lig'₅₄ dsi₂jui₅ le₂jaun₂. 40 Ia₁ jui'₁ein₂ guē₃ jui'₁lia'₂ i₂tsá₃ 'iog₅₄
jniog₄, i₂tión₂ tē₂le₃ quián₂ jniog₄ bá₄ 'éi₂. 41 Ia₁ nē₁jua'₂ 'ein₂
ca₂cuē'₃ 'nia'₂ tsá₃ a₂léi'₂ o₁jnia'₅₄ caun₂ vaso jmig₂ bá₄, ia₁ a₂tén'₅
'nia'₂ tē₂le₃ quió'₅ I₂rē₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂
bá₄ 'liain'₅₄.

A₂go'₂ tsi₃sén'₂ dsa₂ dso₄
(Mateo 18:6-9; Lucas 17:1-2)

42 'Jui'₁ein₂ guē₃ i₂jmo₅ tsi₂sén'₂ dso₄ jui'₁lia'₂ i₂me'₂ le₂la₂ i₂'én₂
tē₂le₃ quió₃ jniá₂, ja₂lin₃ guē₄ dse₃ co₂ŋei'₅₄ jua'₅₄ a₂tón₂ dsa₂ ne₄
jmi₁ŋi'₄ rē₂quein₅ ca₂míg₂ ni₁to₂ dsi₂lag₅₄. 43 Nē₁jua'₂ mi₂gog'₂
jmo₅ a₂tang'₂ dso₄, co₂ŋei'₅₄ guē₄ dse₃ 'nia₄, ia₁ ja₂lin₃ guē₄
dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂
guē₄ a₂jme₁dsiáng'₄ guio₃-juig₃ a₂rē₂'ŋia₅ ta₁tin₃ gog'₂ ja₁tsá₃
líg'₂ jmig₄ éi₃ si₂.† 45 Nē₁jua'₂ mi₂tag'₅₄ jmo₅ a₂tang'₂ dso₄,
'nia₄ ján₃, ia₁ ja₂lin₃ guē₄ dse₃ dsiáng'₄ guiang'₅₄ ja₁le₃chang'₂
co₂tan₅₄, lia'₂ con'₂ guē₄ a₂jme₁dsiáng'₄ a₂rē₂'ŋia₅ le₃tin₃ tag'₅₄
guio₃-juig₃, ja₁tsá₃ líg'₂ jmig₄ éi₃ si₂.‡ 47 Chi₂jua'₂ mi₂ne'₅₄ jmo₅
a₂tang'₂ dso₄, co₂ŋei'₅₄ guē₄ dse₃ dsi₄ ján₃, ia₁ ja₂lin₃ guē₄ dse₃
a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guē₄
a₂jme₁dsiáng'₄ a₂rē₂'ŋia₅ ta₁tin₃ mi₂ne'₅₄ guio₃-juig₃:

48 ja₁tsá₃ líg'₂ jmig₄ dsián₃ i₁ja'₅₄,

on₃ guē'₂ si₂ éi₃ nē₃. §

49 'Ia₁ ca₂le₃jín₃ bá₄ 'nió'₅ lé₂ 'í₁ tē₂le₃ quian'₅₄ uig₅ a₂lē₅ lia'₂ lē₅
si₂. * 50 Dse₃ bá₄ tsi₁ŋi₁ tē₁lia'₂ ŋi'₅₄, la₁ nē₁jua'₂ ca₂'en₃ ŋi'₅₄ tsi₁ŋi₁
nē₃, ¿'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂
lē₅ tsi₁ŋi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂
le₂jang'₂.

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rē₂ quian'₅₄ versículo 48.

‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rē₂ quian'₅₄ versículo 48.

§ 9:48 Isaías 66:24. * 9:49 lit. “Ia₁ ca₂le₃jín₃ 'nió'₅ le₃ŋi'₅₄ quió'₅ quian'₅₄ si₂.”
'Nió'₂ ja₁ton₅ 1 Pedro 1:7; 4:12.

10

Jme₂tag₅ Jesús jui₁lia'₂ 'a₂lia'₂ lě₅ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

¹ Jaun₂ ca₂o₃in₃ Jesús juig₂ Capernaum ja₁jme₁'ein₅₄, ca₂hó₃ táng₃ ja₁tén₄ Judea quian'₅₄ jui₅ 'uě₃ tē₂le₃ 'ho'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂. ² Jaun₂ ca₂dsi₃lén₂ i₂lin₅₄ dsa₂ fariseos, ca₂ñi'₃ Jesús a₂ñia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅. ³ Jaun₂ ca₂ñag₃ 'éi₂:

—'E₂ 'éi'₃ ca₂cuě₃ Moisés guě'₂?

⁴ Jaun₂ ca₂ñag₃ táng₃ dsa₂ 'éi₂:

—Ca₂cuě₃ Moisés jág₁ a₂lé₂ le₃jmo₃ dsa₂ ñe'₂ caun₂ si₂ tē₃ron₅₄, jaun₂ guě₄ ma₂lé₂ dsei₂₃.

⁵ Jaun₂ ca₂ñag₃ Jesús:

—'Uig₅₄ ia₁ a₂ñi'₄ tsá₃ nág'₁ 'nia'₂ guiong'₅₄ bá₄ ca₂cuě₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güig₃, “ca₂jmoí'₂ dsa₂ ñe'₂, dsa₂ mí₂”. ⁷ “'Uig₅₄ jaun₂ ně₃ dsa₂ ñe'₂, ca₂tín₂ tén₂ chog₅₄-jmei₂, con'₂ tiain'₃ quiain'₅₄ dsa₂ mí₂ quiáin₅. ⁸ Jaun₂ jě₁le₃oin₃ lén₂ caun₂ bá₄ ni₁ñi₅.”* Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lé₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rē₂.

¹⁰ Jme₁ma₂tioin'₅₄ táng₃ dsi₂néi₂, ca₂ñag₃ chi'₂ dsi₂guia₃-tín₂ ca₂ñi'₃ Jesús jág₁ ně₅. ¹¹ Jaun₂ ca₂juá'₂ Jesús:

—Dsa₂ i₂tén₂ 'io₅₄ quián₅, a₂guá₃ táng₃ quiain'₅₄ i₂sián'₂, 'no₂₃ dso₄ ja₁con₂ 'io₅₄ quián₅ i₂le₂'uig₅₄. ¹² Con'₂ guě'₂ siá'₂ táng₃ ně₁jua'₂ tén₂ 'io₅₄ dsi₂i₂gu₂ a₂guá₃ táng₃ quiain'₅₄ dsa₂ ñe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂

(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁ñia'₂₃ chi'₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ ně₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuě₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂ně₅ jua'₅₄ a₂jñig'₅₄, ia₁ jui₁lia'₂ i₂le₂la₂ bá₄ guě'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá'₂ 'nia'₂, ia₁ jui₁'ein₂ guě₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bě'₅₄, o₁líg'₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂ñai'₃ guein₂ 'ein₅₄, ca₂quiog₂ gu₂ ne₄ quió'₅, ca₂jme₃jñi₃.

* 10:8 Génesis 2:24.

Jan₂ dsó₂ chi'₂ cha₂ cu₄ ca₂dsia₃ jág₁ quiain'₅₄ Jesús

(Mateo 19:16-30; Lucas 18:18-30)

17 Jme₁ma₂'en₅₄ Jesús jui₅ nō₅ táng₃, jaun₂ já₃ jan₂ dsó₂ co₂chi'₅₄ ca₂jme₃jein'₂ ca₂chi₃jnë₃ ne₅₄. Jaun₂ ca₂ɲag₃:

—Tē₅ dsen₃, ç'e₂ 'nió'₅ jmo₅₄ jniá₂ ia₁jaun₂ tǐng₅₄ ja₁le₃chang₂ co₂tan₅₄?

18 Jaun₂ ca₂ɲag₃ Jesús:

—ç'E₂ lē₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jɲia'₅₄ lia'₂ jan₂ Diú₄ bá₄. 19 Cuing'₂ bá₄ 'Éi'₃ Juá'₅ quió'₅ Diú₄, ja₁juá'₂ tsá₃ jme₁dsiang'₂ dsa₂ mi₂güig₃ ríng'₂; on₃ guē'₂ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; on₃ guē'₂ 'áng'₁. Tsá₃ jmó₁ juá'₅₄ jang'₅₄ jág₁ tē₂jág₁; tsá₃ jme₁gan₅ dsa₂ jua'₅₄ a₂jɲiá'₄ a₂cha₂ quió'₅; a₂jme₁gang'₃ chog'₂-ɲéi'₅ ně₃.†

20 Ca₂ɲag₃ táng₃ dsa₂ 'éi₂:

—Tē₅, ca₂le₃jě₃ a₂ně₅, lia'₂ con'₂ bin'₅₄ bá₄ jniá₂ jme₂tí₁.

21 Jaun₂ ca₂jág₂ Jesús ɲéi₂ dsí₅, ca₂juá'₂:

—Caun₂ guē₄ a₂'nió'₅ quiáng'₂. Guan'₂ o₂'nag₄ ca₂le₃jě₃ a₂cha₂ quiáng'₂, o₂dsio'₅₄ cu₄ jaun₂ o₂cuē'₅₄ dsa₂ te₂ɲé₂. Jaun₂ guē₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ guē₄ ɲia₅, 'éin₃.‡

22 Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂ně₅; ɲái'₅ bá₄ jaun₂ 'lia'₂ dsí₅, ia₁ 'ɲio₅ lin₃ jme₁cha₂ cu₄.

23 Jaun₂ ca₂jén'₃ Jesús qui₂ca₂jín₂ chi'₂ dsi₂guia₃-tín₂ quiáin₅. Jaun₂ ca₂juá'₂:

—i'E₂ guē₄ 'ɲio₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú₄!

24 Jaun₂ i₃gó'₃ dsí₅ chi'₂ dsi₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, i'e₂ bá₄ 'ɲio₅ quian₅ ta₁ a₂dsi₁len₅ dsa₂ ja₁gon₂ Diú₄.§ 25 Tsá₃ guē₄ 'e₂ ta₁ quian₅ a₂lé₂ le₃ɲi₅ jan₂ já'₂ camello jui₅ tau₂ mi₂cu₄, con'₂ guē₄ dsa₂ cha₂ cu₄ a₂'í₂ ja₁gon₂ Diú₄.

26 Jme₁ca₂nág₂ chi'₂ dsi₂guia₃-tín₂ a₂ně₅, i₃gó'₃ dsí₅ 'ɲio₅ lin₃. Qui₂ca₂ɲi'₃ riin'₅₄:

—ç'I₂'ein₂ bá₄ guē'₂ jaun₂ ně₃ i₂lé₂ le₃tín'₄?

27 Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

28 Pe₄ ně₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsi₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

29 Jaun₂ ca₂ɲag₃ Jesús:

† 10:19 Éxodo 20:12-6; Deuteronomio 5:16-20. ‡ 10:21 A₂lin₅₄ chog₅₄ si₂ juá'₂:

“Jmo₄ co₂ɲiag'₅₄ a₂jóng'₂,” (lit. quian₂ cróg₄ quiáng'₂), “'éin₃ jniá₂.” § 10:24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

—A₂dsi₂jó'₃ juá'₅ jniá'₂ juíg'₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄'jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió'₃ jniá'₂, quian'₅₄ 'uig₅₄ quió'₄ jág₁ dse₃ ně₃, ³⁰ gue₃ mi₂güí'₃ la₂ 'líong₂ guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅ guě₄ chi'₂-guein₂ quiáin₅ ně₃ le₃chan₂; ton'₂ 'líong₂ guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁gue₃ ja₁le₃chain₂ co₂tan₅₄ mi₂güí'₃ caun₂. ³¹ La₁ rē₂ně₃, juin₅ i₂lín₅ i₂quen₅, la₁ jmi₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, ju₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güí'₃, léin₂ i₂le₂'uig₅₄.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)

³² Tioin'₅₄ jui₅ uig'₂ tso₄ a₂dsi₁léin₂ Jerusalén. Jesús ně₃ n₃ó₃ dsi₂jniá'₄ ne₄ jui₅. Chi'₂ dsi₂guia₃-tín₂ guě'₂ i₂léin₂ dsi₂gó'₃ dsí₅. Ca₂le₃jín₃ guě₄ dsa₂ i₂jme₁quiain'₅₄ ně₃ i₂léin₂ gó'₅. Jaun₂ ně₃ ca₂tě'₃ Jesús le₃cau₅ jui₅ jmá'₃ dsi₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsi₃ñi₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uig'₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güí'₃ o₄gú₃ juig'₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂ ně₃. ³⁴ 'Éi₂ ně₃ a₂lē₁qui₃jmóg'₂, qui₃cuě₃, qui₃'ñéi₂ dsa₂ ně₃. Jaun₂ guě₄ jñag'₃. La₁ a₂'ni₅ jmi₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄
(Mateo 20:20-28)

³⁵ Jaun₂ ně₃, Jacobo quian'₅₄ Juan₅₄, le₃on₃ ja₁ñi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—'E₂ 'niog'₂ 'nia'₂ jmo₅₄ jniá'₂ guě'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tě₂ rē₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ñag₃ Jesús:

—Tsá₃ a₂jaun₂ ñi'₅₄ 'nia'₂ a₂mí'₂. ¿Tián'₃ 'nia'₂ dsi₃ñíg'₂ ca₂le₃jě₃ ju₁lia'₂ a₂dsi₃ñi₂ jniá'₂ guě'₂? ¿Tián'₃ 'nia'₂ cán'₁ o₂i₁ dsi₅ ju₁lia'₂ o₂i₁ dsi₅ can₅₄ jniá'₂?

³⁹ Jaun₂ ca₂ñag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ 'e₂ niog₅ dsi₃ñí₂ jniá₂. Ján₃ bá₄ cán'₁ 'nia'₂ o₂í₁ dsi₅ juí₁lia'₂ o₂í₁ dsi₅ can₅₄ jniá₂. ⁴⁰ La₁ juí₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuē₅₄ a₂jaun₂. Ja₁jaun₂ lě₅ co₂jnia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ guě₄ 'éi₂ ně₃, ca₂rě₃'néi₃ quian'₅₄ Jacobo quian'₅₄ Juan₅₄, jme₁ca₂nág₂juá'₂ 'éi₂le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—Nj'₅₄ bá₄ 'nia'₂ juí₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bén₂. Le₂jaun₂ bá₄, juí₁lia'₂ dsi₂tan₅₄ i₂sion₅ guě₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ juí₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂qui₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

*Ca₂jme₃'lión₂ Jesús jan₂ dsa₂ ten₄ i₂chen₂ Bartimeo
(Mateo 20:29-34; Lucas 18:35-43)*

⁴⁶ Dsi₃léin₂ juig₂ Jericó. Jme₁o₂'íin₃ juig₂ jaun₂ quiaín'₅₄ chi'₂ dsi₂guia₃-tín₂ quiáin₅, juin₅ guě₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ñi'₅₄ Timeo), guá₅ 'éi₂ cau₅ juí₅ mi₂₃ a₂jme'₃o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ njó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—jJesús, tsi₁jon₂ David, dsia₄ néi₂ 'au'₂ jniá₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂juí'₂ guě₄ co₂mi'₅₄ ca₂'í₃ bá₄, ca₂juá'₂:

—jTsi₁jon₂ David, dsia₄ néi₂ 'au'₂ jniá₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiaín'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

⁵⁰ Jaun₂ ca₂ton₃ cau₅ 'mi'₂ dsióg₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chí'₅₄, ca₂njó₃ ja₁chén'₄ Jesús.

⁵¹ Jaun₂ ca₂njag₃ 'éi₂:

—'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂njag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ quang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ηó₃ quiaín⁵⁴ Jesús.

11

Ca₂'í₃ Jesús jē₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quiaín₅ dsi₁léin₂ Jerusalén, dsi₃léin₂ quiaín₅ juig₂ Betfagé quian⁵⁴ juig₂ Betania ně₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiaín₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau⁵⁴ ně₅. Jē₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rē₂'ηe'₅₄ i₂tsá₃ 'ein₂ ma₂co₁dsag⁵⁴. O₂chein'₅₄ 'nia'₂ jaun₂ tē'₅₄ ja₁lá₃, ³ Nē₁juá'₂ 'ein₂ ca₂juá'₂: “¿E₂ lē₃ jmo'₂ 'nia'₂ le₂nē₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃léin₂ ja₁chén'₄ bú'₄ rē₂'ηe'₅₄ jē₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃. ⁵ Jaun₂ ca₂juá'₂ i₂lin⁵⁴ dsa₂ i₂ca₂jág₃, i₂tión₂ cau₅ jaun₂:

—¿E₂ jmo'₂ 'nia'₂ ja₁nē₅? ¿E₂ lē₃ tsing'₅₄ bú'₄?

⁶ Jaun₂ ca₂jéin'₃ bá₄ guē'₂ 'éi₂ jág₁ lia'₂ lē₅ jág₁ ca₂cuē₃ Jesús. Jaun₂ ca₂cuē₃ bá₄ dsa₂ jmig₄ tē₂ já'₂. ⁷ Jaun₂ jme₁o₃lein₃ te₂ bú'₄, ca₂i₁jio₃ ja₁'en⁵⁴ Jesús, jaun₂ ca₂jmo₃ dse₃ qui₂ca₂jlag₂ 'mi'₂ mi₂ca'₄ já'₂. Jaun₂ guē'₄ ca₂co₃dsag⁵⁴ Jesús. ⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ηí₃ Jesús. I₂lin⁵⁴ guē'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quian⁵⁴ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—jui₁le₂juin'₂ bá₄ i₂nē₅!* jui₁le₂jñi₃ó₃ bá₄ i₂nē₅ i₂já₅ o₄quió'₄ Te₁gui'₅₄† ¹⁰ jui₁le₂jñi₃ó₃ bá₄ 'éi'₃ a₂já₅ quió'₅ jmei₂ jniog₄ David ně₃! jui₁le₂juin'₂ bá₄ i₂guá₅ guei'₅₄ i₂juig₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂nē₂jág₃ 'a₂ lia'₂ lē₅ ja₁jaun₂, ca₂o₃'iin₃, ca₂ηái'₃ táng₃ jui₅ Betania quiaín⁵⁴ ca₂le₃jín₃ chi'₂ dsi₂guia₃-tín₂ quiaín₅, ia₁ ma₂ca₂'láu₂.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ mig₂ cha₂

(Mateo 21:18-19)

¹² Jme₁jnia₃ jaun₂, con'₂ ma₂'uain₂ táng₃ juig₂ Betania, ca₂tá'₂ i₁cón₅ Jesús. ¹³ Jaun₂ ca₂jág₃ tē₂ uíng₂ caun₂ ni₁'ma₂ higuera, lia'₂ rē₂can'₂ mog'₅₄ jniá₂ chí'₅. Jaun₂ ηó₃ 'uig₅₄ ja₁dsi₅₄, ia₁ lín₂ jme₁dsio'₂ mig₂. La₁ jme₁dsi₃óg₃ ně₃, jmá'₃ mog'₅₄ bá₄ cha₂, ia₁

* **11:9** lit. “Hosana”, a₂jjein₅ jág₁ quian⁵⁴ jág₁ jmei₅ arameo: “Lio₄ jnia⁵⁴”, co₂'nió'₄ a₂qui₂mi₅ dsa₂ ne₄ Diú₄ a₂jía₃ I₂rē₂'in₁ quiaín₅; la₁ cang₂ jaun₂ táng₃ ca₂jjein₃ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

on₃jua'₅₄ jein₂ a₂'ag₅ míg₂ higos jaun₂. ¹⁴Jaun₂ ně₃ ca₂juá'₂ Jesús ca₂tsí'₃ ni₁'ma₂:

—Jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guě'₃ co₂ŋei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂ně₅.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)*

¹⁵Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃. Jaun₂ qui₂ca₂jéin'₃ ni₁mesa jme₁jmo'₂ dsa₂ ta₁ ja₁jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶tsá₃ ma₃ca₂cuě₃ jmig₄ jua'₅₄ a₂dsi₃can₅ guě'₄ dsa₂ lio₄ quió'₅ i₁dsi₅ guá'₅.

¹⁷Jaun₂ ca₂jme₃tiin₂₃ dsa₂ 'éi₂, ca₂juá'₂:

—Ne₄ Si₂ juá'₂: “Né₅ quió'₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.”[‡] La₁'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. Š

¹⁸Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jŋag'₃, ia₁ gó'₅ con'₂ tsá₃ ŋó₅ ně₂jua'₂ 'éi₂ bá₄ jme₃gón₃ lé₂, ia₁ juin₅ lin₃ dsa₂ nag₅ dsi₂gó'₃ dsí₅ jág₁ a₂jme₂tag₅ Jesús. ¹⁹Tē₂le₃ ca₂nei₂ jmig₄ jaun₂, ca₂'uín₂* juig₂ jaun₂.

*Ca₂rě₃quéin₃ ni₁'ma₂ higuera
(Mateo 21:20-22)*

²⁰Jme₁jnia₃ jaun₂, ca₂ŋi₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. ²¹Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quéin₃.

²²Jaun₂ ca₂ŋag₃ Jesús ca₂tsí'₃ dsa₂:

—Én₃ 'nia'₂ tē₂le₃ quió'₅ Diú₄. ²³A₂dsi₂jó'₃ juíg₂ jniá₂ 'nia'₂, jui₁'ein₂ guě₃ juá'₂ tsí'₃ ni₁má'₂ ně₅: “Ŋiag'₃ ja₁ně₅, o₂'ú₅ jmi₁ŋí'₄”, le₂jaun₂ dsón'₂ le₃ti₃ bá₄, ně₂jua'₂ tsá₃ ca₂'ág₂ caun₂-tín₃ dsí₅. ²⁴Jaun₂ lě₃, juá'₅ jniá₂, jui₁'e₂ guě₃ a₂mi'₂ 'nia'₂ jme₁chi₂leng'₅₄ Diú₄, ně₂jua'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵Jě₁ma₂tē₂ rě₁náu'₁ 'nia'₂ chi₁lěng'₄ Diú₄, ně₂jua'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Nėi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄.†

‡ **11:17** Isaiás 56:7. Š **11:17** Jeremías 7:11. * **11:19** A₂lin₅₄ chog₅₄ si₂ juá'₂: “ca₂o₃'iín₃.” † **11:25** A₂lin₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ ně₂jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Nėi'₅ 'nia'₂ i₂guá₅ guei'₅₄ i₂juíg₃ dsáu'₂ 'nia'₂ guiong'₅₄.”

Jesús bá₄ i₂'io₅ 'éi'

(Mateo 21:23-27; Lucas 20:1-8)

²⁷ Ca₂dsi₃léin₂ táng₃ juig₂ Jerusalén. Jaun₂ jme₁ma₂η₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. ²⁸ Jaun₂ ca₂ηag₃ dsa₂ 'éi₂ ca₂ηii'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ηi'₂? ¿'Ein₂ cuē₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ηag₃ Jesús:

—Ján₃ bá₄ ηag₄ jniá₂ caun₂ 'nia'₂. Ně₁jua'₂ ca₂ηag'₅₄ 'nia'₂ lia'₂ tí₅, jaun₂ guē₄ juá'₄ jniá₂ 'ein₂ cuē₅ bí₂ a₂jmo₂₃ ca₂le₃jě₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig'₃ 'e₂? ηag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂:

—Ně₁jua'₂ ca₂chei₅₄ jniog₄ 'éi'₃ quió'₅ Diú₄ bá₄, ně₃ cón'₅ bá₄ ηag₃: “¿'E₂ lē₃ tsá₃ ca₂rē₃ 'én'₂ 'nia'₂ jág₁ quió'₅ 'éi₂?” ³² ¿La₁ ně₁jua'₂ ca₂chei₅₄ jniog₄ 'éi'₃ quió'₅ dsa₂ mi₂güig'₃ bá₄...?

La₁ ca₂rē₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂ě₂ jág₁ quián₅ Diú₄. ³³ Jaun₂ ca₂ηag₃ dsa₂ can'₅₄ ca₂tsi'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ηag₃ táng₃ Jesús:

—Ján₃ bá₄ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ηi₂₃.

12

Jág₁ jáng'₅ léi₄ jui₁lia'₂ co₂nió'₃ dsa₂ 'lin'₅₄ i₂jmó'₂ ta₁ ja₁nau₂

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂ηia₅₄ ja₁jlein'₃ míg₂. Jaun₂ ca₂chi'₃ caun₂ tsi₁'né₅ ηei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ηó₃ bá₄ 'ηiog₅ i₂ηí₃ juig₂ siá'₂. ² Jme₁ca₂tě₂ jein₂ a₂ca₂rau₂ míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quián₅ a₂jme₁i₂mi₃ a₂jáng'₃ dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuē₃ a₂mi₅ dsa₂ 'éi₂, ca₂ηau'₃, ca₂cuē'₃ dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃

bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jñi'₃. Juin₅ guě₄ i₂sián'₂ ca₂l₁len₅₄ ján₃. I₂lin₅₄ 'éi₂ qui₂ca₂cuě'₃, i₂lin₅₄ guě'₂ ca₂jme₃dsiain₂₃ tioen'₅₄.

6 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ñi'₅₄ i₂jme₁'noi₃ guě₄ lin₃. Jaun₂ ca₂chein₃ 'éi₂, ia₁ l₁in₂: "Jme₃gan₃ dsa₂ chi'₂ quiáng₃." 7 La₁ dsa₂ tion'₅₄ ja₁nau₂ ně₃, ca₂dsia₃: "I₂ně₅ bá₄ tin₃ ja₁nau₂ la₂ cang₂; ně₃ o₁jñi'₄ jniog₄, ia₁jaun₂ jniog₄ bá₄ lé₂ quián₂". 8 Jaun₂ le₂jaun₂ bá₄ ca₂jmo₃. Ca₂jñi'₃ bá₄ 'éi₂ tioen'₅₄. Jaun₂ ca₂dsei₂₃ le₃co'₅₄ jñi₁.

9 'Jaun₂, ħ₂e₂ jmo₃ dsa₂ juig₅₄ ja₁nau₂? Jñi₁oi'₂ jme₃dsiain₂₃ ca₂le₃j₁n₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

10 'Tsa₁ ma₂'í'₂ 'nia'₂ Si₂ ja₁juá'₂:
Ni₁cang₁ a₂tsá₃ ca₂rě₃ji'₅₄ tē₅'ia'₂,
ca₂dsi₁óg₃ ca₂lě₃ ni₁cang₁ a₂dsen₅₄ guě₄
a₂tē₁ron₅₄ qui'₅₄ 'ia'₂;

11 con'₂ ně₅ lě₅ ca₂jmo₃ Te₁gui'₅₄,

jaun₂ 'ñio₅ lin₃ bá₄ jlá'₁, lág₂ jniog₄?*

12 Jaun₂ jme₁'no'₂ dsa₂ ju₁5 a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'iin₂₃ 'éi₂ bá₄. La₁ ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jñau'₃.

Jág₁ ju₁lia'₂ 'lia'₅₄ a₂ca₂tín₂ ds₂tan₅₄

(Mateo 22:15-22; Lucas 20:20-26)

13 Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄ i₂lin₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ ds₂chi'₅₄ Jesús, ia₁jaun₂ cuin₅ jmig₄ jo₅₄ ju₁lia'₂ bá₄ 'ñiá₃ ca₂jon₄ jág₁ 'lia'₂. 14 Jaun₂ ca₂o₃lėin₂ ca₂juá'₂:

—Tē₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ juá'₅₄ a₂quian'₅₄ o₂l₁ ds₂'e₂ 'ag₅ dsa₂, ia₁ tsá₃ gang'₃ jmag'₅₄ ju₁lia'₂ dsa₂ dsen₅₄ ně₃. Caun₂ qui₂jme₂tíng'₁ bá₄ dsa₂ ju₁5 quió'₅ Diú₄. ħ₂'I₄ 'éi'₃ qui₅₄ 'lia'₅₄ a₂ca₂tín₂ ds₂tan₅₄ César? ħ₂'Nió'₅ qui₅₄ o₃ tsá₃ qui₅₄ 'e₂?

15 La₁ ñi₅ rě₂ bá₄ Jesús a₂lě₁i₂nio₄ juá'₂ o₁ne₁ bá₄ dsa₂ 'éi₂. Jaun₂ ca₂juá'₂:

—ħ₂'E₂ lě₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

16 Jaun₂ ca₂l₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:

—ħ₂'Ein₂ ds₂ne₄ chi₁ton₅ ja₁lá₃? ħ₂'Ein₂ quió'₅ letra ně₃?

Jaun₂ ca₂ñag₃:

—Quió'₅ gui'₅₄ emperador César bá₄.

17 Jaun₂ ca₂juá'₂ táng₃ Jesús:

* 12:11 Salmo 118:22-23.

—Jang'⁵⁴ 'nia'² ne₄ César con'² a₂ca₂tín₂ César; ne₄ Diú₄ ně₃
 jang'⁵⁴ 'nia'² con'² a₂ca₂tín₂ Diú₄.
 Jaun₂ ca₂i₃gó'³ dsí₅ jjin₂ 'éi₂.

Ca₂ŋag₃ dsa₂ saduceos ju₁lia'² a₂jen'⁵⁴ 'lag₄
(Mateo 22:23-33; Lucas 20:27-40)

¹⁸ Jaun₂ ca₂o₃lén₂ i₂lin₅₄ dsa₂ saduceos ca₂o₃jjin₅₄ Jesús. Ia₁
 tsá₃ 'én₂ dsa₂ 'éi₂ a₂jen'⁵⁴ táng₃ dsa₂ jē₁ma₂dsain₃. Jaun₂ ca₂tsí'³
 Jesús:

¹⁹ —Tē₅, ca₂quiog₂ Moisés si₂ a₂juá'², ně₁jua'² ca₂jon₃ jan₂ dsa₂
 ŋe'² tē₃ tsá₃ ca₂can₃ 'io₅₄ quiáin₅ guein₂, tion'⁵⁴ 'nió'⁵ jén'² gu₂ dsó₂
 rin'⁵⁴ dsa₂ ŋe'² i₂ca₂jon₃ quiain'⁵⁴ 'io₅₄ 'nág₂ 'éi₂, ia₁jaun₂ guein₂
 i₂le₃chan₂ quiáin₅, lé₂ co₂'nió'⁴ tsi₁jon₂ 'lag₄ riin'⁵⁴.†

²⁰ 'Ia₁ jme₁chan₂ guion₃ dsa₂ ŋe'² i₂lín₅ jmá'³ lia'² rin'⁵⁴.
 Ca₂jen'² gu₂ i₂le₂'uig⁵⁴, la₁ ca₂join₃ bá₄ tē₃ tsá₃ guein₂ ca₂can₃
 'io₅₄ quiáin₅. ²¹ Jaun₂ ca₂jen'² táng₃ gu₂ 'io₅₄ 'nág₂ 'éi₂ quiain'⁵⁴
 jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂
 ca₂can₃ 'io₅₄. Ján₃ bá₄ le₂jaun₂ ca₂lē₃ quian'⁵⁴ jē₁ca₂tē₂ ún₂.
²² Le₂jaun₂ bá₄ ca₂lē₃ quian'⁵⁴ ta₁guion₃ dsa₂ ŋe'² con'² i₂jme₁lē₄
 rin'⁵⁴: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiain'⁵⁴
 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃. ²³ Jaun₂ ně₃,
 jmig₄ jē₁ma₂tē₂ rē₁jen'⁵⁴ 'lag₄, ħ'ein₂ bá₄ quián₅ lé₂ 'io₅₄ 'éi₂? Ia₁
 ta₁guion₃ bá₄ guē'² dsa₂ ŋe'² ca₂guá₂ quiain'⁵⁴.

²⁴ Jaun₂ ca₂ŋag₃ Jesús:

—'E₂ guē'⁴ tsá₃ rē₂ ŋí'² 'au'² 'nia'², ia₁ a₂tsá₃ cuin'² 'nia'² 'a₂
 lia'² juá'² Si₂, on₃ guē'² cuin'² 'nia'² 'a₂ lia'² lē₅ jui₅bí₂ quió'⁵
 Diú₄. ²⁵ Jē₁ma₂tē₂ jmig₄ a₂jen'⁵⁴ 'lag₄, on₃jua'⁵⁴ a₂le₃chain₂ jua'⁵⁴
 a₂qui₃jéin'² guē'⁴ gu₂, on₃ guē'² ně₅ tóin'³ guē'⁴ jua'⁵⁴ a₂qui₃cuin₃
 chi'² quiáin₅ a₂jéin'² gu₂, ia₁ i₂lén₂ ju₁lia'² lín₅ ángeles i₂tion'⁵⁴
 guei'⁵⁴ i₂juíg₃ bá₄ 'éi₂ jmig₄ jaun₂. ²⁶ La₁ ju₁lia'² a₂jen'⁵⁴
 táng₃ 'lag₄, ħtsa₁ ma₂'í'² 'nia'² Si₂ quió'⁵ Moisés ju₁lia'² ja₁juá'²
 'ē₂₃ ni₁'ma₂ taun₅, ja₁ca₂juá'² Diú₄ ca₂tsí'³ Moisés: “Jniá₂ bá₄
 líng₅ Diú₄ quián₅ Abraham, quián₅ Isaac, quián₅ Jacob ně₃?”‡
²⁷ A₂lín₅ Diú₄ quian₅ dsa₂ jén'³ bá₄, on₃jua'⁵⁴ rē'² Diú₄ quián₅
 'lag₄. Jaun₂ ŋjo₅ lin₃ tsá₃ rē₂ ŋí'² 'au'² 'nia'².

'Éi'³ Juá'⁵ a₂dsen⁵⁴ guē'⁴ quió'⁵ Diú₄
(Mateo 22:34-40)

²⁸ Jaun₂ ca₂guan₃ jan₂ tē₅juá'⁵, ca₂nág₂ jág₁ a₂tsin₅ Jesús
 quian'⁵⁴ dsa₂, ca₂rē₃lí'⁴ bá₄ a₂ca₂ŋag₃ Jesús lia'² tí₅ jág₁. Jaun₂
 ca₂ŋag₃:

—ħ'E₂ 'Éi'³ Juá'⁵ a₂le₂'uig⁵⁴ a₂lē₅ a₂dsen⁵⁴ guē'⁴ con'² guē'⁴
 ca₂le₃jē₃juá'⁵?

† 12:19 'Nio'₂ ja₁ton₅ Deuteronomio 25:5-6. ‡ 12:26 Éxodo 3:6.

29 Jaun₂ ca₂ŋag₃ Jesús:

—'Éi'₃ Juá'₅ le₂'uig₅₄ con'₂ guë₄ ca₂le₃jě₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄. 30 Jme'₁nió₄ 'nia'₂ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ ŋí'₂ dsei'₂, ca₂le₃jě₃ bí₂ quiáng'₂.”§ 31 Jē₁ca₂tě₂ tin₃ juá'₅ ně₃ juá'₂: “A₂jme'₁nióg'₄ dsa₂ mi₂güig₃ ríng'₂ jui₁lia'₂ 'niog'₂ 'ŋiag'₂.”* Jŋia'₅₄ lia'₂ a₂tin₃ ně₅ bá₄ juá'₅ a₂lě₅ a₂dsen₅₄ guë₄ con'₂ guë₄ ca₂le₃jě₃ 'Éi'₃ Juá'₅ quió'₅ Diú₄.

32 Jaun₂ ca₂ŋag₃ tē₅juá'₅ 'éi₂:

—Tē₅, 'ŋio₅ dse₃ lia'₂ ně₂ŋag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂. 33 A₂jaun₂ bá₄ a₂dsen₅₄ guë₄ a₂jme'₃niog₃ dsa₂ Diú₄ ca₂le₃jě₃ dsí₅, ca₂le₃jě₃ jme₂dsí₂, ca₂le₃jě₃ bí₂ quió'₅; a₂jme'₃niog₃ dsa₂ riin'₅₄ jui₁lia'₂ 'nioi₃ 'ŋiog₅. A₂jaun₂ bá₄ a₂quen₅ guë₄ con'₂ guë₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

34 Jaun₂ jme'₁ca₂ŋag₂ Jesús ca₂ŋag₃ bá₄ dsa₂ 'éi₂ a₂ŋí'₂ dse₃ dsí₅, jaun₂ ca₂juá'₂:

—Tsá₃ uíng₂ ŋí'₂ ja₁gon₂ Diú₄.

Jaun₂ tē₂le₃ ne₄ jui₅ guë₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ŋág₃ guë₄ 'e₂ ŋag₃.

¿'Ein₂ tsi₁jon₂ quián₅ lín₅ I₂rě₂'ín₁ quián₅ Diú₄?

(Mateo 22:41-46; Lucas 20:41-44)

35 Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿'A₂ lia'₂ lě₅ juá'₂ tē₅juá'₅ a₂lín₅ tsi₁jon₂ David I₂rě₂'ín₁ quián₅ Diú₄, 36 ton'₂ 'ŋiog₅ bá₄ guë'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jŋió₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?†

37 ¿'A₂ bá₄ lia'₂ lě₅ jaun₂ a₂lín₅ tsi₁jon₂ David, ton'₂ 'ŋiog₅ bá₄ guë'₂ David ca₂tě₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁ŋag₂₃ 'ŋio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅

(Mateo 23:1-36; Lucas 11:37-54; 20:45-47)

38 Tē₃jē₄ jme₂tiin₂₃ dsa₂, ca₂juá'₂:

—Ŋí₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tē₅juá'₅. Ia₁ tē₅ dsí₅ i₂niog₅₄ le₁qui'₂ 'mi'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jē₄ 'ma'₅₄, 39 ton'₂ jmá'₃ lia'₂ ja₁dsen₅₄

bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂gué'₃ jui₁lia'₂ ja₁niog₅ jmig₄.
 40 Qui₂jníá'₂ 'ne₄ 'io₅₄ 'nág₂ ně₃, jaun₂ a₂ŋia'₅₄ con'₂ 'ma₂₃ jlě₅ a₂jmo₂₃ jaun₂, chi₂lén'₂ Diú₄ uě₂ lin₃ tě₃jín₄ dsa₂. La₁ 'e₂ gué₄ uig₅ cuě₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ŋé₂ cu₄ quió'₅

(Lucas 21:1-4)

41 Co₂ráu₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jín₂ dsa₂ i₂dsi₂lén₂ dsi₂tio'₂ cu₄ 'ŋió'₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. 42 La₁ tě₃jě₄ jaun₂ ca₂dsióg₃ jan₂ 'io₅₄ 'nág₂ te₂ŋé₂. Jaun₂ ca₂tó'₂ tin₃ ŋí₁ guéin₂.[‡] 43 Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ gué₄ ně₂tió'₂ 'io₅₄ 'nág₂ te₂ŋé₂ ně₅, lia'₂ con'₂ gué₄ ca₂le₃jín₃ i₂ma₂ně₂tió'₂ 'ŋió'₃ tsi₁gu₅.
 44 Ia₁ 'éi₂ ně₃ cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ě₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

1 Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—iTě₅, jag₄ 'e₂ gué₄ jlá'₁ ni₁cang₁ a₂le₁juí₄ a₂lě₅ guá'₅!

2 Jaun₂ ca₂ŋag₃ Jesús:

—ǰág'₂ 'né₅ ca'₅₄ a₂te₁'i₁ ně₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lé₂.

Léi₄ a₂lé₂ jmig₄ jě₁ca₂tó'₂

(Mateo 24:3-28; Lucas 21:7-24; 17:22-24)

3 Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá'₂. Jaun₂ ca₂guan₃ Pe₄, Jacobo, quiain'₅₄ Juan₅₄, Drě₄ ně₃, ca₂tsí'₃ Jesús con'₂ jě₄ tě₃co'₅₄:

4 —Jua'₅₄ líg'₂ bá₄ le₃ti₃ a₂juá'₂ 'ne₂ ně₅. 'Niog₂ jnia'₅₄ le₃ne₄. ǰ'E₂ léi₄ a₂lé₂ né'₃ a₂tě₅₄ jmig₄ jaun₂?

5 Jaun₂ ca₂ŋag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. 6 Ia₁ juin₅ i₂tě₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

7 'Jě₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁

[‡] 12:42 lit. “tin₃ ŋí₁ lepta.”

on₃jua'₅₄ jmig₄ jē₁ca₂tó'₂ jaun₂. ⁸ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guē'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guē₄ ně₅, ju₁lia'₂ jan₂ 'io₅₄ i₂rē₂chan₂ guein₂ quián₅.

⁹ 'Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ ně₃, 'uig₅₄ quió₃ jniá₂; ja₁jaun₂ o₁jang'₄ 'nia'₂ jág₁ dsau₅. ¹⁰ Jág₁ quió'₅ Diú₄ de'₂ jniá₅ 'nió'₅ dsi₃ag₅ le₂con₂ mi₂güig₃. ¹¹ Jē₁ma₂tē₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá₅ 'e₂ ŋag'₅₄. La₁ ŋag₄ bá₄ 'nia'₂ con'₂ jág₁ a₂ma₂ca₂ŋi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ŋag'₅₄ jág₁ jaun₂; Jme₂dsi₂ Jnió₅ bá₄ i₂jmo₃. ¹² Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ jŋag'₃ dsa₂; ju₁lia'₂ jmei₂ qui₃jín'₂ chi'₂ quiáin₅. Chi'₂ guē'₂ ně₃, jme₃ŋai₅₄ chog₅₄-jmei₂; chan₂ guē'₂ i₂qui₂jme₃dsian₅ chog₅₄-jmei₂ ně₃. ¹³ Ca₂le₃jín₃ dsa₂ jme₃ŋia₅₄ 'nia'₂ 'uig₅₄ quió₃ jniá₂, la₁ ju₁lia'₂ i₂tió'₃ náu₃ tiá₂ tē₂ jē₁ca₂tó'₂, tīin'₄ bá₄.

¹⁴ 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju₁si 'lin'₅₄ ja₁tsá₃ 'i₄ 'éi'₃ náu₃, * —jaun₂ ju₁le₂ŋi'₂ bá₄ i₂'i₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uē₃ Judea, ju₁cuing₁₂ jui₅ má'₂. ¹⁵ Ju₁lia'₂ i₂'en₅₄ guei'₅₄ 'ne₄, tsá₃ ju₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; ¹⁶ ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jŋioi'₅₄ jua'₅₄ a₂ja₃quián₂ tsi₁'mi'₂ dsió₂ quió'₅. ¹⁷ ju₁ig₂ bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂! ¹⁸ Mi₄ 'nia'₂ ne₄ Diú₄ tsá₃ ju₁dsi₂ŋi'₂ 'nia'₂ a₂jaun₂ ju₁lia'₂ jein₂ güig₂. ¹⁹ Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guē'₂ ma₃niog₅ jmig₄ jua'₅₄ a₂le₃cha₂ guē₄ cang₂. ²⁰ Jua'₅₄ mei'₂ guē₃ Te₁gui'₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₃lión₂ jua'₅₄ mei'₂ guē₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió'₄ i₂quion'₅₄ quiáin₅.

²¹ 'Nē₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “Jag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ ně₁juá'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. ²² Ia₁ juin₅ dsa₂ i₂jme₃gau₅ ja₃lén₂ a₂juá'₂ līin₅ I₂rē₂'ín₁ quián₅ Diú₄, a₂juá'₂ ně₃ a₂līin₅ dsa₂ i₂'ē₂ jág₁ quián₅ Diú₄; 'lióng₂ léi₄ juē'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guē₃ lé₂, ca₂tē₂ dsa₂ i₂quion'₅₄

* 13:14 'Nio'₂ ja₁ton₅, Daniel 9:27; 11:31; 12:11.

quián₅ Diú₄ jme₃gain₂₃. ²³ La₁ chan'₂ 'nia'₂ rē₂jáng'₁,[†] jaun₂
le₂nē₅ ma₂nē₂juíg₂ jniá'₂ ca₂le₃jě₃ tē₃jniá₅.

'A₂ lia'₂ guan'₂ Jaun₅ dsa₂ mi₂güig₃
(Mateo 24:29-35, 42—44; Lucas 21:25-36)

²⁴ Jě₁ma₂ca₂ŋag₅ jmig₄ o₂i₁ dsi₅ jaun₂,

'iog₂ nē₃ co₂dsia₅ le₃lia'₂,
tsi'₂ nē₃ tsá₃ ma₃tág₅ jnia₅₄;

²⁵ Nei₅ guē'₂ nē₃ qui₂tsi₃séi'₂,[‡]
ca₂le₃jě₃ guē'₄ 'e₂ bí₂ cha₂ guei'₅₄ mi₂güig₃
qui₃guian'₃. §

²⁶ 'Tě₃jě₄ jaun₂ guē'₄ nē₃, jín₂ dsa₂ Jaun₅ dsa₂ mi₂güig₃, jnióí'₂
guei'₅₄ jě₄ jnei₅ quian'₅₄ ca₂le₃jě₃ jui₅bí₂ a₂'io₂₃ jlán'₁. ²⁷ Jaun₂
qui₃chein₃ ángeles quián₅, a₂tē₂ dsa₂ i₂quion'₅₄ quián₅ i₂chan₂
ca₂le₃jě₃ juíg₂ te'₁i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, jui₁le₂ŋí'₂ 'au'₂ jág₁ a₂jáng'₅ léi₄ jui₁lia'₂
ni₁'ma₂ a₂'ag₅ míg₂ higos; jme₁chéi'₂ gu'₂-nei'₅₄, qui₂ja₂'iá₃
mog'₅₄ nē₃, ŋi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂.
²⁹ Le₂nē₅ bá₄ 'nia'₂ jaun₂ nē₃, jě₁ma₂tě₅ ne'₅₄ a₂lě₂ ca₂le₃jě₃ a₂nē₅,
jui₁le₂ŋi'₅₄ bá₄ 'nia'₂ a₂ma₂ja₂quián₃, nē₂jag₄ bá₄ i₂ma₂chén'₅
o₄'né₄ bá₄ 'éi₂. ³⁰ A₂dsi₂jó'₃ juá'₅ jniá₂ juíg₂ 'nia'₂, tsá₃ dsi₃ŋí'₂
tsi₁jon₂ la₂,* ca₂lia'₂ ca₂lě₃ ca₂le₃jě₃ a₂nē₅. ³¹ Jaun₂ já₅ jmig₄,
guei'₅₄ dsi₂güig₂ quian'₅₄ mi₂güig₃ la₂ ŋag₅, la₁ jág₁ quió₃, o₁líg'₂
jmig₄ tsá₃ ŋag₅ jua'₅₄ a₂tsá₃ le₃ti₃.

³² 'La₁ 'i₁jan₂ tsá₃ 'ein₂ ŋi₅ 'e₂ 'ió'₄, 'e₂ hora lé₂ a₂jaun₂, on₃ guē'₂
ángeles i₂tion'₅₄ guei'₅₄ i₂juíg₃, on₃ guē'₂ 'ŋiog₅ Ja₁ŋi'₅₄ Diú₄. Jnia'₅₄
lia'₂ 'ŋiog₅ bá₄ Diú₄ Jmei₂ ŋi₅.

³³ 'Chan'₂ 'nia'₂ rē₂jáng'₁, jme₁jnio₂ 'nia'₂ ne'₅₄, ia₁ tsá₃ ŋi'₅₄
'nia'₂ 'e₂ jmig₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'₅,
dsó₅ dsi₂ŋí₃ uíng₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅,
le₂jan₂ le₂jan₂ 'éi₂ jma₃quén₅ ta₁ cuē'₅ con'₂ ca₂tín₂, tsí'₅ mozo
i₂jmo₅ 'í₁ o₄'né₄ a₂chain₂ rē₂jáin₁. ³⁵ Jaun₂ le₂nē₅ bá₄ 'nia'₂ ján₃,
rē₂jáng'₁ 'nia'₂ chang'₂, ia₁ tsá₃ ŋi'₅₄ 'nia'₂ 'e₂ 'ió'₄ guan'₂ dsa₂
i₂quió'₅ dsi₂néi₂, tē₂le₃ ca₂nei₂, o₃ dsi₃nei₅, o₃ jě₁ma₂ca₂'o₃ i₁tú₃,
o₃ tē₂le₃ ca₂jnia₃ 'e₂, ³⁶ ia₁ con'₂ tsá₃ ŋó₅ nē₁jua'₂ ca₂guáin'₃
co₂tiá₂, jo₅₄ rē₂güín'₃ 'nia'₂. ³⁷ Jaun₂ jág₁ a₂juíg₂ jniá₂ 'nia'₂ la₂,
juíg₂ ca₂le₃jín₃: “iChan'₂ 'nia'₂ rē₂jáng'₁!”

† 13:23 o₃, “ŋí₂ 'nia'₂”. ‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂,
a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaiás 13:10;

34:4. * 13:30 o₃, “né₃ a₂dsián₃ dsa₂ i₂lín₅ raza la₂.”

14

Ca₂quin'₃ dsa₂ jág₁ a₂tsáin'₂ Jesús
(Mateo 26:1-5; Lucas 22:1-2; Juan 11:45-53)

¹ Tin₃ jmig₄ né'₃ a₂tē₅₄ Jmig₄ Tē₂'in₅₄, a₂guē'₅ dsa₂ i₁ñí'₄ 'ua'₂ a₂tsá₃ jui₁ levadura quian'₅₄, jaun₂ juig₅₄ jme₂dsa₂, tē₅juá'₅ ně₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jñag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ñó₅ ně₁juá'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsáin₂ no'₅₄ mi₂juig₂ Jesús
(Mateo 26:6-13; Juan 12:1-8)

³ Lia'₂ con'₂ 'ein₅₄ guē₄ juig₂ Betania ja₁quió'₄ i₂tē'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄, a₂lě₅ jmá'₃ no'₅₄ quió'₅ mi₁'au₂ nardo. Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. ⁴ Jaun₂ i₂lin₅₄ dsa₂ i₂tion'₅₄ ja₁jaun₂, dséin₂ ca₂tín₂, jaun₂ ca₂dsia₃:

—Tsá₃ ne₄ 'e₂ lě₃ ně₂'éin₂ no'₅₄ mi₂juig₂ quió'₅. ⁵ Jua'₅₄ co₂ñei'₅₄ bá₄ ně₂'nag₃ quian'₅₄ 'ni₅ 'ñiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ñé₂.

Jaun₂ ca₂dséin₃ quian'₅₄ 'io₅₄ 'éi₂.

⁶ Jaun₂ ca₂juá'₂ Jesús:

—Tsá₃ lě₁lein'₅₄. ¿'E₂ lě₃ cuē'₂ 'nia'₂ o₂me'₅₄ dsi₅? A₂ně₂jmóg'₂ ně₅, caun₂ a₂dse₃ bá₄ ně₅. ⁷ Ca₂le₃jě₃ jmig₄ bá₄ i₂nio₄ dsa₂ te₂ñé₂ jin'₄ 'nia'₂; lě₂ bá₄ jme₁'oin'₁, chi₂juá'₂ líg'₂ 'niog'₂ 'nia'₂ jme₁'oin'₁. La₁ jniá₂ ně₃ tsá₃ ma₃uē₂ 'en₅₄ jniá₂ quian'₅₄ 'nia'₂. ⁸ 'Io₅₄ ně₅, ně₂jmo₃ 'a₂ con'₂ jñia'₅₄ le₃qui'₅₄ jmig₄ jmo₃. Ma₂ně₂tsáng₂ tē₂jñiá₅ no'₅₄ mi₂juig₂ quió'₃, ma₂ně₂jmóg'₂ co₂jñia₅₄ jē₁ma₂tē₂ rē₁'ong₃. ⁹ A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió'₃, ján₃ bá₄ le₂jaun₂ dsiog'₂ dsí₅ dsa₂ 'iin₃ 'io₅₄ ně₅.

Jmo₅ Judas caun₂ jág₁ a₂'ni₂₃ Jesús
(Mateo 26:14-16; Lucas 22:3-6)

¹⁰ Jaun₂ ně₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅ Jesús, ñei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂. ¹¹ Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ guē₄ ně₃ ca₂'náu'₃ Judas dsí₅ 'a₂ lia'₂ cuin₅ jmig₄ a₂jín'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄
1 Corintios 11:23-26)

¹² Jmig₄ le₂'uig₅₄ a₂niog₅ Jmig₄ Tē₂'in₅₄ a₂guē'₅ dsa₂ i₁ñí'₄ a₂tsá₃ quian'₅₄ levadura, jmig₄ a₂jme₁jme₂dsian₅ dsa₂ já'₂ cha'₂ quián₅ jmig₄, jaun₂ ca₂ñag₃ chi'₂ dsi₂guia₃-tín₂ ca₂ñii'₃ Jesús:

—¿A₂já'₄ 'niog'₂ dsi₁jmó'₁ jnia'₅₄ co₂jnia₅₄ má₃ Jmíg₄ Të₂'in₅₄ quiáng'₂?

13 Jaun₂ ca₂chein₃ on₃ chi'₂ dsi₂guia₃-tín₂ quiáin₅, ca₂juá'₂:

—O₂nó'₅ 'nia'₂ jë₄ juig₂. Ja₁jaun₂ jen'₂ 'nia'₂ jan₂ dsa₂ ñe'₂ i₂quion₂ jmíg₂ quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂.

14 Dsi₂néi₂ ja₁'í₂ 'éi₂, juig'₅₄ dsa₂ juig₅₄ dsi₂néi₂: “Le₂la₂ juá'₂ të₅, ¿Na₂ dsi₂néi₂ ja₁guë'₄ Jmíg₄ Të₂'in₅₄ co₂lë₅ quian'₅₄ chi'₂ dsi₂guia₃-tín₂ quiáng'?” 15 Jaun₂ 'éi₂ në₃, 'ë₃ caun₂ dsi₂néi₂ juë'₂ ja₁lë₄ guei'₅₄ a₂ma₂lë₅ co₂jnia₅₄. Ja₁jaun₂ o₂jmo₄ 'nia'₂ co₂jnia₅₄ má₃ que₅₄ jniog₄.

16 Jaun₂ ca₂lén₂ bá₄ dsa₂ on₃ 'éi₂. Jme₁ca₂dsi₃léin₂ jë₄ juig₂ në₃, ca₂dsó'₂ lia'₂ con'₂ lë₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂jnia₅₄ má₃ a₂guë'₃ Jmíg₄ Të₂'in₅₄.

17 Jme₁ca₂nei₂ jaun₂, ca₂dsióg₃ Jesús quiaín₅₄ ta₁guia₃-tín₂ chi'₂ dsi₂guia₃-tín₂. 18 Jme₁ma₂tiáin₅ guë'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá'₂ la₂, jan'₂ 'nia'₂ i₂guë'₅ jniá'₂ co₂lë₅ quiang'₅₄ bá₄ i₂jang'₂ jniá'₂.

19 Jaun₂ në₃ ca₂tá'₂ 'lia'₂ dsí₅ 'ñio₅ lín₃ tiáin₅, jaun₂ ca₂jme₃lióg₃ ca₂ñi'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá'₂ 'ág'₅?

20 Jaun₂ ca₂ñag₃ Jesús:

—Jan'₂ 'nia'₂ i₂lë₂ guia₃-tíng'₂ i₂tiá'₂ mi₂gu₂ co₂lë₅ 'ñio'₃ uing₅ quian'₅₄ jniá'₂. 21 Dsón'₂ bá₄ dsau₅ Jaun₅ dsa₂ mi₂güí'₃ 'ein₅₄ jui₅ dsó₃ lia'₂ con'₂ lë₅ juá'₂ ne₄ Si₂; la₁ i'e₂ guë'₄ juí'₂ dsa₂ i₂jang'₂! Jme₁dse₃ quió'₅ jua'₅₄ co₂ñei₅₄ bá₄ tsá₃ ca₂rë₃cháin₃.

22 Të₁lia'₂ tiáin₅ guë'₅, ca₂ñja'₃ Jesús i₁ñí'₄, ca₂cuë'₃ ti₁'mag'₄ Diú₄, jaun₂ guë'₄ në₃ ca₂dsioin₃, ca₂cuë'₃ chi'₂ dsi₂guia₃-tín₂ quiáin₅. Jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá'₂ i₁ñí'₄ la₂.

23 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuë'₃ ti₁'mag'₄ Diú₄, jaun₂ guë'₄ ca₂cuë'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in₃. 24 Ca₂juá'₂ Jesús:

—Jmi₃ bá₄ jniá'₂ la₂, a₂l'₅₄ jág₁ 'mí₂ a₂të₃ron₅₄,* a₂niog₅ dsi₃'o₅₄ o₄quió'₄ juin₅ dsa₂. 25 Dsón'₂ juá'₅ jniá'₂, tsá₃ ma₃líg'₂ jmíg₄ jua'₅₄ a₂guí'₅₄ guë'₄ táng₃ vino ca₂lia'₂ ca₂të₂ jmíg₄ i₁guí'₄ táng₃ caun₂ vino 'mí₂ co₂lë₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuíg₂₃

(Mateo 26:30-35; Lucas 22:31-34; Juan 13:36-38)

26 Jme₁ca₂lë₃ 'ë₂₃ jme₂juin₂ Diú₄, jaun₂ guë'₄ i₃léin₂ jui₅ Má'₂ Olivos. 27 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

* 14:24 'Nio'₂ ja₁ton₅, Éxodo 24:8; Jeremías 31:31-34; Hebreos 10:29; 13:20.

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂ ja₁juá'₂: “ŋj'₄ jniá'₂ dsa₂ i₂ŋia₅ já'₂ cha'₂, jaun₂ já'₂ cha'₂ ně₃ dsi₃lén₂ tsi₁rē₂jain₅₄.”† 28 La₁ cang₂ jē₁ma₂ca₂jeng'₅₄ táng₃, nei₅₄ jniá'₂ jniág₅ jui₅ Galilea lia'₂ con'₂ guě'₄ 'nia'₂.

29 Jaun₂ ně₃ ca₂ŋag₃ Pe₄:

—O₁jŋia'₅₄ la₂ ca₂'ág₂ caun₂-tín₃ dsi₅ ca₂le₃jín'₃ ríng'₃, la₁ jniá'₂, o₁líg'₂ jmi₄g₄ tsá'₃ 'ag₅₄ caun₂-tín₃ dsi₃.

30 Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uě'₂ ně₃, né'₃ a₂'ó₃ jē₁ca₂tě₂ tīn₃ ráun₂‡ tē₁guí'₄ dsó₂, hora jaun₂ dé₄ dsón'₂ chéng'₅ tsá'₃ tóng'₄ ta₁'ni₅ ráun₂ a₂cuig'₂ jniá'₂.

31 Jaun₂ ca₂ŋag₃ táng₃ Pe₄:

—O₁jŋia'₅₄ la₂ ca₂dsau₃ jniog₄ co₂lě₅, o₁líg'₂ jmi₄g₄ jua'₅₄ a₂tsá'₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín'₃ rīn'₅₄ ján₃.

Ca₂chi₃lén'₂ Jesús Diú₄, caun₂ja₁chei₂ Getsemani

(Mateo 26:36-46; Lucas 22:39-46)

32 Jaun₂ ca₂dsi₃lén₂ caun₂ja₁chei₂ Getsemaní. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, tē₁lia'₂ i₁chi₁leng'₄ Diú₄.

33 Jaun₂ ca₂jŋiai₃ Pe₄, Jacobo, Juan₅₄ ně₃. Jaun₂ ca₂rě₃lióg₃ ca₂tá'₂ quián₅ o₂i₁ dsi₅ 'ŋio₅ lín₃. 34 Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'ŋio₅ lín₃ quián₅₄ o₂i₁ dsi₅, ca₂lia'₂ jmá'₃ le₃jóng₂ tē₂ně₃. Ja₁lá₃ tián'₂ 'nia'₂ jme₁jnio₂ 'nia'₂ ne'₅₄.

35 Ca₂juig'₄ bá₄ ca₂ŋó₃ guě'₄ ne₄ jui₅. Ja₁jaun₂ ca₂tóin₂ tē₂ 'uě₃, ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá'₃ dsi₃ŋi₂ uig₅ 'e₂ niog₅ dsi₃ŋi₂ hora jaun₂. 36 Tē₃jē₄ chi₂lén'₂ Diú₄, ca₂juá'₂:

—Abba, Š Tia₅₄ quiáng₃, ca₂le₃jě₃ bá₄ lé₂ le₃jmó'₂ 'ne₂. Lio₄ jniá'₂ 'e₂ a₂dsi₃ŋig₂ ně₃. La₁ tsá'₃ jui₁le₅₄ con'₂ 'nio₃ jniá'₂; jui₁le₅₄ bá₄ a₂'ŋio₂ 'au'₂ 'ne₂.

37 Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güin₃ bá₄ 'éi₂ tián'₅ ně₃. Jaun₂ ca₂tě'₃ Pe₄, ca₂juá'₂:

—¿Rě₁güin'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ guě'₄ ne'₅₄? 38 Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá'₃ tsi₃sén'₂ 'nia'₂ dso₄. Dsón'₂ bá₄ 'ŋio₂ dsi₅ jme₂dsí₂ quián'₂ 'nia'₂, la₁ ni₁ŋi'₁ guion'₅₄ bá₄ 'nia'₂ 'uan₅₄.

39 Jaun₂ ŋó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃. 40 Jaun₂ guáin'₃ táng₃ ja₁tián'₄ chi'₂ dsi₂guia₃-tín₂,

† 14:27 Zacarías 13:7. ‡ 14:30 A₂lín₅₄ chog₅₄ si₂ tsá'₃ chi₁ton₅ “jē₁ca₂tě₂ tīn₃ ráun₂.”

§ 14:36 Abba: co₂'nió'₄ le₃jua'₅₄: “Tia₅₄” quián'₅₄ jág₁ jmei₅ arameo.

la₁ le₁güín₃ bá₄ táng₃ 'éi₂ tiáin'₅, ia₁ a₂ñí₄ lë₃ 'ñio₅ lín₃ ma₂i₁güín₃.
Jaun₂ tsá₃ 'e₂ ñi₅ ñag₃. ⁴¹ Jaun₂ jme₁dsiáin'₃ táng₃ ja₁tián'₄ 'éi₂
jë₁ca₂të₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Co₂në₅ bá₄
ně₃. Ca₂të₂ bá₄ hora ně₃. Ní₂ 'nia'₂. Ma₂rë₂jín'₅₄ bá₄ Jaun₅ dsa₂
mi₂güíng'₃ O₄gú₃ dsa₂ i₂le₁cán'₄ dso₄. ⁴² Nau₂ 'nia'₂ ně₃, ma₃, ia₁ ně₅
ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³ Dsi₂jui₅ të₃jë₄ dsia₂₃ jág₁ jaun₂, ca₂dsióg₃ Judas, i₂lín₅ jan₂
dsa₂ i₂guia₃-tín₂. Juin₅ lín₃ dsa₂ i₂ja₂lén₂ quiong'₅₄ qui₂le₁quian₅
ñi₁tág₂, i₂le₁quian₅ ni₁'ma₂ ně₃, i₂chen₄ quián₅ juig'₅₄ jme₂dsa₂,
quian'₅₄ të₅juá'₅, ca₂le₃jín₃ guë₄ dsi₂gui'₅₄ can'₅₄ ně₃. ⁴⁴ Jaun₂
Judas ně₃, ia₁ ma₂ca₂jmo₃ bá₄ jág₁ le₂ñiá'₅ 'e₂ léi₄ jmo₃ jë₁ma₂të₂
rë₂jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄
'nia'₂, jaun₂ të₅₄ 'nia'₂, lë₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús,
jaun₂ ca₂juá'₂:

—i₂Të₅! —Jaun₂ ca₂chen'₃ quió'₅. ⁴⁶ Jaun₂ dsi₂jui₅ le₂jaun₂
ca₂jñau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂
rë₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸ Jaun₂ ca₂juá'₂
Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃,
a₂të'₅₄ jniá'₂? ⁴⁹ Jua'₂ ca₂le₃jë₃ jmig₄ bá₄ 'eng₅₄ jin'₄ 'nia'₂, jme₂tíng₁
dsa₂ i₁dsi₅ guá'₅, tsá₃ ma₂ca₂chong'₂ guë'₂ 'nia'₂ ja₁jaun₂. La₁ lë₂
le₂në₅, ia₁jaun₂ le₃ti₃ con'₂ lë₅ juá'₂ ne₄ Si₂.

⁵⁰ Jaun₂ qui₂ca₂cuíng₃ bá₄ ca₂le₃jín₃ chi'₂ dsi₂guia₃-tín₂,
ca₂téin₂ bá₄ Jesús.

Dsó₂ i₂ca₂cuíng₃ të₃rë₂ñí₅

⁵¹ Të₃jë₄ jaun₂, ñó₃ jan₂ dsó₂ rë₂bóin'₅ caun₂ tsi₁'mi'₂ tióg₃,
'ein₂₃ Jesús. ⁵² Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃
tsi₁'mi'₂ bá₄ ca₂lí'₃ dsa₂. Jaun₂ ñái'₃ bá₄ të₃ rë₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

*(Mateo 26:57-68; Lucas 22:54-55, 63—71; Juan 18:12-14,
19—24)*

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂
ca₂ñí'₂ ca₂le₃jín₃ juig'₅₄ jme₂dsa₂, quian'₅₄ dsi₂gui'₅₄ can'₅₄,
të₅juá'₅ ně₃. ⁵⁴ Pe₄ ně₃ ca₂ñó₃ uíng₂ të₂quín₃ 'ein₂₃ Jesús ca₂të₂
i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅ si₂ quian'₅₄
'lióg₂, ca₂jme₃dsioin'₂.

55 Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guē'₂ jui₅ 'e₂ dso₄ jme₃cáu'₂,⁵⁶ ia₁ juin₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús, la₁ tsá₃ tē₃tsi'₅₄ guē'₂ jág₁ quió'₅ tióin'₅₄.⁵⁷ Jaun₂ i₂lin₅₄ ně₃ qui₂ca₂nau₂ ca₂jmo₃ jág₁ tē₂jág₁ a₂'ni₂₃ Jesús, ca₂juá'₂:

58 —Ma₂néi₁ jnia'₅₄ juá'₂ i₂nē₅: “A₂éng₄ guá'₅ templo a₂ca₂jmo₃ dsa₂ mi₂güig₃, jaun₂ quian'₅₄ 'ni₅ jmig₄ jmóg'₄ táng₃ 'ñjó₃ caun₂ guá'₅ siá'₂, on₃jua'₅₄ lia'₂ lě₅ guá'₅ ně₅ a₂ca₂jmo₃ dsa₂ mi₂güig₃.”

59 On₃ guē'₂ quian'₅₄ jág₁ jaun₂ ca₂lí'₃ jág₁ rē₂.

60 Jaun₂ ca₂nau₂ jme₂dsa₂ dsen₅₄ tē₃jē₄ tióin'₅₄ jaun₂, jaun₂ ca₂ñii'₃ Jesús ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

61 La₁ tei₄ bá₄ ca₂nau₂ Jesús, tsá₃ ma'₃e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē₂'ín₁, Ja₁ñi'₅₄ I₂ñjió₅?

62 Jaun₂ guē'₄ ca₂ñag₃ Jesús:

—Ján₅, jniá'₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tē₂ rē₁guá'₃ Jaun₅ dsa₂ mi₂güig₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tē₂ rē₁ñjió'₂ táng₃ jē₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, * jaun₂ ca₂juá'₂:

—¿'E₂ guē'₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guē'₄ dsa₂ sián'₂ jág₁ dsau₅?⁶⁴ Ma₂nē₂nei'₂ bá₄ 'nia'₂ guiong'₅₄ a₂ma₂nē₂juá'₂ i₂nē₅ 'in₂₃ Diú₄. ¿'A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tióin'₅₄, ca₂tíin₂ jóin₂ bá₄.

65 Jaun₂ ca₂jme₃lióg₃ i₂lin₅₄ qui₂ca₂'ñé₃ quió'₅ Jesús, qui₂ca₂lio₃ dsa₂ dsi₂ne₅₄, jaun₂ qui₂ca₂jno₂ ně₃ tióin'₅₄, jaun₂ juá'₂:

—iDsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuē₃ ja'₂ tióin'₅₄.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁dsi₅ ca₁'né₄ 'uē₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄,⁶⁷ jaun₂ ca₂jíin₂ Pe₄ guá'₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guē'₂ jme₁quian'₄ 'ne₂ Jesús Nazareno ó₃?

68 La₁ tsá₃ ca₂tion₃ Pe₄.

—Tsá₃ guion₅₄, on₃ guē'₄ ñíg'₂ 'e₂ a₂juá'₂ 'ne₂.

* 14:63 Jme₁chi'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

Jaun₂ ca₂nau₂ Pe₄ ca₂o₃'iín₃ ca₂i₁nau₂ tē₂le₃ ca₁'né₄ ja₁lě₄
 corredor. Tē₃jě₄ jaun₂ ca₂'o₃ tē₁guí₄ dsó₂. ⁶⁹ Con'₂ siá'₂ ca₂jág₃
 táng₃ 'io₅₄ ca₂jíin₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rín'₅₄ 'éi₂ bá₄ nē₅.

⁷⁰ La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂,
 dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rín'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

⁷¹ Jaun₂ nē₃, Pe₄ ca₂'iín₃ Diú₄ ca₂mi₃ a₂dsi₃ñí₂ 'e₂ dsi₃ñí₂,
 ca₂juá'₂:

—i₂tsá₃ cuíng₅ dsa₂ i₂'ín'₅ 'nia'₂!

⁷² Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tě₂ tin₃ ráun₂.
 Jaun₂ guě₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃
 a₂'o₃ jě₁ca₂tě₂ tin₃ ráun₂ tē₁guí₄ dsó₂, hora jaun₂ dé₄ dsón'₂
 chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá₂.” Jme₁ca₂dsáu'₃ dsí₅
 jág₁ nē₅, jaun₂ guě₄ ca₂'o₃ 'ñio₅ lin₃.

15

Chén'₅ Jesús ne₄ Pilato

(Mateo 27:1-2, 11–14; Lucas 23:1-5; Juan 18:28-38)

¹ Dsi₂jui₅ jme₁nia₃ táng₃ jaun₂, ca₂ñi'₂ jui_g₅₄ jme₂dsa₂ quian'₅₄
 dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅
 dsi₂tan₅₄ quián₅ guá'₅ nē₃. Qui₂ca₂ñi'₃ riin'₅₄ ca₂jmo₃ caun₂ jág₁.
 Ca₂'néi'₂ Jesús tioen'₅₄, jaun₂ ca₂i₁jio_g₃ ne₄ Pilato. ² Jaun₂ ca₂ñag₃
 Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

³ Jaun₂ caun₂ qui₂ca₂'nag₃ guě₄ jui_g₅₄ jme₂dsa₂ 'lióng₂ ne₅₄
 dso₄ ca₂bóin'₂ Jesús. ⁴ Jaun₂ con'₂ siá'₂ táng₃ ca₂ñag₃ Pilato
 ca₂ñi'₃ Jesús, ca₂juá'₂:

—¿Tsa₁ a₂ñag'₅₄? Nē₅ bá₄ nag'₂ 'ñiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma₃'e₂ ca₂ñag₃ Jesús 'i₁caun₂. Jaun₂ jě₃ ca₂i₃gó'₃ dsí₅
 Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmí_g₄ jaun₂ jme₁chí'₄ tag₄ a₂lióin₂ ca₂le₃jě₃ ñi₂jan₂ dsa₂ i₂'en₅₄
 né'₃ 'má₃, jme₁tě₅ Jmí_g₄ Tě₂'in₅₄, 'ein₂ ca₂'in₃ dsa₂ jui_g₂ i₂lión₂.

⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄
 dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸ Jaun₂ ca₂mi₃
 dsa₂ jui_g₂ ca₂tsí'₃ Pilato a₂jmo₃ con'₂ lě₅ tag₄ chí'₅. ⁹ Jaun₂ ca₂ñag₃
 Pilato ca₂tsí'₃ dsa₂ jui_g₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

10 Ia₁ ca₂rë₃lí₄ bá₄ Pilato 'ñiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín₂' Jesús ne₅₄. 11 La₁ juig₅₄ jme₂dsa₂ ně₃ ca₂toin₂' jág₁ dsa₂, jaun₂ tóin₃' co₂mi₅₄ a₂mi₃ líón₂ Barrabás bá₄. 12 Jaun₂ ca₂ñag₃ táng₃ Pilato ca₂tsí₃' dsa₂ juig₂:

—¿'E₂ guë₂' 'niog₂' 'nia₂' jmo₅₄ jniá₂ quian₅₄ i₂të₂' 'nia₂' rag₅₄ quiáng₂'?

13 Jaun₂ ca₂ñag₃ dsa₂ juig₂ co₂mi₅₄ tóin₅₄', ca₂juá₂'₂:

—¡Tióin₃ cróg₄!

14 Jaun₂ ca₂juá₂' táng₃ Pilato:

—¿'E₂ 'uig₅₄? ¿'E₂ guë₂' dso₄ ma₂'náu₂'?

La₁ të₂le₃ i₂juí₂' guë₄ co₂mi₅₄ ca₂tóin₂', ca₂juá₂'₂:

—¡Tióin₃ cróg₄!

15 La₁ Pilato ně₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ líón₂. Jme₁ma₂në₂dsí₃ Pilato 'éi₃' a₂bán₂ dsa₂ Jesús, jaun₂ ca₂jáng₂' o₄gú₃ dsa₂ juig₂ jaun₂ tion₃ cróg₄.

16 Jaun₂ ca₂tág₃ 'lióg₂ Jesús të₂le₃ i₁dsi₅ ne₄ta₁, (co₂'nió₄' caun₂ ja₁chei₂ Praetorio), jaun₂ ca₂ñí₂' 'lióg₂ ca₂le₃jín₃ riin₅₄'.

17 Jaun₂ ca₂quei₃' dsa₂ caun₂ capa 'ui₃', * jaun₂ ca₂jmo₃ caun₂ corona quian₅₄ chi₁uín₃ taun₅, ca₂tó₂' mi₂dsi₄ Jesús. 18 Jaun₂ ca₂jme₃lióg₃ qui₂ca₂cuag₃ Diú₄ tóin₅₄', ca₂juá₂'₂:

—¡Sian₃' 'ne₂ Rag₅₄ quián₅ dsa₂ judíos!

19 Jaun₂ qui₂ca₂bá₂ mi₂dsi₄ Jesús quian₅₄ ni₁'ma₂ ta₅, qui₂ca₂'ñéi₂ ně₃ tóin₅₄', qui₂ca₂chi₃jné₃ ně₃, a₂jme₂juag₂'.

20 Jme₁ca₂lë₃ a₂lë₁co₂j móg₂' jaun₂, ca₂dsein₂₃ táng₃ Jesús tsi₁'mi₂' 'ui₃' a₂jme₁ca₂quei₃'. Jaun₂ ca₂quei₃' táng₃ ni₁tsin₅₄' a₂jme₁qui₂'.

Jaun₂ guë₄ ca₂jñiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

21 Jaun₂ ca₂chi₃quián₂ jmig₄ jan₂ dsa₂ i₂'en₅₄ juí₅ jón₅' ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian₅₄ Rufo, a₂cán₂ 'éi₂ cróg₄ quió₅' Jesús.

22 Jaun₂ ca₂jñia₃ dsa₂ Jesús caun₂ ja₁chei₂ Gólgota, (co₂'nió₄' jein₅ jág₁ chei₂ Dsi₂con₂' Ni₁mu₅ Mi₂dsi₄' Lag₄.) 23 Jaun₂ ca₂jén₃' ne₄ Jesús vino a₂rë₂cón₅' quian₅₄ mirra, la₁ tsá₃ ca₂gue₃ 'éi₂.

24 Jaun₂ guë₄ ca₂tion₃ cróg₄. Dsi₂'lióg₂ guë₂' ně₃ ca₂jmo₃ dsióg₁ tsin₅₄' Jesús, ca₂co₃ o₁ne₄' ein₂ lí₂'.

25 Con₂' hora ñí₁ ñi₃ të₂ o₃'iog₂,† ca₂tion₃ dsa₂ cróg₄. 26 Jaun₂ ca₂tióng₃ letra dsi₄ cróg₄ co₂'nió₄' a₂juá₂' 'e₂ dso₄ a₂bóin₂' Jesús, a₂juá₂'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tion₃ guë₄

* 15:17 Color 'ui₃' juí₁liá₂' mi₂' a₂qui₅₄' rag₅₄. † 15:25 lit. “hora 'ni₅.”

on₃ dsa₂ 'ang₂ co₂lë₅ quiong'⁵⁴, jan₂ tē₂le₃ gu₂ ne₁, jan₂ guē'₂ tē₂le₃ gu₂ jen₅,[‡]

²⁹ Jaun₂ ca₂le₃jín₃ dsa₂ i₂qui₂ca₂ŋ₃jui₅ jaun₂ qui₂ca₂jnaú'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ¿on₁ 'ne₂ i₂juá'₂ a₂'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄?³⁰ Nē₃ nē₃, lion₄ 'ŋiag'₂, ja₁tong'₂ nē₅.

³¹ Ján₃ bá₄ le₂jaun₂ a₂lë₁qui₂co₂jmóg'₂ juig₅₄ jme₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lión₂ bá₄ i₂sián'₂, la₁ 'ŋiog₅ bá₄ tsá₃ lé₂ le₃lióin₃.

³² Jui₁sión₄ cróg₄ I₂rē₂'ín₁ quián₅ Diú₄ nē₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jón₃ Jesús

(Mateo 27:45-56; Lucas 23:44-49; Juan 19:28-30)

³³ Jme₁ca₂tē₂ dsi₃ŋí'₃,[§] ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora ŋí₁ 'ni₅ tē₂le₃ ca₂'láu₂.^{*} ³⁴ Hora jaun₂, ca₂'ŋia₂ guē₄ Jesús jág₁, ca₂juá'₂ tiá₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lë₃ ma₂nē₂téi'₃ jniá₂?[†]

³⁵ I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—i₂Nei₂! Elías i₂jme₁'ē₂ jág₁ quián₅ Diú₄ ma₂líg'₂ tē'₂.

³⁶ Jaun₂ nē₃ ŋó₃ jan₂ co₂chi'₅₄ i₁quian₅₄ caun₂ ni₁jaun₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

³⁷ Cón₂' bá₄ ca₂'ŋióg₂ guē₄ Jesús tiá₂ lín₃, co₂tan₅₄ ca₂join₃.

³⁸ Hora jaun₂ dé₄ dsón₂' co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lë₃ tin₃ tsín₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo.

³⁹ Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jón₃ Jesús, jaun₂ ca₂juá'₂:

—Tē₃dsón₂' bá₄ jme₁lín₄ dsa₂ nē₅ Ja₁ŋi'₅₄ Diú₄.

⁴⁰ Jaun₂ bá₄ jme₁tión₂ i₂lín₅₄ 'io₅₄, jág₅ uíng₂ ján₃. Jē₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo[‡] i₂lín₅ i₂me'₂ guē₄, quian'₅₄ guē₄ jan₂ i₂chen₂ Salomé. ⁴¹ 'Io₅₄ 'éi₂ ma₂ja₂lén₂ le₂tan₅₄ 'uē₃ Galilea jme₂ti₃ ne₄ Jesús. Juin₅ bá₄ guē₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

[‡] 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rë₃ti₃ con₂ lë₃ juá'₂ Si₂ quió'₅ Diú₄: ‘A₂jmá'₂ dsa₂ 'éi₂ jui₁lia'₂ jë₁jmái'₂ dsa₂ i₂rin₂ dso₄’.”

Isaías 53:12. [§] 15:33 lit. “hora jŋéi₂.” ^{*} 15:33 lit. “hora ŋi₃.” [†] 15:34

Salmo 22:1. [‡] 15:40 o₃, Santiago.

*Ca'on₃ Jesús**(Mateo 27:57-61; Lucas 23:50-56; Juan 19:38-42)*

⁴² Jme₁ca₂tó'₂ nei₂ jmi_g₄ jaun₂, tion'₅₄ dsa₂ jmo₂₃ co₂jñia₅₄ ju_ilia'₂ 'ióg₃ jmi_g₄ jñi_o₅. ⁴³ Jaun₂ ca₂dsi_o_g₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁jñia₂₃ a₂'ín₂ dsí₅ a₂guá'₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ ně₃, ñó₃ ja₁con₂ Pilato, ca₂i₁mí₁₂ 'lag₄ Jesús. ⁴⁴ Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tě'₃ juig₅₄ 'lióg₂ ca₂ñag₃ chi₂jua'₂ dsón'₂ ma₂join₂₃. ⁴⁵ Jme₁ca₂rě₃ñi₅ ca₂juá'₂ 'lióg₂, “Dsón'₂ bá₄ le₂jaun₂ ma₂ca₂lě₃”, jaun₂ ca₂jñin'₂ 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂si_o₂ cróg₄. Jaun₂ ca₂to'₂ 'ñi_o₃ tau₂ 'ñi_o₅ a₂jme₁ma₂lě₅ dso'₂ ni₁'lau₂. Jaun₂ ca₂mói₂ ca₂mí_g₂ ni₁cang₁ 'i₂ pa₁, ca₂jne₃ 'o₄ tau₂ 'ñi_o₅. ⁴⁷ Jaun₂ María i₂chan₂ Magdala quian'₅₄ María chog₅₄ José, ca₂tě'₂ ne₅₄ ja₁ca₂'on₃ Jesús.

16*Ca₂jen'₅₄ Jesús**(Mateo 28:1-10; Lucas 24:1-12; Juan 20:1-10)*

¹ Le₃ca₂gú'₃ jmi_g₄ jñi_o₅, jaun₂ María i₂chan₂ Magdala quian'₅₄ María chog₅₄ Jacobo,* quian'₅₄ guě₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús. ² Jaun₂ le₁né₃ guě₄ jme₁jñia₃ jmi_g₄ le₂'uig₅₄ semana, ca₂i₃lěin₂ ja₁chi₁'on₅ Jesús, ca₂dsi₃lěin₂ con'₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿'Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jñi₅ 'o₄ tau₂ 'ñi_o₅?

⁴ La₁ jme₁ca₂jág₃ ně₃, jua'₂ ma₂rě₂mu₅, cau₅ bá₄ ma₂chí'₅. Ia₁ a₂jme₁pa₁ lín₃ bá₄ ni₁cang₁. ⁵ Jaun₂ ca₂i₃toin'₅₄ 'ñi_o₃, jaun₂ ca₂jñin₂ jan₂ dsa₂ chi'₂ i₂qui'₂ 'mi'₂ chen'₅₄ tiog₂, guá₅ tě₂le₃ gu₂ ne₁ ja₁i₃lěin₂ jaun₂. Jaun₂ ca₂i₃gó'₃ dsí₅ 'io₅₄ ně₃. ⁶ La₁ ca₂juá'₂ dsa₂ 'éi₂:

—Tsá₃ ju_idsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂nio_g₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia'₂ ja₁ca₂quio₅ dsa₂. ⁷ Jaun₂ o₂nó'₅ 'nia'₂ o₂chei'₅₄ chi'₂ dsí₂guia₃-tín₂ quián₅, Pe₄ ně₃, a₂ma₂'ein₅₄ ju_iñ₅ ñó₅ jñiá₅ lia'₂ con'₂ guě₄ 'nia'₂ ju_i Galilea. Ja₁jaun₂ o₁jñin'₄ 'nia'₂ con'₂ lě₅ jág₁ quió'₅ ma₂ca₂juá'₂.

⁸ Jaun₂ ca₂'u_iin₂ tau₂ 'ñi_o₅ i₃lein₃ cuing₂₃, dsí₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ ju_i, ia₁ a₂gó'₅ bá₄ i₃lein₃.

* 16:1 o₃, Santiago.

Ca₂jme₃jnia₅ Jesús ne₄ dsa₂ quiáin₅.†
(Juan 20:11-18)

⁹ Jaun₂ tē₂le₃ o₂'iog₂ jmig₄ le₂'uig₅₄ a₂ca₂rē₃lióg₃ semana a₂ca₂jein'₅₄ jaun₂, ca₂jme₃jniai'₂₃ le₂'uig₅₄ ne₄ María chan₂ Magdala, i₂ca₂'uín'₂ Jesús guion₃ je₂'na'₅₄ quió'₅ le₂jñiá₅. ¹⁰ Jaun₂ 'éi₂ nē₃ ca₂i₁'chi'₄ dsa₂ i₂jme₁quian'₅₄ Jesús. 'Éi₂ nē₃, tioin'₅₄ 'lia'₂ dsí₅, qui'₂'o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂nē₂jág₂ 'io₅₄, la₁ tsá₃ 'ein₂ ca₂rē₃'én₂ guē'₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅
(Lucas 24:13-35)

¹² Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂hioi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁'chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rē₃'én₂ jág₁ a₂dsia₅ 'éi₂.

Ca₂chen₃ Jesús chi'₂ dsi₂guia₃-tín₂ i₂lě₂ guě₄
(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃jnia₅ Jesús jin₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ ñí₄ lě₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güig₃, o₂'ě₃ jin₄ ca₂le₃jin₃ dsa₂ jág₁ dse₃. ¹⁶ I₂'én₂, i₂jñó₂ jmig₂ nē₃, lióin₂, tíin'₄ bá₄. I₂tsá₃ 'én₂ nē₃, le₃chain₂ tioin'₅₄ 'éi'₃ a₂dsi₃'éin₂. ¹⁷ Jaun₂ léi₄ la₂ jme₃quian'₅₄ dsa₂ 'én₂. Tē₂le₃ quian'₅₄ bí₂ 'éi'₃ quió₃ jniá₂, 'uín'₂ je₂'na'₅₄, ton'₂ dsia₃ dsa₂ jág₁ jmei₅ 'mí₂ nē₃. ¹⁸ Nē₁juá'₂ 'ein₂ ca₂jña'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂úig₂ Jesús guei'₅₄ i₂juig₃
(Lucas 24:50-53; Hechos 1:6-11)

¹⁹ Jme₁ma₂lě₅ juá₂ Te₁gui'₅₄ Jesús le₂nē₅, jaun₂ guě₄ ca₂roin'₂ ñái'₃ guei'₅₄ i₂juig₃, jaun₂ ca₂guá₂ tē₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quian'₅₄ nē₃, ca₂'uín₂ i₁lein₅₄ ca₂le₂con₂ juig₂ i₁'ě₄ jág₁. Jaun₂ 'ñiog₅ bá₄ Te₁gui'₅₄ Jesús ca₂cuě₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tē₂le₃ quian'₅₄ ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

Co₂nē₅.

† 16:8 Chog₅₄ si₂ a₂lě₅ gui'₅₄ guě₄ tsá₃ le₁ton₅ versículos 9-20.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jë₃ jág₁ 'a₂ lia'₂ dsón'₂ niog₅ ca₂lë₃ jë₄ quián₂ jnia'₅₄,
² lia'₂ con'₂ lë₅ ca₂jme₃tag₅ dsa₂ i₂ca₂të₂ ne₄ lia'₂ con'₂ le₂'uig₅₄
jme₁ca₂rë₃lióg₃, ton'₂ ca₂jme₃'o₅₄ ca₂'ë₂ jág₁ dse₃. ³ Ján₃
bá₄ le₂jaun₂, jniá₂ në₃ ma₂cáun₃ 'í₁ dse₃ lin₃ 'a₂ lia'₂ ma₂já₅
jë₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jë₃ lia'₂
con'₂ lë₅, a₂tsíng₂ ne'₅₄ 'ne₂, gui'₅₄ Teófilo,* ⁴ ia₁jaun₂ ñi'₅₄ dse₃
a₂dsón'₂ tí₅ jág₁ a₂ma₂ca₂rë₃tíng'₃.

'Ë₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uë₃ Judea,
jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄
le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅
jme₂dsa₂ 'éi₂ në₃ jme₁chen₂ Elisabet, i₂jme₁lín₄ tsi₁jon₂ quián₅
jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄,
jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ në₃, tsá₃ 'ein₂
qui₁le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃
i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂.
Jme₁ma₂cain₅₄ ma₂guein'₂ 'ñio₅ lin₃ jain₂ jain₂.

⁸ Co₂ráun₂, ca₂lë₃ jme₁ca₂të₂ jmig₄ a₂tin₅₄ jme₂dsa₂ i₂quian'₅₄
Zacarías a₂jme₃ti₃ ta₁ a₂tióin₂ ne₄ Diú₄, ⁹ a₂jmo₃ lia'₂ con'₂ lë₅
tag₄ chí'₅ quió'₅ jme₂dsa₂. Të₃jë₄ jmig₄ jaun₂, ca₂o₃ág₃ jág₁
ca₂tín₂ Zacarías, a₂'í₂ dsi₂néi₂ ja₁ñi₃ quió'₅ Te₁gui'₅₄ a₂dsí'₂
chen₂. ¹⁰ Të₁lia'₂ 'ein₅₄ dsí'₂ chen₂ ne₄chei₂ në₃, dsa₂ juig₂ guë'₂
le₃ca₁'né₄ bá₄ le₁ñi'₂ chi₂lén'₂ Diú₄.

¹¹ Të₃jë₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄
Zacarías të₂le₃ gu₂ ne₁ ja₁lë₄ ne₄chei₂. ¹² Jme₁ca₂jág₂ Zacarías,
ca₂ja₃gó'₃ dsí'₅ 'ñio₅ lin₃, ca₂lia'₂ tsá₃ a₂ñi₅ jmo₃ ca₂jén'₃. ¹³ La₁
ca₂juá'₂ ángel:

—Zacarías, tsá₃ lë₁jmo₂ gang'₃, ia₁ ma₂nág₂ Diú₄ jág₁ quiáng'₂
a₂chi₁lein'₅₄, jaun₂ le₃chan₂ jan₂ guein₂ dsa₂ ñe'₂ quián₅ Elis-
abet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂
'io'₂ le₃chang'₂, o₂'ñi₃ o₂ñia₃ 'au'₂ në₃, ján₃ bá₄ juin₅ i₂të₃ dsí'₅
jë₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃
vino 'ín'₂, on₃ guë'₂ ti₁jmíg₃ në₃; Jme₂dsí₂ Jñi₃ bá₄ ma₂rë₂rin₅
të₂dsí'₅ né'₃ a₂le₃chain₂. ¹⁶ Co₃jén'₂ juin₅ lin₃ dsa₂ juig₂ Israel

* 1:3 o₃, "ne₂ i₂'nióg'₃ Diú₄."

le₃quió'₅ Te₁gui'₅₄ Diú₄ quiáin₅.¹⁷ 'Éi₂ i₂já₅ ne₄ jui₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ jui₅bí₂ jui₁lia'₂ a₂jme₁'io₅ Elías, a₂jme₃dsiain₁₂ mi'₅₄ ja₁con₂ dsa₂, quian'₅₄ chi'₂-guein₂ quiáin₅, a₂co₃jéin'₂ jui₁lia'₂ i₂tsá₃ ne'₅₄, jme₃tag₂₃ le₃tin₂ le₃ñí'₂ a₂dse₃. Le₂ně₅ jmo₃ co₂ñia₅₄ dsa₂ ia₁jaun₂ guein₃ Te₁gui'₅₄.

18 Jaun₂ ca₂ñag₃ Zacarías ca₂ñí'₃ ángel:

—'A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁juin₅₄ ñi₂ ján₃.

19 Jaun₂ ca₂ñag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄.²⁰ La₁ tē₂ně₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lě₃, le₂ně₅, 'uig₅₄ ia₁ a₂tsá₃ 'éng'₂ jág₁ quió'₃ a₂le₃tí₃ jě₁ma₂dsin₃ jmig₄ jaun₂.

²¹ Dsa₂ juig₂ ně₃, le₁ñia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rě₃'in₄ 'éi₂.²² Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rě₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂ñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.

²³ Jme₁ca₂dsin₃ jmig₄ a₂jme₃tí₃ ta₁ jaun₂, jaun₂ ñái'₃ bá₄ ja₁quió'₄.²⁴ Cang₂ jaun₂ ně₃, ca₂can₃ Elisabet dsa₂ mí₂ quiáin₅ guein₂. Tē₁lia'₂ jaun₂, tei₄ bá₄ ca₂l'í₃ dsi₂néi₂ quió'₅ con'₂ 'ñiá₂ tsi'₂. 'Ein₅₄ qui₂dsi₂ñia₅ dsí₅, lín₂.²⁵ "Co₂ně₅ ca₂rě₃'ñi₃ó₃ dsí₅ Te₁gui'₅₄ a₂lín₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄."

'Ē₂ jág₁ jan₂ ángel quián₅ Diú₄ a₂le₃chan₂ Jesús

²⁶ Jñéi₂ tsi'₂ ma₂ne₁ñó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret,²⁷ a₂ca₂l₁jme₁jñiai₂₃ ne₄ jan₂ dsa₂ mi₄ i₂jme₁ma₂lí'₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María.²⁸ Jaun₂ ně₃, ca₂l'í₃ ángel dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě'₄ dsen'₃ 'ne₂, ia₁ quiong'₅₄ Te₁gui'₅₄!†

²⁹ La₁ jme₁ca₂nág₂ María jág₁ ně₅, 'ñio₅ lín₃ ca₂l'í₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂.³⁰ Jaun₂ ca₂juá'₂ táng₃ ángel:

—Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂.³¹ Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiain'₅₄ JESÚS.³² 'Ñio₅ juin'₂ lén₂; quiong₃ dsa₂ a₂lín₅ Ja₁ñi'₅₄ Diú₄ i₂guá₅ guei'₅₄ lín₃. Te₁gui'₅₄ Diú₄ ně₃, dsiog₃ ne₄ta₁ quió'₅ David jme₂gui'₂.³³ Jaun₂ jme₃góin₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

† 1:28 A₂lín₅₄ chog₅₄ si₂ juá'₂ ján₃: "Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₂ ca₂le₃jín₃ dsa₂ mí₂."

34 Jaun₂ ca₂ŋag₃ María ca₂ŋí₃ ángel:

—¿'A₂ bá₄ lia'₂ lé₂ a₂ně₅? Ia₁ tsá₃ dsa₂ ŋe'₂ cuíng₅.

35 Jaun₂ ca₂ŋag₃ ángel:

—Jme₂dsí₂ ŋjió₅ bá₄ jmo₃ a₂lé₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá₅ guei'₅₄ bá₄ lio₃ 'én'₁ quió'₅. Jaun₂ lě₃, guein₂ ŋjió₅ i₂le₃chan₂ 'éi₂, quiong₃ dsa₂ Ja₁ŋi'₅₄ Diú₄.[‡] 36 Ján₃ bá₄ le₂ně₅ Elisabet ríng'₂, o₁ŋjia'₅₄ ma₂guein'₂, ma₂tě₂ ŋjéi₂ tsi'₂ a₂quiain₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂. 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ŋí₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá'₂; jui₁le₅₄ ja₁cong₂ con'₂ lě₅ jág₁ quiáng'₂.

Jaun₂ ca₂ŋá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ŋó₃ María tě₂le₃ dséi₂ jui₅ juig₂ niog₅ má'₂ ja₁tén₄ Judea. 40 Jaun₂ jme₁ca₂dsióg₃, ca₂'í₃ dsi₂néi₂ quió'₅ Zacarías, ca₂cuiin₃ Diú₄ Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tě₂dsí₅, jaun₂ ca₂rě₃cain'₂ Jme₂dsí₂ ŋjió₅. 42 Jaun₂ ca₂'í₃ co₂mi'₅₄, juá'₂:

—i'₂ guě₄ 'ŋio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ m'í₂ sián'₂, le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá'₂, já₅ chog₅₄ Te₁gui'₅₄ quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tě₂dsi₃. 45 i'₂ guě₄ dsen'₃ 'ne₂ a₂ca₂rě₃ 'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ Maria ně₃, ca₂juá'₂:

Jme₂juin'₂ tě₂dsi₃ Te₁gui'₅₄.

47 Jme₂dsí₂ quió'₃ ně₃, 'io'₂ jén'₅

le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jéin'₃ ne₅₄ ja₁con₂ jniá'₂

dsi₂ŋég₂ i₂jme₂ti₃ quián₅.

Jaun₂ ně₃, le₂tan₅₄ le₃ne₄ jui₅ ja₁ŋó₄,

tě₂ dsa₂ líng₅ i₂rě₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄,

ia₁ ca₂jmo₃ caun₂ a₂juě'₂ ja₁cong₂;

i'₂ guě₄ ŋjió₅ a₂chein₂!

50 Co₂tan₅₄ bá₄ ŋéi₂ dsí₅

le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bėn₂, ca₂jmo₃ caun₂ a₂juě'₂

a₂tsá₃ 'ein₂ qui'₅₄ jmig₄.

Ia₁ co₂ŋei'₅₄ ca₂guiain'₃ 'uě₃

dsa₂ i₂con'₂ ŋí'₂ dsí₅ guion₅₄ jmo₂₃ táin'₅.

‡ 1:35 o₃, "Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ ŋjió₅."

52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.

I₂ñí₄ jme₁chan₂ dse₃ guë'₂,
ca₂'uág'₂ ca₂chei'₃ líin₃.

54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅,
ca₂dsia₃ ñéi₂ dsí₅ ca₂dsáu'₃ dsí₅

55 con'₂ lě₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsí₁jon₂ quiáin₅ co₂tan₅₄.

56 Con'₂ 'ni₅ tsí'₂ ca₂dsin₃ ca₂'l₃ María ja₁quió'₄ Elisabet. Cang₂
jaun₂ ñái'₃ táng₃ ja₁quió'₄.

Ca₂rě₃chán₃ Juan₅₄ i₂chon₅ dsa₂ jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂ quián₅ Elisabet, jaun₂ ca₂rě₃chán₃ jan₂ guein₂ dsa₂ ñe'₂ quiáin₅. 58 Jaun₂ ca₂rě₃ñi₅ o₁ríin'₅₄, quian'₅₄ dsa₂ i₂tián'₅ cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lě₃ ně₃, jme₁ca₂tě₂ ñhia₃ jmig₄, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃ quiong₃ Zacarías lia'₂ chen₂ jmei₂.

60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ñag₃ táng₃ dsa₂:

—'I₁jan₂ o₁ríng'₂ tsá₃ i₂chen₂ le₂ně₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂ guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄ choin₂.” Jaun₂ ca₂l₃gó'₃ dsí₅ ca₂le₃jín₃ tioin'₅₄. 64 Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juin'₂ Diú₄.

65 Jaun₂ ca₂l₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uë₃ má'₂ ja₁tén₄ Judea ně₃, ca₂l₃'ag₅₄ jág₁ ca₂le₃jě₃ a₂ca₂lě₃ jaun₂.

66 Dsa₂ i₂qui₂ca₂rě₃ñi₅ a₂jaun₂ ně₃, jme₁'nio'₂ dsí₅ i₂gú'₃ jág₁ ně₅, qui₂ñí'₅ le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄ Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ně₃, rě₂cain'₂ Jme₂dsí₂ ñjió₅, qui₂ca₂'ě₃ jág₁ ca₂cuë₃ Diú₄, ca₂juá'₂:

68 Ju₁le₂juin'₂ Te₁gui'₅₄ Diú₄

quián₅ dsa₂ juig₂ Israel,

ia₁ ma₂guain₂₃ jě₄ quián₂ jniog₄

- dsa₂ juig₂ quiáin₅, ma₂ca₂lió₂.
- 69 Ma₂ca₂cuag₃ jniog₄ jan₂ i₂'uan'₂ lin₃
i₂lín₅ lia'₂ lě₅ caun₂ mi₁juí₁,
jan₂ i₂já₅ jě₄ tsi₁jon₂ David i₂ca₂jme₃ti₃ ta₁ ne₅₄,
a₂ja₂lioin₅₄ dsa₂ quiáin₅.
- 70 Le₂ně₅ jág₁ quió'₅ ca₂cuě₃ ca₃ma₂líg'₂,
ca₂juá'₂ tē₂le₃ quian'₅₄ dsa₂ i₂jme'₁ě₂ jág₁,
i₂jme₁lě₄ 'í₁ quiáin₅,
- 71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,
- 72 ja₁juá'₂ ně₃ a₂tiá'₃ nēi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ jnió₅ quió'₅ ron₅.
- 73 A₂ně₅ bá₄ jág₁ jaun₂ ca₂quiog₂
jme₁ca₂iin₃ 'njiog₅
ca₂tsí'₃ Abraham jme₂gui'₂ jniog₄:
- 74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsí₅ jme₁ti₁ ne₅₄,
- 75 ia₁jaun₂ le₂chong₂ rē₂ le₃ne₅₄, lě₅ 'í₁,
ca₂le₃jě₃ jmig₄ chong₂.
- 76 Jaun₂ tē₂le₃ ja₁con'₂ 'ne₂ guē'₂, jón₃,
tē₂ dsa₂ a₂lín'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lin₃,
ia₁ gog'₅₄ ne₄ jui₅ quió'₅ Te₁gui'₅₄
a₂jmó'₂ co₂jnia₅₄ jui₅ quió'₅.
- 77 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
'e₂ jaun₂ a₂lión₂ dsa₂,
tē₂le₃ quian'₅₄ a₂'én₂ dsáu₁.
- 78 Ia₁ nēi₂ bá₄ dsí₅ Diú₄ quián₂ jniog₄.
Jaun₂ lě₃, tē₂ guei'₅₄ i₂juíg₃ bá₄
chein₂₃ caun₂ si₂,
ně₂jag₄ bá₄ ca₂jnia₃ caun₂ jmig₄ 'mí₂
- 79 ja₁con₂ dsa₂ i₂tián'₅ jě₄ qui₁né'₃,
ja₁'ei₅ 'én'₁ 'mú₃ ně₃,
a₂jio₃ jniog₄ caun₂ jui₅ ja₁'ag₃ tei₄.
- 80 Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃
jui₅ jme₂dsí₂ ně₃; ca₂guá₂ caun₂ ja₁lě₄ 'uě₃ quein₂ co₂'njiog₅,
ca₂lia'₂ ca₂tē₂ jmig₄ a₂ca₂jme₃jniai₂₃ jin₄ dsa₂ juig₂ Israel.

2

Ca₂rě₃chán₃ Jesús
(Mateo 1:18-25)

1 Jaun₂ ca₂lë₃ në₃ jmi_g₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioin₃ ca₂le₃jín₃ dsa₂ ta₁caun₂ mi₂güig₃.
2 (Jë₂le₂'uig'₅₄ si₂ në₅ ca₂cho₃ dsa₂ lia'₂ con'₂ jme₁lín₄ Cirenio dsi₄má'₂ 'uë₃ Siria.) 3 Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄, a₂qui₂dsi₃tioin₃ si₂.

4 Jaun₂ ca₂'í₃ José jui₅ ca₂o₃'iin₃ juig₂ Nazaret ja₁tén₄ 'uë₃ Galilea, ca₂ñái'₃ jui₅ 'uë₃ Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. 5 Ca₂i₁tioin₃ si₂ ja₁jaun₂ quian'₅₄ María i₂ma₂li'₅₄ jág₁ jéin'₂ gu₂ quiaín'₅₄; ma₂quiaín₂₃ bá₄ guein₂ ñi₂₃. 6 Ca₂lë₃ në₃, con'₂ ma₂tioin'₅₄ ja₁jaun₂, ca₂dsin₃ jmi_g₄ a₂le₃chan₂ guein₂ quiaín₅. 7 Ja₁jaun₂ ca₂rë₃chán₃ guein₂ ne₅₄ 'éi₂ quiaín₅, 'ein₅₄ ca₂lio₃ 'mi'₂, ca₂quio₂₃ 'ñio'₃ tsi₁gu₅ ja₁guë'₅ já'₂, 'uig'₅₄ ia₁ a₂tsá₃ ma₃ja₁ca₂tín₂ dsi₂néi₂ ja₁siá'₂ ja₁ñia₃.

Ca₂jme₃nia₅ ángel ne₄ dsa₂ i₂jmo₅ 'í₁ já'₂ cha'₂

8 'Uë₃ jaun₂ jme₁tioin'₅₄ ñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quiaín₅, a₂'uë₂ jaun₂. 9 Ca₂jme₃nia₅ jan₂ ángel quiaín₅ Te₁gui'₅₄ ne₅₄, ca₂ñia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lín₃. 10 La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ ñia₂ guio₃, caun₂ jág₁ quió'₅ ca₂le₃jín₃ dsa₂, jiá₃ cán₂ o₂'ñio₃ dsi₅. 11 Ia₁ jmi_g₄ në₃, ca₂rë₃chan₂ o₄quiaín'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quiaín₅ Diú₄. 12 Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mi'₂, rë₂quiaín₂₃ 'ñio'₃ tsi₁gu₅ ja₁guë'₅ já'₂.

13 Dsi₂jui₅ con'₂ tsá₃ jáin₅, ca₂jín₂ juin₅ lín₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

14 [Jui₁le₂juin'₂ Diú₄ guei'₅₄ i₂juig'₃!

Ne₄ gua'₅₄ 'uë₃ në₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

15 Ca₂lë₃ në₃, jme₁ma₂i₃len₃ ángeles guei'₅₄ i₂juig'₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në₂'ë₂ Te₁gui'₅₄.

16 Ca₂i₃lén₂ jaun₂ në₃ tē₂le₃ dséi₂. Dsón'₂ rē₂ ja₁jaun₂ ca₂dsáin'₂ María quian'₅₄ José, guein₂ në₃ rē₂quiaín₂₃ 'ñio'₃ gu₅ ja₁guë'₅ já'₂. 17 Jme₁ca₂jág₂, jaun₂ guë₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'iin₂₃ guein₂, 18 jaun₂ ca₂i₃gó'₃ dsi₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quiaín₅ já'₂ cha'₂ 'éi₂. 19 La₁ María në₃, 'no'₂ bá₄ dsí₅ ca₂le₃jë₃, 'e₂ jein₅ a₂lë₂ jaun₂. 20 Dsa₂ i₂jmo₅ 'í₁ já'₂ cha'₂ në₃, ca₂i₃lein₃ bá₄ táng₃ qui₂jme₂juin'₂

Diú₄, qui₂cuë₂₃ ti₁'mag₄ o₄quió₄ ca₂le₃jě₃ a₂ca₂tě₂ ne₅₄ quian₅₄
a₂qui₂ca₂nág₂. Ia₁ ca₂le₃jě₃ bá₄ ca₂rě₃ti₃ con₂'lě₅ ca₂juá'₂ ángel.

Ca₂i₁jme₁jniai₂₃ guein₂ Jesús guá'₅

²¹ Jme₁ca₂dsin₃ jñia₃ jmig₄, ca₂ti₃ dsa₂ lo₄ guein₂, jaun₂
ca₂quiong₃ JESÚS* lia'₂ con₂'lě₅ ca₂juá'₂ ángel ca₂tsí'₃ María né'₃
a₂Cáun₂.

²² Jme₁ca₂dsin₃ jmig₄ a₂'i₄ 'éi'₃ jmo₃ le₁jín₃ a₂jme₂ti₃ lia'₂ con₂'
lě₅ 'Éi'₃ quió'₅ Moisés, ca₂i₁lein₅₄ Jerusalén jñiai₂₃ guein₂ i₁jein₅₄
ne₄ Te₁gui'₅₄. ²³ Ca₂jmo₃ le₂ně₅ ia₁ ton₅ ne₄ Si₂ quió'₅ Te₁gui'₅₄:
“Ca₂le₃jín₃ guein₂ dsa₂ ŋe'₂ i₂ne₅₄ i₂le₃chan₂, lén₂ i₂lě₅ 'í₁ quián₅
Te₁gui'₅₄.”† ²⁴ Ja₁jaun₂ ca₂jén'₃ ján₃ con₂'lě₅ juá'₂ 'éi'₃ quió'₅
Te₁gui'₅₄: “On₃ i₁ju₂, o₃ co₂dsán'₃ i₁ju₂ bě₂ 'e₂.”‡

²⁵ Jmíg₄ jaun₂, jme₁chan₂ jan₂ dsa₂ jě₄ juig₂ Jerusalén
i₂jme₁chen₂ Simeón. Jme₁lín₄ jan₂ dsa₂ dsen₃ lín₃,
i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuë₃ lián'₂
quió'₅ dsa₂ juig₂ Israel. Jme₁quiong₅₄ Jme₂dsí₂ Jñió₅; ²⁶ 'éi₂
bá₄ ma₂ca₂'ě₂ jág₁ ne₅₄ a₂tsá₃ jón₂ ca₂lia'₂ ca₂jín₂ de'₂ I₂rě₂'ín₁
quián₅ Te₁gui'₅₄. ²⁷ Jmíg₄ jaun₂ ŋó₃ jiog₅ Jme₂dsí₂ Jñió₅ jui₅
guá'₅ templo. Ja₁jaun₂ jme₁'ein₅₄ ně₃ jme₁ca₂dsi₃lén₂ chog₅₄
jmei₂ guein₂ Jesús, jñiai₂₃ guein₂ a₂jmo₃ quiong₅₄ con₂'lě₅ tag₄
chí'₅ a₂quí'₅ 'Éi'₃. ²⁸ Jaun₂ ca₂jñau'₃ Simeón ca₂jñai'₃ guein₂,
ca₂jme₃juin₂ Diú₄, ca₂juá'₂:

²⁹ Ně₃ guě₄ ně₃, 'ne₂ juig₃ quiáng₃,
ma₂lé₂ dsiang₅₄ tei₄

dsa₂ i₂jme₂ti₃ ne'₅₄,

lia'₂ con₂'lě₅ jág₁ quiáng'₂.

³⁰ Ia₁ la₂ ca₂tě₂ ne₃ i₂ma₂cheng'₂ lió₂,

³¹ i₂ma₂jmo'₅₄ co₂jñia₅₄ quián₅ ca₂le₃jě₃ juig₂ nación.

³² I₂la₂ bá₄ i₂lín₅ si₂

i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁

juig₂ Israel quiáng'₂.

³³ Ca₂i₃gó'₃ dsí₅ bá₄ José quian₅₄ chog₅₄ guein₂, o₄quió'₄ jág₁
a₂ca₂juá'₂ Simeón jaun₂, 'iin₂₃ guein₂. ³⁴ Jaun₂ ca₂jme₃gu'₅₄
Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan₅₄ 'uě₃ juin₅ dsa₂
juig₂ Israel, o₃ tě₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃
i₂náu₃ quen₅ i₂le₃'iog₅₄. ³⁵ Le₂ně₅ bá₄ jióg'₃ 'í₁ le₃jniá₂ 'a₂ lia'₂
dsi₂jio₅ dsí₅ dsa₂ le₂jan₂ le₂jan₂. La₁ tě₂le₃ ja₁cong'₂ ně₃, dsi₂ñíg'₂
ně₂jag₄ bá₄ caun₂ ŋi₁tág₂ dsi₂tia₃ tě₂'au'₂.

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23
Éxodo 13:2. ‡ 2:24 Levítico 5:11; 12:8.

36 Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ě₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ŋi₂ bá₄ ca₂rě₃quaiin'₅₄ dsa₂ ŋe'₂ quiáin₅. 37 Quén'₂ ne₂guióg₂ rě₂dsí₂ quén₂ (84) ŋi₂ a₂ca₂rě₃'ní₂. § Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uě₂-jmi₂ bá₄ jme₁jme₂ti₃ ne₄ Te₁gui'₅₄ chi₂lén'₂ Diú₄ a₂jme₂'iin₅₄ ně₃. 38 Hora jaun₂ dé₄ ca₂dsióg₃ ja₁tión₂ dsa₂, ca₂cuě'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁ŋia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

39 Jaun₂ ně₃ jme₁ma₂ca₂lě₃ jmo₂₃ ca₂le₃jě₃ con'₂ lě₅ ta₁ qui'₅ 'Éi'₃ quió'₅ Te₁gui'₅₄, jaun₂ ca₂i₃lein₃ juí₅ 'uě₃ Galilea, ja₁niog₅ Nazaret, juig₂ go₅₄. 40 Guein₂ ně₃, caun₂ ca₂i₃juin'₂ bá₄, caun₂ ca₂rě₃'uáin'₃ ně₃, ton'₂ 'ŋi₀₅ lin₃ ŋi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

41 Ca₂le₃jě₃ ŋi₂ jme₁dsi₂lén₂ chog₅₄-jmei₂ Jmíg₄ Tě₂'in₅₄ a₂tě₅ Jerusalén. 42 Jme₁ca₂dsí'₃ Jesús guia₃-tín₂ ŋi₂, ca₂i₃lén₂ táng₃ co₂dsia₅ juí₅ Jerusalén. Ia₁ le₂jaun₂ tin₂ dsa₂ ca₂le₃jě₃ ŋi₂ dsí₃lén₂ jmíg₄ jaun₂. 43 Jme₁ca₂gú'₃ jmíg₄, ca₂i₃lein₃ táng₃. Tsá₃ ca₂rě₃lí'₄ chog₅₄-jmei₂ ŋia'₅₄ jaun₂ bá₄ tē₁'ŋia₄ Jesús Jerusalén, 44 ia₁ lín₂ ma₂ŋái'₅ bá₄ quaiin'₅₄ dsa₂ sián'₂. Caun₂ jmíg₄ ma₂ne₁ŋó₄ tióin'₅₄ juí₅ i₃lein₃ jme₁ca₂'nau'₂ jin₄ o₁r₁in'₅₄, jin₄ dsa₂ i₂cuin₂₃ ně₃. 45 La₁ tsá₃ ca₂dsáu'₂. Jaun₂ ca₂jéin'₃ táng₃ juí₅ ca₂i₃lén₂ Jerusalén ca₂i₁'niog'₂ ja₁jaun₂.

46 A₂'ni₅ jmíg₄ jaun₂ jme₁ca₂dsáu'₂ i₁dsi₅ guá'₅, guá₅ jin₄ tē₅juá'₅, nag₂₃ jág₁, ŋag₂₃ ŋí'₅ 'éi₂ ně₃. 47 Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁ 'ŋi₀₅ lin₃ ŋi₅ 'a₂ lia'₂ qui₂jéin'₃ jág₁ quió'₅ dsa₂ 'éi₂. 48 Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂ ca₂juá'₂ chog₅₄:

—Jón₃, ě₂ lě₃ jmog'₅₄ le₂ně₅? Néi'₅, jniá₂ ně₃, ma₂ně₂i₁nio₁ 'i₅ dsí₅ 'niog'₂ jnia'₅₄.

49 Jaun₂ ca₂ŋag₃ Jesús:

—ě₂E₂ lě₃ 'nau'₂ 'nia'₂ jniá₂? ě₂Tsa₁ ŋi'₅₄ 'nia'₂ a₂ca₂tíng₂ 'ú₄ ta₁ quió'₅ ŋe'₃?

50 La₁ tsá₃ ca₂ŋí'₂ dsí₅ 'éi₂ 'e₂ jein₅ jág₁ jaun₂.

51 Jaun₂ ca₂jóin'₃ bá₄ quaiin'₅₄ chog₅₄-jmei₂ juí₅ Nazaret. Caun₂ bá₄ ne'₅₄ ca₂le₃jě₃ a₂tě₂néi'₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂. 52 Jaun₂ caun₂ ca₂i₃juin'₂ bá₄ Jesús, rě₂ niog₅ dsí₅₄, rě₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

§ 2:37 o₃, "Ma₂'ein₅₄ quén'₂ ne₂guióg₂ rě₂dsí₂ quén₂ (84) ŋi₂."

3

'Ē₂ Juan₅₄ i₂chon₅ dsa₂ jmi₂g₂ já₁g₁ caun₂ 'uē₃ quein₂ co₂'ñiog₅
(Mateo 3:1-12; Marcos 1:18; Juan 1:19-28)

¹ Nj₂ guia₃-ñiá₂ lia₂ con₂ jme₁lín₄ emperador Tiberio, jmi₂g₄ lia₂ con₂ jme₁lín₄ táng₃ Poncio Pilato dsi₄má₂ 'uē₃ Judea; Herodes guē₂ jme₁lín₄ rag₅₄ i₂jmo₅ 'éi₃ 'uē₃ Galilea; Felipe riin₅₄ guē₂ jme₁lín₄ dsi₄má₂ le₂tan₅₄ juig₂ Iturea quian₅₄ Traconite; Lisantias nē₃ jme₁lín₄ dsi₄má₂ quián₅ Abilinia. ² Ján₃ bá₄ jmi₂g₄ jaun₂ jme₁lín₄ jme₂dsa₂ dsen₅₄ Anás quian₅₄ Caifás. Con₂ jmi₂g₄ jaun₂ dé₄ nē₃, ca₂tē₃ Diú₄ ca₂tē₃ Juan₅₄, ja₁ñi₅₄ Zacarías, 'uē₃ co₂'ñiog₅ ja₁jme₁guá₄. ³ Juan₅₄ nē₃ ca₂ñi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí₅ dsa₂ a₂'nió₅ tsóin₃ jmi₂g₂, cuē₃ léi₄ a₂ma₂ca₂dsi₃quén₅ dsí₅ ia₁jaun₂ le₃én₂ Diú₄ dsá_{u1}. ⁴ Le₂nē₅ bá₄ ca₂lē₃ ca₂rē₃ti₃ con₂ lē₅ já₁g₁ a₂ca₂tó₂ Isaías ne₄ si₂, i₂jme₁'ē₂ já₁g₁ o₄quió₄ Diú₄, a₂ca₂juá₂:

Nag₃ dsa₂ co₂mi₅₄ já₁g₁

caun₂ 'uē₃ co₂'ñiog₅, a₂juá₂:

Jmo₄ 'nia₂ co₂jñia₅₄ jui₅ quió₅ Te₁gui₅₄;

Nia₄ 'nia₂ caun₂ jui₅ co₂dsau₅.

⁵ Ca₂le₃jē₃ ji₅₄ siá₅ 'nió₅ le₃can₂,

ca₂le₃jē₃ dsi₂con₂, má₂, 'nió₅ 'ag₃ co₂rē₂;

Ca₂le₃jē₃ jui₅ qui₂rē₂guion₂, 'nió₅ lé₂ co₂dsau₅,

jui₅ a₂qui₂le₁quin₅₄, 'nió₅ lei₂.

⁶ Ca₂le₃jín₃ dsa₂ mi₂güí₃ bá₄ já₁g₃

'a₂ lia₂ lē₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió₅, ca₂o₃lén₂ mi₂₃ cho₃ Juan₅₄ jmi₂g₂,†
jaun₂ ca₂juá₂ 'éi₂:

—i'Nia₂ tsi₁jon₂ dsi₂mi₂! ¿'Ein₂ bá₄ nē₂chí₃ 'nia₂ a₂cuíng₂
long₅₄ uig₅ a₂ja₂quián₃? ⁸ Cuē₄ 'nia₂ léi₄ jaun₂ a₂tē₃dsón₂
ma₂ca₂dsi₃quén₅ 'au₂. 'A₃ lē₃ju₁dsi₂jñia₅ 'au₂ 'nia₂ jua₅₄
a₂jua₅₄: “Lág₅ jnia₅₄ tsi₁jon₂ Abraham”; ia₁ jniá₂ juá₅, Diú₄
qui₅₄ jmi₂g₄ jmo₃ ca₂tē₂ ni₁cang₁ tio₅₄ la₂, lé₂ le₃jmói₂ chí₂-
guein₂ quián₅ Abraham. ⁹ Ia₁ ma₂lē₅ co₂jñia₅₄ ñi₁dsi₁ a₂qui₃uín₂
ni₁'ma₂. Ca₂le₃jē₃ 'ma₂ a₂tsá₃ dse₃ mí₂g₂ 'ag₅, uín₂ dsi₃to₅₄ si₂.

¹⁰ Jaun₂ ca₂ñag₃ dsa₂:

—¿'E₂ bá₄ le₃jmó₁ jnia₅₄ jaun₂ nē₃?

¹¹ Jaun₂ ca₂ñag₃ táng₃:

—I₂cha₂ tin₃ dsán₃ tsin₅₄, jui₁cuē₄ co₂dsán₃ i₂tsá₃ cha₂ quió₅;
le₂jaun₂ guē₂ jui₁lia₂ i₂cha₂ a₂guē₃, jui₁jme₂'oin₅₄ jui₁lia₂ i₂tsá₃
cha₂ quió₅.

* 3:6 Isaías 40:3-5. † 3:7 lit. “tióg₂ Juan₅₄ jmi₂g₂.”

12 Ca₂o₃lén₂ i₂lin₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmig₂, jaun₂ ca₂tsí₃ Juan₅₄:

—Tě₅, ě₂ bá₄ lé₂ le₃jmó₁ jnia'₅₄?

13 Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ηag₅₄ guě₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

14 Ca₂o₃lén₂ i₂lin₅₄ 'lióg₂ ně₃, ca₂ηag₃:

—Jnia'₅₄ guě'₂ ně₃: ě₂E₂ bá₄ ca₂tág₂ jnia'₅₄ jmó'₁?

Jaun₂ ca₂ηag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁jníá'₄ 'e₂ qui₁jníá'₄ quió'₅, on₃ guě'₂ qui₁níg'₄ dsa₂ jua'₅₄ a₂lě₁qui₁ní'₄. Jui₁le₂ηio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

15 La₁ dsa₂ ně₃, tsá₃ tei₄ le₁ág₄ dsí₅ tioin'₅₄, le₁jnía₂₃ le₃ηi₅ chi₂jua'₂ Juan₅₄ 'éi₂ bá₄ lín₅ I₂rě₂ 'ín₁ quián₅ Diú₄. 16 Jaun₂ ca₂juá'₂ Juan₅₄ ηiog₅, ca₂tsí'₃ ca₂le₃jín₃:

—Jníá₂ ně₂tiáng₃ 'nia'₂ jmig₂; la₁ i₂já₅ chi₂quí₃ ně₅, tióg₂ Jme₂dsí₂ Jñio₅, jě₄ si₂ ně₃. 'Éi₂ bá₄ i₂'uan'₂ guě₄ lia'₂ con'₂ guě₄ jníá₂, ca₂lia'₂ jnía'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.

17 Ma₂chi₁chan'₂ si₂jmu₂ a₂jme₂dse₃ míg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tín₂₃ dsa₂ jág₁ dse₃.

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄,[‡] ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsáu₅ Herodes; 20 la₁ tē₂le₃ ηag₅₄ guě₄ ca₂jme₃ja₃: né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús

(Mateo 3:13-17; Marcos 1:9-11)

21 Jme₁ma₂ca₂lě₃ choin₂₃§ jmig₂ ca₂le₃jín₃ dsa₂, jme₁ma₂ně₂chon₃a Jesús jmig₂, a₂ma₂chéin'₅ chi₂lén'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ Jñio₅ chi₁dsáin₃ jníá₂ lia'₂ jníá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ηio₂ bá₄ dsi₃ 'ηio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ηí₂ ma₂dsi₃jo₃

(Mateo 1:1-17)

‡ 3:19 A₂lín₅₄ chog₅₄ si₂: “Felipe riin'₅₄.” § 3:21 lit. “tiáin₂.” * 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂lín₃ ηéi'₅.”

23 Con'₂ guióg₂-guíá₂ ñi₂ bá₄ jme₁ma₂'en₅₄ Jesús lia'₂ con'₂
jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃
dsí₅ a₂lín₅ 'éi₂ ja₁ñi'₅₄ Sě₄.

Jaun₂ Sě₄ 'éi₂ ca₂já₃ ca₂liin₃ ja₁ñi'₅₄ Elí.

24 Elí 'éi₂ guē'₂ ně₃ ca₂já₃ ca₂liin₃ ja₁ñi'₅₄ Matat;

Matat 'éi₂ guē'₂ ně₃ ca₂já₃ ca₂liin₃ ja₁ñi'₅₄ Leví

i₂jme₁lín₄ ja₁ñi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂liin₃ chi'₂ quián₅ Matatías;

Matatías guē'₂ ně₃ ca₂já₃ ca₂liin₃ ja₁ñi'₅₄ Amós;

Amós jme₁lín₄ ja₁ñi'₅₄ Nahum;

Nahum guē'₂ jme₁lín₄ ja₁ñi'₅₄ Esli,

i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;

Ma'at guē'₂ ca₂já₃ ca₂liin₃ ja₁ñi'₅₄ Matatías;

Matatías guē'₂ ca₂já₃ ca₂liin₃ chi'₂ quián₅ Semei;

Semei 'éi₂ ně₃ ca₂já₃ ca₂liin₃ ja₁ñi'₅₄ i₂chen₂ José;

José guē'₂ ně₃ ca₂já₃ ca₂liin₃ ja₁ñi'₅₄ Judá;

27 Judá 'éi₂ guē'₂ ně₃ ca₂já₃ ca₂liin₃ ja₁ñi'₅₄ Joana;

Joana 'éi₂ guē'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Resa;

Resa guē'₂ ně₃

ca₂já₃ ca₂liin₃ ja₁ñi'₅₄ i₂chen₂ Zorobabel;

Zorobabel guē'₂ ně₃

ca₂já₃ ca₂liin₃ chi'₂ quián₅ i₂jme₁chen₂ Salatiel,

i₂jme₁lín₄ ja₁ñi'₅₄ Neri,

28 i₂jme₁lín₄ ja₁ñi'₅₄ Melqui,

i₂jme₁lín₄ ja₁ñi'₅₄ Adi,

i₂jme₁lín₄ chi'₂ quián₅ i₂chen₂ Cosam,

i₂jme₁lín₄ chi'₂ quián₅ Elmodam,

i₂jme₁lín₄ chi'₂ quián₅ i₂jme₁chen₂ Er,

29 i₂jme₁lín₄ chi'₂ quián₅ Josué;

Josué ně₃ ca₂já₃ ca₂liin₃ ja₁ñi'₅₄ Eliezer;

Eliezer guē'₂ ně₃ ca₂já₃ ca₂liin₃ ja₁ñi'₅₄ Jorim,

i₂jme₁lín₄ ja₁ñi'₅₄ Matat;

30 Matat guē'₂ ně₃ ca₂já₃ ca₂liin₃ ja₁ñi'₅₄ Leví;

Leví guē'₂ ně₃ ca₂já₃ ca₂liin₃ ja₁ñi'₅₄ Simeón;

Simeón guē'₂ ně₃ ca₂já₃ ca₂liin₃ ja₁ñi'₅₄ Judá;

Judá guē'₂ ně₃ ca₂já₃ ca₂liin₃ ja₁ñi'₅₄ José;

José 'éi₂ guē'₂ ně₃ ca₂já₃ ca₂liin₃ ja₁ñi'₅₄ Jonán;

Jonán 'éi₂ guē'₂ ně₃ ca₂já₃ ca₂liin₃ ja₁ñi'₅₄ Eliaquim;

31 Eliaquim guē'₂ ca₂já₃ ca₂liin₃ ja₁ñi'₅₄ Melea;

Melea guë'² ca₂já₃ ca₂liin₃ ja₁ñi'⁵⁴ Mainán;
 Mainán guë'² ca₂já₃ ca₂liin₃ ja₁ñi'⁵⁴ Matata;
 Matata guë'² ně₃ ca₂já₃ ca₂liin₃ ja₁ñi'⁵⁴ Natán;
³² Natán guë'² ca₂já₃ ca₂liin₃ ja₁ñi'⁵⁴ David;
 David 'éi₂ guë'² ně₃ ca₂já₃ ca₂liin₃ ja₁ñi'⁵⁴ Isaí;
 Isaí guë'² ně₃ ca₂já₃ ca₂liin₃ ja₁ñi'⁵⁴ Obed;
 Obed guë'² ca₂já₃ ca₂liin₃ ja₁ñi'⁵⁴ Bo'oz;
 Bo'oz guë'² ca₂já₃ ca₂liin₃ ja₁ñi'⁵⁴ Salmón;
 Salmón guë'² ca₂já₃ ca₂liin₃ ja₁ñi'⁵⁴ Na'asón;
³³ Na'asón guë'² ně₃ ca₂já₃ ca₂liin₃ ja₁ñi'⁵⁴ Aminadab;
 Aminadab guë'² ca₂já₃ ca₂liin₃ ja₁ñi'⁵⁴ Aram;
 Aram guë'² ně₃ ca₂já₃ ca₂liin₃ ja₁ñi'⁵⁴ Esrom;
 Esrom guë'² ca₂já₃ ca₂liin₃ ja₁ñi'⁵⁴ Fares;
 Fares guë'² ně₃ ca₂já₃ ca₂liin₃ ja₁ñi'⁵⁴ Judá;
³⁴ Judá guë'² ně₃ ca₂já₃ ca₂liin₃ ja₁ñi'⁵⁴ Jacob;
 Jacob guë'² ně₃ ca₂já₃ ca₂liin₃ ja₁ñi'⁵⁴ Isaac;
 Isaac guë'² ně₃ ca₂já₃ ca₂liin₃ ja₁ñi'⁵⁴ Abraham;
 Abraham guë'² ně₃ ca₂já₃ ca₂liin₃ ja₁ñi'⁵⁴ Taré;
 Taré guë'² ně₃ ca₂já₃ ca₂liin₃ ja₁ñi'⁵⁴ Nacor;
³⁵ Nacor guë'² ca₂já₃ ca₂liin₃ ja₁ñi'⁵⁴ Serug;
 Serug guë'² ca₂já₃ ca₂liin₃ ja₁ñi'⁵⁴ Ragau;
 Ragau guë'² ca₂já₃ ca₂liin₃ ja₁ñi'⁵⁴ Peleg;
 Peleg guë'² ně₃ ca₂já₃ ca₂liin₃ ja₁ñi'⁵⁴ Heber;
 Heber guë'² ca₂já₃ ca₂liin₃ ja₁ñi'⁵⁴ Sala;
³⁶ Sala guë'² ca₂já₃ ca₂liin₃ ja₁ñi'⁵⁴ Cainán;
 Cainán guë'² ca₂já₃ ca₂liin₃ ja₁ñi'⁵⁴ Arfaxad;
 Arfaxad guë'² ca₂já₃ ca₂liin₃ ja₁ñi'⁵⁴ Sem;
 Sem guë'² ca₂já₃ ca₂liin₃ ja₁ñi'⁵⁴ Noé;
 Noé guë'² ca₂já₃ ca₂liin₃ ja₁ñi'⁵⁴ Lamec;
³⁷ Lamec guë'² ně₃ ca₂já₃ ca₂liin₃ ja₁ñi'⁵⁴ Matusalén;
 Matusalén guë'² ně₃ ca₂já₃ ca₂liin₃ ja₁ñi'⁵⁴ Enoc;
 Enoc guë'² ně₃ ca₂já₃ ca₂liin₃ ja₁ñi'⁵⁴ Jared;
 Jared guë'² ně₃ ca₂já₃ ca₂liin₃ ja₁ñi'⁵⁴ Mahalale'el;
 Mahalale'el guë'² ně₃ ca₂já₃ ca₂liin₃ ja₁ñi'⁵⁴ Cainán;
³⁸ Cainán guë'² ně₃ ca₂já₃ ca₂liin₃ ja₁ñi'⁵⁴ Enós;
 Enós guë'² ně₃ ca₂já₃ ca₂liin₃ ja₁ñi'⁵⁴ Set;
 Set guë'² ně₃ ca₂já₃ ca₂liin₃ ja₁ñi'⁵⁴ Adán;
 Adán guë'² ně₃ ca₂já₃ ca₂liin₃ co₂'nió'⁴ ja₁ñi'⁵⁴ Diú₄.

4

Ca₂caun₃ i₂sě₃dse₃n₃ táu₂ quió₅ Jesús
(Mateo 4:1-11; Marcos 1:12-13)

¹ Jaun₂ Jesús ně₃, ma₂rě₂riin₅ Jme₂dsí₂ Jñi₀₅, ca₂o₃'iin₃ Cuá₃
 Jordán. Ca₂jio₃g₃ Jme₂dsí₂ caun₂'uě₃ quein₂ co₂'ñio₃g₅. ² Ja₁jaun₂
 ca₂i₁'i₅ tě₂láu₃ jmig₄, ia₁jaun₂ cáun₂ táu₂ i₂sě₃dse₃n₃. Tsá₃ 'e₂

ca₂gué'₃ 'i₁ca₂juig₄ të₁lia'₂ jmi₄g₄ jaun₂. Jme₁ca₂dsan₃ jaun₂, jaun₂ gué'₄ ma₂i₁cón'₅ 'ñio₅ lin₃. ³ Jaun₂ ca₂juá'₂ i₂sē₃dsen₃:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ nē₅.

⁴ Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güí₃ le₃chain₂.”* , †

⁵ Jaun₂ ca₂jio₃ táng₃ i₂sē₃dsen₃ caun₂ má'₂ ja₁ñei₅. Ja₁jaun₂ ca₂'è₃ ca₂tiá₂ tei₄ ca₂le₃jě₃ juig₂ te₁'i₁ gua'₅₄ 'uē₃. ⁶ Jaun₂ ca₂juá'₂:

—Gog'₂ 'ne₂ bá₄ dsia₅₄ jniá₂ ca₂le₃jě₃ juig₂ nē₅; 'ne₂ bá₄ gong'₂ lé₂, 'ó'₄ bí₂, qui₂jme₃juag'₂ dsa₂. Ia₁ a₂niog₅ ne₃ jniá₂ bá₄ nē₅, ton'₂ lé₂ le₃cué'₄ jniá₂ 'ein₂ 'nio₃ cué'₄. ⁷ Jaun₂ a₂lé₂ quiáng'₂ nē₅jua'₂ ca₂chi₁jne'₄ ne₃ jme₁juag'₂.

⁸ Jaun₂ ca₂ñag₃ Jesús:

—Ne₄ Si₂‡ quió'₅ Diú₄ chi₁ton₅: “Jme₁gan₃ 'nia'₂ Te₁gui'₅₄ Diú₄ quiáng'₂; ne₄ jan₂ 'éi₂ bá₄ ca₂tín'₂ 'nia'₂ jme₁ti'₄.”§

⁹ Cang₂ jaun₂ ca₂jio₃ táng₃ i₂sē₃dsen₃ juig₂ Jerusalén, jaun₂ ca₂i₁chei'₂ caun₂ ja₁lě₄ ja₁ñei₅ gué'₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ca₂tě₂ 'uē₃; ¹⁰ ia₁ chi₁ton₅ ne₄ Si₂;

Dsiog₃ Diú₄ o₄gú₃ ángeles quiáin₅,

jaun₂ jmo₃ 'í;

¹¹ guéi'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

¹² Jaun₂ ca₂ñag₃ Jesús:

—Ján₃ bá₄ juá'₂ ne₄ si₂: “Tsá₃ tang'₅₄ Te₁gui'₅₄ Diú₄ quiáng'₂.”†

¹³ Jme₁ca₂dsan₃ ca₂le₃jě₃ a₂niog₅ ca₂juá'₂ i₂sē₃dsen₃ a₂cáun₂ táu₂ jaun₂, jaun₂ ca₂i₃uín₂ co₂'na₂, nē₁jua'₂ líg'₂ ca₂cuin₃ táng₃ jmi₄g₄.

Ca₂jme₃lióg₃ Jesús ca₂jme₃tag₂₃ 'uē₃ Galilea

(Mateo 4:12-17; Marcos 1:14-15)

¹⁴ Ca₂ñá'₃ táng₃ Jesús jui₅ 'uē₃ Galilea rē₂can'₂ Jme₂dsí₂ Jñi₅ó₅ të₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. ¹⁵ Ca₂i₁jme₁tiin₂₃ dsa₂ le₂tan₅₄ guá'₅ sinagogas quió'₅ dsa₂, jaun₂ ca₂le₃jín₃ bá₄ dsa₂ jme₁jme₂juag'₂.

Dsiáin'₃ táng₃ juig₂ Nazaret

(Mateo 13:53-58; Marcos 6:1-6)

¹⁶ Jaun₂ ca₂ñái'₃ jui₅ Nazaret, ja₁ca₂i₃juin'₂. Caun₂ jmi₄g₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂

* **4:4** Deuteronomio 8:3. † **4:4** A₂lin₅₄ chog₅₄ si₂juá'₂ ján₃; “a₂'nió'₅ le₂chain₂ nag₃ jág₁ quió'₅ Diú₄ nē₃.” ‡ **4:8** A₂lin₅₄ chog₅₄ si₂juá'₂ le₂la₂ ján₃; “Jñiag'₃ cau₅ quió'₃ 'ne₂ Satanás, ia, ne₄ Si₂.” § **4:8** Deuteronomio 6:13. * **4:11** Salmo 91:11-12.

† **4:12** Deuteronomio 6:16.

ca₂nau₂ a₂i₃ Si₂. ¹⁷ Jaun₂ ca₂cuë₃ dsa₂ si₂ rë₂bîn₅ quió'₅ Isaías i₂jme₁'ë₂ jág₁ o₄quió'₄ Diú₄. Jme₁ma₂në₂néi'₃ si₂, jaun₂ ca₂dsó'₂ ja₁chi₁ton₅ le₂la₂:

¹⁸ Dsín₂ Jme₂dsi₂ quián₅ Te₁gui'₅₄ ne₄ quió'₃,
ia₁ ma₂ca₂'ag₃ jniá₂

a₂i₁'ë₃ jág₁ dse₃ jin₄ dsa₂ dsi₂ñé₂.

Ca₂chei₃ a₂i₁'ë₃ jág₁ a₂lión₂ dsa₂ i₂qui₂le₁jní₅,

ton'₂ ján₃ guë'₂ jmo₅₄ jnia₅₄ jme₁ne₁ dsa₂ i₂ten₄;

qui₁long₁₂ dsa₂ i₂qui₂dsi₂ñí₂ uig₅ qui₂j móg'₂ dsa₂;

¹⁹ a₂'ë₄ jmig₄ dse₃ a₂lió₂ Te₁gui'₅₄.[‡]

²⁰ Jaun₂ ca₂bíin₂ táng₃ si₂; ca₂jíin'₃ dsa₂ i₂jme₂'o₅₄, jaun₂ ca₂guá₂ táng₃. Ia₁ jaun₂ bá₄ tion'₅₄ dsa₂ ca₂le₃jíin₃ le₁ñi'₂, jág₂.

²¹ Jaun₂ ca₂jme₃lióg₃ Jesús ca₂juá'₂:

—Jmig₄ në₃ ca₂të₂ ne'₅₄ 'nia'₂ ca₂rë₃ti₃ a₂juá'₂ Si₂ në₅.

²² Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jë₃ jág₁ jlá'₁ a₂'uë'₂ 'o₅₄. Jaun₂ qui₂ca₂ñí'₃ riin'₅₄:

—¿On₁jua'₅₄ i₂në₅ 'éi₂ i₂lín₅ ja₁ñi'₅₄ Së₄?

²³ Jaun₂ ca₂juá'₂ Jesús:

—A₂dsi₂jó'₃ já₅ jmig₄ le₃jua'₅₄ 'nia'₂ juig'₅₄ jniá₂ quió'₃ §la₂: “'Ne₂ të₅mí₅ jma'₅₄ mí₅ 'ñiag'₂.” Le₃jua'₅₄ 'nia'₂ në₃: “A₂ca₂rë₃ne₄ jnia'₅₄ a₂ca₂jmo'₅₄ Capernaum, ma₂në₃ jmo₄ ja₁lá₃ go'₅₄ ján₃.”

²⁴ Caun₂ ca₂juá'₂ bá₄:

—A₂të₃dsón'₂ juá'₅ jniá₂ juig'₂ 'nia'₂, 'i₁jan₂ dsa₂ i₂'ë₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. ²⁵ Tí₅ bá₄ jág₁ quió'₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmig₄ lia'₂ con'₂ jme₁chan₂ Elías i₂jme₁'ë₂ jág₁ o₄quió'₄ Diú₄, lia'₂ con'₂ ca₂rë₃'ín₃ 'ñio₅ lín₃ a₂guë'₃ dsa₂ ta₁caun₂ juig'₂ nación, ia₁ tsá₃ ma₃jmí₅ ca₂tang₂ 'ni₅ ñi₂ të₂ ca₂dsio₄. ²⁶ La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ñe₄ Elías, jñia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂nio₅ quián₅ ciudad Sidón bá₄. ²⁷ Já₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig'₂ Israel, lia'₂ con'₂ jmig₄ ca₂ñi₃ Eliseo i₂jme₁'ë₂ jág₁ o₄quió'₄ Diú₄ já₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jñia'₅₄ lia'₂ jan₂ i₂jme₁chen₂ Na'amán[†] i₂jme₁chan₂ 'uë₃ Siria bá₄.

²⁸ Jme₁ca₂nág₂ dsa₂ jág₁ në₅, ca₂le₃jín₃ con'₂ i₂tion'₅₄ guá'₅ sinagoga ca₂rë₃'néi₃ 'lig'₅₄. ²⁹ Qui₂ca₂nau₂ tióin'₅₄, ca₂dsei₂₃ juig'₂, ca₂i₃lén₂ le₁jio₂₃ ca₂të₂ ne₄ má'₂ ja₁lë₄ ni₁'lau₂ dsio'₅₄ juig'₂, ia₁ a₂jme₁dsi₂jio₅ dsí₅ jme₁tón₂ ja₁jaun₂. ³⁰ La₁ con'₂ ca₂ñi₅ bá₄ 'éi₂ jë₄ quió'₅, ca₂lóin₂ ñái'₅.

‡ 4:19 Isaías 61:1-2. § 4:23 quió'₃: Já₃, quió'₅ dsa₂ Jen'₅₄, co₂'nió'₄ le₃jua'₅₄, caun₂ já₃, a₂ñi'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'Í₂ 2 Reyes 5.

Jan₂ dsa₂ i₂jme₁'en₅₄ jme₂dsí₂ 'lin'₅₄

(Marcos 1:21-28)

³¹ Jaun₂ ca₂ηó₃ Jesús juig₂ Capernaum, caun₂ juig₂ tén₅ 'uë₃ Galilea. Ja₁jaun₂ ca₂jme₃tiin₂₃ dsa₂ jme₁jmig₄ sa₅₄. ³² 'Ŋio₅ lin₃ dsí₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. ³³ Dsi₂néi₂ guá'₅ sinagoga ja₁tioin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

³⁴ —i'Ne₂ ně!₃ ċ'E₂ lē₃ tiáng'₅ jē₄ quián₂ jnia'₅₄, 'ne₂ Jesús Nazareno?[‡] ĆA₂i₃'éin'₃ jnia'₅₄ bá₄ 'ne₂ ηe'₃? Guion₄ jniá₂ 'ein₂ líng'₅: 'ne₂ líng'₅ I₂ηi₅ quián₅ Diú₄.

³⁵ Jaun₂ ca₂jí₂ Jesús, ca₂juá'₂:

—i'Tei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uë₃ tē₃ jág₅ ca₂le₃jín₃, jaun₂ guē₄ ca₂o₃'iin₃, la₁ tsá₃ 'e₂ uig₅ ca₂jmóg'₂. ³⁶ Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jin₄ riin'₅₄, ca₂juá'₂:

—ċ'E₂ bá₄ jág₁ ně₅? I₂nē₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lin'₅₄ jē₁ma₂ca₂juá'₂.

³⁷ A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

³⁸ A₂ca₂o₃'ín₃ Jesús guá'₅ sinagoga jaun₂, ca₂ηó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'i₄ dséi₂ 'ηio₅ lin₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. ³⁹ Jaun₂ ca₂jme₃quián₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

Ca₂jme₃'lión₂ Jesús juin₅ dsa₂ dso'₅₄

(Mateo 8:16-17; Marcos 1:32-34)

⁴⁰ Tē₂le₃ ca₂nei₂ jmig₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ ju₁'e₂ guē₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂. ⁴¹ Juin₅ bá₄ jme₂dsí₂ je₂na'₅₄ qui₂ca₂'u₁in'₂ quió'₅ dsa₂, qui₂guió'₅ juá'₂:

—i'Ne₂ líng'₅ Ja₁ηi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuē₃ jmig₄ jua'₅₄ a₂juá'₂ guē₄, ia₁ a₂ηi₅ rē₂ bá₄ je₂na'₅₄ a₂lín₅ 'éi₂ I₂rē₂'ín₁ quián₅ Diú₄.

Ca₂ton₃ Jesús jág₁ 'uë₃ Galilea

(Marcos 1:35-39)

[‡] 4:34 o₃, "i₂chan₂ Nazaret."

42 Jme₁jnia₃ jaun₂, ca₂o₃'ín₃ Jesús n₃ caun₂ ja₁lě₄ co₂'n₃iog₅.
La₁ ca₂le₃jín₃ dsa₂ ca₂i₁nioi₁₂ ca₂'nau₂. Jaun₂ ně₃ jme₁ca₂dsáu₂,
jme₁jné₂jui₅ tsá₃ jme₁cuě₂₃ jmig₄ dsáin₃. 43 Jaun₂ ca₂juá₂ Jesús:
—Ca₂tín₂ jniá₂ qui₂i'ě₃ jág₁ jui₁lia₂ ja₁gon₂ Diú₄, le₂tan₅₄ juig₂
ja₁siá₂, ia₁ ta₁ ně₅ chen₄ bá₄ jniá₂ guio₃.

44 Jaun₂ le₂ně₅ bá₄ ca₂n₃i₃ Jesús ca₂'ě₂ jág₁ le₂con₂ guá₅ sina-
gogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ju₄
(Mateo 4:18-22; Marcos 1:16-20)

1 Ca₂lě₃ co₂ráun₂ jme₁'en₅₄ Jesús chei₅₄ Jmi₁ñí₄ Genesaret.*
Tě₃jě₄ jaun₂ ca₂n₃i'2 juin₅ lin₃ dsa₂, ca₂lia₂'2 co₂'liog₂ bá₄ tioin₅₄,
ia₁ 'nio₃ nag₃ jág₁ quió₅ Diú₄. 2 Jaun₂ ca₂jág₃ Jesús tin₃ tsi₁mu₅
a₂le₁jě₁, le₁ág₄ chei₅₄ jmig₂, ia₁ dsa₂ i₂tsán₂ ju₄ jme₁ma₂sióin₃
i₂ráng₃ 'má₅ quió₅. 3 Jaun₂ ca₂'í₃ Jesús caun₂ tsi₁mu₅ jaun₂,
a₂lě₅ quió₅ Si₂mu₅₄. Jaun₂ ca₂mi₃ a₂j₃iog₃ 'éi₂ ca₂juig₄ guě₄ le₃ne₄
jmig₂. Jaun₂ ca₂guá₂ 'ñi₃ tsi₁mu₅, jaun₂ ja₁jaun₂ ca₂jme₃lióg₃
ca₂jme₃tiin₂₃ dsa₂. 4 Jme₁ca₂dsan₃ cuě₂₃ jág₁, ca₂tsí₃ Si₂mu₅₄:

—Jn₃iog₅₄ mu₅ quiáng₂ le₃ja₁ji₂ guě₄. Ja₁ně₅ tiong₂ 'má₅
quiáng₂, jaun₂ lén₂'nia₂ ju₄.

5 Jaun₂ ca₂n₃ag₃ Si₂mu₅₄:

—Tě₅, la₂ tio₅₄ bá₄ jnia₅₄ ta₁jma₃ nei₅ ca₂néi₃, tsá₃ 'ein₂ já₂
ma₂lag₅ jnia₅₄; la₁ i₁tion₃ caun₂ ia₁ a₂juá₂ 'ne₂.

6 Jme₁ca₂jmo₃ le₂jaun₂, ca₂lia₂'2 juin₅ lin₃ ju₄ i₃ton₅₄, jnia₅₄
mei₂ tsá₃ ca₂gag₂ bá₄ 'má₅ quió₅ tioin₅₄. 7 Jaun₂ ca₂bí₂
gu₂ ca₂tě₃ riin₅₄ i₂jme₁tion₅₄ tsi₁mu₅ caun₂, ia₁jaun₂ ja₁lén₂
jme₃'o₅₄. Jme₁o₃lén₂ 'éi₂ ně₃, ca₂jme₃cain₂ ta₁tin₃ tsi₁mu₅, jnia₅₄
mei₂ tsá₃ ca₂l₃guein₅₄ bá₄ tioin₅₄. 8 Jme₁ca₂jág₃ Si₂mu₅₄ ně₅,
ca₂n₃óg₃ ca₂chi₃jné₃ ne₄ Jesús, ca₂juá₂:

—Jnia₃ cau₅ quió₃, Te₁gui₅₄, ia₁ dsa₂ cha₂ dsáu₁ bá₄ jniá₂.

9 Ia₁ ds₂g₃ó₃ dsí₅ Si₂mu₅₄ quian₅₄ riin₅₄, ia₁ a₂n₃í₄ lě₃ 'nio₅ juin₅
ju₄ i₂ca₂join₃. 10 Ján₃ bá₄ le₂jaun₂ Jacobo quian₅₄ Juan₅₄ i₂lín₅
ja₁ñi₅₄ Zebedeo, ia₁ co₂dsia₅ jme₁i₂nioi₅₄ quian₅₄ Si₂mu₅₄ tsáin₂
ju₄. La₁ Jesús ně₃ ca₂juá₂ ca₂tsí₃ Si₂mu₅₄:

—Tsá₃ jmo₂ gang₃. Ia₁ tē₂le₃ ne₄ jui₅ ja₁dsau₅₄ ně₅, ñí₁ jmag₅₄
dsa₂ mi₂güig₃ ju₁lia₂ jmag₂ ju₄.

11 Jme₁ma₂ně₂jñióg₃ tsi₁mu₅ quió₅ le₃ja₁quein₂ chei₅₄ jmig₂,
ja₁jaun₂ ca₂dsia₃ jě₂, ca₂l₃lén₂ bá₄ quian₅₄ 'éi₂.

Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Mateo 8:1-4; Marcos 1:40-45)

§ 4:44 A₂lin₅₄ chog₅₄ si₂juá₂: "Galilea."

* 5:1 Ján₃ bá₄ chei₂ "Jmi₁ñí₄ Galilea."

12 Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso'₅₄ i₂lín₅ 'mé'₅ 'iog₅, ta₁jain₂. Jme₁ca₂jín₂ Jesús, ca₂tóin₂ të₂rë₃'éin₂ 'uë'₃, ca₂mi₃ tion₅₄-jan₃, ca₂juá'₂:

—Te₁gui'₅₄, chi₂jua'₂ 'niog'₂, jnia'₅₄ lia'₂ 'ne₂ bá₄ qui'₅₄ jmig₄ chi'₅₄ dso₄ a₂lín₅.

13 Jaun₂ ca₂néi'₃ gu₂, ca₂ní'₃ quió'₅ dsa₂ dso'₅₄, ca₂juá'₂:

—'Nio₃ jniá₂. Jmo₅₄ bá₄ le₁jín₃.

Dsi₂jui₅ jme₁ca₂juá'₂ jaun₂, ca₂jnia'₃ 'mé'₅ 'iog₅ a₂jme₁lín₄.

14 Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Jnia'₅₄ lia'₂ ca₂juá'₂:

—La₁ gua₂ o₂jme₁jnia₅ ne₄ jme₂dsa₂, o₄quió'₄ a₂ma₂le₁jín₃, o₂jmo₄ o₂jen'₅₄ ne₄ Diú₄ con'₂ lë₅ 'Éi'₃ quió'₅ Moisés,† co₂'nió'₄ a₂jang'₅₄ jág₁ dsau₅ jin₄ dsa₂.

15 La₁ të₂le₃ lë₅ guë'₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lin₃ dsa₂ i₂jme₁të₁ja₂lén₂ ñi'₂ ja₂néi₃ jág₁, i₂'nio₃ 'lión₂ ně₃ 'e₂ caun₂ jmi₁uig₅ chain₂. 16 La₁ jme₁dsi₂uín₃ bá₄ 'ni'₂ juig₂ ja₁con'₂ 'ñiog₅, chi₃lén₂ Diú₄.

Ca₂jme₃'lión₂ Jesús jan₂ dsa₂ 'lian'₂

(Mateo 9:1-8; Marcos 2:1-12)

17 Ca₂lë₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, të₅juá'₅ ně₃, i₂ja₂lén₂ le₂con₂ 'uë'₃ Galilea, Judea, juig₂ Jerusalén ně₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lión₂ dsa₂. 18 Të₃jë₄ jaun₂, ca₂dsi₃lén₂ dsa₂ le₁jniai₂₃ jan₂ dsa₂ 'lian'₂, dsín₂ ne₄ tsi₁jein₁. Jme₁'no'₂ jui₅ dsi₃toin'₅₄ dsi₂néi₂, jme₁dsi₃quio₂₃ ne₄ Jesús. 19 Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂ñi₄ lë₃ juin₅ dsa₂ tion'₅₄, jaun₂ ca₂uig₂ le₃co'₅₄ tsi₁'né₅. Jaun₂ ca₂niá₃ jë₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús. 20 Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, jaun₂ ca₂juá'₂:

—'Ne₂ dsa₂, ma₂rë₂'én₄ bá₄ dsáu'₂.

21 Jaun₂ ně₃ ca₂jme₃lióg₃ të₅juá'₅ quian'₅₄ dsa₂ fariseos ně₃ ca₂i₃jnia₅ dsí₅: “¿I₂'ein₂ bá₄ ně₅ jmái'₂ mi'₅₄ Diú₄ a₂juá'₂ le₂në₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jnia'₅₄ lia'₂ Diú₄ bá₄.” 22 La₁ a₂lí'₄ rë₂ bá₄ Jesús 'e₂ a₂qui₂dsi₂jnia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lë₃ dsi₂jio₅ 'au'₂ 'nia'₂ le₂në₅? 23 ¿'E₂ a₂'ua₁ guë'₄ ta₁, a₂juá'₄ jniá₂ juig₅₄ dsa₂ la₂: “Ma₂rë₂'én₄ dsáu'₂”, o₃ a₂juig₅₄ 'e₂ jniá₂: “Nau₂, ñi₄”? 24 Ia₁ dse₃ jaun₂. La₂ jmo₅₄ jniá₂ ia₁jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂qui₃'éin₂ dsáu₁ dsa₂.

Jaun₂ guë'₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁jein₁ quiáng'₂, guan'₂.

† 5:14 'Í₂ Levítico 14.

25 Dsi₂jui₅ jaun₂ tē₃ jág₅ ca₂le₃jín₃, ca₂nau₂ ca₂caún₃ tsi₁jein₁ quió'₅ ca₂ηái'₃ jme₂juin'₂ Diú₄. 26 Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ ně₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmíg₄ ně₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví

(Mateo 9:9-13; Marcos 2:13-17)

27 Cang₂ jaun₂ ca₂o₃'iin₃ táng₃. Ja₁ηó₄ jaun₂, ca₂jjin₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Ńia₅ chi₁co'₅₄ quió'₃.

28 Ja₁jaun₂ ca₂dsia₃ jē₂, ca₂nau₂ ηó₃ quiong'₅₄.

29 Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄ quió'₄ Jesús, jaun₂ ca₂ηí'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ ně₃ qui₂ca₂gué'₃ quiaín'₅₄. 30 La₁ dsa₂ fariseos quian'₅₄ tē₅juá'₅ quiaín₅, chi₂ca₂'iin₃ dsa₂ i₂ma₂quian'₅₄ Jesús, ca₂juá'₂:

—¿'E₂ lē₃ qui₂quē'₂ qui₂'ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ ně₅, dsa₂ i₂le₁cán'₄ dso₄ ně₃?

31 Jaun₂ ca₂ηag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le₁'ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅. 32 Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂ dsi₁quén'₅ dsí₅.

Ca₂ηí'₃ dsa Jesús jui₁lia'₂ a₂jme₂'in₅₄ dsa₂

(Mateo 9:14-17; Marcos 2:18-22)

33 Jaun₂ dsa₂ 'éi₂ ně₃ ca₂tsí'₃ Jesús:

—¿'A₂ guē'₂ lia'₂ i₂gú'₃ jme₂'in₅₄ dsa₂ i₂quian'₅₄ Juan₅₄, jē₂ qui₂tsí'₅ Diú₄, le₂jaun₂ bá₄ dsa₂ quián₅ fariseos ně₃, la₁ dsa₂ quiáng'₂, guē'₅ 'ín'₂ bá₄?

34 Jaun₂ ca₂jéin'₃ Jesús jág₁:

—¿Lé₂ le₃chi₁quian'₄ 'nia'₂ jmíg₄ jme₃'in₅₄ jui₁lia'₂ dsa₂ i₂té₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ guē'₂ dsa₂ ηe'₂ i₂jen'₂ gu₂? 35 La₁ já₅ jmíg₄ jē₁ma₂ηia'₃ dsa₂ ηe'₂ 'éi₂; jmíg₄ jaun₂ guē'₄ ma₂lé₂ jme₃'iin₅₄.

36 Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíóng₅ 'nau₅₄ 'mí'₂ 'mí₂ tsi₁'mí'₂ gui'₅₄. Ia₁ ně₁jua'₂ ca₂jmo₃ le₂jaun₂, a₂ηia'₅₄ gué'₃ bá₄ caun₂ caun₂, ton'₂ tsá₃ ma₃rē₂ quín₅ tsi₁'mí'₂ gui'₅₄ quian'₅₄ 'nau₅₄ 'mí₂. 37 Ján₃ guē'₂ tsá₃ tia'₂ dsa₂ vino 'mí₂ ni₁lau₂ gui'₅₄, ia₁ ně₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂ gui'₅₄ quian'₅₄ dsió'₁ vino 'mí₂; téin₃ bá₄ vino, ton'₂ dsi₃'én₂ ni₁lau₂ gui'₅₄ ně₃. 38 Jaun₂ lē₃, lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ rē₂ lé₂ 'í₁ le₃tín₃. 39 Ján₃ bá₄

le₂jaun₂ jui₁lia₂ i₂ma₂'in₅ vino gui₅₄ a₂ma₂ron₂, tsá₃ jiá₃ dsí₅ 'ín₂
vino 'mí₂ a₂tě₂ca₂jlen₃. “Ia₁ tió₅ a₂gui₅₄” bá₄ juá₂.

6

Guén₂ dsa₂ quián₅ Jesús mīg₂ trigo caun₂ jmīg₄ sa₅₄
(Mateo 12:1-8; Marcos 2:23-28)

¹ Caun₂ jmīg₄ sa₅₄, ca₂ŋi₅ Jesús caun₂ ja₁nau₂ ja₁jnia₄ trigo.
Jaun₂ ca₂gág₃ dsa₂ i₂quain₅₄ mí₂ trigo, qui₂ca₂guéin₂ ca₂gué₃.

² Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá₂:

—¿'E₂ lě₃ jmo₂ 'nia₂ a₂tsá₃ 'i₄ 'éi₃ jmo₃ dsa₂ jme₁jmīg₄ sa₅₄?

Jaun₂ ca₂ŋag₃ Jesús:

³ —¿Tsa₁ ma₂'í₂ 'nia₂ ja₁juá₂ a₂ca₂jmo₃ David quain₅₄ riin₅₄
jme₁ca₂tá₂ i₁cón₅? ⁴ Ca₂'í₃ dsi₂néi₂ quió₅ Diú₄ ca₂can₃ i₁ŋí₄
ŋjió₅ a₂'i₄ 'éi₃ a₂guě₃ jmá₃ jme₂dsa₂. Ca₂guě₃, ca₂cuě₃ riin₅₄
i₂jme₁quain₅₄ ně₃.

⁵ Ca₂juá₂ Jesús ján₃:

—Jaun₅ dsa₂ mi₂güig₃ bá₄ i₂quian₅ 'éi₃ ne₄ quió₅ jmīg₄ sa₅₄.

Dsa₂ i₂rě₂já₃ caun₂ gu₂

(Mateo 12:9-14; Marcos 3:1-6)

⁶ Co₂ráun₂ táng₃ caun₂ jmīg₄ sa₅₄ ca₂lě₃, ca₂'í₃ Jesús guá₅ sina-
goga, ca₂jme₃tiin₂₃ dsa₂. Jě₄ jaun₂ jme₁'en₅₄ jan₂ dsa₂ i₂rě₂já₃ gu₂
ne₁. ⁷ Ca₂tiog₃ dsa₂ fariseos quian₅₄ tě₅juá₅ chi₂jua₂ jme₃'lióin₂
'éi₂ tě₃ jmīg₄ sa₅₄, ia₁ jme₁'no₂ jui₅ 'a₂ lia₂ jmo₃ dsáu₁ 'éi₂. ⁸ La₁
a₂ŋi₅ rě₂ bá₄ Jesús 'e₂ a₂dsi₂jiog₅ dsí₅ dsa₂ 'éi₂ tióin₂, jaun₂ ca₂tsí₃
dsa₂ i₂rě₂já₃ gu₂:

—Nau₂, ŋia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ŋó₃. ⁹ Jaun₂ ca₂tsí₃ Jesús dsa₂ i₂tióin₂
jág₅:

—La₂ ŋag₄ jniá₂ caun₂ 'nia₂: ¿'E₂ 'i₄ 'éi₃ jmo₃ dsa₂ jui₁lia₂
jme₁jmīg₄ sa₅₄? ¿A₁dse₃, o₃ a₂'lig₅₄ 'e₂? ¿A₂lióin₂ dsa₂ mi₂güig₃
riin₅₄, o₃ a₂ŋag₃ 'e₂?

¹⁰ Jaun₂ ca₂jii₂ ca₂le₃jii₃ dsa₂ i₂tióin₂ le₃lág₃ quió₅, jaun₂
ca₂tsí₃ dsa₂ dso₅₄:

—Nei₅₄ gog₂.

Jaun₂ ca₂néi₃, Dsi₂jui₅ jaun₂ bá₄ ca₂lág₃ gu₂. ¹¹ La₁ ca₂rě₃'né₃
bá₄ dsa₂ jain₂ jain₂ tióin₅₄, ca₂jme₃lióg₃ ca₂tsí₃ riin₅₄ 'e₂ jmái₂
Jesús.

Ca₂quión₂ Jesús guia₃-tín₂ dsa₂ i₂chein₃ 'a₂ guě₃ já₄ chei₃
(Mateo 10:1-4; Marcos 3:13-19)

¹² Ca₂lě₃ tě₃jě₄ jmīg₄ jaun₂, ca₂ŋó₃ Jesús jui₅ caun₂ má₂
a₂chi₂i₁lein₄ Diú₄. Tě₁jma₃nei₅ bá₄ ca₂ŋi₅ chi₂lėin₂ Diú₄.

¹³ Jme₁jnia₃ táng₃ jaun₂, ca₂tě₃ dsa₂ i₂quain₅₄, jaun₂ ca₂quión₂

guia₃-tín₂ 'éi₂. I₂'éi₂ ně₃ ca₂quiain₃, i₂chen₄ quiáin₅.^{*} 14 Le₂la₂jme₁chein₂: Si₂mu₅₄ i₂ca₂quiain₃ Pe₄; Drě₄ rin'₅₄ Si₂mu₅₄; Jacobob quian'₅₄ Juan₅₄ ně₃; Fe₂li₄, Bartolomé, 15 Tě₅₄, To₁má₄, Jacobo† i₂lín₅ ja₁ŋi'₅₄ Alfeo; Si₂mu₅₄ i₂lín₅ cananista.‡ 16 Judas rin'₅₄ Jacobo; quian'₅₄ Judas Iscariote§ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juin₅ lín₃ dsa₂
(Mateo 4:23-25)

17 Jme₁ca₂sióin₃ má'₂ jaun₂, quiain'₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ŋi'₂ juin₅ lín₃ dsa₂ i₂chan₂ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei'₅₄ jmi₁ŋi'₄ ja₁nio₅ juig₂ Tiro quian'₅₄ Sidón ně₃, 18 ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě'₂ dsa₂ i₂chan₂ uig₅ co₂j₂móg'₂ jme₂dsí₂ 'lin'₅₄, ja₁jaun₂ qui₂ca₂'líoin₂ bá₄ ján₃. 19 Qui₂ca₂'náu'₃ ju₁5 a₂ní'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Ju₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂
(Mateo 5:1-12)

20 Jaun₂ ca₂jín₂ ca₂le₃jín₃ i₂ma₂quiain'₅₄, jaun₂ ca₂juá'₂:
—'E₂ guě₄ dsen'₃ 'nia'₂ dsa₂ i₂chang'₂ ŋég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

21 "E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂-o₅ jmig₄ ně₃, ia₁ ŋág'₄ bá₄ 'nia'₂.

22 "E₂ guě₄ dsen'₃ 'nia'₂ jě₁ma₂ca₂jme₃'iog₅₄ dsa₂, a₂'uág'₂, jě₁ma₂tě₂ rě₁tě₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güig₃.

23 'Jmo₄ 'nia'₂ 'io'₂ 'ŋio₅ lín₃, quian₂ 'nia'₂ o₂'ŋió₃ 'au'₂ jě₁ma₂tě₂ jmig₄ jaun₂, ia₁ le₂ně₅ bá₄ guéi'₁ 'nia'₂ juě'₂ 'liang'₅₄ guei'₅₄ i₂juig₃. Ia₁ le₂ně₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmaí'₂ dsa₂ i₂jme₁'ě₂ jág₁ quián₅ Diú₄.

24 'La₁ 'e₂ guě₄ juig'₂ 'nia'₂ dsa₂ cha₂ cu₄, ia₁ ma₂gue'₅₄ bá₄ 'nia'₂ liang'₅₄.

25 "E₂ guě₄ juig'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmig₄ jě₁le₃chang'₂ 'ong'₅₄. 'E₂ guě₄ juig'₂ 'nia'₂ i₂chan₂ co₂ŋág₂ jmig₄ ně₃, ia₁ já₅ bá₄ jmig₄ jě₁tóng'₁ 'lia'₂ 'au'₂ qui'₁-'áu'₂.

26 'Juig'₂ bá₄ 'nia'₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can'₅₄ quiáin₅, ca₂'iín₃ dse₃ dsa₂ ju₁gan₂ i₂jme₁'ě₂ jág₁ ma₂líg'₂.

* 6:13 griego: apóstolous (dsa₂ i₂chen₄). † 6:15 o₃, Santiago. ‡ 6:15 griego: Celotes, co₂'nió'₄ dsa₂ i₂nau₂ quen₅; ja₂ i₂'nio₃ táun₂ 'uě₃ 'éi'₃ quió'₅ Roma. Jma₁quén₅ ca₂quioin₃ le₃on₃ Si₂mu₅₄ 'éi₂, ia₁ ŋi₄ lě₃ mei'₂ tsá₃ ca₂ne₅₄ a₂chein₂. § 6:16 o₃, Judas i₂chan₂ Cariot; o₃ Judas i₂tě₃jín₃.

A₂jme₃'nio₃ dsa₂ ju_{t1}lia'₂ dsa₂ i₂'iog₅₄

(Mateo 5:38-48; 7:12)

27 'La₁ 'nia'₂ dsa₂ i₂na_{g5}, juá'₅ jniá'₂: Jme₁'nió'₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. 28 Caun₂ dse₃ bá₄ qui₁'íng'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lë₁co₂j móg'₂. 29 Chi₂jua'₂ 'ein₂ ca₂jnaú₃ ca₂ton₂ rë₂jog'₂, jein'₅₄ le₃ca₂ton₂ táng₃ o₁jnaú₄; chi₂jua'₂ 'ein₂ ca₂jñiá'₂ 'mi'₂ dsiog₂ quiáng'₂, le₂jio_{g5} tsíng'₂ a₂qui₅₄ cuë'₅₄ ján₃, o₁quion₂. 30 Jui₁'ein₂ guë₃ mi₅ 'e₂ mi₂₃, cuë'₅₄; chi₂jua'₂ 'e₂ caun₂ a₂jñiá'₂ quiáng'₂, tsá₃ ma₃mag'₅₄. 31 Jui₁lia'₂ a₂'niog'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

32 'Ia₁ në₁jua'₂ 'nióg'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ç'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ ján₃ bá₄ le₂në₅ jmo₅ jui₁lia'₂ dsa₂ i₂'no₅ dso₄. 33 Ia₁ chi₂jua'₂ jmo₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ç'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ le₂në₅ bá₄ tion'₅₄ dsa₂ i₂'no₅ dso₄ ján₃. 34 Në₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui₅₄ jmí_{g4} jéin'₃ quiáng'₂, ç'e₂ ti₁'mag'₄ ca₂tíng'₂ në₁jua'₂ le₂jaun₂? Ia₁ le₂në₅ bá₄ tion'₅₄ guë'₂ dsa₂ i₂'no₅ dso₄ ján₃, qui₂dsi'₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. 35 La₁ 'nia'₂ në₃, jme₁'nió'₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ñiá'₅ 'au'₂ a₂jaun₂. Jaun₂ le₂në₅ bá₄ guéi'₁ 'nia'₂ juë'₂ 'liang'₅₄, ton₂ léng'₂ chi₂'guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lín'₅₄, i₂jñiá'₅₄ ti₁'mag'₄ tsá₃ cuë₂₃. 36 Jui₁len'₅₄ 'nia'₂ dsa₂ ñéi₂ dsí₅, jui₁lia'₂ ñéi₂ dsí₅ Diú₄ Ñéi'₅.

Tsá₃ lë₁caun₂ 'nia'₂ 'í₁ quió'₅ ríng'₂

(Mateo 7:1-5)

37 'Tsá₃ lë₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄. 38 Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuë₃ caun₂ 'éi'₃ tí₅, a₂tó'₅ tiá₂, a₂qui₂rë₂'ñiá'₄ rë₂ lín₃, ca₂lia'₂ tsá₃ ma₃to₂ ja₁'éi'₄ jmo₃, tó'₃ të₂jmu₂ quián'₂ 'nia'₂. Ia₁ 'éi'₃ jaun₂ bá₄ to₂ Diú₄ jui₁lia'₂ lë₅ 'éi'₃ a₂dsián'₅ 'nia'₂ ríng'₂ guiong'₅₄.

39 Jaun₂ ca₂cuë₃ Jesús jág₁ jáng'₅ léi₄ la₂:

—ç'Lé₂ le₃jñiá₃ dsa₂ ten₄ jan₂ dsa₂ ten₄ riin'₅₄ a₂'ë₃ jui₅? çTsa₁ tsi₃séin'₂ jua'₅₄ jui₁lia'₂ caun₂ siá₅? 40 'I₁jan₂ jui₁lia'₂ i₂'í₅ si₂ tsá₃ lín₅ jua'₅₄ a₂juin'₂ guë₄ con₂ guë₄ të₅ quián₅; ca₂lia'₂ ca₂dsó'₃ si₂ quió'₅, jaun₂ guë₄ lé₂ le₃dsióg₄ léin₂ con₂ lín₅ të₅ quián₅.

41 'ç'A₂ bá₄ lia'₂ jñiá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton₂ tsá₃ leng'₅₄ a₂'i₄ ni₁'ma₂ chá₅ jme₁ne₄ 'ñiag'₂? 42 ç'A₂ bá₄ lia'₂ tiá₂

'au'₂ juig'₅₄ ríng'₂: “Rin'₅₄ jniog₄, cuë₄ jmig₄ o₁dsi₁₂ jme₁qui₅ pí'₁ a₂'i₄ jme₁ne'₄”? i'Ne₂ dsa₂ i₂lë₁jmo₅-dsáu₅ o₁ne₁! Dsi₄ de'₂ jjiá₅ ni₁'ma₂ chá₅ a₂'i₄ jme₁ne'₄ 'ñiag'₂, jaun₂ guë₄ le₃jag'₅₄ rë₂ dsí'₁ qui₅ pí'₁ a₂'i₄ jme₁ne₁ ríng'₂.

Të₂le₃ 'a₂ lia'₂ lë₅ mīg₂ a₂'ag₅ bá₄ ni₁'ma₂, jáng'₅ lé₄
(Mateo 7:17-20; 12:34-35)

⁴³ Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guë'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃.
⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ të₂le₃ 'a₂ lia'₂ lë₅ mīg₂ a₂'ag₅: ma₁ tsá₃ quí₅ dsa₂ mīg₂ higos jui₁lia'₂ ni₁'ma₂ taun₅ chei₅₄, on₃ guë'₂ lé₂ le₃cág'₃ dsa₂ mīg₂ uvas jui₁lia'₂ chi₁uíng₃ taun₅.
⁴⁵ Já₃ bá₄ le₂në₅ dsa₂ ně₃. Jui₁lia'₂ dsa₂ dsen₃, lia'₂ con'₂ lë₅ a₂dse₃ a₂ma₂rë₂'ma₄ të₂dsí₅, jmo₂₃ a₂dse₃; dsa₂ i₂'lin'₅₄ ně₃, lia'₂ con'₂ lë₅ a₂'lig'₅₄ a₂ma₂rë₂'ma₄ të₂dsí₅, jmo₂₃ a₂'lig'₅₄. Ia₁ lia'₂ con'₂ lë₅ a₂'lióng₂ ñag₅₄ cha₂ të₂dsí₅ dsa₂, a₂jaun₂ bá₄ 'uë₂ mi₂'o₅₄.

Ti₃ né₃ 'uig₅₄ cha₂
(Mateo 7:24-27)

⁴⁶ '¿E₂ bá₄ lë₃ të'₅ 'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo'₂ guë'₂ 'nia'₂ a₂juá'₅?
⁴⁷ Le₂jan₂ le₂jan₂ i₂të₁ja₂lén₂ ne₃, i₂ja₂në₃ jág₁ quió₃, ton'₂ ne'₅₄ ně₃, la₂ 'í₁n₄ 'a₂ lia'₂ lín₅:
⁴⁸ lín₅ jui₁lia'₂ jan₂ dsa₂ i₂ca₂jmo₃'g'₃ 'né₅, ca₂gué₃ 'ei₄ de'₂ jjiá₅ ca₂lia'₂ ca₂të₂ ne₄ ni₁'lau₂. Ne₄ jaun₂ ca₂jme₃lió₃ 'uig₅₄ 'ia'₂. Jme₁ca₂juë'₂ jmig₂, ca₂dság'₃ jmig₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jjiá'₅₄ tsá₃ ca₂'ñiá'₂, ia₁ rë₂ jme₁lë₄.
⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄ guë'₂ ně₃, lín₅ jui₁lia'₂ lín₅ dsa₂ i₂ca₂chí'₃ 'ne₄ jjiá'₅₄ dsí₂ ne₄ 'uë₃ bá₄, tsá₃ 'uig₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmig₂ dso'₂ tsi₁'né₅ jaun₂, ca₂qui'₃ bá₄, co₂ñei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄ 'lióg₂ romano
(Mateo 8:5-13)

¹ Jme₁ca₂dsan₃ cuë₂₃ jág₁ le₂në₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ñó₃ jui₅ juig₂ Capernaum.
² Ja₁jaun₂ jme₁guá₄ jan₂ juig₅₄ 'lióg₂ romano i₂jme₁'ñio₅ jan₂ dsa₂ i₂jme₁jme₂ti₃ ne₅₄, i₂jme₁'nio₃ lín₃. 'É₂ ně₃ jme₁dso'₅₄ jme₁ma₂rë₂quiain₂₃ jóin₂.
³ Jme₁ca₂rë₃ñi₅ juig₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂3lëin₂ a₂1mi₂ ne₄ Jesús a₂jiá₃ jme₃'lión₂ dsa₂ mozo quián₅.
⁴ Jme₁dsi₃lëin₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig'₅₄ 'lióg₂ 'éi₂ a₂jme'₁oin'₄, ⁵ ia₁ 'ñio₅ lin₃ bá₄ 'noi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ñó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁lén₂ dsi₂néi₂ jme₁ca₂chen₃ táng₃ gui'₅₄ juig'₅₄ 'lióg₂ jan₂-on₃ a₂mei'₅₄ quiáin₅, a₂quian₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsi₃, ç₂'ein₂ bá₄ jniá₂ jua'₅₄ nei₅₄ 'ñió₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂nē₅, ia₁jaun₂ jña₃ dso'₅₄ mozo quiáng₃. ⁸ Ia₁ le₂nē₅ bá₄ jniá₂ 'ñió₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juig₂ jniá₂, “Gua₂jó₄”, ja₁jaun₂ dsó₃ bá₄; nē₁jua'₂ ca₂juig₂ “Ñia₅ ja₁lá₃”, jiá₃ bá₄. Já₃ guë'₂ le₂jaun₂ nē₁ca₂juig₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ nē₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jíin₂ dsa₂ i₂quaiin'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂én₂ lia'₂ 'én₂ dsa₂ nē₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

¹¹ Cang₂ jaun₂ ca₂ñó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quaiin'₅₄ chi'₂ dsi₂guia₃-tín₂ quiáin₅, i₃lén₂ quian'₅₄ juin₅ guë'₄ dsa₂ sián'₂ nē₃. ¹² Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ñi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃'o₃. ¹³ Ca₂tá'₂ néi₂ dsí₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quiáin₃ ca₂ñíi'₃ tsi₁gu₅. Ca₂jña₃ bá₄ guë'₂ dsa₂ i₂jme₁le₂te₂, jaun₂ ca₂juá'₂ Jesús ca₂tsí'₃ 'lag₄:

—i'Ne₂ juig₂ jniá₂ chi'₂, nau₂!

¹⁵ Jaun₂ nē₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄. ¹⁶ Jme₁ca₂tē₂ ne₄ dsa₂ a₂ca₂lē₃ jaun₂, ca₂i₃gó'₃ dsí₅ ca₂le₃jíin₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rē₃jniá₂ jan₂ dsa₂ juin'₂ i₂'ē₂ jág₁ quián₅ Diú₄ jē₄ quián₂ jniog₄.

Juá'₂ nē₃:

—Ma₂guan₅ Diú₄ a₂jme₃'oin₅₄ dsa₂ juig₂ quiáin₅.

¹⁷ Le₂con₂ ja₁tén₄ 'uē₃ Judea, le₂con₂ ma₂quián₅ jaun₂ nē₃, qui₂ca₂rē₃ñi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂

(Mateo 11:2-19)

18 Ca₂rě₃ŋi₅ Juan₅₄ ca₂le₃jě₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂tě₃ on₃ dsa₂ 'éi₂, 19 jaun₂ ca₂chei₃ ne₄ Te₁gui'₅₄ a₂dsi₃ŋag₅₄ chi₂jua'₂ tē₃dsón'₂ lín₅ dsa₂ i₂lě₅ jág₁ jiá₃, o₃ ŋjia₃ i₂sián'₂ 'e₂. 20 Jaun₂ dsa₂ 'éi₂ ně₃, ca₂jme₃quiáin₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ ně₂chei₃ ŋnia'₅₄ a₂ŋag₄ 'ne₂ chi₂jua'₂ tē₃dsón'₂ líng'₅ i₂lě₅ jág₁ jiá₃, ζ₀₃ ŋjia₄ ŋnia'₅₄ i₂sián'₂ 'e₂?

21 Tě₃jě₄ jaun₂, ca₂jme₃lión₂ Jesús juin₅ lín₃ dsa₂ i₂jme₁le₁dso'₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lín'₅₄ ně₃ qui₂ca₂'uín'₂; qui₂ca₂jmóg'₃ jme₁ne₁ dsa₂ i₂jme₁ten₄. 22 Jaun₂ guě₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tě₂ ne'₅₄, 'e₂ a₂qui₂ně₂nei'₂ ně₃. Qui₂jág₅ jui₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ ně₃; le₂jaun₂ guě'₂ 'lag₄ ně₃ qui₂jein'₅₄ táng₃; ja₁con₂ dsa₂ dsi₂ŋé₂ dsi₂'ag₅ jág₁ dse₃ a₂lión₂ dsa₂. 23 'E₂ guě₄ dsen₃ dsa₂ i₂tsá₃ 'ag₅ caun₂-tin₃ dsí₅ o₄quió₃ jniá₂.

24 Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iín₂₃ Juan₅₄, ca₂juá'₂:

—ζ'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uě₃ quein₂ co₂ŋiog₅ jaun₂? ζ₀₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsí₂ ja₁jaun₂? 25 Chi₂jua'₂ on₃ jaun₂, ζ'e₂ guě'₂ ca₂i₁jag'₄ 'nia'₂? ζ₀₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ŋi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuě'₅ o₂ŋió₃ o₂ŋjia₃ dsi₅, i₂tion'₅₄ jui₁lia'₂ dsi₂néi₂ quió'₅ rag₅₄ bá₄ i₂le₂'éi₂. 26 Jaun₂ ně₃, ζ'e₂ guě'₂ ca₂i₁jag'₄ 'nia'₂? ζ₀₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂jín'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guě₄ lia'₂ con'₂ guě₄ jan₂ i₂'ě₂ jág₁ quián₅ Diú₄ bá₄ ca₂i₁jín'₄ 'nia'₂, juá'₅ jniá₂. 27 Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ juí₅ quiáng'₂, jón₃,

a₂dsi₃can₅ jág₁, jmo₃ co₂ŋjia₅₄ juí₅.*

28 Juá'₅ jniá₂ juíg₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rě₃chán₃ i₂juin'₂ guě₄ lia'₂ con'₂ guě₄ Juan₅₄. La₁, i₂lín₅ i₂me'₂ guě₄ ja₁gon₂ Diú₄, i₂'éi₂ lín₅ i₂juin'₂ guě₄ lia'₂ con'₂ guě₄ 'éi₂.

29 (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ ně₃, jme₁ca₂ŋjói₂ jmig₂ ca₂cho₃ Juan₅₄, le₂ně₅ bá₄ ca₂jme₃ŋnia₂₃, Diú₄ bá₄ i₂lín₅ i₂qui₂dsi₅ 'éi'₃ tí₅. 30 La₁ dsa₂ fariseos quian'₅₄ tē₅juá'₅

* 7:27 Malaquías 3:1.

ně₃, tsá₃ ca₂gue₃ cho₃ Juan₅₄ jmig₂; le₂ně₅ bá₄ a₂ca₂rě₃jniái₂ ján₃ a₂tsá₃ jí₅₄ a₂jme₁'nio₃ Diú₄ jmo₃ quiong'₅₄.)

31 —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ ně₃? ¿'E₂ bá₄ quian'₅₄ le₃quíng₄ lín₅? 32 Lín₅ juí₁lia'₂ lín₅ i₂bě'₅₄ i₂tón'₅ qui₂quíó'₅ jmái'₂ riin'₅₄ jě₄ 'ma'₅₄, juá'₂:

Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ 'nia'₂;

ján₃ guě'₂ ně₂jmó₁ jnia'₅₄ son₅₄ quió'₅ 'lag₄

la₁ tsá₃ ca₂tá'₂ guě'₂ 'lia'₂ 'au'₂ 'nia'₂.

33 'Ia₁ ca₂guan₃ Juan₅₄ i₂chon₅ dsa₂ jmig₂, i₂tsá₃ jme₁guě'₅ i₁ńí'₄, on₃ guě'₂ vino jme₁'ín'₂ ně₃, ca₂'iin'₅₄ 'nia'₂ a₂'ein₅₄ jme₂dsi₂ je₂na'₅₄. 34 Ca₂guan₃ guě'₂ táng₃ Jaun₅ dsa₂ mi₂güig₃ i₂tin₂ guě'₅, 'ín'₂ ně₃; la₁ 'nia'₂ juá'₂ 'ín'₅ a₂lín₅ jlé₂ 'í₅, má₄ jmíg₃ ně₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ ně₃. 35 Rě₂jniái₂ bá₄ a₂ńí'₄ lě₃ ńí'₂ dsí₅ Diú₄, a₂tiin₂, tě₂le₃ quian'₅₄ 'a₂ lia'₂ lě₅ jmo₅ chí₂-güein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

36 Jaun₂ ca₂tě₃ jan₂ dsa₂ fariseo ca₂tě'₃ Jesús a₂i₁guě'₂ dsi₂néi₂ quió'₅. Ca₂'í₃ bá₄ guě'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa. 37 Tě₃jě₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ńí₅ juig₂ jaun₂, ia₁ jme₁ca₂rě₃ńí₅ a₂'en₅₄ Jesús guě'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pí'₁ jlá'₁ a₂lě₅ quian'₅₄ alabastro, a₂'a₄ no'₅₄ mi₂juig₂. 38 Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmig₂ 'ei₅ jme₁ne₁₂ co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ ńńi₂ dsi₅₄, jaun₂ ca₂chen'₃, jaun₂ ca₂tsáng₂ no'₅₄ mi₂juig₂. 39 Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ guě₃ tě₃dsón'₂ dsa₂ ně₅ lín₅ jan₂ i₂'ě₂ jág₁ quián₅ Diú₄, jme₁le₃lí'₄ 'a₂ lia'₂ lín₅ dsa₂ i₂ńí'₅ quió'₅. Ia₁ jan₂ 'io₅₄ i₂'no₅ dso₄ bá₄ ně₅.” 40 Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ńag₃.

41 Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tin₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guě'₂ jme₁rín₂ tě₂láu₃-guiá₃. 42 Ca₂'én₂ bá₄ guě'₂ dsa₂ juig₅₄ cu₄ dsáu₁ jě₁le₃oin₃ le₂jaun₂, ia₁ tsá₃ guě'₂ qui₅₄ jmig₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ¿'ein₂ i₂on₃ 'éi₂ i₂'nioi₃ guě'₄?

43 Ca₂ńag₃ táng₃ Si₂mu₅₄:

—Dsa₂ i₂jme₁rín₂ guě'₄ 'lióng₂, lín₂ jniái₂.

—Dsau₅ bá₄ le₂ně₅ —ca₂ńag₃ Jesús. 44 Jaun₂ ca₂jín₂ táng₃ 'io₅₄, ca₂tsí'₃ táng₃ Si₂mu₅₄:

—ǰjɪŋg'₄ dsa₂ mí₂ la₂? Jme₁nē₂'ú₃ dsi₂néi₂ quiáng'₂, tsá₃ jmiǰ₂
 nē₂cuē'₅₄ a₂ɲj₁₃ tag₃; la₁ 'io₅₄ la₂ nē₃ ma₂nē₂rang₃ tag₃ quian'₅₄
 jmiǰ₂ 'ei₅ jme₁ne₁₂, ton'₂ ma₂nē₂chí₃ táng₃ quian'₅₄ ɲj₁₂ dsi₅₄.
 45 Ján₃ bá₄ le₂jaun₂, tsá₃ nē₂chen'₅₄ quió₃ jme₁guang₁₂. 'Io₅₄ la₂
 guē'₂ nē₃, ca₂lia'₂ tsá₃ 'na₂ bá₄ caun₂ chen'₂ tag₃. 46 Tsá₃ no'₅₄
 ma₂nē₂'ág'₂ jua'₅₄ a₂ma₂nē₂tsáng'₃ dsi₃; la₁ 'io₅₄ la₂ guē'₂ nē₃,
 ma₂nē₂'ág'no'₅₄ mi₂juig₂ tag₃. 47 'Uig₅₄ nē₅ nē₃ juá'₅ ɲniá₂ ia₁ a₂ɲj₁₄
 lē₃ 'lióng₂ dso₄ jme₁rē₂cáin'₄, la₁ ma₂rē₂'én₄, a₂jaun₂ bá₄ lē₃ ɲj₁₄
 lē₃ cuē'₂₃ léi₄ a₂'nio₃. La₁ ju₁lia'₂ dsa₂ i₂ca₂juig₄ bá₄ dsáu₁ rē₂'én₄,
 me'₂ bá₄ cuē'₂₃ léi₄ a₂'nio₃.

48 Jaun₂ guē₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rē₂'én₄.

49 Ca₂le₃jín₃ guē₄ dsa₂ sián'₂ i₂jme₁tián'₄ ne₄ mesa quian'₅₄,
 ca₂dsia₃ tsí'₅ riin'₅₄:

—ǰl₂'ein₂ bá₄ nē₅, ca₂tē₂ dsáu₁ dsa₂ qui₂'éin₂?

50 La₁ Jesús nē₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ nē₃. Guan'₂ tei₄ quiáng'₂.

8

Dsa₂ mí₂ i₂jme₁i₂nio₄ jme₂'on₅₄ Jesús

1 Cang₂ jaun₂, ca₂i₁ɲi₂ Jesús le₂tan₅₄ juig₂ ca'₅₄, le₂tan₅₄
 juig₂ pí'₁ nē₃, qui₂i₁jme₁tiin₂₃ dsa₂ jág₁ dse₃ ju₁lia'₂ ja₁gon₂
 Diú₄. Jme₁quian'₅₄ bá₄ chí'₂ dsi₂guia₃-tín₂. 2 Ján₃ guē'₂
 jme₁quian'₅₄ dsa₂ mí₂ i₂ma₂ca₂'uín'₂ jme₂dsí₂ 'lín'₅₄ quió'₅,
 i₂ma₂ca₂jme₃'lióin₂ dso₄ a₂jme₁lín₄ nē₃. Jín₄ 'éi₂ jme₁ɲi₅
 jan₂ i₂chen₂ María i₂tě'₂ Magdalena,* i₂ma₂'uín'₂ Jesús guion₃
 je₂na'₅₄ tē₂dsí₅; 3 ján₃ bá₄ jme₁ɲi₅ i₂chen₂ Juana i₂lín₅ dsa₂ mí₂
 quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃
 bá₄ jme₁ɲi₅ i₂chen₂ Susana; i₂juin₅ bá₄ i₂sián'₂ guē₄ i₂jme₁i₂nio₄
 quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ ju₁lia'₂ dsa₂ i₂séi₂ míg₂ jon₂

(Mateo 13:1-9; Marcos 4:1-9)

4 'Lióng₂ juig₂ ja₁jme₁tón'₅ dsa₂ ju₁ dsi₂léin₂ dsi₂jiin₅₄ Jesús.
 Jē₁ma₂le₁ɲi'₂ dsa₂ juin₅ nē₃, jaun₂ ca₂dsia₃ jág₁ jáng'₅ léi₄ la₂,
 ca₂juá'₂:

5 —Jan₂ dsa₂ ca₂ɲe₄ ja₁nau₂ ca₂i₁séi₄ míg₂ jon₂. Jme₁ma₂'ein₅₄
 séi₂ nē₃, a₂lín₅₄ míg₂ i₂ga'₅₄ le₂'í₄ ju₁ qui₂ca₂tsó'₃ dsa₂; i₁tan₅ guē'₂
 nē₃ ca₂guē'₃ ca₂dsio₄. 6 Ca₂dsio₄ guē'₂ nē₃ ca₂i₃to'₅₄ jē₄ ni₁cang₁;
 jme₁ca₂'ia₂, ca₂rē₃ quéin₃ bá₄ ia₁ tsá₃ gua'₅₄ cha₂ jua'₅₄ a₂güig'₂.
 7 Ca₂dsio₄ guē'₂ ca₂séi'₂ jē₄ ni₁taun₅. La₁ ni₁taun₅ bá₄ tiá₂ ca₂jo₃
 jme₁ca₂'ia₂. 8 La₁ ca₂dsio₄ guē'₂ nē₃ ca₂tín₂ ja₁dse₃ gua'₅₄; a₂jaun₂

* 8:2 o₃, “i₂chan₂ Magdala.”

ca₂i₃cón₃, ca₂rau₂ dse₃ lín₃, caun₂ 'ñiá₂-láu₂ míg₂ lia'₂ ca₂míg₂ jon₂ a₂ca₂séi₂.

Jme₁ma₂lë₅ jme₂tag₂₃ le₂në₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rë₂gua₄, nei₂ 'nia'₂ rë₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

⁹ Jaun₂ ca₂ñag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuë₂₃ jaun₂. Jaun₂ ca₂juá'₂ Jesús:

¹⁰ —Diú₄ bá₄ jmo₅ a₂rë₂ñí'₂ 'au'₂ 'nia'₂ jág₁ a₂rë₂'ma₄ quió'₅, 'a₂ lia'₂ lë₅ ja₁goin₂. La₁ dsa₂ sián'₂ në₃, juíg₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂në₂jág₃, la₁ tsá₃ le₃lí'₄ 'e₂ në₂jág₃;

i₂në₂néi₂ në₃, la₁ tsá₃ le₃lí'₄ 'e₂ në₂néi₂,

on₃ guë'₂ le₃ñí'₂.†

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ míg₂ jon₂

(Mateo 13:18-23; Marcos 4:13-20)

¹¹ 'A₂la₂ bá₄ jein₅ jág₁ a₂jáng'₅ léi₄: A₂lë₅ co₂'nió'₄ míg₂ jon₂, jág₁ dse₃ quió'₅ bá₄ Diú₄ jaun₂. ¹² Jui₁lia'₂ ca₂dsio₄ míg₂ jon₂ a₂i₃ga'₅₄ le₂'i₄ jui₅ guë'₂ në₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂së₃dsen₃ guë'₂ në₃, ja₂ñiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. ¹³ Co₂'nió'₄ míg₂ jon₂ a₂i₃to'₅₄ jë₄ ni₁cang₁ guë'₂ në₃, co₂'nió'₄ lín₅ jui₁lia'₂ dsa₂ i₂guen₅ 'ñio₂ dsí₅ jág₁ dse₃ jë₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ në₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rë₂'éin₂, ia₁ jë₁ma₂ca₂i₃ñí'₂ 'e₂ caun₂ jui₅bí₂ a₂cáun₂ táu₂, dsi₂lein₅ táng₃ le₃ca'₃, tí₂ jág₁. ¹⁴ Co₂'nió'₄ jon₂ a₂ca₂séi'₂ jë₄ ni₁taun₅ guë'₂ në₃, co₂'nió'₄ lín₅ jui₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuë'₅ o₂'ñió₃ o₂jñia₃ dsí₅; i₂në₅ në₃ lín₅ co₂'nió'₄ míg₂ a₂tsá₃ ma₃lë₂ rón₃. ¹⁵ La₁ ca₂dsio₄ míg₂ jon₂ a₂ca₂séi₂ ja₁dse₃ gua'₅₄, co₂'nió'₄ lín₅ jui₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rë₂jniá₂ a₂jmo₂₃ chain₂.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂

(Marcos 4:21-25)

¹⁶ "I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlë₂ o₃ a₂chi'₂ né'₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. ¹⁷ Ján₃ bá₄ le₂jaun₂, 'i₁caun₂ a₂rë₂'ma₄ jlë₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rë₂jniá₂. Ján₃ guë'₂ le₂jaun₂

† 8:10 Isaías 6:9.

'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ŋi₅: tion₅₄ bá₄ rē₂ŋi₅ dsa₂.

18 'Quion₂ de'₂ 'nia'₂ 'í₁ rē₂ jaun₂, 'a₂ lia'₂ lě₅ nag'₂, ia₁ ju₁lia'₂ i₂ma₂ŋí'₂, Diú₄ bá₄ jmo₃ a₂le₃ŋí'₂ guě₄. La₁ ju₁lia'₂ i₂tsá₃ 'nio₃ le₃ŋí'₂ guě'₂ ně₃, ca₂tě₂ a₂jme₁ma₂ŋí'₂, lín₂, ŋjia'₃.

Chi'₂ rin'₅₄ Jesús, quian'₅₄ chog'₅₄

(Mateo 12:46-50; Marcos 3:31-35)

19 Jaun₂ ca₂dsi₃lén₂ chi'₂ rin'₅₄ Jesús quian'₅₄ chog'₅₄, jme₁'nio₃ jme₁ŋí₃ ca₂tě₂ ja₁'en₅₄ 'éi₂, la₁ tsá₃ lé₂, ia₁ ju₁n₅ lín₃ dsa₂ tion'₅₄.

20 Jaun₂ jan₂ dsa₂ sián'₂ bá₄ ca₂ŋag₃ jág₁ ca₂juá'₂:

—Chog'₂ quian'₅₄ chi'₂ ríng'₂ ně₅ tióin₂ ca₁'né₄, 'nio₃ jín₂ 'ne₂.

21 Jaun₂ ca₂ŋag₃:

—Dsa₂ i₂nag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ ně₃.

Ca₂jmo₃ Jesús ca₂'ág₂ tei₄ jmi₁ŋí'₄, ca₂ŋjia'₃ dsí₂ ně₃

(Mateo 8:23-27; Marcos 4:35-41)

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quián₅:

—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄. 23 Tě₃lia'₂ tióin'₅₄ 'ain₂₃ jmi₁ŋí'₄, la₁ 'éi₂ ně₃ ca₂güin₂ bá₄. Tě₃jě₄ jaun₂ ca₂'ág₂ dsí₂ tiá₂ lín₃ ne₄ jmi₂g₂. Ca₂rě₃lióg₃ i₃'a₄ jmi₂g₂ 'ŋió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lín₃ tióin'₅₄. 24 Jaun₂ ca₂i₁ŋei₂₃ Jesús, ca₂juá'₂:

—iTě₅! iTě₅! iDsi₃'éin₂ jniog₄!

Jaun₂ ca₂nau₂ bá₄ guě'₂ Jesús ca₂tě₂ ca₂jéin₂ dsí₂, a₂jná'₅ jmi₂g₂ ně₃. Dsi₂ju₁5 le₂jaun₂ bá₄ ca₂tě₁tsi'₅₄ táng₃ tei₄. 25 Jaun₂ tsí'₅ chi'₂ dsi₂guia₃-tín₂:

—Ď'A₂ ŋó₅ a₂'én'₂ 'nia'₂?

Ca₂lia'₂ lě₁quian₅ juě'₅ lín₃ bá₄ tióin'₅₄ dsi₂gó'₃ dsí₅, dsia₂₃ tsí'₅ riin'₅₄:

—Ď'Ei₂n₂ bá₄ lín₅ dsa₂ ně₅, tiin₂ jmo₃ 'éi'₃ tsí'₅ tě₂ dsí₂, jmi₂g₂ ně₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'lín'₅₄

(Mateo 8:28-34; Marcos 5:1-20)

26 Jaun₂ guě₄ ca₂dsi₃lén₂ 'uě₃ Gerasa[‡] a₂ron₅ le₃ŋo'₅₄ jmi₂g₂ ja₁ron₅ 'uě₃ Galilea. 27 Jme₁ca₂o₂'ín₃ Jesús a₂tě₁tsi₁n'₅₄ 'uě₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ ně₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ŋi₂₃ tsá₃ ma₃tsin'₅₄ qui'₅, on₃ guě'₂ ma₃juá'₅₄ a₂guá₅ dsi₂něi₂; tau₂ 'ŋio₅ quió'₅ 'lag₄

‡ 8:26 A₂lín₅₄ chog₅₄ si₂juá'₂: “Gadara”; a₂siá'₂ guě'₂ ně₃, juá'₂: “Gergesa”; ján₃ bá₄ le₂ně₅

bá₄ jme₁ma₂guá₅, ²⁸ Jme₁ca₂jíin₂ Jesús, jaun₂ ca₂guió'₃ co₂mi'₅₄, ca₂chi₃jnë₃ ne₄ 'éi₂, ca₂juá'₂ tiá₂ lin₃:

—¿'E₂ bá₄ lë₃ ñe'₃ i₃tiáng'₃ jë₄ quián'₂ jniá₂, 'ne₂ Jesús Ja₁ñi'₅₄ Diú₄ i₂guá₅ guei'₅₄ lin₃? Mi₂₃ jniá₂ ne'₅₄, tsá₃ cuë₂ uig₅.

²⁹ Ca₂juá'₂ le₂në₅ ia₁ jme₁ma₂në₂jmo₃ Jesús 'éi'₃ a₂o₃'in₅ jme₂dsí₂ 'lin'₅₄ quió'₅, 'Lióng₂ ráun₂ bá₄ le₂jñiá₅ jme₁ma₂ca₂jñau'₃ i₂'lin'₅₄. Jaun₂ o₁jñia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ñi₁ cadenas ia₁jaun₂ lé₂ 'í₁, la₁ ca₂le₃jë₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ñi₃ uíng₂ gua'₅₄ quein₂ ja₁co₂'ñiog₅.

³⁰ Jaun₂ ca₂ñag₃ Jesús:

—¿'A₂ bá₄ lia'₂ cheng'₂?

Jaun₂ ca₂ñag₃:

—Ju_{in}₅Š bá₄ cheng₂.

Le₂në₅ ca₂juá'₂ chein₂ ia₁ a₂ju_{in}₅ je₂na'₅₄ i₂jme₁tion'₅₄ quió'₅.

³¹ Jaun₂ jme₂dsí₂ 'éi₂ në₃ qui₂ca₂mi₃ tion'₅₄ ne₄ Jesús ia₁jaun₂ tsá₃ guiog'₃ 'éi₂ ca₂të₂ ja₁ca₂jein₃ chi₁dsio₅₄. ³² Jaun₂ jme₁tion'₅₄ ju_{in}₅ i₁ñi₅ caun₂ dsí₂con'₂. Jaun₂ ca₂mi₃ jme₂dsí₂ a₂cuë₃ Jesús jmi₄ a₂dsi₃toin'₅₄ quió'₅ i₁ñi₅. Jaun₂ ca₂cuë₃ bá₄ guë'₂ Jesús jmi₄. ³³ Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃léin₂ i₃toin'₅₄ quió'₅ i₁ñi₅. Ca₂le₃jín₃ i₁ñi₅ 'éi₂ në₃ ca₂i₁noi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ të₂ dsi₂jmi₄. Ja₁jaun₂ ca₂dsain₃ ca₂'in'₃ jmi₄.

³⁴ Jme₁ca₂të₂ ne₄ dsa₂ i₂jme₁jmo₅ 'í₁ i₁ñi₅ 'e₂ ca₂lë₃, ca₂i₃lein₃ ca₂cuíng₃ ca₂i₁dsia₂ jë₄ juig₂, ja₁nau₂ në₃. ³⁵ Jaun₂ ca₂i₁len₅₄ dsa₂ juig₂ i₁jag₅₄ a₂ca₂lë₃ ja₁jaun₂. Jme₁ca₂dsi₃léin₂ ja₁'en₅₄ Jesús, ca₂jíin₂ dsa₂ i₂ma₂'uin₂ je₂na'₅₄ të₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂jág₂. ³⁶ Dsa₂ i₂ca₂të₂ ne₄ a₂ca₂lë₃ jaun₂, ca₂dsia₃ ca₂tsí'₃ táng₃ i₂ca₂dsi₃lén₂ 'éi₂ 'a₂ lia'₂ ca₂'lón₂ dsa₂ i₂jme₁tion'₅₄ je₂na'₅₄ të₂dsí₅. ³⁷ Jaun₂ në₃, ca₂le₃jín₃ bá₄ dsa₂ chan₂ le₃lág'₃ juig₂ 'uë₃ Gerasa ca₂tsí'₃ Jesús a₂o₃'iin₅ ja₁jaun₂, ia₁ 'ñio₅ lin₃ të₂tsi'₅₄ go₂'i₃ tion'₅₄ dsa₂. Jaun₂ ca₂ñá'₃ bá₄ 'éi₂ ca₂'í₃ táng₃ tsí₁mu₅. ³⁸ Dsa₂ i₂ca₂'uin₂ jme₂dsí₂ je₂na'₅₄ quió'₅ në₃, jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ në₃ ca₂jmo₃ 'éi'₃ a₂jñia₃ bá₄, ca₂juá'₂:

³⁹ —Guan'₂ bá₄ quiáng'₂, o₂dsia₄ ca₂le₃jë₃ 'e₂ në₂jmo₃ Diú₄ ja₁cong'₂.

Ca₂ñá'₃ bá₄ guë'₂ dsa₂ 'éi₂ quió'₅, ca₂i₁dsia₂ le₂tan₅₄ jë₄ juig₂ 'e₂ ca₂jmo₃ Jesús quiong'₅₄.

Ja₁mí₄ Jairo, quian'₅₄ 'io₅₄ i₂ca₂ñi'₃ tsin'₅₄ Jesús
(Mateo 9:18-26; Marcos 5:21-43)

40 Jme₁ca₂dsián'₃ táng₃ Jesús le₃ηo'₅₄ jmig₂, qui₂ca₂guei₃ dsa₂ a₂ηio₂ dsí₅, ia₁ ca₂le₃jün₃ bá₄ jme₁ma₂le₁jñiog₂₃ tioin'₅₄. 41 Të₃jë₄ jaun₂, ca₂dsióg₃ jan₂ dsa₂ i₂chen₂ Jairo, i₂niog₅ gu₂ guá'₅ sin-agoga. Dsa₂ 'éi₂ nē₃ ca₂chi₃jné₃ ne₄ Jesús jme₁dsióg₃, ca₂mi₃ tion₅₄-jan₃ ia₁jaun₂ dsó₃ ja₁quió'₄. 42 Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ηi₂, i₂jme₁ma₂i₁jón₂. Jme₁ma₂'en₅₄ Jesús jui₅ ηó₃ ja₁quió'₄ 'éi₂, juin₅ lin₃ dsa₂ i₂l₃lén₂ quiong'₅₄, lia'₂ qui₂rë₂quín'₅ bá₄ Jesús ηó₃.

43 Jë₄ jaun₂, ηó₃ jan₂ dsa₂ mí₂ i₂dso'₅₄ ma₂guia₃-tín₂ ηi₂ a₂tiin₂,* la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃ jme₃lió₂.

44 'Io₅₄ 'éi₂ nē₃ ca₂jme₃quiáin₃ të₂le₃ chi₁co'₅₄ quió'₅ Jesús. Jaun₂ ca₂ní₃ 'chei'₅₄ tsin'₅₄ 'éi₂. Co₂tan₅₄ dsí₂jui₅ le₂jaun₂ bá₄ ca₂quion₂ jmi₂ 'ain₅₄.

45 Jaun₂ ca₂juá'₂ Jesús:

—¿'Ein₂ nē₂ní'₃ quió₃?

Ca₂le₃jün₃ bá₄ dsa₂ ηag₂₃ juá'₂ tsá₃ ηi₅.

Jaun₂ ca₂juá'₂ Pe₄:†

—Të₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

46 La₁ caun₂ ca₂juá'₂ bá₄ Jesús:

—Chan₂ i₂nē₂ní'₃ quió₃, ia₁ ca₂rë₃léi₄ jniá₂ o₂'ág₃ bí₂ quió₃.

47 'Io₅₄ nē₃, jme₁ca₂rë₃lí'₄ a₂tsá₃ ma₃lé₂jua'₅₄ a₂'mai₃, já₃ jlein₂₃, ca₂chi₃jné₃ ne₄ 'éi₂. Të₃ jág₅ ca₂le₃jün₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ní₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lóin₂ dsí₂jui₅ le₂jaun₂.

48 Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

49 Të₃jë₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsí₂néi₂ quió'₅ i₂niog₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuë'₂ ta₁ Të₅.

50 La₁ ca₂nág₂ bá₄ Jesús, jaun₂ ca₂juá'₂:

—Tsá₃ lë₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ nē₃ jag'₅₄ i₂'lión₂ bá₄ chi'₂ quiáng'₂.

51 Jme₁ca₂dsióg₃ dsí₂néi₂, tsá₃ ca₂cuë₃ jmig₄ jua'₅₄ dsí₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo[‡] nē₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄. 52 Jaun₂ qui'₂-o₅ bá₄ dsa₂ qui'₂ dsí₅ lin₃ tioen'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃juá'₅₄ i₂rë₂jon₅₄ nē₅. Jñia'₅₄ lia'₂ a₂rë₂güin₃ bá₄.

* 8:43 A₂lin₅₄ chog₅₄ si₂ juá'₂ ján₃: “Jme₁ma₂'éin₂ ca₂le₃jë₃ cu₄ a₂jme₁cha₂ quió'₅ quian'₅₄ të₅mí₅.” † 8:45 A₂lin₅₄ chog₅₄ si₂ juá'₂ ján₃: “Pe₄ quiain'₅₄ riin'₅₄.” ‡ 8:51 o₃, Santiago.

53 La₁ njia'₅₄ ca₂ñí₂ bá₄ 'éi₂ tíoín'₅₄, ia₁ ñi₅ rē₂ bá₄ a₂jme₁ma₂rē₂jon₅₄ dsón'₂ bá₄ chí'₂.

54 Jaun₂ ca₂tín₂ gu₂ chí'₂ 'éi₂, ca₂juá'₂ tiá₂:

—jón₃, nau₂!

55 Ca₂gú'₃ táng₃ jme₂dsí₂ quió'₅; dsi₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuē₃ dsa₂ a₂guē'₃. 56 Jaun₂ dsi₂gó'₃ dsí₅ 'ñio₅ lin₃ chog₅₄-jmei₂. La₁ Jesús ně₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lē₃ jaun₂.

9

*Ca₂chen₃ Jesús chí'₂ dsi₂guia₃-tín₂
(Mateo 10:5-15; Marcos 6:7-13)*

1 Ca₂ñí'₂ Jesús chí'₂ dsi₂guia₃-tín₂ quiáin₅ ca₂cuē₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guē₃ dso₄ niog₅ lín₅. 2 Ca₂chei₃ a₂dsi₃'ě₃ jág₁ jui₁lia'₂ ja₁gon₂ Diú₄, a₂dsi₃jme₁'lioin₅₄ dsa₂ i₂le₁dso'₅₄. 3 Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guē'₂ 'ma₂'i₅₄, on₃ guē'₂ tsi₁na'₅₄ on₃ guē'₂ i₁ñí'₄, on₃ guē'₂ cu₄, on₃ guē'₂ tsín'₂ 'nia'₂ siá'₂ cán'₁. 4 Le₂caun₂ dsi₂néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tě₂ jmi₄ a₂o₁nog'₄ táng₃. 5 Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂j mó'₂ léi₄ a₂tsá₃ ma₃'e₂ 'uin'₄ 'nia'₂ quiain'₅₄.

6 Jaun₂ qui₂ca₂'uin₂ bá₄ chí'₂ dsi₂guia₃-tín₂, ca₂i₃lén₂ le₂tan₅₄ juig₂ i₁'ě₄ jág₁ dse₃, i₁jme₁'lioin₂₃ dsa₂ ně₃.

*Ca₂jon₃ Juan₅₄ i₂chon₅ dsa₂ jmi₄
(Mateo 14:1-12; Marcos 6:14-29)*

7 Jaun₂ ca₂rē₃ñi₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ñi₅ a₂ma₂ca₂jein'₅₄ táng₃. 8 I₂lín₅₄ guē'₂ dsia₅ a₂ma₂ca₂jme₃jnia₅ Elías; i₂sián'₂ guē'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂. 9 La₁ Rag₅₄ Herodes 'ñiog₅ guē'₂ ně₃ juá'₂:

—Jua'₂ jniá₂ 'ñio₃ ca₂jmo₃ 'éi'₃ a₂ca₂quí'₃ dsa₂ dsi₂lag₄ 'éi₂. ě₂Ein₂ guē'₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme₁'no'₂ jui₅ a₂jme₃jein'₂.

*Ca₂jme₃tan₅₄ Jesús 'ñiá₂ mei₅ dsa₂
(Mateo 14:13-21; Marcos 6:30-44; Juan 6:1-14)*

10 Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio₃ Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida. 11 La₁ tion₅₄ bá₄ ca₂i₃lén₂ dsa₂ sián'₂ jme₁ca₂rē₃ñi₅; ca₂guei₃ bá₄ guē'₂ Jesús

* 9:7 griego: tetaraca (i₂gon₂ jmo₅ 'éi'₃ 'uē₃ Galilea).

qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂
i₂jme₁le₁dso'₅₄ ně₃.

12 Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsi₂guia₃-tín₂
ca₂tsí'₃ Jesús:

—'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂guě'₃,
jui₁dsi₂'nio'₂ ja₁jnia₃ le₂con₂ juig₂ pí'₁ ma₂quián₅ ně₅, ia₁ tsá₃
'e₂ cha₂ ja₁lá₃.

13 La₁ Jesús guě'₂ ně₃ ca₂juá'₂:

—Cuě'₅₄ 'nia'₂ dsa₂ a₂guě'₃.

Jaun₂ ca₂ḡag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jnia'₅₄ lia'₂ 'ḡiá₂
i₁ḡi'₄ bá₄ 'i₄; quian'₅₄ on₃ i₁ju₁, jnia'₅₄ lia'₂ ně₁jua'₂ dsi₁liá₄ má₃
con'₂ tín'₂ guě'₃ ca₂le₃jín₃.

14 Con'₂ 'ḡiá₂ mei₅ dsa₂ 'éi₂ jme₁lě₂, jmá'₃ dsa₂ ḡe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quián₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂
co₂nió'₃.

15 Jaun₂ ca₂jmo₃ bá₄ guě'₂ 'éi₂ 'éi'₃ a₂tian'₃ dsa₂. 16 Jaun₂ ca₂tín₂
Jesús ta₁'ḡiá₂ i₁ḡi'₄, le₃on₃ i₁ju₁ ně₃. Ca₂chóg'₃ ne₅₄ jui₅guei'₅₄
i₂juíg₃, ca₂jme₃jñi₃o₃ a₂jaun₂. Jaun₂ guě'₄ ca₂'niai₃, ca₂cuě'₃ chi'₂
dsi₂guia₃-tín₂. 'Éi₂ guě'₂ ně₃ ca₂dsi₃o'₃ jin₄ dsa₂. 17 Ca₂le₃jín₃ bá₄
ca₂guě'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mi'₂
tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

*Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂'ín₁ quián₅ Diú₄
(Mateo 16:13-19; Marcos 8:27-29)*

18 Co₂ráun₂'en₅₄ Jesús 'ḡiog₅ chi₂lén'₂ Diú₄, i₂jme₁quian'₅₄ bá₄
chi'₂ dsi₂guia₃-tín₂, jaun₂ ca₂ḡag₃ Jesús:

—¿'E₂ 'ag₅ dsa₂ jniá₂? ¿'Ein₂ lín₅ jniá₂, dsia₅ dsa₂?

19 Jaun₂ ca₂ḡag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín₅'₅ Juan₅₄ i₂chon₅ dsa₂ jmig₂; i₂lín₅₄
guě'₂ dsia₅ a₂lín₅'₅ Elías; i₂lín₅₄ guě'₂ dsia₅ táng₃ a₂lín₅'₅ i₂sián'₂
i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

20 Jaun₂ ca₂ḡag₃ Jesús:

—¿'Nia'₂ guě'₂ ně₃? ¿'E₂ guě'₂ juá'₂ 'nia'₂ 'ein₂ lín₅ jniá₂?

Jaun₂ ca₂ḡag₃ Pe₄:

—'Ne₂ lín₅'₅ I₂rě₂'ín₁ quián₅ Diú₄.

*'Ě₂ Jesús jág₁ a₂jóin₂
(Mateo 16:20-28; Marcos 8:30--9:1)*

21 Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂.
22 Jaun₂ ca₂juá'₂ ně₃:

—Co₂nē₅ 'en₅₄ 'éi'₃ Jaun₅ dsa₂ mi₂güig₃ a₂dsi₃ñi₂ uig₅ 'ñio₅ lin₃; jme₃'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tē₅juá'₅ nē₃. Quin'₃ dsa₂ jág₁ a₂jñag'₃, la₁ jein'₅₄ bá₄ táng₃ a₂'ni₅ jmig₄ jaun₂.

23 Jaun₂ ca₂tsí'₃ ca₂le₃jín₃:

—Nē₁jua'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁jñia'₅₄ ca₂join₃,† jui₁jia₂ chi₁co'₅₄ quió₃. 24 Ia₁ jui₁lia'₂ dsa₂ i₂'nio₃ le₃chan₂ dse₃ mi₂güig₃ la₂, dsi₃'én₂ quió'₅; la₁ jui₁lia'₂ dsa₂ i₂qui'₃ dsí₅ jui₁dsi₂ñi₂ 'e₂ dsi₃ñi₂ o₄quió₃ jniá₂, li'₂, tíin'₄ bá₄. 25 Ia₁ ħ'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uē₃ la₂, nē₁jua'₂ dsi₃'éin₂ bá₄ guē'₂? 26 Ia₁ nē₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güig₃ 'ag₃ jē₁ma₂tē₂ rē₁jñió'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles jñió₅ quiáin₅. 27 A₂dsi₂jó'₃ juig₂ jniá₂ 'nia'₂, chan₂ bá₄ 'nia'₂ i₂lín₅₄ i₂tión₂ jē₄ la₂, i₂tsá₃ dsián₃ ca₂lia'₂ ca₂tē₂ ne₅₄ bí₂ 'éi'₃ quió'₅ Diú₄.

Ca₂rē₃tsín₃ Jesús lia'₂ jniái₂

(Mateo 17:1-8; Marcos 9:2-8)

28 Con'₂ jñia₃ jmig₄ cang₂ a₂ca₂juá'₂ Jesús le₂nē₅, ca₂ñó₃ jui₅ má'₂ i₁chi₂i₁lein'₄ Diú₄, jme₁quiain'₅₄ Pe₄, Jacobo, Juan₅₄ nē₃. 29 Tē₃jē₄ chi₂lén'₂ Diú₄, ca₂rē₃tsín₃ lia'₂ jniái₂. Tsin'₅₄ nē₃ ca₂rē₃tsín₃ ca₂jñia₃ tiog₂ jau₂, ca₂lia'₂ tág₅ 'ñio₅ lin₃. 30 Tē₃jē₄ jaun₂, ca₂jñia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂. 31 Ca₂lia'₂ co₂tág₅ co₂'né'₅ bá₄ ca₂jñiai₃, tióin₂ dsia₂₃ a₂niog₅ lé₂, 'mú₃ a₂gue₃ jē₄ juig₂ Jerusalén, a₂le₃ti₃ 'éi'₃ a₂'ein₅₄. 32 Tē₃ ma₃i₁güín₃ 'ñio₅ lin₃ bá₄ Pe₄ quiain'₅₄ riin'₅₄, ca₂jme₃jñio₅₄ ne₅₄ ca₂jñin₂ Jesús jniái₂ co₂tág₅ quian'₅₄ dsa₂ on₃ i₂quiain'₅₄. 33 Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Tē₅, j'e₂ guē₄ dse₃ lia'₂ tio'₅₄ jniog₄ ja₁lá₃! Nē₃ o₁jmo₁ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guē'₂ quió'₅ Elías nē₃.

La₁ a₂lē₁ca₂juá'₂ bá₄ Pe₄, on₃jua'₅₄ jaun₂ lí'₄ a₂tē₂'i₂₃ le₂jaun₂.

34 Tē₃ dsia₂₃ jág₁ le₂jaun₂, jme₁gua₃ jnei₅ ca₂jliin₃, jaun₂ guē₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jē₄ jnei₅. 35 Jē₄ jnei₅ jaun₂ ca₂'né'₂ jág₁, ca₂juá'₂:

—I₂la₂ bá₄ jón₃ I₂rē₂'ín₁ quiáng₃. Nei₂ 'nia'₂ jág₁ quió'₅.

36 Jme₁ma₂nē₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂tē₂ ne₅₄ jaun₂.

† 9:23 lit. “jui₁quian₅₄ cróg₄ quió'₅ ca₂le₃jě₃ jmig₄.”

Ca₂jme₃'lión₂ Jesús jan₂ chi₂ i₂jme₁'en₅₄ jme₂dsí₂ 'lín₅₄
(Mateo 17:14-21; Marcos 9:14-29)

³⁷ Jme₁jnia₃, ca₂sióin₃ táng₃ má'₂ jaun₂, con'₂ guè'₂ juin₅ lín₃ dsa₂ ca₂jme₃jein'₂. ³⁸ Të₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Të₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. ³⁹ Jme₂dsí₂ 'lín₅₄ bá₄ i₂co₂jmo₂g'₂ guió'₅ co₂tiá₂ jén'₅ dso₄ 'ei₂, qui₂'u'é'₅ jan₅ mi₂'o₅₄. I₂'lín₅₄ ně₃, jmóg'₂, ca₂lia'₂ jaun₂ guě₄ téi₂ ca₂lia'₂ ma₂jén'₃ uig₅ 'ñio₅ lín₃. ⁴⁰ Jme₁ma₂ně₂juig'₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmig₄ ně₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ jin₄ 'nia'₂? Nñi₅₄ chi'₂ quiáng'₂ le₃la₂.

⁴² La₁ jme₁ma₂ñó₅ chi'₂ le₃ne₄ Jesús, i₃'iin₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂jui₅ le₂jaun₂ ca₂jí₂ Jesús ca₂jéin₂ i₂'lín₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jin₃ 'a₂ lia'₂ juin'₂ Diú₄.

Ca₂'ě₂ táng₃ Jesús jág₁ a₂jóin₂
(Mateo 17:22-23; Marcos 9:30-32)

Të₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Rë₂ nei₂ 'nia'₂ jág₁ quió'₃ la₂: ñi'₅₄ ta₁ ja₁dsau₅₄ ně₅, jáng'₂ dsa₂ quió'₅ Jaun₅ dsa₂ mi₂güig₃ o₄gú₃ dsa₂.

⁴⁵ La₁ jág₁ jaun₂ ně₃, tsá₃ ca₂ñí'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ñí'₂. Jaun₂ tsá₃ ca₂tiá₂ dsí₅ a₂ñí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿Ein₂ lín₅ i₂dsen₅₄ guě₄?
(Mateo 18:1-5; Marcos 9:33-37)

⁴⁶ Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ ju₁lia'₂ 'ein₂ i₂lén₂ i₂dsen₅₄ guě₄ jë₄ quió'₅. ⁴⁷ La₁ jme₁ca₂rë₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Ju₁lia'₂ dsa₂ i₂guen₅ guein₂ la₂ o₄quió'₃ jniá₂, guei₂₃ jniá₂; ju₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ ju₁lia'₂ i₂jmo₅ me'₂ guě₄ jë₄ ca₂le₃jin₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂
(Marcos 9:38-40)

⁴⁹ Jaun₂ ně₃ ca₂juá'₂ Juan₅₄:

—Të₅, ma₂j_{in}₄ jnia'₅₄ jan₂ dsa₂ 'u_{in}'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuë₅₄ jnia'₅₄ jmig₄, ia₁ tsá₃ guë'₂ ñi₂₃ quian'₅₄ jniog₄.

50 La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jñig'₅₄. Ia₁ jui₁lia'₂ dsa₂ i₂tsá₃ 'iog₅₄, të₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

51 Jme₁ma₂ja₂quián₃ të₅₄ jmig₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsióg₄ Jerusalén.

52 Ca₂chein₃ dsa₂ i₃lén₂ ne₄ jui₅ i₃jmó'₂ co₂jñia₅₄ ja₁jñia₃ caun₂ juig₂ pí'₁ niog₅ 'uë₃ Samaria. 53 La₁ tsá₃ ca₂guen₃ dsa₂ Jesús ja₁jaun₂, ia₁ ca₂rë₃lí'₄ a₂'ein₅₄ jui₅ ñó₅ jui₅ Jerusalén bá₄. 54 Jaun₂ ně₃, jme₁ca₂rë₃ñi₅ Jacobo quian'₅₄ Juan₅₄ a₂tsá₃ guei'₅₄ dsa₂, jaun₂ ca₂juá'₂:

—Te₁gui'₅₄, çtsa₁ dse₃ jmó'₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?[‡]

55 Jaun₂ ca₂jén'₃ Jesús ca₂jí₂. §

56 Jaun₂ ca₂i₃léin₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús
(Mateo 8:19-22)

57 Ja₁i₃léin₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá'₂ jme₁quion₁ 'ne₂ le₂con₂ ja₁gog'₅₄.

58 Jaun₂ ca₂ñag₃ táng₃ Jesús:

—Jui₁lia'₂ i₁güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ ján₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃jñia₃.

59 Jaun₂ ca₂tsí'₃ i₂sián'₂:

—Ñia₅ quian'₅₄ jniá'₂.

La₁ ca₂ñag₃ 'éi₂:

—Te₁gui'₅₄, * jui₁i₁'óng₃ de'₂ ñe'₃.

60 Jaun₂ ca₂ñag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juig₂ jniá'₂, gua₂ o₂'ë₃ jág₁ jui₁lia'₂ 'a₂ lia'₂ lë₅ ja₁gon₂ Diú₄.

61 Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá'₂ nei₅₄ quian'₅₄ 'ne₂, la₁ jui₁i₁'éi'₃ de'₂ jág₁ i₂chan₂ quió₃.

62 La₁ Jesús ně₃ ca₂juá'₂:

‡ 9:54 A₂lin₅₄ chog₅₄ si₂juá'₂ ján₃: “jui₁lia'₂ ca₂jmo₃ Elías.” § 9:55 A₂lin₅₄ chog₅₄ si₂juá'₂ ján₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jjo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, të₂le₃ a₂lió₂ bá₄.” * 9:59 A₂lin₅₄ chog₅₄ si₂ tsá₃ chi₁ton₅ jág₁ “Te₁gui'₅₄.”

—Dsa₂ i₂ma₂nē₂'éi₂ caun₂ dsí₅ a₂jme₃quiong'₅₄, nē₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quiá'₂ 'uē₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rē₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rē₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jé₃ juig₂ ja₁'ein₅₄ jui₅ dsióg₄.

² Ca₂tsí'₃ 'éi₂:

—Jui₅ lín₃ bá₄ dsa₂ 'nio₃ gue₃ jág₁ quió'₅ Diú₄; lē₅ nē₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ jui₅ chan₂. Jaun₂ lē₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. ³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já₂ cha'₂ jin₄ dsig₂ náu₂. ⁴ Tsá₃ tsí₁na'₅₄ cán'₁ 'nia'₂, on₃ guē'₂ lau₂ tó'₅ cu₄, on₃ guē'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ jág₁ uē₂ quian'₅₄ dsa₂. ⁵ Jē₁ma₂tē₂ rē₁tón'₂ 'nia'₂ dsi₂néi₂ quió'₅ dsa₂ ja₁jan'₄, cui₅ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” ⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tē₃'ñiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ nē₁jua'₂ tsá₃ le₂jaun₂, tē₃'ñiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂. ⁷ Caun₂ bá₄ ja₁o₁jñia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuē₅ dsa₂; ia₁ a₂co₂jaun₂ ca₂tín₂ bá₄ dsa₂ 'lian'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂'í₁ 'né₅. ⁸ Jē₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guē₃ a₂cuē₅ dsa₂. ⁹ Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂'éi₂ quió'₅ Diú₄ ja₁con'₂ 'nia'₂.” ¹⁰ La₁ nē₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jē₄ calles, chei'₅₄: ¹¹ “Le₂jio₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jñia'₅₄, la₂ séi'₄ jñia'₅₄, a₂jmo₁ léi₄ tsá₃ ma₃'e₂ 'uag₄ jñia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂'éi'₃ quió'₅ Diú₄ ja₁cong'₂.” ¹² Juá'₅ jniá₂ juig₂ 'nia'₂, 'ñio₅ lín₃ guē₄ uig₅ a₂'ē₂ Diú₄ jmi₄ jaun₂ ja₁con₂ dsa₂ 'éi₂, lia'₂ con'₂ guē₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂
(Mateo 11:20-24)

¹³ 'i₂E₂ guē₄ juig'₂ 'nia'₂ dsa₂ juig₂ Corazín! 'i₂E₂ guē₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guē₃ ca₂le₃jín₃ dsa₂ chan₂ Tiro quian'₅₄ Sidón ca₂tē₂ ne₅₄ jui₁lia'₂ jui₅bí₂ juē'₂ a₂niog₅ lē₂ jē₄ quián'₂ 'nia'₂ jmi₄ nē₃, líg'₂ bá₄ tsá₃ ma₂quí'₂ 'mi'₂ taun₅

* 10:1 A₂lín₅₄ chog₅₄ si₂ chi₁ton₅, “'nag'₂ ne₂guión₂ rē₂dsí₂ guia₃-tín₂ (72) dsa₂ sián'₂.”

jme₁tiain'₃ jē₄ jua₂ ně₃, jme₁jmo₃ léi₄ a₂ca₂dsi₃quén'₅ dsí₅. ¹⁴La₁ jē₁ma₂tě₂ rē₁qui₃dsi₅ Diú₄ 'éi'₃, 'ŋio₅ lín₃ guě₄ 'ŋio₅ uig₅ guéi'₁ 'nia'₂ con'₂ guě₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón. ¹⁵'Ne₂ guě'₂ juig₂ Capernaum, ɹa₁rong'₂ ŋei₅ tē₂ guei'₅₄ i₂juíg₃, líng'₂? 'En₁ bá₄ 'ne₂ sióng'₃ ca₂tě₂ ja₁ca₂tín₂ 'lag₄.[†]

¹⁶'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rē₂dsí₂ guian₃

¹⁷Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rē₂dsí₂ guian₃ (70)[‡] dsa₂ 'éi₂, jaun₂ dsia₂₃, juá'₂:

—Te₁gui'₅₄, ca₂lia'₂ jiog₅ je₂na'₅₄ bá₄ nag₅ gau₂ jág₁ quián₂ jnia'₅₄ jē₁ma₂ca₂'ín₂ jnia'₅₄ 'ne₂.

¹⁸Jaun₂ ca₂ŋag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juíg₃ lia'₂ ja₁ta'₂ caun₂ si₁ŋí'₃.[§] ¹⁹'Éi'₃ jaun₂ bá₄ ma₂cuě₃ jniá₂ 'nia'₂ a₂'ó'₅ 'nia'₂ bí₂'éi'₃ a₂lé₂ le₃qui₂tsong'₅₄ dsi₂mi'₂, i₁'né₅ ně₃, a₂tiang'₃ ne₄ ca₂le₃jě₃ jui₅bí₂ a₂gu₂dsí₂ i₂'io'₅₄, ca₂lia'₂ jnia'₅₄ tsá₃ 'e₂ jén'₄ 'nia'₂ guiong'₅₄. ²⁰La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lín'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juíg₃.

Jmei₂ quian'₅₄ Ja₁ŋi'₅₄

(Mateo 11:25-27; 13:16-17)

²¹Hora jaun₂, ca₂jmo₃ Jme₂dsí₂ ŋio₅ a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uě₃ ně₃, ia₁ ma₂ca₂'ma'₅₄ a₂ně₅ ja₁con₂ dsa₂ i₂ŋí₄ tín₂ si₂, i₂ŋí'₂ dsí₅ ně₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂ně₅ 'ŋio₂ 'au'₂.

²²Jaun₂ ca₂jén'₃ Jesús, ca₂juá'₂:*

—Ŋe'₃ jniá₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuin₅ 'ein₂ 'éi₂ i₂lín₅ Ja₁ŋi'₅₄, jnia'₅₄ lia'₂ 'ŋiog₅ bá₄ Jmei₂. Ján₃ guě'₂ le₂jaun₂, 'i₁jan₂ tsá₃ 'ein₂ cuin₅ 'ein₂ 'éi₂ lín₅ Jmei₂, jnia'₅₄ lia'₂ Ja₁ŋi'₅₄ bá₄ i₂cui₅, jaun₂ jme₂jniog₂₃ ne₄ dsa₂ i₂'ŋio₂ dsí₅ Ja₁ŋi'₅₄ jme₂jniog₂₃.

²³Jaun₂ ca₂jéin'₃, ca₂tsí'₃ jmá'₃ chi'₂ dsi₂guia₃-tín₂ guioin₅₄:

—'E₂ guě₄ dsen₃ dsa₂ i₂tě₅ ne₄ jui₁lia'₂ a₂niog₅ jág'₂ 'nia'₂, ²⁴ia₁ a₂dsi₂jó'₃ juá'₅ jniá₂, juin₅ rag₅₄ ma₂líg'₂, lia'₂ dsa₂ i₂jme₁'ě₂ jág₁

[†] 10:15 griego: hades, co₂'nió'₄ a₂juá'₂, ja₁quió'₄ 'lag₄. [‡] 10:17 A₂lín₅₄ chog₅₄ si₂ chi₁ton₅ "ta₁'nag'₂ ne₂guión₂ rē₂dsí₂ guia₃-tín₂ (72)." [§] 10:18 'Nio'₂ ja₁ton₅ Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chi₁ton₅ "jaun₂ ca₂jén'₃ Jesús, ca₂juá'₂."

quián₅ Diú₄ ně₃, jme₁'ín₅ dsí₅ jme₁tě₃ ne₅₄ jui₁lia'₂ a₂niog₅ tě₅
ne'₅₄ 'nia'₂ rě₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃
jui₁lia'₂ a₂niog₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

²⁵ Co₂ráun₂ ca₂nau₂ jan₂ tě₅juá'₅, a₂jñia'₅₄ con'₂ cáun₂ táu₂ bá₄
ca₂ḡag₃:

—Tě₅, ě'₂ 'nió'₅ jmo₅₄ jniá₂, ia₁jaun₂ ting₅₄ ja₁le₃chang₂
co₂tan₅₄?

²⁶ Jaun₂ ca₂ḡag₃ Jesús:

—ě'₂ 'E₂ 'éi'₃ tio'₅₄ ne₄ Si₂ guě'₂? ě'₂ 'A₂ lia'₂ ḡí'₂ 'au'₂ a₂'i'₂?

²⁷ Jaun₂ ca₂ḡag₃ táng₃ tě₅juá'₅ 'éi₂:

—“Jme₁'nió₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃
jme₂dsí₂, ca₂le₃jě₃ jui₅bí₂, quian'₅₄ ca₂le₃jě₃ a₂ḡí'₂ dsei'₂ ně₃,†
ján₃ guě'₂ le₂jaun₂ jme₁'nióg'₄ dsa₂ mi₂güí₃ ríng'₂ jui₁lia'₂ 'nióg'₃
'ḡag'₂.”‡

²⁸ Jaun₂ ca₂ḡag₃ táng₃ Jesús:

—Dse₃ lin₃ bá₄ ně₂ḡag'₅₄. Ně₁jua'₂ ca₂jmo'₅₄ le₂ně₅, léng'₂ bá₄
ja₁le₃chang'₂ co₂tan₅₄.

²⁹ La₁ tě₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—ě'₂ 'Ein₂ 'éi₂ dsa₂ mi₂güí₃ ríng'₃?

³⁰ Jaun₂ ca₂ḡag₃ Jesús ma₂tě₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ jui₅ o₂'iin₃ Jerusalén ca₂sióin₃ a₂dsióg₄
juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuě₃ dsa₂
'nio₅ lin₃ jñia'₅₄ mei'₂ tsá₃ ca₂jḡag'₃. Jaun₂ guě₄ ca₂i₃lein₅. ³¹ Jě₂
lia'₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con'₂ ca₂quiá₂ cau₅
bá₄ ca₂ḡi₅ jme₁ca₂jág₂. ³² Ján₃ bá₄ ca₂já₃ táng₃ jan₂ dsa₂ i₂lín₅
tsi₁jon₂ Leví, con'₂ ca₂quiá₂ cau₅ bá₄ ján₃, ca₂ḡi₅. ³³ La₁ jan₂ dsa₂
i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso'₅₄, ca₂tá'₂
ḡéi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió'₅, ca₂'ág₂
aceite quian'₅₄ vino ja₁rě₂cuí'₃, ca₂lio₃. Jaun₂ ca₂tág₃ co₁lag₁
bú'₄ quiáin₅, ca₂jio₃ caun₂ 'né₅ ja₁jñia₅ dsa₂. Ja₁jaun₂ ca₂jmo₃
'í₁. ³⁵ Jme₁jnia₃ jaun₂, ca₂dsi₂ tin₃ cu₄ 'ua'₂ ca₂cuě'₃ dsa₂ juig₅₄
dsi₂néi₂, ca₂juá'₂: “Jmo₄ co₂nio₄ 'í₁ dsa₂ ně₅. Ně₁jua'₂ 'e₂ ca₂'éng'₃
guě₄ quiáng'₂, la₂ bá₄ jáng'₄ jě₁ma₂guióng'₃.” Ně₃ ně₃ jaun₂.
³⁶ ě'₂ 'Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güí₃ rin'₅₄
dsa₂ i₂ca₂j má'₂ dsa₂ 'ang₂?

³⁷ Jaun₂ ca₂ḡag₃ táng₃ tě₅juá'₅:

—I₂ca₂tá'₂ ḡéi₂ dsí₅ dsa₂ 'éi₂.

Jaun₂ ca₂ḡag₃ táng₃ Jesús:

—Guan'₂, le₂ně₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió'₅ Marta quian'₅₄ María

38 Con² tioen⁵⁴ jui⁵, ca²í³ Jesús caun² juig² pí¹. Ja¹jaun² ca²guei³ jan² dsa² m^í₂ i²chen² Marta dsi²néi² quió⁵. 39 'Éi² ně³ jme¹chan² jan² riin⁵⁴ i²chen² María. 'Éi² ně³ tei⁴ bá⁴ ca²guá² cau⁵ mi²tag⁴ Te¹gui⁵⁴, nag²³ já¹ a²juá² 'éi². 40 Marta guē² ně³ 'ein⁵⁴ tsá³ rē²jⁱin⁵⁴ jmo²³ ta¹ a²cha² dsi²néi², jaun² guain³ o³chi⁵⁴ Jesús, ca²juá²:

—Te¹gui⁵⁴, tsa¹ dsa² 'au² a²tsá³ 'e² jme² 'o⁵⁴ 'io⁵⁴ ríng³? 'Njó³ bá⁴ 'eng⁵⁴ tsá³ rē²jⁱng⁵⁴ jme²ti⁵⁴. Chei⁵⁴ jui¹jme² 'o⁵⁴.

41 Jaun² ca²ḡag³ Te¹gui⁵⁴:

—Marta, Marta, já⁵ bá⁴ jniá² 'ḡio⁵ tsá³ rē²jⁱng⁵⁴ 'eng⁵⁴ dsa² 'au² 'lióng² ta¹ a²jmo². 42 La¹ caun² bá⁴ a²dseⁿ₅₄ guē⁴ a²ca²tín² dsa² nag³. María ríng² ně³, ně².quió³ a²dse³ guē⁴, jaun² 'i¹jan² tsá³ 'ein² le³jⁱá² a²ma²nē²quió³.

11

Jme²tag⁵ Jesús 'a² lia² chi³lén² dsa² Diú⁴

(Mateo 6:9-15; 7:7-11)

1 Co²ráun² jme¹en⁵⁴ Jesús chi²lén² Diú⁴. Jme¹ca²lě³ jaun², ca²juá² chi² dsi²guia³-tín² quiáin⁵:

—Te¹gui⁵⁴, jme²tag⁵ 'a² lia² chi²len⁴ jnia⁵⁴ Diú⁴, jui¹lia² ca²jme³tag⁵ Juan⁵⁴ ca²jme³tiin²³ dsa² quiáin⁵.

2 Jaun² ca²juá²:

—Le²la² jua⁵⁴ 'nia² jě¹ma²tě² rē¹chi¹leng⁴ Diú⁴:

Tia⁵⁴, 'ne² i²ḡéi² guei⁵⁴ i²juig³*

jui¹jme²gó³ dsa² a²rē²jⁱó⁴ a²cheng².

Jui¹le⁵⁴ bá⁴ 'éi³ quiáng²,

jui¹le⁵⁴ bá⁴ a²'ḡio² 'au² 'ne², ne⁴ gua⁵⁴ 'uē³,

jui¹lia² lě² guei⁵⁴ i²juig³.†

3 Cuē⁴ a²'nió⁵ que⁵⁴ jnia⁵⁴ jmig⁴ ně³.

4 'Én³ dsáu¹ jnia⁵⁴,

jui¹lia² 'én⁵ jnia⁵⁴ dsáu¹ rin⁵⁴.

'A³ cuē² jmig⁴ jiá³ jui⁵bí² a²caun² táu²,

tě²le³ lió⁴ bá⁴ o⁴gú³ i²sě³dsen³.‡

5 Ca²juá² Jesús ně³:

—Jua⁵⁴ mei² guē³ le³jua⁵⁴, chan² jan² 'nia² i²dsióg⁴ a²'uē² quió⁵ a²mei⁵⁴ quián⁵, tě², juá²: “Jmo⁴ dse³ 'au² rin⁵⁴ jniog⁴, dsi⁴ 'ni⁵ i¹ḡí⁴. 6 Ia¹ lia² guan⁵ quió³ jan² a²mei⁵⁴ quiáng³ 'ein⁵⁴ jui⁵; ia¹ tsá³ 'e² cha² 'i¹caun² quió³ a²le³cuē⁴.” 7 Dsa² dsi²néi² ně³ lé² le³ḡag³ tě³ rē²quiain²³: “Tsá³ cuē² o²me⁵⁴ dsi⁵, ia¹ ma²chi¹jⁱnág⁵ o⁴'né⁴ quió³; chi²-guein² quiáng³ ně³ ma²tián⁵ le¹gü¹in³. Jaun²

* 11:2 A₂lin⁵⁴ chog⁵⁴ si² tsá³ chi¹ton⁵ “ne² i²ḡéi² guei⁵⁴ i²juig³.” † 11:2 A₂lin⁵⁴ chog⁵⁴ si² tsá³ chi¹ton⁵ “jui¹le⁵⁴ bá⁴ 'éi³ quiáng², jui¹le⁵⁴ bá⁴ a²'ḡio² 'au² 'ne² ne⁴ gua⁵⁴ 'uē³, jui¹lia² lě² guei⁵⁴ i²juig³.” ‡ 11:4 A₂lin⁵⁴ chog⁵⁴ si² tsá³ chi¹ton⁵ “tě²le³ lió⁴ bá⁴ o⁴gú³ i²sě³dsen³.”

tsá₃ lé₂ no₅₄ jua'₅₄ cuë'₅₄ a₂mi'₂." ⁸ Jaun₂ juá'₅ jniá₂, tion₅₄ bá₄ náu₃ cuë₃ ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lě₅ a₂mei₅₄, tē₂le₃ 'uig₅₄ ia₁ a₂ñi₄ lě₃ tion₅₄ mi₃ bá₄. ⁹ Jaun₂ le₂ně₅ bá₄ juig₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsiain'₂; quein₄ 'nia'₂ o₄'né₄ té₃, jaun₂ niá₂. ¹⁰ Ia₁ jui₁lia'₂ i₂mi₅ 'e₂ mi₅, gue₂₃. Le₂jaun₂ jui₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guë'₂ quió'₅ jui₁lia'₂ i₂tě₂, niá₂ bá₄ o₄'né₄.

¹¹ 'O₃ bá₄ chan₂ i₂lin₅₄ 'nia'₂ jmo₅, jě₁ma₂ca₂mi₃ guein₂ quiáng'₂ i₁ñi'₄, ¿cuë'₂ 'nia'₂ ca₂míg₂ ni₁cang₁? O₃ ně₁jua'₂ ca₂mi₃ jan₂ i₁ju₁, ¿cuñin'₅ 'nia'₂ jan₂ dsi₂mi'₂? ¹² O₃ jě₁ma₂ca₂mi₃ ca₂míg₂ mi₂jlag₂, ¿O₃ bá₄ cuñin'₅ jan₂ i₁'né₅ 'e₂? ¹³ Chi₂jua'₂ 'nia'₂ dsa₂ mi₂güig₃ i₂'nau'₂ dso₄ chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, ¡ě₂ guë'₄ bá₄ Néi'₅ 'nia'₂ i₂guá₅ guei'₅₄ cuñin₃ Jme₂dsí₂ Jñió₅ quiáin₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-30; Marcos 3:19-27)

¹⁴ Co₂ráu₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂ jág₁. Jme₁ca₂o₃'in₃ je₂na'₅₄ quió'₅ dsa₂, jaun₂ guë'₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃ dsí₅ dsa₂ tioin'₅₄. ¹⁵ La₁ i₂lin₅₄ guë'₂ ca₂dsia₃ 'iin₂₃ Jesús:

—Qui'₅₄ i₂ně₅ jmig₄ 'uñin'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

¹⁶ I₂lin₅₄ guë'₂ ně₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄ guei'₅₄ i₂juig₃. ¹⁷ La₁ a₂ñi₅ rě₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lě₃ ca₂juá'₂:

—Jui₁lia'₂ caun₂ juig₂ nación, tioin'₅₄ mi'₅₄ guoin₅₄, tioin'₅₄ le₁dsoin'₅₄, dsi₃'én₂ bá₄ juig₂ jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃ bá₄ dsi₃'én₂ dsi₂néi₂ jaun₂. ¹⁸ Le₂ně₅ bá₄ ján₃, ně₁jua'₂ ca₂lě₃ le₁dso'₅₄ jui₅bí₂ quió'₅ i₂sě₃dsen₃, ¿'a₂ guë'₂ lia'₂ lé₂ le₃qui'₅₄ guë'₄ jmig₄ jio₃ ne₄ta₁ quió'₅? Juá'₅ jniá₂ le₂ně₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uñin'₄ jniá₂ je₂na'₅₄. ¹⁹ La₁ chi₂jua'₂ le₂jaun₂ 'uñin'₄ jniá₂ quian'₅₄ bí₂ quió'₅ Be'elzebú, ¿ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃? Jaun₂ jui₁lia'₂ lě₅ jmo₅ dsa₂ 'éi₂ bá₄ jio₃'₂ 'í₁ a₂tsá₃ tí₅ jág₁ quián'₂ 'nia'₂. ²⁰ La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂ně₅ bá₄ jau'₂ jág₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

²¹ Jui₁lia'₂ jan₂ dsa₂ 'uan'₂ chain₂ rě₂jáin₁, 'io₂₃ ca₂le₃jě₃ a₂'nió'₅ quió'₅ jmo₃ 'nei₂, jaun₂ lě₅ 'í₁ ca₂le₃jě₃ 'e₂ tio'₅₄ dsi₂néi₂. ²² La₁ ně₁ca₂já₃ jan₂ i₂'uan'₂ guë'₄ lia'₂ con'₂ guë'₄ 'ñiog₅ 'éi₂, ně₁ca₂jio₃ ně₃, i₂'éi₂ guë'₂ ně₃ jniá'₂ ca₂le₃jě₃ a₂ñi₄ lě₃ bein'₂ jmo₂₃ a₂'uain'₂. Jaun₂ jmo₂₃ dsióg₂ ca₂le₃jě₃ a₂ca₂lí₃.

²³ 'Ju₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂.
Ju₁lia'₂ i₂tsá₃ cág'₅ co₂lě₅ quian'₅₄ jniá₂, jñia'₅₄ jmo₅ tsi₁rě₂ja₅₄.

Jme₂dsí₂ 'lín'₅₄ i₂dsián'₅ táng₃

(Mateo 12:43-45)

²⁴ 'Ju₁lia'₂ jan₂ jme₂dsí₂ 'lín'₅₄ i₂O₂'in₅ quió'₅ dsa₂, dsi₂ñí₃
le₂tan₅₄ ja₁quein₂ dsi₂'nio'₂ ja₁jñia₃. Ně₁jua'₂ tsá₃ dso'₂
ja₁'í₂ ně₃, 'no'₂ dsí₅: “Nég'₄ táng₃ dsi₂néi₂ quió₃ ja₁O₂'ing₃.”

²⁵ Jě₁ma₂dsián'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄
caun₂ dsi₂néi₂ a₂chí'₅ rě₂, rě₂'ia'₅₄, rě₂lag₄ ně₃. ²⁶ Jaun₂ dsó₅
táng₃ dsi₂quiáin₂ guě₄ guion₃ jme₂dsí₂ i₂'lín'₅₄ guě₄ lia'₂ 'ñiog₅,
jaun₂ dsi₂tian'₂ ca₂le₃jñin₃ tě₂dsí₅ dsa₂ 'éi₂. Jaun₂ dsa₂ 'éi₂ ně₃
'ñio₅ lín₃ guě₄ le₃'lín'₅₄ dsió₄ lia'₂ con'₂ guě₄ jme₁lín₄ le₂jñiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse

²⁷ Tě₃ 'en₅₄ Jesús dsia₂₃ le₂ně₅, ca₂juá'₂ tiá₂ jan₂ dsa₂ mí₂ tě₃jñin₄
dsa₂:

—i'E₂ guě₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄
quió'₅!

²⁸ Jaun₂ ca₂ñag₃:

iTě₂le₃ja₂lín₃guě₄ dsen₃ dsa₂ i₂nag₅ 'e₂juá'₂ Diú₄, ton'₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

²⁹ Caun₂ qui₂ñi'₂ bá₄ dsa₂ ja₁chén'₄ Jesús, jaun₂ 'éi₂ ně₃
ca₂jme₃lióg₃ ca₂juá'₂:

—'Ñio₅ lín₃ ma₂'lín'₅₄ dsa₂ rě₂ně₃, mi₂₃ a₂jmo₅₄ jniá₂ léi₄ juě'₂.
La₁ tsá₃ ma₂'e₂ léi₄ jua'₅₄ a₂jmo₄ guě₄ jniá₂, jñia'₅₄ lia'₂ caun₂ léi₄
a₂ca₂lě₃ quian'₅₄ Jonás bá₄. ³⁰ Ia₁ le₂ně₅ ju₁lia'₂ Jonás ca₂lín₃
caun₂ léi₄ tě₂le₃ ja₁con₂ dsa₂ i₂jme₁chan₂ Nínive jmig₄ jaun₂,
le₂ně₅ bá₄ ján₃, Jaun₅ dsa₂ mi₂güig₃ léin₂ caun₂ léi₄ a₂jáng'₃ jág₁
dsau₅ ja₁con₂ dsa₂ i₂chan₂ jmig₄ ně₃. ³¹ Jě₁ma₂tě₂ rě₁qui₃dsi₅
Diú₄ 'éi'₃, náu₃ 'io₅₄ rag₅₄ i₂jme₁chan₂ tě₂le₃ sur, jein'₅₄ quian'₅₄
dsa₂ ñe'₂ i₂chan₂ jmig₄ ně₃. 'A₂ lia'₂ niog₅ ca₂jmo₃ 'éi₂, jióg'₂ 'í₁
a₂rě₂cán'₄ dsa₂. Ia₁ 'io₅₄ 'éi₂ ca₂'í₃ ju₁ca₂já₃ uing₂ lín₃ guain₃
ca₂O₃néi₃ jág₁ ca'₅₄, ca₂O₃dsó₅₄ dsí₅ 'a₂ lia'₂ niog₅ dsi₄ Salomón.
La₁ ně₃ ně₃, la₂ chén'₅ jan₂ i₂juin'₂ guě₄ lia'₂ Salomón. ³² Ján₃ bá₄
náu₃ i₂jme₁chan₂ Nínive, jein'₅₄ quian'₅₄ dsa₂ ñe'₂ i₂chan₂ jmig₄
ně₃, jě₁ma₂tě₂ rě₁qui₃dsi₅ Diú₄ 'éi'₃. 'A₂ lia'₂ niog₅ ca₂jmo₃ 'éi₂
ma₂líg'₂ jióg'₂ 'í₁ a₂rě₂cán'₄ dsa₂ jmig₄ ně₃. Ia₁ 'éi₂ ca₂jme₃tsi_{in}
dsí₅ jme₁ca₂'ě₂ Jonás jág₁ quió'₅ Diú₄. La₁ ně₃ ně₃, la₂ chén'₅ jan₂
i₂juin'₂ guě₄ lia'₂ Jonás.

Dsa₂ i₂lín₅ lia'₂ lě₅ caun₂ si₂
(Mateo 5:15; 6:22-23)

33 "I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂. 34 Jme₁ne₁ dsa₂ lě₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ŋi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ ně₁jua'₂ tsá₃ dse₃, ta₁jang'₂ bá₄ chéng'₅ qui₁né'₃. 35 Tě₃ŋi'₅₄ 'nia'₂ jaun₂, ia₁ con'₂ tsá₃ ŋó₅ ně₁jua'₂ si₂ quiáng'₂ tsá₃ jniá₂. 36 Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂cáun'₂ Jesús quió'₅ dsa₂ fariseos quian'₅₄ tě₅juá'₅
(Mateo 23:1-36; Marcos 12:38-40; Lucas 20:45-47)

37 Jme₁ca₂dsan₃ cuě₂₃ jág₁, ca₂tág₃ jan₂ dsa₂ fariseo a₂i₃guě'₃ quiong'₅₄. Jme₁ca₂dsióg₃ dsi₂néi₂ ca₂guá₂. 38 Dsa₂ fariseo 'éi₂ ně₃, i₃gó'₃ dsí₅ ia₁ tsá₃ ca₂jme₃ti₃ Jesús con'₂ lě₅ tag₄ a₂chí'₅, a₂rang₃ gu₂ né'₃ a₂guě'₃. 39 La₁ Te₁gui'₅₄ ně₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁u_{ing}₅, a₂j_{nia}'₅₄ le₁jě₃ jmá'₃ le₃co'₅₄, la₁ tě₂le₃ jui₅ jme₂dsí₂ quiáng'₂, qui₂rě₂can'₂ ca₂le₃jě₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂. 40 'i'E₂ bá₄ tsá₃ ŋí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'ŋió'₂ ján₃? 41 Ja₂lin₃ guě₄ dsióg₅ jen'₅₄ de'₂ 'nia'₂ a₂te₁'i₁ quiáng'₂, jaun₂ guě₄ lé₂ le₃tě₃tsin'₅₄ 'nia'₂ le₁jíng'₃ le₃ja₁con₂ Diú₄.

42 'i'E₂ guě₄ juíg'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuě'₂ Diú₄ caun₂ qui'₅₄ a₂guia₃ a₂'i₄ 'éi'₃ cuě'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig₂ má₃ bá₄ jáng'₄ 'nia'₂. La₁ con'₂ ma₂ŋi'₅₄ bá₄ 'nia'₂ jui₅ dse₃ tě₃dsón'₂ ja₁'ŋio₂ dsí₅ Diú₄, ja₁jme₁jme₁'nió'₄ 'nia'₂ Diú₄: a₂ně₅ bá₄ a₂dsen₅₄ guě₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

43 'jJuíg'₂ 'nia'₂ dsa₂ fariseos! Ia₁ 'ŋio₅ lin₃ tě₅ 'au'₂ a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅ sinagogas. Já₃ bá₄ tě₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jě₄ 'ma'₅₄ a₂jme₂go₃ dsa₂ 'ŋio₅ lin₃.

44 'i'E₂ guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂ 'ŋio₅ a₂tsá₃ léi₄ cha₂. Dsa₂ ně₃ qui₂ŋi₅ ne₄, tě₃ tsá₃ ŋi₅."

45 Jaun₂ ca₂ŋag₃ jan₂ tě₅juá'₅:

—Tě₅, a₂juá'₂ 'ne₂ ně₅, a₂tě₂'ó'₁ jnia'₅₄ bá₄ 'ne₂.

46 Jaun₂ ca₂ŋag₃ Jesús:

—jJuíg'₂ 'nia'₂ tě₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ quion'₅₄ 'nia'₂ ně₃, ca₂lia'₂ j_{nia}'₅₄ gog'₂ tsá₃ 'niog'₂ tí'₄.

47 'jJuíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄

* 11:33 A₂lin₅₄ chog₅₄ si₂ juá'₂ ján₃: "on₃ guě'₂ né'₃ tsi₁gu₅." † 11:44 A₂lin₅₄ chog₅₄ si₂ chi₁ton₅ ján₃: "'nia'₂ tě₅juá'₅, 'nia'₂ dsa₂ fariseos ně₃ a₂lě₁jmo'₂ góg'₂ a₂o₁ne₁.

qui₂ca₂jme₃dsiog₂₃. ⁴⁸ Jaun₂ ně₃, lia'₂ lě₅ jmo'₂ 'nia'₂, cuë'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guë'₂ ma₂ja₂nióg'₅ chog'₂ ni₁'ia'₂.

⁴⁹ 'Jaun₂ lě₃ Diú₄, ia₁ a₂tiin₂ a₂ma₂ŋi₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió₃. I₂lin₅₄ 'éi₂ jme₃dsian₅ dsa₂; i₂lin₅₄ guë'₂ qui₃'ein₃.” ⁵⁰ Jaun₂ ně₃ ca₂tě₂ dsa₂ chan₂ jmig₄ ně₃ bá₄ rě₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güig₃. ⁵¹ Ca₂lia'₂ con'₂ jme₁ca₂jjon₃ Abel, ca₂tě₂ jmig₄ i₁ca₂jjon₃ Zacarías i₂ca₂ŋi'₃ dsa₂ jě₄ ja₁lě₄ ne₄chei₂ quian'₅₄ ja₁ŋi₅ó₅, dsa₂ chan₂ jmig₄ ně₃ bá₄, juá'₅ jniá₂, qui₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

⁵² 'i₂E₂ guë'₄ juig'₂ 'nia'₂ tě₅juá'₅! Ia₁ 'nia'₂ bá₄ ma₂rě₂'móg'₄ jág₁ quió'₅ Diú₄ a₂lě₅ co₂'nió'₄ ŋi₁ llave quió'₅ o₄'né₄ ja₁jme₁le₃tin₂, le₃ŋi'₂ dsa₂. On₃ guë'₂ guion'₅₄ 'nia'₂ tóng'₄, on₃ guë'₂ cuë'₂ 'nia'₂ jmig₄ dsi₃ton'₅₄ i₂'nio₃ tón'₃.

⁵³ Jme₁ca₂dsan₃ juá'₂ Jesús le₂ně₅, ca₂rě₃'né₃ 'lig'₅₄ dsa₂ fariseos, tě₅juá'₅ ně₃. Jaun₂ ca₂jme₃lióg₃ jmóg'₂ mi'₅₄, tsá₃ caun₂ a₂qui₂ca₂ŋag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁. ⁵⁴ Ia₁ jme₁'nio₃ jo₅₄ jua'₅₄ ca₂jjon₄ bá₄ jág₁ 'lia'₂ jme₁'ŋiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂ŋia'₅₄ con'₂ dse₃ le₁'ág₄ o₁ne₁

¹ Tě₃jě₄ jaun₂, tě₂le₃ mei₅ bá₄ dsa₂ i₂ca₂ŋi'₂, ca₂lia'₂ qui₂co₂'liain'₂ riin'₅₄. Jaun₂ Jesús ně₃ ŋniá₅ de'₂ dsa₂ i₂quiain'₅₄ bá₄ ca₂tsí'₃:

—Tě₃ŋi'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₂jmo₅-dsáu₅ o₁ne₁. ² Ia₁ 'i₁caun₂ a₂rě₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rě₂jniá₂; ján₃ bá₄ tsá₃ cha₂ 'i₁caun₂ a₂rě₂jlě₅ jua'₅₄ lín₂ dsa₂ a₂tsá₃ 'ein₂ le₃ŋi₅, tion₅₄ bá₄ rě₃ŋi₅ dsa₂. ³ Jaun₂ ně₃, ca₂le₃jě₃ 'e₂ a₂dsia₅ dsa₂ jě₄ qui₁'né₃, jiá₃ bá₄ le₃ja₁jniá₂ si₂. Le₂jaun₂ ju₁lia'₂ jág₁ a₂dsia₅ dsa₂ jě₄ tě₃co'₅₄ a₂qui₂le₁jnág₅ 'né₅, a₂dsi₃'ag₅ bá₄ jaun₂.†

*I₂'ein₂ ca₂tín₂ dsa₂ jme₃gain₃
(Mateo 10:28-31)*

⁴ "Nia'₂ a₂mei₅₄ quiáng₃, juig'₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ŋi'₅, ia₁ tsá₃ ma₃a₂siá'₂ jua'₅₄ a₂'io₂₃ guě₄ bí₂ jmo₃. ⁵ Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃; i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. ⁶ †Tsa₁ 'ni₅ dsa₂ 'ŋiá₂ i₁tan₅ tei₄ quian'₅₄ tin₃

* **12:1** lit. “levadura quió'₅ dsa₂ fariseos.” † **12:3** lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

ŋ₁ guéin₂? La₁ 'i₁jan₂ 'éi₂ tsá₃ dsí₂ 'én₂ dsí₅ Diú₄, ⁷Jag₄ 'nia'₂ jaun₂, 'ŋio₅ lin₃ gué₄ dsan₂ dsí₅ Diú₄ 'nia'₂, le₂jio₅ jŋi₂ dsei'₂ 'nia'₂, ma₂ŋi₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ŋio₅ gué₄ quen'₄ 'nia'₂ lia'₂ con'₂ gué₄ juin₅ i₁tan₅.

Dsa₂ i₂jme₂jnia₅ cui_{in}₂₃ Jesús
(Matt 10:32-33; 12:32; 10:19-20)

⁸ Juá'₅ jniá'₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cui_g₂₃ jniá'₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jnio_g₂₃ a₂cui_g₂₃ ja₁con₂ ca₂le₃jín₃ ángeles quián₅ Diú₄. ⁹ La₁ jui₁lia'₂ i₂tsá₃ 'ag₅ a₂cui_g₂₃ jniá'₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'iin₄ jniá'₂ a₂cui_{in}₅ ja₁con₂ ángeles quián₅ Diú₄. ¹⁰ Ia₁ jui₁'ein₂ gué₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsí₂ Jŋió₅, tsá₃ ma₃o₂'én₂ dso₄ cha₂. ¹¹ Jë₁ma₂ca₂jŋia₃ dsa₂ 'nia'₂ ne₄ dsí₂tan₅₄ quián₅ guá'₅, o₃ jë₁ma₂ca₂jio_g₃ ne₄ i₂con₂ 'í₁, ne₄ dsa₂ i₂qui₂dsí₅ 'éi'₃ ně₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃ ŋi'₅₄ 'a₂ lia'₂ ŋag'₅₄, 'o₃ 'e₂ juig'₅₄. ¹² Ia₁ 'ŋio₅ bá₄ Jme₂dsí₂ Jŋió₅ jme₃tag₂₃ 'e₂ a₂ca₂tín'₂ 'nia'₂ ŋag'₅₄, jë₁ma₂ca₂tě₂ hora jaun₂.

Go'₂ ně₁'ein₂ ca₂dsia₃ le₁má'₂ 'ŋio₅ lin₃ jmo₃ dsí₅ jmá'₃ quió'₅ 'ŋio₅

¹³ Jan₂ dsa₂ i₂jme₁'en₅₄ jë₄ jaun₂ ně₃, ca₂tsí'₃ Jesús:

—Tě₅, chei'₅₄ co₂nio₄ dsó₂ ríng'₃ jui₁cuë₁₂ con'₂ a₂ca₂tíng₂ a₂cha₂ quió'₅ 'lag₄ ŋe'₃.

¹⁴ Jaun₂ ca₂ŋag₃ Jesús:

—'Ne₂ dsa₂, ħ₂'ein₂ ca₂dsio_g₃ jniá'₂ a₂líng₅ jan₂ i₂dsi_ó'₅ 'e₂ a₂ca₂tín'₂ 'nia'₂?

¹⁵ Ján₃ bá₄ ca₂juá'₂:

—Tě₃ŋi'₅₄ 'nia'₂ tsá₃ i₂jmo₂ jua'₅₄ a₂ŋí₄ lë₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ŋí₄ cha₂ quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ŋio₅ lin₃. 'Lióng₂ lin₃ jme₁rau₂ quió'₅. ¹⁷ Jaun₂ ca₂i₃jio_g₅ dsí₅: “ħ₂E₂ bá₄ jmo₅₄ jniá'₂ ně₃? Tsá₃ ma₃cha₂ ja₁tó'₄ a₂ca₂rau₂ quió₃.” ¹⁸ Jaun₂ ca₂i₃jio_g₅ dsí₅: “Le₂la₂ jmo₅₄. Qui'₄ tsi'₁io₅ a₂tíong₂ ně₅, jaun₂ jmo₅₄ a₂ca'₅₄ gué₄. Jaun₂ ja₁jaun₂ tó'₄ trigo, quian'₅₄ ca₂le₃jě₃ gué₄ a₂cha₂ quió₃. ¹⁹ Jaun₂ gué₄ 'náu'₄ dsí₃: 'Lióng₂ ma₂nio_g₅ le₁má'₂, ma₂len₅ 'lióng₂ ŋi₂; ma₂lé₂ jan₅₄, gua₅₄ tei₄, gué'₅₄, gui'₅₄, cué₄ o₂'ŋió₃ o₂jŋia₃ dsí₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂:

²⁰ “ħ₂E₂ gué₄ con'₅₄ 'ne₂ líng'₅! Jua'₂ a₂'uë₂ ně₃ mág₄ jniá'₂ 'mú₃ quiáng'₂. Ca₂le₃jě₃ a₂ma₂dsia'₅₄ 'ne₂ rë₂, ħ₂'ein₂ bá₄ quió'₅ lé₂?”

²¹ Le₂në₅ dsí₂ŋí₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ŋio₅, la₁ tē₂tsiin'₅₄ lín₃ le₃ja₁con₂ Diú₄.

I₂jmo₅ 'í₁ bá₄ Diú₄ chi'₂guein₂ quiáin₅
(Mateo 6:25-34)

22 Jme₁ca₂dsan₃ jaun₂, ca₂tsí'₃ táng₃ chi'₂ ds₂guia₃-tín₂ quiáin₅:

—Juíg₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quē'₅₄ tē₁lia'₂ chang'₂, on₃ guē'₂ o₄quió'₄ niñi'₁, jua'₅₄ dsan₂ 'au'₂ 'e₂ qui'₅₄. 23 Ia₁ jme₂dsí₂ bá₄ a₂quen₅ guē'₄ lia'₂ con'₂ guē'₄ má₃. Ján₃ guē'₂ le₂jaun₂ niñi'₁ bá₄ dsa₂ a₂quen₅ guē'₄ lia'₂ con'₂ guē'₄ 'mi'₂. 24 Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guē'₂ 'e₂ cha₂ a₂le₃rau₂ quió'₅, on₃ guē'₂ 'io₅ chí'₅ quió'₅. Diú₄ bá₄ i₂jme₂tau₅₄. Jaun₂ 'nio₅ lin₃ guē'₄ bá₄ quen'₄ 'nia'₂ lia'₂ con'₂ guē'₄ i₁tan₅ 'éi₂! 25 ¿I₂'ein₂ 'nia'₂ i₂lé₂ le₃jmo₃ le₃chain₂ guē'₄ uē₂,[‡] ne₄ ia₁ a₂ñí₄ lē₃ 'is 'au'₂ 'nia'₂ chang'₂? 26 Chi₂jua'₂ tsá₃ quin'₅₄ 'nia'₂ jmig₄ quian'₅₄ a₂ca₂juig₄ nē₅, ¿'e₂ guē'₂ lē₃ ñí₄ dsan₂ 'au'₂ 'nia'₂ quian'₅₄ a₂siá'₂? 27 Ní₂ de'₂ 'nia'₂ ján₃ 'a₂ lia'₂ qui₂dsi₂cón₃ lí₁. Tsá₃ tsi₁ñi₅ lé₂ tsē'₃, on₃ guē'₂ lé₂ ta₃. Jaun₂ juíg₂ jniá₂ 'nia'₂, ca₂lia'₂ jñia'₅₄ Rag₅₄ Salomón, quian'₅₄ ca₂le₃jě₃ a₂jlá'₁ a₂jme₁cha₂ quió'₅, tsá₃ ca₂rě₃jláin'₁ bá₄ guē'₄ jui₁lia'₂ jlá'₁ lí₁. 28 Chi₂jua'₂ le₂nē₅ chí'₅ Diú₄ jlá'₁ nau₂ a₂cha₂ 'ña₁, a₂jñia'₅₄ jniá₂ jlá'₁ ca₂tiá₂ co₂lág₂, ia₁ jui₁la₂ 'ióg₃ dsí'₂ dsa₂, 'ē₂ guē'₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. 29 Jaun₂ juá'₅ jniá₂, tsá₃ i₁niog'₄ jua'₅₄ a₂ñí₄ dsan₂ 'au'₂ 'e₂ quē'₅₄ 'ag'₅₄. Tsá₃ can₂ 'nia'₂ o₂i₁ dsí₅ quian'₅₄ a₂jaun₂, 30 ia₁ jmá'₃ a₂nē₅ bá₄ a₂ñí₄ lē₃ 'nio'₃ ds₂nau₂. Ia₁ i₂ñi₅ bá₄ Néi'₅ a₂'nió'₅ ca₂le₃jě₃ a₂nē₅ quián'₂ 'nia'₂. 31 La₁ 'nio'₂ de'₂ jñiá₅ 'nia'₂ ja₁goin₂, jaun₂ ca₂le₃jě₃ a₂nē₅ tē₁ja₃lé₂ a₂ma₂ñag₅₄ cuē₃.

A₂quen₅ lin₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

32 'Nia'₂ já'₂ cha'₂ quiáng₃, tsá₃ lē₁jmo₂ 'nia'₂ gang'₃, o₁jñia'₅₄ la₂ tsá₃ juin'₅ 'nia'₂, la₁ 'ñio₂ dsí₅ Néi'₅ cuē₃ ja₁goin₂. 33 'Nag₄ 'nia'₂ a₂cha₂ quiáng'₂; jme₂on₅₄ i₂te₂ñé₂. Jñia'₅₄ lia'₂ le₂nē₅ bá₄ dsióg₄, tē₃ron₅₄ tē₂'mí'₂ a₂tsá₃ ton₅ jmig₄ le₃'áu₂ quián'₂ 'nia'₂; caun₂ a₂quen₅ lin₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄ dsiá₃, ja₁tsá₃ líg'₂ jmig₄ dsióg₄ 'ang₂, on₃ guē'₂ i₁tsan'₅₄ lé₂ le₃'én₂. 34 Ia₁ jui₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i₄ 'au'₂.

'Nió'₅ bá₄ a₂chan₂ dsa₂ rě₂jáin₁

35 'Rě₂ján'₁ 'nia'₂ chang'₂, le₁ling'₄, le₁guí'₂ si₂ tsí₅ quiáng'₂. 36 Jui₁len'₅₄ 'nia'₂ nē₂jag₄ bá₄ dsa₂ i₂chi₁jñia₅ guan'₂ juig₅₄ ñó₃ ja₁niog₅ jmig₄. Rě₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ ds₂jui₅ jē₁ma₂tē₂ rē₁guáin'₃ quein₃ o₄'né₄. 37 'E₂ guē'₄ dsen₃ dsa₂ i₂le₁ne₅₄ jē₁ma₂ca₂guán'₃ juig₅₄. A₂dsi₂jó'₃ juá'₅ jniá₂, 'ñiog₅

‡ 12:25 o₃, "I₂'ein₂ 'nia'₂ i₂lé₂ le₃jmo₃ a₂dsi₃cón₃ guē'₄ caun₂ lē₂."

bá₄ 'éi₂ dsiog₃ ne₄ mesa, ton'₂ qui'₃ 'mi'₂ a₂jme₂ti₃ njág₃ má₃.
³⁸ 'E₂ gué₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃ juig₅₄ o₁jñia'₅₄
 la₂ ca₂guáin'₃ a₂'uē₂ dsi₃nei₅, o₃ ma₂ca₂ñi₂ dsi₃nei₅ 'e₂. ³⁹ La₁
 ju₁le₂ñi'₅₄ 'nia'₂ a₂la₂ ján₃, jua'₅₄ mei'₂ gué₃ ñi₅ dsa₂ quió'₅
 dsi₂néi₂ 'e₂ hora jíá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuē₃
 jmig₄ 'í₂ dsa₂ 'éi₂, 'ang₃. ⁴⁰ Le₂nē₅ bá₄ 'nia'₂ ján₃, rē₂jáng'₁ chang'₂,
 ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Ju₁lia'₂ dsa₂ i₂tsá₃ rē₂ti'₅₄ ta₁ quió'₅
(Mateo 24:45-51)

⁴¹ Jaun₂ nē₃ ca₂ñag₃ Pe₄:

—Te₁gui'₅₄, ¿a₁nē₂chei'₅₄ jmá'₃ jñia'₅₄ jág₁ jáng'₅ léi₄ nē₅, o₃
 a₂nē₂chei'₅₄ ca₂le₃jín₃ 'e₂?

⁴² Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄,
 i₂ca₂dsiog₃ juig₅₄ nio₃ ne₅₄ jmo₃ ta₁ dsi₂néi₂, a₂ag'₃ ñi'₃ dsa₂ hora
 ca₂tín₂? ⁴³ 'E₂ gué₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃
 bá₄ ta₁ quió'₅, i₁guain'₂. ⁴⁴ A₂dsi₂jó'₃ juá'₅ jniá₂, dsiog₃ juig₅₄
 a₂nio₃ ne₅₄ ca₂le₃jē₃ a₂cha₂ quió'₅. ⁴⁵ La₁ nē₁juá'₂ lín₂ dsa₂ i₂niog₅
 ne₄ 'éi₂, le₃'ag₄ bá₄ guan'₂ juig₅₄, chi₂juá'₂ ca₂jme₃lióg₃ ca₂jmaí'₂
 uig₅ dsa₂ ñe'₂, dsa₂ mí₂ nē₃ i₂jme₂ti₃ ta₁, ton'₂ 'ñiog₅ guē'₂ ca₂'í₃
 guē'₅, 'ín'₂, ca₂rē₃'ein₅ bá₄ 'ñiog₅, ⁴⁶ la₁ con'₂ tsá₃ jáin₅, con'₂ caun₂
 hora a₂tsá₃ ñi₅ bá₄ guan'₂ juig₅₄; uig₅ gau₂ 'ñio₅ lin₃ bá₄ cuē₃ 'éi₂,
 co₂jaun₂ bá₄ uig₅ gue₃ con'₂ lē₅ tin₃ dsa₂ i₂tsá₃ 'én₂.

⁴⁷ 'Ju₁lia'₂ dsa₂ i₂ñi₅ 'e₂ 'nio₃ juig₅₄, la₁ tsá₃ 'e₂ co₂jñia₅₄ jmo₂₃,
 on₃ guē'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅
 'lióng₂ lin₃ ni₁ñi₁₂. ⁴⁸ La₁ ju₁lia'₂ i₂tsá₃ 'e₂ ca₂rē₃ñi₅ ton'₂ jmo₅-
 dsáu₅ cosa a₂ca₂tín₂ gue₃ uig₅, tsá₃ lin₅₄ 'lióng₂ 'mi₅ cán₂. Ju₁lia'₂
 dsa₂ i₂'lióng₂ tē₂no₄ gu₂ a₂ca₂tín₂ jme₃ti₃, ján₃ bá₄ 'lióng₂ a₂mág₃
 juig₅₄. Ján₃ guē'₂ le₂jaun₂ ju₁lia'₂ i₂ma₂dsia₅ dsa₂ 'lióng₂ ne₅₄,
 'lióng₂ gué₄ a₂chi₃quióng₂ dsa₂ jmig₄ jáng'₃.

Jesús bá₄ 'u₁n₄ a₂lē₂ le₁dson'₅₄ dsa₂
(Mateo 10:34-36)

⁴⁹ 'A₂i₃'ing₅₄ si₂ mi₂güig₃ la₂ bá₄ jniá₂ guio₃. ¡'E₂ gué₄ 'ín₅ dsi₃,
 juá'₅₄ ma₂cau₂ bá₄ co₂ñei'₅₄ tē₂nē₃! ⁵⁰ La₁ tion₅₄ niog₅ tiáng₄
 ju₁5 ja₁dsi₃ñig₂ mi'₅₄ 'ñio₅ lin₃. Jaun₂, ¡'e₂ gué₄ 'ñio₅ o₂i₁ dsi₅
 chang₂, ca₂lia'₂ ca₂rē₃ti₃ ta₁ a₂guio₃! ⁵¹ ¿Lín'₂ 'nia'₂ a₂guio₃ jniá₂
 i₃'ei₃ tei₄ mi₂güig₃ la₂? On₃juá'₅₄ le₂jaun₂. A₂i₃jmo₃ le₁dson'₅₄
 dsa₂ bá₄ jniá₂ guio₃. ⁵² Ia₁ tē₂le₃ ne₄ ju₁5 ja₁dsau₅₄ nē₅, ju₁lia'₂
 caun₂ dsi₂néi₂ ja₁lē₂ 'ñiá₂ dsa₂, lé₂ le₁dson'₅₄, ⁵³ ún₂ jme₃'ñiai₅₄
 on₃; i₂on₃ jme₃'ñiai₅₄ i₂ún₂ táng₃; ju₁lia'₂ jmei₂ dsa₂ tóin'₃ mi'₅₄
 quian'₅₄ ja₁ñi'₅₄, ja₁ñi'₅₄ guē'₂ 'í₂ mi'₅₄ quian'₅₄ jmei₂; ju₁lia'₂
 chog₅₄ tóin'₃ mi'₅₄ quian'₅₄ ja₁míg₄, ja₁míg₄ guē'₂ 'í₂ mi'₅₄ quian'₅₄

chog⁵⁴. Jui¹lia² i²lín⁵ ma²chog⁵⁴ dsa², tóin³ mi⁵⁴ quian⁵⁴ lo⁵⁴,
 jui¹lia² mi²lo⁵⁴ 'í² mi⁵⁴ quian⁵⁴ ma²chog⁵⁴.

Jui¹lia² jme¹cha² léi⁴ guei⁵⁴
 (Mateo 16:1-4; Marcos 8:11-13)

⁵⁴Ján³ bá⁴ ca²tsí³ dsa²:

—Jme¹caún² 'nia² 'í¹ guei⁵⁴ jme¹tsau² jnei⁵ le³ja¹rin² 'iog²,
 jag⁴ 'nia², já³ jmí⁵, dsón² bá⁴ le²jaun² lě². ⁵⁵Jaun² jme¹ja² dsí²
 tē²le³ sur, jag⁴ 'nia² dséi³ 'iog² ně³. Jaun² dsón² bá⁴ le²jaun² lě²
 já³. ⁵⁶'Nia² dsa² i²jñia⁵⁴ dse³ le¹ág⁴ o¹ne¹! Nj⁵⁴ 'nia² 'a² lia²
 jua⁵⁴ 'e² niog⁵ tē⁵ ne⁵⁴ 'nia² guei⁵⁴, quian⁵⁴ 'e² lě² ne⁴ gua⁵⁴ 'uē³.
 ĸ^{A2} bá⁴ lia² tsá³ tin² 'nia² caun⁵⁴ 'í¹ léi⁴ a²ma²cha² rē²ně³?

Jme¹jen² já^{g1} quian⁵⁴ dsa² i²'iog⁵⁴
 (Mateo 5:25-26)

⁵⁷'ĸ^{E2} lē³ tsá³ caún² 'nia² 'í¹ jē⁴ quiáng² guiong⁵⁴ a²dsi²ten⁵⁴
 jmó²? ⁵⁸Jē¹ma²eng⁵⁴ juí⁵ dsióg⁴ ne⁴ dsi²tan⁵⁴ quian⁵⁴ dsa²
 i²'nag⁵, jme¹jen² 'nia² já^{g1} le²'i⁴ juí⁵ jme¹dsian⁵ mi⁵⁴ a²chang²
 quian⁵⁴. Ia¹ con² tsá³ njó⁵ ně¹jua² ca²tsag² tē³ne⁴ dsi²tan⁵⁴
 i²qui²dsi⁵ 'éi³. 'Éi² ně³ jáng³ ne⁴ 'lióg²; 'lióg² guē⁴ ně³ to² né³
 'má³. ⁵⁹Juá⁵ jniá², o¹líg² tsá³ o³'ing² ja¹jaun² ca²lia² ca²qui⁵⁴
 jē¹ca²tó² njí¹ guéin² a²ring².

13

A²quen⁵ lín³ bá⁴ a²dsi²quén⁵ dsí⁵ dsa²

¹Jmíg⁴ jaun² i²lín⁵⁴ dsa² i²jme¹tion⁵⁴ guē⁴ ca²dsia³ ca²tsí³
 Jesús 'a² lia² ca²jme³dsian⁵ Pilato i²lín⁵⁴ dsa² chan² Galilea.
 Ca²cóin² jmí⁴ dsa² 'éi² quian⁵⁴ jmí⁴ já² i²ca²jme³dsian⁵ dsa²
 i²jéin² ne⁴ Diú⁴.

²Jaun² ca²juá² Jesús ně³:

—ĸ^{Lín} 'nia² ně³, dsa² chan² Galilea 'éi² ca²i³ñí² le²jaun² ia¹
 'lióng² guē⁴ dso⁴ jme¹le¹cán⁴ lia² con² guē⁴ dsa² go⁵⁴? ³Juá⁵
 jniá², on³jua⁵⁴ le²jaun²; ia¹ le²ně⁵ bá⁴ 'nia² já³, ně¹jua² tsá³
 ca²dsi³quén⁵ 'au², dsiáng³ já³. ⁴ĸ^{On} bá⁴ lín² 'nia², 'ñio⁵
 lín³ guē⁴ jme¹le¹cán⁴ dso⁴ dsa² i²guia³-jñiá² i²ca²dsan³ 'éi², lia²
 con² ca²qui³ ni¹'ia² ñei⁵ ja¹chei² Siloé, lia² con² guē⁴ ca²le³jín³
 i²tián⁵ Jerusalén? ⁵Juá⁵ jniá², on³jua⁵⁴ le²jaun²; ia¹ já³ bá⁴
 le²ně⁵ 'nia², ně¹jua² tsá³ ca²dsi³quén⁵ 'au², dsiáng³ bá⁴ já³.

Já^{g1} jáng⁵ léi⁴ quió⁵ ni¹'ma² higuera a²tsá³ míg² 'ag⁵

⁶Jaun² ca²juá² táng³ Jesús já^{g1} jáng⁵ léi⁴ la²:

—Jan² dsa² jme¹jnia⁴ caun² 'ma² a²'ag⁵ míg² higo ja¹nau²
 quió⁵, jaun² ca²i¹jag⁵⁴ chi²jua² ma²le¹ág⁴ míg². Tsá³ míg² cha²
 guē² ně³, jme¹dsióg³. ⁷Jaun² ca²tsí³ dsa² i²jmo⁵ 'í¹ ja¹nau² jaun²:
 “Ma²ni⁵ ñi² guio²³ i²jág³ ni¹'ma² ně⁵ chi²jua² le¹ág⁴ míg², la¹

caun₂ tsá₃ míg₂ cha₂ bá₄ lia₂ co₂ráun₂ guio₅₄. Qui₅₄ co₂ñei₅₄. Tsá₃ ta₁ jmo₃ ñña₅₄ jme₂dsiá₃ 'o₅₄ 'uë₃ bá₄.”⁸ La₁ dsa₂ i₂jmo₅ 'í₁ ja₁nau₂ 'éi₂ ně₃ ca₂ñag₃: “Te₁gui₅₄, cuë₄ jmig₄ o₁dsi₅₄ guë₄ caun₂ ñi₂ la₂; jmo₅₄ dse₃ le₃lág₃, tó₄ 'míg₄ já₂ 'ně₃,⁹ o₁ne₄ chi₂jua₂ 'ag₃ míg₂ ñi₂ caun₂. Nē₁jua₂ tsá₃ 'e₂ míg₂ cha₂ i₁jáun₃, jaun₂ guë₄ uín₂.”

Ca₂jme₃'lión₂ Jesús jan₂ 'io₅₄ i₂jme₁quin₅₄ mi₂ca₅₄ caun₂ jmig₄ sa₅₄
¹⁰ Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá₅ sinagoga.

¹¹ Ja₁jaun₂ jme₁'en₅₄ jan₂ 'io₅₄ i₂ma₂guia₃-ñña₂ ñi₂ dso₅₄. Ca₂jmóg₂ jme₂dsí₂ 'lin₅₄ rē₂guen₂ mi₂ca₅₄, jme₁ñi₂₃ tsá₃ lé₂ néi₃ rē₂.

¹² Jme₁ca₂jág₂ Jesús, jaun₂ ca₂tē₃, jaun₂ ca₂juá₂:

—'Io₅₄, ma₂ca₂'lóng₂ bá₄ dso₄ a₂jme₁líng₄.

¹³ Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi₃ mi₂ca₅₄ 'io₅₄, jaun₂ ca₂jme₃juiin₂ Diú₄.

¹⁴ La₁ dsa₂ i₂ñiog₅ ne₄ guá₅ sinagoga, ca₂rē₃'néi₃ quian₅₄ Jesús ia₁ ca₂jme₃'lióin₂ dsa₂ 'éi₂ tē₃ jmig₄ sa₅₄. Jaun₂ ca₂tsí₃ dsa₂ i₂tion₅₄:

—Ññéi₂ jmig₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua₅₄ rē₂ jme₁sa₅₄.

¹⁵ Jaun₂ ca₂ñag₃ Te₁gui₅₄ ca₂tsí₃ 'éi₂:

—i₁'Nia₂ dsa₂ i₂ñña₅₄ dse₃ le₁'ág₄ o₁ne₁! ¿Tsa₁ 'ein₂ 'nia₂ chén₂ ca₁jui₅ o₃ bú₄ quián₅ jua₅₄ tsá₃ dsi₃jio₃ dsi₃'ein₅₄ jmig₂ o₁ñña₅₄ lē₅ sa₅₄?¹⁶ Ia₁ dsa₂ m₂ la₂, i₂lín₅ jan₂ tsi₁jon₂ Abraham; i₂sē₃dse₃ jme₁ma₂'nei₂ ma₂guia₃-ñña₂ ñi₂. Jaun₂ ně₃, ¿tsa₁ ca₂tín₂ chein₂ ján₃ ñña₅₄ tē₃ jmig₄ sa₅₄?

¹⁷ Jme₁ca₂juá₂ Jesús le₂nē₅, ca₂rē₃gui₅₄ bá₄, ca₂le₃jín₃ con₂ dsa₂ i₂'iog₅₄. La₁ 'io₂ jén₅ tē₅ dsí₅ bá₄ dsa₂ i₂tion₅₄, ca₂le₃jē₃ a₂jlá₁ jmo₅ 'éi₂.

Jág₁ jáng₅ léi₄ jui₁lia₂ m₂g₂ jon₂ quió₅ ni₁'ma₂ mostaza
(Mateo 13:31-32; Marcos 4:30-32)

¹⁸ Ca₂juá₂ ně₃:

—¿'A₂ lia₂ le₃juá₄ lē₅ ja₁gon₂ Diú₄? ¿'E₂ quian₅₄ lé₂ le₃quíng₄?

¹⁹ Lē₅ jui₁lia₂ m₂g₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió₅. Jaun₂ ca₂i₃cón₃ ca₂dsióg₃ ca₂lē₃ caun₂ ni₁'ma₂ pa₁; i₁tan₅ ně₃ ca₂tó₂ tsag₅₄ gu₂ nei₅₄ jaun₂.

Jág₁ jáng₅ léi₄ jui₁lia₂ 'a₂ lia₂ ron₂ i₁ñí₄
(Mateo 13:33)

²⁰ Ca₂juá₂ Jesús le₂la₂ ján₃:

* **13:19** mostaza: On₃jua₅₄ mi₁jáng₅ a₂cuí₅ dsa₂ go₄ jniog₄; caun₂ ni₁'ma₂ dsón₂ bá₄ jaun₂ a₂chei₂ Brassica nigra.

—ǂ'E₂ quian'₅₄ lé₂ le₃quíng'₄ lě₅ ja₁gon₂ Diú₄? ²¹ Lě₅ jui₁lia'₂ lě₅ levadura a₂co₂güín'₂ jan'₂ io₅₄ jě₄ 'ni₅ tio'₅₄ 'ma₂† ti₁can₁ i₁ñí'₄. Quian'₅₄ co₁seín'₄ levadura bá₄ guion'₂ ca₂le₃jě₃ ti₁can₁.

Jág₁ jáng'₅ léi₄ quió'₅ o₄'né₄ dsag₂

(Mateo 7:13-14, 21—23)

²² Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiin₂₃ guě₄ dsa₂ le₂tan₅₄ juig₂ te₁'i₁ ja₁ca₂ñi₅.

²³ Jaun₂ ca₂ñag₃ jan₂ dsa₂:

—Te₁gui'₅₄, ǂme'₂ bá₄ dsa₂ i₂tín'₅?

Jaun₂ ca₂ñag₃:

²⁴ —Quen'₂ 'nia'₂ bí₂ tíong'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmi₄. ²⁵ Ia₁ con'₂ tsá₃ ñó₅ jě₁ma₂tě₂ rě₁náu₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂tě₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tě'₄: “iTe₁gui'₅₄! Nia₄ o₄'né₄, tió'₄ jniá'₅₄.” ‘Ei₂ ně₃ ñag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.” ²⁶ Jaun₂ guě₄ jme₁lióg'₄ 'nia'₂ jua'₅₄: “Jniá'₅₄ bá₄ la₂ i₂ma₂que₅₄ ma₂'ne'₅₄ co₂lě₅ quian'₅₄ 'ne₂; jua'₂ 'ne₂ bá₄ guě'₂ ca₂jme₁tag'₂ jniá'₅₄ jin₄ juin₅ dsa₂.” ²⁷ Jaun₂ dsa₂ juig₅₄ dsi₂néi₂ ně₃, ñag₃: “Ma₂ně₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ ñja'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” ²⁸ Ja₁jaun₂ qui₂o₁'o'₄ o₁quíg'₃ 'nia'₂ jan'₅₄, jě₁ma₂tě₂ rě₁jing'₅₄ Abraham, Isaac, Jacob, quian'₅₄ ca₂le₃jín₃ guě₄ dsa₂ i₂jme₁ě₂ jág₁ quián₅ Diú₄, tioen'₅₄ ja₁gon₂ Diú₄, la₁ 'nia'₂ guě'₂ ně₃, dsi₃gang'₅₄ uíng₂. ²⁹ Ia₁ qui₂ja₃len₅ i₂chan₂ ca₂taun₂ ca₂taun₂ mi₂güüg₃ ja₃tiain'₂ guě'₃ co₂dsia₅ ja₁gon₂ Diú₄. ³⁰ La₁ lé₂, chan₂ i₂lin₅₄ i₂tión₂ le₃jě₃ca₂tó'₂, tě₃tsiin'₅₄ le₃ne₄ jui₅; i₂tión₂ le₃ne₄ jui₅ rě₂ně₃ guě'₂ ně₃, tě₃tsiin'₅₄ le₃jě₃ca₂tó'₂.

Ca₂'o₃ Jesús o₄quió'₄ dsa₂ juig₂ Jerusalén

(Mateo 23:37-39)

³¹ Hora jaun₂ dé₄ dsi₃lén₂ i₂lin₅₄ dsa₂ fariseos, ca₂juá'₂:

—Co₂ñei'₅₄ dse₃ jú₅ ja₁lá₃, quian₂ jui₅ quiáng'₂, ia₁ 'nio₃ Herodes ñjag'₃.

³² Jaun₂ ca₂ñag₃ táng₃ Jesús:

—O₂nó'₅ 'nia'₂, o₂chei'₅₄ dsi₂ma₂jág₂† 'éi₂: “Ní₂, la₂ bá₄ 'ú₄, ně₃, 'ióg₃ ně₃; ně₃ bá₄ guě₄ 'uíng'₅₄ jme₂dsi₂ je₂na'₅₄ quió'₅ dsa₂, ně₃ guě₄ qui₂jme₁liong₅₄ dsa₂. 'Íóg₃ caun₂ guě₄ 'ñia₅ quió₃.” ³³ A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tě₁lia'₂ chang₂, ia₁ tsá₃ lé₂ le₃jón₂ jan₂ dsa₂ i₂ě₂ jág₁ quián₅ Diú₄ uíng₂ ja₁lě₄ juig₂ Jerusalén. ³⁴ i'Nia'₂ dsa₂ juig₂ Jerusalén! i'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂ě₂ jág₁ quián₅ Diú₄, 'nia'₂ i₂qui₂ñag'₅₄ cang₄ dsa₂ i₂chen₅ Diú₄ jin'₄ 'nia'₂!

† 13:21 griego: sata, (caun₂ tio'₅₄ 'éi₃ 'ma₂ jaun₂ 'éi₄ con'₂ 22 litros.) ‡ 13:32 lit. “dsi₂güi₅”, co₂nió'₄ le₃jua'₅₄, dsa₂ i₂'io₅ mai₅₄.

i'Lióng₂ ráun₂ jme₁'ín₅ dsi₃ jme₁chi₁liang'₂ chi'₂-guein₂ juig₂ la₂ quiáng'₂, ju₁lia'₂ jmo₅ i₁tsín'₃ a₂chi₂lain'₂ guein₂ quiáin₅ to'₂ né'₃ tsi₁rē₂cu₅, la₁ guion'₅₄ 'nia'₂ tsá₃ ca₂gue'₅₄! 35 Ní₂ ně₃, tē₃tsi'₅₄ chi₁güig'₂ dsi₂néi₂ quiáng'₂. Juá'₅ jniá₂, o₁lig'₂ tsá₃ ma₃jag'₅₄ jniá₂, ca₂lia'₂ ca₂tē₂ jmig₄ ja₁jua'₅₄ 'nia'₂: “Ju₁le₂jñi₃ó₃ i₂nē₅ i₂já₅ o₄quió'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

1 Co₂ráun₂ guē'₂ ca₂lē₃ táng₃ caun₂ jmig₄ sa₅₄ a₂ca₂ñó₃ Jesús i₃guē'₃ ja₁quió'₄ jan₂ dsa₂ dsen₅₄ quián₅ dsa₂ fariseos; i₂lín₅₄ guē'₂ dsa₂ fariseos sián'₂ a₂jñia'₅₄ tiog₂₃ bá₄ tioin'₅₄.

2 Ja₁jaun₂ jme₁'en₅₄ jan₂ dsa₂ dso'₅₄ i₂guion₂.

3 Jaun₂ ca₂ñag₃ Jesús ca₂tsí'₃ tē₅juá'₅ quian'₅₄ dsa₂ fariseos, ca₂juá'₂:

—ǵ'I₄ 'éi'₃, o₃ tsá₃ 'i₄ 'éi'₃ jme₃'lión₂ dsa₂ dsa₂ dso'₅₄ jme₁jmig₄ sa₅₄?

4 La₁ tei₄ bá₄ i₃lén₂, tsá₃ 'e₂ ñi₅ ñag₃. Jaun₂ ca₂jñai'₃ dsa₂ dso'₅₄, ca₂jme₃'lió₂. Jaun₂ ca₂dsióg'₂ quió'₅.

5 Jaun₂ ca₂juá'₂ ca₂tsí'₃ 'éi'₂:

—ǵI₂'ein₂ 'nia'₂, tsá₃ dsi₃dsen₅ dsi₂jui₅ chi'₂ quián₅, * o₃ jan₂ ca₁jui₅ 'e₂ ně₁jua'₂ ca₂táin'₂ né'₃ táu₃ jñia'₅₄ tē₃ jmig₄ sa₅₄?

6 La₁ tsá₃ ca₂tió'₃ ñag₃ jág₁ ně₅.

Tsá₃ dsióg₅ jua'₅₄ quió'₃ dsa₂ 'ma₂si₅₄ ja₁dsen₅₄ guē₄

7 Jme₁ca₂tē₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guē₄ ja₁tiaín'₂, jaun₂ ca₂cuē₃ jág₁ a₂jáng'₅ léi₄ la₂:

8 —Nē₁jua'₂ 'ein₂ tē₂ ja₁niog₅ jmig₄ jen'₂ gu₂ dsa₂, tsá₃ ne'₅₄ ju₁lia'₂ ja₁dsen₅₄, ia₁ con'₂ tsá₃ ñó₅ ně₁jua'₂ ca₂dsióg₃ jan₂ i₂dsen₅₄ guē₄ lia'₂ 'ne₂. 9 Ia₁ ǵ'e₂ bá₄ lé₂ ně₁jua'₂ dsa₂ i₂nē₂tē₂ le₂on'₃ 'nia'₂ juá'₂: “I₂la₂ cuē'₅₄ ja₁ñéi'₂”? Jaun₂ tē₃ ma₂gueng'₅₄ bá₄ gog'₅₄ o₁né'₂ tē₂ jē₁ca₂tó'₂. 10 La₁ juá'₅ jniá₂, chi₂jua'₂ lig'₂ ně₁'ein₂ ca₂tē₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂nē₂tē₂ lé₂ le₃juá'₂: “A₂mei₅₄ quiáng₃, ja₁dsen₅₄ guē₄ la₂ i₂nē₂.” Jaun₂ le₂nē₅ bá₄ jme₃juag'₂ dsa₂ i₂quē'₂ quiang'₅₄. 11 Ia₁ ju₁lia'₂ dsa₂ i₂jme₂can'₅₄ guion₅₄, sióin₃ tē₂le₃ jē₁ca₂tó'₂; dsa₂ i₂jmo₅ me'₂ guē'₂ ně₃, roin'₂ guei'₅₄.

12 Jaun₂ ca₂tsí'₃ ján₃, dsa₂ i₂ca₂tē₃ 'éi'₂:

—Jē₁ma₂tē₂ rē₁'niog'₂ jmó'₂ caun₂ má₃ a₂ñig'₅₄ dsa₂, tsá₃ tē'₅₄ ju₁lia'₂ dsa₂ a₂mei₅₄ quiáng'₂, on₃ guē'₂ ju₁lia'₂ i₂lín₅ o₁ríng'₂, on₃ guē'₂ ju₁lia'₂ i₂cha₂cu₄ tián'₅ cau₅ quiáng'₂ ně₃. Ia₁ con'₂ tsá₃ ñó₅, dsa₂ le₂'éi₂, lé₂ le₃tē₂, a₂jéin'₃ táng₃ quiáng'₂. 13 Jaun₂ ně₃, ně₁jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ñé₂, dsa₂ 'lian'₂,

* 14:5 Cha₂ a₂lín₅₄ chog₅₄ si₂ a₂juá'₂: “dsi₃dsen₅ bú'₄ quián₅.”

dsa₂ ten₄, dsa₂ guian'₅₄ ně₃. ¹⁴ Jaun₂ le₂ně₅ bá₄ le₃chang'₂ dse₃.
Ia₁ dsa₂ 'éi₂ ně₃, tsá₃ qui'₅₄ jmig₄ le₃jéin'₃ quiáng'₂, la₁ i₁jaun₃ bá₄
tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ jui₁ lia'₂ dsa₂ i₂té₄ ja₁nio₅ jmig₄
(Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ ně₅, ca₂tsí'₃ Jesús:
—'E₂ guě₄ dsen₃ i₂tian'₃ guě'₃† ja₁gon₂ Díu₄.

¹⁶ Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cuě₃ caun₂ má₃ pa₁, jaun₂ ca₂tě'₃
juin₅ dsa₂. ¹⁷ Jme₁ca₂tě₂ hora a₂nio₃ jmig₄ ně₃, ca₂chein₃ dsa₂
i₂jme₂ti₃ ta₁ ne₅₄, i₁chi'₄ dsa₂ i₂ma₂lě₅ jág₁ dsi₁lén₂: “I₂nó'₅ 'nia'₂,
ia₁ ma₂lě₅ co₂nja₅₄ ca₂le₃jě₃.” ¹⁸ La₁ ca₂le₃jín₃ bá₄ ca₂juá'₂ tsá₃
jiin₅₄. I₂le₂'uig₅₄ ca₂nag₃: “Caun₂ 'uě₃ lia'₂ ně₂lá₂; ja₁jaun₂ nei₅₄
i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹ I₂sián'₂ guě'₂ táng₃
ca₂juá'₂: “Njá₂ dsán'₃ ca₁jui₅ i₂quia'₂ 'uě₃ i₂tě₂ca₂láng₂, i₂'éi₂ nei₅₄
i₁quió₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂
nei₅₄.” ²⁰ I₂sián'₂ guě'₂ ca₂juá'₂ táng₃: “Gu₃ lia'₂ ně₂jeng'₅₄; jaun₂
lě₃, tsá₃ lé₂ nei₅₄.” ²¹ Jaun₂ jme₁dsián'₃ mozo 'éi₂ ca₂jmóg'₃
jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá'₂ tsí'₅
táng₃ mozo 'éi₂: “Co₂chi'₅₄ o₂nj₄ jě₄ calles, le₂tan₅₄ ja₁le₁nj'₂ dsa₂
juin₅ jě₄ juig₂, qui₂o₂quian₅ dsa₂ te₂njé₂, dsa₂ 'lian'₂, i₂guian'₅₄,
i₂ten₄ ně₃.” ²² Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄,
ma₂ně₂jmo₃ con'₂ lě₅ ně₂jua'₅₄. Jo₂ bá₄ guě₄ dsi₂néi₂.” ²³ Jaun₂
ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅,
o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴ Ia₁
le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃
quein'₃ jě₄ jmig₄ quió₃.”

'Nio₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

²⁵ Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃
ca₂juá'₂:

²⁶ —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, ně₂jua'₂ tsá₃
ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂
quiáin₅, ca₂le₃jín₃ guě₄ o₁rjin'₅₄ ně₃; ně₂jua'₂ tsá₃ ca₂tén'₃ dsí₅
le₂jio₅ jme₂dsí₂ quió'₅ ně₃, tsá₃ lé₂ le₃lén₂ dsa₂ quiáng₃. ²⁷ Jua'₅₄
'ein₂ tsá₃ ca₂tén'₃ dsí₅ gue₃ 'mú₃,† jíá₃ chi₁co'₅₄ quió'₅, tsá₃ lé₂
le₃lén₂ dsa₂ quiáng₃. ²⁸ Jua'₅₄ mei'₂ guě₃ chan₂ jan'₂ 'nia'₂ i₂'nio₃
chi'₃ caun₂ ni₁'ia'₂ nej₅, ζon₁ jniá₅ de'₂ con₂ 'í₁ chi₂jua'₂ ma₂len₅
cu₄ quió'₅ ca₂lia'₂ a₂'ió'₄ a₂jaun₂? ²⁹ Ia₁ ně₂jua'₂ tsá₃ le₂jaun₂,
jme₃lióg₃ 'uig₅₄ 'ia'₂, tsá₃ tió'₅ guě'₂ jme₃'ió'₃, ca₂le₃jín₃ dsa₂ i₂jág₃
a₂jaun₂, a₂lě₁co₂jmóg'₂ co₃njág₂ bá₄. ³⁰ Dsia₃: “Dsa₂ ně₅ con'₂

† 14:15 lit. “guě₃ i₁nj'₄.” ‡ 14:27 lit. “tsá₃ cán₂ cróg₄ quió'₅.”

jɲia'⁵⁴ ca₂jme₃lióg₃ 'uig⁵⁴, la₁ tsá₃ guë'² qui'⁵⁴ jmig⁴ jme₃'io'³.”
³¹ O₃ jui₁lia'² jan₂ rag⁵⁴ guë'², i₂jmo₃ 'nei₂ quian'⁵⁴ jan₂ rag⁵⁴
 sián'², ṭsa₁ jɲiá'⁵ de'² guá'₃ con₂ 'í₁ chi₂jua'² tió'⁵ quian'⁵⁴ guian₃
 mei₅ 'lióg₂ quiáin₅, dsi₃quiín'² quian'⁵⁴ guión₂ mei₅? ³² Chi₂jua'²
 ma₂lí'⁴, tsá₃ tió'⁵ ně₃, tē₁lia'² uing₂ guë'⁴ já₅ rag⁵⁴ jan₂, chein₃ dsa₂
 i₂quian₅ jág₁ a₂mi₂₃ dsian₅ co₂ɲei'⁵⁴ mi'⁵⁴. ³³ Le₂ně₅ bá₄ chi₂'ein₂
 'nia'² i₂tsá₃ ca₂tén'³ dsi₅ tí₂ ca₂le₃jě₃ a₂cha₂ quió'⁵, tsá₃ lé₂ le₃léin₂
 dsa₂ quiáng₃.

Jág₁ jáng'⁵ léi₄ jui₁lia'² 'a₂ lia'² lě₅ tsi₁ɲi₁
(Mateo 5:13; Marcos 9:50)

³⁴ (Jui₁lia'² dsa₂ i₂quian'⁵⁴ jniá'₂ lín₅ jui₁lia'² lě₅ tsi₁ɲi₁.) A₂dse₃
 bá₄ tsi₁ɲi₁ tē₁lia'² ɲi'⁵⁴. La₁ ně₁jua'² ca₂'en₃ ɲi'⁵⁴ ně₃, ṭ'a₂ bá₄
 lia'² lé₂ le₃lei₂ táng₃? ³⁵ Tsá₃ ma₃'e₂ ta₁ tí₄, on₃ guë'² lé₂ le₃lé₂
 gua'⁵⁴, on₃ guë'² ma₂tí₅ ta₁ jua'⁵⁴ a₂le₃lé₂ ca₂bě'⁵⁴ 'o'⁵⁴. Jɲia'⁵⁴ lia'²
 a₂dsi₃ga'⁵⁴ uing₂ bá₄. I₂dsi₅₄ gua₄, rē₂ jui₁nei₅₄.

15

Jág₁ jáng'⁵ léi₄ jui₁lia'² jan₂ já'² cha'² i₂ca₂i₃cón'⁵
(Mateo 18:10-14)

¹ Ca₂le₃jín₃ dsa₂ i₂cán₂ 'lia'⁵⁴ quián₅ dsi₂tan₅₄, quian'⁵⁴ guë'⁴
 dsa₂ i₂le₁cán'⁴ dso₄ sián'², ca₂o₃léin₂ ja₁'en₅₄ Jesús, a₂o₃néi₃.

² 'Uig⁵⁴ jaun₂, dsa₂ fariseos quian'⁵⁴ tē₅juá'⁵ ca₂chi₂ca₂'in₃
 Jesús. Ca₂juá'²:

—Dsa₂ ně₅ qui₂guein₂₃ bá₄ dsa₂ i₂le₁cán'⁴ dso₄, guë'⁵ co₂lě₅
 quiong'⁵⁴.

³ Jaun₂ lě₃ ca₂juá'² Jesús jág₁ jáng'⁵ léi₄ la₂:

⁴ —ṭ'ein₂ 'nia'², jui₁lia'² i₂ɲio₅ caun₂ 'ɲiá₂-lón₂ já'² cha'²,
 ně₁jua'² ca₂i₃cón'⁵ jan₂, tsa₁ ja₁co₂ɲiog₅ jaun₂ toin'² i₂quéin'²
 ne₂guión₂ rē₂dsi₂ guia₃-né₂ (99) con'² i₂te₂, dsó₃ táng₃
 dsi₂jui₅, dsi₂'niai'² i₂jan₂ i₂i₃cón'⁵ 'éi₂, 'nau'² ca₂lia'² ca₂dsáu'²?

⁵ Jē₁ma₂ca₂dsáu'² ně₃, tē₂ jui₅ co₁dsi₁₂, jóin'⁵ táng₃ 'io'² jén'⁵.

⁶ Jē₁ma₂dsiáin'³ dsi₂néi₂ ně₃, ɲi'² ca₂le₃jín₃ a₂mei₅₄ quián₅,
 quian'⁵⁴ guë'⁴ dsa₂ i₂tián'⁵ cau₅ quió'⁵. Jaun₂ juá'²: “Ně₃ o₁tió'⁴,
 jmó₁ 'io'² quian'⁵⁴ jniá'², ia₁ dsán'⁵ bá₄ já'² cha'² i₂jme₁ma₂i₂cón'⁵
 quiáng₃.” ⁷ Juá'⁵ jniá'², 'ɲio₅ lín₃ guë'⁴ bá₄ cha₂ o₂ɲi₃ó₃ dsi₅ guei'⁵⁴
 i₂juíg₃ o₄quió'⁴ jan₂ dsa₂ i₂rē₂cán'⁴ dso₄, i₂dsi₂quén'⁵ dsi₅, lia'²
 con'² guë'⁴ o₄quió'⁴ i₂quéin'² ne₂guión₂ rē₂dsi₂ guia₃-né₂ (99)
 dsa₂ “dsen₃” i₂tsá₃ 'e₂ 'nió'⁵ jme₃tsín₃ dsi₅.

Jág₁ jáng'⁵ léi₄ jui₁lia'² caun₂ cu₄ 'ua'² a₂i₃có'⁵

⁸ 'O₃ jui₁lia'² jan₂ dsa₂ mí₂ i₂'io₅ guia₃ cu₄ 'ua'², * ně₁jua'²
 ca₂i₃có'⁵ caun₂, ṭsa₁ tēi₂ si₂, 'iá'² dse₃ lín₃ dsi₂néi₂, 'no'² ca₂lia'²

* 15:8 griego: dracma (co₂'nió'⁴ 'lian'⁵⁴ dsa₂ co₂jmi₄ ta₁).

ca₂dsó'₂? ⁹ Jë₁ma₂ca₂dsó'₂ ně₃, jmo₂₃ 'io'₂, ŋí'₂ 'io'₅₄ a₂mei₅₄ quiáin₅, i₂tián'₅ cau₅ quió'₅ ně₃, jaun₂ juá'₂: “Ně₃ o₁jmó₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂'ág₃ quió₃.” ¹⁰ Jaun₂ le₂ně₅ bá₄ juíg₂ jniá₂ 'nia'₂, chan₂ o₂'ŋio₃ o₂ŋia₃ dsi₅ ángeles quián₅ Diú₄ o₄quió'₄ jan₂ dsa₂ i₂rě₂cán'₄ dso₄, i₂ma₂ca₂dsi₃quén'₅ dsí₅.

Jág₁ jáng'₅ léi₄ jui₁ lia'₂ jan₂ dsó₂ i₂ca₂dsián'₃ táng₃ quió'₅ jmei₂

¹¹ Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ŋi'₅₄. ¹² I₂lín₅ i₂me'₂ guě₄ ca₂tsí'₃ jmei₂: “Tia₅₄, cuě₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ ně₃ ca₂dsi₃' 'e₂ a₂cha₂ quió'₅, jma₃quén₅ ca₂cuě'₃ chi'₂ quiáin₅ con'₂ ca₂tiin₂. ¹³ Mei'₂ bá₄ cang₂ jaun₂, dsó₂ i₂me'₂ guě₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'í₃ jui₅ i₁ŋi₂ uíng₂ caun₂ 'uě₃ siá'₂. Ja₁jaun₂ ca₂i₁'éin₄ jě₂ cu₄ quió'₅, tsá₃ 'en₅₄ dsí₅ ca₂rě₃cháin₃. ¹⁴ Jme₁ma₂dsó'₃ jě₂ cu₄ ně₃, 'ŋio₅ lin₃ ca₂rě₃'ín₃ a₂guě'₃ dsa₂ juíg₂ jaun₂. 'Éi'₂ ně₃ ma₂ŋi₂₃ 'oin₅₄. ¹⁵ Jaun₂ ŋó₃ i₃'nióg₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi'₂ ně₃ ca₂chei₃ ja₁nau₂ quió'₅ a₂ŋi₃' i₁ŋi₅. ¹⁶ Jë₁ma₂tě₂ rě₂guě'₃ i₁ŋi₅, ca₂lia'₂ ma₂le₃guě'₃ 'ŋiog₅ cuá'₁ tsi₁rě₂jnei₂ a₂guě'₅ já'₂, la₁ 'i₁jan₂ tsá₃ 'ein₂ ca₂cuě₃ a₂guě'₅. ¹⁷ Jaun₂ ca₂i₃ŋia₅ dsí₅: “i₁Tě₁lia'₂ juin₅ mozos i₂'ŋio₅ ŋe'₃, cha₂ qui₂rě₂tsón₂ a₂guě'₅, jniá₂ ně₃ ja₁láš₃ jŋíg'₅ dsi₃ 'ong₅₄! ¹⁸ Ag₅₄ caun₂ dsi₃, nég'₄ táng₃ dsi₂néi₂ quió'₅ ŋe'₃. Juíg₅₄ le₂la: Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ¹⁹ ŋia'₅₄ tsá₃ ma₃ca₂tíng₂ a₂tě'₄ jniá₂ jón₃. La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. ²⁰ Jaun₂ ca₂nau₂ ca₂'í₃ jui₅ jóin'₃ táng₃ quió'₅ jmei₂. La₁ uíng₂ bá₄ guě₄ jóin'₅, jme₁ca₂jág₂ jmei₂. Ca₂tá'₂ ŋéi₂ dsí₅, ca₂ŋó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. ²¹ Jaun₂ guě₄ ca₂juá'₂ ja₁ŋi'₅₄: “Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; ŋia'₅₄ tsá₃ ma₃ca₂tíng₂ a₂tě'₄ jniá₂ jón₃.”† ²² La₁ jmei₂ ně₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “i₁Ma₂ně₃ co₂chi'₅₄! O₂dsi₄ 'mi'₂ a₂lě₅ a₂dse₃ guě₄, queng'₅₄ chi'₂ quiáng₃; caun₂ guě'₂ anillo tio'₂ chi₁gú₃. Co₂dsán'₃ guě'₂ ni₁lau₂ to'₅₄ 'nia'₂ tag₅₄; ²³ Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jŋí'₄ 'nia'₂. i₁Jaun₂ que₅₄, tió'₄ jmó₁ 'io'₂! ²⁴ Ia₁ chi'₂ ně₅ quiáng₃, ně₂jag₄ i₂jme₁ma₂jon₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmi₄g₄ tióin'₅₄.

²⁵ Tě₁lia'₂ jaun₂, chi'₂ ja₁ŋi'₅₄ i₂lín₅ i₂juin'₂ guě₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. ²⁶ Jaun₂ ca₂tě'₃ jan₂ dsó₂ ca₂ŋag₃ 'e₂ niog₅

† 15:21 A₂lín₅₄ chog₅₄ si₂ chi₁ton₅ le₂la₂ ján₃: “La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.”

lě₂. ²⁷ Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ néi'₅ ně₃ ně₂jmo₃ 'éi'₃ ně₂jñi'₃ dsa₂ ca₁jui₅ i₂jme₁chén'₄ 'on'₅₄, ia₁ guán'₅, dsein₃ bá₄, tsá₃ 'e₂ líin₅.” ²⁸ La₁ ca₂rě₃'né₃ bá₄ ríin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. ²⁹ La₁ 'éi₂ ně₃ ca₂ñag₃ ca₂tsí'₃ jmei₂: “Ca₂le₃jě₃ ñi₂ ma₂gui₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmig₄ quian'₅₄ a₂mei₅₄ quiáng₃. ³⁰ Ně₃ guě₄ tíng'₂ jmó'₂ jmig₄ ia₁ guán'₅ ja₁ñi'₄ ně₅, i₂lě₁qui₂l'én₄ cu₄ quiáng'₂, qui₂l'ñi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmig₄ jmo'₂ o₄quió'₄, jñíg'₅ ca₁jui₅ i₂'on'₅₄ guě₄ jme₁chén'₄.” ³¹ Jaun₂ ca₂ñag₃ jmei₂: “Jón₃, ma₁ co₂tan₅₄ bá₄ néi'₂ 'ne₂ quian'₅₄ jniá₂; a₂quián'₂ 'ne₂ bá₄ ca₂le₃jě₃ a₂cha₂ quió₃. ³² La₁ ně₃ ně₃ co₂ně₅ ca₂tág₂ jmó₁ jmig₄, quián₁ o₂ñió₃ dsí₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂í₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ jui₁lia'₂ jan₂ dsa₂ i₂tsá₃ ca₂rě₃tí'₅₄

¹ Ca₂juá'₂ Jesús ján₃ ca₂tsí'₃ dsa₂ i₂quian'₅₄:

—Jme₁chan₂ jan₂ dsa₂ cha₂ cu₄ jme₁ñioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₂jme₁qui₂'én₂ 'éi₂ a₂cha₂ quió'₅ juig₅₄. ² Jaun₂ ca₂tě₃ juig₅₄ ca₂juá'₂: “¿I₂'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂líng'₅, ia₁ ja₁lá₃ jñia'₃ ta₁ a₂niog₅ gog'₂.” ³ Jaun₂ dsa₂ 'éi₂ ně₃ ca₂'náu'₃ dsí₅: “¿'E₂ bá₄ jmo₅₄ jniá₂? Jñiá'₂ juig₃ ta₁ quió₃. Tsá₃ béng₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá₂ jua'₅₄ a₂lě₂mi₁₂ jme₃o₅₄ dsa₂. ⁴ Ma₂gui₃on₄ 'a₂ lia'₂ jmo₅₄ ia₁ jaun₂ guei₃ dsa₂ sián'₂ dsi₂néi₂ quió'₅ jě₁ma₂tě₁tsing'₅₄ tsá₃ ta₁ cha₂ jmo₅₄.” ⁵ Jaun₂ ca₂tě₃ tě₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ríng'₂ quió'₅ gui'₅₄?” ⁶ Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄* no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂ně₃ jmo₄ táng₃ caun₂ a₂siá'₂, tió'₃ jñia'₅₄ tě₂láu₃-guiá'₂ bá₄ taun'₅₄ a₂le₃ríng'₂.” ⁷ Jaun₂ ca₂tsí'₃ táng₃ jan₂ i₂sián'₂: “Ne₂ guě'₂, ¿je₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ñag₃: “Jón'₅ si₂ ja₁ton₅ a₂ríng'₂; jmo₄ táng₃ caun₂ a₂siá'₂ tió'₃ quén'₂ co₂ne₂guió₂ bá₄ taun'₅₄.” ⁸ Juig₅₄ ně₃, rě₂ bá₄ ca₂'iin₃ dsa₂ i₂tsá₃ ca₂rě₃tí'₅₄ 'éi₂, ia₁ 'ñioi₅₄ ca₂jmo₃. Ia₁ ja₂lín₃ guě₄ bá₄ 'ñio₅₄ jui₁lia'₂ dsa₂ mi₂güig₃ jmig₄ ně₃, lia'₂ con'₂ guě₄ chi'₂-guein₂ i₂lě₂ñio₄ ja₁jniá₂ si₂. ⁹ Jaun₂ juig₂ jniá₂ 'nia'₂, 'nio'₂ 'nia'₂ jui₅ 'a₂ lia'₂ léng'₂ a₂mei₅₄ quian'₅₄ cu₄

* **16:6** lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † **16:7** lit. “caun₂ 'ñiá₂-láu₂ korous míg₂ trigo”, (caun₂ 'éi'₃ a₂'éi₄ con'₂ guiá₃ 'ma₂ le₂caun₂).

cha₂ mi₂güig₃ 'lig'₅₄ la₂, ia₁jaun₂ jë₁ma₂ca₂dsa₃ cu₄, chan₂ bá₄ i₂le₃guéi'₂ 'nia'₂ ja₁o₁tiáng'₂ dse₃ co₂tan₅₄.¹⁰ Ju₁lia'₂ i₂rë₂ti'₅₄ rë₂ quian'₅₄ ca₂juig₄ a₂të₂no₄ gu₂, ján₃ bá₄ le₂jaun₂ rë₂ti'₅₄ quian'₅₄ 'líong₂. Le₂jaun₂ guë'₂ ju₁lia'₂ dsa₂ i₂tsá₃ rë₂ti'₅₄ quian'₅₄ ca₂juig₄, ján₃ bá₄ le₂jaun₂ tsá₃ rë₂ti'₅₄ quian'₅₄ 'líong₂.¹¹ Jaun₂ në₃, në₁jua'₂ tsá₃ rë₂ten'₅₄ 'nia'₂ quian'₅₄ cu₄ cha₂ mi₂güig₃ 'lig'₅₄ la₂, ç'ein₂ bá₄ i₂lé₂ le₃ág₃ caun₂ dsí₅ ja₁con'₂ 'nia'₂ quian'₅₄ a₂lë₅ a₂quen₅ të₃dsón'₂?¹² Në₁jua'₂ tsá₃ rë₂ten'₅₄ 'nia'₂ quian'₅₄ a₂lë₅ quió'₅ dsa₂ sián'₂, ç'ein₂ bá₄ dsia₃ gog'₂ 'nia'₂ ju₁lia'₂ a₂ca₂tín'₂ 'nia'₂ guiong'₅₄?¹³ I₁jan₂ dsa₂ i₂ma₂'lian'₅₄ tsá₃ lé₂ le₃jme₃ti₃ ta₁ ne₄ on₃ juig₅₄. Ia₁ jme₃'ñiai₅₄ jan₂, jan₂ guë'₂ jme₃'nioi₃; o₃ jme₂gain₃ jan₂, jan₂ guë'₂ tsá₃ ju₁toin'₂. Tsá₃ 'ein₂ 'nia'₂ lé₂ le₃jme₃ti₃ lia'₂ ne₄ Diú₄, lia'₂ ne₄ Cu₄ në₃.

¹⁴ Dsa₂ fariseos në₃, jme₁tioin'₅₄ 'nag₂₃ jë₂ jág₁ në₅. Jaun₂ jñia'₅₄ ca₂ñág₂ 'nei₂ bá₄ jme₁ca₂nág₂, ia₁ líin₅ dsa₂ i₂ñí₄ dsi₅₄ cu₄.

¹⁵ Jaun₂ ca₂juá'₂ Jesús:

—'Nia'₂ jmo'₂ a₂dseng'₃ të₃ne₄ dsa₂, la₁ cuí'₅ bá₄ Diú₄ dse₃ 'a₂ lia'₂ lë₅ 'au'₂ 'nia'₂. Ia₁ ju₁lia'₂ i₂jmo₅ dsí₅ a₂ñí₄ lë₃ dsein₅₄ 'ñio₅ quein₅, a₂jaun₂ 'io'₅₄ Diú₄.

'Éi'₃ Juá'₅, quian'₅₄ ja₁gon₂ Diú₄

¹⁶ 'Jme₁ron₅ 'Éi'₃ Juá'₅, quian'₅₄ Si₂ quió'₅ dsa₂ i₂jme₁'ë₂ jág₁ quián₅ Diú₄, ca₂lia'₂ ca₂të₂ jmig₄ a₂jme₁chan₂ Juan₅₄. Ca₂le₃jaun₂ qui₂dsi₂'ag₅ jág₁ ju₁lia'₂ ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín'₅ bí₂ a₂tóin'₃.¹⁷ Tsá₃ guë'₄ 'e₂ ta₁ quian₅ a₂dsi₃ñí₂ dsi₁ guei'₅₄ quian'₅₄ gua'₅₄ 'uë₃, lia'₂ con'₂ guë'₄ dsi₃'én₂ caun₂ léi₄ pí'₁ a₂le₁ton₅ 'Éi'₃, jua'₅₄ a₂tsá₃ le₃ti₃.

Jme₂tag₅ Jesús 'a₂ lia'₂ lë₅ ju₁lia'₂ a₂tén₂ dsa₂ dsi₂i₂gu₂
(Mateo 19:1-12; Marcos 10:1-12)

¹⁸ 'Në₁jua'₂ jan₂ dsa₂ ñe'₂ ca₂téin₂ dsa₂ mí₂ quiáin₅, a₂jéin'₂ táng₃ gu₂ quian'₅₄ i₂sián'₂, 'no₂₃ dso₄. Ján₃ guë'₂ le₂jaun₂ në₁jua'₂ dsa₂ ñe'₂ ca₂cain₃ dsa₂ mí₂ i₂ma₂téi₂ dsi₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian'₅₄ Lázaro

¹⁹ 'Jme₁chan₂ jan₂ dsa₂ cha₂ cu₄ i₂jme₁quí'₅ jmá'₃ tsin'₅₄ jlá'₁, quian'₅₄ 'mí'₂ 'uí'₃ a₂chein'₅₄ ta₁jain₂, në₃. Le₂'o₃ jmig₄ bá₄ jme₁cuë'₅ o₂ñio₃ o₂ñja₃ dsi₅, jme₁jmo₂₃ jmig₄ jlá'₁.²⁰ Jme₁chan₂ táng₃ jan₂ dsa₂ te₂ñé₂ i₂jme₁chen₂ Lázaro,‡ i₂dsó'₅₄ jme₁qui₂rë₂can'₂ 'mé'₅ ni₁ñi₁₂. Jme₁dsi₂dsiog₃ dsa₂ o₄'né₄ quió'₅ dsa₂ cha₂ cu₄.²¹ Dsa₂ te₂ñé₂ 'éi₂ në₃ jme₁'nio₃ jme₃tain'₅₄ quian'₅₄ a₂tsi₂séi'₂ ne₄ mesa. Ca₂të₂ dsi₂ji'₅₄ jme₁ja₂lén₂ ja₂'lí'₃ ne₄ 'mé'₅

‡ 16:20 Lia'₂ chen₂ Lázaro jein₅ jág₁, dsa₂ i₂jme₂'o₅₄ Diú₄.

quió'₅. 22 Cang₂ jaun₂ ca₂jon₃ bá₄ dsa₂ dsi₂ŋé₂ 'éi₂, ca₂tág₃
 ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ 'éi₂
 ján₃. Ca₂'ó₂ bá₄ dsa₂ ně₃. 23 Jme₁ma₂'ein₅₄ ŋág₅ uig₅ ja₁dsi₂len₅
 'lag₄, § ca₂chóg'₃ ne₅₄ ca₂jín₂ uing₂ Abraham quian'₅₄ Lázaro
 cau₅ quió'₅. 24 Jaun₂ ca₂guió'₃ co₂mi'₅₄ ca₂juá'₂: “Tia₅₄ Abraham,
 dsia₄ ŋéi₂ 'au'₂ jniá₂, chen₅ Lázaro ně₅ jui₁tia₅₄ chi₁gú₃ né'₃ jmíg₃,
 jui₁jia₂ jme₃güig'₂ le₁tsi'₃. Ia₁ 'ŋio₅ lin₃ uig₅ ŋag₅₄ 'eng₅₄ jē₄ si₂ la₂.”
 25 Jaun₂ ca₂ŋag₃ Abraham: “Jón₃, dsá₂ 'au'₂ jmo₄, ca₂gue'₅₄
 bá₄ 'ne₂ a₂dse₃ tē₁lia'₂ ca₂rē₃cháng'₃. Lázaro la₂ ně₃, tsá₃ 'e₂ dse₃
 ca₂rē₃cháin₃. Jaun₂ rē₂ně₃ ně₃ gue₂₃ lián'₂ chain₂ dse₃ ja₁lá₃. 'Ne₂
 guē'₂ ma₂ŋag'₅₄ uig₅ ja₁ně₅. 26 Ton'₂ ji'₅₄ ŋei₅ lin₃ lē₅ jē₄ quián₂
 jniog₄, jaun₂ tsá₃ 'ein₂ lé₂ le₃ŋí₃ tē₂le₃ ně₅, on₃ guē'₂ i₂tion'₅₄
 ja₁ně₅ lé₂ ŋi₁ le₃la₂.” 27 Jaun₂ ca₂ŋag₃ táng₃: “Mi₅ jniá₂ ne'₅₄
 jaun₂, tia₅₄, a₂dsiang'₅₄ i₂ně₅ dsi₃con₅₄ jág₁ dsau₅ dsi₂néi₂ quió'₅
 ŋe'₃, 28 ia₁ 'ŋiá₂ chi'₂ ríng'₃ i₂chan₂ guē₄, ia₁jaun₂ tsá₃ ja₃ŋag₅₄
 uig₅ ja₁lá₃.” 29 Jaun₂ ca₂ŋag₃ táng₃ Abraham: “I₂ma₂rón'₅ si₂ bá₄
 ó₃ ca₂quiog₂ Moisés quian'₅₄ dsa₂ i₂jme₁'ē₂ jág₁. jui₁tion'₅₄ jui₅
 a₂juá'₂ 'éi₂!” 30 Jaun₂ ca₂ŋag₃ táng₃: “Jan₂'ón₄, tia₅₄ Abraham,
 ia₁ ně₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí₅.”
 31 La₁ ca₂ŋag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés,
 quian'₅₄ dsa₂ i₂jme₁'ē₂ jág₁ quián₅ Diú₄ ně₃, ján₃ bá₄ le₂jaun₂ tsá₃
 'e₂ gau₂ nag₃ o₁ŋjia'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ ně₁jua'₂ 'ein₂ ca₂tian'₃ dso₄
 (Mateo 18:6-7, 21–22; Marcos 9:42)

1 Ca₂juá'₂ Jesús ca₂tsí'₃ dsa₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. ¡La₁ 'e₂ guē₄
 juíg₂ jui₁lia'₂ dsa₂ i₂'uin₄ a₂dsi₂gan'₅₄ riin'₅₄! 2 Ja₂lin₃ guē₄ dse₃
 juá'₅₄ tón₂ dsa₂ ne₄ jmi₁ŋí'₄ chi₁quein₅ ni₁to₂ dsi₂lag₅₄, lia'₂ con'₂
 guē₄ jmo₃ tián'₃ dso₄ jan₂ dsa₂ dsi₂ŋé₂ la₂. 3 Tē₃ŋi'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Nē₁jua'₂ ca₂jme₃tsín₃
 dsí₅, 'én₃ dsáu₁. 4 O₁ŋjia'₅₄ guio₃ ráun₂ ně₂jmóg'₂ mi'₅₄ co₂jmig₄,
 ně₁jua'₂ guio₃ ráun₂ ca₂já₃ ne'₅₄, juá'₂: “Tsá₃ ma₃jmo₅₄”, 'én₃
 dsáu₁.

Bí₂ a₂'io₅ a₂'én₂ dsa₂

5 Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂'éin₂ guē₄ jnia'₅₄.

6 Jaun₂ ca₂ŋag₃ táng₃ Te₁gui'₅₄:

—Tsá3 a2nag54 jnia'54 con'2 tí5 ca2míg2 mi2jon2 quió'5 ni'1ma2 mostaza* bá4 'én'2 'nia'2, lé2 le3juig'54 ni'1ma2 sicómoro† chí'5 nē5, “Jniag'3 ja1nē5, o2nau2 ne4 jmi'1ní'4”, le2jaun2 dsón'2 lé2 bá4.

'A2 ca2tín2 jmo3 dsa2 i2jme2ti3

7'Jua'54 mei'2 guē3 jan'2 'nia'2 chan2 jan2 dsa2 i2jmo5 ta1 ja1nau2 quió'5, o3 jmo23 'í2 já'2 cha'2 'e2, jua'54 mei'2 guē3 ma2guáin'5 ja1nau2, ¿o3 bá4 juig'2 'nia'2: “Ni'54 i2né2 jaun2 quē'54”? 8 Ma1 tsá3 le2jaun2. ¿o3 juig'2 le2la2 'e2: “jmo4 co2jnia54 a2guē'54, jmo4 co2jnia54 quiáng'2, jaun2 ñag'54 dsiá'1 quió3. Ca2lia'2 jē1ma2ca2lē3 guē'2, gui'2 nē3, jaun2 guē4 quē'54, 'ag'54 'ne2”? 9 ¿Cuē'5 ti'1mag'4 dsa2 'éi2 ia1 jme3ti3 con'2 lē5 a2tē1néi'2? Jan2'ón4. 10 Le2nē5 bá4 'nia'2 ján3, jē1ma2ca2lē3 jmo'2 ca2le3jē3 a2juá'2 Diú4, ca2tín'2 'nia'2 jua'54: “Tsá3 'e2 ta1 téi4 jnia'54 ja1cong'2, ia1 tsá3 'e2 ñag54 jua'54 nē2jmó1 jnia'54, jnia'54 con'2 a2ca2tág2 jnia'54 jmó1 bá4 nē2jmó1.”

Ca2jme3'lión2 Jesús guian3 dsa2 i2jme1lín4 'mé'5 'iog5

11 Con'2 siá'2, ca2'í3 táng3 Jesús jui5 a2dsióg4 Jerusalén, qui2ca2ñi5 le2tan54 'uē3 Samaria quian'54 Galilea.

12 Jme1ca2dsióg3 caun2 juig2 bē'54, ca2jme3jein'2 guian3 dsa2 i2le1dso'54 lín5 'mé'5 'iog5, la1 uíng2 bá4 ca2nau2 ja1chén'4 Jesús. 13 Ca2juá'2 tiá2:

—jJesús, Tē5, dsia4 ñéi2 'au'2 jnia'54!

14 Jme1ca2jág2 Jesús, ca2juá'2:

—O2nó'5 'nia'2 o2jme1jnia5 ne4 jme2dsa2.

Jē4 i2lén2 jaun2 bá4, ca2jnia3 'mé'5 a2jme1lín4.

15 Jaun2 nē3 jan2 'éi2, jme1ca2rē3lí'4 ca2jnia3 dso'54, ca2jéin'3 táng3 ne54, jme2juin'2 Diú4 co2mí'54.

16 Ca2tóin2 'uē3 cau5 mi2tag4 Jesús, cuē23 ti'1mag'4. Jan2 dsa2 chan2 Samaria bá4 'éi2.

17 Jaun2 ca2juá'2 Jesús:

—¿On1jua'54 guian3 lē2 i2ca2'lón2? ¿Na5 guē'2 i2ñi3 'éi2? 18 ¿Jan2 dsi2nau2 la2 bá4 i2jón'5 jme2juin'2 Diú4?

19 Jaun2 ca2tsí'3 dsa2 'éi2:

—Nau2, guan'2 quiáng'2. Ca2'lóng'2 ia1 'éng'2 bá4.

'A2 lia'2 lé2 i2guá2 'éi'3 quió'5 Diú4

(Mateo 24:23-28, 36—41)

20 Jaun2 ca2ñag3 dsa2 fariseos ca2ñi'3 Jesús líg'2 guá2 jmig4 a2le3gon2 Diú4. Jaun2 ca2ñag3 'éi2:

—On3jua'54 a2cha2 léi4 a2rē2jniá2 guá2 'éi'3 quió'5 Diú4. 21 Jaun2 tsá3 'ein2 lé2 le3juá'2, jua'54 “ñí2 ja1lá3 já5”, o3 “jó4 já5.” Ia1 a2ma2'ia bá4 'éi'3 quió'5 Diú4 jin'4 'nia'2.

* **17:6** mostaza: On3jua'54 mi1jáng'5 a2cuí'5 dsa2 go4 jniog4; caun2 ni'1ma2 dsón'2 jaun2 a2tē'2 tē5sí3 Brassica nigra. † **17:6** sicómoro: mei'2 tsá3 ni'1ma2 Ficus sycomorus. 'Nio'2 ja1ton5 Amós 7:14.

22 Jaun₂ ca₂tsí'₃ táng₃ chi'₂ dsi₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güig₃, la₁ tsá₃ jaun₂ të₅₄ ne'₅₄ 'nia'₂. 23 Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₂ já₅.” La₁ tsá₃ o₁nó'₅ 'nia'₂, on₃ guë'₂ ju₁le₂'én'₂ 'nia'₂ quió'₅ i₂juá'₂ le₂në₅. 24 Ia₁ ju₁lia'₂ të₂tsi'₅₄ si₁ñí'₃ ca₂taun₂ ca₂taun₂ guei'₅₄ mi₂güig₃, le₂jaun₂ bá₄ lé₂ jë₁ma₂të₂ rë₁të₃tsin'₅₄ Jaun₅ dsa₂ mi₂güig₃. 25 La₁ jñiá₅ de'₂ ca₂tín₂ ñág₃ uig₅ 'ñio₅ lin₃, jme₃iog₅₄ dsa₂ chan₂ jmig₄ në₃. 26 Ia₁ ju₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güig₃. 27 Ia₁ jme₁tion'₅₄ dsa₂ 'éi₂ jmig₄ jaun₂ qui₂guë'₅, qui₂'ín'₂ në₃, jme₁qui₂jéin'₂ gu₂, qui₂cuin₂₃ chi'₂ quiáin₅ a₂jéin'₂ gu₂, ca₂lia'₂ jme₁ca₂dsióg₃ jmig₄ i₁ca₂í₃ Noé 'ñio'₃ ni₁barco, a₂ca₂can'₂ rë'₂ jmig₂ ta₁caun₂ mi₂güig₃, ca₂l₃'én₂ ca₂le₃jín₃. 28 Le₂në₅ bá₄ ca₂lë₃ ján₃ jmig₄ quió'₅ Lot. Jme₁tion'₅₄ dsa₂ qui₂guë'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂j móg'₅ 'ne₄ në₃. 29 La₁ jme₁ca₂dsióg₃ jmig₄ a₂o₂'ín₃ Lot juig₂ Sodoma, a₂ca₂tang₂ rë'₂ si₂, ca₂séi'₂ ni₁cang₁ azufre le₁guí'₂ si₂ guei'₅₄, ca₂l₃'én₂ táng₃ ca₂le₃jín₃. 30 Le₂jaun₂ bá₄ lé₂ táng₃ jmig₄ i₁jme₃nia₅ Jaun₅ dsa₂ mi₂güig₃. 31 Jmig₄ jaun₂, chi₂jua'₂ 'ein₂'en₅₄ co'₅₄ 'ne₄, ju₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uë'₃ a₂jaun₂. Já₃ bá₄ le₂jaun₂ ju₁lia'₂ i₂'en₅₄ ja₁nau₂, tsá₃ ma₃o₁jñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. 32 Dsá₂ 'au'₂ 'nia'₂ jmo₄ 'e₂ ca₂i₃ñí₂ 'io₅₄ quián₅ Lot. 33 Ia₁ ju₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ ju₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

34 'Juá'₅ jniá₂, 'uë₂ jaun₂, on₃ dsa₂ i₂tián'₅ caun₂ tsi₁camá; jan₂ i₂dsi₃lén₃, jan₂ guë'₂ i₂të₃'ñiá₄. 35 Já₃ guë'₂ le₂jaun₂, on₃ dsa₂ mi₂tion'₅₄ éi'₅ co₂lë₅; jan₂ i₂dsi₃lén₃, jan₂ guë'₂ i₂të₃'ñiá₄. †

37 Jaun₂ ca₂ñag₃ dsa₂:

—¿A₂já'₄ bá₄ lé₂ a₂në₅, Te₁gui'₅₄?

Jaun₂ ca₂ñag₃ táng₃ 'éi₂:

—Ju₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ ju₁lia'₂ jan₂ 'io₅₄ 'nág₂ quian'₅₄ jan₂ juë'₄

1 Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tín₂₃ dsa₂ a₂ca₂tín₂ chi₃lén'₂ Diú₄ tián₂, tsá₃ o₁'ú'₄ dsí₅.

2 Ca₂juá'₂ le₂la₂:

—Caun₂ juig₂ jme₁guá₄ jan₂ juë'₄ i₂tsá₃ Diú₄ gan₃, on₃ guë'₂ dsan₂ dsí₅ dsa₂ mi₂güig₃ në₃. 3 Já₃ bá₄ juig₂ jaun₂ jme₁chan₂ jan₂

† 17:35 Chog₅₄ si₂ a₂gui'₅₄ guë'₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guë'₂ i₂të₃'ñiá₄.”

'io₅₄ 'nág₂ i₂jme₁ja₂ i₂gú'₃ ja₃jiin₅₄ jué₄ 'éi₂, jme₁ja₂jua'₅₄: “Jme₁rē₂ jág₁ quió₃, qui₂dsi₅ 'éi'₃ quió'₅ dsa₂ i₂jmóg'₂ jniá₂.”⁴ Uē₂ bá₄ tsá₃ ju₁₅ tón'₂ 'éi₂ jua'₅₄ jme₃rē₃. La₁ cang₂ bá₄ ca₂i₃jnia₅ dsí₅: “O₁jnia'₅₄ la₂ tsá₃ Diú₄ gáng₅, on₃ guē'₂ dsa₂ mi₂güig₃ dsa₂ dsi₃ nē₃,⁵ la₁ia₁ 'uig₅₄ a₂ñi₄ lē₃ cuē₅ o₂me'₅₄ dsi₃ 'io₅₄ 'nág₂ nē₅, qui₁dsi₅ jniá₂ co₂ñei'₅₄ 'éi'₃ o₄quió'₄, con'₂ tsá₃ ñó₅ nē₁jua'₂ caun₂ le₂nē₅ ñi₃, jmo₃ dsi₃mé'₂ dsi₃.”

⁶ Jaun₂ ca₂juá'₂ Te₁gui'₅₄:

—Ñi₂ rē₂ a₂juá'₂ jué₄ 'lin'₅₄ 'éi₂.⁷ ¿Tsa₁ lín'₂ 'nia'₂, jme₃rē₃ bá₄ Diú₄ 'e₂ a₂mi₅ dsa₂ i₂rē₂quion'₅₄ quiáin₅ i₂qui'₂-áu'₂ ca₂nei₂ ca₂jnia₃? ¿Tsa₁ lín'₂ 'nia'₂ caun₂ juin'₂ dsí₅ bá₄ quiong'₅₄?⁸ Juig₂ jniá₂ 'nia'₂, dsi₂ju₁₅ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jē₁ma₂tē₂ rē₁guan'₂ Jaun₅ dsa₂ mi₂güig₃, ¿dsiain'₂ bá₄ guē₄ dsa₂ 'én₂ ne₄ gua'₅₄ 'uē₃?

Jág₁ jáng'₅ léi₄ ju₁₅lia'₂ on₃ dsa₂: jan₂ dsa₂ fariseo, jan₂ guē'₂ dsa₂ i₂mi₅ 'lia'₅₄ a₂ca₂tín₂ dsi₂tan₅₄

⁹ Ca₂juá'₂ Jesús caun₂ jág₁ jáng'₅ léi₄ a₂ca₂tín₂ con'₂ i₂lín₂ lín₅ dsa₂ dsen₃, tsá₃ dsá₅ dsí₅ riin'₅₄ sián'₂. Ca₂juá'₂:

¹⁰ —On₃ dsa₂ ca₂i₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guē'₂ i₂jme₁lín₄ ta₁ i₂mi₅ 'lia'₅₄ a₂ca₂tín₂ dsi₂tan₅₄.¹¹ Dsa₂ fariseo nē₃, tē₃ chéin'₅ bá₄ chi₂lí'₂ con'₂ 'ñiog₅, ca₂juá'₂ le₂la₂: “Cuē₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ ju₁₅lia'₂ lín₅ i₂lín₅₄: i₂qui'₂ang₅, i₂tsá₃ dse₃ jmo₅ ja₁con₂ rin'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, ca₂lia'₂ jnia'₅₄ lia'₂ lín₅ dsa₂ i₂mi₅ 'lia'₅₄ nē₅, tsá₃ líng₅.¹² Jme₂'ing₅₄ nē₃ tin₃ ráun₂ lia'₂ caun₂ semana, ton'₂ cuē₅ bá₄ jniá₂ caun₂ qui'₅₄ a₂guia₃ quió₃, jē₂ con'₂ a₂lág₂.”¹³ La₁ dsa₂ i₂mi₅ 'lia'₅₄ 'éi₂ guē'₂ nē₃, uíng₂ bá₄ chéin'₅, ca₂lia'₂ jnia'₅₄ ne₅₄ bá₄ tsá₃ tiá₂ dsí₅ chóg'₃ guei'₅₄. Jnia'₅₄ con'₂ qui₂quein₂₃ le₁dsí₅ bá₄ chéin'₅, juá'₂: “Diú₄ quiáng₃, dsia₄ ñéi₂ 'au'₂ jniá₂ ia₁ rē₂cáng'₄ dso₄.”¹⁴ Jaun₂ juig₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rē₂ tē₁tsin'₅₄ ne₄ Diú₄ ñái'₅ quió'₅, lia'₂ con'₂ guē₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guē'₂ nē₃, roin'₂ guei'₅₄.

Ca₂jme₃gon'₅₄ Jesús chi'₂guein₂

(Mateo 19:13-15; Marcos 10:13-16)

¹⁵ Co₂ráun₂ guē'₂, qui₂ca₂o₃jnia₃ dsa₂ guein₂ quiáin₅ ne₄ Jesús, ia₁jaun₂ quitéi₂ gu₂. La₁ ca₂jí₂ bá₄ chi'₂ dsi₂guia₃-tín₂ jme₁ca₂jág₂.

¹⁶ Jaun₂ ca₂tē₃ Jesús guein₂, jaun₂ ca₂tsí'₃ chi'₂ dsi₂guia₃-tín₂:

—Cuē₄ 'nia'₂ jmig₄ ja₃lén₂ chi'₂guein₂ ja₁cong₂; tsá₃ lē₁jñi'₅₄ ju₁₅. Ia₁ ju₁₅lia'₂ i₂le₂nē₅ bá₄ guē'₂ i₂tín₃ ja₁gon₂ Diú₄.¹⁷ A₂dsi₂jó'₃

juíg₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ jui₁lia'₂ gue₅ jan₂ i₂bë'₅₄, o₁líg'₂ jmíg₄ tsá₃ 'í₂ ja₁jaun₂.

Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús
(Mateo 19:16-30; Marcos 10:17-31)

18 Jan₂ i₂lín₅ dsa₂ dsen₅₄ ca₂ñí'₃ Jesús:

—Të₅ dsen₃, ¿'e₂ bá₄ 'nió'₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

19 Jaun₂ ca₂ñag₃ Jesús:

—¿'E₂ lë₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jnia'₅₄ lia'₂ jan₂ Diú₄ bá₄. 20 Ting'₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ jñíg'₄ dsa₂ mi₂güí₃ ríng'₂; tsá₃ 'áng'₁; tsá₃ jmó'₂ dsá₁ ríng'₂ quian'₅₄ jág₁ tē₂jág₁; jme₁gang'₃ chog'₂-ñéi'₅.”

21 Ca₂ñag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ nē₅.

22 Jme₁ca₂ñág₂ Jesús a₂nē₅, jaun₂ ca₂juá'₂:

—'Nió'₅ bá₄ guě₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂ñé₂. Jaun₂ guě₄ le₃cha₂ 'líong₂ quiáng'₂ guei'₅₄ i₂juíg₃. Jaun₂ ñia₅ chi₁co'₅₄ quió₃ o₁ló₄.

23 La₁ jme₁ca₂ñág₂ dsa₂ 'éi₂ jág₁ nē₅, ca₂tá'₂ 'lia'₂ dsí₅ 'ñio₅ lín₃, ia₁ 'ñio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá'₂:*

—i'E₂ guě₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄!

25 Ja₂lín₃ guě₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia'₂ con'₂ guě₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

26 Jme₁ca₂ñág₂ dsa₂ i₂tión₂ jě₄ jaun₂, ca₂juá'₂:

—¿I₂'ein₂ bá₄ guě₄ i₂tín'₄ jaun₂?

27 Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmíg₄ dsa₂ mi₂güí₃ jmo₃, Diú₄ lé₂ le₃jmo₃.

28 Jaun₂ ca₂juá'₂ Pe₄:

—Te₁gui'₅₄, ma₁ jnia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

29 Jaun₂ ca₂ñag₃ táng₃:

—A₂dsi₂jó'₃ juíg₂ jniá₂ 'nia'₂, 'i₁jan₂ tsá₃ jua'₅₄ a₂lë₁táun₂ 'ne₄, téin₂ chog₅₄-jmei₂, o₁rñin'₅₄, dsa₂ mí₂, chi'₂-guein₂ quián₅ nē₃, o₄quió'₄ ja₁gon₂ Diú₄, 30 jua'₅₄ tsá₃ gue₃ tson₂ guě₄ ne₄ gua'₅₄ 'uě₃ la₂, ton'₂ le₃chain₂ dse₃ co₂tan₅₄ mi₂güí₃ caun₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)

* 18:24 A₂lín₅₄ chog₅ si₂juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

31 Jaun₂ ca₂tě₃ Jesús cau₅ jmá₃ lia₂ chi₂ dsi₂guia₃-tín₂ quiáin₅, jaun₂ ca₂juá'₂:

—Ně₃ guě₄ ně₃ ca₂tě₂ jmig₄ a₂dsau₅₄ juig₂ Jerusalén, ja₁niog₅ le₃t₃ ca₂le₃jě₃ con'₂ lě₅ ca₂tó'₂ dsa₂ i₂'ě₂ jág₁ quián₅ Diú₄ ne₄ si₂, a₂'iin₂₃ Jaun₅ dsa₂ mi₂güig₃. 32 Jáng'₂ dsa₂ o₄gú₃ dsi₂nau₂, ja₁lě₁co₃jmóg'₂ dsa₂, qui₃tě₃'o'₂ dsa₂, a₂qui₃'hěi₂ dsa₂ ně₃. 33 Jaun₂ jě₁ma₂ca₂lě₃ bóg₂, jaun₂ guě₄ jnag'₃. La₁ jě₁ma₂ca₂tě₂ 'ni₅ jmig₄, jein'₅₄ bá₄ táng₃.

34 La₁ 'éi₂ ně₃, tsá₃ 'e₂ ca₂hí'₂ 'i₁caun₂ jág₁ ně₅, ia₁ lě₅ jág₁ a₂rě₂'ma₄ bá₄ guě₄ ja₁coin₂, tsá₃ jein₅ dsi₅'e₂ jaun₂.

*Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)*

35 Con'₂ jme₁ma₂ja₂quián₃ dsióg₄ Jesús juig₂ Jericó, jme₁guá₄ jan₂ dsa₂ ten₄ cau₅ juí₅, mi₂₃ a₂jme₃'o₅₄ dsa₂ cu₄.

36 Jme₁ca₂nág₂ a₂qui₂ca₂hí₅ juin₅ dsa₂, jaun₂ ca₂hag₃ 'e₂ niog₅ lě₂.

37 Jaun₂ ca₂juá'₂ dsa₂:

—Jesús chan₂ Nazaret bá₄ ně₅ já₅.

38 Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:

—jJesús, tsi₁jon₂ David, dsia₄ hěi₂ 'au'₂ jniá'₂!

39 Ca₂jí₂ bá₄ dsa₂ i₂ja₂lén₂ ne₄ juí₅ ia₁jaun₂ jmo₃ tei₄, la₁ tě₂le₃ lě₅ guě₄ qui₂ca₂'áu'₂ bá₄ 'ein₅₄, ca₂juá'₂:

—j'Ne₂ tsi₁jon₂ David, dsia₄ hěi₂ 'au'₂ jniá'₂!

40 Ca₂nau₂ Jesús, jaun₂ ca₂jmo₃ 'éi'₃ a₂dsi₃quión₂ dsa₂. Jme₁ca₂dsióg₃ cau₅ quió'₅, jaun₂ ca₂hag₃ Jesús:

41 —¿'E₂ 'niog'₂ jmo₅₄ jniá'₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá'₂ 'nio₃.

42 Jaun₂ ca₂juá'₂ Jesús:

—jGue₄, juí₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

43 Dsi₂juí₅ jaun₂ bá₄ ca₂jnia₃ mi₂ne₅₄. Jaun₂ ca₂hó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ ján₃.

19

Jesús quian'₅₄ Zaqueo

1 Ca₂'í₃ Jesús juig₂ Jericó. Jaun₂ jme₁ma₂hó₅ jě₄ juig₂, ²ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

3 'Éi₂ ně₃, jme₁'no'₂ juí₅ jín₂ 'ein₂'éi₂ Jesús. La₁ tsá₃ lě₂, ia₁ a₂hí₄ lě₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

4 Jaun₂ ca₂ŋó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro, * ia₁ 'nio₃ jiin₂ Jesús, ia₁ jui₅ jaun₂ jme₁ŋí₃.

5 Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁ŋia₁₂ ně₃.

6 Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

7 Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsáu₁ bá₄ ŋó₅ i₂ŋia₅₄.

8 Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cuě₄ dsa₂ te₂ŋé₂. Já_{n3} guě'₂ le₂jaun₂ chi₂jua'₂ 'ein₂ quió'₅ ma₂'ang₃ a₂ju₁gang₂, jiin'₅₄ táng₃ jniá₂ quén₂ ráun₂ lě₅ guě₄ co₂jaun₂.

9 Jaun₂ ca₂juá'₂ Jesús:

—Jmíg₄ ně₃ ca₂lón₂ dsa₂ dsi₂néi₂ la₂. Ia₁ já_{n3} bá₄ lín₅ tsi₁jon₂ quián₅ Abraham. ¹⁰ Ta₁ ně₅ já₅ bá₄ Jaun₅ dsa₂ mi₂güí₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ jui₁lia'₂ guia₃ 'éi'₃ cu₄ 'ua'₂

(Mateo 25:14-30)

11 Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsióg₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄. ¹² Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ŋó₃ caun₂ juig₂ uíng₂ ja₁'ag₃ dsa₂ a₂léin₂ rag₅₄, jaun₂ guě₄ jnióí'₂ táng₃. ¹³ La₁ né'₃ a₂o₃'iin₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmíg₄ i₁guang'₂ táng₃.” ¹⁴ La₁ dsa₂ go₅₄ ně₃ ca₂rě₃ 'iog₅₄, ca₂chein₃ co₂nió'₃ dsa₂ ca₂1₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂ně₅ jě₄ quián₂.” ¹⁵ La₁ tion₅₄ bá₄ ca₂lín₃ 'éi₂ rag₅₄. Jme₁ca₂guán'₃ táng₃ go₅₄, jaun₂ ca₂tě'₃ dsa₂ i₂jme₂ti₃ quián₅ i₂ca₂cuě'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tě₁dsi₅₄ quió'₅ le₂jain₂ le₂jain₂. ¹⁶ Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con₂ guě₄ guia₃ co₂jaun₂ ma₂tě₁dsi₅₄ cu₄ mina quiáng'₂.” ¹⁷ Jaun₂ ca₂tsí'₃ 'éi₂: “E₂ guě₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Ně₃ ně₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.” ¹⁸ Jaun₂ ca₂guan₃ táng₃ i₂ca₂tě₂ on₃, ca₂juá'₂: “Gui'₅₄, 'ŋiá₂ guě₄ co₂jaun₂ ma₂tě₁dsi₅₄ cu₄ mina jaun₂ quiáng'₂.” ¹⁹ Le₂jaun₂ bá₄ ca₂tsí'₃ i₂'éi₂ já_{n3}: “Ne₂ guě'₂ jmó'₂ 'éi'₃ ne₄ 'ŋiá₂ juig₂.” ²⁰ Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄. ²¹ A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, tě₂le₃ dséi₂ mág'₂ quiáng'₂. Ia₁ cáun'₂

* 19:4 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

† 19:13 mina: co₂'nió'₄ 'lian'₅₄ dsa₂ con₂ 'ni₅ tsi'₂ ta₁.

ja₁tsá₃ 'e₂ ca₂qui₁dsag'₂ 'ñiag'₂, ton'₂ cag'₅₄ ja₁tsá₃ 'e₂ ca₂ñj'₂.”
 22 Jaun₂ ca₂ñag₃ táng₃ 'éi₂: “¡E₂ bá₄ tsá₃ ta₁ téng'₄! Lia'₂ con'₂
 lë₅ jág₁ quiáng'₂ qui₁dsi₅ jniá'₂ 'éi'₃. Chi₂jua'₂ ma₂ñi'₅₄ líng₅ dsa₂
 i₂tsau₂ dsi₅, cáun₄ a₂tsá₃ 'e₂ ca₂qui₁dsag'₂ 'ñi₃, ton'₂ cag'₅₄ ja₁tsá₃
 'e₂ ca₂jan₃, 23 ¿E₂ 'uig'₅₄ tsá₃ ca₂i₁tio'₂ banco cu₄ quió₃ jaun₂
 ně₃, ia₁jaun₂ jë₁ma₂guáng'₅ la₂, jme₁guéi'₄ lia'₂ jma₃quian'₅₄
 a₂të₁dsi₅₄?” 24 Jaun₂ ca₂tsi'₃ i₂jme₁tión₂ cau₅: “Jniá'₃ 'nia'₂ cu₄
 mina a₂chan'₂ i₂në₅. Cuë'₅₄ i₂'io₅ guia₃.” 25 Jaun₂ ca₂juá'₂ 'éi₂:
 “Gui'₅₄, ma₁ ma₂'io₅ bá₄ i₂në₅ guia₃ minas.” 26 Jaun₂ ca₂ñag₃
 rag₅₄: “A₂dsi₂jó'₃ juig'₂ jniá'₂ 'nia'₂, ca₂le₃jín₃ ju₁lia'₂ i₂ma₂le₁'io₅,
 ñei₂ guë₄; la₁ i₂tsá₃ 'e₂ qui₁dsag'₂, ca₂të₂ a₂jme₁ma₂niog₅ gu₂,
 co₂ñei'₅₄ ñja'₃. 27 La₁, ju₁lia'₂ dsa₂ i₂'iog₅₄ i₂tsá₃ 'ñio₂ dsi₅ gua₅₄
 jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂ jme₁dsiain'₂
 'nia'₂ ne₃.”

Ca₂dsi₃óg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí'₅ dsa₂ le₂në₅, ca₂'ág₂ táng₃ ne₅₄ juí₅, ca₂uíg₂
 tso₄ a₂dsi₃óg₄ Jerusalén.

29 Jme₁ma₂ja₂quián₃ dsi₃óg₄ juig₂ Betfagé quian'₅₄ Betania,
 a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂
 dsi₂guia₃-tín₂ quian₅. 30 Ca₂juá'₂:

—O₂nó'₅ 'nia'₂ juig₂ niog₅ 'ño'₅₄ ó₃. Jë₁ma₂ca₂dsi₃nóg'₅,
 dsian'₂ 'nia'₂ jan₂ bú'₄ chéin'₅ rë₂'ñe'₅₄, i₂tsá₃ 'ein₂ ma₂co₁dsag₅₄.
 Chein'₅₄ 'nia'₂ jaun₂ të'₅₄ ja₁lá₃. 31 Në₂jua'₂ 'ein₂ ca₂ñag₃ 'e₂ lë₃
 tsiin'₅₄, jaun₂ juig'₅₄: “Ia₁ 'nióí'₅ quió'₅ Te₁gui'₅₄.”

32 Ca₂i₃lén₂ bá₄ guë'₂ i₂chen₄ 'éi₂ ně₃. Ca₂lë₃ rë'₂ lia'₂ con'₂ lë₅
 jág₁ jaun₂.

33 Jme₁ma₂tioin'₅₄ chéin'₂ bú'₄, ca₂juá'₂ juig₅₄ já'₂:

—¿E₂ 'uig'₅₄ tsin'₅₄ 'nia'₂ bú'₄?

34 Jaun₂ ca₂ñag₃:

—Ia₁ 'nióí'₅ quió'₅ Te₁gui'₅₄.

35 Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi₁'mi'₂
 mi₂ca'₄ dsi₂bú'₄, jaun₂ guë₄ ca₂dsiain₃ Jesús guei'₅₄.

36 Le₃ne₄ juí₅ ja₁ñó₄ Jesús, qui₂ca₂já₃ dsa₂ 'mi'₂ le₂'i₄ juí₅.

37 Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃
 ca₂le₃jín₃ dsa₂ i₂quian₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂
 Diú₄ ně₃, o₄quió'₄ ca₂le₃jë₃ juí₅bí₂ a₂ma₂jmo₃ Jesús, a₂qui₂ma₂të₂
 ne₅₄.

38 Ca₂juá'₂:

—¡Juí₁le₂juin'₂ bá₄ Rag₅₄ ně₅ i₂já₅ o₄quió'₄ Te₁gui'₅₄! ¡Juí₁'ei₅ bá₄
 te₁ guei'₅₄ i₂juig₃! ¡Juí₁le₂juin'₂ bá₄ Diú₄ le₂tan₅₄ ja₁ñei₅ ně₃!

39 I₂lin₅₄ dsa₂ fariseos i₂tion'₅₄ jë₄ jaun₂ ca₂juá'₂:

—Të₅, jén₃ dsa₂ i₂quiang'₅₄.

40 Jaun₂ ca₂ñag₃ Jesús:

—Juíg₂ jniá₂ 'nia'₂, jua'₅₄ mei'₂ guě₃ dsi₂lén₂ i₂ně₅ tei₄, ni₁cang₁ guē'₂ tó'₃ mi'₅₄.

⁴¹ Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂, ⁴² ca₂juá'₂:

—jui₁lia'₂ bá₄ ŋi'₂ 'au'₂ 'nia'₂ jmig₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂. ⁴³ Ia₁ jiá₃ jmig₄ ja₁tsá₃ ma₃'e₂ ŋi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jě₃l'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅. ⁴⁴ Jnáu'₂ dsa₂ 'uě₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rě₃len'₄ 'nia'₂ lia'₂ con'₂ jmig₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Marcos 11:15-19; Juan 2:13-22)

⁴⁵ Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. ⁴⁶ Ca₂juá'₂:

—Ne₄ Si₂ juá'₂: “Ně₅ quió'₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.” § La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. *

⁴⁷ Ca₂le₃jě₃ jmig₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ jui₅ 'a₂ lia'₂ ŋag₁'₃.

⁴⁸ La₁ tsá₃ dso'₂ guē'₂ jui₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lin₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

¹ Co₂ráun₂ jme₁ma₂'en₅₄ Jesús jme₂tiin₂₃ dsa₂ jág₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃. ² Ca₂juá'₂:

—Jmo₄ jág₁ 'e₂ ta₁ líng'₅. ¿'Ein₂ ca₂cuē₃ bí₂ 'éi'₃ a₂jmo'₂ le₂ně₅?

³ Jaun₂ ca₂ŋag₃ Jesús, ca₂juá'₂:

—Ján₃ bá₄ ŋag₄ jniá₂ caun₂ jág₁ 'nia'₂: ⁴ ¿'Ein₂ ca₂chen₃ Juan₅₄ a₂o₃choin₃ dsa₂ jmig₂? ¿Ca₂chei₃ Diú₄, o₃ ca₂chei₃ dsa₂ mi₂güig₃ 'e₂? ŋag₄ de'₂ 'nia'₂ a₂ně₅.

⁵ Jaun₂ ca₂dsia₃ jág₁ guoin₅₄, ca₂juá'₂:

—Ně₁jua'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón'₅ bá₄ juá'₂: “¿'E₂ guē'₂ lě₃ tsá₃ ca₂rě₃'én'₂ 'nia'₂ jág₁ quió'₅?”

⁶ Ně₁jua'₂ ca₂ŋag₄ guē'₂ jniog₄ dsa₂ bá₄ i₂ca₂chen₃ 'éi₂, ně₃ cón'₅

† 19:45 A₂lin₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.”

§ 19:46 Isaías

56:7. * 19:46 Jeremías 7:11.

bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ jág₁ quián₅ Diú₄.

⁷Jaun₂ ca₂ŋag₃:

—Tsá₃ a₂jaun₂ ne₄ jnia'₅₄.

⁸Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá'₂ 'ein₂ cuě₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

*Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmo'₂ ta₁ ja₁nau₂
(Mateo 21:33-44; Marcos 12:1-11)*

⁹Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃'íin₃ bá₄ ca₂ŋó₃ uě₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰Jme₁ca₂tě₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tiin₂ ne₄ dsa₂ i₂jmo₅ ta₁ ja₁nau₂ 'éi₂. La₁ jě₂ bá₄ ca₂cuě₃ tioin'₅₄, ca₂dsióg'₂ lín₃. ¹¹Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmo₂'₂ táng₃: jnia'₅₄ ca₂tě₂ca₂'o'₂ bá₄ ca₂cuě₃ tioin'₅₄, ca₂dsióg'₂ lín₃ táng₃. ¹²Jě₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmo₂'₂ uig₅, ca₂dsei₂₃ tioin'₅₄.

¹³'Jaun₂ ca₂juá'₂ juig₅₄ ja₁nau₂: “ǀE₂ jmo₅₄ jniá'₂ ně₃? Chi'₂ quiáng₃ i₂'nió₃ guě₄ lín₃ tsing₅₄. 'An₁ jme₃gain₃ bá₄ i₂ně₅.” ¹⁴La₁ jme₁ca₂jág₂ i₂tion'₅₄ jmo₅ ta₁, ca₂quiin'₃ jág₁, ca₂juá'₂: “I₂ně₅ bá₄ tin₃ a₂la₂ cang₂. Ně₃ o₁jñí'₄ jniog₄, ia₁jaun₂ jniog₄ bá₄ lé₂ quián₂.” ¹⁵Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ǀE₂ bá₄ jmo₃ dsa₂ i₂quió'₅ ja₁nau₂ ně₃, quián'₅₄ dsa₂ 'éi'₂? ¹⁶Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ŋág₃ ja₁nau₂ quió'₅.

Jme₁ca₂hág₂ dsa₂ jág₁ ně₅, ca₂juá'₂:

—ǀTsá₃ jui₁le₅₄ le₂ně₅!

¹⁷Jaun₂ ca₂jág₂ Jesús, jaun₂ ca₂juá'₂:

—ǀE₂ guě'₂ 'nió'₄ jein₅ jág₁ ja₁juá'₂ ne₄ Si₂?

Ni₁cang₁ a₂tsá₃ ca₂rě₃jí'₅₄ tě₅'ia'₂,

ca₂dsióg₃ ca₂lě₃ ni₁cang₁ a₂dsen₅₄ guě₄

tě₁ron₅₄ qui'₅₄ 'ia'₂.*

¹⁸Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; ně₁juá'₂ ni₁cang₁ guě'₂ ně₃ ca₂tá'₂ ne₄ quió'₅, lé₂ 'liog₂.

¹⁹Dsi₂jui₅ jaun₂ jme₁'nio₃ juig₅₄ jme₂dsa₂, tě₅juá'₅ ně₃, jme₁tsáun'₂, ia₁ ca₂rě₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂.† La₁ dsa₂ juig₂ bá₄ ca₂rě₃gain₃.

* 20:17 Salmo 118:22. † 20:19 'Nio'₂ ja₁ton₅ Isaías 5:7.

Jág₁ jui₁ lia₂ 'lia₅₄ a₂ ca₂ t_{in}₂ dsi₂ tan₅₄

(Mateo 21:45-46; 22:15-22; Marcos 12:12-17)

²⁰ Cón₂ ca₂ chein₃ dsa₂ i₂ j_nia₅₄ con₂ tiog₅, tsá₃ jme₂ li₅₄, jmo₂₃ a₂ l_{in}₅ dsa₂ dsen₃, jme₁ 'no₂ jui₅ 'a₂ lia₂ jme₁ jo₁₂ jua₅₄ ca₂ jon₄ bá₄ jág₁ 'lia₂ jme₁ 'ñiá₃ Jesús. Jaun₂ jme₁ dsi₁ jáng₂ ne₄ bí₂ 'éi₃ a₂ 'io₅ dsi₄ má₂. ²¹ Jaun₂ ca₂ ñí₃ Jesús jág₁ la₂:

—Të₅, ne₄ j_nia₅₄ dsón₂ bá₄ lia₂ tí₅ jág₁ jme₂ t_{ing}₁ dsa₂, tsá₃ jua₅₄ jma₃ quén₅ jing₅₄ dsa₂; jme₂ t_{ing}₁ dsa₂ con₂ lě₅ jui₅ tí₅ quió₅ Diú₄. ²² Jua₅₄: ¿'I₄ 'éi₃ qui₅₄ 'lia₅₄ quió₅ dsi₂ tan₅₄ César, o₃ tsá₃ qui₅₄ 'e₂?

²³ La₁ ca₂ rě₃ lí₄ bá₄ Jesús mai₅₄ quió₅ dsa₂ 'éi₂. Jaun₂ ca₂ ñag₃:[‡]

²⁴ —'Ē₄ de₂ 'nia₂ caun₂ cu₄ 'ua₂. § ¿'Ein₂ quió₅ nió₄ chi₁ ton₅? ¿'A₂ lia₂ chein₂ juá₂ letras tio₅₄ ně₅?

²⁵ —Quió₅ gui₅₄ emperador César bá₄ —juá₂ jaun₂ ně₃.

Jaun₂ guě₄ ca₂ juá₂ Jesús:

—Jang₅₄ guě₂ 'nia₂ jaun₂ ně₃, ne₄ César con₂ a₂ ca₂ t_{in}₂ César; ne₄ Diú₄ ně₃ jang₅₄ 'nia₂ con₂ a₂ ca₂ t_{in}₂ Diú₄.

²⁶ Jaun₂ tsá₃ ca₂ tió₃ jua₅₄ a₂ jo₅₄ quian₅₄ jág₁ tē₃ jē₄ jág₅ dsa₂ jaun₂. Tē₂ le₃ ca₂ i₃ gó₃ dsí₅ bá₄ jág₁ a₂ ca₂ jéin₃ Jesús; tei₄ bá₄ co₂ ñei₅₄ ca₂ i₃ lén₂.

Ca₂ ñag₃ dsa₂ saduceos jui₁ lia₂ a₂ jen₅₄ 'lag₄

(Mateo 22:23-33; Marcos 12:18-27)

²⁷ Jaun₂ ca₂ jme₃ quián₃ i₂ l_{in}₅₄ dsa₂ saduceos, i₂ jme₂ tag₅ a₂ tsá₃ jen₅₄ 'lag₄, ca₂ o₃ ñag₅₄:

²⁸ —Të₅, ca₂ quiog₂ Moisés si₂ a₂ juá₂, nē₁ jua₂ ca₂ jon₃ jan₂ dsa₂ ñe₂ tē₃ tsá₃ ca₂ can₃ 'io₅₄ quiáin₅ guein₂, tion₅₄ 'nió₅ jén₂ gu₂ dsó₂ rin₅₄ dsa₂ ñe₂ i₂ ca₂ jon₃ quian₅₄ 'io₅₄ 'nág₂ 'éi₂, ia₁ jaun₂ guein₂ i₂ le₃ chan₂ quiáin₅, lé₂ co₂ 'nió₄ tsi₁ jon₂ 'lag₄ riin₅₄. ²⁹ Jaun₂ ně₃, jme₁ chan₂ guion₃ dsa₂ ñe₂ i₂ jme₂ lě₄ rin₅₄. Ca₂ jen₂ gu₂ i₂ le₂ 'uig₅₄, la₁ ca₂ join₃ bá₄ tē₃ tsá₃ guein₂ ca₂ can₃ 'io₅₄ quiáin₅.

³⁰ Jaun₂ ca₂ caun₃ táng₃ i₂ ca₂ tē₂ on₃, * ³¹ le₂ jaun₂ bá₄ i₂ ca₂ tē₂ ún₂ ně₃, ca₂ cain₃ 'io₅₄ 'éi₂. Le₂ jaun₂ bá₄ ca₂ lě₃ quian₅₄ ta₁ guion₃. Ca₂ dsain₃ bá₄; 'i₁ jan₂ guein₂ tsá₃ ca₂ can₃ 'io₅₄. ³² Jē₁ ca₂ tó₂, ca₂ jon₃ bá₄ 'io₅₄ ján₃. ³³ Jaun₂ ně₃, jmig₄ jē₁ ma₂ tē₂ rē₁ jen₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁ guion₃ bá₄ guě₂ dsa₂ ñe₂ i₂ ca₂ guá₂ quiain₅₄.

³⁴ Jaun₂ ca₂ ñag₃ Jesús:
—Dsa₂ i₂ chan₂ ne₄ gua₅₄ 'uē₃ jmig₄ ně₃, tioin₅₄ qui₂ jéin₂ gu₂, qui₂ jéin₂ gu₂ chi₂ quiáin₅ ně₃. ³⁵ La₁ i₂ ca₂ t_{in}₂ t_{in}₄ ja₁ tiain₃ mi₂ güig₃ caun₂, i₂ t_{in}₅₄ jen₅₄ ja₁ jme₁ rē₂ l_{in}₅₄, ja₁ jaun₂ guě₄ tsá₃

‡ **20:23** A₂ l_{in}₅₄ chog₅₄ si₂ chi₁ ton₅ ján₃: “¿'E₂ lě₃ cáun₂ táu₂ 'nia₂ jniá₂?” § **20:24** griego: denario. * **20:30** A₂ l_{in}₅₄ chog₅₄ si₂: “ca₂ caun₃ táng₃ i₂ ca₂ tē₂ on₃, la₁ ján₃ bá₄ le₂ jaun₂ ca₂ join₃, tsá₃ guein₂ ca₂ can₃ 'io₅₄.”

ma₃'ein₂jén'₂ gu₂, on₃ guě₄ qui₃jéin'₂ guě₄ gu₂ chi'₂ quiáin₅.³⁶ Ia₁ tsá₃ ma₂'ein₂ lé₂ dsián₃. Ja₁jaun₂ ma₂léin₂ jui₁lia'₂ lín₅ ángeles, léin₂ jaun₅ Diú₄, ia₁ ma₂ca₂rě₃cháin₃ táng₃.³⁷ La₁ jui₁lia'₂ a₂jen'₅₄ 'lag₄, ca₂tě₂ Moisés ca₂cuě₃ léi₄ jme₁ca₂tó'₂ ne₄ Si₂ a₂ca₂lě₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.”³⁸ Jaun₂ ně₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

³⁹ Jaun₂ ca₂ŋag₃ i₂lín₅₄ tě₅juá'₅:

—Tě₅, 'ŋio₅ jlá'₁ jág₁ quiáng'₂.

⁴⁰ Tsá₃ ma₃ca₂tiá₃ dsí₅ jua'₅₄ a₂ŋag₃ guě₄ 'e₂ ŋag₃.

ġEin₂ tsi₁jon₂ quián₅ lín₅ I₂rě₂'ín₁ quián₅ Diú₄?
(Mateo 22:41-46; Marcos 12:35-37)

⁴¹ Ca₂juá'₂ Jesús ca₂tsí'₃ dsa₂:

—ġA₂ lia'₂ lě₅ ně₃ a₂juá'₂ dsa₂ a₂lín₅ tsi₁jon₂ David I₂rě₂'ín₁ quián₅ Diú₄?⁴² Jua'₂ 'ŋiog₅ bá₄ guě'₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tě₂le₃ gu₃ ne₁,

⁴³ ca₂lia'₂ ca₂tě₂ jmig₄

a₂tón'₄ jniá₂ dsa₂ i₂'iog₅₄ o₄tag'₄.”†

⁴⁴ Chi₂jua'₂ le₂ně₅ juá'₂ David tě₂ Te₁gui'₅₄, ġ'a₂ bá₄ lia'₂ lě₅ jaun₂ a₂juá'₂ lín₅ jaun₅ 'éi₂?

Jme₂cáun'₂ Jesús quió'₅ tě₅juá'₅

(Mateo 23:1-36; Marcos 12:38-40; Lucas 11:37-54)

⁴⁵ Tě₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quian'₅₄ le₂la₂:

⁴⁶ —Te₃ŋi'₅₄ 'nia'₂ quian'₅₄ tě₅juá'₅, ia₁ 'ŋio₅ 'ŋio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tě₅ dsí₅ qui₂cuag₃ dsa₂ Diú₄ jui₁lia'₂ jě₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiain'₃ jui₁lia'₂ dsi₂něi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmig₄ ně₃.⁴⁷ Qui₂jniá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂léin'₂ Diú₄ uě₂. Tson₂ guě₄ uig₅ 'ě₂ Diú₄ quió'₅ i₂le₂ně₅.

21

Ca₂tó'₂ 'io₅₄ 'nág₂ te₂ŋé₂ cu₄ quió'₅

(Marcos 12:41-44)

¹ Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ŋió'₃ tsi₁gu₅ ja₁tio'₅₄ ofrendas.

† 20:43 Salmo 110:1.

² Jaun₂ ca₂juín₂ táng₃ jan₂ 'io₅₄ 'nág₂ te₂ηé₂ ca₂tó'₂ tin₃ ηí₁ guéin₂. * ³ Jaun₂ ca₂juá'₂ Jesús:

—A₂dsi₂jó'₃ juíg₂ jniá'₂ 'nia'₂, 'líong₂ guě₄ nē₂tió'₂ 'io₅₄ 'nág₂ te₂ηé₂ nē₅ lia'₂ con'₂ guě₄ ca₂le₃jín₃ i₂ma₂nē₂tió'₂. ⁴ Ia₁ 'éi₂ nē₃, cu₄ a₂ma₂qui₂rē₂tsón₂ bá₄ jaun₂ quió'₅ cuě₂₃; dsa₂ mí₂ nē₅ nē₃, nē₂cuě₃ ca₂le₃jě₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guě'₃.

A₂dsi₃'én₂ bá₄ guá'₅, jág₁ 'ě₂ Jesús

(Mateo 24:1-2; Marcos 13:1-2)

⁵ I₂lin₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂ηí₄ lě₃ jlá'₁ ni₁cang₁ a₂le₁juí₄, ca₂le₃jě₃ guě₄ a₂jlá'₁ tio'₅₄ a₂qui₂ma₂cuě₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jě₃ a₂jág'₂ 'nia'₂ tíong'₂ nē₅, já₅ caun₂ jmig₄ jě₁dsi₃'én₂, tsá₃ ma₃'e₂ ni₁cang₁ te₂ηiá₄ jua'₅₄ a₂le₁juí₄ guě₄ lé₂.

Léi₄ a₂le₃cha₂ jmig₄ jě₁ca₂tó'₂

(Mateo 24:3-28; Marcos 13:3-23)

⁷ Jaun₂ ca₂ηag₃ dsa₂ nē₃:

—Tě₅, ¿líg'₂ jaun₂ lé₂ a₂nē₅? ¿'E₂ bá₄ léi₄ le₃cha₂ jě₁ma₂ja₂quián₃ lé₂ a₂jaun₂?

⁸ Jaun₂ ca₂ηag₃:

—Jmó₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂tě₁i₃nio₄ i₂juá'₂ i₂nioi₅₄ o₄quió₃ jniá'₂, a₂juá'₂ nē₃: “Jniá'₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó'₅ 'nia'₂ chi₁co'₅₄ quió'₅. ⁹ Ia₁ jě₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ nē₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ ηiá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂. ¹¹ Qui₂dsi₃bi₅₄ 'uě₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ nē₃; jniá₅₄ gau₂ dsi₁ guei'₅₄, 'líong₂ léi₄ ca'₅₄ qui₂le₃jniá₂. ¹² La₁ né'₃ a₂lé₂ ca₂le₃jě₃ a₂nē₅, qui₂tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guě₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₄má'₂ nē₃ 'uig₅₄ quió₃ jniá₂. ¹³ Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂. ¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ tě₃ηiá₅ 'a₂ lia'₂ long'₅₄, ¹⁵ ia₁ 'ηi₃ bá₄ jniá₂ cuě₅₄ jág₁ a₂ting'₂ a₂ηi'₅₄ 'nia'₂ 'a₂ lia'₂ ηag'₅₄, ca₂lia'₂ ηiá₅₄ tsá₃ ma₃'e₂ ηi₅ ηag₃ ca₂le₃jín₃ dsa₂ i₂'iog₅₄ 'éi₂. ¹⁶ Ca₂tě₂ chog'₂ ηéi'₅ 'nia'₂ qui₃jang'₂, ca₂tě₂ chi'₂ ríng'₂, o₁ríng'₂, a₂mei₅₄ quiáng'₂ nē₃. I₂lin₅₄ 'nia'₂ jme₃dsiog₅ dsa₂. ¹⁷ Ca₂le₂con₂ bá₄ jme₃'ηia₅₄ dsa₂ 'nia'₂ o₄quió₃ jniá₂. ¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂

* 21:2 lit. “tin₃ ηí₁ lepta.”

jñia'⁵⁴ 'i₁ca₂mi'² jñi₂ dsei'² 'nia'² tsá₃ dsi₃'én₂. ¹⁹ Nē₁jua'² ca₂nau'² 'nia'² tiá₂, dsi₁no'³ 'nia'² tñ'⁴ jme₂dsi₂ quiáng'².

²⁰ 'Jē₁ma₂ca₂jag'⁵⁴ 'nia'² ma₂le₁lio₃ 'lió₂ le₃lág'³ juig₂ Jerusalén, jaun₂ guē₄ le₃len'⁵⁴ 'nia'² ma₂ja₂quián₃'én₂. ²¹ Dsa₂ i₂tián'⁵ 'uē₃ Judea jmi₄ jaun₂, ju₁cuing₁₂ le₃má'²; i₂tián'⁵ jē₄ juig₂ guē'² nē₃, ju₁'u_{in}₂; ju₁lia'² i₂tion'⁵⁴ ja₁nau₂ guē'², tsá₃ ma₃ju₁ja₂lein₅. ²² Ia₁ lé₂ jmi₄ a₂le₃chan₂ dsa₂ gue₃ jmi₁uig₅ 'ñio₅ lín₃, a₂le₃ti₃ ca₂le₃jé₃ lia'² con'² lē₅ juá'² ne₄ Si₂. ²³ juig₂ ju₁lia'² dsa₂ mí₂ i₂le₁quian₅ guein₂, ju₁lia'² i₂chan₂ guein₂ bē'⁵⁴ i₂'ín'² dsi'⁵⁴ quió'⁵ nē₃, jmi₄ jaun₂! Ia₁ go₂'i₃ 'ñio₅ lín₃ tē₃tsi'⁵⁴ gua'⁵⁴ 'uē₃, a₂le₃jniá₂ a₂'ne₂ Diú₄ ne₄ quió'⁵ dsa₂ juig₂ la₂; ²⁴ ia₁ dsi₃gan'⁵⁴ i₂dsián₃ quian'⁵⁴ ñi₁tág₂; i₂lín₅₄ guē'² qui₃tē₂ dsa₂ le₁'ñei'⁵⁴ ca₂le₂con₂ go₄ dsi₂nau₂. Co₂dsia₅ qui₃tsó'³ dsi₂nau₂ juig₂ Jerusalén, ca₂lia'² ca₂dsin₃ jmi₄ quió'⁵ dsi₂nau₂ a₂'i₄ 'éi'³ tóin'³ goin₂.

'A₂ lia'² lé₂ i₁jñi₂'² Jaun₅ dsa₂ mi₂güig₃

(Mateo 24:29-35, 42—44; Marcos 13:24-37)

²⁵ 'Jmi₄ jaun₂ lé₂ léi₄ tē₂le₃ quian'⁵⁴ 'iog₂, tsi'², nei₅ nē₃. Ta₁caun₂ gua'⁵⁴ 'uē₃ tón'³ dsa₂ tiá'³ qui'² dsi₅, tsá₃ a₂ñi₅ jmo₃, jmi₁ñi'⁴ guē'² nē₃ lé₂ gau₂ qui₃jná'³. ²⁶ Tón'³ dsa₂ qui₃nei'² a₂le₃gó'³, 'i₅ dsi₅ ne₄ ca₂le₃jé₃ 'e₂ niog₅ lé₂ mi₂güig₃. Ia₁ ca₂tē₂ ju₁bí₂ a₂cha₂ guei'⁵⁴ mi₂güig₃ qui₃quian'³. ²⁷ Jaun₂ guē₄ jín₂ dsa₂ Jaun₅ dsa₂ mi₂güig₃ jiá₃ jē₄ jnei₅ a₂'uain'² a₂jláin'¹ 'ñio₅ lín₃. ²⁸ Jē₁ma₂ca₂rē₃lió₃ lē₂ a₂nē₅, quen'² 'nia'² bí₂, 'a₃ jlian₅₄ 'nia'², † ia₁ ja₃quián₂ jmi₄ a₂lión'² 'nia'² co₂ñei'⁵⁴.

²⁹ Jaun₂ ca₂juá'² táng₃ caun₂ jág₁ jáng'⁵ léi₄ la₂:

—Ñi₂ 'nia'² ju₁lia'² lē₂ quian'⁵⁴ ni₁'ma₂ higuera, ju₁'e₂ guē₃ ni₁'ma₂ siá'² nē₃; ³⁰ jē₁ma₂ca₂ne'⁵⁴ mog'⁵⁴, cáun'² 'nia'² 'i₂ guiong'⁵⁴ a₂ja₂quián₃ jein₂ 'iog₂ bá₄ jaun₂. ³¹ Ján₃ bá₄ le₂nē₅, jē₁ma₂tē₂ ne'⁵⁴ 'nia'² lē₂ ca₂le₃jé₃ a₂nē₅, le₃ñi'⁵⁴ 'nia'² a₂ma₂ja₂quián₃ le₃gon₂ Diú₄. ³² A₂dsi₂jó'³ juá'⁵ jniá₂ juig₂ 'nia'², tsá₃ dsi₃ñi₂ tsi₁jon₂ jmi₄ nē₃, † ca₂lia'² ca₂lē₃ ca₂le₃jé₃ a₂nē₅. ³³ Dsi₃ñi₂ guei'⁵⁴ mi₂güig₃ quian'⁵⁴ gua'⁵⁴ 'uē₃, la₁ jág₁ quió₃ nē₃, o₁líg'² tsá₃ dsi₃ñi₂ jua'⁵⁴ tsá₃ le₃ti₃.

³⁴ 'Tē₃ñi'⁵⁴ 'nia'², tsá₃ i₂jme₂cán'¹ táng₃ 'nia'² 'au'² a₂i₂niog'⁵⁴ dsing'⁵⁴ le₁'eng'⁵, tsá₃ caun₂ a₂'i₅ 'au'² a₂chang'² mi₂güig₃ la₂, con'² tsá₃ ñó₅ nē₁jua'² ca₂jo₃ jmi₄ jaun₂ 'nia'² co₂tiá₂. ³⁵ Ju₁lia'² ja₁ta'² caun₂ tsi₁liá₂ bá₄ lē₂ jmi₄ jaun₂ ne₄ quió'⁵ ca₂le₃jín₃ dsa₂ i₂tián'⁵ ne₄ gua'⁵⁴ 'uē₃. ³⁶ Jaun₂ chan'² 'nia'² rē₂jáng'¹, chi₁leng'⁴ Diú₄ ca₂le₃jé₃ jmi₄, ia₁jaun₂ bá₄ quin'⁵⁴ 'nia'² jmi₄ lióng'² ne₄

† 21:28 lit. "nau₂ 'nia'² chog'⁵⁴ ne'⁵⁴."

‡ 21:32 o₃, "né'³ a₂dsián₃ dsa₂ i₂lín₅ raza la₂."

ca₂le₃jě₃ a₂niog₅ lé₂ ně₅, ia₁jaun₂ dsi₁nóg₅ tē₃tsing₅₄ ne₄ Jaun₅ dsa₂ mi₂güig₃.

37 Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá₅ templo, jē₁ma₂ca₂nei₂ dsó₅ dsi₂jñia₅₄ má₂ ja₁chei₂ Olivos.

38 Ca₂le₃jín₃ bá₄ dsa₂ jme₁ja₂léin₂ tē₂ o₃'iog₂ i₁dsi₅ guá₅ a₂ja₂néi₃ jág₁ a₂cuē₂₃.

22

Ca₂jmo₃ dsa₂ jág₁ a₂tsáin₂ Jesús

(Mateo 26:1-5, 14—16; Marcos 14:1-2, 10—11; Juan 11:45-53)

1 Jme₁ma₂ja₂quián₃ jmig₄ quió₅ i₁ñí₄ a₂tsá₃ levadura rē₂jñia₅, a₂chei₂ Jmig₄ Tē₂'in₅₄. 2 Jaun₂ qui₂ca₂'náu₃ dsí₅ juig₅₄ jme₂dsa₂, tē₂juá₅ ně₃, 'a₂ lia₂' cuin₃ jmig₄ jñag₃, ia₁ a₂gain₃ dsa₂ juig₂ bá₄.

3 Jaun₂ ca₂'í₃ Satanás dsí₅ Judas, i₂tē₂' Iscariote, i₂jme₁lín₄ jan₂ dsa₂ i₂guia₃-tín₂.

4 Judas 'éi₂ ně₃ ca₂ñei₅₄ ca₂i₁jmo₅₄ jág₁ quian₅₄ juig₅₄ jme₂dsa₂, quian₅₄ i₂lín₅ 'lióg₂ dsen₅₄ quián₅ guá₅ templo ně₃, 'a₂ lia₂' jáng₂ jñin₂ Jesús o₄gú₃.

5 Jaun₂ 'io₂' jén₅ bá₄ dsa₂ 'éi₂, ca₂jmo₃ jág₁ a₂cuē₃ cu₄.

6 Jaun₂ ca₂cuē₃ Judas jág₁ quió₅. Jaun₂ ca₂'náu₃ dsí₅ 'a₂ lia₂' ja₂ju₅ jui₅ a₂jáng₂ con₂ jme₁tsá₃ juin₅ dsa₂ ma₃quian₅₄.

Má₃ jē₁ca₂tó₂ quió₅ Te₁gui₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

7 Ca₂tē₂ jme₁ca₂tē₂ jmig₄ quió₅ i₁ñí₄ a₂tsá₃ levadura rē₂jñia₅, con₂ ca₂tín₂ dsa₂ jme₂dsiain₂₃ guein₂ já₂' cha₂' quián₅ Jmig₄ Tē₂'in₅₄.

8 Jaun₂ ca₂chen₃ Jesús Pe₄ quian₅₄ Juan₅₄, ca₂juá₂:

—O₂nó₅ 'nia₂' o₂jmo₄ co₂jñia₅₄ má₃ quián₂ jniog₄ a₂que₅₄ Jmig₄ Tē₂'in₅₄.

9 Jaun₂ ca₂ñag₃ 'éi₂:

—¿A₂já₄ 'niog₂' dsi₁jmó₁ jnia₅₄ co₂jñia₅₄?

10 Jaun₂ ca₂juá₂:

—Jē₁ma₂dsi₃nó₅ 'nia₂' jē₄ juig₂, jme₃jein₂ jan₂ dsa₂ ñe₂' i₂ñá₅ quion₂ caun₂ ni₁dsig₁ 'a₄ jmig₂. O₁'éin₃ 'nia₂' ca₂tē₂ dsi₂néi₂ ja₁'í₂.

11 Jaun₂ juig₅₄ 'nia₂' dsa₂ juig₅₄ dsi₂néi₂: “Le₂la₂juá₂' Tē₅ tsí₅ 'ne₂: ¿Na₂ bá₄ dsi₂néi₂ ja₁guē₅₄ má₃ quió₅ Jmig₄ Tē₂'in₅₄ quiang₅₄ chí₂ dsi₂guia₃-tín₂ quiáng₃?” 12 Jaun₂ 'ē₃ caun₂ ja₁lě₄ dsi₂néi₂ juē₂' guei₅₄ ja₁ma₂lě₅ co₂jñia₅₄ quió₅. Ja₁jaun₂ jmo₄ co₂jñia₅₄.

13 Jaun₂ ca₂i₃lén₂ bá₄ 'éi₂ ně₃. Ca₂lě₃ rē₂' lia₂' con₂ lě₅ jág₁ jaun₂. Ja₁jaun₂ ca₂jmo₃ má₃ quió₅ jmig₄.

14 Jme₁ca₂tě₂ hora jaun₂, ca₂guá₂ Jesús ne₄ mesa, quian'₅₄ chi'₂ dsi₂guia₃-tín₂* quiáin₅. 15 Jaun₂ ca₂tsí'₃ 'éi₂:

—iLíg'₂ bá₄ 'ín₅ dsi₃ guě'₅₄ má₃ Jmíg₄ Tě₂'in₅₄ la₂ quian'₅₄ 'nia'₂, né'₃ a₂dsi₃ñíg₂ uig₅! 16 Ia₁juá'₅ jniá₂juíg₂ 'nia'₂, tsá₃ ma₃líg'₂ jmíg₄ jua'₅₄ guě'₅₄ guě'₄ má₃ le₂la₂ ca₂lia'₂ ca₂tě₂ jmíg₄ i₁le₃ti₃ ja₁gon₂ Diú₄.

17 Jaun₂ ca₂tín₂ copa, ca₂cuě'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsióg₁ jin₄ ríng'₂. 18 Ia₁juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě'₄ jmi'₅₄ míg₂ uvas le₂la₂, ca₂lia'₂ ca₂tě₂ jmíg₄ i₁le₃ti₃ ja₁gon₂ Diú₄.

19 Jaun₂ ca₂tín₂ táng₃ caun₂ i₁ñí'₄, ca₂cuě'₃ ti₁'mag'₄ Diú₄. Jaun₂ ca₂niai₃ ca₂cuě'₃ 'éi₂, ca₂juá'₂:

—Ñi₃ bá₄ jniá₂ i₁ñí'₄ la₂, a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

20 Ján₃ bá₄ le₂ně₅, jme₁ma₂ca₂lě₃ guě'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lě₅ jág₁ 'mí₂ a₂tě₃ron₅₄, a₂l₅'i₅₄ tě₂le₃ quian'₅₄ jmi₃ a₂dsi₃'o₅₄ o₄quián'₂ 'nia'₂.‡

21 'La₁ ně₃ ně₃, ne₄ mesa la₂ guá₅ quian'₅₄ jniá₂ i₂jáng'₂.

22 Dsón'₂ bá₄ 'en₅₄ jui₅ Jaun₅ dsa₂ mi₂güig₃ dsióg₄ ja₁'ein₅₄ 'éi'₃ dsióg₄, la₁ i'e₂ guě'₄ juíg₂ dsa₂ i₂jáng'₂!

23 Jaun₂ ca₂jme₃lióg₃ tsi₂ca₂jín₂ quian'₅₄ riin₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsíin₂ o₄quió'₄ 'ein₂ i₂lén₂ i₂dsen₅₄ guě₄

24 Ján₃ bá₄ ca₂lě₃ mi'₅₄ jě₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guě₄.

25 Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tiain'₂₃ goin₂ jmo₂₃ 'éi'₃ lia'₂ lě₂ dsí₅. Le₂jaun₂ guě'₂ i₂le₁'io₅ 'éi'₃ i₂le₁'ín₁ quiáin₅, 'ag₅ dsa₂ a₂lín₅ dsa₂ i₂jmo₅ a₂dse₃. 26 La₁ tsá₃ le₂jaun₂ lě₂ quian'₅₄ 'nia'₂. Jui₁lia'₂ i₂can'₅₄ jě₄ quián'₂ 'nia'₂, jui₁jmo₁₂ mei'₂. Le₂jaun₂ guě'₂ i₂cán₂ ne₄ jui₅, jui₁jmo₁₂ ně₂jag₄ bá₄ i₂jme₂ti₃. 27 Jaun₂ ně₃, ě'in₂ i₂dsen₅₄ guě₄: i₂guá₅ ne₄ mesa, o₃ i₂dsia₅ má₃ 'e₂? ě'On₁ i₂guá₅ ne₄ mesa bá₄? La₁ jniá₂ 'eng₅₄ jě₄ quián'₂ 'nia'₂, líng₅ jan₂ i₂jme₂ti₃. 28 'Nia'₂ guě'₂ líng'₅ i₂ma₂ja₂nóg'₅ quiong'₅₄ jniá₂ jě₄ uig₅ a₂qui₂ma₂i₂ñíg₂. 29 'Uig₅₄ ně₅ ně₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ne'₃ jniá₂, 30 ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂

* 22:14 griego: apóstolous (dsa₂ i₂chen₄). † 22:19 A₂lín₅₄ chog₅₄ si₂ tsá₃ chi₁ton₅ "a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂", on₃ guě'₂ versículo 20. ‡ 22:20 'Nio'₂ ja₁ton₅ Éxodo 24:8.

'nia'₂ ne₄ta₁ a₂qui₁dsi'₂ 'éi'₃ quió'₅ ta₁guia₃-tín₂ nió'₃ tsi₁jon₂ dsa₂
juig₂ Israel.

Ni₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

³¹ Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂sě₃dsen₃ ma₂ně₂mag₃
'ñiá'₂ 'nia'₂ lia'₂ ja₁'ñiá'₂ dsa₂ trigo, ³² la₁ jniá'₂ ma₂ně₂mi₃
o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ ně₃,
jě₁ma₂ca₂jéin'₃ táng₃ 'au'₂, cuè'₅₄ bí₂ ríng'₂.

³³ Jaun₂ 'éi₂ ně₃ ca₂ḡag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lě₅ quian'₅₄

'ne₂, o₁jñia'₅₄ 'mú₃ ca₂quín₂.

³⁴ Jaun₂ ca₂ḡag₃ Jesús:

—Pe₄, jniá'₂ guè'₂ juá'₅, tsá₃ 'o₃ tē₁guí₄ dsó₂ ně₃, ca₂lia'₂
ma₂ně₂juá'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá'₂.

Ma₂ja₂quián₃ hora gue₃ Jesús uig₅

³⁵ Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄
jme₁le₁quian'₄, on₃ guè'₂ tē₂lau₂, on₃ guè'₂ ni₁lau₂ ton₅ tag'₅₄
ně₃, ċcha₁ a₂ca₂rě₃'nió'₅ quián'₂ 'nia'₂?

'Éi₂ ně₃, ca₂ḡag₃:

—'I₁caun₂ tsá₃ ca₂rě₃'nió'₅.

³⁶ Jaun₂ ca₂juá'₂ táng₃:

—Ně₃ guě₄ ně₃ i₂'io₅ tsi₁na'₅₄, tē₂lau₂ ně₃ ju₁i₁quian'₅₄. I₂tsá₃ 'io₅
ñi₁tág₂ ně₃, o₁'nag₁₂ mi₂dsióg₂ quió'₅ ia₁jaun₂ lá₃ ñi₁tág₂. ³⁷ Ia₁
juá'₅ jniá'₂, tion₅₄ niog₅ le₃ti₃ ja₁con₂ jniá'₂ ja₁juá'₂ ne₄ Si₂ le₂la₂:
“Nó₃ jě₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ ně₂jag₄
bá₄ a₂rě₂cán'₄ dso₄ ján₃.”§ Ia₁ ca₂le₃jě₃ a₂niog₅ juá'₂ ne₄ Si₂
a₂'ag₂₃ jniá'₂, tion₅₄ niog₅ le₃ti₃.

³⁸ Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tñ₃ ñi₁tág₂.

Jaun₂ ca₂ḡag₃ táng₃:

—Tió'₅ bá₄ ně₅.

Ca₂chi₂lén'₂ Jesús Diú₄ caun₂ ja₁chei₂ Getsemaní

(Mateo 26:36-46; Marcos 14:32-42)

³⁹ Jaun₂ guě₄ ně₃ o₂'iñ₃ ḡó₃ ju₁i₅ Má'₂ Olivos, ia₁ le₂jaun₂ tñ₂
bá₄. Jaun₂ ca₂i₃lén₂ chi'₂ dsi₂guia₃-tín₂ quiong'₅₄.

⁴⁰ Jme₁ca₂dsióg₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ ju₁i₅bí₂ a₂caun₂ táu₂.

⁴¹ Jaun₂ ca₂ḡó₃ Jesús 'ñiog₅ uíng₂ con'₂ ja₁tág'₅ ca₂míg₂
ni₁cang₁ a₂táun₂ dsa₂. Ja₁jaun₂ ca₂chi₃ñé₃ ca₂chi₃lén'₂ Diú₄.

⁴² Ca₂juá'₂:

—Tia₅₄, ¿tsa₁ cui_{n5} jmig₄ njia'₄ uig₅ dsi₃ñig₂ la₂? La₁ia₁, jui₁le₅₄ bá₄ a₂ñio₂ 'au'₂ 'ne₂, on₃jua'₅₄ con'₂ 'nio₃ jnia'₂.

43 Jaun₂ ca₂jme₃jnia₅ jan₂ ángel ne₅₄, i₂ca₂sió_{n3} jui₅ guei'₅₄ i₂juig₃, a₂ca₂cuë₃ bí₂.

44 Hora jaun₂ ca₂ñág₃ uig₅ 'ñio₅ lín₃, jaun₂ tē₂le₃ lē₅ guē₄ ca₂chi₃lén'₂ Diú₄; ca₂tein₃ jme₁dsiog₂ nē₂jag₄ bá₄ jmi₂ qui₂ca₂dsá₂ tē₂ 'uē₃.*

45 Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁ le₁güín₃ bá₄ 'éi₂ tián'₅ ca₂jo₃, 'uig₅₄ ia₁ a₂ñí₄ lē₃ 'lia'₂ dsí₅.

46 Jaun₂ ca₂juá'₂:

—¿'E₂ lē₃ le₁güín'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

47 Tē₃jē₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂tē'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁nē₅ bá₄ jing'₅₄ Jaun₅ dsa₂ mi₂güig₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lē₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ñi₁tág₂?

50 Jan₂ 'éi₂ nē₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jnia'₂ rē₂gua₅₄ ne₁.

51 Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rē₂gua₄ 'éi₂, ca₂jme₃lió₂. 52 Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ nē₃ i₂dsi₃lén₂ tsáun'₂:

—¿'E₂? ¿Jui₁lia'₂ jē₁tsán'₂ dsa₂ 'ang₂ ja₂nóg'₅ qui₂le₁quian'₄ ñi₁tág₂, 'ma₂ nē₃? 53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ nē₃ guē₄, 'au'₂ 'nia'₂ bí₂ tiá'₂ 'au'₂ jmó'₂, nē₃ lia'₂ chí'₅ qui₁né'₃.

Tsá₃ tion₅ Pe₄ a₂cui_{n23} Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

54 Jme₁ma₂nē₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ nē₃, uíng₂ bá₄ tē₂quín₃ ñó₃ 'ein₂₃.

* 22:44 A₂lín₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tin₂ quió'₅ dsa₂ judíos a₂chen'₂ jú'₅ riin'₅₄ jē₂cuag₃ Diú₄.

55 Dsa₂ 'éi₂ ně₃, ca₂dsia₃ si₂ i₁dsi₅, ca₂tiáin'₂ le₃lág'₃ cau₅ si₂; jě₄ jaun₂ ca₂guá'₂ Pe₄ ján₃.

56 Tě₃jě₄ jaun₂, ca₂rě₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá'₅ Pe₄ cau₅ si₂. Caun₂ ca₂jág₂ tiá'₂, ca₂juá'₂:

—Ján₃ bá₄ jme₁quiain'₅₄ i₂ně₅.

57 La₁ 'éi₂ ně₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá'₂, 'ne₂ 'io₅₄.

58 Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quiain'₅₄ 'ne₂ ján₃, ělia'₅₄?

—Jan₂'ón₄. Tsá₃ dsa₂ 'éi₂ jme₁quian'₄ jniá'₂, 'ne₂.

59 Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Tě₃dsón'₂ jan₂ i₂jme₁quiain'₅₄ bá₄ ně₅, ia₁ Galilea bá₄ ja₁chain₂.

60 Jaun₂ ca₂juá'₂ táng₃ Pe₄:

—Tě₃dsón'₂ rě'₂ juá'₅ jniá'₂ la₂, ca₂lia'₂ njia'₅₄ tsá₃ cuíng₅ 'ein₂ 'éi₂ 'ín₅ 'nia'₂.

Tě₃jě₄ dsia₂₃ jág₁ jaun₂ jme₁ca₂'o₃ tě₁guí₄ dsó₂. 61 Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂ně₂juá'₂ le₂jniá'₅: “Tsá₃ 'o₃ tě₁guí₄ dsó₂ ně₃, ca₂lia'₂ ma₂ně₂jua'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá'₂.”

62 Jaun₂ ca₂'o₃ 'ín₃ ca₂tá'₂ quí'₂ dsí₅, ca₂'o₃ 'ñio₅ lin₃.[‡]

A₂lě₁qui₂co₂jma'₂ dsa₂ Jesús

(Mateo 26:67-68; Marcos 14:65)

63 Dsa₂ i₂niog₅ jmo₅ 'í₁ Jesús ně₃, a₂lě₁qui₂co₂jmog'₂ tioin'₅₄, ca₂cuě₃ ně₃.

64 Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá'₂:

—iDsi₄ jág₁ 'ein₂ ně₂quein₃ quiáng'₂!

65 'Lióng₂ lin₃ bá₄ ca₂juá'₂ tioin'₅₄, a₂tě₂'o'₂.

Ca₂chen'₃ dsa₂ Jesús ne₄ dsí₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

66 Jme₁jnia₃ jaun₂, qui₂ca₂ñi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tě₅juá'₅ ně₃. Jme₁ma₂le₂ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

67 —ěDsón'₂ 'ne₂ líng'₅ I₂rě₂'ín₁ quián₅ Diú₄?

Jaun₂ ca₂ñag₃:

—O₁jñia'₅₄ ca₂juá'₃ jniá'₂, jniá'₂ 'éi₂, a₂dsón'₂ tsá₃ le₃'én'₂ bá₄ 'nia'₂. 68 Ně₁jua'₂ ca₂ñag₄ jniá'₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃jua'₅₄ a₂jaun₂ jein'₅₄ 'nia'₂ jág₁ quió₃.^{*} 69 La₁ ně₃ ně₃, tě₂le₃

‡ 22:62 A₂lin₅₄ chog₅₄ si₂ tsá₃ chi₁ton₅ versículo 62. § 22:64 A₂lin₅₄ chog₅₄ si₂ tsá₃

chi₁ton₅, “qui₂ca₂quein₃ dsí₂ne₅₄.” * 22:68 A₂lin₅₄ chog₅₄ si₂ juá'₂ ján₃: “on₃ guě'₂ jaun₂ a₂lo'₅₄ 'nia'₂.”

ne₄ jui₅ ja₁ŋó₄ nē₅, guá₃ Jaun₅ dsa₂ mi₂güí₃, tē₂le₃ gu₂ ne₁ Diú₄
i₂'uan'₂ guē₄ lín₃.

70 Jaun₂ ca₂ŋag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ŋi'₅₄ Diú₄, jaun₂?

—Jniá₂ bá₄ líng'₅, jui₁lia'₂ ma₂nē₂jua'₅₄ 'nia'₂ nē₅.

71 Jaun₂ ca₂juá'₂ tíoín'₅₄:

—¿Ein₂ guē₄ jmá'₃ dsa₂ 'niog₂ jniog₄ jáng'₃ jág₁ dsau?_? Jua'₂
jniog₄ guio₅₄ ma₂nē₂néi₁ jág₁ a₂ma₂nē₂'uē'₂ i₂nē₅ 'ŋiog₅ mi₂'o₅₄
chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

1 Jaun₂ qui₂ca₂nau₂ ca₂le₃jín₃ ca₂ŋjai₃ Jesús ne₄ Pilato.

2 Ja₁jaun₂ guē₄ ca₂'náu'₃ dsáu₁ Jesús, ca₂juá'₂:

—Ca₂jón₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jín₄ dsa₂ juig₂
quián₂ jnia'₅₄. Ŋi₂₃ tóin'₂ dsa₂ jág₁ a₂tsá₃ ma₂'ein₂ qui₃ 'lia'₅₄
a₂ca₂tín₂ César; a₂jme₂tiin₂₃ dsa₂ juá'₂ a₂lín₅ Ir₂rē₂'ín₁ quián₅
Diú₄, co₂'nió'₄ a₂lín₅ rag₅₄.

3 Jaun₂ ca₂ŋag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

4 Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄
dsa₂ juig₂:

—Tsá₃ 'e₂ dsáu₁ dsa₂ nē₅ dso'₂ jniá₂ 'i₁caun₂.

5 La₁ tē₂le₃ lē₅ guē₄ co₂mi'₅₄ ca₂tóin'₂, ca₂juá'₂:

—La₁ 'ŋio₅ lín₃ dsia₂₃ mi'₅₄ ŋi₂₃, jme₂tiin₂₃ dsa₂ ta₁caun₂ 'uē₃
Judea. Ca₂jme₃lióg₃ Galilea, rē₂nē₃ guē'₂ ma₂ŋi₂₃ ja₁lá₃ jmo₂₃
le₂jaun₂.

Ca₂dsián'₂ Pilato Jesús ne₄ Herodes

6 Jme₁ca₂nág₂ Pilato a₂nē₅, jaun₂ ca₂ŋag₃ chi₂jua'₂ 'uē₃ Galilea
chan₂ dsa₂ 'éi₂.

7 Jme₁ca₂rē₃ŋi₅ nē₃, a₂lín₅ Jesús dsa₂ chan₂ tē₂le₃ 'uē₃ ja₁niog₅
gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ŋi₂₃ juig₂
Jerusalén jmi₃g₄ jaun₂.

8 'Io'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅
dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'ín₅ dsa₂ 'éi₂. Ia₁ jme₁'ín₂
dsí₅ jág₃ 'e₂ caun₂ o₂dsain₂ jmo₃.

9 'Lióng₂ a₂qui₂ca₂ŋi'₃ Jesús, la₁ tsá₃ ma₃'e₂ ca₂ŋag₃ 'éi₂
'i₁caun₂.

10 Ja₁jaun₂ jme₁tión₂ juig₅₄ jme₂dsa₂ quian'₅₄ tē₅juá'₅ nē₃,
caun₂ qui₂ca₂'náu'₃ tion₅₄ dsáu₁ 'éi₂.

11 Jaun₂ Herodes ně₃, quian'₅₄ 'lióg₂ quiáin₅, lē₁qui₂ca₂jmo₂g'₂ tíoin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

12 Jm_{ig}₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'njai₁₂ riin'₅₄ le₂jnjá₅.

Ca₂o₃'áq₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

13 Jaun₂ ca₂ñí'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ ně₃. 14 Jaun₂ ca₂tsí'₃ dsa₂:

—O₂jón'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jin₄ dsa₂. Tě₃ ne'₅₄ 'nia'₂ ma₂qui₂ně₂ñag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lě₅ dso₄ a₂jme₂cain'₅₄ 'nia'₂. 15 On₃ guě'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂jua'₅₄ ca₂tíin₂ gue₃ 'mú₃. 16 La₁ jmo₅₄ 'éi'₃ a₂bóg₂ dsa₂, jaun₂ guě₄ loin₅₄.

17 Jme₁jm_{ig}₄ tě₂'in₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

18 La₁ dsa₂ juig₂ ně₃ co₂ñei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—iCau₅ jnjiá'₃ i₂ně₅! iBarrabás bá₄ lion₄ quián₂ jnia'₅₄!

19 Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jě₄ juig₂, ton'₂ ia₁ jme₁ma₂jñi'₃ dsa₂ ně₃.

20 Jme₁nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guě₄ dsa₂. 21 La₁ tě₂le₃ lě₅ guě₄ co₂mi'₅₄ ca₂tón'₂ bá₄ dsa₂, quió'₅ juá'₂:

—iTióin₃ cróg₄! iTióin₃ cróg₄!

22 Jě₁ñó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—'E₂ guě'₂ 'lig'₅₄ ma₂jmo₃? Tsá₃ 'e₂ dsáu₁ i₂ně₅ dso'₂ jniá₂ jua'₅₄ a₂ca₂tíin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guě₄ loin₅₄.

23 La₁ tion₅₄ ca₂mi₃ dsa₂ tíoin'₅₄ co₂mi'₅₄ a₂tion₃ cróg₄. Ca₂lě₃ rě'₂ con'₂ lě₅ 'ín₅ dsí₅ dsa₂ juig₂ lě₂.

24 Jaun₂ co₂ñei'₅₄ me'₂ ca₂jmo₃ Pilato 'éi'₃ a₂lé₂ con'₂ lě₅ mi₅ dsa₂.

25 Jaun₂ calióin₂ bá₄ dsa₂ i₂jme₁'en₅₄ né₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃. Jaun₂ ca₂jáng'₂ ca₂jín'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

26 Con'₂ ma₂tíoin'₅₄ jui₅ jñai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uě₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

* 23:17 A₂lín₅₄ chog₅₄ si₂ tsá₃ chi₁ton₅ versículo 17.

27 Juin₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-
'o₂₃ 'lia'₂ dsí₅ qui'₂-óin'₂ Jesús.

28 Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃
jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂
quiáng'₂ ně₃. 29 Ia₁ já₅ jmig₄ jě₁juá'₂ dsa₂: “E₂ guě₄ dsen₃
ju₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guě₄ dsen₃ ju₁lia'₂ dsa₂
i₂tsá₃ guein₂ ca₂'₃ tē₂dsí₅, on₃ guě'₂ dsi'₅₄ quió'₅ ca₂guén'₃ guein₂
ně₃.” 30 Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂
jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” 31 Ia₁ chi₂jua'₂
le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ě₂ guě₄ bá₄ dsi₃ní₂
i₂ca₂tín₂ dsón'₂?†

32 Ján₃ bá₄ jme₁le₁jniai₂₃ guě₄ on₃ dsa₂ i₂le₂cán'₄ dso₄,
a₂jme₂dsiog₂₃ co₂lě₅ quian'₅₄ Jesús.

33 Jme₁ca₂dsi₃lén₂ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡
ja₁jaun₂ ca₂tion₃ cróg₄ quian'₅₄ le₃on₃ dsa₂ 'lin'₅₄ 'éi₂, jan₂ tē₂le₃
gu₂ ne₁, jan₂ guě'₂ tē₂le₃ gu₂ jen₅.

34 [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ŋi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄
Jesús.*

35 Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂,
qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, ju₁lio₁in₅₄ 'ŋiog₅ chi₂jua'₂
dsi₂jó'₃ lín₅ I₂rě₂'ín₁ rě₂quion'₅₄ quián₅ Diú₄.

36 Dsi₂'lióg₂ ně₃ ca₂jmóg'₂ burlas ca₂jme₃quiáin₃ ca₂jén'₃ vino
jen'₂, 37 ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ŋiag'₂.

38 Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ ně₃ jág₁ jmei₅:
griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂
JUDÍOS BÁ₄ LA₂.”

39 Jan₂ i₂rě₂cán'₄ dso₄ i₂jme₁rě₂ton₅ cau₅ quió'₅ ca₂tě₂ca₂'o'₂,
ca₂juá'₂:

—ě₂On₁ 'ne₂ líng'₅ I₂rě₂'ín₁ quián₅ Diú₄? Ma₂ně₃ lion₄ 'ŋiag'₂,
jaun₂ lo'₅₄ jnia'₅₄ ně₃.

40 La₁ ca₂jí₂ bá₄ riin'₅₄ ca₂juá'₂:

—ě₂'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂
ján₃. 41 La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lě₅
a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

† 23:31 lit. “ia₁ chi₂jua'₂ ni₁'ma₂ rě₂ co₂jmo₅ dsa₂ le₂ně₅, ě₂ guě₄ bá₄ lé₂ quian'₅₄
ni₁'ma₂ quein₂?” ‡ 23:33 ja₁chei₂ “Gólgota” quian'₅₄ arameo; quian'₅₄ latín guě'₂,
chei₂ “Calvario.” § 23:34 A₂lin₅₄ chog₅₄ si₂ tsá₃ chi₁ton₅ jág₁ ně₅.

* 23:34 'Nio'₂ ja₁ton₅ Salmo 22:18.

42 Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jë₁ma₂dsiáng'₃ ja₁gong'₂.

43 Jaun₂ ca₂ŋag₃ Jesús:

—A₂dsi₂jó'₃ juig'₂ jniá₂ 'ne₂, jmig₄ në₃ të₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

44 Con'₂ dsi₃ní'₃, ‡ të₁tsi'₅₄ qui₁né'₃ ta₁caun₂ gua'₅₄ 'uë₃, ca₂lia'₂ ca₂të₂ hora ŋí₁ 'ni₅§ le₃ca₂'láu₂.

45 'Iog₂ co₂dsia₅ ca₂rë₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lë₃ tin₃ dso'₅₄ jo₂.

46 Hora jaun₂, ca₂guió'₃ Jesús, ca₂juá'₂:

—i₁Tia₅₄ quiáng₃, o₄gog'₂ 'ne₂ dsia₅₄ jme₂dsi₂ quió'₃!

Caun₂ jaun₂ bá₄ a₂ca₂juá'₂ guë₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lë₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lë₃ jaun₂, ca₂l₃lein₃ quein₂₃ dsí₅.*

49 Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ të₂ Galilea, jme₁tióin₂ uíng₂ jág₅ ca₂le₃jë₃ a₂në₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lë₃ në₃, jan₂ dsa₂ i₂chen₂ José, i₂jme₁quen'₅₄ líin₅ ta₁ jin₄ dsi₂tan₅₄ quián₅ guá'₅, jme₁líin₄ dsa₂ dsen₃ i₂'ua₁ dsí₅.⁵¹ Së₄ 'éi₂ në₃, i₂chan₂ juig₂ Arimatea ja₁tén₄ Judea, tsá₃ ca₂rë₃ 'ñi₃ó₃ dsí₅ lia'₂ niog₅ ca₂jmo₃ dsi₂tan₅₄ riin'₅₄, ia₁ jme₁chi₁ñia₂₃ le₃gon₂ Diú₄.

52 Jaun₂ ca₂ñei₅₄ në₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ñi₃ó'₃ tau₂ 'ñio₅ a₂jme₁ma₂lë₅ ca₂jmo₃ dsa₂ dsí₅ ni₁'lau₂, ja₁tsá₃ 'ein₂ 'lag₄ ma₂'í₅.

54 Ia₁ jmig₄ jaun₂ tion'₅₄ dsa₂ jmo₂₃ co₂jñia₅₄ a₂'nió'₅ quió'₅ jmig₄ sa₅₄ a₂jë₁ca₂jnia₃ jaun₂.

55 La₁ dsa₂ mí₂ i₂ma₂ja₂lén₂ quian'₅₄ Jesús të₂ Galilea, ca₂o₃lén₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ tau₂.

56 Jme₁ca₂dsi₃lein₃ quió'₅, ca₂jmo₃ co₂jñia₅₄ no'₅₄ mi₂juig₂ quian'₅₄ guë₄ ma₁'au₂ në₃, a₂dsi₃tsiin₅₄ Jesús.

Jme₁ca₂jnia₃ sa₅₄ jaun₂, ca₂tiáin'₂ ca₂jñia₃ lia'₂ con'₂ lë₅ 'Éi'₃.

† 23:43 griego: paradeiso (Paraíso). ‡ 23:44 lit. “hora jñéi₂.” § 23:44 lit.

“hora ŋi₃.” * 23:48 Co₂'nió'₄ a₂jmo₂₃ léi₄ a₂quí₂ dsí₅.

24

*Ca₂jen'*₅₄ *táng₃ Jesús*

(Mateo 28:1-10; Marcos 16:1-8; Juan 20:1-10)

¹ Jë₁le₂'uig₅₄ jmig₄ semana, ca₂i₃lén₂ táng₃ dsa₂ mí₂ të₂ o₃'iog₂ lin₃, i₁jag₅₄ tau₂ 'ñio₅ le₁quian₅ no'₅₄ mi₂juig₂ a₂jme₁ma₂lë₅ co₂ñia₅₄ quió'₅; [lë₂ bá₄ guë₄ dsa₂ mí₂ sián'₂ i₂ca₂jme₃quiong'₅₄].*

² Jme₁ca₂dsi₃lén₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rë₂jni₅ tau₂ 'ñio₅. ³ Jaun₂ ca₂i₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús][†] ca₂dsó'₂ ja₁jaun₂. ⁴ [Jaun₂ ca₂lë₃],[‡] të₃ tióin₂ dsi₂gó'₃ dsí₅ jaun₂, tsá₃ a₂ñi₅ jmo₃, jme₁ca₂jín₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

⁵ Të₃ ma₂gó'₅ jaun₂, ca₂'iin₃ ne₅₄ të₂ 'uë₃. Jaun₂ ca₂juá'₂ dsa₂ 'éi₂:

—ç'E₂ lë₃ 'na'₂ 'nia'₂ jan₂ i₂jén'₃ jin₄ 'lag?⁶ Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ñi₂₃ Galilea, ⁷ jme₁ca₂juá'₂ a₂ca₂tín₂ Jaun₅ dsa₂ mi₂güí₃ jáng'₂ dsa₂ o₄gú₃ dsa₂ 'lin'₅₄, a₂tion₃ dsa₂ cróg₄, la₁ a₂'ni₅ jmig₄ jaun₂ jein'₅₄ táng₃.

⁸ Jaun₂ guë₄ ca₂dsáu'₃ dsí₅ 'io₅₄ jág₁ jaun₂ quió'₅ Jesús. ⁹ Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lë₂ guë₄, ca₂tsí'₃ ca₂le₃jín₃ guë₄ dsa₂ sián'₂ në₃. ¹⁰ Dsa₂ mí₂ i₂jme₁quion₂ jág₁ në₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quiain'₅₄ guë₄ dsa₂ mí₂ sián'₂.

¹¹ La₁ jme₁ca₂nág₂ chi'₂ dsi₂guia₃-tín₂ jág₁ në₅, a₂lë₁të₂'i₅ bá₄ 'io₅₄ 'éi₂, lín₂, jaun₂ tsá₃ ca₂rë₃'éin₂.

¹² La₁ Pe₄ në₃, ca₂o₃'iin₃ ñó₃ co₂chi'₅₄ ca₂i₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ñái'₃ bá₄ táng₃ jaun₂ në₃, dsi₂gó'₃ dsí₅ 'e₂ ca₂lë₃.

A₂ca₂lë₃ dsi₂jui₅ ja₁ñó₄ juig₂ Emaús

(Marcos 16:12-13)

¹³ Jmí₄ jaun₂ dé₄, on₃ dsa₂ 'éi₂ tióin'₅₄ jui₅ i₃lén₂ jui₅ juig₂ ja₁të'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. ¹⁴ Jaun₂ dé₄ tsí'₅ riin'₅₄ i₃lén₂ ca₂le₃jë₃ 'e₂ niog₅ ca₂lë₃. ¹⁵ Të₃ dsia₂₃ i₃lén₂ jaun₂, ca₂jme₃quián₃ Jesús ñó₃ quiong'₅₄. ¹⁶ La₁ jui₁'a₂ guë₃ la₂ jág₂ i₃lén₂, cha₂ a₂jmo₅ a₂tsá₃ rë₂cui₃g₂₃ 'ein₂'éi₂.

¹⁷ Jaun₂ ca₂ñag₃ Jesús:

—ç'E₂ bá₄ jág₁ dsia'₂ 'nia'₂ ja₂nóg'₅?

* **24:1** A₂lin₅₄ chog₅₄ si₂ tsá₃ le₁ton₅ jág₁ në₅. † **24:3** A₂lin₅₄ chog₅₄ si₂ tsá₃ le₁ton₅ jág₁ në₅. ‡ **24:4** A₂lin₅₄ chog₅₄ si₂ tsá₃ le₁ton₅ jág₁ në₅.

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄. ¹⁸ Jaun₂ ca₂ɲag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ tē₁ tsin'₅₄ guan₅ Jerusalén, jaun₂ tsá₃ ɲi'₅₄ 'e₂ niog₅ ca₂lě₃ dsióg₂-jo₃ nē₅?

¹⁹ Jaun₂ ca₂ɲag₃:

—¿'E₂ ca₂lě₃ guē'₂?

Jaun₂ ca₂ɲag₃ táng₃:

—A₂ca₂lě₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ě₂ jág₁ quián₅ Diú₄, i₂'uan'₂ tē₂le₃ quian'₅₄ ca₂le₃jě₃ a₂niog₅ ca₂jmo₃, i₂'uan'₂ tē₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güig₃ nē₃; ²⁰ 'a₂ lia'₂ ca₂jáng'₂ juig₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂ 'éi'₃ ca₂ɲag₃ tioen'₅₄, ca₂tion₃ cróg₄. ²¹ Jnia'₅₄ jme₁'ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ juig₂ Israel. La₁ nē₃ nē₃, ma₂'ni₅ jmig₄ ca₂lě₃ le₂nē₅. ²² I₂lin₅₄ dsa₂ mí₂ i₂tion'₅₄ jē₄ quián₂ jnia'₅₄ ma₂nē₂quiong₃ jnia'₅₄ juě'₅, ia₁ ma₃i₁jag₅₄ tē₂ o₃'iog₂ ma₂'míg₂ tau₂ 'ɲio₅, juá'₂. ²³ Tsá₃ ni₁ɲi₁ 'lag₄ dsó'₅. A₂jaun₂ bá₄ dsia₂₃ o₃lein₃ a₂nē₂jme₃jnia₅ ángeles ne₅₄, a₂nē₂juá'₂ i₂chan₂ bá₄ 'éi₂. ²⁴ Jaun₂ nē₃, ma₂i₁len₅₄ i₂lin₅₄ rin'₅₄ jnia'₅₄ ma₂i₁jag₅₄ tau₂ 'ɲio₅. Jua'₂ dsón'₂ bá₄ dsau₅ con'₂ lě₅ jág₁ jmóg'₅ dsa₂ mí₂ 'éi₂, la₁ 'éi₂ guē'₂ nē₃ tsá₃ nē₂jín₂, juá'₂.

²⁵ Jaun₂ ca₂ɲag₃ Jesús ca₂tsí'₃ 'éi₂:

—i'En₁ jmá'₃ tsá₃ 'e₂ ca₂ɲi'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jě₃ a₂niog₅ ca₂juá'₂ dsa₂ i₂jme₁'ě₂ jág₁ quián₅ Diú₄? ²⁶ Ia₁ ¿on₁ le₂jaun₂ 'i₄ 'éi'₃ ca₂tín₂ I₂rē₂'ín₁ quián₅ Diú₄, dsi₃ɲi₂ ca₂le₃jě₃ a₂nē₅ de'₂ jniá₅, jaun₂ guē₄ dsiáin'₄ ja₁le₃juin'₂ táng₃?

²⁷ Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ɲó₃ ca₂'ě₃ le₂tan₅₄ si₂ quió'₅ dsa₂ i₂jme₁'ě₂ jág₁ quián₅ Diú₄, ja₁juá'₂ 'iin₂₃ 'éi₂ 'ɲiog₅.

²⁸ Jaun₂ ja₂quián₃ dsi₁lén₂ juig₂ pí'₁ ja₁tioen'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ɲó₅ co₂dsau₅ bá₄ ca₂jmo₃.

²⁹ La₁ i₂on₃ 'éi₂ nē₃ ca₂chi₃quióng₂ jmig₄ a₂ɲia₃, ca₂juá'₂:

—Nē₃ o₁ɲia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁ɲia₃ quian'₅₄ 'éi₂.

³⁰ Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ɲi'₄, ca₂jme₃ɲi₃ó₃, jaun₂ guē₄ ca₂'nia₃ ca₂cué'₃ le₃on₃ i₂quaiin'₅₄.

³¹ Tē₃jě₄ jaun₂ nē₂jag₄ a₂jaun₂ guē₄ ca₂niá₃ jme₁ne₁₂ lín₂, jaun₂ guē₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tē₃ ne₅₄.

³² Jaun₂ guē₄ ca₂dsia₃ jág₁ guoin₅₄:

—Dsón'² bá⁴ lia'² tio'⁵⁴ jui'⁵ ja²náu⁵, ca²lě³ dsi'⁵ néi¹ ca²le³jě³ 'e² niog⁵ nē²juá'² nē²jme³ŋi'² dsi'⁵ jniog⁴ a²juá'² Si².

³³ Dsi²jui⁵ le²jaun² bá⁴ ca²tóin'² táng³ jui'⁵ ja²lein³ Jerusalén. Jme¹o³lein³ jaun², tion'⁵⁴ ta¹guiá³-ján³ chi'² dsi²guiá³-tín² i²lě² guě⁴, le¹ŋi'² quian'⁵⁴ guě⁴ dsa² sián'². ³⁴ Jaun² juá'² 'éi² tioin'⁵⁴:

—Tě³dsón'² bá⁴ ma²ca²jen'⁵⁴ Te¹gui'⁵⁴. Ia¹ ma²nē²jme³jniai²³ ne⁴ Si²mu⁵⁴.

³⁵ Jaun² guě⁴ ca²j²móg'³ táng³ i²on³ 'éi² jág¹ 'a² lia'² ca²lě³ le²i⁴ jui'⁵, 'a² lia'² ca²rě³cuig²³ con'² jme¹ca²'niai³ i¹ŋi'⁴.

Ca²jme³jnia⁵ Jesús jě⁴ quió'⁵ chi'² dsi²guiá³-tín²

(Mateo 28:16-20; Marcos 16:14-18; Juan 20:19-23)

³⁶ Tě³ tioin'⁵⁴ dsia²³ jág¹ jaun², jme¹ca²jme³jnia⁵ Jesús ca²nau² jě⁴ quió'⁵, §

³⁷ Ca²i³gó'³ dsi'⁵ tioin'⁵⁴, lín² jan² jme²dsí² bá⁴ 'éi² ŋi⁵.

³⁸ Jaun² ca²juá'²:

—¿'E² lě³ ŋi'⁴ lě³ tion'⁵⁴ 'nia'² chí'⁵ go²i³? ¿'E² lě³ ŋi'⁴ 'lióng² a²'náu'² 'nia'² 'au'²? ³⁹ La² jag⁴ 'nia'² o⁴gu³ o⁴tag³. Jniá² bá⁴ la². I²nó'⁵ 'nia'² i²níg'³ quió'³ i²jag⁴ 'nia'². Jan² jme²dsí², on³juá'⁵⁴ i²ton⁵ ŋi⁵ on³ i²'en⁵⁴ mu⁵, jui¹lia'² jág'² 'nia'² lín⁵ jniá².

⁴⁰ Tě³ juá'² le²ně⁵, qui²ca²'ě³ o⁴gú³ o⁴tag¹² ně³.

⁴¹ Tě³ tioin'⁵⁴ jaun² dsi²gó'³ dsi'⁵ tsá³ 'éin² o⁴quió'⁴ a²ŋi'⁴ lě³ 'io'² jén'⁵, jme¹ca²juá'² Jesús:

—¿Cha¹ a²le³que⁵⁴ ca²la² ja¹lá³?

⁴² Jaun² ca²o³can⁵ ca²'nau⁵⁴ quió'⁵ i¹ju¹ cui² ne⁴ si², [quian'⁵⁴ guě² ca²jne⁴ ni¹tá'⁵ cuing⁵].*

⁴³ Jaun² ca²gue³ ca²guě'³ guá⁵ tě³ne⁴ ca²le³jín³.

⁴⁴ Jaun² ca²juá'² ně³:

—Ma¹ ca²juá'³ jniá² le²j²niá⁵ lia'² con'² jme¹ŋi²³ jin'⁴ 'nia'², a²tion⁵⁴ le³ti³ ca²le³jě³ lia'² con'² lě⁵ tio'⁵⁴ ne⁴ Si² 'Éi'³ quió'⁵ Moisés, ne⁴ Si² quió'⁵ dsa² i²jme¹'ě² jág¹ quián⁵ Diú⁴, ne⁴ Salmos ně³, ja¹'ag²³ jniá².

⁴⁵ Jaun² guě⁴ ca²jme³ŋi'² dsi'⁵ 'éi² a²juá'² Si², ⁴⁶ jaun² ca²juá'²:

—Le²ně⁵ bá⁴ tio'⁵⁴ ne⁴ Si²: a²tion⁵⁴ bá⁴ dsi²ŋi² uig⁵ I²rě²'ín¹ quián⁵ Diú⁴, la¹ jein'⁵⁴ bá⁴ táng³ a²'ni⁵ jmig⁴; ⁴⁷ a²tion⁵⁴ dsi³'ag⁵ jág¹ ně³, a²'nió'⁵ qui²dsi³quén'⁵ dsi'⁵ dsa² ia¹jaun² bá⁴ lé² le³'én² dsáu¹. Jág¹ ně⁵ dsó³ qui²rě²'ě² o⁴quió³, ne⁴ ca²le³jín³ i²chan² gua'⁵⁴ 'uě³, la¹ Jerusalén de'² jniá⁵ ja¹le³lióg³. ⁴⁸ 'Nia'² ně³ i²qui²ca²tě² ne'⁵⁴ ca²le³jě³ a²niog⁵ ca²lě³, qui²o¹jang'⁴ 'nia'² jág¹ dsau⁵. ⁴⁹ Jaun² ně³, tsin⁵⁴ jniá² i²ma²lě⁵ jág¹ chen³ Ne'³. La¹ jniá⁴

§ 24:36 A²lin⁵⁴ chog⁵⁴ si² juá'² ján³: “co²tan⁵⁴ ca²cuag³ Diú⁴, ca²juá'²: —Siang'³. Jui¹'ei⁵ bá⁴ tei⁴ tion'⁵⁴ 'nia'².” * 24:42 A²lin⁵⁴ chog⁵⁴ si² tsá³ chi²ton⁵ jág¹ ně⁵.

guě₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ ju_{i5}bí₂
a₂sió₃ guei'₅₄.

Ca₂úig₂ Jesús guei'₅₄ i₂juí₃
(Marcos 16:19-20)

⁵⁰ Jaun₂ ca₂jñiai₃ chi'₂ dsi₂guia₃-tín₂ tē₂ juig₂ Betania, jaun₂
ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tē₃jě₄
jme₂gu'₅₄ jaun₂, ca₂i₃uíin₂.[†]

⁵² 'Éi₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lín₃,
⁵³ le₃ó₃ jmig₄ bá₄ jme₁ñi'₂ i₁dsi₅ guá'₅ jme₂juin'₂ Diú₄.
Co₂ně₅.

[†] 24:51 A₂lín₅₄ chog₅₄ si₂ juá'₂ ján₃: “ca₂ñái'₃ guei'₅₄ i₂juí₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güí₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂të'₂ Jág₁; jaun₂ i₂'éi₂ i₂lín₅ Jág₁ në₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ në₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ në₃, lë₅ Si₂ a₂tág₅ ja₁con₂ dsa₂ mi₂güí₃. ⁵ Tág₅ Si₂ jaun₂ jë₄ qui₁né'₃, la₁ qui₁né'₃ në₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jáng'₃ jág₁ dsau₅ tē₂le₃ quió'₅ 'éi₂ i₂lín₅ Si₂, ia₁jaun₂ tē₂le₃ quian'₅₄ jág₁ dsau₅ a₂jáng'₅ në₅, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jáng'₅ jág₁ dsau₅ bá₄ jme₁lín₄, jui₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ tē₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güí₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güí₃; jaun₂, o₁jñia'₅₄ ca₂lë₃ mi₂güí₃ tē₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güí₃.

¹¹ Guain₃ jñ₄ dsa₂ go₅₄, la₁ dsa₂ go₅₄ në₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ tē₂le₃ quió'₅, dsa₂ 'éi₂ në₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Jui₁lia'₂ chi'₂-guein₂ 'éi₂, on₃jua'₅₄ ca₂rë₃chán₃ lia'₂ con'₂ lë₅ jmi₄ dsa₂ mi₂güí₃, on₃ guë'₂ lia'₂ con'₂ lë₅ dsí₅ dsa₂ mi₂güí₃, on₃ guë'₂ lia'₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ në₃ i₂lín₅ Jág₁, ca₂can₃ ñi₄ dsa₂ mi₂güí₃, ca₂guá₂ jë₄ quián₂ jñiog₄. Jñia'₅₄ në₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ në₃.

¹⁵ Ca₂jáng'₃ Juan₅₄ jág₁ dsau₅ tē₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂'ín₅ jñiá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jñiá₂, dsein₅₄ guë'₄ con'₂ guë'₄ jñiá₂, ia₁ jme₁ma₂chain₂ jñiá₅ guë'₄ con'₂ guë'₄ jñiá₂.”

¹⁶ Ca₂le₃jág₃ bá₄ jñiog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jñiog₄ lia'₂ i₂gú'₃.

17 Ca₂ɲag₂ jniog₄ Si₂ 'Éi'₃ tē₂le₃ quian'₅₄ Moisés, la₁ia₁ tē₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rē₃ti₃ já_g₁ dsau₅ nē₃.

18 Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón'₂; la₁ia₁ Ja₁ɲi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ já_g₁ dsau₅ 'a₂ lia'₂ lín₅ Diú₄.

Já_{ng}'₅ já_g₁ dsau₅ Juan₅₄ i₂chon₅ dsa₂ jmig₂, ju₁lia'₂ i₂'ein₂ 'éi₂ Jesucristo

(Mateo 3:11-12; Marcos 1:7-8; Lucas 3:15-17)

19 Jaun₂ le₂la₂ já_g₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quian'₅₄ levitas ne₄ Juan₅₄, a₂i₁ɲag₁₂ i₂'ein₂ 'éi₂.

20 'Éi₂ nē₃ ca₂jmo₃ já_g₁ lia'₂ rē₂jiá₃, ca₂juá'₂:

—On₃jua'₅₄ jniá₂ líng₅ Irē₂ 'ín₁ quián₅ Diú₄.

21 Jaun₂ ca₂ɲag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng₅ Elías i₂jme₁'ē₂ já_g₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá₂.

Dsi₂juí₅ le₂jaun₂ bá₄ ca₂ɲag₃ táng₃ dsa₂:

—¿On₃ bá₄ 'ne₂ líng₅ i₂'ē₂ já_g₁ 'éi₂, i₂lē₅ já_g₁ jiá₃?

Jaun₂ ca₂ɲag₃ Juan₅₄:

—Jan₂'ón₄.

22 Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ nē₃? Jua'₅₄, ia₁jaun₂ dsi₁con₁ jnia'₅₄ já_g₁ dsau₅ ne₄ dsa₂ i₂ca₂chei₃. ¿'Ein₂ juá'₂ 'ne₂ líng₅?

23 Jaun₂ ca₂ɲag₃ Juan₅₄:

—Jniá₂ bá₄ líng₅ i₂'éi₂ i₂juá'₂ já_g₁ tiá₂ caun₂ 'uē₃ quein₂ co₂'ɲiog₅ i₁juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*

24 Dsa₂ i₂i₁len₅₄ i₁dsia₂ já_g₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂, 25 jaun₂ ca₂ɲag₃ ca₂ɲii'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng₅ I₂rē₂ 'ín₁ quián₅ Diú₄, on₃ guē'₂ Elías, on₃ guē'₂ jan₂ i₂'ē₂ já_g₁ o₄quió'₄ Diú₄ nē₃, ¿'e₂ ta₁ 'eng'₅₄ tsóng'₅ dsa₂ jmig₂?†

26 Jaun₂ ca₂juá'₂ Juan₅₄:

—Jniá₂ tiáng₅ dsa₂ jmig₂; la₁ia₁ jín₄ 'nia'₂ chan₂ jan₂ i₂tsá₃ cuin'₂ 'nia'₂, 27 Já₅ jan₂ cang₂ guē₄ con'₂ guē₄ jniá₂, on₃jua'₅₄ 'ein₂ lín₅ jniá₂ jua'₅₄ ca₂tíng₂ tsi'₅₄ lau₂ ton₅ tag₅₄.

* 1:23 Isaías 40:3. † 1:25 lit. “¿'e₂ ta₁ 'eng'₅₄ tiáng₅ dsa₂ jmig₂?”

28 Ca₂le₃jě₃ a₂la₂ ca₂lě₃ caun₂ ja₁chei₂ Betania,[‡] a₂niog₅ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.[§]

Jesús i₂lín₅ Guein₂ Já₂ Cha₂ quián₅ Diú₄

29 Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quiáin₃ ja₁chéin₄, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já₂ Cha₂ quián₅ Diú₄, i₂jñiá'₂ dsáu₁ dsa₂ mi₂güig₃. 30 I₂ně₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₂: “I₂já₅ cang₂ guě₄ con'₂ guě₄ jniá₂, dsein₅₄ guě₄ con'₂ guě₄ jniá₂, ia₁ jme₁ma₂chain₂ jñiá₅ guě₄ con'₂ guě₄ jniá₂.” 31 Lia'₂ jñia'₅₄ 'ñió₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmig₂ ma₂guio₃, * ia₁jaun₂ le₃cuig₅ dsa₂ juig₂ Israel 'ein₂ 'éi₂.

32 Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:

—Ca₂jín₄ jniá₂ Jme₂dsí₂ Jñió₅ ca₂sióin₃ guei'₅₄ i₂juig₃ i₂jñiá₂ lia'₂ jniá₂ jan₂ i₁ju₂, ca₂tē₁gua₁ ne₄ quió'₅ 'éi₂. 33 Tsá₃ jme₁ma₂guion₄ bá₄ guě₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chóng₄ dsa₂ jmig₂,[†] ca₂tság₃ jniá₂: “Jē₁ma₂ca₂jñing'₅₄ Jme₂dsí₂ sióin₅ ne₄ quió'₅ jan₂ dsa₂ ñe'₂, i₂'éi₂ bá₄ qui₃tián₂ dsa₂ Jme₂dsí₂ Jñió₅.” 34 Ma₂ca₂jñin₅₄ bá₄ jniá₂, jaun₂ jáng'₅ jniá₂ jág₁ dsau₅, a₂lín₅ 'éi₂ Ja₁ñi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

35 Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂i₂nio₄ quiain'₅₄.

36 Jaun₂ jme₁ca₂jág₃ Juan₅₄ ca₂ñi₅ Jesús, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já₂ Cha₂ quián₅ Diú₄.

37 Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

38 Jaun₂ ně₃ ca₂jén'₃ Jesús tē₂le₃ ca'₃, ca₂jñin₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—ċ'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃juá'₅₄: Tē₅—, ċJá'₄ ñéi'₂ 'ne₂?

39 Jaun₂ ca₂ñag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmig₄ jaun₂; ia₁ jme₁ma₂ca₂tē₂ con'₂ hora ñi₁ quén₂ tē₂le₃ ca₂'láu₂.[‡]

‡ 1:28 A₂lín₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uíng₂ ja₁niog₅ Jerusalén; on₃juá'₅₄ Betania ja₁jme₁guá₄ Lázaro quiain'₅₄ 'io₅₄ riin'₅₄.

§ 1:28 lit. “ja₁jme₁'en₅₄ Juan₅₄ tián₂ dsa₂ jmig₂.” * 1:31 lit. “la₁ia₁ tiáng₅ dsa₂ jmig₂ ma₂guio₃.” † 1:33 lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.” ‡ 1:39 lit. “hora guia₃.”

40 Jan₂ i₂on₃ 'éi₂ i₂ca₂ná_g₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drě₄ i₂lín₅ rin'₅₄ Si₂mu₅₄ i₂tě'₂ dsa₂ Pe₄.

41 Dsi₂jui₅ né'₃ guě₄ jaun₂ bá₄ ŋe₄ Drě₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rě₂'ín₁ quián₅ Diú₄).

42 Jaun₂ i₁ŋia₃ Drě₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ŋi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄.§

Tě'₂ Jesús Felipe quian'₅₄ Natanael

43 Jme₁nia₃ jaun₂, ca₂lě₃ dsí₅ Jesús dsó₃ 'uě₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

44 Felipe 'éi₂ ně₃, jme₁chain₂ juig₂ Betsaida, já_n₃ bá₄ ja₁jme₁chan₂ Drě₄ quian'₅₄ Pe₄ ně₃.

45 Fe₂li₄ 'éi₂ ně₃, ŋei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ě₂ jág₁ quián₅ Diú₄ ně₃. Jesús bá₄ 'éi₂, ja₁ŋi'₅₄ José, i₂chan₂ juig₂ Nazaret.

46 Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ŋag₃ Fe₂li₄:

—Ŋia₅ de'₂ i₂jag₄.

47 Jaun₂ jme₁ca₂jág₃ Jesús a₂ma₂ja₂quian₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂mai₅₄ ja₁con₂.

48 Jaun₂ ca₂ŋag₃ Natanael ca₂ŋí'₃ Jesús:

—¿'A₂ lia'₂ cui_g'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guě₄ a₂dsi₃tě₂ Fe₂li₄, lia'₂ con'₂ jme₁ŋéi'₂ né'₃ ni₁'ma₂ higuera.

49 Jaun₂ ně₃ ca₂juá'₂ Natanael ca₂tsí'₃ Jesús:

—Tě₅, 'ne₂ bá₄ líng'₅ Ja₁ŋi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

50 Jaun₂ ca₂ŋag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jín₄ jniá₂ 'ne₂, ŋéi'₂ né'₃ ni₁'ma₂ higuera? La₁ia₁ ně₃ guě₄ tē₃ ne'₅₄ 'lióng₂ léi₄ juě'₂ guě₄ con'₂ guě₄ a₂la₂.

51 Já_n₃ bá₄ ca₂juá'₂ Jesús:

§ 1:42 Co₂'nió'₄ le₃jua'₅₄, “Ni₁cang₁.” Le₂ně₅ juá'₂ jág₁ “Cefas” quian'₅₄ jág₁ jme₁is arameo; co₂jaun₂ juá'₂ “Petros” (ja₁jás₅ jág₁ piedra, Pedro ně₃) quian'₅₄ jág₁ jme₁is griego.

—A₂dsi₂jó'₃ juig₂ jniá'₂ 'nia'₂, jag'₅₄ 'nia'₂ rē₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂soin₂ ne₄ Jaun₅ dsa₂ mi₂güig₃.

2

Ca₂jen'₂ gu₂ dsa₂ jē₄ juig₂ Caná juig₂ tén₅ Galilea

¹ Ni₅ jmig₄ cang₂ guē₄ jaun₂, ca₂nio₃ jmig₄ ca₂jen'₂ gu₂ dsa₂ jē₄ juig₂ Caná, a₂niog₅ 'uē₃ Galilea. Ja₁jaun₂ jme₁'en₅₄ chog₅₄ Jesús ně₃; ² ján₃ bá₄ ca₂tē'₃ dsa₂ Jesús quiain'₅₄ dsa₂ i₂quiain'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tioin'₅₄.

⁴ La₁ ca₂ḡag₃ Jesús:

—'Io₅₄, ċ'e₂ lē₃ juig'₂ jniá'₂ a₂nē₅? Ia₁ tsá₃ ma₂tē₂ guē₄ hora quió₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂nē₅.

⁶ Jme₁tióng₂ ja₁jaun₂ jné₂ ti'₂ cang₄, jui₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lē₅ tag₄ jme₁chí'₄ quió'₅. Lia'₂ caun₂ ni₁ti'₂ cang₄ jaun₂ 'a₄ con'₂ tē₂láu₃-guiá'₂, o₃ caun₂ 'ḡiá₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁ti'₂ tióng₂ la₂ quian'₅₄ jmig₂.

Ca₂jme₃can'₂ bá₄ guē'₂ dsa₂ lia'₂ ca₂rin₅ rē₂ lin₃. ⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Nē₃ ně₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lē₃ vino jaun₂, tē₃ tsá₃ ḡi₅ a₂já'₄ já₃; jḡia'₅₄ lia'₂ dsa₂ i₂ca₂dsen₅ jmig₂ bá₄ jme₁ḡi₅. Jaun₂ ně₃ ca₂tē₃ dsa₂ i₂niog₅ ne₄ jmig₄, ca₂tē'₃ dsa₂ ḡe'₂ i₂jen'₂ gu₂, ¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jē₁ma₂le₁'en₅ dsa₂, jaun₂ guē₄ tia'₃ vino ga₂. La₁ 'ne₂ ně₃ ně₂'ma'₅₄ vino dse₃ ca₂tē₂ jē₁ca₂tó'₂.

¹¹ Jē₄ juig₂ Caná a₂tén₅ 'uē₃ Galilea jaun₂, ca₂jmo₃ Jesús léi₄ juē'₂ le₂'uig₅₄. Le₂nē₅ ca₂jme₃jniai₂₃ 'ein₂ lín₅ tē₂le₃ quian'₅₄ juí₅bí₂ quió'₅, jaun₂ ca₂rē₃'én₂ chi'₂ dsi₂guia₃-tín₂ quiáin₅.

¹² Cang₂ guē₄ jaun₂ ca₂ḡó₃ jē₄ juig₂ Capernaum, lia'₂ jma₃quiain'₅₄ chog₅₄, riin'₅₄, chi'₂ dsi₂guia₃-tín₂ quiáin₅ ně₃; ja₁jaun₂ ca₂tóin'₂ tin₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

13 Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos, jaun₂ ca₂uig₂ Jesús jui₅ Jerusalén.

14 Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁jui₅, i₂'ni₅ já'₂ cha'₂, i₂'ni₅ i₁ju₂ ně₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

15 Jme₁ca₂jág₃ Jesús a₂jaun₂, ca₂jmo₃ caun₂ látigo alē₅ quian'₅₄ tsi'₁nei₅₄, jaun₂ ca₂'uúin'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quian'₅₄ já'₂ cha'₂ quiáin₅, ca₁jui₅ ně₃. Ca₂jein₃ 'uē₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa ně₃.

16 Jaun₂ ca₂tsí'₃ i₂'ni₅ i₁ju₂:

—i'Uē'₅₄ 'nia'₂ ca₂le₃jě₃ a₂nē₅ ja₁lá₃! ¡Tsá₃ lē₁jmo₂ 'nia'₂ ja₁'ma'₅₄ ja₁quió'₄ Ne'₃!

17 Jaun₂ ca₂dsáu'₃ dsí₅ dsa₂ i₂jme₁quian'₅₄, a₂chi₁ton₅ ne₄ Si₂ le₂la₂:

Nē₂jag₄ bá₄ a₂ca₂cóng₂ 'uig₅₄ ia₁ a₂ñí₄ lē₃ dsí'₅ dsí₃

o₄quió'₄ dsi₂néi₂ quiáng'₂.*

18 Jaun₂ ně₃ ca₂ñag₃ dsa₂ judíos ca₂ñí'₃ Jesús:

—¿'E₂ léi₄ le₃'ě'₂ jnia'₅₄ a₂jáng'₅ jág₁ dsau₅ a₂ca₂tín'₂ 'ne₂ jmó'₂ le₂nē₅?

19 Jaun₂ ca₂ñag₃ Jesús:

—'Én₂ 'nia'₂ guá'₅ la₂, jaun₂ tsi'₅₄ táng₃ jniá₂ quian'₅₄ 'ni₅ jmig₄.

20 Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tē₂láu₃-jñéi₂ ñi₂ ca₂rē₃'ín₅ dsa₂ jme₁ca₂chi'₃ guá'₅ la₂. ¿'En₁ já'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

21 La₁ia₁ guá'₅ a₂'ě₅ Jesús jaun₂, ni₁ñi₄ 'ñiog₅ bá₄ Jesús 'ě₂₃.

22 Jaun₂ lē₃, lia'₂ con'₂ jme₁ca₂jen'₅₄ Jesús a₂jme₁rē₂'liin₅₄, ca₂dsáu'₃ dsí₅ chi'₂ dsí₂guia₃-tín₂ quiáin₅ jág₁ jaun₂. Jaun₂ ca₂rē₃'éin₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

23 Lia'₂ con'₂ jme₁'en₅₄ Jesús Jerusalén Jmig₄ Të₂'in₅₄, ca₂rē₃'én₂ juin₅ lin₃ dsa₂ tē₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

24 La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lē₅ tē₂dsí₅.

25 Tsá₃ 'e₂ ca₂rē₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rē₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güig₃.

3

Jme₂tag₅ Jesús jme₂tñin₂₃ Nicodemo

* 2:17 Salmo 69:9

1 Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

2 Ne₄ 'éi₂ ca₂i₁jín₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Tē₅, ne₄ bá₄ nia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juē'₂ le₂nē₅, ju₁lia'₂ jmo'₂ 'ne₂, juá'₅₄ tsá₃ quiong'₅₄ Diú₄.

3 Jaun₂ ně₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juíg₂ jniá₂ 'ne₂, ně₁juá'₂ tsá₃ rē₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

4 Jaun₂ ca₂ḡag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí₅ chog₅₄, jaun₂ le₃chain₂ táng₃?

5 Jaun₂ ca₂ḡag₃ Jesús:

—A₂dsi₂jó'₃ juíg₂ jniá₂ 'ne₂, ju₁lia'₂ i₂tsá₃ rē₂chan₂ le₃quió'₅ jmig₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄.

6 Ju₁lia'₂ i₂rē₂chan₂ le₃quió'₅ ni₁ḡí₅, jan₂ dsa₂ ni₁ḡí₅ bá₄ 'éi₂; ju₁lia'₂ i₂rē₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. 7 Tsá₃ ju₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan'₂ 'nia'₂ táng₃.” 8 'Ag₅ dsí₂ ju₁a₂ guē₃ já'₄ 'nio₃ 'ag₃; nag'₂ bá₄ 'ne₂ mi'₅₄ a₂lē₂, la₁ia₁ tsá₃ ḡi'₅₄ a₂já'₄ já₅, on₃ guē'₂ a₂já'₄ dsó₃. Ján₃ bá₄ le₂nē₅ lín₅ ca₂le₃jín₃ i₂rē₂chan₂ le₃quió'₅ Jme₂dsí₂.

9 Jaun₂ ně₃ ca₂ḡag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ ně₅?

10 Jaun₂ ca₂ḡag₃ Jesús:

—¿'Ne₂ guē'₂ líng'₅ jan₂ tē₅ quián₅ dsa₂ juíg₂ Israel, ton'₂ tsá₃ ḡí'₂ bá₄ guē₄ 'au'₂ jág₁ ně₅? 11 A₂dsi₂jó'₃ juíg₂ jniá₂ 'ne₂, ju₁lia'₂ a₂ma₂tag₂ bá₄ nia'₅₄, dsia₂; ján₃ bá₄ jang'₂ nia'₅₄ jág₁ dsau₅ ju₁lia'₂ a₂ma₂tē₂ ne₄ nia'₅₄. La₁ 'nia'₂ ně₃ tsá₃ gue'₂ jág₁ dsau₅ a₂jang'₂ nia'₅₄. 12 Chi₂juá'₂ ma₂nē₂juá'₃ jniá₂ a₂'ē₂₃ ju₁lia'₂ a₂cha₂ mi₂güí₃ la₂, ton'₂ tsá₃ 'én'₂ bá₄ guē'₂ 'nia'₂, ¿'a₂ bá₄ guē'₂ lia'₂ le₃'én'₂ 'nia'₂ jág₁ quió₃, ně₁ca₂juá'₃ jniá₂ ca₂juíg₂ 'nia'₂ a₂'ē₂₃ ju₁lia'₂ a₂cha₂ guei'₅₄ i₂juíg₃?

13 'Ca₂lia'₂ 'i₁jan₂ tsá₃ 'ein₂ ma₂uí₂ guei'₅₄ i₂juíg₃, jnia'₅₄ lia'₂ 'éi₂ i₂ca₂sió₃ guei'₅₄ i₂juíg₃; co₂'nió'₄ 'ḡiog₅ Jaun₅ dsa₂ mi₂güí₃.*

14 Ju₁lia'₂ ca₂chón'₂ Moisés dsí₂mi'₂ guei'₅₄ ja₁lē₄ 'uē₃ quein₂ co₂'ḡiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güí₃, 15 ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güí₃

* 3:13 A₂lín₅₄ chog₅₄ si₂juá'₂ ján₃: “i₂'en₅₄ guei'₅₄ i₂juíg₃.”

16 'Jaun₂, 'uig₅₄ ia₁ a₂η₄ lē₃ ca₂rē₃'nio₃ Diú₄ ca₂rē₃'noi₃ dsa₂ mi₂güig₃, ca₂cuin₃ Ja₁ηi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄.
 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ηi'₅₄ mi₂güig₃ a₂qui₃'ē₂ uig₅ ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ lión₂ dsa₂ mi₂güig₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'ē₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guē'₂ nē₃, ma₂rē₂'ē₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ηi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rē₂'ē₂ jaun₂: a₂ma₂gua₅ si₂ ja₁con₂ dsa₂ mi₂güig₃, la₁ ca₂rē₃'nio₃ guē₄ dsa₂ jē₄ qui₁né'₃ lia'₂ con'₂ guē₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsáu₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmig₂ jui₁lia'₂ 'ein₂ 'éi₂ Jesús

22 Cang₂ jaun₂, ηó₃ Jesús jui₅ 'uē₃ Judea quiain'₅₄ chi'₂ dsi₂guia₃-tín₂ quiáin₅, jaun₂ ja₁jaun₂ ca₂'í₃ ca₂la₂ uē₂ quiain'₅₄ 'éi₂, qui₂choin₂₃ jmig₂ dsa₂.†

23 Ján₃ bá₄ le₂jaun₂ jme₁'en₅₄ Juan₅₄ nē₃, choin₂₃ jmig₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'líong₂ jmig₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmig₂.§

24 (A₂la₂ ca₂lē₃ né'₃ guē₄ a₂ton'₂ dsa₂ Juan₅₄ né'₃ 'má₃.)

25 Jaun₂ nē₃, i₂lin₅₄ dsa₂ i₂quian'₅₄ Juan₅₄ ca₂tsín₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

26 Jaun₂ i₃lén₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jē₂ bá₄ choin₂₃ jmig₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ηag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ηei₂ guei'₅₄ i₂juig₃. 28 Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ηe'₂ i₂jen'₂ gu₂ bá₄, dsa₂ mí₂ i₂jen'₂ gu₂ quiain'₅₄. Jaun₂ dsa₂ a₂mei₅₄ quián₅ dsa₂ ηe'₂ nē₃, chi₁ηia₁ nag₂₃. Jaun₂ 'io'₂ jén'₅ jē₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ nē₃, rē₂ηia₅ a₂'io'₂ jén'₅ dsi₃.

† 3:22 lit. “qui₂tián₂ dsa₂ jmig₂.”

‡ 3:23 lit. “tián₂ dsa₂ jmig₂.”

§ 3:23 lit.

“ia₁jaun₂ qui₃tió₃ Juan₅₄ jmig₂.”

* 3:26 lit. “jē₂ bá₄ tián₂ dsa₂ jmig₂.”

Ju₁lia'₂ i₂já₅ guei'₅₄ i₂juíg₃

30 "Éi₂ ca₂tín₂ le₃dsein₅₄ guë₄; jniá₂ guë'₂ ca₂tíng₂ le₃meg'₂.
 31 Ju₁lia'₂ i₂já₅ ju₁5 guei'₅₄ i₂juíg₃, dsen₅₄ guë₄ ne₄ quió'₅ ca₂le₃jín₃.
 Ju₁lia'₂ i₂já₅ gua'₅₄ 'uë₃, jan₂ i₂chan₂ gua'₅₄ 'uë₃ bá₄ 'éi₂. Jaun₂
 dsia₂₃ ju₁lia'₂ a₂quió'₅ gua'₅₄ 'uë₃. La₁ia₁ ju₁lia'₂ i₂já₅ guei'₅₄
 i₂juíg₃, dsen₅₄ guë₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅
 ju₁lia'₂ a₂ma₂tě₂ ne₅₄, ju₁lia'₂ a₂ma₂nág₂ ně₃; la₁ 'i₁jan₂ tsá₃ 'ein₂
 tón'₂ ju₁5 jág₁ dsau₅ a₂jáng'₅ 'éi₂. 33 La₁ia₁ ju₁lia'₂ i₂tón'₂ ju₁5,
 ma₂caun₅ 'í₁ a₂dsón'₂ bá₄ tí₅ jág₁ a₂juá'₂ Diú₄; 34 ia₁ i₂ca₂chen₃
 Diú₄ ně₃, dsia₂₃ jág₁ quió'₅ Diú₄, ia₁ cuin₅ Diú₄ Jme₂dsí₂ quiáin₅
 ca₂lia'₂ tsá₃ niog₅ 'éi'₃. 35 A₂'nio₃ Diú₄ Jmei₂ 'nioi₃ Ja₁ñi'₅₄, jaun₂
 o₄gú₃ 'éi₂ ma₂dsia₃ ca₂le₃jě₃. 36 Ju₁lia'₂ i₂'én₂ tě₂le₃ quió'₅ Ja₁ñi'₅₄
 Diú₄, le₃chain₂ bá₄ co₂tan₅₄; la₁ ju₁lia'₂ i₂tsá₃ ne'₅₄ le₃quió'₅
 Ja₁ñi'₅₄ Diú₄, tsá₃ tě₃ ne₅₄ a₂le₃chain₂ rě₂'ñiai₂₃, ton'₂ tě₂le₃ tě₃gua₄
 'nei₂ dsí₅ Diú₄ ja₁coin₂.

4

Dsia₅ Jesús jág₁ quián'₅₄ jan₂ 'io₅₄ i₂chan₂ Samaria

1 Jme₁ca₂rě₃ñi₅ Te₁gui'₅₄ a₂ma₂nág₂ dsa₂ fariseos jág₁, 'ñio₅
 lin₃ guë₄ ju₁n₅ dsa₂ i₂ma₂quián'₅₄ Jesús, qui₂ma₂cho₃ jmig₂*
 lia'₂ con'₂ guë₄ Juan₅₄; 2 (o₁ñia'₅₄ on₃jua'₅₄ 'ñiog₅ Jesús choin₂₃
 jmig₂ dsa₂,† jñia'₅₄ lia'₂ chi'₂ dsi₂guia₃-tín₂ quiáin₅ bá₄), 3 jaun₂
 ca₂o₃'íin₃ 'uë₃ Judea, a₂ñái'₃ táng₃ ju₁5 'uë₃ Galilea. 4 Ja₁tioin'₅₄
 ju₁5 jaun₂, ca₂tín₂ ñi₃ 'uë₃ Samaria. 5 Jaun₂ ně₃ ca₂dsi₃léin₂
 caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄
 'uë₃ a₂jme₁ca₂cuë₃ Jacob ma₂líg'₂ ca₂cuë'₃ ja₁ñi'₅₄ i₂chen₂ Sě₄.

6 Ja₁jaun₂ jme₁dsi₅₄ caun₂ tau₂ pozo a₂tě'₂ dsa₂ a₂quió'₅ Jacob.
 Jaun₂ ca₂guá₂ Jesús cau₅, ia₁ a₂ca₂'ú'₃ 'ein₅₄ ju₁5. Jme₁ma₂ca₂tě₂
 con'₂ dsi₂ñi'₃ jaun₂.

7 Tě₃ guá₅ jaun₂ ca₂dsióg₃ jan₂ 'io₅₄ i₂chan₂ Samaria
 a₂i₃dsein₂₃ jmig₂ pozo jaun₂. Jaun₂ ca₂juá'₂ Jesús ca₂tsí'₃ 'io₅₄
 'éi₂:

—Cuë₄ ca₂juig₄ jmig₂ gui'₅₄.

8 Tě₁lia'₂ jaun₂, i₁len₅₄ jě₄ juig₂ chi'₂ dsi₂guia₃-tín₂, i₁lia₅ má₃
 a₂guë'₃.

9 Jaun₂ ně₃ ca₂juá'₂ 'io₅₄ chan₂ Samaria 'éi₂ ca₂tsí'₃ Jesús:

—¿'A₂ lia'₂ lě₅ jaun₂, 'ne₂ jan₂ dsa₂ i₂lín₅ judío, mi'₂ jmig₂ ne₃
 jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quián'₅₄ dsa₂ chan₂ Samaria.)‡

10 Jaun₂ ně₃ ca₂ñag₃ Jesús:

* 4:1 lit. "qui₂ma₂tióg₃ jmig₂." † 4:2 lit. "tiáin₂ dsa₂ jmig₂." ‡ 4:9 o₃, "tsá₃
 jmó'₂ dsa₂ judíos ta₁ ju₁lia'₂ n₁i₁u₁ing₅ a₂jmó'₂ dsa₂ chan₂ Samaria ta₁."

—Jua'₅₄ mei'₂ guě'₃ ŋi'₅₄ 'ne'₂ 'e'₂ jaun'₂ a₂cuē'₅ Diú'₄, quian'₅₄ 'ein'₂ i₂mi'₅ jmi'₂g₂ ne'₅₄, jme'₁mi'₂ ne'₃ jniá'₂, jaun'₂ jniá'₂ ně'₃ cuē'₅₄ jmi'₂g₂ jén'₃.

11 Jaun'₂ ca₂juá'₂ 'io'₅₄ ca₂tsí'₃ Jesús:

—Gui'₅₄, tsá'₃ ŋi'₁ cubeta cha₂ quiáng'₂ a₂dséng'₄ jmi'₂g₂, ton'₂ a₂ji'₂ bá₄ tau'₂ pozo. ¿'A₂ guē'₂ já'₄ cán'₁ jmi'₂g₂ jén'₃ a₂cuē'₂ jniá'₂?
12 ¿'E₂, 'ne'₂ líng'₅ i₂juin'₂ guē'₄ con'₂ guē'₄ 'lag'₄ jmei'₂ jniog'₄ Jacob, i₂ca₂cuē'₃ pozo la₂? Jme'₁cán'₂ 'éi'₂ jmi'₂g₂ a₂'ín'₂ 'ŋiog'₅ quian'₅₄ chi'₂ quiáin'₅, quian'₅₄ já'₂ quiáin'₅ ně'₃.

13 Jaun'₂ ca₂ŋag'₃ Jesús:

—Ca₂le₃jín'₃ juí₁lia'₂ dsa₂ i₂'ín'₂ jmi'₂g₂ la₂, lé₂ táng'₃ dsí'₅ i₁'ín'₂ jmi'₂g₂; 14 la₁ia₁ juí₁lia'₂ i₂'ín'₂ jmi'₂g₂ a₂cuē'₄ jniá'₂, lia'₂ o₁líg'₂ jmi'₂g₂ tsá'₃ ma₃lé₂ dsí'₅ i₁'ín'₂ jmi'₂g₂. Ia₁ juí₁lia'₂ jmi'₂g₂ a₂cuē'₄ jniá'₂, lé₂ ně₂jag'₄ bá₄ caun'₂ o₄tu₁ jmi'₂g₂ tē₂le₃ quió'₅, a₂qui'₃íá'₃ jmi'₂g₂ a₂gu₂dsí'₂ a₂jmo₃ a₂le₃chain'₂ co₂tan'₅₄.

15 Jaun'₂ ně'₃ ca₂juá'₂ 'io'₅₄ ca₂tsí'₃ Jesús:

—Gui'₅₄, cuē'₄ jmi'₂g₂ a₂'ě'₂ ně'₅, ia₁ jaun'₂ tsá'₃ ma₃le₃quein'₂ dsí'₃, on₃ guē'₂ caun'₂ guio'₅₄ guē'₄ ca₂tē₂ la₂ i₁dséng'₃ jmi'₂g₂.

16 Jaun'₂ ca₂juá'₂ Jesús:

—Guan'₂ o₂te'₂ dsi₂i₂gog'₂, jaun'₂ ŋe'₅₄ táng'₃ ja₁lá₃.

17 Jaun'₂ ca₂ŋag'₃ 'io'₅₄ 'éi'₂:

—Tsá'₃ dsi₂i₂gu₃ jniá'₂ chan'₂.

Jaun'₂ ně'₃ ca₂juá'₂ Jesús:

—Tí'₅ bá₄ jág'₁ quiáng'₂ a₂ně₂jua'₅₄, a₂tsá'₃ chan'₂ dsi₂i₂gog'₂;
18 ia₁ 'ŋiá'₂ dsi₂i₂gog'₂ i₂ma₂ca₂né'₂ quiang'₅₄, jaun'₂ i₂ŋéi'₂ quiang'₅₄ rě₂ně'₃ ján'₃, on₃jua'₅₄ dsi₂i₂gog'₂ 'éi'₂. Dsón'₂ bá₄ tí'₅ jág'₁ quiáng'₂ a₂ně₂jua'₅₄.

19 Jme'₁ca₂nág'₂ 'io'₅₄ jág'₁ ně'₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne'₂ jan'₂ dsa₂ i₂'ě'₂ jág'₁ quián'₅ Diú'₄, lín'₂ jniá'₂. 20 Ja₁chí'₄ má'₂ la₂ ca₂jme₃juin'₂ dsa₂ can'₅₄ quián'₂ jniá'₅₄ ca₂jme₃juin'₂ Diú'₄ ma₂líg'₂, la₁ia₁ 'nia'₂ i₂líg'₅ dsa₂ judíos ně'₃, juá'₂ Jerusalén bá₄ ja₁ca₂tín'₂ dsa₂ jme₃juin'₂ Diú'₄.

21 Jaun'₂ ca₂ŋag'₃ Jesús:

—Juí₁le₂'éng'₂ bá₄ a₂juá'₅ jniá'₂: já₅ caun'₂ jmi'₂g₄ a₂jme₁juin'₂ 'nia'₂ Diú'₄, on₃jua'₅₄ i₁nóg'₅ má'₂ la₂, on₃ guē'₂ o₁nó'₅ 'nia'₂ Jerusalén. 22 'Nia'₂ jme₂juíng'₁ tē₃ tsá'₃ ŋi'₅₄ 'ein'₂ jme₂juíng'₁; a₂dsau'₅ bá₄ jniá'₅₄, ne₄ jniá'₅₄ 'éin'₂ i₂jme₂juin'₂; ia₁ tē₂le₃ quió'₅ dsa₂ judíos bá₄ já₅ jág'₁ a₂lión'₂ dsa₂. 23 La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei'₂, juí₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí'₂ ton'₂ tē₂le₃ quian'₅₄ jág'₁ dsau'₅. Ia₁ i₂le₂'éi'₂ bá₄ 'na'₂ Jmei'₂ jme₃juag'₂. 24 A₂lín'₅ Diú'₄ jme₂dsí'₂;

jaun₂ jui₁lia'₂ i₂jme₂juag'₂, ca₂tíin₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

25 Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tē'₂ dsa₂ I₂rē₂'ín₁ quián₅ Diú₄). Jē₁ma₂guain₂₃, jaun₂ guē₄ juá'₂ ca₂le₃jě₃ lia'₂ rē₂jiá₃.

26 Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

27 Tē₁lia'₂ jaun₂, ca₂o₃len₃ chi'₂ dsi₂guia₃-tín₂ quiáin₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ŋag₃ 'e₂ 'no'₂, 'e₂ jág₁ dsia₂₃ quiain'₅₄ 'io₅₄ 'éi₂.

28 Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ŋái'₃ jē₄ juig₂, jaun₂ ca₂juá'₂ ca₂tsí'₃ dsa₂:

29 —I₂nó'₅ 'nia'₂ i₂jjin₄ jan₂ dsa₂ ŋe'₂ i₂ma₂nē₂juá'₂ ca₂le₃jě₃ 'e₂ a₂ma₂jmo₃ jniá₂. ¿On₁juá'₅₄ mei'₂ tsá₃ 'éi₂ lín₅ I₂rē₂'ín₁ quián₅ Diú₄?

30 Jaun₂ ně₃ ca₂'uin₂ dsa₂ jē₄ juig₂ ca₂i₃léin₂ ja₁guá₄ Jesús.

31 Tē₁lia'₂ jaun₂, ca₂chi₃quióng₂ jmig₄ chi'₂ dsi₂guia₃-tín₂ chi₂quiáin₂ jmig₄ Jesús a₂guē'₃, juá'₂:

—Tē₅, qué'₂ ca₂la₂.

32 Jaun₂ ca₂juá'₂ Jesús:

—Cha₂ caun₂ má₃ a₂guē'₅₄ jniá₂, a₂tsá₃ cuin'₂ 'nia'₂.

33 Jaun₂ ně₃ qui₂ca₂ŋí'₃ chi'₂ dsi₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guē'₃?

34 La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi'₃ a₂ŋio₂ dsí₅ i₂ca₂chei₃, a₂jme₁ŋiag₅ ta₁ quió'₅ ně₃. 35 ¿'On₁ juá'₂ guē'₂ 'nia'₂:

“Ei₅ bá₄ guē₄ quén₂ tsi'₂ a₂ráu₃”? La₁ia₁ jniá₂ juig₂ 'nia'₂, jag₄ 'a₂ lia'₂ ma₂tion'₅₄ dsa₂ le₁jŋia₂₃, ně₂jag₄ bá₄ a₂le₁chein'₂ ja₁nau₂

ca₂ron₂, ma₂lé₂ bá₄ cág'₃. 36 Jui₁lia'₂ dsa₂ i₂jmo₅ ta₁ ja₁nau₂ ně₃ gue₂₃ 'liain'₅₄. Jui₁lia'₂ a₂ráu₃, a₂cág'₃ ja₁nau₂ jaun₂, a₂jio₃

co₂tan₅₄ bá₄ jaun₂, ia₁jaun₂ co₂lē₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág'₅ ně₃. 37 Le₂nē₅ dsón'₂ bá₄ quió₃Ŧ a₂dsia₅ dsa₂:

“Jan₂ i₂jne₅, i₂sián'₂ i₂cág'₅.” 38 Jniá₂ ma₂tsíng₂ 'nia'₂ a₂o₁cag'₄ ja₁tsá₃ ta₁ ma₂jmo₅₄ 'nia'₂ guiong'₅₄, ta₁ ma₂jmo₃ i₂sián'₂; jaun₂ 'nia'₂ ně₃ ca₂ling'₃ ta₁ quió'₅ dsa₂ 'éi₂.

39 Jui₁n₅ dsa₂ i₂chan₂ Samaria i₂tián'₅ juig₂ jaun₂ ca₂rē₃'éin₂ tē₂le₃ quió'₅ Jesús jme₁ca₂nág₂ jág₁ dsau₅ a₂ca₂jáng'₃ 'io₅₄, jme₁ca₂juá'₂: “Nē₂juá'₂ 'éi₂ ca₂le₃jě₃ 'e₂ a₂ma₂jmo₃ jniá₂.”

Ŧ 4:37 quió₃: jág₁, quió'₅ dsa₂ Jen'₅₄, co₂'nió'₄ le₃juá'₅₄, caun₂ jág₁ a₂ŋí'₂ dsí₅ a₂ca₂quio₂ dsa₂ can'₅₄, a₂dsia₅ dsa₂.

40 'Uig⁵⁴ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmig₄ Jesús a₂jme₁jnia₃ 'éi₂ quiong'⁵⁴. Jaun₂ ca₂jnia₃ Jesús tin₃ jmig₄ ja₁jaun₂.

41 Jaun₂ tē₂le₃ juin₅ guē₄ dsa₂ ca₂rē₃'én₂ jme₁ca₂nág₂ jág₁ a₂juá'₂ 'njog₅ Jesús.

42 Jaun₂ ca₂juá'₂ dsa₂ ca₂tsí'₃ 'io⁵⁴:

—Nē₃ guē₄ ně₃ 'éin₂ jnia'⁵⁴, on₃jua'⁵⁴ 'uig⁵⁴ jág₁ a₂ca₂jua'⁵⁴ 'ne₂, ia₁ a₂ma₂nē₂né₁ jnia'⁵⁴ guio⁵⁴ jág₁ quió'⁵, jaun₂ ne₄ jnia'⁵⁴, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mi₂güig₃.*

Ca₂jme₃'lión₂ Jesús jan₂ ja₁ñi'⁵⁴ jan₂ dsa₂ dsen⁵⁴ quián₅ dsi₂tan⁵⁴

43 Jme₁ca₂dsan₃ tin₃ jmig₄ jaun₂, ca₂o₃'iin₃ ja₁jaun₂, ca₂'í₃ jui₅ nái'₃ jui₅ 'uē₃ Galilea.

44 Ia₁ jui₁lia'₂ ca₂juá'₂ 'njog₅ Jesús, ju₁lia'₂ jan₂ dsa₂ i₂'ē₂ jág₁ o₄quió'₄ Diú₄, tsá₃ jme₂go₃ dsa₂ juig₂ go⁵⁴.

45 Jme₁ca₂dsiáin'₃ 'uē₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tē₂ Jmig₄ Tē₂'in⁵⁴, ia₁ ján₃ bá₄ jme₁i₁len⁵⁴ 'éi₂ jmig₄.

46 Jaun₂ ně₃, ca₂dsióg₃ táng₃ juig₂ Caná a₂tén₅ 'uē₃ Galilea ja₁ca₂jme₃tsiin₃ jmig₂ ca₂jmo₃ vino. Ja₁jaun₂ jme₁'en⁵⁴ jan₂ dsa₂ i₂jme₂ti₃ ta₁ ne₄ rag⁵⁴, i₂chan₂ jan₂ chi'₂ dso'⁵⁴ quiáin₅, jē₄ juig₂ Capernaum.

47 Jme₁ca₂rē₃ñi₅ dsa₂ 'éi₂ a₂ma₂ñi₅ Jesús 'uē₃ Galilea, 'ein⁵⁴ ju₁i₅ a₂o₂'iin₃ 'uē₃ Judea, jaun₂ ñei⁵⁴ ca₂i₁jñi₁₂ Jesús, jaun₂ ca₂chi₃quióng₂ jmig₄ tion⁵⁴-jan₃ a₂dsó₃ 'éi₂ ja₁quió'₄ a₂jme₃'lióin₂ ja₁ñi'⁵⁴ i₂ron₅ ma₂i₁jón₂.

48 Jaun₂ ně₃ ca₂juá'₂ Jesús:

—Tsá₃ 'én'₂ 'nia'₂ nē₁jua'₂ tsá₃ ca₂jag'⁵⁴ léi₄ juē'₂ a₂dsi₂gó'₃ 'au'₂.

49 Jaun₂ ca₂juá'₂ dsa₂ i₂jme₂ti₃ ta₁ ne₄ rag⁵⁴ 'éi₂:

—Te₁gui'⁵⁴, i₂ñáu'₂ uē₃ ñia₅, né'₃ guē₄ a₂jón₂ chi'₂ quiáng₃.

50 Jaun₂ ně₃ ca₂juá'₂ Jesús:

—Guan'₂ bá₄ quiáng'₂; ia₁ i₂chan₂ bá₄ chi'₂ quiáng'₂.

Ca₂rē₃'én₂ bá₄ dsa₂ jág₁ a₂ca₂juá'₂ Jesús, jaun₂ ca₂ñái'₃.

51 Jaun₂ jme₁ma₂'ein⁵⁴ ju₁i₅ dsiáin'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

52 Jaun₂ ca₂ñag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ñi₁ caun₂ tē₂le₃ ca₂'láu₂,† ca₂jñia₃ dséi₂ a₂jme₁'i₁.

53 Jaun₂ ca₂rē₃lí₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rē₃'én₂ dsa₂ 'éi₂, quiain'⁵⁴ ta₁jñi₂ dsa₂ dsi₂néi₂ quió'₅.

* 4:42 A₂lin⁵⁴ chog⁵⁴ si: “Tē₃dsón'₂ bá₄ 'éi₂ lín₅ I₂rē₂'ín₁ quián₅ Diú₄, i₂lión₂ dsa₂ mi₂güig₃.” † 4:52 lit. “hora guio₃.”

⁵⁴ A₂në₅ jë₁ca₂tě₂ táng₃ léi₄ juë'₂ a₂ca₂jmo₃ Jesús, jme₁ca₂o₃'íin₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

² Jë₄ juig₂ Jerusalén jaun₂, cau₅ ja₁lě₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quian'₅₄ jág₁ arameo, ja₁lě₄ 'ñiá₂ corredor.

³ Ja₁jaun₂ jme₁tián'₄ 'uë₃ juin₅ dsa₂ i₂qui₂le₁dso'₅₄, jě₃ dsa₂ ten₄, dsa₂ guian'₅₄ quian'₅₄ dsa₂ 'lian'₂ ně₃, a₂chi₁jñia₂₃ a₂qui₃jě'₂ jmig₂. ⁴ Ia₁ jme₁lín₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jě'₂ jmig₂. Jaun₂ jui₁lia'₂ dsa₂ dso'₅₄ i₂'í₂ le₂'uíg₅₄ jmig₂ jě₁ma₂i₂bi₅₄, jme₁jñia₅ quió'₅, chi₂jua'₂ 'e₂ dso₄ jme₁lín₄.†

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂tě₂ guióg₂-guiá₂-jñiá₂ ñi₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rě₃lí'₄ ma₂líg'₂ bá₄ lín₅ le₂jaun₂, ca₂ñag₃:

—ĉ'Niog'₂ 'lióng'₂?

⁷ Jaun₂ ca₂ñag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá₂ 'ñió'₃ dsiog₅ jě₁ma₂tě₂ rě₁qui₃jě'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uíg₅₄.

⁸ Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ñi₄ ně₃.

⁹ Dsi₂jui₅ le₂jaun₂ bá₄ ca₂jñia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ñi₃. A₂jaun₂ ca₂lě₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmig₄ sa₅₄ bá₄ ně₃; tsá₃ 'i₄ 'éi'₃ caun'₅₄ tsi₁jein₁ quiáng'₂ jmig₄ ně₃.

¹¹ Jaun₂ ca₂ñag₃ dsa₂ 'éi₂:

—I₂ně₂jme₃'lió₂ jniá₂, ně₂juá'₂: “Chog'₅₄ tsi₁jein₁ quiáng'₂, ñi₄ ně₃.”

¹² Jaun₂ ně₃ ca₂ñag₃ táng₃ dsa₂ 'éi₂:

—ĉ'Ein₂ 'éi₂ ně₂juá'₂ a₂caun'₅₄ tsi₁jein₁ quiáng'₂, a₂ñí'₂ ně₃?

¹³ La₁ tsá₃ ñi₅ 'ein₂ 'éi₂ i₂ně₂jme₃'lió₂ quió'₅, ia₁ jme₁ma₂i₂cón₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

* 5:2 A₂lín₅₄ chog₅₄ si₂: “Betzata”; a₂siá'₂ ně₃: “Betsaida.” † 5:4 Chog₅₄ si₂ a₂dse₃ gué₄ tsá₃ chi₁ton₅ versículo 4.

—Jag₄ de'₂, në₃ lia'₂ ma'₂lóng'₂, tsá₃ ma₃lë'₁nau'₂dso₄, ia₁jaun₂ tsá₃ dsi₃ñí'₂ caun₂ jmi₁uig₅ 'ñio₅ guë'₄ con'₂ guë'₄ a₂jme₁líng'₄ le₂jñiá₅.

15 Jaun₂ ñá'₃ bá₄ dsa₂'éi₂, jaun₂ ca₂i₁chi'₄ dsa₂judíos, Jesús bá₄'éi₂ i₂ca₂jme₃'lió₂ quió'₅.

16 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,[‡] ia₁ jme₁tin₂ Jesús jme₁jmo₂₃ le₂në₅ jmig₄ sa₅₄.

17 La₁ ca₂juá'₂ Jesús ca₂tsí'₃ dsa₂judíos:

—Lia'₂ jmo₅ jaun₂ ñe'₃ ta₁ jñia'₅₄ jmig₄ në₃; ján₃ bá₄ le₂jaun₂ jmo₅ jñiá₂ ta₁.

18 'Uig₅₄ jaun₂, të₂le₃ i₂jui'₂ guë'₄ jme₁'nio₃ jñag'₃ dsa₂judíos, ia₁ on₃juá'₅₄ jmá'₃'éi'₃ jmig₄ sa₅₄ jmo₂₃ cau₅, ján₃ bá₄ ca₂të₂ jmo₂₃ a₂lín₅ co₂rín₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ñi'₅₄ Diú₄.

19 Jaun₂ në₃ ca₂juá'₂ Jesús ca₂tsí'₃ dsa₂judíos:

—A₂dsi₂jó'₃ juí'₂ jñiá'₂ 'nia'₂, tsá₃'e₂ lé₂ le₃jmo₃ Ja₁ñi'₅₄ 'i₁caun₂'ñiog₅; a₂jaun₂ bá₄ jmo₂₃ jui₁lia'₂ a₂jág₅ jmo₅ Jmei₂. Jui₁lia'₂'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ñi'₅₄ ján₃.²⁰ Ia₁'nio₃ Jmei₂'nioi₃ Ja₁ñi'₅₄, jaun₂'ë₂₃'ë'₃ Ja₁ñi'₅₄ ca₂le₃jé₃'e₂ a₂jmo₂₃. Të₂le₃ lë₅ guë'₄ juë'₂ ta₁ qui₃'ë₃, con'₂ guë'₄ a₂le₂la₂, ia₁jaun₂ qui₂dsi₃gó'₃'au'₂'nia'₂.²¹ Ia₁, jui₁lia'₂ jme₂jen'₅₄ Jmei₂ jme₂jei'₅₄'lag₄, cuë'₂₃ jme₂dsí₂ a₂le₃chain₂, ján₃ bá₄ le₂jaun₂ cuë'₅ Ja₁ñi'₅₄ jme₂dsí₂ cuë'₅ jui₁lia'₂ i₂'nio₃ cuë'₃.²² Jáñ₃ guë'₂, tsá₃ con₂ Jmei₂'í₁ quió'₅'i₁jan₂; o₄gú₃ Ja₁ñi'₅₄ bá₄ ma₂dsia₃ ca₂le₃jé₃'éi'₃ a₂con₂'í₁,²³ ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ñi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ñi'₅₄, tsá₃ jme₂gain₃ Jmei₂ i₂ca₂chei₃.

24 'A₂dsi₂jó'₃ juí'₂ jñiá'₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió₃, ton'₂'éin₂ të₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃'í₁ jíóg'₂ ja₁coin₂, ia₁ ma₂ca₂ñi₅ ne₄'mú₃, ma₂ca₂dsióg₃ ja₁le₃chain₂ co₂tan₅₄.²⁵ A₂dsi₂jó'₃ juí'₂ jñiá'₂ 'nia'₂, já₅ jmig₄ ton'₂ ma₂të₂ dsón'₂, jë₁ma₂të₂ rë₁nag₃'lag₄ jág₁ quió'₅ Ja₁ñi'₅₄ Diú₄. Jui₁lia'₂ i₂ne'₅₄ në₃, le₃chain₂ bá₄.²⁶ Ia₁ jui₁lia'₂ 'io₅ bí₂ Jmei₂ a₂le₃chain₂'ñiog₅, jáñ₃ bá₄ le₂në₅ ma₂cuë'₃ Ja₁ñi'₅₄ jui₅bí₂ a₂le₃chain₂'ñiog₅.²⁷ Jáñ₃ bá₄ ma₂cuë'₃ jui₅bí₂ a₂con₂'í₁ qui₃dsi₂₃'éi'₃, ia₁ lín₅ Jaun₅ dsa₂ mi₂güí'₃.²⁸ Tsá₃ lë₂jui₁dsi₂gó'₃'au'₂'nia'₂ jág₁ a₂në₂juá'₃ jñiá'₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁on₅ tau₂'ñio₅, jág₁ quió'₅,²⁹ jaun₂'uúin₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₁lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂të₃dsi₅₄'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

‡ 5:16 A₂lín₅₄ chog₅₄ si₂ a₂me'₂ guë'₄ juá'₂ jáñ₃: "a₂jme₁'nio₃ jñag₃."

30 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ ting₂ 'ñi₃ó.
Qui₂dsí₂ jniá₂ 'éi'₃ lia'₂ con'₂ lě₅ jág₁ a₂nég'₄ ja₁con₂ Ne'₃, jaun₂
dsi₂ten₅₄ bá₄ 'éi'₃ a₂qui₂dsí₂ jniá₂, ia₁ tsá₃ a₂jaun₂ jmo₅ jniá₂
lia'₂ con'₂ lě₅ a₂'ñio₂ dsi₃ 'ñi₃ó; a₂jaun₂ bá₄ jmo₅ jniá₂ lia'₂ con'₂
lě₅ a₂'ñio₂ dsi₅ 'éi₂ i₂ca₂chei₃ jniá₂. 31 Nē₁jua'₂ jáng'₅ jniá₂ jág₁
dsau₅ ja₁cong₂ 'ñi₃ó, jág₁ jaun₂ a₂jáng'₅, tsá₃ quen₅. 32 La₁ia₁
chan₂guē₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂
guion₄ jniá₂ jui₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅.
33 Ca₂chen'₂ 'nia'₂ dsa₂ a₂ca₂i₁ñag₁₂ ne₄ Juan₅₄, jaun₂ dsón'₂ tí₅
bá₄ jág₁ dsau₅ a₂ca₂jáng'₃ 'éi₂. 34 La₁ia₁ on₃jua'₅₄ jaun₂ chén'₅
jniá₂ rē₂ ia₁ a₂jáng'₅ dsa₂ mi₂güí₃g, jág₁ dsau₅ tē₂le₃ quió₃ jniá₂;
a₂jaun₂ bá₄ juí₂g jniá₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂.
35 Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂
'nia'₂ nē₃, jme₁ma₂'éi'₂ caun₂ 'au'₂ a₂jmo'₂ co₂'na₂ 'io'₂ ja₁tág₅ si₂
quió'₅. 36 La₁ia₁ jniá₂ nē₃, 'ñio₅₄ jan₂ i₂jáng'₅ jág₁ dsau₅ i₂juin'₂
guē₄ lia'₂ con'₂ guē₄ Juan₅₄. Ia₁ jui₁lia'₂ léi₄ a₂jmo₅ jniá₂, a₂jaun₂
ca₂cuē₃ Ne'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄
ca₂chei₃ Ne'₃. 37 Ján₃ bá₄ le₂jaun₂, 'ñiog₅ bá₄ Ne'₃ jniá₂ i₂ca₂chei₃,
jáng'₅ 'éi₂ jág₁ dsau₅ tē₂le₃ quió₃ jniá₂. 'Nia'₂ nē₃, lia'₂ 'i₁cón'₂
tsá₃ ma₂nei'₂ 'nia'₂ jág₁ quió'₅, on₃ guē'₂ ma₂jin'₅₄ 'nia'₂ 'a₂ lia'₂
lín₅, 38 on₃ guē'₂ ma₂tē₁gua₁ jág₁ quió'₅ tē₂'au'₂, ia₁ tsá₃ 'én'₂
'nia'₂ tē₂le₃ quió'₅ 'ñiog₅ i₂ca₂chein₃. 39 A₂'i'₂ 'nia'₂ Si₂ quió'₅ Diú₄
ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃
quian'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂.
40 Jaun₂ 'nia'₂ nē₃, tsá₃ 'niog'₂ i₁nóg'₅ ne₃ jniá₂ ia₁jaun₂ le₃chan'₂
'nia'₂.

41 'Tsá₃ gue₅ jniá₂ a₂jme₂juag'₂ dsa₂ mi₂güí₃g. 42 La₁ cuín₅
jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ tē₂'au'₂ 'nia'₂
a₂niog₅ dsi₅ Diú₄ a₂'nioi₃ 'nia'₂. 43 O₄quió'₄ Ne'₃ bá₄ jniá₂ guio₃,
'nia'₂ guē'₂ tsá₃ guéi'₅ jniá₂; la₁ia₁ nē₁jua'₂ ca₂já₃ jan₂ o₄quió'₄
'ñiog₅, i₂'éi₂ bá₄ guén'₄ 'nia'₂. 44 ħ'A₂lia'₂ lé₂ le₃'én'₂ 'nia'₂, chi₂jua'₂
jaun₂ 'náu'₂ a₂tíong'₂ rē₂ quiang'₅₄ ríng'₂, tsá₃ guē'₂ 'náu'₂ 'nia'₂
a₂qui₁náu'₂ rē₂ quiang'₅₄ Diú₄? 45 Tsá₃ o₁len'₂ 'nia'₂ jua'₅₄ a₂'nág₄
jniá₂ ne₄ Ne'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂
bá₄ 'ín₂ 'au'₂ 'nia'₂. 46 Ia₁ jua'₅₄ mei'₂ guē₃ ca₂rē₃'éng'₂ jág₁ quió'₅
Moisés, ján₃ bá₄ le₂jaun₂ jme₁le₃'éng'₂ jág₁ quió₃, ia₁ jniá₂ bá₄
ca₂'ag₃ Moisés ne₄ Si₂. 47 La₁ chi₂jua'₂ tsá₃ 'én'₂ guē'₂ 'nia'₂ jág₁
a₂ca₂tó'₂ 'éi₂ ne₄ Si₂, ħ'a₂ guē'₂ lia'₂ lé₂ le₃'én'₂ 'nia'₂ jág₁ a₂juá'₅
jniá₂?

6

Ca₂ñi'₃ Jesús 'ñiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

1 Cang₂ jaun₂ ca₂ηó₃ Jesús tē₂le₃ quióng₄ ca₂taun₂ jmi₁ηí'₄ Galilea, (a₂chei₂ jmi₁ηí'₄ Tiberias). 2 Jaun₂ ca₂i₃lén₂ juin₅ lin₃ dsa₂ chi₁co'₅₄ quió'₅, ia₁ ma₂jág₃ léi₄ juē'₂ a₂ma₂jmo₃, a₂qui₂ma₂ca₂jme'₂lióin₂ dsa₂ i₂jme₁le₁dso'₅₄. 3 Jaun₂ ně₃ ca₂uig₂ Jesús caun₂ má'₂, jaun₂ ca₂guá'₂ ja₁jaun₂ quiain'₅₄ chi'₂ dsi₂guia₃-tín₂ quiáin₅.

4 Jmig₄ jaun₂, jme₁ma₂ja₂quián₃ Jmig₄ Tē₂'in₅₄, co₂'nió'₄ jmig₄ quió'₅ dsa₂ judíos.

5 Jme₁ca₂jág₃ Jesús ca₂jín₂ juin₅ lin₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:

—¿A₂já'₄ dsi₁liá'₄ má₃ a₂guē'₃ ca₂le₃jín₃ dsa₂ ně₅?

6 A₂jaun₂ bá₄ ca₂juá'₂ Jesús le₂nē₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ηiog₅ 'e₂ a₂jmo₃.

7 Jaun₂ ně₃ ca₂ηag₃ Fe₂li₄:

—Tín₃ 'ηiá₂-láu₂ denario i₁ηí'₄ tsá₃ len₅ bá₄ guē₄ a₂ηe₂ jma₃ca₂juig₄ le₂jan₂ le₂jan₂ dsa₂.

8 Jaun₂ ně₃ ca₂ηag₃ guē₄ jan₂ chi'₂ dsi₂guia₃-tín₂ quián₅ Jesús, i₂jme₁chen₂ Drē₄ rin'₅₄ Si₂mu₅₄ Pe₄:

9 —Jē₄ la₂ 'en₅₄ jan₂ i₂bē'₅₄ i₂quian₅ 'ηiá₂ i₁ηí'₄ cebada, quian'₅₄ guē'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂nē₅?

10 Jaun₂ ně₃ ca₂juá'₂ Jesús:

—Chei'₅₄ dsa₂ ca₂le₃jín₃ ju₁tiain'₂₃.

'Lióng₂ ηi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ηe'₂, i₂jme₁lē₂ con'₂ 'ηiá₂ mei₅ dsa₂.

11 Jaun₂ ně₃ ca₂can₃ Jesús i₁ηí'₄, jaun₂ jme₁ma₂nē₂cuē'₃ ti₁'mag'₄ Diú₄, qui₂ca₂dsió'₃ ca₂cuē'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuē'₃ ca₂le₃jín₃ dsa₂ 'a₂ con'₂ ηia'₅₄ 'nio₃.

12 Jaun₂ jme₁ma₂lí'₃ dsa₂ guē'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ηí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

13 Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ηiá₂ i₁ηí'₄ cebada jaun₂.

14 Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'ē₂ jág₁ quián₅ Diú₄, i₂lē₅ jág₁ jiá₃ mi₂güig₃.

* 6:11 A₂lin₅₄ chog₅₄ si₂ a₂me'₂ guē₄ juá'₂: "jme₁ma₂nē₂cuē'₃ ti₁'mag'₄ Diú₄, jaun₂ ca₂cuē'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ ně₃ qui₂ca₂dsió'₃ ca₂cuē'₃ ca₂le₃jín₃ dsa₂."

15 La₁ ca₂rë₃lí₄ bá₄ Jesús a₂'nio₃ dsa₂ jme₁të₂ tion₅₄, a₂jme₁jmoí₂ 'éi₂ rag₅₄, jaun₂ ca₂ñái₃ bá₄ táng₃ ca₂'í₃ má'₂ con'₂ 'ñiog₅.

Ca₂ñi₃ Jesús ne₄ jmi₂g₂ jmi₁ñí₄
(Mateo 14:22-27; Marcos 6:45-52)

16 Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quiáin₅ ca₂të₂ jmi₁ñí₄.

17 Jaun₂ ca₂tóin'₂ 'ñió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁ñí₄ a₂dsi₃léin₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ guë₄ Jesús.

18 Jaun₂ ca₂rë₃lióg₃ ca₂'ág₂ dsí₂ tiá₂ lin₃, jaun₂ qui₂ca₂ron'₂ jmi₁ñí₄.

19 Jme₁ma₂'ain₂ con'₂ 'ñiá₂-ñéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ñi₂₃ ne₄ jmi₂g₂; jaun₂ ca₂rë₃gó'₅ 'ñio₅ lin₃.

20 La₁ia₁ ca₂juá'₂ Jesús:

—jñiá₂ bá₄ la₂; tsá₃ lë₁jmo₂ 'nia'₂ gang'₃!

21 Jaun₂ në₃ ca₂lia'₂ 'io'₂ jén'₅ bá₄ ca₂guein₃† Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃léin₂ chei'₅₄ 'uë₃ ja₁jme₁tioin'₅₄ jui₅ i₃léin₂.

'Nau'₂ dsa₂ 'nai'₂ Jesús

22 Jme₁ca₂ñia₃ jaun₂, ca₂rë₃lí₄ dsa₂ i₂të₁'ñiá₄ të₂le₃ quióng₄ ca₂taun₂ jmi₁ñí₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quian'₅₄ chi'₂ dsi₂guia₃-tín₂; guion₅₄ bá₄ chi'₂ dsi₂guia₃-tín₂ i₃léin₂.

23 La₁ të₂lia'₂ jaun₂, o₃lé₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lé₂ quián₅ ja₁ca₂guë'₃ i₁ñí'₄ le₂jñiá₅ jme₁ca₂lë₃ cuë'₅ Te₁gui'₅₄ ti₁'mag'₄ Diú₄.‡

24 Jaun₂ në₃, jme₁ca₂rë₃lí₄ dsa₂ a₂tsá₃ Jesús chan₂ ja₁jaun₂, on₃ guë'₂ chi'₂ dsi₂guia₃-tín₂ quiáin₅, ca₂i₃toin'₅₄ 'ñió'₃ tsi₁mu₅, ca₂i₃léin₂ jui₅ Capernaum ca₂i₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsi₃lén₂ dsa₂ të₂le₃ quióng₄ ca₂taun₂ jmi₁ñí₄, ca₂dsáin'₂ Jesús, jaun₂ ca₂ñag₃:

—Të₅, ¿líg'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó'₃ juig₂ jniá₂ 'nia'₂, a₂'nau'₂ jniá₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rë'₂ ia₁ a₂ca₂rë₃ñí'₂ 'nia'₂ léi₄ jaun₂. 27 Tsá₃ lë₁jmo₂ 'nia'₂ ta₁ o₄quió'₄ má₃ a₂jñia'₅₄ con'₂ dsi₃'én₂, të₂le₃ o₄quió'₄ má₃ a₂jñiog₅ co₂tan₅₄ bá₄ jmo₄ 'nia'₂

† 6:21 o₃, “jme₁guein₃.”

‡ 6:23 A₂lín₅₄ chog₅₄ si₂ tsá₃ chi₁ton₅ “jme₁ca₂lë₃ cuë'₅ Te₁gui'₅₄ ti₁'mag'₄ Diú₄.”

ta₁, a₂cuë₅ Jaun₅ dsa₂ mi₂güig₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jmei₂ léi₄ quió'₅.

28 Jaun₂ ně₃ ca₂ṇag₃ dsa₂:

—ĸ'E₂ 'nió'₅ jmó₁ jnia'₅₄ ia₁jaun₂ lé₂ le₃jmó₁ jnia'₅₄ ta₁ a₂'nio₃ Diú₄ jmó₁?

29 Jaun₂ ca₂ṇag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ tē₂le₃ quió'₅ i₂chen₄ quiáin₅.

30 Jaun₂ ně₃ ca₂ṇag₃ dsa₂:

—ĸ'E₂ léi₄ lé₂ le₃'ě'₂ jnia'₅₄, ia₁jaun₂ jag₅₄ jnia'₅₄ jaun₂ le₃'éin₂ jnia'₅₄ quiáng'₂? ĸ'E₂ léi₄ jmó'₂? 31 Dsa₂ can'₅₄ quián₂ jnia'₅₄ ma₂líg'₂, ca₂guě'₃ i₁ñí'₄ maná, lia'₂ con'₂ jme₁tioin'₅₄ 'uě₃ quein₂ co₂'ñiog₅ jaun₂, jui₁lia'₂ juá'₂ ne₄ Si₂ quió'₅ Diú₄: “Ca₂cuë₃ Moisés ca₂guě'₃ 'éi₂ i₁ñí'₄ a₂ca₂já₃ guei'₅₄ i₂juíg₃.” Š

32 Jaun₂ ca₂ṇag₃ Jesús:

—A₂dsi₂jó'₃ juíg₂ jniá₂ 'nia'₂: on₃jua'₅₄ Moisés i₂ca₂cuë₃ i₁ñí'₄ a₂já₅ guei'₅₄ i₂juíg₃; Ñe'₃ bá₄ jniá₂ i₂cuë'₅ 'nia'₂ i₁ñí'₄ tē₃dsón'₂ a₂já₅ guei'₅₄ i₂juíg₃. 33 Ia₁ jui₁lia'₂ i₁ñí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sión₃ guei'₅₄ i₂juíg₃, i₂jmo₅ a₂le₃chan₂ dsa₂ co₂tan₅₄.

34 Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuë₄ lia'₂ o₂jmig₄ i₁ñí'₄ a₂'ě'₂ 'ne₂ ně₅.

35 Jaun₂ ca₂juá'₂ Jesús:

—Jniá₂ bá₄ lín₅ i₁ñí'₄ a₂jmo₅ a₂le₃chan₂ dsa₂. Jui₁lia'₂ i₂ja₂ ja₁con₂ jniá₂, lia'₂ o₁líg'₂ jmig₄ tsá₃ ma₂lé₂ i₁cón'₅; ján₃ bá₄ le₂jaun₂ jui₁lia'₂ i₂'én₂ tē₂le₃ quió₃ jniá₂, lia'₂ o₁líg'₂ jmig₄ tsá₃ ma₃le₃quein₂ dsí₅. 36 La₁ jui₁lia'₂ ma₂ně₂juíg₂ jniá₂ 'nia'₂, tsá₃ 'én'₂ 'nia'₂ o₁ñia'₅₄ ma₂ně₂jag₅₄ 'nia'₂ jniá₂. 37 Ca₂le₃jín₃ jui₁lia'₂ dsa₂ i₂cuin₅ Ñe'₃ cui₂g₂₃ jniá₂, ja₃léin₂ ja₁con₂ jniá₂; jaun₂ jui₁lia'₂ i₂ja₂ ja₁con₂ jniá₂, lia'₂ o₁'e₂ guě₃ tsá₃ dséin₄ jniá₂. 38 Ia₁ on₃jua'₅₄ jaun₂ guio₃ jniá₂ ca₂sión₃ guei'₅₄ i₂juíg₃ jua'₅₄ a₂jmo₅₄ a₂'ñio₂ dsi₃ 'ñió₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃. 39 A₂la₂ bá₄ a₂'ñio₂ dsí₅ i₂ca₂chei₃: a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jein'₅₄ bá₄ jniá₂ jmig₄ jē₁ca₂tó'₂. 40 A₂la₂ bá₄ a₂'ñio₂ dsí₅ Ñe'₃: jui₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá₂ ně₃ jme₁jein'₅₄ jmig₄ jē₁ca₂tó'₂.

41 Quian'₅₄ jág₁ ně₅ ca₂jme₃lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂ně₂juá'₂: “Jniá₂ bá₄ lín₅ i₁ñí'₄ i₂ca₂sión₃ guei'₅₄ i₂juíg₃.”

42 Jaun₂ ca₂juá'₂:

—¿On₃jua'₅₄ i₂në₅ Jesús ja₁ñi'₅₄ Së₄? I₂cuin₅ bá₄ jniog₄ chog₅₄-
jmei₂ i₂në₅. ¿'A₂ guë'₂ lia'₂ juá'₂ a₂ca₂sióin₃ guei'₅₄ i₂juíg₃?

43 Jaun₂ në₃ ca₂juá'₂ Jesús:

—Tsá₃ lë₁ma₃chi₂'ág₅ 'nia'₂. 44 Lia'₂ 'i₁jan₂ tsá₃ lé₂ jiá₃ ja₁con₂
jniá₂, jua'₅₄ tsá₃ o₂jio₃ Ñe'₃ i₂ca₂chei₃; jaun₂ jniá₂ jme₁jei'₅₄
jmig₄ jë₁ca₂tó'₂. 45 Le₂la₂ ca₂tó'₂ ne₄ Si₂ dsa₂ i₂jme₁'ë₂ já₃
o₄quió'₄ Diú₄: “Diú₄ bá₄ jme₃tag₅ jme₃tin₂₃ ca₂le₃jín₃ dsa₂.”*
Jaun₂ ca₂le₃jín₃ ju₁lia'₂ i₂nag₅ já₃ quió'₅ Ñe'₃, ton'₂ qui₂rë₂tin₂
'e₂ a₂jmo₅ 'éi₂, ja₃léin₂ bá₄ ja₁con₂ jniá₂. 46 On₃jua'₅₄ rë'₂ ia₁
'ein₂ ma₂jín₂ Jmei₂. Jñia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄
ma₂jín₂ Jmei₂. 47 A₂dsón'₂ juíg₂ jniá₂ 'nia'₂, ju₁lia'₂ i₂'én₂,†
le₃chain₂ co₂tan₅₄. 48 Jniá₂ bá₄ líng₅ i₁ñí'₄ a₂jmo₅ a₂le₃chan₂
dsa₂. 49 Qui₂ca₂guë'₃ dsa₂ can'₅₄ quián'₂ 'nia'₂ i₁ñí'₄ maná, lia'₂
con'₂ jme₁tioin'₅₄ 'uë₃ quein₂ co₂'ñiog₅ jaun₂, la₁ ca₂dsain₃ bá₄.
50 A₂la₂ bá₄ lë₅ i₁ñí'₄ a₂ca₂sió₃ guei'₅₄ i₂juíg₃ ia₁jaun₂ në₃jua'₂
'ein₂ ca₂guë'₃, tsá₃ dsiáin₃. 51 Jniá₂ bá₄ líng₅ i₁ñí'₄ jén'₃ i₂ca₂sió₃
guei'₅₄ i₂juíg₃ jaun₂; ju₁lia'₂ i₂guë'₅ i₁ñí'₄ la₂, le₃chain₂ co₂tan₅₄.
I₁ñí'₄ ju₁lia'₂ a₂juá'₅ jniá₂ cuë₅₄, ni₁ñi₃ 'ñi₃ó₃ bá₄ jniá₂ 'ë₂₃, a₂jáng'₄
jniá₂ ia₁jaun₂ le₃chan₂ dsa₂ mi₂güí₃.

52 Jaun₂ në₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuë₃ i₂në₅ ñi₅₄ 'ñiog₅ a₂que₅₄ jniog₄?

53 Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, në₃jua'₂ tsá₃ ca₂qué'₂ 'nia'₂ ñi₄
Jaun₅ dsa₂ mi₂güí₃, në₃jua'₂ tsá₃ ca₂'én'₂ 'nia'₂ jmi₂ 'ain₅₄ në₃,
tsá₃ jén'₃ 'nia'₂ të₁lia'₂ chang'₂. 54 Ju₁lia'₂ i₂guë'₅ ñi₃ jniá₂, ton'₂
'ín'₂ jmi₃ jniá₂ në₃, le₃chain₂ bá₄ co₂tan₅₄; jaun₂ jniá₂ jme₁jei'₅₄
jmig₄ jë₁ca₂tó'₂. 55 Ia₁ ni₁ñi₃ jniá₂ bá₄ lë₅ má₃ a₂tí₅ dsón'₂; já₃
bá₄ le₂jaun₂ jmi₃ jniá₂ lë₅ jmig₂ a₂'ág'₃ dsí₅ tē₃dsón'₂. 56 Ju₁lia'₂
i₂guë'₅ ñi₃ jniá₂, ton'₂ 'ín'₂ jmi₃ jniá₂ në₃, tē₂'ñiai₅₄ le₃qui₃ó₃ jniá₂;
jniá₂ guë'₂ le₃qui₃ó'₅ 'éi₂. 57 Ju₁lia'₂ ca₂chei₃ Ñe'₃ jén'₃ ca₂chei₃
jniá₂, jaun₂ chan₂ jniá₂ 'uig₅₄ quió'₅ 'éi₂, já₃ bá₄ le₂jaun₂, ju₁lia'₂
i₂guë'₅ qui₃ó₃ jniá₂, le₃chain₂ 'uig₅₄ qui₃ó₃ jniá₂. 58 A₂la₂ bá₄ 'ë₂₃
i₁ñí'₄ i₂ca₂sió₃ guei'₅₄ i₂juíg₃. Qui₂ca₂guë'₃ dsa₂ can'₅₄ quián'₂
'nia'₂ i₁ñí'₄ maná, la₁ ca₂dsain₃; la₁ ju₁lia'₂ i₂guë'₅ i₁ñí'₄ la₂,
le₃chain₂ bá₄ co₂tan₅₄.

59 Já₃ në₅ ca₂juá'₂ Jesús të₁lia'₂ ca₂jme₃tag₂₃ dsi₂néi₂ guá'₅
sinagoga jë₄ juíg₂ Capernaum.

Já₃ a₂le₃chan₂ dsa₂ co₂tan₅₄

60 Jme₁ca₂nág₂ dsa₂ já₃ jaun₂ a₂jme₂tag₅ Jesús, juin₅ dsa₂
i₂quian'₅₄ Jesús ca₂juá'₂:

* 6:45 Isaiás 54:13. † 6:47 A₂lin₅₄ chog₅₄ si₂ juá'₂: “i₂'én₂ tē₂le₃ qui₃ó₃ jniá₂.”

—Jág₁ a₂juá'₂ nē₅ 'ñio₅ lin₃ juí'₅, quian₅ ta₁ guéi₁. ¿'Ein₂ bá₄ lé₂ le₃tón'₂ juí₅ quió'₅?

⁶¹ Jaun₂ nē₃ ca₂rē₃lí'₄ Jesús 'e₂ jág₁ chen₅ dsa₂ tioin'₅₄, o₄quió'₄ jág₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jág₁ nē₅? ⁶² ¿'E₂ bá₄ lé₂ jaun₂ nē₃juá'₂ ca₂jing'₅₄ 'nia'₂ Jaun₅ dsa₂ mi₂güig₃ a₂uig₂ táng₃ ja₁jme₁'ein₅₄ le₂jníá'₅? ⁶³ Jme₂dsí₂ bá₄ i₂jmo₅ a₂chan₂ dsa₂; juí₁lia'₂ ni₁ñi₁ dsa₂ nē₃, tsá₃ ta₁ tí₄. La₁ jág₁ a₂ma₂nē₂juig₂ jniá'₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. ⁶⁴ La₁ tion'₅₄ bá₄ gué₄ i₂lin₅₄ 'nia'₂ i₂tsá₃ 'én₂.

Ia₁ jme₁ma₂ñi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ gué'₂ i₂jáng'₂ cang₂.

⁶⁵ Jaun₂ ca₂juá'₂:

—'Uig₅₄ jaun₂ ma₂nē₂juig₂ jniá'₂ 'nia'₂, lia'₂ 'i₁jan₂ tsá₃ lé₂ jiá'₃ ja₁con₂ jniá'₂ jua'₅₄ tsá₃ o₂jio₃ Ñe'₃.

⁶⁶ Ca₂le₃jaun₂, juí₅ dsa₂ i₂jme₁i₂nio₄ quiaín'₅₄ Jesús ca₂i₃uín₂ cau₅, tsá₃ ma₃jme₁i₂nioi₅₄ quiaín'₅₄ 'éi₂.

⁶⁷ Jaun₂ nē₃ ca₂ñag₃ Jesús ca₂ñí'₃ chí'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

⁶⁸ La₁ ca₂ñag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náu₄ jnia'₅₄? Ia₁ 'ne₂ bá₄ 'au'₂ jág₁ a₂le₃chong₂ jnia'₅₄ co₂tan₅₄. ⁶⁹ Ma₂ca₂rē₃'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂ñi₅ quián₅ Diú₄.[‡]

⁷⁰ Jaun₂ ca₂ñag₃ Jesús:

—¿On₁jua'₅₄ jniá'₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jē₄ quián'₂ 'nia'₂ lín₅ i₂'lín'₅₄.

⁷¹ (A₂ca₂juá'₂ Jesús le₂nē₅ a₂'iin₂₃ Judas bá₄, ja₁ñi'₅₄ Si₂mu₅₄ Iscariote, § ia₁ Judas bá₄ i₂jáng'₂ quió'₅, o₁ñia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rín'₅₄ Jesús jág₁ quió'₅

¹ Cang₂ jaun₂, ca₂ñi₃ Jesús 'uē₃ Galilea; a₂tsá₃ 'nio₃ dsi₃ñí₃ jē₄ 'uē₃ Judea, ia₁ ja₁jaun₂ jme₁'nio₃ dsa₂ judíos jñag'₃.

² La₁ia₁ jme₁ma₂ja₂quián₃ Jmí₄ quió'₅ Tsí₁'io₅ Láu₃, jmí₄ quió'₅ dsa₂ judíos, ³ jaun₂ ca₂juá'₂ rín'₅₄ Jesús:

—Tsá₃ lē₁jan₁ ja₁lá₃; gua₂ juí₅ Judea, ia₁jaun₂ jág₃ dsa₂ i₂quiang'₅₄ léi₄ a₂jmo'₂. ⁴ Ia₁ juí₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ juí₁lia'₂ a₂tíin₂₃ jē₄ chí₁'ma₁. Chí₂jua'₂ dsón'₂ jmo'₂ léi₄ le₂nē₅, jmo₄ tē₃ jág₅ dsa₂ juín₅.

[‡] 6:69 A₂lín₅₄ chog₅₄ si₂ juá'₂. “Ne₂ bá₄ líng'₅ I₂rē₂'ín₁ quián₅ Diú₄; 'ne₂ bá₄ líng'₅ Ja₁ñi'₅₄ Diú₄ jén'₃.” § 6:71 A₂lín₅₄ chog₅₄ si₂ juá'₂: “Judas Iscariote, ja₁ñi'₅₄ Si₂mu₅₄.”

⁵ Ia₁ ca₂lia'₂ j₂n₁ia'₅₄ r₁in'₅₄ bá₄ Jesús tsá₃ jme'₁éin₂ le₃quió'₅.

⁶ Jaun₂ ně₃, ca₂juá'₂ Jesús ca₂tsí'₃ riin'₅₄:

—Tsá₃ ma₂tě₂ bá₄ guě₄ hora quió₃ jniá₂, la₁ia₁ tē₂le₃ quián'₂ 'nia'₂, jua'₅₄ 'e₂ guě₃ hora bá₄ dse₃. ⁷ Tsá₃ lé₂ le₃jme₃'iog₅₄ dsa₂ mi₂güig₃ jme₃'ñiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsáu₅. ⁸ O₂nó'₅ 'nia'₂ guiong'₅₄ jmig₄; tsá₃ nei₅₄ jniá₂, ia₁ tsá₃ ma₂dsin₃ guě₄ hora quió₃.

⁹ Jme₁ma₂ně₂chí'₃ riin'₅₄ le₂ně₅, ca₂j₂n₁ia₃ jě₄ 'uě₃ Galilea.

Nó₃ Jesús Jmíg₄ quió'₅ Tsi'₁io₅ Láu₃

¹⁰ La₁ cang₂ guě₄ jaun₂, jme₁ma₂i₂lén₂ r₁in'₅₄ Jesús, ján₃ bá₄ ca₂ñó₃ 'éi₂ jmig₄ jaun₂, o₁j₂n₁ia'₅₄ ca₂ñó₃ tē₃ tsá₃ jme₂li₅₄ j₁n₄ dsa₂ juin₅. Mei'₂ tsá₃ con'₂ tē₃co'₅₄ bá₄ ñó₃.

¹¹ Jaun₂ lě₃, ca₂i₁nio₁ dsa₂ judíos 'nai'₂ Jesús ja₁nio₅ jmig₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹² J₁n₄ dsa₂ guě'₂, juin₅ i₂dsia₅ tē₂'ua₁ j₁n₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guě'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jiá₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmig₄ jme₁ma₂tě₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿A₂ lia'₂ 'ñí₄ lě₃ ma₂tin₂ si₂ i₂ně₅ tē₃ tsá₃ si₂ ca₂'í₂?

¹⁶ Jaun₂ ca₂ñag₃ Jesús:

—Ju₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñi₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lě₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ñi₃. ¹⁸ Ju₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ ju₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

¹⁹ ¿On₁jua'₅₄ Moisés ca₂cuě₃ 'Éi'₃ ca₂cuě'₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lě₃ 'niog'₂ 'nia'₂ jnág'₄ jniá₂?

²⁰ Jaun₂ ca₂ñag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ ně₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁j₂n₁ia'₅₄ tē₃ lě₅ jmig₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂

'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uë₃ 'Éi'₃ quió'₅ Moisés, ¿'e₂ lë₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₁jain₂, të₃ jmig₄ sa₅₄?²⁴ Tsá₃ lë₃ cáun₂ 'nia'₂ 'í₁ a₂jñia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

²⁵ Jaun₂ në₃ ca₂jme₃lióg₃ qui₂ca₂ñag₃ i₂lin₅₄ dsa₂ chan₂ Jerusalén qui₂ca₂ñí'₃ riin'₅₄:

—¿On₁jua'₅₄ i₂në₅ 'na'₂ dsa₂ a₂jñag'₃ i₂nioi₅₄?²⁶ Ó₃ bá₄ guë'₂ 'ein₅₄ dsia₂₃ lia'₂ rë₂jíá₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rë₃ñi₅ dsi₂tan₅₄, a₂lín₅ dsa₂ në₅ I₂rë₂'ín₁ quián₅ Diú₄?²⁷ La₁ ne₄ bá₄ jniog₄ a₂já'₄ já₅ i₂në₅; a₂dsau₅, jë₁ma₂të₂ rë₁jiá₃ I₂rë₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

²⁸ Jaun₂ lë₃, të₁lia'₂ 'en₅₄ Jesús jme₂tñin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¿Cuig'₂ bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guë'₂ guio₃ jniá₂! La₁ on₃jua'₅₄ o₄quió₃ 'ñió₃ guio₃; të₂le₃ o₄quió'₄ i₂ca₂chei₃ i₂të₃dsón'₂ bá₄ guang₃. I₂'éi₂ guë'₂, tsá₃ cuin'₂ 'nia'₂.²⁹ La₁ia₁ jniá₂ cuiñ₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ në₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂të₂ bá₄ guë'₄ hora quió'₅.

³¹ La₁ia₁ juin₅ dsa₂ 'éi₂ ca₂rë₃'én₂ jág₁ quió'₅, jaun₂ juá'₂:

—Jë₁ma₂të₂ rë₁jiá₃ I₂rë₂'ín₁ quián₅ Diú₄, ¿O₃ bá₄ le₃qui'₅₄ jmig₄ jmo₃ léi₄ a₂juë'₂ guë'₄ lia'₂ con'₂ guë'₄ a₂jmo₅ i₂në₅?*

Ca₂chen₃ dsa₂ fariseos chi'₂ 'í'₅₄ quián₅ guá'₅ a₂tsáin'₂ Jesús

³² Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iñ₂₃ Jesús; jaun₂ dsa₂ fariseos 'éi₂ quiaín'₅₄ juig₅₄ jme₂dsa₂, ca₂chein₃ chi'₂ 'í'₅₄ quián₅ guá'₅ a₂tsáin'₂ Jesús jaun₂ të₂.³³ Jaun₂ në₃ ca₂juá'₂ Jesús:

—Me'₂ bá₄ jmig₄ 'ú₄ jniá₂ jin'₂ 'nia'₂, jaun₂ guë'₄ nég'₄ táng₃ ja₁con₂ i₂ca₂chei₃.³⁴ 'Nau'₅₄ 'nia'₂ jniá₂ i₁niog'₄, la₁ia₁ tsá₃ dsiog'₂ 'nia'₂; ia₁ tsá₃ lé₂ o₁nó'₅ 'nia'₂ ja₁nég'₄.

³⁵ Jaun₂ në₃, ca₂jme₃lióg₃ dsa₂ judíos qui₂ca₂ñí'₃ riin'₅₄:

—¿A₂já'₄ dsi₂jio₅ dsi₅ i₂në₅ dsó₃, a₂tsá₃ dsiaín'₂ jniog₄? ¿On₃ bá₄ dsó₃ jin₄ dsa₂ go₄ jniog₄ i₂tián'₅ tsi₁rë₂jan₅₄ jin₄ dsa₂ griegos, ia₁jaun₂ jme₃tñin₂₃ dsa₂ griegos? ³⁶ ¿'E₂ jein₅ jág₁ a₂në₂juá'₂ në₅: "'Nau'₅₄ 'nia'₂ jniá₂ i₁niog'₄, la₁ia₁ tsá₃ dsiog'₂ 'nia'₂, ia₁ tsá₃ lé₂ o₁nó'₅ 'nia'₂ ja₁nég'₄"?

Ju₁lia'₂ caun₂ jmig₂ cuá'₃ jén'₃

³⁷ Jm₃ig₄ juë'₂ dé₄ dsón'₂ jë₁ca₂tó'₂ quió'₅ jmig₄, ca₂nau₂ Jesús, jaun₂ ca₂juá'₂ tiá₂:

* 7:31 'Nio'₂ ja₁ton₅ Isaías 35:5-6.

—Në₁juá'₂ 'ein₂ rë₂quein₂ dsí₅, juí₁lia₂ ja₁con₂ jniá'₂, juí₁'en'₅₄ jmi₂.³⁸ Juí₁lia'₂ juá'₂ Si₂, juí₁lia'₂ dsa₂ i₂'én₂ tē₂le₃ quió'₃ jniá'₂, 'iá₃ tē₂tsí₅ nē₂jag₄ bá₄ jmi₂ cuá₃ a₂jén'₃.†

³⁹ La₁ a₂juá'₂ le₂nē₅ a₂'iin₂₃ Jme₂dsí₂ Jnió₅ i₂jme₁ma₂'i₄ 'éi'₃ guen₃ dsa₂ i₂'én₂ tē₂le₃ quió'₅; ia₁ tsá₃ jme₁ma₂guan₅ bá₄ guē₄ Jme₂dsí₂, ia₁ tsá₃ guē₄ jme₁ma₂ca₂rē₃juin'₂ Jesús.

Ca₂lë₃ le₁dson'₅₄ dsa₂

⁴⁰ I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂nē₅ dsa₂ i₂'ë₂ jág₁ quián₅ Diú₄ i₂lë₅ jág₁ jiá₃ 'éi₂.

⁴¹ I₂lin₅₄ guē'₂ juá'₂:

—I₂rē₂'ín₁ quián₅ Diú₄ bá₄ nē₅.

La₁ia₁ i₂sián'₂ guē'₂ ca₂juá'₂:

—¿A₂ bá₄ lia'₂ lé₂ le₃chan₂ Galilea I₂rē₂'ín₁ quián₅ Diú₄?

⁴² ¿Tsa₁ juá'₂ Si₂, tsi₁jon₂ Rag₅₄ David bá₄ tion₅₄ lén₂ I₂rē₂'ín₁ quián₅ Diú₄, jaun₂ jë₄ juig₂ Belén bá₄ le₃chain₂, juig₂ go₄ David 'ñiog₅?

⁴³ Jaun₂ nē₃, le₁dson'₅₄ bá₄ dsa₂ ca₂lë₃ o₄quió'₄ Jesús.

⁴⁴ Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ tē₂le₃ quió'₅ Jesús

⁴⁵ Jaun₂ ca₂dsi₃len₃ táng₃ chi'₂ 'i'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quian'₅₄ dsa₂ fariseos, jaun₂ ca₂ñag₃ 'éi₂ ca₂ñi'₃ chi'₂ 'i'₅₄:

—¿E₂ 'uig₅₄ tsá₃ nē₂te'₅₄ 'nia'₂ 'éi₂?

⁴⁶ Jaun₂ ca₂ñag₃ chi'₂ 'i'₅₄:

—¡Lia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ juí₁lia'₂ juá'₂ dsa₂ 'éi₂!

⁴⁷ Jaun₂ nē₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ ján₃?

⁴⁸ 'I₁jan₂ dsa₂ can'₅₄ juig₅₄ jniog₄, on₃ guē'₂ dsa₂ fariseos, tsá₃ ma₂ca₂rē₃'én₂ le₃quió'₅ 'éi₂, jme₁né₄.⁴⁹ La₁ dsa₂ lë₁dsa₂ i₂tion'₅₄ nē₅, tsá₃ cuí'₅ Si₂ 'Éi'₃. Ma₂tioin'₅₄ ne₄ jmi₁uig₅ a₂ma₂rē₂'ë₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jjin₅₄ Jesús le₂jñiá₅. § 'Éi₂ nē₃ ca₂ñag₃:

⁵¹ —Juí₁lia'₂ con'₂ lë₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, tē₃ tsá₃ ma₂nē₂néi₂ jág₁ quió'₅, a₂juá'₂ 'e₂ a₂ma₂jmo₃?

⁵² Jaun₂ nē₃ ca₂ñag₃ riin'₅₄:

† 7:38 'Nio'₂ ja₁ton₅ Isaías 44:3; 55:1. ‡ 7:49 'Nio'₂ ja₁ton₅ Deuteronomio 27:14-26.

§ 7:50 A₂lin₅₄ chog₅₄ si₂ juá'₂: "i₁jjin₅₄ Jesús a₂'uë₂ jaun₂."

—¿Ján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'ě₂ jág₁ quián₅ Diú₄ tsá₃ já₅ 'uě₃ Galilea.*

⁵³ Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

¹ La₁ ca₂ñó₃ bá₄ Jesús jui₅ Má'₂ Olivos. ² Jme₁nia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá₂ Jesús, jaun₂ ca₂jme₃lióg₃ jme₂tiin₂₃ dsa₂. ³ Jaun₂ ně₃, ca₂o₃jñia₃ tē₅juá'₅ quián'₅₄ dsa₂ fairseos ca₂o₃jñiai₃ jan₂ 'io₅₄ i₂ca₂join₃ jme₁'ein₅₄ quián'₅₄ dsa₂ ñe'₂. Jaun₂ ca₂chei'₃ dsi₂jo₂ jě₄ quió'₅ dsa₂ i₂tion'₅₄ ja₁jaun₂.

⁴ Jaun₂ ca₂juá'₂ ca₂tsí'₃ Jesús:

—Tě₅, ca₂jón₂ 'io₅₄ la₂ nió'₅ jág₁ quián'₅₄ dsa₂ ñe'₂ on₃jua'₅₄ dsi₂i₂gu₂. ⁵ Ně₃ ně₃, ne₄ Si₂ 'Éi'₃, juá'₂ Moisés a₂jñí'₄ jnia'₅₄ jan₂ 'io₅₄ le₂la₂, a₂qui₁dsiin₅ jnia'₅₄ cang₄. ¿'Ne₂ guě'₂, 'a₂ lia'₂ juá'₂?

⁶ Ca₂juá'₂ dsa₂ le₂ně₅ ia₁ a₂cáin₂ táu₂ Jesús, ia₁jaun₂ cuin₃ jmig₄ bóg'₂ dso₄. La₁ ca₂guá₂ Jesús i₁sióg'₅ 'uě₃, jaun₂ ca₂jme₃lióg₃ ca₂jmóg'₃ letras ne₄ 'uě₃ quián'₅₄ nei'₅₄ chi₁gú₃.

⁷ La₁ caun₂ tioen'₅₄ qui₂ñag₂₃ qui₂ñí'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rě₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

⁸ Jaun₂ ca₂guá₂ táng₃ i₁sióg'₅ 'uě₃, jmóg'₅ letras a₂tsáng₂ 'uě₃.

⁹ La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'uin₂ bá₄ le₂jain₂ le₂jain₂, jñiá₅ de'₂ dsa₂ i₂ma₂guen'₂ ca₂'uin₂ ne₄ jui₅. Jaun₂ jme₁ma₂ca₂'uin₂ ca₂le₃jín₃ dsa₂, 'ñiog₅ bá₄ Jesús tē₅tsiin'₅₄ quiain'₅₄ 'io₅₄ 'éi₂, i₂chén'₅ dsi₂jo₂ jaun₂.

¹⁰ Jaun₂ ně₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'Io₅₄, ¿na₅ dsa₂?‡ ¿Tsa₁ 'ein₂ nē₂'ě₂ uig₅?

¹¹ Jaun₂ ca₂juá'₂ 'io₅₄:

—Jan₂'ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güig₃

¹² Ca₂juá'₂ táng₃ Jesús tsí'₅ dsa₂, a₂juá'₂:

* **7:52** Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * **8:9** A₂lín₅₄ chog₅₄ si₂ juá'₂ ján₃: “ca₂jéin'₃ o₂guí'₃ ia₁ rě₂cán'₄ dso₄ guioin₅₄.” † **8:10** A₂lín₅₄ chog₅₄ si₂ juá'₂ ján₃: “ia₁ tsá₃ ca₂jág₃ jua'₅₄ tión₂ guě₄ i₂sián'₂, jñia'₅₄ lia'₂ 'io₅₄ 'éi₂.” ‡ **8:10** A₂lín₅₄ chog₅₄ si₂ juá'₂ ján₃: “i₂'nag₅ quiáng'₂.”

—Jniá₂ líng₅ si₂ i₂jmo₅ tág₅ jui₅ quió'₅ dsa₂ mi₂güig₃; jui₁lia'₂ i₂'ein₅ jniá₂, lia'₂ o₁líng'₂ tsá₃ ma₃ñi₃ jë₄ qui₁né'₃, ton'₂ qui₃'io₃ si₂ a₂jmo₅ a₂chain₂.

13 Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ të₂le₃ quián'₂ 'ñiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

14 Jaun₂ ca₂ñag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá₂, quen₅ bá₄, o₁ñia'₅₄ 'ñió₃ jniá₂ jáng'₅ jág₁ dsau₅ të₂le₃ quió₃ 'ñió₃. Ia₁ guion₄ bá₄ jniá₂ a₂já'₄ guio₃, a₂já'₄ nég'₄ ně₃; la₁ia₁ 'nia'₂ ně₃, tsá₃ ñi'₅₄ 'nia'₂ a₂já'₄ guio₃, on₃ guë'₂ a₂já'₄ nég'₄. 15 'Nia'₂ guë'₂ cáun'₂ 'í₁ lia'₂ con'₂ lë₅'éi'₃ quió'₅ dsa₂ mi₂güig₃. Jniá₂ ně₃ tsá₃ 'í₁ cáun₅ jniá₂ jua'₅₄ a₂qui₂dsí₂'éi'₃ ja₁con₂ 'i₁jan₂. 16 La₁ia₁ chi₂jua'₂ cáun₅ jniá₂ 'í₁, dse₃ dsi₂ten₅₄ bá₄'éi'₃ a₂qui₂dsí₂ jniá₂, ia₁ on₃jua'₅₄ jniá₂ 'ñió₃ cáun₅ 'í₁; qui₂dsí₂ jniá₂ 'éi'₃ co₂lë₅ quiang'₅₄ i₂ca₂chei₃ bá₄. 17 Ján₃ bá₄ ca₂të₂ ne₄ Si₂ 'Éi'₃ quián'₂ 'nia'₂, rë₂ton₅ juá'₂, ně₁jua'₂ on₃ dsa₂ lë₂ i₂jáng'₅ jág₁ dsau₅, a₂quen₅ bá₄ jág₁ quió'₅. 18 Jniá₂ líng₅ i₂jáng'₅ jág₁ dsau₅ të₂le₃ quió₃ 'ñió₃; Ne'₃ jniá₂ i₂ca₂chei₃ guë'₂, lín₅ táng₃ jan₂ i₂jáng'₅ jág₁ dsau₅.

19 Jaun₂ ně₃ ca₂ñag₃ dsa₂ fariseos ca₂ñi'₃ Jesús:

—¿Na₅ ñéi'₅ 'ne₂?

Jaun₂ ca₂ñag₃ Jesús:

—Tsá₃ cuig'₂ 'nia'₂ jniá₂, on₃ guë'₂ Ne'₃ jniá₂ cuin'₂ 'nia'₂; jua'₅₄ mei'₂ guë₃ cuig'₂ 'nia'₂ jniá₂, jáñ₃ bá₄ jme₁le₃cuin'₂ 'nia'₂ Ne'₃.

20 Ca₂juá'₂ Jesús le₂në₅ të₁lia'₂ jme₁'ein₅₄ jme₂tiin₂₃ dsa₂ i₁dsi₅ guá'₅ templo, cau₅ ja₁jme₁tióng₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂ñau'₃, ia₁ tsá₃ jme₁ma₂të₂ bá₄ guë'₄ hora quió'₅.

"Jui₁lia'₂ ja₁né'₄ jniá₂, tsá₃ lé₂ o₁nó'₅ 'nia'₂"

21 Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá₂; jaun₂ 'nia'₂ guë'₂, 'náu'₂ jniá₂ i₁niog'₄, la₁ia₁ dsián'₃ 'nia'₂ të₃ rë₂cán'₄ 'nia'₂ dsáu'₂; ja₁né'₄ jniá₂, tsá₃ lé₂ o₁nó'₅ 'nia'₂.

22 Jaun₂ ně₃ ca₂juá'₂ dsa₂ judíos:

—¿O₃ bá₄ a₂ñi'₃ 'e₂ 'ñiog₅, jaun₂ guë'₂ juá'₂ tsá₃ lé₂ dsi₁náu₄ jniog₄ ja₁dsáin'₃?

23 Jaun₂ ca₂juá'₂ Jesús:

—Dsa₂ chan₂ gua'₅₄ 'uë₃ la₂ bá₄ lín'₅ 'nia'₂; jniá₂ ně₃, líng₅ i₂chan₂ guei'₅₄. Dsa₂ i₂tén₅ mi₂güig₃ la₂ bá₄ lín'₅ 'nia'₂; jniá₂ ně₃ tsá₃ téng₅ mi₂güig₃ la₂. 24 'Uig₅₄ jaun₂ bá₄ ně₂juig₂ jniá₂ 'nia'₂ a₂dsiáng'₃ të₃ rë₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá₂ bá₄ líng₅ 'éi₂, S dsiáng'₃ 'nia'₂ qui₂rë₂cáng'₄ dsáu'₂.

25 Jaun₂ ně₃ ca₂ŋag₃ dsa₂ judíos ca₂ŋí'₃ Jesús:

—¿'Ein₂ bá₄ lín'₅ 'ne₂?

Jaun₂ ca₂ŋag₃ Jesús:

—Le₂jaun₂ ju₁lia'₂ ma₂qui₂ma₂juíg₂ jniá'₂ 'nia'₂ ca₃le₂'uig₅₄.*

26 'Lióng₂ bá₄ 'uig₅₄ cha₂ a₂le₃juá'₄ jniá'₂ a₂qui₁dsí₅ jniá'₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá'₂ ně₃, jág₁ a₂ma₂nag₃ ja₁coin₂, a₂jaun₂ bá₄ juíg₂ jniá'₂ dsa₂ mi₂güíg₃.

27 La₁ tsá₃ ca₂rě₃ŋí'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iin₂₃ Jmei₂.

28 'Uig₅₄ jaun₂ ca₂juá'₂ Jesús:

—Jē₁ma₂tě₂ rē₁chóng'₄ 'nia'₂ Jaun₅ dsa₂ mi₂güíg₃, jaun₂ guě₄ le₃ŋi'₅₄ 'nia'₂ a₂lín₅ jniá'₂ 'éi₂;† le₃ŋi'₅₄ 'nia'₂, a₂tsá₃ jmo₅ jniá'₂ 'i₁caun₂ tě₂le₃ o₄quió₃ 'ŋio₃, jnia'₅₄ lia'₂ a₂jaun₂ bá₄ juá'₅ jniá'₂ ju₁lia'₂ a₂ma₂ca₂jme₃tag₅ Ŋe'₃. 29 Ia₁ i₂ca₂chei₃ 'ein₅₄ quian'₅₄ jniá'₂, tsá₃ jua'₅₄ ma₂téin₂ jniá'₂ 'ŋió₃, ia₁ lia'₂ co₂tan₅₄ bá₄ jmo₅ jniá'₂ a₂'ŋio₂ dsí₅ 'éi₂.

30 Lia'₂ jme₁juá'₂ Jesús jág₁ ně₅, juin₅ lín₃ dsa₂ ca₂rě₃'én₂ le₃quió'₅.

Chi'₂guein₂ quián₅ Diú₄, quian'₅₄ dsa₂ i₂qui₂le'_{ŋe'₅₄ 'uig₅₄ dsáu₁}

31 Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rě₃'én₂ le₃quió'₅:

—Ně₁jua'₂ tě₁'ŋiá'₄ 'nia'₂ le₃quió'₅ jág₁ quió₃, dsón'₂ bá₄ lín'₅ 'nia'₂ dsa₂ i₂quian'₅₄ jniá'₂; 32 jaun₂ le₃cuin'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

33 Jaun₂ ca₂ŋag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsí₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ŋe'₅₄ ne₄ 'i₁jan₂. ¿'A₂ guě'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

34 Jaun₂ ca₂juá'₂ Jesús:

—A₂dsi₂jó'₃ juíg₂ jniá'₂ 'nia'₂, ju₁lia'₂ ca₂le₃jín₃ dsa₂ i₂'no₅ dso₄, qui₂le₁'ŋei'₅₄ ne₄ dsáu₁. 35 Ju₁lia'₂ jan₂ dsa₂ i₂chi₁'ŋe'₅₄ ně₃, tsá₃ jua'₅₄ tě₃'ŋiá'₄ co₂tan₅₄ dsi₂néi₂ quió'₅ juig₅₄; la₁ia₁ chi'₂ ja₁ŋi'₅₄ ně₃, co₂tan₅₄ bá₄ téin₅ dsi₂néi₂ jaun₂. 36 Jaun₂ ně₃, chi₂jua'₂ ca₂chéi'₂ Ja₁ŋi'₅₄ ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ tě₃dsón'₂. 37 Ma₂guion₄ bá₄ jniá'₂ jaun₂ a₂lín'₅ 'nia'₂ tsí₁jon₂ Abraham; la₁ia₁ 'niog'₂ 'nia'₂ jŋág'₄ jniá'₂, ia₁ a₂tsá₃ guei'₂ 'nia'₂ 'e₂ a₂juá'₅ jniá'₂. 38 Jniá'₂ ně₃ juá'₅ juíg₂ 'nia'₂ ju₁lia'₂ 'e₂ a₂ma₂jág₃ ja₁con₂ Ŋe'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ ŋéi'₅.

39 Jaun₂ ca₂ŋag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

* 8:25 o₃, “¿'E₂ jaun₂ ma₂qui₂ma₂juíg₂ jniá'₂ 'nia'₂ ca₃le₂'uig₅₄?” † 8:28 o₃, “le₃ŋi'₅₄ 'nia'₂, jniá'₂ líng.”

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guě₃ lín'₅ 'nia'₂ chi'₂-guein₂ quián₅ Abraham, jaun₂ jme₁j mó'₂ 'nia'₂ jui₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jnág'₄ jniá'₂, o₁jnia'₅₄ ma₂ně₂juíg'₂ jniá'₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá'₂. Tsá₃ le₂ně₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ jui₁lia'₂ jmo₅ ηéi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lě₁chan₂; jan₂ bá₄ jmei₂ jnia'₅₄ chan₂; i₂'éi₂ lín₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guě₃ tē₃dsón'₂ Diú₄ lín₅ ηéi'₅ 'nia'₂, jme₁jme₁'nió'₄ bá₄ 'nia'₂ jniá'₂, ia₁ ja₁con₂ Diú₄ bá₄ 'uín₂ jniá'₂; jaun₂ la₂ ma₂guio₃. On₃jua'₅₄ o₄quió₃ 'ηiό₃ guio₃; o₄quió'₄ i₂ca₂chei₃ bá₄ jniá'₂ guio₃. ⁴³ ¿'E₂ lě₃ tsá₃ lé₂ le₃ηí'₂ 'nia'₂ jág₁ a₂juá'₅ jniá'₂? 'Uig'₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá'₂. ⁴⁴ 'Nia'₂ bá₄ rě'₂ tēng'₅ le₃quió'₅ i₂sě₃dsen₃ ηéi'₅ 'nia'₂. Jaun₂ 'ín₅ 'au'₂ jmó'₂ 'e₂ a₂'ηi₀2 dsí₅ 'éi₂. Lia'₂ con'₂ le₂'uig'₅₄ bá₄ jaun₂ líin₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jě₁ma₂ca₂juá'₂ jág₁ tē₂jág₁, juá'₂ bá₄ jui₁lia'₂ tñn₂ 'ηiog₅, ia₁ i₂tě₂jín₁ bá₄ 'éi₂, jaun₂ líin₅ jmei₂ dsa₂ tē₂jín₁. ⁴⁵ La₁ia₁, 'uig'₅₄ ia₁ a₂juá'₅ jniá'₂ jág₁ dsau₅ ně₃, tsá₃ 'éng'₂ jág₁ quió₃. ⁴⁶ ¿I₂'ein₂ 'nia'₂ qui'₅₄ jmig₄ cáun₂ 'í₁ a₂rñ₂ jniá'₂ dso₄? Chi₂jua'₂ juá'₅ jniá'₂ jág₁ dsau₅, ¿'E₂ lě₃ tsá₃ 'én'₂ 'nia'₂ jág₁ quió₃? ⁴⁷ Jui₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uig'₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Ně'₃ guě'₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ηag₃ dsa₂ judíos ca₂ηíi'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ηag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá'₂ a₂jme₂juín'₁ jniá'₂ Ŋe'₃; 'nia'₂ guě'₂, tsá₃ jme₂go'₃ jniá'₂. ⁵⁰ Tsá₃ a₂jaun₂ 'náu'₅ jniá'₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá'₂, ton'₂ 'éi₂ bá₄ con₂ jág₁ dsau₅. ⁵¹ A₂dsi₂jó'₃ juíg'₂ jniá'₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió₃, lia'₂ o₁líg'₂ jmig₄ tsá₃ dsí₃ηi₅₄ 'mú₃.

⁵² Jaun₂ ně₃ ca₂ηag₃ dsa₂ judíos:

—Ně₃ guě'₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ě₂ jág₁ quián₅ Diú₄; 'ne₂ guě'₂ juá'₂: “Jui₁lia'₂ i₂tón'₂ jui₅ jág₁ quió₃, tsá₃ líg'₂ dsí₃ηi₅₄ 'mú₃.” ⁵³ ¿O₃ bá₄ 'ηio₅ lin₃ guě'₄ juin'₂ 'ne₂ lia'₂

con'₂ guě₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ě₂ jág₁ quián₅ Diú₄. ¿'Ein₂ lín'₂ 'ne₂ líng'₅?

⁵⁴ Jaun₂ ca₂ŋag₃ Jesús:

—Chi₂jua'₂ 'ŋi₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ juí₁lia'₂ i₂jme₂juag'₂ jniá₂, Ŋe'₃ bá₄ jniá₂ 'éi₂, i₂'ín'₅ 'nia'₂ lín₅ Diú₄ quiáng'₂. ⁵⁵ O₁ŋia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guě₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tē₂jín₁ juí₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ juí₅ jág₁ quió'₅. ⁵⁶ Ca₂jmo₃ 'io'₂ Abraham, 'lag₄ ŋéi'₅ 'nia'₂, ia₁ jme₁'ín₂ dsí₅ jág₃ jmig₄ i₁guan₃ jniá₂; jaun₂ ca₂jág₃, jaun₂ 'ŋio₅ lín₃ 'io'₂ ca₂jén'₃.

⁵⁷ Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tsá₃ ma₂'eng'₅₄ bá₄ guě₄ tē₂láu₃-guiá₂ ŋi₂. ¿'A₂ guě'₂ lia'₂ juá'₂ 'ne₂ a₂ma₂jng'₅₄ 'lag₄ Abraham?

⁵⁸ Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'nia'₂, né'₃ guě₄ a₂le₃chan₂ Abraham, jniá₂ líng₅.‡

⁵⁹ Jaun₂ ně₃ qui₂ca₂jŋa'₃ cang₄ a₂jme₁qui'₃ quió'₅. La₁ ca₂'ma₃ bá₄ Jesús, jaun₂ o₂'íin₃ i₁dsi₅ guá'₅ templo.Š

9

Ca₂jme₃'lión₂ Jesús jan₂ dsa₂ i₂ten₄ ca₂rě₃chán₃

¹ Jme₁ca₂ŋi₅ jaun₂, ca₂jín₂ jan₂ dsa₂ i₂ten₄ ca₂rě₃chán₃.

² Jaun₂ ca₂ŋag₃ chi'₂ dsi₂guia₃-tín₂ quián₅:

—Tě₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rě₃chán₃ tein₅₄?

³ Jaun₂ ca₂juá'₂ Jesús:

—On₃jua'₅₄ 'uig₅₄ dsáu₂ 'ŋiog₅, on₃ guě'₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lě₃ ia₁jaun₂ le₃jniá₂ juí₅bí₂ quió'₅ Diú₄ ja₁coin₂. ⁴ Ca₂tág₂ jniog₄ jmó₁ ta₁* quió'₅ i₂ca₂chei₃ jniá₂ tē₁lia'₂ jniá₂ guě₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵ Tē₁lia'₂ 'en₅₄ jniá₂ mi₂güí₃ la₂, líng₅ si₂ a₂tág₅ ja₁con₂ dsa₂ mi₂güí₃.

⁶ Jme₁ca₂dsan₃ juá'₂ le₂ně₅, jaun₂ ca₂'ŋéi₃ 'uě₃, ca₂jmo₃ ca₂juig₄ jein₂ quian'₅₄ jmi₁'ě'₅ quió'₅, jaun₂ ca₂tsáng₂ jme₁ne₁ dsa₂ ten₄. ⁷ Jaun₂ ca₂juá'₂ ca₂tsí'₃ dsa₂ 'éi₂:

—Gua₂ o₂rang₂ quiáng'₂ Dsiog₅ Siloé —co₂'nió'₄ le₃jua'₅₄ jág₁, I₂chen₄, a₂chei₂ dsiog₅ jaun₂.

‡ 8:58 Jág₁ “jniá₂ líng₅” co₂'nió'₄ jein₅ jág₁ lia₂ chen₂ Jehová. 'Nio'₂ ja₁ton₅ Éxodo 3:14. Š 8:59 A₂lín₅₄ chog₅₄ si₂ juá'₂ ján₃: “jaun₂ ca₂ŋi₃ jín₄ dsa₂ 'éi₂, ca₂ŋái'₃.”

* 9:4 A₂lín₅₄ chog₅₄ si₂: Ca₂tín₂ jniá₂ jmo₅₄ ta₁.

Jaun₂ ca₂ηó₃ i₁rang₂ quió'₅, jaun₂ jme₁guáin'₃ táng₃ jaun₂, ma₂jág₅ bá₄.

⁸ Jaun₂ qui₂ca₂ηag₃ dsa₂ i₂tián'₅ cau₅ quió'₅, quian'₅₄ dsa₂ i₂jme₁ma₂ca₂jág₂ m_{i5} 'éi₂ cu₄ le₂ηiá₅, ca₂juá'₂:

—¿On₁jua'₅₄ dsa₂ nē₅ 'éi₂ i₂jme₁gua₂ m_{i5} a₂jme₃'o₅₄ dsa₂ cu₄?

⁹ I₂lin₅₄ juá'₂:

—'Éi₂ bá₄ nē₅.

I₂sián'₂ guē'₂ juá'₂:

—On₃jua'₅₄ 'éi₂ nē₅, la₁ia₁ mei'₂ tsá₃ le₂jaun₂ jniái₂.

La₁ ca₂juá'₂ dsa₂ 'éi₂ 'ηiog₅:

—Jniá'₂ bá₄ 'éi₂.

¹⁰ Jaun₂ nē₃ ca₂ηag₃ dsa₂ ca₂ηí'₃ 'éi₂:

—¿'A₂ guē'₂ lia'₂ lē₃ ca₂jnióg₃ jme₁ne'₄ 'ne₂?

¹¹ Jaun₂ ca₂ηag₃ dsa₂ 'éi₂:

—Dsa₂ i₂tē'₂ dsa₂ Jesús nē₂jmo₃ ti₁jéin₃, jaun₂ nē₂tsáng₂ jme₁ne₃ jniá'₂, jaun₂ nē₂juá'₂ tság₅ jniá'₂: “Gua₂ Dsiog₅ Siloé, o₂rang₂ quiáng'₂.” Jaun₂ ηe₄ jniá'₂, jaun₂ jme₁ca₂lē₃ rang₂₃ quió'₃, co₂tan₅₄ lia'₂ nē₂jág₃.

¹² Jaun₂ ca₂ηag₃ dsa₂ ca₂ηí'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá'₂.

Ca₂ηag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

¹³ Jaun₂ nē₃ ca₂i₁ηia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

¹⁴ La₁ jmig₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmig₄ sa₅₄ bá₄ jaun₂.

¹⁵ Jaun₂ ca₂ηag₃ táng₃ dsa₂ fariseos ca₂ηí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Nē₂tsáng₂ ti₁jéin₃ jme₁ne₃ jniá'₂, jaun₂ nē₂rang₃ jniá'₂ quió'₃, jaun₂ lē₃ ma₂jág₅ jniá'₂.

¹⁶ Jaun₂ nē₃ ca₂juá'₂ i₂lin₅₄ dsa₂ fariseos:

—Dsa₂ i₂nē₂jmo₃ a₂nē₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmig₄ sa₅₄.

La₁ i₂lin₅₄ guē'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juē'₂ le₂nē₅?

Jaun₂ lē₃ ca₂lē₃ le₁dson'₅₄ dsa₂.

¹⁷ Jaun₂ ca₂ηag₃ táng₃ dsa₂ ca₂ηí'₃ dsa₂ i₂jme₁ten₄ 'éi₂:

—¿'E₂ guē'₂ juá'₂ 'ne₂ lín₅, ia₁ jme₁ne'₄ 'ne₂ bá₄ nē₂niá'₃?

Jaun₂ ca₂ηag₃ dsa₂ 'éi₂:

—A₂lín₅ jan₂ dsa₂ i₂'ē₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁'éin₂ bá₄ guě₄ a₂dsón'₂ jme₁ten₄ dsa₂'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂'éi₂.

19 Jaun₂ ca₂ḡag₃ dsa₂ fariseos ca₂ḡii'₃ chog₅₄-jmei₂'éi₂:

—¿Chi'₂ ja₂ḡí'₂ 'nia'₂ la₂, i₂juá'₂ 'nia'₂ i₂ten₄ ca₂rě₃chán₃? ¿'A₂ guě'₂ lia'₂ ma₂jág₅ ně₃?

20 Jaun₂ ca₂ḡag₃ chog₅₄-jmei₂:

—Ne₄ bá₄ jnia'₅₄, chi'₂ quián₂ bá₄ jnia'₅₄ ně₅, i₂ca₂rě₃chán₃ten₄; 21 la₁ tsá₃ ne₄ jnia'₅₄ 'a₂ guě'₂ lia'₂ ně₃ ma₂lé₂ jág₃, on₃ guě'₂ ne₄ jnia'₅₄ 'ein₂ ca₂jmo₃ ca₂ḡia₃ mi₂ne₅₄. ḡag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ḡiog₅ 'a₂ lia'₂ ca₂lē₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uúin'₂ dsa₂ ja₁le₁toin₂₃ ne₄ si₂ guá'₅ sinagoga ju₁'ein₂ guě₃ i₂juá'₂, Jesús bá₄ lín₅ I₂rě₂'ín₁ quián₅ Diú₄. 23 'Uig₅₄ jaun₂ bá₄ ca₂juá'₂ chog₅₄-jmei₂: "ḡag₄ caun₂ 'nia'₂ guiong'₅₄, i₂ma₂juin'₂ bá₄ ně₅."

24 Jaun₂ bá₄ ca₂tě₃ táng₃ dsa₂ judíos ca₂tě'₃ dsa₂ i₂jme₁ten₄'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jnia'₅₄ jan₂ dsa₂ i₂cha₂ dsáu₁ bá₄'éi₂.

25 Jaun₂ ně₃ ca₂ḡag₃ dsa₂'éi₂:

—Tsá₃ a₂jaun₂ guion₄ jniá'₂ jua'₅₄ jan₂ dsa₂ cha₂ dsáu₁'éi₂, o₃ tsá₃ dsáu₁ cha₂'e₂. Jnia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá'₂, la₁ ně₃ ma₂lé₂ bá₄ jág₄.

26 Jaun₂ ca₂ḡag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂'éi₂ a₂ca₂jnia₃ mi₂ne'₅₄?

27 Jaun₂ ca₂ḡag₃ dsa₂'éi₂:

—Ma₂ně₂juá'₃ guě'₂ jniá'₂. Tsá₃ tón'₂ guě'₂ 'nia'₂ ju₁'e₂ juá'₅ jniá'₂. ¿'E₂ lě₃ 'niog'₂ 'nia'₂ nág'₂ táng₃? ¿O₃ bá₄ ján₃ guě'₂ 'niog'₂ 'nia'₂ le₃'éng'₂ le₃quió'₅'éi₂?

28 Jaun₂ qui₂ca₂jnaú'₂ dsa₂ jág₁ uig₅, jaun₂ ca₂juá'₂:

—'Ne₂'éng'₂ le₃quió'₅ dsa₂'éi₂, la₁ia₁ jnia'₅₄ guě'₂ 'éin₂ le₃quió'₅ Moisés. 29 Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂'éi₂ guě'₂ ně₃, tsá₃ ne₄ a₂já'₄ já₅.

30 Jaun₂ ca₂ḡag₃ dsa₂'éi₂ ně₃ ca₂juá'₂:

—iDsón'₂ bá₄ jaun₂ dsí₂gó'₃ dsí₅ a₂jaun₂: a₂tsá₃ ḡi'₅₄ 'nia'₂ a₂já'₄ já₅, ton'₂ ca₂jme₃jnio₅₄ jme₁ne₃! 31 Ma₂ne₄ rě₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ḡio₂ dsí₅'éi₂: quió'₅'éi₂ bá₄ nag₂₃. 32 Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá'₅ jua'₅₄ chan₂ dsa₂ i₂lé₂ le₃jme₃'lión₂ jan₂ dsa₂ i₂ten₄ ca₂rě₃chán₃.

† 9:24 lit. "jme₁juin'₂ Diú₄", co₂'nió'₄ quian'₅₄ jág₁ ně₅ jme₁jmo₅ dsí₂tan₅₄'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅, Josué 7:19, Mateo 26:63.

33 Jua⁵⁴ mei² guě³ tsá³ já⁵ dsa² 'éi² ja¹con² Diú⁴, tsá³ 'e² lé² jme¹jmo³.

34 Jaun² ně³ ca²ŋag³ dsa² fariseos:

—Co²ŋei⁵⁴ bá⁴ ne⁴ dsáu² ca²rě³cháng³. ĸ¹I²'ein² bá⁴ lín⁵ 'ne² jaun² jme¹tag⁵ jnia⁵⁴?

Jaun² ca²dsei⁵ dsa².

Jui¹lia² dsa² ten⁴ tē²le³ gu²dsí²

35 Jaun² ca²rě³ŋi⁵ Jesús jág¹ a²ca²dsen⁵ dsa² ca²dsein²³ dsa² i²jme¹ten⁴ 'éi². Jaun² jme¹ca²jein², ca²juá²:

—ĸ'Én² 'ne² tē²le³ quió⁵ Jaun⁵ dsa² mi²güí³?‡

36 Jaun² ca²juá² dsa² 'éi²:

—Gui⁵⁴, ĸ¹I²'ein² bá⁴ 'éi², ia¹jaun² lé² le³ 'én² jniá² le³quió⁵?

37 Jaun² ca²ŋag³ Jesús:

—Ma²ně²jün⁵⁴ bá⁴, jaun² jniá² bá⁴ 'éi² i²dsia² jág¹ quiang⁵⁴.

38 Jaun² bá⁴ ca²chi³jnë³ dsa² 'éi² ne⁴ Jesús, jaun² ca²juá²:

—'Én² bá⁴ jniá², Te¹gui⁵⁴.

39 Jaun² ca²juá² Jesús:

—A²qui¹dsi⁵ 'éi³ bá⁴ jniá² guio³ mi²güí³ la², ia¹jaun² jág³ jui¹lia² dsa² ten⁴, ton² ia¹jaun² le³ten⁴ jui¹lia² dsa² i²jág⁵.

40 Jaun² qui²ca²nág² jág¹ jaun² i²lín⁵⁴ dsa² fariseos i²jme¹tion⁵⁴ quian⁵⁴ Jesús, jaun² ca²ŋag³:

—ĸO³ bá⁴ dsa² ten⁴ lág⁵ jnia⁵⁴ ján³?

41 Jaun² ca²ŋag³ Jesús:

—Jua⁵⁴ mei² guě³ lín⁵ 'nia² dsa² ten⁴, tsá³ dso⁴ jme¹qui²le³cán² 'nia². La¹ia¹, 'uig⁵⁴ ia¹ a²juá² 'nia², “ne⁴ jnia⁵⁴”, jaun² tē²ŋiá⁴ dsáu² 'nia².

10

Jág¹ jáng⁵ léi⁴ jui¹lia² dsa² i²jmo⁵ 'í¹ já² cha²

¹A²dsi²jó³ juíg² jniá² 'nia², jui¹lia² i²tsá³ tón⁵ tē²le³ jui⁵ o⁴'né⁴ tsi¹jní² ja¹tion⁵⁴ já² cha², a²uí² jui⁵ siá², dsa² 'ang² bá⁴ 'éi². ²La¹ia¹ jui¹lia² i²'í² tē²le³ o⁴'né⁴, dsa² i²jmo⁵ 'í¹ já² cha² bá⁴ 'éi². ³O⁴quió⁴ 'éi² bá⁴ niá⁵ dsa² i²jmo⁵ 'í¹ o⁴'né⁴, jaun² já² cha² ně³, rě²cuí⁵ jág¹ quió⁵ 'éi². Jaun² tē² já² cha² quiáin⁵ 'ŋiog⁵ lia² chein², jaun² 'uág². ⁴Jē¹ma²ca²lě³ 'uín² ca²le³jín³ con² i²quiáin⁵ 'ŋiog⁵, jaun² cán² ne⁴ jui⁵, dsó⁵ ne⁴ já² cha². Já² cha² ně³ dsi²lén² chi¹co⁵⁴ quió⁵, ia¹ rě²cuí⁵ bá⁴ jág¹ quió⁵. ⁵La¹ tsá³ 'ein²³ jui¹lia² dsa² i²tsá³ cuiin²³; tē²le³ cuiing²³ bá⁴ ja¹con² 'éi², ia¹ tsá³ cuí⁵ jág¹ quió⁵ dsa² sián².

⁶Ca²juá² Jesús jág¹ a²jáng⁵ léi⁴ ně⁵, la¹ tsá³ ca²rě³ŋí² dsa², 'e² jein⁵ jág¹ jaun² a²juá².

‡ 9:35 A²lín⁵⁴ chog⁵⁴ si²juá²: “ĸ'Én² 'ne² tē²le³ quió⁵ Ja¹ŋi⁵⁴ Diú⁴?”

*Jan*₂ *Jesús* *i*₂ *dsen*₃ *i*₂ *jmo*₅ 'í₁ *já*'₂ *cha*'₂

⁷ *Jaun*₂ *ně*₃ *ca*₂ *juá*'₂ *táng*₃ *Jesús* *ca*₂ *tsí*'₃ *dsa*₂:

—*A*₂ *dsi*₂ *jó*'₃ *juig*₂ *jniá*₂ 'nia'₂, *jniá*₂ *bá*₄ *líng*₅ *o*₄ *né*₄ *jui*₅ *ja*₁ *dsi*₂ *ton*'₅₄ *já*'₂ *cha*'₂. ⁸ *Ca*₂ *le*₃ *jín*₃ *i*₂ *ma*₂ *o*₃ *lén*₂ *jniá*₅ *guě*₄ *con*'₂ *guě*₄ *jniá*₂, *dsa*₂ 'ang'₂ *bá*₄ 'éi'₂; *la*₁ *já*'₂ *cha*'₂ *ně*₃, *tsá*₃ *jui*₅ *ca*₂ *ton*'₂ *quíó*'₅. ⁹ *Jniá*₂ *líng*₅ *o*₄ *né*₄; *jui*₁ *lia*'₂ *i*₂ *tón*'₅ *jui*₅ *le*₃ *quíó*₃, *tín*'₄ *bá*₄. *Jaun*₂ *qui*₃ *dsi*₃ *toin*'₅₄, *qui*₃ 'uín'₃, *jaun*₂ *dsio*'₂ *bá*₄ *ñi*₂ *ma*'₂ *a*₂ *guě*'₃.

¹⁰ 'Dsa'₂ 'ang'₂ *ně*₃, *jmá*'₃ *ta*₁ *jaun*₂ *bá*₄ *ja*₂: *a*₂ 'ang'₃, *a*₂ *jme*₃ *dsiog*₂₃, *a*₂ *qui*₃ 'éin'₂ *ně*₃; *jniá*₂ *ně*₃ *guio*₃ *ia*₁ *jaun*₂ *le*₃ *chain*₂, *a*₂ *le*₃ *chain*₂ *qui*₂ *rě*₂ *tsón*₂. ¹¹ *Jniá*₂ *bá*₄ *líng*₅ *juig*₅₄ *dsen*₃ *i*₂ *jmo*₅ 'í₁ *já*'₂ *cha*'₂. * *Guen*₅ 'mú'₃ *juig*₅₄ *dsen*₃ *o*₄ *quíó*'₄ *já*'₂ *cha*'₂; ¹² *la*₁ *jui*₁ *lia*'₂ *dsa*₂ *i*₂ *jmo*₅ *ta*₁ *a*₂ 'liain'₅₄, *jě*₁ *ma*₂ *ca*₂ *jág*₃ *já*₅ *dsi*₂ *jí*'₅₄ *náu*₂, *téin*₂ *bá*₄ *já*'₂ *cha*'₂ *jaun*₂ *cuing*₂₃ *bá*₄ 'ñiog'₅, *ia*₁ *on*₃ *jua*'₅₄ *juig*₅₄ *i*₂ *quíán*₅ *já*'₂ *cha*'₂ 'éi'₂. *Jaun*₂ *dsi*₂ *jí*'₅₄ *náu*₂ *ně*₃, *tsáin*'₂ *já*'₂ *cha*'₂, *jaun*₂ *jmo*₂₃ *le*₁ *jan*₅₄ *já*'₂. ¹³ *Dsa*₂ 'éi'₂ *ně*₃, *cuing*₂₃ *ia*₁ *a*₂ 'liain'₅₄ *bá*₄ *jmo*₂₃ 'í₁; *tsá*₃ *dsan*₂ *dsí*₅ *já*'₂. ¹⁴ *Jniá*₂ *bá*₄ *líng*₅ *juig*₅₄ *dsen*₃; *i*₂ *cuín*₅ *bá*₄ *jniá*₂ *já*'₂ *cha*'₂ *quíáng*₃; 'éi'₂ *ně*₃ *cuig*₂₃ *jniá*₂. ¹⁵ *Le*₂ *jaun*₂ *jui*₁ *lia*'₂ *cuig*₅ *Ñe*'₃ *jniá*₂, *ján*₃ *bá*₄ *cuín*₅ *jniá*₂ 'éi'₂ *ně*₃. *Guén*₅ *jniá*₂ 'mú'₃ *o*₄ *quíó*'₄ *já*'₂ *cha*'₂ *quíáng*₃. ¹⁶ *Ján*₃ *bá*₄ *tion*'₅₄ *já*'₂ *cha*'₂ *sián*'₂ *quíáng*₃ *i*₂ *tsá*₃ *tion*'₅₄ 'ñio'₃ *ñí*₁ *la*₂; *ján*₃ *bá*₄ *ca*₂ *tín*₂ *jniá*₂ *i*₁ *te*₁ 'éi'₂. *Ján*₃ *bá*₄ *le*₃ *ne*'₅₄ 'éi'₂ *jág*₁ *quíó*₃, *jaun*₂ *co*₂ *nió*'₃ *bá*₄ *lé*₂, *jan*₂ *guě*'₂ *juig*₅₄.

¹⁷ "Uig'₅₄ *jaun*₂ *bá*₄ 'nio'₃ *Ñe*'₃ *jniá*₂: *ia*₁ *jáng*'₅ *jme*₂ *dsí*₂ *quíó*₃, † *ia*₁ *jaun*₂ *tíng*'₄ *táng*₃. ¹⁸ *Lia*'₂ 'i₁ *jan*₂ *tsá*₃ *jniá*'₂ *jme*₂ *dsí*₂ *a*₂ *chan*₂ *jniá*₂, *ia*₁ *jáng*'₅ *bá*₄ *jniá*₂ *jme*₂ *dsí*₂ *a*₂ *chang*₂ *a*₂ 'ñio'₂ *dsi*₃ 'ñio'₃. *Jniá*₂ *bá*₄ 'o'₂₃ *bí*₂ *jáng*'₅, *jaun*₂ 'o'₂₃ *bí*₂ *tíng*'₄ *táng*₃. 'Éi'₃ *ně*₅ *ca*₂ *ñig*₂ *ja*₁ *con*₂ *Ñe*'₃.

¹⁹ *Jaun*₂ *ca*₂ *lě*₃ *le*₁ *dson*'₅₄ *táng*₃ *dsa*₂ *judíos*, *jme*₁ *ca*₂ *nág*₂ *jág*₁ *ně*₅.

²⁰ *Jui*₅ *i*₂ 'éi'₂ *juá*'₂:

—*I*₂ 'en'₅₄ *jan*₂ *jme*₂ *dsí*₂ *je*₂ *na*'₅₄ *tě*₂ *dsí*₅ *bá*₄ *ně*₅, *tě*₂ 'i'₂₃ *a*₂ *ñái*₅ *ně*₃. ¿*E*₂ *lě*₃ *tón*'₂ 'nia'₂ *jui*₅ *jág*₁ *quíó*'₅?

²¹ *La*₁ *i*₂ *lin*₅₄ *guě*'₂ *juá*'₂:

—*On*₃ *jua*'₅₄ *jág*₁ *quíó*'₅ *jan*₂ *i*₂ 'en'₅₄ *je*₂ *na*'₅₄ *tě*₂ *dsí*₅ *ně*₅. ¿*Lé*₂ *le*₃ *jmo*₃ *je*₂ *na*'₅₄ *a*₂ *jág*₃ *jui*₁ *lia*'₂ *dsa*₂ *ten*₄?

*Tsá*₃ *ca*₂ *guen*₃ *dsa*₂ *judíos* *Jesús*

²² *Jmíg*₄ *jaun*₂, *jme*₁ *tion*'₅₄ *dsa*₂ *juig*₂ *Jerusalén* *jmo*₂₃ *Jmíg*₄ *quíó*'₅ *Si*₂. *Jein*₂ *güig*₂ *jme*₁ *lě*₄, ²³ *jaun*₂ *jme*₁ *i*₂ *ñi*₅₄ *Jesús* *i*₁ *dsi*₅ *guá*'₅ *templo* *ja*₁ *lě*₄ *corredor* *a*₂ *chei*₂ *Quió*'₅ *Salomón*, ²⁴ *jaun*₂ *qui*₂ *ca*₂ *o*₃ *lió*₃ *dsa*₂ *judíos* *quíó*'₅, *jaun*₂ *ca*₂ *juá*'₂:

* **10:11** 'í₂ Ezequiel 34. † **10:17** 'Nio'₂ *ja*₁ *ton*₅ Juan 19:30.

—¿A₂ con' ₂ jmó' ₂ 'ne₂ 'ag₃ guě₄ caun₂-t_{in}₃ dsi₅ jnia' ₅₄? Chi₂jua' ₂ dsón' ₂ lín' ₅ 'ne₂ I₂rē₂'ín₁ quián₅ Diú₄, co₂ŋei' ₅₄ jua' ₅₄ rē₂jiá₃ jág₁.

²⁵ Jaun₂ ca₂ŋag₃ Jesús:

—Ma₂nē₂juá' ₃ bá₄ jniá₂, la₁ tsá₃ ca₂rē₃'én' ₂ guē' ₂ 'nia' ₂. Qui₂jáng' ₅ bá₄ jág₁ dsau₅ o₄quió₃, léi₄ a₂jmo₅ jniá₂; ²⁶ la₁ tsá₃ 'én' ₂ 'nia' ₂, ia₁ tsá₃ lín' ₅ 'nia' ₂ já' ₂ cha' ₂ quiáng₃. ²⁷ Ne' ₅₄ bá₄ já' ₂ cha' ₂ quiáng₃ jág₁ quió₃; i₂cuig₅ bá₄ 'éi₂ jniá₂, jaun₂ ja₂'ein₂₃ chi₁co' ₅₄ quió₃. ²⁸ Cuě₅ jniá₂ jme₂dsí₂ a₂le₃chain₂ co₂tan₅₄, jaun₂ lia' ₂ o₁líg' ₂ jmig₄ tsá₃ dsiáin₃, on₃ guě₄ lia' ₂ 'i₁jan₂ tsá₃ lé₂ le₃jniá' ₂ 'éi₂ o₄gu₃ jniá₂. ²⁹ Ne' ₃ jniá₂, i₂ma₂cuag₃ 'éi₂, lín₅ i₂juin' ₂ guě₄ lia' ₂ con' ₂ guě₄ ca₂le₃jín₃; jaun₂ lia' ₂ 'i₁jan₂ tsá₃ lé₂ jnió₂' ₂ o₄gú₃ Ne' ₃. ³⁰ Jniá₂ quian' ₅₄ Ne' ₃, ca₂ne₅₄ bá₄ lág₅ jnia' ₅₄.

³¹ Jaun₂ ně₃ ca₂ŋa' ₃ táng₃ dsa₂ judíos ni₁cang₁ a₂qui' ₃ quió' ₅.

³² Jaun₂ ca₂juá' ₂ Jesús:

—'Lióng₂ lín₃ léi₄ dse₃ ma₂'ě₃ jniá₂ 'nia' ₂ tē₂le₃ quian' ₅₄ juí₅bí₂ quió' ₅ Ne' ₃; ¿o₄quió' ₄ 'e₂ caun₂ a₂ma₂jmo₃ jniá₂ jaun₂, a₂qui₁jnau' ₅₄ 'nia' ₂ jniá₂ ni₁cang₁?

³³ Jaun₂ ca₂ŋag₃ dsa₂ judíos:

—Tsá₃ o₄quió' ₄ léi₄ dse₃ qui₁jna' ₅₄ jnia' ₅₄ 'ne₂ ni₁cang₁; a₂jaun₂ bá₄ ia₁ a₂'íng' ₅ 'líg' ₅₄ Diú₄, a₂jmo' ₂ 'ne₂ a₂líng' ₅ Diú₄, ton' ₂ jan₂ dsa₂ mi₂güig₃ bá₄ líng' ₅.

³⁴ Jaun₂ ně₃ ca₂juá' ₂ Jesús tsí' ₅ dsa₂ judíos:

—¿Tsa₁ chi₁ton₅ ne₄ Si₂ 'Éi' ₂ quián' ₂ 'nia' ₂: “A₂ma₂juá' ₃ jniá₂, a₂lín' ₅ 'nia' ₂ diú₄”?[†] ³⁵ Chi₂jua' ₂ ca₂tě' ₃ “diú₄” dsa₂ i₂ca₂ŋi₂ jág₁ quió' ₅ Diú₄, (jaun₂ tsá₃ lé₂ jua' ₅₄ tsá₃ le₃ti₃ Si₂); ³⁶ 'ē₂ guě₄ bá₄ 'éi₂ i₂ca₂jmo₃ Diú₄ rē₂tson₄, i₂ca₂chein₃ mi₂güig₃. ¿'Nia' ₂ juig' ₂ 'íng' ₅ 'líg' ₅₄ Diú₄ ia₁ jniá₂ nē₂juá' ₃ a₂líng₅ Ja₁ŋi' ₅₄ Diú₄? ³⁷ Chi₂jua' ₂ tsá₃ jmo₅ jniá₂ ta₁ quió' ₅ Ne' ₃, tsá₃ juí₁le₂'én' ₂ 'nia' ₂ le₃quió₃ jniá₂. ³⁸ La₁ chi₂jua' ₂ jmo₅ guě' ₂ jniá₂, juí₁'a₂ guě₃ la₂ tsá₃ 'én' ₂ 'nia' ₂ tē₂le₃ quió₃ jniá₂, juí₁le₂'én' ₂ bá₄ 'nia' ₂ tē₂le₃ quió' ₅ ta₁ a₂jmo₅ jniá₂, ia₁jaun₂ le₃ŋi' ₅₄ bá₄, ia₁jaun₂ le₃ŋi' ₂ 'au' ₂ 'nia' ₂, § a₂'en₅₄ Ne' ₃ ja₁cong₂, le₂jaun₂ guē' ₂ táng₃, a₂'en₅₄ jniá₂ ja₁con₂ Ne' ₃.

³⁹ Jaun₂ jme₁'nio₃ táng₃ dsa₂ jme₁tsáun' ₂, la₁ ca₂lóin₂ bá₄ o₄gú₃ 'éi₂.

⁴⁰ Jaun₂ ně₃, ŋó₃ táng₃ Jesús tē₂le₃ quióng₄ Cuá₃ Jordán, jaun₂ ca₂ŋia₃ ja₁jaun₂ ja₁jme₁'en₅₄ Juan₅₄ le₂ŋjiá₅ choin₂₃ jmig₂ dsa₂.*

⁴¹ Juin₅ lín₃ dsa₂ ca₂l₁len₅₄ i₁jag₅₄, qui₂ca₂juá' ₂:

—Tē₃dsón' ₂ bá₄, o₁jŋia' ₅₄ tsá₃ 'e₂ léi₄ juē' ₂ ca₂jmo₃ Juan₅₄, la₁ ca₂le₃jě₃ 'e₂ a₂ca₂juá' ₂ a₂'iin₂₃ dsa₂ ně₅, dsau₅ bá₄.

⁴² Ja₁jaun₂ ca₂rē₃'én₂ juin₅ dsa₂ le₃quió' ₅ Jesús.

† 10:34 Salmo 82:6. § 10:38 A₂lin₅₄ chog₅₄ si₂ juá' ₂: “ia₁jaun₂ le₃'én' ₂ 'nia' ₂.”

* 10:40 lit. “tiáin₂ dsa₂ jmig₂”

11

Ca₂jon₃ Lázaro

1 Jme₁chan₂ jan₂ dsa₂ dso'₅₄ i₂jme₁chen₂ Lázaro, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

2 María nē₃ nē₃ i₂riin'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quéin₃ quian'₅₄ jji₂ dsi₅₄.

3 Jaun₂ nē₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

4 Jaun₂ jme₁ca₂nág₂ Jesús, ca₂juá'₂:

—On₃jua'₅₄ dso₄ a₂jjiog₅ ju₅'mú₃ jaun₂; tē₂le₃ ia₁jaun₂ le₃juin'₂ Diú₄ bá₄, le₂jaun₂ guè'₂ Ja₁ŋi'₅₄ Diú₄ ján₃ le₃juin'₂ tē₂le₃ quian'₅₄ dso₄ jaun₂.

5 Jesús nē₃, jme₁'nioi₃ 'ŋio₅ lin₃ Marta quian'₅₄ 'io₅₄ riin'₅₄, quian'₅₄ Si₁Lia₁. 6 Jaun₂ lē₃, jme₁ca₂juá'₂ dsa₂ a₂dso'₅₄ Si₁Lia₁, ca₂ŋia₃ guè'₄ tin₃ jmi₄ ja₁jme₁'ein₅₄ jaun₂. 7 Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quiáin₅:

—Ma₃dsau₅₄ táng₃ ju₅ Judea.

8 Jaun₂ nē₃ ca₂juá'₂ chi'₂ dsi₂guia₃-tín₂:

—Tē₅, i₁jáun₃ nē₅ cón'₅ jme₁'nio₃ dsa₂ judíos jme₁qui₃jnaú'₂ cang₄; ¿con'₂ guè'₂ lia'₂ 'niog'₂ gog'₅₄ táng₃ ja₁jaun₂?

9 Jaun₂ ca₂ŋag₃ Jesús:

—¿On₁ dsón'₂ quian₅ guia₃-tín₂ horas caun₂ jmi₄? Nē₁jua'₂ i₂nio₄ dsa₂ a₂jmi₂, tsá₃ qui₂niói₅, ia₁ jág₅ si₂ a₂tág₅ ja₁con₂ dsa₂ mi₂güig₃; 10 la₁ nē₁jua'₂ i₂nio₄ dsa₂ jē₄ qui₁né'₃ qui₂niói₅ ia₁ tsá₃ si₂ cha₂ ja₁coin₂.

11 Cang₂ jme₁ma₂nē₂juá'₂ le₂nē₅, jaun₂ ca₂juá'₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁ŋei₁₂.

12 Jaun₂ nē₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂jua'₂ ma₂ca₂güin₂, co₂'nió'₄ ŋia₃ bá₄ quió'₅.

13 La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ē₅ Jesús ju₁lia'₂ a₂güin₂ dsa₂ jē₂ma₂ca₂nei₂.

14 Jaun₂ nē₃ ca₂juá'₂ Jesús lia'₂ rē₂jiá₃ jág₁:

—Ma₂ca₂jon₃ bá₄ Si₁Lia₁. 15 Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jiin₅₄.

16 Jaun₂ nē₃ ca₂juá'₂ To₁má₄ i₂tē'₂ dsa₂ Dsa₂ Tsin'₅₄, ca₂tsí'₃ chi'₂ dsi₂guia₃-tín₂ riin'₅₄:

—Ján₃ guè'₂ dsau₅₄ jniog₄, ia₁jaun₂ dsióg₃ co₂lē₅ quian'₅₄ i₂nē₅.

Jesús bá₄ i₂jmo₅ a₂jen'₅₄ dsa₂, i₂cuē₅ jme₂dsí₂ a₂le₃chan₂ dsa₂

17 Jme₁ma₂tě₂ quén₂ jmig₄ 'en₅₄ Si₁Lia₁ tau₂ 'ñio₅, jme₁dsióg₃.

18 Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros tē₂ ca₂jau₅₄.

19 Jaun₂ ca_{2i}len₅₄ juin₅ dsa₂ judíos ca_{2i}jiin₁₂ Marta quian'₅₄ María riin'₅₄, ca_{2i}jmo₅₄ lián'₂ dsí₅ 'éi₂, ia₁ ca₂jón₃ Si₁Lia₁ riin'₅₄.

20 Jaun₂ Marta ně₃, jme₂ca₂rě₃ñi₅ a₂ma₂já₅ Jesús, jaun₂ ca_{2o}'iín₃ ca_{2i}jme₁jein'₂. La₁ María ně₃ ca₂jñia₃ bá₄ dsi₂néi₂.

21 Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. 22 La₁ia₁ guion₄ jniá₂, o₁jñia'₅₄ con'₂ lě₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuē₃ bá₄ 'éi₂.

23 Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

24 Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jě₁ma₂tě₂ rě₁jein'₅₄ jin₄ 'lag₄, jmig₄ jě₁ca₂tó'₂.

25 Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuē₅ jme₂dsi₂ a₂le₃chan₂ dsa₂ ně₃. Ju₁lia'₂ i₂'én₂ tē₂le₃ quió₃ jniá₂, o₁jñia'₅₄ ma₂join₂₃, le₃chain₂ bá₄; 26 jaun₂ chi₂jua'₂ 'ein₂ i₂chan₂ guě₄, ně₁jua'₂ ca₂rě₃'éin₂ tē₂le₃ quió₃ jniá₂, lia'₂ o₁líg'₂ jmig₄ tsá₃ jón₂. ¿'Éng'₂ jág₁ ně₅?

27 Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rě₃'én₂ bá₄ jniá₂ a₂lín'₅ 'ne₂ Ja₁ñi'₅₄ Diú₄ I₂rě₂'ín₁ quiáin₅, i₂lě₅ jág₁ jiá₃ mi₂güig₃.

Ca₂'o₃ Jesús cau₅ tau₂ 'ñio₅ quió'₅ Si₁Lia₁

28 Jme₁ca₂lě₃ juá'₂ Marta jág₁ ně₅, ñái'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

29 Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ñó₃ i₁jiin₂₃ Jesús.

30 Tsá₃ jme₁ma₂dsióg₃ guě₄ Jesús tē₃jě₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

31 Dsa₂ judíos i₂tion'₅₄ dsi₂néi₂ i₂cuē₅ lián'₂ dsi₅ ně₃, jme₁ca₂jág₃ ca₂nau₂ María ca_{2o}'iín₃ co₂chi'₅₄, ca_{2i}lén₂ chi₁co'₅₄ quió'₅, ia₁ a₂lín₂ ñó₅ 'éi₂ tau₂ 'ñio₅ a_{2i}2'áu₂ ja₁jaun₂.

32 Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jné₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

* 11:32 lit. "ca₂tóin₂ 'uē₃ cau₅ mi₂tag₄ 'éi₂." 'Nio'₂ ja₁ton₅ Apocalipsis 4:10.

33 Jme₁ca₂jág₃ Jesús 'a₂ lia' ₂ jme₁'o₅ María, 'a₂ lia' ₂ jme₁tion' ₅₄ guë' ₂ dsa₂ judíos 'o₂₃ ně₃, i₂ja₂lén₂ quiain' ₅₄, jaun₂ ca₂'ñia₃ i₃mé' ₂ dsí₅, ca₂'í₃ qui' ₂ dsí₅ ně₃. 34 Jaun₂ ca₂ñag₃:

—¿A₂já' ₄ ca₂i'óin' ₄ 'nia' ₂?

Jaun₂ ca₂juá' ₂ dsa₂:

—Te₁gui' ₅₄, ñia₅ i₂jag₄.

35 Jaun₂ ca₂'o₃ Jesús.

36 Jaun₂ ně₃ ca₂juá' ₂ dsa₂ judíos:

—Jag₄ de' ₂ 'a₂ lia' ₂ jme₁'nioi₃ 'éi₂.

37 La₁ ca₂juá' ₂ i₂lin₅₄:

—¿Tsa₁ cha₂ lé₂ le₃jme₁jmo₃ i₂ně₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë' ₂ dsó₂ rin' ₅₄ 'io₅₄ ně₅?

Ca₂jen' ₅₄ Si₁Lia₁

38 Con' ₂ siá' ₂ táng₃ ca₂'ñia₃ Jesús a₂i₃mé' ₂ dsí₅ lia' ₂ con' ₂ ca₂dsióg₃ ja₁dsi₅₄ tau₂ 'ñio₅. Caun₂ tsi₁tě₂'lau₂ bá₄ jme₁lě₄ a₂jaun₂, jme₁chí' ₄ ca₂míg₂ ni₁cang₁ a₂rě₂jlě₅ o₄'né₄.

39 Jaun₂ ca₂juá' ₂ Jesús:

—Jñiá' ₃ ni₁cang₁ ně₅.

Jaun₂ ca₂juá' ₂ Marta rin' ₅₄ 'lag₄ ca₂tsí' ₃ Jesús:

—Te₁gui' ₅₄, mei' ₂ tsá₃ ma₂ja₂ ma₂'lig' ₅₄ quió' ₅, ia₁ ma₂tě₂ quén₂ jmig₄ ca₂join₃.

40 La₁ ca₂juá' ₂ Jesús:

—¿Tsa₁ ně₂juá' ₃ jniá₂, ně₁jua' ₂ 'éng' ₂, jag' ₅₄ jui₅bí₂ jlá' ₁ quió' ₅ Diú' ₄?

41 Jaun₂ ně₃ ca₂jñiá' ₂ dsa₂ ni₁cang₁. Jaun₂ ca₂chóg' ₃ Jesús ne₅₄, ca₂juá' ₂:

—Tia₅₄, cuě₅ jniá₂ ti₁'mag' ₄ 'ne₂ ia₁ ma₂nei' ₂ bá₄ jág₁ quió₃.

42 A₂guion₄ bá₄ jniá₂, a₂nag' ₂ co₂tan₅₄. La₁ ně₂juá' ₃ le₂ně₅ o₄quió' ₄ dsa₂ i₂tion' ₅₄ ja₁lá₃, ia₁jaun₂ le₃'éin₂ a₂ca₂chei' ₂ jniá₂.

43 Jme₁ca₂lě₃ juá' ₂ le₂ně₅, ca₂juá' ₂ tiá₂:

—¡Lázaro! ¡Jú₅ ja₁ně₅!

44 Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian' ₅₄ 'nau₅₄ tsín' ₅ tsi₁'mi' ₂ jang₄. Dsi₂ne₅₄ ně₃ jme₁chi₁quein₅ quian' ₅₄ tsi₁'mi' ₂ tióg₃. Jaun₂ ca₂juá' ₂ Jesús ca₂tsí' ₃ dsa₂:

—Chí' ₅₄ quió' ₅, cuě₄ jmig₄ ju₁dsiain' ₅₄.

Ca₂jmo₃ dsa₂ caun₂ jág₁ a₂tsáin' ₂ Jesús

(Mateo 26:1-5; Marcos 14:1-2; Lucas 22:1-2)

45 Jaun₂ ně₃, juin₅ dsa₂ judíos 'éi₂, i₂ca₂i₁len₅₄ quiain' ₅₄ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió' ₅ 'éi₂.

46 La₁ i₂lin₅₄ guë' ₂ ně₃ ca₂i₁lein₅₄ ja₁con₂ dsa₂ fariseos, ca₂i₁juá' ₄ 'e₂ a₂ca₂jmo₃ Jesús.

47 Jaun₂ ně₃, ca₂ñi' ₂ dsa₂ fariseos quiain' ₅₄ juig₅₄ jme₂dsa₂, quiain' ₅₄ dsi₂tan₅₄ quián₅ guá' ₅, jaun₂ ca₂juá' ₂:

—¿E₂ bá₄ jmó₁ jniog₄? Ia₁ nē₅ bá₄ η₅ dsa₂ 'éi₂ jmo₂₃ 'líong₂ léi₄ jué'₂.⁴⁸ Chi₂jua'₂ caun₂ cuē₂ jniog₄ jmig₄ jmo₃ lia'₂ ma₂jmo₂₃ nē₅, le₃'én₂ bá₄ ca₂le₃jín₃ dsa₂ tē₂le₃ quió'₅; jaun₂ qui₂ja₃lén₂ dsa₂ romanos qui₃'éin₂ ja₁ηi₅ quián₂ jniog₄ la₂, lia'₂ jma₃quian'₅₄ juig₂ nación quián₂ nē₃.

⁴⁹ La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ η₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂,⁵⁰ on₃ guē'₂ len'₅₄ 'nia'₂, a₂jmo₅ bá₄ quián₂ jniog₄,[†] a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

⁵¹ La₁ on₃jua'₅₄ con'₂ tin₂ 'ηiog₅ Caifás ca₂juá'₂ le₂nē₅; a₂jaun₂ bá₄ ca₂juá'₂ le₂nē₅ ia₁ a₂jme₁lín₄ jme₂dsa₂ dsen₅₄ η₂ jaun₂: ca₂'ē₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

⁵² La₁ on₃jua'₅₄ rē'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmói'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂i₂nio₄ tsi₁rē₂jan₅₄ nē₃.

⁵³ Jaun₂ nē₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂ηi'₃ Jesús.

⁵⁴ 'Uig₅₄ jaun₂ tsá₃ ma₃jme₁η₅ Jesús dsi₁ne₁ jin₄ dsa₂ judíos, tē₂le₃ ca₂o₃'iin₃ bá₄ ja₁jaun₂. Jaun₂ η₃ caun₂ 'uē₃ ma₂quián₅ ja₁lē₄ 'uē₃ quein₂ co₂'ηiog₅, caun₂ juig₂ a₂chei₂ Efraín. Ja₁jaun₂ ca₂ηia₃ quian'₅₄ chi'₂ dsi₂guia₃-tín₂.

⁵⁵ Jme₁ma₂ja₂quián₃ Jmig₄ Tē₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'uin₂ juig₂ gu'₂, qui₂ca₂uíg₂ jui₅ Jerusalén né'₃ a₂tē₅₄ Jmig₄ Tē₂'in₅₄, ia₁jaun₂ qui₃jmo₃ le₁jín₃.

⁵⁶ Jaun₂ jme₁i₂nio₄ dsa₂ 'nai'₂ Jesús, jaun₂ qui₂ηi'₂ r'in'₅₄ tióin₂ i₁dsi₅ guá'₅ templo:

—¿A₂ lia'₂ lín'₂ 'nia'₂? ¿Jiá₃ jmig₄, o₃ bá₄ tsá₃ jiá₃ 'e₂?

⁵⁷ Jme₁ma₂ca₂cuē₃ 'éi'₃ dsa₂ fariseos quian'₅₄ juig₅₄ jme₂dsa₂ nē₃, jme₁ma₂juá'₂, nē₃jua'₂ 'ein₂ ca₂rē₃η₅ a₂já'₄ 'en₅₄ Jesús, ju₁jmo₁₂ jág₁ ia₁jaun₂ cuin₃ jmig₄ tsáun'₂.

12

*Jan₂ 'io₅₄ ca₂tsín₂ no'₅₄ mi₂juig₂ Jesús
(Mateo 26:6-13; Marcos 14:3-9)*

¹ Jηéi₂ jmig₄ né'₃ a₂tē₅₄ Jmig₄ Tē₂'in₅₄, η₃ Jesús jui₅ Betania ja₁jme₁chan₂ Lázaro, dsa₂ i₂ca₂jme₃jen'₅₄ Jesús jme₁rē₂'lín₄ 'éi₂.

² Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guē'₂ jme₁lín₄ jan₂ dsa₂ i₂tián'₅ ne₄ mesa guē'₅ co₂lē₅ quian'₅₄ Jesús.

[†] 11:50 A₂lín₅₄ chog₅₄ si₂juá'₂: “a₂jmo₅ bá₄ quián'₂ 'nia'₂.”

³ Jaun₂ ně₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen'₅ mu'₅₄ 'ñio₅ lin₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

⁴ Jaun₂ ně₃, ca₂juá'₂ Judas Iscariote,* i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

⁵ —č'E₂ 'uig₅₄ tsá₃ ca₂i₃'nag₄ co₂ñei'₅₄ no'₅₄ mi₂juig₂ ně₅ quian'₅₄ 'ni₅ 'ñiá₂-láu₂ 'éi'₃ cu₄ denario, a₂jme₁jme'₁on₁ dsa₂ te₂ñé₂?

⁶ La₁ on₃jua'₅₄ jaun₂ ca₂juá'₂ Judas le₂ně₅ jua'₅₄ a₂dsón'₂ dsa₂ dsí₅ ja₁con₂ dsa₂ te₂ñé₂; a₂jaun₂ bá₄ ca₂juá'₂ le₂ně₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁tě₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ñió'₃.

⁷ Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lě₁lein'₅₄; ta₁ jaun₂ bá₄ ca₂'ma₃ a₂ně₅, jaun₂ malě₅ co₂jñia₅₄ jmig₄ jě₁ma₂tě₂ rě₁'on₃ jniá₂. ⁸ Ca₂le₃jě₃ jmig₄ bá₄ i₂ñio₄ dsa₂ te₂ñé₂ jin'₄ 'nia'₂, la₁ jniá₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

⁹ Jaun₂ ně₃, ca₂rě₃ñi₅ juin₅ dsa₂ judíos a₂'en₅₄ Jesús jě₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jñi₁₂ Jesús, ján₃ bá₄ ca₂i₁jñi₁₂ Si₁Lia₁ i₂ca₂jme₃jen'₅₄ Jesús jme₁rě₂ 'lín₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uín₂ ja₁con₂ dsa₂ judíos, a₂rě₂'éin₂ tě₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jnia₃ jaun₂, ca₂dsi₃lén₂ juin₅ lin₃ dsa₂ Jerusalén, ja₁niog₃ jmig₄. Jaun₂ jme₁ca₂rě₃ñi₅ a₂dsióg₄ Jesús jě₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uiin₂ ca₂i₁jñiai₅₄ Jesús, jaun₂ qui₂ca₂juá'₂ tiá₂:

—j₁ui₁le₂juin'₂ bá₄ i₂ně₅!† j₁ui₁le₂jñi₃ i₂já₅ o₄quió'₄ Te₁gui'₅₄!‡ j₁ui₁le₂jñi₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsin₅₄ já'₂, ju₁lia'₂ chi₁ton₅ ne₄ Si₂:

¹⁵ Tsá₃ lě₁jmo₂ gang'₃,
'nia'₂ dsa₂ chan₂ ciudad Sión:
jag₄, já₅ Rag₅₄ quiáng'₂,
co₂dsin₅₄ jan₂ bú'₄. §

* **12:4** A₂lin₅₄ chog₅₄ si₂ juá'₂ bá₄ ján₃; "ja₁ñi'₅₄ Si₂mu₅₄." † **12:13** lit. "Hosana", co₂'nió'₄ le₃jua'₅₄; "i₁Li₁o₄ jmig₄ ně₃!" A₂jme₁juá'₂ dsa₂ le₂ně₅ tsí'₅ Diú₄, qui₂mi₂₃ a₂jíá₃ dsa₂ l₂rě₂'ín₁ quián₅. ‡ **12:13** Salmo 118:25-26. § **12:15** Zacarías 9:9.

16 Tsá₃ a₂jaun₂ ca₂rë₃ñí₂ dsí₅ chi₂ dsi₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lë₃ rë₂juin₂' Jesús, jaun₂ bá₄ ca₂dsáu₃ dsí₅ guioin₅₄ jág₁ në₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

17 Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia₂ con₂ jme₁ca₂të'₃ Si₁Lia₁ né'₃ tau₂ 'ñio₅, jme₁ca₂jme₃jein'₅₄ 'éi₂ jme₁rë₂'liin₅₄. 18 'Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁ñjai₁₂ Jesús, ia₁ ca₂rë₃ñi₅ a₂ca₂jmo₃ 'éi₂ léi₄ jué'₂ jaun₂.

19 Jaun₂ në₃ ca₂juá'₂ dsa₂ fariseos qui₂ca₂tsí'₃ riin'₅₄:

—Në₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmíg₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂në₅.

I₂lin₅₄ dsa₂ griegos 'nai'₂ Jesús

20 Jin₄ dsa₂ i₂i₁len₅₄ Jerusalén i₂jme₂juin₂' Diú₄ ja₁niog₅ jmíg₄, jme₁tion'₅₄ i₂lin₅₄ dsa₂ griegos. 21 Dsa₂ 'éi₂ në₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁niog₅ 'uë₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

22 Jaun₂ ñe₄ Fe₂li₄ ca₂i₁chi'₄ Drë₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús. 23 Jaun₂ në₃ ca₂ñag₃ Jesús:

—Ma₂ca₂të'₂ hora a₂le₃juin₂' Jaun₅ dsa₂ mi₂güig₃. 24 A₂dsi₂jó'₃ juig₂ jniá'₂ 'nia'₂, në₃juá'₂ tsá₃ tiá'₃ né'₃ 'uë₃ jui₁lia'₂ ca₂míg₂ mi₂cuig₂,* a₂dsi₃'én₂ në₃, a₂lë₂të₂ron₅₄ 'ñiog₅; la₁ia₁ në₃juá'₂ ca₂jon₃ në₃, 'lióng₂ rau₂. 25 Jui₁lia'₂ i₂ñí₄ lë₃ 'nio₃ jme₂dsí₂ a₂chain₂, dsi₂'én₂ bá₄ jme₂dsí₂ jaun₂; la₁ia₁ jui₁lia'₂ i₂tén₂' dsí₅ jme₂dsí₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄. 26 Jui₁lia'₂ i₂jme₂ti₃ ta₁ ne₃ jniá'₂, 'nió'₅ jiá₃ chi₁co'₅₄ quió₃ jniá'₂, jaun₂ jui₁lia'₂ ja₁'en₅₄ jniá'₂, ján₃ bá₄ ja₁jaun₂ 'en₅₄ guë'₂ i₂jme₂ti₃ ta₁ ne₃. Jaun₂ jui₁lia'₂ i₂jme₂ti₃ ta₁ ne₃, guéi'₂ bá₄ Ñe'₃ rë₂.

Ca₂'ë₂ Jesús jág₁ a₂jóin₂

27 "Ñio₅ lin₃ quian₄ jniá'₂ o₂i₁ dsi₅. ¿'E₂ bá₄ juá'₄ jniá'₂? ¿Juá'₄ 'e₂: "Tia₅₄, lio₄ jniá'₂ 'e₂ niog₅ a₂qui₂dsi₃ñí₂ jniá'₂ hora la₂?" La₁ on₃juá'₅₄ le₂jaun₂, ia₁ ta₁ jaun₂ guio₃ guë'₂ jniá'₂ hora la₂. 28 Tia₅₄ jme₁jnia₅ 'a₂ lia'₂ jláng'₁.

Jaun₂ në₃ ca₂né'₂ caun₂ jág₁ guei'₅₄ mi₂güig₃ a₂ca₂juá'₂:

—Ma₂ca₂jme₁jnia₅ bá₄ jniá'₂, jaun₂ con₂' siá'₂ jme₁jnia₅ táng₃.

29 Jme₁ca₂nág₂ dsa₂ juin₅ i₂jme₁tió₂ cau₅ jaun₂, ca₂juá'₂:

—Ñí'₃ bá₄ në₂quía'₃.

La₁ i₂sián'₂ guë'₂ juá'₂:

—Jan₂ ángel bá₄ në₂juá'₂ jág₁ quió'₅.

30 Jaun₂ në₃ ca₂juá'₂ Jesús ca₂tsí'₃ dsa₂:

* 12:24 lit. "trigo."

—On₃jua'₅₄ o₄quió₃ jniá₂ a₂ca₂né'₂ jág₁ ně₅; o₄quián'₂ 'nia'₂ bá₄ a₂ca₂né'₂. ³¹ Ně₃ guě₄ ně₃ ca₂tě₂ jmig₄ a₂tě₃dsi'₅₄ 'éi'₃ mi₂güig₃ la₂; ně₃ guě₄ dsein₂₃ i₂gon₂ mi₂güig₃ la₂. ³² Jaun₂ jniá'₂ ně₃, jě₁ma₂ca₂chó'₂ dsa₂ guei'₅₄ gua'₅₄ 'uě₃, jme₁quián₄ jniá'₂ ca₂le₃jín₃ ja₁cong₂.

³³ Ca₂juá'₂ le₂ně₅ a₂'ě₂₃ 'e₂ ne₅₄ 'mú₃ dsi₃ñí₂.

³⁴ Jaun₂ ca₂ñag₃ dsa₂:

—Ma₂néi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rě₂'ín₁ quián₅ Diú₄ co₂tan₅₄. ¿A₂ guě'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güig₃? ¿Ein₂ 'éi₂ i₂lín₅ Jaun₅ dsa₂ mi₂güig₃?

³⁵ Jaun₂ ně₃ ca₂juá'₂ Jesús:

—Jnia'₅₄ lia'₂ co₂'na₂ bá₄ tág₅ guě₄ si₂jin'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ ñó₅ ně₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jě₄ qui₁né'₃, tsá₃ ñi₅ 'a₂ jui₅ dsó₃. ³⁶ Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂ně₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lě₃ tsá₃ jme₁ 'én₂ dsa₂ judíos le₃quió'₅ Jesús

³⁷ La₁ jui₁'a₂ guě₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rě₃'én₂ bá₄ guě₄ dsa₂ 'éi₂ le₃quió'₅. ³⁸ Le₂ně₅ ca₂rě₃ti₃ jág₁ a₂ca₂'ě₂ Isaías o₄quió'₄ Diú₄, jme₁ca₂juá'₂:

Te₁gui'₅₄, ¿ein₂ ma₂ca₂rě₃'én₂ jág₁ a₂'ě₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

³⁹ 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

⁴⁰ “Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lě₃ cang₄ dsi₅₄ ně₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ le₂ñí'₂ tē₂le₃ tē₂dsí₅,

on₃ guě'₂ qui₃jéin'₃ dsí₅,

ia₁jaun₂ jme₁'lioin₁₂ jniá₂.”‡

⁴¹ Ca₂juá'₂ Isaías le₂ně₅ ia₁ ca₂jág₃ le₂jñiá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

⁴² La₁ia₁ tion₅₄ bá₄ ca₂rě₃'én₂ dsa₂, le₂jio₅ bá₄ i₂lin₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ ně₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

⁴³ Ia₁ a₂'nio₃ guě₄ tē₃tsiin'₅₄ dse₃ quian'₅₄ dsa₂ mi₂güig₃, lia'₂ con'₂ guě₄ a₂jme₁tē₃tsiin'₅₄ dse₃ quian'₅₄ Diú₄.

† 12:38 Isaías 53:1. ‡ 12:40 Isaías 6:10.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güig₃

⁴⁴ Ca₂juá'₂ Jesús jág₁ tiá₂:

—Jui₁lia'₂ i₂'én₂ tē₂le₃ quió'₃ jniá₂, on₃jua'₅₄ jmá'₃ le₃quió'₃ jniá₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá₂. ⁴⁵ Jui₁lia'₂ i₂jág₂ jniá₂, jín₂ i₂ca₂chei₃ jniá₂. ⁴⁶ Ma₂guan₅ jniá₂ mi₂güig₃ la₂, a₂lín₅ si₂, ia₁jaun₂ i₂'én₂ tē₂le₃ quió'₃ jniá₂, tsá₃ tē₃'ñiá₄ jē₄ qui₁né'₃. ⁴⁷ Jaun₂ chi₂jua'₂ 'ein₂ i₂nag₅ jág₁ quió'₃, la₁ tsá₃ guē'₂ tón'₂ jui₅, on₃jua'₅₄ jniá₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₁dsi₅ 'éi'₃ ja₁con₂ dsa₂ mi₂güig₃; tē₂le₃ a₂loin₅₄ bá₄ jniá₂. ⁴⁸ Jui₁lia'₂ i₂tsá₃ jei₅₄ jniá₂, on₃ guē'₂ tón'₂ jui₅ jág₁ quió'₃, cha₂ bá₄ caun₂ a₂qui₃dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jē₄ca₂tó'₂. ⁴⁹ Ia₁ on₃jua'₅₄ o₄quió'₃ 'ñi₃ ma₂qui₂ma₂juá'₃; Ne'₃ jniá₂ i₂ca₂chei₃ bá₄ ma₂ca₂cuē₃ 'éi'₃ jui₁'e₂ a₂juá'₅ jniá₂ quian'₅₄ 'e₂ a₂jme₂tín₂ dsa₂. ⁵⁰ Jaun₂ guion₄ jniá₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lē₃, jág₁ a₂juá'₅ jniá₂, juá'₅ lia'₂ con'₂ lē₅ 'éi'₃ ca₂cuē₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

¹ Ca₂juig₄ jme₁'nió'₅ guē₄ a₂tē₅₄ Jmig₄ Tē₂'in₅₄. Jme₁ma₂ñi₅ bá₄ Jesús a₂ma₂ca₂tē₂ hora a₂o₃'iin₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme'₃nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ nē₃ nē₃, ca₂jme₃jniai₂₃ 'a₂ con'₂ ca₂dsióg₃ ca₂rē₃'nioi₃ 'éi₂.*

² Jme₁ma₂lē₅ má₃ tē₂le₃ ca₂nei₂, jaun₂ jme₁ma₂jmo₃ i₂sē₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂jín'₂ Jesús. ³ Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jē₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃. ⁴ Jaun₂ lē₃, lia'₂ con'₂ jme₁tiáin'₄ guē'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ tē₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

⁵ Jaun₂ nē₃ ca₂tia'₃ jmig₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin'₂ quian'₅₄ tsí₁'mi'₂ toalla a₂jme₁chi₁jén'₅ o₄'ñei'₂.

⁶ Jaun₂ jme₁ca₂dsióg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

⁷ Jaun₂ ca₂ñag₃ Jesús:

—Tsá₃ ñí'₂ guē₄ 'au'₂ 'ne₂ 'e₂ a₂jmo₅ jniá₂ nē₃, la₁ cang₂ guē₄ le₃ñíg'₂.

⁸ La₁ ca₂juá'₂ Pe₄:

* **13:1** o₃, “nē₃, nē₃, ca₂rē₃'nioi₃ ca₂tē₂ jē₄ca₂tó'₂.”

—Lia² o₁líg² co₂ñí² tsá₃ ráng² 'ne₂ tag₃ jniá₂.

Jaun₂ ca₂juá'² Jesús:

—Ně₁jua'² tsá₃ ca₂rang₃ jniá₂ quiáng², tsá₃ quen'⁵⁴ 'ne₂ ja₁con₂ jniá₂.

⁹ Jaun₂ ně₃ ca₂juá'² Si₂mu⁵⁴ Pe₄:

—Chi₂jua'² le₂jaun₂, Te₁gui'⁵⁴, on₃jua'⁵⁴ jmá'³ mi₂tag₃ ráng²; já_{n3} bá₄ rang₄ mi₂gu₃ quian'⁵⁴ mi₂dsi₃.

¹⁰ La₁ ca₂juá'² Jesús:

—Ju₁lia'² i₂lia'² ca₂lě₃ ló'⁵, jmá'³ mi₂tag⁵⁴ bá₄ 'nió'⁵ rin'², ia₁ ma₂le₁jín₃ bá₄ ta₁jain₂. Ma₂le₁jín'³ bá₄ 'nia'², la₁ia₁ on₃jua'⁵⁴ ca₂le₃jíng³.

¹¹ Ca₂juá'²: “Tsá₃ le₁jín'³ 'nia'² le₃jíng³”, ia₁ ma₂ñi₅ bá₄ i₂'ein₂ i₂jáng² quió'⁵.

¹² Jme₁ca₂lě₃ rang₅ Jesús mi₂tag₄ chi'² ds₂guia₃-tín₂, jaun₂ ca₂quí'² táng₃ ni₁tsin'⁵⁴ le₃co'⁵⁴, jaun₂ ca₂guá₂ táng₃ ne₄ mesa. Jaun₂ ca₂juá'² ca₂tsí'³ chi'² ds₂guia₃-tín₂:

—¿Jí'² 'nia'² 'e₂ a₂ně₂jmo₃ jniá₂ quián'² 'nia'²? ¹³ 'Ág'⁵ 'nia'² jniá₂ Tě₅, quian'⁵⁴ Te₁gui'⁵⁴. Tí₅ bá₄ jág₁ quián'² 'nia'², ia₁ dsón'² bá₄ le₂jaun₂ líng⁵. ¹⁴ Jaun₂ ně₃, chi₂jua'² le₂ně₅ jniá₂ i₂líng⁵ Tě₅ quian'⁵⁴ Juig'² 'nia'², ně₂rang₃ mi₂tag⁵⁴ 'nia'², já_{n3} bá₄ le₂jaun₂ 'nió'⁵ jmó'² 'nia'²: a₂qui₁ráng² mi₂tag₄ ríng² le₂jang² le₂jang².

¹⁵ Ia₁ ma₂ně₂can₃ jniá₂ caun₂ jui₅, ia₁jaun₂ jmó'² 'nia'² le₂jaun₂, ju₁lia'² ma₂ně₂jmo₃ jniá₂ ja₁con'² 'nia'². ¹⁶ A₂dsi₂jó'³ juig₂ jniá₂ 'nia'², lia'² 'i₁jan₂ dsa₂ i₂jme₂ti₃ ta₁, tsá₃ juin'² guě₄ con'² guě₄ juig⁵⁴; já_{n3} bá₄ lia'² 'i₁jan₂ dsa₂ i₂chen₄, tsá₃ juin'⁵⁴ guě₄ lia'² con'² guě₄ dsa₂ i₂chei₅. ¹⁷ Chi₂jua'² ñí'² 'au'² 'nia'² a₂ně₅, 'e₂ bá₄ dsen'³ 'nia'² chi₂jua'² le₂jaun₂ qui₂jmo'².

¹⁸ 'On₃jua'⁵⁴ ca₂le₃jín'³ 'nia'² 'ín₅ jniá₂; guion₄ bá₄ jniá₂ i₂'ein₂ 'éi₂ i₂ma₂ca₂quiong'⁵⁴. La₁ia₁, 'nió'⁵ le₃ti₃ lia'² con'² juá'² ne₄ Si₂: “Ju₁lia'² i₂guě'⁵ co₂lě₅ quian'⁵⁴ jniá₂, ca₂nau₂ quen₅ tē₂le₃ ja₁con₂ jniá₂.”† ¹⁹ Jaun₂ juig₂ jniá₂ 'nia'² ně₃, tē₃jñiá₅, ia₁jaun₂ jē₁ma₂tē₂ rē₁lé₂, le₃'én'² 'nia'², jniá₂ bá₄ líng⁵ 'éi₂.‡ ²⁰ A₂dsi₂jó'³ juig₂ jniá₂ 'nia'², ju₁lia'² i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ ju₁lia'² i₂guei₅ jniá₂ guein₂₃ i₂ca₂chei₃ jniá₂.

Ca₂juá'² Jesús a₂jáng² Judas quió'⁵

(Mateo 26:20-25; Marcos 14:17-21; Lucas 22:21-23)

²¹ Jme₁ca₂lě₃ juá'² jág₁ ně₅, ca₂can₃ o₂i₁ ds₅ ca₂tē₂ jme₂dsi₂, jaun₂ ca₂jáng³ jág₁ dsau₅ lia'² rē₂jíá₃ jág₁, ca₂juá'²:

—A₂dsi₂jó'³ juig₂ jniá₂ 'nia'², jan₂ 'nia'² jáng² jniá₂.

† 13:18 Salmo 41:9. ‡ 13:19 o₃, “jniá₂ líng⁵” co₂'nió'⁴ jein₅ jág₁, lia'² chen₂ Jehová. 'Nió'² ja₁ton₅, Éxodo 3:14, Isaías 43:10, Juan 8:58.

22 Jaun₂ ně₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ñi₅ 'ein₂ bá₄ 'in₅ Jesús.

23 Jan₂ chi'₂ dsi₂guia₃-tín₂ i₂ñí₄ lě₃ jme'₁nio₃ Jesús, jme₁guá'₄ le₃jén'₃ quió'₅. 24 Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'iin₂₃.

25 Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ñag₃:

—Te₁gui'₅₄, ċ'ein₂ 'éi₂?

26 Jaun₂ ca₂ñag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ñí'₄ la₂, jē₁ma₂ca₂tiá₃ ni₁uñg₅.

Jaun₂ ně₃, jme₁ma₂nē₂tiá₂ i₁ñí'₄, jaun₂ ca₂cuě'₃ Judas Iscariote, ja₁ñi'₅₄ Si₂mu₅₄.

27 Jaun₂ dsi₂jui₅ le₂jaun₂ jme₁ca₂gue₃ Judas i₁ñí'₄ jaun₂, ca₂'í₃ i₂sē₃dsen₃ tē₂dsí₅. Jaun₂ ně₃ ca₂juá'₂ Jesús:

—A₂jaun₂ a₂nio₅ 'au'₂ jmó'₂, jmo₄ ně₃ cón'₅.

28 La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rē₃ñí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

29 Ia₁ jme₁nio₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lin₃ i₂lin₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmig₄, o₃ jme₃'oin₅₄ ca₂la₂ cu₄ dsa₂ te₂ñé₂ 'e₂.

30 Jaun₂ dsi₂jui₅ jme₁ma₂nē₂gue₃ 'éi₂ i₁ñí'₄, o₂'iin₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

31 Jme₁ma₂o₂'ín₃ Judas jaun₂, ca₂juá'₂ Jesús:

—Ně₃ ně₃, jē₁ma₂le₃jniá₂ jui₅bí₂ jlá'₁ quió'₅ Jaun₅ dsa₂ mi₂güí₃; ján₃ bá₄ le₃jniá₂ jui₅bí₂ quió'₅ Diú₄, ja₁con₂ 'éi₂.

32 Chi₂juá'₂ le₃jnia₅ jui₅bí₂ quió'₅ Diú₄ ja₁con₂ 'éi₂, § Diú₄ ně₃, jme₃jnia₅ jui₅bí₂ jlá'₁ quió'₅ Ja₁ñi'₅₄ ja₁con₂ 'ñiog₅, ton'₂ jme₃jniai₂₃ ñi'₅₄ ta₁. 33 'Nia'₂ chi'₂-guein₂ quiáng₃, tsá₃ ma₂uě₂ 'en₅₄ jniá₂ jin'₄ 'nia'₂. Qui₁'nau'₅₄ 'nia'₂ jniá₂; la₁ ju₁lia'₂ ma₂ca₂juí₂ jniá₂ dsa₂ judíos, ján₃ bá₄ le₂jaun₂ juí₂ jniá₂ 'nia'₂ ně₃: tsá₃ lé₂ o₁nó'₅ 'nia'₂ ja₁né'₄ jniá₂. 34 Caun₂ 'éi'₃ 'mí₂ la₂ cuě₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂. Ju₁lia'₂ ca₂jme₁'nió'₄ jniá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂. 35 Le₂nē₅ bá₄ le₃ñi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rē₃tín₃ quiáng₃: ně₃juá'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cuí₂₃

(Mateo 26:31-35; Marcos 14:27-31; Lucas 22:31-34)

§ 13:32 A₂lin₅₄ chog₅₄ si₂, tsá₃ juá'₂ con'₂ táng₃: “chi₂juá'₂ le₃jnia₅ jui₅bí₂ quió'₅ Diú₄ ja₁con₂ 'éi₂.”

36 Jaun₂ ca₂ŋag₃ Si₂mu₅₄ Pe₄ ca₂ŋi' ₃ Jesús:

—Te₁gui' ₅₄, ¿a₂já' ₄ guang' ₅₄?

Jaun₂ ca₂ŋag₃ Jesús:

—Ja₁né' ₄ jniá₂, tsá₃ lé₂ le₃'éin' ₄. La₁ 'éin' ₄ bá₄ 'nia' ₂ cang₂.

37 Jaun₂ ně₃ ca₂juá' ₂ Pe₄ ca₂tsi' ₃ Jesús:

—Te₁gui' ₅₄, ¿'e₂ lě₃ tsá₃ lé₂ le₃'éin₄ jniá₂ tē₂ně₃? Ma₂chan₂ co₂ŋia₅₄ bá₄ jniá₂ a₂gue₅₄ 'mú₃ o₄quián' ₂ 'ne₂.

38 Jaun₂ ca₂ŋag₃ Jesús:

—¿Dsón' ₂ ma₂'ei₅ caun₂ 'au' ₂ a₂gue' ₂ 'mú₃ o₄quió₃ jniá₂? A₂dsi₂jó' ₃ juíg₂ jniá₂ 'ne₂, né' ₃ guě₄ a₂'o₃ tē₁guí₄ dsó₂, hora jaun₂ dé₄ tsá₃ tón' ₄ 'ne₂ a₂cuig' ₂ jniá₂, ta₁'ni₅ ráun₂.

14

Jesús bá₄ lín₅ jui₅ a₂dsi₁ len₃ dsa₂ ja₁ con₂ Jmei₂

1 'Tsá₃ lě₁can₂ 'nia' ₂ o₂i₁ 'au' ₂. Jui₁lia' ₂ 'én' ₂ 'nia' ₂ tē₂le₃ quió' ₅ Diú₄, ján₃ bá₄ le₂jaun₂ jui₁le' ₂ 'nia' ₂ tē₂le₃ quió₃ jniá₂.

2 Ja₁quió' ₄ Ŋe' ₃, 'lióng₂ dsi₂néi₂ cha₂ a₂jo₂; jua' ₅₄ mei' ₂ guě₃ tsá₃ le₂jaun₂ ně₃, ¿lín' ₂ 'nia' ₂ a₂jme₁juig₅₄ jniá₂ 'nia' ₂ a₂nég' ₄ i₁jmo₃ co₂ŋia₅₄ dsi₂néi₂ quián' ₂ 'nia' ₂?* 3 Cang₂ jē₁ma₂dsián' ₃ jniá₂, jē₁ma₂ca₂lě₃ jmo₂₃ co₂ŋia₅₄ ja₁o₁tión' ₂ 'nia' ₂, jaun₂ bá₄ guio₅₄ táng₃ a₂i₁te₁₂ 'nia' ₂ ja₁cong₂, ia₁jaun₂ ja₁i₁'ú₃ jniá₂, ján₃ bá₄ lé₂ o₁tión' ₂ 'nia' ₂. 4 Ŋi' ₅₄ bá₄ 'nia' ₂ a₂já' ₄ né' ₄ jniá₂; cui₁' ₂ bá₄ 'nia' ₂ jui₅ ně₃.

5 Jaun₂ ca₂juá' ₂ To₁má₄:

—Te₁gui' ₅₄, tsá₃ ne₄ jnia' ₅₄ a₂já' ₄ guang' ₅₄; ¿'a₂ guě' ₂ lia' ₂ le₃cuag₅ jnia' ₅₄ jui₅?

6 Jaun₂ ca₂ŋag₃ Jesús:

—Jniá₂ bá₄ lín₅ jui₅, ján₃ bá₄ lín₅ jág₁ dsau₅, ján₃ bá₄ lín₅ i₂jmo₅ a₂le₃chan₂ dsa₂. 'I₁jan₂ tsá₃ dsió₄ ja₁con₂ Ŋe' ₃ jua' ₅₄ tsá₃ tē₂le₃ quián' ₅₄ jniá₂. 7 Jua' ₅₄ mei' ₂ guě₃ dsón' ₂ ŋi' ₅₄ 'nia' ₂ 'ein₂ lín₅ jniá₂, ján₃ bá₄ jme₁le₃cui₁' ₂ 'nia' ₂ Ŋe' ₃ ján₃;† jaun₂ ně₃ ně₃, tē₂le₃ ne₄ jui₅, le₃cui₁' ₂ 'nia' ₂, ton' ₂ ma₂jii₁' ₅₄ 'nia' ₂.

8 Jaun₂ ně₃ ca₂juá' ₂ Fe₂li₄ ca₂tsi' ₃ Jesús:

—Te₁gui' ₅₄, cuě₄ jmig₄ a₂jii₄ jnia' ₅₄ Néi' ₅, jaun₂ co₂jaun₂ guě₄ dsáu₅ dsi₅ jnia' ₅₄.

9 Jaun₂ ca₂ŋag₃ Jesús:

—¿Tsa₁ cui₁' ₂ 'ne₂ jniá₂ Fe₂li₄, o₁ŋia' ₅₄ ma₂ŋó₅ jmig₄ 'en₅₄ jniá₂ quián' ₅₄ 'nia' ₂? Chi₂jua' ₂ 'ein₂ dsa₂ ma₂jág₂ jniá₂, ján₃ bá₄ ma₂jii₁' ₂ Ŋe' ₃. ¿'A₂ bá₄ lia' ₂ juá' ₂ 'ne₂: “Cuě₄ jmig₄ a₂jii₄ jnia' ₅₄ Néi' ₅”? 10 ¿Tsa₁ 'én' ₂ 'ne₂ a₂'en₅₄ jniá₂ ja₁con₂ Ŋe' ₃, ton' ₂ 'en₅₄

* 14:2 o₃, “jua' ₅₄ mei' ₂ guě₃ tsá₃ le₂jaun₂ ně₃, jme₁juig₅₄ guě' ₂ jniá₂ 'nia' ₂. Né₄ i₁jmo₃ co₂ŋia₅₄ dsi₂néi₂ quián' ₂ 'nia' ₂.” † 14:7 A₂lín₅₄ chog₅₄ si₂ juá₂: “chi₂jua' ₂ dsón' ₂ ma₂cuig' ₂ 'nia' ₂ jniá₂, le₃cui₁' ₂ 'nia' ₂ Ŋe' ₃ ján₃.”

guë'² Ne'³ táng³ ja₁con₂ jniá'²? Jui₁lia'² jág₁ a₂juíg₂ jniá'² 'nia'², tsá₃ juá'⁵ jniá'² o₄quió₃ 'ñió₃. Të₂le₃, Ne'³ jniá'² i₂të₁'ñiá₄ ja₁con₂ jniá'², i₂'éi₂ bá₄ jmo₅ ta₁ quió'⁵. ¹¹ Jui₁le₂'én'² bá₄ 'nia'² a₂juá'⁵ jniá'², a₂'eng₅₄ ja₁con₂ Ne'³, a₂'en₅₄ guë'² Ne'³ ja₁con₂ jniá'²; o₃ nē₁juá'² tsá₃ le₂jaun₂, jmá'³ lia'² të₂le₃ quian'⁵⁴ léi₄ a₂jmo₂₃, jui₁le₂'én'² 'nia'². ¹² A₂dsi₂jó'³ juíg₂ jniá'² 'nia'², jui₁lia'² i₂'én₂ le₃quió₃ jniá'², ján₃ bá₄ jmo₃ jui₁lia'² a₂jmo₅ jniá'²; jaun₂ të₂le₃ 'ñio₅ guë'⁴ juë'² a₂jmo₃, ia₁ nég'⁴ ja₁con₂ Ne'³. ¹³ Jaun₂ chi₂juá'² 'e₂ a₂mi'² 'nia'² lia'² con'² lē₅ 'éi'³ quió₃ jniá'², jmo₅₄ bá₄ jniá'², ia₁jaun₂ le₃juin'² Jmei₂ o₄quió'⁴ Ja₁ñi'⁵⁴. ¹⁴ Lé₂ bá₄ mí'¹ 'nia'² lia'² con'² lē₅ 'éi'³ quió₃ jniá'², chi₂juá'² 'e₂ caun₂ a₂'niog'² 'nia'², jaun₂ jmo₅₄ bá₄ jniá'².

Ca₂cuë₃ Jesús jág₁ quió'⁵ a₂chein₃ Jme₂dsi₂ Jñió₅

¹⁵ 'Chi₂juá'² 'niog'³ 'nia'² jniá'², nei₂ gau₂ 'éi'³ quió₃. ¹⁶ Jaun₂ mi₅₄ jniá'² ne₄ Ne'³ a₂cuin₃ jan₂ i₂sián'² i₂cuë'³ bí₂ 'au'² 'nia'², ia₁jaun₂ 'i₂ 'éi₂ co₂tan₅₄ quian'⁵⁴ 'nia'². ¹⁷ Jme₂dsi₂ quió'⁵ jág₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güig₃, ia₁ tsá₃ jág₂, on₃ guë'² cui₂₃ cuin₂₃ 'éi₂. La₁ 'nia'² nē₃, ma₂cuin'² bá₄ 'nia'², ia₁ guá₅ ja₁con'² 'nia'², ton'² të₃'ñiá₄ le₃quián'² 'nia'². ¹⁸ On₃juá'⁵⁴ a₂tén₄ jniá'² 'nia'² co₂ñei'⁵⁴ nē₂jag₄ bá₄ chi'² 'nág₂. Guio₅₄ bá₄ táng₃ ja₁con'² 'nia'². ¹⁹ Tsá₃ ma₃uë₂ jág₂ dsa₂ mi₂güig₃ jniá'², la₁ia₁ jag'⁵⁴ bá₄ 'nia'². 'Ui₅₄ ia₁ a₂chan₂ jniá'², le₃chang'² bá₄ 'nia'². ²⁰ Jmi₅₄ jaun₂ le₃len'⁵⁴ 'nia'² a₂'en₅₄ jniá'² ja₁con₂ Ne'³, 'nia'² guë'² tiong'⁵⁴ ja₁con₂ jniá'², jaun₂ jniá'² guë'² nē₃ 'eng₅₄ ja₁con'² 'nia'². ²¹ Jui₁lia'² i₂gue₅, i₂nē'² 'éi'³ quió₃, 'éi₂ bá₄ i₂të₂dsón'² 'nio₃ jniá'². Jui₁lia'² i₂'nio₃ jniá'² nē₃, jme₃'nio₃ Ne'³. Já₃ bá₄ le₂jaun₂ jniá'² jme₁'nió₄, jaun₂ jme₁jnia₅ jniá'² ja₁coin₂.

²² Jaun₂ ca₂juá'² Judas, (on₃juá'⁵⁴ Iscariote):

—Te₁gui'⁵⁴, ¿'e₂ lē₃ ja₁con₂ jniá'⁵⁴ jme₁jnag'⁵, on₃juá'⁵⁴ rē'² ja₁con₂ dsa₂ mi₂güig₃?

²³ Jaun₂ ca₂ñag₃ Jesús:

—Jui₁lia'² i₂'nio₃ jniá'², tón'² bá₄ jui₅ jág₁ quió₃; jaun₂ jme₃'nio₃ Ne'³ jme₃'nioi₃ 'éi₂, jaun₂ qui₂ja₁ná₄ jniá'⁵⁴ ja₁coin₂ ja₁'io₁ quian'⁵⁴ 'éi₂. ²⁴ Jui₁lia'² i₂tsá₃ 'nio₃ jniá'², tsá₃ tón'² jui₅ jág₁ quió₃. Jág₁ a₂nag'² 'nia'² la₂, on₃juá'⁵⁴ a₂quió₃, a₂quió'⁵ Ne'³ i₂ca₂chei₃ bá₄.

²⁵ 'Ca₂le₃jě₃ a₂la₂ juá'⁵ jniá'² juíg₂ 'nia'² të₁lia'² 'eng₅₄ guë'⁴ quian'⁵⁴ 'nia'²; ²⁶ la₁ia₁ i₂cuë₃ bí₂ 'au'² 'nia'² 'éi₂, i₂lín₅ Jme₂dsi₂ Jñio₅, i₂chen₃ Ne'³ o₄quió₃ jniá'², 'éi₂ bá₄ jme₃tag₅ jme₃tiin₂₃ 'nia'², jaun₂ jmo₃ a₂qui₃dsiog'² 'au'² 'nia'² ca₂le₃jě₃ 'e₂ a₂ma₂qui₂ma₂juíg₂ jniá'² 'nia'².

²⁷ 'Ág'⁵ jniá'² jág₁ a₂jmo₃ 'ag₃ tei₄ ja₁con'² 'nia'³. A₂tei₄ a₂'ei₅ ja₁con₂ jniá'², a₂jaun₂ bá₄ cuë'⁵ jniá'² 'nia'². La₁ on₃juá'⁵⁴ lia'² cuë'⁵ dsa₂ mi₂güig₃, cuë'⁵ jniá'² 'nia'². Tsá₃ lē₁can₂ 'nia'² o₂i₁

dsi₅, on₃ guè'₂ jmó'₂ 'nia'₂ gang'₃. ²⁸ Ma₂qui₂ma₂nei'₂ 'nia'₂ a₂juá'₅ jniá'₂: a₂nég'₄, jaun₂ guio₅₄ táng₃ ja₁con'₂ 'nia'₂. Nē₃jua'₂ tē₃dsón'₂ 'nióg'₃ 'nia'₂ jniá'₂, jme₁jmó'₂ 'nia'₂ 'io'₂ jme₁ca₂rē₃ñi'₅₄ 'nia'₂ a₂né'₄ jniá'₂ ja₁con₂ Ñe'₃, ia₁ i₂juin'₂ gué'₄ 'éi₂ lia'₂ con'₂ gué'₄ jniá'₂. ²⁹ Jaun₂ ma₂juíg'₂ jniá'₂ 'nia'₂ a₂la₂ tē₃jniá'₅, ia₁jaun₂ le₃'én'₂ 'nia'₂ jē₁ma₂tē₂ rē₁lé₂ a₂jaun₂.

³⁰ 'Tsá₃ ma₂'lióng₂ jág₁ dsia₅₄ jniá'₂ quian'₅₄ 'nia'₂; ia₁ ma₂já₅ i₂gon₂ mi₂güí₃ la₂, o₁ñia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá'₂. ³¹ La₁ia₁ 'nió'₅ le₃ñi₅ dsa₂ mi₂güí₃, a₂'nió₃ jniá'₂ Ñe'₃, jaun₂ lia'₂ con'₂ lé₅'éi'₃ a₂ma₂cuē₃ Ñe'₃ jniá'₂, a₂jaun₂ bá₄ jmo₅ jniá'₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chi₁uíng₃ uvas, quian'₅₄ gu'₂ nei'₅₄ quió'₅

¹ 'Jniá'₂ líng₅ cho'₅₄ ni₁uíng₂ uvas, ja₁já₅ bí₂ dsón'₂. Ñe'₃ gué'₂ lín₅ i₂jmo₅ 'í₁ ja₁nau₂. ² Jniá'₂ 'éi₂ ca₂le₃jē₃ ni₁gu'₂ quió'₃ a₂tsá₃ míg'₂ 'ag₅; la₁ia₁ qui₂jí'₅ qui₂uíñ₂₃ ni₁gu'₂ a₂'ag₅ míg'₂, ia₁jaun₂ ráu₃ gué'₄ 'lióng₂. ³ Ma₂le₁jín'₃ bá₄ 'nia'₂ tē₂le₃ quian'₅₄ jág₁ a₂qui₂ma₂juíg'₂ jniá'₂ 'nia'₂. ⁴ Caun₂ jui₁tē₂'ñiá'₄ bá₄ 'nia'₂ ja₁con₂ jniá'₂, jui₁lia'₂ tē₂'ñiá'₄ jniá'₂ ja₁con'₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg'₂ con'₂ 'ñiog₅ le₂jaun₂, nē₁jua'₂ tsá₃ rē₂tsán'₂ quian'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ nē₃, tsá₃ 'e₂ lé₂ le₃ráu₃ quián'₂ 'nia'₂ nē₁jua'₂ tsá₃ tē₂'ñiá'₄ ja₁con₂ jniá'₂.

⁵ 'Jniá'₂ líng₅ cho'₅₄; 'nia'₂ gué'₂ líng₅ gu'₂ nei'₅₄. Jui₁lia'₂ dsa₂ i₂tē₂'ñiá'₄ rē₂tsán'₂ quian'₅₄ jniá'₂, jui₁lia'₂ tē₂'ñiá'₄ jniá'₂ ja₁con₂ 'éi₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quiong'₅₄ jniá'₂. ⁶ Jui₁lia'₂ i₂tsá₃ tē₂'ñiá'₄ ja₁con₂ jniá'₂, lín₅ nē₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂quein₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

⁷ 'Chi₂jua'₂ tē₂'ñiá'₄ 'nia'₂ ja₁con₂ jniá'₂, ton'₂ tē₂'ñiá'₄ jág₁ quió'₃ ja₁con'₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ gué'₁ bá₄ 'nia'₂. ⁸ Le₂la₂ bá₄ rē₂juin'₂ Ñe'₃; a₂qui₂ráu₂ 'lióng₂ 'e₂ a₂jmo'₂ 'nia'₂. * Le₂nē₅ jme₂jniá'₂ 'nia'₂ a₂líng'₅ dsa₂ i₂ca₂rē₃tín₃ quián₃ jniá'₂. ⁹ Jui₁lia'₂ 'nio₃ Ñe'₃ jniá'₂, ján₃ bá₄ le₂jaun₂ 'nió₃ jniá'₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá'₂ 'nia'₂. ¹⁰ Nē₃jua'₂ caun₂ né'₂ 'nia'₂ gau₂ 'éi'₃ quió'₃, le₂nē₅ tē₃'ñiá'₄ 'nia'₂ jui₅ a₂'nió₃ jniá'₂ 'nia'₂, jui₁lia'₂ caun₂ nag₅ jniá'₂ gau₂ 'éi'₃ quió'₅ Ñe'₃, ton'₂ tē₂'ñiá'₄ jniá'₂ jui₅ a₂'nio₃ 'éi₂ jniá'₂.

¹¹ 'Jág₁ nē₅ ma₂nē₂juíg'₂ jniá'₂ 'nia'₂ ia₁jaun₂ a₂ñi₄ lē₃ jéin₅ jniá'₂ 'io'₂, cué'₄ jniá'₂ 'nia'₂, ia₁jaun₂ le₃'ñia₅ bá₄ a₂jén'₂ 'nia'₂ 'io'₂. ¹² A₂la₂ bá₄ 'éi'₃ quió'₃; a₂jme₁'nió'₄ 'nia'₂ ríng'₂ le₂jang'₂ le₂jang'₂, jui₁lia'₂ ma₂ca₂jme₁'nió'₄ jniá'₂ 'nia'₂. ¹³ 'I₁jan₂ tsá₃ lé₂ le₃'nio₃

* 15:8 'Nio'₂ ja₁ton₅ Isaiás 61:3.

guě₄ lín₃ ríin'₅₄, lia'₂ con'₂ guě₄ i₂guein'₅ 'mú₃ o₄quió'₄ a₂mei'₅₄ quiáin₅. ¹⁴ 'Nia'₂ bá₄ líng'₅ dsa₂ a₂mei'₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá₂. ¹⁵ Tsá₃ ma₃tě₅ jniá₂ 'nia'₂ dsa₂ i₂jme₂tí₃ ne₃, ia₁ tsá₃ ŋi₅ ju₁lia'₂ jan₂ dsa₂ i₂jme₂tí₃ ta₁, 'e₂ a₂jmo₅ juig'₅₄. Tě₅ jniá₂ a₂mei'₅₄ quiáng₃ bá₄ 'nia'₂, ia₁ ma₂ca₂jme₁jnia₅ bá₄ jniá₂ ja₁con'₂ 'nia'₂, ca₂le₃jě₃ 'e₂ a₂ma₂ca₂juá'₂ Ŋe'₃. ¹⁶ On₃jua'₅₄ 'nia'₂ ca₂quió'₅₄ jniá₂; jniá₂ bá₄ ma₂quion'₄ 'nia'₂, jaun₂ ma₂ca₂dsia₃ jniá₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'lióng₂ quián'₂ 'nia'₂ a₂jiog₃ uě₂. Jaun₂ le₂ně₅ cuě₃ Ŋe'₃ jniá₂ cuě'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con'₂ lě₅ 'éi'₃ quió₃ jniá₂. ¹⁷ A₂la₂ bá₄ 'éi'₃ quió₃ jaun₂ ně₃: a₂jme₁'nió'₄ 'nia'₂ ríng'₂ le₂jang'₂ le₂jang'₂.

Iog₅₄ dsa₂ mi₂güig₃ 'ŋiai₅₄ Jesús quian'₅₄ dsa₂ quiáin₅

¹⁸ Chi₂jua'₂ 'iog₅₄ dsa₂ mi₂güig₃ quián'₂ 'nia'₂, ju₁le₂ŋi'₅₄ 'nia'₂, jniá₂ bá₄ ca₂rě₃'iog₅₄ dsa₂ le₂'uig₅₄. ¹⁹ Jua'₅₄ mei'₂ guě₃ lín'₅ 'nia'₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ ju₁lia'₂ 'nioi₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá₂ 'nia'₂ jin₄ dsa₂ mi₂güig₃; 'uig₅₄ jaun₂ ně₃, 'ŋiai₅₄ 'nia'₂. ²⁰ Dsá₂ 'au'₂ 'nia'₂ jmo₄, jág₁ a₂ma₂juig₂ jniá₂ 'nia'₂: “Lia'₂ 'i₁jan₂ dsa₂ i₂jme₂tí₃ ta₁, tsá₃ juin'₂ guě₄ con'₂ guě₄ juig'₅₄”. Chi₂jua'₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ ju₁ jág₁ a₂ma₂ca₂jme₁tíin₅ jniá₂, ján₃ bá₄ le₂jaun₂ qui₃tón'₂ dsa₂ ju₁ jág₁ quián'₂ 'nia'₂. ²¹ La₁ ca₂le₃jě₃ a₂ně₅ dsi₃ŋí'₂ 'nia'₂ qui₃co₃jímóg'₂ dsa₂ 'uig₅₄ quió₃ jniá₂, ia₁ tsá₃ cuiin₂₃ i₂ca₂chei₃ jniá₂.

²² Tsá₃ jme₁le₃cáin'₄ jua'₅₄ mei'₂ guě₃ tsá₃ guan₃ jniá₂ a₂o₂juá'₃ ja₁con'₂ 'éi₂; la₁ ně₃ ně₃, tsá₃ ma₃'e₂ lé₂ le₃juá'₂ jua'₅₄ tsá₃ ŋi₅. ²³ Ia₁ ju₁lia'₂ i₂'iog₅₄ jniá₂, ján₃ bá₄ 'ŋiai₅₄ Ŋe'₃ jniá₂. ²⁴ Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi₂ a₂tsá₃ 'ein₂ sián'₂ ma₂jmo₃; la₁ia₁ o₁jnia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia'₂ Ŋe'₃ ně₃, 'ŋiai₅₄. ²⁵ La₁ia₁ qui₂lě₂ ia₁jaun₂ le₃tí₃ jág₁ a₂tio'₅₄ ne₄ Si₂ 'Éi'₃ quió₅ a₂juá'₂: “Ca₂rě₃'iog₅₄ dsa₂ tě₃ tsá₃ 'e₂ cha₂ lě₃.”†

²⁶ La₁ia₁ jě₂ma₂tě₂ rě₂jiá₃ i₂cuě₃ bí₂ 'au'₂ 'nia'₂, i₂tsin₅₄ jniá₂ ja₁con'₂ 'nia'₂ i₂jiá₃ tě₂le₃ ja₁guá₄ Ŋe'₃: Jme₂dsí₂ tí₅ dsón'₂ i₂o₂'in₅ ja₁con'₂ Ŋe'₃, i₂'éi₂ bá₄ jáng'₃ jág₁ dsau₅ tě₂le₃ quió₃ jniá₂. ²⁷ Já₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig₅₄ bá₄ ma₂qui₂ma₂tíón'₂ 'nia'₂ quian'₅₄ jniá₂.

16

¹ 'Le₂ně₅ juig₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂ 'uín'₂ 'nia'₂ ja₁lě₁tong'₂ ne₄ si₂ guá'₅ sinagoga, ca₂le₃jě₃ já₅ caun₂ jmig₄, lín₂ ju₁lia'₂ i₂jme₃dsiog₅

† 15:25 Salmo 35:19; 69:4.

'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jé₃ a₂nē₅ jmo₃*
 ia₁ tsá₃ ma₂ca₂rē₃cuin₂₃ Ne'₃, on₃ guē'₂ jniá₂ ma₂ca₂rē₃cuig₂₃.
⁴ Jaun₂ juíg₂ jniá₂ 'nia'₂ le₂nē₅ ia₁jaun₂ jē₁ma₂tē₂ rē₁tē₅₄ jmig₄
 jaun₂, dsioḡ'₂ 'au'₂ 'nia'₂ a₂ca₂juíg₂ jniá₂ 'nia'₂ jág₁ la₂.

Ta₁ a₂jmo₅ Jme₂dsí₂ Jjió₅

'Tsá₃ ca₂juá'₃ jniá₂ le₂nē₅ lia'₂ con'₂ le₂'uig₅₄, ia₁ jme₁'en₅₄ bá₄
 jniá₂ quian'₅₄ 'nia'₂. ⁵ La₁ia₁ nē₃ nē₃, ma₂nég'₄ i₁'ú₃ quiang'₅₄
 i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ḡag₅: “¿A₂já'₄
 guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig₅₄ ia₁ a₂nē₂juíg₂
 jniá₂ 'nia'₂ a₂nē₅. ⁷ La₁ jág₁ dsau₅ bá₄ juíg₂ jniá₂ 'nia'₂: tē₂le₃
 a₂dse₃ quián'₂ 'nia'₂ bá₄ a₂nē'₄ jniá₂. Ia₁ nē₁juá'₂ tsá₃ ca₂ḡá'₃
 jniá₂, tsá₃ jiá₃ i₂cuē₃ bí₂ 'au'₂ 'nia'₂; la₁ia₁ chi₂juá'₂ né'₄ jniá₂ nē₃,
 tsin₅₄ jniá₂ 'éi₂ ja₁con'₂ 'nia'₂. ⁸ Jē₁ma₂tē₂ rē₁jiá₃ 'éi₂, jme₃jniái₂₃
 a₂rē₂gan₂ dsa₂ mi₂güig₃ cuente quió'₅ dsáu₁, quió'₅ jui₅ dse₃,
 quió'₅ a₂jáu'₅ 'í₁ ja₁coin₂ nē₃. ⁹ Cuente quió'₅ dsáu₁, 'uig₅₄ ia₁
 a₂tsá₃ 'éin₂ le₃quió₃ jniá₂; ¹⁰ cuente quió'₅ jui₅ dse₃, ia₁ a₂nég'₄
 ja₁con₂ Ne'₃, jaun₂ tsá₃ ma₃jniá₂ jag'₅₄ 'nia'₂; ¹¹ ján₃ bá₄ cuente
 quió'₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

¹² "Lióng₂ bá₄ jág₁ cha₂ guē₄ a₂juig₅₄ jniá₂ 'nia'₂, la₁ia₁ tsá₃
 qui'₅₄ 'nia'₂ jmig₄ le₃ḡig'₂ jē₂ nē₃. ¹³ La₁ jē₁ma₂tē₂ rē₁jiá₃ Jme₂dsí₂
 tí₅ dsón'₂, i₂'éi₂ bá₄ jioḡ₃ 'nia'₂ jui₅ a₂tí₅ jág₁; ia₁ tsá₃ a₂jaun₂ juá'₂
 'éi₂ o₄quió'₄ 'ḡioḡ₅; a₂jaun₂ bá₄ juá'₂ ca₂le₃jé₃ a₂nag₃, ton'₂ 'ē₂ jág₁
 jui₁lia'₂ 'e₂ niog₅ lé₂. ¹⁴ Jme₃juag'₂ 'éi₂ jniá₂, ia₁ ḡei₂ jui₁lia'₂ a₂lē₅
 quió₃ jniá₂, jaun₂ 'éi₂ nē₃, jmo₃ jág₁ ja₁con'₂ 'nia'₂. ¹⁵ Ca₂le₃jé₃
 a₂cha₂ quió'₅ Ne'₃, ján₃ bá₄ lē₅ quió₃ jniá₂; jaun₂ bá₄ lē₃ nē₂juá'₃
 jniá₂ a₂ḡe₂ 'éi₂ jui₁lia'₂ a₂lē₅ quió₃ jniá₂, jaun₂ jmo₃ jág₁ ja₁con'₂
 'nia'₂.

Jui₁lia'₂ a₂'lia'₂ dsí₅ dsa₂ le₃tsín₃ a₂lé₂ a₂qui₂jmo₃ 'io'₂

¹⁶ 'Ni'₅₄ ta₁, tsá₃ ma₃jag'₅₄ guē₄ 'nia'₂ jniá₂; la₁ ḡi'₅₄ ta₁ bá₄, jag'₅₄
 táng₃ jniá₂, ia₁ né'₄ jniá₂ ja₁con₂ Ne'₃.†

¹⁷ Jaun₂ nē₃, qui₂ca₂ḡag₃ i₂lin₅₄ chi'₂ dsi₂guia₃-tín₂ quiáin₅
 ca₂ḡi'₃ riin'₅₄ le₂jain₂ le₂jain₂:

—¿I₂'e₂ 'nio₃ juá'₂ a₂juá'₂ tság₅ jniog₄ le₂nē₅: “Ni'₅₄ ta₁, tsá₃
 ma₃jag'₅₄ guē₄ 'nia'₂ jniá₂; la₁ ḡi'₅₄ ta₁ bá₄, jag'₅₄ táng₃ jniá₂, ia₁
 né'₄ jniá₂ ja₁con₂ Ne'₃”? ¹⁸ ¿I₂'e₂ 'nio₃ juá'₂: “Ni'₅₄ ta₁”? Tsá₃ ne₄
 i₂'e₂ jaun₂ 'ē₂₃.

¹⁹ Jaun₂ ca₂rē₃lí'₄ Jesús i₂'e₂ 'nio₃ ḡag₃ tioin'₅₄, jaun₂ ca₂juá'₂:

—¿A₁qui₂ḡi'₄ 'nia'₂ ríng'₂ 'uig₅₄ ia₁ a₂nē₂juá'₃ jniá₂: “Ni'₅₄ ta₁,
 tsá₃ ma₃jag'₅₄ guē₄ 'nia'₂ jniá₂; la₁ ḡi'₅₄ ta₁ bá₄, jag'₅₄ táng₃ jniá₂”? ²⁰

A₂dsi₂jó'₃ juíg₂ jniá₂ 'nia'₂, a₂tóng'₂ 'nia'₂ qui₁'áu'₂, a₂'lia'₂ 'au'₂

* 16:3 A₂lin₅₄ chog₅₄ si: “jmo₃ jmái'₂ 'nia'₂.” † 16:16 A₂lin₅₄ chog₅₄ si₂ tsá₃ le₁ton₃
 jág₁: “ia₁ né'₄ jniá₂ ja₁con₂ Ne'₃.”

ně₃, tē₁lia'₂ jmo₃ dsa₂ mi₂güig'₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂ a₂qui₃jmó'₂ táng₃ 'io'₂. ²¹ Jui₁lia'₂ lín₅ jan₂ 'io'₅₄ jē₁rē₂chan₂ guein₂ quiain₅, 'lia'₂ dsí₅ ia₁ ma₂ca₂tē₂ hora quió'₅; la₁ cang₂ jē₁ma₂ca₂rē₃chán₃ guein₂ quiain₅, tsá₃ ma₃dsau'₂ dsí₅ a₂ca₂rē₃quí'₃ quió'₅, ia₁ a₂ñí₄ lē₃ 'io'₂ jén'₅, ia₁ a₂ca₂rē₃chán₃ jan₂ guein₂ mi₂güig'₃ la₂. ²² Ján₃ bá₄ le₂jaun₂ 'nia'₂ ně₃; 'lia'₂ 'au'₂ 'nia'₂ rē₂ně₃, la₁ jing₅₄ bá₄ táng₃ 'nia'₂, jaun₂ guē₄ ně₃ jmó'₂ 'nia'₂ 'io'₂ tē₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃ñiá'₂.

²³ Jmig₄ jaun₂ tsá₃ ma₃'e₂ qui₁ñag'₁ 'nia'₂ jniá'₂ 'i₁caun₂. A₂dsi₂jó'₃ juig₂ jniá'₂ 'nia'₂, chi₂jua'₂ 'e₂ a₂mi'₂ 'nia'₂ lia'₂ con'₂ lē₅ 'éi'₃ quió'₃ jniá'₂, cuē₃ bá₄ Ñe'₃. ²⁴ Ca₂lia'₂ jnió'₄ jmig₄ ně₃, tsá₃ 'e₂ ma₂mi'₅₄ 'nia'₂ 'i₁caun₂ lia'₂ con'₂ lē₅ 'éi'₃ quió'₃. Mi₄ 'nia'₂, jaun₂ guéi'₁ 'nia'₂, ia₁jaun₂ le₃'ñia₅ a₂o₂'ñi₃ o₂ñia₃ 'au'₂.

Jesucristo bá₄ ca₂tió'₃ mi₂güig'₃ la₂

²⁵ Jág₁ la₂ ma₂nē₂juig₂ jniá'₂ 'nia'₂ quian'₅₄ jág₁ a₂jáng'₅ léi₄. La₁ jiá₃ hora a₂tsá₃ ma₃juig₅₄ jniá'₂ 'nia'₂ quian'₅₄ jág₁ a₂jáng'₅ léi₄; lia'₂ rē₂jiá₃ jág₁ bá₄ juá'₄ jniá'₂ juig₅₄ 'nia'₂ a₂'ing₄ Ñe'₃. ²⁶ Jmig₄ jaun₂ mí'₁ 'nia'₂ ne₄ Ñe'₃ lia'₂ con'₂ lē₅ 'éi'₃ quió'₃ jniá'₂. Tsá₃ ma₃tion₅₄ juá'₄ jniá'₂ a₂mi₅₄ jniá'₂ ne₄ Ñe'₃ o₄quián'₂ 'nia'₂, ²⁷ ia₁ ñiog₅ bá₄ Ñe'₃ 'nioi₃ 'nia'₂, ia₁ 'nióg'₃ 'nia'₂ jniá'₂, ia₁ ma₂ca₂rē₃'én'₂ 'nia'₂ a₂guio₃ jniá'₂ ja₁con₂ Diú₄. ²⁸ Ca₂o₃'ín₃ jniá'₂ ja₁con₂ Ñe'₃ a₂ca₂guang₃ mi₂güig'₃ la₂; la₁ia₁ ně₃ ně₃ o₃'ing₅ mi₂güig'₃ la₂, jaun₂ nég'₄ táng₃ ja₁con₂ Ñe'₃.

²⁹ Jaun₂ ca₂juá'₂ chi'₂ dsi₂guia₃-tín₂ quiain₅:

—Ně₃ guē₄ ně₃ juá'₂ 'ne₂ lia'₂ rē₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄. ³⁰ Ně₃ guē₄ ně₃ ma₂ne₄ jnia'₅₄ a₂ñi'₅₄ bá₄ 'ne₂ ca₂le₃jě₃, jaun₂ tsá₃ 'e₂ 'nió'₅ quiáng'₂ jua'₅₄ tsá₃ ñi'₅₄ 'e₂ qui₃ñag₃ dsa₂ qui₃ñi'₃ 'ne₂. 'Uig₅₄ jaun₂ 'éin₂ jnia'₅₄ a₂ñe'₃ 'ne₂ ja₁con₂ Diú₄.

³¹ Jaun₂ ca₂ñag₃ Jesús:

—¿Dsón'₂ jua'₅₄, ně₃ guē₄ 'én'₂ 'nia'₂? ³² Jjag₄ 'nia'₂! Ma₂ja₂quián₃ hora, ton'₂ tē₂ně₃ dsón'₂ bá₄, a₂cuíng'₂ 'nia'₂ lé₂, a₂o₁ñog'₄ tsi₁rē₂jang'₅₄ le₂jang'₂ le₂jang'₂ o₁ñog'₄ jma₃quén₅ quiáng'₂; jaun₂ téi'₄ 'nia'₂ jniá'₂ tē₃tsing'₅₄ 'ñi₃o₃ lé₂. La₁ia₁ tsá₃ 'ñi₃o₃ jniá'₂ tē₃tsing'₅₄, ia₁ quiong'₅₄ bá₄ Ñe'₃ jniá'₂. ³³ Juig₂ jniá'₂ 'nia'₂ le₃jě₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃quió'₃ jniá'₂. Mi₂güig'₃ la₂ tion₅₄ rē'₂ qui₁cán'₂ 'nia'₂ qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá'₂ ja₁con₂ mi₂güig'₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ dsi₂guia₃-tín₂ quiain₅

¹ Jme₁ma₂ca₂juá'₂ Jesús le₂në₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂tě₂ hora quió₃. Jme₁jnia₅ 'a₂ lia'₂ jlán'₁ ja₂ñí'₂, ia₁jaun₂ jme₃jnia₅ ja₂ñí'₂ 'a₂ lia'₂ jlán'₁ 'ne₂. ² Ia₁ ma₂ca₂cuë'₅₄ 'éi₂ 'éi'₃ ne₄ quió'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. ³ A₂la₂ lě₅ a₂chan₂ dsa₂ co₂tan₅₄: a₂le₃cuin₅ dsa₂ 'ne₂ i₂lín_g'₅ i₂jan₂ tan₅₄ Diú₄ tē₃dsón'₂, a₂le₃cuin₂₃ Jesucristo nē₃ i₂ca₂chen'₂ 'ne₂.

⁴ Ma₂ca₂jme₁jnia₅ jniá₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁ñia₅ jniá₂ ta₁ a₂ca₂cuë'₅₄ jmo₅₄. ⁵ Nē₃ nē₃, jaun₂, Tia₅₄, jmo₄ jlán'₁ jniá₂ ja₁cong'₂, jui₁lia'₂ jme₁lín₄ jniá₂ ja₁cong'₂ lia'₂ con'₂ né₃ guē₄ a₂nio₃ mi₂güig₃.

⁶ Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güig₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅ 'éi₂ jág₁ quiáng'₂. ⁷ Ma₂ca₂rē₃ñi₅ 'éi₂, ca₂le₃jě₃ a₂ca₂cuë'₅₄ jniá₂ já₅ ja₁con'₂ 'ne₂; ⁸ ia₁ ma₂ca₂cuë'₃ bá₄ jniá₂ jág₁ jaun₂ a₂ca₂cuë'₅₄ 'ne₂ jniá₂, jaun₂ ca₂gue₃ bá₄ 'éi₂ nē₃. Ma₂ca₂rē₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rē₃'éin₂ a₂ca₂chei'₂ 'ne₂ jniá₂.

⁹ O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güig₃. O₄quió'₄ dsa₂ i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. ¹⁰ Ia₁ ca₂le₃jín₃ dsa₂ quiáng₃, já₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ nē₃, i₂quiáng₃ bá₄ 'éi₂ já₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

¹¹ Tsá₃ ma₃jan₄ jniá₂ mi₂güig₃ la₂; la₁ia₁ 'éi₂ nē₃ tē₂'ñiá₄ mi₂güig₃, jaun₂ né_g'₄ ja₁con'₂ 'ne₂. Tia₅₄ Jñiós, jmo₄ 'í₁ 'éi₂ i₂ma₂cuag'₅₄ quian'₅₄ jui₅bí₂ a₂lín_g'₅,* ia₁jaun₂ ca₂ne₅₄ bá₄ léin₂ co₂tan₅₄, jui₁lia'₂ lág₅ jniog₄. ¹² Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güig₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ jui₅bí₂ a₂lín_g'₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'i₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'i₄ 'éi'₃ dsi₃'én₂, ia₁jaun₂ le₃ti₃ Si₂.

¹³ Nē₃ nē₃, né_g'₄ ja₁cong'₂; la₁ia₁ tē₁lia'₂ 'eng₅₄ guē₄ mi₂güig₃, juá'₅ jniá₂ jág₁ la₂ ia₁jaun₂ le₃'ñia₅ ja₁con₂ 'éi₂ a₂'io'₂ jéin₅ jniá₂. ¹⁴ Ma₂ca₂cuë'₃ bá₄ jniá₂ jág₁ quiáng'₂, la₁ia₁ dsa₂ mi₂güig₃ nē₃, 'iog₅₄ quió'₅, ia₁ tsá₃ tén₅ 'éi₂ mi₂güig₃, jui₁lia'₂ jniá₂ nē₃, tsá₃ téng₅ mi₂güig₃. ¹⁵ On₃jua'₅₄ rē'₂ mi₅ jniá₂ jua'₅₄ a₂'uin'₅₄ mi₂güig₃, a₂jaun₂ bá₄ mi₅ jniá₂ a₂j mó'₂ 'í₁ ia₁jaun₂ tsá₃ jo₃ i₂sē₃dsen₃. ¹⁶ Tsá₃ mi₂güig₃ téin₅, jui₁lia'₂ jniá₂ nē₃, tsá₃ téng₅ mi₂güig₃.

* **17:11** A₂lín₅₄ chog₅₄ si₂: “jmo₄ 'í₁ 'éi₂ quian'₅₄ jui₅bí₂ a₂lín_g'₅, a₂ma₂jmo₃'₅₄ a₂lín₅ jniá₂ já₃.” † **17:12** A₂lín₅₄ chog₅₄ si₂ tsá₃ chi₁ton₅: “mi₂güig₃ la₂.” ‡ **17:12** A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ jui₅bí₂ a₂lín_g'₅, a₂ma₂jmo₃'₅₄ a₂lín₅ jniá₂ já₃.”

17 Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. 18 Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güí₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güí₃. § 19 O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ nē₃, lé₂ rē₂tsoin₅₄ le₃quió'₅ jág₁ tí₅.

20 'La₁ia₁on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃ 'én₂ le₃quió₃, tē₂le₃ quian'₅₄ jág₁ quió'₅, 21 ia₁jaun₂ léin₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ nē₃, ds₃toin'₅₄ ja₁con₂ jnio₄, ia₁jaun₂ qui₃le₃ 'én₂ dsa₂ mi₂güí₃ a₂ca₂chei'₂ jniá₂. 22 Ma₂ca₂cué₃ jniá₂ 'éi₂ a₂jlá'₁ quió₃ a₂ca₂cué'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jnio₄ ca₂ne₅₄ ján₃. 23 Jniá₂ le₃quió'₅ 'éi₂, 'ne₂ guē'₂ le₃quió₃ jniá₂, ia₁jaun₂ le₃ñia₅ 'éi₂ a₂léin₂ ca₂ne₅₄, ia₁jaun₂ le₃ñi₅ dsa₂ mi₂güí₃ a₂ca₂chei'₂ jniá₂, ton'₂ ca₂jme'₁nióg'₄ 'éi₂ jui₁lia'₂ ca₂jme'₁nióg'₄ jniá₂.

24 'Tia₅₄, 'nio₃ jniá₂ a₂ds₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cué'₅₄ 'ne₂, ia₁ ca₂jme'₁nió'₄ 'ne₂ jniá₂, né'₃ guē'₄ a₂nio₃ mi₂güí₃. 25 Tia₅₄ i₂dsen₃ guē'₄ lin₃, tsá₃ cuin₅ dsa₂ mi₂güí₃ 'ne₂, la₁ia₁ jniá₂ cuíng₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. 26 Ma₂ca₂jme₁jnia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁jnia₅ bá₄ jniá₂ 'ne₂, ia₁jaun₂ jui₁lia'₂ a₂'nióg'₃ 'ne₂ jniá₂ tē₃ñiá₄ ja₁con₂ 'éi₂, ton'₂ 'ú₄ jniá₂ ja₁coin₂.

18

Ca₂ñja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

1 Jme₁ma₂ca₂dsan₃ juá'₂ Jesús le₂nē₅, ca₂o₃'ín₃ quiain'₅₄ chi'₂ ds₂i₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ míg₂, ja₁ca₂'í₃ Jesús quiain'₅₄ chi'₂ ds₂i₂guia₃-tín₂ quiáin₅. 2 Já₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂ñi'₂ Jesús ja₁jaun₂ quiain'₅₄ chi'₂ ds₂i₂guia₃-tín₂ quiáin₅. 3 Jaun₂ lē₃ ca₂dsióg₃ Judas ja₁jaun₂ quiain'₅₄ co₂nió'₃ 'lióg₂, quiain'₅₄ co₂nió'₃ guē'₂ chi'₂ 'í'₅₄ quián₅ guá'₅, i₂chen₄ quián₅ juig₅₄ jme₂dsa₂ quian'₅₄ dsa₂ fariseos nē₃. Ca₂dsi₃lén₂ dsa₂ 'éi₂ qui₂le₁quian₅ ñi₁tág₂, ni₁'ma₂, quian'₅₄ si₂ ni₁tsí₅, ni₁qui₂ a₂le₁guí'₃ si₂ nē₃. 4 La₁ia₁ Jesús nē₃, jme₁ma₂ñi₅ bá₄ ca₂le₃jē₃ 'e₂ a₂dsi₃ñi₂, jaun₂ o₂'ín₃ ja₁jaun₂ ca₂i₁jme₁jein'₂ dsa₂, jaun₂ ca₂ñi₃' dsa₂ 'éi₂:

—¿I₂'ein₂ 'nag'₂ 'nia'₂?

5 Jaun₂ ca₂ŋag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ŋag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiaín'₅₄ dsa₂ 'éi₂.

6 Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃léin₂ le₃ca'₃ i₃gain'₅₄ 'uë₃.

7 Jaun₂ ně₃ ca₂ŋag₃ táng₃ Jesús ca₂ŋí'₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ŋag₃ táng₃ dsa₂:

—Jesús i₂chan₂ Nazaret bá₄.

8 Jaun₂ ca₂ŋag₃ táng₃ Jesús:

—Ma₂në₂juíg₂ jniá₂ 'nia'₂, jniá₂ bá₄ líng₅ 'éi₂. * Chi₂jua'₂ jniá₂ 'nau'₂ 'nia'₂, cuë₄ jmi₄ jui₁dsi₂len₅ bá₄ i₂la₂.

9 A₂la₂ ca₂lë₃ ia₁jaun₂ le₃ti₃ lia'₂ con'₂ lë₅ a₂jme₁ca₂juá'₂ Jesús tsí'₅ Jmei₂: “Jui₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

10 Jaun₂ ně₃ jme₁quian₅ Si₂mu₅₄ Pe₄ ŋi₁tág₂, jaun₂ ca₂dsí₃ ca₂qui'₃ rë₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

11 La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ŋi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃ŋíg₂ a₂ma₂juá'₂ Ne'₃?†

Nyó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

12 Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quiaín'₅₄ juig₅₄, quiaín'₅₄ chi'₂ 'i'₅₄ quían₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. 13 Jaun₂ ca₂i₁jio₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

14 Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juig₂.‡

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

15 Jaun₂ ca₂ŋó₃ Si₂mu₅₄ Pe₄ quiaín'₅₄ guë₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lë₅ quiaín'₅₄ Jesús i₁dsi₅ quió'₅ jme₂dsa₂ dsen₅₄. 16 La₁ Pe₄ ně₃, jaun₂

* 18:8 lit. “Jniá₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † 18:11 lit. “¿'E₂ lín'₂ 'ne₂ a₂tsá₃, gui'₅₄ jniá₂ tion₅₄ jmi₂g₂ dsi'₃ a₂ma₂cuë₃ Ne'₃?”

‡ 18:14 Juan 11:50.

bá₄ ca₂nau₂ o₄'né₄ tē₂le₃ ca₁'né₄, 'Uig₅₄ jaun₂ ca₂o₃'ín₃ dsa₂ guia₃-
tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄
i₂niog₅ ne₄ o₄'né₄, jaun₂ ca₂ñí₂ Pe₄ tē₂le₃ dsi₂néi₂.

17 Jaun₂ ně₃ ca₂ñag₃ 'io₅₄ i₂jmo₅ 'í₁ o₄'né₄ ca₂ñí'₃ Pe₄:

—On₃jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

18 Ja₁jaun₂ jme₁tió₂n₂ dsa₂ i₂jme₂ti₃ ta₁, quiaín'₅₄ chi'₂ 'i'₅₄
quiaín₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güí₂g₂,
jaun₂ tióin₂ qui₂jme₂dsioin'₂. Ján₃ bá₄ jē₄ jaun₂ jme₁chén'₄ Pe₄
jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

19 Jaun₂ ca₂ñag₃ jme₂dsa₂ dsen₅₄ ca₂ñí'₃ Jesús cuente
quió'₅ chi'₂ dsi₂guia₃-tín₂ quiaín₅, cuente quió'₅ ju₁lia'₂ jág₁
a₂jme₂tag₂₃ ně₃.

20 Jaun₂ ca₂ñag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃
dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga
quiaín'₅₄ i₁dsi₅ guá'₅ templo ně₃, ja₁qui₂ñí'₂ ca₂le₃jín₃ dsa₂ judíos.
Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. 21 ¿'E₂ 'uig₅₄
ñag'₅₄ 'ne₂ jniá₂ jaun₂? Ní'₅₄ ju₁lia'₂ dsa₂ i₂qui₂ma₂nág₂ jág₁
quió₃, 'e₂ ma₂juí₂g₂ jniá₂. Jag₄ de'₂, i₂ñi₅ bá₄ 'éi₂ ju₁lia'₂ i₂'e₂ jág₁
a₂ma₂juá'₃ jniá₂.

22 Jme₁ca₂juá'₂ Jesús le₂nē₅, jan₂ chi'₂ 'i'₅₄ quiaín₅ guá'₅
i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁nē₅ bá₄ ñag'₅₄ 'ne₂ ne₄ jme₂dsa₂ dsen₅₄?

23 Jaun₂ ca₂ñag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄
ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂nē₂juá'₃, ¿'e₂
guē'₂ lē₃ quein'₂ quió₃?

24 Jaun₂ ně₃ ca₂chei₃ Anás ca₂chein₃ Jesús chi₁'ñei'₅₄ ne₄
Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cu₁in₂₃ Jesús

(Mateo 26:71-75; Marcos 14:69-72; Lucas 22:58-62)

25 Tē₂lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂,
jaun₂ ca₂ñag₃ dsa₂ ca₂ñí'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

26 Jaun₂ ně₃ ca₂ñag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅
jan₂ o₁rín'₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ nə₂jɪn₄ jniá₂ 'ne₂ ja₁cha₂ ni₁'ma₂ jaun₂, co₂lě₅ quian'₅₄
'éi₂?
27 Jaun₂ con'₂ siá'₂ táng₃ tsá₃ ca₂tion₃ Pe₄ a₂cui_{in}₂₃ Jesús. Jaun₂
lia'₂ ma₂tě₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

28 Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂i₁jio_g₃
tě₂ ne₄ta₁ quió'₅ dsi₄má'₂. Jme₁ma₂jnia₃ mi₂güí_g₃, jaun₂ tsá₃
ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃
le₃'iog₅ quió'₅, ia₁'nio₃ jme₁gué'₃ má₃ quió'₅ Jmí_g₄ Tě₂'in₅₄.

29 'Uí_g₅₄ jaun₂ ně₃ ca₂o₃'ín₃ Pilato 'ɲio_g₅ ja₁tion'₅₄ 'éi₂, jaun₂
ca₂juá'₂:

—¿E₂ dso₄ bon'₄ 'nia'₂ dsa₂ la₂?

30 Jaun₂ ca₂ɲag₃ dsa₂:

—Jua'₅₄ mei'₂ gué'₃ tsá₃ rin₅ dsa₂ ně₅ dso₄, tsá₃ o₄gog'₂ 'ne₂
jme₁jii_n'₅₄ jnia'₅₄.

31 Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lě₅ 'Éi'₃
quián'₂ 'nia'₂ guiong'₅₄.

Jaun₂ ca₂ɲag₃ dsa₂ judíos:

—La₁ia₁ tsá₃ 'i₄ 'éi'₃ a₂ɲɲí'₄ jnia'₅₄ jan₂ dsa₂.

32 Le₂ně₅ ca₂rě₃ti₃ já_g₁ a₂ca₂juá'₂ Jesús 'e₂ ne₅₄ 'mú₃ a₂dsi₃ɲí₂.

33 Jaun₂ ca₂'í₃ táng₃ Pilato tě₂le₃ dsi₂néi₂ ne₄ta₁ quió'₅, jaun₂
ca₂tě'₃ Jesús jaun₂ ca₂ɲí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

34 Jaun₂ ca₂ɲag₃ Jesús:

—¿A₂ɲag'₅₄ 'a₂ con'₂ dsi₂jio_g₅ 'au'₂ 'ɲiag'₂ a₂juá'₂ ně₅, o₃ chan₂
i₂sián'₂ a₂ma₂juá'₂ 'ag₂₃ jniá'₂?

35 Jaun₂ ca₂ɲag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juí_g₂ quiáng'₂, quian'₅₄
juí_g₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿E₂ ma₂jmo'₅₄?

36 Jaun₂ ně₃ ca₂ɲag₃ Jesús:

—On₃jua'₅₄ mi₂güí_g₃ la₂ ja₁gon₂ jniá'₂. Jua'₅₄ mei'₂ gué'₃
mi₂güí_g₃ la₂ ja₁gon₂ jniá'₂, jme₁náu₃ 'nei₂ bá₄ dsa₂ i₂quiong'₅₄
jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄
ja₁lá₃ ja₁gon₂ jniá'₂.

37 Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ɲag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂
ca₂rě₃cháng₃, ta₁ jaun₂ guang₃ mi₂güí_g₃, ia₁jaun₂ jáng'₄ já_g₁
dsau₅ o₄quió'₄ já_g₁ tí₅. Ca₂le₃jín₃ i₂tión₂ le₃quió'₅ já_g₁ tí₅, nag₂₃
já_g₁ quió'₃.

38 Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂O₃'ág₃ 'éi'₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂O₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá₂ ja₁con₂ dsa₂ la₂. ³⁹ La₁ chí'₅ caun₂ tag₄ quían'₂ 'nia'₂ a₂tén₅ jniá₂ jan₂ dsa₂ ja₁con'₂ 'nia'₂ jme₁tě₅ Jmig₄ Tě₂'in₅₄. ¿'Niog'₂ 'nia'₂ jaun₂ a₂tén₄ jniá₂ Rag₅₄ quían'₅ dsa₂ judíos?

⁴⁰ Jaun₂ ně₃, ca₂tóin'₂ co₂mi'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ jan₂ dsa₂ 'ang₂ i₂ca₂nau₂ 'nei₂.§

19

¹ Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi₁'nei₅₄ a₂co₂taun₅. ² Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uĩng₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi₁'mi'₂ chen'₅₄ a₂jniá₂ 'ui'₃ guéin₂.

³ Jaun₂ ně₃ qui₂ca₂jme₃quián₃ ja₁con₂ 'éi₂, a₂juá'₂:

—¡Sian'₃ 'ne₂, Rag₅₄ quían'₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

⁴ Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá₂ ja₁coin₂.

⁵ Jaun₂ o₂'ín₃ Jesús, 'i₄ dsi₅₄ corona lě₅ ni₁uĩng₂ taun₅, ján₃ bá₄ qui'₂ tsi₁'mi'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡Jin₄ 'nia'₂ dsa₂!

⁶ Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chí'₂ 'i'₅₄ quían'₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

⁷ La₁ia₁ ca₂ḡag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ḡi'₅₄ Diú₄.

⁸ Jme₁ca₂nág₂ Pilato jág₁ ně₅, 'ḡio₅ lin₃ gué₄ ca₂i₃gó'₃ dsí₅.

⁹ Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ḡag₃ ca₂ḡi'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ḡag₃ Jesús, 'i₁caun₂. ¹⁰ Jaun₂ ně₃, ca₂juá'₂ Pilato:

—¿Tsa₁ ŋag'⁵⁴ 'ne₂ jág₁ quió₃ jniá₂? ¿Tsa₁ ŋi'⁵⁴ 'ne₂ jaun₂ a₂'o₂ jniá₂ jui₅bí₂ a₂jmo⁵⁴ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ gué'₂ ján₃, a₂'o₂ jniá₂ jui₅bí₂ a₂long⁵⁴ 'ne₂?

11 Jaun₂ ca₂ŋag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuē₃. 'Uig⁵⁴ jaun₂, jui₁lia'₂ i₂nē₂jáng'₂ jniá₂ ne'₅₄ 'ne₂, 'ŋio₅ lin₃ guē₄ jué'₂ dso₄ rē₂cáin'₄ con'₂ guē₄ 'ne₂.

12 Ca₂le₃ jaun₂ ca₂'náu'₃ dsí₅ Pilato 'a₂ lia'₂ cui₅ jmi₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—iNē₁jua'₂ ca₂lioin'₅₄, tsá₃ líng'₅ a₂mei⁵⁴ quián₅ dsi₂tan⁵⁴ emperador! ¡Ia₁ nē₁jua'₂ 'ein₂ jmo₅ lín₅ rag⁵⁴, lín₅ jan₂ dsa₂ i₂'ŋia⁵⁴ emperador!

13 Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá'₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uē₃ cang₄.

14 Jme₁lě₄ jmi₄ a₂jmo₅ dsa₂ co₂jŋia⁵⁴ Jmi₄ Tē₂'in⁵⁴; jme₁ma₂tě₂ con'₂ dsi₂ŋi'₃; jaun₂ ca₂juá'₂ Pilato ca₂tsí'₃ dsa₂ judíos:

—jIn₄ 'nia'₂ rag⁵⁴ quiáng'₂!

15 La₁ ca₂tóin'₂ co₂mi'₅₄ ca₂juá'₂:

—iCau₅ jŋiai'₃! ¡Cau₅ jŋiai'₃! ¡Tióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag⁵⁴ quián'₂ 'nia'₂?

La₁ qui₂ca₂ŋag₃ juig⁵⁴ jme₂dsa₂ ca₂juá'₂:

—Tsá₃ rag⁵⁴ sián'₂ chan₂ quián₂ jnia'₅₄, jŋia'₅₄ lia'₂ jan₂ emperador bá₄.

16 Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

17 O₂'ín₃ Jesús jaun₂, quian₅ cróg₄ quió'₅, a₂ŋó₃ jui₅ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo gué'₂, chei₂ Gólgota. 18 Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guē₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ŋiog₅ guē'₂ Jesús tē₁toin⁵⁴ dsi₂jo₂.

19 Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG⁵⁴ QUIÁN₅ DSA₂ JUDÍOS.”

20 Jaun₂ juin₅ dsa₂ judíos ca₂'i₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃. 21 'Uig⁵⁴ jaun₂, ca₂juá'₂ juig⁵⁴ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lë₁taun₂ “Rag₅₄ quián₅ dsa₂ judíos”; ja₂lin₃ guë₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

22 La₁ ca₂ɲag₃ Pilato:

—Jui₁lia'₂ a₂ma₂në₂táun₂ jniá₂, co₂në₅ ma₂në₂táun₂.

23 Jme₁ma₂ca₂lë₃ tion₅ 'lióg₂ Jesús ne₄ cróg₄, jaun₂ ca₂can₃ tsi'₁mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Ján₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ në₃, tsá₃ jme₁rë₂'me₅; jme₁lë₄ caun₂ 'mi'₂ con'₂ lë₅ ca₂ta₃ dsa₂, ta₁caun₂.

24 Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ɲei'₅₄ tió'₅ tsá₃ guéi₃. Në₃ i₁cáu₂ co₂ɲei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂në₅ ca₂rë₃ti₃ jág₁ a₂rë₂ton₅ ne₄ Si₂ a₂juá'₂:

Qui₂ca₂dsión'₂ dsa₂ tsín'₅ jniá₂ quiain'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂në₅ bá₄ ca₂jmo₃ 'lióg₂ 'éi₂ tióin'₅₄.

25 La₁ chog₅₄ Jesús në₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quiain'₅₄ María quián₅ Cleofas, quian'₅₄ María chan₂ Magdala në₃. 26 Jme₁ca₂jín₂ Jesús chog₅₄, quiain'₅₄ chi'₂ dsi₂guia₃-tín₂ i₂ɲí₄ lë₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, në₅ chén'₅ ja₂ɲí'₂.

27 Jaun₂ guë₄ ca₂juá'₂ ca₂tsí'₃ dsi₂guia₃-tín₂ 'éi₂:

—Në₅ chén'₅ chog'₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

Ca₂jon₃ Jesús

(Mateo 27:45-56; Marcos 15:33-41; Lucas 23:44-49)

28 Cang₂ guë₄ jaun₂ në₃, ia₁ jme₁ma₂ɲi₅ bá₄ Jesús a₂ma₂ca₂rë₃ɲia₅ ca₂le₃jë₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jmig₂ i₁gui'₁ jniá₂.

29 Jë₄ jaun₂ jme₁chi'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jau₂ 'ɲi₃, ca₂guioin₃ quian'₅₄ jmig₂ dsi'₃ jaun₂. Jaun₂ ca₂chi₃dsí₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ të₂ mi₂'o₄ Jesús. 30 Jme₁ma₂në₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lë₃.

Jaun₂ në₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ɲi₁chen'₂ quió'₅ mi₂dsi₂con₂ Jesús

31 Jme₁lë₄ jmig₄ a₂jmo₅ dsa₂ co₂ɲia₅₄ Jmig₄ Të₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ɲi₁₂ dso'₂ cróg₄ jmig₄ sa₅₄, ia₁ jmig₄ juë'₂ lin₃ bá₄ sa₅₄ jaun₂. 'Uig₅₄ jaun₂

* 19:24 Salmo 22:18.

ně₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guě₄ tē₂. ³² Jaun₂ ně₃ ca₂l₁len₅₄ 'lióg₂ ca₂l₁jio₂ dsi₂tag₄ i₂le₂'uig₅₄; ján₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅ cróg₄ con₂ Jesús. ³³ La₁ jme₁ca₂jme₃quiain₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ ně₃ tsá₃ ma₂ca₂jio₃ dsi₂tag₄ 'éi₂. ³⁴ La₁ ca₂'ág₂ jan₂ 'lióg₂ mi₂dsi₁con₂ Jesús quian'₅₄ ŋ₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmi₂. ³⁵ Jan₂ dsa₂ i₂ca₂tē₂ ne₄ i₂jáng₁'5 jág₁ dsau₅ la₂; ton'₂ tí₅ bá₄ jág₁ dsau₅ a₂jáng₁'5. Já₃ bá₄ ŋ₁5 dsa₂ 'éi₂ a₂juá'₂ jág₁ tí₅ tē₃dsón'₂, ia₁jaun₂ le₃'én'₂ 'nia'₂ já₃. ³⁶ Ia₁ a₂ca₂lē₃ la₂, ca₂lē₃ ia₁jaun₂ le₃t₃ jág₁ a₂rē₂ton₅ ne₄ Si₂ a₂juá'₂: "Lia'₂ 'i₁caun₂ mu₄ 'éi₂ tsá₃ qui₃jio₃ dsa₂."† ³⁷ Le₂jaun₂ guě'₂ táng₃juá'₂ ne₄ Si₂ja₁siá'₂: "Jág₂ dsa₂ jín₂ 'éi₂ i₂ca₂'ág'₂ dsa₂ quió'₅."‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ guě₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con'₂ tē₃co'₅₄ bá₄, ia₁ a₂gain₃ dsa₂ judíos; ca₂mi₃ Sē₄ 'éi₂ ne₄ Dsi₄má'₂ Pilato a₂con₂ ni₁ŋ₁ 'lag₄ Jesús. Ca₂cuē₃ bá₄ Pilato jmi₂g₄, jaun₂ ŋe₄ Sē₄ ca₂i₁sioin₅ 'lag₄, jaun₂ ca₂tág₃. ³⁹ Já₃ bá₄ ca₂dsióg₃ Nicodemo i₂jme₁ca₂l₁dsia₂ jág₁ le₂jñiá₅ quian'₅₄ Jesús a₂'uē₂. Jme₁quian₅ 'éi₂ con'₂ guióg₂-guiá'₂ kilos mirra quian'₅₄ áloes a₂ma₂rē₂güín'₅. ⁴⁰ Jaun₂ ca₂tág₃ Sē₄ quiain'₅₄ Nicodemo ca₂tág₃ 'lag₄ ca₂lio₃ quian'₅₄ tsi₁'mi'₂ tióg₃ lia'₂ jma₃quian'₅₄ mi₂ro₂ jaun₂, lia'₂ jme₁lē₄ tag₄ chí'₅ quió'₅ dsa₂ judíos a₂jme₁'óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lē₄ caun₂ ja₁cha₂ ni₁'ma₂ a₂'ag₅ míg₂. Jaun₂ jē₄ jaun₂ jme₁dsi₁caun₂ tau₂ 'ŋio₅ 'mí₂ ja₁tsá₃ 'ein₂ jme₁ma₂ton'₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lē₄ jmi₂g₄ a₂jmo₃ dsa₂ judíos co₂jñia₅₄ quió'₅, ton'₂ 'uig₅₄ ia₁ a₂jme₁lē₄ ma₂quián₅ jaun₂ tau₂ 'ŋio₅, jaun₂ ja₁jaun₂ ca₂quio₅ Sē₄ quian'₅₄ Nicodemo ca₂quioin₂₃ Jesús.

20

Ca₂jen'₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jē₂le₂'uig₅₄ jmi₂g₄ semana, ŋe₄ María chan₂ Magdala ja₁dsi₁caun₂ tau₂ 'ŋio₅, tē₂ o₃'iog₂ tē₃ qui₁né'₃ guě₄ le₂jaun₂. Jaun₂ ca₂jág₃, jme₁ma₂rē₃jñia'₅₄ bá₄ ni₁cang₁ 'o₄ tau₂ 'ŋio₅ jme₁dsióg₃. ² Jaun₂ ně₃ ca₂ŋái'₃ co₂chí'₅₄ ja₁jme₁'en₅₄ Si₂mu₅₄ Pe₄ quiain'₅ chí'₂ dsi₂guia₃-tín₂ jan₂ i₂ŋ₄ lē₃ jme₁'nio₃ Jesús 'éi₂, jaun₂ ca₂juá'₂:

—Ma₂nē₂dsen₅ dsa₂ Te₁gui'₅₄ dsi₂néi₂ tau₂ 'ŋio₅ ja₁jme₁roin₂₃, jaun₂ tsá₃ ne₄ a₂já'₄ nē₂quio₅ dsa₂.

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

³ Jaun₂ ně₃ Pe₄ quian'₅₄ chi'₂ dsi₂guia₃-tín₂ jan₂ 'éi₂ ca₂'u_{in}₂ jaun₂ i₃léin₂ ja₁dsi₅₄ tau₂ 'ñio₅. ⁴ Le₃oin₃ bá₄ i₃léin₂ co₂lě₅ co₂'ei₅; la₁ i₂jan₂ 'éi₂ ca₂ñi₃ guě₄ co₂chi'₅₄ con'₂ guě₄ Pe₄, jaun₂ jñiá₅ bá₄ ca₂dsi_{óg}₃ ja₁dsi₅₄ tau₂ 'ñio₅. ⁵ Jaun₂ ca₂jmo₃ i₁jñin₂ ca₂ñéi₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂. ⁶ Jaun₂ guě₄ ca₂dsi_{óg}₃ Si₂mu₅₄ Pe₄ chi₁'co'₅₄ quió'₅, jaun₂ ca₂'í₃ dsi₂néi₂ tau₂ 'ñio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rě₂jon'₅. ⁸ Jaun₂ bá₄ ca₂'í₃ chi'₂ dsi₂guia₃-tín₂ jan₂ 'éi₂, i₂dsi_{óg}₃ le₂'uig₅₄; ca₂tě₂ ne₅₄, jaun₂ ca₂rě₃'éin₂. ⁹ (Ia₁ tsá₃ jme₁ma₂ñí'₂ guě₄ dsí₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jin₄ 'lag₄.)

¹⁰ Jaun₂ ně₃, i₂len₃ bá₄ táng₃ chi'₂ dsi₂guia₃-tín₂ 'éi₂ quió'₅.

Ca₂jme₁jnia₅ Jesús ne₄ María chan₂ Magdala
(Marcos 16:9-11)

¹¹ La₁ jaun₂ bá₄ jme₁chén'₄ María ca₁'né₄ tau₂ 'ñio₅, 'o₂₃. Tě₁lia'₂ 'o₂₃ jaun₂, ca₂jmo₃ i₁jñin₂ a₂ca₂jág₃ tě₂le₃ 'ñió'₃ tau₂ 'ñio₅, ¹² jaun₂ ca₂jñin₂ on₃ ángeles i₂le₁qui'₂ 'mi'₂ tiog₂, tián'₅ jě₄ jme₁ron₅ ni₁ñi₁ Jesús; jan₂ jme₁guá₄ tě₂le₃ ja₁lě₄ chi₁gui'₂, i₂jan₂ guě'₂ ja₁jme₁lě₄ a₃tag₅.

¹³ Jaun₂ ca₂ñag₃ ángeles ca₂ñii'₃ María:

—'Io₅₄, ě₂'e₂ lě₃ 'au'₂?

Jaun₂ ca₂ñag₃:

—Ia₁ ma₂ně₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ ně₂quio₅ dsa₂.

¹⁴ Jě₂ bá₄ ca₂'ñiai₂ jág₁ ně₅, jme₁ca₂jéin'₃, jaun₂ ca₂jñin₂ Jesús jme₁chén'₄; la₁ tsá₃ jaun₂ jme₁ñi₅, Jesús bá₄ 'éi₂.

¹⁵ Jaun₂ ně₃ ca₂ñag₃ Jesús:

—'Io₅₄, ě₂'e₂ lě₃ 'au'₂ 'ne₂? ě₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uě₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ ně₂quioin'₂, ia₁jaun₂ tě₅₄ jniá₂.

¹⁶ Jaun₂ ca₂juá'₂ Jesús:

—iMaría!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—iRaboni! —co₂'nió'₄ a₂juá'₂: Tě₅ quiáng₃.

¹⁷ Jaun₂ ca₂juá'₂ Jesús:

—Tsá₃ lě₁jma'₂ quió₃, ia₁ tsá₃ ma₂uíg₂ guě₄ jniá₂ ja₁con₂ Ñe'₃. La₁ guan'₂ o₂chei'₅₄ rín'₃ jniá₂, a₂uíg₂ jniá₂ ja₁con₂ Ñe'₃, ja₁con₂ Néi'₅ 'nia'₂ ně₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ ně₃.

18 Jaun₂ bá₄ ηó₃ María chan₂ Magdala 'éi₂ ca₂i₁chi₄ chi₂ dsi₂guia₃-tín₂ a₂jme₁ma₂ně₂jín₂ Te₁gui₅₄, a₂jme₁ma₂ně₂juá₂ 'éi₂ jág₁ jaun₂.

Ca₂jme₃jnia₅ Jesús ne₄ chi₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jě₁le₂'uig₅₄ jmig₄ semana jaun₂ ně₃, jme₁tion₅₄ chi₂ dsi₂guia₃-tín₂ le₁ηil₂, qui₂le₁jnág₅ 'né₅ ja₁tioin₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió₅ 'éi₂, jaun₂ ca₂juá₂:

—Jui₁'ei₅ tei₄ 'au₂ 'nia₂.

20 Jme₁ma₂ca₂juá₂ le₂ně₅, ca₂'ě₃ mi₂gu₂ quian₅₄ mi₂dsi₁coin₂. Jaun₂ ca₂jmo₃ 'io₂ chi₂ dsi₂guia₃-tín₂ jme₁ca₂jín₂ Te₁gui₅₄.

21 Jaun₂ ca₂juá₂ táng₃ Jesús:

—Jui₁'ei₅ tei₄ 'au₂ 'nia₂. Jui₁lia₂ ca₂chei₃ Ŋe₃ jniá₂, ján₃ bá₄ le₂jaun₂ tsin₅₄ jniá₂ 'nia₂.*

22 Jaun₂ ně₃ ca₂jéi₂ dsí₂ ne₄ quió₅ dsa₂ 'éi₂, jaun₂ ca₂juá₂:

—Guen₅₄ 'nia₂ Jme₂dsí₂ Ŋjió₅. 23 Chi₂jua₂ 'ein₂ i₂ca₂'én₃ 'nia₂ dsáu₁, ma₂qui₂ca₂'í₃'én₂ bá₄ dsáu₁ 'éi₂; chi₂jua₂ 'ein₂ tsá₃ ca₂'én₃ 'nia₂ dsáu₁, tē₃'ŋiá₄ dsáu₁ ja₁coin₂.

Jág₅ To₁má₄ jín₂ Te₁gui₅₄ a₂ma₂ca₂jein₅₄

24 La₁ To₁má₄ ně₃, jan₂ chi₂ dsi₂guia₃-tín₂ i₂tě₂ dsa₂ Dsa₂ Tsin₅₄, tsá₃ jme₁'ein₅₄ jě₄ quió₅ riin₅₄ lia₂ con₂ jme₁dsióg₃ Jesús. 25 Jaun₂ lě₃, jme₁ca₂juá₂ chi₂ dsi₂guia₃-tín₂ riin₅₄:

—Ma₂ně₂jín₄ jnia₅₄ Te₁gui₅₄.

La₁ To₁má₄ ně₃ ca₂juá₂:

—Ně₁jua₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ηí₁, ca₂lia₂ ca₂tiá₃ chi₁gu₃ tau₂ a₂ca₂lě₃ quian₅₄ mi₂ηí₁, ca₂lia₂ ca₂tiá₃ mi₂gu₃ mi₂dsi₁coin₂, tsá₃ le₃'éng₂.

26 Ŋjia₃ jmig₄ cang₂ guě₄ jaun₂, jme₁le₁ηil₂ táng₃ chi₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guě₄ ně₃ jme₁'en₅₄ To₁má₄ jě₄ quió₅ 'éi₂. Jaun₂ ně₃, o₁ŋjia₅₄ qui₂le₁jnág₅ 'né₅ ja₁tioin₅₄, ca₂'í₃ Jesús, ca₂nau₂ dsi₂jo₂ quió₅ 'éi₂, jaun₂ ca₂juá₂:

—Jui₁'ei₅ tei₄ 'au₂ 'nia₂.

27 Jaun₂ ně₃ ca₂juá₂ ca₂tsí₃ To₁má₄:

—'Ŋia₅ i₂tio₂ chi₁gog₂ ja₁lá₃, jag₄ mi₂gu₃; i₂tio₂ gog₂ mi₂dsi₁cong₂. Tsá₃ lě₃jmo₂ a₂tsá₃ 'éng₂, jui₁le₂'éng₂ bá₄.

28 Jaun₂ ně₃ ca₂ŋag₃ To₁má₄:

—iTe₁gui₅₄ quiáng₃, Diú₄ quiáng₃ ně₃!

29 Jaun₂ ca₂juá₂ Jesús:

—Ně₃ guě₄ 'éng₂ 'uig₅₄ ia₁ a₂ně₂jag₅₄ jniá₂. 'E₂ guě₄ dsen₃ jui₁lia₂ dsa₂ i₂tsá₃ ca₂jág₂, la₁ 'éin₂ bá₄.

* 20:21 'Nio₂ ja₁ton₅ Juan 17:18.

Ta₁ a₂quí' si₂ la₂

³⁰ Jaun₂ ně₃, 'lióng₂ bá₄ léi₄ juè'₂ siá'₂ ca₂jmo₃ Jesús ne₄ chi'₂ ds₂i₂guia₃-tín₂ quiáin₅ a₂tsá₃ tio'₅₄ ne₄ si₂ la₂. ³¹ La₁ia₁ qui₂rē₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rē₂'ín₁ quián₅ Diú₄, ton'₂ lín₅ Ja₁ñi'₅₄ Diú₄, ia₁jaun₂ jē₁ma₂qui₂ca₂rē₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ ds₂i₂guia₃-tín₂ quiáin₅

¹ Cang₂ guē₄ jaun₂, ca₂jme₃jnia₅ táng₃ Jesús ne₄ chi'₂ ds₂i₂guia₃-tín₂ quiáin₅ chei'₅₄ Jm₁iñi'₄ Tiberias.* Le₂la₂ bá₄ ca₂lě₃:

² Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsín'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ñi'₅₄ Zebedeo ně₃; quiain'₅₄ on₃ guē₄ chi'₂ ds₂i₂guia₃-tín₂ sián'₂ quián₅ Jesús. ³ Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ñag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lén₂, ca₂uíg₂ 'ñió'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

⁴ Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁iñi'₄, la₁ tsá₃ jaun₂ ñi₅ chi'₂ ds₂i₂guia₃-tín₂ jñia'₅₄ Jesús bá₄ 'éi₂.

⁵ Jaun₂ ně₃ ca₂juá'₂ Jesús:

—'Nia'₂ chi'₂, ¿tsa₁ ju₄ chan₂ quián'₂ 'nia'₂?

Jaun₂ ca₂ñag₃ 'éi₂:

—Lia'₂ 'i₁jan₂.

⁶ Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioin'₅₄ tsá₃ lé₂ ds₁3 tsi₁'má₅ ds₂i₂jmi₂g₂, ia₁ a₂ñí₄ lě₃ juin₅ i₁ju₁ jme₁tion'₅₄ 'ñió'₃.

⁷ Jaun₂ ně₃ ca₂juá'₂ chi'₂ ds₂i₂guia₃-tín₂ i₂jme₁'nio₃ Jesús guē₄ lin₃, ca₂tsí'₃ Pe₄:

—i₁Te₁gui'₅₄ bá₄ ó₃!

Jē₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsín'₅₄ jang₄ le₃co'₅₄ (ia₁ jme₁ma₂nē₂jñiá'₂ a₂jme₁jmo₃ ta₁) jaun₂ ca₂tián₂ ds₂i₂jmi₂g₂. ⁸ Chi'₂ ds₂i₂guia₃-tín₂ riin'₅₄ guē'₂ ně₃, ca₂dsi₃lein₃ bá₄ tē₂ chei'₅₄ jm₁iñi'₄ quian'₅₄ tsi₁mu₅ qui₂tsi₂cuín'₅

tsi₁'má₅, ca₂lia'₂ rē₂can'₂ ju₄. Ia₁ tsá₃ uíng₂ jme₁tioin'₅₄ ja₁lě₄ chei'₅₄ jm₁iñi'₄: con'₂ caun₂ 'ñiá₂-láu₂ metros bá₄ jme₁tí₄.

⁹ Jme₁ca₂sióin₃ 'uě₃ ně₃, ca₂jág₃ a₂ma₂niog₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ iñi'₄ ně₃.

* 21:1 o₃, Jm₁iñi'₄ Galilea.

10 Jaun₂ ca₂juá'₂ Jesús:

—Jñia₅ jan₂-on₃ ju₄ i₂lia'₂ nē₂chan'₂ 'nia'₂.

11 Jaun₂ ca₂uíg₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsě'₃ tsi₁'má₅ ca₂tě₂ chei'₅₄ jmig₂ lia'₂ rē₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rē₂dsi₂ tě₂lá₃-guia₃-ún₂ (153) ju₄ jme₁tion'₅₄. La₁ o₁jñia'₅₄ la₂ ju₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tě₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsi₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. 13 Jaun₂ ně₃ ca₂jme₃quián₃ Jesús, ca₂can₃ i₁ñi'₄, jaun₂ ca₂cuě'₃ chi'₂ dsi₂guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. 14 A₂ně₅ jē₁ca₂tě₂ 'nag'₂ ráun₂ a₂ca₂jme₃ñia₅ Jesús ne₄ chi'₂ dsi₂guia₃-tín₂ quián₅ cang₂ jme₁ca₂jein'₅₄ ja₁jme₁rē₂'liin₅₄.

Dsia₅ Jesús já_{g1} quian'₅₄ Si₂mu₅₄ Pe₄

15 Cang₂ jme₁ca₂lě₃ guě'₅ má₃ tě₂ o₃'iog₂, ca₂ñag₃ Jesús ca₂ñi'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

16 Jaun₂ ca₂ñag₃ táng₃ Jesús jē₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ ‡ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bē'₅₄ quiáng₃ jaun₂.

17 Jaun₂ ca₂ñag₃ táng₃ Jesús jē₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ jniá₂?

Jaun₂ ca₂'₁₃ qui'₂ dsi₅ Pe₄ ia₁ ca₂ñag₃ Jesús jē₁ca₂tě₂ 'nag'₂ ráun₂, “¿'nióg'₃ jniá₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ § jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bē'₅₄ quiáng₃ jaun₂. 18 A₂dsi₂jó'₃ juá'₅ jniá₂, lia'₂ con'₂ jme₁líng'₄ guě₄ dsa₂ chi'₂, jme₁ting'₂ jme₁quí'₂ tsíng'₂, jaun₂ jme₁góg'₂ a₂já'₄ 'niog'₂ gog'₅₄; la₁ia₁ jē₁ma₂líng'₅

† 21:15 o₃, ja₁ñi'₅₄ Jonás. ‡ 21:16 griego: W0Iagapeo (ju₁lia'₂ 'a₂lia'₂ 'nio₃ Diú₄ dsa₂ mi₂güí₃). § 21:17 griego: W0Ifileo (ju₁lia'₂ 'a₂lia'₂ 'nio₃ dsa₂ mi₂güí₃ rin'₅₄ a₂mei₅₄ quián₅).

jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ dsi₃jio₃ ja₁tsá₃ 'niog'₂ gog'₅₄.

¹⁹ Jme₁ca₂juá'₂ Jesús le₂në₅, ca₂jmo₃ jág₁ a₂'ë₂₃ 'e₂ ne₅₄ 'mú₃ a₂'i₄ 'éi'₃ dsi₃ñí₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'Éin₃ jniá'₂!

Chi'₂ dsi₂guia₃-tín₂ i₂'nió₄ guě₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ dsi₂guia₃-tín₂ i₂'nio₃ Jesús guě₄ lín₃; chi'₂ dsi₂guia₃-tín₂ 'éi₂ i₂jme₁guá₄ cau₅ le₃jén'₃ quió'₅ Jesús ja₁ca₂guě'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñí'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?” ²¹ Jaun₂ jme₁ca₂jág₃ Pe₄ ca₂jün₂ 'éi₂, ca₂ñag₃ ca₂ñí'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

²² Jaun₂ ca₂ñag₃ Jesús:

—Chi₂jua'₂ 'nio₃ jniá'₂ a₂chan₂ i₂në₅ ca₂lia'₂ jē₁ma₂guión'₃ táng₃ jniá'₂, ¿'e₂ bá₄ 'uig₅₄ 'ne₂ 'í₅ 'au'₂? La₁ia₁ 'ne₂ 'éin₃ jniá'₂.

²³ Jaun₂ në₃ ca₂i₃'ag₅₄ jág₁ në₅ jin₄ riin'₅₄ a₂tsá₃ jón₂ chi'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá'₂ a₂chan₂ i₂në₅ ca₂lia'₂ jē₁ma₂guión'₃ jniá'₂ táng₃, ¿'e₂ bá₄ 'uig₅₄ 'ne₂ 'í₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lë₃, i₂ca₂tó'₂ jág₁ la₂ ne₄ si₂ në₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Já₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₃to'₅₄ ne₄ si₂ le₂caun₂ le₂caun₂, ca₂lia'₂ jnia'₅₄ ta₁caun₂ mi₂güig₃ bá₄ tsá₃ jme₁'éi'₄ si₂ jua'₅₄ ca₂'uě'₃ dsa₂, lín₂ jniá'₂.*

Co₂në₅.

* 21:25 A₂lín₅₄ chog₅₄ si₂ juá'₂ já₃: “A₂meí₃.”

Le₂la₂ ca₂jmo₃ dsa₂ i₂chen₄ quián₅ Jesús

Já_{g1} a₂cuě₄ a₂chen₃ Diú₄ Jme₂dsí₂ Jñiós

1 Ne₄ si₂ a₂ca₂jmo₃ jniá₂ le₂'uig₅₄, gui₅₄ Teófilo,* ca₂juá'₃ jniá₂ ca₂le₃jě₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃,
2 ca₂lia'₂ ca₂tě₂ jmig₄ a₂ca₂ñá'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsí₂guia₃-tín₂ i₂chen₄† quián₅, ca₂chei₃ dsí₂'ě₂ já_{g1}. Jaun₂ ca₂cuě₃ já_{g1} tē₂le₃ quian'₅₄ Jme₂dsí₂ Jñiós, ca₂le₃jě₃ 'e₂ 'nió'₅ jmo₃ chi'₂ dsí₂guia₃-tín₂ 'éi₂. 3 Cang₂ jme₁ca₂join₃, jme₁ma₂jein'₅₄ táng₃, ca₂ñi₃ tē₂láu₃ jmig₄ qui₂jme₂jniai₂₃ qui₂cuě'₅ já_{g1} dsau₅ chi'₂ dsí₂guia₃-tín₂ a₂tě₃dsón'₂ bá₄ chain₂ ma₂jein'₅₄ táng₃; jaun₂ qui₂ca₂dsia₃ já_{g1} quian'₅₄ 'éi₂ ju₁lia'₂ 'a₂ lia'₂ lě₅ ja₁gon₂ Diú₄.

4 Jme₁'en₅₄ guě₄ Jesús quian'₅₄ chi'₂ dsí₂guia₃-tín₂ quián₅, jaun₂ ca₂juá'₂ ca₂tsí'₃ 'éi₂ a₂tsá₃ dsí₃lein₃ dsí₂jui₅ juig₂ Jerusalén. Jaun₂ ca₂juá'₂:

—Jñia₄ 'nia'₂, ju₁le₂ti₃ de'₂ já_{g1} quió'₅ Ne'₃ a₂ma₂juíg₂ 'nia'₂.
5 Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁ 'nia'₂ guě'₂ ně₃ tióg₂ Diú₄ Jme₂dsí₂ Jñiós, tē₃jě₄ la₂.

Ca₂ñá'₃ Jesús guei'₅₄ i₂juíg₃
(Marcos 16:19; Lucas 24:50-53)

6 Co₂ráun₂ tion'₅₄ chi'₂ dsí₂guia₃-tín₂ le₁ñi'₂ ja₁'en₅₄ Jesús, jaun₂ ca₂ñi'₃ Jesús:

—Te₁gui'₅₄, ¿ma₂tě₂ ja₁jmó'₂ 'ne₂ a₂lión₂ dsa₂ juig₂ Israel?

7 Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jmei₂ 'éi'₃ ca₂le₃jě₃ 'e₂ 'ió'₄, 'e₂ jmig₄ ně₃. 'Niog₅ bá₄ Diú₄ Jmei₂ ñi₅ a₂jaun₂. 8 Jē₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ ju₁bí₂, jaun₂ qui₂o₁nóg'₅ qui₂o₁'ě'₃ já_{g1} dsau₅ quió₃ juig₂ Jerusalén, le₂tan₅₄ juig₂ 'uě₃ Judea, 'uě₃ Samaria, ca₂le₃jě₃ juig₂ ta₁caun₂ mi₂güig₃ ně₃.

9 Jme₁ma₂dsan₃ juá'₂ Jesús le₂ně₅, ca₂uig₂ ju₁ guei'₅₄ i₂juíg₃, ca₂ñá'₃ ca₂lioin₂ jnei₅. 10 Tē₃tión₂ jaun₂ chi'₂ dsí₂guia₃-tín₂ já_{g5} guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jñin₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅. 11 Jaun₂ ca₂juá'₂ dsa₂ on₃ 'éi₂:

* 1:1 Teófilo: o₃, “ne₂ i₂'nióg'₃ Diú₄.” † 1:2 griego: apóstolous.

—'Nia'₂ dsa₂ chan₂ Galilea, tsá₃ ma₃ta₁ jmo₃ tión'₂ guě₄ 'nia'₂ uě₂ jág'₂ guei'₅₄. 'Niog₅ Jesús nē₅ i₂ñá'₅ guei'₅₄ i₂juíg₃ tē₃jín'₄ 'nia'₂, le₂nē₅ bá₄ jiá₃ táng₃ jē₁ma₂tē₂ rē₁jiá₃, jui₁lia'₂ nē₂jín'₅₄ 'nia'₂ ñái'₅ nē₅.

Ca₂quión'₂ dsa₂ Matías a₂jmo₃ ta₁ a₂jme₁lín₄ Judas

12 Jaun₂ nē₃ ca₂'u_{ii}n₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uíng₂ con'₂ ja₁i₄ 'éi'₃ i₃nio₄ dsa₂ jme₁jmi_g₄ sa₅₄.[‡] 13 Jme₁ca₂o₃lein₃ Jerusalén jaun₂, ca₂uíg₂ cuarto guei'₅₄ ja₁ca₂jñia₃. Dsa₂ 'éi₂ jme₁chein₂ Pe₄, Jacobo, Juan₅₄, Dré₄, Fe₂li₄, To₁má₄, Bartolomé, Tē₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista, § quian'₅₄ Judas rin'₅₄ Jacobo. 14 Ca₂le₃jíin₃ le₂jaun₂ jme₁ñi'₂ i₂gú'₃ co₂lē₅ quiain'₅₄ o₁rin'₅₄ Jesús, María chog₅₄ Jesús, ca₂le₃jín₃ guě₄ 'io₅₄ sián'₂ nē₃, a₂jme₁tsí'₅ Diú₄.

15 Co₂ráun₂ jme₁lě₂ con'₂ caun₂ 'ñiá₂-lón₂ rē₂dsí₂ guión₂ (120) dsa₂ 'én₂ i₂jme₁le₁ñi'₂. Jaun₂ ca₂nau₂ Pe₄ tē₃jē₄ jaun₂, jaun₂ ca₂juá'₂ ca₂tsí'₃ dsa₂:

16 —Rin'₅₄ jniog₄, co₂nē₅ lē₅ Si₂, tion₅₄ ca₂rē₃ti₃ jág₁ a₂ma₂'ě₂ Jme₂dsí₂ quián₅ Diú₄ tē₂le₃ quian'₅₄ 'lag₄ David, a₂ca₂'iin₃ Judas i₂ca₂jñia₃ dsa₂ i₂ca₂i₁te₂ Jesús chi₁'ñei'₂. 17 I₂jme₁quian'₅₄ bá₄ jniog₄ 'éi₂, jme₁lě₄ rin'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃. 18 La₁ quian'₅₄ cu₄ 'lig'₅₄ a₂ca₂lí'₃ Judas a₂ca₂'ni₃ Jesús, ca₂lá₃ 'uě₃. 'Uě₃ jaun₂ ca₂jmo₃ ca₂táin'₂ tē₃ chi₁jíin₂, qui₂ca₂'uě₂ ca₂le₃jě₃ a₂jme₁tio'₅₄ tú'₅. 19 Jme₁ca₂rē₃ñi₅ dsa₂ juig₂ Jerusalén, ca₂tě'₃ 'uě₃ jaun₂ Acéldama, co₂'nió'₄ a₂juá'₂: 'Uě₃ Jm₂, quian'₅₄ jág₁ jmei₅ quió'₅. 20 Ia₁ le₂la₂ juá'₂ ne₄ Si₂ Salmos: Jui₁tě₂tsi'₅₄ 'ñiog₅ 'né₅ quió'₅,

ia₁ 'i₁jan₂ tsá₃ 'ein₂ le₃tian'₃.*

Ján₃ guě'₂ juá'₂ táng₃:

Dsa₂ sián'₂ jui₁jmo₅₄ ta₁ a₂jme₁lín₄.[†]

21 'Chan₂ bá₄ dsa₂ jē₄ la₂ quián₂ jniog₄ dsa₂ i₂ma₂ca₂jme₃quiong'₅₄ ca₂le₃jě₃ jmi_g₄ lia'₂ con'₂ jme₁quian'₅₄ jniog₄ Te₁gui'₅₄ Jesús, 22 ca₂le₃ ca₂jñó₂ Jesús jmi_g₂ a₂ca₂cho₃ Juan₅₄, ca₂lia'₂ jme₁ca₂uíg₂ Jesús guei'₅₄ i₂juíg₃. Jaun₂ tion₅₄ 'nió'₅ dsa₂ 'éi₂, jme₃quiong'₅₄ jniog₄, jaun₂ jáng'₃ jág₁ dsau₅ a₂ca₂jen'₅₄ táng₃ Jesús.

23 Jaun₂ ca₂jmo₃ jág₁ ca₂'iin₃ jan₂ i₂chen₂ José i₂tě'₂ Barsabás i₂tě'₂ Justo nē₃, quian'₅₄ jan₂ i₂chen₂ Matías. 24 Jaun₂ ca₂tsí'₃ Diú₄ ca₂le₃jíin₃, ca₂juá'₂ le₂la₂:

‡ 1:12 Con'₂ tí₅ caun₂ kilómetro. § 1:13 griego: celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅, ca₂quioin₃ le₃on₃ Si₂mu₅₄ 'éi₂, ia₁ ñá₄ lē₃ mei'₂ tsá₃ ca₂ne₅₄ a₂chein₂. * 1:20 Salmo 69:25. † 1:20 Salmo 109:8.

—Te₁gui'₅₄ 'ne₂ bá₄ i₂cuing'₂ tē₂dsí₅ ca₂le₃jín₃ dsa₂ 'in₅₄ jnia'₅₄ 'ein₂ dsa₂ on₃ la₂ i₂ma₂quion'₅₄ 'ne₂,²⁵ ia₁jaun₂ jmo₃ ta₁ lén₂ chi'₂ dsi₂guia₃-tín₂ quiáng'₂ a₂jme₁lín₄ Judas, 'uig₅₄ dsáu₁ ca₂i₃'éin₂, ca₂ñái'₃ ja₁ca₂tíin₂.

²⁶ Jaun₂ ca₂tóin'₂ ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain'₅₄ dsa₂ guia₃-ján₃ i₂jme₁lě₂ guě₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

¹ Jme₁ca₂tě₂ Jmig₄ Tě₂láu₃-guiá₂, caun₂ bá₄ ja₁jme₁tion'₅₄ le₁ñi'₂ ca₂le₃jín₃ dsa₂ i₂'én₂. ² Con'₂ tsá₃ jáin₅ jme₁ca₂nág₂, ca₂lě₃ gau₂ ca₂jan₃ guei'₅₄ lia'₂ lě₅ jě₁'ei₅ dsí₂ tiá₂ lín₃ ca₂lě₃, ca₂né'₂ ta₁caun₂ dsi₂néi₂ ja₁jme₁tion'₅₄ dsa₂. ³ Jaun₂ co₂tan₅₄ dsi₂jui₅ le₂jaun₂ qui₂ca₂séi'₂ tsi'₄ si₂ qui₂tě₁tsi'₅₄ ne₄ quió'₅ dsa₂ 'éi₂, le₂jain₂ le₂jain₂. ⁴ Jaun₂ ca₂le₃jín₃ qui₂ca₂cain'₂ quian'₅₄ Jme₂dsí₂ Jñi_ó₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'₂, lia'₂ con'₂ lě₅ ca₂cuě₃ Jme₂dsí₂ a₂juá'₂ dsa₂.

⁵ Jmig₄ jaun₂ jme₁tion'₅₄ dsa₂ judíos juig₂ Jerusalén, i₂ja₂lén₂ ta₁caun₂ mi₂güig₃, a₂jme₂ti₃ con'₂ tag₄ chí'₅ quió'₅. ⁶ Jme₁ca₂nág₂ mi'₅₄ a₂ca₂lě₃ jaun₂, qui₂ca₂ñi'₂ dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió'₅ a₂qui₂ca₂dsia₃ dsa₂ i₂tion'₅₄ 'éi₂. ⁷ Jaun₂ dsi₃gó'₃ dsí₅ 'ñio₅ lín₃, qui₂ca₂dsia₃ jág₁ guioin₅₄ quiain'₅₄ riin'₅₄, ca₂juá'₂:

—¿On₁jua'₅₄ dsa₂ chan₂ Galilea ca₂le₃jín₃ dsa₂ i₂dsia₅ jág₁ ně₅? ⁸ ¿'A₂ bá₄ lia'₂ né'₂ dsia₂₃ jág₁ jmei₅ quió'₅ juig₂ go₄ jniog₄ le₂jau₂ le₂jau₂? ⁹ Dsa₂ i₂tion'₅₄ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uě₃ Asia, ¹⁰ dsa₂ chan₂ Frigia quian'₅₄ Panfilia, dsa₂ ja₂lén₂ 'uě₃ Egipto quian'₅₄ juig₂ 'uě₃ Africa* a₂niog₅ uíng₂ con'₂ guě₄ Cirene. Ján₃ bá₄ tion'₅₄ dsa₂ chan₂ Roma i₂ma₂tián'₅ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guě'₂ ma₂gue₃ juá'₅ quió'₅ dsa₂ judíos. ¹¹ Ján₃ bá₄ tion'₅₄ dsa₂ chan₂ 'uě₃ Creta, dsa₂ chan₂ Arabia ně₃. La₁ ca₂le₃jág₃ bá₄ jniog₄ néi₁ quian'₅₄ jág₁ jmei₅ quián₂ a₂dsia₅ dsa₂ ně₅ ca₂le₃jě₃ a₂jlá'₁ a₂'io'₂ a₂jmo₅ Diú₄.

¹² Jaun₂ 'ñio₅ dsi₂gó'₃ dsí₅ dsa₂, tsá₃ caun₂ qui₂ca₂'ág₂ dsí₅. Jnia'₅₄ qui₂ñí'₅ riin'₅₄:

—¿'E₂ 'nió'₄ juá'₂ ca₂le₃jě₃ a₂ně₅?

¹³ I₂lín₅₄ guě'₂ tsá₃ 'éin₂, jnia'₅₄ qui₂jmo₃g'₂ burlas, jaun₂ ca₂juá'₂:

—I₂le₁'en₅ bá₄ i₂ně₅.

* 2:10 griego: Libia.

Jág₁ a₂ca₂juá'₂ Pe₄ ca₂tsí'₃ dsa₂

¹⁴Jaun₂ ca₂nau₂ Pe₄ jě₄ jme₁guá₄ quiain'₅₄ guě₄ guia₃-ján₃ chi'₂ dsi₂guia₃-tín₂ riin'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén ně₃, jui₁le₂ŋi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá'₂ la₂. ¹⁵Tsá₃ le₁'en₅ dsa₂ la₂ jui₁lia'₂ lín'₂ 'nia'₂, ia₁ con'₂ hora ŋí₁ ŋi₃ tě₂ o₃'iog₂† bá₄ guě₄ la₂. ¹⁶Tě₂le₃ a₂rě₂ti₃ con'₂ lě₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

¹⁷Jě₁ca₂tó'₂ jmig₄, juá'₂ Diú₄,

tsing₅₄ Jme₂dsí₂ quiáng₃ jaun₂ sióin₃

ne₄ quió'₅ ca₂le₃jín₃ dsa₂ mi₂güig₃.

Ja₂ŋí'₂ 'nia'₂, ja₁míg'₄ ně₃

qui₃dsia₃ o₄quió'₃ jniá'₂.

Dsó₂ chi'₂ quián'₂ 'nia'₂ ně₃

a₂lě₁qui₃jág₃ 'e₂ qui₃jág₃,

dsi₂gui'₅₄ can'₅₄ guě'₂ qui₃qui₃.

¹⁸Jmig₄ jaun₂, qui₁'íng₄ Jme₂dsí₂ quiáng₃

ne₄ quió'₅ dsa₂ ŋe'₂, dsa₂ mí₂ ně₃

i₂jme₂ti₃ ta₁ ne₃,

jaun₂ guě₄ qui₃dsia₃ o₄quió'₃ jniá'₂.

¹⁹Dsi₁ guei'₅₄ guě'₂ qui₁'ě₄ jniá'₂ dsa₂

cosas a₂dsi₃gó'₃ dsí₅.

Ne₄ gua'₅₄ 'uě₃ guě'₂

jmo₅₄ jniá'₂ lé₂ léi₄,

jui₁lia'₂ jmi₂, si₂, jnei₅ lě₅ jme₁ŋi₁ ně₃.

²⁰'Iog₂ guě'₂ co₂dsia₅ le₃lia'₂.

Tsi'₂ guě'₂ lé₂ guéin₂ lia'₂ lě₅ jmi₂.

Ca₂le₃jě₃ a₂ně₅ lé₂ né'₃ guě₄

a₂guá₂ jmig₄ quió'₅ Te₁gui'₅₄.

Jmig₄ jaun₂ lé₂ caun₂ jmig₄ juě'₂ a₂gau₂.

²¹Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,

lióin₂ bá₄.‡

²²'Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá'₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuě'₃ 'éi'₃ ca₂chein₃ jin'₄ 'nia'₂. Ca₂jmo₃ Diú₄ ca₂le₃jě₃ léi₄ juě'₂, ca₂le₃jě₃ 'e₂ dsi₂gó'₃ dsí₅ dsa₂, qui₂ca₂jmo₃ tě₂le₃ quian'₅₄ Jesús jin'₄ 'nia'₂. A₂ŋi'₅₄ rě₂ bá₄ 'nia'₂ jaun₂. ²³La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ŋi₅ le₂ŋiá₅, 'nia'₂ ně₃ ca₂chang'₂ i₂'éi₂, ca₂te'₅₄ chi₁'ŋei₂₃, ca₂i₁jin'₅₄ 'nia'₂ o₄gú₃ dsa₂ 'lín'₅₄ i₂tsá₃ ŋéi₂ dsí₅. Jaun₂ ca₂jŋag'₃ ca₂tion₃ cróg₄. ²⁴La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄

† 2:15 lit. "hora 'ni₅." ‡ 2:21 Joel 2:28-32.

a₂rë₃join₅ co₂tan₅₄ j_{in}₄ 'lag₄. ²⁵ Ia₁ ca₂juá'₂ 'lag₄ Rag₅₄ David
a₂'iin₂₃ Jesús, ca₂juá'₂:

Ia₁ j_{in}₄ bá₄ jniá'₂ tián₂ Te₁gui'₅₄
cau₅ quió'₃.

'Éi₂ bá₄ guá'₅ tē₂le₃ gu₃ ne₁,
ia₁jaun₂ 'i₁jan₂ tsá'₃ 'ein₂ lé₂ jmóg'₂ jleng₃,
'i₅ dsi₃.

²⁶ Jaun₂ lē₃, 'ŋio₅ līn₃ ca₂jmo₃ jniá'₂ 'io'₂,
jaun₂ ca₂juá'₃ quian'₅₄ le₁tsi'₃
jág₁ a₂jéin₅ lián'₂.

Jaun₂ lē₃ tsá'₃ 'i₅ dsi₃ jē₁ma₂ca₂jon₃ ni₁ŋi₃.

²⁷ Ia₁ tsá'₃ cuē'₁ jmīg₄ a₂ŋia₃ jme₂dsí'₂ quiáng₃
ja₁tion'₅₄ 'lag₄, Š

on₃ guē'₂ cuē'₁ jmīg₄ a₂siá'₃ ni₁ŋi₃ jniá'₂,
dsa₂ jnió'₅ quiáng'₂ i₂'nióg'₃.

²⁸ Ca₂'ē'₅₄ ca₂jme₁tag'₂ jui₅ ja₁tín'₄ jme₂dsí'₂ quiáng₃.
Jaun₂ jmó'₂ jéin₄ lián'₂ jē₁ma₂'eng₅₄ ja₁cong'₂.*

²⁹ 'Rin'₅₄ jniog₄, léi₄ dsón'₂ bá₄ ca₂jon₃ tsi₁jon₂ jmei₂ jniog₄
David, jaun₂ ca₂'oin₃. Nē₅ bá₄ chí'₅ guē'₂ tau₂ 'ŋio₅ quió'₅
quian'₅₄ jniog₄ rē₂nē₃. ³⁰ La₁ David 'éi₂ jme₁lín₄ jan₂ i₂jme₁'ē₂
jág₁ quián₅ Diú₄, jaun₂ jme₁ŋi₅ rē₂ a₂ca₂cuē₃ Diú₄ jág₁ 'iin₂₃
'ŋiog₅, a₂le₃chan₂ jē₄ quió'₅ ja₁ŋi'₅₄ chí'₂ dsio₅₄, jan₂ i₂lín₅ I₂rē₂'ín₁
quián₅ Diú₄. Jaun₂ i₂'éi₂ guá'₃ goin₃ ne₄ ne₄ta₁ ja₁jme₁guá'₄ 'ŋiog₅
David. ³¹ Co₂'nió'₄ a₂ma₂jág₂ bá₄ David le₂jniá'₅, ca₂juá'₂ a₂jen'₅₄
I₂rē₂'ín₁ quián₅ Diú₄. Jaun₂ ca₂juá'₂ ján₃ a₂tsá'₃ jniá'₃ jme₂dsí'₂
quió'₅ j_{in}₄ 'lag₄, † on₃ guē'₂ dsi₃'én₂ ni₁ŋi₁₂ jua'₅₄ a₂siá'₃. ³² Ia₁
Diú₄ bá₄ ca₂jmo₃ ca₂jen'₅₄ táng₃ 'ŋiog₅ Jesús 'éi₂. Ca₂le₃jág₃
bá₄ jniá'₅₄ ca₂tē₂ ne₄, jaun₂ lē₃ cuē'₂ jág₁ dsau₅. ³³ Jaun₂
ca₂chó'₂ Diú₄ quian'₅₄ gu₂ ne₁, ca₂jme₃juag'₂. Jaun₂ Diú₄ Jmei₂
ca₂cuin₃ Jme₂dsí'₂ quián₅ ca₂cuin₃ Jesús, lia'₂ con'₂ lé₅ jág₁
quió'₅ ma₂cuē₃. Jaun₂ ca₂le₃jē₃ a₂nē₅ a₂ma₂jag'₅₄ a₂ma₂nei'₂
'nia'₂, já₅ ne₄ 'éi₂ bá₄. ³⁴ Ia₁ on₃jua'₅₄ David ca₂uíg₂ guei'₅₄ i₂juíg₃,
ia₁ 'ŋiog₅ David ca₂juá'₃:

Ca₂juá'₂ Diú₄ ca₂tsi'₃ Te₁gui'₅₄ quiáng₃:

"Né₂ con₂ jniá'₂ tē₂le₃ gu₃ ne₁,

³⁵ ca₂lia'₂ ca₂tē₂ jmīg₄

a₂tón'₁ jniá'₂ dsa₂ i₂'iog₅₄ o₄tag'₄".‡

³⁶ Jui₁le₂ŋi₅ rē₂ ca₂le₃jín₃ dsa₂ chan₂ juig₂ Israel, jaun₂ tsá'₃
jui₁'ei₅₄ caun₂-tīn₃ dsi₅, ia₁ 'ŋiog₅ Jesús 'éi₂ bá₄, i₂ca₂tión'₃ 'nia'₂
cróg₄, Diú₄ nē₃ ma₂jmo₃ ma₂līn₅ lia'₂ Te₁gui'₅₄ lia'₂ rē₂ I₂rē₂'ín₁
quián₅.

Š 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄,
a₂juá'₂, ja₁quió'₄ 'lag₄. ‡ 2:35 Salmo 110:1.

37 Jme₁ca₂nág₂ dsa₂ le₂në₅ tioen'₅₄, qui₂ca₂tá'₂ 'lia'₂ dsí₅ 'ñio₅ lin₃. Jaun₂ ca₂ñí'₃ Pe₄ quiaín'₅₄ chi'₂ dsi₂guia₃-tín₂ riin'₅₄ ca₂juá'₂:

—Rin'₅₄ jniog₄, ¿'e₂ 'nió'₅ jmó₁ jnia'₅₄?

38 Jaun₂ ca₂ñag₃ Pe₄:

—Jme₁tsín₄ 'nia'₂ 'au'₂, jen'₄ 'nia'₂ tē₂le₃ quió'₅ Diú₄, chon₅₄ 'nia'₂ jmig₂ le₂jang'₂ le₂jang'₂ lia'₂ con'₂ lē₅ 'éi'₃ quió'₅ Jesús, cuē'₅₄ léi₄ a₂qui₂ma₂'én₂ dsáu'₂ 'nia'₂. Jaun₂ guē₄ cuin₃ Diú₄ Jme₂dsi₂ Jñio₅ quiaín₅. 39 Jág₁ nē₅ ca₂cuē₃ Diú₄ quián'₂ 'nia'₂ ca₂le₃jín'₃, ca₂le₃jín₃ chi'₂-guein₂ quián'₂ 'nia'₂ nē₃, quian'₅₄ ca₂le₃jín₃ guē₄ dsa₂ i₂chan₂ uing₂. Jág₁ nē₅ quió'₅ ca₂le₃jín₃ dsa₂ i₂'nio₃ Te₁gui'₅₄ Diú₄ quián₂ jniog₄ tē₂.

40 Quian'₅₄ jág₁ la₂, quian'₅₄ 'lióng₂ guē₄ jág₁ siá'₂, ca₂juá'₂ Pe₄ tion₅₄ ca₂tsí'₃ dsa₂:

—Lion₄ 'nia'₂ jin₄ dsa₂ i₂ma₂i₂cón'₅ rē₂nē₃.

41 Jaun₂ ca₂le₃jín₃ i₂ca₂tón'₃ jui₅ ca₂nág₂ jág₁ dse₃ ca₂juá'₂ Pe₄, qui₂ca₂jñó₂ jmig₂. Jmig₄ jaun₂ con'₂ 'ni₅ mei₅ dsa₂ i₃ton'₅₄ tē₂le₃ jin₄ dsa₂ i₂ma₂'én₂ tē₂le₃ quió'₅ Jesucristo. 42 Ca₂le₃jín₃ dsa₂ ca₂jña'₃ tiá'₂ ca₂le₃jē₃ jág₁ a₂jme₂tag₅ chi'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃ ca₂le₃jín₃, chi₂lén'₂ Diú₄, qui₂tóin'₅ co₂lē₅, jmo₂₃ dsóg₁ i₁ñí'₄.

'A₂ lia'₂ jme₁chan₂ dsa₂ le₂'uig₅₄ i₂'én₂ jág₁ dse₃

43 'Ñio₅ i₂gó'₃ dsí₅ dsa₂ ca₂le₃jē₃ léi₄ a₂qui₂ca₂jmo₃ Diú₄ tē₂le₃ quian'₅₄ dsi₂guia₃-tín₂ i₂chen₄Š quiaín₅. 44 Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió'₅, jaun₂ ca₂le₃jē₃ a₂jme₁cha₂ quió'₅, jme₁lē₄ quió'₅ ca₂le₃jín₃ riin'₅₄. 45 Ca₂le₃jē₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsi₂'₅ cu₄ jaun₂ 'ein₂ riin'₅₄ 'nió'₅ quió'₅. 46 Ca₂le₃jē₃ jmig₄ jme₁ñi'₂ i₁dsi₅ guá'₅ templo. Dsi₂néi₂ quió'₅ nē₃, jme₁dsi₂'₅ i₁ñí'₄ jme₁guē'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. 47 Ca₂le₃jín₃ jme₁cuē'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jē₃ jmig₄ bá₄ jmo₅ Te₁gui'₅₄ caun₂ dsi₂juín₂ dsa₂ i₂lón₂.

3

Ca₂'lón₂ jan₂ dsa₂ 'lian'₂

1 Co₂ráun₂ dsióg₃ Pe₄ quiaín'₅₄ Juan₅₄ guá'₅ templo con'₂ hora ñí₁ 'ni₅ tē₂le₃ ca₂'láu₂, * ia₁ hora jaun₂ jme₁ñi'₂ dsa₂ tián₂ chi₂lén'₂ Diú₄. 2 Ca₂le₃jē₃ jmig₄ jme₁dsi₂jñia₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rē₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁tē'₂ dsa₂ O₄'né₄ Jlá'₁.

Ja₁jaun₂ jme₁qui₂mi₅ dsa₂ 'lian'₂ 'éi₂ cu₄ quió'₅ dsa₂ i₂dsi₂lén₂ guá'₅. ³ Jme₁ca₂jág₃ dsa₂ dso'₅₄ 'éi₂ ca₂ηó₃ Pe₄ quiain'₅₄ Juan₅₄ a₂dsi₃toin'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. ⁴ Jaun₂ ca₂nau₂ Pe₄, Juan₅₄ ně₃, ca₂jjin₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

⁵ Jaun₂ guá'₅ dsa₂ 'éi₂ qui₂jjin₂ Pe₄ quian'₅₄ Juan₅₄, ia₁ llin₂ cuē₃ dsa₂ ca₂la₂ cu₄. ⁶ La₁ jaun₂ ca₂juá'₂ Pe₄:

—Tsá₃ cu₄tiog₂, on₃ guè'₂ cu₄nióg₄ cha₂ quió'₃ cuē₅₄. La₁ con'₂ a₂cha₂ quió'₃, cuē₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ηi₄.

⁷ Jaun₂ ca₂jja'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rē₃bén₂ mi₂tag₄ dsa₂ 'éi₂. ⁸ Jaun₂ ca₂ráun₂ ca₂nau₂ jaun₂ ca₂jme₃lióg₃ ca₂ηi₃. Jaun₂ ca₂'í₃ i₁dsi₅ guá'₅ quiain'₅₄ dsa₂ on₃ 'éi₂, qui₂ca₂ηi₃ qui₂ca₂ráun₂ qui₂ca₂cuē'₃ ti₁'mag'₄ Diú₄. ⁹ Ca₂le₃jín₃ dsa₂ i₂tion'₅₄ ja₁jaun₂, ca₂jjin₂ dsa₂ 'éi₂ ηi₂₃ cuē'₅ ti₁'mag'₄ Diú₄. ¹⁰ Jaun₂ dsi₂gó'₃ dsí₅ 'ηio₅ lin₃, ia₁ ma₂ηi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

¹¹ Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiain'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiain'₅₄ Juan₅₄ ně₃. ¹² Jme₁ca₂jág₃ Pe₄ le₁ηi'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lě₃ ηi₄ dsi₂gó'₃ 'au'₂ 'nia'₂? ¿'E₂ lě₃ jag'₅₄ 'nia'₂ jnia'₅₄ le₂ně₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ηi₃, jua'₅₄ a₂lág₅ jnia'₅₄ dsa₂ o₂dsan₂. ¹³ La₁ia₁ Diú₄ quián₅ tsi₂jon₂ jmei₂ jniog₄ Abraham, Isaac, Jacob ně₃, Diú₄ 'éi₂ ca₂jme₃juin₂ 'ηio₅ lin₃ Jesús ja₁ηi'₅₄, i₂ca₂jjin₂ 'nia'₂ ne₄ dsi₂tan₅₄. Jme₁'nio₃ gué₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂. ¹⁴ 'Nió'₄ jme₁lon'₄ 'nia'₂ dsa₂ jnió₅ i₂tsá₃ 'e₂ dso₄ rin₂ 'éi₂, jě₂ bá₄ dsa₂ i₂ma₂ηi'₃ dsa₂ ca₂mi'₅₄ 'nia'₂ lión₂. ¹⁵ Jaun₂ le₂ně₅ ca₂ηi'₃ 'nia'₂ dsa₂ i₂cuē₅ jme₂dsi₂. La₁ Diú₄ ca₂jme₃jein'₅₄ táng₃ jin₄ 'lag₄, jaun₂ ca₂le₃jě₃ a₂ně₅ ca₂tě₂ ne₄ jnia'₅₄. ¹⁶ Quian'₅₄ bí₂ quió'₅ 'ηiog₅ Jesús 'éi₂ ca₂'lión₂ dsa₂ i₂cuin'₂ 'nia'₂ i₂jjin'₄ 'nia'₂ ně₅, ia₁ a₂'éin₂ jnia'₅₄ tě₂le₃ quió'₅ Jesús. 'Éi₂ bá₄ ně₂cuē₃ bí₂ quió'₅ dsa₂ ně₅, jaun₂ ca₂'lón₂, co₂ηei'₅₄, ju₁lia'₂ jjin'₅₄ 'nia'₂ ně₅.

¹⁷ 'Guion₄ bá₄ jniá₂ dse₃, rin'₅₄ jniog₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂ηi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ηi'₅₄ bá₄ 'nia'₂ 'e₂ jmo'₂. ¹⁸ La₁ ca₂rě₃ti₃ jág₁ a₂ma₂'ě₂ Diú₄ le₂ηiá₅ tě₂le₃ quian'₅₄ dsa₂ i₂jme₁'ě₂ jág₁ quiáin₅, a₂tion₅₄ ηág₃ uig₅ dsa₂ I₂rě₂'in₁ quiáin₅. ¹⁹ Jaun₂

ně₃, jme₁tsín₄ 'nia'₂ 'au'₂, jen'₅₄ 'nia'₂ tē₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuē₃ Te₁gui'₅₄ a₂le₃güin'₂ jme₂dsí₂ quián'₂ 'nia'₂, ²⁰ a₂chein₃ táng₃ Jesús i₂lín₅ I₂rē₂'ín₁ quián₅ Diú₄, i₂ma₂lě₅ jág₁ le₂jníá₅ jiá₃ quián'₂ 'nia'₂, ²¹ o₁jñia'₅₄ la₂ rē₂ně₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rē₂ ca₂le₃jě₃ lia'₂ con'₂ lě₅ jág₁ ma₂'ě₂ dsa₂ jnió₅ quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ě₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, ju₁lia'₂ ca₂chei₃ jniá₂. Jaun₂ tón'₂ 'nia'₂ ju₁5 jme₁ti'₄ 'nia'₂ ca₂le₃jě₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ ju₁5 tón'₂ jág₁ quió'₅ dsa₂ i₂chen₄ quiáin₅ 'éi₂, dsi₃'éin₂, 'uín₃ juig₂ Israel.”† ²⁴ Jaun₂ le₂ně₅ ca₂'ě₂ Samuel jág₁ le₂'uig₅₄, ca₂le₃jín₃ guě₄ dsa₂ i₂jme₁'ě₂ jág₁ quián₅ Diú₄ i₂ca₂o₃lén₂ cang₂ guě₄ jaun₂, qui₂ca₂juá'₂ lia'₂ lé₂ jmig₄ ně₃. ²⁵ Jág₁ a₂ca₂cuē₃ Diú₄ tē₂le₃ quian'₅₄ dsa₂ i₂jme₁'ě₂ jág₁ quiáin₅, ca₂cuē'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, ju₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güíg₃ le₃chain₂ dse₃ tē₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quian'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guě₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quian'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃. ² Le₁'néi₃ 'ñio₅ lín₃, ia₁ jme₂tín₅ 'éi₂ dsa₂ a₂jen'₅₄ dsa₂ jin'₄ 'lag₄ ju₁lia'₂ ca₂lě₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃ ca₂i₁tio'₂ né'₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ juin₅ bá₄ dsa₂ i₂ca₂nág₂ ca₂rě₃'éin₂ jág₁. Con'₂ 'ñiá₂ mei₅ dsa₂ i₂ca₂rě₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tē₅juá'₅ ně₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro ně₃, ca₂le₃jín₃ guě₄ i₂lín₅ o₁rín'₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ guě₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuē₃ 'éi'₃, o₃ 'ein₂ ca₂cuē₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

† 3:23 Deuteronomio 18:15,18-19.

‡ 3:25 Génesis 22:18; 26:4.

§ 3:26 o₃, “jme₁ca₂jme₃jen'₅₄.”

⁸ Jaun₂ ca₂juá'₂ Pe₄, rē₂rin₅ Jme₂dsí₂ Jñi₀5 tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃: ⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmo₁ jnia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂ jme₁ñi₃, chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lě₃ a₂ca₂'lón₂, ¹⁰ ju₁le₃ñi'₅₄ bá₄ 'nia'₂, ju₁le₃ñi₅ bá₄ ca₂le₃jín₃ dsa₂ juig₂ Israel ně₃, a₂chén'₅ dsa₂ ně₅ jñ'₄ 'nia'₂ ca₂'lón₂ quian'₅₄ bí₂ quió'₅ Jesucristo chan₂ Nazaret i₂ca₂tión'₃ 'nia'₂ cróg₄, i₂ca₂jme₁jen'₅₄ táng₃ Diú₄ jñ₄ 'lag₄. ¹¹ Jesús 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ g' tē₅ i₂chi'₅ tsi₁'né₅,

la₁ ca₂dsióg₃ ca₂lě₃ ni₁cang₁ a₂dsen₅₄ gué₄.*

¹² Ia₁ 'i₁jan₂ i₂sián'₂ tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄ 'uē₃ la₂, a₂lé₂ 'i₁n₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juíg₃, jñia'₅₄ lia'₂ jan₂ Jesús bá₄.

¹³ Jme₁ca₂jág₃ dsa₂ can'₅₄ dsi₂gó'₃ dsí₅ ca₂jñi₂ Pe₄ quian'₅₄ Juan₅₄ 'a₂ lia'₂ tiá₂ dsí₅ 'éi₂ ñag₂₃ ne₅₄ le₂jaun₂, jaun₂ ca₂rě₃lí'₄ a₂lín₅ 'éi₂ dsa₂ tsá₃ lin₄ quen₅, i₂tsá₃ lin₄ si₂ cuí'₅ ně₃, jaun₂ gué₄ ca₂rě₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús. ¹⁴ Ia₁ jaun₂ bá₄ jme₁chén'₄ dsa₂ i₂ca₂'lón₂ 'éi₂ jē₄ jaun₂, jaun₂ lě₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅. ¹⁵ Jaun₂ ca₂'uín'₂ bá₄ Pe₄ quian'₅₄ Juan₅₄ jē₄ jaun₂, jaun₂ ca₂jmo₃ jág₁ guoin₅₄ 'a₂ lia'₂ jmo₃. ¹⁶ Ca₂dsia₃ jág₁, juá'₂:

—¿'A₂ lia'₂ jmó₁ quian'₅₄ dsa₂ ně₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ñi₅ a₂jmo₅ i₂ně₅ léi₄ juē'₂, jaun₂ tsá₃ lé₂ jua'₅₄ a₂jua'₅₄ jniog₄ a₂tsá₃ dsau₅. ¹⁷ La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jñ₄ dsa₂ juig₂, 'nió'₅ quian₅₄ jniog₄ juē'₅ ia₁jaun₂ tsá₃ ma₃i₃nioi₅₄ qui₃'i₁n₃ gué₄ Jesús a₂tsí'₃ dsa₂ le₃ne₄ jui₅ ja₁dsau₅₄ ně₅.

¹⁸ Jaun₂ ca₂tě₃ dsa₂ i₂le₁ñi'₂ 'éi₂ ca₂tě'₃ táng₃ Pe₄ quian'₅₄ Juan₅₄, jaun₂ ca₂jmo₃ 'éi'₃ ca₂tsí'₃ dsa₂ on₃ 'éi₂, a₂tsá₃ ma₃dsia₃ co₂ñei'₅₄ on₃ guē'₂ jme₃tiin₂₃ dsa₂ a₂'i₁n₂₃ Jesús. ¹⁹ La₁ jaun₂ ca₂ñag₃ Pe₄ quian'₅₄ Juan₅₄ ca₂juá'₂:

—'Nio'₄ 'nia'₂ 'au'₂ chi₂jua'₂ 'ñio₅ gué₄ dse₃ jniá₂ ne₄ Diú₄, a₂néi₁ jnia'₅₄ gau₂ jág₁ quián'₂ 'nia'₂, 'nió'₄ a₂jme₁néi₁ jnia'₅₄ gau₂ jág₁ quió'₅ Diú₄. ²⁰ La₁ jnia'₅₄ ně₃ tsá₃ lé₂ tí₄ a₂dsiá₁ ca₂le₃jě₃ a₂ma₂jag₅₄, a₂ma₂néi₁ ně₃.

²¹ Jaun₂ ca₂quiong₃ dsi₂tan₅₄ juē'₅, la₁ ca₂lió₂ bá₄ jaun₂ ně₃. Ia₁ tsá₃ ca₂dsó'₂ 'a₂ lia'₂ 'ě₂ uig₅, ia₁ ca₂le₃jín₃ bá₄ dsa₂ ma₂qui₂cuē'₃ ti₁'mag'₄ Diú₄ a₂ca₂tě₂ ne₅₄ a₂ca₂lě₃ jaun₂. ²² Jaun₂ dsa₂ ñe'₂

* 4:11 Salmo 118:22.

i₂ca₂'lón₂ 'éi₂ quian'₅₄ léi₄ a₂dsi₂gó'₃ dsi₅, jme₁'ein₅₄ lě₅ guě₄ tē₂láu₃ ŋi₂.

Ca₂mi₃ dsa₂ 'én₂ a₂cuě₃ guě₄, Diú₄ bí₂ quió'₅

²³ Jme₁ma₂lón₂ Pe₄ quian'₅₄ Juan₅₄, ca₂i₃lén₂ ja₁tion'₅₄ riin'₅₄, jaun₂ ca₂dsia₃ ca₂le₃jě₃ 'e₂ ca₂juá'₂ juig₅₄ jme₂dsa₂ quian'₅₄ dsi₂gui'₅₄ can'₅₄ a₂ca₂tsí'₃ 'éi₂. ²⁴ Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lě₅ ca₂tsí'₃ Diú₄ ca₂juá'₂:

—Te₁gui'₅₄ quián₂ jniog₄, 'ne₂ bá₄ líng'₅ Diú₄ i₂ca₂jmo'₅₄ guei'₅₄ i₂juig₃, quian'₅₄ gua'₅₄ 'uě₃, jm₁ŋí'₄ ně₃, ca₂le₃jě₃ guě₄ 'e₂ a₂cha₂. ²⁵ 'Ne₂ bá₄ ca₂juá'₅₄ quian'₅₄ Jme₂dsí₂ Jñi₀5 quiáng'₂, jme₁ca₂juá'₂ 'lag₄ David dsa₂ quiáng'₂:

¿'E₂ lě₃ tion'₅₄ dsi₂nau₂ co₂mi'₅₄?

¿'E₂ lě₃ dsi₂jio₅ dsi₅ dsa₂ chan₂ mi₂güig₃

ca₂le₃jě₃ ne₅₄ a₂'lig'₅₄ a₂tsá₃ ta₁ tí₄?

²⁶ Ca₂le₃jín₃ rag₅₄ ne₄ gua'₅₄ 'uě₃

qui₂ca₂quin'₂ jág₁;

Ca₂le₃jín₃ dsi₂tan₅₄ quián₅ juig₂

qui₂ca₂nau₂ 'nei₂ ja₁con₂ Te₁gui'₅₄,

ja₁con₂ I₂rě₂'ín₁ quiáin₅ ně₃.†

²⁷ 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄má'₂ Poncio Pilato juig₂ la₂ quian'₅₄ dsi₂nau₂, dsa₂ israelitas ně₃. Ca₂quin'₃ jág₁ ca₂jme₃'ŋiai₅₄ Jesús Ja₂ŋí'₂ jñi₀5 i₂rě₂'ín₁ quiáng'₂. ²⁸ Quian'₅₄ a₂ně₅, ca₂jme₃ti₃ dsa₂ can'₅₄ 'éi₂ ca₂le₃jě₃ a₂'i₄ 'éi'₃ niog₅ lě₂. ²⁹ Jaun₂ ně₃ Te₁gui'₅₄, jag₄ a₂quiong₅ dsa₂juě'₅ jnia'₅₄. Cuě₄ bí₂ jnia'₅₄ dsa₂ quiáng'₂ ia₁jaun₂ tián₂ qui₂jme₁tin₅ guě₄ jnia'₅₄ dsa₂ jág₁ quiáng'₂, tsá₃ jui₁le₂go₃. ³⁰ Cuě₄ bí₂ quiáng'₂ a₂lě₂ jme₁'lion₅₄ jnia'₅₄ dsa₂ dso'₅₄, a₂lě₂ jmó₁ léi₄ dsi₂gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ jñi₀5 i₂jme₂ti₃ quiáng'₂.

³¹ Jme₁ca₂dsan₃ chi₂lén₂' Diú₄ le₂ně₅, ca₂i₁bi₅₄ ja₁tioin'₅₄, jaun₂ ca₂le₃jín₃ qui₂ca₂cain'₂ Jme₂dsí₂ Jñi₀5. Jaun₂ tsá₃ ma₃juě'₅ 'i₄ dsí₅ qui₂ca₂'ě₂ jág₁ dse₃ quió'₅ Diú₄.

Ca₂le₃jě₃ 'e₂ cha₂ jme₁lě₄ quió'₅ ca₂le₃jín₃

³² Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsi₅, caun₂ bá₄ 'ei₅ jme₂dsí₂ quió'₅ ca₂le₃jín₃. 'I₁jan₂ tsá₃ jua'₅₄ a₂jmo₂₃ quió'₅ 'ŋiog₅ 'e₂ caun₂ a₂cha₂ quió'₅. Jmo₂₃ bá₄ dsí₅ a₂quió'₅ co₂dsia₅ quiain'₅₄ riin'₅₄ ca₂le₃jě₃ 'e₂ a₂cha₂ quió'₅. ³³ Caun₂ ca₂'ág₂ tiá₂ dsí₅ qui₂ca₂cuě₃ jág₁ dsau₅ dsi₂guia₃-tín₂ i₂chen₄‡ quián₅ Diú₄ 'éi₂, 'a₂ lia'₂ ca₂jen'₅₄ Te₁gui'₅₄ Jesús. Jaun₂ caun₂ qui₂ca₂cuě₃ Diú₄ bí₂ 'ŋio₅ lin₃ quió'₅ ca₂le₃jín₃ dsa₂ i₂'én₂.

³⁴ 'I₁jan₂ tsá₃ 'ein₂ jua'₅₄ cha₂ qui₂ca₂rě₃'nió'₅ quió'₅, ia₁ dsa₂

† 4:26 Salmo 2:1-2. ‡ 4:33 griego: apóstolous.

i₂cha₂ 'uë₃, o₃ i₂tióng₂ 'né₅ quió'₅ ně₃, qui₂ca₂'nag₃. ³⁵ Jaun₂ ca₂o₃can₅ cu₄ jaun₂, ca₂jín'₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsió'₃ ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅. ³⁶ Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ ně₃ ca₂quiain₃ Sě₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄. ³⁷ Bernabé 'éi₂ ca₂'nag₃ caun₂ 'uë₃ quió'₅ a₂jme₁cha₂. Ca₂le₃jě₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'náu₂ Ananías quiain'₅₄ Safira

¹ La₁ jan₂ dsa₂ sián'₂ i₂jme₁chen₂ Ananías quiain'₅₄ Safira 'io₅₄ quián₅, ca₂'nag₃ caun₂ 'uë₃ quió'₅. ² Dsa₂ ŋe'₂ 'éi₂ ca₂'ma₃ ca₂dsio₄ cu₄ jaun₂ 'ŋiog₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄ * quián₅ Jesús, lia'₂ jag₄ bá₄ a₂i₁can₅ ta₁jě₂. Ján₃ bá₄ ŋi₅ 'io₅₄ quián₅. ³ Jaun₂ ca₂juá'₂ Pe₄ ca₂tsí'₃ Ananías:

—¿'E₂ lě₃ ca₂'í₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ Jnió₅, a₂ca₂'ma'₅₄ ca₂dsio₄ cu₄ a₂ca₂quí₃ dsa₂ 'lia'₅₄ 'uë₃ quiáng'₂? ⁴ ¿On₁jua'₅₄ quiáng'₂ 'uë₃ a₂ně₂'nag'₅₄? ¿On₁jua'₅₄ quiáng'₂ cu₄ jaun₂ ně₃? ¿'E₂ lě₃ ca₂i₃jio₅ 'au'₂ jmó'₂ le₂ně₅? Díu₄ bá₄ ně₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂güí₃.

⁵ Dsi₂jui₅ jme₁ně₂néi₂ Ananías le₂ně₅, ca₂quin'₃ ca₂join₃. Jaun₂ ca₂le₃jín₃ dsa₂ i₂ca₂rě₃ŋi₅ a₂ca₂lě₃ le₂jaun₂ ca₂rě₃gó'₅ 'ŋio₅ lín₃. ⁶ Jaun₂ ca₂o₃lén₂ on₃-ún₂ chi'₂ dsa₂ ŋe'₂, ca₂lio₃ 'mi'₂ ni₁ŋi₁₂, jaun₂ ca₂i₁'ó₄.

⁷ Tsá₃ jaun₂ ŋi₅ 'io₅₄ quián₅ Ananías a₂ca₂lě₃ le₂jaun₂, jaun₂ ca₂dsióg₃ con'₂ 'ni₅ hora cang₂ jaun₂. ⁸ Jaun₂ ca₂ŋag₃ Pe₄ ca₂ŋii'₃ 'io₅₄:

—Jua'₅₄ dsón'₂. ¿'Ma'₅₄ jaun₂ ně₂'nag'₅₄ 'nia'₂ 'uë₃ con'₂ lě₅ jág₁ juá'₂ 'nia'₂?

Jaun₂ ca₂ŋag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

⁹ Jaun₂ ca₂juá'₂ táng₃ Pe₄:

—¿'E₂ lě₃ ně₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ ně₅ ma₂ja₂len₃ táng₃ dsa₂ i₂ma₃i₁'ón₄ dsi₂i₂gog'₂. Ně₃ guě₄ tē₂ táng₃ 'ne₂.

¹⁰ Dsi₂jui₅ le₂jaun₂ ca₂quin'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂l₃ton'₅₄ chi'₂ dsa₂ ŋe'₂ 'éi₂, ma₂jón₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rě₂'on₅ dsi₂i₂gu₂. ¹¹ Jaun₂ ca₂rě₃gó'₅ 'ŋio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ guě₄ dsa₂ sián'₂ i₂ca₂rě₃ŋi₅ a₂ca₂lě₃ jaun₂.

'Lióng₂ léi₄ juě'₂ a₂dsi₂gó'₃ dsi₅ ně₃, ca₂lě₃

12 Quian⁵⁴ bí² quió⁵ Diú⁴ ca₂jmo³ dsa₂ i₂chen⁴ quián⁵ Jesús 'lióng₂ léi₄ jué'² a₂dsi₂gó³ dsi₅ jin⁴ dsa₂. Jaun₂ jme₁ñi'² dsa₂ i₁dsi₅ guá'⁵ templo ja₁lě₄ corredor ja₁tě'² dsa₂ quió⁵ Salomón. 13 'I₁jan₂ tsá₃ ca₂tiá₂ dsi₅ jme₃quian'⁵⁴ dsa₂ i₂'én₂ 'éi₂, la₁ jme₁jme₂go₃ bá₄. 14 La₁ juin₅ bá₄ dsa₂ ñe'², lia'² dsa₂ mí₂ ně₃, ca₂rě₃'én₂ tē₂le₃ quió⁵ Te₁gui'⁵⁴. 15 Ca₂lia'² jme₁dsi₂jñiai₃ jě₄ calle dsa₂ dso'⁵⁴ tián'⁵ ne₄ cama, ne₄ tsi₁jein₁ ně₃, ia₁jaun₂ tsá₃ a₂nag⁵⁴ jñia'⁵⁴ 'én'₁ quió⁵ bá₄ Pe₄ tē⁵⁴ quió⁵ i₂lin⁵⁴ dsa₂ dso'⁵⁴ 'éi₂. 16 Ján₃ bá₄ ca₂o₃lén₂ juin₅ dsa₂ chan₂ juig₂ ma₂quián⁵ Jerusalén, le₁jñiai₂₃ dsa₂ le₁dso'⁵⁴, dsa₂ i₂tion'⁵⁴ jme₂dsi₂ 'lin'⁵⁴ tē₂dsi₅ ně₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lóin₂.

Ca₂co₃'ein₃ dsa₂ quió⁵ Pe₄ quian'⁵⁴ Juan⁵⁴

17 Jaun₂ ca₂rě₃'iog⁵⁴ 'ñio₅ lin₃ jme₂dsa₂ dsen⁵⁴, quian'⁵⁴ riin'⁵⁴ i₂jme₁lín₄ saduceos. 18 Jaun₂ ca₂jñai'³ dsa₂ i₂chen⁴ quián⁵ Jesús, ca₂i₁tio'² 'né₅ 'má₃. 19 La₁ a₂'uě₂ jaun₂, ca₂ñe₄ jan₂ ángel quián⁵ Te₁gui'⁵⁴ ca₂niá₃ 'né₅ 'má₃, ca₂'uíin'² dsa₂ i₂chen⁴ 'éi₂, ca₂juá'²:

20 —O₂nó⁵ 'nia'² i₁dsi₅ guá'⁵ templo, o₂nau₂ o₂chei'⁵⁴ 'nia'² dsa₂ jág₁ dse₃ quió⁵ Jui₅ 'mí₂ la₂.

21 Jme₁ca₂nág₂ jág₁ ně₅, tē₃ o₃'iog₂ jme₁jnia₃ jaun₂ ca₂i₁lein⁵⁴ guá'⁵ ca₂i₁jme₁tiin₂₃ dsa₂.

Jmíg₄ jaun₂ ca₂tě₃ jme₂dsa₂ dsen⁵⁴ ca₂ñi'² dsi₂tan⁵⁴ quián⁵ guá'⁵, jaun₂ ca₂jmo³ 'éi'₃ i₁tě₂ dsa₂ i₂chen⁴ quián⁵ Jesús i₂tion'⁵⁴ 'né₅ 'má₃ 'éi₂. 22 La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion'⁵⁴ chan₂. Jaun₂ ca₂i₃lein₃ táng₃ i₁con₂ jág₁, 23 juá'²:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió₂ bá₄ guě'² 'lióg₂ jmo₂₃ 'í₁ cau₅ o₄'né₄ ně₃. La₁ jme₁ně₂tió'⁴ jnia'⁵⁴ dsi₂něi₂, tsá₃ ma₃dsa₂ i₂jme₁tion'⁵⁴ chan₂ 'i₁jan₂.

24 Jme₁ca₂nág₂ juig⁵⁴ jme₂dsa₂, juig⁵⁴ chi'² 'i'⁵⁴ quián⁵ guá'⁵ ně₃, jaun₂ dsi₂gó³ dsi₅ qui₂ca₂ñi'³ riin'⁵⁴ 'a₂ dsi₁quén'⁵ ca₂le₃jě₃ a₂ně₅. 25 Jaun₂ ca₂dsióg₃ jan₂ dsa₂ quian₅ jág₁, jaun₂ ca₂juá'²:

—Dsa₂ i₂ca₂jne'⁵⁴ 'nia'² 'né₅ 'má₃, ó₃ bá₄ ma₂tióin₂ i₁dsi₅ guá'⁵ jme₂tiin₂₃ dsa₂.

26 Jaun₂ ně₃ ca₂i₃lén₂ chi'² 'i'⁵⁴ quian'⁵⁴ juig⁵⁴ quián⁵, jaun₂ ca₂i₁chong'⁵⁴ táng₃ lia'² 'i₄ rě₂ jág₁. Tsá₃ uig₅ ca₂jmo₂'g'², ia₁ gó'⁵ qui₃jnúu'² cang₄ dsa₂ i₂le₁ñi'² ja₁jaun₂. 27 Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei'³ dsi₂jo₂ ja₁le₁ñi'² dsi₂tan⁵⁴ quián⁵ guá'⁵. Jaun₂ ca₂juá'² jme₂dsa₂ dsen⁵⁴ ca₂tsí'³ dsa₂ 'éi₂:

28 —Ca₂jne⁵⁴ jnia'⁵⁴ co₂ñei'⁵⁴ a₂tsá₃ ma₃jme₁tiin'⁵ 'nia'² dsa₂, juá'⁵⁴ a₂'ín'⁴ guě₄ 'nia'² Jesús 'éi₂. ¿'E₂ ma₂jmo'⁵⁴ guě'² 'nia'²? Caun₂ qui₂jme₂tiin'¹ 'nia'² dsa₂, tsá₃ jág₁ cán'¹, ca₂lia'² ta₁caun₂

† 5:22 o₃, chi'² 'i'⁵⁴ quián⁵ guá'⁵.

juig₂ Jerusalén ma₂rë₂rin₅ quian'₅₄ jág₁ a₂jme₂tiin'₁ 'nia'₂.
A₂'niog'₂ 'nia'₂ bog'₅₄ jnia'₅₄ dso₄ a₂ca₂jjon₃ dsa₂ 'éi₂.

²⁹ Jaun₂ ca₂ŋag₃ Pe₄ quiaín'₅₄ dsa₂ i₂chen₄ riin'₅₄:

—'Nio₅ guë₄ dsen₅₄ ta₁ jme₁ti₁ jnia'₅₄ 'éi'₃ quió'₅ Diú₄, con'₂ guë₄
'éi'₃ quió'₅ dsa₂ mi₂güig₃. ³⁰ Diú₄ quián₅ dsa₂ can'₅₄ quián₂ jniog₄
ma₂líg'₂, Diú₄ 'éi₂ bá₄ ca₂jme₃jen'₅₄ Jesús i₂ca₂ŋj'₃ 'nia'₂ ca₂tióin'₃
cróg₄. ³¹ Diú₄ ně₃ ma₂ca₂chó'₂ guei'₅₄, jaun₂ ma₂guá₅ cau₅ quió'₅
të₂le₃ gu₂ ne₁, jaun₂ ma₂dsiog₃ a₂léin₂ juig₅₄ jniog₄ i₂lió₂, ia₁ jaun₂
cuin₃ jmig₄ jme₃tsín₃ dsí₅ dsa₂ juig₂ Israel ia₁ jaun₂ 'én₂ dsáu₁.
³² Ca₂le₃jág₃ bá₄ jnia'₅₄ ca₂të₂ ne₄ a₂në₅, ján₃ bá₄ jáng'₅ jág₁ dsau₅
Jme₂dsí₂ Jnió₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃
jág₁ quió'₅.

³³ Ca₂rë₃'né₃ 'nio₅ lin₃ dsa₂ can'₅₄ jme₁ca₂nág₂ le₂në₅, a₂'nio₃
jme₁jme₃dsiain₂₃ dsa₂ i₂chen₄ quián₅ Jesús 'éi₂. ³⁴ La₁ jë₄
quió'₅ dsi₂tan₅₄ jaun₂, jme₁'en₅₄ jan₂ dsa₂ fariseo i₂jme₁chen₂
Gamaliel, dsa₂ i₂lín₅ tës₃juá'₅, jaun₂ jme₁jme₂go₃ dsa₂ 'nio₅ lin₃.
Jaun₂ ca₂nau₂ dsa₂ 'éi₂ jë₄ quió'₅ dsi₂tan₅₄, ca₂mi₃ a₂'uün'₂ ca₂tiá₂
dsa₂ i₂chen₄ 'éi₂. ³⁵ Jme₁ca₂'uün'₂ 'éi₂, jaun₂ ca₂juá'₂ Gamaliel
ca₂tsí'₃ dsi₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂
dsa₂ në₅. ³⁶ Dsá₂ 'au'₂ 'nia'₂ jmo₄ a₂ca₂lë₃, ma₂ŋó₃ ca₂la₂
'líong₂ ŋi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂
dsen₅₄. Jaun₂ ca₂jme₃quiong'₅₄ con'₂ quén₂ 'ñiá₂-lón₂ dsa₂
ŋe'₂. La₁ jme₁ca₂ŋag'₃ dsa₂, ca₂le₃jín₃ dsa₂ i₂jme₁quiaín'₅₄
ně₃ ca₂i₃léin₂ jma₃quén₅. ³⁷ Cang₂ jaun₂, jmig₄ jme₁ca₂tion₃
dsa₂ si₂, ca₂nau₂ Judas i₂chan₂ Galilea. Já₃ bá₄ le₂jaun₂
juin₅ dsa₂ ca₂jme₃quiong'₅₄ quió'₅. La₁ já₃ bá₄ ca₂ŋag'₃ dsa₂.
Ca₂le₃jín₃ bá₄ dsa₂ i₂jme₁quiaín'₅₄ ně₃ ca₂i₃léin₂ tsi₁rë₂jain₅₄ táng₃
jme₁ma₂jjon₅ 'éi₂. ³⁸ Jaun₂ lë₃, tsá₃ 'e₂ jmag'₅₄ dsa₂ në₅, tsá₃
lë₁tón'₂ 'nia'₂ mí'₅₄ quiaín'₅₄. Ia₁ në₁juá'₂ jág₁ në₅ lë₅ cosa quió'₅
dsa₂ mi₂güig₃, a₂lë₁dsi₃'én₂ bá₄ në₅. ³⁹ La₁ ia₁ në₁juá'₂ lë₅ cosa
quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'éng'₄. Jaun₂ 'í₁
jmo₄ ia₁ con'₂ tsá₃ ŋó₅ në₁juá'₂ quian'₅₄ Diú₄ quín'₂ 'nia'₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂të'₃ táng₃ dsa₂
i₂chen₄ quián₅ Jesús 'éi₂. Jaun₂ ca₂jmo₃ dsi₂tan₅₄ 'éi'₃ a₂bóg₂ dsa₂.
Jaun₂ ca₂jnë₃ táng₃ tsá₃ cuë₂₃ jmig₄ jua'₅₄ a₂'ë₂ guë₄ dsa₂ 'éi₂ jág₁
a₂'iin₂₃ Jesús. Jaun₂ ca₂lió₂ bá₄ jaun₂ ně₃. ⁴¹ Jme₁ca₂'uün'₂ dsa₂
i₂chen₄ quián₅ Jesús 'éi₂, jín₄ dsi₂tan₅₄, jmo₂₃ 'io'₂, ia₁ ca₂cuë₃ Diú₄
jmig₄ ca₂i₃ñi₂ o₂guí'₃ o₄quió'₄ Jesús. ⁴² Jaun₂ caun₂ ca₂i₁nioi₁₂
bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jë₃ jmig₄, lia'₂
i₁dsi₅ guá'₅ templo, lia'₂ dsi₂néi₂ quió'₅ dsa₂ ně₃.

6

*Ca₂'nai'₂ guion₃ dsa₂ i₂jme₃'o₅₄**

¹ Jmīg₄ jaun₂ caun₂ dsi₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'iin₂₃ 'io₅₄ 'nág₂ chan₂ quiáin₅ tsá₃ lín₄ dse₃ jme₁cuē'₅ dsa₂ jui₁lia'₂ 'e₂ má₃ dsió'₅ ca₂le₃jě₃ jmīg₄. ² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ḡi'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁tí₁ jnia'₅₄ ne₄ mesas a₂dsio'₅₄ jnia'₅₄ má₃, ³ Jaun₂ lě₃ rín'₅₄ jniog₄, 'in₅₄ 'nia'₂ guion₃ dsa₂ tē₃jin'₄ 'nia'₂, i₂'ei₅ jág₁ a₂'en₅₄ dsí'₅, a₂rě₂rín₅ Jme₂dsí₂ Jñió₅ tē₂dsí'₅, jaun₂ cuē'₅₄ 'nia'₂ ta₁ nē₅. ⁴ Jnia'₅₄ guē'₂ caun₂ qui₁chei₅₄ Diú₄, caun₂ qui₂jme₁tín₅ jnia'₅₄ dsa₂ jág₁ quió'₅ Diú₄.

⁵ Jaun₂ ca₂le₃jín₃ dsa₂ ca₂tě₂ dsí'₅ a₂nē₅, jaun₂ ca₂quióin'₂ dsa₂ i₂chen₂ Esteban i₂'én₂ 'ñio₅ lín₃, i₂rě₂rín₅ Jme₂dsí₂ Jñió₅ tē₂dsí'₅; Fe₂li₄ nē₃, Prócoro, Nicanor, Timón, Parmenas, Nicolás nē₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jniá'₅ 'Éi'₃ Juá'₅ quió'₅ dsa₂ judíos. ⁶ Jaun₂ ca₂o₃jñia₃ dsa₂ dsa₂ guion₃ i₂ca₂'iin₃ 'éi₂ ja₁tión₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

⁷ Jaun₂ caun₂ ca₂i₃'ág₃ jág₁ quió'₅ Te₁gui'₅₄ jě₄ juig₂ Jerusalén, jaun₂ caun₂ ca₂i₃juín₂ bá₄ dsa₂ i₂ca₂rě₃'én₂, ca₂tě₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rě₃'én₂ juín₅.

Ca₂jña'₃ dsa₂ Esteban

⁸ Esteban, dsa₂ i₂'ñio₅ lín₃ ma₂cuē₃ Diú₄ jui₅bí₂, ma₂jme₂'o₅₄ nē₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. ⁹ Jaun₂ i₂lín₅₄ dsa₂ quián₅ guá'₅ sinagoga i₂jme₁tě'₂ dsa₂ Libertinos, quiain'₅₄ i₂lín₅₄ dsa₂ chan₂ Cirene, i₂lín₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uē₃ Asia nē₃, ca₂jme₃lióg₃ ca₂tsíin₂ quian'₅₄ Té₂. ¹⁰ La₁ tsá₃ ca₂tio₃, ia₁ a₂niog₅ dsi₄ 'éi₂, tiin₂ 'a₂lia'₂ ḡag₃, ia₁ Jme₂dsí₂ Jñió₅ bá₄ cuē₅ bí₂. ¹¹ Jaun₂ ca₂lái₂ dsa₂ i₂jáng'₃ jág₁ tē₂jág₁, a₂juá'₂ a₂ma₂nág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ nē₃. ¹² Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, tē₅juá'₅ nē₃, ca₂jmái'₂ mí'₅₄ Té₂, ca₂jḡau'₃, ca₂i₁jo₅₄ ne₄ dsi₂tan₅₄ quián₅ guá'₅. ¹³ Jaun₂ ca₂'nai'₂ ján₃ dsa₂ i₂jmo₃ jág₁ tē₂jág₁ a₂'nii₃ Té₂. Jaun₂ ca₂juá'₂:

—Dsa₂ nē₅ caun₂ qui₂juá'₂ 'lig'₅₄ 'ě₂₃ guá'₅ jñió₅, 'ě₂₃ 'Éi'₃ Juá'₅ nē₃. ¹⁴ Ján₃ bá₄ ma₂ca₂néi₁ jnia'₅₄ juá'₂ i₂nē₅ a₂'én₂ Jesús chan₂ Nazaret guá'₅ a₂jme₃tsiín₃ tag₄ chí'₅ ca₂quiog₂ Moisés.

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolous.

¹⁵ Jaun₂ dsi₂tan₅₄ quiain'₅₄ ca₂le₃jín₃ guě₄ dsa₂ i₂jme₁tion'₅₄ le₁ñi'₂ ja₁jaun₂, ca₂jín₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Jág₁ ca₂ton₃ Esteban

¹ Jaun₂ ca₂ñag₃ jme₂dsa₂ dsen₅₄ ca₂ñi'₃ Té₂:

—¿Dson'₂ dsau₅ ca₂le₃jě₃ a₂juá'₂ dsa₂ ně₅?

² Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ ně₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jniai₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uě₃ Mesopotamia né'₃ a₂dsi₃guá₃ juig₂ Harán. ³ Jaun₂ ca₂juá'₂ Diú₄: “Tí₃ 'uě₃ quiáng'₂, tén₃ ca₂le₃jín₃ o₁rín_g'₂, gua₂ jui₅ 'uě₃ ja₁i₁'ě₃ jniá₂.”*

⁴ 'Jaun₂ ca₂ñó₃ Abraham ca₂o₃'iin₃ 'uě₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jnia₃ Abraham 'uě₃ la₂ ja₁tián'₄ 'nia'₂ rě₂ně₃. ⁵ La₁ tsá₃ jua'₅₄ 'e₂ ca₂cuě₃ Diú₄ 'uě₃ la₂, on₃ guě'₂ ja₁chi'₃ caun₂ tag₅₄ jua'₅₄ ca₂cuě₃. La₁ ca₂cuě₃ bá₄ Diú₄ jág₁ quió'₅ a₂cuě₃ 'uě₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jě₁ma₂join₂₃, o₁jnia'₅₄ guě'₂ jmig₄ jaun₂ tsá₃ chi'₂ quián₅ Abraham jme₁chan₂ 'i₁jan₂. ⁶ Jaun₂ ca₂juá'₂ Diú₄ ján₃, ca₂le₃jín₃ chi'₂ dsio₄ Abraham tiain'₃ jui₁lia'₂ ja₁tián'₄ dsi₂nau₂ caun₂ 'uě₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lě₁jmo₃ ta₁ jme₂ti₃ ta₁ ne₄ dsa₂.

⁷ La₁ ján₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ě₄ uig₅ ne₄ juig₂ i₂jmá'₂ dsa₂ quiáng₃ i₂tion'₅₄ i₂lě₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'u₁in₃ juig₂ jaun₂, jaun₂ ja₃lén₂ jme₃ti₃ ta₁ ne₃ ja₁lá₃.”† ⁸ Ján₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ni₁lo₁ ta₁jín₂ chi'₂ dsa₂ ñe'₂ tsi₁jon₂ quián₅, a₂li'₅₄ jág₁ a₂tě₃ron₅₄. 'Uig₅₄ jaun₂, jme₁ca₂rě₃chán₃ ja₁ñi'₅₄ i₂ca₂rě₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jnia₃ jmig₄. Ján₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Ján₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lin₃ jmei₂ ta₁guia₃-tín₂ juig₂ ja₁tén₄ Israel.

⁹ 'Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jín₂ Sě₄ rin'₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂tě₂ 'uě₃ Egipto. La₁ Diú₄ bá₄ ca₂jmo₃ 'í₁ quió'₅ Sě₄,

¹⁰ qui₂ca₂lió₂ ca₂le₃jě₃ 'e₂ ca₂i₃ñi'₂ ca₂jmo₃ ca₂rě₃ñi'₂ dsí₅ 'ñio₅ lin₃. Ján₃ bá₄ ca₂jmo₃ Diú₄ a₂chén'₅ dse₃ quiain'₅₄ i₂tě'₂ dsa₂ Faraón, i₂lín₅ rag₅₄ quián₅ 'uě₃ Egipto. Rag₅₄ 'éi₂ ca₂'iin₃ Sě₄ a₂lén₂ dsi₁má'₂ 'uě₃ Egipto. Ján₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

* 7:3 Génesis 12:1. † 7:7 Génesis 15:13-14.

11 'Cang₂ jaun₂ ca₂gua₃ ŋi₂ a₂ca₂ŋág₃ uig₅ 'ŋio₅ lin₃ a₂ca₂rë₃ 'ín₃ a₂guë'₃ dsa₂ ta₁caun₂ 'uë₃ Egipto quian'₅₄ 'uë₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guë'₃.
 12 Jme₁ca₂rë₃ŋi₅ Jacob a₂cha₂ trigo 'uë₃ Egipto, jaun₂ ca₂chein₃ chi'₂ ja₁ŋi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guë'₄ le₂'uig₅₄ ca₂l₁lein₅₄.
 13 Jme₁ca₂të₂ tin₃ ráun₂ i₁len₅₄ rin'₅₄ Së₄ 'uë₃ Egipto, jaun₂ ca₂jmo₃ Së₄ a₂ca₂rë₃ŋi₅ a₂lë₅ riin'₅₄ dsa₂ 'éi₂. Jaun₂ guë'₄ ca₂rë₃ŋi₅ rag₅₄ quián₅ Egipto 'e₂ tsi₁jon₂ lín₅ Së₄.
 14 Jaun₂ guë'₄ ca₂tsí'₃ Së₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lë₂ 'nag'₂ ne₂guióg₂ rë₂dsí₂ guia₃-'ŋiá₂ (75) dsa₂.
 15 Le₂jaun₂ ca₂lë₃ a₂ca₂ŋó₃ Jacob ca₂i₁gua₂ 'uë₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂.
 16 Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ŋio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí₃.

17 'Jme₁ja₂quián₃ jmig₄ le₃ti₃ jág₁ ca₂cuë₃ Diú₄ 'iin₂₃ 'ŋiog₅ ca₂cuë'₃ Abraham, ca₂i₃juín₂ 'ŋio₅ lin₃ dsa₂ israelitas 'uë₃ Egipto.
 18 Jaun₂ ca₂guá₂ jan₂ rag₅₄ i₂tsá₃ cuin₅ Së₄, ca₂jme₃lióg₃ jmo₂₃ 'éi'₃ 'uë₃ Egipto.
 19 Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂téin₂ guein₂ dsa₂ ŋe'₂ i₂të₂ca₂rë₃chán₃, ia₁jaun₂ dsiáin₃.

20 'Jmig₄ jaun₂ ca₂rë₃chán₃ Moisés. Guein₂ 'éi₂ ca₂të₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅.
 21 Jme₁ca₂të₂ jmig₄ a₂tóin₂ guein₂ 'éi₂, jaun₂ ja₁míg₄ 'ŋiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ŋi'₅₄ 'ŋiog₅.
 22 'Uig₅₄ jaun₂, ca₂rë₃tín₃ Moisés ca₂le₃jë₃ a₂ŋi₅ dsa₂ chan₂ Egipto, jaun₂ ca₂rë₃'uáin'₃, 'ŋio₅ lin₃ ŋi₅ 'e₂ jág₁ dsia₃, ŋi₅ a₂ca₂jmo₃ në₃.

23 'Jme₁ma₂'ein₅₄ të₂láu₃ ŋi₂, jaun₂ ca₂ŋe₄ Moisés ca₂i₁jin₁₂ dsa₂ go₅₄ dsa₂ israelitas.
 24 Ja₁jaun₂ ca₂jjin₂ jan₂ dsa₂ chan₂ Egipto jmái'₂ uig₅ cuë'₅ jan₂ dsa₂ go₅₄. Jaun₂ ca₂nau₂ Moisés 'nei₂ quiaín₅₄ i₂cuë'₅ riin'₅₄, ca₂jŋi'₃ dsa₂ 'éi₂, ca₂lióin₂ dsa₂ go₅₄.
 25 Ia₁ ca₂i₃jio₅ dsí₅ jaun₂ le₃lí'₄ dsa₂ israelitas riin'₅₄, a₂jmo₃ Diú₄ lió₂ të₂le₃ quian'₅₄ 'éi₂. La₁ tsá₃ ca₂rë₃lí'₄ guë'₂ dsa₂.
 26 Jme₁jnia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lë₃ qui₂ma'₅₄ 'nia'₂ uig₅ le₂jang'₂ le₂jang'₂?”

27 'Jaun₂ i₂jme₁'en₅₄ cuë'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿'Ein₂ ca₂cuë'₃ 'ne₂ ta₁ líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄?
 28 ¿'Niog'₂ jnág'₄ jniá₂ ján₃ jui₁lia'₂ ca₂jŋig'₃ dsióg₂

dsa₂ chan₂ Egipto 'éi₂?[†] 29 Jme₁ca₂nág₂ Moisés le₂nē₅, co₂tan₅₄ ca₂cuing₃ ca₂ŋó₃ jui₅ 'uē₃ ja₁chei₂ Madián. Ja₁jaun₂ ca₂i₁gua₂ co₂'nió₄ a₂lín₅ dsi₂nau₂. Ja₁jaun₂ ca₂rē₃chán₃ on₃ chi₂' quián₅.

30 'Tē₂láu₃ ŋi₂ cang₂ jaun₂, caun₂ ja₁lě₄ 'uē₃ quein₂ quián₅ má₂' ja₁chei₂ Sinaí, ja₁jaun₂ ca₂jme₃nia₅ jan₂ ángel jě₄ si₂ chi₁guí₂ caun₂ ni₁'ma₂ taun₅ a₂cau₂. 31 Jaun₂ ca₂i₃gó₃ dsi₅ Moisés jme₁ca₂jág₃ a₂nē₅, jaun₂ jme₁ca₂jme₃quián₃ guě₄ ia₁ 'nio₃ jme₁jág₃ guě₄ dse₃. Tě₃jě₄ ŋó₃ jaun₂ jme₁ca₂nág₂ jág₁ quió₅ Te₁gui₅₄ a₂ca₂juá₂: 32 "Jniá₂ bá₄ líng₅ Diú₄ quián₅ dsa₂ quiáng₂ ma₂líg₂, Diú₄ quián₅ Abraham, quián₅ Isaac, quián₅ Jacob nē₃." Š Jaun₂ ca₂jme₃lió₃ ca₂jlen₃ Moisés ca₂rē₃gó₅ 'ŋio₅ lin₃, tsá₃ ma₃tiá₂ dsi₅ jág₃.

33 'Jaun₂ ca₂juá₂ táng₃ Te₁gui₅₄: "Jniá₃' lau₂ ton₅ tag₅₄, ia₁ 'uē₃ jnió₅ bá₄ ja₁chéng₄ nē₅. 34 Jág₅ bá₄ jniá₂ a₂chan₂ uig₅ dsa₂ quiáng₃ 'uē₃ Egipto, qui₂nag₅ bá₄ jniá₂ a₂qui₂'-o₂₃. Jaun₂ lě₃ ca₂sióng₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang₅₄ jui₅ Egipto".*

35 'O₁jŋia₅₄ la₂ tsá₃ jme₁'nio₃ dsa₂ go₄ Moisés le₂jŋia₅, ia₁ ca₂juá₂: "¿'Ein₂ ca₂'in₃ 'ne₂ a₂líng₅ dsi₂tan₅₄ i₂qui₂dsi₅ 'éi₃ ja₁con₂ jnia₅₄?' la₁ Diú₄ nē₃ ca₂chein₃ Moisés a₂lín₅ co₂'nió₄ dsi₂tan₅₄ i₂lió₂, tē₂le₃ quian₅₄ ángel i₂ca₂jme₃nia₅ jě₄ ni₁'ma₂ taun₅ jaun₂. 36 Moisés bá₄ dsa₂ i₂ca₂'uín₂ dsa₂ can₅₄ quián₂ jniog₄ ma₂líg₂ 'uē₃ Egipto i₂qui₂ca₂jmo₃ ján₃ 'lióng₂ léi₄ juě₂ a₂dsi₂gó₃ dsi₅ nē₃. Léi₄ jaun₂ ca₂jmo₃ Moisés 'uē₃ jaun₂, quian₅₄ ne₄ Jm₁ŋi₄ Guéin₂,† quian₅₄ 'uē₃ quein₂ co₂'ŋiog₅ ja₁ca₂i₁nioi₁₂ tē₂láu₃ ŋi₂. 37 Jaun₂ 'ŋiog₅ Moisés 'éi₂ bá₄ ca₂tsí₃ dsa₂ israelitas: "A₂chen₃ Diú₄ jan₂ dsa₂ i₂'ě₂ jág₁ quián₅, i₂lín₅ dsa₂ go₄ 'nia₂ guiong₅₄, ju₁lia₂ ca₂chei₃ jniá₂. Jaun₂ tón₂ 'nia₂ jui₅ jág₁ quió₅ 'éi₂."‡ 38 Ján₃ bá₄ Moisés 'éi₂ jme₁'en₅₄ quian₅₄ dsa₂ juig₂ 'uē₃ quein₂ co₂'ŋiog₅ jaun₂. Jme₁'ein₅₄ quian₅₄ ángel i₂ca₂juá₂ jág₁ má₂' Sinaí. Ján₃ bá₄ jme₁'ein₅₄ quian₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca₅₄, jaun₂ guě₄ ca₂nág₃ tē₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg₂ nē₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió₅ Moisés. Ca₂chei₃ cau₅, jme₁'nio₃ jme₁dsi₃lein₃ táng₃ jui₅ 'uē₃ Egipto. 40 Jaun₂ nē₃ ca₂tsí₃ Aarón Š ca₂juá₂: "'Niog₂ jnia₅₄ jmog₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén₃ Moisés 'éi₂ i₂ca₂'uág₂ jniog₄ 'uē₃ Egipto.'"* 41 Jaun₂ ca₂jmói₂ jan₂ guein₂

‡ 7:28 Éxodo 2:14. § 7:32 Éxodo 3:6. * 7:34 Éxodo 3:5,7,8,10. † 7:36 Ján₃

bá₄ chei₂ Jm₁ŋi₄ 'Ma₂ta₅. ‡ 7:37 Deuteronomio 18:15. § 7:40 Jme₁lín₄ Aarón

rín₅₄ Moisés. 'Nio₂ ja₁ton₅ Éxodo 4:14. * 7:40 Éxodo 32:1.

ca₁jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quiáin₅
 qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃
 quian'₅₄ gu₂ guioin₅₄. ⁴² Jaun₂ co₂ŋei'₅₄ ca₂jmo₃ Diú₄ cau₅, tsá₃
 ma₃ca₂jme₃quiain'₅₄ dsa₂ 'éi₂, jui₁jmo₁₂ bá₄ con'₂ tiin₂ guioin₅₄.
 Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄† guei'₅₄.
 Ia₁ le₂nē₅ rē₂ton₅ ne₄ Si₂ a₂ca₂jmo₃ dsa₂ i₂jme₁'ē₂ jág₁ quián₅ Diú₄
 ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

tē₂láu₃ ŋi₂ 'uē₃ quein₂ co₂ŋiog₅ jaun₂?

⁴³ On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán,[‡]

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uē₃ quiáng'₂,

tsag₅₄ jniá₂ tē₂le₃ ó₃ guē₄ ja₁niog₅ 'uē₃ Babilonia.Š

⁴⁴ "Uē₃ quein₂ jaun₂, dsa₂ can'₅₄ quián₂ jniog₄ ma₂líg'₂
 jme₁quian₅ guá'₅ tabernáculo ja₁jme₁rē₂'ma₄ ni₁cang₁ a₂le₁ton₅
 ta₁guia₃ 'Éi'₃ Juá'₅. Guá'₅ tabernáculo jaun₂ ca₂lē₃ con'₂ lē₅
 jág₁ ca₂cuē₃ Diú₄ ca₂cuē'₃ Moisés, jme₁ca₂'ē₃ Diú₄ nió'₄ le₂jniá₅
 'a₂ lia'₂ lé₂. ⁴⁵ Dsa₂ quián₂ jniog₄ ma₂líg'₂ ca₂gue₃ guá'₅ jaun₂
 co₂'nió'₄ ca₂ŋág₃ dsa₂ can'₅₄ quiáin₅. Jaun₂ dsa₂ i₂jme₁quian'₅₄
 Josué ně₃ ca₂caún₃ lia'₂ con'₂ jme₁ca₂lí₃ 'uē₃ quió'₅ dsa₂ juig₂
 siá'₂, i₂ca₂'uín'₂ Diú₄ ia₁jaun₂ cha₂ ja₁tian'₃ 'éi₂. Le₂jaun₂ ca₂lē₃
 ca₂lia'₂ ca₂tē₂ jmi₄ a₂ca₂rē₃chán₃ David. ⁴⁶ Ca₂jmo₃ Diú₄ dse₃
 dsí₅ ja₁con₂ Rag₅₄ David, jaun₂ 'éi₂ ně₃ jme₁'nio₃ jmóg'₃ caun₂
 ja₁guá₃ Diú₄ quián₅ Jacob. ⁴⁷ La₁ Salomón bá₄ i₂ca₂chi'₃ 'né₅
 quió'₅ Diú₄.

⁴⁸ 'La₁ Diú₄ i₂juin'₂ guē₄ lin₃ tsá₃ guá'₅ dsi₂néi₂ guá'₅ a₂jmóg'₅
 dsa₂ mi₂güí₃. Jui₁lia'₂ ca₂juá'₂ Diú₄ tē₂le₃ quian'₅₄ dsa₂ i₂jme₁'ē₂
 jág₁ quiáin₅ ma₂líg'₂:

⁴⁹ Guei'₅₄ i₂juí₃ bá₄ ja₁gua₁₂

ja₁lē₄ ne₄ta₁ quió₃,

gua'₅₄ 'uē₃ ně₃ jui₁lia'₂ ja₁tióng₂ tag₃.

¿'E₂ bá₄ 'né₅ jmó'₂ 'nia'₂ quió₃? juá'₂ Te₁gui'₅₄,

¿O₃ já'₄ bá₄ lé₂ le₃jan₄ jniá₂?

⁵⁰ ¿On₁ jniá₂ bá₄ ca₂jmo₃ quian'₅₄ gu₃-tag₃

† 7:42 nei₅: Lia'₂ chi₁ton₅ ne₄ Si₂ quió'₅ Diú₄, lē₅ caun₂ cosa a₂tsá₃ 'i₄ jme₂dsi₂.

‡ 7:43 Renfán: co₂'nió'₄ a₂jme₁tē₂ dsa₂ egipcios planeta Saturno, ca₂jme₃juag'₂

dsa₂. Š 7:43 Amós 5:25-27.

ca₂le₃jě₃ 'e₂ a₂cha₂?*

⁵¹ (Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ ně₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lě₅ rě₂guá'₄ 'nia'₂ quian'₅₄ tē₂'au'₂ jui₁lia'₂ dsa₂ i₂tsá₃ cui₅ Diú₄.†
Caun₂ 'nja'₅₄ co₂tan₅₄ bá₄ 'nia'₂ Jme₂dsí₂ Jñió₅, I₂co₂rín'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂. ⁵² ¿'Ein₂ dsa₂ i₂jme₁'ě₂ jág₁ quián₅ Diú₄ jua'₅₄ i₂tsá₃ ca₂jmá'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ě₂ jág₁ le₂jñiá₅ ca₂'iin₃ jan₂ i₂dsen₃ lin₃, i₂jjiá₃. La₁ jme₁guan₃ i₂'éi₂ ně₃, ca₂jñin'₅₄ 'nia'₂ jaun₂ ca₂jñi'₃. ⁵³ 'Nia'₂ guē'₂ i₂ca₂gue'₅₄ 'Éi'₃ Juá'₅ tē₂le₃ quian'₅₄ ángeles, tsá₃ jme₂tí'₁ guē'₂ 'nia'₂ 'Éi'₃ jaun₂.

Ca₂jōn₃ Té₂

⁵⁴ Jme₁ca₂nág₂ jág₁ a₂ca₂juá'₂ Té₂ jaun₂, ca₂rě₃'néi₃ 'ñio₅ lin₃ ca₂lia'₂ qui₂ca₂quig'₂ mi₂jan₅₄ a₂'ñiai₅₄ Té₂. ⁵⁵ La₁ Té₂ ně₃, rě₂rín₅ Jme₂dsí₂ Jñió₅ tē₂dsí₅, ca₂chóg'₃ ne₅₄ guei'₅₄ i₂juíg₃ jaun₂ ca₂jág₃ a₂co₂tág₅ co₂'né'₅ quió'₅ Diú₄, jaun₂ ca₂jñin₂ Jesús chéin'₅ tē₂le₃ gu₂ ne₁ quió'₅ Diú₄ Jmei₂. ⁵⁶ Jaun₂ ca₂juá'₂ táng₃ Té₂:

—jag₄! —juá'₂—. Jág₅ jniá₂ rě₂na₄ guei'₅₄ i₂juíg₃. Jñn₄ jniá₂ Jaun₅ dsa₂ mi₂güig₃ 'ein₅₄ tē₂le₃ gu₂ ne₁ quió'₅ Diú₄.

⁵⁷ La₁ dsa₂ 'éi₂ qui₂ca₂jne₃ rě₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂. ⁵⁸ Jaun₂ ca₂dsei₂₃ 'ni'₂ juig₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jñáu'₂ cang₄ ně₃ ca₂dsia₃ ni₁tsin'₅₄ o₄gú₃ jan₂ dsó₂ chi'₂ i₂jme₁chen₂ Saulo.

⁵⁹ Tē₂lia'₂ tiōin'₅₄ qui₂cuē'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió₃.

⁶⁰ Jaun₂ guē₄ ca₂chi₃jñé₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lě₃ juá'₂ le₂ně₅, ca₂join₃ jaun₂ ně₃.

8

Co₂'en₅ Saulo dsa₂ i₂ma₂'én₂

¹ Jaun₂ caun₂ bá₄ 'ei₅ jág₁ quió'₅ Saulo a₂ca₂jñi'₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jě₄ juig₂ Jerusalén. Ca₂le₃jñin₃ dsa₂ 'éi₂ ca₂lěin₂ tsi₁rě₂jain₅₄ le₂tan₅₄ 'uē₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guē₄ juig₂ Jerusalén. ² I₂lin₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'ñio₅ lin₃ o₄quió'₄ 'éi₂. ³ Tē₂lia'₂ jaun₂, i₂ñi₅₄ Saulo quia₂in'₅₄ rñin'₅₄ qui₂co₂'ein₂₃ dsa₂ i₂'én₂, qui₂dsi₂toin'₅₄ tē₂

* 7:50 Isaías 66:1-2. † 7:51 lit. "ju₁lia'₂ dsa₂ i₂tsá₃ lo₄ rě₂uing₄."

dsi₂néi₂ qui₂u_{iin}'₂ dsa₂ tsi₁cuin'₂, lia'₂ dsa₂ ŋe'₂ lia'₂ dsa₂ mí₂,
qui₂të₂ a₂to'₂ 'né₅ 'mä₃.

Ca₂'ë₂ dsa₂ jág₁ dse₃ juig₂ Samaria

⁴ La₁ ca₂le₃jín₃ dsa₂ i₂ca₂'u_{iin}₂ juig₂ Jerusalén, ca₂le₃jě₃
ja₁ca₂i₁lein₅₄ qui₂ca₂'ë₂ jág₁ dse₃. ⁵ Jan₂ 'éi₂, i₂chen₂ Fe₂li₄,
ca₂ŋó₃ caun₂ juig₂ ja₁tén₄ 'uë₃ Samaria ca₂dsia₃ jág₁ tsí'₅ dsa₂
ja₁jaun₂, 'iin₂₃ Cristo.* ⁶ Jaun₂ jme₁ŋi'₂ dsa₂ jmo₂₃ tei₄ ca₂le₃jín₃,
të₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄
dsi₂gó'₃ dsi₅ a₂jme₁jmo₅ 'éi₂. ⁷ Ia₁ juin₅ i₂tion'₅₄ jme₂dsí₂ 'lin'₅₄
të₂dsí₅ qui₂ca₂'lói_n₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'u_{iin}₂
qui₂guió'₅. Ján₃ bá₄ juin₅ dsa₂ 'lian'₂, dsa₂ guian'₅₄ ně₃,
qui₂ca₂'lói_n₂. ⁸ Uig₅₄ jaun₂ ŋio₅ 'io'₂ ca₂jmo₃ dsa₂ juig₂ jaun₂.

⁹ Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄,
i₂jme₁jmo₅ ta₁ a₂chan₂ dsí₅ le₂ŋiá₅, jme₁jme₂gain₂₃ dsa₂ juig₂
Samaria, a₂juá'₂ a₂lin₅ dsa₂ dsen₅₄.

¹⁰ Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ ně₃, jme₁nag₂₃ të₅
dsí₅ jág₁ quió'₅, qui₂dsia₂₃:

—Dsa₂ ně₅ tiin₂ quian'₅₄ jui₅bí₂ quió'₅ Diú₄.

¹¹ Jme₁tón'₂ dsa₂ jui₅ jág₁ quió'₅ gui'₅₄ 'éi₂, ia₁ ma₂líg'₂ bá₄
ma₂já₅ qui₂jme₂gain₂₃ dsa₂ quian'₅₄ bí₂ a₂chan₂ dsí₅.

¹² La₁ dsi₂jui₅ jme₁ca₂rě₃'én₂ dsa₂ jág₁ dse₃ quió'₅ Jesucristo
a₂ca₂'ë₂ Fe₂li₄ jui₁lia'₂ ja₁gon₂ Diú₄, jaun₂ qui₂ca₂ŋó₂ dsa₂ jmig₂
lia'₂ dsa₂ ŋe'₂ lia'₂ dsa₂ mí₂. ¹³ Ján₃ bá₄ ca₂rě₃'én₂ 'ŋiog₅ Si₂mu₅₄
'éi₂, ca₂ŋjó₁₂ jmig₂ ján₃. Jaun₂ guë₄ ca₂jme₃lióg₃ ca₂jme₃quiain'₅₄
Fe₂li₄, qui₂jág₅ dsi₂gó'₃ dsí₅ léi₄ juë'₂ a₂jmo₅ 'éi₂.

¹⁴ Jme₁ca₂rě₃ŋi₅ dsa₂ i₂chen₄ quián₅ Jesús i₂tion'₅₄ Jerusalén,
a₂ma₂'én₂ dsa₂ chan₂ 'uë₃ Samaria jág₁ quió'₅ Diú₄, jaun₂
ca₂chein₃ ja₁jaun₂ Pe₄ quian'₅₄ Juan₅₄. ¹⁵ Jme₁ca₂dsi₃lén₂ 'éi₂
'uë₃ Samaria, jaun₂ ca₂mi₃ ca₂tsí'₃ Diú₄ o₄quió'₄ dsa₂ i₂ma₂'én₂
ja₁jaun₂, ia₁jaun₂ guen₃ dsa₂ 'éi₂ Jme₂dsí₂ ŋjió₅ ján₃. ¹⁶ Ia₁ 'i₁jan₂
dsa₂ 'éi₂ tsá₃ Jme₂dsí₂ ŋjió₅ ma₂guan₅ guë₄ ne₄ quió'₅. ŋjia'₅₄
con'₂ ma₂ŋjó₁₂ jmig₂ bá₄ lia'₂ con'₂ lě₅ 'éi'₃ quió'₅ Te₁gui'₅₄ Jesús.
¹⁷ Jaun₂ ně₃ Pe₄ quiain'₅₄ Juan₅₄ qui₂ca₂quiog₂ gu₂ ne₄ quió'₅
dsa₂ 'éi₂, jaun₂ guë₄ ca₂guein₃ Jme₂dsí₂ ŋjió₅.

¹⁸ Jme₁ca₂jág₃ Si₂mu₅₄ a₂ca₂sión₃ Jme₂dsí₂ ŋjió₅ jme₁ca₂quiog₂
dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, ¹⁹ ca₂juá'₂:

—Cuë₄ jniá₂ ján₃ jui₁lia'₂ bí₂ a₂tin'₂ 'nia'₂ ně₅, ia₁jaun₂ lé₂
le₃jmo₅₄ jniá₂ ján₃ a₂guen₃ dsa₂ Jme₂dsí₂ ŋjió₅ jě₁ma₂ca₂co₃ gu₃
ne₄ quió'₅ chi₂jua'₂ 'ein₂.

²⁰ Jaun₂ ca₂ŋag₃ Pe₄ ca₂tsí'₃ dsa₂ 'éi₂:

* 8:5 o₃, i₂rě₂'ín₁ quián₅ Diú₄.

—Jui₁dsi₂'éng'₂ co₂dsia₅ quian'₅₄ cú'₂ ia₁ 'e₂ lë₃ dsi₂jio₅ 'au'₂ le₂në₅, a₂líng'₂ a₂lé₂ lá₃ dsa₂ quian'₅₄ cu₄ bí₂ a₂cuë₅ Diú₄.²¹ Tsá₃ ca₂tín'₂ 'ne₂ a₂në₅, ia₁ tsá₃ dse₃ 'ei₅ 'au'₂ ne₄ Diú₄.²² Co₂dsia₅ tí₃ ca₂le₃jë₃ a₂'lig'₅₄ a₂dsi₂jio₅ 'au'₂ në₅. Mi₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lë₃ dsi₂jio₅ 'au'₂ le₂në₅.²³ Ia₁ léi₄ jniá₂ rë₂rín₅ cosa 'lig'₅₄ të₂'au'₂; quian'₅₄ dsáu'₂ në₅ jmo₅ chi₁'ñeg'₂.

²⁴Jaun₂ në₃, ca₂ñag₃ Si₂mu₅₄:

—Mi₄ 'nia'₂ chei'₅₄ Te₁gui'₅₄ o₄quió₃, ia₁jaun₂ tsá₃ jui₁dsi₂ñig₂ a₂ma₂në₂jua'₅₄ 'nia'₂ në₅.

²⁵Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guë'₄ ca₂i₃lein₃ jui₅ Jerusalén. Le₂'i₄ jui₅ ja₁i₃lein₃ jaun₂, qui₂ca₂'ë₂ guë'₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uë₃ Samaria.

Fe₂li₄ quian'₅₄ dsa₂ chan₂ Etiopía

²⁶Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ jui₅ ja₁'uin₂ dsa₂ Jerusalén a₂dsióg₄ 'uë₃ Gaza.

Jui₅ jaun₂ dsó₅ jë₄ 'uë₃ quein₂.²⁷ Jaun₂ ca₂nau₂ Fe₂li₄ ca₂ñó₃. Le₂'i₄ jui₅ ja₁ñó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uë₃ Etiopía. Dsa₂ 'éi₂ ñei₅₄ i₁chi₂i₁lein'₄ Diú₄ juig₂ Jerusalén.²⁸ Ma₂'ein₅₄ jui₅ ñá'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ë₂ jág₁ quió'₅ Diú₄ ma₂lig'₂.²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro në₅.

³⁰Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ñag₃ Fe₂li₄:

—¿'Ñíg'₂ 'e₂ juá'₂ si₂ a₂'i'₂?

³¹Jaun₂ ca₂ñag₃ táng₃ dsa₂ 'éi₂:

—¿'A₂ bá₄ lia'₂ le₃ñí'₂ jniá₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg₂ 'éi₂ guei'₅₄ a₂guá₃ co₂lë₅ quiong'₅₄.

³²Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ñag'₂ jui₁lia'₂ jñi'₅ dsa₂ já'₂ cha'₂.

Ján₃ guë'₂ jui₁lia'₂ tsá₃ guió'₅ guein₂ já'₂ cha'₂

të₁lia'₂ chéi₅ dsa₂ jñí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³Ca₂cuë₃ dsa₂ o₂guí'₃,

tsá₃ 'éi'₃ rë₂ ca₂të₁dsi₅₄ quió'₅;

chi'₂ tsi₁jon₂ quián₅ guë'₂ në₃,

¿'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂jñióg'₂ bá₄ guë'₂ dsa₂

ne₄ gua'₅₄ 'uë₃ la₂.†

† 8:33 Isaías 53:7-8.

34 Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿A₂'iin₂₃ 'njog₅, O₃ a₂'iin₂₃ i₂sián'₂ 'e₂?

35 Jaun₂ ca₂jme₃lióg₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuë₃ jág₁ dse₃ 'iin₂₃ Jesús.

36 Jme₁ca₂dsi₃lén₂ caun₂ ja₁cha₂ jmíg₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂jmíg₂ ja₁lá₃. ¿Cha₁ 'e₂ lë₃ jua'₅₄ tsá₃ lé₂ tsón₄ jniá'₂ jmíg₂?

37 Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jë₃ 'au'₂, lé₂ bá₄.

Jaun₂ ca₂ηag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ηi'₅₄ Diú₄.[‡]

38 Jaun₂ ca₂jmo₃ 'éi'₃ ca₂ηia₃ carroza quió'₅. Jaun₂ ca₂sióin₃ le₂oin₃ chei'₅₄ jmíg₂, jaun₂ ca₂cho₃ Fe₂li₄ jmíg₂ § quió'₅ dsa₂ 'éi₂.

39 Jme₁ca₂'u₁in₂ jmíg₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ dsi₂tan₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ηá'₄,⁴⁰ Fe₂li₄ né₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë₄ juig₂ te₁'i₁ ja₁jaun₂ ca₂ηei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí'₅

(Hechos 22:6-16; 26:12-18)

1 Të₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juë'₅ a₂'nio₃ jme₃dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lë₃, ca₂ηei₅₄ i₁jin₂₃ jme₂dsa₂ dsen₅₄.² Ca₂mí₃ ne₄ 'éi₂ caun₂ si₂ a₂cuë₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂dsi₃'niai'₂ dsa₂ i₂tion'₅₄ të₂le₃ quió'₅ Jui₅ quió'₅ Te₁gui'₅₄. Jme₁'nio₃ Saulo dsi₃te₅₄ dsa₂ chi₁'ηei'₂ ca₂të₂ Jerusalén, lia'₂ dsa₂ ηe'₂ lia'₂ dsa₂ mí₂.³ La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ jui₅ guei'₅₄ i₂juíg₃.⁴ Co₂tan₅₄ ca₂quin'₃ Saulo, jaun₂ ca₂nág₂ juá'₂ jág₁ jë₄ si₂ jaun₂:

—Saulo, Saulo, ¿'e₂ lë₃ co₂'éin'₅ jniá'₂?

5 Jaun₂ ca₂ηag₃ Saulo:

—¿'Ein₂ 'ne₂, gui'₅₄?

Jaun₂ ca₂ηag₃ táng₃ jág₁ né'₂ jë₄ si₂:

—Jesús bá₄ jniá'₂ i₂co₂'én'₅ 'ne₂ ηi'₂. ηia'₅₄ jmag'₅₄ uig₅ 'ηiag'₂ bá₄ jmo'₂ jui₁lia'₂ jmo₅ ca₁jui₅ jë₁ma₂jnú₃ nī₁'ma₂ chen'₂.

6 Jaun₂ ca₂jlen₃ Saulo, ca₂rë₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ηag₃ táng₃ Te₁gui'₅₄:

‡ 8:37 A₂lin₅₄ chog₅₄ si₂ tsá₃ chi₁ton₅ versículo 37. § 8:38 lit. “ca₂tióg₃ Fe₂li₄ jmíg₂.”

—Nau₂, 'ú₅ juig₂ Damasco. Jë₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

⁷Dsa₂ i₂jme₁quian'₅₄ Saulo ně₃, 'ñio₅ lin₃ ca₂rë₃gó'₅, ia₁ ca₂nág₂ jág₁ a₂juá'₂ jë₄ si₂ jaun₂, ton'₂ 'i₁jan₂ guë'₂ tsá₃ 'ein₂ ca₂jjin₂.

⁸Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃ tē₂ juig₂ Damasco. ⁹Ja₁jaun₂ ca₂'í₃ tein'₅₄ 'ni₅ jmig₄, tsá₃ 'e₂ ca₂guë'₃, on₃ guë'₂ 'e₂ ca₂'in'₃ 'i₁caun₂.

¹⁰Juig₂ Damasco jaun₂, jme₁guá'₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jjin₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ñag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

¹¹Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén'₂ Diú₄ con'₂ lë₅ la₂. ¹²Ia₁ ma₂qui₃ a₂ma₂jjin₂ jan₂ dsa₂ i₂chen₂ Ananías ca₂'í₃ ca₂quio₂ gu₂ ne₄ quió'₅ ia₁jaun₂ jnia₂ táng₃ mi₂ne₅₄.

¹³Jme₁ca₂nág₂ Ananías le₂në₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá₂ ca₂le₃jë₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. ¹⁴Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ tē₂ le₁'ñe₅ ca₂le₃jjin₃ dsa₂ quiáng'₂ i₂'in₅ 'ne₂.

¹⁵La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá₂ 'éi₂ ia₁ 'nio₃ jniá₂ dsó₃ qui₂dsi₃'ag₃ jniá₂ lia'₂ jin₄ dsi₂nau₂ lia'₂ ne₄ rag₅₄ quián₅, jin₄ dsa₂ israelitas ně₃. ¹⁶Ia₁ jniá₂ bá₄ 'ë₄ 'a₂ lia'₂ tion₅₄ niog₅ ñág₃ uig₅ 'ñio₅ lin₃ o₄quió₃ jniá₂.

¹⁷Jaun₂ guë'₄ ñó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quio₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ñe'₃, në₂chei₃ jniá₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsí₂ Jñi₅ ně₃.

¹⁸Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guë'₄ ca₂nau₂ Saulo, ca₂i₁choin₃ jmig₂. ¹⁹Jaun₂ ca₂guë'₃, ca₂tíin'₃ táng₃ bí₂. Jaun₂ ca₂'í₃ bá₄ guë'₄ tin₃-ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ë₂ Saulo jág₁ dse₃ juig₂ Damasco

²⁰Dsi₂jui₅ bá₄ ca₂jme₃lióg₃ Saulo ca₂ñei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄. ²¹Ca₂le₃jjin₃ dsa₂ i₂ca₂nág₂ ca₂i₃gó'₃ dsí₅, qui₂ca₂dsia₃:

—¿On₃jua'₅₄ dsa₂ nē₅ i₂ñí₄ lē₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂nē₅ 'ñiog₅ i₂ma₂guan₅ ja₁lá₃ a₂qui₂tē₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ tē₂le₃ lē₅ guē₄ ca₂'ág₂ tiá₂ dsí₅ Saulo, qui₂ca₂'ē₂ já_{g1} a₂lín₅ dsón'₂ Jesús I₂rē₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'ē₂ Saulo já_{g1} le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmi_{g4} cang₂ jaun₂, ca₂jmo₃ dsa₂ judíos caun₂ já_{g1} a₂jme₁ñi₅'₃ Saulo. ²⁴ A₂jmi₂ a₂'uē₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag'₃. La₁ ca₂rē₃ñi₅ bá₄ Saulo. ²⁵ Jaun₂ dsa₂ 'én₂ riin'₅₄ nē₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uē₂ ca₂sión₂ 'éi₂ jui₅ ne₄ ni₁'ia'₂ a₂jme₁lē₄ le₃lág'₃ juig₂. Jaun₂ le₂nē₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ nē₃ ca₂rē₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo já_{g1} dse₃. ²⁷ La₁ia₁ dsa₂ i₂chen₂ Bernabé ca₂jio_{g3} ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lē₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ já_{g1} a₂ca₂juá'₂ nē₃, 'a₂ lia'₂ ca₂dsia₃ Saulo já₃n tiá₂ dsí₅ juig₂ Damasco ca₂'ē₂ já_{g1} 'iin₂₃ Jesús. ²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. ²⁹ Caun₂ ca₂dsia₃ tiá₂ dsí₅ bá₄ qui₂ca₂'ē₂ já_{g1} 'iin₂₃ Te₁gui'₅₄ qui₂ca₂dsia₃ já_{g1} qui₂ca₂tsíin₂ quian'₅₄ dsa₂ judíos i₂dsia₅ já_{g1} jmei₅ griego. La₁ dsa₂ 'éi₂ nē₃ caun₂ 'nio₃ jme₁ñi₅'₃ bá₄ Saulo. ³⁰ Jme₁ca₂rē₃lí'₄ rin'₅₄ Saulo a₂jaun₂, jaun₂ ca₂jio_{g3} jui₅ juig₂ Cesarea. A₂'ein₅₄ guē₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uē₃ Judea, Galilea, Samaria nē₃, tei₄ bá₄ 'ei₅ tion'₅₄ dsa₂, caun₂ ca₂rē₃béin₂ já₃n. Jme₁jme₂gain₃ bá₄ Te₁gui'₅₄ tioen'₅₄. Quian'₅₄ bí₂ quió'₅ Jme₂dsí₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia'₂ con'₂ ñi₅ Pe₄ qui₂dsi₂jñin₅₄ riin'₅₄, ca₂i₁jñin₁₂ já₃n dsa₂ i₂ma₂'én₂ já_{g1} dse₃ i₂jme₁tián'₄ juig₂ ja₁chei₂ Lida. ³³ Ja₁jaun₂ ca₂jñin₂ jan₂ dsa₂ 'lian'₂ i₂jme₁chen₂ Eneas i₂ma₂tē₂ jñia₃ ñi₂ ron₅, ia₁ tsá₃ lé₂ ñi₃. ³⁴ Jaun₂ ca₂juá'₂ Pe₄ ca₂tsí'₃ dsa₂ 'éi₂.

—Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂jui₅ le₂jaun₂ ca₂nau₂ Eneas. ³⁵ Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jeín'₃ le₃quió'₅ Te₁gui'₅₄.

*Ca₂jēn'*₅₄ 'io₅₄ Dorcas

³⁶ Jm_{ig}₄ jaun₂ jme₁chan₂ jan₂ 'io₅₄ i₂'én₂ jē₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁té'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ḡé₂. ³⁷ Tē₃jē₄ jm_{ig}₄ jaun₂, ca₂rē₃dso'₅₄ Dorcas, ca₂join₃ bá₄ jaun₂ ně₃. Cang₂ jme₁ca₂lē₃ sei₅ dsa₂, jaun₂ ca₂i₁quo₂₃ caun₂ dsi₂néi₂ jē₁ca₂tē₂ tin₃ juín₃. ³⁸ Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rē₃ŋi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ŋia₅ tē₂nē₃ cón'₅ jui₅ Jope.

³⁹ Jaun₂ ḡó₃ Pe₄ co₂lē₅ quian'₅₄ dsa₂ 'éi₂. Jme₁ca₂dsióg₃, ca₂i₁jiog₃ dsa₂ ja₁rē₂quian₅ 'lag₄. Ja₁jaun₂ tion'₅₄ le₁ŋi'₂ ca₂le₃jín₃ 'io₅₄ 'nág₂ qui'₂'o₂₃, qui₂ca₂'ě'₃ Pe₄ 'mi'₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi'₃ ca₂'uin₂ dsa₂ dsi₂néi₂ ja₁rē₂quian₅ 'lag₄. Jaun₂ ca₂chi₃ŋé₃ ca₂chi₃lén'₂ Diú₄. Jaun₂ guě₄ ca₂jín₂ 'lag₄, ca₂juá'₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃. ⁴¹ Jaun₂ ca₂ŋa'₃ Pe₄ mi₂gu₂ 'io₅₄, ca₂chó'₂. Jaun₂ ca₂tē'₃ táng₃ Pe₄ riin'₅₄, 'io₅₄ 'nág₂ ně₃, jaun₂ ca₂jín'₂ 'io₅₄ 'éi₂, la₁ ma₂jein'₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lē₃ le₂jaun₂. Jaun₂ juín₅ lín₃ dsa₂ ca₂rē₃'én₂ jág₁ quió'₅ Te₁gui'₅₄. ⁴³ Ca₂'í₃ bá₄ guě₄ Pe₄ 'lióng₂ jm_{ig}₄ jaun₂ ja₁quió'₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já'₂.

10*Pe₄ quian'*₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió'₃ 'lióg₂ i₂tē'₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lē₅ quian'₅₄ dsa₂ dsi₂néi₂ quió'₅. Ján₃ bá₄ jme₁dsiío'₅ cu₄ jme₁jme₂'oin₅₄ dsa₂ judíos. Ca₂le₃jē₃ jm_{ig}₄ ně₃, jme₁chi₁lén'₂ Diú₄. ³ Co₂ráun₂ con'₂ hora ḡí₁ 'ni₅ le₃ca₂'láu₂,* a₂lē₁ca₂jén'₃ ca₂jág₃ ca₂jín₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá'₂ ángel:

—iCornelio!

⁴ Jaun₂ ca₂jág₃ Cornelio gó'₅ 'ḡio₅ lín₃ ca₂jín₂ ángel. Jaun₂ ca₂ḡag₃ ca₂juá'₂:

—'E₂ lē₅, gui'₅₄?

Jaun₂ guě₄ ca₂juá'₂ ángel:

—A₂nag₅ bá₄ Diú₄ a₂juig'₂ a₂chi₂lein'₅₄. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ḡé₂. ⁵ Jaun₂ lē₃ chen₅ dsa₂ juig₂ Jope dsi₃quiáin₂ dsa₂ i₂chen₂ Si₂mu₅₄ i₂tē'₂ dsa₂ Pe₄ ján₃. ⁶ I₂'en₅₄

* 10:3 lit. “hora ḡi₃.”

ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ñí'₄.

⁷ Jme₁ma₂ñá'₅ ángel, jaun₂ ca₂tě'₃ Cornelio on₃ dsa₂ mozo quiáin₅, jan₂ guě'₂ 'lióg₂, dsa₂ jme₂ti₃ i₂jme₂gan₃ Diú₄ ján₃.

⁸ Jaun₂ ca₂dsia₃ Cornelio ca₂tsí'₃ dsa₂ a₂ca₂jén'₃, jaun₂ ca₂chein₃ dsa₂ jui₅ juig₂ Jope.

⁹ Jme₁jnia₃ jaun₂, ca₂i₃lén₂ dsa₂ 'éi₂. Pe₄ ně₃ ca₂uíg₂ le₃co'₅₄ tsi₁'né₅ con'₂ dsi₃ñí'₃† a₂chi₃lén'₂ Diú₄. ¹⁰ I₁cón'₅ 'ñio₅ lin₃.

Tě₁lia'₂ jmo₅ dsa₂ má₃ ně₃, jaun₂ a₂lě₁ca₂jén'₃ ca₂jág₃ Pe₄

¹¹ ca₂niá₃ guei'₅₄ i₂juig₃. Jaun₂ ca₂sió₃ jui₁lia'₂ caun₂ tsi₁'mi'₂ pa₁ a₂rě₂quein₅ ta₁quén₂ qui'₅₄. ¹² 'Ñió'₃ jaun₂, jme₁tion'₅₄ ca₂le₃jín₃ ne₅₄ já'₂: já'₂ cha₂quén₂ mi₂tag₄, já'₂ i₂tsě'₅ quió'₅, já'₂ i₂'in₅ guei'₅₄ ně₃.

¹³ Jaun₂ ca₂nág₂ Pe₄ jág₁ ca₂juá'₂:

—Nau₂ Pe₄, jme₁dsian₅ já'₂, quíng'₄.

¹⁴ Jaun₂ ca₂ñag₃ Pe₄:

—Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂ca₂guě'₃ jniá₂ ni₁ñi₁ já'₂ a₂jmo₅ a₂rě₂'ñio₅ dsa₂.

¹⁵ Jaun₂ ca₂ñag₃ táng₃ jág₁ a₂juá'₂:

—Tsá₃ lě₁juá'₂ 'ne₂ 'lig'₅₄ cosa a₂ma₂jmo₃ Diú₄ le₁jě₃.

¹⁶ 'Ni₅ ráun₂ ca₂lě₃ le₂jaun₂, jaun₂ guě₄ ca₂ñáu'₃ táng₃ tsi₁'mi'₂ jui₅ guei'₅₄.

¹⁷ Tě₁lia'₂ guá₅ Pe₄ 'no'₂ dsí₅ 'e₂ léi₄ jáng'₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió'₅ Si₂mu₅₄, a₂ñag₂₃ a₂já'₄ chí'₅ 'ne₄ Si₂mu₅₄.

¹⁸ Jme₁ca₂dsi₃lén₂ dsa₂ 'éi₂, ca₂ñag₃ juá'₂ tiá₂ chi₂jua'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃.

¹⁹ Tě₁lia'₂ jaun₂ caun₂ qui₂'no'₂ dsí₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jñió₅:

—Jag₄; ún₂ dsa₂ o₂lén₂ 'nau'₂. ²⁰ Nau₂, sión₅, gua₂ quiain'₅₄, tsá₃ lě₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ ně₂tsín₂.

²¹ Jaun₂ ca₂sión₃ Pe₄ ca₂i₁jñin₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:

—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

²² Jaun₂ ca₂ñag₃ táng₃ dsa₂:

—Gui'₅₄ juig₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ñio₅ lin₃, jme₂go₃ ně₃. Jan₂ ángel i₂chen₄ quián₅ Diú₄ ca₂juá'₂ a₂tě'₂ 'ne₂ ja₁quió'₄ jaun₂ nag₃ 'e₂ jág₁ cuě'₅₄.

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jñia₃ dsa₂ 'éi₂ quiain'₅₄ Pe₄ a₂'uě₂ jaun₂. Jme₁jnia₃ jaun₂ guě₄ ca₂ñó₃ Pe₄ quiain'₅₄ dsa₂ 'éi₂. Ca₂jme₃quiong'₅₄ guě₄ i₂lin₅₄ dsa₂ riin'₅₄ i₂jme₁'én₂ i₂jme₁tián'₄ juig₂ Jope.

²⁴ Jme₁jnia₃ jaun₂ guě₄ táng₃, ca₂dsi₃lén₂ juig₂ Cesarea ja₁guá₄ Cornelio. 'Éi₂ guě'₂ ně₃ jme₁ma₂chi₁jñiog₂₃ quiain'₅₄

† 10:9 lit. “hora jñéi₂.”

co₂nió'₃ o₁riin'₅₄ a₂mei₅₄ quiáin₅ i₂jein'₂ 'ñio₅ lin₃ quiain'₅₄ ně₃, i₂ca₂tě'₃.

²⁵ Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jnë₃ ne₄ 'éi₂, ca₂jme₃juag'₂. ²⁶ La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

²⁷ Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ñi'₂ dsi₂néi₂. ²⁸ Jaun₂ ca₂juá'₂ Pe₄ ca₂tsí'₃ dsa₂:

—Ñi'₅₄ bá₄ 'nia'₂ jaun₂ tsá₃ cuē₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂ñi'₂ quian'₅₄ dsi₂nau₂, on₃ guē'₂ lé₂ ñi₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃.

²⁹ Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uē₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

³⁰ Jaun₂ ca₂ñag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂guē'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₃ca₂jéin₃ ca₂jing₅₄ jan₂ dsa₂ qui'₂ 'mi'₂ tiog₂ jau₂. ³¹ Jaun₂ ca₂juá'₂ ca₂tság₃ jniá₂: “Cornelio, a₂ñág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ñé₂.

³² Jaun₂ lě₃, chen₅ dsa₂ juig₂ Jope dsi₃quiáin₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ñi'₄. Jě₁ma₂guain₂₃, dsia₃ jág₁ quian'₅₄ 'ne₂.”

³³ Jaun₂ bá₄ lě₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ñe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ñag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuē₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

³⁴ Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guē'₄ dsón'₂ ma₂ñi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. ³⁵ Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄.

³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tě₂le₃ quian'₅₄ Jesucristo i₂lín₅ Te₁gui'₅₄ quián₅ ca₂le₃jín₃.

³⁷ Ñi'₅₄ rě₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uē₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃. ³⁸ Ñi'₅₄ bá₄ 'nia'₂ 'a₂ lia'₂ ca₂cuē₃ Diú₄ ca₂cuē'₃ Jesús chan₂ Nazaret ju₁5bí₂ quió'₅ Jme₂dsí₂ Jñiós₅; 'a₂ lia'₂

ca₂ñi₃ jmo₂₃ dse₃, jme₂'lióin₂ ca₂le₃jín₃ dsa₂ i₂jme₁chan₂ jmi₁uig₅ jmóg'₂ i₂sě₃dsen₃. Ca₂le₃jě₃ a₂ně₅ ca₂jmo₃ ia₁ jme₁quiain'₅₄ Diú₄. ³⁹ Ca₂tě₂ ne₄ jnia'₅₄ ca₂le₃jě₃ a₂ně₅ a₂ca₂jmo₃ Jesús, lia'₂ jě₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂ñag'₃ dsa₂ ca₂tion₃ cróg₄.

⁴⁰ La₁ jě₁ca₂tě₂ 'ni₅ jmig₄, ca₂jme₃jein'₅₄ táng₃ Diú₄ Jmei₂, ca₂jmo₃ ca₂jme₃jnia₅ 'éi₂ jín₄

jnia'⁵⁴. ⁴¹ Tsá₃ ca₂jme₃jniai'₂₃ jin₄ ca₂le₃jín₃ dsa₂. Jmá'₃ lia'₂ jë₄ quián₂ jnia'₅₄ bá₄ con'₂ dsa₂ i₂ca₂quióin'₂ le₂jñiá'₅ i₁të₃ ne₄. Ca₂que₅₄ guë₄ jnia'₅₄ co₂lë₅ quiain'₅₄ jme₁ma₂jein'₅₄ táng₃ jin₄ 'lag₄. ⁴² Jaun₂ ca₂jmo₃ 'éi'₃ a₂qui₂dsi₁'ë₄ jnia'₅₄ jág₁, a₂dsi₁jāng'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ në₃. ⁴³ Ján₃ bá₄ le₂në₅ jáng'₅ jág₁ dsau₅ ca₂le₃jín₃ dsa₂ i₂jme₁'ë₂ jág₁ quiáin₅, a₂qui₃'én₂ Diú₄ dsáu₁ ca₂le₃jín₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsí₂ Jñi₃ó₅

⁴⁴ Të₃jë₄ 'ë₂ guë₄ Pe₄ jág₁, jme₁ca₂si₃ón₃ Jme₂dsí₂ Jñi₃ó₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁. ⁴⁵ Dsa₂ judíos[‡] i₂jme₁'én₂ i₂ca₂o₃lén₂ quian'₅₄ Pe₄, tióin₂ jág₅ dsi₂g₃ó'₃ dsí₅, ia₁ ján₃ guë'₂ ca₂guen₃ dsi₂nau₂ Jme₂dsí₂ Jñi₃ó₅. ⁴⁶ Ia₁ nag₂₃ dsia₅ dsa₂ jág₁ jmei₅ siá'₂, jme₂juin'₂ Diú₄. ⁴⁷ Jaun₂ ca₂juá'₂ Pe₄:

—¿Lé₂le₃juá'₅₄ tsá₃ jmig₂ lé₂ tsón₃ dsa₂ në₅, ton'₂ ma₂në₂guein₃ bá₄ guë'₂ Jme₂dsí₂ Jñi₃ó₅, co₂rë₂ bá₄ jui₁lia'₂ jniog₄?

⁴⁸ Jaun₂ ca₂jmo₃ 'éi'₃ a₂tsón₃ dsa₂ 'éi₂ jmig₂, lia'₂ con'₂ lë₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ guë₄ tin₃-ni₅ jmig₄ quiong'₅₄.

11

Jág₁ ca₂'ë₂ Pe₄ jin₄ dsa₂ 'én₂ juig₂ Jerusalén

¹ Ca₂rë₃ñi₅ jág₁ dsa₂ i₂chen₄ quián₅ Jesús, quiain'₅₄ riin'₅₄ i₂tion'₅₄ Judea, a₂ma₂ca₂rë₃'én₂ dsi₂nau₂ jág₁ quió'₅ Diú₄ ján₃.

² Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅ ³ ca₂juá'₂:

—¿'E₂ lë₃ ñeg'₅₄ ja₁con₂ dsi₂nau₂* i₁que'₅₄ quiain'₅₄ në₃?

⁴ Jaun₂ ca₂juá'₂ Pe₄ ca₂tsí'₃ dsa₂ ca₂le₃jë₃ 'a₂ lia'₂ ca₂lë₃, ca₂juá'₂:

⁵ —Juig₂ Jope bá₄ jme₁eng₅₄, chi₁leng'₄ Diú₄. Të₃jë₄ jaun₂, ca₂jéin₃ ca₂jág₃ jui₁lia'₂ caun₂ tsi₁'mi'₂ tióg₃ pa₁ a₂rë₂quein₅ le₃quén₂ qui'₅₄, ca₂sió₃ jui₅ guei'₅₄, ca₂të₂ cau₅ quió₃.

⁶ Jme₁ca₂jág₃ jniá₂ dse₃ 'e₂ tio'₅₄ 'ñi₃ó'₃, jua'₂ ca₂le₃jín₃ ne₄ já'₂ bá₄ tion'₅₄: já'₂ cha₂ quén₂ mi₂tag₄, já'₂ tsáu₂ dsí₅, já'₂ i₂tsë'₅ quió'₅, já'₂ i₂'in₅ guei'₅₄ në₃.

⁷ Jaun₂ ca₂nag₃ jág₁ a₂ca₂juá'₂ ca₂tság₃ jniá₂: “Nau₂ Pe₄, jme₁dsian₅ já'₂, quíng'₄.”

⁸ Jaun₂ ca₂ñag₄ jniá₂: “Jan₂ón₄, Te₁gui'₅₄. Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂ a₂'lig'₅₄ a₂jmo₅ a₂rë₂'ñi₃o₅ dsa₂.”

⁹ Jaun₂ ca₂ñag₃ táng₃ jág₁ a₂já₅ guei'₅₄, ca₂juá'₂: “Jui₁lia'₂ a₂ma₂jmo₃ Diú₄ le₁jë₃, tsá₃ lë₁juá'₂ 'ne₂ 'lig'₅₄.”

¹⁰ 'Ni₅ ráun₂ ca₂lë₃ le₂jaun₂, jaun₂ guë₄ ca₂ñau'₃ táng₃ ca₂le₃jë₃ jui₅ guei'₅₄. ¹¹ Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂.

‡ 10:45 lit. “dsa₂ i₂rë₂uing₄ lo₄.”

* 11:3 lit. “ja₁con₂ dsa₂ i₂tsá₃ lo₄ rë₂uing₄.”

12 Jaun₂ Jme₂dsí₂ quián₅ bá₄ Diú₄ ca₂chei₃ ca₂ñó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ñó₃. Ján₃ bá₄ i₁len₅₄ ñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂ Cesarea 'éi₂. 13 Dsa₂ 'éi₂ ca₂dsia₃ ca₂tság₃ jnia'₅₄ 'a₂ lia'₂ ca₂jín₂ jan₂ ángel jme₁chén'₄ dsi₂néi₂ quió'₅ i₂ca₂juá'₂: “Chen₅ dsa₂ juig₂ Jope a₂dsi₃quiáin₂ Si₂mu₅₄ i₂té'₂ dsa₂ Pe₄ ján₃. 14 Dsa₂ 'éi₂ juá'₂ 'a₂ lia'₂ jmó'₂, ia₁jaun₂ líong'₂, quiang'₅₄ dsa₂ dsi₂néi₂ quiáng'₂. 15 Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñiós ne₄ quió'₅ dsa₂ 'éi₂, jui₁lia'₂ ca₂guain₃ ne₄ quián₂ jniog₄ le₂'uig₅₄. 16 Jaun₂ gué₄ ca₂dsáu'₃ dsi₃ a₂ma₂ca₂juá'₂ Te₁gui'₅₄ le₂ñiá₅: “Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁'nia'₂ gué'₂ ně₃ tióg₂ Diú₄ Jme₂dsí₂ Jñiós.”† 17 Jaun₂ chi₂jua'₂ co₂rē₂ bá₄ ca₂cuē₃ Diú₄ ca₂cuē'₃ dsa₂ 'éi₂ jui₁lia'₂ a₂ma₂cuē₃ jniog₄ i₂ma₂én₂ tē₂le₃ quió'₅ Te₁gui'₅₄ Jesucristo, ħ₁₂'ein₂ bá₄ jniá₂ jua'₅₄ jniá₂ jni₅₄ 'éi'₃ quió'₅ Diú₄?

18 Jme₁ca₂nág₂ dsa₂ jág₁ ně₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ riin'₅₄:

—Ján₃ gué₄ ma₂cuē₃ Diú₄ jmig₄ quió'₅ dsi₂nau₂, a₂jme₂tsín₃ dsi₅ ia₁jaun₂ tiin'₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

19 Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jín₃ dsa₂ i₂'én₂. Jaun₂ tion₅₄ bá₄ ca₂cuing₃ ca₂l₃léin₂ ca₂tē₂ Fenicia, Chipre, Antioquía ně₃. La₁ jmá'₃ dsa₂ judíos bá₄ ca₂cuē'₃ jág₁ dse₃. 20 La₁ i₂lin₅₄ dsa₂ 'én₂ i₂chan₂ Chipre quian'₅₄ Cirene ca₂dsi₃léin₂ juig₂ Antioquía ca₂dsia₃ jág₁ quian'₅₄ dsa₂ chan₂ Grecia, ca₂'é₂ jág₁ dse₃ ca₂'iin₃ Te₁gui'₅₄ Jesús. 21 Ca₂jme₃'on₅₄ Te₁gui'₅₄ dsa₂ 'éi₂ ja₁jaun₂ quian'₅₄ bí₂ quió'₅, jaun₂ lē₃ juin₅ lin₃ dsa₂ ca₂jéin'₃ le₃quió'₅ Te₁gui'₅₄.

22 Jme₁ca₂rē₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂tē₂ Antioquía. 23 Jme₁ca₂dsióg₃ Bernabé ja₁jaun₂, jaun₂ ca₂jág₃ a₂dse₃ dsi₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lē₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsi₅, tsán'₂ tiá₂ jág₁ 'ein₃ Te₁gui'₅₄. 24 Ia₁ dsa₂ dsen₃ bá₄ jme₁lín₄ Bernabé, jme₁rē₂rin₅ Jme₂dsí₂ Jñiós tē₂dsi₅, jme₁'éin₂ 'ñio₅ lin₃. Jaun₂ le₂nē₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.

25 Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂, jaun₂ ca₂tág₃ juig₂ Antioquía. 26 Ja₁jaun₂ ca₂tóin'₂ caun₂ ñi₂ quiaín'₅₄ dsa₂ i₂'én₂ ja₁jaun₂, qui₂ca₂jme₃tiin₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quiain₃ dsa₂ i₂'én₂ “cristianos”.

27 Jmig₄ jaun₂, i₂lin₅₄ dsa₂ i₂jme₁cuē₅ jág₁ dse₃ a₂ma₂gue₃ quió'₅ Diú₄ ca₂'uiin₂ juig₂ Jerusalén ca₂i₁lein₅₄ Antioquía. 28 Jan₂

† 11:16 Hechos 1:5.

i₂chen₂ Agabo ca₂nau₂ jin₄ riin'₅₄. Jaun₂ quian'₅₄ bí₂ quió'₅ Jme₂dsí₂ Jñi₅o₅, ca₂'ě₂ jág₁ a₂le₃'in₂ a₂gué'₃ dsa₂ ta₁caun₂ mi₂güig'₃. Jaun₂ le₂jaun₂ ca₂rě₃tí₃ ně₃ jmig₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jín₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riin'₅₄ i₂jme₃tián'₄ Judea, 'a₂ con'₂ jñia'₅₄ qui'₅₄ jmig₄ cuē₃ le₂jain₂ le₂jain₂. ³⁰ Jaun₂ le₂ně₅ ca₂jmo₃. Ca₂chein₃ cu₄ ne₄ dsa₂ can'₅₄‡ quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guē'₂ ca₂jné₂ dsa₂ 'né₅ 'má₃

¹ Jm₄ig₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂tě₂ dsí₅ dsa₂ judíos, jaun₂ ca₂jmo₃ táng₃ 'éi'₃ ca₂jñā'₃ dsa₂ Pe₄ ján₃. Ca₂le₃jě₃ a₂ně₅ ca₂lě₃ lia'₂ con'₂ jmo₅ dsa₂ jmig₄ a₂gué'₅ dsa₂ i₁ñi'₄ 'ua'₂ a₂tsá₃ levadura quian'₅₄. ⁴ Jme₁ma₂ně₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lě₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tē₃jñ₄ dsa₂ juig₂ jē₁ma₂ca₂ñi₂ Jm₄ig₄ Tě₂'in₅₄. ⁵ Jaun₂ le₂ně₅ 'en₅₄ Pe₄ né'₃ 'má₃, lě₅ 'í₁ dse₃ lín₃. La₁ dsa₂ riin'₅₄ ně₃ caun₂ chi₂lén'₂ Diú₄ bá₄ tioin'₅₄ mi₂₃ 'ñio₅ lín₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uē₂, jui₁lia'₂ 'ióg₃ jme₁ma₂lě₅ jág₁ jme₁dsei₅ Herodes jin₄ dsa₂ juig₂, a₂'uē₂ jaun₂ jme₁rě₂quian₅ Pe₄ rě₂güin₃ rě₂'ñei₂₃ dse₃ lín₃ quian'₅₄ tin₃ cadenas jě₄ quió'₅ on₃ 'lióg₂. 'Lióg₂ sián'₂ guē'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Tě₃jě₄ jaun₂, ca₂jme₃jñia₅ jan₂ ángel quián₅ Te₁gui'₅₄, jaun₂ ca₂tág₃ si₂ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tē₂ně₃ cón'₅.

Jaun₂ ca₂séi'₂ 'uē₃ ni₁ñi₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lě₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jñiá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lě₁ca₂jág₃ bá₄ lín₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂tě₂ táng₃ ně₃. Jme₁ca₂dsi₃lén₂ o₄'né₄ a₂lě₅ quian'₅₄ ni₁ñi₁, ja₁'uin₂ dsa₂ jě₄ calle, a₂lě₁ca₂niá₃ 'ñiog₅ bá₄ o₄'né₄. Ca₂'uin₂ bá₄ jaun₂ ně₃.

‡ 11:30 griego: presbíteros.

Jme₁ma₂i₂nioi₅₄ caun₂ calle, jaun₂ ca₂ηá'₃ ángel 'éi₂, ca₂téin₂ Pe₄.
 11 Jaun₂ gué₄ ca₂rē₃lí'₄ Pe₄, ca₂juá'₂:

—Nē₃ gué₄ dsón'₂ guion₄ jniá₂ a₂nē₂chen₃ Te₁gui'₅₄ ángel quiáin₅ a₂nē₂lió₂ ja₁con₂ Herodes, ca₂le₃jě₃ gué₄ 'e₂ jme₁'nio₃ dsa₂ judíos jmóg'₂.

12 Tē₃ dsí₂jio₅ dsí₅ le₂jaun₂ Pe₄, ca₂ηó₃ jui₅ ja₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ηi'₂ chi₂lén'₂ Diú₄. 13 Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bē'₅₄ i₂chen₂ Rode i₃jág₂ 'ein₂ tē₂. 14 La₁ jme₁ca₂nág₂, ca₂rē₃cuí'₅ jág₁ quió'₅ Pe₄ nē₃, jaun₂ tsá₃ ca₂niá₃ dsí₂jui₅, ia₁ ηí₄ lē₃ ca₂jmo₃ 'io'₂. Jaun₂ ca₂ηái'₃ bá₄ táng₃ dsí₂néi₂ i₁con₂ jág₁, Pe₄ bá₄ 'éi₂ ca₂dsióg₃. 15 Jaun₂ ca₂juá'₂ dsa₂ ca₂tsí'₃ 'io₅₄ bē'₅₄ 'éi₂:

—i₂A₂lē₁tē₂'i'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ηag₃ táng₃ dsa₂, ca₂juá'₂:

—¿A₂ bá₄ lia'₂ jaun₂? On₃juá'₅₄ 'éi₂ nē₅. 'In₁ ángel quiáin₅ bá₄ nē₅.

16 Tē₁lia'₂ jaun₂, caun₂ i₁tē₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jíin₂ Pe₄, jaun₂ ca₂i₃gó'₃ dsí₅. 17 La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lē₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo,* ca₂le₃jín₃ gué₄ rin'₅₄ jniog₄.

Jaun₂ ca₂o₃'ín₃ táng₃, ca₂ηó₃ ja₁siá'₂.

18 Jme₁jnia₃ jaun₂, ca₂tón'₂ 'lióg₂ go₂'i₃, ia₁ tsá₃ ηi₅ 'e₂ ca₂lē₃ quian'₅₄ Pe₄. 19 Jaun₂ Herodes ca₂chein₃ dsa₂ dsí₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂cáun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uē₃ Judea, jaun₂ ca₂ηó₃ ca₂i₁gua₂ Cesarea.

Ca₂jón₃ Herodes

20 Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ nē₃ ca₂jmo₃ caun₂ jág₁ ca₂i₁lein₅₄ ca₂jme₁jniai₂₃ ne₅₄. Ca₂jme₃'uáin₂ dsí₅ jan₂ i₂chen₂ Blasto a₂jmo₃ dse₃ dsí₅. Jme₁lín₄ Blasto jan₂ dsí₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂gué'₅ dsa₂ chan₂ Tiro quian'₅₄ Sidón. 21 Herodes né₃ ca₂tē₃, ca₂tión₃ caun₂ jmig₄ a₂chi₁jniog₂₃ dsí₁lén₂ dsa₂. Jme₁ca₂tē₂ jmig₄ jaun₂, ca₂quí'₂ Herodes tsin'₅₄ a₂rē₂liin₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁. 22 Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

* 12:17 o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ηi'₅₄ Zebedeo) i₂ca₂jñag'₃ Herodes, Hechos 12:1.

—i₂juá'₂ ně₅, on₃jua'₅₄ dsa₂ mi₂güig'₃! Jan₂ diú'₄ bá₄ ně₅.

²³ Co₂tan₅₄ ds_{i2}jui₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rē₃ds_o'₅₄ Herodes, ia₁ ca₂cuē₃ jmi_g₄ a₂jme₃juag'₂ dsa₂ 'njog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ ně₃, ca₂dsó'₃ i₁ja'₅₄ quió'₅.

²⁴ La₁ jág₁ dse₃ quió'₅ Te₁gui'₅₄ ně₃ caun₂ ca₂i₃ág₃ bá₄, qui₂ca₂'ě₂ dsa₂ 'lióng₂ juig₂.

²⁵ Jme₁ca₂lē₃ ta₁ jaun₂ quió'₅ Bernabé quian'₅₄ Saulo, jaun₂ ca₂'u_{iin}₂ Jerusalén ca₂i₃lein₃[†] jniai₂₃ i₂jme₁chen₂ Juan₅₄ i₂jme₁tě'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ě₂ jág₁ dse₃

¹ Co₂nió'₃ dsa₂ i₂'én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ě₂ jág₁ quián₅, tě₅ ně₃, ju_{i1}lia'₂ Bernabé quian'₅₄ Si₂mu₅₄ (i₂tě'₂ dsa₂ dsa₂ lia'₂); Lucio i₂chan₂ Cirene; Manaén ně₃ (i₂co₂lē₅ ca₂can'₅₄ quian'₅₄ Herodes i₂lín₅ ds_{i4}má'₂ 'uě₃ Galilea);* quian'₅₄ Saulo ně₃. ² Co₂ráun₂ tioin'₅₄ le₁ñi'₂ jme₂juin'₂ Te₁gui'₅₄, a₂jme₂'iin₅₄, jaun₂ ca₂juá'₂ Jme₂dsi₂ Jjió₅:

—Con'₂ chén'₂ 'nia'₂ Bernabé quian'₅₄ Saulo, ia₁ jaun₂ ds_{i3}jmó₂ ta₁ a₂ma₂tě₃ jniá₂ jmo₃.

³ Jaun₂ jme₁ca₂lē₃ chi₂lén'₂ Diú₄, a₂jme₂'iin₅₄ ně₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guě₄ qui₂ca₂'ág'₃ jág₁ riin'₅₄.

Dsa₂ i₂chen₄ quián₅ Jesús 'ě₂ jág₁ tě₂ Chipre

⁴ Jaun₂ ca₂chei₃ Jme₂dsi₂ Jjió₅ ca₂chein₃ Bernabé quian'₅₄ Saulo a₂ca₂i₃lén₂ jui₅ Seleucia. Ja₁ jaun₂ ca₂tóin'₂ ni₁barco a₂ca₂i₃lén₂ caun₂ 'uě₃ a₂nio_g₅ jě₄ jmi₁ñí'₄, ja₁chei₂ Chipre. ⁵ Jme₁ca₂dsi₃lén₂ ja₁ jaun₂, caun₂ juig₂ a₂nio_g₅ chei'₅₄ jmi₁ñí'₄ ja₁tě'₂ dsa₂ Salamina, ja₁ jaun₂ ca₂jme₃lióg₃ qui₂ca₂'ě'₃ dsa₂ jág₁ dse₃ quió'₅ Te₁gui'₅₄ ds_{i2}néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

⁶ Ca₂i₁nioi₂ ta₁caun₂ 'uě₃ jaun₂, ca₂dsi₃lén₂ caun₂ juig₂ ja₁tě'₂ dsa₂ Pafos. Ja₁ jaun₂ ca₂jein'₂ jan₂ dsa₂ judío, jan₂ dsa₂ i₂chan₂ ds_{i5}, i₂tin₂ jág₁ tě₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'ě₂ jág₁ quián₅ Diú₄. Dsa₂ 'éi₂ jme₁tě'₂ dsa₂ Barjesús.[†] ⁷ Jme₁quian'₅₄ ds_{i4}má'₂ i₂chen₂ Sergio Paulo. Ds_{i4}má'₂ 'éi₂ jme₁lín₄ jan₂ dsa₂ i₂nio_g₅ ds_{i4} 'ñio₅ lín₃. Co₂ráun₂ ca₂tě'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. ⁸ La₁ Barjesús 'éi₂ ně₃, i₂tě'₂ dsa₂ Elimas ján₃, tsá₃ jme₁'nio₃ a₂le₃'én₂ ds_{i4}má'₂.

[†] 12:25 A₂lín₅₄ chog₅₄ si₂: “jaun₂ ca₂i₃lein₃ Jerusalén.” * 13:1 griego: Herodes tetrarca. [†] 13:6 Barjesús: a₂jein₃ jág₁, “ja₁ñi'₅₄ Jesús” quian'₅₄ jág₁ jmei₅ arameo.

Jaun₂ jme₁jné₅ jui₅. ⁹ Jaun₂ Saulo, i₂tě₂ dsa₂ Pablo já_{n3}, rě₂rin₅ Jme₂dsí₂ Jñi₅ tē₂dsí₅, ca₂jíin₂ tiá₂ dsa₂ 'éi₂, ¹⁰ jaun₂ ca₂juá'₂:

—i'Ne₂ dsa₂ tē₂jág₁, dsa₂ quián₅ i₂sě₃dsen₃, i₂'io'₅₄ ca₂le₃jě₃ cosa dse!₁ ¿'E₂ lě₃ qui₁jñig'₄ jui₅ co₂dsau₅ quió'₅ Te₁gui'₅₄? ¹¹ Tē₂ně₃ cón'₅ 'ě₂ Te₁gui'₅₄ jmi₁uig₅ quiáng'₂, co₂dsia₅ tēng'₂, co₂'na₂ tsá₃ ma₂lé₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tē₂ tsán'₂ gu₂. ¹² Jme₁ca₂jág₃ gui'₅₄ dsi₄má'₂ a₂ca₂lě₃ jaun₂, ca₂rě₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tioin'₅₄ Antioquía ja₁tén₄ Pisidia

¹³ Ca₂'í₃ Pablo quian'₅₄ riin'₅₄ 'ñi₅ nī₁barco juig₂ Pafos, ca₂lě₃léin₂ jui₅ Perge, juig₂ tén₅ 'uě₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ jui₅ Jerusalén. ¹⁴ Ca₂'uin₂ riin'₅₄ Perge ca₂dsi₃léin₂ táng₃ Antioquía, juig₂ tén₅ 'uě₃ Pisidia. Jaun₂ ca₂lě₃toin'₅₄ guá'₅ sinagoga caun₂ jmi₄g₄ sa₅₄, jaun₂ ca₂tián'₂ dsi₂néi₂. ¹⁵ Jme₁ma₂ca₂lě₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

—Rin'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuě'₅₄ dsa₂, lě₂ bá₄ jua'₅₄ 'nia'₂.

¹⁶ Jaun₂ ca₂nau₂ Pa₄ ca₂jmo₃ léi₄ quian'₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ guě₄ dsa₂ sián'₂ i₂gan₃ Diú₄: ¹⁷ Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂lě₃juin₂ dsa₂ 'éi₂ lia'₂ con'₂ jme₁tián'₄ 'uě₃ Egipto a₂lín₅ dsi₂nau₂. Cang₂ jaun₂ ca₂lě₃ caun₂ juig₂ pa₁. Diú₄ ně₃ ca₂lió₂ quian'₅₄ bí₂ quió'₅, ca₂'uág'₂ 'uě₃ jaun₂. ¹⁸ Ca₂jme₃juin'₂ Diú₄ dsí₅ quiong'₅₄ tē₂láu₃ η₁₂ tē₁lia'₂ jme₁i₂nioi₅₄ gua'₅₄ quein₂, ¹⁹ ca₂'éin₂ guio₃ juig₂ go₄ dsa₂ i₂jme₁tián'₄ 'uě₃ Cana'án, 'uě₃ jaun₂ ně₃ ca₂cuě'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

²⁰ Cang₂ jaun₂ ca₂dsin₃ con'₂ quén₂ 'ñiá₂-láu₂ rě₂dsí₂ tē₂láu₃-guiá₂ (450) η₁₂, ca₂qui₃dsi₅ Diú₄ 'éi'₃ jin₄ dsa₂ 'éi₂ tē₂le₃ quian'₅₄ juě₄ ca₂lia'₂ ca₂tě₂ jmi₄g₄ a₂ca₂rě₃chán₃ Samuel i₂qui₂ca₂'ě₂ jág₁ quió'₅ Diú₄ cang₂ jaun₂. ²¹ Jaun₂ ca₂mi₃ jan₂ rag₅₄. Jaun₂ Diú₄ ně₃ ca₂cuin₃ Saúl ja₁ñi'₅₄ Cis, tsi₁jon₂ Benjamín; ca₂jmo₃ 'éi'₃ con'₂ tē₂láu₃ η₁₂. ²² Cang₂ jaun₂ ca₂ñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'iin₂₃ Rag₅₄ David: “Ca₂dsó'₂ jniá₂ ja₁con₂ David ja₁ñi'₅₄ Isaí, a₂lín₅ jan₂ dsa₂ i₂lě₅ dsí₅ lia'₂ lě₅ dsi₃ jniá₂, jan₂ dsa₂ i₂jmo₃ a₂ñio₂ dsi₃.”

‡ 13:18 A₂lín₅₄ chog₅₄ si₂ juá'₂: “ca₂jmo₃ Diú₄ 'í₁ quió'₅.”

23 'Jaun₂ ně₃ řin'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lión₂ dsa₂ juig₂ Israel lia'₂ con'₂ lě₅ jág₁ quió'₅ ma₂cuě₃ le₂jñiá₅. 24 Né'₃ a₂guán₂ Jesús, ca₂'ě₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmig₂, dsi₃quén'₅ dsí'₅ ně₃. 25 Jaun₂ ca₂juá'₂ Juan₅₄ jme₁ja₂quián₃ jóin₂: "On₃jua'₅₄ 'éi₂ jniá₂ jui₁lia'₂ dsi₂jio₅ 'au'₂ 'nia'₂ lín₅ jniá₂. La₁ i₂já₅ chi₁co'₅₄ quió₃ ně₃, 'éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅."Š

26 'Řin'₅₄ jniog₄, ca₂le₃jín₃ guě₄ 'nia'₂ i₂lín₅ chi'₂ dsio₄ Abraham, quian'₅₄ ca₂le₃jín₃ guě₄ 'ein₂ chan₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂'ě₂ Diú₄ a₂lión₂ dsa₂. 27 Dsa₂ i₂jme₁tián'₄ Jerusalén quian'₅₄ dsa₂ can'₅₄ quián₅, tsá₃ ca₂rě₃jñi₅ 'ein₂ 'éi₂ jme₁chen₂ Jesús, on₃ guě₄ ca₂rě₃jñi'₂ jág₁ a₂qui₂ca₂'ě₂ dsa₂ i₂chen₄ quián₅ Diú₄ le₂jñiá₅. Jaun₂ lě₃, jág₁ jaun₂ a₂'i₂₃ ne₄ Si₂ ca₂le₃jě₃ jmig₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂jñi'₃ Jesús. 28 'Icaun₂ dsáu₁ Jesús tsá₃ 'e₂ ca₂dsó'₂ dsa₂ jua'₅₄ a₂'i₄ 'éi'₃ a₂jñag'₃, la₁ tion₅₄ bá₄ ca₂mí₃ dsa₂ jág₁ ne₄ Pilato a₂jmo₃ 'éi₂ 'éi'₃ a₂jñag'₃. 29 Jaun₂ ně₃ jme₁ma₂lě₅ 'a₂ con'₂ lě₅ juá'₂ ne₄ Si₂ quió'₅ Diú₄ a₂'iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i₁'ó₄. 30 La₁ Diú₄ ně₃, ca₂jme₃jein'₅₄ táng₃ jin₄ 'lag₄. 31 'Lióng₂ jmig₄ bá₄ qui₂ca₂jme₃jnia₅ Jesús ne₄ dsa₂ i₂jme₁quian'₅₄ lia'₂ con'₂ jme₁ca₂jó₃ tē₂ Galilea ca₂dsió₃ tē₂ Jerusalén. Jaun₂ ně₃ dsa₂ 'éi₂ bá₄ i₂jáng'₅ jág₁ dsau₅ tsí'₅ dsa₂ rě₂ně₃.

32 'Jaun₂ le₂ně₅ bá₄ a₂cuě₂ jnia'₅₄ jág₁ dse₃ 'nia'₂, jág₁ a₂ca₂cuě₃ Diú₄ ca₂cuě'₃ dsa₂ quián₂ jniog₄ ma₂líg'₂ jaun₂, 33 ma₂ca₂rě₃ti'₅₄ Diú₄ ja₁con₂ jniog₄ i₂lág₅ chi'₂-guein₂ quián₅ dsa₂ 'éi₂, jme₁ca₂jme₃jein'₅₄ Jesús con'₂ lě₅ jág₁ tio'₅₄ jě₁ca₂tě₂ tin₃ Salmo, a₂juá'₂:

'Ne₂ líng'₅ jón₃ quiáng₃;

jmig₄ ně₃, ca₂lín₃ jniá₂ jéi'₅ 'ne₂.*

34 'Ca₂juá'₂ Diú₄ le₂jñiá₅ a₂jme₃jein'₅₄ jin₄ 'lag₄ ia₁jaun₂ tsá₃ dsi₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄:

Ján₃ bá₄ cuě₄ jniá₂ 'nia'₂

ca₂le₃jě₃ 'e₂ cosa dse₃

a₂jme₁ti₁ jág₁ quió₃ a₂ca₂cuě₃ David.†

35 'Jaun₂ lě₃, ján₃ guě'₂ juá'₂ ne₄ Si₂ Salmos ja₁siá'₂ táng₃:

Tsá₃ cuě'₁ jmig₄

a₂dsi₃guí'₂ quió'₅ dsa₂ jñi₅ 'éi₂ quiáng'₂

i₂jme₂ti₃ ta₁ ne'₅₄.‡

36 'David ně₃ ca₂jme₃ti₃ bá₄ jág₁ ne₄ dsa₂ quiáin₅ të₁lia'₂ ca₂rě₃cháin₃ jmig₄ jaun₂, ju₁lia'₂ 'éi'₃ ca₂juá'₂ Diú₄. La₁ ca₂jon₃ bá₄ David ně₃, jaun₂ ca₂i'₁ó₄ dsa₂ ja₁le'₁on₅ dsa₂ can'₅₄ quiáin₅, ca₂siá'₃ bá₄ ni₁ñi₁ 'éi'₂ ně₃. 37 La₁ ni₁ñi₁ Jesús ně₃, i₂ca₂jme₃jen'₅₄ Diú₄, tsá₃ 'e₂ ca₂'en₃.

38 'Jaun₂ ně₃ rin'₅₄ jniog₄, tion₅₄ 'nió'₅ le₃ñi'₅₄ 'nia'₂ jág₁ a₂'ě₅ jniá₂: të₂le₃ quian'₅₄ Jesús bá₄ dsón'₂ 'én₂ dsáu'₂ 'nia'₂. 39 Të₂le₃ quian'₅₄ 'éi'₂, ca₂le₃jín₃ i₂'én₂ të₂le₃ quió'₅, rě₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián'₂ 'nia'₂ të₂le₃ quian'₅₄ 'Éi'₃ quió'₅ Moisés. 40 'Í₁ jmo₄ 'nia'₂, ia₁jaun₂ tsá₃ dsi₃ñi'₂ 'nia'₂ ju₁lia'₂ juá'₂ dsa₂ i₂jme₁'ě₂ jág₁ quián₅ Diú₄, jme₁ca₂juá'₂ ne₄ Si₂:

41 Jag₄ 'nia'₂ dsa₂ i₂táun₂ 'lig'₅₄,
ju₁dsi₂gó'₃ 'au'₂, ju₁dsian'₂ 'nia'₂.

Ia₁ jniá₂ i₂lín₅ Diú₄ jmo₅₄ léi₄ juě'₂

jmig₄ të₁lia'₂ chan'₂ 'nia'₂.

La₁ léi₄ jaun₂, 'i₁jan'₂ 'nia'₂ tsá₃ le₃'én₂,

o₁ñia'₅₄ 'a₂ guě'₂ lia'₂ chan₂ i₂dsia₃. §

42 Jme₁ca₂o₃'ín₃ Pa₄ quiain'₅₄ rin'₅₄ guá'₅ sinagoga quió'₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi' jmig₄ sa₅₄ caun₂ a₂ja₃'ě₂ jág₁ jaun₂. 43 Jme₁ca₂dsan₃ le₁ñi'₂ dsa₂ dsi₂néi₂ guá'₅, jaun₂ juin₅ lín₃ dsa₂ judíos quian'₅₄ dsa₂ i₂ma₂gue₃ i₂ma₂tión₂ tiá₂ juá'₅ quió'₅ dsa₂ judíos, ca₂'ein₃ Pa₄ quiain'₅₄ Bernabé, ca₂jme₃quiong'₅₄. Jaun₂ ca₂juá'₂ dsa₂ i₂chen₄ quián₅ Jesús 'éi'₂ ca₂tsí'₃ dsa₂ ca₂cuě'₃ bí₂ a₂tion₅₄ 'nió'₅ tsán'₂ tiá₂ jág₁ dse₃ quió'₅ Diú₄ i₂'ua₁ dsi₅.

44 Caun₂ semana cang₂ jaun₂, jme₁ca₂tě₂ táng₃ jmig₄ sa₅₄, jaun₂ qui₂ca₂ñi'₂ mei'₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió'₅ Diú₄. 45 La₁ jme₁ca₂jág₃ dsa₂ judíos juin₅ lín₃ dsa₂ tion'₅₄, jaun₂ ca₂rě₃'néi₃ a₂dsí'₅ 'ñio₅ lín₃, të₂le₃ jen₅ bá₄ qui₂ca₂ñag₃ jág₁ a₂juá'₂ Pa₄, qui₂ca₂jnú'₂ jág₁ uig₅ ně₃.

46 Jaun₂ ca₂juá'₂ Pa₄ quian'₅₄ Bernabé, ca₂dsia₃ tiá₂ dsi₅ ca₂tsí'₃ dsa₂:

—Tion₅₄ 'nió'₅ jniá₅ de'₂ jin'₄ 'nia'₂ con'₂ dsa₂ i₂lín₅ judíos, ca₂tág₂ jniá'₅₄ 'ě₄ jág₁ dse₃ quió'₅ Diú₄. La₁ tsá₃ guě'₂ 'niog'₂ 'nia'₂ guéi'₁, jaun₂ ma₂léi₄ bá₄ a₂tsá₃ lé₂ tín'₄ 'nia'₂ guei'₅₄ i₂juíg₃. Jaun₂ lě₃, dsi₁náú₄ jniá'₅₄ ja₁con₂ dsi₂nau₂. 47 Ia₁ le₂ně₅ bá₄ 'éi'₃ ca₂cuě'₃ Te₁gui'₅₄ jme₁ca₂juá'₂:

Ju₁lia'₂ si₂ bá₄ lín'₅ 'ne₂

i₂ca₂dsiáng₃ quió'₅ dsi₂nau₂,

ia₁jaun₂ 'ě'₅₄ dsa₂ chan₂ ta₁caun₂ mi₂güíg₃

ju₁ ja₁tín'₄ dsa₂. †

§ 13:41 Habacuc 1:5. * 13:42 A₂lín₅₄ chog₅₄ si₂: "ca₂mi₃ dsi₂nau₂." † 13:47 Isaiás 49:6.

48 Jme₁ca₂nág₂ dsi₂nau₂ jág₁ në₅, qui₂ca₂jmo₃ 'io'₂, qui₂ca₂dsia₃, dsón'₂ bá₄ dse₃ jág₁ quió'₅ Te₁gui'₅₄. Jaun₂ ca₂rë₃'én₂ ca₂le₃jín₃ i₂con'₂ 'i₄ 'éi'₃ tín'₄ ja₁le₃chain₂ co₂tan₅₄. 49 Jaun₂ le₂në₅ ca₂i₃'ág₃ jág₁ dse₃ quió'₅ Te₁gui'₅₄ ta₁caun₂ 'uë₃ jaun₂. 50 La₁ dsa₂ judíos në₃ ca₂jmo₃ jág₁ quian'₅₄ i₂lín₅₄ 'io'₅₄ dsen₃ i₂jme₂go₃ dsa₂ juig₂, quian'₅₄ i₂lín₅₄ dsa₂ can'₅₄ në₃, ia₁jaun₂ jme₃'iog₅₄ jme₃'ñai₅₄ Pa₄ quiaín'₅₄ Bernabé. Jaun₂ le₂në₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄ quiaín'₅₄ Bernabé ca₂lia'₂ ca₂'uin₂ 'éi₂ juig₂ jaun₂. 51 Jaun₂ 'éi₂ në₃ qui₂ca₂séi'₂ 'liog₂ mi₂tag₅₄.[‡] Ca₂'uin₂ bá₄ jaun₂, ca₂i₃lén₂ juí₅ Iconio. 52 La₁ ca₂le₃jín₃ dsa₂ i₂ca₂rë₃'én₂ në₃, 'io'₂ jmo₂₃, rë₂rin₅ Jme₂dsí₂ Jñi₅ tē₂dsí₅.

14

Pablo quian'₅₄ Bernabé tñoin'₅₄ juig₂ Iconio

1 Ca₂'í₃ Pablo co₂lë₅ quian'₅₄ Bernabé dsi₂néi₂ guá'₅ sinagoga quió'₅ dsa₂ judíos juig₂ Iconio. Ja₁jaun₂ ca₂jme₃tñin₂₃ táng₃ dsa₂ jág₁ dse₃ quió'₅ Diú₄. Juín₅ bá₄ dsa₂ ca₂rë₃'én₂, lia'₂ dsa₂ judíos lia'₂ dsi₂nau₂ në₃. 2 La₁ dsa₂ judíos i₂tsá₃ 'én₂ në₃, ca₂tsí'₃ dsi₂nau₂ a₂chi₃'in₃ 'lig'₅₄ dsa₂ i₂'én₂. 3 Jaun₂ lë₃, uë₂ bá₄ ca₂'í₃ Pa₄ quiaín'₅₄ Bernabé. Ca₂dsia₃ tiá₂ dsí₅ quian'₅₄ bí₂ quió'₅ Te₁gui'₅₄, qui₂ca₂'ë₂ jág₁; jaun₂ Diú₄ në₃ ca₂cuë₃ bí₂ ca₂jmo₃ 'éi₂ léi₄ juë'₂ a₂dsi₃gó'₃ dsi₅, ia₁jaun₂ le₃lí'₄ dsa₂, jág₁ dsau₅ a₂dse₃ dsí₅ Diú₄ bá₄ 'ë₂ 'éi₂. 4 La₁ dsa₂ juig₂ 'éi₂ jme₁lë₄ le₁dson'₅₄ i₂jme₁tión₂ le₃quió'₅ dsa₂ judíos, i₂jme₁tión₂ le₃quió'₅ dsa₂ i₂chen₄ quián₅ Jesús 'éi₂ në₃.

5 Jaun₂ ca₂jmo₃ caun₂ jág₁ dsa₂ judíos quiaín'₅₄ dsi₂nau₂, quian'₅₄ dsi₂tan₅₄, a₂tsí'₃ jág₁ uig₅ dsa₂ 'éi₂, a₂qui₂jnáu'₂ cang₄ në₃.

6 La₁ jme₁ca₂rë₃ñi₅ Pa₄ quian'₅₄ Bernabé, ca₂cuing₃ juí₅ Listra, juí₅ Derbe në₃, tin₃ juig₂ ja₁tén₄ Licaonia, ca₂i₁nioi₁₂ le₂tan₅₄ 'uë₃ jaun₂, 7 qui₂jme₂tñin₂₃ dsa₂ jág₁ dse₃ a₂lión₂ dsa₂.

Ca₂cuë₃ dsa₂ cang₄ ca₂cuë'₃ Pablo juig₂ Listra

8 Juig₂ Listra jme₁chan₂ jan₂ dsa₂ i₂tsá₃ lé₂ ñi₃. Lia'₂ jaun₂ líin₅, lia'₂ con'₂ jme₁ca₂rë₃cháin₃, guá'₅ ja₁jaun₂, 'i₁cón'₂ tsá₃ ma₂ca₂ñi₃ ca₂le₃jë₃ jmig₄ a₂chain₂. 9 Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ në₃ ca₂jág₃ tiá₂ ca₂jíin₂ dsa₂ 'éi₂, jaun₂ ca₂rë₃lí'₄ Pa₄ a₂'én₂ dsa₂ 'éi₂ a₂lé₂ 'lióin₂. 10 Jaun₂ ca₂juá'₂ tiá₂ ca₂tsí'₃ dsa₂ 'éi₂:

—Rë₂ nau₂. Co₂dsau₅ chí'₂ mi₂tag'₅₄.

Jaun₂ dsi₂juí₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ñi₃. 11 Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'₂ co₂mi'₅₄, ca₂guió'₃ quian'₅₄ jág₁ jme₁quió'₅ dsa₂ chan₂ Licaonia, ca₂juá'₂:

‡ 13:51 Co₂'nió'₄ a₂ca₂jmo₃ léi₄, guion₅₄ bá₄ dsa₂ juig₂ ma₂rë₂cáin'₄ ia₁ tsá₃ ca₂gue₃ jág₁ quió'₅ Diú₄, 'Nio'₂ ja₁ton₅ Marcos 6:11, Lucas 9:5, 10:11, Hechos 18:6.

—¡Diú₄ i₂lín₅ dsa₂ ca₂sión₃ jë₄ quián₂ jniog₄!

12 Juá'₂ dsa₂ a₂lín₅ Bernabé diú₄ Júpiter, Pa₄ guë'₂ lín₅ diú₄ Mercurio* ia₁ 'éi₂ bá₄ i₂juá'₂ guë'₄ jág₁. 13 Jaun₂ jme₁chí'₄ guá'₅ quió'₅ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quiain'₅₄ juin₅ dsa₂ le₁jñiai₂₃ ca₁jui₅ le₁quian₅ lí₁ në₃, a₂jme₁'nio₃ jme₃dsiain₂₃ ca₁jui₅ a₂jme₁jéin'₂ ne₄ Pa₄ quian'₅₄ Bernabé. 14 La₁ jme₁ca₂rë₃lí'₄ Pa₄ quian'₅₄ Bernabé i₂chen₄ quián₅ Jesús, a₂ma₂tion'₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'₅₄.† Jaun₂ ca₂tóin'₂ jin₄ dsa₂ ca₂quió'₃ ca₂juá'₂:

15 —¡Nei₂ 'nia'₂! ¿'E₂ lë₃ jmo'₂ 'nia'₂ le₂në₅? Dsa₂ mi₂güüg₃ bá₄ jnia'₅₄, jui₁lia'₂ 'nia'₂. A₂le₁quian₁ jág₁ dse₃ bá₄ jnia'₅₄ ja₂náu₅, a₂chei₅₄ 'nia'₂ a₂jñiá'₄ 'nia'₂ ca₂le₃jë₃ a₂në₅ a₂tsá₃ 'e₂ ta₁ tí₄, a₂jen'₅₄ 'nia'₂ të₂le₃ quió'₅ Diú₄ jén'₃ i₂ca₂jmo₃ guei'₅₄ i₂juíg₃, gua'₅₄ 'uë₃, jmi₁ñi'₄ në₃, ca₂le₃jë₃ guë'₄ 'e₂ a₂cha₂ ja₁jaun₂. 16 'Ñiog₅ Diú₄ ca₂cuë₃ jmig₄ ma₂líg'₂ ca₂cuë'₃ ca₂le₃jín₃ dsa₂ chan₂ gua'₅₄ 'uë₃ a₂jmo₃ con'₂ lë₂ dsí₅ guioin₅₄. 17 La₁ Diú₄ ca₂'ë₃ dsa₂ 'ein₂ lín₅, ca₂jmo₃ bá₄ léi₄ të₂le₃ quian'₅₄ ca₂le₃jë₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jë₃ a₂qui₂guë'₃ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

18 Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

19 Jaun₂ ca₂dsi₃lén₂ i₂lin₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuë'₃ cang₄ Pa₄, ca₂tsi₂cuang'₂ të₂'ni'₂ juig₂, a₂ma₂në₂jñag'₃ bá₄ lín₂. 20 La₁ jme₁ca₂ñi'₂ dsa₂ i₂én₂ riin'₅₄ ja₁rë₂quiain₂₃, ca₂nau₂ Pa₄, ca₂ñó₃ táng₃ jui₅ jë₄ juig₂. Jme₁jnia₃ jaun₂ guë'₄, ca₂o₃'iin₃ juig₂ jaun₂ quiain'₅₄ Bernabé, ca₂i₃lén₂ jui₅ Derbe.

21 Juin₅ dsa₂ chan₂ juig₂ Derbe ca₂rë₃'éin₂ jme₁ca₂nág₂ ca₂'ë₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'uiin₂ ja₁jaun₂, ca₂i₃lén₂ táng₃ jui₅ Listra, jui₅ Iconio në₃, a₂ca₂dsi₃lén₂ táng₃ Antioquía. 22 Le₂tan₅₄ juig₂ ja₁jaun₂ qui₂ca₂cuë'₃ bí₂ dsa₂ i₂én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁ui₅ mi₂güüg₃ la₂, né'₃ guë'₄ a₂dsi₁no'₃ 'nia'₂ ja₁gon₂ Diú₄.

23 Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lë₃ chilén'₂ dsa₂ Diú₄, a₂jme₂'iin₅₄ në₃, ca₂dsiain₃ riin'₅₄ i₂én₂ 'éi₂ o₄gú₃ Te₁gui'₅₄, ia₁ të₂le₃ quió'₅ Te₁gui'₅₄ bá₄ ma₂'én₂ dsa₂.

* 14:12 griego: Hermes. † 14:14 ca₂gág₃ tsin'₅₄: le₂jaun₂ jme₁jmo₅ dsa₂ léi₄ chi₂juá'₂ 'e₂ tsá₃ të₅ dsí₅. ‡ 14:23 griego: presbíteros.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

²⁴ Cang₂ jaun₂ ca₂ñi₃ jui₅ 'uë₃ Pisidia, jaun₂ ca₂dsi₃léin₂ 'uë₃ Panfilia. ²⁵ Qui₂ca₂'ë₂ jág₁ juig₂ Perge, jaun₂ ca₂i₃léin₂ juig₂ Atalia. ²⁶ Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lë₃ jmo₂₃. ²⁷ Jme₁ca₂dsi₃lein₃ Antioquía, ca₂ñi₃'₂ ca₂le₃jín₃ riin'₅₄. Jaun₂ ca₂dsia₃ ca₂le₃jë₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsi₂nau₂, ia₁jaun₂ le₃'én₂ 'éi₂ ján₃. ²⁸ Jaun₂ uë₂ bá₄ ca₂'í₃ Pa₄ ja₁jaun₂, Bernabé në₃ quiaín'₅₄ dsa₂ i₂'én₂.

15

Ca₂ñi'₂ riin'₅₄ Jerusalén

¹ Jmig₄ jaun₂ i₂lin₅₄ dsa₂ chan₂ Judea ca₂dsi₃léin₂ juig₂ Antioquía, ca₂jme₃lióg₃ ca₂jme₃tín₂₃ riin'₅₄ ja₁jaun₂, në₁juá'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lë₅ Si₂ 'Éi'₃ quió'₅ Moisés, tsá₃ lé₂ tñin'₄. ² Pablo quian'₅₄ Bernabé ca₂tsiín₂ 'ñio₅ lin₃ quian'₅₄ dsa₂ 'éi₂. Jaun₂ ca₂'in₃ dsa₂ Pa₄ quian'₅₄ Bernabé, quiaín'₅₄ i₂lin₅₄ guë₄ dsa₂ sián'₂ në₃, a₂dsi₃léin₂ Jerusalén a₂jme₃rë₃ jág₁ jaun₂ quiaín'₅₄ dsa₂ riin'₅₄ i₂chen₄* quián₅ Jesús quian'₅₄ dsa₂ can'₅₄† quián₅ dsa₂ 'én₂.

³ Co₂nió'₃ dsa₂ i₂'én₂ juig₂ Antioquía ca₂'ág'₃ jág₁ riin'₅₄ i₂ca₂'in₃ 'éi₂, jaun₂ 'éi₂ në₃ ca₂i₁nioi₁₂ 'uë₃ Fenicia quian'₅₄ 'uë₃ Samaria. Ja₁jaun₂ ca₂dsia₃ 'a₂ lia'₂ ca₂rë₃'én₂ dsi₂nau₂. Jaun₂ lë₃, 'ñio₅ lin₃ 'io'₂ ca₂jmo₃ dsa₂ riin'₅₄ jme₁ca₂rë₃ñi₅.

⁴ Jme₁ca₂dsióg₃ Pa₄ quiaín'₅₄ Bernabé juig₂ Jerusalén, ca₂guei₃ ca₂le₃jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ në₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

⁵ La₁ qui₂ca₂nau₂ i₂lin₅₄ dsa₂ fariseos i₂ma₂'én₂, jaun₂ ca₂juá'₂:
—Ca₂tín₂ dsi₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅ Moisés.

⁶ Jaun₂ ca₂ñi'₂ dsa₂ i₂chen₄ quián₅ Jesús, quian'₅₄ dsa₂ can'₅₄ në₃, ia₁jaun₂ 'no'₂ dsí₅ 'a₂ lia'₂ jmo₃ jui₁lia'₂ jág₁ jaun₂.

⁷ Jme₁ma₂në₂dsia₃ jág₁ 'ñio₅ lin₃, ca₂nau₂ Pedro jaun₂ ca₂juá'₂:

—Rin'₅₄ jniog₄, ñi'₅₄ bá₄ 'nia'₂ jaun₂, jniá₂ dsa₂ i₂ca₂quión'₂ Diú₄ jin'₄ 'nia'₂ ma₂i₁jáun₃, ia₁jaun₂ cuë₄ jniá₂ jág₁ dse₃ dsi₂nau₂, ia₁jaun₂ le₃'éin₂. ⁸ Jaun₂ Diú₄ në₃, i₂cuí'₅ dsí₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsí₂ Jñiós quián₅, ca₂cuin₃ dsa₂ 'éi₂ jui₁lia'₂ ma₂cuag₃ jniog₄. ⁹ Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ján₃ bá₄ ca₂rang₃ jme₂dsí₂ quió'₅ dsa₂ 'éi₂ ia₁ ca₂rë₃'éin₂. ¹⁰ Jaun₂ në₃, ç'₂ lë₃ dsi₂jio₅ 'au'₂ 'nia'₂ a₂tsá₃ dsau₅

* 15:2 griego: apóstolous. † 15:2 griego: presbíteros.

a₂ma₂jmo₃ Diú₄? ħ'E₂ lē₃ lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂'én₂ 'éi₂ Si₂ 'Éi'₃, ton'₂ ca₂lia'₂ jnia'₅₄ dsa₂ can'₅₄ quián₂ jniog₄ tsá₃ ca₂tió'₃ jme₃ti₃, on₃ guē'₂ jniog₄ tián₂ jme₁ti₁? ¹¹ La₁ ne₄ jniog₄, a₂dse₃ dsí₅ Te₁gui'₅₄ Jesús bá₄ a₂tág'₄, co₂rē₂ quian'₅₄ dsa₂ 'éi₂.

¹² Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄ Pablo ca₂le₃jě₃ léi₄ juē'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂. ¹³ Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'₅₄ jniog₄, nei₂ 'nia'₂ a₂juá'₄ jniá₂: ¹⁴ Ma₂nē₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsí₅ jē₁le₂'uig₅₄ tē₂le₃ quió'₅ dsi₂nau₂, 'a₂ lia'₂ ca₂quióin'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂ quián₅ 'ñiog₅. ¹⁵ Le₂nē₅ bá₄ lē₅ jág₁ quió'₅ dsa₂ i₂jme₁'ē₂ jág₁ quián₅ Diú₄, jui₁lia'₂ ca₂tióng₃ ne₄ Si₂:

¹⁶ Guio₅₄ táng₃ cang₂, jaun₂ jmóg'₄ táng₃ ne₄ta₁ quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

¹⁷ ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄, ca₂le₃jě₃ jui₂g₂ ně₃, dsa₂ i₂chen₂ dsa₂ quián₅ Diú₄.

¹⁸ Le₂nē₅ bá₄ juá'₂ Te₁gui'₅₄ i₂jmo₅ ca₂le₃jě₃ a₂nē₅, a₂ma₂cui'₅ dsa₂ ca₃ma₂líg'₂.‡

¹⁹ 'Jaun₂ ně₃ lín₂ jniá₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅ dsi₂nau₂ i₂ma₂jén'₂ tē₂le₃ quió'₅ Diú₄. ²⁰ Tió'₅ me'₂ a₂jnia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guē'₃ má₃ a₂tsá₃ dsi₂ten₅₄ guē'₃ jui₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃ chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guē'₂ guē'₃ má₃ a₂tsá₃ dsi₃ten₅₄ guē'₃ dsa₂ judíos, jui₁lia'₂ já₂ i₂güi'₅ dsa₂ dsi₂lag₄, on₃ guē'₂ jmi₄ já₂ ně₃. ²¹ Ia₁ ma₂líg'₂ bá₄ ma₂tu₁ja₂lén₂ dsa₂ qui₂'ē₂ 'Éi'₃ Juá'₅ quió'₅ Moisés le₂caun₂ le₂caun₂ jui₂g₂, qui₂'i₂₃ dsi₂néi₂ guá'₅ sinagogas ca₂le₃jě₃ jmi₄ sa₅₄.

²² Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ guē'₄ dsa₂ i₂lín₅ guá'₅ a₂'iin₃ i₂lin₅₄ jē₄ quió'₅ rin'₅₄, i₂chein₃ quian'₅₄ Pablo, Bernabé ně₃, jui₅ Antioquía. Jaun₂ ca₂'in₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ jui₅ jē₄ quió'₅ dsa₂ i₂'én₂. ²³ Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ guē'₄ rin'₅₄ jnia'₅₄ i₂'én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ jui₂g₂ Antioquía,

‡ 15:18 Amós 9:11-12.

quian'⁵⁴ i₂tián'⁵ 'uë₃ Siria, quian'⁵⁴ i₂tián'⁵ 'uë₃ Cilicia ně₃. Cuín₅ jnia'⁵⁴ Diú'⁴ 'nia'².

²⁴ Ma₂ca₂rë₃ne₄ jnia'⁵⁴ jág₁ a₂i₁len⁵⁴ i₂lin⁵⁴ dsa₂ chan₂ ja₁lá₃, on₃jua'⁵⁴ i₂chen₄ quián₂ jnia'⁵⁴. Ma₂dsi₃léin₂ cuë'⁵ o₂me'⁵⁴ dsi₅ 'nia'² quian'⁵⁴ jág₁ quió'⁵ a₂tsí'⁵ 'nia'² a₂tion⁵⁴ 'nió'⁵ ti₃ dsa₂ ni₁lo₁ dsa₂ ŋe'², a₂jme₁ti'⁴ 'nia'² 'Éi'³ quió'⁵ Moisés ně₃. ²⁵ Uig⁵⁴ jaun₂, ca₂jmó₁ jnia'⁵⁴ caun₂ jág₁, ca₂'ín₄ jnia'⁵⁴ rin'⁵⁴ jë₄ quián₂ jnia'⁵⁴ a₂dsi₃léin₂ co₂lë₅ quiain'⁵⁴ Bernabé quian'⁵⁴ Pa₄ i₂'nio₄ lin₃ quián₂ jnia'⁵⁴, a₂dsi₃jün⁵⁴ 'nia'². Ia₁ le₂jaun₂ bá₄ dse₃, lág₂ jnia'⁵⁴.

²⁶ Ma₂le₁'ág₄ caun₂ dsí₅ gue₃ 'mú₃ o₁quió'⁴ Te₁gui'⁵⁴ Jesucristo quián₂ jniog₄. ²⁷ Jaun₂ chen₄ jnia'⁵⁴ Judas quian'⁵⁴ Silas ně₃, jaun₂ i₂në₅ bá₄ juá'² quian'⁵⁴ jág₁ tio'⁵⁴ 'o₅₄ ca₂le₃jě₃ a₂jua'² jnia'⁵⁴ la₂. ²⁸ Jaun₂ ně₃, Jme₂dsí₂ Jñi₅ bá₄ ca₂jme₃'o₅₄ a₂'niog⁵⁴ jnia'⁵⁴ dsi₅, jaun₂ dse₃ bá₄ lág₂ jnia'⁵⁴ a₂tsá₃ cuë'⁵⁴ jnia'⁵⁴ 'nia'² 'éi'³ guei₂, jñia'⁵⁴ lia'² jmá'³ lia'² a₂léi₄ 'nió'⁵ quián₂ 'nia'² la₂: ²⁹ A₂tsá₃ quë'⁵⁴ 'nia'² ni₁ñí₅ a₂ma₂dsia₃ dsa₂ ne₄ ne₄chei₂ quió'⁵ diú₄ lag₄; ján₃ bá₄ tsá₃ quë'⁵⁴ 'nia'² jmi₄ já'², on₃ guë'² ni₁ñi₁ já'² i₂dsan₂ i₂güí'⁵ dsa₂ dsi₂lag₄. Tsá₃ nió'⁴ 'nia'² jág₁ quian'⁵⁴ dsa₂ i₂tsá₃ lín₅ dsi₂i₂gog'². Në₁jua'² ca₂jme₁ti'⁴ 'nia'² jág₁ la₂, dse₃ bá₄ le₃chan'² 'nia'².

Co₂në₅ bá₄ jág₁.

³⁰ Jaun₂ ně₃, le₂në₅ bá₄ ca₂tón'² 'éi₂ jui₅, ca₂i₃léin₂ jui₅ Antioquía. Jaun₂ ca₂ñí'² dsa₂ i₂'én₂ ja₁jaun₂. Jaun₂ ca₂jün'³ dsa₂ si₂ carta a₂jme₁quian₅. ³¹ Jme₁ca₂'í₂ riin'⁵⁴ si₂, qui₂ca₂jmo₃ 'io'² o₁quió'⁴ jág₁ a₂cuë₅ lián'² dsí₅ jaun₂. ³² Ia₁ Judas quian'⁵⁴ Silas, i₂jme₁'ě₂ jág₁ a₂cuë₅ Diú'⁴ ján₃, ca₂cuë₃ 'lióng₂ jág₁ dse₃ a₂ca₂jmo₃ ca₂'ág₂ dse₃ dsí₅ riin'⁵⁴, 'ñio₅ lin₃ ca₂cuë₃ bí₂ ně₃, quian'⁵⁴ jág₁ quió'⁵. ³³ Jme₁ma₂tě₂ 'lióng₂ jmig₄ tioen'⁵⁴ ja₁jaun₂, ca₂dsi₅óg'² táng₃ dsa₂ caun₂ tei₄ ja₁con₂ riin'⁵⁴ i₂ca₂chei₃. § ³⁵ La₁ ca₂jñia₃ Pa₄ quian'⁵⁴ Bernabé juig₂ Antioquía, qui₂jme₂tiin₂₃ dsa₂, quiain'⁵⁴ jün₅ guë'⁴ i₂sián'², qui₂'ě'⁵ dsa₂ jág₁ dse₃ quió'⁵ Te₁gui'⁵⁴.

Ca₂ñó₃ Pa₄ ca₂i₁'ě₄ jág₁ jë₄ca₂tě₂ tin₃ ráun₂

³⁶ Cang₂ jaun₂, ca₂juá'² Pa₄ ca₂tsí'³ Bernabé:

—Dsau⁵⁴ táng₃ dsi₁jün₁ rin'⁵⁴ ca₂le₃jě₃ juig₂ ja₁ma₂ca₂i₁'ë'⁵⁴ dsa₂ jág₁ dse₃ quió'⁵ Te₁gui'⁵⁴, dsi₁jag⁵⁴ ně₁jua'² 'a₂ lia'² chain₂.

³⁷ Bernabé ně₃ jme₁'nio₃ jñia₃ Juan⁵⁴, i₂chen₂ Marcos ján₃. ³⁸ La₁ Pa₄ guë'² ně₃ tsá₃ ca₂gue₃ jiog₃, ia₁ ca₂téi₂ bá₄ 'éi₂ lia'² con'² jme₁i₁noi₁₂ 'uë₃ Panfilia, * tsá₃ ma₃ca₂jme₃quiong'⁵⁴ jua'⁵⁴ a₂jme₃'o₅₄. ³⁹ Jaun₂ ca₂tsíin₂ 'ñio₅ lin₃, ca₂lia'² ca₂i₃léin₂ jma₃quén₅. Jaun₂ Bernabé bá₄ ca₂jñia₃ Marcos, ca₂tóin'² ni₁barco, ca₂i₃léin₂ jui₅ Chipre. ⁴⁰ Pa₄ guë'² ca₂quióin'² Silas.

§ 15:33 A₂lin⁵⁴ chog⁵⁴ si₂ chi₁ton₅ versículo 34: "La₁ Silas ně₃, ca₂dsia₃ dsí₅ jñia₃."

* 15:38 'Nio'² ja₁ton₅ Hechos 13:15.

Jme₁ma₂në₂jáng'₂ riin'₅₄ o₄gú₃ Te₁gui'₅₄ i₂'nio₃, jaun₂ qui₂ca₂'ág'₃ jág₁ riin'₅₄, ca₂i₃léin₂. ⁴¹Jaun₂ ca₂i₁ñi₁₂ le₂tan₅₄ 'uë₃ Siria quian'₅₄ Cilicia, qui₂i₁cuë'₂ bí₂ riin'₅₄ i₂tián'₅ ja₁jaun₂.

16

*Ca₂jme₃quiong'*₅₄ *Timoteo ca₂jme₃quian'*₅₄ *Pa₄ quian'*₅₄ *Silas*

¹ Ca₂dsióg₃ Pa₄ quian'₅₄ Silas juig₂ Derbe, juig₂ Listra në₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ jág₁ dse₃. Jmei₂ guë'₂ jme₁lín₄ jan₂ griego. ² Jaun₂ dsa₂ i₂'én₂ i₂jme₁tián'₄ Listra quian'₅₄ Iconio, dse₃ bá₄ jme₁'ag₂₃. ³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂,* ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ñi₅ bá₄ ca₂le₃jín₃ dsa₂, a₂lín₅ griego jmei₂ 'éi₂. ⁴ Ca₂le₃jě₃ juig₂ ja₁ca₂ñi₃, qui₂ca₂jme₃jein'₂ riin'₅₄ ca₂cuë₃ 'éi'₃ con'₂ lě₅ jág₁ quió'₅ dsa₂ i₂chen₄ quián₅ Jesús, jág₁ quió'₅ dsa₂ can'₅₄ i₂tián'₅ Jerusalén në₃. ⁵ Jaun₂ në₃, ca₂le₃jín₃ dsa₂ i₂lín₅ guá'₅, ca₂jña'₃ tiá₂ jág₁ dse₃ a₂'éin₂, jaun₂ le₂o₃ jmig₄ bá₄ ca₂i₃juin₂.

Ca₂qui₃ Pablo a₂ca₂jín₂jan₂ dsa₂ chan₂ Macedonia

⁶ Tsá₃ ca₂cuë₃ Jme₂dsi₂ Jñi₁₀5 jmig₄ a₂'ě₂ dsa₂ jág₁ dse₃ 'uë₃ Asia. Jaun₂ lě₃ ca₂i₁lein₅₄ ca₂i₁ñi₁₂ le₂tan₅₄ 'uë₃ Frigia quian'₅₄ 'uë₃ Galacia. ⁷ Jaun₂ ca₂dsi₃léin₂ ja₁jén₂ 'uë₃ Misia. Ja₁jaun₂ jme₁'nio₃ jme₁dsi₃léin₂ 'uë₃ Bitinia. La₁ tsá₃ ca₂cuë₃ jmig₄ Jme₂dsi₂ quián₅ Jesús dsi₃léin₂ ja₁jaun₂. ⁸ Jaun₂ con'₂ ca₂ñi₃ bá₄ 'uë₃ Misia, ca₂dsi₃léin₂ 'o₄ jmi₁ñi'₄ ja₁chei₂ Troas. ⁹ Ja₁jaun₂ ca₂qui₃ Pa₄ a₂'uë₂ jaun₂ a₂ca₂jín₂jan₂ dsa₂ chan₂ 'uë₃ Macedonia, a₂chéin'₅ mi₂₃, a₂juá'₂: “Ñi₅₄ jui₅ 'uë₃ Macedonia i₂jme₁'o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le₂ně₅, jaun₂ ca₂jmó₁ jnia'₅₄ co₂jñia₅₄ a₂dsi₁náu₄ jui₅ Macedonia. Ia₁ dsón'₂ lág₂ jnia'₅₄ a₂tě₂ Diú₄ ja₁jaun₂ a₂dsi₁'ě₄ jnia'₅₄ jág₁ dse₃.†

*Pa₄ quian'*₅₄ *Silas tioen'*₅₄ *juig₂ Filipos*

¹¹ Ca₂tió'₄ jnia'₅₄ 'ñi₁₀'₃ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uë₃ Samotracia a₂niog₅ jě₄ jmi₁ñi'₄. Jme₁jnia₃ jaun₂, ca₂dsi₃náu₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lě₅ caun₂ colonia romana ja₁lě₄ juig₂ dsen₅₄ guě₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄. ¹³ Caun₂ jmig₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lě₄ ja₁dsi₂lén₂ dsa₂ a₂chi₂lén₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂

* **16:3** o₃, “ca₂jmó₃ a₂ca₂ti₃ dsa₂ ni₁lo₁ 'éi₂.” † **16:10** Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂.

'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi₂ 'u₃ jlá₁. 'Io₅₄ 'éi₂, jme₁jme₂juin₂ Diú₄. Jaun₂ ca₂jmo₃ Te₁gui₅₄ ca₂lë₃ dsí₅ 'io₅₄ 'éi₂ a₂nag₃ a₂tón₂ jui₅ a₂juá₂ Pa₄. ¹⁵ Jaun₂ ca₂jñó₂ jmi₂g₂ co₂dsia₅ quian₅₄ ca₂le₃jín₃ dsa₂ dsi₂néi₂ quió₅. Jme₁co₂lág₂ jaun₂, ca₂mi₃ tság₅ jnia₅₄:

—Chi₂jua₂ jmo₂ 'nia₂ 'au₂ a₂lín₅ jniá₂ tē₃dsón₂ dsa₂ i₂'én₂ jág₁ quió₅ Te₁gui₅₄, i₂nó₅ 'nia₂ ja₁quió₃ i₁jñia₄.

Jaun₂ ca₂juá₂ tion₅₄ a₂ca₂jñia₄ jnia₅₄.

¹⁶ Co₂ráun₂ ca₂lë₃, lia₂ con₂ jme₁i₃náu₅ jnia₅₄ ja₁chi₂lén₂ dsa₂ Diú₄, ca₂jen₂ jnia₅₄ jan₂ 'io₅₄ chi₂ i₂jme₁'en₅₄ jme₂dsí₂ 'lin₅₄ tē₂dsí₅, i₂dsi₂ jág₁.[‡] 'Io₅₄ 'éi₂ a₂lë₁jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí₂ a₂dsi₂ jág₁. ¹⁷ 'Io₅₄ chi₂ 'éi₂ ca₂'ein₃ Pa₄, ca₂'ein₃ jnia₅₄ nē₃, ca₂quió₃ ca₂tsí₃ dsa₂ i₂jme₁tion₅₄:

—Dsa₂ nē₅ i₂jme₂ti₃ ta₁ ne₄ Diú₄ juin₂ gué₄. Jaun₂ 'ë₂ jág₁ tsí₅ 'nia₂ 'a₂ lia₂ lé₂ lión₂ 'nia₂.

¹⁸ Lióng₂ jmi₂g₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃mé₂ dsí₅ Pa₄. Jaun₂ ca₂jí₂, ca₂juá₂ ca₂tsí₃ jme₂dsí₂ 'lin₅₄ i₂jme₁'en₅₄ quió₅ 'io₅₄ 'éi₂:

—Quian₅₄ bí₂ 'éi₃ quió₅ Jesucristo, jmo₅₄ jniá₂ 'éi₃, jú₅ quió₅ 'io₅₄ nē₅.

Jaun₂ co₂tan₅₄ dsi₂jui₅ jaun₂, ca₂o₃ 'ín₃ jme₂dsí₂ 'lin₅₄ ca₂téin₂ 'io₅₄.

¹⁹ Jme₁ca₂rë₃lí₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmi₂g₄ a₂lí₂ gué₄ cu₄ quian₅₄ 'éi₂, jaun₂ ca₂jñai₃ Pa₄ quian₅₄ Silas, ca₂tág₃ ju₅ 'ma₅₄ ne₄ dsi₂tan₅₄. ²⁰ Jaun₂ ca₂i₁jo₅₄ ja₁tián₄ jué₄, jaun₂ ca₂juá₂:

—Dsa₂ la₂, i₂lín₅ judíos, i₂nioi₅₄ tsi₂jñin₂₃ dsa₂ juig₂ go₄ jniog₄. ²¹ Qui₂'ë₅ jme₂tiin₂₃ dsa₂ tag₄ a₂tsá₃ dsi₂ten₅₄ gué₁ jniog₄, on₃ gué₂ dsi₂ten₅₄ jua₅₄ a₂jmo₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂jmaí₂ Pa₄ quian₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin₅₄, jaun₂ ca₂jmo₃ 'éi₃ a₂bóg₂ nē₃ quian₅₄ ni₁'ma₂. ²³ Jme₁ma₂dsan₃ bóg₂ 'ñio₅ lin₃, jaun₂ gué₄ ca₂to₂ né₃ 'má₃. Ca₂jmo₃ 'éi₃ a₂jmo₃ dsa₂ i₂niog₅ gu₂ 'né₅ 'má₃ 'í₁ dse₃ lin₃. ²⁴ Dsa₂ 'éi₂ nē₃, jme₁ca₂ñi₂ 'éi₃ jaun₂, ca₂i₁tio₂ ca₂të₂ quióng₄ tsi₁'né₅ 'má₃, le₁tia₃ mi₂tag₅₄ 'ñió₃ tau₂ ni₁'ma₂.

²⁵ La₁ con₂ dsi₃nei₅ jme₁ca₂'ë₃ Pa₄ alabanzas quian₅₄ Silas qui₂ca₂tsí₃ Diú₄, qui₂ca₂nág₂ bá₄ dsa₂ sián₂ i₂tion₅₄ 'né₅ 'má₃. ²⁶ Të₃jë₄ jaun₂, con₂ tsá₃ ján₅ dsa₂, ca₂i₁bí₅₄ 'uë₃ tiá₂ lin₃, ca₂lia₂ qui₂ca₂jë₂ 'uig₅₄ ni₁'ia₂ tsi₁'né₅ 'má₃, qui₂ca₂niá₃ ca₂le₃jë₃ o₄'né₄, qui₂ca₂gag₂ ñí₁ cadenas a₂jme₁le₁'ñe₅₄ ca₂le₃jín₃ dsa₂ i₂jme₁tion₅₄ 'ñió₃. ²⁷ Jme₁ca₂ñé₃ dsa₂ i₂jmo₅ 'í₁, ca₂jág₃

[‡] 16:16 lit. "jan₂ 'io₅₄ chi₂ i₂jme₁jio₅ jme₂dsí₂ quió₅ dsi₂mi₂ cua₁ pithón."

ma₂le₁na₁ jē₂ o₄'né₄ 'né₅ 'má₃, jaun₂ ca₂dsi₂ ŋi₁tág₂ quió'₅
a₂jme₁ŋi₁'₃ 'ŋiog₅. Ia₁ lín₂ ma₂ca₂lón₂ jin₂ bá₄ i₂le₁ŋi₁'₅ né'₃ 'má₃.
28 La₁ dsi₂jui₅ ca₂guió'₃ Pa₄ ca₂juá'₂:

—Tsá₃ lē₁jmag'₅₄ uig₅ 'ŋiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

29 Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tē₃ gó'₅
jlein₂₃ ŋó₃ ca₂chi₃jné₃ ne₄ Pa₄ quian'₅₄ Silas. 30 Jaun₂ ca₂'uág'₂
tē₂ca₁'né₄, jaun₂ ca₂ŋag₃:

—'Nia'₂ dsa₂, ħ'₂e₂ 'nió'₅ jmo₅₄ jniá₂ ia₁jaun₂ lión₂ jniá₂?

31 Jaun₂ ca₂juá'₂ 'éi₂:

—'Én₃ tē₂le₃ quió'₅ Te₁gui'₅₄ Jesucristo, jaun₂ bá₄ tíng'₄,
quiang'₅₄ ca₂le₃jín₃ dsa₂ dsi₂néi₂ quiáng'₂.

32 Jaun₂ ca₂cuē₃ Pa₄ quian'₅₄ Silas jág₁ dse₃ quió'₅ Te₁gui'₅₄
ca₂cuē'₃ dsa₂ 'éi₂ quian'₅₄ ca₂le₃jín₃ dsa₂ i₂tián'₅ dsi₂néi₂ quió'₅.

33 Hora jaun₂ a₂'uē₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃
ja₁qui₂le₁cuí'₃ quió'₅ Pa₄ quiaín'₅₄ Silas. Jaun₂ 'éi₂ quiaín'₅₄
ca₂le₃jín₃ dsa₂ dsi₂néi₂ quió'₅, ca₂ŋjói₂ jmig₂. 34 Jme₁co₂lág₂
jaun₂, ca₂tág₃ ja₁quió'₄, ca₂i₁cuē₂ a₂guē'₃. Jaun₂ 'io'₂ jmo₂₃
ca₂le₃jín₃, ia₁ ca₂rē₃'éin₂ jág₁ quió'₅ Diú₄.

35 Jme₁jnia₃ jaun₂, ca₂chen₃ juē₄ chi'₂ 'i'₅₄ a₂ca₂i₁chi'₄ dsa₂
i₂niog₅ gu₂ 'né₅ 'má₃, a₂lióin₂ dsa₂ 'éi₂. 36 Jaun₂ ca₂juá'₂ dsa₂
i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ŋig₂ 'éi'₃ quió'₅ juē₄ a₂long₅₄ 'nia'₂. Jaun₂ ma₂lé₂ o₁no'₄
'nia'₂ tei₄ quiáng'₂.

37 Jaun₂ ca₂juá'₂ Pa₄ ca₂tsí'₃ chi'₂ 'i'₅₄:

—Ca₂chóng'₂ dsa₂ jnia'₅₄, qui₂ca₂bóg₂ tē₃jín₄ dsa₂ juín₅ tē₃ tsá₃
ca₂cáun₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma.
Jaun₂ guē₄ ca₂to'₂ né'₃ 'má₃. ħNē₃ ně₃ 'nio₃ lió₂ jnia'₅₄ con'₂
tē₃co'₅₄? Tsá₃ le₂jaun₂. Jui₁ja₂léin₂ guioin₅₄ jui₁ja₂'uag'₅₄, jui₁lia'₂
ca₂to'₂.

38 Jaun₂ guē₄ ca₂i₁con₂ chi'₂ 'i'₅₄ jág₁ jaun₂ ne₄ juē₄, jaun₂
ca₂rē₃gó'₅ jme₁ca₂rē₃ŋi₅ a₂lín₅ Pa₄ quian'₅₄ Silas dsa₂ tén₅ Roma.

39 Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quian'₅₄
Silas. Ca₂'uág'₂ bá₄ jaun₂ ně₃, jaun₂ ca₂juá'₂ a₂'uín₃ 'éi₂ juig₂
jaun₂. 40 Jme₁ma₂'uin₂ 'éi₂ 'né₅ 'má₃, ca₂i₃lein₃ ja₁quió'₄ 'io'₅₄
Lidia. Jme₁ca₂ŋi₁'₂ quiaín'₅₄ riín'₅₄, qui₂ca₂cuē₃ bí₂ ně₃, jaun₂
guē₄ ca₂'uín₂ ja₁jaun₂, ca₂i₁lein₅₄ guē₄ juig₂ siá'₂.

17

Ca₂lē₃ mi'₅₄ juig₂ Tesalónica

1 Jui₅ ja₁ca₂ŋe₄ Pa₄ quiaín'₅₄ Silas jaun₂, ca₂i₁ŋi₁₁₂ juig₂
Anfípolis quian'₅₄ juig₂ Apolonia ně₃. Jaun₂ ca₂dsi₃léin₂ juig₂
chei₂ Tesalónica. Ja₁jaun₂ jme₁chi'₄ guá'₅ sinagoga quió'₅ dsa₂
judíos. 2 Pa₄ ně₃, ia₁ le₂jaun₂ tīn₂ quió'₅, ca₂ŋei₅₄ guá'₅. Tē₁lia'₂

ca₂'₁₃ tin₃-ni₅ semana ja₁jaun₂, qui₂ca₂dsia₃ jág₁ quian'₅₄ dsa₂
ca₂le₃jě₃ jmig₄ sa₅₄, ju₁lia'₂ jág₁ a₂juá'₂ ne₄ Si₂. ³ Qui₂ca₂cuē₃ jág₁
dsau₅'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ nág₃
uig₅ I₂rē₂'ín₁ quián₅ Diú₄, jaun₂ cang₂ jē₁ma₂join₂₃, a₂tion₅₄ niog₅
jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ě₅ juig₂ 'nia'₂, I₂rē₂'ín₁ quián₅ Diú₄
bá₄ 'éi₂.

⁴ Jaun₂ ca₂rē₃'én₂ i₂lin₅₄ dsa₂ judíos, ca₂jme₃quian'₅₄
Pa₄ quian'₅₄ Silas. Ján₃ bá₄ ca₂rē₃'én₂ juin₅ dsa₂ griegos
i₂jme₁jme₂juin'₂ Diú₄, ca₂rē₃'én₂ juin₅ 'io₅₄ dsen₅₄ ně₃. ⁵ La₁ dsa₂
judíos i₂tsá₃ 'én₂ ně₃, ca₂rē₃'néi₃ a₂dsí'₅. Jaun₂ ca₂jme₃quian'₅₄
co₂nió'₃ dsa₂ juí'₅ i₂lě₁jme₁nio₄ tsi₁jin₁ jě₄ calle. Ca₂quian'₃
jág₁ quió'₅, ca₂i₁nioi₁₂ ca₂tó'₂ mi'₅₄, tsi₂jii₂₃ dsa₂ juig₂. Jaun₂
ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄
quian'₅₄ Silas, a₂jme₁tě₂ 'éi₂ jin₄ dsa₂ juig₂. ⁶ Ia₁ tsá₃ ca₂dsáin'₂
'éi₂ ja₁jaun₂, Jasón bá₄ qui₂ca₂tsi₃cuin'₂ quian'₅₄ guě₄ riin'₅₄
i₂'én₂, jaun₂ ca₂tág₃ jui₅ ne₄ta₁, ca₂i₁jang'₂ ne₄ dsit₂tan₅₄, jaun₂
ca₂juá'₂ ca₂lia'₂ quió'₅ tioen'₅₄:

—I₂la₂ bá₄ dsa₂ i₂ñi₄ lě₃ ma₂jmo₃ tsá₃ ma₃caun₂ 'ei₅ jág₁,
qui₂ma₂jéin'₂ dsa₂ ta₁caun₂ mi₂güig₃. Le₂jaun₂ bá₄ 'nio₃ jmo₃
ja₁lá₃ ján₃, ta₁ jaun₂ bá₄ ja₂léin₂. ⁷ Jasón la₂ ně₂cuē₃ jmig₄ ně₂jñia₃
dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂
con'₂ lě₅ 'éi'₃ quió'₅ gui₅₄ emperador. Ia₁ i₂nioi₅₄ tsí'₅ dsa₂
a₂chan₂ guě₄ jan₂ rag₅₄ sián'₂, jan₂ i₂chen₂ Jesús.

⁸ Jme₁ca₂nág₂ dsa₂ le₂ně₅, ca₂tóin'₂ go₂'i₃ quian'₅₄ dsi₂tan₅₄.

⁹ La₁ Jasón quian'₅₄ riin'₅₄ ca₂quí₃ cu₄ ne₄ dsi₂tan₅₄, jaun₂ guě₄
ca₂lió₂ dsa₂.

Pablo quian'₅₄ Silas tioen'₅₄ juig₂ Berea

¹⁰ Dsi₂jui₅ le₂jaun₂ ca₂jmo₃ riin'₅₄ a₂ñó₃ Pa₄ quian'₅₄ Silas
tě₃ a₂'uě₂ juí₅ Berea. Jme₁ca₂dsi₃léin₂ ja₁jaun₂, i₁lein₅₄ dsi₂jui₅
dsi₂néi₂ guá'₅ sinagoga quió'₅ dsa₂ judíos. ¹¹ Dsa₂ judíos
i₂jme₁tián'₄ ja₁jaun₂ jme₁dsein₃ con'₂ guě₄ dsa₂ juig₂ Tesalónica.
Lia'₂ 'i₄ rě₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jě₃
jmig₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃ le₃ñi₅ chi₂jua'₂
dsón'₂ bá₄ le₂jaun₂ lě₅ jág₁ a₂cuē₅ Pa₄ quian'₅₄ Silas. ¹² Juin₅
bá₄ dsa₂ judíos 'éi₂ ca₂rē₃'én₂. Ján₃ bá₄ le₂jaun₂ juin₅ dsa₂
griegos, lia'₂ dsa₂ ñe'₂ lia'₂ 'io₅₄ dsen₅₄ ně₃. ¹³ La₁ jme₁ca₂rē₃ñi₅
dsa₂ chan₂ Tesalónica a₂'en₅₄ Pa₄ 'ě'₅ dsa₂ jág₁ dse₃ quió'₅ Diú₄
juig₂ Berea ján₃, jaun₂ ca₂i₃léin₂ ja₁jaun₂, ca₂chi₂ca₂jain₃ dsa₂.
¹⁴ La₁ co₂tan₅₄ ca₂chei₃ riin'₅₄ ca₂chein₃ Pa₄ chei'₅₄ jmi₁ñi'₄.
Ca₂jñia₃ bá₄ Silas quian'₅₄ Timoteo juig₂ Berea. ¹⁵ Ca₂i₁jio₃
dsa₂ i₂jme₁quian'₅₄ Pa₄ ca₂i₁jñia₃ 'éi₂ ca₂tě₂ juig₂ Atenas. Jaun₂
ca₂i₃lein₃ táng₃ le₁quion₂ jág₁ quió'₅ Pa₄ a₂jia₃ Silas quian'₅₄
Timoteo a₂dsi₃jme₃quiong'₅₄ dsi₂jui₅.

'En₅₄ Pablo juig₂ Atenas

16 Të₁lia'₂ 'en₅₄ Pa₄ chi₁n₂jia₂₃ Silas quian'₅₄ Timoteo juig₂ Atenas, tsá₃ dse₃ 'ei₅ dsí₅, ia₁ ca₂jín₂ juin₅ lin₃ diú₄ lag₄ tión₂ le₂tan₅₄ jë₄ juig₂. 17 Jaun₂ ca₂i₁'ë₄ jág₁ dse₃ dsi₂néi₂ guá'₅ sinagoga, ca₂tsí'₃ dsa₂ judíos, dsa₂ sián'₂ në₃ i₂jme₂juin'₂ Diú₄ të₃dsón'₂. Ca₂le₃jë₃ jmig₄ në₃, qui₂ca₂'ë₂ Pa₄ jág₁ dse₃ jë₄ 'ma'₅₄ ca₂tsí'₃ ca₂le₃jín₃ dsa₂ i₂jme₁jein'₂ ja₁jaun₂. 18 I₂lin₅₄ dsa₂ i₂jme₁jme₂tag₅ si₂ quió'₅ dsa₂ i₂të'₂ dsa₂ epicúreos, i₂lin₅₄ guë'₂ i₂jme₁jme₂tag₅ si₂ quió'₅ i₂të'₂ dsa₂ estoicos, dsa₂ 'éi₂ ca₂jme₃lió₃ ca₂dsia₃ jág₁ quian'₅₄ Pa₄. I₂lin₅₄ guë'₂ dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ në₅ a₂juá'₂ tság₃ jniog₄.

I₂lin₅₄ guë'₂ juá'₂ táng₃:

—Mei'₂ tsá₃ i₂'ë₂ jág₁ quió'₅ diú₄ sián'₂ i₂quián₅ dsi₂nau₂ bá₄ në₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ë₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃. 19 Jaun₂ ca₂n₂jia₃ Pa₄ caun₂ ja₁chei₂ Areópago. Jme₁ca₂dsi₃léin₂ ja₁jaun₂, ca₂n₂jí'₃ Pa₄ ca₂juá'₂:

—¿Lé₂ le₃ne₄ jnia'₅₄ 'e₂ jág₁ 'mí₂ dsia'₂ a₂jme₂tág'₂? 20 'Niog₂ jnia'₅₄ le₃ne₄ 'e₂ jein₅ jág₁ a₁juá'₂ 'ne₂ në₅. Ja₂lin₃ guë'₄ siá'₂ né'₂.

21 Ia₁ ca₂le₃jín₃ bá₄ dsa₂ chan₂ Atenas, quian'₅₄ dsi₂nau₂ i₂jme₁tián'₄ ja₁jaun₂, jmá'₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ në₃, jmá'₃ ca₂ne₅₄ jág₁ 'mí₂ a₂cha₂.

22 Jaun₂ ca₂nau₂ Pa₄ dsi₂jo₂ ja₁le₁n₂i'₂ dsa₂ jaun₂, jaun₂ ca₂juá'₂:

—'Nia'₂ dsa₂ chan₂ Atenas, jág₅ jniá₂ 'ñio₅ 'én'₂ 'nia'₂ të₂le₃ quió'₅ diú₄ lag₄ quián'₂ 'nia'₂. 23 Ia₁ lia'₂ con'₂ ca₂n₂i₅ jniá₂ ca₂jág₃ ja₁chi₁len'₄ 'nia'₂ diú₄ lag₄ quiáng'₂, ca₂jág₃ caun₂ ja₁lë₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUIN₅ DSA₂.” Ia₁ dse₃ bá₄ guë'₂ jaun₂. Diú₄ 'éi₂ i₂chi₁len'₄ 'nia'₂, Diú₄ i₂tsá₃ cuin'₂ 'nia'₂, i₂'éi₂ bá₄ 'ín₄ jniá₂, jág₁ quió'₅ 'éi₂ bá₄ 'ë₅ jniá₂, juig₂ 'nia'₂.

24 'Diú₄ 'éi₂ i₂ca₂jmo₃ mi₂güí₃, ca₂jmo₃ ca₂le₃jë₃ 'e₂ a₂cha₂ ja₁jaun₂, 'éi₂ bá₄ quió'₅ guei'₅₄ mi₂güí₃ quian'₅₄ gua'₅₄ 'uë₃ në₃. La₁ tsá₃ guá₅ dsi₂néi₂ guá'₅ a₂jmo₅ dsa₂ mi₂güí₃, 25 on₃ guë'₂ chi₁quian₁₂ jmig₄ jua'₅₄ a₂'nió'₅ jmo₃ dsa₂ 'e₂ jmo₃ quió'₅. Ia₁ 'ñiog₅ bá₄ Diú₄ jmo₂₃ cuë₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jë₃ guë'₄ 'e₂ a₂cha₂.

26 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jë₃ juig₂, ia₁jaun₂ tiain'₃ ta₁caun₂ mi₂güí₃. Jaun₂ ca₂jmo₃ Diú₄ 'éi'₃ ca₂'ë₃ ja₁tian'₃ dsa₂ në₃, 'a₂ con'₂ uë₂ 'io₃ bí₂ le₂caun₂ le₂caun₂ juig₂, 27 ia₁jaun₂ 'nai'₂ Diú₄, a₂n₂jia₅₄ chi₂lá'₂ quian'₅₄ gu₂, con'₂ tsá₃ ñó₅ në₁ca₂dsáu'₂, o₁n₂jia₅₄ la₂ tsá₃ úing₂ guá₅ Diú₄ ja₁con₂ jniog₄ le₂jau₂ le₂jau₂. 28 Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ në₃. * Ju₁lia'₂ ma₂ca₂juá'₂ i₂lin₅₄ dsa₂ poetas quián'₂ 'nia'₂

* 17:28 lit. “a₂chong₂, a₂i₂nio₄ jniog₄, a₂'i₄ jme₂dsí₂ jniog₄.”

ján₃, jme₁ca₂juá'₂: “Chi'₂guein₂ quián₅ Diú₄ bá₄ lág₅ jniog₄.”
²⁹ Chi₂jua'₂ lág₅ jniog₄ chi'₂guein₂ quián₅ Diú₄, jaun₂ tsá₃ dse₃
 juá'₅₄ a₂jmó₁ jniog₄ dsi₅ a₂lín₅ Diú₄ jui₁lia'₂ lě₅ caun₂ nió'₄ dsa₂
 lag₄ cu₄nióg₄, on₃ guě'₂ cu₄tiog₂, on₃ guě'₂ ni₁cang₁ a₂tin₂ dsa₂
 jmo₂₃ con'₂ lě₅ dsi₂jniog₅ dsí₅ guioin₅₄.
³⁰ Tsá₃ lín₄ ca₂tón'₃ Diú₄
 jui₅ 'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ ni₅ dsa₂. La₁ rě₂ně₃
 ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güí₃ a₂'nió'₅
 dsi₃quén'₅ dsí₅.
³¹ Ia₁ ma₂lě₅ 'éi'₃ quió'₅ Diú₄ a₂já₅ caun₂ jmig₄
 jě₁qui₃dsi₂₃ 'éi'₃ rě₂ con'₂ dsi₂ten₅₄ quió'₅ dsa₂ mi₂güí₃, tě₂le₃
 quian'₅₄ jan₂ dsa₂ i₂ca₂quióin'₂ quiáin₅. Jaun₂ ma₂ca₂jmo₃ léi₄
 lia'₂ con'₂ jme₁ca₂jme₃jein'₅₄ 'éi₂ jin₄ 'lag₄.

³² Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lín₅₄ dsa₂ njia'₅₄
 ca₂ňág₂ bá₄. I₂lín₅₄ guě'₂ ca₂juá'₂:

—Ně₅ néi₁ táng₃ jnia'₅₄ caun₂ jmig₄ siá'₂ quiáng'₂.

³³ Jaun₂ ca₂o₂'ín₃ bá₄ Pa₄ jě₄ jaun₂.

³⁴ La₁ i₂lín₅₄ dsa₂ ca₂rě₃'éin₂ bá₄, jaun₂ ca₂'ein₃ 'éi₂. Jě₄ jaun₂
 jme₁'en₅₄ i₂chen₂ Dionisio i₂lín₅ rín'₅₄ dsi₂tan₅₄ quián₅ Areópago;
 jan₂ guě'₂ 'io₅₄ ně₃ i₂chen₂ Dámaris; lě₂ bá₄ guě'₄ dsa₂ i₂quiong'₅₄.

18

'En₅₄ Pablo juig₂ Corinto

¹ Cang₂ jaun₂ ca₂o₃'ín₃ Pa₄ juig₂ Atenas, ca₂ňó₃ jui₅ Corinto.
² Ja₁jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uě₃
 Ponto. Jme₁guá₄ 'uě₃ Italia le₃ňiá₅, la₁ ca₂jmo₃ 'éi'₃ gui'₅₄ em-
 perador Claudio a₂ca₂'uúin'₂ ca₂le₃jín₃ dsa₂ judíos i₂jme₁tián'₄
 juig₂ Roma. 'Uig₅₄ jaun₂ ca₂o₃'ín₃ quiain'₅₄ Priscila 'io₅₄ quiáin₅,
 a₂ma₂tiáin'₅ juig₂ Corinto. Jme₁ca₂dsióg₃ Pa₄ ca₂i₁jin₁₂ dsa₂ 'éi₂,
³ jaun₂ ca₂'í₃ ja₁quió'₄, ca₂jmo₃ ta₁ co₂lě₅ quiong'₅₄, ia₁ ján₃ bá₄
 tiin₂ 'me₃ tsi₁'mi₂ a₂jmo₅ dsa₂ tsi₁'né₅.
⁴ Jaun₂ ca₂le₃jě₃ jmig₄
 sa₅₄, jme₁dsó₅ Pa₄ guá'₅ sinagoga a₂jme₂tiin₂₃ dsa₂ jág₁ dse₃,
 a₂jme₁jme₂'uáin₂ dsí₅ dsa₂, lia'₂ dsa₂ judíos lia'₂ dsi₂nau₂ ně₃.
⁵ Jme₁dsióg₃ Timoteo quiain'₅₄ Silas a₂ca₂'uúin₂ Macedonia,
 a₂dsi₃léin₂ tě₂ ja₁'en₅₄ Pa₄, jaun₂ guě'₄ ca₂'ě₂ Pa₄ dsen₅₄ dsí₅ jág₁
 quió'₅ Diú₄. Jaun₂ guě'₄ ca₂tsí'₃ dsa₂ judíos a₂lín₅ Jesús dsa₂
 I₂rě₂'ín₁ quián₅ Diú₄.
⁶ La₁ dsa₂ ně₃, 'io₅₄ ca₂tiin₂ jág₁ jaun₂, jaun₂
 ca₂jme₃lióg₃ qui₂ca₂jnai'₂ jág₁ uig₅ Pa₄. 'Éi₂ ně₃ qui₂ca₂séi'₂ 'liog₂
 ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄
 dsáu'₂. Tsá₃ ma₃'e₂ le₁cán'₄ jniá₂. Le₃ne₄ jui₅ ně₃ nei₅₄ ja₁con₂
 dsi₂nau₂.

⁷ Ca₂o₃'ín₃ bá₄ Pa₄ dsi₂néi₂ guá'₅ sinagoga jaun₂ ně₃. Ca₂ňó₃
 ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂

ně₃, jme₁guá₄ cau₅ guá'₅. ⁸ Dsa₂ i₂jme₁lín₄ dsa₂ dse_n₅₄ quián₅ guá'₅, dsa₂ i₂chen₂ Crispo, ca₂rě₃'éin₂ tē₂le₃ quió'₅ Te₁gui'₅₄, co₂dsia₅ quian'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rě₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uě₂, a₂lě₁ca₂jén'₃ Pa₄ ca₂jín₂ Te₁gui'₅₄, a₂juá'₂:

—Tsá₃ lě₁jmo₂ gang'₃ a₂'ě'₄ jág₁. Caun₂ dsia₄ bá₄, tsá₃ lě₁jmo₂ tei₄. ¹⁰ Ia₁ quian'₅₄ bá₄ jniá₂ 'ne₂; 'i₁jan₂ tsá₃ téi₂ gu₂ jua'₅₄ a₂jmóg'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹ Caun₂ ŋi₂ tē₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tiin₂₃ dsa₂ jág₁ quió'₅ Diú₄.

¹² La₁ jmig₄ jaun₂ ca₂lín₃ dsi₄má'₂ 'uě₃ Acaya jan₂ dsa₂ i₂chen₂ Galión. Jaun₂ ca₂ŋi'₂ dsa₂ judíos i₂ŋia₅₄ Pa₄, ca₂tág₃ jui₅ ne₄ta₁.

¹³ Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂ně₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lě₅ 'Éi'₃.

¹⁴ Jě₁jme₁ma₂ŋag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ guě₃ dso₄ juě'₂ ca₂rě₃cán'₂ dsa₂ ně₅, jme₁jmo₅₄ bá₄ jniá₂ juin'₂ dsi₃ a₂jme₁nag₅₄ jág₁ quián'₂ 'nia'₂. ¹⁵ La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá₂. Jme₁rě₂ bá₄ 'nia'₂ guiong'₅₄ quiáng'₂.

¹⁶ Jaun₂ ca₂'uág'₂ ca₂'uín'₂ 'éi₂ ne₄ta₁ jaun₂. ¹⁷ Jaun₂ ca₂ŋjau'₃ ca₂le₃jín₃ dsa₂ griegos ca₂ŋjai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ tē₃ jág₅ dsi₄má'₂. La₁ tsá₃ ma₃a₂jaun₂ dsan₂ dsí₅ gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ŋó₃ táng₃ ca₂i'₁ 'ě₄ jág₁ dse₃ jě₁ca₂tě₂ 'nag'₂ ráun₂

¹⁸ Uě₂ bá₄ guě₄ ca₂ŋjia₃ Pa₄ jě₄ juig₂ Corinto. Cang₂ guě₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea ně₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuě'₃ Diú₄ le₂ŋjiá₅. Jaun₂ ca₂'í₃ ni₁barco ca₂ŋó₃ jui₅ ja₁tén₄ Siria quian'₅₄ Priscila, Aquila ně₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian'₅₄ Aquila, ca₂ŋó₃ jui₅ guá'₅ sinagoga ca₂1₁dsia₂ jág₁ quian'₅₄ dsa₂ judíos i₂jme₁tion'₅₄ le₁ŋi'₂. ²⁰ Jme₁ca₂juá'₂ guě₄ dsa₂ ja₁jaun₂ a₂jme₁ŋjia₃ guě₄ uě₂ Pa₄, la₁ tsá₃ ma₃ca₂gue₃ 'éi₂. ²¹ Jaun₂ ca₂'ág'₃ jág₁ jin₄ riin'₅₄, ca₂juá'₂:

—Tion₅₄ niog₅ nég'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂ 'nia'₂ ně₁jua'₂ 'nio₃ Diú₄.

Jaun₂ ca₂'í₃ ni₁barco ca₂o₃'iin₃ juig₂ Efeso. ²² Jme₁ca₂dsióg₃ Cesarea, ca₂ŋe₄ Pa₄ i₁cuin₃ Diú₄ riin'₅₄ i₂tián'₅ Jerusalén. Jaun₂ ca₂ŋái'₃ táng₃ jui₅ Antioquía. ²³ Jme₁ma₂ne₁ŋó₄ jmig₄ 'ein₅₄ ja₁jaun₂, ca₂ŋei₅₄ táng₃ ca₂i₁ŋi₂ le₂caun₂ le₂caun₂ juig₂ ja₁tén₄

'uë₃ Galacia quian'₅₄ Frigia, qui₂ca₂cuë'₃ bí₂ ca₂le₃jín₃ dsa₂ i₂'én₂ riin'₅₄.

Ca₂'ë₂ Apolos jág₁ dse₃ juig₂ Efeso

²⁴ Jmí₄ jaun₂ ca₂dsió₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Ñio₅ lín₃ jme₁tín₂ dsa₂ 'éi₂ 'ë₂ jág₁ quió'₅ Diú₄, dse₃ jme₁cuí'₅ Si₂ quió'₅ Diú₄. ²⁵ Jme₁ma₂ñi₅ Apolos 'éi₂ 'a₂ lia'₂ lë₅ jui₅ quió'₅ Te₁gui'₅₄. Jaun₂ 'ñio₂ dsí₅ qui₂ca₂dsia₃ jág₁ qui₂ca₂jme₂tiin₂₃ dsa₂ co₂rë₂ jág₁ quió'₅ Jesús, ton'₂ jmá'₃ jñia'₅₄ a₂jaun₂ bá₄ jme₁ñi₅ Apolos 'a₂ lia'₂ jme₁jme₂tag₅ Juan₅₄ jui₁lia'₂ a₂choin₂₃ dsa₂ jmí₂. ²⁶ Ca₂jme₃lió₃ Apolos ca₂juá'₂ dsi₂néi₂ guá'₅ sinagoga ca₂tsí'₃ dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian'₅₄ Aquila, ca₂të'₃ Apolos cau₅, ca₂jme₃tag₂₃ guë₄ rë₂ 'a₂ lia'₂ lë₅ jui₅ quió'₅ Diú₄. ²⁷ Jaun₂ në₃, lia'₂ con'₂ jme₁ñio₃ Apolos jme₁ñi₃ jui₅ Acaya, ca₂cuë₃ riin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme₁ca₂dsió₃ Apolos 'uë₃ Acaya, ca₂jme₃'oin₅₄ 'ñio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rë₃'én₂ dsa₂ 'éi₂. ²⁸ Jaun₂ qui₂ca₂tsiin₂ quian'₅₄ dsa₂ judíos, jaun₂ ca₂lí'₃ bá₄ Apolos ne₄ ja₁tsiin₂₃ jaun₂, të₃ jág₅ ca₂le₃jín₃ dsa₂. Ia₁ lia'₂ con'₂ lë₅ Si₂ quió'₅ Diú₄ bá₄ ca₂'ë'₃ dsa₂ 'éi₂, a₂dsón'₂ bá₄ lín₅ Jesús I₂rë₂'ín₁ quián₅ Diú₄.

19

'En₅₄ Pablo juig₂ Efeso

¹ Të₁lia'₂ 'en₅₄ Apolos juig₂ Corinto, Pa₄ guë'₂ ca₂ñi₃ le₂tan₅₄ jui₅ má'₂ a₂ca₂dsió₃ Efeso. Ja₁jaun₂ ca₂jein'₂ i₂lín₅₄ dsa₂ 'én₂.

² Jaun₂ ca₂ñag₃ 'éi₂ ca₂ñi'₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jñi₅o₅ lia'₂ con'₂ jme₁ca₂rë₃'én'₂ 'nia'₂ jág₁ dse₃?

Jaun₂ ca₂ñag₃ dsa₂:

—Ca₂lia'₂ jñia'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsí₂ Jñi₅o₅.

³ Jaun₂ ca₂ñag₃ táng₃ Pa₄:

—¿'A₂ guë'₂ lia'₂ ca₂jñó'₂ 'nia'₂ jmí₂g₂?

Ca₂ñag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme₁chon₅ Juan₅₄ jmí₂g₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jiá₃ chi₁quín₃, a₂'iin₂₃ Jesucristo.

⁵ Jme₁ma₂në₂néi₂ dsa₂ le₂në₅, qui₂ca₂choin₃ jmí₂g₂ lia'₂ con'₂ lë₅ 'éi'₃ quió'₅ Te₁gui'₅₄ Jesús. ⁶ Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsi₂jui₅ le₂jaun₂ ca₂guan₃ Jme₂dsí₂ Jñi₅o₅ ca₂'í₃

të₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuë₃ Diú₄ nē₃. ⁷ Con'₂ guia₃-tín₂ dsa₂ jme₁lë₂ le₃jün₃.

⁸ Con'₂ 'ni₅ tsi'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ të₂le₃ ja₁gon₂ Diú₄. ⁹ La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rë₃'éin₂. Jjia'₅₄ qui₂ca₂ton₃ 'lig'₅₄ bá₄ Jui₅ quió'₅ Te₁gui'₅₄ jin₄ dsa₂. Jaun₂ ca₂të'₃ Pa₄ co₂nió'₃ jmá'₃ dsa₂ i₂én₂ ca₂'u_{in}₂ ja₁jaun₂ ca₂i₃léin₂ caun₂ escuela ja₁të'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmig₄. ¹⁰ Ca₂dsin₃ tin₃ nj₂ ca₂'í₃ ja₁jaun₂, jaun₂ le₃jün₃ dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos nē₃. ¹¹ Jaun₂ 'lióng₂ léi₄ juë'₂ ca₂jmo₃ Diú₄ të₂le₃ quian'₅₄ Pa₄, ¹² le₂jio₅ ni₁tsin'₅₄ dsa₂, o₃ pe₁guá'₄ 'e₂ a₂qui₂ca₂ní'₃ quió'₅, jme₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u_{in}₂ jme₂dsí'₂ 'lin'₅₄ quió'₅ dsa₂ nē₃.

¹³ La₁ i₂lin₅₄ dsa₂ judíos i₂jme₁i₂nio₄ jmo₂₃ 'u_{in}₂ jme₂dsí'₂ 'lin'₅₄ quió'₅ dsa₂, * dsa₂ 'éi₂ jme₁'nio₃ jme₁'iin₃ Te₁gui'₅₄ Jesús ju₁lia'₂ jë'₁'u_{in}₂ jme₂dsí'₂ 'lin'₅₄, ca₂juá'₂ tsí'₅ jme₂dsí'₂ 'lin'₅₄:

—Éi'₃ jmo₅ jniá'₂ quian'₅₄ bí₂ 'éi'₃ quió'₅ Jesús i₂'in₅ Pa₄ nē₅, 'u_{in}₂ 'nia'₂.

¹⁴ Le₂jaun₂ jme₁jmo₅ ta₁guion₃ chi'₂ ja₁nj₁'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. ¹⁵ La₁ jme₁ca₂jmo₃ le₂jaun₂, jaun₂ ca₂ñag₃ jme₂dsí'₂ 'lin'₅₄:

—Cuín₅ bá₄ jniá'₂ Jesús, ján₃ bá₄ guion₄ bá₄ jniá'₂ 'ein₂ 'éi₂ Pa₄. La₁ 'nia'₂ nē₃, ç' 'ein₂ bá₄ 'nia'₂ jmo'₂ 'éi'₃ a₂jú₄ jniá'₂?

¹⁶ Jaun₂ dsa₂ i₂jme₁'en₅₄ jme₂dsí'₂ 'lin'₅₄ quió'₅, ca₂cuë₃ 'ñio₅ lín₃ ca₂cuë'₃ ca₂le₃jün₃ dsa₂ 'éi₂, ca₂lia'₂ ca₂i₃lein₃ cuing₂₃ le₁cuáin'₃ qui₂le₁cuín'₂ nē₃. ¹⁷ Jaun₂ ca₂le₃jün₃ dsa₂ judíos, quian'₅₄ dsa₂ griegos nē₃, i₂jme₁tián'₄ juig₂ Efeso, ca₂rë₃gó'₅ 'ñio₅ lín₃ jme₁ca₂rë₃ñi₅, Jaun₂ ca₂rë₃juin'₂ Te₁gui'₅₄ Jesús 'ñio₅ lín₃.

¹⁸ Jaun₂ juin₅ dsa₂ i₂ca₂rë₃'én₂, ca₂dsi₃léin₂ ca₂jmo₃ qui₂ñi₃ quió'₅ ca₂le₃jë₃ a₂'lig'₅₄ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ nē₃, ca₂i₁quian'₅₄ si₂ lia'₂ quió'₅, jaun₂ ca₂dsí'₂ të₃ jág₅ dsa₂. Jme₁ca₂chen'₃ dsa₂ cuenta je₂liá'₂ dsin₅ 'i₄ 'ma'₅₄ le₃jë₃ si₂ jaun₂, ca₂dsióg₃ con'₂ të₂láu₃-guiá'₂ mei₅ 'éi'₃ cu₄ tiog₂. ²⁰ Jaun₂ nē₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí'₃ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uë₃ Macedonia quian'₅₄ Acaya, lia'₂ ma₂ñó₅ jaun₂ të₂ Jerusalén. Já₃ bá₄ ca₂juá'₂ táng₃, jë'₁ma₂ca₂dsióg₃ Jerusalén, a₂tion₅₄ dsó₃ ca₂të₂ Roma já₃. ²² Jaun₂ ca₂chein₃ on₃ dsa₂

* 19:13 griego: exorkiston (exorcistas).

i₂jme₂'o₅₄† quiáin₅: Timoteo, quaiain'₅₄ Erasto, a₂dsi₃léin₂ jui₅ Macedonia. Ca₂rē₃'iin₅₄ bá₄ guē₄ 'ñiog₅, 'uē₃ Asia.

Ca₂nio₃ mi'₅₄ jui₂ Efeso

23 Jmi₄ jaun₂, 'ñio₅ lin₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄. 24 Ia₁ jan₂ dsa₂ i₂chen₂ Demetrio i₂jme₁lín₄ tē₅ñi₁ cu₄tio₂, jme₁jmo₂₃ chéi₂ a₂rē₂lag₄ lia'₂ lē₅ guá'₅ ja₁chén'₄ 'io₅₄ diú₄ Diana.‡ 'Ñio₅ jme₁tñin₂₃ cu₄ quian'₅₄ ta₁ jaun₂ quió'₅, quian'₅₄ tē₅ñi₁ riin'₅₄ i₂jmo₅ ta₁ le₂jaun₂. 25 Jaun₂ Demetrio nē₃, ca₂ñi'₂ 'éi₂ quian'₅₄ guē₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ rin'₅₄ jniog₄, ñi'₅₄ bá₄ 'nia'₂ rē₂, a₂chong₂ jniog₄ dse₃ quian'₅₄ ta₁ quián₂. 26 Jaun₂ jág'₂ bá₄ 'nia'₂ a₂jmo₅ Pa₄ ñi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmo'₂ dsa₂ mi₂güig₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rē₃'én₂ nē₃, on₃juá'₅₄ jmá'₃ jui₂ Efeso la₂, mei'₂ tsá₃ le₂tan₅₄ 'uē₃ Asia bá₄. 27 Jaun₂ go'₂ tē₂le₃ quián₂ jniog₄, ia₁ dsi₃'én₂ ta₁ quián₂ lé₂. Ján₃ guē'₂ le₂jaun₂, tē₂le₃ quió'₅ guá'₅ quió'₅ diú₄ Diana juin'₂, go'₂ a₂dsi₃'én₂ ján₃. Ia₁ nē₁juá'₂ tsá₃ ma₂'nio₃ dsa₂, jaun₂ dsi₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rē₂nē₃ ta₁caun₂ 'uē₃ Asia, ta₁caun₂ mi₂güig₃ nē₃ jme₂go₃ dsa₂ a₂jme₂juag'₂.

28 Jme₁ca₂dsan₃ nag₅ dsa₂ le₂nē₅, ca₂rē₃'néi₃ 'ñio₅ lin₃, ca₂tóin'₂ ca₂guió'₃ ca₂juá'₂:

—i'Ñio₅ juin'₂ diú₄ Diana quián₅ dsa₂ jui₂ Efeso!

29 Jaun₂ ca₂lē₃ mi'₅₄ quió'₅ ca₂le₃jín₃ dsa₂ jui₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quaiain'₅₄ Aristarco i₂jme₁quian'₅₄ Pa₄, ca₂jñau'₃ ca₂i₃toin'₅₄ co₂dsia₅ ca₂tē₂ ja₁ñi'₂ Š dsa₂ jui₂. 30 Jaun₂ jme₁'nio₃ Pa₄ jme₁dsó₃ jin₄ dsa₂ jui₂ a₂jme₁dsi₃chi'₅₄ dsa₂. La₁ tsá₃ ca₂cuē₃ jmi₄ riin'₅₄ i₂'én₂. 31 I₂lín₅₄ dsa₂ dsen₅₄ quián₅ 'uē₃ Asia, i₂lín₅ dsa₂ a₂mei₅₄ quián₅ Pa₄, ján₃ bá₄ ca₂chein₃ jág₁ a₂tsá₃ dsi₂ten₅₄ jua'₅₄ a₂dsi₃'í₂ Pa₄ ja₁jaun₂. 32 Tē₁lia'₂ jaun₂ nē₃ ja₁tion'₅₄ dsa₂ jui₂ le₁ñi'₂ tñoin'₅₄ co₂mi'₅₄, lē₅ bá₄ qui₂juá'₂ jan₂-jan₂, tsá₃ caun₂ jág₁ 'ei₅, lē₅ guē₄ ca₂dsion₄ dsa₂ jñia'₅₄ tsá₃ ñi₅ 'e₂ lē₃ le₁ñi'₂. 33 La₁ jē₄ jaun₂ jme₁tion'₅₄ bá₄ i₂lín₅₄ dsa₂ i₂ñi₅. Jaun₂ ca₂juá'₂ 'a₂lia'₂ lē₅ ca₂tsí'₃ jan₂ i₂chen₂ Alejandro i₂jme₁ca₂'lian'₃ dsa₂ judíos a₂ca₂dsióg₃ tē₂ne₄ dsa₂ jui₂. Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá'₂ jág₁ a₂jme₁tsí'₃ dsa₂ a₂jme₁lióin₂ dsa₂ on₃ i₂ca₂jña'₃ dsa₂ 'éi₂. 34 La₁ jme₁ca₂rē₃lí₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃ hora qui₂guió'₅ ca₂juá'₂:

† 19:22 griego: diákonous. ‡ 19:24 griego: Artemis; (Diana chein₂ quian'₅₄ latín, jág₁, jmei₅ romano). § 19:29 griego: theatron (co₂'nió'₄ caun₂ estadio a₂lē₅ dso'₂ dsi₂con'₂).

—i'Njio₅ juin'₂ diú₄ Diana quián₅ dsa₂ juig₂ Efeso!

³⁵ Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió'₃ jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ gué₄ ca₂juá'₂:

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juin'₂ Diana, ton'₂ jmo₃ 'í₁ nió'₄ quió'₅ a₂ca₂sió₃ guei'₅₄ i₂juig₃. * ³⁶ 'I₁jan₂ jua'₅₄ le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃ né'₃ gué₄ a₂jmo'₂ 'e₂ jmo'₂. ³⁷ Ia₁ dsa₂ i₂nē₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ gué₄ 'in₂₃ 'lig'₅₄ diú₄ quián₂ jniog₄. ³⁸ Chi₂jua'₂ 'nio₃ Demetrio mi₃ dso₄, quiain'₅₄ ca₂le₃jín₃ i₂jmo₅ ta₁ quiain'₅₄, jaun₂ gué'₂ chan₂ dsi₂tan₅₄ ne₄ta₁ ja₁lé₂ dsi₃mi₃ dso₄. ³⁹ La₁ nē₁jua'₂ a₂mi'₂ 'nia'₂ lē₅ caun₂ dso₄ jué'₂ gué₄ con'₂ gué₄ a₂jaun₂, 'nió'₅ le₃rē₂ ne₄ dsi₂tan₅₄ jē₁ma₂le₁ñi'₂ dsa₂ juig₂. ⁴⁰ Ia₁ go'₂ quián₂ jniog₄ a₂jmo'₂ 'nia'₂ le₂nē₅, nē₁jua'₂ ca₂'nag₃ dsa₂ a₂ñi₄ lē₃ 'niog₂ mi'₅₄, jui₁lia'₂ mi'₅₄ a₂ca₂lē₃ nē₃. Ia₁ nē₁jua'₂ ca₂ñag₃ dsa₂ 'e₂ 'uig₅₄ ca₂lē₃ mi'₅₄ la₂, tsá₃ 'e₂ cha₂ le₃ñag₄.

⁴¹ Jme₁ma₂ca₂dsan₃ juá'₂ le₂nē₅, ca₂jme₃dsiain₂₃ bá₄ jág₁ a₂le₁ñi'₂ dsa₂. Jaun₂ ca₂dsiain'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uē₃ Macedonia quian'₅₄ Grecia

¹ Jme₁ca₂dsan₃ mi'₅₄ jaun₂, qui₂ca₂tē'₃ Pa₄ le₃jín₃ dsa₂ 'én₂, qui₂ca₂cuē'₃ bí₂. Jme₁ca₂lē₃ jaun₂, qui₂ca₂'ág'₃ jág₁ riin'₅₄. Jaun₂ gué₄ ca₂ñó₃ jui₅ Macedonia. ² Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cuē'₂ bí₂ riin'₅₄. Cang₂ gué₄ jaun₂ ca₂ñó₃ táng₃ jui₅ Grecia. ³ Ja₁jaun₂ ca₂'í₃ 'ni₅ tsi'₂. Jme₁ma₂'ein₅₄ jui₅ 'í₂ ni₁barco a₂dsó₃ jui₅ Siria, jme₁ca₂rē₃ñi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂ co₂ñei'₅₄ tsá₃ ma₃ca₂ñái'₃ jui₅ jaun₂. Ca₂ñái'₃ bá₄ táng₃ jui₅ 'uē₃ ca₂ñi₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ jui₅ i₂chen₂ Sópater ja₁ñi'₅₄ Pirro, * i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo nē₃ i₂chan₂ juig₂ gu'₂ ja₁tén₄ 'uē₃ Asia. ⁵ Jaun₂ nē₃, rin'₅₄ jniog₄ 'éi₂ ca₂i₃ñjiá'₄ ca₂i₁ñjio₁₂ juig₂ Troas. ⁶ Cang₂ jme₁ca₂gú'₃ jmig₄ a₂gué'₅ dsa₂ i₁ñi'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂ñia₄ jnia'₅₄ guio₃ jmig₄.

'En₅₄ Pablo juig₂ Troas

⁷ Jmíg₄ jē₁le₂'uig₅₄ semana, ca₂ñag'₂ jnia'₅₄ a₂ca₂dsiό'₄ i₁ñi'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tin₂₃ dsa₂. Caun₂

* 19:35 A₂lin₅₄ chog₅₄ si₂: "a₂ca₂sió₃ ja₁con₂ diú₄ Júpiter."

* 20:4 A₂lin₅₄ chog₅₄

si₂ tsá₃ chi₁ton₅ "ja₁ñi'₅₄ Pirro."

ca₂ton₃ jág₁ ca₂lia'₂ ca₂tě₂ dsi₃nei₅, ia₁ a₂ma₂'ein₅₄ jui₅ dsáin'₃ jě₁ma₂jnia₃ jaun₂. ⁸Jme₁tio'₅₄ jnia'₅₄ le₁ŋag'₂ caun₂ dsi₂néi₂ ja₁lě₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂. ⁹Jan₂ guě'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ŋ₄ lě₃ uě₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₁güin₃. Jme₁ma₂rě₂güin₃ tsá₃ ma₃lí'₄ jme₁ca₂táin'₂ ca₂tě₂ ja₁lě₄ 'ni₅ juin₃ guei'₅₄. Ma₂join₂₃ jme₁ca₂i₁cho'₄ dsa₂. ¹⁰Jaun₂ ca₂sión₃ Pa₄ ján₃, ca₂jŋai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:
—Tsá₃ lě₁jmo₂ 'nia'₂ gang'₃, ia₁ 'i₄ bá₄ jme₂dsi₂ quió'₅ chí'₂.

¹¹Jaun₂ ně₃ ca₂uig₂ táng₃ Pa₄ guei'₅₄. Jaun₂ ca₂dsi₃'₃ i₁ŋí'₄, ca₂guě'₃ bá₄ jaun₂ ně₃. Caun₂ ca₂dsia₃ bá₄ guě'₄ Pa₄ jág₁ ca₂lia'₂ ca₂jnia₃. Ca₂ŋái'₃ bá₄ jaun₂ ně₃. ¹²La₁ dsó₂ 'éi₂ ně₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jii₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

¹³Ca₂i₃jŋi₃o₄ bá₄ jnia'₅₄ i₂náú₅ quian'₅₄ ni₁barco ca₂tě₂ Asón ca₂i₁te₁ Pa₄, ia₁ jme₁ma₂lě₅ jág₁ a₂'nio₃ dsó₃ 'ŋiog₅ jui₅ tag₅₄. ¹⁴Jme₁ca₂rě₃quian'₅₄ jnia'₅₄ juig₂ Asón, ca₂'í₃ ni₁barco quian'₅₄ jnia'₅₄ a₂ca₂i₃náú₅ jui₅ Mitilene. ¹⁵Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ŋag₅₄ cau₅ ja₁tě'₂ dsa₂ Quió, (a₂niog₅ jě₄ jmi₁ŋí'₄). Caun₂ jmi₃g₄ cang₂ jaun₂, ca₂dsi₃náú₅ jnia'₅₄ 'o₄ jmi₁ŋí'₄ ja₁chei₂ Samos. [Jaun₂ ca₂jŋia₁ jnia'₅₄ juig₂ Trogilio].[†] Jme₁jnia₃ jaun₂ guě'₄ ca₂dsi₃náú₅ jnia'₅₄ tě₂ juig₂ Mileto. ¹⁶Jaun₂ le₂ně₅ ca₂lě₃, ia₁ tsá₃ 'nio₃ Pa₄ 'í₂ uě₂ 'uě₃ Asia, tsá₃ ma₃ca₂ŋei₅₄ jui₅ Efeso. Ia₁ 'nio₃ dsáin'₄ ŋí'₅₄ ta₁ jui₅ Jerusalén, a₂'nio₃ ŋi₅ ja₁jaun₂ jmi₃g₄ Tě₂láú₃-guiá'₂ ně₁ja₂' ca₂lě₃.

Ca₂ton₃ Pablo jág₁ jin₄ dsa₂ can'₅₄ quián₅ riin'₅₄ chan₂ Efeso

¹⁷'En₅₄ Pa₄ juig₂ Mileto, jaun₂ ca₂ŋíi'₂ ca₂le₃jín₃ dsi₂gui'₅₄ can'₅₄ quián₅ riin'₅₄ i₂chan₂ Efeso. ¹⁸Jme₁ca₂dsi₃lén₂ dsa₂, jaun₂ ca₂juá'₂ Pa₄:

—Ŋí'₅₄ bá₄ 'nia'₂ 'a₂ lia'₂ ma₂jmo₃ jniá₂ ca₂le₃ guang₃ le₂'uig₅₄ 'uě₃ Asia. ¹⁹Ca₂le₃jě₃ jmi₃g₄ bá₄ lia'₂ con'₂ ca₂'ú₃ jin'₄ 'nia'₂, ca₂jme₁ti₁₂ ta₁ ne₄ Te₁gui'₅₄. Tsá₃ ca₂jme₁juing'₂ 'ŋi₃. Tsá₃ caun₂ ca₂i₃ŋig₂ 'uig₅₄ ca₂le₃jě₃ a₂jme₁'nio₃ dsa₂ judíos jme₁jmo₃g'₂. ²⁰La₁ on₃jua'₅₄ jaun₂ tsá₃ ma₃ca₂jme₁tin₅ jniá₂ 'nia'₂ a₂dse₃ quián'₂ 'nia'₂, ca₂i₁'ě₄ jin₄ dsa₂, ca₂ŋeg₅₄ tě₂ dsi₂néi₂ quián'₂ 'nia'₂ ně₃. ²¹Lia'₂ dsa₂ lín₅ judíos lia'₂ dsa₂ griegos ně₃, qui₂ma₂juig₂ jniá₂ a₂'nió'₅ jme₃tsín₃ dsa₂ dsí₅ ne₄ Diú₄, a₂le₃'éin₂ tě₂le₃ quió'₅ Te₁gui'₅₄ Jesucristo quián₂ jniog₄. ²²Jaun₂ ně₃, ma₂'eng₅₄ jui₅ nei₅₄ jui₅ Jerusalén, ia₁ chí₂quióng₂ jmi₃g₄ Jme₂dsi₂ quián₅ Diú₄. Tsá₃ a₂jaun₂ guion₅₄ 'e₂ dsi₃ŋig₂ ja₁jaun₂. ²³Jnia'₅₄ lia'₂ jaun₂ bá₄ guion₅₄, ia₁ le₂caun₂ le₂caun₂ juig₂ ja₁ma₂ŋeg₅₄, ma₂'ě₂ jág₁

[†] 20:15 A₂lin₅₄ chog₅₄ si₂ tsá₃ le₁ton₅ jág₁ ně₅.

Jme₂dsí₂ Jñi₅o₅ a₂l₁ñag₁₂ uig₅, a₂to'₂ dsa₂ 'né₅ 'má₃ ně₃, ²⁴ La₁ tsá₃ a₂jaun₂ 'i₅ dsi₃ jniá₂, o₁jñia'₅₄ ca₂quin₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂jme₁ting₅ dsa₂ jág₁ dse₃ a₂'ua₁ dsí₅ Diú₄.

²⁵ Jaun₂ ně₃ dsón'₂ lín₂ jniá₂, 'nia'₂ rín'₅₄ jniog₄ i₂ma₂nei'₂ jág₁ a₂ma₂qui₂ma₂'ě₃ jniá₂ ñi₂₃, o₁líg'₂ jmi₃g₄ tsá₃ ma₃jag'₅₄ 'nia'₂ jniá₂ táng₃. ²⁶ Jaun₂ lě₃ juíg₂ jniá₂ 'nia'₂ tsá₃ ma₃'e₂ rě₂cán'₄ jniá₂ ja₁con₂ ca₂le₃jín₃ dsa₂, ²⁷ ia₁ ma₂ca₂juíg₂ bá₄ jniá₂ 'nia'₂ lia'₂ con'₂ lě₅ dsi₂jio₅ dsí₅ Diú₄ jmo₃, tsá₃ 'e₂ ca₂'ma₃ jniá₂ ja₁con'₂ 'nia'₂. ²⁸ Jaun₂ ně₃, jmo₄ 'nia'₂ 'í₁ guiong'₅₄, jmo₄ 'í₁ ca₂le₃jín₃ dsa₂ ríng'₂ i₂'én₂ ně₃. Ia₁ o₄gog'₂ 'nia'₂ bá₄ ma₂dsiog₃ Jme₂dsí₂ Jñi₅o₅ † a₂jmo'₂ 'í₁ dsa₂ i₂lín₅ guá'₅ quián₅ Diú₄ i₂'lian'₅₄ tē₂le₃ quian'₅₄ jmi₂ 'an₅₄ 'ñiog₅ ja₁ñi'₅₄. ²⁹ Guion₄ bá₄ jniá₂ a₂ja₂lén₂ dsa₂ sián'₂ jē₁ma₂ñág'₅, a₂'nio₃ 'éin₂ 'nia'₂ ca₂le₃jíng'₃, a₂jmo₃ jui₁lia'₂ jmo₅ dsi₂ji'₅₄ náu₂ tsau₂ dsí₅, jme₂dsiain₂₃ jui₁lia'₂ já'₂ cha'₂. ³⁰ Náú₃ jē₄ quián'₂ 'nia'₂ guiong'₅₄ dsa₂ i₂jme₃tag₅ le₃jen₅ ia₁jaun₂ 'ein₃ jui₅ quió'₅ 'éi₂ jui₁lia'₂ dsa₂ i₂ma₂'én₂ jág₁ dse₃. ³¹ Jaun₂ rě₂ján'₁ 'nia'₂, dsá₂ 'au'₂ 'nia'₂ jmo₄, ia₁ 'ni₅ ñi₂ ca₂dsin₃ ca₂cuě'₃ 'nia'₂ jág₁ lia'₂ 'uě₂-jmi₂, ca₂le₃jě₃ ca₂'o₃.

³² Jaun₂ ně₃ rín'₅₄ jniog₄, dsián₄ jniá₂ 'nia'₂ o₄gú₃ Diú₄, ne₄ jág₁ dse₃ quió'₅ a₂'ua₁ dsí₅, a₂lé₂ jmo₃ a₂'uan'₂ 'nia'₂, a₂lé₂ jmo₃ a₂tin'₅₄ 'nia'₂ a₂dse₃ a₂cha₂ quió'₅, jui₁lia'₂ a₂tin₅₄ ca₂le₃jín₃ dsa₂ i₂lě₅ 'í₁ quián₅. ³³ Tsá₃ 'e₂ ma₂ca₂rě₃'ín₂ dsi₃ a₂jmo₅₄ quió₃, jui₁lia'₂ a₂cha₂ quió'₅ i₂sián'₂, on₃ guě'₂ cu₄nióg₄, on₃ guě'₂ cu₄tio₂, on₃ guě'₂ tsin'₅₄ ně₃. ³⁴ Ñi'₅₄ bá₄ 'nia'₂ rě₂, tē₂le₃ ma₂jmo₃ bá₄ ta₁ 'ñi₅o₅ quian'₅₄ gu₂-tag₃ ma₂'no₃ a₂'nió'₅ dsi₃ñíg₂ quian'₅₄ i₂quiang'₅₄. ³⁵ Ca₂le₃o₃ jmi₃g₄ bá₄ ma₂'ě₃ 'nia'₂ 'a₂ lia'₂ 'nió'₅ jmo₃ dsa₂ ta₁, a₂'nió'₅ jme₃'on₅₄ dsa₂ dsa₂ i₂'nió'₅ quió'₅. Dsá₂ 'au'₂ 'nia'₂ jmo₄ jág₁ quió'₅ Te₁gui'₅₄ Jesús, jme₁ca₂juá'₂: “Ja₂lín₃ guě₄ dse₃ 'ei₅ dsí₅ dsa₂ i₂cuě₅, con'₂ guě₄ dsa₂ i₂gue₅.”

³⁶ Jme₁ca₂dsan₃ juá'₂ Pa₄ le₂ně₅, ca₂chi₃jiné₃ quian'₅₄ ca₂le₃jín₃ dsa₂, ca₂chi₃lén'₂ Diú₄. ³⁷ Ca₂le₃jín₃ qui₂ca₂'o₃, qui₂ca₂jñai'₃ Pa₄, ca₂chen'₃ quió'₅. ³⁸ La₁ ja₂lín₃ guě₄ 'lia'₂ dsí₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmi₃g₄ tsá₃ ma₃jín₂ guě₄ riin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ñá'₃ Pa₄ jui₅ Jerusalén

† 20:28 griego: (ma₂chei'₃ Jme₂dsí₂ Jñi₅o₅ a₂lén'₂ 'nia'₂) epískopos (dsa₂ i₂con₂ 'í₁).

¹ Jme₁ca₂tén'₂ dsi₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmi₁ñí'₄ co₂dsau₅ të₂ Cos (a₂niog₅ jë₄ jmi₁ñí'₄). Jme₁jnia₃ jaun₂ táng₃, ca₂ñag₅₄ ja₁chei₂ Rodas, jaun₂ guë₄ dsi₃náu₅ jnia'₅₄ juig₂ Pátara. ² Juig₂ Pátara jaun₂, cane₅₄ táng₃ jnia'₅₄ caun₂ ni₁barco a₂ñó₃ jui₅ 'uë₃ Fenicia, jaun₂ ca₂tió'₄ jnia'₅₄, ca₂i₃náu₅ táng₃. ³ Jaun₂ ca₂ñag₅₄ jnia'₅₄ ja₁jniá₂ Chipre të₂le₃ gu₂ jen₅, jaun₂ ca₂i₃náu₅ jnia'₅₄ të₂ Siria. Jaun₂ ca₂dsióg₃ ni₁barco juig₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió'₄ jnia'₅₄ ja₁jaun₂. ⁴ Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmi₁g₄ quiaín'₅₄. Dsa₂ 'éi₂ ně₃, ca₂'ë₂ jág₁ a₂ca₂cuë₃ Jme₂dsí₂ Jñiós₅, ca₂tsí'₃ Pa₄ a₂tsá₃ dsi₂ten₅₄ dsó₃ jui₅ Jerusalén. ⁵ Jme₁ca₂dsin₃ guio₃ jmi₁g₄ tio'₅₄ jnia'₅₄ jaun₂, jaun₂ ca₂'uag₂ táng₃. Jaun₂ ca₂le₃jín₃ dsa₂ i₂'én₂, quiaín'₅₄ 'io₅₄ quiaín₅, chi'₂ quiaín₅ ně₃, ca₂jme₃quiong'₅₄ të₂ 'ni'₂ juig₂, ca₂i₁jo₅₄ të₂ chei'₅₄ jmi₁ñí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄. ⁶ Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ guë₄ ca₂uig₅₄ jnia'₅₄ 'ñiós₃ ni₁barco. 'Éi₂ ně₃ ca₂i₁lein₃ bá₄ quió'₅.

⁷ Jme₁ca₂'uag₂ jnia'₅₄ juig₂ Tiro, ca₂i₃náu₅ jui₅ ne₄ jmi₁ñí'₄ a₂ca₂i₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jnia₄ jnia'₅₄ co₂jmi₁g₄ quiaín'₅₄. ⁸ Jme₁jnia₃ jaun₂, ca₂le₃jág₃ con'₂ i₂quiaín'₅₄ Pa₄ ca₂'uag₂ ja₁jaun₂, ca₂dsi₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ë₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄* i₂ca₂quió'n'₂ dsa₂ le₂jniá₅. ⁹ Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ë₂₃ 'ë'₅ dsa₂ jág₁ a₂cuë₅ Diú₄. ¹⁰ Ma₂ne₁ñó₄ ca₂la₂ jmi₁g₄ tio'₅₄ jnia'₅₄ jme₁ca₂dsióg₃ jan₂ dsa₂ i₂té'₂ dsa₂ Agabo, i₂'ë₂ jág₁ a₂cuë₅ Diú₄, a₂ca₂o₃jag₅₄ jnia'₅₄. ¹¹ Jaun₂ jme₁ca₂guan₃ 'éi₂ ně₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ñiog₅ quian'₅₄ mi₁gu₂ ně₃. Jaun₂ ca₂juá'₂:

—Le₂la₂ juá'₂ Jme₂dsí₂ Jñiós₅: “Le₂la₂ jmo₃ dsa₂ judíos jë₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsi₂nau₂.”

¹² Jme₁ca₂néi₁ jnia'₅₄ le₂në₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei'₅₄ Pa₄ a₂tsá₃ ma₃dsó₃ Jerusalén. ¹³ La₁ jaun₂ ca₂ñag₃ Pa₄:

—¿'E₂ lë₃ qui'₂'au'₂ 'nia'₂, jmo'₂ 'nia'₂ 'ag₅ 'lia'₂ dsi₃? Ia₁ ma₂rë₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsi₃ a₂jóng₂, jñag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

¹⁴ Ia₁ tsá₃ jág₁ ca₂can₃ Pa₄ a₂ca₂chei'₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂në₂jua'₅₄:

—Jui₁le₅₄ bá₄ a₂'ñio₂ dsí₅ Te₁gui'₅₄ jaun₂.

* **21:8** dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1.

15 Cang₂ jaun₂ ca₂jmo₁ jnia'₅₄ co₂jñia₅₄ quián₂, ca₂tió'₄ jui₅ i₃náu₅ jui₅ Jerusalén. 16 I₂lín₅₄ dsa₂ 'én₂ i₂chan₂ Cesarea ca₂jme₃quiong'₅₄. Jë₄ jaun₂ ñó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂lín₅ dsa₂ i₂'én₂. Ja₁quió'₄ 'éi₂ ca₂i₁jñia₄ jnia'₅₄ Jerusalén.

Ca₂i₁jñi₁ Pa₄ Jacobo

17 Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. 18 Jme₁jnia₃ jaun₂, ñó₃ Pa₄ quiaín'₅₄ jnia'₅₄ a₂ca₂i₁jñi₁ jnia'₅₄ Jacobo. Ja₁quió'₄ 'éi₂ jme₁tion'₅₄ jin₂ gui'₅₄ can'₅₄.† 19 Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jě₃ 'e₂ a₂ma₂jmo₃ Diú₄ jin₄ dsi₂nau₂ tē₂le₃ quian'₅₄ 'éi₂. 20 Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ ñi'₅₄ bá₄ 'ne₂, tē₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ ně₃, dsen₅₄ dsí₅ le₃quió'₅ 'Éi'₃ Juá'₅. 21 Jaun₂ ma₂juá'₂ dsa₂ a₂ñi'₂ 'ne₂ jme₂ting'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ñi₁lo₁ chi'₂ dsa₂ ñe'₂ quiaín₅, on₃ guē'₂ jmo₃ ju₁lia'₂ tag₄ chí'₅ quián₂ jniog₄. 22 ¿'E₂ lé₂ ně₃? Ia₁ tion₅₄ ja₃lén₂ dsa₂ a₂ñi'₂ jë₁ma₂ca₂rě₃ñi₅ a₂'eng'₅₄ ja₁lá₃.‡ 23 Co₂ñei'₅₄ guē'₄ dse₃ jmó'₂ a₂juá'₅₄ jnia'₅₄ la₂: Chan₂ jë₄ la₂ quián₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁ quió'₅ a₂ma₂cuē'₃ Diú₄. 24 Jñiai₅ ju₁dsi₂lén₂ quian'₅₄ 'ne₂, jmo₄ le₁jě₃ quiáng'₂ quiaín'₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ jñi₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iin₂₃ 'ne₂. Jaun₂ le₃ñi₅ dsa₂ a₂jme₂ti'₅₄ bá₄ 'ne₂ ján₃ con'₂ lě₅ 'Éi'₃ Juá'₅ quió'₅ Moisés.Š 25 La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lin₄ jmo₃ o₂i₁ dsi₅ quian'₅₄ 'Éi'₃ Juá'₅,* a₂jñia'₅₄ lia'₂ tsá₃ quíg'₃ ñi₄ já'₂ i₂ma₂cuin₃ dsa₂ diú₄ lag₄, on₃ guē'₂ guē'₃ jmi₂, on₃ guē'₂ ñi₄ já'₂ i₂güi'₃ dsa₂ dsi₂lag₄, tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂ ně₃.

Ca₂jñia'₃ dsa₂ Pa₄ i₁dsi₅ guá'₅ templo

26 Jaun₂ ca₂jñia₃ bá₄ Pa₄ dsa₂ quén₂ 'éi₂. Jme₁jnia₃ jaun₂ ně₃, Pa₄ quiaín'₅₄ dsa₂ quén₂ 'éi₂ ca₂jmo₃ le₁jě₃ quió'₅. Jaun₂ ca₂'í₃ i₁dsi₅ guá'₅ templo ca₂i₁'ë₄ jág₁ i₂líg'₂ dsian₅ ta₁guio₃ jmig₄ a₂jmo₂₃ le₁jě₃ quió'₅, jë₁ma₂tě₂ rē₁dsín'₂ dsa₂ já'₂ ne₄ ne₄chei₂ o₄quió'₄ le₂jain₂ le₂jain₂.†

27 La₁ jme₁ja₂quiaín₃ dsin'₅₄ ta₁guio₃ jmig₄ jaun₂, jan₂-on₃ dsa₂ judíos i₂chan₂ 'uē₃ Asia ca₂o₃lén₂, jaun₂ ca₂jñi₂ Pa₄ i₁dsi₅

† 21:18 griego: presbíteros. ‡ 21:22 A₂lín₅₄ chog₅₄ si₂: “Ia₁ tion₅₄ bá₄ le₃ñi₅ dsa₂

a₂'eng'₅₄ ja₁lá₃.” Š 21:24 'Í₂ Números 6. 'Nio'₂ ja₁ton₅ Hechos 18:18. * 21:25

A₂lín₅₄ chog₅₄ si₂ tsá₃ chi₁ton₅ “a₂tsá₃ lin₄ jmo₃ o₂i₁ dsi₅ quian'₅₄ 'Éi'₃ Juá'₅.” † 21:26

'Í₂ Números 6.

guá'5. I2'éi2 ca2jmo3 ca2tón'2 dsa2 co2mi'54, jaun2 ca2jña'3 dsa2 Pa4.
28 Jaun2 qui2ca2tón'2 ca2guió'3 ca2juá'2:

—i'Nia'2 dsa2 juig2 Israel, jme'1o1 jnia'54! I2la2 bá4 dsa2
i2ñí4 lē3 ñi5 ca2le3jē3 juig2 jme2tiin23 dsa2 jág1 'lig'54 ja1con2
juig2 go4 jniog4, a2jme2tiin23 dsa2 a2tsá3 jme3ti3 dsa2 'Éi'3 Juá'5
quió'5 Moisés, a2tsá3 'e2 quen5 guá'5 templo la2 quián2 jniog4.
Nē3 nē3, ma2nē2tióin'2 i2lin54 dsa2 griegos i1dsi5 guá'5 templo,
a2ma2nē2jme2'ióg3 ja1jñiós la2.

29 Juá'2 le2nē5, ia1 ma2jág2 dsa2 le2jñiá5 ma2jñin2 Trófimo
i2chan2 Efeso a2i2ñi54 quiaín'54 Pa4 jē4 juig2 Jerusalén, jaun2 líin2
a2ma2jñia3 Pa4 'éi2 i1dsi5 guá'5.

30 Ta1caun2 juig2 ca2tón'2 dsa2 co2mi'54, jaun2 ca2o3lén2 dsa2
co2chi'54. Jaun2 ca2jña'3 dsa2 Pa4 qui2ca2tsag'2 tē2le3 ca1'né4
i1dsi5 guá'5, jaun2 ca2jnéi3 dsa2 dsi2jui5 o4'né4. 31 Jme1ma2'nio3
jme1jñi'3 bá4 Pa4 jme1ca2dsióg3 jág1 ca2rē3ñi5 juig54 'lióg2
dsen54, ca2le3jín3 bá4 dsa2 juig2 Jerusalén toin'54 co2mi'54.
32 Dsi2jui5 jaun2 ca2ñí'2 juig54 'lióg2 quian'54 ca2le3jín3 'lióg2
quiaín5, ca2i3lén2 co2'eis ja1tion'54 dsa2 co2mi'54. Jaun2 dsi2jui5
jme1ca2jág3 dsa2 dsi3lén2 'lióg2 quiaín'54 juig54 'lióg2 dsen54, jaun2
ca2téin2 bá4 Pa4, ia1 jme1toin'54 cuē23. 33 Jaun2 jme1ca2dsióg3
juig54 'lióg2 dsen54, ca2jñai'3 Pa4 ca2jmo3 'éi'3 ca2'néi2 'lióg2
quian'54 tin3 ñi1 cadenas. Jaun2 guē4 ca2ñí'3 dsa2 'ein2 'éi2 Pa4,
'e2 ca2jmo3. 34 Jaun2 jma3quén5 qui2ca2guió'3 dsa2 juig2 le2jain2
le2jain2. Ca2lia'2 jñia'54 tsá3 ca2ñí'2 juig54 'lióg2, ia1 a2ñí4 chí'5
co2mi'54. Jaun2 ca2jmo3 'éi'3 ca2tág3 dsa2 Pa4 jui5 'né5 ja1tion'54
'lióg2. 35 Jme1ja2quiaín3 dsi1len3 dsa2 ja1lē4 ni1ta5 'né5 ja1tion'54
'lióg2, jaun2 ca2jio3 'lióg2 ca2jñiai3 Pa4 jui5 guei'54 ia1 a2ñí4 'ñio5
lin3 'ne2 dsa2 juig2. 36 Ia1 ca2le3jín3 bá4 dsa2 juig2 jme1ja2lén2
chi1co'54 qui2guió'5 qui2juá'2:

—iJui1jon54 i2nē5!

Ca2ton3 Pa4 jág1 a2lióin2 'ñiog5 ne4 dsa2 juig2

37 Jē1jme1ma2to'2 'lióg2 toin'2 Pa4 dsi2néi2 ne4ta1 quió'5, jaun2
ca2juá'2 Pa4 ca2tsí'3 juig54 'lióg2 dsen54:

—¿Lé2 le3juá'4 jniá2 ca2jon4 jág1?

Jaun2 ca2ñag3 juig54 'lióg2:

—¿Tin'2 'ne2 dsiá'1 jág1 jmei5 griego? 38 Jaun2, ¿on3jua'54
'ne2 líng'5 dsa2 egipcio i2ca2jmo3 mi'54 qui2ca2tsi2jain3 dsa2
ma2i1jáun3, ca2'uín'2 quén2 mei5 dsa2 i2ma2ca2jme3dsian5 dsa2
jui5 'ue3 quein2?

39 Jaun2 ca2juá'2 táng3 Pa4:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uë₃ Cilicia. La₁ jmo₄ dse₃ 'au'₂ cuë'₁ jmig₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuë₃ bá₄ jmig₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo,‡ ca₂tsí'₃ dsa₂:

22

1 —'Nia'₂ dsa₂ go₂ rin'₅₄ jniog₄, gui'₅₄ can'₅₄ ně₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Tě₂le₃ tei₄ guě₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo. * Jaun₂ caun₂ ca₂juá'₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uë₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ tě₅ Gamaliel. Co₂rě₂ bá₄ ca₂jme₃tag₂₃ con'₂ lě₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsi₃ jme₁lín₄ le₃quió'₅ Diú₄, ju₁lia'₂ jmo'₂ 'nia'₂ ca₂le₃jíng'₃ rě₂ně₃.

⁴ Qui₂ca₂co₃'én₃ jniá₂ dsa₂ i₂tion'₅₄ Jui₅ quió'₅ Te₁gui'₅₄ le₂jniá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ŋe'₂ lia'₂ dsa₂ mǐ₂. ⁵ Lé₂ bá₄ jáng'₃ jág₁ dsau₅ jme₂dsa₂ dsen₅₄, ca₂le₃jín₃ guě₄ dsi₂gui'₅₄ can'₅₄ ně₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ riin'₅₄ i₂tián'₅ Damasco, ca₂jmo₃ 'éi'₃ a₂jme₁i₁chán'₃ jniá₂ ríng'₃ i₂tián'₅ ja₁jaun₂, a₂jme₁tě₁₂ le₁'ŋei'₅₄ ia₁jaun₂ gue₃ uig₅ jě₄ juig₂ Jerusalén la₂.

*Ca₂dsia₃ Pa₄ 'a₂ lia'₂ jme₁ca₂jéin'₃ ca₂rě₃'éin₂ jág₁ dse₃
(Hechos 9:1-19; 26:12-18)*

⁶ 'La₁ia₁ lia'₂ con'₂ jme₁ŋó₃ jniá₂ le₂'i₄ jui₅ né'₃ a₂dsióg₄ juig₂ Damasco, con'₂ dsi₂ŋí'₃, con'₂ tsá₃ jáng₅ jme₁ca₂téng₃ caun₂ si₂ tág₅ jmá'₅ a₂já₃ jui₅ guei'₅₄ i₂juíg₃. ⁷ Jaun₂ i₃'íng₃ 'uë₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lě₃ co₂'éin'₅ jniá₂?” ⁸ Jaun₂ ca₂ŋag₄ jniá₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá₂: “Jesús chan₂ Nazaret bá₄ jniá₂ i₂co₂'én'₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian'₅₄ jniá₂ si₂ jaun₂, jaun₂ ca₂rě₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá₂. ¹⁰ Jaun₂ ca₂ŋag₄ jniá₂ jaun₂ ně₃: “Te₁gui'₅₄, ¿'e₂ 'nió'₅ jmo₅₄ jniá₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jě₃ 'e₂ 'nió'₅ jmó'₂.” ¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jio₃ le₁chan'₂ gu₃ a₂ca₂dsióg₃ tě₂ Damasco. ¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con'₂ lě₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂.

13 Jaun₂ ca₂dsióg₃ Ananías i₁jag₅₄ ja₁jme₁'eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁ne'₄.” Dsi₂jui₅ jaun₂ bá₄ ca₂lág₃ táng₃ mi₂g₂ ne₃, jaun₂ ca₂jín₅₄ jaun₂ ně₃.
 14 Jaun₂ ca₂tság₃ táng₃ jniá'₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jhiá₅, ia₁jaun₂ le₃cuíng'₂ 'e₂ jaun₂ a₂'ñio₂ dsí₅, ia₁jaun₂ jing'₅₄ i₂qui₂dsi₅ 'éi'₃ rē₂ quián₅, ia₁jaun₂ nág'₁ jág₁ quió'₅ 'ñiog₅ a₂tio'₅₄ mi₂'o₅₄. 15 Jaun₂ 'ne₂ gog'₅₄ a₂chi₂o₁ 'iin'₃ o₁dsia'₄ o₁chei'₄ ca₂le₃jín₃ dsa₂ ca₂le₃jě₃ 'e₂ ma₂jag'₅₄ 'e₂ qui₂ma₂nei'₂ ně₃. 16 Jaun₂ ně₃, tsá₃ ma₃jme₁'ag₁₂. Nau₂, o₂chon₅₄ jmig₂, mi₄ ne₄ 'éi₂, ia₁jaun₂ jñí₃ dsáu'₂.”

Ca₂dsia₃ Pa₄ 'a₂ lia'₂ ca₂lě₃ a₂chein₅₄ ñei₅₄ ja₁con₂ dsi₂nau₂

17 Jme₁ca₂guáng'₃ Jerusalén, ñeg₅₄ guá'₅ templo i₂chi₁leng'₄ Diú₄. Jaun₂ a₂lě₁ca₂jéin₃ ca₂jág₃, 18 ca₂jing₅₄ Te₁gui'₅₄, jaun₂ ca₂juá'₂: “I₂ñáu'₂ jú₅ tē₂le₃ dséi₂ juig₂ Jerusalén, ia₁ tsá₃ tón'₂ dsa₂ jui₅ jág₁ a₂juig'₅₄ a₂'ág'₄ jniá'₂.” 19 Jaun₂ ca₂ñag₄ jniá'₂ ca₂juig₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ñi₅ a₂jme₁ñi₅ jniá'₂ a₂jme₁nei₂₃ ca₂le₃jě₃ guá'₅ sinagogas a₂co₂'eng₅ qui₂cué₅ ca₂le₃jín₃ dsa₂ i₂'én₂ jág₁ dse₃ quiáng'₂, a₂jme₁i₂tioin'₂ 'né₅ 'má₃. 20 Jme₁ca₂jñi'₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄ jniá'₂ ján₃, ia₁ jme₁lě₄ caun₂ jág₁ quió₃ quian'₅₄ dsa₂ i₂ca₂jñi'₃ 'éi₂. Jaun₂ ca₂jmo₃ jniá'₂ 'í₁ ni₁tsin'₅₄ dsa₂ i₂ca₂jñag'₃.” 21 La₁ jaun₂ ca₂juá'₂ Te₁gui'₅₄ ca₂tság₃ jniá': “La₁ gua₂, ia₁ tsag₅₄ jniá'₂ uíng₂ quiáng'₂, a₂o₁'ě'₃ jág₁ ja₁con₂ dsi₂nau₂.”

Ma₂niog₅ ne₄ juig₅₄ 'lióg₂ bá₄ Pablo

22 Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin'₂ co₂mi'₅₄ ca₂quió'₃ ca₂juá'₂:

—j₁jui₁jon₅₄ i₂ně₅! j₁tsá₃ ma₃'nió'₅ le₃chain₂ guě₄!

23 Jaun₂ dsa₂ juig₂ ně₃, caun₂ qui₂ca₂tě₂ca₂'oin'₂ bá₄ Pa₄, qui₂ca₂gág₃ tsin'₅₄ tioin'₅₄,† qui₂ca₂cho₃ dsa₂ 'lióg₂ jui₅ guei'₅₄.

24 Jaun₂ ca₂jmo₃ juig₅₄ 'lióg₂ dsen₅₄ 'éi'₃ ca₂toin'₂ Pa₄ dsi₂néi₂ ja₁tion'₅₄ dsí₂'lióg₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃'né₃ dsa₂ juig₂ quiong'₅₄. 25 La₁ jme₁ma₂rě₂'ñei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ jan₂ juig₅₄ 'lióg₂ i₂chén'₅ cau₅:

—¿Ca₂tín'₂ 'nia'₂ báng'₄ jan₂ dsa₂ i₂tén₅ Roma tē₃ tsá₃ ma₂ně₂quion'₂ 'nia'₂ jág₁ dsau₅ quió'₅?

26 Jme₁ca₂nág₂ juig₅₄ 'lióg₂ a₂ně₅, jaun₂ ca₂ñei₅₄ i₁chi'₂ juig₅₄ dsen₅₄ quián₅ ca₂juá'₂:

—Tě₂ñi'₅₄ quiáng'₂ ně₂jua'₂ 'e₂ ca₂jmag'₅₄ dsa₂ ně₅, ia₁ dsa₂ tén₅ Roma bá₄ ně₅.

† 22:23 ca₂gág₃ tsin'₅₄: Le₂jaun₂ jme₁jmo₅ dsa₂ léi₄ chi₂jua'₂ 'e₂ tsá₃ tē₅ dsí₅.

27 Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ŋag₃:

—¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ŋag₃ táng₃ Pa₄:

—Ján₅.

28 Jaun₂ ca₂juá'₂ juig₅₄ 'lióg₂ jaun₂ ně₃:

—'Lióng₂ cu₄ ca₂quín₂ quió'₃ a₂ca₂ling₃ dsa₂ tén₅ Roma.

Jaun₂ ca₂juá'₂ táng₃ Pa₄:

—La₁ jniá'₂ ně₃, a₂ma₂lín₅ bá₄ jniá'₂ lia'₂ con'₂ ca₂rě₃cháng₃.

29 Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₂lén₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ŋi₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂ judíos

30 Jme₁jnia₃ jaun₂, jme₁'nio₃ le₃ŋi₅ juig₅₄ 'lióg₂ dsen₅₄ 'e₂ 'uig₅₄ jme₁cuě'₅ dsa₂ judíos dso₄ Pa₄. Jaun₂ ca₂chén'₂ 'éi₂ ia₁ a₂jme₁chi₁'ŋei'₅₄ quian'₅₄ ni₁ŋi₁ cadenas. Jaun₂ ca₂jmo₃ 'éi'₃ a₂ŋi'₂ juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ guě₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

1 Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ tē₂ jmig₄ ně₃, ne₄ Diú₄.

2 Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tión₂ cau₅ quió'₅ Pa₄, a₂jnú₃ mi₂'o₄ 'éi₂. 3 Jaun₂ ca₂ŋag₃ Pa₄ ca₂tsí'₃ jme₂dsa₂ dsen₅₄ 'éi₂:

—iDiú₄ jnú₃ quiáng'₂ 'ŋiag'₂, 'ne₂ i₂lín₅ lia'₂ lě₅ caun₂ ni₁'ia'₂ a₂ŋia'₅₄ jniá'₂ tiog₂ tē₂le₃ co'₅₄* ¿'Néi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá'₂ con'₂ lě₅ Si₂ 'Éi'₃? ¿Jaun₂ 'e₂ lě₃ jmo'₂ 'éi'₃ a₂cuě₃ dsa₂ jniá'₂, ton'₂ tsá₃ le₂jaun₂ ta₁ qui'₅ Si₂ 'Éi'₃?

4 Jaun₂ ca₂ŋag₃ dsa₂ i₂tion'₅₄ guě₄ ja₁jaun₂:

—¿'E₂ lě₃ ŋag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

5 Ca₂ŋag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'íng'₄ 'lig'₅₄ dsi₂tan₅₄ juig₂ go'₅₄.”†

6 Jaun₂ ca₂rě₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guě₂ lín₅ dsa₂ fariseos. Jaun₂ guě₄ ca₂juá'₂ Pa₄ tiá₂, ca₂tsí'₃ dsa₂:

* 23:3 ni₁'ia'₂ tiog₂; 'Nio'₂ ja₁ton₅ Mateo 23:27. † 23:5 Éxodo 22:28.

—Rin'⁵⁴ jniog⁴, dsa² fariseo bá⁴ lín⁵ jniá². Fariseos bá⁴ jme¹lín⁴ dsa² can'⁵⁴ quiáng³ ně³. 'Uig⁵⁴ ia¹ a²éng² jág¹ a²jen'⁵⁴ táng³ 'lag⁴ bá⁴ a²'iog⁵⁴ dsa², a²con² dsa² jág¹ dsau⁵ chéng'⁵ la².

⁷ Jme¹ca²juá'² Pa⁴ le²ně⁵, dsa² i²lín⁵ fariseos, quian'⁵⁴ dsa² i²lín⁵ saduceos ně³, ca²jme³lióg³ qui²ca²tsín² guioin⁵⁴, ca²lē³ le¹dsoin'⁵⁴.

⁸ Ia¹ dsa² saduceos, tsá³ 'e² 'éin² a²jen'⁵⁴ dsa² jě¹ma²dsain³, on³ guè'² 'éin² a²chan² ángeles, on³ guè'² 'éin² a²chan² jme²dsí². La¹ dsa² fariseos guè'² ně³, 'éin² bá⁴ ca²le³jě³ a²jaun².

⁹ Jaun² ca²tóin'² ca²tsín² co²mí'⁵⁴. Jaun² i²lín⁵⁴ dsa² i²lín⁵ tě⁵juá'⁵ i²tión² tě²le³ quió'⁵ dsa² fariseos, ca²nau² ca²juá'²:
—'I¹caun² 'lig'⁵⁴ tsá³ 'e² ma²jmo³ dsa² ně⁵. ¿'E² lé² chi²jua'² dson'² bá⁴ ca²juá'² jan² ángel, o³ jan² jme²dsí² 'e², ca²tsí'³ i²ně⁵?

¹⁰ Jaun² 'ñio⁵ ca²tón'² dsa² ca²tsín², ca²lia'² ca²rě³gó'⁵ juig⁵⁴ 'lióg² dsen⁵⁴ jme¹ca²jág³. Ia¹ ně⁵ tsá³ ma²jmo³ dsa² jma³quén⁵ quió'⁵ Pa⁴, lín². Jaun² ca²jmo³ 'éi'³ ca²o³lén² 'lióg² ca²dsein²³ Pa⁴ jě⁴ quió'⁵ dsa², ca²tág³ juí⁵ ne⁴ta¹ ja¹tion'⁵⁴ 'lióg².

¹¹ Jme¹ca²tě² tin³ nei⁵ 'en⁵⁴ Pa⁴ ja¹jaun²,[‡] ca²jme³jnia⁵ Te¹gui'⁵⁴ ne⁵⁴, jaun² ca²juá'²:

—Quen'² bí², Pa⁴, ia¹ jui¹lia'² ma²ně²jang'⁵⁴ jág¹ dsau⁵ ně²'ag'⁵⁴ jniá² jě⁴ juig² Jerusalén la², le²ně⁵ bá⁴ o¹jang'¹ jág¹ dsau⁵ o¹'ág'³ jniá² jě⁴ juig² Roma ján³.

Ca²jmo³ dsa² judíos jág¹ a²jme¹jñi'³ Pa⁴

¹² Jme¹jnia³ jaun², ca²jmo³ jág¹ i²lín⁵⁴ dsa² judíos a²jñi'³ Pa⁴. Ca²'in³ Diú⁴ a²ca²juá'² a²tsá³ 'e² gué'³, a²tsá³ 'e² 'ín² ně³, ca²lia'² ca²lē³ a²niog⁵ dsí⁵ jmo³. ¹³ Jme¹lē² lě⁵ gué⁴ con'² tě²lón³ dsa² i²jme¹ma²lí'⁵ jág¹ jmo³ le²jaun². ¹⁴ Jaun² ca²i¹lein⁵⁴ i¹jñin⁵⁴ juig⁵⁴ jme²dsa², ca²le³jñin³ gué⁴ gui'⁵⁴ can'⁵⁴ quián⁵ dsa² judíos ně³, a²ca²i¹jua'¹:

—Jnia'⁵⁴ ma²'in³ Diú⁴ a²tsá³ 'e² tí⁴ 'o⁴, ca²lia'² ma²ně²jñi'⁴ jnia'⁵⁴ Pa⁴. ¹⁵ Jaun² 'nia'² ně³, quian'⁵⁴ dsí²tan⁵⁴ quián⁵ guá'⁵, o²chei'⁵⁴ 'nia'² juig⁵⁴ 'lióg² a²ja²jñiai³ Pa⁴ ne'⁵⁴ 'nia'² 'ióg³. A²lē¹juig⁵⁴ bá⁴ 'nia'² a²caun'⁵⁴ jág¹ dsau⁵ co²rě² quió'⁵, ia¹jaun² bá⁴ ja²jio³. Jaun² jnia'⁵⁴ guè'² ně³, ma²lág⁵ co²jnia⁵⁴ a²jñi'⁴ né'³ a²guáin² tě²la².

¹⁶ La¹ ja¹ñi'⁵⁴ 'io⁵⁴ rin'⁵⁴ Pa⁴ ca²rě³ñi⁵ jág¹ jaun². Jaun² ca²ñei⁵⁴ ne⁴ta¹ quió'⁵ 'lióg² ca²i¹'ě⁴ jág¹ ne⁴ Pa⁴. ¹⁷ Jaun² Pa⁴ ně³ ca²tě'³ jan² juig⁵⁴ 'lióg², jaun² ca²juá'²:

—Jnia⁵ chi'² la² ne⁴ juig'² 'nia'², ia¹ cha² jág¹ quian⁵ dsi³'ě³.

¹⁸ Jaun² ca²ñe⁴ 'éi² ca²i¹jñiai³ chi'², jaun² ca²juá'²:

—Pa⁴ i²lě⁵ 'í¹ quián⁵ 'lióg² ně²tě² jniá² a²ně²mí³ a²i¹jñiag² chi'² la², ia¹ cha² jág¹ quian⁵ a²'ě² ne'⁵⁴.

[‡] 23:11 o³, “A²'uě² jmig⁴ jaun².”

19 Jaun₂ ca₂jña'₃ juig₅₄ 'lióg₂ dsen₅₄ 'éi₂ mi₂gu₂ chi'₂ 'éi₂, con'₂ ca₂jio₃ cau₅, jaun₂ ca₂ŋag₃:

—¿'E₂ jág₁ quian'₅₄ juig'₅₄ jniá'₂?

20 Jaun₂ ca₂ŋag₃ chi'₂ 'éi₂:

—Ma₂nē₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ dsi₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ nē₂jag₄ bá₄ a₂con₂ dsi₂tan₅₄ jág₁ dsau₅ quió'₅ 'éi₂. ²¹La₁ tsá₃ o₁'eng'₅₄, ia₁ lē₅ guē₄ tē₂lón₃ dsa₂ quián₅ ma₂le₁'mai₅₄ cau₅ jui₅ le₁jñiog₂₃, Ma₂'iin₃ Diú₄ a₂tsá₃ 'e₂ guē'₃, 'ín'₂, ca₂lia'₂ ca₂jñi'₃ Pa₄. Jñia'₅₄ lia'₂ a₂jaun₂ bá₄ le₁jñia₂₃ chi₂jua'₂ 'e₂ jág₁ juig'₅₄ 'ne₂.

²²Jaun₂ ca₂'ág'₃ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

²³Jaun₂ ca₂tē'₃ juig₅₄ 'lióg₂ dsen₅₄ on₃ juig₅₄ 'lióg₂ quián₅, ca₂jmo₃ 'éi'₃ a₂jmo₃ 'éi₂ co₂jñia₅₄ tñ₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rē₂dsí₂ guian₃ guē'₂ (70) dsi₃lén₂ co₁dsi₅₄ cua₁, tñ₃ 'ñiá₂-lón₂ guē'₂ i₂cán₂ ñi₁ chen'₂, a₂dsi₃lén₂ jui₅ Cesarea con'₂ hora ñi₁ ñi₃ le₃ca₂nei₂. ²⁴Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsi₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsi₃jóin₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂. ²⁵Jaun₂ quian'₅₄ dsa₂ i₂i₁jon₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

²⁶Jniá₂, Claudio Lisias, tsíng₂ si₂ la₂ ne'₅₄ 'ne₂, gui'₅₄ Dsi₄má'₂ jui₅ Fé₁. Cuíng₅ Diú₄ 'ne₂. ²⁷Ca₂jñau'₃ dsa₂ judíos ca₂jñai'₃ dsa₂ nē₅, a₂jme₁jñag'₃. La₁ jme₁ca₂rē₃guion₅₄ a₂lín₅ dsa₂ tén₅ Roma, jaun₂ ca₂ñeg₅₄ i₁lioin₁₂ quian'₅₄ 'lióg₂ quiáng₃. ²⁸Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá₂ ne₄ dsi₂tan₅₄ quián₅. ²⁹Jaun₂ ca₂rē₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cuē'₅ i₂nē₅ dso₄. Jaun₂ tsá₃ cha₂ 'e₂ lē₃ jua'₅₄ a₂'i₄ 'éi'₃ a₂jñag'₃ dsa₂, on₃ guē'₂ dsi₂ten₅₄ jua'₅₄ a₂'í₂ 'né₅ 'má₃ nē₃. ³⁰Jaun₂ jme₁ca₂rē₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lē₃ dsiain'₄ jniá₂ o₄gog'₂ 'ne₂. Jaun₂ ma₂juig₂ bá₄ jniá₂ ján₃, dsa₂ i₂'nag₅ 'ni₅ i₂nē₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂nē₅. Co₂nē₅ bá₄.

³¹Jaun₂ 'lióg₂ nē₃, con'₂ lē₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uē₂ ca₂dsi₃lén₂ tē₂ juig₂ Antípatris. ³²Jme₁jñia₃ jaun₂, 'lióg₂ i₂i₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsi₅₄ cua₁ bá₄ ca₂i₃lén₂ i₃jón₂ guē'₄ Pa₄. ³³Jme₁ca₂dsi₃lén₂ tē₂ juig₂ Cesarea, jaun₂ ca₂jñi'₃ dsi₄má'₂ si₂ carta a₂quian₅. Ca₂jñi'₂ Pa₄ nē₃. ³⁴Jme₁ma₂nē₂'í₂ dsi₄má'₂ si₂, jaun₂ ca₂ñi'₃ Pa₄ a₂já'₄ chain₂. Jme₁ca₂rē₃ñi₅ a₂chan₂ 'éi₂ 'uē₃ Cilicia, ³⁵jaun₂ ca₂juá'₂:

—Në₅ nag₅₄ jág₁ quiáng'₂ jë₁ma₂o₂lén₂ dsa₂ i₂'nag₅ quiáng'₂.
Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂néi₂ ne₄ta₁
palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmi_g₄ cang₂ jaun₂, ca₂dsióg₃ Ananías i₂lín₅ jme₂dsa₂
dsen₅₄, quiain'₅₄ i₂lin₅₄ gui'₅₄ can'₅₄ në₃, quiain'₅₄ Tértulo i₂lín₅
i₂chén'₅ ne₄ jág₁ quiáin₅, ca₂dsi₃lén₂ Cesarea. Jaun₂ ca₂dsi₃lén₂
ne₄ dsi₄má'₂ a₂'ni₃ Pa₄. ² Jme₁ca₂i₁quian₅₄ dsa₂ Pa₄, jaun₂
ca₂jme₃lióg₃ Tértulo ca₂tsí'₃ dsi₄má'₂ a₂'ni₂₃ Pa₄, ca₂juá'₂:

—Ti₁'mag'₄ 'ne₂, tei₄ bá₄ 'ei₅ tio'₅₄ jnia'₅₄, jaun₂ dse₃ bá₄ lia'₂
con'₂ lë₅ 'éi'₃ quiáng'₂ a₂ting'₂. ³ Jaun₂ con'₂ lë₅ 'éi'₃ qui'₂ 'ne₂
bá₄ qui₂jmo₅ dsa₂, a₂jmo₂ jnia'₅₄ ján₃. Jaun₂ cuë₂ jnia'₅₄ ti₁'mag'₄
'ne₂, Fé₁ juin'₂. ⁴ La₁ jaun₂ tsá₃ uë₂ jme₁'ag₁₂ jnia'₅₄ quiáng'₂,
mi₂ jnia'₅₄ jmó'₂ dse₃ 'au'₂ a₂nág'₁ jág₁ quián₂ jnia'₅₄ a₂jua'₅₄.
⁵ Ma₂ne₅₄ jnia'₅₄ ca₂le₃jë₃ 'e₂ 'lig'₅₄ jmo₅ dsa₂ në₅, ñi₂₃ ca₂le₃jë₃
juig₂ qui₂dsiain₂₃ mi'₅₄ dsa₂ judíos qui₂jmo₃ le₁dson'₅₄ dsa₂.
Jaun₂ i₂në₅ bá₄ lín₅ jan₂ dsa₂ i₂quian₅ ne₄ juí₅ quió'₅ co₂nió'₃ dsa₂
i₂të'₂ dsa₂ nazarenos. ⁶ Jme₁'nio₃ jme₁jme₂'ióg₃ guá'₅ templo
quián₂ jnia'₅₄. Jaun₂ bá₄ lë₃ ca₂chain'₅₄ jnia'₅₄, [jme₁'niog₂
jme₁qui₂dsi₂'éi'₃ con'₂ lë₅ Si₂ 'Éi'₃ quián₂ jnia'₅₄. ⁷ La₁ jme₁ca₂'í₃
juig₅₄ 'lióg₂ Lisias, ca₂ñiái'₂ Pa₄ jin₄ jnia'₅₄ quian'₅₄ bí₂ quió'₅
'lióg₂ quiáin₅, a₂ca₂tág₃. ⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂
i₂'nag₅ ne'₅₄ 'ne₂.]* Dse₃ ñag'₅₄ 'ne₂ 'ñiag'₂ ia₁ jaun₂ le₃ñi'₅₄ lia'₂ tí₅
jág₁ 'e₂ lë₃ 'ni₅ jnia'₅₄.

⁹ Jaun₂ ca₂le₃jín₃ guë₄ dsa₂ judíos i₂jme₁tión₂ ja₁ jaun₂ ca₂juá'₂
a₂dsón'₂ dsau₅ bá₄ jág₁ në₅. ¹⁰ Jaun₂ ca₂jmo₃ léi₄ dsi₄má'₂ ca₂tsí'₃
Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ në₃:

—A₂'ñio₂ dsi₃ jáng'₄ jág₁ dsau₅ a₂long₅₄ 'ñió₃ ne'₅₄ 'ne₂, ia₁
guion₅₄ bá₄ jaun₂ a₂lín'₅ dsi₂tan₅₄ ma₂ne₁ñó₄ ñi₂ a₂qui₂dsí'₁ 'éi'₃
quió'₅ ta₁caun₂ 'uë₃ la₂. ¹¹ Lé₂ bá₄ le₃caun'₅₄ jág₁ dsau₅, mei'₂ tsá₃
guia₃-tín₂ jmi_g₄ bá₄ ma₂të₂ a₂guang₃ Jerusalén a₂chi₁leng'₄ Diú₄.
¹² Tsá₃ jua'₅₄ ca₂jmo₃ dsa₂ a₂tsing₂ quian'₅₄ dsa₂, on₃ guë'₂ jua'₅₄
a₂qui₂dsia₂₃ mi'₅₄ i₁dsi₅ guá'₅ templo, on₃ guë'₂ dsi₂néi₂ guá'₅
sinagogas, on₃ guë'₂ jë₄ juig₂. ¹³ Tsá₃ qui'₅₄ jmi_g₄ i₂në₅ jme₃jniái₂₃
ca₂le₃jë₃ a₂'nag₂₃. ¹⁴ La₁ a₂juá'₅ jniá₂ ne'₅₄, a₂jme₂ti₅₄ ne₄ Diú₄
quián₅ dsa₂ can'₅₄, con'₂ lë₅ juí₅ a₂juá'₂ i₂në₅ a₂tsá₃ dsau₅. Ia₁
'éng₂ ca₂le₃jë₃ a₂tio'₅₄ ne₄ Si₂ 'Éi'₃ quian'₅₄ Si₂ quió'₅ dsa₂ i₂jme₁'ë₂
jág₁ quián₅ Diú₄ në₃. ¹⁵ Le₂ jaun₂ bá₄ 'éng₂ le₃quió'₅ Diú₄, juí₁lia'₂
'éin₂ guoin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃

* 24:8 A₂lin₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñió₃ corchetes [le₂la₂].

lia₂ dsa₂ 'lin'₅₄ ně₃. ¹⁶ 'Uig₅₄ jaun₂, le₃jě₃ jmig₄ bá₄ quín'₅ jniá₂ bí₂ a₂tsá₃ 'e₂ dsi₃ñj₅ dsi₃, lia₂ ne₄ Diú₄ lia₂ ne₄ dsa₂ mi₂güig₃ ně₃.

¹⁷ 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá'₂, ca₂guáng'₃ táng₃ Jerusalén a₂jme₁ong₁₂ dsa₂ te₂ñé₂, a₂dsing'₄ já'₂ ne₄ ne₄chei₂ ně₃. ¹⁸ A₂jaun₂ bá₄ 'eng₅₄ jmo₂₃ i₁dsi₅ guá'₅ templo jme₁ma₂ně₂jmo₃ le₁jě₃ quió₃ lia₂ con'₂ lě₅ tag₄ chí'₅ quián₂ jnia'₅₄. La₁ on₃jua'₅₄ a₂jme₁tion'₅₄ dsa₂ juin₅, on₃ guè'₂ jua'₅₄ ca₂dsia₃ jniá₂ mi'₅₄. Jaun₂ ca₂dsi₃lén₂ i₂lin₅₄ dsa₂ judíos i₂ja₂lén₂ juig₂ siá'₂ ja₁tén₄ 'uè₃ Asia. I₂'éi₂ bá₄ ca₂j₃o₃ 'eng₅₄ i₁dsi₅ guá'₅ templo. ¹⁹ I₂'éi₂ bá₄ 'nió'₅ ja₁lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂. ²⁰ Nē₁jua'₂ tsá₃ a₂cha₂ 'nag₃ 'éi₂, jaun₂ ju₁'nag₅₄ i₂tió₁₂ ně₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. ²¹ O₃ 'uig₅₄ jaun₂ 'e₂, ia₁ a₂'én₂ jniá₂ a₂jen'₅₄ 'lag₄, ju₁lia₂ ca₂juá'₃ jniá₂ tiá₂ ca₂juig₂ 'éi₂ lia₂ con'₂ jme₁'eng₅₄ jě₄ quió'₅, ca₂juig₂: “A₂cáun'₂ 'nia'₂ já₁g₁ dsau₅ quió₃ jniá₂, ia₁ a₂'éng₂ a₂jen'₅₄ 'lag₄.”

²² Jme₁ca₂nag₂ gui'₅₄ Dsi₄má'₂ Fé₁ le₂ně₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ñi₅ rě₂ bá₄ i₂'e₂ jaun₂ a₂tě'₂ dsa₂ “Ju₅”. Jaun₂ ca₂juá'₂:

—Ně₅ bá₄ jme₁rě₂ jniá₂ já₁g₁ ně₅ quián'₂ 'nia'₂, jē₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quiáin₅ a₂toin'₂ Pa₄ né'₃ 'má₃. La₁ ca₂cuē₃ bá₄ jmig₄ lě₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ nē₁jua'₂ 'e₂ ca₂rě₃ 'nió'₅ quió'₅.

²⁴ Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quiáin₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ tē₁lia₂ ca₂dsia₃ 'éi₂ ju₁lia₂ 'a₂ lia₂ lě₅ a₂'éin₂ tē₂le₃, quió'₅ Cristo Jesús. ²⁵ La₁ jme₁ca₂dsia₃ Pa₄ a₂'nió'₅ cán₂ dsa₂ caun₂ ju₁5 co₂dsau₅, a₂'nió'₅ jme₃'uán₂ dsa₂ dsí₅ 'ñiog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ já₁g₁ dsau₅ quió'₅ le₂jan₂ le₂jan₂ dsa₂, jaun₂ guě₄ ca₂rě₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Ně₅ bá₄ tē₄ táng₃ jmig₄ siá'₂ jē₁ma₂jing₅₄.

²⁶ Jme₁'ín₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂tě₃ a₂dsia₂₃ já₁g₁ quiong'₅₄. ²⁷ Tin₃ ñi₂ ca₂ñi₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ tē₃tsiin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmi_g₄ a₂ca₂gue₃ Festo ta₁ dsi₄má'₂, ca₂'u_iin₂ juig₂ Cesarea ca₂uig₂ juig₂ Jerusalén. ² Ja₁jaun₂ ca₂jmo₃ jme₂dsa₂ dsen₅₄ quia_in'₅₄ ca₂le₃jín₃ juig₅₄ jme₂dsa₂ quíán₅ dsa₂ judíos, ca₂mi₃ dso₄ ne₄ Festo a₂'ni₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi₃ a₂dsi₃quíán₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ já_g₁ a₂jme₁jñi'₃ Pa₄ le₂'i₄ jui₅. ⁴ La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ tē₂ juig₂ Cesarea ja₁'en₅₄ Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quíán'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂juá'₂ cha₂ a₂ri_n₂.

⁶ Jñia'₅₄ con'₂ jñia₃ o₃ guia₃ jmi_g₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jñia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quíán₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ juē'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jñia₁₂₃ a₂dsón'₂ dsau₅ ca₂le₃jē₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ já_g₁ dsau₅ a₂lióin₂ 'ñiog₅, ca₂juá'₂:

—'Icaun₂ dso₄ nē₅ tsá₃ ma₂'no₃ jniá₂, on₃ guē'₂ jua'₅₄ a₂tsá₃ ma₂ca₂rē₃tei₅₄ con'₂ lē₅ Si₂ 'Éi'₃ quió'₅ dsa₂ judíos, on₃ guē'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ guē'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsi_n'₅₄ rē₂ quian'₅₄ dsa₂ judíos, jaun₂ ca₂ñíi'₃ Pa₄:

—¿'Niog'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quíáng'₂?

¹⁰ Jaun₂ ca₂ñag₃ Pa₄:

—Jaun₂ guē'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rē₂ bá₄ ñi'₅₄ 'ne₂, tsá₃ 'e₂ dso₄ rin₂ jniá₂ ja₁con₂ dsa₂ judíos. ¹¹ Chi₂juá'₂ cha₂ guē'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂juá'₂ tsá₃ dsau₅ dso₄ a₂bóg'₂ dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ né_g'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lē₃ dsia₅ Festo já_g₁ quian'₅₄ dsa₂ i₂to'₂ já_g₁ dse₃ quíán₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂ guang'₅₄ guē'₂ jaun₂.

Ma₂chén'₅ Pa₄ ne₄ Rag₅₄ Agripa

¹³ Tin₃'ni₅ jmi_g₄ cang₂ jaun₂, ca₂dsió_g₃ Rag₅₄ Agripa quia_in'₅₄ Berenice ca₂i₁lein₅₄ juig₂ Cesarea i₁cu_in₃ Diú₄ Festo.

14 Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁. 15 Lia'₂ con'₂ jme'₁en₅₄ jniá'₂ juig₂ Jerusalén, ca₂mi₃dso₄ ne₃ jniá'₂ juig₅₄ jme'₂dsa₂ quián₅ dsa₂ judíos, dsa₂ can'₅₄ quián₅ ně₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá'₂ 'éi'₃ quió'₅, a₂'ě₄ uig₅ ně₃. 16 Jaun₂ bá₄ lě₃ ca₂ḡag₄ jniá'₂ ca₂juig₂: “Tsá₃ le₂jaun₂ tin₂ quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂, tě₃ tsá₃ ma₂ně₂jín₂ dsa₂ i₂qui₂'nag₅ quió'₅, tě₃ tsá₃ ma₂cuin₅ jmig₄ lióin₃ 'e₂ dso₄ bóg'₂ dsa₂.” 17 Jaun₂ lě₃, jme₁ca₂o₃lén₂ ja₁lá₃, dsi₂jui₅ bá₄ ca₂i₁gua₂ ne₄ta₁ quió'₃ jme₁jnia₃ jaun₂, jaun₂ ca₂jmo₃ 'éi'₃ ca₂i₁quian₅₄ dsa₂ dsa₂ 'éi₂. 18 La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg'₂ dsa₂ ju₁lia'₂ dso₄ jme₁lín₂ jniá'₂ a₂jme₁bóg'₂. 19 Jnia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lě₅ 'Éi'₃ Juá'₅ quió'₅, ia₁ a₂juá'₂ 'iin₂₃ jan₂ i₂chen₂ Jesús i₂ca₂jon₃, jaun₂ juá'₂ Pa₄ i₂chan₂ bá₄ 'éi₂. 20 Ia₁ tsá₃ guion₅₄ 'a₂ lia'₂ jme₁rě₂ jág₁ jaun₂, jaun₂ bá₄ lě₃ ca₂juig₂ Pa₄ chi₂jua'₂ 'nio₃ dsó₃ jui₅ Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂. 21 La₁ 'ḡiog₅ ně₃ ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lě₃ ca₂jmo₃ jniá'₂ 'éi'₃ lia'₂ ma₂'ein₅₄ ně₅ 'né₅ 'má₃, ca₂lia'₂ ca₂cuin₃ jmig₄ a₂tsiin₅₄ ne₄ gui'₅₄ emperador.

22 Jaun₂ ca₂juá'₂ gui'₅₄ Agripa ca₂tsí'₃ Festo:

—Ján₃ bá₄ 'nio₃ jniá'₂ nag₅₄ jág₁ quió'₅ dsa₂ 'éi₂.

Jaun₂ ca₂ḡag₃ táng₃ Festo:

—'Ióg₃ nág'₁ jág₁ quió'₅.

23 Jaun₂ jme₁jnia₃ jaun₂, ca₂dsióg₃ gui'₅₄ Agripa quian'₅₄ Berenice. 'Nio₅ lin₃ jlá'₁ ca₂i₃toin'₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi'₃ a₂ca₂i₁quian₅₄ dsa₂ Pa₄. 24 Jaun₂ ca₂juá'₂:

—'Ne₂ Rag₅₄ Agripa, ca₂le₃jín'₃ 'nia'₂ dsa₂ i₂le₁ḡi'₂ ja₁lá₃ quian'₅₄ jniá'₅₄, la₂ chén'₅ dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ ně₃, 'ni₂₃ dsa₂ la₂. Jaun₂ ca₂le₃jě₃ jmig₄ tsá₃ cán₂ jág₁, a₂mi₂₃ jón₂ i₂ně₅. 25 La₁ con'₂ lín₂ jniá'₂, tsá₃ 'e₂ dso₄ riin₂ jua'₅₄ a₂dsi₂ten₅₄ jóin₂. Ton'₂ mi₂₃ táng₃ 'ḡiog₅ a₂dsán'₃ ne₄ gui'₅₄ emperador Augusto, jaun₂ lě₃ ma₂i₂jio₅ dsi₃ dsian'₅₄ co₂ḡei'₅₄ ne₄ 'éi₂. 26 Ia₁ tsá₃ guion₅₄ 'e₂ jág₁ dsón'₂ tó'₄ ne₄ si₂ a₂juig₅₄ gui'₅₄ emperador a₂'nig₄ i₂ně₅. Jaun₂ bá₄ lě₃ i₂jñiá'₂ ne'₅₄ 'nia'₂, la₁ 'ḡio₅ dsen₅₄ gué₄ le₂'uig₅₄ ne'₅₄ 'ne₂ gui'₅₄ Rag₅₄ Agripa, ia₁jaun₂ caun'₅₄ jág₁ dsau₅ quió'₅, ia₁jaun₂ cha₂ a₂tó'₄ ne₄ si₂ 'e₂ a₂rě₂cáin'₂. 27 Ia₁ tsá₃ dse₃ jniá'₂, lín₂ jniá'₂, jua'₅₄ a₂dsiang'₅₄ jan₂ dsa₂ chi₁'ḡei'₅₄ jua'₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng₃ Pablo jág₁ dsau₅ quió₅ ne₄ Rag₅₄ Agripa

¹ Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ŋiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

² —Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂lia'₂ lě₅ ca₂le₃jě₃ dso₄ a₂bóg'₂ dsa₂ judíos jniá₂. ³ Ia₁ ma₂ŋi'₅₄ bá₄ 'ne₂ co₂rě₂ 'a₂lia'₂ lě₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió₃.

Ca₂dsia₃ Pablo, le₂la₂ bá, jme₁lín₄ né₃ a₂jéin'₃ le₃quió₅ Te₁gui'₅₄

⁴ 'Ca₂le₃jin₃ bá₄ dsa₂ judíos le₁ŋi₅ 'a₂lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ŋi₅ bá₄ dsa₂ 'a₂lia'₂ jme₁ŋi₅ jniá₂ lia'₂ bing'₅₄. ⁵ Le₁ŋi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ guě₄ 'ŋio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, jui₁lia'₂ lě₅ jág₁ quió₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió₃. ⁷ Ta₁guia₃-tín₂ bá₄ cho'₅₄ tsi₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂tí₃ ta₁ ne₄ Diú₄ ia₁ le₁ín₂ dsi₅ a₂jme₂tí₃ Diú₄ jág₁ jaun₂ quió₅ ca₂cuě₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂'ín₂ dsi₃ jniá₂ le₂jaun₂ bá₄, a₂'nag₅ dsa₂ judíos jniá₂. ⁸ ¿'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmi₄ jme₃jein'₅₄ 'lag₄?

Ca₂dsia₃ Pa₄ 'a₂lia'₂ qui₂ca₂co₃'ein₃ quió₅ dsa₂ quián₅ Jesús

⁹ 'Jniá₂ 'ŋio₃, jme₁dsi₂jiog₅ dsi₃ le₂ŋjiá₅ jme₁jmo₅₄ 'lióng₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cuě₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lín₃ dsa₂ 'én₂.* Caun₂ bá₄ jág₁ jme₁lě₄ quió₃ quian'₅₄ dsa₂ i₂ca₂jme₃dsian₅ i₂lín₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'ě₃ jniá₂ uig₅, ia₁ jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'ŋio₅ lín₃ jme₁'ŋiai₅₄ jniá₂.

Ca₂dsia₃ táng₃ Pa₄ 'a₂lia'₂ ca₂lě₃ a₂ca₂jéin'₃

(Hechos 9:1-19; 22:6-16)

¹² 'Ta₁ jaun₂ jme₁ŋó₃ jniá₂ jui₅ Damasco ca₂chei₃ dsa₂ quian'₅₄ bí₂ 'éi'₃ ca₂cuě₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁ŋó₃ le₂i₄ jui₅,

* 26:10 lit. "juin₅ lín₃ dsa₂ ŋjió₅."

'ne₂ gui'₅₄ rag₅₄, con'₂ dsi₂ŋí'₃ bá₄ jaun₂, ca₂jág₃ jniá₂ caun₂ si₂ a₂já₃ jui₅ guei'₅₄ i₂juíg₃, ca₂tág₃ le₃lág'₃ quió₃, quian'₅₄ dsa₂ i₂jme₁quiang'₅₄. 'Nio₅ lin₃ gué₄ tág₅ con'₂ gué₄ 'iog₂. ¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uē₃ dsi₂jui₅ le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jmei₅ hebreo:† “Saulo, Saulo, ¿'e₂ lē₃ co₂'én'₅ jniá₂? A₂ŋia'₅₄ jmag'₅₄ uig₅ 'ŋiag'₂ bá₄, jmo'₂ jui₁lia'₂ jmo₅ ca₂jui₅ quia'₂ 'uē₃ a₂jná₅ nei'₅₄ ni₁'ma₂ chen'₂.” ¹⁵ Jaun₂ ca₂ŋag₄ jniá₂: “¿'Ein₂ bá₄ 'ne₂, gui'₅₄?” Jaun₂ ca₂ŋag₃ táng₃: “Jesús bá₄ jniá₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ nē₂jme₁jniag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ nē₂jag'₅₄ nē₃, quian'₅₄ a₂jag'₅₄ gué₄ cang₂ a₂jme₁jnia₅ jniá₂. ¹⁷ Tsin₅₄ jniá₂ 'ne₂, jaun₂ gog'₅₄ ja₁con₂ dsi₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ gué'₂ dsi₂nau₂ nē₃. ¹⁸ Jaun₂ jui₅ ja₁con₂ dsa₂ 'éi₂ tsin₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uín₃ jē₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lē₅ jua'₅₄ tioin'₅₄ gué₄ 'éi'₃ quió'₅ Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsáu₁, ia₁jaun₂ gue₃ jui₁lia'₂ a₂ca₂tín₂ dsa₂ i₂lē₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

¹⁹ 'Jaun₂ le₂nē₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lē₅ a₂ca₂jág₃ a₂já₃ guei'₅₄. ²⁰ Jaun₂ lē₃, jē₄ juig₂ Damasco ca₂'ē₃ le₂'uig₅₄ jág₁ dse₃. Jaun₂ gué₄ ca₂ŋeg₅₄ jui₅ Jerusalén, le₂tan₅₄ juig₂ ja₁tén₄ 'uē₃ Judea nē₃. Ján₃ bá₄ ca₂ŋeg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsi₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rē₃tsín₃ dsi₅ tē₂le₃ quian'₅₄ ca₂le₃jē₃ a₂jmo₂₃. ²¹ 'Uig₅₄ jaun₂ bá₄ a₂ca₂jŋau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jŋag'₃. ²² La₁ Diú₄ bá₄ jme₂'o₅₄ cuē₂₃ bí₂ a₂chan'₅₄ tiá₂ jág₁ quió'₅ ca₂tē₂ jmi₄g₄ nē₃, qui₂jáng'₅ jág₁ dsau₅ a₂juíg₂ lia'₂ dsa₂ dsen₅₄ lia'₂ dsa₂ lē₁dsa₂ nē₃. 'Icaun₂ jág₁ siá'₂ tsá₃ juíg₂ jniá₂ dsa₂, jnia'₅₄ con'₂ lē₅ jág₁ ca₂juá'₂ dsa₂ i₂jme₁'ē₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jē₃ 'e₂ niog₅ lé₂, ²³ co₂'nió'₄ a₂tion₅₄ 'nió'₅ ŋág₃ uig₅ I₂rē₂'ín₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jin₄ 'lag₄, ia₁jaun₂ dsi₃'ē₃ jág₁ dse₃ a₂lión₂ dsa₂, jui₁lia'₂ caun₂ si₂ a₂tág₅ lia'₂ jin₄ dsa₂ juig₂ quián₂ jnia'₅₄, lia'₂ jin₄ dsi₂nau₂ nē₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tē₂le₃ quió'₅ Jesús

²⁴ Jme₁ca₂juá'₂ Pa₄ jág₁ jaun₂ a₂jme₁lióin₂ 'ŋiog₅ ne₄ dsi₂tan₅₄, jaun₂ ca₂quió'₃ Dsi₄má'₂ Festo ca₂juá'₂:

—iA₂lētē₂'i'₂ bá₄ 'ne₂, Pa₄! Ia₁ a₂ŋí₄ lē₃ 'i'₂ si₂, jaun₂ ma₂ca₂rē₃ŋág'₅.

²⁵ Jaun₂ ca₂ŋag₃ táng₃ Pa₄:

† 26:14 o₃, arameo.

—Tsá₃ ñá₅ jniá₂, 'ne₂ gui'₅₄ Dsi₄ má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂. ²⁶ La₂ bá₄ guá'₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ lē₅ jág₁ nē₅. A₂jaun₂ bá₄ lē₃ tiá₂ dsi₃ a₂juá'₅ ne₅₄, ia₁ dsón'₂ ñi₅ ca₂le₃jē₃ jág₁ nē₅, ia₁ on₃juá'₅₄ a₂ca₂lē₃ caun₂ ja, quióng₄ con'₂ tē₃co'₅₄. ²⁷ ¿'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'ē₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

²⁸ Jaun₂ ca₂ñag₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂lén_g₂ jan₂ dsa₂ cristiano.

²⁹ Jaun₂ ca₂juá'₂ táng₃ Pa₄:

—Chi₂juá'₂ ca₂juig₄ o₃ tsá₃ ca₂juig₄ 'e₂, 'e₂ guē₄ dse₃ nē₃juá'₂ jmo₃ Diú₄ on₃juá'₅₄ jmá'₃ 'ne₂, ján₃ bá₄ le₂jaun₂ ca₂le₃jín₃ dsa₂ i₂nag₅ jág₁ quió₃ nē₃, a₂lén₂ ju₁lia'₂ lín₅ jniá₂, o₁ñia'₅₄ guē₄ on₃juá'₅₄ quian'₅₄ ni₁ñí₁ cadena ju₁lia'₂ chén'₅ jniá₂ la₂.

³⁰ Jme₁ma₂ca₂lē₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄ má'₂ Festo, 'io₅₄ Berenice nē₃, ca₂'uñin₂ co₂lē₅ quian'₅₄ ca₂le₃jín₃ guē₄ dsa₂ i₂jme₁tion'₅₄. ³¹ Con'₂ ca₂lén₂ cau₅, ca₂l₁dsia₂ 'a₂ lia'₂ jmo₃ jág₁ jaun₂ quió'₅ Pa₄, jaun₂ ca₂juá'₂ ca₂tsí'₃ riin'₅₄:

—'I₁ca₂juig₄ tsá₃ 'e₂ ma₂jmo₃ dsa₂ nē₅, jua'₅₄ a₂ca₂tñin₂ 'i₄ 'éi'₃ jóin₂, on₃ guē'₂ jua'₅₄ a₂dsi₂ten₅₄ 'ein₅₄ né'₃ 'má₃ nē₃.

³² Jaun₂ ca₂juá'₂ Rag₅₄ Agripa ca₂tsí'₃ Dsi₄ má'₂ Festo:

—Jme₁lé₂ bá₄ jme₁lión₂ dsa₂ nē₅, jua'₅₄ mei'₂ guē₃ tsá₃ ca₂mi₃ 'ñiog₅ a₂jme₃rē₃ gui'₅₄ emperador jág₁ quió'₅.

27

Ca₂dsián'₂ dsa₂ Pa₄ jui₅ Roma

¹ Jme₁ca₂jmo₃ dsa₂ jág₁ a₂chei₃ jnia'₅₄ jui₅ 'uē₃ Italia, jaun₂ Pa₄ quian'₅₄ guē₄ dsa₂ i₂le₁'ñe'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂tē'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ñí'₄ a₂ñiog₅ 'uē₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uē₃ Macedonia.

³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ ñéi₂ dsí₅ Julio ja₁con₂ Pa₄, ca₂cuē₃ bá₄ jmig₄ ca₂l₁jñin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅.

⁴ Jme₁ca₂'uag₂ jnia'₅₄ juig₂ Sidón, ca₂l₃náu₅ jnia'₅₄ jui₅ ja₁jniá₂ Chipre tē₂le₃ gu₂ jen₅, ia₁ tē₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ñag₅₄ jnia'₅₄ jmi₁ñí'₄ chei'₅₄ 'uē₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uē₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandro, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂l₃náu₅ táng₃. ⁷ Lióng₂ jmig₄ ca₂tió'₄

jnia'₅₄ ni₁barco, ia₁ a₂i₃náu₅ tē₂'ua₁. Jaun₂ tē₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ḡag₅₄ jnia'₅₄ cau₅ ja₁chei₂ Salmón, ca₂i₁jein'₅₄ le₃ja₁chei₂ Creta, 'uē₃ 'i₄ jē₄ jmi₁ḡí'₄. ⁸ Jaun₂ tē₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁tē'₂ dsa₂ 'O₄ Jmi₁ḡí'₄ Dse₃, ja₁ma₂quián₅ juig₂ Lasea.

⁹ 'Lióng₂ jmi₁ḡ₄ ca₂rē₃'ag₄ jnia'₅₄. Ma₂tē₂ jein₂ a₂ma₂go'₂ i₃nio₄ dsa₂ jui₅ ne₄ jmi₁ḡí'₄, ia₁ a₂ma₂ja₂quián₃ jein₂ güig₂. Jaun₂ lē₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, jág₅ jniá₂ 'ḡio₅ ma₂go'₂ quián₂ jniog₄ tē₂le₃ ja₁dsau₅₄ nē₅, ia₁ dsi₃'én₂ ni₁barco, lio₅₄ nē₃, ca₂tē₂ guio₅₄ jniog₄ go'₂ dsióg₃ nē₁juá'₂ 'e₂ ca₂lē₃.

¹¹ La₁ juig₅₄ 'lióg₂ nē₃, tsá₃ jui₅ ca₂tón'₃ jág₁ jaun₂ quió'₅ Pa₄. Ca₂tón'₃ bá₄ jui₅ jág₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco nē₃. ¹² Ia₁ tsá₃ dse₃ 'o₄ jmi₁ḡí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ jág₁ a₂jme₁dsi₁náu₄ jui₅ ja₁tág'₄ juig₂ Fenice, caun₂ 'o₄ jmi₁ḡí'₄ quió'₅ Creta ja₁jniá₂ tē₂le₃ noroeste quian'₅₄ tē₂le₃ suroeste, ia₁jaun₂ dsi₁jñia₁ jnia'₅₄ ja₁jaun₂ tē₁lia'₂ ḡag₅ jein₂ güig₂.

Ca₂'ág₂ dsí₂ tiá₂ lín₃ ne₄ jmi₁ḡí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ tē₂le₃ sur. Jaun₂ caun₂ lé₂ dsi₁lén₂ bá₄ lín₂. Jaun₂ ca₂'ui₁n₂ jaun₂ nē₃, ca₂i₃lén₂ jui₅ ma₂quián₅ chei'₅₄ 'uē₃ Creta. ¹⁴ La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecte ca₂tē₂ ni₁barco. ¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ḡei'₅₄ ca₂cuē₁ jnia'₅₄ jmi₁ḡ₄ a₂jio₃ dsí₂. ¹⁶ Jaun₂ ca₂ḡag₅₄ jnia'₅₄ le₃co'₅₄ caun₂ 'uē₃ pí'₁ ja₁chei₂ Cauda* a₂niog₅ jē₄ jmi₁ḡí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ tē₃ quian₅ ta₁ le₂jaun₂, ja₂lag₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lē₃ ca₂tó'₂ dsa₂ tsi₁mu₅ guei'₅₄ 'ḡió₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bēn₂ guē₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁tē'₂ dsa₂ Sirte, jaun₂ ca₂sió₂ tsi₁'mi₂ quió'₅ ni₁barco, jaun₂ ca₂cuē₃ jmi₁ḡ₄ a₂jio₃ dsí₂. ¹⁸ Jme₁jnia₃ jaun₂, ia₁ tiá₂ bá₄ guē₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ lio₅₄ ne₄ jmi₁ḡí'₄. ¹⁹ Jme₁ca₂tē₂ 'ni₅ jmi₁ḡ₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmi₁ḡ₂ le₂jio₅ a₂jmo'₂ ta₁ ni₁barco 'ḡiog₅. ²⁰ 'Lióng₂ jmi₁ḡ₄ tsá₃ ma₃ca₂jnia₃ 'iog₂, on₃ guē'₂ nei₅ nē₃. Tsá₃ ma₃lág₂ jnia'₅₄ jua'₅₄ a₂tág'₄ guē₄, ia₁ a₂ḡí₄ lē₃ tiá₂ jme₁'ei₅ dsí₂.

* 27:16 A₂lín₅₄ chog₅₄ si₂: "Clauda."

21 Ia₁ ma₂ne₁ñó₄ 'lióng₂ jmi_g₄ tsá₃ ma₃'ein₂ jnia'₅₄ guë'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ jui₅ jág₁ quió₃ a₂tsá₃ jme₁'uá_g₃ Creta. Jñia'₅₄ ca₂l₃'én₂ bá₄ quián₂, ton₂ ca₂ñag₅₄ rë'₂ uig₅ në₃. 22 La₁ në₃ në₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, o₁jñia'₅₄ dsi₃'én₂ ni₁barco. 23 Ia₁ a₂'uë'₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄. 24 Jaun₂ në₂juá'₂ ángel në₂chéi₃ jniá₂: “Tsá₃ lë₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jñiag'₂ ne₄ gui'₅₄ emperador romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ñió'₃ barco, tsá₃ ma₃ dsián₃.” 25 Jaun₂ lë₃, 'nia'₂ rin'₅₄ jniog₄, quen'₂ 'nia'₂ bí₂, tsá₃ jmo₂ 'nia'₂ o₂₁ dsi₅. Ia₁ dsón'₂ bá₄ 'én₂ jniá₂ tē₂le₃ quió'₅ Diú₄ a₂tion₅₄ jmo₃ con'₂ lë₅ jág₁ a₂në₂juá'₂ ángel në₂chéi₂ jniá₂. 26 La₁ tion₅₄ niog₅ dsi₁tió'₄ bá₄ jniog₄ caun₂ 'uë'₃ dsi₂jo₂ jmi₁ñí'₄.

27 Caun₂ 'uë'₂ jme₁ma₂tē₂ tin₃ semanas a₂tio'₅₄ jnia'₅₄ jui₅, lia'₂ ma₂jio_g₅ jaun₂ bá₄ dsí₂ ne₄ jmi₁ñí'₄ Adria,† jme₁ca₂rë₃lí'₄ dsa₂ i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uë'₃. 28 Jaun₂ ca₂can₃ dsa₂ 'éi'₃ 'a₂ con'₂ ji'₂ guë'₄ jmi_g₂. Jme₁ca₂jág₃ dsa₂, con'₂ guió_g₂-guiá₂-jñéi₂ (36) metros bá₄ ji'₂ guë'₄. Ca₂jui_g₄ guë'₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guió_g₂-guio₃ (27) metros bá₄ tí₅ guë'₄ ji'₂. 29 Ia₁ a₂gó'₅ dsa₂ jná'₃ ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ñí'₁ 'lá'₁ guei₂ quian'₅₄ tsi₁'nei₅₄ jui₅ né'₃ jmi₁ñí'₄. Tē₃ tion₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃. 30 Tē₁lia'₂ jaun₂, jme₁ma₂dsi₂jio_g₅ dsí₅ dsa₂ i₂quian₅ ni₁barco a₂jme₁cuíng₃. Qui₂ca₂sió₂ tsi₁mu₅ ne₄ jmi₁ñí'₄, a₂jmo₂₃ jui₁lia'₂ a₂tioin'₅₄ tó'₅ ni₁ñí'₁ guei₂ tē₂le₃ ne₄ ni₁barco. 31 La₁ jaun₂ ca₂juá'₂ Pa₄ ca₂tsí'₃ jui_g₅₄ 'lió_g₂ quian'₅₄ ca₂le₃jín₃ guë'₄ 'lió_g₂ në₃, ca₂juá'₂:

—Në₁jua'₂ tsá₃ jñia₅ i₂në₅ 'ñió'₃ ni₁barco, tsá₃ jaun₂ lión'₂ 'nia'₂.

32 Jaun₂ qui₂ca₂ti₃ 'lió_g₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ në₃ ne₄ jmi_g₂.

33 Tē₂ o₃'iog₂ lin₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ guë'₃. Jaun₂ ca₂juá'₂:

—Ma₂tē₂ tin₃ semanas a₂tsá₃ ma₂gün'₂ 'nia'₂ on₃ guë'₂ ma₂quë'₂. 34 Jaun₂ lë₃ juá'₅ jniá₂, qué'₂ 'nia'₂ ca₂la₂. Tion₅₄ 'nió'₅ quë'₅₄ 'nia'₂ ia₁jaun₂ bá₄ lión'₂ 'nia'₂. 'I₁jan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jñia'₅₄ ca₂mi'₂ jñi₂ dsi₄ jniog₄ tsá₃ 'e₂ dsi₃'én₂.

35 Dsi₂jui₅ jme₁ca₂juá'₂ Pa₄ le₂në₅, ca₂can₃ i₁ñí'₄ jaun₂ ca₂cuë'₃ ti₁'mag'₄ Diú₄ tē₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂guë'₃ jaun₂ në₃. 36 Jaun₂ ca₂le₃jín₃ dsa₂ ca₂tíin'₃ táng₃ bí₂

† 27:27 o₃, “jmi₁ñí'₄ Mediterráneo.”

jme₁ma₂në₂guë'₃. ³⁷ Ca₂le₃jág₃ jnia'₅₄ con'₂ jme₁tio'₅₄ ni₁barco jme₁teí₄ tin₃ 'njá₂-lón₂ rë₂dsí₂ 'nag'₂ co₂ne₂guióg₂ rë₂dsí₂ guia₃-jné₂ (276) dsa₂. ³⁸ Jme₁ca₂lí'₃ guë'₅ dsa₂ con'₂ jme₁'nio₃, jaun₂ ca₂guia'₃ lio₅₄ trigo ne₄ jmi₁ñí'₄ ia₁jaun₂ sión'₂ guë₄ guei₂ ni₁barco.

Ca₂í₃guen'₅₄ ni₁barco né'₃ jmi₁ñí'₄

³⁹ Jme₁jnia₃ jaun₂, dsa₂ i₂quian₅ ni₁barco tsá₃ ca₂rë₃cuí'₅ 'uë₃ jaun₂. La₁ jaun₂ ca₂jág₃ caun₂ dsiog₅ jmi₁ñí'₄ a₂niog₅ jë₄ 'uë₃, ja₁'ei₅ tei₄ guë₄ jmig₂. Chei'₅₄ jaun₂ tio'₅₄ 'lióng₂ ti₁tsag₁ ja₁lë₄ jo₂ guë₄. Jaun₂ ca₂'náu'₃ dsí₅ chi₂jua'₂ lé₂ jnióg'₃ ni₁barco ca₂të₂ jaun₂. ⁴⁰ Jaun₂ ca₂ti₃ 'nei₅₄ a₂jme₁le₁quian₅ ni₁ñí'₁ 'lá'₁. Né'₃ jmi₁ñí'₄ jaun₂ bá₄ ca₂tí₂ dsa₂ ni₁ñí₁ jaun₂. Qui₂ca₂jiá'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg'₃ tsi₁'mi'₂ le₃ne₄ jui₅ quió'₅ ni₁barco, ia₁jaun₂ të₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uë₃ ja₁lë₄ ti₁tsag₁. ⁴¹ La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lë₄ tin₃ ne₅₄ la'₅₄ ja₁'ei₅ tiá₂ jmig₂. Të₂le₃ ja₁lë₄ le₃ne₄ jui₅ quió'₅ ni₁barco ca₂í₃'ó'₅ jë₄ ti₁tsag₁, ca₂quí'₃ tiá₂ lin₃, ca₂lia'₂ tsá₃ ma₃ca₂tió'₃ dsa₂ dsí₃. Jaun₂ le₃ja₁lë₄ le₃chi₁co'₅₄, qui₂ca₂juin₃, ia₁ a₂ñí₄ lë₃ tiá₂ qui₂jná'₅ jmi₁ñí'₄. ⁴² Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jë₁ma₂qui₂ca₂'ain₂ jmig₂. ⁴³ La₁ tsá₃ ca₂cuë₃ jmig₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmig₂, jui₁tiain₅₄ jmig₂ le₂'uig₅₄ ia₁jaun₂ tíin'₄ 'uë₃; ⁴⁴ dsa₂ sián'₂ guë₄ në₃, jui₁'ain₅₄ jmig₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lë₃ qui₂ca₂ló₂ jnia'₅₄ a₂ca₂tág'₃ táng₃ 'uë₃.

28

'En₅₄ Pablo 'uë₃ Malta a₂niog₅ jë₄ jmi₁ñí'₄

¹ Jme₁ma₂ca₂ló₂ jnia'₅₄ ca₂le₃jág₃, jaun₂ guë₄ ca₂rë₃ne₄ jnia'₅₄ a₂chei₂ Malta 'uë₃ jaun₂, a₂niog₅ jë₄ jmi₁ñí'₄. ² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂të₃ jnia'₅₄ a₂jme₁dsion'₂, ia₁ a₂ñí₄ lë₃ güig₂, dsó₅ jmí₅ në₃. ³ Pa₄ guë'₂ në₃ qui₂ca₂cág'₃ ni₁'ma₂ quein₂. Lia'₂ con'₂ jme₁'ein₅₄ tó'₅ dsi₂si₂, con'₂ tsá₃ jáin₅ ca₂o₃'ín₃ jan₂ dsi₂mi'₂ a₂cuing₂₃ jme₁ca₂'ë'₂ dséi₂ quió'₅, ca₂chi₃dséin₂ mi₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi'₂ chi₁dsein₅₄ mi₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí'₃ riin'₅₄:

—I₂ma₂jñi'₃ dsa₂ bá₄ dsa₂ në₅. O₁jñia'₅₄ la₂ ca₂lóin₂ ne₄ jmi₁ñí'₄, la₁ tsá₃ 'i₄ 'éi'₃ a₂le₃chain₂ guë₄.

⁵ La₁ qui₂ca₂bí₂ Pa₄ mi₂gu₂ jaun₂ në₃, ca₂tán'₂ dsi₂mi'₂ dsi₂si₂. La₁ tsá₃ 'e₂ ca₂jén'₃ Pa₄ 'i₁ca₂juig₄. ⁶ Ca₂le₃jín₃ dsa₂ jme₁le₁jñia₂₃ guióng₃ dsi₂jui₅ quió'₅ Pa₄, o₃ jme₁dsi₃'iin₅ 'e₂, jóin₂ dsi₂jui₅. La₁

jme₁co₂lág₂ jaun₂, ia₁ ca₂jág₃ tsá₃ 'e₂ i₁jén'₄ gué'₂ Pa₄, jaun₂ ca₂i₃jio₅ dsí₅ të₂le₃ siá'₂, qui₂ca₂tsí'₃ riin'₅₄ a₂lín₅ Pa₄ jan₂ diú₄.

7 Cau₅ jaun₂ jme₁ron₅ 'uë₃ quió'₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag'₃ jnia'₅₄, 'ni₅ jmi₄ ca₂tág₃ jnia'₅₄ ja₁quió'₄. 8 Jme₁ Publio 'éi₂ jme₁ron₅ dso'₅₄ 'i₄ dséi₂, a₂tag₂₃ jmi₂ ně₃. Pa₄ ně₃ ca₂nei₅₄ ca₂i₁jii₁₂ dsa₂ dso'₅₄ 'éi₂. Jme₁ma₂në₂chi₃lén'₂ Diú₄, jaun₂ gué'₄ ca₂quiog₂ gu₂ ne₄ quió'₅ dsa₂ dso'₅₄, ca₂jme₃'lió₂. 9 Jme₁ca₂lë₃ le₂jaun₂, caun₂ ca₂dsi₃lén₂ bá₄ dsa₂ dso'₅₄ sián'₂ i₂chan₂ 'uë₃ jaun₂, caun₂ ca₂jme₃'lió₂ bá₄ gué'₂ Pa₄. 10 'Io'₂ ca₂jmo₃ dsa₂ quian'₅₄ jnia'₅₄. Jaun₂ ca₂cuë₃ dsa₂ ca₂le₃jë₃ 'e₂ 'nió'₅ quián₂ jnia'₅₄ jë₁ma₂të₂ rë₁tió'₄ táng₃ jnia'₅₄ juí₅.

Ca₂dsió₃ Pa₄ jë₄ juig₂ Roma

11 Cang₂ jme₁ma₂ca₂ñi₂ 'ni₅ tsi'₂, jaun₂ ca₂tió'₄ táng₃ jnia'₅₄ caun₂ ni₁barco a₂jme₁chí'₄ ja₁jaun₂ të₁lia'₂ jein₂ güig₂. Ni₁barco jaun₂ ca₂já₃ juig₂ Alejandría. Guei'₅₄ ni₁barco jaun₂ jme₁tióng₂ nió'₅ quió'₅ diú₄ Cástor quian'₅₄ diú₄ Pólux.* 12 Ca₂dsi₃náu₅ jnia'₅₄ 'o₄ jmi₁ñi'₄ juig₂ chei₂ Siracusa. Ja₁jaun₂ ca₂jñia₄ jnia'₅₄ 'ni₅ jmi₄. 13 Ca₂'uag₂ jnia'₅₄ ja₁jaun₂, ca₂i₁ñag₅₄ jnia'₅₄ quián₅ chei'₅₄ 'uë₃ ca₂lia'₂ ca₂dsi₃náu₅ të₂ ja₁chei₂ Regio. Jme₁jnia₃ jaun₂, ca₂'ág₂ dsí₂ a₂já₅ të₂le₃ sur. Jë₁ca₂të₂ tin₃ jmi₄ gué'₄ ca₂dsi₃náu₅ jnia'₅₄ ca₂të₂ juig₂ Puteoli. 14 Ja₁jaun₂ ca₂jen'₂ jnia'₅₄ i₂lín₅₄ dsa₂ rin'₅₄ i₂'én₂. I₂'éi₂ ca₂të₃ jnia'₅₄ ca₂i₁jñia₁ jë₄ quió'₅ caun₂ semana. Jaun₂ gué'₄ ca₂i₃náu₅ jnia'₅₄ juí₅ Roma. 15 Ca₂le₃jín₃ dsa₂ rin'₅₄ i₂tián'₅ Roma jme₁ma₂le₁ñi₅ a₂dsi₁náu₅ jnia'₅₄. Jaun₂ i₁lein₅₄ i₁jñiog₁₂ le₂'i₄ juí₅ ca₂të₂ ja₁chei₂ Foro de Apio quian'₅₄ ja₁të'₂ dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cuë'₃ ti₁'mag'₄ Diú₄ ca₂tñin₂ táng₃ bí₂ ca₂lág₃ dsí₅. 16 Jme₁ca₂dsi₃náu₅ jnia'₅₄ Roma, [ja₁jaun₂ gué'₄ ca₂jáng'₂ juig₅₄ 'lióg₂ ca₂jñin'₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñiai₂₃ i₂niog₅ gu₂. La₁]† Pa₄ ně₃ ca₂cuë₃ juig₅₄ 'lióg₂ jmi₄ a₂guá₃ 'éi₂ ja₁siá'₂ con'₂ 'ñiog₅ quian'₅₄ jan₂ 'lióg₂ i₂jmo₃ 'í₁ quió'₅.

Ca₂'ë₂ Pa₄ jág₁ dse₃ juig₂ Roma

17 'Ni₅ jmi₄ cang₂ jme₁ca₂dsió₃ Pa₄ juig₂ Roma, ca₂të'₃ ca₂le₃jín₃ dsa₂ dsen₅₄ quián₅ dsa₂ judíos juig₂ jaun₂. Jme₁ma₂le₁ñi'₂ dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ gué'₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ guë'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅

* 28:11 griego: Dioskouri, co₂'nió'₄ le₃jua'₅₄ on₃ dsa₂ tsin'₅₄ i₂lín₅ ja₁ñi'₅₄ diú₄ Zeus quian'₅₄ Leda. Co₂'nió'₄ diú₄ patrón quián₅ ni₁barco. † 28:16 A₂lín₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

quió'5 dsa2 quián2 jniog4 ma2líg'2, tion54 bá4 a2lë1ca2jáng'2 dsa2 jniá2 chi1'ñeg23 o4gú3 dsa2 romanos. 18 Jaun2 jme1ca2ñag3 dsa2, tsá3 'e2 dsáu5 jniá2 ca2dsó'2, jua'54 a2'i4 'éi'3 jóng2. Jaun2 jme1'nio3 jme1lió2. 19 La1 dsa2 judíos tsá3 cán2 jág1. Jaun2 bá4 lë3 ca2mi3 jniá2 a2'nio3 jme3rë3, gui'54 emperador, on3jua'54 ia1 a2cha2 dso4 jme2cán'2 jniá2 dsa2 go3. 20 'Uig54 jaun2 bá4 në2të3 jniá2, ia1 a2'nio3 jing54 'nia', a2'nio3 dsia54 jág1 quian'54 'nia'2. Ia1 'uig54 jág1 quió'5 Diú4 a2'éin2 jniog4 con'2 dsa2 lág5 israelitas, 'uig54 a2'ín2 dsi5 jniog4 a2jme3ti3 Diú4 jág1 quió'5 a2ma2cuë3, 'uig54 jaun2 bá4 chi1'ñe'54 jniá2 ni1ñí1 cadena la2.

21 Jaun2 ca2ñag3 dsa2 ca2tsí'3 Pa4:

—Tsá3 'e2 si2 ma2ca2gú'3 ne4 jnia'54, quió'5 dsa2 chan2 Judea, a2'iin23 'ne2. On3 guë'2 'i1jan2 dsa2 rin'54 jniog4 dsa2 judíos i2ja2lén2 ja1jaun2 jua'54 a2ma2juá'2 'iin23 'ne2 'lig'54. 22 'Niog2 jnia'54 néi1 'a2 guë'2 lia'2 lë5 jág1 quián'2 'ne2 chi2jua'2 'a2 lia'2 líng'2. Ia1 ne4 bá4 jnia'54 jág1, ta1caun2 mi2güí3 bá4 dsia5 dsa2 tsá3 të5 dsi5 jág1 'mí2 në5 a2'éin'2 'nia'2.

23 Jaun2 në3, ca2jmo3 dsa2 jág1 ca2tión3 caun2 jmi34. Jmi34 jaun2 në3 ca2dsi3lén2 juin5 dsa2 ja1'en54 Pa4. Jaun2 ca2jme2lióg3 ca2'ë'3 dsa2 të3 o3'iog2 jág1 ju1lia'2 ja1gon2 Diú4, qui2ca2dsia3 ca2lia'2 ca2jen3 'iog2 të2le3 ca2'láu2. Të2le3 quian'54 'Éi'3 Juá'5 quió'5 Moisés, quian'54 ca2le3jë3 guë4 Si2 quió'5 dsa2 i2jme1'ë2 jág1 quián5 Diú4 në3, qui2ca2cuë'3 dsa2 jág1 dsau5 ia1jaun2 le3'éin2 dsa2 'éi2 të2le3 quió'5 Jesús. 24 I2lin54 dsa2 ca2gue3 bá4 jág1 a2ca2juá'2 Pa4 jaun2, ca2rë3'éin2 bá4. I2lin54 guë'2 tsá3 ca2rë3'éin2, tsá3 'nio3. 25 Ia1 tsá3 caun2 jág1 'ei5 quió'5, i2lin54 ca2jme3lióg3 ca2'uiin2 bá4 i3lein3. Jaun2 ca2juá'2 Pa4 ca2tsí'3 dsa2 'éi2:

—Rë2 bá4 ju1lia'2 ca2juá'2 Jme2dsí2 Jnió5 ca2tsí'3 dsa2 quián2 jniog4 ma2líg'2 të2le3 quian'54 Isaías, i2jme1'ë2 jág1 o4quió'4 Diú4, jme1ca2juá'2:

26 Gua2 o2chei'54 dsa2 juig2 në5 le2la2:

“Dsón'2 qui1nág'1 bá4 'nia'2,

la1 tsá3 le3ñí'2 'nia'2.

Jag'54 bá4 'nia'2,

la1 tsá3 le3len'4 'nia'2.”

27 Ia1 a2ma2'ua'2 dsi5 bá4 dsa2 la2,

ja2lag3 bá4 nag23,

në2jag4 bá4 i2ma2rë2jni5 rë2gua4;

ján3 bá4 le2në5, në2jag4 bá4 a2tsá3 jniá2 mi2ne54,

ia1jaun2 tsá3 jág3 quian'54 mi2ne54,

on3 guë'2 nag3 quian'54 rë2gua54,

on3 guë4 le3ñí'2 dsi5,

ia1jaun2 tsá3 jéin'3 dsi5 ja1con2 jniá2

ia₁jaun₂ jme₁'lioin₁₂ jniá₂.‡

28 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ jui₅ quió'₅ dsi₂nau₂. 'Éi₂ ně₃, tón'₃ bá₄ jui₅.
29 Jme₁ca₂lě₃ juá'₂ Pa₄ le₂ně₅, ca₂i₃len₃ dsa₂ judíos tsin₂₃ 'ŋio₅ lin₃ quiain'₅₄ riin'₅₄. §

30 Tin₃ ŋi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsi₂lén₂ dsi₂jag₅₄. 31 Jaun₂ ca₂jme₃tiin₂₃ dsa₂ qui₂ca₂'ě₂ jág₁ 'a₂ lia'₂ lě₅ ja₁gon₂ Diú₄. Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃ jui₅ a₂'ě₂ Pa₄ jág₁ dse₃.

Co₂ně₅.

‡ 28:27 Isaías 6:9-10. § 28:29 A₂lin₅₄ chog₅₄ si₂ tsá₃ chi₁ton₅ versículo 29.

Si₂ carta a₂ca₂jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂tě₃ jniá₂, jaun₂ ca₂chei'₃ a₂léng₂ dsa₂ i₂chen₄ quiáin₅ ia₁jaun₂ qui₁'ě₄ jág₁ dse₃ quió'₅.

² Ca₂'ě₂ Diú₄ jág₁ dse₃ ně₅ ca₂tó'₂ ne₄ Si₂ jñi₅ quió'₅ ma₂líg'₂, ca₂cuě₃ tě₂le₃ quian'₅₄ dsa₂ i₂jme₁'ě₂ jág₁ quiáin₅, ³ a₂'iin₂₃ ja₁ñi'₅₄, i₂jme₁lín₄ tsi₁jón₂ David lia'₂ con'₂ lín₅ dsa₂ mi₂güig₃; ⁴ lia'₂ con'₂ lě₅ Jme₂dsí₂ Jñi₅ ně₃ ca₂jme₃nia₅ a₂lín₅ 'éi₂ Ja₁ñi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ ju₁5bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Tě₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂nia'₅₄, jaun₂ ca₂chei₃ jin₄ dsi₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂tě'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jě₄ juig₂ Roma, i₂lín₅ i₂'nio₃ Diú₄, jaun₂ ma₂tě₂₃ a₂le₃chan'₂ 'nia'₂ líng'₅ dsa₂ i₂lě₅ 'í₁ i₂ma₂quiáin₅. Ju₁i₁jme₂gu'₅₄ bá₄ Diú₄ ju₁le₂chan'₂ bá₄ 'nia'₂ dse₃, ju₁'ag₅₄ bá₄ tei₄ o₄quió'₄ Diú₄ Jme₁ jniog₄, o₄quió'₄ Te₁gui'₅₄ Jesucristo ně₃.

'Nio₃ Pa₄ dsí₃jág₂ juig₂ Roma

⁸ Jě₁le₂'uig₅₄, tě₂le₃ quian'₅₄ Jesucristo cuě₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jě₃ jme₂dsí₂ quió'₃, a₂qui₂'ě₅ jág₁ dse₃ quió'₅ Ja₁ñi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsí₃ 'nia'₂ ca₂le₃jě₃ jě₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ ju₁le₅₄ bá₄ 'a₂ lia'₂ 'ñio₂ dsí₅, 'a₂ lia'₂ lé₂ a₂cuin₃ jmi₄g₄, ca₂lia'₂ ca₂lě₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsí₃ i₁jíng₁₂ 'nia'₂, ton'₂ 'nio₃ jme₁ong₁₂ 'e₂ caun₂ 'nió'₅ jme₁ong₁₂ 'nia'₂ tě₂le₃ quió'₅ jme₂dsí₂, ia₁jaun₂ le₃náu'₁ guě₄ 'nia'₂ tiá₂; ¹² co₂'nió'₄ le₃juá'₅₄, ia₁jaun₂ le₂ le₃cuě₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ ju₁lia'₂ 'én'₂ 'nia'₂ ju₁lia'₂ 'én₂ jniá₂ ján₃.

¹³ Rin'₅₄ jniog₄, 'nio₃ le₃ñi'₅₄ 'nia'₂ 'líong₂ ráun₂ bá₄ ma₂lě₅ dsí₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jñia'₅₄ rě₂ně₃ tsá₃ ma₂lě₅, ia₁ ma₂rě₂jñi₅ ju₁5. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jě₄ quián'₂ 'nia'₂, ju₁lia'₂ ma₂cag'₄ jniá₂ ján₃ juig₂ siá'₂, go₄ dsi₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, ju₁lín₄ dsa₂ 'e₂ lín₅, dsa₂ griego, o₃ dsi₂nau₂ 'e₂, dsa₂

i₂ŋi'₂ dsi'₅, o₃ dsa₂ co₄ 'e₂; ¹⁵ jaun₂ le₂ně₅ bá₄ 'ín₅ dsi₃ a₂qui₂i'₁ě₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ ně₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsi₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rě₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jě₁ca₂tó'₂. Le₂ně₅ juá'₂ ne₄ Si₂: "Dsa₂ i₂ŋi₅ jui₅ co₂rě₂ ia₁ a₂'éin₂, 'éi₂ bá₄ le₃chan₂."*

A₂ma₂rě₂cán'₄ dsa₂ mi₂gü'íg₃ guioin₅₄

¹⁸ A₂juá'₅ jniá₂ le₂ně₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ tē₂ ja₁guá₄ guei'₅₄ i₂juí₃G₃ ja₁con₂ dsa₂ i₂tsá₃ Diú₄ cui₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja₁i₂nioi₅₄. ¹⁹ Ia₁ rě₂jniá₂ rě₂ bá₄ ca₂le₃jě₃ a₂ŋi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃ tē₂le₃ quian'₅₄ a₂ma₂jmo₃, ²⁰ ia₁ ca₂le₃jě₃ a₂tsá₃ rě₂jniá₂ quió'₅ Diú₄, lé₂le₃cuí'₅ dsa₂ tē₂le₃ quian'₅₄ ca₂le₃jě₃ a₂ma₂jmo₃; ma₂ca₂rě₃jniá₂ dse₃ lín₃ bá₄, ca₂le₃ ca₂jmo₃ Diú₄ mi₂gü'íg₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂ le₂ně₅ bá₄ tsá₃ ma₃'e₂ lé₂le₃juá'₂ dsa₂ jua'₅₄ a₂tsá₃ ŋi₅. ²¹ Ia₁ o₁ŋia'₅₄ ŋi₅ le₂ně₅ a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lě₅ ca₂tín₂ Diú₄ le₃juin'₂, on₃ guě'₂ ma₂cuě'₃ Diú₄ ti₁'mag'₄. Jě₂ bá₄ ma₂ja₂lěin₂ qui₂'no'₂ dsi'₅ a₂tsá₃ ta₁ tí₄; tsá₃ tē₂tsi'₅₄ dsi'₅, jaun₂ ma₂tě₁'ŋiá₄ jě₄ qui₁'né'₃. ²² Jui₁'a₂guě₃ la₂juá'₂ a₂lín₅ dsa₂ i₂cuí'₅, a₂tin₂ a₂ŋi₅, la₁ dsa₂ co₄ bá₄ ca₂lín₃ jě₁ca₂tó'₂. ²³ Jaun₂ ně₃, 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsiin₃ bá₄ a₂co₂tág₅ co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂gü'íg₃ i₂dsan₂, jui₁lia'₂ nió'₄ quió'₅ já₂ i₂'in₅, já₂ i₂tsě'₅ quió'₅, já₂ i₂lě₂ quén₂ mi₂tag₄ ně₃.

²⁴ 'Uig₅₄ ně₅ ně₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsi'₅ a₂tsá₃ le₁jě₃, ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmaí'₅ ni₁ŋi₁₂ quiaín'₅₄ riin'₅₄ le₂jain₂ le₂jain₂, ²⁵ ia₁ ca₂jme₃tsiin₃† jág₁ dsau₅ quió'₅ Diú₄ quian'₅₄ jág₁ tē₂jág₃; jaun₂ ma₂ja₂lěin₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄ a₂jme₁jme₃juin'₂ Diú₄ 'ŋiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂ně₅ dsón'₂ bá₄! A₂méi₃.

²⁶ 'Uig₅₄ ně₅ co₂dsia₅ ma₂jáng'₂ jui₅ ja₁cuě'₅ o₂'ŋi₃ o₂ŋia₃ dsi'₅ a₂lě₅ o₂guí'₃, ia₁ ca₂le₂jio₅ dsa₂ mí₂ quiaín₅ bá₄ ca₂jme₃tsiin₃ 'a₂ lia'₂ i₂nioi₅₄, a₂tsá₃ ma₃i₂nioi₅₄ lia'₂ con'₂ dsi₂ten₅₄ 'i₄ 'éi'₃

* 1:17 Habacuc 2:4. † 1:25 'Nio'₂ ja₁ton₅ Jeremías 2.11.

i₃nio₄ lia'₂ dsa₂ mí'₂ dsa₂ ñe'₂. ²⁷ Ján₃ bá₄ guë'₂ le₂jaun₂ dsa₂ ñe'₂ ma₂ca₂tí'₂ bá₄ 'a₂ lia'₂ 'í₄ 'éi'₃ le₃chain₂ tian'₃ quiaín'₅₄ dsa₂ mí'₂; ma₂ja₂léin₂ chóg'₅ dséi₂ quiaín'₅₄ dsa₂ ñe'₂ riin'₅₄, jmo₂₃-dsáu₅ a₂o₂guí'₃ le₂jain₂ le₂jain₂, jaun₂ gue₂₃ uig₅ guioin₅₄ a₂ca₂tíin₂ o₄quió'₄ jui₅ ja₁ca₂quíá'₂ cau₅.

²⁸ Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi'₂, jaun₂ co₂dsia₅ ma₂jáng'₂ Diú₄ jui₅ ja₁dsi₂qui₂dsi₃jiog₅ dsí₅ a₂'lig'₅₄, a₂dsi₂qui₂dsi₃coín'₅ a₂'liain'₂, a₂jmo₃ a₂tsá₃ dsí₂ten₅₄. ²⁹ Ca₂lia'₂ qui₂rē₂rin₅ ca₂le₃jě₃ ne₅₄ cosa 'lig'₅₄ jme₂dsí₂ quió'₅, qui₂'no₂₃ dso₄, jmá'₃ guioin₅₄ bá₄ 'nio₃ jme₁'ñi₃ó'₃, a₂qui₂'no'₂ dsí₅ 'a₂ lia'₂ 'ě'₃ uig₅ riin'₅₄. Rē₂can'₂ dsí₅ a₂uig₅ dsí₅ jín₂ riin'₅₄, a₂jme₂dsiain₂₃ riin'₅₄, a₂lě₁qui₂dsia₂₃ mī'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ñio₅ 'ñio₄ dsa₂, a₂co₂jmo₅ dsa₂ jág₁ tē₂jág₁ jē₄ tē₃co'₅₄. ³⁰ Ján₃ bá₄ le₂jaun₂ a₂lě₁chi₂'ag₅ dsa₂, 'ñiai₅₄ bá₄ Diú₄, a₂lě₁co₂jmá'₂ riin'₅₄, a₂jme₂rón₂ guioin₅₄, dsia₂₃ jág₁ tá'₅, a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guë'₂ jmá'₃ jme₂gain₃ chog₅₄-jmei₂; ³¹ tsá₃ tē₂tsi'₅₄ dsí₅ ně₃, on₃ guë'₂ jua'₅₄ jme₃tí₃ 'e₂ caun₂ jág₁ cuë₂₃ a₂jmo₃; tsá₃ 'ein₂ 'iin₂₃ 'i₁jan₂, tsá₃ tin₂ dsí₅ 'ein₂ dso₄ quió'₅ riin'₅₄, on₃ guë'₂ ñéi₂ dsí₅. ³² I₂ñi₅ rē₂ bá₄ dsa₂ 'éi'₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂ně₅ ca₂tíin₂ dsiaín₃ bá₄; la₁ jui₁'e₂ guë₃ ñi₅ a₂jaun₂, on₃jua'₅₄ jmá'₃ guioin₅₄ caun₂ qui₂jmo₂₃, tē₂le₃ tē₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rē₂ 'a₂ lia'₂ con₂ lě₅ dsón'₂

¹ Jaun₂ ně₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ring'₂, 'ne₂ guë'₂ i₂con₂ 'í₁ ja₁con₂ i₂sián'₂, tsá₃ a₂nag₅₄ jui₁'ein₂ guë₃ líng'₅. Ia₁ ně₃jua'₂ cáun'₂ 'í₁ ja₁con₂ ríng'₂, jaun₂ co₂'nió'₄ ma₂qui₂dsí'₁ 'éi'₃ ja₁con₂ 'ñiag'₂, ton'₂ ján₃ bá₄ le₂jaun₂ jmo'₂ 'ne₂ 'ñiag'₂ a₂cáun'₂ 'í₁ jaun₂. ² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rē₂ 'a₂ lia'₂ con₂ lě₅ dsón'₂, ja₁con₂ dsa₂ i₂jmo₅ le₂ně₅. ³ Jaun₂ 'ne₂ ně₃ i₂cáun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guë'₂ jmo'₂ 'ñiag'₂, ¿'e₂ líng'₂? ¿A₂líong'₂ jē₁ma₂tě₂ rē₁con₂ Diú₄ 'í₁ ja₁cong'₂? ⁴ ¿O₃ bá₄ tsá₃ dsáu₅ 'au'₂ ia₁ a₂ñí₄ lě₃ dse₃ 'ua₁ dsí₅ Diú₄, a₂jmo₂₃ tíó'₃ dsí₅, a₂jme₂juiin'₂ dsí₅ ně₃? ¿Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jiog₂₃ a₂dsi₃quén'₅ 'au'₂? ⁵ La₁ 'ñio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ ně₃ caun₂ jme₁jui'₁ bá₄ a₂jme₂'ne₅₄ Diú₄ ne₄ quiáng'₂ 'ñiag'₂ a₂ting'₃ jmig₄ jaun₂ jē₁ma₂tě₂ rē₁jme₃jñiai₂₃ a₂'nei₂, jē₁qui₃dsi₂₃ 'éi'₃ co₂rē₂. ⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂

'a₂ lia'₂ con'₂ lě₅ a₂ma₂ca₂jmo₃. * 7 Jui₁lia'₂ dsa₂ i₂jmo₅ tió'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton'₂ 'no'₂ jui₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ jui₅ a₂tsá₃ dsiáin₃, 'éi₂ bá₄ cuě'₃ Diú₄ a₂le₃chain₂ co₂tan₅₄. 8 La₁ quian'₅₄ a₂'nei₂ cuě'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ jui₅ a₂nag₃ gau₂jág₁ tí₅, i₂jma'₃ jui₅ 'lig'₅₄ bá₄ 'nio₃ cán₂. 9 Le₃cha₂ uig₅ o₂i₁ dsi₅ quió'₅ ca₂le₃jín₃ i₂jmo₅ a₂'lig'₅₄, jē₁le₂'uig₅₄ tē₂le₃ quió'₅ dsa₂ judíos, ján₃ guē'₂ le₂jaun₂ le₃ja₁con₂ dsi₂nau₂. 10 La₁ ja₁con₂ le₂jan₂ le₂jan₂ i₂jmo₅ a₂dse₃, cuě'₃ Diú₄ a₂co₂tág₅ co₂'né'₅, ton'₂ cuě'₃ caun₂ a₂dse₃, jmo₃ 'ei₅ tei₄, jē₁le₂'uig₅₄ quió'₅ dsa₂ judíos, ján₃ guē'₂ le₂jaun₂ le₃ja₁con₂ dsi₂nau₂.

11 Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; 12 ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ tē₃ tsá₃ 'Éi'₃ jaun₂ ca₂tín₂; la₁ ján₃ guē'₂ le₂jaun₂ dsa₂ i₂'no₅ dso₄ nē₁jua'₂ ron₅ bá₄ 'Éi'₃ quió'₅ Moisés nē₃, tē₃dsi₅₄ bá₄ 'éi'₃ quió'₅, jióg'₂ 'í₁ lia'₂ con'₂ lě₅ 'Éi'₃ jaun₂. 13 Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con'₂ lě₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. 14 Ia₁ jui₁lia'₂ dsi₂nau₂ nē₃, i₂tsá₃ 'Éi'₃ cha₂ ja₁coin₂, la₁ nē₁jua'₂ chain₂ jui₅ a₂jme₂ti₃ con'₂ jaun₂ ma₂tín₂ dsi₅, guion₅₄ bá₄ dsa₂ 'éi₂ ŋi₅ tē₂dsí₅ 'a₂ lia'₂ lě₅ 'Éi'₃ quió'₅ Diú₄, o₁ŋŋi₅₄ tsá₃ a₂jaun₂ ron₅ quió'₅. 15 Ia₁ cuě'₂₃ léi₄ 'a₂ lia'₂ lě₅ chain₂, a₂rē₂ton₅ tē₂dsí₅ ta₁ a₂quí₅ 'Éi'₃. Jaun₂ tē₂dsí₅ guoin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quín₅ 'a₂ lia'₂ dsi₂jiog₅ dsi₅ guoin₅₄; a₂lín₅₄ jáng'₂, a₂lín₅₄ guē'₂ tē₂le₃ lió₂. 16 Le₂nē₅ bá₄ lé₂ jē₁ma₂tē₂ jmi_g₄ jaun₂ a₂con₂ Diú₄ 'í₁ ca₂le₃jē₃ a₂'ma₄ jlē₅ quió'₅ ca₂le₃jín₃ dsa₂, tē₂le₃ quian'₅₄ Jesucristo, lia'₂ con'₂ lě₅ jág₁ dse₃ a₂qui₂'ě₅ jniá₂.

Dsa₂ judíos, quian'₅₄ 'Éi'₃ quió'₅ Moisés

17 La₁ chi₂jua'₂ lín₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuíng'₂ Diú₄; 18 chi₂jua'₂ ma₂ca₂jme₂tín₅ dsa₂ 'ne₂ 'a₂ lia'₂ lě₅ 'Éi'₃, jaun₂ ŋi'₅₄ 'a₂ lia'₂ 'nio₃ Diú₄, ton'₂ tǐng'₂ caun₅₄ 'í₁ 'a₂ lia'₂ lě₅ a₂dse₃; 19 jaun₂ chi₂jua'₂ tē₃dsón'₂ líng'₂ a₂tǐng'₂ jang'₅₄ dsa₂ ten₄, chi₂jua'₂ ŋi'₅₄ 'a₂ lia'₂ téi'₄ si₂ ja₁con₂ dsa₂ i₂i₂nio₄ jē₄ qui₁né'₃, 20 chi₂jua'₂ ŋi'₅₄ 'a₂ lia'₂ jme₁rē'₂ jui₅ a₂quian₅ dsa₂ co₄, chi₂jua'₂ ŋi'₅₄ 'a₂ lia'₂ cuě'₅₄ jág₁ i₂'nió'₄ i₂lín₅ chí'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃ŋi₅ dsa₂, 'a₂ lia'₂ lě₅ jág₁ dsau₅; 21 'ne₂ guē'₂ i₂jme₂tǐng'₂ i₂sián'₂, ħ₂e₂ guē'₂ 'uig₅₄ tsá₃ jme₂tǐng'₁ guē'₂ 'ŋiag'₂? Chi₂jua'₂ 'ne₂ guē'₂ 'ě'₅ jág₁ a₂tsá₃ ca₂tín₂ dsa₂ 'ang₃,

* 2:6 'Nio'₂ ja₁ton₅, Salmo 62:12; Proverbios 24:12.

ʔtsa₁ 'ang'₂ 'ɲiag'₂? ²² Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃
 jág₁ quiaín'₅₄ i₂tsá₃ lě₅ dsi₂i₂gu₂, ʔtsa₁ nióg'₅ guē'₂ 'ne₂ jág₁ jaun₂
 'ɲiag'₂? Chi₂jua'₂ 'ne₂ 'ɲio₅ lín₃ 'ɲiag'₅₄ diú₄ lag₄, ʔtsa₁ 'ang'₂ 'ne₂
 a₂quen₅ a₂te₁'i₁ dsi₂néi₂ 'né₅ quió'₅? ²³ 'Ne₂ guē'₂ i₂jmo'₂ táng'₅
 ja₁con₂ 'Éi'₃, ʔtsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂?
²⁴ Ia₁ jui₁lia'₂ juá'₂ ne₄ Si₂:
 'Ag₅ dsi₂nau₂ 'iin₂₃ 'lig'₅₄ Diú₄
 'uig₅₄ quián'₂ 'nia'₂.†

²⁵ Dsón'₂ bá₄ dsau₅ quen₅ a₂ti₃ dsa₂ lo₅₄ nē₁jua'₂ jme₂ti₃ 'Éi'₃
 quió'₅ Moisés, la₁ nē₁jua'₂ tsá₃ jme₂ti₃ dsa₂ ně₃, tsá₃ 'e₂ ta₁
 jmo₃, nē₂jag₄ bá₄ a₂tsá₃ 'e₂ rē₂uĩng₄ bá₄ quió'₅. ²⁶ Jui₁lia'₂ dsa₂
 i₂tsá₃ 'e₂ ma₂rē₂uĩng₄ quió'₅, la₁ nē₁jua'₂ jme₂ti₃ 'e₂ ta₁ qui'₅
 'Éi'₃, co₂jaun₂ bá₄ jín₂ Diú₄ dsa₂ 'éi₂ nē₂jag₄ bá₄ i₂ma₂rē₂uĩng₄
 quió'₅ o₁jɲia'₅₄ tsá₃ ma₂rē₂uĩng₄. ²⁷ Dsa₂ i₂tsá₃ 'e₂ rē₂uĩng₄ lo₄,
 la₁ nē₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄
 jui₅ a₂con₂ 'í₁ ja₁con'₂ 'ne₂, ia₁ tsá₃ jme₂tí'₁, jui₁'e₂ guě₃ ron₅
 Si₂ tio'₅₄ 'Éi'₃ quiáng'₂, jui₁'e₂ guě₃ rē₂uĩng₄ quiáng'₂ ně₃. ²⁸ Ia₁
 jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rē'₂ jɲia'₅₄ lín₅
 dsa₂ léi₄ jmá'₃ le₃co'₅₄, on₃ guē'₂ le₂jaun₂ jui₁lia'₂ ta₁ dsón'₂
 a₂quí'₅ a₂qui₂rē₂uĩng₄ lo₄ dsa₂, on₃jua'₅₄ jɲia'₅₄ rē₂uĩng₄ lín₅ léi₄
 jmá'₃ le₃co'₅₄ ni₁ɲí₅. ²⁹ Tē₂le₃ a₂ca₂tín₂ bá₄ dsa₂ jmo₃, a₂lín₅
 tē₃dsón'₂ dsa₂ judío, a₂lín₅ ca₂tē₂ dsí₅; ján₃ guē'₂ le₂jaun₂ jui₁lia'₂
 a₂lín₅ dsa₂ léi₄ a₂rē₂uĩng₄ quió'₅, a₂lě₅ ca₂tē₂ dsí₅ bá₄ dsa₂; ton'₂
 a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂
 'Éi'₃. Dsa₂ i₂lín₅ le₂ně₅ chéin'₅ rē₂ quian'₅₄ Diú₄, on₃jua'₅₄ rē'₂
 quiaín'₅₄ dsa₂ mi₂güig₃.

3

¹ Jaun₂ ně₃, ʔ'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío?
 ʔO₃ 'e₂ ta₁ jmo₅ a₂lín₅ dsa₂ léi₄ a₂rē₂uĩng₄ ni₁lo₁₂? ² 'Lióng₂ bá₄
 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂
 judíos. ³ ʔLa₁ 'e₂ bá₄ lé₂ ně₃ nē₁jua'₂ chan₂ i₂lín₅₄ i₂tsá₃ ca₂rē₃ti'₅₄?*
 ʔO₃ bá₄ lín'₂ 'nia'₂ ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃
 ca₂rē₃ti'₅₄ dsa₂ 'éi₂? ⁴ ʔDsón'₂ bá₄ tsá₃ le₂jaun₂! Jui₁le₂lei₅₄ bá₄
 jniog₄, Diú₄ ně₃ jmo₃ bá₄ ca₂le₃jě₃ lia'₂ con'₂ lě₅ jág₁ tí₅ quió'₅,
 jui₁'e₂ guě₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:
 ia₁jaun₂ le₃lí'₄ dsa₂ a₂lín₅ i₂dsen₃
 jui₁lia'₂ jē₁dsia'₂ jág₁,
 ia₁jaun₂ bá₄ léng'₂
 jē₁ma₂tē₂ rē₁con₂ dsa₂ 'í₁ ja₁cong'₂.†

† 2:24 Isaías 52:5; Ezequiel 36:22.
 51:4.

* 3:3 o₃, "i₂tsá₃ ca₂rē₃'éi₂."

† 3:4 Salmo

⁵ La₁ nē₁jua'₂ tí₅ ta₁ dsá_{u1} jniog₄ a₂rē₂jniá₂ Diú₄ a₂lín₅ i₂dsen₃,
 ¿'e₂ le₃jua'₅₄ jniog₄ nē₃? ¿'An₁ tsá₃ rē₂ qui₃dsi₅ Diú₄ 'éi'₃ nē₁jua'₂
 ca₂rē₃'néi₃ 'é₂ uig₅ ja₁con₂ jniog₄? (A₂lē₁juá'₅ jniá₂ lia'₂ jē₁juá'₂
 dsa₂ mi₂güí₃ bá₄.) ⁶ ¡Dsón'₂ bá₄ on₃jua'₅₄ le₂nē₅! Ia₁ jua'₅₄ mei'₂
 guē₃ tsá₃ rē₂ qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂
 mi₂güí₃?

⁷ La₁ nē₁jua'₂ já₁g₁ tē₂jág₁ quió₃ tí₅ ta₁ ia₁jaun₂ lē₅ a₂rē₂jniá₂
 guē₄ já₁g₁ dsau₅ quió'₅ Diú₄ ia₁jaun₂ tē₂le₃ dse₃ guē₄ chéin'₅, ¿'e₂
 lē₃ qui₂dsi₅ Diú₄ 'éi'₃ a₂rīn₂ jniá₂ dso₄? ⁸ ¿Ja₁lin₃ guē₄ dse₃ jua'₅₄
 caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂nē₅ bá₄ chi₂'ag₅
 i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂
 i₂dsi₂jio₅ dsí₅ le₂nē₅ 'a₂ con₂ ca₂tīn₂.

Ca₂le₃jág₃ bá₄ jniog₄ rē₂cáu'₄ dso₄

⁹ ¿'E₂ jaun₂ nē₃? ¿A₂dse₃ guē₄ tíong₂ jnia'₅₄ dsa₂ judíos? ¡Dsau₅
 bá₄ on₃jua'₅₄ le₂jaun₂! Ia₁ ma₂tē₂tsí'₅₄ já₁g₁, co₂jaun₂ bá₄ dsa₂
 judíos con₂ dsí₂nau₂, caun₂ bá₄ jui₅ tío_{in}'₅₄ 'uig₅₄ dsá_{u1}. ¹⁰ Lē₅
 jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹ tsá₃ i₂chan₂ jua'₅₄ i₂ñí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

¹² Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃lén₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂.‡

¹³ 'Ué'₅ já₁g₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'uē'₅ tau₂ 'ñio₅ a₂rē₂na₄;

quian'₅₄ le₁tsi'₂ jmo₂₃ a₂jui₁gain₂.§

Nē₂jag₄ bá₄ ná_{u1} dsí₂mi'₂ 'a₄ mi₂'o₅₄.*

¹⁴ Jmá'₃ caun₂ a₂jaun₂ bá₄ juá'₂ dsa₂,

a₂uig₅ dsí₅, a₂jme₃dsi'₃ ja₁con₂ riin'₅₄;†

¹⁵ Ma₂nē₃ bá₄ i₂ñi₂₃ cán₂ tag₅₄

a₂dsi₃jme₁dsiain₂₃ riin'₅₄.

¹⁶ Léi₄ jē₁ca₂ñi₅ ca₂quiog₂ caun₂ jui₅ a₂o₂i₁ dsí₅,

ja₁i₃'én₂ 'a₂ lia'₂ chan₂ dsa₂;

¹⁷ ia₁ tsá₃ cuí'₅ dsa₂ 'éi₂ jui₅ 'ei₅ tei₄;‡

¹⁸ Tsá₃ a₂jaun₂ dsí₂jio₅ dsí₅

jua'₅₄ a₂gain₃ Diú₄.§

‡ 3:12 Salmo 14:1-3; 53:1-3; Eclesiastés 7:20. § 3:13 Salmo 5:9. * 3:13 Salmo

140:3. † 3:14 Salmo 10:7. ‡ 3:17 Isaías 59:7-8. § 3:18 Salmo 36:1.

19 A₂ne₄ bá₄ jniog₄, ca₂le₃jě₃ jág₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂ tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂ ca₂le₃jín₃ dsa₂ mi₂güig₃ tě₃tsiin'₅₄ rě₂cáin'₄ ne₄ Diú₄. 20 Ia₁ ca₂lia'₂ 'i₁jan₂ tsá₃ 'ein₂ jín₂ Diú₄ a₂tsá₃ dso₄ rě₂cáin'₄ jua'₅₄ a₂jme₃ti₃ a₂juá'₂ 'Éi'₃, ia₁ 'ñiog₅ bá₄ 'Éi'₃ qui'₅ ta₁ a₂le₃ne₄ jniog₄ a₂lág₅ dsa₂ cha₂ dsáu₁.

A₂lión₂ dsa₂ tě₂le₃ a₂jñia'₅₄ quian'₅₄ a₂'éin₂ bá₄

21 La₁ ně₃ ně₃, ma₂ca₂jme₃jnia₅ bá₄ Diú₄ jui₅ a₂tsá₃ ma₃dso₄ rě₂cáu'₄ jniog₄, on₃juá'₅₄ tě₂le₃ quian'₅₄ Si₂ 'Éi'₃, jui₁'e₂ guě₃ jáng'₅ jág₁ dsau₅ jui₅ jaun₂ a₂juá'₂ ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄ ně₃. 22 Jáng'₅ jág₁ dsau₅ jui₅ dse₃ quió'₅ Diú₄ a₂tsá₃ dso₄ rě₂cán'₄ dsa₂, jñia'₅₄ lia'₂ tě₂le₃ quian'₅₄ a₂'éin₂ tě₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ jui₁'ein₂ guě₃; 23 ia₁ ca₂le₃jín₃ bá₄ ma₂qui₂ma₂'náu₂ dso₄, jaun₂ uing₂ lin₃ bá₄ tióin₂ ja₁qui₂tág₅ co₂'né'₅ quió'₅ Diú₄. 24 La₁ Diú₄ ně₃, ia₁ a₂'ua₁ dsí₅ bá₄ 'ě₂ jág₁ a₂tsá₃ dso₄ rě₂cáin'₄, on₃juá'₅₄ a₂'nió'₅ qui₃ 'lia'₅₄. A₂lě₁lió₂ bá₄ tě₂le₃ quian'₅₄ Cristo Jesús i₂ca₂quí₃ o₄quió'₄ dsáu₁ dsa₂. 25 Ca₂chen'₃ Diú₄ ja₁ñi'₅₄ ia₁jaun₂ dsian₅ dsáu₁ dsa₂ mi₂güig₃ quian'₅₄ jmi₂ 'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂ jmá'₃ tě₂le₃ quian'₅₄ a₂'éin₂. Le₂ně₅ ca₂rě₃jniá₂ Diú₄ i₂lín₅ i₂qui₃dsi₅ 'éi'₃ rě₂, ia₁ a₂ma₂ca₂jme₃juin'₂ dsí₅ a₂ma₂ca₂ñág₃ bá₄ dsáu₁ dsa₂ a₂jme₁'no₂₃ ma₂líg'₂. 26 Le₂ně₅ ca₂jmo₃ Diú₄ a₂ca₂jme₃jñiai₂₃ a₂rě₂ qui₃dsi₂₃ 'éi'₃, a₂ca₂jme₃jñiai₂₃ a₂jñin₂ dsa₂ i₂'én₂ tě₂le₃ quió'₅ Jesús ně₂jag₄ bá₄ a₂ca₂jme₃ti₃.

27 ¿'E₂ bá₄ ca₂lě₃ jaun₂ ně₃ quian'₅₄ a₂jmo₅ dsa₂ táin'₅? Co₂dsia₅ tě₂tsi'₅₄ cau₅ bá₄ a₂jaun₂. ¿'E₂ 'uig₅₄? ¿'An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'éin₂ bá₄ dsa₂. 28 Ma₂ně₂quiong₅₄ bá₄ jniog₄ 'í₁ jaun₂ ně₃, a₂jín₂ Diú₄ dsa₂ ně₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ jua'₅₄ a₂ca₂jme₃ti₃ o₃ tsá₃ ca₂jme₃ti₃ 'e₂, con₂'lě₅ 'Éi'₃.

29 ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁juá'₅₄ i₂quián₅ dsí₂nau₂ján₃? Ján₅. I₂quián₅ 'éi₂ bá₄ ján₃, 30 ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ jág₃ jín₂ dsa₂ i₂rě₂uing₄ ni₁lo₁ ně₂jag₄ bá₄ a₂ca₂jme₂ti₃, 'uig₅₄ ia₁ a₂'éin₂; ján₃ bá₄ le₂jaun₂ jág₃ jín₂ dsa₂ i₂tsá₃ rě₂uing₄ ni₁lo₁ ně₂jag₄ bá₄ a₂ca₂jme₃ti₃, o₄quió'₄ a₂'éin₂. 31 ¿'E₂ jua'₂ jniog₄ jaun₂ ně₃? ¿A₂tsá₃ ta₁ tí₄ 'Éi'₃ ia₁ a₂'éin₂ jniog₄? ¡Dsón'₂ tsá₃ le₂jaun₂! 'Nió'₄ tě₂le₃ cuě₂ bá₄ jniog₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lé₂ le₃jua'₅₄ jniog₄ jaun₂ ně₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güí'₃?
2 Jua'₅₄ mei'₂ gué₃ Diú₄ ca₂chi'₃ jág₁ jua'₅₄ a₂dse₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ jui₅ a₂jme₁jmo₃ róin₂. La₁ on₃jua'₅₄ ne₄ Diú₄.³ Jaun₂, ¿'e₂ juá'₂ ne₄ Si₂? "Ca₂rē₃'én₂ bá₄ Abraham jág₁ ca₂cuē₃ Diú₄; jaun₂ 'uig₅₄ ia₁ a₂ca₂rē₃'éin₂ jaun₂ ně₃, ca₂guéi'₂ Diú₄ nē₂jag₄ bá₄ a₂ca₂jme₃ti₃."^{*}
4 Jaun₂ ně₃, jui₁lia'₂ jan₂ dsa₂ i₂jme₂ti₃ ta₁ quió'₅ jan₂ juig₅₄, cu₄ a₂lí'₂ jaun₂ quió'₅, on₃jua'₅₄ a₂lē₁cuē₃ juig₅₄, ia₁ a₂ma₂rīn₂₃ quió'₅ 'éi₂ 'lia'₅₄ ta₁ quió'₅.⁵ La₁ nē₁jua'₂ 'ein₂ tē₃tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsáu₁, Diú₄ guéi'₂ quió'₅ nē₂jag₄ bá₄ dsa₂ dse₃, o₄quió'₄ a₂'éin₂.⁶ 'Niog₅ bá₄ David juá'₂ a₂dse₃ jui₁lia'₂ dsa₂ i₂guéi'₂ Diú₄ nē₂jag₄ bá₄ a₂tsá₃ ma₂'e₂ dsáu₁ cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃.⁷ Ca₂juá'₂ David: 'E₂ gué₄ dse₃ jui₁lia'₂ dsa₂ i₂ca₂'én₂ Diú₄ dsáu₁, i₂ca₂jlē₂ Diú₄ dso₄ a₂ca₂'náu₂.

8 'E₂ gué₄ dse₃ dsa₂ i₂ca₂jmo₃ Te₁gui'₅₄ dsí₅ a₂tsá₃ dso₄ riin₂.[†]

9 A₂dse₃ ně₅ ně₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rē₂uig₄ nī₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rē₂uig₄ quió'₅ bá₄ ján₃? Ma₂nē₂jua'₅₄ jnia'₅₄ a₂ca₂guén'₂ Diú₄ Abraham nē₂jag₄ bá₄ a₂ca₂jme₃ti₃ 'éi'₃, 'uig₅₄ ia₁ a₂'éin₂.¹⁰ ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jñiá₅ 'e₂? Le₂jñiá₅ bá₄, on₃jua'₅₄ cang₂.¹¹ Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ nī₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, nē₂jag₄ bá₄ dsa₂ i₂ca₂jme₃ti₃, 'uig₅₄ ia₁ a₂'éin₂. Le₂nē₅ bá₄ ca₂dsióg₃ Abraham a₂ca₂līn₃ cho'₅₄ ca₂le₃jín₃ i₂'én₂ ján₃, o₁jñiá'₅₄ tsá₃ ma₂gue₃ 'éi'₃ jaun₂ a₂uín₃ quió'₅. Jaun₂ le₂nē₅ bá₄ guén'₂ Diú₄ ján₃ dsa₂ tsi₁jon₂ 'éi₂ nē₂jag₄ bá₄ a₂lín₅ dsa₂ i₂ca₂jme₃ti₃.¹² Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uín₃ quió'₅, la₁ on₃jua'₅₄ jmá'₃ 'uig₅₄ ia₁ a₂rē₂uig₄ quió'₅; ján₃ bá₄ 'uig₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jme₂ jnia'₅₄ lia'₂ con'₂ tsá₃ ma₂uín₃ quió'₅.

Tē₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₃cuē₃

13 Jaun₂ ca₂cuē₃ Diú₄ jág₁ quió'₅ ca₂cuē₃ Abraham quian'₅₄ chi'₂-guein₂ quiáin₅, a₂gue₃ gua'₅₄ 'uē₃ a₂cuē₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuē₃

* 4:3 Génesis 15:6. Ján₃ bá₄ le₂nē₃, † 4:8 Salmo 32:1-2.

Diú₄, ton'₂ ca₂guéi'₂ Diú₄ ně₂jag₄ bá₄ a₂ca₂jme₃ti₃ 'Éi'₃. ¹⁴ Jua'₅₄ mei'₂ guě₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuě₅ Diú₄ cuě'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guě'₂ le₂jaun₂ jág₁ a₂cuě₄ quió'₅ Diú₄ tsá₃ ma₃quen₅. ¹⁵ Ia₁ jui₅ a₂'ne₂ Diú₄ bá₄ jiog₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

¹⁶ 'Uig₅₄ jaun₂, o₄quió'₄ a₂'én₂ dsa₂ cuě₅ Diú₄ a₂dse₃ cuě'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cuě₄ ne₄ a₂'ua₁ dsí₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rě₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. ¹⁷ Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín₅ cho'₅₄ dsa₂ chan₂ 'líong₂ juig₂ nación.”[‡] Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsi₂ dsa₂ i₂ma₂dsan₃, ján₃ guě'₂ tě'₂ a₂tsá₃ ma₂cha₂ ně₂jag₄ bá₄ a₂ma₂cha₂.

¹⁸ Jui₁'e₂ guě₃ tsá₃ ma₃'e₂ jmig₄ jme₁ma₃cha₂ ja₁con₂ Abraham lia'₂ con'₂ lě₅ lín₂ dsa₂ mi₂güig₃, tě₂le₃ ia₁ a₂ca₂rě₃'éin₂ jág₁ quió'₅ Diú₄, ca₂dsió₃ “a₂lín₅ jmei₂ dsa₂ chan₂ 'líong₂ juig₂”, lia'₂ con'₂ lě₅ ca₂juá'₂ Diú₄: “co₂ně₅ tén₅ chi'₂-guein₂ dsió'₂ lě₂.”[§]

¹⁹ Jui₁'e₂ guě₃ jme₁ma₂'en₅₄ Abraham con'₂ 'ñiá₂-láu₂ ñi₂, lí'₄ bá₄ 'ñiog₅ a₂ma₂guen'₂ ni₁ñi₁₂, ján₃ guě'₂ le₂jaun₂ Sara quiáin₅ ně₃ co₂ně₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. ²⁰ Tsá₃ ca₂'ág₂ caun₂-tín₃ dsí₅ jua'₅₄ a₂tsá₃ 'éin₂ jág₁ a₂ca₂cuě₃ Diú₄, tě₂le₃ ca₂i₃tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, ²¹ caun₂ bá₄ 'ei₅ dsí₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cuě₃. ²² 'Uig₅₄ jaun₂ ca₂guéi'₂ Diú₄ ně₂jag₄ dsa₂ i₂ca₂jme₃ti₃.

²³ Jág₁ ně₅, “a₂ca₂guéi'₂ Diú₄”, ca₂i₃to'₅₄ ne₄ si₂, on₃jua'₅₄ a₂'iin₂₃ jmá'₃ Abraham; ²⁴ a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ ně₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ tě₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄, ²⁵ i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con'₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ ně₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

¹ Le₂ně₅ jaun₂, ia₁ a₂ma₂'ě₂ Diú₄ jág₁ a₂tsá₃ 'e₂ dso₄ rě₂cáu'₄ jniog₄, 'uig₅₄ ia₁ a₂'éin₂, ma₂chong₂ jniog₄ 'ei₅ tei₄ quian'₅₄, tě₂le₃ quian'₅₄ Te₁gui'₅₄ Jesucristo quián₂. ² Ia₁ tě₂le₃ quian'₅₄

[‡] 4:17 Génesis 17:5. [§] 4:18 Génesis 15:5.

Cristo 'éi₂ bá₄ ma₂i₁to'₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí₅,
 të₂le₃ ia₁ a₂'éin₂. Ja₁dse₃ nē₅ ně₃, tíong₂ jniog₄ tiá₂ 'io'₂ jein₂,
 ia₁ 'ín₂ dsí₅ jniog₄ a₂dsón'₂ jme₁quian'₅₄ Diú₄ jē₄ co₂tág₅ co₂'né'₅
 quió'₅. ³ On₃ rē'₂ jua'₅₄ jmá'₃ a₂nē₅; jmo₂ jniog₄ 'io'₂ ne₄ o₂i₁ dsí₅
 a₂qui₂dsi₂nág₂; ia₁ ne₄ jniog₄, quian'₅₄ o₂i₁ dsí₅ bá₄ qui₂rē₂juin'₂
 dsí₅ jniog₄. ⁴ A₂juin'₂ dsí₅ jniog₄ jaun₂, jmo₅ a₂'chei'₂ rē₂ jniog₄ 'a₂
 lia'₂ lág₅; a₂tíong₂ jniog₄ rē₂ jaun₂ ně₃, jmo₅ a₂'ín₂ dsí₅ jniog₄ jmi_g₄
 a₂le₃ti₃. ⁵ Jmi_g₄ a₂'ín₂ dsí₅ jniog₄ jaun₂, tsá₃ lé₂ le₃jmo₃ jua'₅₄ jéin₂
 jniog₄ o₂guí'₃, ia₁ 'ñiog₅ Diú₄ ma₂ca₂jme₃cain'₂ jme₂dsí₂ quián₂
 jniog₄ ia₁ a₂ñí₄ lē₃ 'nio₃ jniog₄, të₂le₃ quian'₅₄ Jme₂dsí₂ Jñió₅
 i₂ma₂cuin₃.

⁶ Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan'₅₄ i₂tsá₃ cha₂
 jui₅ 'a₂ lia'₂ lion₄ guio₅₄, la₁ jme₁ca₂tē₂ jmi_g₄ a₂ca₂tíong₃ Diú₄,
 jaun₂ ca₂jon₃ bá₄ Irē₂'ín₁ quiáin₅ o₄quió'₄ dsa₂ i₂tsá₃ Diú₄ cuin₅.
⁷ A₂quian₅ ta₁ lin₃ bá₄ jua'₅₄ mei'₂ guē₃ jan₂ dsa₂ lé₂ le₃guein₃
 'mú₃ o₄quió'₄ jan₂ dsa₂ mi₂güig₃ riin'₅₄, ca₂lia'₂ ñña'₅₄ o₄quió'₄
 jan₂ dsa₂ i₂jmo₅ rē₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí₅
 guen₃ 'mú₃ o₄quió'₄ jan₂ dsa₂ i₂dse₃ dsí₅ dsón'₂. ⁸ La₁ ma₂ca₂cuē₃
 bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig₅₄
 quián₂, lia'₂ con'₂ jme₁lág₄ guē₄ dsa₂ cha₂ dsáu₁. ⁹ A₂jaun₂ ně₃,
 'uig₅₄ ia₁ a₂ma₂'ē₂ Diú₄ jág₁ të₂le₃ quian'₅₄ jmi₄ Cristo a₂ca₂tang₂,
 a₂tsá₃ ma₂dso₄ rag₂, jaun₂ të₂le₃ i₂jui'₂ guē₄ lió₂ jniog₄ të₂le₃
 quian'₅₄ 'éi₂ a₂gau₂ a₂'ne₂ Diú₄ a₂jiá₃ jē₁ca₂tó'₂. ¹⁰ Ia₁ chi₂jua'₂
 ma₂ca₂'ág₂ Diú₄ caun₂ jág₁ quian'₅₄ jniog₄ të₂le₃ quian'₅₄ 'mú₃
 a₂ca₂i₃ñí₂ Ja₁ñi'₅₄ lia'₂ con'₂ jme₁lág₄ guē₄ jniog₄ dsa₂ i₂'ña₅₄ 'éi₂,
 ján₃ bá₄ le₂jaun₂ të₂le₃ i₂jui'₂ guē₄ lió₂ jniog₄ 'uig₅₄ ia₁ a₂chain₂,
 ně₃ lia'₂ ma₂'ei₅ caun₂ jág₁ quiain'₅₄. ¹¹ Ia₁ on₃ guē'₂ jua'₅₄
 jmá'₃ a₂nē₅, ia₁ chong₂ jniog₄ jme₁'ñió₄ dsí₅ ján₃ le₃quió'₅ Diú₄
 të₂le₃ quian'₅₄ Te₁gui'₅₄ Jesucristo, ia₁ të₂le₃ quian'₅₄ Cristo bá₄
 ca₂dsi₃náu₅ jniog₄ 'ei₅ caun₂ jág₁ quian'₅₄ Diú₄.

Adán quian'₅₄ Cristo

¹² Le₂nē₅ jaun₂, jui₁lia'₂ të₂le₃ quian'₅₄ jan₂ dsa₂ ca₂rē₃chá₃
 dsáu₁ dsa₂ mi₂güig₃, 'uig₅₄ nē₅ bá₄ ca₂já₃ 'mú₃, le₂nē₅ bá₄ ján₃
 ca₂ñag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄
 ca₂'náu₂ dso₄. ¹³ Le₂ñjiá₅, lia'₂ con'₂ tsá₃ 'Éi'₃ jme₁ma₂ron₅,
 ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jió₂' 'í₁ 'e₂
 a₂rin₂ dsa₂ ja₁tsá₃ 'éi'₃ cha₂. ¹⁴ La₁ ca₂le₃ jme₁chan₂ Adán, ca₂lia'₂
 ca₂tē₂ jmi_g₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quió'₅
 dsa₂ i₂qui₂ca₂'náu₂ dso₄, o₁ñña'₅₄ dsáu₁ dsa₂ jaun₂ on₃jua'₅₄
 a₂ca₂i₃juin₅₄ dsa₂ caun₂ 'éi'₃ jui₁lia'₂ ca₂jmo₃ Adán; jme₁lín₄ Adán
 co₂'nió'₄ caun₂ nió'₄ quió'₅ i₂jiá₃ chi₁quín₃.

15 La₁ dsáu₁ Adán ně₃, tsá₃ lé₂ le₃quin₃ quian'₅₄ a₂lě₁cuě₅ Diú₄ jniog₄. Ia₁ jui₁lia'₂ o₄quió'₄ dsáu₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lě₅ guě₄ a₂'ua₁ dsí₅ Diú₄ a₂lió₂ a₂lě₁ma₂cuě'₃ co₂ŋí₂ dsa₂ juin₅ tē₂le₃ quian'₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo. 16 Dso₄ a₂ca₂'náu₂ jan₂ dsa₂ tsá₃ lé₂ le₃quin₃ quian'₅₄ a₂lió₂ Diú₄ a₂cuě₂₃ jniog₄; ia₁ jme₁ca₂caun₂ Diú₄ 'í₁ dso₄ a₂ca₂rě₃cán'₂ jan₂ dsa₂, jaun₂ ca₂já₃ jui₅ a₂ca₂qui₃dsí₅ Diú₄ 'éi'₃ ja₁con₂ dsa₂ mi₂güig₃; la₁ jui₁lia'₂ a₂lión₂ dsa₂ ně₃, a₂lě₁'ě₂ Diú₄ co₂ŋí₂ bá₄ jág₁ a₂tsá₃ 'e₂ dso₄ rin₂ dsa₂, jui₁'a₂ guě₃ la₂ qui₂ma₂'náu₂ 'lióng₂ dso₄. 17 Chi₂jua'₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió'₄ dsáu₁ jan₂ dsa₂, tē₂le₃ i₂jui₂' guě₄ 'ŋio₅ tson₂ a₂'ua₁ dsí₅ Diú₄ ja₁con₂ dsa₂ i₂guéin'₂ ně₂jag₄ bá₄ a₂tsá₃ 'e₂ dso₄ rin₂, a₂'io₂₃ bí₂ a₂le₃chain₂ dse₃ tē₂le₃ quian'₅₄ jan₂ dsa₂, i₂lín₅ Jesucristo.

18 Jaun₂ lě₃, jui₁lia'₂ dsáu₁ Adán ca₂chein'₃ ca₂le₃jín₃ dsa₂ jui₅ ja₁'ě₃ Diú₄ uig₅, le₂ně₅ bá₄ ján₃, ta₁ a₂quí'₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi'₂ Diú₄ ně₂jag₄ bá₄ a₂tsá₃ 'e₂ dso₄ riin₂. 19 Co₂'nió'₄ le₃jua'₅₄, ia₁ jui₁lia'₂ tsá₃ gau₂ ca₂nág₂ jan₂ dsa₂ 'éi₂, jaun₂ juin₅ i₂ca₂rě₃chá₃ dsáu₁, ján₃ bá₄ le₂ně₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén'₂ Diú₄ ně₂jag₄ bá₄ i₂ca₂jme₃ti₃.

20 Ca₂tě₁ron₅₄ 'Éi'₃ ia₁jaun₂ dsí₃juin₅₄ guě₄ dso₄; la₁ ja₁'ŋio₅ lin₃ guě₄ ca₂i₁juin₅₄ dso₄, jaun₂ 'ŋio₅ lin₃ guě₄ ca₂jmo₃ Diú₄ ca₂tsón₂ a₂'ua₁ dsí₅. 21 Jaun₂ le₂ně₅ bá₄ jui₁lia'₂ ca₂tín₂ bí₂ dso₄ jui₅ a₂quian₅ 'mú₃, le₂ně₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ ně₂jag₄ bá₄ dsa₂ i₂ca₂jme₃ti₃, a₂cuě₃ a₂le₃chong₂ jniog₄ dse₃ co₂tan₅₄ tē₂le₃ quian'₅₄ Te₁gui'₅₄ Jesucristo quián₂ jniog₄.

6

Ma₂dsau₃ tē₂le₃ quió'₅ dsáu₁, la₁ chong₂ le₃quió'₅ Cristo

1 ¿'E₂ jua'₅₄ jniog₄ jaun₂ ně₃? ¿A₁caun₂ dse₃ 'nió₁ bá₄ jniog₄ dso₄ ia₁jaun₂ caun₂ dsí₃tsón₃ a₂'ua₁ dsí₅ Diú₄ quian'₅₄ jniog₄? 2 ¿D₂són'₂ bá₄ on₃jua'₅₄ le₂ně₅! Ia₁ ma₂ca₂dsau₃ bá₄ jniog₄ le₃quió'₅ dsáu₁; ¿'a₂ bá₄ lia'₂ lé₂ jaun₂ ně₃ jua'₅₄ a₂caun₂ chong₂ jniog₄ le₃quió'₅ dsáu₁? 3 ¿Tsa₁ ŋi'₅₄ 'nia'₂, lia'₂ con'₂ jme₁ca₂tió'₄ jniog₄ jmig₂ le₃quió'₅ Cristo Jesús, ca₂tió'₄ jniog₄ 'mú₃ quió'₅? 4 Ia₁ jme₁ca₂tió'₄ jniog₄ jmig₂, co₂'nió'₄ bá₄ ja₁jaun₂ ca₂'o₃ jniog₄ co₂lě₅ quian'₅₄ Cristo ně₂jag₄ bá₄ a₂ca₂dsau₃, ia₁jaun₂ jein'₅₄ táng₃ a₂le₃chong₂ caun₂ jme₂dsí₂ 'mí₂, jui₁lia'₂ ca₂jen'₅₄ Cristo a₂jme₁rě₂join₅₄, tē₂le₃ quian'₅₄ jui₅bí₂ jlá'₁ quió'₅ Jmei₂.

5 Ia₁ chi₂jua'₂ ca₂jme₁quain'₅₄ jniog₄ ne₄ 'mú₃ quió'₅, ján₃ bá₄ le₂jaun₂ tion₅₄ bá₄ jme₁quain'₅₄ jě₁ma₂ca₂jein'₅₄ jniog₄ jui₁lia'₂ ca₂jen'₅₄ 'éi₂. 6 Ne₄ bá₄ jniog₄, lia'₂ con'₂ lě₅ jme₁lág₄ le₂jñiá₅, ne₄

cróg₄ bá₄ ca₂ñó₃ a₂jaun₂ co₂lě₅ quian'₅₄ Cristo, ia₁jaun₂ dsi₃'én₂ jui₅bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lě₅ jua'₅₄ a₂qui₂rě₂'ñei'₅₄ guě₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juig₅₄ jniog₄. ⁷ Ia₁ jui₁lia'₂ i₂ma₂jon₅, tsá₃ ma₂'e₂ rě₂'ñei'₅₄, ma₂lón₂ bá₄ ne₄ dsáu₁. ⁸ Chi₂jua'₂ ma₂ca₂dsau₃ jniog₄ quian'₅₄ Cristo, ján₃ bá₄ le₂jaun₂ 'éin₂ a₂le₃chong₂ quian'₅₄ 'éi₂, ⁹ ia₁ ne₄ bá₄ jniog₄, con'₂ jme₁ca₂jen'₅₄ Cristo ne₄ 'mú₃, o₁líg'₂ jmig₄ tsá₃ ma₃lě₂ le₃jón₂; tsá₃ ma₂'e₂ jui₅bí₂ 'io₅ 'mú₃ ne₄ quió'₅ 'éi₂. ¹⁰ Ia₁ jme₁ca₂jon₃ Cristo, co₂ráu₂ bá₄ ca₂join₃ 'uig₅₄ dsáu₁ dsa₂; la₁ nē₃ lia'₂ ma₂chain₂, chain₂ le₃quió'₅ Diú₄. ¹¹ Le₂nē₅ bá₄ 'nia'₂ ján₃, jmo₄ bá₄ 'nia'₂ 'au'₂ a₂ma₂dsang₃ tē₂le₃ quió'₅ dso₄, la₁ chan'₂ bá₄ 'nia'₂ le₃quió'₅ Diú₄ tē₂le₃ quian'₅₄ Cristo Jesús.

¹² A₂jaun₂ nē₃, 'a₃ cuē₂ 'nia'₂ jmig₄ jua'₅₄ a₂'io₅ guě₄ jui₅bí₂ dsáu₁ ne₄ ni₁ñi'₁ 'nia'₂ a₂siá'₃, a₂qui₂chi₃quióng₂ jmig₄ a₂jme₁ti'₄ 'nia'₂ a₂mi₅ ni₁ñi₅. ¹³ 'A₃ qui₁jin'₅₄ 'nia'₂ a₂tén₅ ni₁ñi'₁ jua'₅₄ a₂'no₃ guě₄ dso₄, co₂'nió'₄ a₂jmó'₂ ta₁ a₂jmo₃ a₂'lig'₅₄. Tē₂le₃ ne₄ Diú₄ bá₄ jin'₅₄ 'nia'₂ a₂lín'₅ co₂'nió'₄ dsa₂ i₂ma₂dsan₃, i₂ma₂jen'₅₄ táng₃. Jang'₅₄ 'nia'₂ a₂tén₅ ni₁ñi'₁ le₃ja₁con₂ Diú₄, co₂'nió'₄ a₂jmó'₂ ta₁ a₂jmo₃ jmá'₃ a₂dse₃. ¹⁴ Ia₁ tsá₃ 'io₃ guě₄ bí₂ dsáu₁ ne₄ quián'₂ 'nia'₂ nē₂jag₄ bá₄ jan₂ juig₅₄ 'nia'₂, ia₁ tsá₃ o₄gú₃ 'Éi'₃ tion'₅₄ 'nia'₂; tē₂le₃ o₄gú₃ a₂'ua₁ dsí₅ Diú₄ bá₄ tion'₅₄ 'nia'₂.

¹⁵ ¿'E₂ bá₄ jaun₂ nē₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi'₃ tio'₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¡Dson'₂ bá₄ on₃jua'₅₄ le₂nē₅! ¹⁶ ¿Tsa₁ ñi'₅₄ 'nia'₂, nē₁jua'₂ ca₂jin'₅₄ 'nia'₂ guiong'₅₄ o₄gú₃ jan₂ juig₅₄ a₂jme₁ti'₄ ta₁ ne₅₄, ma₂lín'₅ jan₂ i₂ma₂chi₁'ñe'₅₄ i₂quián₅ dsa₂ 'éi₂? Já₃n₃ bá₄ le₂jaun₂, nē₁jua'₂ ca₂jin'₅₄ 'nia'₂ guiong'₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia'₂, jiog₅ jui₅ 'mú₃; o₃ nē₁jua'₂ ca₂jin'₅₄ 'nia'₂ ne₄ a₂nág'₁ gau₂ jág₁ quió'₅ Diú₄, a₂jaun₂ bá₄ i₂ma₂lín₅ juig₅₄ 'nia'₂, jiog₅ jui₅ co₂dsau₅. ¹⁷ Jui₁'e₂ guě₃ jme₁rě₂qui₂rě₂'ñe'₂ 'nia'₂ le₂jñiá₅ ne₄ dsáu₁, la₁ rě₂nē₃ nē₃, ti₁'mag'₄ Diú₄, ma₂nei'₂ bá₄ 'nia'₂ gau₂ ca₂le₃jě₃ jme₂dsi₂ quiáng'₂ jág₁ quen₅ a₂ma₂rě₂jin'₅₄ 'nia'₂, a₂jme₂tíng'₂. ¹⁸ Jaun₂ nē₃ ma₂lón'₂ 'nia'₂ o₄gú₃ dsáu₁, ma₂tion'₅₄ bá₄ 'nia'₂ o₄gú₃ jui₅ co₂dsau₅. ¹⁹ (Juá'₅ jniá₂ juig₂ 'nia'₂ lia'₂ con'₂ lě₅ jág₁ dsia₅ dsa₂ mi₂güig₃, ia₁ dson'₂ bá₄ quian₅ ta₁ le₃ñi'₂ 'au'₂ 'nia'₂ dse₃ ia₁ tē₂le₃ a₂lín'₅ 'nia'₂ dsa₂ mi₂güig₃.) Ia₁ le₂jaun₂ bá₄ já₃n₃ jui₁lia'₂ qui₂ca₂jin'₅₄ 'nia'₂ le₂jñiá₅ a₂tén₅ ni₁ñi'₁ jui₅ ja₁tsá₃ nág'₂ gau₂, ja₁ca₂jme₁ti'₄ 'nia'₂ ta₁ ne₄ ca₂le₃jě₃ ne₅₄ a₂'lig'₅₄, le₂nē₅ bá₄ guě'₂ jang'₅₄ táng₃ 'nia'₂ a₂tén₅ ni₁ñi'₁ ja₁jme₁ti'₄ ta₁ ne₄ jui₅ jnió₅ ja₁caun₂ le₃dsen'₃ 'nia'₂.

²⁰ Lia'₂ con'₂ jme₁lín'₄ guě₄ dsa₂ i₂qui₂rě₂'ñe'₅₄ le₃quió'₅ dsáu₁, tsá₃ jme₁rě₂'ñeg'₅₄ jua'₅₄ a₂jme₁ti'₄ guě₄ 'nia'₂ ta₁ ne₄ jui₅ co₂dsau₅. ²¹ La₁ ¿'e₂ bá₄ a₂dse₃ ca₂lín'₃ 'nia'₂ ca₂le₃jě₃ a₂jaun₂,

a₂caun₂ lē₁o₂guí'₃ quián'₂ 'nia'₂ rē₂ně₃? Ia₁ jmá'₃ lia'₂ ca₂ne₅₄
 a₂dsióg₄ ne₄ jui₅'mú₃ bá₄ a₂jaun₂. ²² La₁ rē₂ně₃ ně₃, ma₂lón'₂
 'nia'₂ jui₅ ja₁jme₁qui₂rē₂'ŋe'₅₄ 'nia'₂ 'nau'₂ dso₄, ma₂l₂ton'₅₄ 'nia'₂
 jui₅ ja₁jme₁tí'₄ ta₁ ne₄ Diú₄, jaun₂ lén'₂ 'nia'₂ jui₅ jñi₅ ja₁caun₂
 le₃dsen'₃ 'nia'₂, jui₅ ja₁dsióg₄ a₂le₃chan'₂ 'nia'₂ dse₃ co₂tan₅₄.
²³ Ia₁ jñia'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁
 a₂lē₁cuē₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄
 Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ jui₁lia'₂ ja₁con₂ dsa₂ i₂rē₂jen'₂ gu₂

¹ Rin'₅₄ jniog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃,
 ħtsa₁ ŋi'₅₄ 'nia'₂ a₂'io₅ bí₂ 'Éi'₃ ja₁con₂ jan₂ dsa₂ jmá'₃ tē₁lia'₂
 chain₂? ² Jui₁lia'₂ jan₂ dsa₂ mí₂ i₂chan₂ dsi₂i₂gu₂, co₂'nió'₄
 a₂chi₁'ŋei'₅₄ bá₄ quiaín'₅₄ dsi₂i₂gu₂ lia'₂ con₂ lē₅ ne₄ Si₂ 'Éi'₃,
 tē₁lia'₂ chan₂ dsa₂ ŋe'₂. La₁ nē₁jua'₂ ca₂jon₃ dsi₂i₂gu₂ ně₃, ca₂tsin'₂
 bá₄ dsa₂ mí₂ 'éi₂ tē₂le₃ quió'₅ 'éi'₃ a₂jme₁le₁quian₅ quió'₅ quiaín'₅₄
 dsi₂i₂gu₂. ³ Nē₁jua'₂ ca₂guá'₂ 'io₅₄ quiaín'₅₄ dsa₂ ŋe'₂ sián'₂ tē₃
 chan₂ dsi₂i₂gu₂, dso₄ bá₄ 'no₂₃; la₁ nē₁jua'₂ ca₂jon₃ dsi₂i₂gu₂ ně₃,
 ca₂tsin'₂ bá₄ 'io₅₄ tē₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂
 quiaín'₅₄ dsa₂ ŋe'₂ sián'₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia'₂ rin'₅₄ jniog₄, ma₂dsan'₃ 'nia'₂ le₃quió'₅
 'Éi'₃ tē₂le₃ quian'₅₄ ŋi₄ Cristo, ia₁jaun₂ téng'₄ ja₁con₂ i₂sián'₂:
 ja₁con₂ 'éi₂ i₂ca₂jen'₅₄ táng₃ ne₄ 'mú₃. Le₂ně₅ ca₂lě₃ ia₁jaun₂
 le₃chong₂ jniog₄ téi₅ ta₁ ne₄ Diú₄. ⁵ Ia₁ lia'₂ con₂ jme₁chong₂
 jniog₄ lia'₂ jme₁jio₅ ni₁ŋi₁ jniog₄, ta₁ jaun₂ ca₂quí'₃ 'Éi'₃ a₂ca₂ŋei₃
 jui₅ ni₁ŋi₁ jniog₄ a₂ca₂lě₃ dsi₅ jmó₁ a₂'lig'₅₄, ca₂quí'₃ ta₁ a₂ca₂i₁jo₅₄
 ne₄ 'mú₃. ⁶ La₁ rē₂ně₃ ně₃, ma₂dsau₃ le₃quió'₅ Si₂ 'Éi'₃ a₂jme₁jio₅
 jme₁le₁'ŋei'₅₄, a₂jme₁tí₁ ne₄ Diú₄ jui₅ 'mí₂ quió'₅ Jme₂dsí₂ quiaín₅.
 Jaun₂ tsá₃ ma₃tio'₅₄ jniog₄ le₁'ŋei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ħ'E₂ jua'₅₄ jniog₄ jaun₂ ně₃? ħA₂lě₅ dso₄ bá₄ 'Éi'₃ jaun₂? ħDsón'₂
 bá₄ on₃jua'₅₄ le₂jaun₂! La₁ jniá₂ ně₃ tsá₃ ca₂rě₃guion₅₄ 'e₂ jaun₂
 dsáu₅, jua'₅₄ mei'₂ guě₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃
 'e₂ ca₂rě₃guion₅₄, jui₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄
 mei'₂ guě₃ tsá₃ a₂juá'₂ 'Éi'₃ ne₄ Si₂: "Tsá₃ lē₁jmo₂ 'ín₅ 'au'₂ a₂quió'₅
 dsa₂ sián'₂."*

⁸ La₁ dsáu₁ ně₃ ca₂jme₃'ŋi₃ bá₄ jág₁ ně₅; 'ŋiog₅ bá₄ 'Éi'₃
 ca₂cuē₃ jmig₄ ca₂ŋei₃ tē₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió'₅
 i₂sián'₂. Ia₁ jui₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsáu₅.
⁹ Ján₃ bá₄ jme₁chang₂ caun₂ jmig₄ lia'₂ con₂ tsá₃ 'Éi'₃ quió'₅

* 7:7 Éxodo 20:17; Deuteronomio 5:21.

Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsáu₁; jniá₂ guë'₂, co₂'nió'₄ a₂ca₂jong₃. ¹⁰ Le₂në₅ bá₄ ca₂lë₃ quian'₅₄ 'ñiog₅ 'Éi'₃ jaun₂; 'nió'₄ a₂jme₁cuë₃ bí₂ a₂le₃chan₂ jniá₂, të₂le₃ ca₂jioğ₃ jui₅ 'mú₃ bá₄ a₂jaun₂. ¹¹ Ia₁ dsáu₁ në₃, ca₂jme₃'ñiío'₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ñiog₅ bá₄ 'Éi'₃, ca₂cuë₃ 'mú₃.

¹² Jaun₂ në₃, a₂jñiío₅ bá₄ Si₂ 'Éi'₃; ján₃ guë'₂ le₂jaun₂ ca₂le₃jë₃ 'éi'₃ tio'₅₄, a₂jñiío₅, con₂ 'í₁ con'₂ dsi₂ten₅₄, a₂dse₃ lin₃ bá₄ a₂jaun₂. ¹³ ¿'E₂ bá₄ jaun₂ në₃? ¿Jui₁lia'₂ a₂dse₃ jaun₂ ca₂lë₃ 'mú₃ ja₁con₂ jniá₂? ¡Dson'₂ on₃jua'₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jioğ₃ jui₅ 'mú₃, le₂në₅ ca₂cuë₃ léi₄ a₂lë₅ dso₄ a₂jaun₂ a₂jme₁jmo₅ jniá₂; ca₂jmo₃ të₂le₃ quian'₅₄ a₂dse₃, jaun₂ le₂në₅ ca₂jme₃jnia₅ 'Éi'₃ 'e₂ a₂lë₅ a₂jui₁si 'lig'₅₄ a₂lë₅ dsáu₁.

¹⁴ Ne₄ bá₄ jniog₄ jaun₂ a₂lë₅ a₂gu₂dsí₂ bá₄ 'Éi'₃, la₁ dsa₂ ni₁ñí₅ bá₄ jniá₂; co₂'nió'₄ a₂rë₂'ni₅₄ bá₄ jniá₂ ne₄ dso₄. ¹⁵ Ia₁ tsá₃ ñí'₂ dsi₃ 'e₂ lë₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃jë₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dson'₂ jmo₂₃. ¹⁶ Ia₁ chi₂jua'₂ jmo₅ jniá₂ a₂tsá₃ të₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. ¹⁷ Le₂në₅ bá₄ jaun₂, on₃jua'₅₄ jniá₂ 'ñiío₃ 'no₂₃ dso₄; dsáu₅ jniá₂ a₂'i₄ të₂dsi₃ bá₄, a₂jaun₂ bá₄ jmo₅. ¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ të₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñí₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmig₄ jmo₅₄. ¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. ²⁰ Jaun₂ në₃, chi₂jua'₂ jmo₅ jniá₂ a₂tsá₃ të₅ dsi₃ jmo₅₄, on₃jua'₅₄ jniá₂ 'ñiío₃ jmo₂₃ a₂jaun₂; dsáu₅ jniá₂ a₂'i₄ të₂dsi₃ bá₄, a₂jaun₂ bá₄ jmo₅.

²¹ Jaun₂ ma₂ca₂rë₃léi₄, cha₂ caun₂ 'éi': jë₁ma₂të₂ rë₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. ²² Né'₃ jme₂dsí₂ quió₃, të₅ bá₄ dsi₃ 'Éi'₃ quió'₅ Diú₄; ²³ la₁ jáğ₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jioğ₅ dsi₃, a₂të₂ chi₁'ñeg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

²⁴ ¡'E₂ guë'₄ juğ₂ jniá₂! ¿'Ein₂ bá₄ jiá₃ lió₂ ne₄ ni₁ñi₃ a₂jioğ₅ 'mú₃ la₂? ²⁵ Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ të₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ në₃, 'ñiío₃ bá₄ jniá₂ quian'₅₄ 'a₂ lia'₂ dsi₂jioğ₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñí₅, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lë₅ jioğ₅ Jme₂dsí₂ quián₅ Diú₄

¹ Nē₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* ² Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuē₅ jmig₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃. ³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmig₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñí₅: ca₂chein₃ ja₁ñi'₅₄ 'ñiog₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güig₃ i₂'no₅ dso₄, jaun₂ le₂nē₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. ⁴ Le₂nē₅ ca₂jmo₃ ia₁ jaun₂ le₃ti₃ 'Éi'₃ a₂con₂ 'í₁ con₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con₂ lě₅ jiog₅ ni₁ñi₁₂, i₂i₂nio₄ lia'₂ con₂ lě₅ jiog₅ Jme₂dsí₂ bá₄.

⁵ Ia₁ dsa₂ i₂chan₂ lia'₂ con₂ lě₅ jiog₅ ni₁ñi₁ qui₂dsi₂jio₅ dsí₅ juí₅ quió'₅ ni₁ñí₅, la₁ juí₁lia'₂ dsa₂ i₂ma₂chan₂ lia'₂ con₂ lě₅ jiog₅ Jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄.

⁶ Ia₁ juí₁lia'₂ a₂qui₂dsi₂jio₅ dsí₅ dsa₂ juí₅ quió'₅ ni₁ñí₅, a₂lě₅ 'mú₃ bá₄ jaun₂; la₁ juí₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃. ⁷ Ia₁ juí₁lia'₂ i₂qui₂dsi₂jio₅ dsí₅ juí₅ quió'₅ ni₁ñí₅, i₂'ñia₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ gu'ē₂ lē₂ jme₃ti₃ 'Éi'₃ quió'₅ Diú₄. ⁸ 'Uig₅₄ jaun₂ bá₄, juí₁lia'₂ i₂i₂nio₄ lia'₂ con₂ jiog₅ ni₁ñi₁₂, tsá₃ lē₂ le₃jmo₃ a₂tē₅ dsí₅ Diú₄.

⁹ La₁ juí₁lia'₂ 'nia'₂ ně₃, tsá₃ ma₃i₂nio'₅₄ 'nia'₂ lia'₂ con₂ jiog₅ ni₁ñí₅, ia₁ ma₂quian'₅₄ bá₄ 'nia'₂ Jme₂dsí₂, ně₁jua'₂ guá₅ Jme₂dsí₂ quián₅ Diú₄ tē₂'au'₂ 'nia'₂. Ia₁ juí₁lia'₂ dsa₂ i₂tsá₃ 'en₅₄ Jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. ¹⁰ La₁ ně₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián'₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ ně₂jag₄ bá₄ a₂ma₂jme₂tí'₂ 'nia'₂, o₁jñia'₅₄ 'io₅ 'mú₃ ni₁ñi'₁ 'nia'₂ o₄quió'₄ dso₄. ¹¹ Chi₂jua'₂ chan₂ ja₁con₂ 'nia'₂ Jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñiog₅ bá₄ 'éi₂ cuē₃ jme₂dsí₂ 'mí₂ ne₄ ni₁ñi'₁ 'nia'₂ a₂ca₂tín₂ 'mú₃, tē₂le₃ quian'₅₄ Jme₂dsí₂ quián₅ Diú₄ i₂guá₅ tē₂'au'₂ 'nia'₂.

¹² Le₂nē₅ bá₄ jaun₂, 'nia'₂ rin'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rē'₂ ne₄ ni₁ñí₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con₂ lě₅ mi₅ ni₁ñi₁. ¹³ Ia₁ ně₁jua'₂ chan₂ 'nia'₂ lia'₂ con₂ mi₅ ni₁ñi'₁, dsían'₃ bá₄ 'nia'₂; la₁ ně₁jua'₂ tē₂le₃ quian'₅₄ Jme₂dsí₂, jñí'₅ 'nia'₂ a₂jmo₅ ni₁ñi'₁, jaun₂ le₃chan₂ bá₄ 'nia'₂.

¹⁴ Ia₁ ca₂le₃jín₃ dsa₂ i₂i₂nio₄ lia'₂ con₂ lě₅ jiog₅ Jme₂dsí₂ quián₅ Diú₄, lín₅ chi'₂guein₂ quián₅ Diú₄. ¹⁵ Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅ jme₂dsí₂ i₂qui₃'nei'₂ táng₃ jua'₅₄ a₂jmo₃

* 8:1 A₂lín₅₄ chog₅₄ si₂ a₂ca₂lě₃ cang₂ guē, juá'₂ le₂la₂ ján₃; "i₂i₂nio₄, on₃jua'₅₄ lia'₂ con₂ lě₅ jiog₅ ni₁ñi₁₂, i₂i₂nio₄ lia'₂ con₂ lě₅ jiog₅ Jme₂dsí₂ bá₄."

a₂le₃gan' táng₃ 'nia'₂. Jme₂dsí₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₁jua'₂ jniog₄ tē₂le₃ quian'₅₄ 'éi₂: "¡Abba!† ¡Tia₅₄ quiáng₃!",¹⁶ jaun₂ 'ñiog₅ bá₄ Jme₂dsí₂ nē₅ jme₂quian'₅₄ jme₂dsí₂ quián₂ jniog₄, jáng'₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄.¹⁷ Jaun₂ chi₂jua'₂ lág₅ jniog₄ ja₁ñi'₅₄, ján₃ bá₄ ca₂tág₂ jniog₄ gué₁ a₂dse₃ a₂ma₂lēs jág₁ cuē₃ Diú₄ a₂cuē'₃ chi'₂-guein₂ quián₅; gué₁ jniog₄ a₂nē₅ co₂lēs quian'₅₄ Cristo, chi₂jua'₂ quein'₅₄ jniog₄ quian'₅₄ jmi₁uig₅ quió'₅ ia₁jaun₂ quein'₅₄ jniog₄ cang₂ jē₄ co₂tág₅ co₂'né'₅ quió'₅.

¹⁸ Ia₁ lín₂ jniá₂ on₃jua'₅₄ cha₂ 'e₂ uig₅ a₂ñag₄ jniog₄ rē₂nē₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jiá₃ a₂le₃jniá₂ ja₁con₂ jniog₄.¹⁹ Ia₁ ma₂chi₁jñia₅ chi₁quian'₅₄ jmi₄g₄ ca₂le₃jē₃ a₂ca₂jmo₃ Diú₄, a₂'ín₅ dsí₅ jmi₄g₄ jē₁ma₂tē₂ rē₂le₃jniá₂ chi'₂-guein₂ quián₅ Diú₄.²⁰ Ia₁ ca₂le₃jē₃ a₂ca₂jmo₃ Diú₄ nē₃ ma₂qui₂le₁'ñei'₅₄ ne₄ jui₅ ja₁tsá₃ ta₁ tí₄, on₃jua'₅₄ ia₁ a₂ca₂rē₃'ñio₃ dsí₅ guioin₅₄, ia₁ le₂jaun₂ 'éi'₃ ca₂jmo₃ Diú₄ 'ñiog₅ bá₄. A₂'ín₂ dsí₅ ca₂le₃jē₃ a₂nē₅,²¹ jmi₄g₄ a₂lió₂ Diú₄ a₂qui₂chi₁'ñei'₅₄ ne₄ jui₅ a₂siá'₃ quió'₅, ia₁jaun₂ jme₃quian'₅₄ chi'₂-guein₂ quián₅ Diú₄ jē₄ co₂tág₅ co₂'né'₅ jui₁lia'₂ i₂ma₂qui₂ca₂lón₂.²² Ia₁ ne₄ bá₄ jniog₄, ca₂lia'₂ jñio₄ jmi₄g₄ nē₃, ca₂le₃jē₃ a₂ca₂jmo₃ Diú₄, qui₂'ñiog₂ qui₂'ñia₂₃ co₂lēs chain₂ uig₅.²³ On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ nē₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsí₂, qui₂'ñiog₅ qui₂'ñia₂ tē₂dsí₅ jniog₄ tē₂lia'₂ chi₁jñia₁ a₂'ín₅ dsí₅ jmi₄g₄ jaun₂, a₂jme₃jñia₅ a₂lág₅ jniog₄ chi'₂-guein₂ quián₅ Diú₄, jmi₄g₄ a₂lióin₂ ni₁ñi₁ jniog₄ la₂.²⁴ Ia₁ tē₂le₃ quian'₅₄ jmi₄g₄ a₂'ín₂ dsí₅ jniog₄ nē₅ bá₄ ca₂lió₂; la₁ nē₂jua'₂ ma₂jág₅ dsa₂ a₂'ín₂ dsí₅, on₃jua'₅₄ ma₃le₃'ín₂ dsí₅ dsa₂ jui₁lia'₂ a₂ma₂jág₅, tsá₃ ma₃tion₅₄ 'nió'₅ 'ín₂ dsí₅.²⁵ La₁ nē₂jua'₂ 'ín₂ dsí₅ jniog₄ caun₂ a₂tsá₃ ma₂ne₅₄, juin'₂ bá₄ dsí₅ jñia₄ a₂'ín₂ dsí₅.

²⁶ Já₃n₃ bá₄ le₂nē₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅ jniog₄. Ia₁ tsá₃ tag₂ chi₂len'₄ Diú₄ 'a₂ con'₂ dsí₂ten₅₄, la₁ 'ñiog₅ bá₄ Jme₂dsí₂ Jñio₅ nē₃ mi₂₃ ne₄ Diú₄ o₄quián₂ jniog₄, ca₂le₃jē₃ qui₂'ñiog₂ qui₂'ñia₃ on₃jua'₅₄ a₂lé₂ le₃'ñiog₃ jniog₄ quian'₅₄ jág₁.²⁷ La₁ Diú₄ nē₃ i₂tē₂li₅ tē₂dsí₅ dsa₂ mi₂güig₃, 'éi₂ bá₄ ñi₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ Jñio₅ lia'₂ con'₂ lē₅ 'ñio₂ dsí₅ Diú₄, o₄quió'₄ dsa₂ jñio₅ quián₅.

Tē₂le₃ ñag₅₄ guē₄ léi₂ jniog₄

²⁸ Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jē₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂tē'₃ Diú₄ lia'₂ con'₂ lē₅ ma₂i₂jio₅ dsí₅ jmo₃.²⁹ Ia₁ i₂ma₂cui₅ Diú₄ ca₂le₂jñiá₅, já₃n₃ bá₄ ca₂chei'₃ ca₂'iin₃ 'éi₂ a₂lén₂ jui₁lia'₂ lín₅ Ja₁ñi'₅₄, ia₁jaun₂

† 8:15 Abba: co₂'nió'₄ le₃jua'₅₄: "Tia₅₄" quian'₅₄ jág₁ jmei₅ arameo.

lén₂ Ja₁ŋi'₅₄ i₂le₂ne₁ jë₄ quió'₅ riin'₅₄ i₂juin₅.³⁰ Dsa₂ i₂con'₂ ma₂ca₂chen'₃ Diú₄ lia'₂ ca₂le₂ŋiá₅, ca₂të'₃ 'éi₂ ján₃; dsa₂ i₂con'₂ ca₂të'₃ 'éi₂ në₃, ján₃ bá₄ ca₂jág₂ në₂jag₄ a₂tsá'₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá'₃ 'e₂ dso₄ riin₂ në₃, ján₃ bá₄ ca₂jme₃jláin'₁.

³¹ ¿'E₂ le₃jua'₅₄ jniog₄ në₃, quian'₅₄ a₂në₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmig₄ jmóg'₂ jniog₄? ³² Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ŋi'₅₄ 'ŋiog₅, të₂le₃ ca₂jáng'₂ bá₄, ca₂ŋó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuë₃ jniog₄ ján₃ co₂dsia₅ quian'₅₄ 'éi₂ ca₂le₃jë₃? ³³ ¿'Ein₂ bá₄ lé₂ le₃'ni₃ dsa₂ i₂ma₂quión'₂ Diú₄? Ton'₂ 'ŋiog₅ bá₄ Diú₄ juá'₂ a₂tsá₃ 'e₂ riin₂. ³⁴ ¿'Ein₂ i₂lé₂ le₃'ë₂ uig₅? Ia₁ Cristo Jesús bá₄ i₂ca₂jon₃; të₂le₃ lë₅ bá₄ guë₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄. ³⁵ ¿'Ein₂ bá₄ i₂lé₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmig₄ ju₁lia'₂ caun₂ jm₁uig₅, o₃ ju₁lia'₂ caun₂ o₂i₁ dsi₅, o₃ jmig₄ ju₁lia'₂ a₂co₂'ein₅ dsa₂, o₃ jmig₄ ju₁lia'₂ jme₁'in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Ju₁lia'₂ rë₂ton₅ ne₄ Si₂: O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄

në₂jag₄ bá₄ já'₂ cha'₂

i₂ma₂le₁te₂ dsa₂ a₂jme₃dsiog₂₃.‡

³⁷ La₁ jë₄ ca₂le₃jë₃ a₂në₅, tson₂ guë₄ léi₂ tián₂ jniog₄ të₂le₃ quian'₅₄ 'éi₂ i₂ma₂ca₂rë₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsi₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guë'₂ a₂chong₂, on₃ guë'₂ ángeles, on₃ guë'₂ dsi₂tan₅₄ quián₅ jme₂dsí₂, on₃ guë'₂ a₂cha₂ rë₂në₃, on₃ guë'₂ a₂cha₂ jmig₄ ne₄ ju₁5 në₃, on₃ guë₄ ju₁5bí₂, ³⁹ on₃ guë'₂ i₂tion'₅₄ ja₁ŋei₅ lin₃, on₃ guë'₂ i₂tion'₅₄ ja₁'uin₃ lin₃, on₃ guë'₂ ju₁'e₂ guë₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, të₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; të₂dsi₃ jniá₂ jiog₅ Jme₂dsí₂ Jŋiós juá'₂ tság₅ jniá₂ a₂dsón'₂ bá₄ dsau₅; ² 'ŋio₅ lin₃ chang₂ go₂'i₃ qui'₂ dsi₃ co₂tan₅₄, ³ ia₁ ca₂të₂ 'ŋiós jniá₂ jme₁'nio₃ jua'₅₄ dsi₃'éng₁, rë₂'na₄ jág₁ ja₁con₂ Cristo jua'₅₄ mei'₂ guë₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jon₂ Israel; * 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂guein₂ quiáin₅; 'éi₂ bá₄ i₂ca₂të₂ ne₄ a₂tág₅ co₂'né₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄

‡ 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10.

Diú₄; 'éi₂ bá₄ i₂ca₂gue₃ Si₂ 'Éi₃ ca₂cuë₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén₃ ne₄ Diú₄; 'éi₂ bá₄ i₂ca₂cuë₃ Diú₄ jág₁ quió₅ ně₃. ⁵ 'Éi₂ bá₄ i₂lín₅ tsi₁jon₂ dsa₂ can₅₄ quián₂ jnia₅₄ ma₂lig₂. Jaun₂ tē₂le₃ quian₅₄ tsi₁jon₂ 'éi₂ ně₃, ca₂guan₃ I₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió₅ ca₂le₃jě₃, i₂jme₃juin₂ dsa₂ co₂tan₅₄, a₂méi₃.

⁶ On₃jua₅₄ rē₂ a₂tsá₃ ca₂rē₃ti₃ jág₁ a₂rē₂cuë₄ quió₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón₂ dsa₂ i₂tén₅ juig₂ Israel. ⁷ On₃ guē₂ lín₅ ca₂le₃jín₃ dsa₂ tsi₁jon₂ Abraham tē₃dsón₂ chi₂-guein₂ quián₅ 'éi₂; ia₁ jme₁ca₂juá₂ Diú₄ ca₂tsí₃ Abraham: “Tē₂le₃ quian₅₄ Isaac bá₄ ja₃lén₂ tsi₁jong₂”.[†] ⁸ Jág₁ ně₅, jein₅ jág₁, on₃jua₅₄ chi₂ dsio₄ le₃quió₅ ni₁ñí₅ i₂lín₅ chi₂-guein₂ quián₅ Diú₄; ton₂ con₂ i₂lín₅ guein₂ i₂ca₂rē₃chán₃ lia₂ con₂ lē₅ jág₁ quió₅ Diú₄ a₂jme₁ma₂cuë₃, jmá₃ i₂'éi₂ bá₄ i₂jín₂ Diú₄ i₂lín₅ tē₃dsón₂ tsi₁jon₂ Abraham. ⁹ Ia₁ jág₁ quió₅ Diú₄ a₂ca₂cuë₃ Abraham, a₂la₂ bá₄ jaun₂: “Jein₂ rē₂ně₃ ñi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”[‡] ¹⁰ On₃jua₅₄ jmá₃ a₂jaun₂. Qui₂ca₂can₃ Rebeca guein₂ quian₅₄ jan₂ dsa₂ ñe₂ i₂lín₅ Isaac jmei₂ jnia₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé₄, on₃ guē₂ a₂'lig₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ñiá₄ a₂ca₂tín₂ Diú₄ qui₃quió₂ lia₂ con₂ lē₅ niog₅ dsí₅; ¹² on₃jua₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá₂ Diú₄ ca₂tsí₃ i₁Bé₄: “I₂lín₅ i₂juin₂ jme₃ti₃ ne₄ i₂me₂.”[§] ¹³ Ju₁lia₂ chi₁ton₅ ne₄ Si₂: “Ca₂quio₄ jniá₂ ca₂jme₁gu₅₄ quió₅ Jacob, lē₅ guē₄ con₂ guē₄ Esaú.”^{*}

¹⁴ ¿'E₂ bá₄ le₃jua₅₄ ně₃? ¿On₃ bá₄ tsá₃ rē₂ qui₂dsí₅ Diú₄ 'éi₃? ¿Dsón₂ on₃jua₅₄ le₂jaun₂? ¹⁵ Ia₁ ca₂tsí₃ Moisés: Dsia₅₄ jniá₂ ñéi₂ dsí₃

ja₁con₂ i₂'nio₃ jniá₂ dsia₅₄ ñéi₂ dsí₃ quiaín₅₄;
ján₃ bá₄ jmo₅₄ jniá₂ 'ua₁ dsí₃
ja₁con₂ i₂'nio₃ jniá₂ jmo₅₄ 'ua₁ dsí₃ quiaín₅₄.[†]

¹⁶ Le₂ně₅ bá₄ jaun₂, on₃jua₅₄ rē₂ ia₁ 'nio₃ jan₂ dsa₂, o₃ a₂quín₃ bí₂ 'e₂; ton₂ ia₁ a₂ñéi₂ dsí₅ Diú₄ bá₄. ¹⁷ Ia₁ chi₁ton₅ ne₄ Si₂ 'a₂ lia₂ ca₂juá₂ Diú₄ ca₂tsí₃ Faraón:[‡] “Ta₁ jaun₂ tē₃dsón₂ bá₄ ca₂tság₂ jniá₂ a₂lég₂ rag₅₄, ia₁jaun₂ jme₁jnia₅ jniá₂ juí₅bí₂ quió₃ tē₂le₃ quian₅₄ 'ne₂, ia₁jaun₂ guē₄ le₃ñi₅ dsa₂ ta₁caun₂ gua₅₄ 'uē₃ 'a₂ lia₂ lín₅ jniá₂.”[§] ¹⁸ Jaun₂ lē₃, ca₂tín₂ Diú₄ dsia₃ ñéi₂ dsí₅ ja₁con₂ chi₂'ein₂ 'nio₃, ton₂ ján₃ guē₂ jme₃'ua₂ dsí₅ chi₂'ein₂

[†] 9:7 Génesis 21:12. [‡] 9:9 Génesis 18:10,14. [§] 9:12 Génesis 25:23.

Malaquías 1:2-3; lit. “Ca₂jme₁'nió₄ jniá₂ Jacob, Esaú guē₂ ca₂jme₁'ñiai₅₄.” [†] 9:15

Éxodo 33:19. [‡] 9:17 Faraón: co₂'nió₄ le₃jua₅₄, rag₅₄ quián₅ 'uē₃ Egipto. [§] 9:17

Éxodo 9:16.

'nio₃ jme₃'ua'₂ dsí₅,¹⁹ La₁ jaun₂, lé₂ jua'₅₄ juig'₅₄ jniá₂: “Chi₂jua'₂ le₂ně₅, ě₂ le₃ cuě'₅ Diú₄ dso₄ dsa₂, jaun₂ ně₃? Ia₁, ě₂ein₂ bá₄ qui'₅₄ jmig₄ jné₃ a₂nio₅ dsí₅ Diú₄ jmo₃?”²⁰ |La₁ 'ne₂ ně₃! ě₂ein₂ bá₄ lín'₅ 'ne₂ dsa₂ mi₂güig₃, jua'₅₄ a₂tsing'₄ quian'₅₄ Diú₄? ě₂O₃ bá₄ lé₂ le₃juá'₂ jui₁lia'₂ ni₁ti'₂ gua'₅₄, tsí'₃ i₂ca₂jmo₃: “ě₂E₂ le₃ ca₂jmog'₅₄ jniá₂ le₂la₂?”*²¹ Jui₁lia'₂ jan₂ tě₅ i₂jmo₅ ti'₂: ě₂Tsa₁ ca₂tšin₂ 'uě'₃ quian'₅₄ ca₂bě'₅₄ ti₁jein₂ caun₂ ni₁ti'₂ a₂jmó'₂ dsa₂ ta₁ jmá'₃ lia'₂ a₂jlá'₁, caun₂ guě'₂ a₂jmó'₂ dsa₂ ta₁ lia'₂ 'ei₅ ne₅₄ cosa?†

²² ě₂E₂ guě'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió'₅ ně₃, la₁ ca₂jmo₃ tió'₃ ca₂jme₃juin'₃ dsí₅ 'ñio₅ lín₃ quian'₅₄ dsa₂ i₂jme₁ca₂tín₂ gue₃ uig₅ i₂jme₁i₄ 'éi'₃ dsi₃'én₂?²³ ě₂E₂ guě'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ñi₅ dsa₂ a₂jláin'₁ a₂'uain'₂, a₂jme₂jnia₂₃ a₂ñéi₂ dsí₅ ja₁con₂ dsa₂ i₂ca₂jmó'₂ co₂jñia₅₄ tě₃jñiá₅, ia₁jaun₂ tiin₅₄ jě₁tág₅ co₂'né'₅ quió'₅?²⁴ Jniog₄ bá₄ 'éi₂ i₂ca₂tě'₃ Diú₄, on₃jua'₅₄ jmá'₃ jě₄ quió'₅ dsa₂ judíos; ján₃ bá₄ ca₂tě'₃ dsa₂ jě₄ quió'₅ dsi₂nau₂.²⁵ Jui₁lia'₂ juá'₂ ne₄ si₂ quió'₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,
ca₂tě₃ dsa₂ juig₂ quiáng₃;
ján₃ guě'₂ co₂'nió'₄ 'io₅₄ i₂tsá₃ jme₁'nióg₃,
ca₂tě₃ bá₄ jniá₂ a₂niói₃ guě₄ lín₃.‡

²⁶ Já₃ bá₄ juá'₂:
Co₂dsau₅ jaun₂ ja₁jme₁juá'₂ dsa₂
a₂tsá₃ lín'₅ 'nia'₂ dsa₂ quiáng₃,
ja₁jaun₂ nág'₁ 'nia'₂ a₂tě₂ dsa₂
a₂lín'₅ chi'₂guein₂ quián₅ Diú₄ jén'₃.§

²⁷ La₁ tě₂le₃ quió'₅ dsa₂ israelitas ně₃, ca₂juá'₂ Isaías a₂dsen₅₄ dsí₅: “Jui₁'a₂ guě₃ la₂ juin₅ lín₃ tsi₁jon₂ dsa₂ juig₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ñí'₄, la₁ me'₂ co₂ñí₂ bá₄ dsa₂ i₂juin₅ 'éi₂ tín'₄.²⁸ Ia₁ qui₃dsi₅ bá₄ Diú₄ 'éi'₃ ne₄ gua'₅₄ 'uě₃, jme₃ti₃ ca₂le₃jě₃ co₂ñei'₅₄.”*²⁹ Jui₁lia'₂ ca₂juá'₂ 'ñiog₅ Isaías le₂jñiá₅:
Jua'₅₄ mei'₂ guě₃ Te₁gui'₅₄ Juig₅₄ 'Lióg₂
tsá₃ ca₂dsiain₃ tsi₁jon₂ dsa₂ go₂ jniog₄,
le₂jaun₂ bá₄ jme₁dsi₁ñág₂ jniog₄

jui₁lia'₂ ca₂i₃ñí₂ dsa₂ juig₂ Sodoma quian'₅₄ Gomorra.†

Dsa₂ judíos quian'₅₄ já₃ dse₃

³⁰ ě₂E₂ le₃jua'₅₄ jniog₄ jaun₂ ně₃? Jui₁lia'₂ dsi₂nau₂ i₂tsá₃ jme₁'no'₂ jui₅ ja₁guei₃ Diú₄ ně₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ ně₂jag₄ bá₄ a₂ca₂jme₃ti₃, tě₂le₃ a₂jñia'₅₄ con'₂ a₂'éin₂ bá₄.³¹ La₁ dsa₂ juig₂

* 9:20 Isaías 29:16; 45:9. † 9:21 'Nio'₂ ja₁ton₅ 2 Timoteo 2:20. ‡ 9:25 Oseas

2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

Israel guë'₂ ně₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig₅₄
ia₁ a₂jme₂ti₃, lín₂, tsá₃ ca₂tió'₃ jme₃ti₃ 'Éi'₃ jaun₂. ³² ¿'E₂ lě₃? Ia₁
jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂,
tē₂le₃ quian'₅₄ a₂jme₁jmo₂₃ guioin₅₄ bá₄. 'Uig₅₄ jaun₂ qui₂ca₂nió'₃
bá₄ quian'₅₄ "Ni₁cang₁ a₂nió₅ dsa₂." ³³ Jui₁lia'₂ rē₂ton₅ ne₄ Si₂:

Ní₂ de'₂ 'nia'₂, tsin₅₄ jniá₂ jan₂ jē₄ juig₂ Sió_n
i₂lén₂ ně₂jag₄ ni₁cang₁ a₂qui₂nió₅ dsa₂,
ján₃ guë'₂ co₂'nió'₄ ni₁'lau₂
a₂jmo₃ dsi₂gan'₅₄ dsa₂;
jaun₂ jui₁lia'₂ i₂'én₂ le₃quió'₅ 'éi₂,
tsá₃ dsi₁ñi₂ o₂guí'₃.[‡]

10

¹ Rin'₅₄ jniog₄, a₂'ín₅ dsi₃ 'ñio₅ lín₃, a₂chi₂leng'₅₄ Diú₄ o₄quió'₄
dsa₂ israelitas, ia₁jaun₂ tíin'₄ bá₄. ² Ia₁ jáng'₅ bá₄ jniá₂ jág₁ dsau₅
ja₁coin₂, a₂dsen₅₄ dsí₅ le₃quió'₅ Diú₄, la₁ia₁ on₃jua'₅₄ jaun₂ ñi'₂
dsí₅. ³ 'Uig₅₄ ia₁ a₂tsá₃ ca₂tón'₃ jui₅ 'a₂ lia'₂ lě₅ jaun₂ a₂guéi'₂
Diú₄, jaun₂ qui₂'no'₂ jui₅ quió'₅ guioin₅₄ bá₄, tsá₃ ca₂jme₃gó'₃
jui₅ a₂ca₂cuë₃ Diú₄. ⁴ Ia₁ ca₂jme₃'ñia₅ I₂rē₂'ín₁ quián₅ Diú₄ 'Éi'₃,
ia₁jaun₂ guéi'₂ Diú₄ chi₂jua'₂ 'ein₂ i₂'én₂, ně₂jag₄ bá₄ a₂ma₂can₃
caun₂ jui₅ co₂dsau₅.

⁵ Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂
Moisés ne₄ Si₂: "Nē₁jua'₂ ca₂can₃ dsa₂ caun₂ jui₅ co₂dsau₅ lia'₂
con'₂ lě₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂
le₃chain₂."* ⁶ La₁ jui₁lia'₂ jui₅ co₂dsau₅ a₂já₅ 'uig₅₄ ia₁ a₂'én₂
dsa₂, juá'₂ Si₂ le₂la₂: "Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄
lé₂ le₃uig₂ guei'₅₄ i₂juig₃?† —co₂'nió'₄ le₃jua'₅₄, ia₁jaun₂ sióin₂
I₂rē₂'ín₁ quián₅ Diú₄ ja₁con₂ jniog₄—; ⁷ on₃ guë'₂ jua'₅₄ 'ne₂ ján₃:
"¿'Ein₂ bá₄ lé₂ le₃sióin₃ ca₂tē₂ ja₁ca₂jein₃ chi₁dsio₅₄?"[‡] —co₂'nió'₄
le₃jua'₅₄, ia₁jaun₂ chóin'₂ táng₃ I₂rē₂'ín₁ quián₅ Diú₄, jin₄ 'lag₄.
⁸ ¿La₁ 'e₂ bá₄ guë'₂ juá'₂ Si₂?
Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §
co₂'nió'₄ le₃jua'₅₄, jág₁ ně₅ bá₄ lě₅ jág₁ a₂'én₂ dsa₂ a₂qui₂'ě₅ jnia'₅₄
dsa₂: ⁹ Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄,
ján₃ guë'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄
a₂jme₁rē₂'lín₅₄, tíng'₄ bá₄. ¹⁰ Ia₁ tē₂le₃ jui₅ tē₂dsí₅ bá₄ dsa₂
rē₂'éin₂, ia₁jaun₂ guéi'₂ Diú₄ ně₂jag₄ bá₄ a₂ca₂jme₃ti₃; ján₃ guë'₂
le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tíin'₄ bá₄.

‡ 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12.

‡ 10:7 Deuteronomio 30:13. § 10:8 Deuteronomio 30:14.

11 Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñí₂ o₂guí'₃.”* 12 Tsá₃ jma₃quén₅ jág₂ Diú₄ jín₂ dsa₂ judíos quian'₅₄ guè'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, ján₃ guè'₂ jme₂gu'₅₄ cuè₂₃ ca₂lia'₂ 'lióng₂ a₂dse₃ quió'₅, cuè'₅ ca₂le₃jín₃ i₂chi₂léi'₂. 13 Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tín'₄ bá₄.”† 14 La₁, ¿'A₂ bá₄ lia'₂ lé₂ chi₃lí'₂ ne₄ jan₂ i₂tsá₃ ma₂ca₂rë'₃éin₂ le₃quió'₅? Já₃n₃ guè'₂, ¿'a₂ bá₄ lia'₂ le₃'én₂ dsa₂ le₃quió'₅ në₁jua'₂ tsá₃ ma₂nág₂ guè'₂ 'ag₅ dsa₂ 'iin₂₃ 'éi₂? ¿'A₂ guè'₂ lia'₂ lé₂ nag₃ dsa₂ në₁jua'₂ tsá₃ 'ein₂ chan₂ i₂'ë₂ jág₁ dse₃? 15 ¿'A₂ bá₄ lia'₂ lé₂ dsi₁lén₂ i₂'ë₂ jág₁ dse₃ në₁jua'₂ tsá₃ 'ein₂ chei₅? Jui₁lia'₂ ma₂rë₂ton₅ ne₄ Si₂: “i'E₂ guè'₄ jlá'₁ gu₂-tag₄ i₂quian₅ jág₁ dse₃!”‡

16 La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rë'₃éin₂ jág₁ a₂ca₂'ë₂ jniog₄?”§ 17 Le₂në₅ bá₄ jaun₂, jui₁lia'₂ a₂'én₂ dsa₂, lë₅ të₂le₃ quian'₅₄ a₂nag₅ dsa₂; a₂nag₅ dsa₂ jaun₂, lë₅ të₂le₃ quian'₅₄ jág₁ quió'₅ i₂rë₂'ín₁ quián₅ Diú₄.

18 La₁ ñag₄ jniá'₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ të₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uë₃ bá₄ ca₂dsia₃ dsa₂;

ca₂le₂con₂ quióng₄ mi₂güí₃g bá₄

ma₂ca₂i₃'ág₃ jág₁ quió'₅.*

19 La₁ ñag₄ táng₃ jniá'₂, ¿O₃ bá₄ a₂tsá₃ ma₂ca₂rë₃lí'₄ 'e₂ dsa₂ juig₂ Israel? Ia₁ jë₁le₂'uig₅₄, juá'₂ Moisés:
jmo₅₄ jniá'₂ a₂lén'₂ 'nia'₂ dsa₂ i₂dsí'₅

ja₁con₂ dsa₂ i₂tsá₃ juig₂ nación lín₅;

ján₃ bá₄ jmo₅₄ jniá'₂ le₃'ne'₂ 'nia'₂

o₄quió'₄ caun₂ juig₂ i₂tsá₃ ñí'₂ dsí'₅.†

20 Con'₂ siá'₂, tiá'₂ dsí'₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá'₂,

ca₂dsáu'₂ bá₄;

ca₂jme₁jnia₅ jniá'₂

ja₁con₂ dsa₂ i₂tsá₃ jme₁ñag₅ jniá'₂.‡

21 La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂:
“Të₂ne₁ jmig₄ bá₄ jme₁chén'₄ jniá'₂ chi₁jan₁₂ cu₃ ja₁con₂ juig₂
cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

* 10:11 Isaías 28:16. † 10:13 Joel 2:32. ‡ 10:15 Isaías 52:7. § 10:16 Isaías 53:1. * 10:18 Salmo 19:4. † 10:19 Deuteronomio 32:21. ‡ 10:20 Isaías 65:1. § 10:21 Isaías 65:2.

1 Jaun₂ ně₃ ŋag₄ jniá₂, ζO₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ñi₃o bá₄ jniá₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jón₂ Benjamín.

2 Ca₂le₂jniá₅ ma₂líg'₂ lin₃ bá₄ ca₂quión'₂ Diú₄ dsa₂ juig₂ quiáin₅; jaun₂ rē₂ně₃ ně₃ tsá₃ jua'₅₄ ma₂ca₂téi₂. ζTsa₁ ŋi'₅₄ 'nia'₂ 'a₂ lia'₂ juá'₂ ne₄ Si₂ ja₁ 'iin₂₃ Elías, 'a₂ lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂: 3 “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ě₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ ně₃; jñia'₅₄ lia'₂ jan₂ jniá₂ bá₄ chang₂ guě₄, qui₂co₂'ein₅ dsa₂, ján₃ guě'₂ 'nio₃ jñag'₃.”*

4 Jaun₂, ζ'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ tē₂le₃ quió₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”†

5 Jaun₂ le₂ně₅ bá₄ ján₃ rē₂tsón₂ ca₂dsion₄ dsa₂ 'éi₂ rē₂ně₃, jaun₂ Diú₄ ně₃ tē₂le₃ ia₁ a₂'ua₁ dsí₅ ma₂quióin'₂ 'éi₂. 6 Chi₂jua'₂ tē₂le₃ ia₁ a₂'ua₁ dsí₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guě₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí₅ Diú₄. 7 ζ'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂quión'₂ Diú₄ 'ñiog₅ bá₄ ca₂dsáu'₂. I₂sián'₂ guě'₂ qui₂ca₂rē₃'uá'₃ dsí₅, 8 ju₁lia'₂ juá'₂ ne₄ Si₂:

Ca₂jmo₃ Diú₄ a₂le₃tin₄ dsa₂ 'éi₂ le₃quió'₅ jme₂dsí₂;

ca₂cuě₃ mi₂ne₅₄ a₂tsá₃ jniá₂,

ca₂cuě₃ rē₂gua₅₄ a₂tsá₃ nag₅,

le₂jñi₄ jmi₄g₄ ně₃.‡

9 Já₃n bá₄ ca₂juá'₂ David:

Ca₂le₃jě₃ a₂i₂tsón₃ jme₁cha₂ quió'₅

ju₁le₅₄ co₂'nió'₄ tsi₁liá₂ o₃ 'má₅ 'e₂,

ia₁jaun₂ qui₃nió₃, gue₃ 'liain'₅₄.

10 Ju₁le₅₄ tsá₃ jnió'₅ mi₂ne₅₄

ju₁guen'₅₄ mi₂ca'₅₄ co₂ñei'₅₄.§

Dsi₂nau₂ i₂tín'₄

11 Nag₅ jniá₂ ně₃, ζO₃ bá₄ co₂ñei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃? ¡On₃jua'₅₄ le₂jaun₂! Tē₂le₃ jen₅ bá₄, jme₁ca₂i₃lén₂ dsa₂ judíos ca₂i₁juin₅₄, ca₂jmo₃ Diú₄ a₂ca₂dsó'₂ dsi₂nau₂ ju₁ja₁tín'₄, ia₁jaun₂ le₃dsí'₅ 'éi₂.

12 La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ tē₂le₃ dse₃ bá₄ o₄quió'₄ dsa₂ mi₂güig₃, já₃n bá₄ chi₂jua'₂ a₂ca₂i₃'én₂ quió'₅ 'éi₂, ca₂dsióg₃ a₂tē₂dsi₅₄ quió'₅ dsi₂nau₂, i'_e2 guě₄ dse₃ lé₂, jē₁ma₂ca₂rē₃'ñia₅ táng₃ 'éi₂!

13 La₁ a₂juá'₅ jniá₂ juig₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄ ja₁con₂ dsi₂nau₂, jmo₅ jniá₂ dsí₃ 'ñio₅ lín₃ dsen₅₄ ta₁ quió₃, 14 con'₂ tsá₃ ñó₅ ně₁jua'₂ ca₂rē₃dsí'₅ dsa₂

* 11:3 1 Reyes 19:10,14. † 11:4 1 Reyes 19:18. ‡ 11:8 Deuteronomio 29:4;

Isaías 19:10. § 11:10 Salmo 69:22-23.

go₃ jniá₂ ja₁con'₂ 'nia'₂, jaun₂ lé₂ lión₂ i₂lin₅₄ 'éi₂. ¹⁵ Chi₂jua'₂ jme₁ca₂téi₂ Diú₄ quió'₅ dsa₂ judíos, ca₂lí'₃ dsa₂ mi₂güí₃ a₂ca₂'ág₂ caun₂ jág₁ quian'₅₄ Diú₄, ¿e₂ bá₄ lé₂ jaun₂ ně₃ jē₁ma₂tē₂ rē₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsi₂ dsa₂ i₂jme₁ma₂rē₂'lin₄.

¹⁶ Chi₂jua'₂ lē₅ 'í₁ jui₁lia'₂ i₁ñí'₄ a₂le₂'uig'₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lē₅ 'í₁ ta₁jē₂ ti₁can₁; ján₃ bá₄ chi₂jua'₂ lē₅ 'í₁ le₃quió'₅ Diú₄ jui₁lia'₂ jmú₄ caun₂ ni₁'ma₂, ján₃ bá₄ le₂jaun₂ lē₅ 'í₁ ni₁gu'₂ nei'₅₄ ni₁'ma₂ ján₃.

¹⁷ Dsa₂ judíos i₂ca₂téi₂ Diú₄ 'éi₂ ně₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂uín'₂ a₂lin₅₄ ni₁gu'₂; ně₃ ně₃, chi₂jua'₂ lín'₅ 'ne₂ jan₂ dsi₂nau₂ i₂ma₂rē₂'lión₅, ně₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, ¹⁸ tsá₃ jmó'₂ táng'₅ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂, dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

¹⁹ Mei'₂ tsá₃ le₃ñag'₅₄ 'ne₂, jaun₂ ně₃: “Ján₅, dsau₅ bá₄ ně₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá₂ jan₂ i₂rē₂'lión₅ ja₁jme₁ca₂tín₂.” ²⁰ Dse₃, la₁ ca₂uín'₂ ni₁gu'₂ jaun₂ 'uig'₅₄ ia₁ a₂tsá₃ jme₁'éin₂, la₁ 'ne₂ guē'₂ ně₃ tē₂'ñiág'₄ 'uig'₅₄ ia₁ a₂'éng'₂. Le₂ně₅ bá₄ jaun₂, jui₁le₁gan'₃ 'nia'₂, tsá₃ lē₁jmo₂ róng'₂. ²¹ Ia₁ chi₂jua'₂ tsá₃ ca₂dsia₃ Diú₄ ñéi₂ dsí₅ ja₁con₂ ni₁gu'₂ quió'₅ tē₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ñéi₂ dsí₅ ja₁con'₂ 'ne₂ ján₃.

²² Jag₄ jaun₂, 'e₂ guē'₄ dsen₃ Diú₄, la₁ ján₃ bá₄ rē₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁'ua₁ dsí₅ Diú₄. Ia₁ ně₁jua'₂ tsá₃ le₂jaun₂, ján₃ bá₄ quén'₂ 'ne₂.

²³ Jui₁lia'₂ 'éi₂ ně₃, ně₁jua'₂ ca₂rē₃'éin₂ táng₃, lé₂ bá₄ le₃'lión₃. Ia₁ 'io₅ Diú₄ bí₂ chón₃g'₃ táng₃. ²⁴ Ia₁ ně₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁ñja'₅₄ líng'₅ ni₁gu'₂ ni₁'ma₂ siá'₂, i₂'e₂ guē'₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

²⁵ Rin'₅₄ jniog₄, tsá₃ 'nio₃ jniá₂ jua'₅₄ tsá₃ ñi'₅₄ 'nia'₂ jág₁ a₂jme₁rē₂'ma₄ la₂, con'₂ tsá₃ ñó₅ ně₁jua'₂ ca₂jmo'₅₄ 'nia'₂ róng'₂ quian'₅₄ a₂ñí'₂ 'au'₂ 'nia'₂ guiong'₅₄. Jui₁lia'₂ ma₂jmo₃ i₂lin₅₄ dsa₂ juig₂ Israel, ca₂rē₃'uá'₃ dsí₅, ca₂lia'₂ ca₂rē₃'ñia₅ dsi₂nau₂ i₂con'₂ ca₂tín₂ tón'₃. ²⁶ Jaun₂ guē'₄ lión₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sión, *

* 11:26 Sión: co₂'nió'₄ le₃jua'₅₄, juig₂ Jerusalén.

co₂dsia₅ jñiá'₂ a₂tsá₃ dse₃ jmo₅ tsi₁jon₂ Jacob.

27 Jaun₂ a₂la₂ bá₄ jág₁ quió₃ jmo₅₄ quiang'₅₄ dsa₂ 'éi₂:
jè₁ma₂tě₂ rē₁ 'éng₄ dsáu₁.†

28 Ju₁lia'₂ tē₂le₃ quian'₅₄ jág₁ dse₃ a₂lión₂ dsa₂, lín₅ co₂'nió'₄
dsa₂ i₂ñia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄
Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂.

29 Ia₁ tsá₃ dsi₂quén'₅ dsí₅ Diú₄ ju₁lia'₂ a₂cuē₂₃, on₃ guē'₂ ju₁lia'₂
a₂tě₂. 30 Ju₁lia'₂ 'nia'₂ ně₃, i₂tsá₃ jme₁ne'₅₄ ja₁con₂ Diú₄ le₂jñiá₅,

ma₂ca₂tín'₂ 'nia'₂ a₂ñéi₂ dsí₅ Diú₄ rē₂ně₃, 'uig₅₄ ia₁ a₂tsá₃ ne'₅₄ dsa₂
'éi₂, 31 ján₃ bá₄ le₂ně₅ tsá₃ ne'₅₄ dsa₂ 'éi₂ rē₂ně₃, ia₁jaun₂ tē₂le₃

quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ ján₃ a₂ñéi₂ dsí₅
Diú₄. 32 Ia₁ Diú₄ ně₃ co₂rē₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂

le₂jain₂, ia₁jaun₂ co₂dsia₅ bá₄ dsia₃ ñéi₂ dsí₅ ja₁con₂ ca₂le₃jín₃.

33 'E₂ guē₄ 'ñio₅ 'ei₄ lě₅ ca₂le₃jě₃ a₂jlá'₁ cha₂ quió'₅ Diú₄,
ca₂le₃jě₃ a₂ñí'₂ dsí₅, a₂ñi₅ ně₃!

Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,
on₃ guē'₂ lé₂ le₃ñág'₂ dsí₅ ju₁í₅ quió'₅.

34 “‘Ein₂ bá₄ cuí'₅ 'e₂ dsi₂jio₅ dsí₅ Te₁gui'₅₄,
o₃ 'ein₂ i₂ma₂tíó'₃ cuē₃ jág₁ dse₃ cuē'₃ 'éi₂?”‡

35 “‘Ein₂ bá₄ ca₂cuē₃ 'e₂ ca₂cuē'₃ 'éi₂ le₂'uig₅₄
ia₁jaun₂ jén'₃ quí₃ quió'₅?”§

36 Ia₁ ca₂le₃jě₃ a₂niog₅ cha₂, ca₂lě₃
ja₁con₂ 'éi₂, tē₂le₃ quian'₅₄ 'éi₂, o₄quió'₄ 'éi₂ ně₃.
jju₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rē₂tson₄ quián₅ Diú₄

1 Le₂ně₅ bá₄ jaun₂ rín'₅₄ jniog₄, tē₂le₃ quian'₅₄ a₂ñéi₂ dsí₅
Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄,
co₂'nió'₄ a₂rē₂jeng'₅₄ le₁jén'₃ ne₄ Diú₄, a₂rē₂tsong'₅₄, a₂ñio₂ dsí₅
Diú₄, a₂dsi₂ten₅₄ jme₁tí'₄ ne₅₄. 2 Tsá₃ i₁nio'₄ 'nia'₂ lia'₂ con'₂ lě₅
i₂nio₄ dsa₂ mi₂güig₃ la₂. Tē₂le₃ cuē₄ jmig₄ a₂jme₃tsín₃ Diú₄ 'a₂ lia'₂
qui₂dsi₂jñia₅ 'au'₂ 'nia'₂, ia₁jaun₂ bá₄ qui₁le₃'mag'₂ táng₃ 'au'₂,
ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lě₅ a₂ñio₂ dsí₅ Diú₄, a₂dse₃,
a₂tě₅ dsí₅, a₂rē₂ñia₅ ně₃.

3 Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juí₂
jniá₂ le₂jan'₂ le₂jan'₂ 'nia'₂: tsá₃ lē₁ju₁qui₂dsi₂jñia₅ 'au'₂
a₂lín'₅ dseng'₅₄ ñag₅₄ guē₄ con'₂ ca₂tín'₂ 'nia'₂ dsi₃jñia₅ 'au'₂;
tē₂le₃ ju₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂
tí₅ ma₂ca₂rě₃'én'₂ 'nia'₂ a₂ma₂cuē₃ Diú₄. 4 Ia₁ le₂ně₅ ju₁lia'₂
lě₅ caun₂ ni₁ñi₁ jniog₄ le₂jau₂ le₂jau₂, 'lióng₂ a₂chei₂ le₂caun₂

† 11:27 Isaías 59:20-21; 27:9. ‡ 11:34 Isaías 40:13. § 11:35 Job 41:11.

le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, ⁵le₂në₅ bá₄ jniog₄ ján₃, ju₁'a₂ gué'₃ la₂ juag₅ jniog₄, caun₂ bá₄ n₁η₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

⁶ Jma₃quén₅ bá₄ qui'₂ au₂ jniog₄ bí₂, lia'₂ con'₂ lë₅ ma₂cuë₃ Diú₄ a₂'ua₁ dsí₅. Jaun₂ ca₂tág₂ jniog₄ jmo'₄ ta₁ ju₁bí₂ a₂ma₂cuë₃. Ju₁lia'₂ dsa₂ i₂ma₂cuë₃ Diú₄ bí₂ a₂tin₂ a₂'ë₂ jág₁ dse₃ a₂gue₂₃ quió'₅ Diú₄, ju₁'ë₅₄ bá₄ jág₁ 'a₂ con'₂ tí₅ a₂'éin₂; ⁷ ju₁lia'₂ i₂ma₂cuë₃ ju₁bí₂ jme₃'o₅₄, ju₁jme₂'o₅₄; ju₁lia'₂ i₂'io₅ bí₂ jme₃tag₂₃, ju₁jme₂tin₂₃ bá₄ dsa₂; ⁸ ju₁lia'₂ i₂tin₂ jmo₃ lián'₂ dsí₅ i₂sián'₂, ca₂tin₂ bá₄ jmo₃ le₂jaun₂; ju₁lia'₂ i₂jmo₅ dsióg₁, ju₁cuë₁₂ a₂'ua₁ dsí₅, on₃jua'₅₄ rë'₂ cha₂ a₂'in₂ dsí₅ 'niog₅; ju₁lia'₂ i₂quian₅ ne₄ ju₁i₅, ju₁jmo₁₂ bá₄ a₂dsen₅₄ dsí₅; ju₁lia'₂ i₂dsia₅ néi₂ dsí₅, ju₁jmo₁₂ bá₄ quian'₅₄ o₂ηi₃ o₂ηia₃ dsí₅.

'A₂ lia'₂ ca₂tin₂ le₃chan₂ dsa₂ quián₅ Cristo

⁹ Ju₁le₂chan'₂ 'nia'₂ tē₃dsón'₂ bá₄ a₂'nió'₃ 'nia'₂ ríng'₂ le₂jang'₂ le₂jang'₂. Co₂dsia₅ jmo₄ 'nia'₂ 'niag'₅₄ co₂ηei'₅₄ a₂'lig'₅₄; chan'₂ bá₄ 'nia'₂ tiá₂ ju₁lia'₂ a₂dse₃. ¹⁰ Jme₁'nió'₄ 'nia'₂ ríng'₂ a₂'ηio₂ 'au'₂; jmo₄ 'nia'₂ a₂dsen₅₄ gué'₄ ríng'₂ le₂jang'₂ le₂jang'₂.*

¹¹ Tsá₃ jmo₂ 'nia'₂ juíng'₅, ag₃ caun₂-tin₃ 'au'₂, tē₂le₃ jme₁ti₁ ne₄ Te₁gui'₅₄ ca₂lia'₂ dsen₅₄ jme₂dsí₂ quiáng'₂.

¹² Ju₁chan'₂ 'nia'₂ o₂ηia₃ 'au'₂, ia₁ ma₂lë₅ bá₄ co₂ηia₅₄ a₂'in₂ 'au'₂ 'nia'₂. Jmo₄ 'nia'₂ juin'₂ 'au'₂ jmig₄ jme₁chan'₂ 'nia'₂ o₂i₁ dsí₅. O₁nió'₄ bá₄ 'nia'₂ co₂tan₅₄ a₂chi₂leng'₅₄ Diú₄.

¹³ Jme₁on₁ 'nia'₂ dsa₂ 'én₂ ríng'₂ chi₂jua'₂ 'e₂ niog₅ cha₂ a₂'nió'₅ quió'₅. Dse₃ guen₅₄ 'nia'₂ ju₁lia'₂ 'ein₂ niog₅ qui₂dsi₂jag₅₄ 'nia'₂.

¹⁴ Jme₁gu'₅₄ bá₄ 'nia'₂ ju₁lia'₂ i₂jmóg'₂. Jua'₅₄ bá₄ 'nia'₂ jág₁ dse₃ on₃jua'₅₄ jág₁ uig₅.

¹⁵ Jmo₄ 'nia'₂ 'io'₂ quian'₅₄ ju₁lia'₂ i₂jmo₅ 'io'₂; ján₃ guë'₂ qui'₂- 'o₄ 'nia'₂ quian'₅₄ i₂'o₅.

¹⁶ Ju₁le₂chan'₂ bá₄ 'nia'₂ a₂jeng'₂ le₂jang'₂ le₂jang'₂. Tsá₃ jmo₂ 'nia'₂ róng'₂, co₂rin'₂ bá₄ 'nia'₂ jmo₄ quiang'₅₄ dsa₂ te₂ηé₂. Tsá₃ lë₁jmo₂ 'nia'₂ jua'₅₄ a₂ηí₄ lë₃ cuing'₂.

¹⁷ Tsá₃ jein'₅₄ 'nia'₂ 'lig'₅₄ quian'₅₄ a₂'lig'₅₄. Quen'₂ 'nia'₂ bí₂ jmó'₂ con'₂ dsi₂ten₅₄ ja₁të₃ ne₄ ca₂le₃jín₃. ¹⁸ Jmo₄ 'nia'₂ bí₂, 'a₂ con'₂ ca₂tíng'₂, 'a₂ con'₂ ja₁qui'₅₄ 'nia'₂ jmig₄, 'nau'₅₄ 'nia'₂ ju₁i₅ ja₁ag₃ tei₄ quian'₅₄ ca₂le₃jín₃. ¹⁹ Rin'₅₄ jniog₄, tsá₃ lë₁jen'₅₄ 'nia'₂ guiong'₅₄ ju₁lia'₂ quió'₅ i₂jmóg'₂, tē₂le₃ dsia₄ 'nia'₂ o₄gú₃ Diú₄ a₂jaun₂. Ia₁ ma₂rë₂ton₅ ne₄ Si₂: “Jniá₂ bá₄ ca₂tíng'₂ jein'₅₄ uig₅; jniá₂ bá₄ qui₄, juá'₂ Te₁gui'₅₄.”† ²⁰ La₁: “Chi₂jua'₂ i₁cón'₅ ju₁lia'₂ dsa₂ i₂'iog₅₄, cuë'₅₄ bá₄ 'nia'₂ a₂gué'₃. Chi₂jua'₂ ηi₂₃ rë₂quein₂

* **12:10** o₃, “jme₁li₅₄ tē₃ηiá₅ a₂jme₂gan₃ 'nia'₂ ríng'₂ le₂jang'₂ le₂jang'₂.” † **12:19** Deuteronomio 32:35.

dsí₅, cuë'₅₄ a₂'ín'₂. Ia₁ jë₁ma₂ca₂jmo'₅₄ le₂në₅, jmai'₅₄ tsá_{u3} dséi₂
dsi₂ne₅₄,[‡] jéin'₄ o₂guí'₃.”[§] 21 Tsá₃ cuín₅ jmig₄ jua'₅₄ a₂j_{o3} a₂'lig'₅₄;
të₂le₃ quen'₂ bí₂, tión₃ 'uë'₃ a₂'lig'₅₄ të₂le₃ quian'₅₄ a₂dse₃.

13

1 Ca₂le₃jín₃, bá₄ ca₂tín₂ tón'₃ 'éi'₃ quió'₅ dsi₂tan₅₄ i₂gon₂. Ia₁
'i₁jan₂ dsi₂tan₅₄ i₂chan₂, jua'₅₄ tsá₃ ca₂chei'₃ Diú₄. Jaun₂ ca₂le₃jín₃
dsi₂tan₅₄ i₂chan₂ në₃, i₂dsián₁ quián₅ Diú₄ bá₄ 'éi₂. 2 Jaun₂ le₂në₅,
ju₁lia'₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂
i₂dsián₁ quián₅ Diú₄ bá₄. Jaun₂ gue₃ uig₅ ju₁lia'₂ i₂jmo₅ le₂jaun₂.
3 Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó'₅ ju₁lia'₂ i₂jmo₅
a₂dse₃; a₂jmo₃ gó'₅ dsa₂ i₂jmo₅-dsá_{u5} a₂'lig'₅₄ bá₄. ¿'Niog'₂ 'ne₂
le₃chang'₂ a₂tsá₃ gang'₃ dsi₂tan₅₄? Jmo₄ bá₄ a₂dse₃, jaun₂ con₂
'í₁ dsi₂tan₅₄ ja₁cong'₂, a₂líng'₅ dsa₂ dsen₃. 4 Ia₁ ta₁ jaun₂ tián'₅
jme₂ti₃ ne₄ Diú₄ bá₄, a₂dse₃ quiáng'₂. La₁ në₁jua'₂ ca₂jmo'₅₄
a₂'lig'₅₄ në₃, ca₂tíng'₂ le₃gang'₃, ia₁ on₃jua'₅₄ a₂lë₁lë₄ 'io₅ dsi₂tan₅₄
'éi'₃ a₂chain₂ bí₂ cuë'₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ë₂
uig₅ ja₁con₂ dsa₂ i₂jmo₅ a₂'lig'₅₄. 5 Jaun₂ lë₃, tion₅₄ bá₄ 'nió'₅ tón'₃
dsa₂ 'éi'₃ quió'₅ dsi₂tan₅₄, on₃jua'₅₄ rë'₂ a₂jñia'₅₄ ia₁jaun₂ tsá₃ gue₃
uig₅; të₂le₃ ia₁ a₂lë₅ dsí₅ le₂jaun₂ jmo₂₃ a₂dse₃. 6 'Uig₅₄ në₅ bá₄
quí'₂ 'nia'₂ 'lia'₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄
ta₁ a₂lín₅ ne₄ Diú₄.

7 Cuë'₅₄ bá₄ 'nia'₂ dsa₂ 'e₂ niog₅ qui₂ca₂tín₂. Chi₂jua'₂ ca₂tín₂
dsi₂tan₅₄ 'lia'₅₄, qui₄ 'lia'₅₄; chi₂jua'₂ ca₂tín₂ mi₃ cu₄ te₁'éng'₂,
cuë'₅₄ cu₄ jaun₂; chi₂jua'₂ 'ein₂ ca₂tín₂ jme₃go₃ dsa₂, jme₁gan₃
bá₄ 'éi₂; chi₂jua'₂ 'ein₂ ca₂tín₂ jme₃juag'₂ dsa₂, jme₁juin'₂ bá₄.
8 Ja₁con₂ 'i₁jan₂ tsá₃ ju₁le₅₄ jua'₅₄ cha₂ a₂qui₂le₂rín'₂ 'nia'₂ uë'₂,
jn₁ia'₅₄ lia'₂ a₂qui₂le₂ríng'₂ a₂'nióg'₃ ríng'₂ le₂jang'₂ le₂jang'₂ bá₄;
ia₁ ju₁lia'₂ i₂'nio₃ dsa₂ mi₂güí₃ rín'₅₄, ma₂ca₂jme₃ti₃ 'Éi'₃ quió'₅
Diú₄. 9 Juá'₂ 'Éi'₃ quió'₅ Diú₄: “Tsá₃ nióg'₄ jág₁ quian'₅₄ i₂tsá₃
lín₅ dsi₂i₂gog'₂; tsá₃ jñí₄ dsa₂ mi₂güí₃ ríng'₂; tsá₃ 'áng'₁; tsá₃
jmó'₂ jág₁ të₂jág₁; tsá₃ jmó'₂ 'ín₅ 'au'₂ a₂quió'₅ i₂sián'₂.”^{*} 'Éi'₃ në₅
quian'₅₄ guë'₄ ca₂le₃jë₃ 'éi'₃ siá'₂ në₃, qui₂rë₂tan₅₄ quian'₅₄ jág₁ la₂:
“Jme₁'nió₄ dsa₂ mi₂güí₃ ríng'₂ ju₁lia'₂ 'nióg'₃ 'ñiag'₂.”[†]

10 Ju₁lia'₂ dsa₂ i₂'nio₃ dsa₂ mi₂güí₃ rín'₅₄, tsá₃ 'e₂ 'lig'₅₄ jmo₂₃
ja₁coin₂. Le₂në₅ bá₄ jaun₂ ja₁'nio₃ dsa₂ ríin'₅₄, co₂'nió'₄ ca₂rë₃ti₃
bá₄ 'Éi'₃ qui'₅ Si₂.

11 Jë₄ ca₂le₃jë₃ a₂në₅ në₃, jmo₄ a₂ñí'₂ 'au'₂ ju₁lia'₂ jmig₄ chong₂
rë₂në₃, a₂ma₂ca₂të₂ hora a₂ñéi₂ jniog₄ jë₄ le₁guág₃. Ia₁ jë₁lió₂
jniog₄ caun₂ ma₂ja₂quián₃ co₂ñí₂ bá₄ rë₂në₃ lia'₂ con'₂ guë'₄

‡ 12:20 lit. “jmó'₂ nio₃ ni₁ta'₂ le₁guí'₂ si₂ ne₄ mi₂dsi₅₄.” § 12:20 Proverbios

25:21-22. * 13:9 Éxodo 20:13-15,17; Deuteronomio 5:17-19,21. † 13:9 Levítico 19:18.

jme₁ca₂rë₃'éin₂ jniog₄ le₂'uig₅₄. ¹² Jui₁lia₂ jë₄ 'uë₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ tí₄ a₂tsá₃ ma₃jmó₁ jui₁lia₂ a₂lë₂ jë₄ qui₁né₃, a₂quián₁ qui₅₄ ca₂le₃jë₃ a₂'nió₅ quián₂, a₂jmo₅ 'í₁, a₂i₁nio₁ jui₁lia₂ 'lióg₂ i₂i₂nio₄ jë₄ jniá₂ si₂. ¹³ Jui₁i₁nio₁ jniog₄ lia₂ con₂ dsi₂ten₅₄, jui₁lia₂ i₂nio₄ dsa₂ a₂jmi₂. Tsá₃ ma₃'nió₅ le₃chong₂ i₁nio₁ le₁'ein₅, on₃ guë₂ o₂'ñio₃ o₂jnia₃ dsi₅, on₃ guë₂ nió₄ jniog₄ jág₁ quian₅₄ i₂tsá₃ lín₅ dsi₂i₂gu₂ jniog₄, on₃ guë₂ jmó₁ a₂tsá₃ dsi₂ten₅₄, on₃ guë₂ dsiá₁ mi₅₄, on₃ guë₂ qui₁jñin₁ uin₅ dsi₅ rin₅₄ në₃. ¹⁴ Të₂le₃ qui₂ 'nia₂ co₂'nió₄ a₂qui₂rë₂lión₃ 'nia₂ lë₅ 'í₁ tē₂le₃ quian₅₄ 'ñiog₅ Te₁gui₅₄ Jesucristo, tsá₃ ma₃jui₁dsi₂jniog₅ guë₄ 'au₂ 'a₂ lia₂ mag₂ dsí₅ a₂mi₅ ni₁ñi₁ 'nia₂.

14

Tsá₃ chi₂'ing₄ uig₅ ríng₂

¹ Chi₂jua₂ chan₂ dsa₂ 'uan₅₄ tē₂le₃ quian₅₄ a₂'éin₂, qui₁guein₅₄ 'nia₂, la₁ on₃jua₅₄ ia₁jaun₂ qui₁tsín₂ 'nia₂ 'a₂ lia₂ lë₅ ñí₂. ² Chan₂ i₂lin₅₄ i₂'én₂ a₂lë₂ le₃guë₃ ca₂le₃jë₃ jui₁'e₂ guë₃, ton₂ chan₂ guë₂ táng₃ i₂lin₅₄ i₂'uan₅₄ dsí₅ 'a₂ lia₂ 'éin₂, i₂guë₅ jmá₃ lia₂ ca₂ne₅₄ mi₂ján₅. ³ Jaun₂ lë₃ i₂guë₅ lia₂ 'ei₅ ne₄ në₃, tsá₃ ca₂tín₂ jmo₃ jua₅₄ tsá₃ jein₅₄ i₂tín₂ dsí₅ guë₅ jmá₃ lia₂ a₂lin₅₄ má₃; ton₂ ján₃ guë₂ le₂jaun₂ jui₁lia₂ i₂tsá₃ guë₅ le₃jë₃, tsá₃ lë₁o₁quion₂ 'í₁ ja₁con₂ dsa₂ i₂guë₅ le₃jë₃. Ia₁ ján₃ bá₄ ca₂guëí₂ Diú₄ quió₅ dsa₂ 'éi₂.

⁴ Ne₂ guë₂, ¿'éin₂ bá₄ líng₅ jua₅₄ a₂caun₅₄ 'í₁ ja₁con₂ dsa₂ i₂jme₂tí₃ ne₄ i₂sián₂? Ia₁ juig₅₄ bá₄ 'éi₂ i₂nio₅ ne₄ con₂ 'í₁ chi₂jua₂ chén₅ 'éi₂ rë₂, o₃ tē₁tsin₅₄ 'lig₅₄ 'e₂. Jaun₂ tē₃tsin₅₄ bá₄ rë₂, ia₁ i₂qui₅₄ jmig₄ Te₁gui₅₄ jmo₃ a₂tē₃tsin₅₄ dsa₂ 'éi₂.

⁵ Chan₂ guë₂ i₂lin₅₄ táng₃ i₂jmo₅ dsí₅, 'ñio₅ guë₄ quen₅ a₂lin₅₄ jmig₄ lia₂ con₂ guë₄ jmig₄ siá₂; chan₂ guë₂ i₂lin₅₄ i₂'én₂ jmo₂₃ dsí₅ a₂co₂rë₂ bá₄ ca₂le₃jë₃ jmig₄. Le₂jan₂ le₂jan₂ 'nió₅ jmo₃ 'ei₅ caun₂ dsí₅ lia₂ con₂ lë₅ dsi₂jñia₅ dsí₅ 'ñiog₅. ⁶ Jui₁lia₂ dsa₂ i₂jme₂gó₃ caun₂ jmig₄, le₃quió₅ Te₁gui₅₄ bá₄ jme₂gó₃ jmig₄ jaun₂. Le₂në₅ bá₄ jui₁lia₂ dsa₂ i₂guë₅ lia₂ 'ei₅ ne₄ má₃, guë₅ le₃quió₅ Te₁gui₅₄, ia₁ cuë₅ ti₁'mag₄ Diú₄. Ján₃ bá₄ le₂në₅ quian₅₄ jui₁lia₂ i₂tsá₃ guë₅ lia₂ 'ei₅ ne₄ má₃, le₃quió₅ Te₁gui₅₄ bá₄ tsá₃ guë₅; ján₃ bá₄ cuë₅ ti₁'mag₄ Diú₄.

⁷ Ia₁ 'i₁jan₂ jniog₄ tsá₃ lé₂ le₃chong₂ le₃quián₂ guio₅₄, on₃ guë₂ lé₂ le₃dsió₃ le₃quián₂ guio₅₄ në₃. ⁸ Ia₁ tē₁lia₂ chong₂ jniog₄, chong₂ le₃quió₅ Te₁gui₅₄ bá₄, nē₁jua₂ ca₂dsau₃ guë₂ në₃, dsió₃ le₃quió₅ Te₁gui₅₄ bá₄ ján₃. Le₂në₅ bá₄, tē₁lia₂ chong₂ o₃ jē₁ma₂dsau₃ 'e₂, lág₅ i₂quián₅ Te₁gui₅₄ bá₄. ⁹ 'Uig₅₄ jaun₂ ca₂jon₃

Cristo, ton'₂ ca₂jein'₅₄ táng₃: ia₁jaun₂ léin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ ně₃.

10 La₁ 'ne₂ ně₃, ¿'e₂ 'uig₅₄ caún'₂ 'í₁ ja₁con₂ ríng'₂? ¿O₃ 'e₂ lě₃ jing'₅₄ sion₅ ríng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂. 11 Ia₁ ne₄ Si₂ juá'₂:

Jui₁lia'₂ a₂dsón'₂ dsau₅ bá₄ a₂chan₂ jniá₂,

juá'₂ Te₁gui'₅₄,

le₂ně₅ bá₄ dsau₅ dsón'₂,

ca₂le₃jín₃ bá₄ qui₃jón'₂ jne₅₄ ne₃ jniá₂,

jaun₂ ca₂le₃jín₃ bá₄ jmo₃ jág₁ quian'₅₄ mi₂'o₅₄

le₃ne₄ Diú₄.*

12 Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

Tsá₃ jmó'₂ jua'₅₄ qui₂nió₃ ríng'₂

13 Jaun₂ lě₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin'₅₄. Tě₂le₃ jmo₄ 'nia'₂ 'í₁, jmo₄ co₂nei'₅₄ tsá₃ 'e₂ jmó'₂ 'í₁caun₂ jua'₅₄ a₂qui₂nió₃ ríng'₂. 14 Guion₄ bá₄ jniá₂, 'ei₅ caun₂ dsi₃le₃quió'₅ Te₁gui'₅₄, 'i₁caun₂ tsá₃ cha₂jua'₅₄ tsá₃ le₁jě₃ con'₂ lě₅

'njog₅. La₁ ně₁jua'₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃, le₃quió'₅ 'njog₅ bá₄, tsá₃ le₁jě₃. 15 Ně₁jua'₂ ca₂jén'₃ qui'₂ dsí₅ ríng'₂ o₄quió'₄ a₂quě'₂ 'ne₂, tsá₃ ma₃jmo'₂ a₂'nióg'₃ ríng'₂. Tsá₃ jmo₂

jua'₅₄ cuě'₁ jui₅ o₄quió'₄ a₂quě'₂, a₂dsi₂'én₂ jan₂ ríng'₂, ia₁ ca₂jon₃ Cristo o₄quió'₄ 'éi₂ ján₃. 16 Tsá₃ cuě₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ě₃ jui₁lia'₂ a₂jmo'₂ 'au'₂ a₂dse₃. 17 Ia₁ jui₁lia'₂ ja₁gon₂

Diú₄, tsá₃ lin₄ quen₅ jui₁lia'₂ a₂guě'₅ dsa₂, a₂qui₂'ín'₂ dsa₂ ně₃; a₂jaun₂ bá₄ a₂quen₅ guě₄ lin₃: a₂guéi'₂ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'nió₃ o₂jñia₃ dsi₅ tě₂le₃

quian'₅₄ Jme₂dsi₂ Jñió₅. 18 Ia₁ jui₁lia'₂ i₂jme₂ti₃ ta₁ ne₄ Cristo le₂ně₅, jmo₂₃ a₂'ñio₂ dsí₅ Diú₄, ton'₂ dse₃ 'ag₅ táng₃ dsa₂ mi₂güig₃.

19 Le₂ně₅ bá₄ jaun₂, caun₂ jui₁'niog'₅₄ jniog₄ jmá'₃ lia'₂ a₂cuě₅ jui₅ ja₁'ag₃ tei₄, a₂jme₂'o₅₄ dsi₃cau₅₄ jniog₄ tě₂le₃ jui₅ jme₂dsi₂. 20 Tsá₃ lě₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jě₃ ca₂le₃jě₃ a₂niog₅ guě'₅ dsa₂. La₁ tsá₃ dse₃ ně₁jua'₂ o₄quió'₄

a₂quě'₂ 'ne₂, tián'₂ dso₄ ríng'₂. 21 Ja₂lin₃ guě₄ dse₃ a₂tsá₃ quiğ'₂ ñi₅, on₃ guě'₂ 'ag'₅₄ vino, on₃ guě'₂ jmó'₂ jui₁'e₂ guě₃ a₂lé₂ le₃qui₃nió₃ ríng'₂. 22 Jui₁lia'₂ a₂'én'₂ 'ne₂, a₂'én'₂ 'ne₂ 'ñiag'₂ bá₄ jaun₂ tě₂le₃ ne₄

Diú₄. ¡'E₂ guě₄ dsen₃ jui₁lia'₂ dsa₂ i₂con₂ 'í₁ ja₁con₂ 'njog₅, i₂tsá₃ qui₂dsi₂jñi₅ dsí₅ o₄quió'₄ a₂cuě₂₃ jmig₄ 'njog₅! 23 La₁ jui₁lia'₂ dsa₂

i₂guě'₅, i₂'ei₅ caun₂-tin₃ dsí₅, ma₂gue₃ uig₅, ia₁ tsá₃ ca₂guě'₃ tě₂le₃ quian'₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ tě₂le₃ quian'₅₄ a₂'éin₂, dso₄ bá₄ jaun₂.

* 14:11 Isaías 49:18; 45:23.

15

*Jmo*₄ *a*₂'*ηio*₂ *dsí*₅ *dsa*₂ *mi*₂*güig*₃ *ríng'*₂, *on*₃*jua*₅₄ *rë*₂ *jmá*₃ *a*₂*të*₅ *'au*₂ *'ηiag'*₂

¹ *Jniog*₄ *i*₂*tióng*₂ *tiá*₂ *a*₂'*éin*₂, *ca*₂*tág*₂ *guéi*₁ *co*₂'*nió*₄ *caun*₂ *lio*₅₄ *quián*₂, *'a*₂ *lia*₂ *qui*₂*ηí*₂ *dsí*₅ *dsa*₂ *i*₂'*uan*₅₄ *'a*₂ *lia*₂ *'éin*₂, *jaun*₂ *tsá*₃ *'nió*₅ *jmó*₁ *con*₂ *a*₂*të*₅ *dsi*₅ *guio*₅₄. ² *Le*₂*jau*₂ *le*₂*jau*₂ *bá*₄ *jniog*₄ *ca*₂*tág*₂ *jmó*₁ *a*₂*të*₅ *dsi*₅ *dsa*₂ *mi*₂*güig*₃ *rín*₅₄, *a*₂*jmó*₁ *a*₂*lë*₅ *a*₂*dse*₃ *ja*₁*coin*₂, *ju*₁*lia*₂ *ju*₁*i*₅ *ja*₁*lé*₂ *qui*₂*dsi*₃ *cóin*₃ *le*₃*quió*₅ *jme*₂*dsí*₂. ³ *Ia*₁ *ca*₂*lia*₂ *'jn*₁*ia*₅₄ *'ηiog*₅ *Cristo* *tsá*₃ *ca*₂*jmo*₃ *a*₂*të*₅ *dsi*₅ *'ηiog*₅. *Të*₂*le*₃ *ca*₂*i*₃*ηí*₂ *ju*₁*lia*₂ *juá*₂ *ne*₄ *Si*₂:

*Ca*₂*le*₃*jë*₃ *jág*₁ *uig*₅ *a*₂*jme*₁*tsí*₅ *dsa*₂ *'nia*₂,

*ne*₃ *jniá*₂ *bá*₄ *ca*₂*të*₅ *tsi*₅₄.*

⁴ *Ia*₁ *ca*₂*le*₃*jë*₃ *con*₂ *lë*₅ *jág*₁ *a*₂*ca*₂*i*₃*to*₅₄ *ne*₄ *Si*₂, *a*₂*ca*₂*i*₃*to*₅₄ *ia*₁*jaun*₂ *jme*₁*tag*₅ *jniog*₄ *rë*₂*në*₃, *ia*₁*jaun*₂ *caun*₂ *chong*₂ *jniog*₄ *'ín*₂ *dsi*₅ *le*₃*quió*₅ *Diú*₄, *të*₂*le*₃ *quian*₅₄ *a*₂*juin*₂ *dsi*₅, *a*₂*lë*₂ *lián*₂ *dsi*₅ *a*₂*cuë*₅ *jág*₁ *a*₂*já*₅ *ne*₄ *Si*₂ *jaun*₂. ⁵ *Jui*₁*jme*₂'*o*₅₄ *bá*₄ *Diú*₄, *i*₂*jmo*₅ *a*₂*juin*₂ *dsí*₅ *dsa*₂, *i*₂*cuë*₅ *lián*₂ *në*₃, *ju*₁*jme*₂'*oin*₅₄ *'nia*₂ *a*₂*tiáng*₄ *a*₂*jen*₂ *'nia*₂ *le*₂*jang*₂ *le*₂*jang*₂ *con*₂ *lë*₅ *i*₂*nio*₅₄ *'nia*₂ *ju*₁*i*₅ *quió*₅ *Cristo* *Jesús*,† ⁶ *ia*₁*jaun*₂ *ca*₂*le*₃*jín*₃ *'nia*₂ *co*₂*dsia*₅, *caun*₂ *bá*₄ *jág*₁, *jme*₁*juin*₂ *'nia*₂ *Diú*₄ *Jmei*₂ *Te*₁*gui*₅₄ *Jesucristo* *quián*₂.

*Dsi*₂'*ag*₅ *jág*₁ *dse*₃ *ja*₁*con*₂ *dsi*₂*nau*₂

⁷ *Le*₂*në*₅ *jaun*₂, *qui*₂*guen*₅₄ *'nia*₂ *ríng'*₂ *le*₂*jang*₂ *le*₂*jang*₂ *ju*₁*lia*₂ *ca*₂*guéi*₂ *Cristo* *guio*₅₄ *jniog*₄, *ia*₁*jaun*₂ *le*₃*juin*₂ *Diú*₄. ⁸ *Ia*₁ *a*₂*juá*₅ *jniá*₂ *juig*₂ *'nia*₂, *ca*₂*guan*₃ *I*₂*rë*₂'*ín*₁ *quián*₅ *Diú*₄, *ca*₂*jme*₃*ti*₃ *ja*₁*con*₂ *jnia*₅₄ *con*₂ *lág*₅ *dsa*₂ *judíos*,‡ *ia*₁*jaun*₂ *le*₃*ti*₃ *jág*₁ *ron*₅ *a*₂*ca*₂*ηi*₂ *dsa*₂ *can*₅₄ *quián*₂ *jnia*₅₄ *malíg*₂. *Jaun*₂ *le*₂*në*₅ *bá*₄ *ca*₂*rë*₃*jniá*₂ *në*₃ *i*₂*rë*₂*tí*₅₄ *bá*₄ *Diú*₄ *jág*₁ *a*₂*cuë*₂₃. ⁹ *Guain*₃ *ján*₃ *ia*₁*jaun*₂ *jme*₃*juag*₂ *dsi*₂*nau*₂ *jme*₃*juin*₂ *Diú*₄ *i*₂*ηéi*₂ *dsí*₅, *ju*₁*lia*₂ *rë*₂*ton*₅ *ne*₄ *Si*₂:

'*Uig*₅₄ *jaun*₂ *jme*₁*juin*₂ *jniá*₂ *'ne*₂ *jín*₄ *dsi*₂*nau*₂;

'*ë*₅₄ *jniá*₂ *ne*₅₄ *'ne*₂ *a*₂*jme*₁*juag*₂.§

¹⁰ *Con*₂ *siá*₂ *juá*₂ *táng*₃:

*Jmo*₄ *'io*₂, *'nia*₂ *dsi*₂*nau*₂,

*quian*₅₄ *dsa*₂ *juig*₂ *quián*₅.*

¹¹ *Ja*₁*siá*₂ *táng*₃ *juá*₂:

*Jme*₁*juin*₂ *'nia*₂ *Te*₁*gui*₅₄,

'*nia*₂ *ca*₂*le*₃*jín*₃ *dsi*₂*nau*₂,

*ju*₁*jme*₂*juag*₂ *bá*₄ *ca*₂*le*₃*jë*₃ *juig*₂.†

¹² *Ján*₃ *bá*₄ *juá*₂ *Isaías*:

* 15:3 Salmo 69:9. † 15:5 'Nio' *ja*₁*ton*₅ Filipenses 2:5. ‡ 15:8 lit. "dsa₂ *i*₂*rë*₂*uig*₂, *quió*₅." § 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1.

'Nio₂ tsin₅ cho'₅₄ Isaí,
 jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;
 le₃quió'₅ 'éi₂ bá₄ qui₃le₃'ín₂ dsí₅
 le₂caun₂ le₂caun₂ juig₂.‡

13 Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄,
 ju₁jme₂cain'₂ bá₄ 'au'₂ 'nia'₂, a₂chang'₂ jmó'₂ 'nia'₂ 'io'₂, 'ag₃
 tei₄ a₂'éng'₂ le₃quió'₅, ia₁jaun₂ rē₂tsón₂ a₂le₁'ág₄ caun₂ 'au'₂ a₂'ín₂
 'au'₂ 'nia'₂ quian'₅₄ ju₁bi₂ quió'₅ Jme₂dsi₂ Jñi₅ó₅.

14 Caun₂ bá₄ 'ei₅ dsi₃ jniá₂, rin'₅₄ jniog₄, ma₂qui₂le₁rin₅ 'au'₂
 'nia'₂ a₂ñéi₂ 'au'₂ ríng'₂, ton'₂ qui₂le₁rin₅ 'au'₂ 'nia'₂ a₂tín'₂ 'nia'₂,
 jaun₂ qui'₅₄ 'nia'₂ jmig₄ tóng'₄ jág₁ ríng'₂ le₂jang'₂ le₂jang'₂.
 15 A₂tiá₂ dsi₃ jniá₂ ma₂nē₂juá'₃ ja₁lin₅₄, ma₂nē₂tó'₃ jniá₂ jág₁ ne₄
 si₂ la₂ ne'₅₄ 'nia'₂, ia₁jaun₂ tsá₃ dsi₃'én₂ 'au'₂ 'nia'₂. A₂'ua₁ dsí₅
 bá₄ Diú₄ ma₂dsia₃ gu₃ ta₁ la₂, 16 a₂jme₂tí₁ ne₄ Jesucristo jē₄
 quió'₅ dsi₂nau₂, a₂qui₂jen'₄ jniá₂ ne'₅₄ 'nia'₂ jág₁ dse₃ a₂lión₂ dsa₂,
 ia₁jaun₂ lé₂ qui₁jen'₄ 'nia'₂ i₂lín'₅ dsi₂nau₂, le₃ne₄ Diú₄, nē₂jag₄
 bá₄ caun₂ a₂rē₂jen'₅₄ a₂guéi'₃, co₂'nió'₄ dsa₂ i₂ma₂rē₂tson₄,
 ca₂jmo₃ Jme₂dsi₂ Jñi₅ó₅.

17 Jaun₂ lē₃, jmo₅ jniá₂ táng'₅ le₃quió'₅ Cristo Jesús, quian'₅₄
 ta₁ a₂jmo₅ jniá₂ ne₄ Diú₄; 18 on₃jua'₅₄ rē'₂ a₂tiá₂ dsi₃ jniá₂ le₃juá'₄
 lē₅ guē₄ lia'₂ con'₂ guē₄ ju₁lia'₂ a₂ma₂qui₂ma₂jmo₃ Cristo tē₂le₃
 quian'₅₄ jniá₂, a₂tsin'₅₄ jniá₂ dsi₂nau₂ ne₄ ju₁5, quian'₅₄ jág₁ quió'₃,
 quian'₅₄ ta₁ quió'₃ nē₃, a₂le₃ne'₅₄ 'éi₂ ne₄ Diú₄. 19 A₂lē₅ ta₁ nē₅ tē₂le₃
 quian'₅₄ ju₁bi₂ a₂'io₅ léi₄ juē'₂ a₂dsi₂gó'₃ dsí₅ dsa₂, tē₂le₃ quian'₅₄
 ju₁bi₂ quió'₅ Jme₂dsi₂ Jñi₅ó₅ nē₃. Le₂nē₅ bá₄ ma₂ca₂jme₁'ñiag₂₃
 ta₁ ma₂qui₂ma₂'ē₃ jág₁ dse₃ quió'₅ Cristo, ca₂jme₁lióg₄ jniá₂
 juig₂ Jerusalén, jaun₂ guē₄ ñeg₅₄ ta₁caun₂ ju₁5 le₃lág'₃, ca₂lia'₂
 ca₂dsióg₃ tē₂ 'uē₃ Ilírico. 20 Le₂nē₅ bá₄ ma₂ca₂jmo₃ dsen₅₄ dsi₃
 ma₂qui₂ma₂'ē₃ jág₁ le₂tan₅₄ juig₂ ja₁'i₁cón'₂ tsá₃ jme₁ma₂nág₂
 dsa₂ a₂'in₅ dsa₂ Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia'₂
 a₂ma₂ca₂jme₃lióg₃ i₂sián'₂. 21 La₁ ju₁lia'₂ juá'₂ ne₄ Si₂:

Jág₃ dsa₂ jín₃ 'éi₂
 i₂tsá₃ jme₁ma₂gú'₃ jág₁ quió'₅;
 jaun₂ le₃ñí'₂ dsí₅
 ju₁lia'₂ i₂tsá₃ jme₁ma₂nág₂ a₂'in₅ 'éi₂.§

Dsi₂jio₅ dsí₅ Pa₄ dsó₃ ju₁5 Roma

22 'Uig₅₄ nē₅ ca₂jñi₃ jniá₂ ju₁5 'lióng₂ ráun₂ lia'₂ con'₂ jme₁'nio₃
 jme₁i₁jñg₁₂ 'nia'₂. 23 La₁ nē₃ guē'₂ lia'₂ tsá₃ ma₃cha₂ ja₁jmo₅₄ ta₁
 le₂tan₅₄ juig₂ te₁'i₁ le₃la₂, jaun₂ ma₂ne₁ñó₄ bá₄ 'lióng₂ ñi₂ jme₁'ín₅
 dsi₃ jme₁nei₅₄ i₁jñg₁₂ 'nia'₂, 24 'ín₂ dsi₃ jniá₂ ñig₅₄ ju₁5 ja₁tion'₅₄
 'nia'₂ jē₁ma₂tē₂ rē₁nei₅₄ ju₁5 España, ia₁jaun₂ lé₂ le₃tsag'₅₄ ne₄

‡ 15:12 Isaías 11:10. § 15:21 Isaías 52:15.

ju₅ jaun₂, cang₂ jē₁ma₂ca₂mag'₂ dsi₃ jing₅₄ 'nia'₂. ²⁵ La₁ rē₂ně₃ ně₃, 'eng₅₄ ju₅ nei₅₄ ju₅ Jerusalén, a₂jme₁ti₁ jniá₂ ta₁ ja₁con₂ dsa₂ quián₅ Diú₄ ja₁jaun₂. ²⁶ Ia₁ i₂chan₂ Macedonia quian'₅₄ i₂chan₂ Acaya ně₃, ca₂jmo₃ dsí₅ ca₂cág'₃ cu₄ a₂chein₃ ne₄ rin'₅₄ jniog₄ i₂tē₂ŋé₂ i₂chan₂ juig₂ Jerusalén. ²⁷ A₂'ŋio₂ dsí₅ ca₂jmo₃ le₂jaun₂, ia₁ dsau₅ bá₄ jaun₂ riin₂ le₃quió'₅ 'éi₂. Ia₁ chi₂jua'₂ ma₂qui₂ma₂quen'₅₄ dsí₂nau₂ a₂gu₂dsí₂ a₂ca₂cuē₃ dsa₂ judíos, já₃n₃ bá₄ le₂jaun₂ ca₂tín₂ jme₃'o₅₄ quian'₅₄ a₂'nió'₅ le₃quió'₅ ni₁ŋí₅. ²⁸ Jaun₂ le₂ně₅, jē₁ma₂ca₂dsan₃ já₃ng'₅ jniá₂ ne₅₄ a₂ma₂ca₂cág'₃ dsa₂ jaun₂, jaun₂ guě₄ 'ú₄ ju₅ a₂nei₅₄ ju₅ España, a₂l₁jing₁₂ 'nia'₂ lia'₂ ma₂'eng₅₄ ju₅. ²⁹ Jaun₂ caun₂ bá₄ 'ei₅ dsi₃, a₂jme₃gu'₅₄ bá₄ Cristo lia'₂ rē₂'ŋia₅ jē₁ma₂tě₂ rē₁dsióg₄ jniá₂ a₂l₁jing₁₂ 'nia'₂.

³⁰ Rin'₅₄ jniog₄, mī₅ jniá₂ ja₁con'₂ 'nia'₂ lia'₂ con'₂ lē₅ 'éi'₃ quió'₅ Te₁gui'₅₄ Jesucristo quián₂ jniog₄, ton'₂ ia₁ a₂cuē₅ jme₂dsí₂ bí₂, a₂jme₁'nió₄ jniog₄ rin'₅₄: a₂jme₁quiong'₅₄ 'nia'₂ jniá₂, ne₄ 'nei₂ a₂chéng'₅, a₂chi₁len'₄ 'nia'₂ Diú₄ o₄quió₃. ³¹ Mī₄ 'nia'₂ ne₄ Diú₄ ju₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guě'₂ já₃n₃ ju₁gue₅₄ bá₄ rin'₅₄ jniog₄ juig₂ Jerusalén caun₂ dse₃ a₂l₁can₁₂ a₂jme₁'oin₁₂, ³² ia₁jaun₂ chi₂jua'₂ 'nio₃ Diú₄ a₂dsióg₄ jniá₂, i₁jing₁₂ 'nia'₂ a₂'io'₂ jmo₂₃, a₂tág'₄ jme₂dsí₂ quió₃ co₂dsia₅ quian'₅₄ 'nia'₂.

³³ Ju₁quiong'₅₄ bá₄ Diú₄ i₂jmo₅ 'ei₅ tei₄, ca₂le₃jín'₃ 'nia'₂. A₂mei₃.

16

Cui₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂já₅ jme₂ti₃ ja₁con₂ guá'₅ chan₂ Cencrea. ² Guein₅₄ bá₄ dse₃ o₄quió'₄ Te₁gui'₅₄, jmo₄ bá₄ con'₂ dsí₂ten₅₄ jmo₃ dsa₂ ja₁con₂ riin'₅₄ i₂'én₂,* já₃n₃ guě'₂ jme₁'oin₁₂ quian'₅₄ ju₁'e₂ guě₃ a₂ca₂rě₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂ 'ŋiog₅ ma₂ca₂jme₃'oin₅₄ juin₅, já₃n₃ guě'₂ le₂jaun₂ ma₂ca₂jme₃'o₅₄ jniá₂.

³ Cui₅₄ Diú₄ Priscila† quian'₅₄ Aquila, i₂lín₅ i₂quian'₅₄ jniá₂ jē₄ ta₁ a₂nio₅ quió'₅ Cristo Jesús. ⁴ 'Éi₂ bá₄ ca₂jmo₃ tén'₂ dsí₅ o₄quió₃ jniá₂, o₁ŋia'₅₄ ca₂quí'₃ dsa₂ dsí₂lag₅₄. Jaun₂ cuē₅ jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jín'₃ dsí₂nau₂ i₂'én₂ cuē₂₃ ti₁'mag'₄ já₃n₃.

⁵ Ně₅ i₂cuíng'₅ Diú₄ já₃n₃ dsa₂ rin'₅₄ jniog₄ i₂ŋi'₂ dsí₂néi₂ quió'₅ Priscila quian'₅₄ Aquila ně₃. Cui₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rě₃'én₂ le₃quió'₅ Cristo 'uě₃ Acaya.‡

⁶ Cui₅₄ co₂nio₄ Diú₄ María, ia₁ 'ŋio₅ lín₃ ma₂jmo₃ ta₁ o₄quián'₂ 'nia'₂.

* 16:2 lit. "dsa₂ jnió₅." † 16:3 griego: Prisca. ‡ 16:5 griego: Asia.

⁷ Cuin₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né'₃ 'má₃; co₂'nió'₄ dsa₂ i₂lén₄ i₂cuig₅ guë₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄ le₃quió'₅ Cristo le₂jniá₅ guë₄ con'₂ guë₄ jniá₂.

⁸ Cuin₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

⁹ Cuin₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis ně₃ i₂lín₅ a₂mei₅₄ quiáng₃ i₂'nió₃ guë₄ lín₃.

¹⁰ Cuin₅₄ Diú₄ Apeles, i₂ma₂já₅ cuë₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

¹¹ Cuin₅₄ Diú₄ Herodión, dsa₂ go₃ jniá₂, quian'₅₄ guë'₂ dsa₂ familia quián₅ Narciso i₂'én₂ le₃quió'₅ Te₁gui'₅₄.

¹² Cuin₅₄ bá₄ co₂nio₄ Diú₄ Trifena quian'₅₄ Trifosa ně₃, on₃ dsa₂ m₁'i₂jmo₅ ta₁ quió'₅ Te₁gui'₅₄, quian'₅₄ guë'₂ 'io₅₄ rin'₅₄ jniog₄ Pérsida i₂'nió₄ guë₄ lín₃, i₂ñí₄ ma₂jmo₃ ta₁ quió'₅ Te₁gui'₅₄ ján₃.

¹³ Cuin₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jing₅₄ ně₂jag₄ bá₄ cha₃ ján₃.

¹⁴ Cuin₅₄ Diú₄ Asíncrito, Flegonte, quian'₅₄ guë'₂ Hermas, Patrobas, Hermes ně₃, quian'₅₄ guë'₂ dsa₂ rin'₅₄ jniog₄ i₂quian'₅₄ ně₃.

¹⁵ Cuin₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo ně₃, quian'₅₄ 'io₅₄ riin'₅₄; cuin₅₄ 'nia'₂ Diú₄ Olimpas quian'₅₄ guë'₂ ca₂le₃jín₃ rin'₅₄ jniog₄ i₂'én₂ Š i₂tion'₅₄ quian'₅₄.

¹⁶ Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁* 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsián'₂ jág₁ a₂cuin₂₃ Diú₄ 'nia'₂.

¹⁷ Rin'₅₄ jniog₄, mi₅ jniá₂ ne'₅₄ 'nia'₂, rě₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄ guá'₅, 'ein₂ chi'₅ ju₁ a₂qui₂hió₃ dsa₂, a₂tsá₃ dsi₂ten₅₄ lia'₂ con'₂ lě₅ jág₁ a₂ma₂ca₂rě₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂. ¹⁸ Ia₁ on₃juá'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ njia'₅₄ jme₂ti₃ ne₄ a₂mi₅ ni₁ñi₁ guoin₅₄ bá₄, qui₂jme₂gain₂₃ dsí₅ ju₁lia'₂ dsa₂ i₂tsá₃ lín₄ ñí'₂ dsí₅, quian'₅₄ jág₁ 'ua₁, jág₁ rau₂ ně₃.

¹⁹ Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂ně₅ a₂leng'₂ dsa₂ i₂tsá₃ 'e₂ dsi₂ñia₅ dsí₅ ne₄ a₂'lig'₅₄. ²⁰ Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂sě₃dsen₃ o₄tag'₄ 'nia'₂. Ju₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

Š 16:15 lit. "dsa₂ñjió₅." * 16:16 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

²¹ Timoteo, i₂quian' ₄ jniá₂ jmo₂₃ ta₁, dsiáin' ₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

²² Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuín₅ jniá₂ Diú₄ 'nia'₂ o₄quió'₄ Te₁gui'₅₄.

²³ Gayo ně₃ dsiáin' ₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Já₃n₃ bá₄ cuē₂₃ dsi₂néi₂ quió'₅ cuē'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ juig₂ ně₃, dsiáin' ₂ jág₁ a₂cuin₂₃ Diú₄ 'nia'₂ ján₃; i₂chen₂ Cuarto rin'₅₄ jniog₄ ně₃.

²⁴ Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

²⁵ Ně₃ ně₃, jui₁jme₁juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁ quió'₅ a₂jme₁rě₂'ma₄ ca₃ma₂líg'₂ lin₃. ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ jág₁ dsa₂ i₂chen₄ quiáin₅ ma₂líg'₂, jág₁ a₂ca₂tó'₂ 'éi₂ ne₄ Si₂, ia₁jaun₂ le₃ŋi₅ dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ jág₁ jaun₂, le₃nei'₅₄ ně₃.

²⁷ i₁Diú₄ i₂jan₂ tan₅₄, i₂tin₂, i₂ŋi₅, jui₁le₂juin'₂ bá₄ tē₂le₃ quian'₅₄ Jesucristo ca₂lia'₂ co₂tan₅₄! A₂méi₃.

Co₂ně₅.

† 16:24 Chog₅₄ si₂ a₂dse₃ guě₄ tsá₃ chi₁ton₅

Si₂ carta le₂'uig₅₄ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ le₂'uig₅₄ a₂chein₂ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂nē₅ ca₂rē₃'ñi₃ dsí₅ Diú₄, ca₂tē₃ 'éi₂ a₂lén₂g₂ dsa₂ i₂chen₄ quián₅ Te₁gui'₅₄ Jesucristo; jnia'₅₄ co₂dsia₅ quian'₅₄ Sóstenes rin'₅₄ jniog₄, ² jmo₂₃ si₂ carta la₂ a₂dsian'₄ ja₁con₂ guá'₅ quián₅ Diú₄, dsa₂ chan₂ juig₂ Corinto, dsa₂ i₂ma₂tē₅ Diú₄ a₂lén₂ dsa₂ i₂le₃chan₂ lē₅ 'í₁ le₃quió'₅ Cristo Jesús; co₂dsia₅ bá₄ quian'₅₄ ca₂le₃jín₃ i₂jme₂juin'₂ Te₁gui'₅₄ Jesucristo ca₂le₂con₂ mi₂güig₃, a₂lín₅ 'éi₂ Te₁gui'₅₄ quián₅, ju₁lia'₂ quián₂ jniog₄ tángs: ³ Ju₁chan'₂ bá₄ 'nia'₂ 'ei₅ tei₄, ju₁jme₂gu'₅₄ bá₄ Diú₄ i₂lín₅ jmei₂ jniog₄, ju₁jme₂gu'₅₄ Te₁gui'₅₄ Jesucristo ján₃.

Jme₂gu'₅₄ Diú₄ tē₂le₃ quian'₅₄ Cristo

⁴ Ca₂le₃o₃ jmig₄ bá₄ cuē₅ jniá₂ ti₁'mag'₄ Diú₄ o₄quián'₂ 'nia'₂, ia₁ ca₂jme₃gu'₅₄ bá₄ Diú₄ tē₂le₃ quian'₅₄ Cristo Jesús. ⁵ Tē₂le₃ ia₁ a₂chan'₂ 'nia'₂ le₃quió'₅ Cristo, Diú₄ bá₄ ma₂ca₂jme₃'o₅₄ 'nia'₂ ca₂le₃jē₃ ne₅₄ a₂dse₃ quió'₅, ju₁lia'₂ jág₁ a₂'ñia'₂ 'nia'₂, ju₁lia'₂ ca₂le₃jē₃ a₂tin'₂ 'nia'₂ ně₃. ⁶ Le₂nē₅ bá₄ ca₂le₃jē₃ 'e₂ niog₅ ca₂jme₁tag₅ jnia'₅₄ tē₂le₃ quió'₅ Cristo, ma₂ca₂rē₃ti₃ bá₄ tē₂le₃ quian'₅₄ 'nia'₂. ⁷ Jaun₂ lē₃, tsá₃ ma₃'e₂ 'nió'₅ quián'₂ 'nia'₂ jua'₅₄ a₂cuē₃ Diú₄ caun₂ bí₂ a₂gu₂dsí₂, tē₁lia'₂ jan'₅₄ 'nia'₂ a₂'ín₂ 'au'₂ a₂jme₃jnia₅ Te₁gui'₅₄ Jesucristo quián₂ jniog₄. ⁸ 'Éi₂ bá₄ jme₃'o₅₄ náu'₁ 'nia'₂ tiá₂ ca₂tē₂ jmig₄ jē₁ca₂tó'₂, ia₁jaun₂ tsá₃ 'e₂ dso₄ rin'₂ 'nia'₂ jē₁ma₂ca₂tē₂ jmig₄ quió'₅ Te₁gui'₅₄ Jesucristo. ⁹ I₂jme₃ti₃ bá₄ Diú₄ ca₂le₃jē₃ jág₁ quió'₅; 'éi₂ bá₄ ma₂ca₂tē₃ 'nia'₂ 'ag₃ caun₂ jág₁ quian'₅₄ Jesucristo ja₁ñi'₅₄, Te₁gui'₅₄ quián₂.

A₂tsi₂jín₅ dsa₂ dsia₂₃ mi'₅₄ jmo₂₃ le₁dsoin'₅₄

¹⁰ Rin'₅₄ jniog₄, mi₅ jniá₂ ja₁con'₂ 'nia'₂ quian'₅₄ 'éi'₃ quió'₅ Jesucristo Te₁gui'₅₄ quián₂, 'éi₂ 'nia'₂ caun₂ jág₁, tsá₃ dsia₂ 'nia'₂ mi'₅₄ a₂jmo₂' le₁dsong'₅₄. Tē₂le₃ ca₂tin'₂ bá₄ 'nia'₂ tóng'₄ 'ei₅ caun₂ jág₁ jen'₂ 'nia'₂, ju₁lia'₂ 'a₂ lia'₂ ñí'₂ 'nia'₂, a₂dsi₂jniog₅ 'au'₂ ně₃. ¹¹ Juig₂ jniá₂ 'nia'₂ le₂nē₅, rin'₅₄ jniog₄, ia₁ ca₂rē₃chá₃ jág₁ juá'₂ dsa₂ familia quián₅ Cloé, 'a₂ lia'₂ lē₅ tion'₅₄ 'nia'₂, a₂niog₅ mi'₅₄ jin'₄ 'nia'₂. ¹² Co₂'nió'₄ le₃jua'₅₄ jág₁, jma₃quén₅ bá₄ ma₂lē₅ jag'₅₄ 'nia'₂ tiong'₅₄. I₂lín₅₄ ma₂juá'₂: “I₂quián₅ Pa₄ bá₄ jniá₂”; i₂lín₅₄ guē'₂ juá'₂ táng₃: “Jniá₂ guē'₂ líng₅ i₂quián₅ Pe₄”; sián'₂ guē'₂ juá'₂ táng₃: “Jniá₂ guē'₂ líng₅ dsa₂ i₂quián₅ Apolos”; i₂lín₅₄ guē'₂ juá'₂ táng₃: “Jniá₂ guē'₂ líng₅ i₂quián₅ Cristo.” ¹³ ;O₃ bá₄ le₁dso'₄

ma₂i₂lé₂ quió'₅ Cristo ne₁jua'₂ le₂jaun₂? ¿O₃ bá₄ Pa₄ i₂ca₂tē₁ton₅₄
 cróg₄ o₄quián'₂ 'nia'₂? Le₂jaun₂ guē'₂ ján₃, ¿O₃ bá₄ lia'₂ con'₂ lē₅
 'éi'₃ quió'₅ Pa₄ ca₂jñó'₂ 'nia'₂ jmig₂?* ¹⁴ Ti₁'mag'₄ Diú₄ tsá₃ jniá₂
 ca₂chóng₃ jmig₂† 'i₁jan'₂ 'nia'₂, jnia'₅₄ lia'₂ Crispo quian'₅₄ Gayo,
¹⁵ con'₂ tsá₃ lē₅ jua'₅₄ a₂dsia₃ dsa₂ a₂ca₂chóin₃ jniá₂ jmig₂‡ lia'₂
 con'₂ lē₅ 'éi'₃ quió₃. ¹⁶ (Jnia'₅₄ lia'₂ familia quián₅ Estéfanos bá₄
 ján₃, dsá₂ dsí₃ ca₂chón₃ jniá₂ jmig₂. Jaun₂ tsá₃ ma₃dsá₂ dsí₃ jua'₅₄
 chan₂ guē₄ i₂sián'₂ ca₂chón₃ jniá₂ jmig₂.)§ ¹⁷ Ia₁ tsá₃ ta₁ jaun₂
 ca₂chei₃ Cristo jniá₂ jua'₅₄ a₂tsón₄ jniá₂ jmig₂ dsa₂,* con'₂ jnia'₅₄
 lia'₂ a₂qui₁'é₄ jág₁ a₂tín'₄ dsa₂ bá₄, on₃jua'₅₄ qui₁ton₁ jág₁ jua'₅₄
 a₂jmo₅₄ a₂ñí₄ ting₂, con'₂ tsá₃ lē₅ jua'₅₄ a₂tsá₃ ta₁ tí₄ a₂ca₂guen₃
 Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

¹⁸ Jág₁ dse₃ la₂, 'a₂ lia'₂ ca₂jon₃ Cristo ne₄ cróg₄, lē₅ jág₁ co₄ tē₂le₃
 ja₁con₂ dsa₂ i₂tion'₅₄ jui₅ dsí₃'én₂. La₁ tē₂le₃ quián₂ jniog₄ i₂tio'₅₄
 jui₅ a₂tág'₄, lē₅ jui₅bí₂ quió'₅ Diú₄. ¹⁹ Ia₁ jui₁lia'₂ juá'₂ ne₄ Si₂:
 Co₂dsia₅ 'én₄ jniá₂ jui₁lia'₂ a₂tín₂ dsa₂

i₂ñí₄ lē₃ ñi₅ jmo₅,

ján₃ guē'₂ jmo₅₄ cau₅ jág₁ a₂ñí'₂ dsí₅

dsa₂ i₂jmo₅ a₂ñí₄ lē₃ 'ñioi₅₄.†

²⁰ ¿'E₂ bá₄ ta₁ tén₄ jui₁lia'₂ dsa₂ i₂ñí₄ tin₂ ně₃, jui₁lia'₂ tē₅, o₃
 jui₁lia'₂ dsa₂ i₂ñí₄ ñi₅ dsia₃ ca₂le₃jě₃ 'a₂ lia'₂ niog₅ lē₅ mi₂güig₃
 la₂? Ia₁ ca₂le₃jě₃ 'e₂ niog₅ ñí'₂ dsa₂ mi₂güig₃ la₂, 'ñiog₅ bá₄ Diú₄
 ma₂jmo₃ jág₁ jaun₂ a₂tsá₃ ta₁ tí₄. ²¹ Ia₁ jui₁lia'₂ ca₂'náu'₃ dsí₅ Diú₄
 jmo₃, tsá₃ ca₂rē₃cui₅ dsa₂ mi₂güig₃ tē₂le₃ quian'₅₄ jág₁ a₂ñí'₂ dsí₅
 guoin₅₄, a₂jaun₂ bá₄ ca₂rē₃'ñi₃ dsí₅ Diú₄ a₂lióin₂ dsa₂ i₂'én₂ jág₁
 quió'₅, tē₂le₃ quian'₅₄ jág₁ a₂ca₂'ě₂ dsa₂, caun₂ jág₁ a₂jmo₅ dsa₂
 mi₂güig₃ dsí₅ caun₂ jág₁ co₄.

²² Jui₁lia'₂ dsa₂ judíos ně₃, 'nio₃ tē₃ ne₅₄ léi₄ juē'₂, dsa₂ griego
 ně₃ 'no'₂ jág₁ a₂le₃ñí₂ dsí₅, ²³ la₁ia₁ jnia'₅₄ ně₃, qui₂'ě₅ jág₁ 'ín₅
 jnia'₅₄ Cristo i₂ca₂jon₃ tē₁ton₅₄ cróg₄. Jág₁ ně₅ ně₃, lē₅ caun₂
 a₂ñág₅ jui₅ ja₁jme₁rē₂'én₂ dsa₂ judíos, ján₃ bá₄ lē₅ caun₂ jág₁ co₄
 tē₂le₃ quió'₅ dsí₂nau₂. ²⁴ La₁ tē₂le₃ quió'₅ dsa₂ i₂ma₂tē₅ Diú₄, lia'₂
 dsa₂ judíos lia'₂ dsa₂ griegos táng₃, 'ín₅ jnia'₅₄ Cristo i₂lín₅ jui₅bí₂
 quió'₅ Diú₄, i₂lín₅ jág₁ a₂ñí'₂ dsí₅ Diú₄ ně₃. ²⁵ Ia₁ co₂'nió'₄ jág₁ co₄
 quió'₅ Diú₄, juá'₂ dsa₂ mi₂güig₃, jág₁ ně₅ bá₄ a₂lē₅ a₂dsen₅₄ quen₅
 guē₄ lia'₂ con'₂ guē₄ jág₁ a₂ñí'₂ dsí₅ dsa₂ mi₂güig₃. Ján₃ bá₄ jui₁lia'₂

* **1:13** lit. "ca₂i₃tian'₃ 'nia'₂ jmig₂." † **1:14** lit. "ca₂tióg₃ jmig₂." ‡ **1:15** lit.
 "a₂ca₂tiáin₃ jniá₂ jmig₂." § **1:16** lit. "ca₂tián₃ jniá₂ jmig₂." * **1:17** lit. "a₂tián₄
 jniá₂ jmig₂ dsa₂." † **1:19** Isaías 29:14.

a₂jmo₅ dsa₂ dsí₅ a₂'uan₅₄ quió'₅ Diú₄, a₂jaun₂ gué₄ dsón'₂ a₂'io₅ gué₄ bí₂ lia'₂ con'₂ gué₄ bí₂ quió'₅ dsa₂ mi₂güí₃.

²⁶ Rin'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂të₃ Diú₄ 'nia'₂. Tsá₃ juin'₅ 'nia'₂ i₂tín₂ ñi₅ lia'₂ con'₂ lë₅ ñi₅ dsa₂ mi₂güí₃; já₃n₃ gué₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rë₃chán'₃ ju₁lia'₂ familia dsen₅₄ në₃. ²⁷ La₁ia₁ ma₂quió'₂ Diú₄ já₃g₁ a₂jmo₅ dsa₂ mi₂güí₃ dsí₅ já₃g₁ co₄, a₂jmo₃ a₂të₃tsin'₅₄ o₂guí'₃ dsa₂ i₂lín₂ ñi'₂ gué₄ dsí₅. Já₃n₃ bá₄ ma₂quió'₂ Diú₄ já₃g₁ a₂jmo₅ dsa₂ mi₂güí₃ dsí₅ já₃g₁ 'uan₅₄, a₂jmo₃ a₂të₃tsin'₅₄ o₂guí'₃ ju₁lia'₂ dsa₂ i₂lín₂ a₂'uain'₂. ²⁸ Ma₂quión'₂ Diú₄ ju₁lia'₂ dsa₂ i₂jín₂ dsa₂ mi₂güí₃ i₂tsá₃ 'e₂ quen₅, i₂sion₅ gué₄, i₂tsá₃ 'e₂ lín₅, a₂tón₂ 'uë₃ ju₁lia'₂ i₂ñi₄ lë₃ dsen₅₄ lín₂, ²⁹ ia₁jaun₂ tsá₃ 'ein₂ lé₂ dsia₃ já₃g₁ tá'₅ le₃ne₄ Diú₄. ³⁰ Ñiog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ñi'₂ dsí₅ quián₅ Diú₄ o₄quián₂ jniog₄. Co₂'nió'₄ le₃juá'₅₄, të₂le₃ quian'₅₄ Cristo bá₄ ma₂guei₃ Diú₄ jniog₄ në₂jag₄ bá₄ a₂tsá₃ 'e₂ dso₄ rag₂; të₂le₃ quian'₅₄ Cristo bá₄ já₃g₂ Diú₄ jniog₄ dsa₂ le₁jín₃ i₂lë₅ 'í₁ quián₅; të₂le₃ quian'₅₄ Cristo bá₄ já₃n₃, ca₂'ág₂ táng₃ caun₂ já₃g₁ quián₂ jniog₄ quian'₅₄ Diú₄. ³¹ Jaun₂ lë₃, ju₁lia'₂ juá'₂ ne₄ Si₂, "Ju₁lia'₂ dsa₂ i₂dsia₅ já₃g₁ tá'₅, ju₁dsia₁₂ já₃g₁ tá'₅ le₃quió'₅ Te₁gui'₅₄."[‡]

2

Já₃g₁ quió'₅ Cristo, a₂ca₂ñó₃ ne₄ cróg₄

¹ Rin'₅₄ jniog₄, lia'₂ con'₂ ñeg₅₄ ja₁con'₂ 'nia'₂, i₁chei₁₂ 'nia'₂ já₃g₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juí₂g₂ 'nia'₂ já₃g₁ ca'₅₄ ju₁lia'₂ jmo₅ dsa₂ i₂ñi₄ tin₂. ² Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ já₃g₁ siá'₂ jme₁'nio₃ le₃guion₅₄, ñjia'₅₄ lia'₂ ca₂ne₅₄ já₃g₁ quió'₅ Cristo bá₄, i₂të₁ton₅₄ cróg₄. ³ Ca₂dsió₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ñio₅ lín₃. ⁴ Lia'₂ jme₁ca₂jme₁tíng₂₃ 'nia'₂ já₃g₁ dse₃, tsá₃ ca₂jmo₃ já₃g₁ ju₁lia'₂ jmo₅ dsa₂ i₂tín₂; jmá'₃ lia'₂ quian'₅₄ já₃g₁ a₂jme₂ñia₅ ju₁bí₂ quió'₅ Jme₂dsí₂ Jñio₅ bá₄ ca₂'ë₂ jniá₂ já₃g₁, ⁵ ia₁jaun₂ të₂le₃ quian'₅₄ ju₁bí₂ quió'₅ Diú₄ bá₄ lë₅ a₂'én'₂ 'nia'₂, on₃juá'₅₄ lia'₂ con'₂ lë₅ tin₂ dsa₂ mi₂güí₃.

Jme₂ñia₅ Diú₄ ja₁con₂ dsa₂ mi₂güí₃ të₂le₃ quian'₅₄ Jme₂dsí₂ quián₅

⁶ La₁ia₁ dsia₂ bá₄ jnia'₅₄ já₃g₁ ca'₅₄ a₂tag₂ a₂ne₄ jin₄ rin'₅₄ i₂ma₂ron₂, la₁ on₃juá'₅₄ já₃g₁ ca'₅₄ a₂cha₂ mi₂güí₃ la₂, on₃ quë'₂ já₃g₁ ca'₅₄ quió'₅ dsa₂ i₂gon₂ mi₂güí₃ la₂, i₂qui₂dsi₃ñi₂. ⁷ Të₂le₃ já₃g₁ a₂jme₁rë₂'ma₄ quió'₅ Diú₄ la₂ bá₄ 'ë₅ jnia'₅₄, qui₂chei₂ jnia'₅₄ dsa₂ ca₂le₃jë₃ a₂niog₅ dsí₅ Diú₄ jmo₃ a₂jlá'₁ o₄quián₂ jniog₄ né'₃

guë₄ a₂nio₃ mi₂güig₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅
'éi'₃ mi₂güig₃ la₂ ma₂ca₂rë₃ñi'₂ jág₁ la₂; ia₁ jua'₅₄ mei'₂ guë₃
ca₂rë₃ñi'₂, tsá₃ jme₂tioin₃ ne₄ cróg₄ Te₁gui'₅₄ 'uan'₂ quián₂.

⁹ La₁ia₁, jui₁lia'₂ juá'₂ ne₄ Si₂:

Tsá₃ ne₄ dsa₂ ma₂të₂,

on₃ guë'₂ ma₂nág₂,

on₃ guë'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃.*

¹⁰ La₁ tē₂le₃ quian'₅₄ Jme₂dsí₂ quián₅, Diú₄ bá₄
ma₂ca₂jme₃jnia₅ a₂jau₂n₂ ja₁con₂ jniog₄. Ia₁ Jme₂dsí₂ 'éi₂ bá₄
téi₂ si₂ jág₁ juë'₂ a₂nio₅ cha₂ quió'₅ Diú₄ 'ñiog₅.

¹¹ Tē₂le₃ jin₄ dsa₂ mi₂güig₃ guioin₅₄ guë'₂ nē₃, ¿ein₂ bá₄ qui'₅₄
jmig₄ le₃ñi₅ 'e₂ dsi₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅
'ñiog₅ bá₄ dsa₂ a₂'i₄ tē₂dsí₅ ñi₅? Le₂jau₂n₂ bá₄ lē₅ le₃quió'₅ Diú₄.

'I₁jan₂ tsá₃ 'ein₂ ma₂ca₂rë₃ñi₅ 'a₂ lia'₂ dsi₂jio₅ dsí₅ Diú₄; jñia'₅₄
lia'₂ 'ñiog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güig₃ la₂
ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄
jniog₄, ia₁jau₂n₂ le₃ñi'₂ dsi₅ jniog₄ ca₂le₃jě₃ 'e₂ a₂ma₂cuë₃ Diú₄

jniog₄ ia₁ a₂'ua₁ dsí₅. ¹³ Jniog₄ nē₃, le₂nē₅ lē₅ ca₂le₃jě₃ jág₁ a₂dsia₂
jniog₄ con'₂ lē₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄
con'₂ lē₅ jág₁ a₂ñi'₂ dsí₅ dsa₂ mi₂güig₃. Le₂nē₅ bá₄ jme₂jniá₁ jnia'₅₄
jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Jui₁lia'₂ dsa₂ i₂tsá₃ lín₅ i₂gu₂dsí₂ nē₃, tsá₃ guein₂₃ jág₁ quió'₅
Jme₂dsí₂, ia₁ lē₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñi'₂, ia₁
ca₂le₃jě₃ a₂nē₅ qui₃jio₂'₂ 'í₁ tē₂le₃ quian'₅₄ Jme₂dsí₂ bá₄. ¹⁵ La₁
dsa₂ i₂gu₂dsí₂ nē₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂
'í₁ ja₁coin₂. ¹⁶ Ia₁:

¿Ein₂ bá₄ 'éi₂ i₂ñi₅

'a₂ lia'₂ dsi₂jio₅ dsí₅ Te₁gui'₅₄,

jua'₅₄ lé₂ le₃jme₃tin₂₃ 'éi₂?‡

La₁ jniog₄ nē₃ dsi₂jio₅ dsí₅ jui₁lia'₂ dsi₂jio₅ dsí₅ Cristo.

3

*Rin'*₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lě₃ jua'₅₄ juig₅₄ 'nia'₂ jui₁lia'₂ 'nia'₂ dsa₂
i₂jio₅ con'₂ lē₅ Jme₂dsí₂, tē₂le₃ jui₁lia'₂ 'nia'₂ dsa₂ i₂jio₅ con'₂ lē₅
ni₁ñi₁ bá₄ ca₂juig₂ jniá₂ 'nia'₂, nē₂jag₄ bá₄ guein₂ le₃quió'₅ Cristo.

² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁tin₅ jniá₂ 'nia'₂, nē₂jag₄
bá₄ guein₂ bē'₅₄ i₂'in'₂ dsi'₅₄ i₂tsá₃ ma₂lě₂ guë'₃ má₃ bēn₂. Dsón'₂
bá₄ jau₂n₂, tsá₃ ma₂lě₂ nág'₁ 'nia'₂ jág₁ bēn₂. ³ Ia₁ lia'₂ lín₅ dsa₂

* 2:9 Isaías 64:4. † 2:13 o₃, "qui₂chei₂ jnia'₅₄ dsa₂ a₂gu₂dsí₂." ‡ 2:16 Isaías 40:13.

i₂jio₅ con'₂ lě₅ ni₁ŋi₁ bá₄ guě₄ lín'₅ 'nia'₂. Ia₁ tē₁lia'₂ tion'₅₄ 'nia'₂ le₂jaun₂ a₂uig₅ 'au'₂ 'nia'₂, a₂qui₂tsín'₂ 'nia'₂ ně₃, ħTsa₁ i₂nio'₅₄ 'nia'₂ con'₂ jio₅ ni₁ŋi'₁? ħTsa₁ i₂nio'₅₄ 'nia'₂ jui₁lia'₂ i₂nio₅ dsa₂ mi₂güig₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂ quián₅ Pa₄ bá₄ jniá'₂”; i₂lín₅₄ guě'₂ dsa₅ táng₃, juá'₂: “Jniá'₂ guě'₂ lín'₅ dsa₂ quián₅ Apolos”, ħon₁jua'₅₄ lia'₂ lín'₅ dsa₂ mi₂güig₃ bá₄ lín'₅ 'nia'₂?

⁵ Jaun₂ ně₃, ħ'ein₂ 'éi₂ Apolos? Le₂jaun₂ guě'₂ ħ'Ei₂ 'éi₂ Pa₄? Jŋia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂i₂nio₄ jme₂tín₁ dsa₂ jui₁lia'₂ ca₂lě₃ jme₁ca₂rě₃'én'₂ 'nia'₂ tē₂le₃ quió'₅ Te₁gui'₅₄. Le₂jau₂ le₂jau₂ jniá'₅₄ ma₂ja₂náu₅ jmo₂ ta₁ con'₂ lě₅ ma₂cuě₃ Te₁gui'₅₄. ⁶ Jŋia'₅₄ con'₂ ca₂jan₃ jon₂ bá₄ jniá'₂; Apolos guě'₂ ca₂séi₂ jmig₂. La₁ia₁ 'ŋiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ ně₃, dsa₂ i₂jne₅, quian'₅₄ guě'₂ i₂séi₂ jmig₂, tsá₃ 'e₂ tin₂ 'éi₂; jŋia'₅₄ lia'₂ 'ŋiog₅ bá₄ Diú₄ jmo₂₃ a₂dsi₂cón₃. ⁸ Jui₁lia'₂ dsa₂ i₂jne₅ quian'₅₄ guě'₂ dsa₂ i₂séi₂ jmig₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lě₅ ta₁ quió'₅. ⁹ Jme₁tí₁ jnia'₅₄ ne₄ Diú₄ quian'₅₄ rin'₅₄ jmo₂ ta₁; 'nia'₂ bá₄ lín'₅ co₂'nió'₄ 'uě₃ ja₁nau₂ ja₁lě₂ ta₁. O₃ lé₂ le₃jua'₅₄ ján₃, lín'₅ 'nia'₂ ně₂jag₄ caun₂ 'né₅ a₂chí'₅ quió'₅ Diú₄. ¹⁰ 'Uig₅₄ ia₁ a₂'ua₁ dsí₅ Diú₄, ca₂cuě₃ ta₁ a₂tsi'₅₄ 'uig₅₄ 'ia'₂, co₂'nió'₄ jan₂ tē₅'ia'₂ bá₄ lín'₅. I₂sián'₂ guě'₂ táng₃ jui₂₃ ne₄ jaun₂. Le₂jan₂ le₂jan₂ i₂jui₅ ně₃, ca₂tín₂ con'₂ 'í₁ rē₂ chi₂jua'₂ rē₂ bá₄ jui₂₃ tioin'₅₄. ¹¹ Ia₁ 'i₁jan₂ tsá₃ ma₃'ein₂ lē₂ chí'₃ 'uig₅₄ siá'₂, jŋia'₅₄ lia'₂ con'₂ caun₂ a₂ma₂chí'₅ bá₄; a₂jaun₂ lín'₅ Cristo 'ŋiog₅. ¹² Ně₃ ně₃, jui₁lia'₂ ja₁jui₅ dsa₂ ne₄ 'uig₅₄ jaun₂ quian'₅₄ cu₄nió₄, cu₄tiog₂, quian'₅₄ ni₁cang₁ tág₅ jlá'₁, o₃ jui₁lia'₂ ja₁jui₅ 'e₂ dsa₂ quian'₅₄ jau₅₄ 'ma₂ o₃ quian'₅₄ ni₁ŋei₂, ni₁'ma₂ ta₅ ně₃, ¹³ tion₅₄ bá₄ le₃jniá'₂ ta₁ quió'₅ le₂jan₂ le₂jan₂. Jmig₄ i₁jáun₃, si₂ bá₄ jme₃jnia₅ a₂jaun₂, jióg'₂ 'í₁ ně₃ 'a₂lia'₂ lě₅ ta₁ quió'₅ le₂jan₂ le₂jan₂. ¹⁴ Chi₂jua'₂ ca₂jio₃ a₂ca₂chí'₃ dsa₂ jaun₂, gue₃ bá₄ 'liain'₅₄; ¹⁵ la₁ ně₁jua'₂ ca₂cáu₂ ně₃, dsí₃'én₂ bá₄ quió'₅. La₁ jŋia'₅₄ con'₂ lióin₂ jmá'₃ 'ŋiog₅, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

¹⁶ ħTsa₁ ŋi'₅₄ 'nia'₂, guion'₅₄ bá₄ 'nia'₂ lín'₅ guá'₅ quió'₅ Diú₄, ton'₂ guá₅ Jme₂dsí₂ quián₅ Diú₄ tē₂'au'₂ 'nia'₂? ¹⁷ Ně₁jua'₂ 'ein₂ ca₂'én₂ guá'₅ quió'₅ Diú₄, Diú₄ ně₃ co₂dsia₅ 'éin₂ dsa₂ 'éi₂. Ia₁ i₂jŋió₅ bá₄ guá'₅ quián₅ Diú₄, jaun₂ guion'₅₄ bá₄ 'nia'₂ lín'₅ guá'₅.

¹⁸ 'I₁jan'₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín'₂ 'ŋio₅ lín₃ ŋí'₂ dsí₅ lia'₂ con'₂ lě₅ ŋí'₂ dsí₅ dsa₂ mi₂güig₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ŋi₅, ia₁jaun₂ guě₄ dsíóg₄ lēin₂ tē₃dsón'₂ dsa₂ i₂tin₂ i₂ŋi₅. ¹⁹ Ia₁ ca₂le₃jě₃ a₂ŋí₄ 'ŋio₅ tin₂ dsa₂ mi₂güig₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai₅₄ quió'₅ guoin₅₄.”* ²⁰ Juá'₂ ne₄ Si₂ ján₃: “I₂ŋi₅ bá₄

* 3:19 Job 5:13.

Te₁gui'₅₄ 'a₂ lia'₂ qui₂dsi₂jio₅ dsí₅ dsa₂ i₂tin₂, a₂tsá₃ 'e₂ ta₁ tí₄.[†]
 21 Jaun₂ lë₃, 'i₁jan₂ tsá₃ jui₁dsia₁₂ já₁ tá'₅ le₃quió'₅ dsa₂ mi₂güí₃.
 Ia₁ a₂ca₂tín'₂ 'nia'₂ bá₄ ca₂le₃jë₃ a₂cha₂. 22 Pa₄, Apolos, Pe₄,[‡]
 mi₂güí₃ a₂chong₂ jnio₄, 'mú₃, jmi₃g₄ rë₂në₃, jui₁la₂ jmi₃g₄ 'ió₃
 në₃: ca₂le₃jë₃ bá₄ në₅ lé₅ quián'₂ 'nia'₂. 23 Le₂jaun₂ guë'₂ já₃,
 i₂quián₅ Cristo bá₄ 'nia'₂; Cristo guë'₂ lín₅ i₂quián₅ Diú₄.

4

Ta₁ a₂ca₂tín₂ dsa₂ i₂chen₄ quián₅ Cristo

1 Jaun₂ bá₄ në₃, con'₂ jnia'₅₄ dsa₂ i₂jme₂ti₃ ta₁ ne₄ Cristo bá₄
 ca₂tín₂ dsa₂ já₂ jnia'₅₄, a₂niog₅ ne₄ jnia'₅₄ já₁ a₂jme₁rë₂'ma₄
 quió'₅ Diú₄. 2 Con'₂ siá'₂ táng₃, chi₂jua'₂ le₂në₅, jaun₂ bá₄ tion₅₄
 ca₂tín₂ jui₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian'₅₄ ta₁
 a₂ca₂ñi₂. 3 Të₂le₃ quió₃ jniá₂ në₃, tsá₃ a₂nag₅₄ jaun₂ në₁jua'₂
 ca₂quion'₂ 'nia'₂ 'í₁ le₃ja₁cong₂, o₃ në₁jua'₂ ca₂cáun₃ 'í₁ dsi₂tan₅₄
 dsa₂ mi₂güí₃ 'e₂. Ca₂lia'₂ jnia'₅₄ 'ñi₃, tsá₃ cáun₅ 'í₁ le₃ja₁cong₂
 'ñi₃. 4 'I₁caun₂ tsá₃ 'e₂ dsi₂jñi₅ dsi₃. La₁ on₃jua'₅₄ le₂në₅ o₂'ag₅ já₁
 a₂tsá₃ 'e₂ rë₂cáng'₄. 'Niog₅ bá₄ Te₁gui'₅₄ i₂con₂ 'í₁ quió₃. 5 Jaun₂
 tsá₃ lë₁cáun₂ de₂ 'nia'₂ 'í₁ të₃jñiá₅. Jë₁ma₂guán'₅ Te₁gui'₅₄, téi₂ si₂
 ne₄ a₂rë₂'ma₄ a₂jmo₅-dsá₅ dsa₂ jë₄ qui₁né₃; jme₃jniai₂₃ ca₂le₃jë₃
 a₂niog₅ qui₂dsi₂jñia₅ dsí₅ dsa₂. Jaun₂ guë'₄ gue₃ dsa₂ 'lian'₅₄
 a₂cuë₃ Diú₄ a₂'ñio₂ dsí₅ quió'₅ le₂jain₂ le₂jain₂.

6 Rin'₅₄ jnio₄, a₂dse₃ quián'₂ bá₄ 'nia'₂ juá'₅ jniá₂ ca₂le₃jë₃
 a₂në₅, a₂'ing₅ Apolos quian'₅₄ guë'₂ 'ñi₃ jniá₂. Juá'₅ le₂në₅
 ia₁jaun₂ të₂le₃ quian'₅₄ já₁ jáng'₅ léi₄ në₅ quián₂ jnia'₅₄, le₃tin'₂
 'nia'₂, a₂tsá₃ jmó'₂ 'nia'₂ ñag₅₄ guë'₄ con'₂ lé₅ juá'₂ ne₄ Si₂, con'₂
 tsá₃ ñó₅ në₁jua'₂ ca₂jmo₅'nia'₂ rón'₂ o₄quió'₄ jan₂, a₂jñi'₅₄ 'nia'₂
 sion₅ i₂sián'₂. 7 ¿'Ein₂ 'éi₂'ag₅ 'ne₂ a₂dseng'₃ guë'₄ lia'₂ con'₂ guë'₄
 ríng'₂? ¿'E₂ bá₄ bí₂'au'₂ jua'₅₄ tsá₃ ma₂cuë₃ Diú₄ në₃? ¿'E₂ guë'₂
 lë₃ dsia'₂ já₁ tá'₅ në₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂
 jmo'₂?

8 Jmo'₂ 'nia'₂ 'au'₂ 'ñio₅ lín₃ dse₃ ma₂chang'₂; ma₂cha₂ quián'₂
 'nia'₂ ca₂le₃jë₃. Ma₂jmo'₂ 'nia'₂ 'au'₂ ma₂tiáng'₅ can'₅₄ bá₄ 'nia'₂,
 tsá₃ ma₃quiong'₅₄ jnia'₅₄. ¡Jua'₅₄ mei'₂ guë'₃ dsón'₂ dsi₂jó'₃
 ma₂gon'₂ 'nia'₂! Jaun₂ bá₄ jme₁lé₂ gon₂ jnia'₅₄ co₂lë₅ quian'₅₄
 'nia'₂ jua'₅₄ mei'₂ guë'₃ le₂jaun₂. 9 Ia₁ lín₂ jniá₂, lia'₂ lë₅ bá₄
 të₂le₃ jë₁ca₂tó'₂ bá₄ ma₂chei'₃ Diú₄ con'₂ jnia'₅₄ i₂lág₅ dsa₂
 i₂chen₄ quián₅, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃.
 Ma₂ja₂lén₂ dsa₂ já₂ jnia'₅₄ në₂jag₄ a₂lë₁'io'₂ të₅ dsí₅ já₃ ca₂lë₃jín₃
 i₂chan₂, lia'₂ dsa₂ mi₂güí₃ lia'₂ ángeles në₃. 10 Dsa₂ co₄ bá₄
 'ag₅ dsa₂ jnia'₅₄ o₄quió'₄ Cristo; 'nia'₂ guë'₂ ma₂jmo'₂ 'ñio₅ lín₃

† 3:20 Salmo 94:11. ‡ 3:22 griego: Cefas.

ma₂ñí'₂ 'au'₂ jui₁lia'₂ tē₂le₃ quió'₅ Cristo. Ma₂jmo'₂ 'nia'₂ 'ñio₅ lin₃ tiá'₂ ma₂tióng'₂; jnia'₅₄ guē'₂ jag'₅₄ táng₃ nē₂jag₄ dsa'₂ 'uan₅₄. Jme₂gan₃ dsa'₂ 'nia'₂; jnia'₅₄ guē'₂ nē₃ tsá₃ jei₅₄ dsa₂. ¹¹ Ca₂lia'₂ jnió'₂ jmi₄g₄ nē₃, ja₂náu₅ jnia'₅₄ a₂ong₄, qui₂rē₂quein₂ dsi₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guē'₂, con'₂ lē₁co₂jmóg'₂. ¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Jui₁lia'₂ jme₁tē₂'o'₂ dsa₂, caun₂ jág₁ dse₃ bá₄ qui₁jein'₄ jniá'₂ quió'₅. Jui₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guē'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuē'₂ táng₃ jnia'₅₄. Jág₂ dsa₂ nē₂jag₄ ti₁'ñe'₅₄ a₂tsá₃ ta₁ tí₄, nē₂jag₄ bá₄ jme₁qui₅ quió'₅ dsa₂ mi₂güí₃g₃ nē₃, ca₂lia'₂ jnió'₂ jmi₄g₄ nē₃.

¹⁴ On₃jua'₅₄ ia₁jaun₂ cán'₁ 'nia'₂ o₂gui'₃ tó'₅ jniá'₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jniá'₅ ja₁cong'₂, nē₂jag₄ bá₄ chi'₂-guein₂ quiáng₃ i₂'nióg₃ guē'₄ lin₃. ¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ juin₅ 'ñeí'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lin₃ jniá'₂ 'ñeí'₅ 'nia'₂. ¹⁶ Jaun₂ lē₃, mi₅ jniá'₂ ja₁con'₂ 'nia'₂, jaun₂ tón'₂ 'nia'₂ jui₅ i₁nio'₄ 'nia'₂ ja₁ma₂ñi₃ jniá'₂.

¹⁷ Uí₅₄ jaun₂ bá₄ tsín₂ jniá'₂ Timoteo, i₂jmo₅ jniá'₂ dsi₃ co₂'nió'₄ guein₂ quiáng₃ i₂'nióg₃ guē'₄ lin₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá'₂ a₂'éng₂ le₃quió'₅ Cristo, lia'₂ con'₂ lē₅ jme₂ting₁ guá'₅ ca₂le₂con₂ ja₁siá'₂.

¹⁸ I₂lin₅₄ 'nia'₂ ma₂i₂niog'₅₄ jmo'₂ 'nia'₂ róng'₂, a₂lín'₂ 'nia'₂ a₂tsá₃ ma₃dsióg₄ jniá'₂ i₁jing₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁jág₃ nē₁jua'₂ ca₂cuē₃ Te₁gui'₅₄ jmi₄g₄. Jmi₄g₄ jaun₂ le₃guion₅₄ jniá'₂, on₃jua'₅₄ jma'₃ jág₁ tá'₅ a₂dsia₅ dsa₂ jin'₄ 'nia'₂ tióin'₅₄, le₃guion₅₄ jniá'₂ ján₃ 'a₂ con'₂ bí₂ 'io₂₃. ²⁰ Ia₁ jui₁lia'₂ ja₁gon₂ Diú₄, on₃jua'₅₄ a₂jñia'₅₄ dsi₂lé₂ jma'₃ jág₁; a₂quian'₅₄ jui₅bí₂ bá₄ ján₃. ²¹ ¿'E₂ 'niog'₂ 'nia'₂: a₂'i₁'é₃ jniá'₂ uig₅ jē₁ma₂dsióg₃, o₃ a₂dsióg₄ jniá'₂ caun₂ dse₃ a₂'nió₃ jniá'₂ 'nia'₂ a₂'ua₁ dsi₃ 'e'₂?

5

Jau'₂ 'í₁ quió'₅ jan₂ dsa₂ i₂ca₂'náu₂ dso₄

¹ 'E₂ ca₂rē₃chá₃ jág₁, a₂chan₂ jan₂ jin'₄ 'nia'₂ 'no₂₃ dso₄, a₂jmo₂₃ a₂lē₅ quiáin₅ bá₄ dsa₂ m₁í₂ quián₅ jmei₂. Caun₂ dso₄ ca₂lia'₂ jñia'₅₄ dsa₂ i₂tsá₃ cuin₅ Diú₄ bá₄ guē'₄ tsá₃ jmo₂₃ le₂nē₅. ² jmo'₂ guē'₄ 'nia'₂ 'au'₂ a₂tióng'₅₄ dse₃ jmo'₂ róng'₂ tióng'₅₄! ¡'Nió'₄ jme₁tón'₂ 'nia'₂ qui₁'-áu'₂ 'lia'₂ 'au'₂! Dsa₂ i₂ca₂'náu₂ dso₄ nē₅ ca₂tiin₂ o₃'iin₅ bá₄ jin'₄ 'nia'₂ nē₅. ³ O₁jñia'₅₄ tsá₃ quian'₅₄ jniá'₂ 'nia'₂ dsi₁ne₁, la₁ 'eng₅₄ bá₄ ja₁nē₅ quian'₅₄ 'nia'₂ tē₂le₃ quian'₅₄ jme₂dsí₂; ma₂cáun₃ jniá'₂ 'í₁ ja₁con₂ dsa₂ i₂ca₂jmo₃ le₂nē₅, nē₂jag₄ bá₄ a₂chéng'₅ 'ñió₃ tē₃dsón'₂. ⁴ Tión'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá'₂ tē₂le₃ quian'₅₄ jme₂dsí₂ quió'₃, quian'₅₄ jui₅bí₂ quió'₅ Te₁gui'₅₄ Jesús, ⁵ a₂jin'₅₄ 'nia'₂ dsa₂ 'éi₂ o₄gú₃ Satanás, ia₁jaun₂

qui₂dsi₃'én₂ ni₁ñi₁₂, ia₁jaun₂ tín'₂ jme₂dsí₂ quió'₅ jmig₄ i₁jáun₃ quió'₅ Te₁gui'₅₄.

⁶ Tsá₃ dse₃ a₂dsia'₂ 'nia'₂ jág₁ tá'₅. ¿Tsa₁ ñi'₅₄ 'nia'₂, “Quian'₅₄ ca₂juig₄ bá₄ levadura guion'₂ ta₁jě₂ ti₁can₁”? ⁷ Jñiá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂'nió'₄ ca₂míg₂ ti₁can₁ a₂tsá₃ levadura quian'₅₄, ju₁lia'₂ tē₃dsón'₂ lín'₅ 'nia'₂. Ia₁ 'ñiog₅ bá₄ Cristo ca₂join₃ ñó₃ a₂rē₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmig₄ Tē₂'in₅₄ quián₂. ⁸ Jaun₂ lē₃, jme₁go₃ jniog₄ Jmig₄ jaun₂, on₃jua'₅₄ quian'₅₄ levadura gui'₅₄, on₃ guē'₂ quian'₅₄ a₂'lig'₅₄ qui₂dsi₂jñi₅ dsi₅ jniog₄ ja₁con₂ rin'₅₄, on₃ guē'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ jág₁ tí₅ dsi₂jó'₃.

⁹ Ne₄ si₂ carta quió'₃ a₂ca₂tsíng₂ ne'₅₄ 'nia'₂ le₂jñiá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ jág₁ quian'₅₄ dsa₂ i₂tsá₃ lē₅ dsi₂i₂gu₂. ¹⁰ On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂ñei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsí₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂ñei'₅₄ jme₁'uín'₃ 'nia'₂ mi₂güig₃ la₂, jua'₅₄ mei'₂ guē₃ le₂jaun₂. ¹¹ A₂la₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'ñio₅ lin₃ 'ei₅ caun₂ jág₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ guē'₂ nió'₅ jág₁ quian'₅₄ i₂tsá₃ lē₅ dsi₂i₂gu₂, chi₂jua'₂ 'ua'₂ dsí₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ jág₁ uig₅, chi₂jua'₂ qui₂i₂niói₅₄ le₁'ein₅, chi₂jua'₂ qui₂'ang₂₃ ně₃. On₃ guē'₂ ca₂tín'₂ 'nia'₂ quē'₅₄ quian'₅₄ dsa₂ le₂'éi₂. ¹² Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. ¹³ La₁ia₁ 'nia'₂, ca₂tíng'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lin'₅₄ i₂'en₅₄ jin'₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ riin'₅₄ ne₄ dsi₂tan₅₄ i₂tsá₃ 'én₂

¹ Ju₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿'a₂ bá₄ lia'₂ tiá'₂ 'au'₂ o₁dsia'₄ dso₄ ne₄ ju₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄? ² ¿Tsa₁ ñi'₅₄ 'nia'₂ jua'₂ dsa₂ juig₂ quián₅ Diú₄ bá₄ guē'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun₂ 'í₁ quió'₅ dsa₂ mi₂güig₃ ně₃, ¿'en₁ jmá'₃ guē'₂ tsá₃ 'ein₂ i₂tin₂ chan₂ i₂lé₂ jme₃rē₃ ju₁lia'₂ mi'₅₄ me'₂? ³ ¿Tsa₁ ñi'₅₄ 'nia'₂ jua'₂ le₂jniog₅ ángeles bá₄ quiong₅₄ jniog₄ 'í₁ quió'₅? ¡'Ē₂ guē'₄ bá₄ jaun₂ ca₂tág₂ jniog₄ jme₁rē₂ 'e₂ caun₂ o₂me'₅₄ dsi₅ rē₂cha₂ ne₄ gua'₅₄ 'uē₃ la₂? ⁴ Chi₂jua'₂ 'e₂ caun₂ mi'₅₄ cha₂ quián₂ 'nia'₂, rin'₅₄ jniog₄, ¿'e₂ lē₃ o₂nó'₅ 'nia'₂ o₂dsia'₅₄ dso₄ ne₄ dsa₂

* 5:13 Deuteronomio 17:7; 19:19; 21:21,24; 24:7.

i₂tsá₃ 'e₂ quen₅ le₃quió'₅ guá'₅? ⁵ Juá'₅ jniá₂ le₂në₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin'₄ 'nia'₂ i₂qui'₅₄ jmig₄ jme₃rë₃ mi'₅₄ a₂niog₅ jin₄ rin'₅₄? ⁶ ¿Rë₂ guë₄ dsió₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

⁷ Chi₂jua'₂ ma₂tion'₅₄ 'nia'₂ mi'₅₄ jin'₄ 'nia'₂, co₂dsia₅ ma₂tán'₂ bá₄ 'nia'₂ jág₁ chi₂jua'₂ le₂jaun₂. ¿Tsa₁ dse₃ guë₄ jmo₃ dsa₂ co₂ñei'₅₄ tió'₃ dsí₅ a₂caun₂ lë₁dsi₂ñí₂ jmóg'₂ rin'₅₄? ¿Tsa₁ dse₃ guë₄ guén₄ jniog₄ jui₁'ang₁₂ 'e₂ 'ang₃ quián₂? ⁸ La₁ 'nia'₂ në₃, jmag'₅₄ dsa₂, 'ang'₂ quió'₅ dsa₂; ca₂të₂ ja₁con₂ rín'₂ 'nia'₂ guiong'₅₄ jmo'₂ le₂në₅. ⁹ ¿O₃ bá₄ tsá₃ ñi'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuín₅ Diú₄? Tsá₃ cuín₅ 'nia'₂ jmig₄ jua'₅₄ a₂le₃gang'₂, ia₁ jui₁lia'₂ dsa₂ i₂l₂nio₄ nó'₅ jág₁ quian'₅₄ dsa₂ i₂tsá₃ lë₅ dsi₂l₂gu₂, jui₁lia'₂ dsa₂ i₂qui₂jme₂juin'₂ diú₄ lag₄, jui₁lia'₂ dsa₂ ñe'₂ i₂dsi₂ñia₅ dsí₅ lia'₂ dsi₂ñia₅ dsí₅ 'io₅₄, * jui₁lia'₂ dsa₂ ñe'₂ i₂nió'₅ jág₁ quian'₅₄ dsa₂ ñe'₂ rin'₅₄, ¹⁰ jui₁lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂l₂nio₄ 'en₅, dsa₂ i₂l₂nio₄ qui₂dsia₂₃ jág₁ të₂jág₁, dsa₂ i₂lí'₂ cu₄ të₂le₃ quian'₅₄ a₂ 'ñioi₅₄ jme₂gain₂₃ rin'₅₄; dsa₂ le₂'éi₂ në₃, tsá₃ ca₂tín₂ ja₁gon₂ Diú₄. ¹¹ Le₂në₅ bá₄ jme₁chan'₂ i₂lín₅₄ 'nia'₂ le₂jñiá₅. La₁ 'ñiog₅ bá₄ Diú₄ ma₂qui₂ca₂rín'₃ jme₂dsí₂ quián'₂ 'nia'₂, ma₂lë₅ 'í₁ quiáin₅, ca₂guei₃ Diú₄ 'nia'₂ në₂jag₄ bá₄ a₂tsá₃ 'e₂ dso₄ rin'₂ 'nia'₂, të₂le₃ quian'₅₄ Te₁gui'₅₄ Jesús, quian'₅₄ guë'₂ Jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ ni₁ñi₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jë₃ jaun₂ jme'₂o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jë₃ 'e₂ 'nio₃ jmo₅₄”, la₁ia₁ tsá₃ cuín₄ jniá₂ jmig₄ jua'₅₄ co₂dsia₅ jin'₄ jniá₂ co₂ñei'₅₄ ne₄ 'i₁caun₂. ¹³ Dsau₅ bá₄ jui₁lia'₂ juá'₂ dsa₂: “Lë₅ má₃ o₄quió'₄ rë₂tú'₅ dsa₂; rë₂tú'₅ guë'₂ dsa₂ lë₅ o₄quió'₄ má₃.” La₁ já₅ jmig₄ a₂'én₂ Diú₄ ta₁tín₃. La₁ tsá₃ ta₁ jaun₂ qui'₅ ni₁ñi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂quí'₅ ni₁ñi₁₂, a₂jme₃tí₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ në₃ i₂cuë₅ bí₂ quió'₅ ni₁ñi₁₂. ¹⁴ Ia₁ jui₁lia'₂ ca₂jme₃jen'₅₄ Diú₄ Te₁gui'₅₄ quian'₅₄ jui₁bí₂ quió'₅, le₂jaun₂ bá₄ jmo₃ a₂jein'₅₄ guë'₂ jniog₄ já₃n₃.

¹⁵ ¿Tsa₁ ñi'₅₄ 'nia'₂ jaun₂ a₂tén₅ të₂le₃ quió'₅ Cristo bá₄ ni₁ñi'₁ 'nia'₂? ¿Oñ₃ bá₄ lé₂ le₃tion₄ jniog₄ jui₁lia'₂ a₂tén₅ ni₁ñi'₁ Cristo le₃ja₁con₂ jui₁lia'₂ jan₂ 'io₅₄ i₂'nag₅ quió'₅? ¡Tsá₃ jui₁le₅₄ bá₄ le₂jaun₂! ¹⁶ ¿Tsa₁ ñi'₅₄ 'nia'₂, jui₁lia'₂ jan₂ dsa₂ ñe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ñí₅ bá₄ lë₅ jë₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ ni₁ñí₅ lë₂ le₃oin₃ le₂jaun₂.”† ¹⁷ La₁ jui₁lia'₂ jan₂ dsa₂ i₂rë₂quian'₅₄ Te₁gui'₅₄,

* 6:9 o₃, “dsa₂ ñe'₂ i₂'nag₅ quió'₅.” † 6:16 Génesis 2:24.

co₂'nió'₄ jan₂ jme₂dsí₂ bá₄ lé₂ quiain'₅₄.

¹⁸ Cuing₄ 'nia'₂ ja₁con₂ a₂'lig'₅₄ ju₁lia'₂ a₂qui₂'no₅ dsa₂ dso₄ quiain'₅₄ i₂sián'₂. Ju₁'e₂ gué₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ñi₁₂ bá₄. La₁ ju₁lia'₂ dsa₂ i₂nió'₅ jág₁ quiain'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ñi₁ 'ñiog₅ bá₄. ¹⁹ ¿Tsa₁ ñi'₅₄ 'nia'₂ a₂lé₅ ni₁ñi'₁ 'nia'₂ caun₂ guá'₅ ja₁'en₅₄ Jme₂dsí₂ Jñió₅ i₂ma₂cuin₃ Diú₄? Jaun₂ tsá₃ lé₅ jua'₅₄ a₂tén'₅ guion'₅₄ 'nia'₂; ²⁰ ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lē₃ ca₂tín'₂ 'nia'₂ jme₁gan'₃ Diú₄ tē₂le₃ quiain'₅₄ ni₁ñi'₁ 'nia'₂.

7

A₂to'₂ jág₁ dse₃ tē₂le₃ quió'₅ ju₁lia'₂ dsa₂ i₂jén'₂ gu₂

¹ La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. ² Dsón'₂ bá₄ dse₃ jua'₅₄ mei'₂ gué₃ co₂ñei'₅₄ tsá₃ jén'₂ dsa₂ ñe'₂ gu₂; la₁ 'uig'₅₄ ia₁ ñi₄ lē₃ qui₂ni₂o₄ dsa₂ jmo₂₃ 'lig'₅₄ jmig₄ nē₃, jaun₂ bá₄ lē₃ co₂ñei'₅₄ ju₁jen'₅₄ bá₄ dsa₂ mí₂ dsa₂ ñe'₂ gu₂, ju₁le₂chan₂ bá₄ dsi₂i₂gu₂ le₂jain₂ le₂jain₂. ³ Dsa₂ ñe'₂ gué'₂ nē₃ ca₂tín₂ jme₃ti₃ ca₂le₃jē₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiáin₅; le₂jaun₂ gué'₂ dsa₂ mí₂ nē₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jē₃ con'₂ a₂ca₂tín₂ jme₃ti₃. ⁴ On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quiáin₅ bá₄ ján₃. Ján₃ gué'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quiáin₅ bá₄ ján₃. ⁵ Tsá₃ lē₁jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, ñjia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lē₅ tin₃-ni₅ jmig₄ ia₁ a₂'niog'₂ jmó'₂ ca₂ne₅₄ chi₁léng'₄ Diú₄, jme₂'ing'₄ tē₁lia'₂ jmig₄ jaun₂. Jē₁ma₂ca₂ñi₂ jmig₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ nē₁ca₂caun₃ táu₂ i₂sē₃dse₃ nē₁jua'₂ tsá₃ ca₂tió'₃ 'au'₂ 'nia'₂.

⁶ Ca₂le₃jē₃ a₂juá'₅ jniá₂ nē₅ cué₅ jniá₂ 'nia'₂ jmig₄, on₃jua'₅₄ rē₂ a₂ton'₂ jniá₂ 'nia'₂ caun₂ 'éi'₃. ⁷ Con'₂ juá'₅ jniá₂ 'ñio₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ líng₅ 'ñio₃; la₁ con'₂ nē₅ tin₂ Diú₄ jma₃quén₅ ma₂cué'₃ dsa₂ 'a₂lia'₂ niog₅ lín₅ dsa₂ le₂jain₂ le₂jain₂.

⁸ Ju₁lia'₂ dsa₂ i₂tsá₃ gu₂ le₁jen'₂, ju₁lia'₂ dsa₂ mí₂ i₂ma₂'ní₂ nē₃, juá'₅ jniá₂ 'e₂ gué₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ ju₁lia'₂ chan₂ jniá₂ tsá₃ 'ein₂ gua₅₄ quiang'₅₄. ⁹ La₁ia₁ nē₁jua'₂ tsá₃ qui'₅₄ jmig₄ jmo₃ tió'₃ dsí₅ nē₃, ju₁jein'₅₄ gu₂, ia₁ ja₂lín₃ gué₄ dse₃ bá₄ jéin'₂ co₂ñei'₅₄ gu₂, lia'₂ con'₂ gué₄ a₂ñi₄ dsiin'₂ 'ñiog₅.

¹⁰ La₁ juá'₅ jniá₂ juí₂ ca₂le₃jín₃ ju₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄ riin'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃

quió₃ jniá₂ 'ñió₃; 'éi'₃ quió'₅ Te₁gui'₅₄ 'ñiog₅ bá₄ ně₅. ¹¹ La₁ ně₅ jua'₂ chan₂ jan₂ dsa₂ mí₂ ca₂téin₂ dsi₂i₂gu₂, jui₁gua₂ bá₄ tei₄ 'ñiog₅; O₃ jui₁'ei₅₄ bá₄ táng₃ caun₂ jág₁ quian'₅₄ dsi₂i₂gu₂ 'e₂. Le₂ně₅ bá₄ jui₁lia'₂ dsa₂ ñe'₂ táng₃, tsá₃ 'nió'₅ téin₂ dsa₂ mí₂ quiáin₅.

¹² Juí₂g₂ jniá₂ jui₁lia'₂ i₂sián'₂, (jág₁ quió₃ 'ñió₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quián₅ jui₁lia'₂ jan₂ dsa₂ 'én₂ rin'₅₄ jniog₄, la₁ ně₅ jua'₂ 'ñio₂ bá₄ dsí₅ dsa₂ mí₂ 'éi₂ guá₅ quiong'₅₄, tsá₃ 'nió'₅ téi₂ rin'₅₄ jniog₄ 'éi₂. ¹³ O₃ chi₂jua'₂ dsa₂ ñe'₂ i₂tsá₃ 'én₂ lín₅ dsi₂i₂gu₂ jan₂ dsa₂ mí₂ i₂'én₂, la₁ ně₅ jua'₂ 'ñio₂ bá₄ dsí₅ guá₅ quiain'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃. ¹⁴ Ia₁ jui₁lia'₂ dsi₂i₂gu₂ i₂tsá₃ 'én₂ ně₃, ma₂jmo₅ bá₄ Diú₄ a₂lě₅ 'í₁ tē₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ ně₃, lě₅ bá₄ 'í₁ quián₅ Diú₄ tē₂le₃ quian'₅₄ dsa₂ ñe'₂ i₂'én₂ rin'₅₄ jniog₄. Jua'₅₄ mei'₂ tsá₃ le₂jaun₂, 'uin₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂jñió₅ bá₄ 'éi₂. ¹⁵ La₁ jui₁lia'₂ dsa₂ ñe'₂ o₃ dsa₂ mí₂ i₂tsá₃ 'én₂ ně₃, chi₂jua'₂ tion₅₄ 'nio₃ téin₂ riin'₅₄, jui₁tein₅₄ riin'₅₄. Tsá₃ lě₅ jua'₅₄ rē₂jnág₅ jui₅ quió'₅ dsa₂ i₂'én₂ rin'₅₄ chi₂jua'₂ le₂jaun₂. * Ia₁ ma₂tě₃ Diú₄ jniog₄ a₂le₃chong₂ le₁'ág₄ tei₄ dsi₅. ¹⁶ Ia₁, ĉ'a₂ lia'₂ ñi'₅₄ 'ne₂ dsa₂ mí₂, jua'₅₄ lé₂ long'₅₄ dsi₂i₂gog'₂? Le₂jaun₂ guē'₂ 'ne₂ dsa₂ ñe'₂, ĉ'a₂ bá₄ lia'₂ ñi'₅₄ jua'₅₄ lé₂ long'₅₄ dsa₂ mí₂ quiáng'₂?

¹⁷ Jñia'₅₄ lia'₂ jui₁i₂nio₄ dsa₂ le₂jain₂ le₂jain₂ jui₁lia'₂ niog₅ lě₅ jui₅ ma₂chei'₃ Te₁gui'₅₄, lia'₂ con'₂ lě₅ ma₂tě₅ Diú₄. 'Éi'₃ ně₅ cuē₅ jniá₂ ca₂le₃jín₃ guá'₅. ¹⁸ Chi₂jua'₂ i₂lín₅₄ ma₂le₁uĩng₁ lo₄ lia'₂ con'₂ jme₁ca₂rě₃'éin₂ ca₂tě₃ Te₁gui'₅₄, tsá₃ jui₁jme₂tsín₃ léi₄ jaun₂. O₃ chi₂jua'₂ 'ein₂ ca₂rě₃'én₂ le₃quió'₅ Te₁gui'₅₄ tē₃ tsá₃ rē₂uĩng₄ quió'₅, tsá₃ jui₁guein₁₂ uĩng₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄ rē₂uĩng₄ o₃ tsá₃ rē₂uĩng₄ quió'₅ dsa₂ te₁i₂niol₅₄. A₂jme₃ti₃ 'éi'₃ quió'₅ Diú₄ bá₄ dsa₂ dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tín₂ le₃chain₂ lia'₂ con'₂ lín₅ 'ñiog₅ lia'₂ con'₂ jme₁ca₂tě₃ Te₁gui'₅₄. ²¹ Chi₂jua'₂ jme₁lĩng₄ dsa₂ i₂jme₂ti₃ a₂tsá₃ 'liang'₅₄, lia'₂ con'₂ jme₁ca₂tě₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chi₂jua'₂ ca₂cuĩn₃ jmĩg₄ a₂tsá₃ ma₃lėng'₂ dsa₂ i₂jme₂ti₃ ta₁, ja₂lĩn₃ guē₄ dse₃ quio'₅₄ jui₅ jaun₂. ²² Jui₁lia'₂ dsa₂ i₂jme₁lĩn₄ i₂jme₂ti₅ ta₁ ne₄ dsa₂ lia'₂ con'₂ jme₁ca₂tě₃ Te₁gui'₅₄, la₁ rē₂ně₃ ně₃ ma₂lĩn₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ jui₁lia'₂ dsa₂ i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tě₃ Te₁gui'₅₄ la₁ rē₂ně₃ guē'₂ ně₃, ma₂lĩn₅ dsa₂ i₂jme₂ti₃ ta₁ ne₄ Cristo. ²³ I₂ca₂quĩn₁ 'mu'₅₄ lĩn₃ bá₄ 'nia'₂ ca₂láu₂ Cristo. Jaun₂ tsá₃ ma₃cuĩn₅ 'nia'₂ jmĩg₄ jua'₅₄ a₂jme₁ti₄ guē₄ ne₄ dsa₂ mi₂güí₃.

* 7:15 lit. "Tsá₃ chi₁'ñe'₅₄ dsa₂ i₂'én₂ rin'₅₄ chi₂jua'₂ le₂jaun₂."

24 Le₂nē₅ bá₄ jaun₂, 'nia'₂ rin'₅₄ jniog₄, jui₁tión'₂ bá₄ 'nia'₂ lia'₂ jme₁líng'₄ lia'₂ con'₂ jme₁ca₂tē₃ Diú₄ 'nia'₂.

25 Nē₃ nē₃, jui₁lia'₂ dsa₂ mi₄ i₂tsá₃ dsa₂ ηe'₂ ma₂jio₅, tsá₃ 'e₂ 'éi'₃ ma₂ηi₂ jniá'₂ ja₁con₂ Te₁gui'₅₄. La₂ cuē₅₄ jniá'₂ jág₁ lia'₂ con'₂ ηí'₂ dsi₃, co₂'nió'₄ jan₂ i₂tí₅ jág₁ quió'₅ ia₁ a₂ηéi₂ dsi₅ Te₁gui'₅₄.

26 Jaun₂ líng₂, ja₂lin₃ guē₄ dse₃ jua'₅₄ co₂ηei'₅₄ guē₄ jui₁chan'₂ bá₄ 'nia'₂ 'a₂lia'₂ lē₅ chang'₂, 'uig'₅₄ ia₁ 'ηio₅ lin₃ cha₂ o₂me'₅₄ dsi₅ jmig₄ rē₂nē₃.

27 Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chi₂jua'₂ tsá₃ ma₂jen'₂ guē'₂ gog'₂, tsá₃ lē₁'nág'₂ dsa₂ mí₂ i₂ne'₅₄ quiang'₅₄. 28 La₁ nē₁jua'₂ ca₂jen'₂ guē'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ njia'₅₄ lia'₂ a₂jaun₂ bá₄ juá'₅ jniá'₂, le₃chain₂ quian₅ o₂me'₅₄ dsi₅ mi₂güig₃ la₂. A₂jaun₂ tsá₃ jme₁'nio₃ jniá'₂ dsi₂ηí'₂ 'nia'₂.

29 A₂la₂ bá₄ 'nio₃ jniá'₂ juá'₄, rin'₅₄ jniog₄. Tsá₃ ma₃uē₂ le₃ag₄ a₂dsióg₄ Jmig₄ quió'₅ Te₁gui'₅₄. 'Uig'₅₄ jaun₂, juíg₂ jniá'₂ 'nia'₂: nē₃ tē₂le₃ ne₄ jui₅, ca₂le₃jín₃ i₂ma₂tían'₅ quian'₅₄ dsa₂ mí₂, jui₁le₂chain₂ nē₂jag₄ bá₄ a₂tsá₃ dsa₂ mí₂ quiáin₅ chan₂. 30 Jui₁lia'₂ dsa₂ i₂chan₂ qui₂le₁qui'₂ dsi₅, jui₁jmo₁₂ bá₄ dsi₅ nē₂jag₄ bá₄ a₂tsá₃ 'e₂ o₂i₁ dsi₅ chain₂. Le₂jaun₂ guē'₂ jui₁lia'₂ dsa₂ i₂jmo₅ 'io'₂, ca₂tín₂ bá₄ jmo₃ nē₂jag₄ bá₄ a₂tsá₃ dse₃ chain₂. Le₂jaun₂ guē'₂ ján₃ jui₁lia'₂ dsa₂ i₂quílá₅ 'e₂ lálá₅, jui₁jmo₁₂ bá₄ dsi₅ nē₂jag₄ bá₄ on₃jua'₅₄ a₂quió'₅ 'e₂ ma₂lálá₃. 31 Le₂jaun₂ guē'₂ jui₁lia'₂ dsa₂ i₂jmó'₂ ta₁ a₂cha₂ mi₂güig₃ la₂, jui₁jmo₁₂ bá₄ dsi₅ nē₂jag₄ bá₄ a₂tsá₃ chi₂quiain₂₃ jmig₄ a₂jaun₂. Ia₁ ma₂ja₂quián₃ dsi₂ηí₂ bá₄ lia'₂ lē₅ mi₂güig₃ la₂.

32 Jaun₂ 'nio₃ jniá'₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsi₅. Ia₁ jui₁lia'₂ jan₂ dsa₂ ηe'₂ i₂con'₂ 'ηio'₂ i₂tsá₃ dsa₂ mí₂ quian'₅₄, 'i₅ dsi₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ηio₂ dsi₅ 'éi₂. 33 Ia₁ jui₁lia'₂ dsa₂ i₂jen'₂ gu₂ nē₃, 'ηio₅ lin₃ guē₄ dsan₂ dsi₅ jui₁lia'₂ 'e₂ a₂niog₅ cha₂ mi₂güig₃, 'a₂lia'₂ jmo₃ a₂'ηio₂ dsi₅ 'io₅₄ quiáin₅. 34 Jma₃quén₅ bá₄ dsi₂jio₅ dsi₅. Jui₁lia'₂ jan₂ 'io₅₄ i₂tsá₃ gu₂ ma₂rē₂jen'₂, o₃ jan₂ dsa₂ mi₄ 'e₂, 'ηio₅ guē₄ dsan₂ dsi₅ tē₂le₃ o₄quió'₄ Te₁gui'₅₄, a₂'nio₃ léin₂ 'í₁ le₃ja₁con₂ Diú₄, lia'₂ le₃quió'₅ ni₁ηi₁₂, lia'₂ le₃quió'₅ jme₂dsi₂ nē₃. La₁ jui₁lia'₂ dsa₂ mí₂ i₂ma₂chan₂ dsi₂l₂gu₂ guē'₂ nē₃, 'ηio₅ lin₃ guē₄ dsan₂ dsi₅ jui₁lia'₂ 'e₂ niog₅ cha₂ mi₂güig₃, 'a₂lia'₂ jmo₃ a₂'ηio₂ dsi₅ dsa₂ ηe'₂ quiáin₅.

35 A₂dse₃ quián'₂ bá₄ 'nia'₂ juá'₅ jniá'₂ le₂nē₅, on₃jua'₅₄ rē'₂ a₂jni₄ jniá'₂ quián'₂ 'nia'₂, tē₂le₃ ia₁jaun₂ le₃chan'₂ 'nia'₂ lia'₂ con'₂ dsi₂ten₅₄, ia₁jaun₂ lé₂jang'₅₄ 'nia'₂ 'au'₂ ne₄ Te₁gui'₅₄ tē₃ tsá₃ jnág₅ cha₂.

³⁶ La₁ chi₂jua'₂ 'ein₂ chan₂ jan₂ dsa₂ mi₄ i₂jme₁ma₂li'₅₄ jág₁ a₂jéin'₂ gu₂ quiaín'₅₄, ton'₂ ma₂ca₂ñí₂ jmi₄ i₁jéin'₂ gu₂, chi₂jua'₂ lín₂ a₂tsá₃ jmo₂₃ lia'₂ dsi₂ten₅₄ ja₁con₂ 'éi₂, chi₂jua'₂ le₂jaun₂ dsi₂ten₅₄ lé₂ a₂jéin'₂ gu₂, jui₁jmo₁₂ bá₄ 'a₂ lia'₂ 'ñio₂ dsí₅; lé₂ bá₄ qui₂jéin'₂ gu₂, ia₁ on₃jua'₅₄ 'e₂ dso₄ jaun₂. ³⁷ La₁ ju₁lia'₂ dsa₂ i₂ma₂'ei₅ caun₂ dsí₅, on₃jua'₅₄ a₂'nió'₅ 'ein₂ qui₂chi₂quióng₂ jmi₄, tē₂le₃ qui'₅₄ jmi₄ jmo₃ 'í₁ 'ñiog₅, a₂dse₃ bá₄ jaun₂. ³⁸ Jaun₂ le₂nē₅ bá₄, ju₁lia'₂ dsa₂ i₂jén'₂ gu₂, a₂dse₃ bá₄ jmo₂₃; la₁ia₁ ju₁lia'₂ i₂tsá₃ jén'₂ gu₂ ja₂lín₃ guē₄ dse₃ jmo₂₃.†

³⁹ 'I₄ 'éi'₃ jiog₃ dsa₂ mí₂ jñiai₃ dsi₂i₂gu₂ 'a₂ con'₂ jñia'₅₄ jmi₄ chan₂ 'éi₂. Nē₂ca₂jon₃ dsi₂i₂gu₂ guē'₂ nē₃, jaun₂ guē₄ le₃jñin₅₄ guá₃ táng₃ jéin'₂ gu₂ chi₂jua'₂ 'ein₂ quiaín'₅₄ 'nio₃, la₁ lē₃ jua'₅₄ lín₅ dsa₂ 'én₂ 'éi₂. ⁴⁰ La₁ ja₂lín₃ guē₄ dse₃ le₃chain₂ jua'₅₄ co₂ñei'₅₄ tsá₃ ma₃gu₂ jéin'₂ táng₃. Le₂nē₅ con'₂ lín₂ jniá₂ bá₄. Qui₂dsi₂jio₅ dsi₃ con'₂ lē₅ jio₅ Jme₂dsí₂ quián₅ Diú₄ bá₄, lín₂ jniá₂.

8

Ju₁lia'₂ ñi₄ já'₂ a₂qui₂rē₂jen'₅₄ ne₄ diú₄ lag₄

¹ La₂ juá'₄ táng₃ ju₁lia'₂ cuente quió'₅ ñi₄ já'₂ a₂qui₂jén'₅ dsa₂ ne₄ diú₄ lag₄. Dsón'₂ bá₄ jaun₂ cha₂ a₂ne₄ jniog₄, ca₂le₃jág₃. Ju₁lia'₂ a₂ñi₅ dsa₂ nē₃, a₂jaun₂ bá₄ jmo₅ a₂róin₂; la₁ ju₁lia'₂ a₂'nio₃ dsa₂ riin'₅₄, a₂jaun₂ bá₄ jmo₅ a₂dsi₂cóin₃. ² Chi₂jua'₂ chan₂ i₂juá'₂ ma₂tiin₂, tsá₃ bá₄ guē₄ 'e₂ ma₂tiin₂ lia'₂ con'₂ dsi₂ten₅₄ le₃tiin₂. ³ Chi₂jua'₂ 'ein₂ tē₃dsón'₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ nē₃, jág₁ ju₁lia'₂ a₂qui₂g'₂ dsa₂ ñí₅ a₂ma₂tē₁no₁ nē₂jén'₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ ju₁lia'₂ diú₄ lag₄ ne₄ gua'₅₄ 'uē₃ la₂, ia₁ jñia'₅₄ lia'₂ jan₂ bá₄ Diú₄ chan₂. ⁵ Ju₁'a₂ guē₃ la₂ chan₂ i₂tē'₂ dsa₂ diú₄ guei'₅₄ i₂juí₃ quian'₅₄ ne₄ gua'₅₄ 'uē₃, (ia₁ tē₃dsón'₂ lē₅ le₂jaun₂ nē₃, a₂niog₅ chan₂ juin₅ "diú₄", ján₃ guē'₂ le₂jaun₂ juin₅ i₂gon₂ ján₃), ⁶ la₁ tē₂le₃ quián₂ jniog₄ nē₃, jñia'₅₄ lia'₂ jan₂ bá₄ Diú₄ chan₂, i₂lín₅ Jmei₂ jniog₄, i₂ca₂jmo₃ ca₂le₃jē₃ 'e₂ niog₅ cha₂. Le₂jaun₂ guē'₂ jniog₄ nē₃ chong₂ o₄quió'₄ 'éi₂. Jñia'₅₄ lia'₂ jan₂ tan₅₄ bá₄ i₂gon₂, i₂lín₅ Jesucristo. Tē₂le₃ ne₄ o₄quió'₄ 'éi₂ bá₄ ca₂lē₃ ca₂le₃jē₃ a₂cha₂, ca₂tē₂ jniog₄ guio₅₄ nē₃, chong₂ tē₂le₃ quian'₅₄ 'éi₂.

† 7:38 o₃, "La₁ chi₂jua'₂ 'ein₂ chan₂ jan₂ ja₁mí₄ i₂jē₂ca₂ñi₅ ñi₂ a₂jéin'₂ gu₂, chi₂jua'₂ le₂jaun₂ lín₂ dsa₂ a₂dsi₂ten₅₄ guē₄, jui₁jmo₅₄ bá₄ 'a₂ lia'₂ 'ñio₂ dsí₅, lé₂ bá₄ cuiin₃ ja₁mí₄ a₂jéin'₂ gu₂, ia₁ on₃jua'₅₄ 'e₂ dso₄ jaun₂. La₁ nē₂jua'₂ chan₂ guē'₂ i₂lín₂ on₃jua'₅₄ a₂'nió'₅ 'ein₂ qui₂chi₂quióng₂ jmi₄, 'nio₃ a₂tsá₃ gu₂ jén'₂ bá₄ ja₁mí₄, caun₂ bá₄ 'ei₅ dsí₅ a₂tē₃gua₄ ja₁mí₄ le₂jaun₂ tē₃ tsá₃ gu₂ jén'₂, a₂dse₃ bá₄ jaun₂. Jaun₂ le₂nē₅ bá₄, 'ein₂ qui₂cuin₅ ja₁mí₄, qui₂jen₂ gu₂, a₂dse₃ bá₄ jmo₂₃. Le₂jaun₂ guē'₂ ju₁lia'₂ i₂tsá₃ cuiin₃ ja₁mí₄ a₂jen₂ gu₂, ja₂lín₃ guē₄ dse₃ bá₄ ján₃,"

⁷ La₁ tsá₃ ca₂le₃jín₃ nj₅ a₂në₅. I₂chan₂ bá₄ gué₄ i₂qui₂ma₂tin₂ dsí₅jme₂gain₃ diú₄lag₄, jmo₂₃ bá₄ gué₄ dsí₅jui₁lia'₂ jme₁quig'₂ nj₅ a₂ma₂jáu'₅ ne₄ diú₄lag₄, 'uig₅₄ ia₁ a₂'uan₅₄ jme₂dsí₂ quió'₅, tsá₃ caun₂ a₂qui₂dsi₂jain₃ dsí₅, ma₂ca₂rë₃'iog₅ bá₄ jme₂dsí₂ quió'₅.
⁸ Dsón'₂ bá₄, on₃jua'₅₄ o₄quió'₄ má₃ náu₂ jniog₄ rë₂ ne₄ Diú₄, Ia₁ on₃jua'₅₄ a₂náu₂ rë₂ gué₄ ne₄ 'éi₂, në₁jua'₂ ca₂que₅₄, on₃ gué'₂ jua'₅₄ a₂tsá₃ rë₂ tióg₂ në₁jua'₂ tsá₃ ca₂que₅₄ gué'₂ táng₃.
⁹ La₁ia₁ jag₄ de'₂ 'nia'₂, ia₁ con'₂ tsá₃ njó₅ në₁qui₂ca₂sén'₂ jui₁lia'₂ i₂'uan₅₄, 'uig₅₄ ia₁ a₂rë₂na₄ jui₅ quián'₂ 'nia'₂ a₂lé₂ le₃quio'₅₄.
¹⁰ Chi₂jua'₂ nj'₅₄ 'ne₂ rë₂ 'a₂ lia'₂ dsi₂ten₅₄ jmó'₂, në₁jua'₂ ca₂jág₂ jan₂ rin'₅₄ i₂'uan₅₄, i₂tsá₃ lin₄ rë₂ nj'₂ dsí₅, a₂ñéi'₂ qué'₂ ja₁tión₂ diú₄lag₄, ç'e₂ bá₄ lé₂ në₁jua'₂ ca₂tiá₂ dsí₅ 'éi₂ gué'₃ a₂ma₂rë₂jen'₅₄ ne₄ diú₄lag₄?
¹¹ O₄quió'₄ a₂nj'₅₄ 'ne₂ jaun₂, dsi₃'én₂ ríng'₂ i₂'uan₅₄ gué₄ në₃. Ca₂jón₃ Cristo o₄quió'₄ 'éi₂ bá₄ ján₃.
¹² Ia₁ në₁jua'₂ jmo'₂ 'nia'₂ a₂tsá₃ caun₂ a₂qui₂dsi₂jain₃ dsí₅ ríng'₂ i₂'uan₅₄, 'nau'₂ 'nia'₂ dso₄ të₂le₃ ne₄ Cristo.
¹³ Jaun₂ lë₃, chi₂jua'₂ léi₄ 'ñió₃ bá₄ jniá₂ jmo₂₃ a₂tan'₂ dso₄ ríng'₃ o₄quió'₄ 'e₂ a₂gué'₂, ja₂lin₃ gué₄ dse₃ o₁líg'₂ jmig₄ tsá₃ ma₃quig'₅₄ nj₅, ia₁jaun₂ tsá₃ ma₃tiáin'₃ dso₄.

9

Jui₁lia'₂ a₂ca₂tín₂ jan₂ dsa₂ i₂chen₄ quián₅ Jesús

¹ Dsón'₂ bá₄ rë₂na₄ jui₅ a₂ca₂tíng₂ ca₂le₃jë₃ con'₂ lë₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui'₅₄ quián₂. Guion'₅₄ bá₄ 'nia'₂ në₃, líng'₅ co₂'nió'₄ ta₁ a₂rë₂jniá₂ quió₃, të₂le₃ quió'₅ Te₁gui'₅₄.
² 'An₁ chan₂ bá₄ i₂lin₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quián₅ Te₁gui'₅₄. La₁ 'nia'₂ në₃, ca₂tín'₂ bá₄ 'nia'₂ jmó'₂ 'au'₂, le₂në₅ líng₅, ia₁ 'nia'₂ bá₄ líng'₅ i₂jáng'₅ léi₄ ta₁ quió₃, a₂të₃dsón'₂ líng₅ jan₂ dsa₂ i₂chen₄ quián₅ Te₁gui'₅₄.

³ Jui₁lia'₂ dsa₂ i₂con₂ 'í₁ ja₁con₂ jniá₂, le₂la₂ bá₄ lë₅ jág₁ a₂jain'₅₄ jniá₂ quió'₅:
⁴ ç₀₃ bá₄ tsá₃ ca₂tín₂ jniá₂ gue₅₄ ca₂le₃jë₃ 'e₂ cué₅ dsa₂ a₂gué'₅₄, o₃ 'e₂ cué₅ dsa₂ a₂gui'₅₄ ján₃?
⁵ ç₀₃ bá₄ tsá₃ ca₂tág₂ jnia'₅₄ jniá₂ jan₂ dsa₂ mí₂ i₂'én₂ i₂jen'₄ jnia'₅₄ gu₂ quian'₅₄, jui₁lia'₂ jmo₅ dsa₂ i₂chen₄ sián'₂ quian'₅₄ gué'₂ chi'₂ rin'₅₄ Te₁gui'₅₄ 'ñiog₅, jui₁lia'₂ chan₂ Pe₄* në₃?
⁶ ç₀₃ bá₄ lín'₂ 'nia'₂, jnia'₅₄ lia'₂ jniá₂ quian'₅₄ Bernabé ca₂tág₂ jmó₁ ta₁ a₂'nió₂ a₂dsi₃ñág₂?
⁷ ç₁Ein₂ bá₄ 'lióg₂ jme₂ti₃ chi₂jua'₂ 'ñiog₅ bá₄ qui₃ 'liain'₅₄ a₂dsi₂ñí₂? ç₁₂'ein₂ bá₄ 'éi₂ i₂chéin'₅ ni₁uing₂ uvas jua'₅₄ tsá₃ gué'₃ gué'₂ mig₂ jaun₂?
O₃ jui₁lia'₂ dsa₂ i₂jmo₅ ta₁ jme₂can'₅₄ chein₄ lau₂, ç₁Ján₃ gué'₂ tsá₃ lé₂ le₃'ín'₂ dsí'₁ já'₂?
⁸ Tsá₃ o₁len'₂ 'nia'₂ jua'₅₄ jniá₂ a₂lë₁juá'₅ con'₂ lë₂ dsi₃ 'ñió₃; ján₃ bá₄ le₂në₅ juá'₂ ne₄ Si₂ 'Éi'₃.
⁹ Ia₁ chi₁ton₅ ne₄

* 9:5 griego: Cefas.

Si₂ 'Éi'₃ quió'₅ Moisés le₂la₂: "Tsá₃ tó'₂ 'nia'₂ 'nei'₅₄ mi'₂o₄ ca₁jui₅ i₂jmo₅ ta₁ i₂chén₂ míg₂ trigo."† ¿A₂'i₅ dsí₅ Diú₄ ca₁jui₅ a₂juá'₂ le₂jaun₂?¹⁰ ¿O₃ a₂juá'₂ o₄quián₂ jniog₄ bá₄? Dsón'₂ bá₄ o₄quián₂ jniog₄ bá₄ ca₂i₃to'₅₄ 'éi'₃ nē₅ ne₄ Si₂. Ia₁ le₂jaun₂ bá₄ lē₅ jui₁lia'₂ dsa₂ i₂quia'₂ 'uē₃ quian'₅₄ guē'₂ dsa₂ i₂cág'₅ míg₂ trigo. Tsá₃ a₁jaun₂ jua'₅₄ a₂lē₁jmo₅ dsa₂ 'éi'₂ ta₁ a₂jmo₂₃, jua'₅₄ tsá₃ 'ín₂ dsí₅ a₂ca₂tín₂ a₂cág'₃ jaun₂.¹¹ Jaun₂ le₂nē₅, chi₂jua'₂ jaun₂ ma₂jñ₁ jnia'₅₄ jē₄ quián'₂ 'nia'₂ caun₂ jon₂ a₂gu₂dsí₂, ¿a₁lín₃ 'ñio₅ lín'₂ 'nia'₂ jua'₅₄ a₂cag'₄ ca₂la₂ ja₁con'₂ 'nia'₂ jui₁lia'₂ a₂dsi₃ñág₂ jnia'₅₄ tē₁lia'₂ chong₂?¹² Chi₂jua'₂ ca₂tín₂ dsa₂ sián'₂ a₂jme₁'oin'₄ 'nia'₂, 'ē₂ guē₄ bá₄ ca₂tág₂ jnia'₅₄.

La₁ tsá₃ 'e₂ ma₂ca₂chi₁quian₁ jnia'₅₄ 'nia'₂ jmíg₄ jua'₅₄ a₂mi₂ a₂ca₂tág₂ jnia'₅₄ jaun₂. Ma₂jmo₁ bá₄ jnia'₅₄ tió'₃ dsí₅ ca₂le₃jē₃ ia₁jaun₂ tsá₃ lē₅ jua'₅₄ cha₂ jnág₅ a₂qui₂dsi₃'ag₅ jág₁ dse₃ quió'₅ Cristo.¹³ ¿Tsa₁ ñi'₅₄ 'nia'₂, jui₁lia'₂ dsa₂ i₂niog₅ ne₄ a₂jñi₅ dsi₂néi₂ guá'₅, guē'₅ jui₁lia'₂ a₂cha₂ dsi₂néi₂ guá'₅; jui₁lia'₂ dsa₂ i₂tion'₅₄ qui₂jme₂tí₃ ne₄chei₂ nē₃, ján₃ guē'₂ quein'₅₄ gue₂₃ a₂jén'₅ ne₄chei₂?¹⁴ Ján₃ bá₄ le₂jaun₂ ca₂jmo₃ Te₁gui'₅₄ 'éi'₃, jui₁lia'₂ dsa₂ i₂i₂nio₄ qui₂'ē₂ jág₁ dse₃, quian'₅₄ ta₁ jaun₂ le₃chain₂.¹⁵ La₁ jniá₂ nē₃, tsá₃ 'e₂ ma₂ca₂chi₁quian₁ jniá₂ jmíg₄ 'nia'₂ jua'₅₄ a₂tion₅₄ lé₂ a₂ca₂tíng₂. On₃ guē'₂ jua'₅₄ jaun₂ jmo₅ jniá₂ si₂ la₂ ne'₅₄ 'nia'₂ jua'₅₄ a₂'ín₂ dsí₃ a₂jmo'₂ le₂jaun₂ quian'₅₄ jniá₂. ¡Tē₂le₃ quió₃ jniá₂, ja₂lín₃ guē₄ dse₃ jua'₅₄ jóng₂, lia'₂ con'₂ guē₄ nē₁jua'₂ 'ein₂ jné₅ jui₅ a₂tsá₃ ma₃jme₁ti₁₂ guē₄ ta₁ quió₃ a₂jmo₂₃ táng'₅!

¹⁶ La₁ia₁, jui₁lia'₂ jme₁'ē₅ jniá₂ jág₁ dse₃, tsá₃ ca₂tín₂ jniá₂ dsia₅₄ jág₁ tá'₅, ia₁ tion₅₄ 'nió'₅ ca₂tíng₂ bá₄ qui₂'ē₄ dsa₂ jág₁ dse₃. ¡'E₂ guē₄ juí₂ jniá₂ nē₁jua'₂ tsá₃ ma₃ca₂'ē₃ jniá₂ jág₁ dse₃! ¹⁷ Ia₁ nē₁jua'₂ 'ē₅ jniá₂ jág₁ dse₃ a₂'ñio₂ dsi₃ 'ñi₃, gue₅₄ bá₄ 'liang'₅₄. La₁ nē₁jua'₂ tsá₃ jmo₂₃ a₂'ñio₂ dsi₃ 'ñi₃, a₂lē₁jme₂tí₁ bá₄ jniá₂ ta₁ a₂niog₅ gu₃ jmo₅₄.¹⁸ ¿Na₅ bá₄ 'lian'₅₄ jniá₂ jaun₂ nē₃? A₂jaun₂ bá₄ 'lian'₅₄ jniá₂: a₂lé₂ qui₁'ē₄ jniá₂ jág₁ dse₃ ja₁con₂ dsa₂, a₂tsá₃ 'lia'₅₄ can₅₄, on₃jua'₅₄ chi₁quiang₁₂ jmíg₄ gue₅₄ a₂ca₂tíng₂.

¹⁹ O₁jnia'₅₄ la₂ jñ₅₄ jniá₂, on₃jua'₅₄ chan₂ 'ein₂ ne₄ jme₂tí₁, la₁ jmo₅₄ jniá₂ dsi₃ nē₂jag₄ bá₄ i₂ma₂rē₂'ñe'₅₄ jniá₂ quián₅ ca₂le₃jín₃, ia₁jaun₂ lé₂ le₃léi₂ guē₄ juñ₅ dsa₂ tē₂le₃ quió'₅ Cristo.²⁰ Jui₁lia'₂ jme₁'eng₅₄ quiang'₅₄ dsa₂ judíos, jmo₂₃ dsi₃ nē₂jag₄ bá₄ líng₅ co₂'nió'₄ jan₂ dsa₂ judío, ia₁jaun₂ cuñ₃ jmíg₄ a₂jóin₄ jniá₂. Jui₁lia'₂ ja₁con₂ dsa₂ i₂tion'₅₄ 'Éi'₃ quió'₅ Moisés, jmo₅₄ jniá₂ dsi₃ nē₂jag₄ bá₄ a₂'eng₅₄ 'Éi'₃, ia₁jaun₂ jón₄ jniá₂ jui₁lia'₂ i₂tion'₅₄ 'Éi'₃, (o₁jnia'₅₄ la₂ tsá₃ 'Éi'₃ jaun₂ 'eng₅₄ tē₃dsón'₂).²¹ Tē₂le₃ quió'₅ guē'₂ jui₁lia'₂ dsa₂ i₂tsá₃ tion'₅₄ 'Éi'₃ nē₃, ján₃ bá₄ co₂ríng₂

† 9:9 Deuteronomio 25:4.

quian' ⁵⁴ dsa₂ 'éi₂ jmo₂₃ dsi₃, ia₁jaun₂ jón_{g4} jui₁lia'₂ dsa₂ i₂tsá₃ tion'₅₄ 'Éi'₃, (o₁n₁nia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂eng₅₄ bá₄ 'éi'₃ quió'₅ Cristo). ²² Jui₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rē₂, ján₃ bá₄ le₂jaun₂ jmo₂₃ dsi₃ líng₅, ia₁jaun₂ jón_{g4} jui₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ríng₂ quian'₅₄ ca₂lē₃jín₃, ia₁jaun₂ cu₁n₃ jmig₄ a₂lé₂ le₃lión₂ i₂lin₅₄. ²³ Ca₂le₃jě₃ a₂nē₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ jág₁ dse₃.

²⁴ ¿Tsa₁ ŋi'₅₄ 'nia'₂ jui₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ jui₁lia'₂ i₂lí'₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tin₅ ia₁ cha₂ ja₁lě₄ jág₁ a₂dsi₃cá_{u2}, jmo₂₃ 'í₁ 'ñiog₅, ia₁jaun₂ bá₄ lí'₂ caun₂ corona a₂jio_{g5} co₂'na₂. La₁ jniog₄ ně₃ quen'₂ bí₂ léi₂ caun₂ corona a₂jio_{g5} co₂tan₅₄ bá₄. ²⁶ Jaun₂ le₂nē₅, 'ñió₃ jniá₂ ně₃, on₃jua'₅₄ a₂lě₁i₂ñi₄ jniá₂ co₂chi'₅₄; jaun₂ jme₁quin'₂ jniá₂, on₃jua'₅₄ a₂lě₁dsi₂dsi₂ ja'₂. ²⁷ Tē₂le₃ jma'₄ cuē₅ uig₅ ŋi₃ 'ñió₃, ně₂jag₄ bá₄ a₂rē₂'ñe'₅₄, con'₂ tsá₃ ñó₅ ně₁jua'₂ tē₁tsing'₄ 'lig'₅₄ 'ñió₃, lia'₂ con'₂ jme₁ca₂jme₁ting₅ i₂sián'₂.

10

To'₂ jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ ŋi'₅₄ 'nia'₂ rin'₅₄ jniog₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né'₃ jnei₅, jaun₂ guē₄ ca₂ñi₃ ca₂le₃jín₃ Jm₁ñi'₄ Guéin₂. ² Ca₂tón'₂ dsa₂ co₂lě₅ ca₂le₃jín₃ quian'₅₄ Moisés jē₄ jnei₅ quian'₅₄ jē₄ jm₁ñi'₄ ně₃. ³ Le₂jaun₂ bá₄ ján₃, ca₂guē'₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in'₃ jmig₂ a₂gu₂dsí₂ ján₃. Ia₁ ca₂'in'₃ jmig₂ a₂ca₂'ia₂ dso'₂ ni₁'lau₂ a₂gu₂dsí₂ jaun₂ a₂ca₂jme₃quiong'₅₄ ca₂le₃jě₃ jmig₄ tioen'₅₄ jui₅. Ni₁'lau₂ jaun₂ ně₃, Cristo bá₄ 'éi₂. ⁵ La₁ia₁, mei'₂ tsá₃ le₃jín₃ dsa₂ 'éi₂ ně₃, tsá₃ ca₂jmo₃ a₂'ñio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ ni₁ñi₁₂ 'uē₃ quein₂ co₂'ñiog₅ jaun₂.

⁶ Ca₂le₃jě₃ a₂nē₅ ca₂lě₃ ia₁jaun₂ lě₅ caun₂ jág₁ a₂jáng'₅ léi₄ quián₂ jniog₄ jmig₄ ně₃, ia₁jaun₂ tsá₃ jmó₁ jniog₄ 'in₅ dsi₅ ja₁con₂ a₂'lig'₅₄, jui₁lia'₂ ca₂jmo₃ dsa₂ 'éi₂ 'in₅ dsí₅. ⁷ Jaun₂ juig₂ jniá₂ 'nia'₂, tsá₃ jme₁gan₃ 'nia'₂ diú₄ lag₄, jui₁lia'₂ ca₂jmo₃ i₂lin₅₄ dsa₂ 'éi₂; jui₁lia'₂ juá'₂ ne₄ Si₂: "Ca₂tián'₂ dsa₂ ca₂guē'₃ qui₂ca₂'in'₃ ně₃, jaun₂ guē₄ qui₂ca₂nau₂, ca₂co₃."* ⁸ Tsá₃ ca₂tág₂ jniog₄ 'nió_{g1} dso₄ jua'₅₄ nió'₄ jniog₄ jág₁ quian'₅₄ jui₁'ein₂ guē₃, jui₁lia'₂ ca₂jmo₃ i₂lin₅₄ dsa₂ 'éi₂. Ne₄ 'uig₅₄ jaun₂, quian'₅₄ co₂jmig₄ ca₂dsan₃ con'₂ guió_{g2}'ni₅ mei₅ dsa₂ 'éi₂. ⁹ On₃ guē'₂ ca₂tág₂ jniog₄ a₂quiong₅₄ tá_{u2} Te₁gui'₅₄ jui₁lia'₂ ca₂jmo₃ i₂lin₅₄ dsa₂ 'éi₂, jaun₂

* 10:7 Éxodo 32:6.

qui₂ca₂dsain₃, qui₂ca₂cag'₂ dsi₂mi'₂. ¹⁰ On₃ guë'₂ chi₁'in'₄ 'nia'₂ uig₅ Diú₄, jui₁lia'₂ ca₂jmo₃ i₂lin₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂në₅ bá₄ ca₂i₃ñí₂ dsa₂ 'éi₂, ia₁jaun₂jióg'₂ 'í₁ lë₅ léi₄; ca₂i₃to'₅₄ ne₄ Si₂ co₂'nió'₄ caun₂ jág₁ a₂i₂'ag₅₄ tē₃ñiá₅, ia₁jaun₂dsiog'₂ dsi₅ jniog₄ jmig₄ në₃, ia₁ ma₂ja₂quián₃ bá₄ le₃'ñia₅ jmig₄ a₂le₂ti₃ a₂lë₅ dsí₅ Diú₄ jmo₃ ja₁con₂ jniog₄. ¹² Le₂në₅ bá₄, chi₂jua'₂ 'ein₂ lín₂ chéin'₅ tiá₂ a₂'éin₂, jui₁jmo₁₂ 'í₁ ia₁jaun₂ tsá₃ tián'₃. ¹³ Tsá₃ 'e₂ táu₂ ma₂i₂ñí'₂ 'nia'₂, jñia'₅₄ lia'₂ a₂qui₂dsi₂ñí₂ dsa₂ mi₂güig₃. La₁ i₂rë₂ti'₅₄ bá₄ Diú₄, tsá₃ cuë₃ jmig₄ jua'₅₄ ñí₄ a₂qui₂dsi₁juin₅₄ 'a₂ con'₂ jñia'₅₄ tiang'₃. Të₂le₃ 'ñiog₅ bá₄ Diú₄ jmo₃ caun₂ jui₅ 'a₂ lia'₂ lë₂ jmó'₂ a₂tiang'₃, jui₁'e₂ guë₃ caun₂ táu₂ já₅.

¹⁴ Jaun₂ juig₂ jniá₂ 'nia'₂ rin'₅₄ jniog₄, quiá₂ 'nia'₂ cau₅ ja₁jme₂juin'₂ dsa₂ diú₄ lag₄. ¹⁵ Juig₂ jniá₂ 'nia'₂ dsa₂ i₂ñí'₂ dsí₅: quion₂ de'₂ 'nia'₂ caun₂ 'í₁ a₂juá'₅. ¹⁶ Jui₁lia'₂ jme₁quian'₅₄ jniog₄ rin'₅₄, 'ne'₂ jniog₄ a₂'a₄ copa jñió₅, cuë₂ ti₁'mag'₄ Diú₄: ¿on₁jua'₅₄ a₂quein'₄ jniog₄ jmi₄ Cristo? Le₂jaun₂ bá₄ ján₃ jui₁lia'₂ jme₁quian'₅₄ jniog₄ rin'₅₄ jmo₂ dsióg₁ i₁ñí'₄: ¿on₁jua'₅₄ a₂quein'₄ jniog₄ ni₁ñi₁ Cristo? ¹⁷ Jui₁lia'₂ caun₂ bá₄ i₁ñí'₄ lë₅, ján₃ bá₄ le₂jaun₂ jniog₄ në₃, o₁jñia'₅₄ la₂ juag₅ jniog₄ lë₂, la₁ caun₂ bá₄ ni₁ñí₅ lág₅ jniog₄, ia₁ caun₂ i₁ñí'₄ bá₄ que₂ jniog₄.

¹⁸ Quion₂ de'₂ 'nia'₂ 'í₁ 'a₂ lia'₂ lë₅ juig₂ Israel: ¿Tsa₁ lín'₂ 'nia'₂, jñia'₅₄ dsa₂ i₂guë'₅ má₃ ñi₄ já'₂ a₂qui₂rë₂jen'₅₄ ne₄chei₂, le₂jaun₂ bá₄ quein'₅₄ guioin₅₄ ne₄chei₂ jaun₂? ¹⁹ Tsá₃ juig₂ jniá₂ 'nia'₂ jua'₅₄ a₂cha₂ bí₂ 'io₅ diú₄ lag₄, on₃ guë'₂ le₂jaun₂ ñí₅ a₂te₁'i₁ ne₅₄. ²⁰ Të₂le₃ juá'₅ jniá₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rë'₂ ne₄ Diú₄ tē₃dsón'₂. Jaun₂ tsá₃ 'nio₃ jniá₂ jua'₅₄ quen'₅₄ 'nia'₂ quian'₅₄ je₂na'₅₄. ²¹ Tsá₃ lë₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ ján₃ guë'₂ 'ag'₅₄ táng₃ copa quió'₅ je₂na'₅₄. On₃ guë'₂ lë₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ ján₃ guë'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

²² ¿'E₂ lë₂ në₃? ¿O₃ bá₄ lë₂ le₃jmó₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ guë'₄ jniog₄ lia'₂ con'₂ guë'₄ 'éi₂?

'A₂ con'₂ jñia'₅₄ cuë₂₃ jmig₄ ia₁ a₂lág₅ jniog₄ dsa₂ quián₅ Cristo

²³ Dsón'₂ bá₄ dsau₅: "I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃", la₁ tsá₃ jua'₅₄ ca₂le₃jë₃ a₂jaun₂ jme₂'o₅₄; dsau₅ bá₄: "I₄ 'éi'₃ le₃jmo₃ dsa₂ ca₂le₃jë₃ 'e₂ 'nio₃ jmo₃", la₁ia₁ tsá₃ jua'₅₄ ca₂le₃jë₃ a₂jaun₂ jmo₃ a₂dsi₃cón₃ dsa₂ tē₂le₃ quió'₅ jme₂dsi₂. ²⁴ 'Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rë'₂ jmá'₃ lia'₂ a₂dse₃ ja₁coin₂ 'ñiog₅.

²⁵ Qué' ₂ bá' ₄ 'nia' ₂ lia' ₂ 'ei' ₅ ne' ₄ a₂dsi' ₂ nag' ₂ 'ma' ₅₄, lë' ₃ jua' ₅₄ tsá' ₃ 'e' ₂ cáun' ₂ 'nia' ₂ 'í' ₁ o₄quió' ₄ a₂qui' ₂ dsi' ₂ jñi' ₅ 'au' ₂ 'nia' ₂. ²⁶ Ia' ₁: “Gua' ₅₄ 'uë' ₃, quian' ₅₄ guë' ₄ ca' ₂ le' ₃ jë' ₃ 'e' ₂ niog' ₅ cha' ₂ ja' ₁ jaun' ₂, a₂quió' ₅ Te' ₁ gui' ₅₄ jë' ₂ bá' ₄ jaun' ₂.”†

²⁷ Në' ₁ jua' ₂ 'ein' ₂ dsa' ₂ i' ₂ tsá' ₃ 'én' ₂ ca' ₂ tē' ₃ 'nia' ₂ a₂o' ₁ qué' ₂ ja' ₁ quió' ₄, në' ₁ jua' ₂ 'niog' ₂ 'nia' ₂ o' ₁ nóg' ₅, jaun' ₂ qué' ₂ bá' ₄ 'nia' ₂ ca' ₂ le' ₃ jë' ₃ 'e' ₂ niog' ₅ dsia' ₃ dsa' ₂ ne' ₅₄, lë' ₃ jua' ₅₄ tsá' ₃ cáun' ₂ 'í' ₁ o₄quió' ₄ a₂qui' ₂ dsi' ₂ jñi' ₅ 'au' ₂ 'nia' ₂. ²⁸ La' ₁ në' ₁ jua' ₂ chan' ₂ guë' ₂ 'ein' ₂ juá' ₂: “Má' ₃ a₂qué' ₂ 'nia' ₂ në' ₅ a₂ma' ₂ jáu' ₅ jme' ₁ rē' ₂ jen' ₅₄ ne' ₄ diú' ₄ lag' ₄ bá' ₄ në' ₅”, co' ₂ dsia' ₅ tsá' ₃ ma' ₃ qué' ₂ 'nia' ₂, o₄quió' ₄ i' ₂ juá' ₂ le' ₂ në' ₅, já' ₃ bá' ₄ o₄quió' ₄ a₂qui' ₂ dsi' ₂ jñi' ₅ dsí' ₅ në' ₃.‡ ²⁹ A₂qui' ₂ dsi' ₂ jñi' ₅ dsí' ₅ dsa' ₂ 'éi' ₂ bá' ₄ guë' ₂, on' ₃ jua' ₅₄ rē' ₂ 'nia' ₂.

La' ₁ chan' ₂ guë' ₂ i' ₂ le' ₃ juá' ₂ táng' ₃: “¿'E' ₂ 'uig' ₅₄ qui' ₂ con' ₂ dsa' ₂ 'í' ₁ tē' ₂ le' ₃ jui' ₅ a₂tsá' ₃ jnág' ₅ quió' ₃, o₄quió' ₄ 'a' ₂ lia' ₂ niog' ₅ ñi' ₂ dsí' ₅ i' ₂ sián' ₂?” ³⁰ Chi' ₂ jua' ₂ cuë' ₅ jniá' ₂ ti' ₁ mag' ₄ o₄quió' ₄ caun' ₂ má' ₃ a₂quen' ₅₄ jniá' ₂ jë' ₄ guë' ₅ dsa' ₂, ¿'e' ₂ 'uig' ₅₄ chi' ₂ ag' ₅ dsa' ₂ o₄quió' ₄ a₂guë' ₂ jaun' ₂, chi' ₂ jua' ₂ cuë' ₅ ti' ₁ mag' ₄ në' ₃? ³¹ Jaun' ₂ lë' ₃, chi' ₂ jua' ₂ qué' ₂, 'ag' ₂, já' ₃ guë' ₂ le' ₂ jaun' ₂ chi' ₂ jua' ₂ 'e' ₂ guë' ₄ niog' ₅ jmo' ₂ 'nia' ₂, jmo' ₄ bá' ₄ a' ₂ jaun' ₂, la' ₁ jua' ₅₄ le' ₃ juin' ₂ bá' ₄ Diú' ₄ le' ₃ jë' ₃ a' ₂ jaun' ₂. ³² La' ₁ tsá' ₃ cuë' ₂ 'nia' ₂ jmig' ₄ jua' ₅₄ ja' ₁ lé' ₂ tsí' ₃ sén' ₂ dsa' ₂ judíos, on' ₃ guë' ₂ dsa' ₂ griegos, on' ₃ guë' ₂ dsa' ₂ i' ₂ tén' ₅ le' ₃ quió' ₅ guá' ₅ quián' ₅ Diú' ₄ në' ₃. ³³ Jniá' ₂ 'ñi' ₃ ó' ₃ në' ₃ quín' ₅ bí' ₂ jmo' ₂₃ a₂tē' ₅ dsí' ₅ ca' ₂ le' ₃ jín' ₃, tsá' ₃ jmo' ₅ jniá' ₂ dsí' ₃ a' ₂ 'náu' ₅ jniá' ₂ a₂dse' ₃ le' ₃ ja' ₁ cong' ₂ 'ñi' ₃ ó' ₃. Jmo' ₅ bá' ₄ jniá' ₂ a₂dse' ₃ le' ₃ ja' ₁ con' ₂ i' ₂ sián' ₂, ia' ₁ jaun' ₂ lión' ₂.

11

¹ Quian' ₂ 'nia' ₂ jui' ₅ a₂ca' ₂ can' ₃ jniá' ₂, jui' ₁ lia' ₂ jniá' ₂ në' ₃, quian' ₅₄ jui' ₅ a₂ca' ₂ can' ₃ Cristo.

'A' lia' ₂ dsi' ₂ ten' ₅₄ jmo' ₃ dsa' ₂ mí' ₂ jme' ₁ tioin' ₅₄ culto

² Rin' ₅₄ jniog' ₄, a' ₂ 'ñi' ₂ ó' ₂ dsí' ₃ lín' ₃ cuë' ₅ jniá' ₂ ti' ₁ mag' ₄ 'nia' ₂, 'uig' ₅₄ ia' ₁ a₂dsau' ₂ bá' ₄ 'au' ₂ jniá' ₂, ia' ₁ chan' ₅₄ bá' ₄ 'nia' ₂ tiá' ₂ já' ₃ con' ₂ lë' ₅ ma' ₂ ca' ₂ jme' ₁ tin' ₅ jniá' ₂ 'nia' ₂. ³ La' ₁ 'nio' ₃ jniá' ₂ a₂le' ₃ ñi' ₅₄ 'nia' ₂: jui' ₁ lia' ₂ lín' ₅ Cristo mi' ₂ dsi' ₄ le' ₂ jan' ₂ le' ₂ jan' ₂ dsa' ₂ ñe' ₂, já' ₃ guë' ₂ le' ₂ jaun' ₂ lín' ₅ dsa' ₂ ñe' ₂ mi' ₂ dsi' ₄ dsa' ₂ mí' ₂; jaun' ₂ lín' ₅ Diú' ₄ mi' ₂ dsi' ₄ Cristo. ⁴ Jua' ₅₄ mei' ₂ guë' ₃ jan' ₂ dsa' ₂ ñe' ₂ jlë' ₂ dsi' ₅₄ jme' ₁ chi' ₂ lén' ₂ Diú' ₄ jë' ₁ le' ₁ ñi' ₂ dsa' ₂, o' ₃ jme' ₁ ñág' ₅ já' ₃ a₂cuë' ₅ Diú' ₄, chein' ₂₃ o' ₂ guí' ₃ mi' ₂ dsi' ₅₄ chi' ₂ jua' ₂ le' ₂ jaun' ₂. ⁵ La' ₁ chi' ₂ jua' ₂ jan' ₂ guë' ₂ dsa' ₂ mí' ₂ tsá' ₃ chi' ₁ jlë' ₅ dsi' ₅₄ jme' ₁ chi' ₂ lén' ₂ Diú' ₄, o' ₃ jme' ₁ ñág' ₅ já' ₃ a₂cuë' ₅ Diú' ₄, chein' ₂₃ o' ₂ guí' ₃ mi' ₂ dsi' ₅₄ chi' ₂ jua' ₂ le' ₂ jaun' ₂ já' ₃; co' ₂ jaun' ₂ bá' ₄ dsi' ₃ ó' ₅ në' ₂ jag' ₄ bá' ₄ rē' ₂ chei' ₄ jñi' ₂ dsi' ₅₄. ⁶ Chi' ₂ jua' ₂ tsá' ₃ 'nio' ₃ jui' ₁ lia' ₂ jan' ₂ dsa' ₂ mí' ₂ jlë' ₂ dsi' ₅₄, co' ₂ ñei' ₅₄ o' ₁ chéi' ₄ jñi' ₂ dsi' ₅₄. La'

† 10:26 Salmo 24:1. ‡ 10:28 A₂lín' ₅₄ chog' ₅₄ si' ₂ juá' ₂ já' ₃: “Ia' ₁ gua' ₅₄ 'uë' ₃, quian' ₅₄ guë' ₄ ca' ₂ le' ₃ jë' ₃ 'e' ₂ niog' ₅ cha' ₂ ja' ₁ jaun' ₂, a₂quió' ₅ Te' ₁ gui' ₅₄ jë' ₂ bá' ₄ jaun' ₂.”

chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mí₂ jñi₂ dsi₅₄, o₃ a₂téi'₅ 'e₂, jui₁jlě₅₄ bá₄ mi₂dsi₅₄. ⁷ Tsá₃ ca₂tín₂ dsa₂ ñe'₂ jlě₂ dsi₅₄, ia₁ 'éi₂ bá₄ lín₅ co₂ 'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mí₂ ně₃, lín₅ i₂jlán'₁ quián₅ dsa₂ ñe'₂. ⁸ Le₂'uig₅₄ lia'₂ con'₂ jme₁ca₂jmo'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mí₂ ca₂can₃ 'uig₅₄. Dsa₂ mí₂ bá₄ 'éi₂ ca₂já₃ ca₂liin₃ quian'₅₄ ni₁ñi₁ dsa₂ ñe'₂. ⁹ O₄quió'₄ dsa₂ ñe'₂ bá₄ ca₂jmo'₂ Diú₄ dsa₂ mí₂, jaun₂ on₃jua'₅₄ rě'₂ dsa₂ ñe'₂ ca₂liin₃ o₄quió'₄ dsa₂ mí₂. ¹⁰ 'Uig₅₄ jaun₂ guě'₂ ně₃, o₄quió'₄ ángeles, ca₂tín₂ dsa₂ mí₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃. ¹¹ La₁ tē₂le₃ quió'₅ Te₁gui'₅₄ ně₃, tsá₃ lé₂ le₃chan₂ dsa₂ ñe'₂ jua'₅₄ mei'₂ guě₃ tsá₃ dsa₂ mí₂ chan₂. Le₂jaun₂ guě'₂ ján₃ tsá₃ lé₂ le₃chan₂ dsa₂ mí₂ jua'₅₄ mei'₂ guě₃ tsá₃ dsa₂ ñe'₂ chan₂ táng₃. ¹² Ia₁ jui₁lia'₂ ca₂já₃ dsa₂ mí₂ dsi₁con₂ dsa₂ ñe'₂, ján₃ bá₄ le₂jaun₂ guě'₂ ně₃ rě₂chan₂ dsa₂ ñe'₂ cáun₂ dsa₂ mí₂. La₁ ja₂lé₂ ca₂le₃jě₃ ja₁con₂ Diú₄.

¹³ Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ten₅₄ chi₃lén'₂ dsa₂ mí₂ Diú₄ jme₁le₁ñi'₂ 'nia'₂ tē₃ tsá₃ chi₁jlě₅ mi₂dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lě₅ dsi₂ten₅₄ i₂nio₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chi₂jua'₂ quian₅ jñi₂ dsi₅₄ jang₄? ¹⁵ La₁ dsa₂ mí₂ guě'₂ ně₃, jlá'₁ bá₄ tē₂le₃ quió'₅ 'éi₂ chi₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂. ¹⁶ Chi₂jua'₂ chan₂ guě'₂ i₂'nio₃ tsin₃ quió'₅ jág₁ ně₅, jaun₂ juá'₅ jniá₂, ca₂lia'₂ jñia'₅₄ jnia'₅₄ guio₅₄, on₃ guě'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i₁juin₅₄ ñag₅₄ ca₂guě'₃ dsa₂ ja₁jmo₅₄g'₅ Má₃ quió'₅ Te₁gui'₅₄

¹⁷ La₁ ne₄ si₂ la₂, 'éi'₃ a₂ně₃ guě'₃ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñi₂g'₂, 'nió'₄ a₂jme₁jmo'₂ 'nia'₂ a₂dse₃. ¹⁸ Jě₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi₂g'₂ 'nia'₂. Mei'₂ tsá₃ tí₅ bá₄ ca₂la₂ jág₁ ně₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-ně₅, ia₁jaun₂ le₃jniá₂ jin'₄ 'nia'₂ jui₁lia'₂ dsa₂ i₂ma₂guei₃ Diú₄. ²⁰ Jaun₂ lě₃, jme₁ñi₂g'₂ 'nia'₂, tsá₃ ma₂lě₅ quió'₅ Te₁gui'₅₄, má₃ a₂quě'₂ 'nia'₂ jaun₂, ²¹ ia₁ jě₁ma₂ca₂tě₂ hora a₂quě'₅₄ 'nia'₂, jmo₅ dsa₂ i₂lín₅₄ jma₃quén₅ dsi₂jñiá₄ qui₂guě'₅. Chan₂ i₂lín₅₄ tion'₅₄ i₁cón'₅; tē₁lia'₂ tion'₅₄ i₂sián'₂ le₁'ein₅. ²² ¿Tsa₁ dsi₂néi₂ quián'₂ 'nia'₂ cha₂ ja₁lé₂ le₃qui₁quě'₅₄ qui₁'ag'₅₄ 'nia'₂ ně₃? ¿O₃ bá₄ ma₂jñin'₅₄ 'nia'₂ sion₅ guá'₅ quián₅ Diú₄, ján₃ guě'₂ cuě'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? jDsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

23 Ia₁ a₂ca₂ηi₂ bá₄ jniá₂ a₂ca₂jme₃tag₅ 'ηiog₅ Te₁gui'₅₄ a₂ma₂ca₂jme₁tin₅ guë'₂ jniá₂ 'nia'₂: lia'₂ con'₂ le₃ca₂nei₂ jmig₄ jme₁ca₂jáng'₂ dsa₂, ca₂can₃ i₁ηí'₄. 24 Jme₁ma₂dsan₃ cuë'₅ ti₁'mag'₄ Diú₄, jaun₂ guë₄ ca₂'niai₃ ca₂dsiö'₃ i₁ηí'₄, jaun₂ ca₂juá'₂: "Quë'₂ 'nia'₂; a₂la₂ bá₄ ηi₃ a₂rë₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂." 25 Ján₃ bá₄ le₂në₅, jme₁ma₂ca₂lë₃ guë'₅ i₁ηí'₄, ca₂can₃ táng₃ copa, jaun₂ ca₂juá'₂: "A₂'a₄ copa la₂, lë₅ jág₁ 'mí₂ a₂li'₅₄ të₂le₃ quian'₅₄ jmi₃. * Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂." 26 Jaun₂ le₂në₅ bá₄, lia'₂ co₂ráun₂ tón'₄ 'nia'₂ quë'₅₄ i₁ηí'₄, 'ag'₅₄ 'nia'₂ a₂'a₄ copa, qui₂'ë'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂të₂ jmig₄ i₁guain'₂ táng₃.

'A₂ lia'₂ dsi₂ten₅₄ tón'₃ dsa₂ jmóg'₂ guë'₃ Má₃ quió'₅ Te₁gui'₅₄

27 Jaun₂ lë₃, chi₂jua'₂ 'ein₂ guë'₅ i₁ηí'₄, 'in'₂ a₂'a₄ copa jaun₂, on₃juá'₅₄ ia₁ a₂léi₄ dsan₂ dsí₅, a₂rë₂cán'₄ bá₄ 'éi₂ le₃ja₁con₂ ηi₄ jmi₄ Te₁gui'₅₄. 28 'Uig₅₄ jaun₂ në₃, né₃ a₂guë'₃ jan₂ dsa₂ i₁ηí'₄, né₃ a₂'in'₂ a₂'a₄ copa, jui₁quion₂ 'í₁ ja₁con₂ 'ηiog₅. 29 Ia₁ në₁ca₂guë'₃ ca₂'in'₃, të₃ tsá₃ rë₂ηí'₂ dsí₅, tsá₃ rë₂cuí'₅ ηi₄ Te₁gui'₅₄, cuë'₅ uig₅ 'ηiog₅ bá₄ në₁ca₂guë'₃ ca₂'in'₃ le₃jaun₂. 30 Ne₄ 'uig₅₄ jaun₂, juin₅ 'nia'₂ i₂le₁dso'₅₄, i₂'uan₅₄ në₃; i₂lin₅₄ guë'₂ ma₂qui₂ca₂dsain₃. 31 La₁ në₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. 32 Jme₁con₂ Te₁gui'₅₄ 'í₁ ja₁con₂ jniog₄, jme₂rë₃ jui₅ quián₂ jniog₄, ia₁jaun₂ tsá₃ guéi₁ uig₅ co₂lë₅ quian'₅₄ dsa₂ mi₂gü₃.

33 Jaun₂ le₂në₅ bá₄, 'nia'₂ rin'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jnia₄ 'nia'₂ ríng'₂ jang'₂ jang'₂ a₂quë'₅₄ co₂dsia₅. 34 Chi₂jua'₂ chan₂ jan₂ i₁cón'₅, jui₁guë'₄ co₂ηei'₅₄ ja₁quió'₄, ia₁jaun₂ tsá₃ 'ë₂ Diú₄ uig₅ jui₁lia'₂ jë₁ηig'₂ 'nia'₂.

Jui₁lia'₂ jág₁ a₂'nió'₅ le₃rë₂, në₅ bá₄ jme₁rë₂ jniá₂ jë₁ma₂të₂ rë₁dsióg₄.

12

Jui₁lia'₂ ta₁ a₂tin₂ dsa₂ a₂cuë₅ Jme₂dsí₂ Jñiós₅ cuë'₅ le₂jan₂ le₂jan₂ dsa₂

1 Në₃ në₃, rin'₅₄ jniog₄, jui₁lia'₂ të₂le₃ a₂gu₂dsí₂, tsá₃ 'nio₃ jniá₂ juá'₅₄ tsá₃ le₃ηi'₅₄ 'nia'₂.

2 Ma₂ηi'₅₄ bá₄ 'nia'₂, rin'₅₄ jniog₄, lia'₂ con'₂ tsá₃ dsa₂ 'én₂ jme₁ma₂lín'₅ 'nia'₂, jme₁të₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. 3 Jaun₂ në₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con'₂ jiog₅ Jme₂dsí₂ quián₅ Diú₄, tsá₃ juá'₂: "i₁jui₁dsi₂'én₂ Jesús!" Ján₃ guë'₂ le₂jaun₂, 'i₁jan₂ tsá₃ lé₂ le₃juá'₂:

* 11:25 'Nió'₂ ja₁ton₅, Mateo 26:28; Éxodo 24:8; 1 Corintios 10:16.

“Jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñio'₅ jiog₅ guë'₂.

⁴ Lióng₂ bá₄ jui₅bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuë₅. ⁵ Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jé₃ ta₁ jaun₂ ja₁con₂ ca₂le₃jín₃ dsa₂.

⁷ Nē₃ nē₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Tē₂le₃ quian'₅₄ Jme₂dsí₂ bá₄ cuë₅ Diú₄ jui₅bí₂ cuë'₅ jui₁lia'₂ jan₂ dsa₂ a₂lé₂ le₃cuë₃ jág₁ a₂ñí'₂ dsí₅. I₂sián'₂ guë'₂ nē₃, ñei₂ bí₂ a₂tiñ₂ 'a₂ lia'₂ le₃ñi₅ caun₂ jág₁, tē₂le₃ quian'₅₄ jan₂ Jme₂dsí₂ 'éi₂ bá₄. ⁹ Jui₁lia'₂ i₂sián'₂ guë'₂ nē₃, rē₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guë'₂ qui'₅₄ jmig₄ a₂lé₂ le₃jme₃ 'lióin₂ jui₁lia'₂ dsa₂ dso'₅₄ nē₃, tē₂le₃ quian'₅₄ jan₂ Jme₂dsí₂ 'éi₂. ¹⁰ I₂lín₅₄ guë'₂ tin₅ jui₅bí₂ a₂jmo₃ léi₄ juë'₂; i₂lín₅₄ guë'₂ i₂lé₂ le₃'ē₂ jág₁ a₂jme₂jnia₅ Diú₄ ne₅₄; i₂lín₅₄ guë'₂ ñei₂ bí₂ a₂tiñ₂ con₂ 'í₁ a₂rē₂lí₄ dsí₅ jin₄ jme₂dsí₂; i₂lín₅₄ guë'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lín₅₄ guë'₂ i₂qui'₅₄ jmig₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jé₃ jui₅bí₂ nē₅, jan₂ Jme₂dsí₂ quián₅ Diú₄ bá₄ cuë₅ a₂tin₂ dsa₂ le₂jain₂ le₂jain₂, lia'₂ con₂ lē₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, jui₁lia'₂ lē₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lē₅; ján₃ bá₄ le₂jaun₂ lē₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con₂ jme₁qui₂ca₂jñó₂* jmig₂, tē₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmig₂, ca₂lag₃ co₂'nió'₄ caun₂ ni₁ñí₅. Tsá₃ a₂lē₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄ jui₁lia'₂ i₂jme₂ti₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ñag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ nē₂jag₄ bá₄ jmig₂.

¹⁴ Ia₁ tsá₃ lé₂ le₃jmó₁ jniog₄ dsí₅, jui₁lia'₂ caun₂ ni₁ñi₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guë₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂ting₂ téng₃ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁶ O₃ jua'₅₄ mei'₂ guë₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁷ Jua'₅₄ mei'₂ guë₃ ta₁caun₂ ni₁ñi₁ dsa₂ ca₂lē₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guë₃ ta₁caun₂ ni₁ñi₁ dsa₂ ca₂lē₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'ñiog₅

* 12:13 lit. “lia'₂ con₂ jme₁i₂tiog₃ jmig₂.”

bá₄ Diú₄ ně₃, lia'₂ con'₂ lě₅ 'ŋio₂ dsí₅, jma₃quén₅ qui₂ca₂jmo₃ ca₂tíong₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ŋi₁ dsa₂.¹⁹ Jua'₅₄ mei'₂ guě₃ ca₂ne₅₄ lě₅ quió'₅ dsa₂, ¿'a₂ lia'₂ lě₂ le₃juá'₂ dsa₂ caun₂ ni₁ŋi₁₂?²⁰ La₁ lě₅ ně₃, jui'₁a₂ guě₃ la₂ lě₂ 'líong₂ jma₃quén₅ a₂chei₂ quió'₅ dsa₂, caun₂ bá₄ ni₁ŋi₁₂ lě₅.

²¹ Tsá₃ lě₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió₃.” Ján₃ bá₄ le₂ně₅, tsá₃ lě₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió₃.”²² Tě₂le₃ 'ŋio₅ guě₄ dsen₅₄ ju₁lia'₂ ja₁lín₂ dsa₂ a₂'uan₅₄ quió'₅.²³ Ju₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ŋio₅ guě₄ dse₃ lio₂ jniog₄. Le₂jaun₂ bá₄ ján₃, ju₁lia'₂ ja₁tsá₃ lín₄ dsi₂ten₅₄ rě₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁,²⁴ la₁ ja₁dsi₂ten₅₄ rě₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ŋia₅ Diú₄ ni₁ŋí₅, a₂ca₂jme₃dsen₅₄ ju₁lia'₂ ja₁tsá₃ lín₄ dsen₅₄²⁵ ia₁jaun₂ tsá₃ lě₂ le₁dso'₅₄ ni₁ŋí₅, tě₂le₃ ju₁dsian₂ bá₄ dsí₅ o₄quió'₄ rín'₅₄ le₂jain₂ le₂jain₂.²⁶ Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ ju₁lia'₂ ja₁rě₂dsen₅₄ quió'₅ dsa₂, le₂ně₅ bá₄ ján₃ lě₂ 'io'₂ ca₂le₂con₂ quió'₅ dsa₂.

²⁷ Le₂ně₅ bá₄ ju₁lia'₂ 'nia'₂ ně₃: guion'₅₄ bá₄ 'nia'₂ caun₂ bá₄ ja₁téng₄ ŋi₄ Cristo; le₂jan'₂ le₂jan'₂ 'nia'₂, líng'₅ lia'₂ caun₂ ja₁tén₄ quió'₅.²⁸ Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quián₅. Jě₁le₂'uig₅₄ ca₂'iin₃ dsa₂ i₂chen₄ quián₅; jě₁ca₂tě₂ tìn₃, ca₂'iin₃ dsa₂ i₂'ě₂ jág₁ quián₅; jě₁ca₂tě₂ 'nag'₂, dsa₂ i₂jme₂tag₅ lín₅ tě₅; ŋó₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmi₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ rín'₅₄; ŋó₅ jaun₂, ju₁lia'₂ dsa₂ i₂cán₂ ne₄ ju₁; dsa₂ i₂dsia₅ 'líong₂ ne₅₄ jág₁ jmei₅.²⁹ Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ŋi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tě₅ i₂jme₂tag₅? ¿O₃ bá₄ ca₂le₃jín₃ tìn₂ jmo₃ léi₄ juě'₂?³⁰ ¿Lě₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmi₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lě₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂.³¹ Jmo₄ 'nia'₂ 'ín₅ 'au'₂ ju₁i₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ ju₁i₅ a₂dse₃ guě₄ lín₃.

13

Ju₁lia'₂ a₂jme₂'nio₃ dsa₂ rín'₅₄

¹ Ju₁'a₂ guě₃ la₂ tĩng₂ dsia₅₄ quian'₅₄ jág₁ jmei₅ quió'₅ dsa₂ mi₂güig₃ rĩng'₃, o₃ jág₁ jmei₅ quió'₅ ángeles ně₃, la₁ ně₁jua'₂ tsá₃ jme₂'nióg₄ guě'₂ rĩng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃.

Líng₅ nē₂jag₄ bá₄ caun₂ ŋ₁ tē₂bong₅ a₂lē₁i₂'ein₅₄, o₃ co₂'nió'₄ caun₂ ni₁ŋ₁ tó'₅ mi'₅₄ bá₄. ² Ju₁la₂ qui'₅₄ jniá₂ jmig₄ a₂'ě₄ jág₁ a₂jme₂jnia₅ Diú₄, ju₁la₂ guion₄ jniá₂ jág₁ ca'₅₄ a₂jme₁rē₂'ma₄ le₂jñiá₅, ján₃ bá₄ ju₁la₂ ŋ₁'₂ dsi₃ jniá₂ ca₂le₃jě₃, ju₁la₂ 'éng₂ 'ñio₅ lin₃, ca₂lia'₂ qui'₅₄ jniá₂ jmig₄ le₃jñiog'₅₄ ni₁má'₂ nē₃, la₁ nē₂jua'₂ tsá₃ jme₂'nióg₄ guē'₂ dsa₂ mi₂güig₃ ríng'₃ nē₃, tsá₃ 'e₂ ta₁ jmo₃ co₂ŋ₁'₂ quió₃ a₂jmo₂₃ a₂ting₂. ³ Ju₁la₂ qui₂ca₂dsio'₄ jniá₂ 'e₂ a₂cha₂ quió₃, quió'₅ dsa₂ ti₂ŋé₂, o₁ŋia'₅₄ la₂ ca₂cuíng₃ ni₁ŋi₃ 'ñió₃ a₂dsi'₂, tsá₃ 'e₂ ta₁ 'i₄ co₂ŋ₁'₂ a₂jaun₂, nē₂jua'₂ tsá₃ jme₂'nióg₄ guē'₂ dsa₂ mi₂güig₃ ríng'₃.

⁴ Ju₁lia'₂ dsa₂ i₂tē₃dsón'₂ jme₂'nio₃ rin'₅₄, juin'₂ dsí₅ líin₅; ton'₂ 'ua₁ dsí₅ nē₃; tsá₃ uig₅ dsí₅ quiaín'₅₄ 'i₁jan₂, on₃ guē'₂ jmo₂₃ táin'₅ ja₁con₂ riin'₅₄; on₃ guē'₂ jmo₂₃ róin₂ nē₃. ⁵ Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ riin'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ñiog₅; tsá₃ con'₂ lē₁rē₂'nei₂, on₃ guē'₂ jmo₂₃ 'i₄ 'nei₂ dsí₅ nē₃. ⁶ Ju₁lia'₂ dsa₂ i₂jme₂'nio₃ rin'₅₄, tsá₃ jmo₂₃ tē₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tē₂le₃ jmo₂₃ 'io'₂ ja₁con₂ jág₁ tí₅. ⁷ Ca₂le₃jě₃ bá₄ jlě₂; ca₂le₃jě₃ bá₄ a₂'éin₂ ja₁con₂ riin'₅₄; ca₂le₃jě₃ bá₄ 'ín₂ dsí₅ a₂dsi₃ŋ₁'₂ riin'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmig₄ dsian₅ a₂jme₂'nio₃ dsa₂ riin'₅₄. Dsón'₂ bá₄ já₅ jmig₄ jē₁tsá₃ ma₃'ein₂ 'ě₂ jág₁ a₂ŋi₂ cuē₅ Diú₄, jē₁tsá₃ ma₃dsia₃ dsa₂ jág₁ jmei₅ siá'₂, jē₁dsi₃ŋ₁'₂ le₃jě₃ a₂ŋi₅ dsa₂ niog₅ dsi₅₄. ⁹ Ia₁ tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄ a₂qui₂'ě₅ jniog₄. ¹⁰ La₁ jē₁ma₂tē₂ jmig₄ a₂le₃'ñia₅ le₃jě₃, jaun₂ guē'₄ dsi₃'én₂ bá₄ ju₁lia'₂ a₂tsá₃ rē₂'ñia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsí₅ jan₂ chi'₂ bē'₅₄, ján₃ guē'₂ jme₁qui₂ŋ₁'₂ dsi₃, lia'₂ ŋ₁'₂ dsí₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ juin'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ ju₁lia'₂ jmig₄ nē₃: ne₂ jniog₄ nē₂jag₄ bá₄ caun₂ ni₁'₂ a₂jniá₂ lian₂. La₁ já₅ bá₄ jmig₄ a₂ne₅₄ jniog₄ dsi₁ne₁ lia'₂ lē₅. Rē₂nē₃ nē₃, tsá₃ rē₂'ñia₅ a₂cuí₅ jniá₂; la₁ já₅ bá₄ jmig₄ ja₁le₃cuí₅ lia'₂ rē₂'ñia₅, ju₁lia'₂ cuí₅ ŋiog₅ Diú₄ jniá₂.

¹³ Jaun₂ nē₃, 'ni₅ a₂la₂ lē₂ a₂jio₅ guē'₄ uē₂: a₂'én₂ dsa₂; a₂'ín₂ dsí₅ dsa₂; a₂jme₂'nio₃ dsa₂ riin'₅₄. La₁ 'ñio₅ lin₃ guē'₄ dsen₅₄ a₂jaun₂ a₂jme₂'nio₃ dsa₂ riin'₅₄.*

14

Ju₁lia'₂ a₂dsia₅ dsa₂ jág₁ jmei₅ siá'₂

* 13:13 'Nio'₂ ja₁ton₅ Colosenses 3:14.

1 Quen'2 'nia'2 bí2 a2dsan2 'au'2 jme1'nió4 'nia'2 ríng'2, jaun2 jmo4 'nia'2 a2ín5 'au'2 cuë3 Diú4 jui5bí2 a2gu2dsí2, la1 ja2lin3 guë4 dsen54 a2lé2 le3'ë'4 'nia'2 jág1 a2jme2jnia5 Diú4. 2 Ia1 jui1lia'2 dsa2 i2dsia5 jág1 jmei5 siá'2, tsí'5 Diú4 bá4, on3jua'54 dsa2 mi2güí3, ia1 tsá3 ñág'2. Jág1 rë2'ma4 bá4 dsia23, të2le3 quió'5 Jme2dsí2. 3 La1 jui1lia'2 dsa2 i2'ë2 jág1 tsí'5 dsa2 mi2güí3, dsia23 jág1 a2jme'054 a2dsi3cón3 dsa2 të2le3 quió'5 jme2dsí2, cuë'5 bí2 rin'54, cuë23 lián'2 dsí5 në3. 4 Jui1lia'2 dsa2 i2dsia5 jág1 jmei5 siá'2 në3, jnia'54 jme2'oin54 'ñiog5 bá4 a2dsi3cón3, la1 jui1lia'2 dsa2 i2'ë2 jág1 në3, jme2'o54 a2qui2dsi3cón3 guá'5.

5 'Nio3 jniá2 jua'54 ta1jin'2 bá4 'nia'2 ting'54 a2lé2 le3dsiá'1 'nia'2 jág1 jmei5 siá'2. La1 ja2lin3 guë4 dsen54 jua'54 'ë'4 'nia'2 jág1 a2cuë5 Diú4. Ia1 jui1lia'2 dsa2 i2'ë2 jág1, dsen54 guë4 lia'2 con'2 guë4 dsa2 i2dsia5 jág1 jmei5 siá'2, në1jua'2 tsá3 juá'2 'e2 jein5 jág1, ia1jaun2 jme'054 a2dsi3cón3 guá'5. 6 Në3 në3, 'nia'2 rin'54 jniog4, jui1la2 ca2dsióg3 jniá2 ja1con'2 'nia'2, a2jñia'54 con'2 i1dsia3 jniá2 jág1 jmei5 siá'2, ç'e2 bá4 ta1 tí jág1 jaun2, ja1con'2 'nia'2, në1jua'2 tsá3 i2quian54 caun2 jág1 a2jme2jnia5 Diú4, o3 jág1 a2guion54 jniá2, o3 a2'ë4 jniá2, o3 a2jme2tág2 'e2?

7 Jui1lia'2 ni1ñí1 a2tsá3 jme2dsí2 'i4, jui1lia'2 te1fi1, o3 caun2 tsí1ton5* 'e2, ç'a2 bá4 lia'2 lé2 le3ñi5 dsa2 chi2jua'2 'e2 son54 jéi2 dsa2, o3 tsá5 'e2, chi2jua'2 tsá3 jma3quén5 i2'ein54, cuë5 léi4 'a2 lia'2 dsó5? 8 Le2jaun2 bá4 ján3 jui1lia'2 ne4 'nei2. Në1jua'2 tsá3 ca2né'2 rë2 i2'ein54 jéi2 dsa2 ñ1 trompeta, ç'ein2 bá4 jmo3 co2jñia54 quió'5 a2quiñ'2 ne4 'nei2? 9 Le2në5 bá4 lë5 jui1lia'2 quian'54 'nia'2 táng3. Në1jua'2 tsá3 ca2ñág'2 jág1 a2'uë2 mi2'o'54 'nia'2, ç'a2 bá4 lia'2 lé2 le3ñi5 dsa2 'e2 juá'2 'nia'2? ¡A2lë1qui2dsi3dsí2 dsí3'én2 jág1 jaun2 quiáng'2! 10 Mei'2 tsá3 'lióng2 bá4 jág1 jmei5 cha2 mi2güí3; la1 tsá3 cha2 caun2 jua'54 tsá3 jág1 jein5. 11 Ia1 jua'54 mei'2 guë3 jan2 dsa2 tság3 jniá2 quian'54 jág1 jmei5 quió'5 a2tsá3 ñíg'2, co2'nió'4 dsí2nau2 bá4 'éi2 le3ja1con2 jniá2; le2jaun2 bá4 jniá2 táng3, líng5 co2'nió'4 dsí2nau2 le3ja1con2 'éi2. 12 Le2në5 bá4 lë5 jui1lia'2 quian'54 'nia'2 táng3. Ia1 a2ñí4 lë3 'ín5 'au'2 'nia'2 guéi'1 a2ting'54 jui5bí2 a2gu2dsí2, quen'2 'nia'2 bí2 a2dsi3tsón'3 'nia'2 quian'54 jui5bí2 a2jme'054 a2dsi3cón3 guá'5.

13 'Uig54 jaun2, jui1lia'2 i2dsia5 jág1 jmei5 siá'2, jui1mi12 ne4 Diú4 a2lé2 le3juá'2 'e2 jein5 jág1 jaun2. 14 Jua'54 mei'2 guë3 mi5 jniá2 ne4 Diú4 quian'54 jág1 jmei5 siá'2, jme2dsí2 quió3 bá4 chi2lén'2 Diú4; la1 a2ñí'2 dsí3, tsá3 'e2 ta1 jmo5. 15 ç'A2 bá4 lia'2 jmo54 jniá2 jaun2 në3? Ca2ting2 bá4 chi1leng'4 Diú4 jui5 jme2dsí2 quió3, la1 ján3 bá4 ca2ting2 chi1leng'4 Diú4 a2ñí'2 dsí3 në3. Le2në5 bá4 ján3, ca2ting2 'ë54 të2le3 jui5 jme2dsí2 quió3, la1 ján3 bá4 ca2ting2 'ë54

* 14:7 griego: kithara.

a₂η₁'₂ dsi₃ ně₃. ¹⁶ Ia₁ chi₂jua'₂ jme₂juín'₂ 'ne₂ Diú₄ jmá'₃ tē₂le₃ jui₅ jme₂dsi₂ quiáng'₂, ħ'₂ a₂ bá₄ lia'₂ lé₂, le₃quió'₅ jui₁lia'₂ jan₂ dsa₂ lē₁dsa₂ i₂'en₅₄, i₂tsá₃ η₁'₂? ħ'₂ A₂ lia'₂ lé₂ le₃juá'₂ a₂mei₃ jme₁cuē'₂ 'ne₂ ti₁'mag'₄, chi₂jua'₂ ján₃ guè'₂ tsá₃ η₁'₅ 'e₂ juá'₂ 'ne₂? ¹⁷ Dsón'₂ bá₄ jaun₂ jlá'₁ a₂cuē'₂ 'ne₂ ti₁'mag'₄, la₁ia₁ tsá₃ jme₂'o₅₄ a₂jaun₂ a₂dsi₃cón₃ i₂sián'₂. ¹⁸ Cuē₅ jniá₂ ti₁'mag'₄ Diú₄ ia₁ a₂qui'₅₄ jniá₂ jmig₄ le₃dsia₅₄ guē₄ jág₁ jmei₅ siá'₂, lia'₂ con'₂ guē₄ ca₂le₃jín'₃ 'nia'₂. ¹⁹ La₁ jui₁lia'₂ jme₁le₁η₁'₂ dsa₂, ja₂lin₃ guē₄ 'nio₃ juig₅₄ dsa₂ 'ñiá₂ jon₄ jág₁ a₂ñig'₂, ia₁jaun₂ lé₂ jme₁tin₅ i₂sián'₂, lia'₂ con'₂ guē₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ η₁'₂.

²⁰ 'Nia'₂ rin'₅₄ jniog₄, tsá₃ ma₃ju₁dsi₂jio₅ 'au'₂ 'nia'₂ ju₁lia'₂ dsi₂jio₅ dsí₅ i₂bē'₅₄. Jmo₄ bá₄ a₂líng'₅ i₂bē'₅₄ tē₂le₃ ja₁con₂ a₂'lig'₅₄. La₁ jui₁qui₂le₂η₁'₂ 'au'₂ 'nia'₂ co₂'nió'₄ dsa₂ can'₅₄. ²¹ Juá'₂ bá₄ ne₄ Si₂:

Juig₅₄ jniá₂ dsa₂ juig₂ nación la₂
tē₂le₃ quian'₅₄ dsa₂ i₂dsia₅ jág₁ jmei₅ siá'₂,
le₃ju₁mi₂'o₄ dsi₂nau₂ ně₃;
la₁ on₃ bá₄ guè'₂ le₂jaun₂ jua'₅₄ a₂qui₃tón'₂ dsa₂ jui₅ jág₁ quió₃,
juá'₂ Te₁gui'₅₄.†

²² Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃juá'₅₄ rē'₂ le₃quió'₅ dsa₂ i₂'én₂. La₁ ju₁lia'₂ jme₁'ē₂ dsa₂ jág₁ a₂jme₂jnia₅ Diú₄, jág₁ le₂jaun₂ ně₃ jáng'₅ táng₃ caun₂ léi₄ le₃ja₁con₂ dsa₂ 'én₂ bá₄, on₃juá'₅₄ le₃ja₁con₂ dsa₂ i₂tsá₃ 'én₂.

²³ Jaun₂ le₂nē₅ bá₄, jme₁le₁η₁'₂ guá'₅, jua'₅₄ mei'₂ guē₃ ca₂le₃jín₃ dsia₂₃ jág₁ jmei₅ siá'₂, ně₁juá'₂ tē₃jē₄ jaun₂ ca₂dsi₃lén₂ ju₁lia'₂ dsa₂ i₂tsá₃ lin₄ η₁'₅, o₃ i₂tsá₃ 'én₂ ně₃, ħ₂tsa₁ lé₂ le₃juá'₂ 'éi₂: “Dsa₂ ηá₅ bá₄ ně₅ tion'₅₄”, 'iin₃ 'nia'₂? ²⁴ La₁ ně₁juá'₂ ca₂dsióg₃ jan₂ dsa₂ i₂tsá₃ ma₂'én₂, o₃ i₂tsá₃ lin₄ η₁'₅ 'e₂, tē₁lia'₂ tion'₅₄ ca₂le₃jín₃ 'ē₂ jág₁ a₂ma₂cuē₃ Diú₄, jaun₂ guē₄ le₃lí₄ dsí₅ 'niog₅ 'a₂ lia'₂ chain₂ le₃jniá₂ dsáu₁, co₂'nió'₄ a₂con₂ 'í₁ jág₁ a₂nag₂₃ a₂'ē₂ dsa₂ tioen'₅₄. ²⁵ Jaun₂ guē₄ le₃jniá₂ a₂rē₂'ma₄ jlē₅ a₂niog₅ dsí₅. Jaun₂ bá₄ chí₃jné₃ jme₃juín'₂ Diú₄, ton'₂ juá'₂: “Tē₃dsón'₂ bá₄ 'en₅₄ Diú₄ jin'₄ 'nia'₂”.

Jmo₄ bá₄ 'nia'₂ ca₂le₃jē₃ con'₂ dsi₂ten₅₄, dse₃jniá₂

²⁶ ħ'₂ E₂ bá₄ jaun₂ ně₃, rin'₅₄ jniog₄? Jē₁ma₂tē₂ rē₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ ju₁lia'₂ 'e₂ jein₅ jág₁ jaun₂; la₁ ju₁le₅₄ ca₂le₃jē₃ a₂nē₅ o₄quió'₄ a₂dsi₃cón₃ dsa₂ tē₂le₃ quió'₅ jme₂dsi₂. ²⁷ Jē₁ma₂tē₂ rē₁dsia₃ 'ein₂ dsia₃ jág₁ jmei₅ siá'₂, ju₁dsia₁₂ on₃, chí₂jua'₂ η₁'₄ lē₃ ca₂juē'₃, ún₂ jniá'₄, tē₃

† 14:21 Isaías 28:11-12; Deuteronomio 28:49.

qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂.
 28 La₁ nē₃juá'₂ tsá'₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂,
 co₂dsia₅ ju₁jmo₁₂ tei₄ dsi₂néi₂ guá'₅, ju₁dsia₁₂ tē₂dsi₅ 'ñiog₅,
 ju₁chi₂lén'₄ Diú₄.

29 Le₂nē₅ bá₄ ján₃ ju₁lia'₂ i₂'ē₂ jág₁ a₂jme₂jnia₅ Diú₄: ju₁juá'₅₄
 on₃-ún₂, la₁ ma₂tion'₅₄ i₂sián'₂ i₂con₂ 'í₁. 30 La₁ nē₃juá'₂
 ca₂jme₃jnia₅ Diú₄ caun₂ jág₁ ne₄ jan₂ i₂guá'₅ jē₄ le₁ñi'₂ dsa₂ jaun₂,
 ju₁jmo₅₄ i₂le₂'uig₅₄ 'éi₂ tei₄. 31 Ia₁ lé₂ le₃'ē'₄ ca₂le₃jín'₃ 'nia'₂ jág₁
 tē₃ qui₂jáng'₃, ia₁jaun₂ ca₂le₃jín₃ qui₃le₃tín₂, gue₃ lián'₂ dsi₅ ján₃.
 32 Ca₂tín₂ dsa₂ i₂'ē₂ jág₁ a₂cuē₅ Diú₄ a₂qui'₅₄ jmig₄ jme₃'uáin₂
 jme₂dsi₂ quió'₅. 33 Ia₁ jmo₅ Diú₄ a₂'ei₅ tei₄, on₃juá'₅₄ rē'₂ a₂gó₂.

Ju₁lia'₂ lē₅ ca₂le₃jē₃ ja₁ñi'₂ dsa₂ rin'₅₄ jniog₄,[‡] 34 ca₂tín₂ bá₄ dsa₂
 mí₂ jmo₃ tei₄ dsi₂néi₂ guá'₅. Tsá'₃ 'i₄ 'éi'₃ táun₂ jág₁, tē₂le₃ ca₂tín₂
 nag₃ gau₂ bá₄, ju₁lia'₂ juá'₂ Si₂ 'Éi'₃. 35 Chi₂juá'₂ 'e₂ 'nio₃ le₃ñi₅,
 ca₂tín₂ ñii'₃ dsi₂i₂gu₂ guioin₅₄, dsi₂néi₂ quió'₅. Ia₁ caun₂ o₂guí'₃
 jaun₂, juá'₅₄ mei'₂ guē₃ dsa₂ mí₂ táun₂ jág₁ dsi₂néi₂ guá'₅.

36 ¿O₃ bá₄ ca₂rē₃lióg₃ jág₁ quió'₅ Diú₄ ja₁con'₂ 'nia'₂? ¿O₃ bá₄
 jmá'₃ lia'₂ ja₁con'₂ 'nia'₂ ca₂dsióg₃ jág₁ dse₃? 37 Chi₂juá'₂ chan₂
 jan₂ i₂lín₂ líin₅ jan₂ i₂'ē₂ jág₁ a₂cuē₅ Diú₄, o₃ i₂'io₅ a₂tín₂ caun₂
 ju₁bi₂ a₂gu₂dsi₂, ju₁le₂ñi₅ bá₄ rē₂jiá₃ jág₁ a₂tó'₅ jniá₂ ne₄ si₂ la₂
 a₂juíg₂ jniá₂ 'nia'₂, co₂nē₅ lē₅ 'éi'₃ quió'₅ Te₁gui'₅₄ bá₄. 38 Chi₂juá'₂
 chan₂ guē'₂ i₂tsá₃ tón'₂ ju₁5 jág₁ nē₅, tsá₃ ton'₅₄ 'nia'₂ ju₁5 dsa₂ 'éi₂. §

39 Le₂nē₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂
 le₃'ē'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá'₃ jmo₂ 'nia'₂ juá'₅₄
 a₂tsá₃ cuē'₁ 'nia'₂ jmig₄ a₂dsia₃ dsa₂ jág₁ jmei₅ siá'₂. 40 La₁ia₁
 jmo₄ 'nia'₂ ca₂le₃jē₃ lia'₂ con'₂ dsi₂ten₅₄, lia'₂ con'₂ lē₅ ca₂tín₂ jmo₃
 le₂jain₂ le₂jain₂.

15

Ju₁lia'₂ a₂ca₂jen'₅₄ Cristo

1 Nē₃ nē₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂
 lē₅ jág₁ dse₃ a₂ma₂ca₂'ē₃ jniá₂ jin'₄ 'nia'₂, a₂ma₂ca₂gue'₅₄ 'nia'₂,
 a₂tión'₂ 'nia'₂ tiá₂. 2 Tē₂le₃ quian'₅₄ jág₁ dse₃ la₂ bá₄ a₂lión'₂ 'nia'₂,
 chi₂juá'₂ chan'₅₄ 'nia'₂ tiá₂ jág₁ a₂ma₂ca₂'ē₃ jniá₂ 'nia'₂. Chi₂juá'₂
 tsá₃ le₂jaun₂ nē₃, tsá₃ ta₁ tí₄ a₂ma₂ca₂rē₃'én'₂ 'nia'₂.

3 Jē₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ñi₂ jniá₂:
 a₂ca₂jon₃ I₂rē₂'ín₁ quián₅ Diú₄ 'uig₅₄ dsáu₁ jniog₄, lia'₂ con'₂ lē₅
 juá'₂ ne₄ Si₂; 4 a₂ca₂'ó₂ dsa₂, a₂ca₂jein'₅₄ táng₃ ja₁ñáu'₄ 'ni₅ jmig₄,
 lia'₂ con'₂ lē₅ juá'₂ ne₄ Si₂ bá₄ ján₃; 5 a₂ca₂jme₃jniai₂₃ ne₄ Pe₄;^{*}
 jaun₂ guē₄ ca₂jme₃jniai₂₃ ne₄ chi'₂ dsi₂gua₃-tín₂. 6 Cang₂ jaun₂,

‡ 14:33 lit. "dsa₂ñi₅." § 14:38 A₂lin₅₄ chog₅₄ si₂juá'₂: "Chi₂juá'₂ chan₂ guē'₂
 i₂tsá₃ tón'₂ ju₁5 jág₁ nē₅, tsá₃ lē₅ju₁tioin'₅₄ ju₁5 guē'₂ jaun₂." * 15:5 griego: Cefas.

ca₂jág₂ co₂nio₄ lě₅ guě₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ ně₃, o₁jnia'₅₄ la₂ ma₂dsan₃ i₂lin₅₄. ⁷ Cang₂ jaun₂, ca₂jme₃jniai₂₃ ne₄ Jacobo, η₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quiáin₅.

⁸ Jě₁ca₂tó'₂ guě₄ ně₃ ca₂jme₃jniai₂₃ ne₃ jniá₂, o₁jnia'₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rě₃chán₃. ⁹ Ia₁ lín₅ jniá₂ i₂'uin₃ guě₄ ju₁lia'₂ con'₂ guě₄ ca₂le₃jín₃ dsa₂ i₂chen₄ quiáin₅, ca₂lia'₂ jnia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quiáin₅. Ia₁ qui₂ca₂co₃'éng₃ dsa₂ 'én₂ le₂jniá₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ ju₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅ jua'₅₄ a₂tsá₃ ta₁ tí₄. La₁ 'ηio₅ lín₃ guě₄ ma₂jmo₃ jniá₂ ta₁ lia'₂ con'₂ guě₄ ca₂le₃jín₃ i₂chen₄ quiáin₅; ton'₂ on₃jua'₅₄ ca₂jmo₃ jniá₂ 'ηió₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Jág₁ ně₃ bá₄ a₂ma₂ca₂nei'₂ ca₂rě₃'én'₂ guě'₂ 'nia'₂.

Ju₁lia'₂ a₂já₅ caun₂ jmig₄ a₂jen'₅₄ 'lag₄

¹² La₁ chi₂jua'₂ ma₂qui₂rě₂'ě₂ jág₁ a₂ca₂jen'₅₄ bá₄ Cristo a₂jme₁rě₂'lín₅₄, ċ₂ bá₄ lia'₂ lě₅ a₂juá'₂ 'nia'₂ i₂lin₅₄ a₂tsá₃ jen'₅₄ 'lag₄? ¹³ Ně₃ ně₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jnia'₅₄ Cristo tsá₃ rě₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guě'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂ně₅, jnia'₅₄ ně₃ ma₂ja₂náu₅ jag'₅₄ 'nia'₂ a₂lág₅ dsa₂ tě₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ ně₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guě'₂ ján₃, on₃ guě'₂ Cristo 'ηiog₅ ca₂jein'₅₄ ně₃; ¹⁷ ně₁tsá₃ guě'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ ně₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ ně₃. ¹⁸ Ján₃ guě'₂ le₂jaun₂, ju₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ ně₃, chi₂jua'₂ a₂jnia'₅₄ 'ín₂ dsí₅ jniog₄ le₃quió'₅ Cristo ju₁lia'₂ jmig₄ tě₁lia'₂ chong₂ la₂, 'e₂ guě₄ juíg₂ jniog₄ con'₂ guě₄ ca₂le₃jín₃ dsa₂.

²⁰ La₁ a₂tě₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂'lín₅₄; lín₅ co₂'nió'₄ míg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃. ²¹ Le₂jaun₂ bá₄, ju₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güí₃, ján₃ bá₄ 'uig₅₄ quió'₅ jan₂ dsa₂ ca₂rě₃lióg₃ a₂jen'₅₄ 'lag₄. ²² Ia₁ ju₁lia'₂ lě₅ a₂dsan₂ ca₂le₃jín₃ ia₁ a₂lín₅ tsi₁jon₂ Adán, ján₃ bá₄ le₂ně₅ le₃chan₂ ca₂le₃jín₃ ia₁ a₂lín₅ i₂quián₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂

guë₄ 'éi₂, dsa₂ quián₅ Cristo, jë₁ma₂të₂ rë₁guain'₂, ja₃te₅₄ 'éi₂
të₂le₃ ja₁coin₂. ²⁴ Jaun₂ guë₄ në₃, jiá₃ jmig₄ jë₁dsian₅ ca₂le₃jë₃,
jë₁ma₂të₂ rë₁jáng'₃ ta₁ a₂lín₅ a₂goin₂, ne₄ Diú₄ Jmei₂, cang₂
jë₁ma₂ca₂'éin₂ ca₂le₃jë₃ 'éi'₃, ca₂le₃jín₃ dsi₂tan₅₄, ca₂le₃jë₃ jui₅bí₂.
²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂të₂ jmig₄ i₁guian'₃
Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jë₁ca₂tó'₂ i₂'iog₅₄ i₂dsi₃'én₂,
'mú₃ bá₄ jaun₂. ²⁷ Ia₁ Diú₄ bá₄ “ma₂ca₂guiog'₃ o₄tag₄ 'éi₂ ca₂le₃jë₃
jui₅bí₂.”† Në₃ në₃, jui₁lia'₂ jme₁juá'₂ Si₂ a₂ca₂guiog'₃ ca₂le₃jë₃,
jaun₂ nág'₂ rë₂jiá₃, tsá₃ quen'₅₄ Diú₄ nio₅ jin₄ dsa₂ i₂le₁gan'₅₄
o₄tag₄ Cristo, ia₁ 'nio₅ bá₄ Diú₄ ca₂guiog'₃. ²⁸ Jë₁ma₂ca₂dsi₃óg₃
jmig₄ jaun₂ a₂nio₅ ca₂le₃jë₃ o₄gú₃ Ja₁ñi'₅₄, jaun₂ guë₄ në₃ 'nio₅
Ja₁ñi'₅₄ jjin'₂ táng₃ o₄gú₃ i₁ca₂guiog'₃ 'éi₂, ia₁ jaun₂ lén₂ Diú₄ juig₅₄
ca₂le₃jë₃, ne₄ ca₂le₃jë₃.

²⁹ Në₃ në₃, në₁juá'₂ tsá₃ jen'₅₄ 'lag₄, ¿'e₂ guë'₂ jmo₃ jui₁lia'₂ dsa₂
i₂jñó₂ jmig₂ o₄quió'₄ 'éi₂? Chi₂juá'₂ dsón'₂ rë'₂ dsau₅ a₂tsá₃ jen'₅₄
'lag₄, ¿'e₂ guë'₂ lë₃ jñó₂ dsa₂ jmig₂ o₄quió'₄? ³⁰ Jui₁lia'₂ jnia'₅₄ në₃,
¿'e₂ bá₄ ta₁ jmo₃ i₁nio₄ jnia'₅₄ 'ei₅ gau₂ co₂tan₅₄? ³¹ Le₂o₃ jmig₄
bá₄ gue₅ jniá₂ 'mú₃. Dsón'₂ bá₄ jaun₂, rin'₅₄ jnio₄, jui₁lia'₂ dsón'₂
bá₄ jmo₅ jniá₂ táng'₅ o₄quián'₂ 'nia'₂ i₂'én₂ le₃quió'₅ Cristo Jesús,
Te₁gui'₅₄ quián₂ jnio₂. ³² Chi₂juá'₂ ca₂quín'₂ jniá₂ quian'₅₄ dsa₂
tsau₂ dsí₅ i₂chan₂ juig₂ Efeso, con'₂ dsi₂jio₅ dsí₅ dsa₂ mi₂güig₃,
¿'e₂ a₂dsí₂ quió₃? Chi₂juá'₂ dsau₅ jaun₂ a₂tsá₃ jen'₅₄ 'lag₄,
jui₁que₅₄ jui₁'en'₅₄ jnio₄,

ia₁ con'₂ tsá₃ ñó₅ në₁juá'₂

ca₂dsau₃ bá₄ jui₁la₂ 'ióg₃.‡

³³ Jaun₂ juig₂ jniá₂ 'nia'₂, tsá₃ lë₁jme₁gan₅ 'nia'₂ 'au'₂. Tsá₃
i₂jmo₂ 'nia'₂ jui₁lia'₂ juá'₂ caun₂ jág₁ a₂cha₂: “Jui₁lia'₂ dsa₂
i₂jme₂quian'₅₄ dsa₂ i₂con'₂ lë₁lín₄, dsi₃'én₂ tag₄ a₂dse₃ a₂'io₂₃.”
³⁴ Jaun₂ juá'₅ jniá₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅
co₂dsau₅, tsá₃ ma₃ 'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂
i₂tsá₃ cuin₅ Diú₄. Juá'₅ jniá₂ le₂në₅ ia₁ jaun₂ cán'₁ 'nia'₂ ca₂la₂
o₂guí'₃.

'A₂ lia'₂ lé₂ a₂jen'₅₄ táng₃ 'lag₄

³⁵ Chan₂ bá₄ i₂le₃ñag₃: “¿'A₂ bá₄ lia'₂ lë₅ jaun₂ a₂jen'₅₄ 'lag₄? ¿'A₂
lia'₂ lín₅, 'a₂ lia'₂ lë₅ ni₁ñi₁₂ jë₁ma₂ja₂lein₃?” ³⁶ i₁Caun₂ jág₁ co₄
bá₄ në₅! Ia₁ jui₁lia'₂ jme₁jne₅ dsa₂ 'e₂ jon₂ jne₂₃, tsá₃ 'ia₂ jua'₅₄
tsá₃ dsi₃'én₂ jon₂ a₂dsi₂jnia₄. ³⁷ Ia₁ jui₁lia'₂ jme₁jan'₂ 'e₂ jan'₂,
on₃juá'₅₄ a₂jan'₂ tag₄ a₂lé₂ cang₂. Le₂jaun₂ lë₅ jui₁lia'₂ cui₂g₂, §
jui₁'e₂ guë₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuë₂₃
cho'₅₄ lia'₂ con'₂ lë₅ 'ñio₂ dsí₅; lia'₂ ca₂ne₅₄ míg₂ 'io₂₃ cho'₅₄ con'₂
a₂ca₂tín₂. ³⁹ Le₂jaun₂ bá₄ lë₅ quian'₅₄ jui₁lia'₂ ni₁ñi₅: tsá₃ le₃jë₃

† 15:27 Salmo 8:6. ‡ 15:32 Isaías 22:13. § 15:37 lit. “trigo.”

lě₅ co₂rě₂. Jma₃quén₅ bá₄ lě₅ ni₁ñi₁ dsa₂ mi₂güig₃, quian'₅₄ ni₁ñi₁ já'₂ náu₂, ju₁lia'₂ quió'₅ i₁tan₅; ju₁lia'₂ guē'₂ quió'₅ i₁ju₁ ján₃.
 40 Le₂ně₅ bá₄ lě₅ ju₁lia'₂ a₂cha₂ guei'₅₄ mi₂güig₃, quian'₅₄ a₂cha₂ ne₄ gua'₅₄ 'uē₃. Tsá₃ co₂rě₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uē₃. 41 Le₂ně₅ bá₄ siá'₂ tág₅ quió'₅ 'iog₂, quian'₅₄ tsi'₂, quian'₅₄ guē'₂ nei₅ táng₃. Jáñ'₃ bá₄ siá'₂ tág₅ nei₅ jē₄ rin'₅₄.*

42 Le₂ně₅ bá₄ guē'₂ niog₅ lé₂ quian'₅₄ dsa₂, jē₁ma₂ca₂jein'₅₄. Dsi₃'o₃ caun₂ ni₁ñí₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmig₄ siá'₃. 43 Dsi₃'o₃ caun₂ ni₁ñí₅ co₂'nió'₄ a₂lě₅ o₂guí'₃; jaun₂ náu₃ caun₂ ni₁ñí₅ jlá'₁. Dsi₃'o₃ caun₂ ni₁ñí₅ 'uan₅₄; la₁ jen'₅₄ táng₃ caun₂ a₂bén₂. 44 Dsi₃'o₃ caun₂ ni₁ñí₅ a₂lě₅ a₂ca₂tín₂ gua'₅₄ 'uē₃ la₂; jaun₂ guē'₄ jen'₅₄ táng₃ caun₂ ni₁ñí₅ a₂gu₂dsí₂.

45 Jaun₂ bá₄ lě₃ chi₁ton₅ ne₄ Si₂: "Ca₂lin₃ Adán le₂'uig₅₄ jan₂ dsa₂ i₂'i₄ jme₂dsí₂."† La₁ i₂lín₅ Adán i₂co₂'nió'₄ jē₁ca₂tó'₂ guē'₂ ně₃, ca₂lin₃ jan₂ jme₂dsí₂ i₂to'₂ jme₂dsí₂ jniog₄. 46 La₁ on₃jua'₅₄ jme₂dsí₂ ca₂gua₃ de'₂ le₂'uig₅₄. A₂ca₂tín₂ gua'₅₄ 'uē₃ bá₄ ca₂lě₃ le₂'uig₅₄; cang₂ jaun₂ ca₂gua₃ a₂gu₂dsí₂. 47 Dsa₂ i₂le₂ne₁ 'éi₂ jme₁lín₄ quian'₅₄ ti₁gua'₅₄ quió'₅ 'uē₃ la₂; i₂jē₁ca₂tē₂ on₃ dsa₂ ně₃, i₂ca₂já₃ guei'₅₄ i₂juí₃ bá₄ 'éi₂. 48 Ca₂le₃jín₃ dsa₂ i₂chan₂ ne₄ gua'₅₄ 'uē₃, lín₅ ju₁lia'₂ jme₁lín₄ dsa₂ i₂ca₂lin₃ quian'₅₄ ti₁gua'₅₄ 'éi₂; jáñ₃ bá₄ le₂jaun₂ lín₅ dsa₂ i₂tín₅ guei'₅₄ i₂juí₃, ju₁lia'₂ lín₅ i₂ca₂já₃ guei'₅₄ i₂juí₃. 49 Ju₁lia'₂ quióng₂ jniog₄ quió'₅ dsa₂ i₂ca₂lin₃ quian'₅₄ ti₁gua'₅₄ 'éi₂, jáñ₃ bá₄ le₂ně₅ quiong₅₄‡ jniog₄ lia'₂ jniá₂ i₂ca₂sión₃ guei'₅₄ i₂juí₃.

50 Juí₂ jniá₂ 'nia'₂, rin'₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guē'₂ ca₂tín₂ ju₁lia'₂ a₂siá'₃, caun₂ ja₁tsá₃ ton₅ jmig₄ siá'₃. 51 Nei₂ 'nia'₂. La₂ 'ě₄ jniá₂ caun₂ jág₁ a₂jme₁rě₂'ma₄ le₂jñiá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₃tság₃, 52 con'₂ tiá₂, ně₂jag₄ bá₄ a₂'méi'₂ dsa₂ co₂ráun₂ jme₁ne₁₂, jē₁ma₂'ein₅₄ ñí₂ trompeta jē₁ca₂tó'₂. Ia₁ dsi₃'ein₅₄ ñí₁ trompeta, jaun₂ guē'₄ jen'₅₄ ca₂le₃jín₃ dsa₂ i₂ma₂dsan₃, jaun₂ guē'₄ o₁líg'₂ jmig₄ tsá₃ ma₃dsiáin₃. Jaun₂ jniog₄ ca₂le₃jág₃ ně₃, qui₂le₃tság₃. 53 Ia₁ ca₂tín₂ qui'₃ a₂siá'₃ quian'₅₄ caun₂ a₂tsá₃ siá'₃; a₂qui'₃ a₂jón₂ quian'₅₄ caun₂ a₂tsá₃ líg'₂ jmig₄ jón₂. 54 Jē₁ma₂qui'₂ ni₁ñí₅ a₂siá'₃ la₂ quian'₅₄ a₂tsá₃ siá'₃, jē₁ma₂qui'₂ ni₁ñí₅ a₂jón₂ la₂ quian'₅₄ a₂tsá₃ líg'₂ jón₂, jaun₂ guē'₄ le₃ti₃ jág₁ la₂ a₂tio'₅₄ ne₄ Si₂: Co₂dsia₅ ca₂lí₃ co₂ñei'₅₄ Te₁gui'₅₄ ne₄ 'mú₃. Š

55 ¿A₂já'₄ bá₄ ñó₅ a₂jme₁lén'₂ 'ne₂, 'mú₃?

* 15:41 Co₂'nió'₄ le₃juá'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25. † 15:45 Génesis 2:7. ‡ 15:49 A₂lin₅₄ chog₅₄ si₂ gui'₅₄

juá'₂: "ju₁quiong₅₄ jniog₄." Š 15:54 Isaías 25:8.

¿'E₂ bá₄ ca₂lë₃, 'ne₂ 'mú₃,

quian'₅₄ uig₅ a₂jme₁'ág'₁ jnia'₅₄?*

⁵⁶ Në₃ në₃, jui₁lia'₂ uig₅ a₂jme₁'ág'₁ 'mú₃ jniog₄, dsáu₁ bá₄ jniog₄ jaun₂; jui₁lia'₂ bí₂ a₂'io₅ dsáu₁ jniog₄, Si₂ 'Éi'₃ bá₄ jaun₂. ⁵⁷ ¡La₁ ti₁'mag'₄ Diú₄ i₂cuë₅ bí₂ a₂lág₂ jniog₄ të₂le₃ quian'₅₄ Te₁gui'₅₄ Jesucristo quián₂ jniog₄!

⁵⁸ Jaun₂ lë₃, 'nia'₂ rin'₅₄ jniog₄, i₂'nió₃ guë₄ lin₃, nau₂ bá₄ 'nia'₂ tiá₂, tsá₃ cuín₅ 'nia'₂ jmig₄ jua'₅₄ 'ein₂ guë₃ jñió₃'₂ 'nia'₂ cau₅; jui₁dsi₂tsón'₃ bá₄ 'nia'₂ quian'₅₄ ta₁ quió'₅ Te₁gui'₅₄. Ia₁ ma₂ñi'₅₄ bá₄ 'nia'₂ tsá₃ lë₅ jua'₅₄ a₂lë₁jmo'₂ can'₂ 'nia'₂ ta₁ le₃quió'₅ Te₁gui'₅₄.

16

Ca₂cág'₃ cu₄ a₂jme₃'oin₅₄ rin'₅₄

¹ Në₃ në₃, të₂le₃ quió'₅ guë'₂ cu₄ a₂cag'₄ 'nia'₂ jme₁'ong'₁ rin'₅₄ i₂'én₂, * le₂jaun₂ bá₄ jmo₄ 'nia'₂ ján₃ con'₂ lë₅ jág₁ ma₂cuë₃ jniá₂ guá'₅ i₂chan₂ 'uë₃ Galacia. ² Le₂caun₂ do₂mei₅₄, † ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂ling'₃. A₂jaun₂ con'₂ quiog₂ 'ma₄ 'nia'₂, ma₂lë₅ co₂jñia₅₄ ia₁jaun₂ tsá₃ lë₅ jua'₅₄ jaun₂ guë₄ cag'₅₄ 'nia'₂ jë₁ma₂dsióg₃ jniá₂. ³ Jaun₂ bá₄, jë₁ma₂të₂ rë₁dsióg₄ jniá₂, jaun₂ le₃chen₄ dsa₂ rin'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian'₅ caun₂ si₂ a₂lé₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ në₅ a₂jme₁'ong'₁ rin'₅₄ ja₁jaun₂. ⁴ Në₃jua'₂ dsi₂ten₅₄ guë'₂ nei₅₄ 'ñi₃ në₃, jme₃quiong'₅₄ 'éi₂.

Jmo₅ Pa₄ co₂jñia₅₄ a₂'í₂ jui₅

⁵ Jë₁ma₂të₂ rë₁nei₅₄ i₁ñig₁₂ le₂tan₅₄ 'uë₃ Macedonia, jaun₂ guë₄ dsióg₄ ja₁con'₂ 'nia'₂. ⁶ Con'₂ tsá₃ ñó₅ në₁ca₂jan₄ ca₂la₂ uë₂, o₃ në₁ca₂lë₃ ñig₅ le₂tan₅₄ jein₂ güig₂ quian'₅₄ 'nia'₂, ia₁jaun₂ lé₂ tsag'₅₄ 'nia'₂ jui₅ chi₂jua'₂ ja₁ca₂tín₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ të₂në₃, jua'₅₄ con'₂ ca₂ñig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uë₂ quian'₅₄ 'nia'₂, në₁jua'₂ ca₂cuë₃ Te₁gui'₅₄ jmig₄. ⁸ La₁ i₁jñia₁ jniá₂ juig₂ Efeso ca₂lia'₂ ca₂të₂ Jmig₄ Të₂láu₃-guiá₂. ⁹ Ia₁ 'ñio₅ bá₄ cuín₅ jmig₄ rë₂na₄ jui₅ lé₂ le₃i₁jmo₃ ta₁ quió'₅ Te₁gui'₅₄, a₂léi₄ a₂të₃dsi₅₄ dsón'₂; ton'₂ le₂jaun₂ bá₄ jui₅ dsa₂ i₂náu₃ 'io'₅₄ táng₃.

¹⁰ Në₃jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lë₅ jua'₅₄ a₂gó'₅ 'ein₅₄ jë₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, jui₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Të₂le₃ chéin'₂ 'nia'₂ jui₅ a₂'ag₃ tei₄

* 15:55 o₃, “¿'E₂ bá₄ ca₂lë₃, 'ne₂ 'mú₃, quian'₅₄ uig₅ a₂jme₁'ág'₁ jnia'₅₄? ¿A₂já'₄ bá₄ ñó₅ a₂jme₁,lén'₂ 'ne₂, tau₂ 'ñio₅?” Oseas 13:14. * 16:1 lit. “dsa₂ jñi₃.” † 16:2 lit. “jmig₄ le₂'uig₅₄ quió'₅ semana.”

dsí₅, ia₁jaun₂ jiá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, jui₁lia'₂ Apolos rin'₅₄ jniog₄, jme₁chi₂quaiain'₅₄ jniá₂ jmig₄ a₂dsó₃ quaiain'₅₄ rin'₅₄ jniog₄ dsi₁iin₁₂ 'nia'₂. Co₂dsia₅ tsá₃ ca₂lě₃ dsí₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cuin₃ jmig₄ dsó₃.

Jág₁ a₂'ág'₃ jág₁ jě₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én'₂ 'nia'₂. Jmo₄ ma₂chang'₂ a₂lě₅ 'au'₂ ma₂ca₂cang'₅₄ ma₂ŋi'₅₄, tión'₁ 'nia'₂ a₂'uang'₂. ¹⁴ Ca₂le₃jě₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, jui₁lia'₂ ma₂ŋi'₅₄ 'nia'₂, rin'₅₄ jniog₄: Estéfanos, quaiain'₅₄ dsa₂ dsi₂néi₂ quió'₅, ca₂liin₃ dsa₂ i₂le₂'uig₅₄ i₂ca₂rē₃'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂lėin₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmig₄ jaun₂ nē₃, ¹⁶ jme₁gan'₃ 'nia'₂ jui₁lia'₂ dsa₂ le₂'éi₂, quian'₅₄ guē₄ ca₂le₃jín₃ rin'₅₄ jui₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfanos, Fortunato, quaiain'₅₄ Acaico; ma₂ca₂jme₃'ŋiai₂₃ jui₁lia'₂ a₂jme₁'nió'₅ ja₁con₂ jniá₂ 'uig₅₄ ia₁ a₂tsá₃ 'nia'₂ chan'₂ ja₁lá₃. ¹⁸ 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsí₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cuiin₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[‡] nē₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ nē₃, cuiin₂₃ Diú₄ 'ŋio₅ lin₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cuiin₂₃ Diú₄ 'nia'₂. Qui₁cuiin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ Š jú'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

²¹ Jniá₂ Pa₄, cuíng₅ Diú₄ 'nia'₂ ne₄ si₂ la₂, quian'₅₄ gu₃ 'nió₃.*

²² Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ jui₁dsi₂'ėin₂. iŋiá'₅ 'ne₂, Te₁gui'₅₄!†

²³ Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí₅. ²⁴ Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡
Co₂nē₅.

‡ 16:19 griego: Prisca. § 16:20 Caun₂ tag₄ a₂jme₁chí₄ lia'₂ con'₂ jme₁ca₂jmo₃ Pa₄

si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † 16:22 griego: maranatha, jág₁ arameo a₂juá'₂ "Níá'₅ 'ne₂, Te₁gui'₅₄."

‡ 16:24 A₂lin₅₄ chog₅₄ si₂ tsá₃ chi₁ton₅ "A₂méi₃."

Si₂ carta jë₁ca₂të₂ tin₃ a₂ca₂jmo₃ San Pablo ne₄dsa₂ CORINTIOS

*Jmo₅ Pa₄ si₂ jë₁ca₂të₂ tin₃ a₂chein₃ ne₄ Guá'₅ i₂chan₂ juig₂ Cor-
into*

¹ Jniá₂ Pa₄, co₂në₅ 'éi'₃ ca₂jmo₃ 'ñiog₅ Diú₄, a₂líng₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lë₅ quian'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ guë₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uë₃ Acaya. ² Jui₁jme₂gu'₅₄ bá₄ Diú₄ 'nia'₂; ju₁tion'₅₄ bá₄ 'nia'₂ le₁ág₄ te₁ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo në₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jë₄ ca₂le₃jë₃ 'e₂ o₂l₁ dsí₅ cha₂, le₂jaun₂ guë'₂ jniog₄ táng₃ lé₂ le₃jmo₁ lián'₂ dsí₅ ju₁lia'₂ i₂chan₂ o₂l₁ dsí₅ ñág₅ uig₅. Lé₂ le₃cuë₅₄ jniog₄ lián'₂ dsí₅ ju₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂në₅ ju₁lia'₂ ñag₄ jniog₄ jmi₁uig₅ juë'₂ lin₃ a₂ca₂can₃ Cristo, ján₃ bá₄ le₂në₅ táng₃ të₂le₃ quian'₅₄ Jesucristo guéi'₁ jniog₄ lián'₂ a₂le₃chong₂ dse₃. ⁶ Jaun₂ në₃, chi₂jua'₂ ñag₄ jnia'₅₄ uig₅ chong₂, le₂në₅ le₃cha₂ lián'₂ ja₁con₂ 'nia'₂ jaun₂ líón'₂ 'nia'₂ në₃; o₃ chi₂jua'₂ guei₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con₂ 'nia'₂, jaun₂ lé₂ le₃jmo₁ tió'₃ 'au'₂ 'e₂ uig₅ cha₂, ju₁lia'₂ jmo₂ jnia'₅₄. ⁷ Caun₂ bá₄ le₁ág₄ dsí₅ jnia'₅₄ le₃ja₁con₂ 'nia'₂ a₂jmo₁ tió'₃ 'au'₂ a₂líón'₂ 'nia'₂ në₃. Ia₁ ne₄ bá₄ jniog₄, në₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂në₅ guéi'₁ 'nia'₂ lián'₂ a₂guéi'₁ jnia'₅₄ a₂cuë₃ Diú₄.

⁸ Chei₂ jnia'₅₄ 'nia'₂ le₂në₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ lë₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uë₃ Asia. 'Ñio₅ lin₃ bá₄ uig₅ ca₂ñag₄ jnia'₅₄; 'ñio₅ lin₃ guei₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, në₂jag₄ bá₄ a₂ma₂'i₄ 'éi'₃ dsió₃. La₁ tsá₃ a₂ñag₅₄, ia₁ ca₂le₃jë₃ a₂l₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éi₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ ju₁lia'₂ jmi₄ në₃. Jaun₂ le₃ja₁con₂ 'éi₂

* 1:1 lit. "dsa₂ jñió₅."

bá₄ ma₂'éi₁ jnia'₅₄ caun₂ dsi₅ a₂lió₂ ne₄ jui₅ ¹¹ chi₂jua'₂ jme₁'o'₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cué'₃ ti₁'mag'₄ Diú₄ ne₄ ca₂le₃jě₃ a₂dse₃ a₂jme₃'o₅₄.†

E₂ lě₃ tsá₃ ca₂ŋe₄ Pa₄ juig₂ Corinto

¹² Cha₂ caun₂ cosa ja₂ tē₅ dsi₅ jnia'₅₄ ton'₂ guio₅₄ jnia'₅₄ quiong₂ 'í₁ tē₂dsi₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uē₃ la₂, ju₁lia'₂ jme₂ti₃ Diú₄, la₁ 'ŋio₅ lin₃ guē₄ le₃ja₂con'₂ 'nia'₂. Ia₁ a₂'ua₁ dsi₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂nē₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jě₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í₄, o₃ a₂tsá₃ ŋí'₂ 'nia'₂. ¹⁴ Jaun₂ 'ín₂ dsi₅ jnia'₅₄, ju₁lia'₂ ma₂ca₂rē₃ŋig'₂ 'nia'₂ quián₂ jnia'₅₄ ja₁lin₅₄, ján₃ bá₄ le₂nē₅ le₃ŋí'₂ 'nia'₂ lia'₂ rē₂'ŋia₅, ia₁jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ jág₁ tá'₅ o₄quián'₂ 'nia'₂ ján₃, jē₁ma₂ca₂tē₂ jmig₄ quió'₅ Jesús Te₁gui'₅₄ quián₂.

¹⁵ Uig₅₄ ia₁ caun₂ bá₄ 'ei₅ dsi₃ ca₂le₃jě₃ a₂nē₅, jaun₂ jme₁lín₂ nei₅₄ i₁jing₁₂ de'₂ jŋiá₅ 'nia'₂ a₂i₁jmo₃ lián'₂ 'au'₂ 'nia'₂ 'ŋio₅ lin₃, ia₁ dsió₄ i₁jing₁₂ 'nia'₂ ta₁tin₃ ráun₂. ¹⁶ Jme₁dsi₂jio₅ dsi₃ jme₁i₁ŋig₁₂ ja₁tion'₅₄ 'nia'₂ lia'₂ ma₂'eng₅₄ ju₁ guio₃ ju₁ Macedonia; jē₁ma₂tē₂ rē₁nég'₄ táng₃, jaun₂ i₁jing₁₂ táng₃ 'nia'₂. Ia₁ lín₂, 'nia'₂ bá₄ jme₁'o'₁ a₂lé₂ dsió₄ jniá₂ tē₂ Judea. ¹⁷ ¿O₃ bá₄ lín'₂ 'nia'₂ a₂'ei₅ caun₂-tin₃ dsi₃ a₂juá'₅ le₂nē₅? ¿O₃ bá₄ lín'₂ 'nia'₂ a₂lě₅ jág₁ quió'₃ lia'₂ lě₅ jág₁ quió'₅ dsa₂ i₂tsá₃ 'én₂ i₂lě₁qui₂co₅ jág₁ quió'₅, nē₃ rē'₂ juá'₂ “ján₅,” nē₃ guē'₂ “jan₂'ón₄” táng₃? ¹⁸ Tí₅ bá₄ jág₁ quián₂ jnia'₅₄, ju₁lia'₂ tí₅ jág₁ quió'₅ Diú₄; líg'₂ jmig₄ jua'₅₄ a₂lě₁cuē₂ jnia'₅₄ jág₁ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃. ¹⁹ Ia₁ Cristo Jesús i₂lín₅ Ja₁ŋi'₅₄ Diú₄ i₂qui₂'ín₅ jnia'₅₄ i₂nio₄, chei₂ 'nia'₂ quian'₅₄ Silvano,‡ Timoteo nē₃, 'éi₂ nē₃ tsá₃ líg'₂ jmig₄ jua'₅₄ a₂lě₁qui₂ca₂co₃ jág₁ quió'₅ jua'₅₄ nē₃ rē'₂ juá'₂ “ján₅,” nē₃ cón'₅ “jan₂'ón₄” táng₃. Tē₂le₃ quian'₅₄ Cristo, a₂dsau₅ dsón'₂ bá₄ jág₁. ²⁰ Ia₁ tē₂le₃ quian'₅₄ 'éi₂ bá₄ rē₂ti₃ ca₂le₃jě₃ jág₁ a₂cuē₂₃ quió'₅ Diú₄. Jaun₂ tē₂le₃ quian'₅₄ 'éi₂, jua'₂ jniog₄ a₂méi₃, ia₁ a₂dsau₅ dsón'₂. Jaun₂ le₂nē₅ lé₂ le₃jme₁juin'₂ jniog₄ Diú₄. ²¹ Jaun₂ 'ŋiog₅ bá₄ Diú₄ jmo₂₃ tē₂le₃ ja₁con₂ jnia'₅₄, quian'₅₄ guē'₂ le₃ja₁con'₂ 'nia'₂ nē₃, a₂tióng₂ jniog₄ tiá₂ le₃quió'₅ Cristo. 'Ŋiog₅ bá₄ Diú₄ ma₂ca₂'ag₃ jniog₄ nē₃. ²² Ma₂ca₂jmóg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cuin₃ Jme₂dsi₂ Jjió₅ quián₅ tē₂dsi₅ jniog₄, nē₂jag₄ bá₄ cu₄ a₂ma₂ron₅ dsi₂jŋiá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁guéi₁ a₂cuē₃.

† 1:11 A₂lin₅₄ chog₅₄ si₂: “o₄quián'₂ 'nia'₂.”

‡ 1:19 Lia'₂ chen₂ Silvano co₂rē₂ quian'₅₄ Silas.

²³ Chi₂jua'₂ tsá₃ ma₂ca₂lë₃ dsió₄ juig₂ Corinto lia'₂ con'₂ lë₅ ma₂l₃jiog₅ dsi₃, já₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsi₅ a₂tsá₃ ca₂dsió₃; ia₁ nē₁jua'₂ tsá₃ le₂jaun₂, caun₂ bá₄ 'ei₅ dsi₃ o₁jnia'₅₄ 'mú₃ ca₂quín₂ quió₃. ²⁴ On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂ lia'₂ 'én'₂ 'nia'₂, ia₁ ma₂tió₂' bá₄ 'nia'₂ tiá₂ a₂'éng'₂. Jnia'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ gué₄ o₂'ñió₃ dsi₅ ja₁con'₂ 'nia'₂, ia₁ o₄quió'₄ a₂'én'₂ bá₄ 'nia'₂, tió₂' 'nia'₂ tiá₂.

2

¹ Jaun₂ ma₂ca₂dsia₃ jniá₂ dsi₃ a₂tsá₃ ma₃i₁jing₁₂ táng₃ 'nia'₂ tē₃ 'lia'₂ dsi₃. ² Ia₁ nē₁jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ĸ'ein₂ bá₄ i₂jmo₃ jéin₄ jniá₂ 'io'₂? Jnia'₅₄ lia'₂ 'nia'₂ bá₄ i₂ma₂nē₂jmo₃ jniá₂ 'lia'₂ 'au'₂. ³ Jaun₂ lë₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsi₃ jē₁ma₂dsió₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jē₁ma₂dsió₃. Ia₁ caun₂ bá₄ 'ei₅ dsi₃ ja₁con'₂ 'nia'₂ a₂dsió₄ 'ei₅ dse₃ dsi₃, le₂jaun₂ a₂'ei₅ rē₂ 'au'₂ 'nia'₂ já₃n. ⁴ Ia₁ a₂jme₁quian₄ o₂i₁ dsi₅, tē₃ ca₂tán'₂ dsi₃, jme₁ca₂jmo₃ jniá₂ si₂ jaun₂, ca₂le₃jē₃ jme₁o₅jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ já₃n; tē₂le₃ ia₁jaun₂ le₃ñi'₅₄ 'nia'₂ 'a₂ lia'₂ lë₅ dsi₃ a₂'niog₃ 'nia'₂ 'ñio₅ lín₃.

Ca₂'én₂ dsá₁ ja₂ dsa₂ i₂ca₂'ná₂ dso₄

⁵ Nē₁jua'₂ chan₂ i₂ma₂jmo₃ a₂cha₂ o₂i₁ dsi₅, on₃jua'₅₄ jmá'₃ ja₁con₂ jniá₂ ma₂jmo₃ quian'₅₄ o₂i₁ dsi₅; le₂jjiog₅ ja₁con'₂ 'nia'₂ bá₄ ca₂jmo₃ ca₂la₂ a₂ma₂ca₂quian'₂ 'nia'₂ o₂i₁ dsi₅ ca₂le₃jíng'₃. A₂juá'₅ jniá₂ "a₂ca₂jmo₃ ca₂la₂," ia₁jaun₂ tsá₃ lín₄ uig₅ tin'₅₄ 'nia'₂ já₃g₁ nē₅. ⁶ Co₂'nió'₄ uig₅ a₂ca₂cuē'₅₄ 'nia'₂ dsa₂ 'éi₂ jē₄ le₁ñi'₂ 'nia'₂ ca₂le₃jíng'₃, tió'₅ bá₄ co₂nē₅. ⁷ Ca₂tín'₂ bá₄ 'nia'₂ nē₃ jmó'₂ 'ua₁ 'au'₂ 'éng'₄ dsá₁, jmó'₂ táng₃ 'nia'₂ lián'₂ dsi₅, ia₁ con'₂ tsá₃ ñó₅ nē₁jua'₂ ca₂tán'₂ co₂ñei'₅₄ dsi₅. ⁸ Jaun₂ chi₂len'₄ jniá₂ 'nia'₂ a₂jme₁jniag'₂ táng₃, a₂dsón'₂ 'nió'₃ 'nia'₂. ⁹ 'Uig₅₄ jaun₂ bá₄ ma₂juá'₃ bá₄ jniá₂ le₂jñiá₅ quian'₅₄ si₂ a₂ma₂tsíng₂ ne'₅₄ 'nia'₂, a₂jñia'₅₄ con'₂ ca₂cáun₃ 'í₁ bá₄ quián'₂ 'nia'₂ o₁ne₄ nē₁jua'₂ jmó'₂ dsón'₂ 'nia'₂ con'₂ lë₅ ca₂le₃jē₃ já₃g₁ a₂juá'₅ jniá₂. ¹⁰ Jaun₂ nē₃, jui₁'e₂ gué₃ 'a₂ lia'₂ lë₅ dsá₁ rín'₂ 'nia'₂ a₂'éng'₄, já₃n₃ bá₄ le₂jaun₂ le₃jmo₅₄ jniá₂ dsi₃, 'én₄ bá₄ jniá₂ dsá₁ dsa₂ 'éi₂. Ia₁ jui₁lia'₂ dso₄ a₂ma₂'én₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. ¹¹ Jmo₅ jniá₂ le₂nē₅ ia₁jaun₂ tsá₃ jo₃ i₂sē₃dsen₃, ia₁ a₂ne₄ rē₂ bá₄ jniog₄ 'a₂ lia'₂ lë₅ mai₅₄ 'io₅ 'éi₂.

Tsá₃ rē₂ jme₁'ei₅ dsí₅ Pa₄ juig₂ Troas

¹² Jaun₂ jme₁ca₂dsió₃ jniá₂ juig₂ Troas a₂'ē₄ já₃g₁ dse₃ quió'₅ Cristo, 'ñio₅ bá₄ jme₁rē₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. ¹³ La₁ tsá₃ tei₄ jme₁'ei₅ dsi₃, ia₁ tsá₃ ca₂dsáng'₂ Tito rín'₅₄

jniog₄. Ca₂'ág'₃ bá₄ jniá₂ jág₁ rin'₅₄ jniog₄ ja₁jaun₂, jaun₂ gué₄ guio₃ le₃'u₃ Macedonia la₂.

A₂léi₂ jniog₄ quian'₅₄ Cristo

¹⁴ La₁ ti₁'mag'₄ Diú₄ ia₁ co₂tan₅₄ bá₄ jiog₂₃ ju₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniai₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. ¹⁵ Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂l₂nio₄ ju₅ a₂lióin₂, qui₂ja₂dsi₂ ján₃ jē₄ quió'₅ i₂dsi₂'én₂ ně₃. ¹⁶ Tē₂le₃ ja₁con₂ dsa₂ i₂dsi₂'én₂ ně₃, chen₂ la₂ lē₅ a₂ja₂dsí₂ 'lig'₅₄ a₂ma₂le₃dsián₃; la₁ tē₂le₃ quió'₅ dsa₂ i₂tín'₄ guē'₂ ně₃, lē₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsi₂ quió'₅. ¿'Ein₂ bá₄ 'éi₂ i₂qui'₅₄ jmi₄ quian'₅₄ ta₁ ně₃? ¹⁷ Jnia'₅₄ bá₄ 'éi₂ i₂qui'₅₄ jmi₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmo₁ 'ma'₅₄ jág₁ dse₃ quió'₅ Diú₄ ju₅lia'₂ jmo₅ i₂lin₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂lí'₅₄ quian'₅₄ Diú₄

¹ ¿O₃ bá₄ lín'₂ 'nia'₂ a₂jnia'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂nē₅? ¿O₃ bá₄ 'niog'₂ 'nia'₂ a₂'ē₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cuē'₁ caun₂ si₂ ju₅lia'₂ jmo₅ dsa₂ i₂lin₅₄? ² Jnia'₅₄ lia'₂ guion'₅₄ bá₄ 'nia'₂ ma₂cuē'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃ 'i₃ dsa₂ ně₃. ³ Guion'₅₄ bá₄ 'nia'₂ lín'₅ co₂'nió'₄ caun₂ si₂ a₂ca₂jmo₃ Cristo 'niog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmi₁jné₂; lē₅ léi₄ tē₂le₃ quian'₅₄ Jme₂dsi₂ quián₅ Diú₄ i₂chan₂ dsón'₂. Lē₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lē₅ léi₄ ju₅ tē₂dsi₅ dsa₂ mi₂güig₃ bá₄.

⁴ Caun₂ bá₄ le₁'ág₄ dsí₅ jnia'₅₄ a₂'éin₂ jnia'₅₄ le₂nē₅ le₃ja₁con₂ Diú₄ tē₂le₃ quian'₅₄ Cristo. ⁵ On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmi₄ quian'₅₄ ta₁ ně₃. ⁶ 'Éi₂ bá₄ ma₂jmo₃ a₂qui'₅₄ jnia'₅₄ jmi₄ a₂l₂quian₄ jnia'₅₄* jág₁ 'mí₂ a₂ma₂lí'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsi₂ quián₅ Diú₄ bá₄. Ta₁ a₂quí'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ Jme₂dsi₂ quián₅ Diú₄ guē'₂ ně₃ to'₂ jme₂dsi₂ a₂chan₂ dsa₂.

* 3:6 griego: diákonous (ministros).

7 'Éi'3 jaun2 ca2tíong3 Diú4 dso'2 ni1cang1 jë4 si2 a2tág5 co2'né'5. Tsá3 ma3ca2tió'3 dsa2 israelitas jág3 uë2 ne4 Moisés, ia1 a2ñí4 lë3 co2tág5 co2'né'5 ca2jnia3, jui'1e2 guë3 la2 jë1ca2ag2 si2 jaun2. La1 chi2jua'2 le2në5 'ñio5 jlá'1 ca2lë3 jme1ca2lë3 'éi'3 a2tsá3 jme1'io5 bí2 jua'54 a2tsá3 dsián2 dsa2 jaun2, 8 ¡'ë2 guë4 dse3 jlá'1, jág1 dse3 a2quian5 Jme2dsí2 Jñio5 a2jmo5 a2chan2 táng3 dsa2! 9 Co2'nió'4 le3jua'54, chi2jua'2 lág2 jniog4 a2ñí4 lë3 jlá'1 ca2lë3 'a2 lia'2 ca2cuë3 Diú4 'Éi'3 të2le3 quian'54 Moisés, 'éi'3 a2jme1bóg'2 dso4 jaun2, ¡'ë2 guë4 jlá'1 ta1b quián2 jnia'54 a2i1quian4 jnia'54 jág1 dse3 a2jme2jnia5 Diú4 a2tsá3 ma2dsáu1 jniog4 cha2! 10 Ia1 jui1lia'2 'éi'3 a2jme1jlá'1 ma2líg'2, tsá3 ma2'e2 quen5 në1ma2ca2quin3 quian'54 jág1 jlá'1 guë4 a2cha2 rë2në3. 11 Chi2jua'2 lág2 jniog4 a2ñí4 lë3 jme1jlá'1 ta1b quió'5 a2tsá3 uë2 tió'5 jaun2, ¡'ë2 guë4 'ñio5 jlá'1 ta1† quió'5 jág1 'mí2 a2tsá3 ma2dsi3ñí2 o1líg'2!

12 'Uig54 ia1 caun2 le1'ág4 dsi5 jnia'54 le2në5, jua'2 jnia'54 co2ñei'54 rë2jia3 jág1. 13 Tsá3 jmo2 jnia'54 jui1lia'2 ca2jmo3 Moisés; ca2jlë2 'éi2 ne54 quian'54 'mi'2 ia1jaun2 tsá3 jág3 dsa2 israelitas 'a2 lia'2 éi3 a2co2tág5 jaun2. 14 La1 tsá3 ca2rë3ñí'2 dsí5 dsa2 'éi2 në3, ia1 cang4 dsi54. Ca2lia'2 jñio4 jmiç4 në3 'i5 dsa2 Si2 'Éi'3 a2ron5 ma2líg'2, lia'2 ma2lín5 jaun2 bá4 'éi2, co2'nió'4 rë2jlë5 ne54, a2tsá3 ñí'2. Ia1 jmá'3 të2le3 quian'54 Cristo bá4 lé2 le3jnia'3 a2jlë5 a2ñí'2 dsí5 dsa2 jaun2. 15 Ca2lia'2 jñio4 jmiç4 në3, jë1ma2tóin'2 'i23 si2 quió'5 Moisés, jlin5 ne4 dsa2, tsá3 rë2ñí'2. 16 Ia1 jui1lia'2 jan2 dsa2 i2jén'5 le3quió'5 Te1gui'54, jnia'5 a2jmo5 a2jlin5 ne4 dsa2 jaun2. 17 Te1gui'54 në3, ia1 i2lín5 Jme2dsí2 bá4 'éi2; ja1'en54 Jme2dsí2 quián5 Te1gui'54, jui1lia'2 të2dsí5 dsa2 i2'éñ2, ja1jaun2 rë2na4 bá4 jui5. 18 Ia1 ca2le3jág3 jniog4 tsá3 ma3le1jlë5 ne4 jniog4; lág5 jniog4 jui1lia'2 lë5 ni'1i2 a2jnia'2 a2co2tág5 co2'né'5 a2jlán'1 Te1gui'54. Le2në5 bá4 jniog4 guio54, caun2 i2ne1ca2lag3 jniog4 jui1lia'2 lín5 Cristo 'ñiog5, ia1 lia'2 caun2 jmiç4 caun2 jmiç4 bá4 caun2 i2ne1ca2lag3 jniog4 jlán'1 jui1lia'2 lín5 'éi2. Ca2le3jë3 a2në5 jmo5 Te1gui'54, i2lín5 Jme2dsí2.

4

1 'Uig54 jaun2, o1líg'2 jmiç4 tsá3 tián'3 dsi5 jnia'54 dsa2 i2quian5 jág1 dse3 quió'5 Diú4, ia1 'ñiog5 bá4 Diú4 ca2dsia3 ñéi2 dsí5 ca2dsia3 gu2 jnia'54 ta1 la2. 2 Ma2ca2tí4 jnia'54 ca2le3jë3 a2'lig'54 o2guí'3 a2jmo5-dsáu5 dsa2 jë4 rë2'ma; tsá3 a2në5 i2nio4 jnia'54 quian'54 mai54 a2qui2jme2gán2 jnia'54 dsa2. On3 guë'2 jua'54 jmo2 jnia'54 caun2-tin3 jág1 jua'54 a2co2güin'4 jnia'54 jág1 dse3 quió'5 Diú4. Jág1 tí5 dsón'2 rë2jia3 jág1 bá4 jme2tín1 jnia'54 dsa2, ne4 Diú4, ia1jaun2 le3lí'4 të2dsí5 dsa2 a2dsau5 bá4 jág1 a2i2quian4 jnia'54.

† 3:11 griego: diakonía (ministerio).

³ Nē₁jua'₂ rē₂jlē₅ jág₁ dse₃ a₂l₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlín₅ dsí₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tág₃ si₂ a₂le₃ñí'₂ dsí₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. ⁵ Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'ē₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂tí₃ ta₁ ne'₅₄ 'nia'₂ ján₃ o₄quió'₄ Jesús. ⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: “Jui₁jnia₄ tág₅ jē₄ qui₁né'₃”.* Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁jaun₂ jág₃ i₂sián'₂ si₂ jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'éin₂

⁷ Ca₂le₃jě₃ a₂jlá'₁ a₂quen₅ 'ñio₅ lín₃ nē₅ nē₃, a₂quian₄ jnia'₅₄ a₂lág₅ lia'₂ lē₅ ca₂míg₂ ni₁tí'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂jás ja₁con₂ Diú₄ bá₄ jui₅bí₂ juē'₂ lín₃ nē₅, on₃jua'₅₄ a₂'niog'₂ jnia'₅₄ dsí₅ guio₅₄. ⁸ Le₂nē₅ nē₃, jui₁'a₂ guē₃ la₂ tē₁ja₂lé₂ o₂me'₅₄ dsí₅ jē₁chong₂ jnia'₅₄, la₁ tsá₃ lē₅ jua'₅₄ a₂tsá₃ dsian₅. Jui₁'e₂ guē₃ já₅ caun₂ jui₅bí₂ a₂'i₅ dsí₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsí₅. ⁹ Jui₁'e₂ guē₃ qui₂co₂'ein₅ dsa₂, la₁ tsá₃ guio₅₄ jnia'₅₄ tíong₂. Jui₁'e₂ guē₃ ca₂guiog'₃ dsa₂ 'uē₃, la₁ tsá₃ ca₂dsau₃ guē₄ jnia'₅₄. ¹⁰ Tē₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. ¹¹ Ia₁ tē₁lia'₂ chong₂ jnia'₅₄ la₂, le₂o₃ jmig₄ bá₄ go'₂ a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ nē₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ nē₃ tiong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rē₃'éng₂, jaun₂ bá₄ lē₃ ca₂juá'₃.”† Le₂nē₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuē₅ bí₂ a₂'éin₂, jaun₂ bá₄ lē₃ 'éin₂ jnia'₅₄, jaun₂ bá₄ lē₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₁rē₂joi₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jě₃ a₂ma₂ca₂lē₃ nē₅, ia₁ nē₁jua'₂ le₂jaun₂ juin₅ guē₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ juin₅ guē₄ dsa₂ lē₂ i₂cuē₃ tí₁'mag'₄ qui₂le₃juin'₂ Diú₄.

¹⁶ Jaun₂, o₁líg'₂ jmig₄ tsá₃ qui₂'uán₂ dsí₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ nē₃ caun₂ rē₂'mag'₄ bá₄ lia'₂ caun₂ jmig₄.‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rē₂nē₃, a₂ñi'₅₄ ta₁ dsí₃ñí₂, jmo₃

* 4:6 Génesis 1:3. † 4:13 Salmo 116:10. ‡ 4:16 lit. “Tsá₃ a₂léi'₂ jaun₂ caun₂ ma₂ne₁ca₂dsa₃ quió'₅ dsa₂ le₂co'₅₄; la₁ dsa₂ le₂né'₃ nē₃ caun₂ rē₂'mag'₄ bá₄ lia'₂ caun₂ jmig₄.”

a₂tě₃dsi₅₄ a₂léi₂ ŋag₅₄ guě₄ jnia'₅₄ ja₁jlá'₁ guě₄ 'ŋio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ ju₁lia'₂ a₂tsá₃ jniá₂. Ia₁ ca₂le₃jě₃ a₂jniá₂, tsá₃ uě₂jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jnio₄, jě₁ma₂ca₂dsau₃ ca₂'en₃ ni₁ŋi₁ jnio₄ la₂, a₂lě₅ co₂'nió'₄ caun₂ 'né₅ quián₂ tē₁lia'₂ chong₂ mi₂güig₃ la₂, la₁ Diú₄ ně₃ cuě₃ caun₂ ja₁'io₁ guei'₅₄ i₂juig₃ ja₁lě₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua'₅₄ a₂ca₂jmo₃ dsa₂ mi₂güig₃. ² Dsón'₂ bá₄ tē₁lia'₂ chong₂ jnio₄ jui₅ ni₁ŋi₅ la₂, ca₂le₃jě₃ chon₂ jnio₄ dsi₅, a₂'ín₅ dsi₅ dsi₁'io₁ 'né₅ quián₂ guei'₅₄ i₂juig₃, ³ ia₁jaun₂ jlě₂ quián₂ ně₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rě₂ŋag₅. ⁴ Tē₁lia'₂ chong₂ jnio₄ quian'₅₄ ni₁ŋi₁ la₂, ca₂le₃jě₃ chon₂ jnio₂ dsi₅ a₂le₁quian₁ o₂i₁ dsi₅. On₃jua'₅₄ a₂'niog₂ jnio₄ a₂tsá₃ 'e₂ qui'₄ jnio₄; a₂jaun₂ bá₄ 'niog₂ jnio₄ a₂lió₃ co₂ŋei'₅₄ ni₁ŋi₁ a₂jón₂ la₂, quian'₅₄ ni₁ŋi₁ 'm'₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂jnia₅₄ jnio₄ i₂ma₂cuin₃ Jme₂dsí₂ quián₅, a₂lě₅ léi₄ a₂jme₃ti₃ jág₁ quió'₅.

⁶ Le₂ně₅ jaun₂ le₁'ág₄ bá₄ caun₂ dsi₅ jnio₄ co₂tan₅₄, ia₁ ne₄ bá₄ jnio₄ jaun₂, tē₁lia'₂ chong₂ jui₅ ni₁ŋi₁ la₂, tsá₃ 'io₄ 'né₅ ja₁guá₄ Te₁gui'₅₄. ⁷ La₁ i₂nio₄ jnio₄ ca₂le₃jág₃ a₂jnia'₅₄ con'₂ 'éin₂ bá₄, on₃jua'₅₄ con'₂ a₂tě₅ ne₄ jnio₄. ⁸ La₁ caun₂ bá₄ le₁'ág₄ dsi₅, lág₂ jnio₄ 'e₂ guě₄ dse₃ jua'₅₄ ně₃ bá₄ 'uág₃ dsi₂néi₂ tsi₁'né₅ ni₁ŋi₁ la₂, a₂dsau'₅₄ dsi₁'io₁ quian'₅₄ Te₁gui'₅₄. ⁹ 'Uig₅₄ jaun₂, co₂tan₅₄ quen'₂ jnio₄ bí₂ jmo₂ a₂tě₅ dsi₅ Te₁gui'₅₄, tē₁lia'₂ chong₂ jui₅ ni₁ŋi₁ la₂, o₃ ně₁tsá₃ ma₂chong₂ 'e₂. ¹⁰ Ia₁ le₃jág₃ bá₄ jnio₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂t'ín₂, lia'₂ con'₂ lě₅ ca₂jmo₃ tē₁lia'₂ jme₁chain₂ jui₅ ni₁ŋi₁₂, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsi₅ dsa₂

¹¹ 'Uig₅₄ ně₅, ia₁ a₂ne₄ jnia'₅₄ a₂ŋi₄ lě₃ gau₂ lé₂ jě₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsi₅, gue₃ jág₁ dse₃. Jaun₂ ma₂ŋi₅ bá₄ Diú₄ 'a₂ lia'₂ lě₅ chong₂ jnia'₅₄; jaun₂ 'ín₂ dsi₃ jniá₂ a₂ŋi'₅₄ bá₄ 'nia'₂ tē₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rě₂ guio₅₄. Jnia'₅₄ lia'₂ cuě₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ŋi'₅₄ 'nia'₂ 'a₂ lia'₂ ŋag'₅₄ ne₄ ju₁lia'₂ dsa₂ i₂'nio₃ dsia₃ jág₁ tá'₅, i₂jnia'₅₄ dse₃ le₁'ág₄ o₁ne₁, on₃jua'₅₄ rě'₂ a₂dsi₂jó'₃ le₁jě₃ jme₂dsi₂ quió'₅. ¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ ŋá₅, lě₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ ŋá₅ ně₃, a₂dse₃ quián'₂ 'nia'₂ bá₄ jaun₂. ¹⁴ Ia₁

a₂ŋ₁á₄ lē₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme'₁nió₄ dsa₂ mi₂güí₃ rin'₅₄ jui₁lia'₂ ca₂rē₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jín₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jín₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guoin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jin₄ jnia'₅₄ nē₃ tē₂le₃ ne₄ jui₅ lia'₂ con'₂ lē₅ jág₂ dsa₂ mi₂güí₃. Jui₁'e₂ guē₃ le₂jníá₅ jme₁jin₄ jnia'₅₄ Cristo lia'₂ con'₂ lē₅ jág₂ dsa₂ mi₂güí₃, tsá₃ ma₃le₂jaun₂ jin₄ jnia'₅₄ 'éi₂. ¹⁷ Jaun₂ le₂nē₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jē₃ 'a₂ lia'₂ jme₁lē₄ le₂jníá₅, ca₂ŋ₁á₄ jaun₂. ¡Ma₂ca₂rē₃'mag'₄ bá₄ ca₂le₃jē₃!

¹⁸ Ca₂le₃jē₃ a₂nē₅, le₂nē₅ ma₂jmo₃ Diú₄ 'ŋiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ nē₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄. ¹⁹ Co₂'nió'₄ le₃jua'₅₄, tē₂le₃ quian'₅₄ Cristo bá₄ jme₁'ag₅ Diú₄ caun₂ jág₁ quian'₅₄ dsa₂ mi₂güí₃. Tē₂le₃ quian'₅₄ Cristo bá₄, jín₂ Diú₄ dsa₂ co₂'nió'₄ a₂tsá₃ ma₃'e₂ dso₄ rē₂cán'₄ dsa₂. Jaun₂ tē₂le₃ quian'₅₄ Cristo bá₄ ma₂dsia₃ gu₂ jnia'₅₄ nē₃ a₂qui₁'é₄ jnia'₅₄ dsa₂ jág₁ dse₃ la₂, ia₁jaun₂ le₃ŋi₅ a₂tsá₃ ma₃mi'₅₄ cha₂ quian'₅₄ Diú₄. ²⁰ Jaun₂ le₂nē₅ bá₄ lē₅ 'a₂ lia'₂ tē₂i₂nio₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ŋiog₅ bá₄ Diú₄ chi₂lén'₂ dsa₂ tē₂le₃ quian'₅₄ jnia'₅₄. Jaun₂ jnia'₅₄ nē₃, chi₂lén'₄ jnia'₅₄ 'nia'₂ * quian'₅₄ jág₁ 'éi'₃ quió'₅ Cristo: “'Éi₂ 'nia'₂ caun₂ jág₁ quian'₅₄ Diú₄.” ²¹ 'Icaun₂ dso₄ tsá₃ 'e₂ ca₂'náu₂ Cristo; la₁ 'uig₅₄ dsáu₁ jniog₄ bá₄ nē₃, ca₂'ē'₃ Diú₄ uig₅ 'éi₂ nē₂jag₄ bá₄ a₂rē₂cáin'₄ dso₄, ia₁jaun₂ jniog₄ nē₃ jē₁ma₂ca₂rē₃quian'₅₄ Cristo, 'ē₂ Diú₄ jág₁ a₂tsá₃ 'e₂ dso₄ rē₂cáu'₄.

6

¹ Jaun₂ le₂nē₅, jnia'₅₄ dsa₂ i₂jmo₂ ta₁ co₂lē₅ quian'₅₄ Te₁gui'₅₄, chi₂lén'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂ juá'₂ Diú₄ ne₄ Si₂: Ca₂rē₃chá₃ bá₄ jmig₄ a₂ca₂jmo₃ 'ua₁ dsí₃, ca₂nag₃ jág₁ quián'₂ 'nia'₂; jmig₄ a₂jme₁cuin₅ jmig₄ líón'₂ 'nia'₂ jme₁ca₂jme₁'o₁ jniá₂. *

Jaun₂ rē₂nē₃ bá₄ 'ē₂₃, cuin₅ jmig₄ a₂jmo₅ Diú₄ 'ua₁ dsí₅. Rē₂nē₃ bá₄ ján₃ cuin₅ jmig₄ a₂líón₂ dsa₂.

³ 'Icaun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tē₂le₃ 'niog₂ jnia'₅₄ cuē₅₄

* 5:20 o₃, “chi₂lén'₄ jnia'₅₄ dsa₂.”

* 6:2 Isaías 49:8. † 6:3 griego: diakonía (ministerio).

léi₄ jē₄ ca₂le₃jē₃, a₂lág₅ tē₃dsón'₂ dsa₂ i₂jme₂ti₃ ta₁ ne₄ Diú₄: jē₄ a₂jmo₂ jnia'₅₄ tió'₅ dsi₅; jē₄ jm₁uig₅ a₂ḡag₄ jnia'₅₄ jē₄ jme₁dsi₂ḡag₂ jnia'₅₄, a₂tsá₃ a₂ne₄ jnia'₅₄ jmó₁; jē₄ o₂i₁ dsi₅; ⁵ jē₄ qui₂bóg₂ dsa₂; jē₄ qui₂to'₂ dsa₂ né'₃ 'má₃; jē₄ mī'₅₄; jē₄ ta₁ 'ua'₂; jē₄ tsá₃ guag₂ jnia'₅₄; jē₄ jme₁'in₂ a₂que₅₄ jnia'₅₄; ⁶ jē₄ a₂le₁jē₃ jme₂dsi₂ quián₂ jnia'₅₄ ně₃; jē₄ jme₂juín'₁ dsi₅ ja₁con₂ rin'₅₄; jē₄ a₂'ua₁ dsi₅ jnia'₅₄; jē₄ a₂quiong'₅₄ Jme₂dsi₂ Jḡió₅; jē₄ a₂'nio₃ jnia'₅₄ rin'₅₄ tē₃dsón'₂; ⁷ jē₄ quian'₅₄ jág₁ dsau₅ tē₃dsón'₂; jē₄ quian'₅₄ ju₁ibí₂ quió'₅ Diú₄; jē₄ quian'₅₄ ju₁is co₂dsau₅ a₂tsá₃ 'e₂ rē₂cáu'₄, quian'₅₄ a₂nē₅ lion₄ jnia'₅₄ co₂'nió'₄ ḡí₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ ně₃; ⁸ tē₂le₃ quian'₅₄ a₂jme₂juag'₂ dsa₂; tē₂le₃ quian'₅₄ a₂chei'₂ dsa₂ 'lig'₅₄; tē₂le₃ quian'₅₄ jág₁ 'lig'₅₄ a₂qui₂'ag₅ dsa₂; tē₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ ju₁'a₂ guē₃ la₂ quiong₅ dsa₂ jnia'₅₄ i₂tē₂jín₁; ⁹ ně₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rē₂; ně₂jag₄ bá₄ a₂ma₂i₁dsióg₃ jnia'₅₄, la₁ j₂jag₄! lia'₂ chong₂ jaun₂ bá₄ jnia'₅₄; qui₂j₂móg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui'₂ dsi₅, ¹⁰ la₁ i₂gú'₃ bá₄ chong₂ jnia'₅₄ o₂'ḡió₃ dsi₅; co₂'nió'₄ i₂tē₂ḡé₂, la₁ jmo₂ jnia'₅₄ a₂le₃chan₂ dse₃ ju₁n₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jē₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂nē₂jua'₅₄ jnia'₅₄ rē₂jiá₃ jág₁, ně₂jag₄ bá₄ a₂ma₂rē₂nia₅₄ jnia'₅₄ tē₂dsi₅ ja₁con'₂ 'nia'₂. ¹² 'I₁caun₂ tsá₃ 'e₂ jnág₅ ma₂j₂mó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo'₂ qui₂nió₅ tē₂'au'₂, jag'₅₄ jnia'₅₄. ¹³ 'Nia'₂ ně₃, jein'₅₄ 'au'₂ tē₂le₃ ja₁con₂ jnia'₅₄: jaun₂ ně₃ chi₂len'₄ jnia'₅₄ 'nia'₂ ně₂jag₄ bá₄ co₂'nió'₄ ḡéi'₅ 'nia'₂ a₂na'₅₄ 'nia'₂ tē₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tē₃dsón'₂

¹⁴ Tsá₃ i₁'nio'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₁jua'₂ le₂jaun₂ ně₃, dsi₁'nó'₅ 'nia'₂ léng'₂ ju₁lia'₂ on₃ dsi₂ca₁ju₁is i₂quia'₂ 'uē₃, i₂tsá₃ co₂rin₂.[‡] Ia₁ tsá₃ a₁jaun₂ quin₃ dsí₅ dsa₂ i₂quian₅ ju₁is dse₃ quian'₅₄ dsa₂ i₂quian₅ ju₁is 'lig'₅₄. Ján₃ guē'₂ le₂jaun₂, o₁líg'₂ jmig₄ tsá₃ lé₂ le₃jen'₂ ja₁tág₅ quian'₅₄ ju₁lia'₂ ja₁qui₁né'₃ táng₃. ¹⁵ ¿O₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sē₃dsen₃ táng₃? O₃, ¿'e₂ bá₄ quen'₅₄ ju₁lia'₂ jan₂ dsa₂ 'én₂ quiaín'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lé₅ ju₁lia'₂ ca₂juá'₂ Diú₄ 'ḡiog₅:

Gua₅₄ ḡi₅₄ quiang'₅₄ dsa₂.

Jniá₂ bá₄ léng₂ Diú₄ quiáin₅.

Dsa₂ 'éi₂ guē'₂ léin₂ dsa₂ juig₂ quiáng₃. §

¹⁷ Jaun₂ lē₃:

Co₂dsia₅ 'uin'₂ 'nia'₂ jē₄ quió'₅ diú₄ lag₄ 'éi₂;

‡ 6:14 'Nio'₂ ja₁ton₅, Deuteronomio 22:10. § 6:16 Levítico 26:12; Jeremías 32:38; Ezequiel 37:27.

con² nau² 'nia'², juá'² Te₁gui'⁵⁴;
 Tsá₃ qui²tí'⁵ 'nia'² gog'² a₂tsá₃ le₁jě₃.
 Jaun² bá₄ guen'⁴ jniá'² 'nia'²,*
 18 jaun² jan² jniá'² bá₄ léng² nēi'⁵ 'nia'²,
 jaun² 'nia'² guē'² léng'² chi'²-guein² quiáng³.
 juá'² Te₁gui'⁵⁴ i₂'uan'² guě⁴ lin³.†

7

1 Le₂ně⁵ bá₄, rin'⁵⁴ jniog⁴, 'uig⁵⁴ ia₁ a₂ron⁵ jág₁ a₂cuě₁
 quió'⁵ Diú₄ ja₁con² jniog⁴, jaun² ca₂tág² jniog⁴ chi⁵⁴ quián²
 ca₂le₃jě₃ a₂'lig'⁵⁴ a₂lé² le₃'iog⁵ jme₂dsí² quián², le₂jaun² ni₁η₁ ně₃.
 Ju₁le₂chong² bá₄ co₂ηei'⁵⁴ dsa₂ i₂lě⁵ 'í₁ i₂jme₂gan³ Diú₄.

'A₂ lia'² ca₂rě₃tsín³ dsí⁵ dsa₂ Corintios, ca₂can³ táng³ jui⁵ dse₃

2 Jmo⁴ 'nia'² 'au'² a₂jag'⁵⁴ dse₃ jnia'⁵⁴. Ia₁ tsá₃ 'e₂ 'lig'⁵⁴ ma₂jma'⁵⁴
 'i₁jan'² 'nia'², on³ guē'² 'e₂ jág₁ ga₂ ma₂chéi² jnia'⁵⁴ 'i₁jan², on³
 guē'² jua'⁵⁴ ma₂ca₂jme₁gan⁵ jnia'⁵⁴ 'i₁jan'² 'nia'² ně₃. 3 On³ jua'⁵⁴
 a₂juá'⁵ jniá'² ia₁ a₂bong'⁵⁴ 'nia'² dso⁴. Lia'² ma₂juá'⁵ jaun² bá₄
 jniá'², jing⁵⁴ 'nia'² ca₂le₃jě₃ dsi₃, a₂'nió³ jniá'² 'nia'². Caun² bá₄ 'ei⁵
 dsi₃ chang² co₂lě⁵ quiang'⁵⁴ 'nia'², o₃ dsió³ co₂lě⁵ 'e₂. 4 Caun²
 bá₄ 'ei⁵ dsi₃ jing⁵⁴ 'nia'², 'ηio⁵ jmo⁵ jniá'² táng'⁵ o₄quián'² 'nia'².
 Rě² 'ηia⁵ a₂lián'² dsi₃, lia'² rě₂tsón² a₂'io'² jéin² jniá'², jě₄ ca₂le₃jě₃
 o₂i₁ dsi⁵ a₂chong² jnia'⁵⁴.

5 Ia₁ lia'² con'² jme₁o₃náu⁵ jnia'⁵⁴ 'uě₃ Macedonia la₂, tsá₃
 ma₂ca₂rě₃jag⁵⁴ 'i₁ca₂juig⁴, ia₁ o₂me'⁵⁴ dsi⁵ bá₄ ma₂ca₂rě₃chá₃
 le₂con² tē₂le₃ la₂: mi'⁵⁴ bá₄ ca₂já₃ le₃lág'³ ja₁tio'⁵⁴ jnia'⁵⁴, ca₂le₃jě₃
 ca₂'í₃ gó'⁵ dsi⁵ jnia'⁵⁴. 6 La₁ Diú₄ i₂j móg'⁵ táng³ dsi⁵ dsa₂ i₂'lia'²
 dsí⁵, ca₂j móg'³ bá₄ táng³ dsi⁵ jnia'⁵⁴ jme₁ca₂guan³ Tito, 7 ton'² 'éi²
 'ηiog⁵ guē'² ně₃, 'ηio⁵ lin³ 'ei⁵ dsí⁵ o₄quián'² 'nia'². 'Éi² bá₄ dsia⁵ ně₃
 tság⁵ jnia'⁵⁴, 'ηio⁵ 'ín⁵ 'au'² jag'⁵⁴ jniá'². Dsia₂₃ a₂qui'² 'au'². Dsia₂₃
 ján³ a₂tion'⁵⁴ 'nia'² dsen⁵⁴ 'au'² o₄quió³ jniá'². Jaun² bá₄ tē₂le₃ lě⁵
 guě⁴ 'io'² jéin⁵ jme₁ca₂rě₃guion⁵⁴.

8 Tsá₃ a₂nag⁵⁴ ca₂tión'² 'nia'² co₂'na₂ qui'² 'au'² quian'⁵⁴
 si₂ carta a₂ca₂tsíng²; la₁ tsá₃ dsi₂quén'⁵ dsi₃ rě₂ně₃. Dsón'²
 bá₄ ca₂dsi₃quén'⁵ dsi₃ co₂'na₂ le₂ηiá⁵ ján³ jme₁ca₂rě₃guion⁵⁴
 o₄quió'⁴ si₂ jaun², ca₂tión'² 'nia'² qui'² 'au'² co₂'na₂. 9 Jaun² ně₃
 'io'² jéin⁵ bá₄ rě₂ně₃, on³ jua'⁵⁴ ia₁ a₂ca₂tión'² 'nia'² qui'² 'au'²
 jaun²; a₂jaun² bá₄ ia₁ a₂ca₂rě₃tsín³ bá₄ 'au'² 'nia'² ia₁ a₂ca₂tión'²
 'nia'² qui'² 'au'². Ca₂quian'² 'nia'² o₂i₁ dsi⁵ lia'² tē₅ dsí⁵ Diú₄. Jaun²
 tsá₃ le₃jua'⁵⁴ a₂ca₂jma'⁵⁴ jnia'⁵⁴ dain⁵⁴ 'nia'². 10 Ia₁ jui₁lia'² a₂qui'²
 dsí⁵ dsa₂ 'a₂ con'² 'nio³ Diú₄, a₂jaun² bá₄ jmo⁵ a₂rě₂tsín³ dsí⁵ dsa₂,
 a₂jio⁵ jui⁵ a₂lión² dsa₂. Jaun² tsá₃ cha₂ 'e₂ lě₃ jua'⁵⁴ dsi₁quén'⁵
 dsí⁵ dsa₂. La₁ia₁ jui₁lia'² a₂qui'² dsí⁵ dsa₂ lia'² con'² lě₅ a₂qui'²

* 6:17 Isaías 52:11; Ezequiel 20:34-41. † 6:18 2 Samuel 7:14.

dsí₅ dsa₂ mi₂güí₃ ně₃, a₂jaun₂ bá₄ jiog₅ jui₅ 'mú₃. ¹¹ Jag₄ 'nia'₂ jaun₂, a₂la₂ bá₄ a₂tē₁dsi₅₄ quián'₂ 'nia'₂, ia₁ ca₂tió_n'₂ 'nia'₂ qui'₂ 'au'₂ jaun₂ lia'₂ con'₂ 'ñio₂ dsí₅ Diú₄: 'e₁ bá₄ chi₂quian'₁ 'nia'₂ jmig₄; 'e₁ bá₄ dsan₂ 'au'₂ jme₁rè'₂ a₂jaun₂ jē₄ quián'₂ 'nia'₂; 'e₁ bá₄ ca₂i₃mé'₂ 'au'₂ ne₄ dso₄ jaun₂; 'e₁ bá₄ ca₂já₃ gó'₅ 'au'₂ 'nia'₂; 'e₁ bá₄ 'ín₅ 'au'₂ 'nia'₂ guē₄ lin₃; 'e₁ bá₄ dsen₅₄ 'au'₂ 'nia'₂ a₂jme₁'ē'₄ 'nia'₂ uig₅ ně₃. Jē₄ ca₂le₃jě₃ a₂ně₅ ma₂cuē'₅₄ bá₄ 'nia'₂ léi₄ a₂tsá₃ dso₄ rin'₂ 'nia'₂ a₂ca₂lē₃ le₂jaun₂. ¹² Lia'₂ con'₂ ca₂tsíng₂ si₂ carta jaun₂, on₃jua'₅₄ jaun₂ ca₂tsíng₂ o₄quió'₄ i₂ca₂jmo₃ 'lig'₅₄, on₃guē'₂ o₄quió'₄ i₂ca₂i₃ñí₂ ně₃. A₂jaun₂ bá₄ ca₂tsíng₂ ia₁jaun₂ le₂len'₄ 'nia'₂ tē₂le₃ ne₄ Diú₄ a₂dsan₂ 'au'₂ o₄quián₂ jnia'₅₄. ¹³ 'Uig₅₄ jaun₂, 'io'₂ jein₂ bá₄ jnia'₅₄ ně₃, cha₂ lián'₂ dsi₅.

La₁ 'ñio₅ lin₃ guē₄ 'io'₂ jmo₂ jnia'₅₄ jme₁guan₃ Tito, 'ei₅ dse₃ dsí₅ quion₂ jág₁ ia₁ ca₂le₃jín'₃ bá₄ 'nia'₂ ca₂jme₁'oin'₁, ca₂jmog'₅₄ dsí₅ tē₂lia'₂ ca₂i₁'i₅ quian'₅₄ 'nia'₂. ¹⁴ Jaun₂ tsá₃ jua'₅₄ a₂lē₁ca₂juíg₂ jág₁ tá'₅ jme₁ca₂juíg₂ 'io'₂ jéin₅ o₄quián'₂ 'nia'₂. Tsá₃ o₂gui'₃ chén'₅ jniá₂. Ia₁ le₂ně₅ bá₄ jui₁lia'₂ dsau₅ ca₂le₃jě₃ jág₁ a₂ma₂ca₂chéi₂ jnia'₅₄ 'nia'₂, ján₃ bá₄ le₂jaun₂ ca₂le₃jě₃ jág₁ a₂ca₂chei₅₄ jnia'₅₄ Tito 'a₂ lia'₂ lē₅ tion'₅₄ 'nia'₂, ca₂rě₃ti₃ bá₄ lia'₂ lē₅ jaun₂. ¹⁵ Jaun₂ ně₃, tē₂le₃ 'ñio₅ lin₃ guē₄ 'nioi₃ 'nia'₂ ia₁ juá'₂ ca₂jmo'₅₄ bá₄ 'nia'₂ ca₂le₃jě₃ 'e₂ ca₂mi₃, ca₂jmo'₅₄ bá₄ 'nia'₂ 'ua₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃. ¹⁶ Jaun₂ tē₅ bá₄ dsi₃; caun₂ bá₄ 'ei₅ dsi₃ quian'₅₄ 'nia'₂.

8

A₂cuē₃ dsa₂ 'e₂ cuē₃ 'a₂ con'₂ 'ñio₂ dsí₅

¹ Ně₃ ně₃, rin'₅₄ jniog₄, 'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ ma₂ca₂rě₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uē₃ Macedonia la₂.

² Jui₁'a₂ guē₃ la₂ ma₂ja₂lén₂ quian₅ o₂i₁ dsi₅, tsá₃ caun₂ táu₂ dsi₂ñí₂, la₁ dse₃ bá₄ chain₂ tei₄ bá₄ le₁'ág₄ dsí₅. Jui₁'e₂ guē₃ la₂ te₂ñéi₂ chain₂, la₁ tson₂ guē₄ a₂ma₂cuē₃ con'₂ 'ñio₂ dsí₅ con'₂ guē₄ dsa₂ i₂cha₂ quió'₅. ³ Jniá₂ jáng'₅ jág₁ dsau₅, a₂tě₃dsón'₂ bá₄ ma₂cuē₃ 'a₂ con'₂ tió'₅, tē₂le₃ lē₅ guē₄ ma₂cuē₃ 'a₂ con'₂ cha₂ quió'₅, ia₁ a₂'ñio₂ dsí₅. ⁴ Ca₂tság₃ jnia'₅₄ tion₅₄-jan₃, a₂cuē₅₄ jnia'₅₄ jmig₄ a₂quein'₅₄ quian'₅₄ jnia'₅₄ ta₁ dse₃ a₂jme₁'on₁₂ dsa₂ quián₅ Diú₄. ⁵ Tē₂le₃ lē₅ guē₄ ca₂cuē₃ bá₄ lia'₂ con'₂ guē₄ jme₁lág₂ jnia'₅₄. Jñiá₅ de'₂ o₄gú₃ Te₁gui'₅₄ ca₂dsia₃, jaun₂ guē₄ ca₂dsia₃ ne₄ jnia'₅₄, lia'₂ con'₂ 'nio₃ Diú₄. ⁶ Jaun₂ ma₂chi₁ca₂len'₄ jnia'₅₄ Tito jaun₂ jmo₃ dse₃ dsí₅ a₂jme₃'ñiai₂₃ ta₁ dse₃ ně₅ jin'₄ 'nia'₂ 'uig₅₄ a₂ma₂'ei₅ le₂jñiá₅ 'a₂ con'₂ ca₂lē₃ 'au'₂ 'nia'₂ jme₁'o₁'. ⁷ Ia₁ jui₁lia'₂ ma₂dsi₂jñiá'₄ 'nia'₂ jē₄ le₂jě₃: a₂'én'₂ 'nia'₂, a₂'ñia'₂ 'nia'₂

* 8:4 lit. "dsa₂jñi₅."

jág₁ dse₃, a₂η₁'₂ 'au'₂ 'nia'₂, a₂dsen₅₄ 'au'₂, a₂'nióg'₃ jnia'₅₄ ně₃; ján₃ bá₄ le₂ně₅ ca₂tín'₂ 'nia'₂ ds_{i3}jñiá'₄ quian'₅₄ a₂la₂, a₂jmo'₂ 'ua'₁ 'au'₂.

⁸ Tsá₃ o₁len'₂ 'nia'₂ jua'₅₄ a₂jmo₅ jniá₂ 'éi'₃ ja₁con'₂ 'nia'₂. Jñia'₅₄ lia'₂ 'nio₃ jniá₂ cáun₄ 'í₁ tē₂le₃ quian'₅₄ a₂dsen₅₄ ds_{i5} i₂sián'₂ chi₂jua'₂ dsón'₂ bá₄ 'nióg'₃ ríng'₂ ján₃. ⁹ Ia₁ ma₂η₁'₅₄ bá₄ 'nia'₂ 'a₂ lia'₂ 'ua₁ ds_{i5} Te₁gui'₅₄ Jesucristo quián₂. O₄quió'₄ a₂'nio₃ 'nia'₂, ca₂η₁₃ te₂ηéi₂, o₁jñia'₅₄ la₂ jme₁chain₂ dse₃, ia₁jaun₂ le₃chan'₂ 'nia'₂ dse₃ tē₂le₃ quian'₅₄ jui₅ te₂ηé₂ a₂ca₂can₃ 'éi₂.

¹⁰ Cuē₅ jniá₂ jág₁ dse₃ a₂juíg₂ 'nia'₂, jui₁lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ca₂jme₁lióg'₄ ma₂ca₂η₁₂, a₂ca₂jme₁'o'₁ 'nia'₂, a₂'ηio₂ 'au'₂ 'nia'₂ ně₃. ¹¹ jaun₂ ně₃ ně₃, jme₁'ηia₅ 'nia'₂ ta₁ jaun₂ a₂ca₂jme₁lióg'₂, ia₁jaun₂ le₃ti₃ a₂'ηio₂ 'au'₂ 'nia'₂ jaun₂, lia'₂ con'₂ lě₅ cha₂ quián'₂ 'nia'₂. ¹² Ia₁ jui₁lia'₂ a₂cuē₅ dsa₂ a₂'ηio₂ ds_{i5} tē₃dsón'₂ 'e₂ 'nio₃ cuē'₃ Diú₄, a₂le₂jaun₂ bá₄ gue₅ Diú₄ 'ηio₂ ds_{i5}, lia'₂ con'₂ lě₅ a₂cha₂ quió'₅ dsa₂, on₃jua'₅₄ lia'₂ con'₂ lě₅ a₂tsá₃ cha₂ quió'₅.

¹³ On₃jua'₅₄ a₂jaun₂ guē'₂ juá'₅ jniá₂ ia₁jaun₂ tón'₃ dsa₂ 'éi₂ a₂rē₂tsón₂ ηag₅₄ quió'₅, ton'₂ tē₂le₃ ja₁con'₂ 'nia'₂ guiong'₅₄ guē'₂ ně₃ tsá₃ cha₂ lé₂. ¹⁴ Tē₂le₃ ia₁jaun₂ dsióg₄ co₂rē₂ bá₄ lě₅ chan₂ dsa₂, 'nia'₂ cuē'₂ 'e₂ niog₅ tsá₃ tín'₂ quió'₅ ríng'₂ jmig₄ ně₃; jui₁la₂ 'ióg₃ guē'₂, 'éi₂ guē'₂ ma₂tión₂ jme₃'o₅₄ cuē'₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂ně₅ bá₄ dsióg₄ co₂rē₂ bá₄ lě₅ chan₂ dsa₂. ¹⁵ Jaun₂ le₂ti₃ jui₁lia'₂ juá'₂ ne₄ Si₂ quió'₅ Diú₄: "I₂ca₂ro'₂ 'lióng₂ tsá₃ 'e₂ jua'₅₄ a₂ca₂chóng₃ quió'₅; le₂jaun₂ guē'₂ le₃ja₁con₂ i₂ca₂ro'₂ me'₂, tsá₃ 'e₂ ca₂lě₃ jua'₅₄ a₂tsá₃ ca₂tín'₂ quió'₅."†

Tito quiain'₅₄ rin'₅₄

¹⁶ Ti₁'mag'₄ Diú₄ ca₂jmo₃ a₂ca₂lě₃ ds_{i5} Tito a₂ca₂'i₃ ds_{i5} 'nia'₂ 'ηio₅ lin₃, jui₁lia'₂ 'i₅ ds_{i3} jniá₂. ¹⁷ Ia₁ ds_{i2}jui₅ bá₄ ca₂gue₃ jme₁ca₂chéi₂ jnia'₅₄ dsó₃, ton'₂ ia₁ dsan₂ bá₄ ds_{i5} 'éi₂ 'ηiog₅ a₂dsó₃ ds_{i3}jñi₅₄ 'nia'₂ a₂'ηio₂ ds_{i5}.

¹⁸ Jan₂ rin'₅₄ jniog₄ i₂'ei₅ jág₁ dse₃ quió'₅ le₂con₂ guá'₅ Macedo₂nia la₂, 'éi₂ chen₅₄ jnia'₅₄ dsó₃ co₂lě₅ quiain'₅₄ Tito. ¹⁹ Rin'₅₄ i₂'ín₅ jnia'₅₄ ně₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nio₁ jmó₁ ta₁ dse₃ a₂jme₁'on₁ jnia'₅₄ rin'₅₄ ia₁jaun₂ le₃juin'₂ Te₁gui'₅₄, ton'₂ ia₁jaun₂ léi₄ a₂dsen₅₄ ds_{i5} jnia'₅₄ a₂jme₁'on₁ rin'₅₄.‡ ²⁰ Tsá₃ 'niog₂ jnia'₅₄ jua'₅₄ a₂chi₂'ag₃ dsa₂ o₄quió'₄ cu₄ a₂rē₂tsón₂ jaun₂ a₂niog₅ o₄gu₂ jnia'₅₄. ²¹ 'Niog₂ jnia'₅₄ jmó₁ a₂le₁jě₃ jme₂dsi₂ quián₂ tē₃ne₄ dsa₂ lia'₂ quian'₅₄ tē₃ne₄ Te₁gui'₅₄ ně₃.

²² Já₃ guē'₂ chen₅₄ jnia'₅₄ jan₂ rin'₅₄ sián'₂ i₂ma₂cuē₃ léi₄ a₂dsen₅₄ ds_{i5} 'ηio₅ lin₃. La₁ ně₃ ně₃ 'ηio₅ lin₃ guē'₄ jmo₂₃ a₂dsen₅₄

† 8:15 Éxodo 16:18. ‡ 8:19 A₂lin₅₄ chog₅₄ si₂: "a₂dsen₅₄ 'au'₂ 'nia'₂ a₂jme₁'ong'₁ ríng'₂."

dsí₅ ia₁ a₂η₄ lē₃ caun₂ 'ei₅ dsí₅ o₄quián' ₂ 'nia' ₂. ²³ Tito ně₃, lín₅ jan₂ ríng' ₃ i₂jmo₅ ta₁ co₂lē₅ quian' ₅₄ jniá₂ a₂jme₂ti₃ ta₁ ne' ₅₄ 'nia' ₂. Rin' ₅₄ jniog₄ i₂quian' ₅₄ ně₃, i₂chen₄ quián₅ guá' ₅ i₂i₂nio₄ cuē₂₃ léi₄ a₂lán' ₁ Cristo. ²⁴ Jaun₂ ně₃, jme₁jnia₅ ne₄ dsa₂ ně₅, lia' ₂ le₃ne₄ ca₂le₃jín₃ guá' ₅ ně₃, qui₁jang' ₅₄ 'nia' ₂ léi₄ a₂dsón' ₂ 'nióg' ₃ 'nia' ₂ dsa₂ 'én₂ ríng' ₂, qui₁jang' ₅₄ léi₄ ján₃, 'e₂ 'uig₅₄ a₂η₄ lē₃ dsia₂ jnia' ₅₄ jág₁ tá' ₅ 'ín₅ 'nia' ₂.

9

A₂cág' ₃ dsa₂ cu₄ a₂jme₃'oin₅₄ rin' ₅₄ ja₁siá' ₂

¹ Jui₁lia' ₂ cu₄ a₂jme₂'on' ₅₄ 'nia' ₂ dsa₂ 'én₂ rin' ₅₄, * tsá₃ ma₃tion₅₄ jua' ₅₄ a₂qui₂juá' ₄ guē₄ ne₄ si₂. ² Ia₁ ma₂guion₅₄ bá₄ a₂le₁'ág₄ 'au' ₂ 'nia' ₂ a₂jme₁'o' ₁; o₄quió' ₄ a₂nē₅ jmo₅ jniá₂ táng' ₅ jin₄ dsa₂ chan₂ 'uē₃ Macedonia. Ia₁ ma₂ca₂η₂ bá₄ jme₁ma₂chan₂ co₂jnia₅₄ dsa₂ chan₂ 'uē₃ Acaya, ton' ₂ mei' ₂ tsá₃ ca₂le₃jín₃ bá₄ ca₂lē₃ dsí₅ jme₃'o₅₄ o₄quió' ₄ a₂dsen₅₄ 'au' ₂ 'nia' ₂ jaun₂. ³ Ia₁jaun₂ tsá₃ lē₅ jua' ₅₄ a₂lē₁ca₂cuē₃ jág₁ tá' ₅ quió₃, jaun₂ tsíng₂ rin' ₅₄ la₂ dsí₃jág₂ ia₁ jág₁ jaun₂ ma₂lē₅, ma₂tió₂' ₂ 'nia' ₂ co₂jnia₅₄. ⁴ Ia₁ con' ₂ tsá₃ ηó₅ ně₁ca₂i₃lén₂ i₂lin₅₄ rin' ₅₄ i₂chan₂ Macedonia quian' ₅₄ jniá₂, jaun₂ tsá₃ lé₂ jua' ₅₄ caun₂ dé₄ o₂guí' ₃ tsá₃ co₂jnia' ₅₄ 'nia' ₂ chang' ₂ jē₁ma₂ca₂dsi₃náu₅ jnia' ₅₄. Le₂jio₅ jniá₂ chéng' ₅ 'lig' ₅₄ (le₂jaun₂ 'nia' ₂ táng₃) ia₁ ma₂juíg₂ jniá₂ dsa₂ 'ηio₅ dsen' ₃ 'nia' ₂. ⁵ 'Uig₅₄ ně₅ ma₂mi₃ jniá₂ ja₁con₂ rin' ₅₄ jniog₂, ia₁ 'nió' ₅ bá₄ líng₂, ia₁jaun₂ dsí₃lén₂ dsí₃jín₅₄ 'nia' ₂ ia₁jaun₂ jme₃'o₅₄ guē₄ rin' ₅₄ cu₄, jág₁ a₂ma₂cuē' ₅₄ 'nia' ₂ quiáng' ₂ le₂jniá₅ a₂cuē' ₁, ia₁jaun₂ ma₂lē₅ co₂jnia₅₄ 'a₂ con' ₂ lē₅ 'ηio₂ 'au' ₂ 'nia' ₂, on₃ja' ₅₄ ia₁ a₂chi₁quiong₅₄ jnia' ₅₄ jmig₄.

⁶ Dsá₂ 'au' ₂ 'nia' ₂ jmo₄, jág₁ a₂juá' ₄ la₂: jui₁lia' ₂ dsa₂ i₂jne₅ me' ₂, me' ₂ bá₄ a₂ráu₃ quió' ₅; jui₁lia' ₂ dsa₂ i₂jne₅ 'lióng₂ guē' ₂ ně₃, ján₃ bá₄ 'lióng₂ ráu₃ quió' ₅. ⁷ Le₂jan₂ le₂jan₂ bá₄ ca₂tín₂ cuē₃ 'a₂ con' ₂ ma₂ca₂lē₃ dsí₅ cuē₃, tsá₃ ca₂tín₂ dsa₂ cuē₃ jua' ₅₄ a₂ma₂dsi₂mé' ₃ dsí₅, on₃ guē' ₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmig₄ tion₅₄. Ia₁ Diú₄ 'nioi₃ dsa₂ i₂cuē₅ a₂'io' ₂ jén' ₅. ⁸ Diú₄ bá₄ i₂qui' ₅₄ jmig₄ jme₃gu' ₅₄ 'nia' ₂ 'ηio₅ lin₃ ca₂lia' ₂ qui₂rē₂tsón₂ quián' ₂ 'nia' ₂, ia₁jaun₂ le₃cha₂ ca₂le₃jě₃ a₂'nió' ₅ quián' ₂ 'nia' ₂, ia₁jaun₂ rē₂tsón₂ lé₂ le₃jme₁'on' ₁ 'nia' ₂ ríng' ₂ ca₂le₃jě₃ jmig₄, quian' ₅₄ ca₂le₃jě₃ ne₅₄ ta₁ dse₃. ⁹ Jaun₂ le₃ti₃ a₂juá' ₂ ne₄ Si₂:
Jui₁lia' ₂ dsa₂ i₂jmo₅ dsíog₁,

cuē₂₃, jme₁'oin₅₄ dsa₂ i₂te₂ηé₂,

lia' ₂ co₂tan₅₄ bá₄ dsiog' ₂ dsí₅ dsa₂

ca₂le₃jě₃ ne₅₄ a₂dse₃ a₂'ua₁ dsí₅ ca₂jmo₃.†

* 9:1 lit. "dsa₂jnió₅." † 9:9 Salmo 112:9.

10 N_{10g5} bá₄ Diú₄ ca₂cuë₃ jon₂ a₂ca_{2i3}jnia₄; ca₂jmo₃ ca₂rau₂ a₂quë'₅₄ 'nia'₂, ton'₂ jmo₃ ján₃ le₃cha₂ ca₂le₃jě₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jě₃ 'e₂ a₂ján'₄ 'nia'₂ ně₃, jmo₃ qui₂dsi₃cón₃ dsi₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo'₂. 11 Le₂ně₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lé₂ le₃jme'₁ong'₁ guě₄ juin₅ dsa₂ te₂ηé₂ jmó'₂ 'ua₁ 'au'₂. Le₂jaun₂ bá₄ le₃jme'₁ong'₁ 'nia'₂ rin'₅₄ jniog₄ tē₂le₃ quian'₅₄ jnia'₅₄, jaun₂ juin₅ i₂lé₂ dsí₅ cuě'₃ ti₁'mag'₄ Diú₄. 12 Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂o₅₄ cuë'₃ a₂'nió'₅ quió'₅ rin'₅₄ jniog₄; ján₃ bá₄ jmo₅ ta₁ ia₁jaun₂ juin₅ i₂rē₂tsón₂ i₂cuë'₃ ti₁'mag'₄ Diú₄. 13 Tē₂le₃ quian'₅₄ ta₁ a₂jme₂ti₄ jniog₄ ne₄ rin'₅₄ ja₁siá'₂ ně₅, cuë'₂ jniog₄ léi₄ a₂tě₃dsón'₂ bá₄ jme₂ti'₅₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂ně₅ bá₄ juin₅ dsa₂ i₂jme₃juin'₂ Diú₄. 14 Le₂ně₅ bá₄ lé₂ dsí₅ mi₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ηio₅ lín₃ o₄quián'₂ 'nia'₂, ia₁ ma₂rē₂jniá₂ le₃ja₁con'₂ 'nia'₂ 'a₂ lia'₂ ma₂jmo₃ Diú₄ a₂'ua₁ 'au'₂ 'nia'₂. 15 ¡E₁ guě₄ ti₁'mag'₄ Diú₄ ia₁ ma₂cuag₃ jniog₄ i₂dse₃ i₂quen₅ guě₄ lín₃, ca₂lia'₂ tsá₃ ne₄ 'a₂ lia'₂ le₃jua'₅₄!

10

A₂quen₅ jág₁ quió'₅ Pa₄ ia₁ a₂lín₅ i₂chen₄ quián₅ Cristo

1 Jniá₂ Pa₄, mi₂₃ juíg₂ 'nia'₂ quian'₅₄ jág₁ 'ua₁, ia₁ a₂'ua₁ dsí₅ Cristo. Cha₂ jág₁ a₂lín₅ jan₂ dsa₂ i₂quian₅ jág₁ 'ua₁ jme'₁eng₅₄ jě₄ quián'₂ 'nia'₂, la₁ jě₁ma₂'eng₅₄ ja₁siá'₂ 'ηio₅ bá₄ ma₂bén₂ jág₁ quió₃. 2 Jaun₂ mi₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsi₃ jě₁ma₂dsióg₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ mi₂güíg₃. Ia₁ caun₂ bá₄ ma₂'ei₅ dsi₃ a₂dsia₅₄ jág₁ quian'₅₄ dsa₂ i₂le₂'éi₂. 3 Dsón'₂ bá₄ jaun₂ dsa₂ mi₂güíg₃ bá₄ lág₅ jnia'₅₄ tē₁lia'₂ chong₂ la₂. La₁ tsá₃ cág'₂ jnia'₅₄ ju₁lia'₂ quín'₂ dsa₂ mi₂güíg₃. 4 Ia₁ on₃jua'₅₄ quian'₅₄ ni₁ηí₁ cág'₂ jnia'₅₄, ju₁lia'₂ ni₁ηí₁ a₂qui₂jmó'₂ ta₁ dsa₂ mi₂güíg₃, ju₁lia'₂ jě₁quín'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cág'₂ jnia'₅₄, a₂jaun₂ bá₄ 'nió'₄ ηí₁ quián₂ jnia'₅₄ a₂'io₅ bí₂ quió'₅ Diú₄ a₂qui₂le₃juin₃ ca₂le₃jě₃ a₂bén₂ a₂niog₅ tíong₂ quió'₅ i₂sě₃dse₃. 5 Le₂ně₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jě₃ 'e₂ niog₅ 'ag₅ dsa₂ ja₁con₂ Diú₄, ju₁lia'₂ dsa₂ i₂jmo₅ rón₂, i₂tsá₃ 'nio₃ le₃cuin₅ Diú₄. Já₃ bá₄ le₁te₁ jnia'₅₄ le₁'ηe₅ ca₂le₃jě₃ a₂dsi₂jio₅ dsí₅ dsa₂, ia₁jaun₂ le₃néi'₂ nag₃ gau₂ jág₁ quió'₅ Cristo. 6 Lia'₂ ma₂tíong₂ jaun₂ bá₄ jnia'₅₄, le₃'ě₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jě₁ma₂rē₂'ηia₅ a₂né'₂ 'nia'₂.

7 Caun^{'54} 'nia^{'2} 'í^{'1} a₂ma₂jnia^{'2} dsi^{'1}ne^{'1}, ju^{'1}lia^{'2} jág^{'1} a₂juá^{'4} jnia^{'2} la₂: chi₂jua^{'2} caun^{'2} ei^{'5} dsí^{'5} i₂lin^{'54} a₂lín^{'5} tē^{'3} dsón^{'2} i₂quián^{'5} Cristo, ca₂tín^{'2} le₃ñi^{'5}, jnia^{'54} guē^{'2} nē^{'3} dsón^{'2} bá₄ lág^{'5} i₂quián^{'5} Cristo ján^{'3}.
 8 Mei^{'2} tsá₃ lín^{'2} 'nia^{'2} a₂juá^{'5} jnia^{'2} ñag^{'54} ju^{'1}lia^{'2} con^{'2} ta₁ a₂lág^{'5} jnia^{'54}. La₁ on₃jua^{'54} a₂gui^{'54} jnia^{'2} jág^{'1} a₂juá^{'5}, ia₁ a₂ca₂tín^{'2} bá₄ jnia^{'2} juá^{'4}, ia₁ 'ñiog^{'5} bá₄ Te₁gui^{'54} ma₂cuē^{'3} 'éi^{'3} a₂qui₂jme^{'1}an^{'2} 'au^{'2} 'nia^{'2} a₂dse₃ jmo₃ ta₁ a₂qui₂dsi₃cón^{'3} jme₂dsí^{'2} quián^{'2} 'nia^{'2}. On₃jua^{'54} rē^{'2} tē^{'2} le₃ a₂lé^{'2} tsi₁rē^{'2}jan^{'54} 'nia^{'2}.
 9 Tsá₃ o₁len^{'2} 'nia^{'2} jua^{'54} 'nio₃ jnia^{'2} quiang^{'54} jué^{'5} 'nia^{'2} quian^{'54} si₂ a₂jmo^{'5} jnia^{'2}.
 10 Juá^{'2} bá₄ i₂lin^{'54} 'ñio^{'5} bé^{'2} jág^{'1} quió^{'3} tio^{'54} ne^{'4} si₂, la₁ jan^{'2} dsa₂ 'uan^{'54} bá₄ lín^{'5} ju^{'1}lia^{'2} jme^{'1}eng^{'54} jē^{'4} quián^{'2} 'nia^{'2}, jaun^{'2} lín^{'2} a₂tsá₃ lín^{'4} ta₁ tí^{'4} jág^{'1} quió^{'3} a₂dsia^{'23} dsi^{'1}ne^{'1}.
 11 Ju^{'1}le^{'2}ñí^{'2} bá₄ dsa₂ i₂le^{'2} 'éi^{'2}, ju^{'1}lia^{'2} lē^{'5} jág^{'1} quián^{'2} jnia^{'54} a₂tio^{'54} ne^{'4} si₂, ju^{'1} 'e^{'2} guē^{'3} uíng^{'2} tio^{'54} jnia^{'54}, le₂jaun^{'2} dsón^{'2} jmo^{'2} bá₄ jnia^{'54} jme^{'1}tio^{'54} quian^{'54} 'nia^{'2} ján^{'3}.

12 Ia₁ tsá₃ tiá^{'2} dsi^{'5} jnia^{'54} 'ín^{'4} dse₃ guio^{'54}, on₃ guē^{'2} a₂quin^{'54} jnia^{'54} quian^{'54} i₂lin^{'54} i₂jme₂juin^{'2} guioin^{'54} le₂jaun^{'2}. La₁ 'éi^{'2} nē^{'3} jme^{'1}con^{'2} 'í^{'1} chi₂jua^{'2} co₂riin^{'2}, quin^{'23} guioin^{'54} quian^{'54} riin^{'54}, tsá₃ 'an^{'2} dsí^{'5} chain^{'2}.
 13 Jaun^{'2} tsá₃ dsiá^{'1} jnia^{'54} jág^{'1} tá^{'5} ñag^{'54} guē^{'4} con^{'2} guē^{'4} ja₁ca₂tág^{'2}. Con^{'2} jaun^{'2} bá₄ jmo^{'2} jnia^{'54} con^{'2} lē^{'5} 'éi^{'3} ca₂cuē^{'3} Diú^{'4} a₂jmo^{'1}. Jaun^{'2} 'éi^{'2} bá₄ ca₂jmo^{'3} 'éi^{'3} a₂dsi^{'1}náu^{'5} jnia^{'54} tē^{'2}go^{'54} 'nia^{'2}.
 14 Jaun^{'2} tsá₃ o₁len^{'2} 'nia^{'2} jua^{'54} jnia^{'54} i₂nio^{'4} tē^{'2} ja₁tsá₃ ma₃dsi^{'2}ten^{'54} i₂nio^{'1}. Le^{'2}nē^{'5} jme^{'1}lé^{'2} jua^{'54} mei^{'2} guē^{'3} tsá₃ ma₂ca₂dsi^{'3}náu^{'5} jnia^{'54} ca₂tē^{'2} ja₁tion^{'54} 'nia^{'2}. Dsá^{'2} 'au^{'2} 'nia^{'2} jmo^{'4}, jnia^{'54} bá₄ i₂le^{'2} uig^{'54} i₂can^{'1} jág^{'1} dse₃ la₂ quió^{'5} Cristo jin^{'4} 'nia^{'2}.
 15 Tsá₃ dsiá^{'1} jnia^{'54} jág^{'1} tá^{'5} ñag^{'54} guē^{'4} quian^{'54} ta₁ quió^{'5} i₂sián^{'2}. Jnia^{'54} lia^{'2} a₂jaun^{'2} bá₄ 'ín^{'2} dsi^{'5} jnia^{'54}, jē^{'1}ma^{'2} 'én^{'2} guē^{'4} 'nia^{'2}, jaun^{'2} 'ag^{'3} caun^{'2} jág^{'1} quian^{'54} 'nia^{'2}, ia₁jaun^{'2} lé^{'2} dsi^{'3}cón^{'3} guē^{'4} ta₁ quián^{'2} jnia^{'54}, o₄quió^{'4} Diú^{'4},
 16 ia₁jaun^{'2} lé^{'2} le₃dsau^{'54} uíng^{'2} a₂ñag^{'54} guē^{'4} ja₁tion^{'54} 'nia^{'2} qui₂dsi^{'1} 'ē^{'4} jág^{'1} dse^{'3}. La₁ tsá₃ dsi^{'1}jmo^{'1} jnia^{'54} rón^{'2} quian^{'54} ta₁ a₂ma₂niog^{'5} ma₂jmo^{'3} dsa₂ sián^{'2}.

17 La₁ ju^{'1}lia^{'2} juá^{'2} ne^{'4} Si^{'2}: “Ju^{'1}lia^{'2} dsa₂ i₂dsia^{'5} jág^{'1} tá^{'5}, ju^{'1}dsia^{'12} jág^{'1} tá^{'5} le₃quió^{'5} Te₁gui^{'54}.”*
 18 Ia₁ on₃jua^{'54} dsa₂ i₂'in^{'5} dse₃ 'ñiog^{'5}, chén^{'5} dse₃, tē^{'2}le₃ i₂'ín^{'1} dse₃ quió^{'5} Te₁gui^{'54} bá₄.

11

Juá^{'2} Pa^{'4} 'iin^{'23} dsa₂ i₂jme₂tag^{'5} jág^{'1} ju^{'1}gain^{'2}

1 Jme^{'1}nio^{'3} jnia^{'2} jua^{'54} jmó^{'2} bá₄ 'nia^{'2} tió^{'3} 'au^{'2} quian^{'54} jág^{'1} quió^{'3} la₂, a₂nē^{'3} guē^{'4} juá^{'4}, a₂lē^{'5} lia^{'2} lē^{'5} jág^{'1} quió^{'5} dsa₂ i₂tsá₃ 'en^{'54} dsí^{'5}. La₁ jmo^{'4} bá₄ 'nia^{'2} juin^{'2} 'au^{'2}.
 2 Ia₁ 'ñio^{'5} lín^{'3} dséi^{'5} jnia^{'2} quian^{'54} 'nia^{'2}, a₂lē^{'5} dsi^{'3} dséi^{'5} o₄quió^{'4} Diú^{'4}. Ia₁ jnia^{'2} bá₄ ma₂ca₂jmo^{'3} jág^{'1} a₂jme^{'1}jnia^{'5} jnia^{'2} 'nia^{'2} co^{'2}nió^{'4} dsa₂

* 10:17 Jeremías 9:24.

dsen₃, i₂le₁jě₃ jme₂dsí₂ quió'₅, ne₄ Cristo, ju₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lě₅ jág₁ i₂lě₂ dsi₂i₂gu₂. ³ La₁ gó₅ jniá₂ ia₁ con'₂ tsá₃ ŋó₅ nē₁ca₂rě₃gán'₃ 'nia'₂ jme₃gau₅ dsa₂ quian'₅₄ mai₅₄ quió'₅, ju₁lia'₂ ca₁ŋi₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂ lia'₂ dsi₂jjiog₅ 'au'₂ 'nia'₂, a₂qui₂le₁jě₃ 'au'₂, a₂rě₂teng'₅₄ le₃quió'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rě₂ dsa₂ i₂tě₁ja₂lén₂ jme₂tag₅, la₁ le₂siá'₂ bá₄ 'iin₂₃ Jesús, tsá₃ lě₅ jág₁ quió'₅ lia'₂ con'₂ lě₅ jág₁ a₂ma₂gue'₅₄ 'nia'₂ le₂jníá₅ quió'₅ Jesús. Jaun₂ le₂ně₅ bá₄ ma₂guen'₅₄ táng₃ 'nia'₂ jme₂dsí₂ sián'₂, on₃jua'₅₄ i₂quián₅ Diú₄ i₂jme₁ma₂guen'₅₄ 'nia'₂. ¡Dse₃ bá₄ jmo'₂ 'nia'₂ tió'₃ 'au'₂ quian'₅₄ jág₁ a₂rě₂tsín₄ guě₄, a₂tsá₃ lě₅ con'₂ lě₅ jág₁ dse₃ a₂lió₂ a₂jme₁ma₂nei'₂ 'nia'₂! ⁵ La₁ jniá₂ ně₃, tsá₃ líng₂ jua'₅₄ a₂me'₂ guě₄ quen₅ jniá₂, jua'₅₄ ca₂juig₄ guě₄, lia'₂ con'₂ guě₄ dsa₂ 'éi₂ i₂ŋi₄ lě₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁ŋia'₅₄ tsá₃ lín₄ dse₃ 'ŋiag₂ jág₁, la₁ tsá₃ 'e₂ lě₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá₂ ca₂le₃jě₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá₂ 'nia'₂ jme₁ca₂'ě₃ jniá₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá₂ cu₄ quió'₅, ia₁jaun₂ le₃jmo'₂ ta₁ a₂le₃ti₃ ta₁ ja₁con'₂ 'nia'₂. ⁹ Lia'₂ con'₂ jme₁'eng₅₄ quian'₅₄ 'nia'₂, dsón'₂ bá₄ ca₂rě₃'nió'₅ quió₃ le₂jaun₂, la₁ tsá₃ 'e₂ guei₂ ca₂cuě₃ jniá₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂ Macedonia la₂ bá₄ ca₂i₁lein₅₄ juig₂ Corinto ně₅, ca₂i₁can₅ a₂tsá₃ cha₂ quió₃ lia'₂ con'₂ jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quió₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsi₃, juá'₅ jniá₂, 'i₁jan₂ tsá₃ lě₂ jné₃ jua'₅₄ a₂tsá₃ lě₂ juá'₄ jniá₂ con'₂ 'ŋio₂ dsi₃ le₂tan₅₄ 'uě₃ Acaya. ¹¹ ¿'E₂ lě₃ juá'₅ jniá₂ le₂ně₅, lín'₂ 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? N₁₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ ju₁i₅ quió'₅ ju₁lia'₂ i₂i₂nio₄ ně₅ a₂'nio₃ dsia₃ jág₁ tá'₅ jmo₂₃ dsí₅ a₂lě₅ rě₂ ta₁ quió'₅, ju₁lia'₂ lě₅ ta₁ quián₂ jnia'₅₄. ¹³ Ia₁ dsa₂ i₂le₂'éi₂ ně₃ lín₅ dsa₂ i₂chen₄ i₂ju₁gan₂. A₂jmo₂₃ ta₁ a₂jŋia'₅₄ jme₂gau₂₃, a₂qui₂jmói'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsi₅, ia₁ le₂jjiog₅ 'ŋiog₅ i₂sě₃dsen₃ qui₂jmói'₂ a₂jmo₂₃ lín₅ jan₂ ángel i₂jniá₂ tág₅. ¹⁵ 'Ui₅₄ jaun₂ ně₃, le₂jaun₂ bá₄ lě₅ ju₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmói'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jě₁ca₂tó'₂ bá₄ dsi₃guéi₃ con'₂ lě₅ ca₂tíin₂ co₂niog₅ lě₅ jmo₂₃.

'A₂ lia'₂ niog₅ lě₅ uig₅ ca₂ŋág₃ Pa₄ ne₄ ia₁ a₂lín₅ dsa₂ i₂chen₄

quián₅ Cristo

16 Con'₂ siá'₂ juíg₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁ñja'₅₄ 'ein₂ guē'₂ jmo₅ dsí₅ a₂líng₅ le₂nē₅, la₁ guei'₅₄ jniá₂ nē₂jag₄ bá₄ a₂líng₅ dsa₂ co₄, ia₁jaun₂ lé₂ dsia₅₄ ca₂la₂ jág₁ tá'₅. 17 Jui₁lia'₂ juá'₅ jniá₂, on₃jua'₅₄ lia'₂ con'₂ lē₅ 'nio₃ Te₁gui'₅₄, lia'₂ jē₁tē₂'₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsí₃. 18 Jui₁lia'₂ juin₅ lin₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güig₃ la₂, ján₃ bá₄ le₂jaun₂ guē'₂, la₂ dsia₅₄ jniá₂ jág₁ tá'₅. 19 'Uig₅₄ ia₁ a₂ñag₅₄ ñi'₅₄ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. 20 Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmi₂g₄ tion₅₄-jan₃, dsa₂ i₂guē'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ nē₃. 21 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂nē₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂líng₅ dsa₂ 'uan₅₄.

La₁ chi₂jua'₂ tiá₂ bá₄ guē'₂ dsí₅ i₂sián'₂ dsia₃ jág₁ tá'₅, ján₃ bá₄ tiá₂ dsí₃ jniá₂ jmo₅₄ le₂jaun₂. (La₁ juá'₅ jniá₂ lia'₂ ja₁juá'₂ jan₂ dsa₂ co₄.) 22 ¿'E₂? ¿Jmá'₃ dsa₂ 'éi₂ bá₄ i₂tin₂ dsia₃ jág₁ jmei₅ hebreo? Ján₃ bá₄ tin₂ jniá₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Ján₃ bá₄ 'éi₂ guē'₂ jniá₂ ján₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guē'₂ lín₅ jniá₂. 23 ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guē₄ lín₅ jniá₂, ia₁ 'ñio₅ lin₃ guē₄ ma₂guio₃ jme₂ti₅₄ ja₁con₂ Cristo lia'₂ con'₂ guē₄ dsa₂ 'éi₂. (A₂lē₁juá'₅ bá₄ jniá₂, lia'₂ lē₁tē₂'₅ dsa₂ ñá₅.) Ia₁ tson₂ lin₃ guē'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guē₄ 'mi₅ ma₂qui₂ma₂can₃ jniá₂ lia'₂ con'₂ guē₄ dsa₂ 'éi₂; ma₂qui₂ma₂'ú₃ 'lióng₂ lin₃ ráun₂ né'₃ 'má₃ nē₃; 'lióng₂ ráun₂ ma₂i₂ñíg₂ jnia'₅₄ mei'₂ tsá₃ ma₂jong₃. 24 Con'₂ 'ñiá₂ ráun₂ ma₂ca₂bóg₂ dsa₂ judíos jmá'₃ guió₂g₂-guia₃-né₂ ráun₂ lia'₂ co₂ráun₂.^{*} 25 'Nag'₂ ráun₂ guē'₂ ma₂bóg₂ dsa₂ quian'₅₄ ni₁'ma₂; co₂ráun₂ guē'₂ ca₂cuē₃ cang₄ tioen'₅₄. 'Nag'₂ ráun₂ guē'₂ ne₄ jmi₁ñí'₄ ca₂i₂ñíg₂ ca₂'en₃ ni₁barco a₂jme₁'eng₅₄. Co₂ráun₂ guē'₂ ca₂ñig₅ co₂jmi₂g₄ co₂nei₅ dsí₂jo₂ jmi₁ñí'₄ nē₃. 26 'Lióng₂ ráun₂ dsí₂jui₅ ja₁ma₂qui₂i₁ñi₃, ma₂ca₂i₃ñíg₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rē'₂ a₂jo₅₄ dsa₂ go₃, a₂go'₂ jo₅₄ dsí₂nau₂, a₂go'₂ rē'₂ 'eng₅₄ ciudad, a₂go'₂ jē₁ma₂ñig₅ má'₂ ja₁co₂'ñiog₅, a₂go'₂ jē₁ma₂ñig₅ ne₄ jmi₁ñí'₄, a₂go'₂ rē'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, 27 jē₄ ta₁ 'ua'₂ lin₃, jē₄ ma₂ca₂'ú₃ lin₃, jē₄ jme₁tsá₃ güing₂₃, jē₄ i₁cón₅ rē₂quein₂ dsí₃, jē₄ jme₁'in₂ a₂tsá₃ cha₂ a₂guē'₅₄, jē₄ jein₂ güig₂, jē₄ a₂tsá₃ 'e₂ cha₂ quí'₄ nē₃.

* 11:24 lit. "jmá'₃ tē₂láu₃ ráun₂ tsá₃ tí₅ caun₂, lia'₂ co₂ráun₂."

28 Cha₂ guě₄ caun₂ siá'₂ táng₃ a₂chang₂ ca₂le₃jě₃ jmig₄ a₂'i₅ ds_{i3} o₄quió'₄ ca₂le₃jě₃ guá'₅. 29 ħ'E_{in2} 'éi₂ i₂'uan₅₄, jniá₂ guě'₂ tsá₃ 'uang₅₄? ħ'E_{in2} 'éi₂ i₂ca₂tán'₂ dso₄ a₂'uin₄ i₂sián'₂, jniá₂ guě'₂ tsá₃ 'e₂ i₂mé'₂ ds_{i3}? 30 Nē₁jua'₂ ca₂tíng₂ dsia₅₄ jág₁ tá'₅, jaun₂ dsia₅₄ jniá₂ jág₁ tá'₅ tē₂le₃ ne₄ ca₂le₃jě₃ a₂cuē₅ léi₄ a₂líng₅ jan₂ dsa₂ 'uan₅₄. 31 Diú₄ Jmei₂ Jesucristo Te₁gui'₅₄ quián₂ jniog₄ bá₄ i₂ca₂tín₂ jme₂juin'₂ dsa₂ co₂tan₅₄, 'éi₂ bá₄ ŋi₅ a₂dsau₅ bá₄ jág₁ quió₃. 32 Lia'₂ con'₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂tí₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄juí₅ ia₁ jme₁tsáun'₂ jme₁dsi₃tíó₃ né'₃ 'má₃. 33 La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ŋi₁ó'₃ tsi₁mi'₂ ca₂sió₂ tē₂'ua₁ jui₅ dso'₂ ni₁'ia'₂ a₂rē₂juí₄ le₃lág'₃ juig₂; le₂nē₅ bá₄ ca₂lóng₂ o₄gú₃ 'éi₂.†

12

Jui₁lia'₂ a₂ma₂ca₂jme₃jnia₅ Te₁gui'₅₄

1 Tion₅₄ caun₂ dsia₅₄ jniá₂ jág₁ tá'₅. Jui₁'e₂ guě₃ tsá₃ ta₁ jmo₃, caun₂ juá'₄ jniá₂ jui₁lia'₂ a₂ca₂jéin₃ jniá₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ ně₃. 2 Cuíng₅ jan₂ dsa₂ i₂'ei₅ caun₂ jág₁ quiain'₅₄ Cristo, ma₂guia₃-quén₂ ŋi₂ ca₂uíg₂ jui₅ guei'₅₄ ca₂tē₂ ja₁guá₄ Diú₄. * (A₂jaun₂ bá₄ tsá₃ guion₄ jniá₂ jua'₅₄ a₂ŋe₄ lia'₂ jma₃quian'₅₄ ni₁ŋi₁₂, o₃ jmá'₃ jme₂dsi₂ quió'₅ 'e₂. La₁ jnia'₅₄ lia'₂ 'ŋiog₅ bá₄ Diú₄ ŋi₅.) 3 La₁ guion₄ jniá₂, chan₂ jan₂, (jnia'₅₄ lia'₂ a₂jaun₂ bá₄ tsá₃ guion₄ jniá₂ chi₂jua'₂ ca₂ŋei₅₄ chi₁dsáin₃, o₃ jmá'₃ jme₂dsi₂ quió'₅ 'e₂ ca₂dsi₁óg'₃ ja₁jaun₂. Jnia'₅₄ lia'₂ 'ŋiog₅ bá₄ Diú₄ ŋi₅); 4 jan₂ i₂ca₂ron'₂ ca₂tē₂ Ja₁jlá'₁† ja₁ca₂nág₂ jág₁ a₂tsá₃ lé₂ le₃jmog'₅₄ on₃ guě₄ 'i₄ 'éi'₃ dsia₃ dsa₂ mi₂gúig₃. 5 O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá'₅, on₃jua'₅₄ o₄quió'₃ 'ŋi₁ó₃ jmo₂₃ táng'₅, jnia'₅₄ lia'₂ o₄quió'₄ a₂'uan₅₄ bá₄ jniá₂. 6 O₁jnia'₅₄ la₂ 'nio₃ jniá₂ dsia₅₄ jág₁ tá'₅, on₃jua'₅₄ dsa₂ co₄ lín₅ jniá₂, ia₁ jág₁ tí₅ dsón'₂ bá₄ a₂juá'₅ jniá₂. La₁ cáun₄ bá₄ ds_{i3} tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá₂ líng₅ ŋag₅₄ guě₄ lia'₂ con'₂ niog₅ a₂ma₂nág₂ a₂qui₂ma₂tē₂ ne₄ dsa₂ a₂jmo₅ jniá₂ 'e₂ jmo₂₃.

7 Jág₁ a₂ca₂rē₃jniá₂ jaun₂ lē₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá₂ róng₂ jua'₅₄ mei'₂ guě₃ le₂jaun₂. La₁ ca₂jéin₃ uig₅ nē₂jag₄ bá₄ a₂i₃'i'₅₄ ni₁taun₅ ca₂lē₃ ni₁ŋi₃, co₂'nió'₄ i₂chen₄ quián₅ i₂sē₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ŋag₅₄. 8 'Ni₅ ráun₂ ma₂ca₂chi₁len'₄ jniá₂ Te₁gui'₅₄ a₂jme₃'lió₂ jniá'₄ jmi₁uig₅ a₂quian₅₄. 9 La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ ds_{i3} ja₁con'₂ 'ne₂, ia₁ rē₂'ŋia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁

† 11:33 'Nio'₂ ja₁ton₅ Hechos 9:25. * 12:2 lit. “ca₂tē₂ guei'₅₄ i₂juig₃ jě₁ca₂tē₂ 'nag'₂.”

† 12:4 griego: paradeiso (Paraíso).

a₂'uang₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con₂ jniá₂.
 10 Jaun₂ tē₅ bá₄ dsi₃ a₂'uang₅₄ quian'₅₄ ca₂le₃jě₃ a₂dsi₂ñig₂: a₂juá'₂
 dsa₂ uig₅, quian'₅₄ guě₄ ca₂le₃jě₃ a₂chang₂, cha₂ a₂quitsá₃ tín'₂
 quió₃. A₂chang₂ a₂co₂'ein₅ dsa₂, ca₂le₃jě₃ guě₄ o₂i₁ dsi₅ a₂dsi₂ñig₂
 o₄quió'₄ Cristo. Ia₁ jui₁lia'₂ jme₁'uang₅₄, tē₂le₃ 'uan'₂ bá₄ jniá₂
 le₃ja₁con₂ Diú₄.

'Nio₅ lin₃ 'i₅ dsí₅ Pa₄ o₄quió'₄ guá'₅ chan₂ juig₂ Corinto

11 Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂'íng₃ dse₃
 'ñió₃, la₁ guion'₅₄ bá₄ 'nia'₂ chi₂quiong'₅₄ jmig₄. Ia₁ 'nia'₂ bá₄
 jme₁ca₂tíng'₂ jme₁'ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂
 con'₂ guě₄ dsa₂ i₂chen₄ 'éi₂ i₂ñí₄ lě₃ jme₂can'₅₄ guion₅, jui₁'e₂ guě₃
 tsá₃ 'e₂ quen₅ jniá₂. 12 Dsón'₂ bá₄ ma₂ca₂rě₃ jniá₂ léi₄ a₂líng₅ dsa₂
 i₂chen₄ quián₅ Cristo jě₄ quián'₂ 'nia'₂, jě₄ ca₂le₃jě₃ a₂juin'₂ dsi₃:
 léi₄ a₂dsi₂gó'₃ dsi₅, quian'₅₄ jui₅bí₂ jlá'₁ ně₃. 13 Tsá₃ sion₅ ma₂jin₄
 jniá₂ 'nia'₂ lia'₂ con'₂ guě₄ guá'₅ sián'₂, ñja'₅₄ lia'₂ jniá₂ 'ñió₃ tsá₃
 'e₂ guei₂ ma₂ca₂cuě₃ jniá₂ 'nia'₂. j'Én₃ 'nia'₂ dso₄ quió₃ chi₂jua'₂
 tsá₃ dse₃ ca₂jmo₃ jniá₂ ja₁con'₂ 'nia'₂!

14 Ma₂chang₂ bá₄ co₂jñiag₅₄ a₂dsióg₄ i₁jing₁₂ 'nia'₂ jě₁ca₂tě₂
 'nag'₂ ráun₂, jaun₂ tsá₃ lě₅ jua'₅₄ a₂i₁cuě₃ 'nia'₂ guei₂. Ia₁ tsá₃
 ta₁ jaun₂ ñi₅ jniá₂ jua'₅₄ a₂'ín₅ dsi₃ a₂cha₂ quián'₂ 'nia'₂; guion'₅₄
 bá₄ 'nia'₂ 'nió₃ jniá₂. Ia₁ guion₅₄ bá₄ jui₁lia'₂ chog₅₄-jmei₂ chi'₂
 ca₂tín₂ 'no₃ cu₄ a₂qui₂dsi₃ñí₂ quiaín'₅₄ chi'₂-guein₂ quián₅,
 jaun₂ on₃jua'₅₄ rě'₂ chi'₂ ca₂tín₂ 'no₃ a₂dsi₃ñí₂ quiaín'₅₄ chog₅₄-
 jmei₂. 15 Jaun₂ jniá₂ ně₃, 'ñio₂ bá₄ dsi₃ qui₁'éng₄ a₂cha₂ quió₃,
 ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsí₂ quián'₂
 'nia'₂. Chi₂jua'₂ jaun₂, ia₁ tē₂le₃ lě₅ guě₄ 'nió₃ jniá₂ 'nia'₂, ħ₁tē₂le₃
 me'₂ bá₄ 'nió'₃ 'nia'₂ jniá₂ jaun₂ ně₃?

16 Jui₁'e₂ guě₃ dsau₅ a₂tsá₃ 'e₂ guei₂ ca₂cuě₃ jniá₂ 'nia'₂, la₁
 'ñio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quian'₅₄ mai₅₄
 quió₃. 17 ħ₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quian'₅₄ dsa₂
 i₂ca₂tsíng₂ ne'₅₄ 'nia'₂? 18 Ca₂mi₃ bá₄ jniá₂ ne₄ Tito a₂jmo₃ dse₃
 dsí₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rin'₅₄
 jniog₄ i₂quiaín'₅₄. Jaun₂, ħ₃ bá₄ ca₂jme₃gau₅ 'éi₂? ħ₃ bá₄ tsá₃
 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiaín'₅₄, jmo₂ ta₁
 co₂rě₂ quiaín'₅₄, ton'₂ jan₂ bá₄ jme₂dsí₂ i₂quiong'₅₄ táng₃?

19 'An₁ mei'₂ tsá₃ caun₂ lín'₂ bá₄ guě₄ 'nia'₂ a₂jñia'₅₄ con'₂ 'niog₂
 jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂
 dsi₂jjiog₅ dsi₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁
 jě₄ ca₂le₃jě₃ a₂ně₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅
 jme₂dsí₂, 'nia'₂ rin'₅₄ jniog₄ i₂'nióg₃ guě₄ lín₃. 20 Ia₁ gó₅ jniá₂ con'₂
 tsá₃ ñó₅ ně₁jua'₂ tsá₃ dse₃ tion'₅₄ 'nia'₂ lia'₂ con'₂ lě₅ 'nio₃ jniá₂,
 jě₁ma₂ca₂dsióg₃, ján₃ bá₄ le₂jaun₂ ně₁jua'₂ tsá₃ ca₂jjein'₂ 'nia'₂

jniá₂ lia'₂ con'₂ 'niog'₂ 'nia'₂ gué'₂ táng₃. Ia₁ gó₅ jniá₂ nē₁jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; nē₁jua'₂ tion'₅₄ 'nia'₂ uig'₅ 'au'₂ jing'₅₄ ríng'₂; nē₁jua'₂ ca₂rē₃ 'né'₂ 'nia'₂ co₂tiá₂; nē₁jua'₂ 'ua'₂ 'au'₂ 'nia'₂ tiong'₅₄; nē₁jua'₂ qui₂tsín'₂ 'nia'₂ 'lig'₅₄ ríng'₂; nē₁jua'₂ qui₂chi₂'ín'₅ 'nia'₂ ríng'₂; nē₁jua'₂ chan₂ i₂qui₂jmo₅ rón₂; nē₁jua'₂ tion'₅₄ 'nia'₂ mi'₅₄. ²¹ Ján₃ bá₄ gó₅ jniá₂ nē₁jua'₂ ca₂jmo₃ Diú₄ a₂tē₂tsín'₅₄ jniá₂ o₂gui'₃ o₄quián'₂ 'nia'₂ jē₁ma₂dsióg₃; go'₂ le₃jíá₃ tiá'₃ qui'₂ dsi₃ o₅₄ o₄quió'₄ i₂ma₂qui₂ma₂ná₂ dso₄ le₂jníá₅, ton'₂ tsá₃ 'e₂ ma₂ca₂dsi₃quén'₅ dsi₅ o₄quió'₄ a₂'lig'₅₄ a₂jmo₅-dsáu₅; a₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂; ca₂le₃jě₃ gué'₄ a₂'lig'₅₄ o₂gui'₃ a₂qui₂ma₂jmo₃.

13

Ág'₅ Pa₄ jág₁ ton'₂ 'ě₂ gué'₄ jág₁ tē₃jníá₅

¹ A₂dsióg₅ 'nag'₂ ráun₂ a₂i₁jín₁₂ 'nia'₂ la₂. “Ca₂le₃jě₃ 'e₂ niog₅ lě₂ jióg'₂ 'í₁ tē₂le₃ quian'₅₄ on₃-ún₂ dsa₂ i₂jáng'₃ jág₁ dsau₅.”*

² Ma₂ca₂'ě₃ jniá₂ jág₁ tē₃jníá₅ ne₄ dsa₂ i₂jme₁tián'₄ 'no₅ dso₄ le₂jníá₅, ton'₂ ne₄ ca₂le₃jín₃ i₂sián'₂ ně₃, ján₃ bá₄ 'ě₅ jniá₂ jág₁ a₂'eng₅₄ uíng₂ ja₁con'₂ 'nia'₂, jui₁lia'₂ ca₂jmo₃ jniá₂ lia'₂ con'₂ neg₅₄ jē₁ca₂tē₂ tin₃ ráun₂ a₂i₁jing₁₂ 'nia'₂: nē₁jua'₂ con'₂ siá'₂ ca₂dsióg₃ jniá₂ a₂i₁jing₁₂ 'nia'₂, jaun₂ tsá₃ ma₃jmo₅₄ jniá₂ nē₁dsi₃ nē₁jua'₂ chan₂ gué'₄ i₂tsá₃ ma₂dsi₂quén'₄ dsi₅. ³ Le₂jaun₂ jmo₅₄ jniá₂ chi₂jua'₂ a₂jaun₂ 'niog'₂ 'nia'₂ a₂jáng'₄ jniá₂ léi₄, a₂dsón'₂ bá₄ juá'₂ Cristo tsí'₅ 'nia'₂ quian'₅₄ jág₁ a₂quian₄ jniá₂. Tsá₃ jua'₅₄ a₂lín₅ 'uain₅₄ ja₁con'₂ 'nia'₂; 'nió'₄ tē₂le₃ jme₂jnia₅ bá₄ 'éi₂ a₂'io₂₃ jui₅bí₂ jē₄ quián'₂ 'nia'₂. ⁴ Dsón'₂ bá₄ jaun₂ ca₂tion₃ cróg₄ dsa₂ nē₂jag₄ bá₄ a₂lín₅ jan₂ dsa₂ 'uan₅₄, la₁ rē₂ně₃ ně₃ chain₂ tē₂le₃ quian'₅₄ jui₅bí₂ quió'₅ Diú₄. Le₂ně₅ bá₄ jui₁lia'₂ jnia'₅₄ táng₃, quian₄ jui₅ jaun₂ a₂jmo₂ jnia'₅₄ 'uan₅₄ o₄quió'₄ 'éi₂, le₂jaun₂ bá₄ le₃chong₂ gué'₂ jnia'₅₄ ja₁con'₂ 'nia'₂ quian'₅₄ jui₅bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia'₂ jui₅ quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia'₂ guiong'₅₄. ¿Tsa₁ len'₄ 'nia'₂, a₂'en₅₄ bá₄ Jesucristo ja₁con'₂ 'nia'₂, jaun₂ bá₄ nē₁jua'₂ tsá₃ tē₁tsín'₅₄ 'nia'₂ 'lig'₅₄ nē₁ma₂ca₂quion'₂ 'nia'₂ 'í₁ jaun₂? ⁶ La₁ 'ín₂ dsi₃ jniá₂ le₃len'₄ 'nia'₂ a₂tsá₃ le₂jaun₂ lág₅ jnia'₅₄ jua'₅₄ a₂tsá₃ dse₃ tē₃tsag'₅₄ jnia'₅₄ nē₁ma₂ca₂quion'₂ 'nia'₂ 'í₁, jua'₅₄ a₂tsá₃ dsau₅ a₂lág₅ jnia'₅₄ dsa₂ i₂chen₄ quián₅ Te₁gui'₅₄. ⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂ tsá₃ ma₃jmo₄-dsáu'₄ 'nia'₂ a₂'lig'₅₄. On₃jua'₅₄ ia₁jaun₂ tē₃tsag'₅₄ jnia'₅₄ dse₃, tē₂le₃ ia₁jaun₂ jmó'₂ 'nia'₂ a₂dse₃, jui₁'e₂ gué₃ chan₂ i₂lín₂ a₂tsá₃ dse₃ tē₃tsag'₅₄ jnia'₅₄. ⁸ Ia₁ tsá₃ lé₂ ná₂ jnia'₅₄ quein₅ ja₁con₂ jág₁ tí₅, tē₂le₃ tióng₂ bá₄ jnia'₅₄ quian'₅₄ jág₁ tí₅. ⁹ Jaun₂

* 13:1 Deuteronomio 19:15.

tě₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan'₅₄, 'nia'₂ guě'₂ lín'₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂ņei'₅₄. ¹⁰Jaun₂ lě₃, jmo₂₃ si₂ carta la₂ tsing₂ ne'₅₄ 'nia'₂ tē₁lia'₂ 'eng'₅₄ uing₂, ia₁jaun₂ tsá₃ 'nió'₅ jua'₅₄ a₂jmo₅₄ jniá₂ tsau₂ dsi₃ jē₁ma₂dsióg₃, lia'₂ con'₂ lě₅ ta₁ a₂líng₅ a₂ca₂cuě₃ Te₁gui'₅₄, ia₁jaun₂ tě₂le₃ lei₂ bá₄ jme₂dsí₂ quián'₂ 'nia'₂, on₃jua'₅₄ tě₂le₃ qui₃jě'₂.

¹¹Ně₃ ně₃, řin'₅₄ jniog₄, caun₂ jui₁le₂chan'₂ bá₄ 'nia'₂ dse₃ qui₂jmo'₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsí₂ quián'₂ 'nia'₂ ně₃; jui₁chan'₂ bá₄ 'nia'₂ rě₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂'nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jě₃ jmig₄. ¹²Cu_{in}'₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁† 'nia'₂ quió'₅ ríng'₂ a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. ¹³Ca₂le₃jín₃ bá₄ řin'₅₄ jniog₄‡ ja₁lá₃ dsiáin'₂ jág₁ a₂cu_{in}'₂₃ Diú₄ 'nia'₂.

¹⁴Jaun₂ jui₁jme₂gu'₅₄ bá₄ Te₁gui'₅₄ Jesucristo; jui₁le₂jniá₂ jě₄ quián'₂ 'nia'₂ a₂'nio₃ Diú₄ 'nia'₂; jui₁'ei₅ caun₂ jág₁ jín'₄ 'nia'₂ quian'₅₄ Jme₂dsí₂ Jnió₅. A₂méi₃.

Co₂ně₅.

† 13:12 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. ‡ 13:13 lit. "dsa₂ jnió₅."

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güig₃, on₃ guë'₂ i₂chen₄ quián₅ dsa₂ mi₂güig₃ në₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë₂'lín₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Ju₁jme₂gu'₅₄ bá₄ Diú₄ 'nia'₂, ju₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo në₃, ju₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsá_{u1} jniog₄, a₂lió₂ jë₄ mi₂güig₃ 'lig'₅₄ la₂, co₂jaun₂ ca₂rë₃ 'ñi₃ó₃ dsí₅ Diú₄ quián₂ i₂lín₅ jmei₂ jniog₄. ⁵ 'Éi₂ bá₄ ju₁le₂juin'₂ co₂tan₅₄! A₂méi₃.

Tsá₃ ma₃jág₁ siá'₂ cha₂ jua'₅₄ a₂lión₂ dsa₂

⁶ Dsi₂gó'₃ dsí₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ tē₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ guë'₄ jág₁ dse₃ siá'₂ a₂lió₂. La₁ia₁juá'₅ jniá₂, chan₂ i₂lín₅₄ i₂lío₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsiin₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ nē₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ nē₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ ju₁tē₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁ñjia'₅₄ guio₅₄ jnia'₅₄, o₃ o₁ñjia'₅₄ jan₂ ángel i₂já₅ guei'₅₄ i₂juig₃. ⁹ Ju₁lia'₂ ma₂jua'₅₄ jnia'₅₄ nē₅, juá'₄ táng₃ siá'₂: nē₁jua'₂ chan₂ i₂'ë₂ jág₁ a₂ma₂rë₂tsin₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ ju₁tē₂tsin'₅₄ náu₃ a₂dsi₃'éin₂. ¹⁰ 'É₂ lín'₂ 'nia'₂? 'O₃ bá₄ a₂jme₂'uá₁ jniá₂ dsí₅ dsa₂ mi₂güig₃ con'₂ dsí₂ten₅₄? 'O₃ bá₄ a₂jme₂'uá₁ jniá₂ dsí₅ Diú₄ 'e₂? 'O₃ bá₄ jmo₅ jniá₂ a₂'ñio₂ dsí₅ dsa₂ mi₂güig₃ 'e₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

'A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Ju₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güig₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güig₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Ñiog₅ bá₄ Te₁gui'₅₄ Jesucristo ca₂jme₃jniai₂₃ jág₁ nē₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁'eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂

ně₃ a₂dséi₂ dsi₃ guě₄ lin₃ ca₂'éng₃ dsa₂ quián₅ Diú₄, 'ŋio₅ lin₃ jme₁quín₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jniág₄ 'ŋio₅ lin₃ guě₄ con₂ guě₄ ca₂le₃jín₃ dsa₂ go₃ i₂co₂ring₂ quiang₅₄. Ia₁ jniá₂ 'ŋio₅ lin₃ guě₄ jme₁jme₂gó₁ jmo₂₃ 'í₁ tag₄ quió₅ dsa₂ can₅₄ quián₂ jnia₅₄ ma₂líg₂. ¹⁵ La₁ lia₂ con₂ né₃ a₂le₃chang₂, ca₂quió₂ Diú₄. A₂'ua₁ dsí₅ guě₄ lin₃ ca₂tě₃ jniá₂. Ca₂rě₃'ŋi₃ dsí₅, ¹⁶ ca₂jmo₃ ca₂rě₃cuíng₅ ca₂'iin₃ Ja₁ŋi₅₄, ia₁jaun₂ qui₁'ě₄ jniá₂ jág₁ dse₃ quió₅, jin₄ dsi₂nau₂. Jaun₂ tsá₃ jua₅₄ ca₂ŋeg₅₄ ca₂i₁'niag₂ dsa₂ mi₂güig₃ i₂to₂ jág₁, ¹⁷ on₃ guě₂ ca₂ŋeg₅₄ juig₂ Jerusalén jua₅₄ ca₂i₁jing₁₂ i₂ma₂lín₅ dsa₂ i₂chen₄ quián₅ Te₁gui₅₄, i₂ma₂ja₂lén₂ jniá₅ guě₄ lia₂ con₂ guě₄ jniá₂. Dsi₂jui₅ bá₄ ca₂ŋeg₅₄ le₂'uig₅₄ jui₅ 'uě₃ Arabia. Cang₂ guě₄ jaun₂ ca₂ŋág₃ jui₅ Damasco. ¹⁸ Jme₁ca₂dsin₃ 'ni₅ ŋi₂ cang₂ jaun₂, jaun₂ guě₄ ca₂ŋeg₅₄ Jerusalén ca₂i₁dsia₂ jág₁ quian₅₄ Pe₄. * Ja₁jaun₂ ca₂jan₅₄ guia₃'ŋiá₂ jmig₄. ¹⁹ La₁ 'i₁jan₂ i₂sián₂ i₂lín₅ i₂chen₄ quián₅ Jesús tsá₃ ca₂jing₅₄, jnia₅₄ lia₂ jan₂ Jacobo dsó₂ rin₅₄ Te₁gui₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó₅ ne₄ si₂ la₂, tsá₃ tě₂jing₁. ²¹ Cang₂ jaun₂ guě₄ ně₃, ca₂ŋó₃ le₂tan₅₄ juig₂ ja₁tén₄ 'uě₃ Siria quian₅₄ Cilicia. ²² Rin₅₄ jniog₄ quián₅ guá₅ chan₂ 'uě₃ Judea ně₃ i₂tión₂ le₃quió₅ Cristo, tsá₃ jme₁ma₂cuig₂₃ dsi₁ne₁. ²³ Jnia₅₄ lia₂ jme₁ma₂nág₂ bá₄ dsia₅ rin₅₄ jniog₄ 'ag₂₃juá₂: “Dsa₂ i₂jme₁co₂'ein₅ jniog₄ le₂jniá₅, la₁ rě₂ně₃ ně₃ ma₂ŋi₂₃ ján₃ 'ě₂ jág₁ a₂jme₁'nio₃ jme₁'ein₂ le₂jniá₅.” ²⁴ Jaun₂ ca₂jme₃juin₂ Diú₄ bá₄ o₄quió₃.

2

Dsa₂ i₂chen₄ sián₂ guein₂₃ Pa₄

¹ Jme₁ca₂ŋi₂ guia₃-quén₂ ŋi₂ cang₂, jaun₂ guě₄ ca₂ŋeg₅₄ táng₃ Jerusalén quiang₅₄ Bernabé. Tito ně₃, ca₂jáng₂. ² Ca₂ŋeg₅₄ ja₁jaun₂ ia₁ ca₂jme₃jnia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jniá₂ ne₄ dsa₂ i₂tián₅ Jerusalén 'éi₂ jág₁ dse₃ ně₅ a₂'ě₅ jniá₂ jin₄ dsi₂nau₂, la₁ jmá₃ lia₂ quian₅₄ dsa₂ i₂lia₂ lě₅ i₂quian₅ ne₄ jui₅ bá₄, jě₄ con₂ jmá₃ guio₅₄ bá₄ jnia₅₄, ca₂dsiá₁ jág₁ ia₁jaun₂ tsá₃ lě₅ jua₅₄ a₂lě₁ŋi₅ jniá₂ jmo₂₃ ta₁ a₂tsá₃ ta₁ tí₄. ³ Ca₂lia₂ jnia₅₄ Tito, i₂jme₁quian₅₄ jniá₂, tsá₃ ca₂chi₃quióng₂ dsa₂ jmig₄ jua₅₄ a₂tion₅₄ jme₃ti₃ 'éi₃ a₂jme₁ti₃ ni₁lo₁₂, o₁jnia₅₄ jme₁lín₄ 'éi₂ griego. ⁴ Jág₁ ně₅ ca₂ŋó₃ ia₁ i₂lín₅₄ dsa₂ i₂jui₁gan₂ i₂juá₂ lín₅ rin₅₄ jniog₄, ca₂l₃toin₅₄ con₂ tě₃co₅₄ jě₄ quián₂ jnia₅₄, a₂jme₁'nio₃ tiog₃ con₂ 'í₁ 'a₂ lia₂ lě₅ chong₂ jnia₅₄ con₂ dsa₂ ma₂lón₂ le₃quió₅ Cristo Jesús, ia₁ tsá₃ ma₃tio₅₄ jniog₄ 'éi₃; la₁ 'éi₂ ně₃ jme₁'nio₃ jme₁to₂ táng₃ 'éi₃ guei₂ jaun₂. ⁵ La₁ tsá₃ 'ein₂ ca₂cuě₃ jnia₅₄ jmig₄ jnia₅₄

* 1:18 griego: Cefas.

'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jnia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Ju₁lia'₂ dsa₂ i₂lia'₂ lě₅ lín₅ dsa₂ dsen₅₄ i₂juá'₅ jniá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guioin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂ lia'₂ jniá₂ dsa₂), ju₁lia'₂ dsa₂ 'éi₂ ně₃, tsá₃ 'e₂ ŋag₅₄ jua'₅₄ a₂ca₂jme₃tag₂₃ guě₄ con'₂ lě₅ jág₁ a₂'ě₅ jniá₂. ⁷ Ia₁ tē₂le₃ ca₂rě₃lí'₄ bá₄ guioin₅₄, co₂jaun₂ bá₄ ta₁ a₂ma₂cuě₃ Diú₄ a₂'ě₄ jniá₂ jág₁ dse₃ jin₄ dsi₂nau₂,* ju₁lia'₂ lě₅ ta₁ ma₂dsia₃ gu₂ Pe₄ a₂'ě₂ jág₁ dse₃ jin₄ dsa₂ judíos.† ⁸ Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guě'₂ Pe₄ a₂lín₅ 'éi₂ dsa₂ i₂chen₄ quiáin₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guě'₂ jniá₂ ján₃ a₂lín₅ i₂chen₄ quiáin₅ tē₂le₃ jin₄ dsi₂nau₂. ⁹ Jaun₂ lě₃, Jacobo, Pe₄,‡ quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rě₃lí'₄ bá₄ guioin₅₄, 'ŋiog₅ bá₄ Diú₄ ma₂cuě₃ ta₁ ně₅, jaun₂ ca₂cuě₃ gu₂ a₂ca₂jmo₃ léi₄, jniá₂ quian'₅₄ Bernabé co₂'nió'₄ a₂'ei₅ caun₂ jág₁ quiain'₅₄ a₂dsau₅₄ jnia'₅₄ dsi₁jmo₁ ta₁ ja₁con₂ dsi₂nau₂. Guioin₅₄ guě'₂ táng₃ dsi₂jmo₂ ta₁ jin₄ dsa₂ judíos. ¹⁰ Jnia'₅₄ lia'₂ a₂jaun₂ bá₄ jág₁ a₂ca₂cuě₃ a₂jmo₁ jnia'₅₄ dsioğ'₂ dsi₅ dsa₂ te₂ŋē₂, a₂ně₅ bá₄ guě'₂ a₂'ín₅ dsi₃ jniá₂ quín'₅ jniá₂ bí₂ jmo₂₃.

Ca₂jí₂ Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ŋe₄ Pe₄ juig₂ Antioquía, ca₂jéin₂ jniá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃. ¹² Ia₁ le₂jniá₅ jme₁guě'₅ co₂dsia₅ quiain'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ guě₄ ca₂jme₃lióg₃ ca₂ŋó₃ cau₅, tsá₃ ma₃ca₂guě'₃ quiain'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄. ¹³ Jaun₂ dsa₂ judíos i₂'én₂ sián'₂ ca₂jme₃quiain'₅₄ bá₄ Pe₄ a₂lě₁co₂jmo₂₃ o₁ne₁ quiong'₅₄; ca₂lia'₂ le₂jioğ₅ Bernabé ca₂ŋó₃ quiong'₅₄ ján₃. ¹⁴ La₁ jme₁ca₂jág₃ jniá₂ tsá₃ jmo₂₃ lia'₂ con'₂ lě₅ tí₅ dsón'₂ juá'₂ jág₁ dse₃, jaun₂ ca₂juíg₂ jniá₂ Pe₄ tē₃ŋag₅ le₃jín₃ dsa₂:

—'Ne₂ guě'₂ lín₅ jan₂ dsa₂ judío, le₂jaun₂ bá₄ guě'₂ chang'₂ jmo₂ lia'₂ lě₅ chan₂ dsi₂nau₂, on₃juá'₅₄ rě'₂ con'₂ lě₅ jme₁jmo₁'₂ ia₁ a₂lín₅ dsa₂ judío, ¿'a₂ bá₄ lia'₂ jaun₂ chi₁quiang'₅₄ jmig₄ dsi₂nau₂ a₂le₃chain₂ con'₂ lě₅ chan₂ dsa₂ judíos?

¹⁵ 'Lág₅ jniog₄ judíos con'₂ lě₅ chong₂, —ca₂juíg₂ jniá₂ Pe₄—, on₃juá'₅₄ rě'₂ ju₁lia'₂ dsi₂nau₂ i₂qui₂rě₂cán'₄ dso₄. ¹⁶ Jaun₂, a₂ne₄ bá₄ jniog₄, 'i₁jan₂ tsá₃ 'ein₂ guén'₂ Diú₄ ně₂jag₄ i₂tsá₃ 'e₂ dso₄ rin₂, jua'₅₄ a₂jme₃ti₃ 'Éi'₃, jnia'₅₄ lia'₂ a₂le₃'én₂ bá₄ dsa₂ tē₂le₃ quió'₅ Jesucristo. 'Uig₅₄ jaun₂ ca₂tē₂ jniog₄ ján₃ ma₂ca₂rě₃'éin₂ tē₂le₃ quió'₅ Jesucristo ia₁jaun₂ bá₄ guéi'₂ Diú₄ jniog₄ ně₂jag₄ a₂tsá₃ ma₃'e₂ dso₄ rě₂cáu'₄, tē₂le₃ a₂jnia'₅₄ con'₂ 'éin₂ bá₄, on₃juá'₅₄

* 2:7 lit. "jin₄ dsa₂ i₂tsá₃ lo₄ rě₂uĩng₄." † 2:7 lit. "jin₄ dsa₂ i₂rě₂uĩng₄ lo₄"; ján₃ bá₄

‡ 2:9 griego: Cefas; ján₃ bá₄

rè₂ a₂'nió'₅ jme₁ti₁ ta₁ qui'₅ 'Éi'₃. Ia₁ 'i₁jan₂ tsá₃ 'ein₂ chén'₅ rē₂ ne₄ Diú₄ tē₂le₃ quian'₅₄ a₂jme₂ti₃ 'Éi'₃. ¹⁷ Nē₃ nē₃, chi₂jua'₂ 'niog₂ jniog₄ tē₃tsag'₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tióng₂ le₃quió'₅ Cristo, jaun₂ guē₄ ca₂dsióg₃ rē₂jniá₂ a₂lág₅ jniog₄ dsa₂ i₂qui₂rē₂cán'₄ dso₄ bá₄ ján₃, ζon₁ bá₄ 'nió'₄ le₃jua'₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nióg₁ dso₄? ¡Dsón'₂ bá₄ on₃jua'₅₄ le₂jaun₂!

¹⁸ Ia₁ chi₂jua'₂ co₂dsia₅ ma₂ca₂'éng₃ caun₂ cosa, con'₂ siá'₂ guē'₂ 'nio₃ chog'₅₄ táng₃, jaun₂ guē₄ dsón'₂ a₂jme₂jniág₁ 'ñió₃, a₂ma₂ca₂i₁juing₅₄ 'éi'₃. ¹⁹ Tsá₃ 'io₅ bí₂ 'Éi'₃ jua'₅₄ a₂chei'₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi'₃ ia₁jaun₂ le₃chang₂ táng₃ tē₂le₃ ne₄ Diú₄. ²⁰ Jaun₂ co₂'nió'₄ ca₂tē₁ton₅₄ bá₄ jniá₂ co₂lē₅ quian'₅₄ Cristo ne₄ cróg₄; jaun₂ on₃jua'₅₄ 'ñió₃ jniá₂ chang₂; 'ñiog₅ bá₄ Cristo i₂chan₂ jui₅ jme₂dsí₂ quió₃. Lia'₂ con'₂ lē₅ chang₂ ni₁ñí₅ la₂, chang₂ tē₂le₃ a₂jñia'₅₄ con'₂ 'éng₂ tē₂le₃ quió'₅ Ja₁ñi'₅₄ Diú₄, i₂ca₂rē₃'nio₃ jniá₂, ca₂jñin'₂ 'ñiog₅ o₄quió₃ jniá₂. ²¹ Jaun₂ tsá₃ 'nio₃ jniá₂ jua'₅₄ a₂jmo₅₄ cau₅ a₂'ua₁ dsí₅ Diú₄; ia₁ jua'₅₄ mei'₂ guē₃ guion₅₄ dsa₂ lé₂ le₃jmo₃ a₂chein'₃ rē₂ ne₄ Diú₄ tē₂le₃ quian'₅₄ a₂jme₃ti₃ 'Éi'₃, tsá₃ 'e₂ ta₁ tí₄ a₂ca₂jon₃ Cristo jua'₅₄ mei'₂ guē₃ le₂jaun₂.

3

'A₂ lia'₂ guén'₂ Diú₄ dsa₂

¹ ¡'En₁ jmá'₃ tsá₃ rē₂'en₅₄ 'au'₂ 'nia'₂ dsa₂ gálatas! ζ'Ein₂ bá₄ je₂na'₅₄ i₂ca₂jme₃gau₅ 'nia'₂? Jua'₂ ma₂ca₂tē₂ bá₄ ne'₅₄ 'nia'₂ guiong'₅₄ a₂ma₂ca₂jme₂jnia₅ jnia'₅₄ tē₃dsón'₂ 'ñiog₅ Jesucristo i₂tē₁ton₅₄ cróg₄. ² Nāg₄ caun₂ 'nia'₂ a₂juá'₄ la₂: ζ'A₂ lia'₂ ca₂guen'₅₄ 'nia'₂ Jme₂dsí₂ quián₅ Diú₄? ζCa₁guein'₅₄ 'nia'₂ ia₁ a₂ca₂jme₁ti'₄ ta₁ qui'₅ 'Éi'₃ quió'₅ Moisés? ζO₃ bá₄ ca₂guein'₅₄ 'nia'₂ jme₁ca₂rē₃'éng'₂ jág₁ a₂ma₂nei'₂ 'e₂ 'nia'₂? ³ ζ'A₂ bá₄ lia'₂ ñí₄ tsá₃ rē₂'en₅₄ 'au'₂ 'nia'₂? ζO₃ bá₄ 'náu'₂ 'nia'₂ 'au'₂ a₂jme₁'ñiag'₂ quian'₅₄ jui₅bí₂ quiáng'₂ guiong'₅₄ a₂ma₂ca₂jme₁lióg'₄ quian'₅₄ Jme₂dsí₂? ⁴ ζO₃ bá₄ tsá₃ 'e₂ ta₁ tí₄ ca₂le₃jē₃ a₂ma₂ca₂i₃ñi'₂ 'nia'₂? Ju₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂. ⁵ Jē₁ma₂ca₂cuin₃ Diú₄ Jme₂dsí₂ quiáin₅ jmo₂₃ léi₄ juē'₂ jin'₄ 'nia'₂, ζ'e₂ lē₃ jmo₂₃? On₃jua'₅₄ a₂jaun₂ guē'₂ jmo₂₃ ia₁ a₂jme₂ti'₅₄ 'nia'₂ 'Éi'₃. A₂jaun₂ bá₄ jmo₂₃ léi₄ juē'₂ tē₂le₃ ia₁ a₂ca₂rē₃'én'₂ 'nia'₂ jág₁ a₂ma₂nei'₂ bá₄. ⁶ Ia₁ Abraham nē₃, ca₂rē₃'éin₂ tē₂le₃ quió'₅ Diú₄. A₂ca₂rē₃'éin₂ jaun₂, ca₂guéi'₂ Diú₄ nē₂jag₄ bá₄ i₂ca₂rē₃ti'₅₄ 'éi'₃.* ⁷ 'Uig₅₄ jaun₂ nē₃, ca₂tín'₂ 'nia'₂ le₃ñi'₅₄: ju₁lia'₂ dsa₂ i₂'én₂, i₂'éi₂ bá₄ i₂lín₅ tē₃dsón'₂ co₂'nió'₄ tsi₁jon₂ Abraham. ⁸ Ne₄ Si₂ gui'₅₄ jaun₂ ca₂juá'₂ Diú₄ tē₃jñiá₅ ca₂tsí'₃ Abraham a₂guein₃

* 3:6 Génesis 15:6.

le₂jio₅ ds₂nau₂ tē₂le₃ ŋia'₅₄ con'₂ le'₃éin₂ bá₄, co₂'nió'₄ nē₂ja₄
bá₄ i₂le₃ti'₅₄ 'éi'₃, jme₁ca₂juá'₂ le₂la₂: “Ca₂le₃jě₃ juig₂ te₁'i₁ gua'₅₄
'uē₃ jme₁gon'₅₄ jniá₂ tē₂le₃ quian'₅₄ 'ne₂.”† ⁹ Jaun₂ le₂nē₅ bá₄ nē₃,
ju₁lia'₂ dsa₂ i₂'én₂ nē₃, i₂'éi₂ bá₄ i₂lín₅ dsa₂ i₂rē₂gon'₅₄ quián₅ Diú₄
co₂dsia₅ quiaín'₅₄ Abraham i₂ca₂rē₃'én₂ 'éi₂.

¹⁰ Dsa₂ i₂jmo₅ dsí₅ a₂tioín'₅₄ 'Éi'₃ tióin₂ juí₅ 'éi'₃ a₂dsi₃'éin₂. Ia₁
juá'₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jě₃ 'éi'₃ a₂tio'₅₄ ne₄
Si₂ tioín'₅₄ 'éi'₃ a₂dsi₃'éin₂.”‡ ¹¹ Rē₂ bá₄ léi₄ jaun₂ nē₃, 'i₁jan₂
tsá₃ 'ein₂ lé₂ le₃náu₃ rē₂ ne₄ Diú₄ tē₂le₃ ia₁ a₂jme₂ti₃ 'Éi'₃. Ia₁
ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, tē₂le₃
a₂ŋia'₅₄ con'₂ a₂'éin₂ bá₄ le₃chain₂.”§ ¹² La₁ 'Éi'₃ Juá'₅ quió'₅
Moisés nē₃, on₃juá'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁
tē₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lē₅ juá'₂ 'Éi'₃,
quian'₅₄ 'Éi'₃ jaun₂ le₃chain₂.”* ¹³ Cristo ca₂quí₃ ca₂lió₂ jniog₄
uig₅ a₂jme₁ca₂tág₂ guéi₁ con'₂ lē₅ 'Éi'₃. Ia₁ ne₄ Si₂ juá'₂: “Ma₂rē₂'ē₂
uig₅ ja₁con₂ chi₂juá'₂ 'ein₂ i₂tē₂ton₅₄ guei'₅₄ 'ma₂.”† ¹⁴ Le₂nē₅
ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham,
ŋag₅ le₃ja₁con₂ ds₂nau₂ tē₂le₃ quian'₅₄ Cristo Jesús. Ca₂quí₃
ia₁jaun₂ guéi₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂
Jnió₅ a₂ma₂juá'₂ cuín₃.

Ju₁lia'₂ 'Éi'₃ Juá'₅, quian'₅₄ jág₁ a₂ma₂cuē₃ Diú₄

¹⁵ Rin'₅₄ jniog₄, la₂ cuē₅₄ jniá₂ caun₂ jág₁ jáng'₅ léi₄ 'a₂ lia'₂ lē₅
jmo₅ dsa₂ mī₂güig₃: Ju₁lia'₂ jme₁quiog₂ dsa₂ caun₂ si₂ ja₁tio'₅₄
jág₁ a₂lí'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂
le₃jmo₃ tsá₃ quen₅ si₂ jaun₂, on₃ guē'₂ ma₂lé₂ jua'₅₄ jmo₃ guē₄
ŋag₅₄ 'i₁caun₂ con'₂ lē₅ jaun₂. ¹⁶ Jaun₂ le₂nē₅ ca₂cuē₃ Diú₄ jág₁
quió'₅ ca₂cuē'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅
tsá₃ juá'₂ jua'₅₄ a₂'in₂₃ “juín₅ tsi₁jon₂” 'éi₂. Ca₂juá'₂ “tsi₁jon₂
quiáng'₂”,‡ 'in₂₃ jan₂ dsa₂ bá₄. I₂jan₂ 'éi₂ lín₅ Cristo. ¹⁷ Le₂la₂
bá₄ 'ē₅ jniá₂: Ca₂jmo₃ Diú₄ caun₂ jág₁ quiaín'₅₄ Abraham.
Jaun₂ jme₁ca₂gua₃ 'Éi'₃ Juá'₅ nē₃, quén₂ 'niá₂-láu₂ rē₂dsí₂ guióg₂-
guiá₂ (430) ŋi₂ cang₂ jaun₂, la₁ tsá₃ le₃juá'₅₄ jua'₅₄ a₂tsá₃ quen₅
jág₁ a₂lí'₅₄ Diú₄ quiaín'₅₄ Abraham, on₃ guē'₂ le₃juá'₅₄ a₂tsá₃
jma₃quen₅ jág₁ ron₅ a₂rē₂cuē₁ quió'₅ Diú₄. ¹⁸ Ia₁ jua'₅₄ mei'₂
guē₃ lé₂ gue₃ dsa₂ a₂ca₂tíin₂ a₂cuē₃ Diú₄ tē₂le₃ ia₁ a₂jme₂ti₃
'Éi'₃, jaun₂ tsá₃ ma₃le₃juá'₅₄ jua'₅₄ a₂gue₃ guē₄ dsa₂ tē₂le₃ ia₁
a₂ma₂cuē₃ Diú₄ jág₁ quió'₅. La₁ ca₂cuē₃ Diú₄ jág₁ quió'₅ nē₃
ca₂cuē'₃ Abraham a₂ca₂tíin₂ gue₃ a₂lē₁gue₃ co₂ŋí₂ bá₄. ¹⁹ ¿'E₂
ta₁ qui'₅ 'Éi'₃ Juá'₅ jaun₂ nē₃? Cang₂ jaun₂ bá₄ ca₂já₃, a₂quí'₃ ta₁

† **3:8** Génesis 12:3; 18:18; 22:18. ‡ **3:10** Deuteronomio 27:26. § **3:11** Habacuc

2:4. * **3:12** Levítico 18:5. † **3:13** Deuteronomio 21:23. ‡ **3:16** Génesis 12:7;
13:15; 24:7.

a₂'ë₃ 'a₂ lia'₂ lë₅ qui₂i₁ju_{in}₅₄ dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃ "tsi₁jon₂ i₂jan₂ i₂'iin₂₃ 'éi'" con'₂ lë₅ jág₁ ma₂cuë₃ Diú₄. 'Éi'₃ jaun₂ në₃, ca₂të₁ron₅₄ të₂le₃ quian'₅₄ ángel i₂ca₂'ë₂ jág₁. Ca₂të₁tsin'₅₄ jan₂ dsa₂ i₂chén'₅ ne₄ jág₁. ²⁰ La₁ jme₁ca₂dsia₃ Diú₄ jág₁ quia_{in}'₅₄ Abraham le₂'uig₅₄, 'ñiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂quí'₅ 'Éi'₃ Juá'₅

²¹ ¿O₃ bá₄ co₂'nió'₄ juá'₂ jaun₂ në₃, a₂quí'₅ ta₁ 'Éi'₃ a₂'nio₃ 'éin₂ jág₁ a₂ma₂cuë₃ Diú₄? On₃juá'₅₄ le₂jaun₂. Jua'₅₄ mei'₂ guë₃ lé₂ le₃cuë₃ 'Éi'₃ Juá'₅ caun₂ jui₅ ja₁lé₂ le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄ dsa₂ të₂le₃ quian'₅₄ a₂jme₃ti₃ dsa₂ 'Éi'₃ jaun₂. ²² La₁ lia'₂ con'₂ lë₅ juá'₂ ne₄ Si₂, ca₂le₃jín₃ bá₄ dsa₂ tioin'₅₄ le₁'ñei'₅₄ jui₅ ja₁'no₂₃ dso₄, ia₁jaun₂ të₂le₃ a₂jñia'₅₄ con'₂ 'éin₂ bá₄ të₂le₃ quió'₅ Jesucristo le₃gue₃ a₂ma₂juá'₂ Diú₄ cuë₃.

²³ Né'₃ a₂guá₂ jág₁ a₂le₃'én₂ dsa₂ në₃, jme₁tio'₅₄ jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁ jniog₄, qui₂le₁jñia₁ a₂le₃jniá'₂ a₂le₃'éin₂ jaun₂. ²⁴ 'Uig₅₄ jaun₂ bá₄ në₃, 'Éi'₃ ca₂jme₃góin₃ ne₄ quián₂ jniog₄, në₂jag₄ bá₄ jan₂ të₅ i₂ca₂jio₃ ca₂të₂ ja₁con₂ Cristo, ia₁jaun₂ jë₁ma₂ca₂rë₃'éin₂ të₂le₃ quió'₅ 'éi₂, lé₂ le₃të₃tsag'₅₄ jniog₄ rë₂ ne₄ Diú₄. ²⁵ Jaun₂ rë₂në₃ në₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi'₃ jua'₅₄ a₂jaun₂ a₂jio₃ guë₄ jniog₄, jmo₅ 'í₁. ²⁶ A₂lín'₅ 'nia'₂ ca₂le₃jíng'₃ chi'₂-guein₂ quián₅ Diú₄, të₂le₃ ia₁ a₂'én'₂ 'nia'₂ le₃quió'₅ Cristo Jesús. ²⁷ Jaun₂ ca₂le₃jín'₃ 'nia'₂ con'₂ i₂ma₂tion'₅₄ 'ei₅ caun₂ jág₁ quian'₅₄ Cristo lia'₂ con'₂ jme₁ca₂jñóg'₂ jmig₂, tión'₂ 'nia'₂ a₂rë₂jñiág'₁ rë₂líng'₅₄ në₂jag₄ bá₄ Cristo 'ñiog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁jñia'₅₄ i₂lín₅ judíos, o₃ griegos, on₃ guë'₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guë'₂ dsa₂ i₂tsá₃ 'ein₂ ne₄ jme₂ti₃ në₃; dsa₂ ñe'₂, o₃ dsa₂ mí₂ 'e₂; ia₁ i₂co₂rín₂ bá₄ 'nia'₂ le₃quió'₅ Cristo Jesús. ²⁹ Chi₂juá'₂ tén'₅ 'nia'₂ le₃quió'₅ Cristo, jaun₂ guë₄ líng'₅ dsa₂ tsi₁jon₂ Abraham, jaun₂ ca₂tín'₂ 'nia'₂ guéi'₁ a₂lë₅ jág₁ a₂cuë₃ Diú₄.

4

¹ A₂la₂ bá₄ juá'₅ jniá'₂: Të₁lia'₂ bin'₅₄ guein₂, i₂ca₂tín₂ gue₃ a₂lë₅ jág₁ a₂cuë₃ jmei₂, tsá₃ jua'₅₄ jma₃quén₅ lín₅ quian'₅₄ dsa₂ i₂'lian'₅₄ quián₅ jmei₂, o₁jñia'₅₄ a₂dsau₅ jan₂ i₂'éi₂ bá₄ quió'₅ ca₂le₃jë₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jë₃ a₂cha₂ quió'₅ 'éi₂, ca₂lia'₂ ca₂të₂ jmig₄ a₂'ë₅ jmei₂. ³ Jaun₂ le₂në₅ bá₄ lë₅ quian'₅₄ jniog₄. Të₁lia'₂ con'₂ big'₅₄, jme₁chong₂ jniog₄ le₁'ñei'₅₄ ne₄ 'éi'₃, tag₄ a₂jio₃ bí₂ ja₁con₂ dsa₂ mí₂güig₃. ⁴ La₁ jme₁ca₂dsin₃ jmig₄, ca₂chen₃ Diú₄ Ja₁ñi'₅₄, ca₂rë₃cháin₃ ca₂caun₃ jan₂ dsa₂

mí₂ dsa₂ mi₂güí₃, ca₂guain₃ líin₅ jan₂ dsa₂ i₂rē₂'en₅₄ ne₄ 'Éi'₃ Juá'₅. ⁵ Le₂nē₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂, ia₁jaun₂ guéi'₂ Diú₄ jniog₄ a₂ma₂lág₅ chi'₂-guein₂ quiáin₅. ⁶ Jaun₂, 'uig₅₄ ia₁ a₂lín'₅ 'nia'₂ chi'₂-guein₂ quiáin₅ nē₃, jaun₂ ca₂chein₃ Jme₂dsí₂ quián₅ Ja₁ŋi'₅₄ tē₂dsí₅ jniog₄, jaun₂ Jme₂dsí₂ nē₃ juá'₂: “¡Abba!* ¡Tia₅₄ quiáng₃!” ⁷ Le₂nē₅ jaun₂, tsá₃ ma₂lín'₅ 'ne₂ jan₂ i₂chi₁'ŋe'₅₄ ne₄ 'éi'₃; ma₂lín_g'₅ jan₂ ja₁ŋi'₅₄ bá₄. Jaun₂ chi₂jua'₂ lín_g'₅ jan₂ ja₁ŋi'₅₄, ján₃ bá₄ ma₂lín_g'₅ jan₂ i₂ca₂tín₂ gue₃ a₂lě₅ jág₁ cuē₃.

I₅ dsí₅ Pa₄ o₄ quió'₄ dsa₂ 'én₂

⁸ Le₂ŋiá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tion_g'₅₄ le₁'ŋeg'₅₄ ja₁con₂ diú₄ lag₄ i₂tē₂dsón'₂ on₃jua'₅₄ i₂le₃jua'₅₄ diú₄ dsón'₂. ⁹ La₁ rē₂nē₃ nē₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin₅ Diú₄ 'nia'₂. Jaun₂ nē₃, ¿₂a₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄? ¹⁰ Ia₁ jmo'₂ bá₄ guē₄ 'nia'₂ 'au'₂ a₂jme₂juē'₁ a₂lín₅₄ jmig₄, tsi'₂, ŋi₂, jein₂ nē₃. ¹¹ 'Ŋio₅ dsí₂gó'₃ dsí₃ ia₁ con'₂ tsá₃ ŋó₅ nē₁jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

¹² Rin'₅₄ jniog₄, chi₂len'₄ jniá₂ 'nia'₂ jui₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsí₃ ján₃ a₂lín₅ lia'₂ lín₅ 'nia'₂. Tsá₃ 'e₂ jua'₅₄ a₂tsá₃ dsí₂ten₅₄ a₂ma₂jmog'₅₄ 'nia'₂. ¹³ Ia₁ ma₂ŋi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín_g₄. ¹⁴ Dso₄ a₂ca₂jéin₃ jniá₂ jaun₂ nē₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guē₄ ca₂guei'₅₄ bá₄ 'nia'₂ jniá₂ nē₂jag₄ bá₄ jan₂ ángel quián₅ Diú₄, nē₂jag₄ bá₄ lín₅ Cristo Jesús 'ŋiog₅. ¹⁵ ¿₂E₂ bá₄ ca₂lě₃ quian'₅₄ a₂ŋi₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guē₃ lé₂, jme₁'uē'₄ 'nia'₂ mí₂g₂ ne'₅₄ guiong'₅₄, a₂jme₁cuē'₁ jniá₂. ¹⁶ Jaun₂ nē₃, ¿₂on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

¹⁷ Dsa₂ 'éi'₂ nē₃, 'ŋio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsí₂jio₅ dsí₅. A₂'no'₂ jui₅ a₂téi'₄ 'nia'₂ jniá'₅₄, ia₁jaun₂ le₃dsen₅₄ 'au'₂ a₂'éin'₄ guioin₅₄. ¹⁸ A₂dsón'₂ a₂dse₃ bá₄ jaun₂ a₂cuē'₅ dsa₂ bí₂ riin'₅₄, chi₂jua'₂ a₂jaun₂ bá₄ a₂dse₃ a₂dsí₂jio₅ dsí₅. La₁ jui₁jmo₁₂ le₂jaun₂ co₂tan₅₄, on₃jua'₅₄ rē'₂ jmá'₃ jme₁'en₅₄ jniá₂ quian'₅₄ 'nia'₂. ¹⁹ 'Nia'₂ chi'₂-guein₂ quiáng₃, con'₂ siá'₂ táng₃ ma₂ŋag₅₄ uig₅ o₄quián'₂ 'nia'₂, lín₅ nē₂jag₄ bá₄ jan₂ 'io₅₄ i₂chan₂ uig₅; caun₂ ŋag₅₄ uig₅ le₂nē₅ bá₄ ca₂lia'₂ ca₂lín'₃ 'nia'₂ a₂dsi₁nóg'₅ lén_g'₂ lia'₂ lín₅ Cristo. ²⁰ ¡Jua'₅₄ mei'₂ bá₄ lé₂

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

le₃dsióg₄ jniá₂ tē₂nē₃ ja₁con'₂ 'nia'₂, ia₁jaun₂ jme₁tsing₄ 'a₂ lia'₂
 dsia₅₄ jāg₁ quian'₅₄ 'nia'₂! Ia₁ 'ŋio₅ lin₃ tsá₃ guion₅₄ 'a₂ lia'₂ jmo₅₄
 quian'₅₄ 'nia'₂.

Já_g1 jáng'₅ léi₄ jui₁lia'₂ Agar quian'₅₄ Sara

21 'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅, ŋag₄ caun₂
 'nia'₂ a₂juá'₄ jniá₂ la₂: ¿Tsa₁ ma₂nei'₂ 'nia'₂ a₂juá'₂ 'Éi'₃ jaun₂?
 22 Ia₁ juá'₂ Si₂ 'iin₂₃ Abraham, 'éi₂ nē₃ ca₂rē₃chán₃ on₃ ja₁ŋi'₅₄.
 Jan₂ i₂ca₂can₃ dsa₂ mí₂ i₂jme₁jme₂ti₃ ta₁ ne₅₄; jan₂ guē'₂
 i₂ca₂can₃ dsa₂ mí₂ quián₅ dsón'₂ i₂tsá₃ 'ein₂ ne₄ dsa₂ sián'₂
 jme₂ti₃. 23 Guein₂ i₂ca₂can₃ dsa₂ mí₂ i₂jme₂ti₃ ta₁ ne₄ Abra-
 ham, ca₂rē₃cháin₃ con'₂ lē₅ rē₂chan₂ guein₂ lē₁guein₂, la₁ guein₂
 i₂ca₂can₃ dsa₂ mí₂ quián₅ Abraham 'ŋiog₅ nē₃ ca₂rē₃cháin₃
 a₂ca₂rē₃ti₃ jāg₁ a₂cuē₁ quió'₅ Diú₄. 24 Já_g1 nē₅, lē₅ caun₂ jāg₁
 a₂jáng'₅ léi₄. Le₃on₃ 'io₅₄ nē₅ co₂'nió'₄ tin₃ jāg₁ a₂li'₅₄ Abraham
 quian'₅₄ Diú₄. Caun₂ jāg₁ nē₅ lē₅ co₂'nió'₄ Má'₂ Sinai a₂jáng'₅
 léi₄ tē₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁ ne₄ dsa₂.
 25 Jaun₂ lín₅ Agar co₂'nió'₄ Má'₂ Sinai, a₂chí'₅ 'uē₃ Arabia, a₂lē₅
 caun₂ nió'₄ quió'₅ Jerusalén jmig₄ nē₃, ia₁ tion'₅₄ dsa₂ chan₂
 ciudad jaun₂ jme₂ti₃ 'éi'₃ co₂dsia₅ quian'₅₄ chí'₂-guein₂ quián₅.
 26 La₁ jui₁lia'₂ Jerusalén 'mí₂ quió'₅ guei'₅₄ nē₃, rē₂na₄ bá₄ jui₅;
 jaun₂ ja₁jaun₂ bá₄ lē₅ nē₂jag₄ bá₄ chog₅₄ jniog₄. 27 Ia₁ ne₄ Si₂juá'₂:
 Quian₂ o₂'ŋi₃ dsí₅, 'ne₂ 'io₅₄ quen₂,

'ne₂ dsa₂ mí₂ i₂tsá₃ guein₂ ma₂can₅,

'ú₅ co₂mi'₅₄ guio'₅₄ a₂'io'₂ jéng'₂,

'ne₂ i₂tsá₃ 'e₂ jme₁ma₂cuing'₂ 'e₂ jaun₂ a₂chang'₂ uig₅.

Ia₁ tē₂le₃ juin₅ guē'₄ guein₂ le₃chan₂ bá₄

quió'₅ dsa₂ mí₂ i₂ca₂téi₂ dsa₂,

lia'₂ con'₂ guē'₄ dsa₂ mí₂ i₂chan₂ dsi₂i₂gu₂.†

28 Rin'₅₄ jniog₄, lín'₅ bá₄ 'nia'₂ jui₁lia'₂ Isaac; lín'₅ 'nia'₂ chí'₂-
 guein₂ con'₂ lē₅ jāg₁ ca₂cuē₃ Diú₄. 29 Le₂nē₅ bá₄ jui₁lia'₂
 jmig₄ jaun₂, ja₁ŋi'₅₄ i₂ca₂rē₃chán₃ con'₂ lē₅ rē₂chan₂ ca₂le₃jín₃,
 qui₂ca₂co₃'ein₃ bá₄ ja₁ŋi'₅₄ Abraham i₂ca₂rē₃chán₃ con'₂ ta₁
 quió'₅ jme₂dsí₂, le₂nē₅ bá₄ lē₅ rē₂nē₃ ján₃. 30 ¿La₁ 'e₂ juá'₂ ne₄
 Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ nē₅ lia'₂
 jma₃quian'₅₄ ja₁ŋi'₅₄, ia₁ lia'₂ o₁líg'₂ jmig₄ jua'₅₄ ja₁ŋi'₅₄ 'io₅₄
 'lian'₅₄ nē₅ ca₂tín₂ tīn₅₄ a₂dse₃ a₂ca₂tín₂ ja₁ŋi'₅₄ 'io₅₄ i₂jīn₅₄.”‡
 31 Jaun₂ nē₃, rin'₅₄ jniog₄, tsá₃ lág₅ jniog₄ chí'₂-guein₂ quián₅ 'io₅₄
 i₂co₂'nió'₄ chí'₁'ŋe'₅₄ 'éi₂. Lág₅ bá₄ jniog₄ chí'₂-guein₂ quián₅ 'io₅₄
 i₂jīn₅₄ § bá₄.

† 4:27 Isaías 54:1. ‡ 4:30 Génesis 21:10. § 4:31 o₃, “'io₅₄ i₂lon₄.”

5

Tiá₂ nau₂ 'nia'₂ jui₅ rē₂na₄

1 Cristo ca₂chéi'₂ jniog₄, ia₁jaun₂ tsá₃ ma₃le₃chong₂ jua'₅₄ a₂le₁'nei'₅₄ gué₄. Jaun₂ tiá₂ nau₂ 'nia'₂ jui₅ rē₂na₄, tsá₃ ma₃tón'₂ 'nia'₂ táng₃ uig₅ 'éi'₃ guei₂ co₂'nió'₄ a₂jmo₅ a₂rē₂'ŋe'₅₄ dsa₂. 2 Jaun₂ rē₂ nei₂ 'nia'₂. Jniá₂ Pa₄, juíg₂ 'nia'₂: Nē₁jua'₂ cuín'₅ 'nia'₂ a₂ti₃ dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂. 3 'Nio₃ jniá₂ juá'₄ táng₃: nē₁'ein₂ cuín₅ a₂ti₃ dsa₂ ni₁lo₁₂, ca₂tín₂ jme₃ti₃ ca₂le₃jě₃ 'éi'₃ quí'₅ Si₂ quió'₅ Moisés. 4 'Nia'₂ i₂'náu'₂ jui₅ a₂guéi'₂ Diú₄ a₂lín'₅ dsa₂ dsen₃ tē₂le₃ 'uig₅₄ ia₁ a₂rē₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂. 5 Ia₁ tē₂le₃ quian'₅₄ Jme₂dsí₂, tē₂le₃ jnia'₅₄ 'a₂ con'₂ 'éin₂ bá₄ jniog₄, chong₂ a₂ín₂ dsi₅ le₁jnia₁ a₂já₅ caun₂ jmig₄ jē₁léi₂ dsón'₂ jniog₄ dsa₂ dsen₃. 6 Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jnia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₂dsón'₂ quen₅, a₂le₃jniá₂ tē₂le₃ quian'₅₄ a₂jme₁'nió'₄ jniog₄ rin'₅₄. 7 Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂ jág₁ a₂tí₅ dsón'₂? 8 On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅. 9 Lē₅ ju₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ jui₁ levadura, jmo₃ ta₁ guion'₂ ca₂le₃jě₃ ti₁can₁.” 10 Caun₂ bá₄ 'ei₅ dsi₃ tē₂le₃ ja₁con₂ Te₁gui'₅₄, a₂tsá₃ ma₃dsi₃jio₅ 'au'₂ 'nia'₂ le₂siá'₂; Diú₄ bá₄ 'ē₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lē₅ jaun₂ jui₁'ein₂ gué₃. 11 Tē₂le₃ quió'₃ gué'₂ rin'₅₄ jniog₄, jua'₅₄ mei'₂ gué₃ ŋi₅ jniá₂ te₁neg'₅₄ dsa₂ a₂ti₃ lo₅₄, ¿'e₂ gué'₂ lē₃ qui₂co₂'ein₅ dsa₂ jniá₂? Jág₁ dse₃ a₂rē₂'ē₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁tiin₃ jua'₅₄ mei'₂ gué₃ le₂jaun₂. 12 La₁ ju₁lia'₂ dsa₂ i₂cuē₅ o₂me'₅₄ dsi₅ 'nia'₂ a₂'ē₂₃ a₂ti₃ dsa₂ lo₅₄, jua'₅₄ co₂'ŋei'₅₄ bá₄ ti₃ quió'₅ guoin₅₄!

13 Ia₁ 'nia'₂, rin'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jnia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ gué₄ 'nia'₂ a₂mi₅ ni₁ŋi'₁ ia₁ a₂lín'₅ dsa₂ i₂ma₂lón₂. Tē₂le₃ jme₁ti₃ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. 14 Ia₁ quian'₅₄ ca₂jon₄ jág₁ bá₄ a₂rē₂'ŋia₅ ca₂le₃jě₃ 'Éi'₃ Juá'₅: “Jme₁'nió'₄ dsa₂ mi₂güí'₃ ríng'₂ ju₁lia'₂ 'nió'₃ 'ŋiag'₂.”* 15 La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₂ŋi'₅₄ quián'₂ 'nia'₂ ia₁ con'₂ tsá₃ ŋó₅ nē₁jua'₂ guion'₅₄ bá₄ 'nia'₂ qui₂co₂dsi₃'éng'₅.

'A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güí'₃ la₂

* 5:14 Levítico 19:18.

16 A₂la₂ bá₄ a₂juí₂g₂ jniá₂ 'nia'₂: Jui₁le₂chan'₂ bá₄ 'nia'₂ con'₂ lě₅ jiog₅ Jme₂dsí₂, jaun₂ bá₄ dsió₄ a₂tsá₃ ma₃jme₁tí'₄ 'nia'₂ a₂mi₅ ni₁ŋi'₁. 17 Ia₁ ca₂le₃jě₃ a₂ín₅ dsí₅ ni₁ŋi₁ dsa₂, 'io'₅₄ Jme₂dsí₂ quián₅ Diú₄. Ján₃ guē'₂ le₂jaun₂ a₂ín₅ dsí₅ Jme₂dsí₂ 'io'₅₄ ni₁ŋi₅ táng₃. Tsá₃ jein'₂; lě₅ 'nei₂. 'Uig₅₄ jaun₂ bá₄ tsá₃ lě₂ le₃jmó'₂ 'nia'₂ a₂'nio₂'₂. 18 Ia₁ nē₁jua'₂ jiog₅ Jme₂dsí₂, tsá₃ ma₃tiong'₅₄ 'Éi'₃ Juá'₅. 19 Ia₁ a₂rě₂jniá₂ dse₃ bá₄ 'a₂ lia'₂ lě₅ chan₂ dsa₂ i₂i₂nio₄ con'₂ lě₅ 'ŋio₂ dsí₅ ni₁ŋi₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ŋio₅ lě₁'ŋioi₅ 'e₂ guē₃ a₂jmo₅-dsá_{u5}; tsá₃ con₂ dsí₅; 20 qui₂jme₂gain₃ diú₄ lag₃; jmo₂₃ mí₅ a₂chan₂ dsí₅;† i₂'ŋia₅₄ dsa₂ mi₂güí₃ rin'₅₄; i₂qui₂tsin₅ quian'₅₄ rin'₅₄; i₂dsí₅ 'uin₅ dsí₅; i₂caun₂ lě₁rě₂'ne₂; i₂'ē'₂ a₂cha₂ quió'₅; i₂dsia₅ mi'₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ rin'₅₄; 21 i₂uig₅ dsí₅; [i₂jme₂dsian₅ rin'₅₄];‡ i₂i₂nio₄ lě₁'en₅; qui₂jmo₂₃ jmí₄ ja₁qui₂jmo₅-dsá_{u5} a₂'lig'₅₄ ně₃. 'Lióng₂ bá₄ guē₄ a₂siá'₂ jmo₅ i₂lin₅₄ a₂mei'₂ tsá₃ co₂rě₂ ján₃. Jaun₂ 'ě₅ jniá₂ jág₁ tē₃jniá₅, jui₁lia'₂ ma₂juá'₃ jniá₂ le₂jniá₅ ma₂juí₂g₂ 'nia'₂, ca₂le₃jín₃ dsa₂ i₂qui₂jmo₅-dsá_{u5} a₂ně₅ o₁líg'₂ jmí₄ tsá₃ tíin'₄ ja₁gon₂ Diú₄. 22 La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ riin'₅₄; chain₂ o₂'ŋi₃ dsí₅; tei₄ le₁'ág₄ dsí₅ ně₃, ton'₂ juin'₂ dsí₅ líin₅; 'ŋio₂ dsí₅ quiain'₅₄ riin'₅₄; jmo₂₃ a₂dse₃ dsí₅ ja₁con₂ riin'₅₄ ně₃; tí₅ jág₁ quió'₅ ně₁'e₂ jág₁ jmo₂₃ quiain'₅₄ riin'₅₄. 23 'Ua₁ dsí₅ líin₅ ja₁con₂ riin'₅₄; ŋi₅ 'a₂ lia'₂ jme₃'uáin₂ dsí₅ 'ŋiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lě₂ le₃'liog'₃ quió'₅ dsa₂ i₂chan₂ le₂ně₅. 24 Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂i₃lě₂ ne₄ cróg₄ ca₂le₃jě₃ lia'₂ lě₅ jme₁lín₄ chain₂ mi₂güí₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsi₂jio₅ dsí₅ jmo₃ ně₃. 25 Le₂ně₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jio₅ Jme₂dsí₂. 26 Tsá₃ ca₂tág₂ jniog₄ jmó₁ táu'₅, on₃ guē'₂ dsiá₁ mi'₅₄ le₂jau₂ le₂jau₂, on₃ guē'₂ jmó₁ uig₅ dsí₅ quian'₅₄ rin'₅₄.

6

Jme₁'on₁ 'nia'₂ ríng'₂ le₂jang'₂ le₂jang'₂

1 Rin'₅₄ jniog₄, nē₁'ein₂ 'nia'₂ ca₂tán'₂ dso₄, 'nia'₂ guē'₂ con'₂ i₂ma₂jio₅ Jme₂dsí₂, ca₂tín'₂ 'nia'₂ jme₁'oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ŋó₅ nē₁le₂jio₅ 'ŋiag'₂ ca₂táng'₂ ján₃. 2 Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsí₅ guei₂ quian₅ ríng'₂, ia₁ le₂ně₅ bá₄ le₃ten'₅₄ 'nia'₂ 'éi'₃ a₂ca₂quiog₂ Cristo.* 3 Ia₁

† 5:20 griego: farmakeía. ‡ 5:21 A₂lin₅₄ chog₅₄ si₂ tsá₃ le₁ton₅ jág₁ ně₅.

'Nió'₂ ja₁ton₅ Juan 13:34.

* 6:2

nē₁jua'₂ chan'₂ ein'₂ lín₂ tiin'₂ jmo₂₃, nē₁jua'₂ tsá'₃ 'e₂ ta₁ téin₄ guē'₂ nē₃, jme₂gain₂₃ 'ñiog₅. ⁴ Le₂jan₂ le₂jan₂ bá₄ dsa₂ ca₂tiin₂ con₂ 'í₁ 'a₂ lia'₂ njia'₅₄ ma₂lě₅ chain₂ guioin₅₄. Nē₁jua'₂ ca₂rě₃lí'₄ rě₂ ma₂chain₂, tióin₂ dse₃ guioin₅₄ bá₄, on₃jua'₅₄ njia'₅₄ 'nio₃ chein'₃ dse₃ o₄quíó'₄ i₂sián'₂. ⁵ Ia₁ i₂jma₃quén₅ cán₂ guei₂ o₂me'₅₄ dsi₅ guion₅₄ bá₄ dsa₂ le₂jain₂ le₂jain₂.

⁶ Ju₁lia'₂ dsa₂ i₂rě₂tin₂ jág₁ quió'₅ Diú₄, ca₂tiin₂ jme₃oin₅₄ tē₅ quiáin₅ quian'₅₄ ca₂le₃jě₃ ne₅₄ a₂dse₃ a₂cha₂ quió'₅. ⁷ Tsá₃ lě₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lě₂ lě₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸ Ju₁lia'₂ jan₂ dsa₂ i₂jne₅ a₂'ín₅ dsí₅ ni₁ñi₁ 'ñiog₅, jui₅ ni₁ñi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹ Le₂ně₅ bá₄, tsá₃ lě₁o₁'ú'₄ dsi₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂'ág₂ caun₂-tin₃ dsi₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰ Jaun₂ lě₃, lia'₂ co₂ráun₂ lě₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lin₃ guě₄ le₃ja₁con₂ rin'₅₄ jniog₄ i₂'én₂.

Ē₂ guě₄ jág₁ tē₃ñiá₅, jě₁'ág₅ jág₁

¹¹ Jag₄ 'nia'₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñió₃,† si₂ a₂tsíng₂ ne'₅₄ 'nia'₂. ¹² Dsa₂ i₂ñia'₅₄ 'nio₃ le₃jniai₂ tióin₂ dse₃, chi₂quiáin₂ jmig₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³ Ca₂lia'₂ njia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jě₃ 'Éi'₃ Juá'₅ jaun₂. La₁ 'nio₃ nē₃ a₂tí'₁ 'nia'₂ quiáng'₂, ia₁jaun₂ le₃jmo₃ táin'₅ ja₁con₂ ni₁ñi₁ 'nia'₂. ¹⁴ La₁ jniá₂ nē₃, o₁líg'₂ tsá₃ 'nio₃ jmo₅₄ táng'₅, njia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ñí₂ bá₄ mi₂güig₃ ja₁con₂ jniá₂; ján₃ guě'₂ le₂jaun₂ co₂'nió'₄ ma₂jon₅ bá₄ jniá₂ tē₂le₃ ne₄ mi₂güig₃. ¹⁵ Jaun₂ nē₃, 'i₁caun₂ tsá₃ 'e₂ quen₅ a₂rě₂uing₄ o₃ a₂tsá₃ 'e₂ rě₂uing₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rě₃ 'mag'₂ tē₂dsí₅, a₂ně₅ bá₄ dsón'₂ a₂quen₅. ¹⁶ Tē₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lě₅ jág₁ nē₅, ju₁le₁'ág₄ bá₄ tei₄ 'au'₂ 'nia'₂, ju₁dsia₅₄ bá₄ Diú₄ néi₂ dsí₅ ja₁con₂ 'nia'₂ i₂lín'₅ tē₃dsón'₂ dsa₂ juig₂ quiáin₅. ¹⁷ Nē₃ nē₃, tē₂le₃ ne₄ ju₁ ja₁dsau₅₄ nē₅, 'i₁jan₂ tsá₃ 'ein₂ ju₁cuē₅₄ o₂me'₅₄ dsi₃, ia₁ ma₂quian₄ bá₄ jniá₂ 'ñió₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lín'₅ tē₃dsón'₂ jan₂ dsa₂ quián₅ Jesús.

¹⁸ Ju₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia'₂, rin'₅₄ jniog₄. A₂méi₃.

Co₂ně₅.

† 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂juig₂ Efeso

¹ Jniá₂, Pablo, co₂në₅ ca₂rë₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con₂'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ guë₄ i₂'én₂ le₃quió'₅ Cristo Jesús. ² Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo në₃. Ju₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lin₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juíg₃. ⁴ Lia'₂ con₂'né₃ a₂jmo₃ Diú₄ mi₂güí₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂ñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con₂'lě₅ ca₂i₃jio₅ dsí₅. Ia₁ le₂në₅ ca₂rë₃'ñi₃ó₃ dsí₅ 'ñiog₅. ⁶ 'Uig₅₄ në₅ në₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lin₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñi₄ 'nioi₃ lin₃. ⁷ 'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmí₂'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñi₄ lě₃ 'ua₁ dsí₅. ⁸ A₂dse₃ dsí₅ lin₃ bá₄ Diú₄ ca₂jmo₃ a₂le₃ñí'₂ dsí₅ jniog₄ a₂le₃tag₂ ca₂le₃jě₃, ⁹ a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rē₂'ma₄, a₂i₃jio₅ dsí₅ jmo₃, lia'₂ con₂'lě₅ ca₂rë₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lě₃ dsí₅ jmo₃ le₃quió'₅ Cristo. ¹⁰ Lia'₂ con₂'lě₅ jág₁, jme₃tí₃ bá₄ lia'₂ tí₅ jág₁ quió'₅ jē₁ma₂ca₂tē₂ jmig₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uë₃.

¹¹ Ján₃ bá₄ le₂në₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ tē₃jñiá₅ lia'₂ con₂'lě₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con₂'lě₅ dsí₂jio₅ dsí₅ jmo₃. ¹² Le₂në₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ juë'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rë₃'ě₂ jág₁ a₂lión₂ dsa₂, jaun₂ ca₂rë₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lin'₃ 'nia'₂ léi₄ a₂líng'₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó₅ i₂ma₂lě₅ jág₁ cui₃

* 1:1 lit. "dsa₂jñi₃ó₅." † 1:1 A₂lin₅₄ chog₅₄ si₂ tsá₃ chi₁ton₅ "ciudad Efeso."

Diú₄. ¹⁴ Jme₂dsí₂ Jñi₅ 'éi₂ bá₄ ně₃ líin₅ co₂'nió'₄ caun₂ cu₄ a₂ma₂quiog₂ dsa₂ tē₃jñiá₅ co₂'nió'₄ a₂ma₂lě₅ chi₁quian₅ quián₂ jniog₄ a₂tē₃dsón'₂ guéi₁ a₂ca₂tág₂ a₂cuē₃ Diú₄ jē₁ma₂ca₂'ñia₅ a₂lión₂ dsa₂ quiáin₅, ia₁jaun₂ jme₃juē'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñí'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ ně₃, jme₁ca₂rē₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄, ¹⁶ jaun₂ ně₃ ca₂le₃o₃ jmig₄ bá₄ tsá₃ lě₅ jua'₅₄ tsá₃ cuē₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juíg₂ Diú₄ quián₅ Te₁gui'₅₄ Jesu-cristo quián₂ jniog₄, i₂lín₅ Tia₅₄ juin'₂, jui₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsi₄ tē₂le₃ quió'₅ jme₂dsí₂, a₂le₃ñí'₂ 'au'₂ 'nia'₂ a₂jme₃jniai₂₃ ia₁jaun₂ le₃cuin'₂ gué₄ 'nia'₂ dse₃. ¹⁸ Mi₅ jniá₂ ján₃, jui₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuē₃; a₂quen₅ lín₃ bá₄ ca₂le₃jě₃ a₂jlá'₁ a₂ca₂tín₂ dsa₂ i₂lě₅ 'í₁ quiáin₅;‡ ¹⁹ mi₅ jniá₂ jui₁le₂ñi'₅₄ 'nia'₂ ján₃, 'e₂ gué₄ tson₂ juē'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Jui₅bí₂ ně₅ ně₃ a₂le₂jaun₂ bá₄ ně₅ jui₁lia'₂ a₂ca₂jme₃jnia₅ Diú₄ ²⁰ jme₁ca₂jme₃jein'₅₄ Cristo ja₁jme₁rē₂'liin₅₄ a₂ca₂dsiog₃ jaun₂ ně₃ le₃gu₂ ne₁ quió'₅, guei'₅₄ i₂juíg₃. ²¹ Ja₁jaun₂ ca₂dsiog₃ ca₂'ag₃ a₂lín₅ ta₁ juē'₂ lín₃ a₂goin₂ ne₄ quió'₅ ca₂le₃jě₃ 'éi'₃, ne₄ quió'₅ ca₂le₃jě₃ jui₅bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃ dsi₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃ bá₄ 'éi₂ juin'₂ ne₄ ca₂le₃jě₃ ne₅₄ ta₁ a₂lě₂ le₃lén₂ dsa₂, on₃jua'₅₄ jmá'₃ mi₂güig₃ la₂, ñó₅ ně₅ jmo₂₃ 'éi'₃ le₂tan₅₄ mi₂güig₃ caun₂. ²² O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂, ca₂le₃jě₃ a₂cha₂ ně₃, jaun₂ 'ñiog₅ guē'₂ Cristo ca₂'iin₃ a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quiáin₅. ²³ Jaun₂ guá'₅ quiáin₅ ně₃, lě₅ co₂'nió'₄ ni₁ñi₁₂ 'ñiog₅ a₂rē₂'ñia₅ ta₁jain₂; jaun₂ Cristo 'ñiog₅ bá₄ jme₃'ñiai₂₃ ca₂le₃jě₃ gué₄ a₂'nió'₅ ca₂le₂con₂.

2

Ca₂rē₃chóng₃ jniog₄ le₃quió'₅ Cristo

¹ 'Nia'₂ ně₃, jme₁tiog₅₄ le₂jñiá₅ líng'₅ 'lag₄ ne₄ 'uig₅₄ a₂jme₁i₂niog'₅₄ i₁juing'₅₄, le₁cáng'₄ dsáu'₂, ² lia'₂ con'₂ jme₁chang'₂ tiog₅₄ 'éng'₅ jui₅ con'₂ lě₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lě₅ 'ñio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jē₄ dsí₂, i₂jmo₅ ta₁ tē₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄. ³ Le₂ně₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí'₁ 'a₂ con'₂ lě₂ dsi₄ guio₅₄, jme₁jme₂tí'₁ a₂mi₅ ni₁ñi₁₂. 'Uig₅₄ lia'₂ con'₂ lě₅ jme₁lág₄ jniog₄ jme₁ca₂tág₂

‡ 1:18 lit. "a₂ca₂tín₂ dsa₂ jñi₅."

gué₁ co₂rē₂ uig₅ gau₂ quió'₅ Diú₄, jui₁lia'₂ lē₅ tin₃ ca₂le₃jín₃ i₂sián'₂. ⁴ La₁ Diú₄ nē₃, 'uig₅₄ ia₁ a₂ŋí₄ lē₃ ŋéi₂ dsí₅ bá₄, ca₂rē₃'nio₃ lin₃ jniog₄. ⁵ Ca₂to'₂ jme₂dsi₂ ca₂jme₃jein'₅₄ jniog₄ co₂lē₅ quian'₅₄ Cristo, lia'₂ con'₂ jme₁lág₄ guē₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄ 'ŋiog₅ bá₄ ma₂lón'₂ 'nia'₂. ⁶ Jaun₂ le₂nē₅ ca₂chó'₂ co₂lē₅ quian'₅₄ Cristo Jesús jaun₂ ma₂ca₂dsiog₃ co₂lē₅ quiong'₅₄ guei'₅₄ i₂juíg₃. Le₂nē₅ ma₂ca₂jmo₃ ca₂le₃jē₃, ne₄ 'uig₅₄ ia₁ a₂chong₂ jniog₄ rē₂nē₃ le₃quió'₅ Cristo Jesús. ⁷ Le₂nē₅ ca₂cuē₃ léi₄ a₂'nio₃ jniog₄ 'ŋio₅ lin₃ ca₂le₃jē₃ jmig₄ ja₁já₄ nē₅, 'a₂ lia'₂ ŋí₄ lē₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. ⁸ Nē₃ nē₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ nē₅ nē₃, on₃jua'₅₄ ia₁ 'e₂ cha₂ tín'₂ 'nia'₂ jua'₅₄ a₂ma₂jmo'₅₄ guiong'₅₄; a₂lē₁ca₂ŋí'₂ bá₄ 'nia'₂ nē₅ ca₂cuē₃ Diú₄. ⁹ On₃jua'₅₄ tē₂le₃ quian'₅₄ a₂jmo₅ dsa₂ guioin₅₄ ia₁ jaun₂ 'i₁jan₂ tsá₃ 'ein₂ jmo₃ tán'₅. ¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ŋiog₅; ca₂jmóg'₂ jniog₄ le₃quió'₅ Cristo Jesús ia₁ jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂ŋia₅₄ a₂i₁nio₁.

'Ei₅ tei₄ dsi₅ jniog₄ le₃quió'₅ Cristo

¹¹ Le₂nē₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁lín'₄ le₂ŋiá₅. 'Nia'₂ con'₂ i₂lín'₅ dsi₂nau₂ i₂tsá₃ rē₂uín'₄ lo₄, quiong₅ dsa₂ i₂rē₂uín'₄ lo₄, (ta₁ jaun₂ a₂jmo₅ dsa₂ mi₂güí'₃ quian'₅₄ gu₂); ¹² jui₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rē₂'ín₁ quián₅ Diú₄ jme₁chan₂ ja₁con'₂ 'nia'₂; uín'₂ bá₄ jme₁tión'₂ 'nia'₂ ja₁lē₄ juig₂ Israel, tsá₃ jme₁cuín'₂ 'nia'₂ jág₁ a₂jme₁lí'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güí'₃ la₂ tsá₃ Diú₄ chan₂ quián'₂ 'nia'₂ on₃ guē'₂ jme₁cha₂ jmig₄ jua'₅₄ a₂jme₁tín'₄ 'nia'₂. ¹³ La₁ rē₂nē₃ nē₃, ma₂quian'₅₄ 'nia'₂ Cristo Jesús, 'nia'₂ i₂jme₁tíong'₂ uín'₂ le₂ŋiá₅. Quián₅ bá₄ ma₂tíong'₂ rē₂nē₃ tē₂le₃ quian'₅₄ jmí₂ 'an₅₄ Cristo. ¹⁴ Le₂nē₅ bá₄ ca₂dsióg₃: 'ŋiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ nē₃ ca₂chain'₃ co₂ŋei'₅₄ jnia'₅₄ dsa₂ judíos quian'₅₄ 'nia'₂ dsi₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄. ¹⁵ Quian'₅₄ ni₁ŋí₁₂ 'ŋiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ nē₃ lia'₂ con'₂ lē₅ ca₂i₃jio₅ dsí₅, ca₂jmo₃ caun₂ juig₂ 'mí₂ quió'₅ 'ŋiog₅, ca₂'ág₂ tei₄ quió'₅ dsa₂ le₃tin₃ juig₂. ¹⁶ Le₂nē₅ bá₄ ca₂dsióg₃ ca₂lē₃ co₂nió'₃ dsa₂ jē₁ca₂le₃jín₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian₅ jág₁ dse₃ a₂'ag₃ tei₄ quió'₅ ca₂le₃jín₃: le₃quián'₂ 'nia'₂ dsa₂ i₂jme₁tión₂ uín'₂, lia'₂

le₃quián₂ jnia'₅₄ dsa₂ judíos i₂jme'tio'₅₄ quián₅. ¹⁸ Jaun₂ të₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ të₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jnia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂. ¹⁹ 'Uig₅₄ nē₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rin'₅₄ jniog₄ i₂lě₅ 'í₁ quián₅ Diú₄; * tsá₃ ma₃lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rin'₅₄. Ma₂lín'₅ 'nia'₂ chi'₂-guein₂ quián₅ Diú₄ nē₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ē₂ jág₁ o₄quió'₄ Diú₄ ma₂líg'₂. 'Niog₅ guē'₂ Jesucristo líin₅ co₂'nió'₄ ni₁cang₁ a₂dsen₅₄ guē₄. ²¹ Le₃quió'₅ 'éi₂ nē₃, tsau₂ ta₁ ta₁caun₂ tsi₁'né₅, lě₂ rē₂juí₄ rē₂, ca₂lia'₂ ca₂dsióg₃ lé₂ caun₂ guá'₅ a₂lě₅ 'í₁ quió'₅ Te₁gui'₅₄. ²² Le₃quió'₅ 'éi₂ nē₃, 'nia'₂ bá₄ ján₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ē₂ jág₁ dse₃ ja₁con₂ dsi₂nau₂

¹ 'Uig₅₄ nē₅ bá₄ nē₃, jniá₂ Pa₄, jme₂juíng'₁ Diú₄, ton'₂ rē₂'eng₅₄ né'₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂línng'₅ dsi₂nau₂. ² Líng₂ a₂ma₂le₁ñi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rē₃ñi'₅₄ bá₄ 'nia'₂ jág₁ a₂jme₁rē₂'ma₄ le₂jñiá₅, 'e₂ a₂niog₅ dsí₅ jmo₃; ca₂jmo₃ ca₂rē₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅. ⁴ Jē₁ma₂ca₂'í'₂ 'nia'₂ si₂ nē₅, le₃len'₅₄ 'nia'₂ a₂ma₂ñi'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ñi₅ ca₃ma₂líg'₂, la₁ rē₂nē₃ nē₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ē₂ jág₁ o₄quió'₄ nē₃. ⁶ Jág₁ a₂ma₂ca₂rē₃jniá₂, a₂la₂ bá₄ jaun₂: të₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lě₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ñí₅, ján₃ guē'₂ tin'₃ 'nia'₂ jág₁ a₂ron₅ cuē₁ quió'₅ Diú₄ le₃quió'₅ Cristo Jesús.

⁷ Jág₁ nē₅ ma₂chéng'₅ jmo₂₃ ta₁ a₂'ē₅ jág₁ dse₃, lia'₂ con'₂ lě₅ a₂lě₁ca₂cuē₃ Diú₄ a₂'ua₁ dsí₅, lia'₂ con'₂ lě₅ jmo₅ ta₁ jui₅bí₂ quió'₅. ⁸ O₁jnia'₅₄ la₂ lín₅ jniá₂ jan₂ i₂me'₂ guē₄ con'₂ guē₄ i₂tsá₃ 'e₂ quen₅ jē₄ quió'₅ ca₂le₃jín₃ i₂tén₅ le₃quió'₅ Diú₄,* la₁ 'éi₂ ma₂cuē₃ jniá₂ a₂dse₃ nē₅ a₂'ē₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ guē₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñi'₂ dsí₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rē₂'ma₄, ca₂le₃

* 2:19 lit. "dsa₂ jñi₅."

* 3:8 lit. "ca₂le₃jín₃ dsa₂ jñi₅."

ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂i₃jio₅ dsí₅ jmo₃ tē₂le₃ quian'₅₄ dsa₂ quiáin₅, jui₁le₂ŋi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'líong₂ ne₅₄ 'ŋio₅ lín₃ bá₄ a₂ŋí'₂ dsí₅ Diú₄; ¹¹ jaun₂ jui₁le₂ŋi₅ bá₄, Diú₄ ca₂jmo₃ le₂nē₅ con'₂ lē₅ i₃jio₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo. ¹² Tē₂le₃ quian'₅₄ Cristo cha₂ jui₅ quián₂ a₂lé₂ le₃jme₁quián₄ jnio₄ dsiá₁ tiá₂ dsi₅ ja₁con₂ Diú₄, caun₂ bá₄ le₁'ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. ¹³ Jaun₂ lē₃, chi₂len'₄ jniá'₂ 'nia'₂ a₂tsá₃ 'ág'₂ caun₂-tín₃ 'au'₂ 'uig₅₄ ia₁ a₂chang₂ ŋag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con₂ 'nia'₂, ia₁ le₂nē₅ bá₄ dsió₅ a₂le₃juin'₂ 'nia'₂.

A₂ lia'₂ tson₂ ca₂rē₃ 'nio₃ Cristo jnio₄

¹⁴ 'Uig₅₄ nē₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, ¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juíg₃ quian'₅₄ i₂chan₂ ne₄ gua'₅₄ 'uē₃. ¹⁶ Mi₅ jniá'₂ ne₄ Tia₅₄ a₂jmo₃ tē₂'au'₂ 'nia'₂, cuē₃ jui₅bí₂ bēn₂ jlá'₁ quió'₅ tē₂le₃ quian'₅₄ Jme₂dsí₂ quiáin₅, ¹⁷ ia₁jaun₂ tē₂le₃ jnia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ tē₂'au'₂ 'nia'₂. Le₂nē₅ jē₁ma₂tió'n'₂ 'nia'₂ tiá₂ lé₂ co₂'nió'₄ qui₂le₁'má₂ jmú₄ jí'₂ lín₃, jme₁'nió'₄ 'nia'₂ ríng'₂. ¹⁸ Mi₅ jniá'₂ a₂lé₂ le₃ŋí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lē₅ 'í₁ quiáin₅,† a₂juē'₂ lín₃, ton'₂ a₂cu₂ lín₃, ton'₂ a₂ŋei₅ lín₃, a₂jí'₂ lín₃ bá₄, 'a₂ lia'₂ 'nio₃ Cristo jnio₄. ¹⁹ Mi₅ jniá'₂ ne₅₄, jui₁le₂cuin'₂ 'nia'₂ a₂nē₅ a₂lē₅ a₂juē'₂ lín₃, on₃jua'₅₄ ia₁ a₂le₃cuí'₅ le₃ŋí'₂ dsí₅ dsa₂; mi₅ jniá'₂ ia₁jaun₂ le₂nē₅ tiáng'₄ le₃chang'₂ co₂ŋei'₅₄ qui₂rē₂rín₅ tē₂'au'₂ ca₂le₃jě₃ 'a₂ lia'₂ lín₅ Diú₄. ²⁰ Jaun₂ nē₃, jui₁le₂juin'₂ bá₄ Diú₄, i₂lé₂ le₃jmo₃ tson₂ guē₄ lia'₂ con'₂ guē₄ a₂mi₂ jnio₄, lia'₂ con'₂ guē₄ dsi₂jio₅ dsí₅ nē₃, tē₂le₃ quian'₅₄ bí₂ a₂jmo₂₃ ja₁con₂ jnio₄. ²¹ jui₁le₂juin'₂ bá₄ Diú₄ ja₁con₂ guá'₅ quiáin₅ tē₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃ tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ŋi₂ co₂tan₅₄! A₂méi₃.

4

Chong₂ jnio₄ 'ei₅ caun₂ já₁ tē₂le₃ quian'₅₄ Jme₂dsí₂

¹ 'Uig₅₄ nē₅ bá₄ nē₃, rē₂jní₅ né'₃ 'má₃ o₄quió'₄ Te₁gui'₅₄, chi₂len'₄ jniá'₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂tě'₃ 'nia'₂. ² Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nióg'₃ ríng'₂. ³ Dsen₅₄ 'au'₂ 'nia'₂ jmo₄ tiong'₅₄ 'ei₅ tián₂ caun₂ já₁ tē₂le₃ quian'₅₄ Jme₂dsí₂ Jnió₅, co₂'nió'₄ bá₄ chan'₂ 'nia'₂ qui₂rē₂queng'₅₄ quian'₅₄ ríng'₂ 'ei₅ tei₄. ⁴ Lág₅ jnio₄ caun₂ bá₄

† 3:18 lit. "ca₂le₃jín₃ dsa₂ jnió₅."

ñí₅ ta₁caun₂ nió'₃, ján₃ guë'₂ jan₂ bá₄ Jme₂dsí₂ táng₃, a₂tián'₄
'nia'₂ le₂në₅ bá₄ ma₂ca₂të₃ Diú₄ caun₂ bá₄ jmi_g₄ a₂'ín₂ 'au'₂ 'nia'₂
chang'₂. ⁵ Jan₂ bá₄ Te₁gui'₅₄ i₂lín₅ juig₅₄ jniog₄ chan₂, caun₂
bá₄ a₂'éin₂ jniog₄, ján₃ guë'₂ ca₂le₃jág₃ bá₄ jniog₄ ca₂jñó₂ jmi_g₂
le₃quió'₅ jan₂ bá₄ Te₁gui'₅₄. ⁶ Jan₂ bá₄ Diú₄ chan₂ i₂lín₅ Tia₅₄
quián₂ jniog₄ ca₂le₃jág₃. 'Éi₂ bá₄ i₂niog₅ gu₂ jniog₄ ca₂le₃jág₃;
'éi₂ bá₄ i₂jmo₅ ta₁ ja₁con₂ jniog₄ ca₂le₃jág₃; 'ein₅₄ ja₁con₂ jniog₄
ca₂le₃jág₃ në₃.

⁷ La₁ le₂jau₂ le₂jau₂ bá₄ jniog₄ jma₃quén₅ lë₅ bí₂ a₂ma₂ca₂ñag₂,
lia'₂ con'₂ lë₅ ma₂ca₂dsi_ó'₃ Cristo quió'₅. ⁸ Jaun₂ lë₃ juá'₂ ne₄ Si₂:
Ca₂uíg₂ guei'₅₄ i₂juíg₃
te₂ le₁'ñe'₅₄ ca₂le₃jín₃ i₂ca₂lí'₃,
jaun₂ ca₂dsi_ó'₃ bí₂ jma₃quén₅
ca₂cuë'₃ dsa₂ mi₂güí_g₃.*

⁹ Jaun₂, ¿'e₂ jág₁ dsau₅ jein₅ jág₁ "A₂ca₂uíg₂" në₅ në₃? Jñia'₅₄
lia'₂ juá'₂ le₂'uíg₅₄ ca₂si_óin₃ ja₁lë₄ ja₁'uin₃ guë'₄ 'ñio₅ lín₃ ne₄ gua'₅₄
'uë₃. ¹⁰ I₂ca₂si_ón₃ 'éi₂ bá₄ ján₃, i₂ca₂uíg₂ táng₃ ja₁lë₄ ja₁ñei₅ guë'₄
guei'₅₄ i₂juíg₃, ia₁jaun₂ jme₃cain'₂ ca₂le₂con₂ quian'₅₄ Jme₂dsí₂
quiáin₅. ¹¹ Jaun₂ jma₃quén₅ ca₂chein'₃ dsa₂ quiáin₅ ca₂cuë'₃ bí₂
ca₂cuë'₃ le₂jan₂ le₂jan₂; i₂lín₅₄ ca₂chein'₃ a₂léin₂ i₂chen₄ quiáin₅;
i₂lín₅₄ guë'₂ ca₂ñi₂ bí₂ a₂lé₂ ñág₃ jág₁ a₂guéi'₅ quió'₅ Diú₄; i₂lín₅₄
guë'₂ ca₂cuë'₃ bí₂ a₂qui₂dsi₃'ë₃ jág₁ dse₃ a₂lión₂ dsa₂; i₂lín₅₄ guë'₂
ca₂cuë'₃ bí₂ a₂léin₂ dsa₂ i₂'ë₂ jág₁ i₂jme₂tin₅ guá'₅. ¹² Le₂në₅
qui₂ca₂chein'₃ dsa₂ guá'₅ ia₁jaun₂ jmo₃ co₂jñia₅₄ dsa₂ quiáin₅
a₂jme₃ti₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi₅₄
'ñiog₅, ¹³ ca₂lia'₂ ca₂dsi₃náu₅ 'ei₅ caun₂ jág₁ quian'₅₄ rin'₅₄, 'éin₂
rë₂, ñí'₂ dsi₅ le₃quió'₅ Ja₁ñi'₅₄ Diú₄. Le₂në₅ bá₄ dsi₁náu₅ léi₂ dsa₂
i₂ma₂ca₂can'₅₄ co₂ñei'₅₄ lia'₂ con'₂ lë₅ lín₅ Cristo 'ñiog₅. ¹⁴ Jaun₂
tsá₃ ma₃léi₂ jniog₄ lia'₂ lín₅ i₂bë'₅₄ i₂caun₂ lë₁qui₂rë₂gan₂ tsá₃
uin₅ qui₂jme₂tsín₃; në₂jag₄ bá₄ a₂qui₂tsag'₂ dsí₂ a₂caun₂ 'ñio₂
dsí₅ bá₄ jui₁'e₂ guë'₃ a₂jme₂tag₅ dsa₂, qui₂së₂sein'₂ jë₁jme₂gau₅
dsa₂ i₂ñí₄ 'ñio₅ 'io₅ mai₅₄, 'nio₃ jiog₃ jui₅ jë₁tsá₃ dsau₅. ¹⁵ Të₂le₃
'nió'₅ dsiá₁ jniog₄ jág₁ tí₅ a₂'nio₃ jniog₄ rin'₅₄. Ca₂tág₂ bá₄
jniog₄ qui₂dsi₃cau'₅₄ ne₄ ca₂le₃jë₃ le₃quió'₅ 'éi₂ i₂lín₅ mi₂dsi₄
quián₂ jniog₄, le₃quió'₅ Cristo bá₄ guë'₂. ¹⁶ Të₂le₃ quian'₅₄
'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ rin'₅₄. Lág₅
jniog₄ në₂jag₄ bá₄ caun₂ ni₁ñí₅ a₂qui₂rë₂tion'₅₄ rë₂ le₂caun₂
le₂caun₂ ja₁qui₂le₁chan'₂ quió'₅ dsa₂, jma₃quén₅ bá₄ lë₅ ta₁
quió'₅ qui₂jme₂on₅₄ rin'₅₄, ca₂lia'₂ ca₂i₃cón₃ rë₂, dse₃ le₁'ág₄ dsí₅,
'nioi₃ riin'₅₄ në₃.

* 4:8 Salmo 68:18; 'Nió'₂ ja₁ton₅ Colosenses 2:15.

Jui₅ 'm₂' le₃quió₅ Cristo

17 A₂la₂ bá₄, juá₅ jniá₂ chi₂quiang₅₄ jmi₄ 'nia'₂ o₄quió₄ Te₁gui₅₄: tsá₃ ma₃jui₁le₂chan₂ 'nia'₂ jui₁lia₂ chan₂ dsa₂ i₂tsá₃ Diú₄ cui₅, ia₁ 'éi₂ né₃ chain₂ lia₂ con₂ lě₅ niog₅ dsi₅₄ tsá₃ 'e₂ ta₁ tí₄. 18 'Nio₅ tē₂le₃ jen₅ bá₄ ma₂ñí₂ dsi₅, úing₂ bá₄ chain₂ ja₁jme₁ca₂tín₂ le₃chain₂ le₃quió₅ Diú₄, ia₁ lín₅ dsa₂ i₂co₂ñei₅₄ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rě₃'uá₃ dsi₅. 19 Tsá₃ ma₃lí₄ 'e₂ jaun₂ o₂guí₃, co₂dsia₅ ma₂ca₂jín₂ bá₄ guioin₅₄ ne₄ ca₂le₃jě₃ jmá₃ lia₂ a₂mi₅ ni₁ñi₁₂, caun₂ ma₂ñio₂ dsi₅ bá₄ jmo₂₃ ca₂le₃jě₃ ne₅₄ a₂lě₁'iog₅. 20 La₁ 'nia'₂ ně₃, tsá₃ le₂ně₅ ca₂rě₃tíng₃ le₃quió₅ Cristo. 21 Ia₁ dsón₂ bá₄ ma₂ca₂nei₂ 'nia'₂ le₃quió₅ 'éi₂ lín₂ jniá₂, jaun₂ ca₂rě₃tíng₃ bá₄ lia₂ con₂ lě₅ ca₂jme₃tag₅ 'éi₂, lia₂ con₂ lě₅ jág₁ tí₅ dsón₂ a₂cha₂ ja₁con₂ Jesús. 22 Ca₂rě₃tíng₃ a₂co₂dsia₅ jñiá₄ cau₅ lia₂ con₂ lě₅ jme₁líng₄ le₂jñiá₅, ně₂jag₄ bá₄ dsa₂ i₂co₂ñei₅₄ jñiá₂ tsin₅₄; a₂jme₁rě₂'én₄ ne₄ a₂jme₁qui₂rě₂gáng₃ ne₄ ca₂le₃jě₃ a₂jme₁'ín₅ 'au'₂ 'nia'₂, con₂ lě₅ jme₁chang₂. 23 Ca₂rě₃tíng₃, a₂ca₂tín₂ 'nia'₂ jme₁'mag₂ lia₂ lě₅ dsi₂jio₅ 'au'₂. 24 Ca₂rě₃tíng₃ a₂jmog₅₄ le₁líng₄ a₂líng₅ ně₂jag₄ bá₄ jan₂ dsa₂ 'mí₂ i₂ca₂rě₃chán₃ lia₂ con₂ lě₅ 'nio₃ Diú₄, a₂léng₂ dsa₂ dsen₃ dsón₂ i₂jñi₅ quiáin₅. 25 Jaun₂ ně₃, jñiá₃ 'nia'₂ cau₅ jág₁ tē₂jág₁, le₂jang₂ le₂jang₂, dsia₄ 'nia'₂ jág₁ tí₅ quian₅₄ dsa₂ mi₂güí₃ ríng₂, ia₁ ca₂le₃jág₃ bá₄ jniog₄ téi₅ caun₂ ni₁ñi₅. 26 "Chi₂jua₂ ca₂rě₃'né₃ 'nia'₂, tsá₃ lě₁'nau₂ 'nia'₂ dso₄"† tsá₃ cuē₂ 'nia'₂ jmi₄ jua₅₄ 'í₁ 'nei₂ 'au'₂ tē₁ne₁ jmi₄, ca₂lia₂ jñiá₅₄ lia₂ ca₂rin₂ 'iog₂; 27 tsá₃ ná₂ 'nia'₂ jui₅ quió₅ i₂sě₃dsen₃. 28 I₂jme₁'ang₅ guē₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lě₂ jme₃'oin₅₄ ca₂la₂ dsa₂ i₂'nió₅ quió₅. 29 Tsá₃ lě₁'uē₅₄ 'nia'₂ jág₁ 'lig₅₄ mi₂'o₅₄; jme₁tin₅ 'nia'₂ dsiá₁ jmá₃ lia₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ ríng₂ i₂'nió₅ quió₅ le₃quió₅ jme₂dsi₂, ton₂ dse₃ quió₅ i₂nag₅ ně₃. 30 Tsá₃ jmo₂ 'nia'₂ jén₂ dsi₅ Jme₂dsi₂ Jñi₅ quián₅ Diú₄, ia₁ tē₂le₃ quian₅₄ 'éi₂ ma₂lín₅ 'nia'₂ léi₄ i₂ma₂lě₅ 'í₁ quián₅ Diú₄ ca₂lia₂ ca₂tě₂ jmi₄ i₁lión₂ 'nia'₂ co₂ñei₅₄. 31 Co₂dsia₅ jñiá₃ 'nia'₂ a₂dsi₃ cha₂ tē₂'au'₂, ca₂le₃jě₃ guē₄ a₂dsén₂ 'nia'₂, 'nei₂ a₂'í₄ 'au'₂ ně₃; ca₂le₃jě₃ a₂co₂mi₅₄ co₂dsio₅₄ a₂'ne₂ 'nia'₂, ca₂le₃jě₃ guē₄ jág₁ uig₅ a₂qui₂'ín₅ 'nia'₂ ríng₂, ca₂le₃jě₃ ne₅₄ a₂'lig₅₄ ně₃. 32 Tē₂le₃ jmo₄ 'nia'₂ a₂dse₃ ja₁con₂ ríng₂ le₂jang₂ le₂jang₂, jui₁le₂cha₂ bá₄ a₂ñéi₂ 'au'₂ 'nia'₂, 'én₃ 'nia'₂ dsáu₁ ríng₂ le₂jang₂ le₂jang₂ jui₁lia₂ ca₂'én₂ Diú₄ dsáu₂ 'nia'₂ tē₂le₃ o₄quió₄ Cristo.

† 4:26 Salmo 4:4.

5

'A₂ lia'₂ 'nió'₅ le₃chan₂ chi'₂-guein₂ quián₅ Diú₄

¹ Ia₁ a₂lín'₅ 'nia'₂ chi'₂-guein₂ i₂'nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. ² Ju₁le₂chan'₂ 'nia'₂ 'nióg'₃ ríng'₂, ju₁lia'₂ ca₂rě₃'nio₃ Cristo jniog₄ jaun₂ ca₂jín'₂ o₄quián₂ jniog₄ a₂lín₅ co₂'nió'₄ já'₂ cha'₂ n₃ó₃ rě₂jen'₅₄ ne₄ Diú₄ jain₂ ma₂juig₂ ma₂ro₂. ³ Ia₁ ma₂lín'₅ 'nia'₂ i₂tén₅ le₃quió'₅ Diú₄, ca₂lia'₂ n₂ñia'₅₄ tsá₃ 'nió'₅ le₃cha₂ jág₁ jin'₄ 'nia'₂ jua'₅₄ chan₂ i₂'nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guè'₂ 'i₁caun₂ a₂siá'₂ a₂lě₁'iog₅ ně₃, on₃ guè'₂ ma₃'nió'₅ le₃chan₂ guě₄ i₂'ua'₂ dsí₅, ia₁ tsá₃ dsi₂ten₅₄ co₂n₂ñi₂ jua'₅₄ dsa₂ i₂ma₂lě₅ 'í₁ quián₅ Diú₄ jmo₃ guě₄ le₂ně₅. ⁴ Tsá₃ lě₁dsia'₂ 'nia'₂ jág₁ 'lig'₅₄, on₃ guè'₂ jág₁ ga₂, on₃ guè'₂ ju₁lia'₂ jág₁ n₂gá₄ lě₁'iog₅ ně₃. Ia₁ ca₂le₃jě₃ jág₁ le₂ně₅ tsá₃ dsi₂ten₅₄; ja₂lin₃ guě₄ dse₃ cuě'₅₄ 'nia'₂ ti₁'mag'₄ Diú₄. ⁵ Tsá₃ ju₁dsi₂'én₂ 'au'₂ 'nia'₂ a₂la₂: 'i₁jan₂ ju₁lia'₂ i₂'nió'₅ jág₁ quian'₅₄ i₂tsá₃ lín₅ dsi₂i₂gu₂, on₃ guè'₂ 'i₁jan₂ ju₁lia'₂ i₂jmo₅-dsá₅ lě₁'iog₅, on₃ guè'₂ ju₁lia'₂ dsa₂ i₂'ua'₂ dsí₅, (ia₁ i₂co₂rín₂ bá₄ dsa₂ i₂'ua'₂ dsí₅ quian'₅₄ ju₁lia'₂ dsa₂ i₂jme₂juin'₂ diú₄ lag₄), o₁líg'₂ tsá₃ lé₂ le₃tin₃ ja₁gon₂ Cristo quian'₅₄ Diú₄. ⁶ 'I₁jan₂ tsá₃ 'ein₂ ju₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ ně₅ bá₄ já₅ uig₅ gau₂ quió'₅ Diú₄ ne₄ quió'₅ jaun₅ dsa₂ i₂tsá₃ ne'₅₄. ⁷ Jaun₂ 'nia'₂ ně₃, co₂dsia₅ tsá₃ lě₁tóng'₂ quian'₅₄ dsa₂ le₂'éi₂. ⁸ Ia₁ le₂n₂ñiá₅ jme₁tén'₄ 'nia'₂ caun₂ mi₂güig₃ qui₁né'₃, la₁ rě₂ně₃ ně₃, ma₂tén'₅ 'nia'₂ le₃quió'₅ Te₁gui'₅₄ ja₁jniá₂ si₂. Ju₁le₂chan'₂ 'nia'₂ jaun₂, ju₁lia'₂ ca₂tín₂ le₃chan₂ chi'₂-guein₂ i₂tén₅ tě₂le₃ ja₁jniá₂ si₂. ⁹ Ia₁ ja₁jniá₂ si₂ ně₃, rě₂jniá₂ 'ua₁ dsí₅ dsa₂, tí₄ jág₁ quió'₅ dsa₂, a₂rě₂chan₂ dsa₂ quian₅ caun₂ ju₁5 co₂dsau₅. ¹⁰ Dsen₅₄ jme₁tin₅ 'nia'₂ 'au'₂ jmó'₂ na₅ a₂tě₅ dsí₅ Te₁gui'₅₄. ¹¹ Tsá₃ quen'₅₄ 'nia'₂ jě₄ 'e₂ a₂tsá₃ ta₁ tí₄ a₂niog₅ jmo₅-dsá₅ dsa₂ i₂tén₅ jě₄ qui₁né'₃; ja₂lin₃ guě₄ dse₃ jme₁jnia₅ 'nia'₂ a₂jaun₂ tě₂le₃ ja₁jniá₂ si₂. ¹² Ia₁ caun₂ lě₁o₂guí'₃ bá₄, jua'₅₄ la₂ dsia₃ dsa₂ a₂jmo₅ dsa₂ 'éi₂ jě₄ tě₃co'₅₄. ¹³ La₁ ca₂le₃jě₃ bá₄ rě₂jniá₂ jě₁ma₂ca₂tág'₃ si₂. ¹⁴ Ia₁ quian'₅₄ si₂ bá₄ jmo₅ a₂rě₂jniá₂ ca₂le₃jě₃. 'Uig₅₄ jaun₂ guè'₂ juá'₂: Jme₁jnio₂ ne'₅₄, 'ne₂ i₂rě₂güin₃; nau₂, jú₅ jin₄ 'lag₄;

jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lě₃, rě₂ de'₂ quion₂ 'nia'₂ 'í₁ 'a₂ lia'₂ i₂niog'₅₄. Jaun₂ tsá₃ ma₃i₁niog'₄ ju₁lia'₂ i₂nio₄ dsa₂ i₂tsá₃ 'e₂ n₂ñi'₂ dsí₅; ju₁i₂nio'₄ bá₄ 'nia'₂ a₂lín'₅ dsa₂ i₂tin₂, i₂n₂ñi'₂ dsí₅. ¹⁶ Quen'₂ 'nia'₂ bí₂, ně₃ lia'₂ cuin₅ jmig₄, a₂jmó'₂ 'nia'₂ a₂dse₃, ia₁ 'ñio₅ ju₁si ma₂'lin'₅₄ dsa₂ jmig₄ rě₂ně₃. ¹⁷ Jaun₂ lě₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ ju₁le₂n₂ñig'₂ na₅ a₂ñio₂ dsí₅ Te₁gui'₅₄. ¹⁸ Tsá₃ ju₁qui₂le₂'en'₅ 'nia'₂ quian'₅₄ ti₁jmig₃, ia₁ a₂ně₅ bá₄ jiog₅ ju₁5 ja₁dsi₂'én₂ dsa₂; tě₂le₃ ju₁jme₂can'₂ 'nia'₂ quian'₅₄ Jme₂dsí₂

Jñiós. ¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄ ríng'₂ quian'₅₄ salmos, quian'₅₄ himnos, quian'₅₄ son₅₄ a₂gu₂dsí₂, 'ë₄ 'nia'₂ jmo₄ son₅₄ juí₅ të₂'au'₂ a₂jme₁juing'₂ Te₁gui'₅₄. ²⁰ Jui₁i₂nio'₄ bá₄ 'nia'₂ co₂tan₅₄ cuë'₅₄ ti₁'mag'₄ Diú₄ i₂lín₅ Tia₅₄ quián₂ o₄quió'₄ ca₂le₃jě₃, lia'₂ con'₂ lě₅ bí₂ quió'₅ Te₁gui'₅₄ Jesucristo quián₂ jniog₄.

'A₂ lia'₂ 'nió'₅ le₃chan₂ dsa₂ 'én₂ ta₁caun₂ nió'₃ lia'₂ caun₂ dsi₂né₂
²¹ Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂, ia₁ a₂gan'₃ 'nia'₂ Cristo. * ²² 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, juí₁lia'₂ tion'₅₄ 'nia'₂ 'éi'₃ quió'₅ Te₁gui'₅₄. ²³ Ia₁ dsa₂ ñe'₂ bá₄ i₂lín₅ mi₂dsi₄ quián₅ 'io₅₄, juí₁lia'₂ lín₅ Cristo mi₂dsi₄ quián₅ guá'₅. Cristo bá₄ ján₃ i₂lín₅ i₂ma₂lió₂ quián₅ guá'₅, ia₁ guá'₅ guë'₂ ně₃ lě₅ co₂'nió'₄ ni₁ñi₁₂ 'ñiog₅. ²⁴ Le₂ně₅ juí₁lia'₂ guá'₅ tiain'₅₄ 'éi'₃ quió'₅ Cristo, ján₃ bá₄ le₂ně₅ juí₁lia'₂ dsa₂ mí₂ ca₂tín₂ tóin'₃ 'éi'₃ quió'₅ dsi₂i₂gu₂ jě₄ ca₂le₃jě₃. ²⁵ 'Nia'₂ dsa₂ ñe'₂ guë'₂ ně₃, jme₁'nió'₄ 'nia'₂ dsa₂ mí₂ quiáng'₂ juí₁lia'₂ ca₂jmo₃ Cristo ca₂jme₃'nioi₃ guá'₅, ca₂le₃jě₃ ca₂guein₃ 'mú₃ o₄quió'₄ 'éi₂. ²⁶ Le₂ně₅ ca₂jmo₃ ia₁jaun₂ ma₂lě₅ 'í₁ Guá'₅ ca₂jme₃dse₃ ca₂ráng'₂ ně₂jag₄ bá₄ quian'₅₄ jmig₂ të₂le₃ quian'₅₄ jág₁ quió'₅; ²⁷ ia₁jaun₂ jme₃jniog₂₃ chei'₃ ne₅₄ 'ñiog₅ a₂lág₅ guá'₅ i₂jlán'₁ i₂tsá₃ rě₂'ñi₄ 'i₁caun₂, on₃ guë'₂ cha₂ jua'₅₄ ja₁lě₄ qui₂lě₁tsín'₃ quió'₅, on₃ guë'₂ 'i₁caun₂ guë'₄ jua'₅₄ a₂siá'₂ lě₅, jaun₂ dsi₂óg₄ líin₅ caun₂ guá'₅ i₂lě₅ 'í₁ quián₅ i₂dsen₃ guë'₄ lin₃. ²⁸ Le₂ně₅ bá₄ ján₃, ca₂tín₂ dsa₂ ñe'₂ jme₃'nioi₃ dsa₂ mí₂ quián₅, juí₁lia'₂ 'nio₃ ñi₅₄ 'ñiog₅. I₂'nio₃ dsa₂ mí₂ quián₅, 'nioi₃ 'ñiog₅ bá₄ ján₃. ²⁹ Ia₁ 'i₁jan₂ tsá₃ jua'₅₄ 'io'₅₄ ni₁ñi₁₂ 'ñiog₅, të₂le₃ jme₂tau₅₄, jmo₂₃ 'í₁, juí₁lia'₂ jmo₅ Cristo ján₃ quian'₅₄ guá'₅, ³⁰ ia₁ le₂jau₂ le₂jau₂ jniog₄ téi₅ ni₁ñi₁† 'éi₂. ³¹ "Jaun₂ bá₄ lě₅ ca₂tín₂ dsa₂ ñe'₂ qui₃téin₂ chog₅₄-jmei₂, con'₂ tiain'₃ jme₃quiain'₅₄ dsa₂ mí₂ quián₅, ia₁jaun₂ dsi₂óg₄ léin₂ caun₂ bá₄ ñí₅ jě₁le₃oin₃ le₂jaun₂."‡ ³² Jág₁ ně₅ lě₅ caun₂ jág₁ juë'₂ a₂ma₂ca₂rě₃jniá₂. La₁ juá'₅ jniá₂ 'íng₅ Cristo quian'₅₄ guá'₅ quián₅. ³³ La₁ ně₃ ně₃, le₂jan'₂ le₂jan'₂ 'nia'₂ jme₁'nió'₄ dsa₂ mí₂ quiáng'₂, juí₁lia'₂ 'nióg'₃ guiong'₅₄; ján₃ guë'₂ le₂jaun₂ dsa₂ mí₂ ca₂tín₂ jme₃gain₃ dsi₂i₂gu₂.

6

¹ 'Nia'₂ i₂lín₅ chí₂, ca₂tín₂' le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-ñéi'₅ 'nia'₂, ia₁ le₂ně₅ bá₄ dse₃. ² Le₂la₂ juá'₂ jě₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuë₃: "Jme₁gan₃ 'nia'₂ chog'₂-ñéi'₅, ³ ia₁jaun₂ bá₄ dse₃ le₃chang'₂ ton'₂ uě₂ le₃chang'₂

* **5:21** A₂lín₅₄ chog₅₄ s₂: "ia₁ a₂gan₃ 'nia'₂ Diú₄." † **5:30** A₂lín₅₄ chog₅₄ s₂: "quian'₅₄ mu₅ 'ein₅₄ ně₃." ‡ **5:31** Génesis 2:24.

ne₄ gua'₅₄ 'uë₃.*⁴ 'Nia'₂ guë'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lë₁jmai'₅₄, ia₁jaun₂ tsá₃ uë'₂ 'í₂ 'nei₂ dsí₅, tē₂le₃ 'nió'₅ tsín'₅₄ 'nia'₂ caun₂ jui₅ rē₂, a₂jme₁tiin'₅ le₃quió'₅ Te₁gui'₅₄.
⁵ 'Nia'₂ guë'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uë₃ la₂, jui₁le₂tin₂ 'au'₂ 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ nē₂jag₄ bá₄ a₂jme₂tí'₁ ta₁ ne₄ Cristo. ⁶ Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ jui₅ a₂ñia'₅₄ con'₂ tíong'₂ dse₃ quiain'₅₄; jmo₄ 'nia'₂ a₂lín'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jě₃ 'au'₂.
⁷ Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güig₃. ⁸ Ia₁ ma₂ñi'₅₄ bá₄ 'nia'₂, cuë₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lě₅ a₂dse₃ a₂ma₂ca₂jmo₃, o₁ñia'₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein₂ ne₄ jme₂ti₃ 'e₂.

⁹ 'Nia'₂ guë'₂ i₂lín₅ juig₅₄, le₂ně₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quian'₅₄ 'nia'₂ juě'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juig₃, i₂lín₅ Juig₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Éi₂ bá₄ tsá₃ jma₃quén₅ jín₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Nē₃ nē₃, jē₁ca₂tó'₂ juá'₅ jniá₂ juig₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ jui₅bí₂ bēn₂ quió'₅. ¹¹ Qui'₂ 'nia'₂ ca₂le₃jě₃ 'e₂ a₂cuë₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ náu'₁ tiá₂ ne₄ mai₅₄ quió'₅ i₂sē₃dsen₃. ¹² Ia₁ on₃jua'₅₄ quian'₅₄ dsa₂ mi₂güig₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsí₂tan₅₄ gu₂dsí₂, quian'₅₄ jme₂dsí₂ i₂'io₅ jui₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guë'₄ 'lióg₂ 'lín'₅₄ gu₂dsí₂ i₂i₂nio₄ gon₂ dsí₁güig₂ bá₄ cág'₂ jniog₄. ¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuë₅ Diú₄, ia₁jaun₂ bá₄ tian'₃ 'nia'₂ tíong'₂ tiá₂ jē₁ma₂tě₂ rē₂jmo₂'₂ 'nei₂ i₂sē₃dsen₃, ia₁jaun₂ cang₂ jē₁ma₂ca₂lín'₃ 'nia'₂ 'nei₂ nē₃, lia'₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ nē₃, co₂'nió'₄ a₂qui₂rē₂'ñe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rē₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rē₂lióg₃ ñí₁ le₁dsí₅. ¹⁵ Chan'₂ 'nia'₂ rē₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ nē₂jag₄ bá₄ jan₂ 'lióg₂ chén'₅ rē₂ján₁ rē₂lín'₅₄ ton₅ lau₂ tag₅₄. ¹⁶ Ne₄ ca₂le₃jě₃ a₂ně₅, jui₁le₂cha₂ 'én'₂ 'nia'₂ ia₁jaun₂ lě₅ nē₂jag₄ co₂'nió'₄ caun₂ ñí₁ li'₂ a₂chan'₄ 'nia'₂ a₂rē₂quion'₅₄ 'nia'₂ a₂long'₅₄, co₂'nió'₄ a₂jaun₂ qui₂éi₃ 'ma₂chen'₂ le₁guí'₂ si₂ a₂qui₂jnáu'₂ i₂sē₃dsen₃ jnáí'₂ 'nia'₂.

* 6:3 Deuteronomio 5:16.

17 Jui₅ ma₂lón'₂ 'nia'₂ chang'₂ ně₅, jui₁le₅₄ bá₄ jui₁lia'₂ lě₅ ŋí₁ 'i₄ dsi₄ 'lióg₂, lě₅ 'í₁; ton'₂ quian₂ 'nia'₂ jág₁ quió'₅ Diú₄ a₂lě₅ ŋi₁tág₂ quió'₅ Jme₂dsí₂, a₂cuě'₅ 'nia'₂. 18 Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mi'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. 19 Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂'ě₄ jág₁ dse₃ a₂jme₁rě₂'ma₄ quió'₅ Diú₄. 20 Diú₄ ma₂ca₂chei₃ jniá₂ a₂líng₄ i₂chen₄ quiáin₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jě₁ca₂tó'₂

21 Tíquico, rin'₅₄ jniog₄ i₂'nióg₃ guě₄ lin₃, i₂jme₂tí₃ i₂jme₂o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ŋi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃.

22 Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃ŋi'₅₄ 'a₂ lia'₂ lě₅ chong₂ jnia'₅₄ ia₁jaun₂ cuě'₅₄ 'nia'₂ lián'₂ 'au'₂.

23 Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

24 Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmi₄g₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ca₂jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅,* quián'₅₄ ja₁con₂ dsa₂ i₂jme₂'o₅₄† ně₃.
² Jui₁jme₂gu'₅₄ Diú₄, juí₁'ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂.
⁴ Lia'₂ co₂ráun₂ chi₂lén'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅,⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₃le₃ jmig₄ le₂'uig₅₄ ca₂lia'₂ jnió₂ jmig₄ ně₃.
⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con₂ 'nia'₂, jme₃'njai₂₃ ca₂lia'₂ ca₂tě₂ jmig₄ quió'₄ Cristo Jesús.
⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jnia'₅₄ ne₄ dsi₂tan₅₄ dsióg₄ jniá₂ ja₁lě₂ le₃long₅₄ jág₁ dse₃, ton'₂ lě₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁.⁸ I₂ni₅ dsi₂jó'₃ bá₄ Diú₄ a₂ŋí₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con₂ lě₅ ŋí₄ lě₃ Cristo.

⁹ Le₂la₂ bá₄ chi₂lén'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ŋio₅ lin₃, lia'₂ ma₂tě₂dsi₅₄ jaun₂ a₂qui₂rě₂ŋí'₂ dsei'₂ 'nia'₂ a₂qui₂le₃quing'₅₄ 'nia'₂ jmig₄,¹⁰ ia₁jaun₂ lě₂ le₃caun'₅₄ 'í₁ 'e₂ jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsi₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₂tě₃ jmig₄ quió'₄ Cristo.¹¹ Le₂ně₅ bá₄ ján₃, lě₂ jui₅ a₂i₁nio'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tě₂le₃ quián'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ŋi'₅₄ 'nia'₂, ca₂le₃jě₃ a₂niog₅ ma₂i₃ŋig₂, tě₂le₃ lě₅ guě₄ dsón'₂ cuě₂₃ bí₂ a₂dsi₃'ag₅ jág₁ dse₃.
¹³ Le₂ně₅ bá₄ le₁ŋi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ guě₄ riin'₅₄ ně₃, a₂'eng₅₄ rě₂jníg₅ 'uig₅₄ ia₁ a₂'éng₂

* 1:1 griego: epískopos. † 1:1 griego: diákonous. 'Nio'₂ ja₁ton₅ Hechos 6:1-7; 21:8.

le₃quió'₅ Cristo. ¹⁴ 'Uig₅₄ ia₁ a₂rē₂jníg'₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'ě₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lin₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ guě'₂ i₂lin₅₄ dsia₂₃ a₂dse₃ dsí₅ 'iin₂₃ Cristo. ¹⁶⁻¹⁷ I₂le₂'éi₂ ně₃ jmo₂₃ ia₁ a₂'nio₃, ia₁ ŋi₅ rē₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsí₅ a₂jñia'₅₄ con'₂ 'ín₂ dsí₅ le₃chain₂ dse₃ guioin₅₄ bá₄, on₃jua'₅₄ rē'₂ a₂tě₃dsón'₂ lě₅ dsí₅; a₂'nio₃ jmóg'₂ jniá₂ cuě₃ o₂me'₅₄ dsí₅ tě₁lia'₂ 'eng₅₄ rē₂jníg'₅. ¹⁸ La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁ě₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quian'₅₄ ca₂le₃jě₃ a₂ně₅, o₃'ing₅ a₂lióng₂ con'₂ dse₃, tě₂le₃ ia₁ a₂mi'₂ 'nia'₂ ne₄ Diú₄ o₄quió₃, tě₂le₃ quian'₅₄ bí₂ a₂cuě₅ jme₂'o₅₄ Jme₂dsí₂ quián₅ Jesucristo ně₃. ²⁰ Ia₁ chi₁jan₁ jniá₂ 'ín₂ dsí₃ a₂tsá₃ tě₃tsing'₅₄ o₂guí'₃ quian'₅₄ 'i₁caun₂, jaun₂ tě₂le₃ lě₅ guě₄ 'ag₃ caun₂ dsí₃, ia₁jaun₂ le₃jniá₂ a₂jlán'₁ Cristo jui₅ ni₁ñi₃ jniá₂, o₁jñia'₅₄ la₂ chang₂, o₃ jóng₂ 'e₂. ²¹ Ia₁ tě₂le₃ quió₃ jniá₂, o₄quió'₄ Cristo bá₄ chang₂, ján₃ bá₄ a₂ca₂lág₃ co₂'nió'₄ a₂tě₂dsi₅₄ ně₁ca₂jong₃. ²² Ia₁ ně₁jua'₂ caun₂ chang₂ 'ñió'₃ ni₁ñi₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂ lě₃ tsá₃ guion₄ jniá₂ 'e₂ quio'₅₄. ²³ 'Ñio₅ juí'₅ líng₂ na₅ bá₄ jaun₂ a₂quio'₄ jniá₂ jě₁le₃tín₃ le₂ně₅: tě₂le₃ ca₂ton₂, 'nio₃ jua'₅₄ jóng₂ nég'₄ i₁gua₃ quian'₅₄ Cristo, a₂ně₅ bá₄ ja₂lin₃ guě₄ dse₃ tě₂le₃ quió₃ jniá₂; ²⁴ la₁ tě₂le₃ ca₂ton₂ guě'₂ ně₃, 'ñio₅ guě₄ dsen₅₄ ta₁ ja₁con'₂ 'nia'₂, 'nió'₅ le₃chang₂ 'ñió'₃ ni₁ñi₅ la₂. ²⁵ Jaun₂ caun₂ bá₄ 'ei₅ dsí₃ líng₂ le₂ně₅, jaun₂ jan₅₄ bá₄ guě₄ jniá₂ quian'₅₄ 'nia'₂, ia₁jaun₂ lé₂ le₃jme₁'on₁ jniá₂ 'nia'₂ a₂náu'₁ tiá₂ a₂o₁nóg'₅ ne₄ jui₅ a₂jmó'₂ 'nia'₂ 'io'₂ guě₄ a₂'éng'₂, ²⁶ ia₁jaun₂ dsí₃tsón₃ a₂jmó'₂ 'nia'₂ 'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁ a₂quian'₄ jniá₂ 'nia'₂.

²⁷ Jñia'₅₄ lia'₂ cán₂ 'nia'₂ caun₂ jui₅ con'₂ dsí₂ten₅₄ lia'₂ con'₂ lě₅ jág₁ dse₃ quió'₅ Cristo. Le₂ně₅ jaun₂, o₁jñia'₅₄ la₂ ca₂dsióg₃ jniá₂ i₁jag₁₂, o₃ tsá₃ ca₂dsióg₃, o₃ chi₂jua'₂ tě₂le₃ ca₂ñó₃ guě₄ uíng₂ 'e₂, la₁ 'nio₃ jniá₂ dsí₁lé₂ jág₁ le₃guion₅₄ a₂chan'₂ 'nia'₂ tíóng'₂ tiá₂, 'ei₅ caun₂ jág₁ le₃quió'₅ jme₂dsí₂, jme₂'ñió'₄ 'nia'₂ ca₂le₃jíng'₃ co₂dsia₅ o₄quió'₄ jág₁ dse₃ a₂'éin₂ jniog₄. ²⁸ Tsá₃ lě₁can₂ 'nia'₂ juě'₅ 'e₂ qui₂quiong₅ jui₁lia'₂ dsa₂ i₂'iog₅₄ 'nia'₂. Ia₁ a₂ně₅ jau'₂ 'í₁ rē₂ a₂lén₄ dsa₂ 'éi₂ a₂tioin'₅₄ jui₅ ja₁dsí₃'éin₂; la₁ le₂jaun₂ guě'₂ ján₃ jau'₂ léi₄ rē₂ táng₃ a₂tion'₅₄ 'nia'₂ jui₅ ja₁tíng'₄; a₂ně₅ bá₄ a₂já₅ quió'₅ Diú₄. ²⁹ Ia₁ 'uig₅₄ quió'₄ Cristo ca₂ñi'₂ 'nia'₂, on₃jua'₅₄ jmá'₃ le₃'én'₂ 'nia'₂ le₃quió'₅, ján₃ guě'₂ le₂jaun₂ ñag'₅₄ uig₅ o₄quió'₄, ³⁰ ia₁ co₂rē₂ bá₄ 'nei₂ dsí₂ñí'₂ 'nia'₂ jui₁lia'₂ ma₂tě₂

ne'⁵⁴ 'nia'² a₂dsi₂ŋí₂ jniá₂, con'² siá'² táng₃ rē₂ně₃ rē₂ŋi'⁵⁴ 'nia'²
lia'² ma₂dsi₂ŋí₂g₂ jaun₂ bá₄.

2

'A₂ lia'² ca₂jmo₃ Cristo sioin₅, 'a₂ lia'² ca₂rě₃juin'² táng₃

1 Jaun₂ le₂ně₅, chi₂jua'² qui₂gue'² 'nia'² lián'² le₃quió'⁵ Cristo,
chi₂jua'² 'a₂ lia'² 'nio₃ 'éi₂ 'nia'² qui₂ag₂₃ bá₄ dse₃ 'au'², chi₂jua'²
'ei₅ caun₂ jág₁ quian'⁵⁴ Jme₂dsi₂ quián₅, chi₂jua'² cha₂ a₂'ua₁ ŋéi₂
'au'² 'nia'² ríng'²: 2 jme'¹ ŋia₅ 'nia'² o₂ ŋi₃ dsi₃ jniá₂, a₂tión'² 'nia'²
'ei₅ caun₂ jág₁, quian'⁵⁴ 'nia'² ríng'² 'nió'³ 'nia'², tē₂le₃ quian'⁵⁴
jan₂ Jme₂dsi₂, ca₂ne₅₄ bá₄ ta₁ tión'² 'nia'². 3 'I₁caun₂ tsá₃ lě₁jmo₂
'nia'² jua'⁵⁴ a₂ŋia'⁵⁴ dse₃ ja₁con'² 'nia'² guiong'⁵⁴ on₃ guě'² jmo₂
'nia'² róng'². Jmo₄ bá₄ 'nia'² meg'², jmo₄ 'nia'² 'au'² ja₂lin₃ guě'⁴
dsen₃ rín'² 'nia'² con'² guě'⁴ guion'⁵⁴ 'nia'². 4 'I₁jan'² 'nia'² tsá₃
ca₂ne₅₄ 'no'² jua'⁵⁴ a₂ŋia'⁵⁴ con'² dse₃ ja₁con'² 'nia'² guiong'⁵⁴,
'nio'² bá₄ 'nia'² a₂dse₃ quió'⁵ ja₁con₂ i₂sián'² ján₃.

5 Jui₁le₅₄ bá₄ 'au'² 'nia'² jui₁lia'² ca₂lě₃ dsí₅ Cristo Jesús:

6 Ia₁ o₁ŋia'⁵⁴ la₂ lín₅ 'éi₂ nió'⁴ quió'⁵ Diú₄,
on₃jua'⁵⁴ jaun₂ ca₂jmo₃ dsí₅ a₂ca₂tíin₂ tion'⁵⁴
a₂lěin₂ co₂ríin₂ quian'⁵⁴ Diú₄,

7 tē₂le₃ ca₂jmo₃ bá₄ 'éi₂ cau₅ a₂jme₁tíin₂ ně₃,
ně₂jag₄ bá₄ a₂tsá₃ 'e₂ quein₅,

ca₂can₃ jui₅ ca₂já₃ a₂lín₅ dsa₂ i₂jme₂ti₃,
jme₁ca₂rě₃cháin₃ a₂lín₅ dsa₂ mi₂güig₃.

8 Jme₁ma₂ca₂rě₃jniái₂ a₂lín₅ dsa₂ ně₃,
ca₂jmo₃ mei'².

Jaun₂ guě'⁴ ca₂lín₃ jan₂ i₂ca₂rě₃ne'⁵⁴,
ca₂jme₃ti₃ ně₃,

ca₂le₃jě₃ ca₂guein₃ 'mú₃,
ca₂lia'² ŋia'⁵⁴ lia'² ca₂dsi₃óg₃ 'mú₃ tē₃toin₅₄ cróg₄.

9 'Uig⁵⁴ jaun₂, Diú₄ ně₃, ja₂lin₃ guě'⁴ ŋei₅ ca₂jme₃juag'²,
ján₃ guě'² ca₂dsi₃og₃ a₂lín₅ ta₁ juě'² a₂goin₂

a₂quein₅ guě'⁴ ŋio₅ lin₃ con'² guě'⁴ ca₂le₃jín₃,

10 ia₁jaun₂ tē₂le₃ ne₄ 'éi'³ a₂gon₂ Jesús,

jui₁chi₂jnë₃ ca₂le₃jín₃ i₂tion'⁵⁴ guei'⁵⁴ i₂juíg₃,
quian'⁵⁴ i₂tion'⁵⁴ gua'⁵⁴ 'uě₃,

quian'⁵⁴ i₂tion'⁵⁴ le₃né'³ 'uě₃ ně₃;

11 ia₁jaun₂ tion₃ ca₂le₃jě₃ le₁tsi'² dsa₂

a₂dsón'² bá₄ lín₅ Jesucristo Te₁gui'⁵⁴,

jaun₂ le₂ně₅ le₃juin'² Diú₄ Jmei₂.

*Lín₅ dsa₂ quián₅ Cristo ně₂jag₄ bá₄ si₂ tē₂le₃ ja₁con₂ dsa₂
mi₂güig₃*

12 'Uig₅₄ jaun₂ ně₃, 'nia'₂ rin'₅₄ jniog₄, jui₁lia'₂ ma₂ja₂nóg'₅ ma₂rē₂ten'₅₄ tián₂ 'nia'₂ lia'₂ con'₂ jme₁'eng₅₄ quian'₅₄ 'nia'₂, tē₂le₃ 'nio₅ lin₃ guē₄ ca₂tín'₂ 'nia'₂ nág'₁ gau₂ rē₂ně₃, tē₁lia'₂ 'eng₅₄ uíng₂. Jme₁le₅₄ bá₄ 'nia'₂ guiong'₅₄ jui₁lia'₂ ta₁ a₂ma₂lóng'₂, jmo₂ 'nia'₂ meg'₂ 'ei₅ gau₂. 13 Ia₁ Diú₄ bá₄ i₂jmo₅ ta₁ ja₁con'₂ 'nia'₂, a₂qui₂lě₂ 'au'₂ 'nia'₂ a₂dse₃, a₂qui₂lě₂ ta₁ ján₃, lia'₂ con'₂ lě₅ a₂'nio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua'₅₄ tsá₃ dsá_{u5} 'au'₂ 'nia'₂ ríng'₂ a₂chi₂'iin'₄ 'nia'₂, on₃ guē'₂ jmo₂ 'nia'₂ mī'₅₄, 15 ia₁jaun₂ bá₄ 'i₁jan₂ tsá₃ 'ein₂ le₃bóg'₂ dso₄ on₃ guē'₂ jua'₅₄ cha₂ a₂rē₂cán'₄ 'nia'₂, jmo₄ 'nia'₂ a₂lín'₅ chi'₂-guein₂ quián₅ Diú₄ i₂tsá₃ 'e₂ rē₂cán'₄, i₂tsá₃ 'e₂ rē₂'nio₄ jě₄ quió'₄ dsa₂ 'lín'₅₄ i₂rē₂gán₃ dsí₅. 'Nia'₂ bá₄ lín'₅ jui₁lia'₂ nei₅, a₂jmo₂ 'tág₅ ne₄ quió'₅ caun₂ mi₂güüg₃ qui₁né'₃, 16 ja₁o₂can'₄ 'nia'₂ jág₁ dse₃ a₂le₃chan₂ dsa₂. Le₂ně₅, jě₁ma₂tě₂ rē₂guan'₂ Cristo, lé₂ le₃jmo₅₄ jniá₂ dsí₃ ně₂jag₄ a₂rě₃tan₅₄ jniá₂ o₄quián'₂ 'nia'₂, jě₁ma₂cha₂ caun₂ léi₄ a₂tsá₃ jua'₅₄ a₂lě₁ca₂ŋi₃ co₂chi'₅₄, on₃ guē'₂ jua'₅₄ ca₂jmo₃ ta₁ a₂tsá₃ 'e₂ ta₁ tí₄. 17 La₁ jui₁'a₂ guě₃ la₂ ca₂quíng₂ a₂lén'₂ rē₂jeng'₅₄ ne₄ Diú₄, o₄quió'₄ a₂'én'₂ 'nia'₂, 'nio₅ lin₃ 'io'₂ jéin₅ jniá₂, quian'₅₄ bá₄ jniog₄ rin'₅₄ a₂jmo₁ 'io'₂ ca₂le₃jág₃. 18 Jmo₄ 'nia'₂ 'io'₂ ján₃, jme₁quiong'₅₄ bá₄ 'nia'₂ jniá₂ a₂jéin'₅ jniá₂ 'io'₂.

Timoteo quian'₅₄ Epafrodito

19 Ně₁jua'₂ 'nio₃ Te₁gui'₅₄ Jesús, 'ín₂ dsí₃ jniá₂ tsing₅₄ ŋi'₅₄ ta₁ Timoteo dsí₃jín₅₄ 'nia'₂, ia₁jaun₂ 'nio₅ lin₃ guē₄ 'io'₂ jmo₅₄ jě₁ma₂ca₂rě₃guion₅₄ jniá₂ 'a₂ lia'₂ chan'₂ 'nia'₂. 20 Ia₁ 'i₁jan₂ i₂sián'₂ tsá₃ chan₂ i₂lě₅ dsí₂jio₅ dsí₅ co₂rě₂ jui₁lia'₂ dsí₂jio₅ dsí₃ jniá₂, jua'₅₄ i₂'i₅ dsí₅ tě₃dsón'₂ a₂dse₃ tē₂le₃ ja₁con'₂ 'nia'₂; 21 ia₁ ca₂le₃jín₃ bá₄ dsa₂ 'no'₂ a₂dse₃ quió'₅ guioin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo Jesús. 22 La₁ ca₂le₃jín'₃ bá₄ 'nia'₂ ma₂ŋi'₅₄ 'a₂ lia'₂ ma₂ca₂jme₃jnia₅ Timoteo a₂tiin₂ a₂ŋi₅ a₂ma₂ja₂náu₅ jnia'₅₄ quiaín'₅₄ a₂jme₂tí₁ a₂qui₂'ě₅ jág₁ dse₃, ma₂já₅ jme₂ti₃ co₂lě₅ ne₄ Te₁gui'₅₄ jui₁lia'₂ jan₂ chi'₂ i₂jme₂'on₅₄ jmei₂. 23 Le₂ně₅ 'ín₂ dsí₃ caun₂ jmíg₄ a₂tsín₅₄ dsí₁jín₁₂ 'nia'₂ jě₁ma₂ca₂rě₃guion₅₄ 'a₂ lia'₂ lě₅ tē₂le₃ quió₃ ja₁lá₃. 24 La₁ia₁ caun₂ bá₄ 'ei₅ dsí₃ ja₁con₂ Te₁gui'₅₄, 'nio₃ bá₄ jniá₂ dsíó₄ ŋi'₅₄ ta₁ i₁jíng₁₂ 'nia'₂.

25 La₁ tion₅₄ 'nió'₅ ján₃, lín₂ jniá₂, dsiang'₅₄ Epafrodito, i₂lín₅ i₂quiang'₅₄ jmo₂₃ ta₁ quen'₂ jnia'₅₄ bí₂ co₂dsia₅ quiaín'₅₄, i₂ca₂chen'₂ 'nia'₂ guiong'₅₄ o₃can₅ a₂'nió'₅ quió₃. 26 'Éi₂ ně₃ 'nio₅ lin₃ 'ín₅ dsí₅ jín₂ ca₂le₃jín'₃ 'nia'₂, 'nio₅ 'i₅ dsí₅ ia₁ ca₂rě₃ŋi'₅₄ bá₄ 'nia'₂ a₂ca₂rě₃dso'₅₄ 'éi₂. 27 Dsón'₂ bá₄ jaun₂ ca₂rě₃dso'₅₄, jnia'₅₄ mei'₂ tsá₃ ca₂join₃; la₁ ca₂dsia₃ bá₄ Diú₄ ŋéi₂ dsí₅ quió'₅, on₃jua'₅₄ rě'₂ jmá'₃ ja₁con₂ 'éi₂, ia₁ ca₂dsia₃ bá₄ ŋéi₂ dsí₅ jniá₂ ně₃, ia₁jaun₂

tsá₃ ŋí₄ lě₃ 'lia'₂ dsi₃ tsá₃ len₅ 'a'₂ con'₂ ma₂chang₂ quian₅₄ o₂i₁ dsi₅.
 28 'Uig₅₄ jaun₂ ně₃ 'ŋio₅ guě₄ lě₂ dsi₃ dsiain'₅₄, ia₁jaun₂ jmó'₂ 'nia'₂
 'io'₂ jġin'₅₄ táng₃, ia₁jaun₂ tsá₃ ŋí₄ lě₃ chang₂ 'i₅ dsi₃. 29 Guein₅₄
 'nia'₂ ca₂lia'₂ a₂'ŋio₂ 'au'₂ guě₄ lin₃, a₂lín₅ 'éi₂ jan₂ rín'₂ 'nia'₂ tē₂le₃
 ja₁con₂ Te₁gui'₅₄, jme₁gon'₃ bá₄ 'nia'₂ jui₁lia'₂ i₂lín₅ lia'₂ lín₅ 'éi₂;
 30 ia₁ ca₂juig₄ bá₄ mei'₂ tsá₃ ca₂join₃ 'uig₅₄ ia₁ a₂jme₂ti₃ ta₁ ne₄
 Cristo. Ca₂can₃ caun₂ jui₅ go'₂ ja₁lé₂ le₃quin₃ jme₂dsi₂ quió'₅
 a₂jme₃'ŋiai₂₃ jme₃'o₅₄ a₂tsá₃ lé₂ le₃jme₁'o'₁ 'nia'₂.

3

Jui₅ a₂tē₃dsón'₂ dsau₅

1 Ně₃ ně₃, 'nia'₂ rín'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄.
 Tē₂le₃ ja₁con₂ jniá₂, 'i₁ca₂juig₄ o₂me'₅₄ dsi₅ tsá₃ cha₂ jua'₅₄ a₂juá'₄
 táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂ŋia₅₄ tē₂le₃ ja₁con'₂
 'nia'₂.

2 Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂ji'₅₄,
 i₂jmo₅ a₂'lig'₅₄, dsa₂ i₂qui₂ti₅ ni₁ŋi₁₂; 3 ia₁ jniog₄ bá₄ i₂tē₃dsón'₂ lág₅
 dsa₂ co₂'nió'₄ i₂ma₂qui₂rē₂u_{ing}₄ lo₄, jniog₄ con'₂ i₂jme₂juín'₁ Diú₄
 a₂gu₂dsi₂. Jaun₂ o₂'ŋi₃ o₂ŋia₃ dsi₅ jniog₄ ia₁ lág₅ i₂quián₅ Cristo
 Jesús, tsá₃ jaun₂ 'ín₂ dsi₅ jniog₄ jui₁lia'₂ a₂jmo₅ dsa₂ co'₅₄ ni₁ŋi₅,
 4 o₁ŋia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂ně₅.

Chi₂jua'₂ 'ein₂ lín₂ cha₂ 'uig₅₄ a₂'ín₂ dsi₅ ni₁ŋi₅, tē₂le₃ lě₅ guě₄
 tson₂ bí₂ chan₂ jniá₂ 'uig₅₄ a₂jaun₂: 5 jme₁ca₂dsin₃ ŋia₃ jmig₄ lia'₂
 con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂
 israelitas, tén₅ le₃quió'₅ co₂'nió'₃ dsa₂ quián₅ tsi₁jon₂ Benjamín;
 lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos.
 Fariseo bá₄ jme₁lín₄ lia'₂ con'₂ lě₅ jme₁ŋi'₂ dsi₃ Si₂ 'Éi'₃; 6 jui₁lia'₂
 a₂dsen₅₄ dsi₃ guě'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅;
 ton'₂ lia'₂ con'₂ lě₅ jme₁chang₂ quian₅₄ jui₅ dse₃ lia'₂ con'₂ lě₅ 'Éi'₃
 Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

7 La₁ ca₂le₃jě₃ a₂ně₅ le₃jua'₅₄ jág₁ a₂tē₁dsi₅₄ le₃quió₃ jniá₂,
 a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. 8 Dsón'₂
 bá₄ jaun₂, tē₂le₃ lě₅ guě₄ jmo₅ jniá₂ dsi₃ ně₂jag₄ bá₄ a₂ma₂i₂'én₂
 ca₂le₃jě₃, ia₁ tsá₃ quin₅ 'a'₂ con'₂ quen₅ a₂ma₂ca₂rē₃cuíng₅ Cristo
 Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma₂i₂'én₂ jē₂
 a₂jaun₂ quió₃. Jmo₅ jniá₂ dsi₃ ně₂jag₄ bá₄ jme₁qui₅ a₂jaun₂,
 ia₁ 'nio₃ jniá₂ léi₂ ja₁con₂ Cristo; 9 'nio₃ jniá₂ dsió₄ ja₁con₂
 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂tíng₂ 'ŋi₃ lia'₂
 con'₂ lě₅ 'Éi'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuě₅
 Diú₄ cuě'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂
 quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ tē₂le₃
 ia₁ a₂'én₂ bá₄ dsa₂. 10 A₂'nio₃ jniá₂ le₃cuíng₅ Cristo bá₄, 'nio₃ jniá₂
 can₅₄ jui₅bí₂ a₂ca₂jein'₅₄; ján₃ guě'₂ can₅₄ jui₅ jmi₁uig₅ a₂ca₂can₃

'éi₂, ján₃ guë'₁ a₂ dsió_g₄ jniá'₂ léng₂ jui₁ lia'₂ jme₁ lín₄ 'éi₂ lia'₂ con'₂ jme₁ ca₂ join₃, ¹¹ ia₁ jaun₂ caun₂ bá₄ 'ei₅ dsi₃ dsió_g₄ jniá'₂, chi₂ jua'₂ lé₂, a₂ jeng'₅₄ jin₄ 'lag₄.

Jui₅ ja₁ ca₂ tá_g₂ i₁ no₁ ja₁ lě₄ léi₄ dsi₁ no₃

¹² On₃ jua'₅₄ guë'₂ a₂ ma₂ ca₂ dsió_g₃ jniá'₂, on₃ guë'₂ ma₂ ca₂ rě₃ 'ñia₅ quió'₃. La₁ caun₂ nei₅₄ bá₄ ne₄ jui₅ jme₁ 'ñió'₄ a₂ 'ín₂ dsi₃, jui₁ lia'₂ ca₂ jme₃ 'ñió'₃ Cristo jniá'₂. ¹³ Rin'₅₄ jniog₄, tsá₃ jmo₅ jniá'₂ dsi₃ jua'₅₄ a₂ ma₂ ca₂ jme₁ 'ñió'₄ jniá'₂ a₂ jaun₂. La₁ ia₁ caun₂ la₂ bá₄ jmo₅ jniá'₂: a₂ qui₂ dsi₃ 'én₂ dsi₃ a₂ qui₂ ma₂ 'ñi₂, a₂ quín'₄ bí₂ a₂ tió₄ nei₅₄ le₃ ne₄ jui₅, ¹⁴ a₂ dsió_g₄ jniá'₂ ja₁ lě₄ léi₄ ja₁ ca₂ tíng₂ dsió_g₄, ja₁ i₁ gue₃ jniá'₂ premio a₂ tě₂ Diú₄ cuë'₃ guei'₅₄ i₂ juí₃ a₂ cuë'₃ dsa₂ i₂ tion'₅₄ le₃ quió'₅ Cristo Jesús. ¹⁵ Ca₂ le₃ jág₃ bá₄ jniog₄ i₂ ma₂ le₁ 'ñia₅ quián₂, ca₂ tá_g₂ dsi₃ jñia₅ dsi₅ le₂ jaun₂. Ně₁ jua'₂ cha₂ ja₁ lín₅₄ a₂ 'ñi₂ 'au'₂ 'nia'₂ le₂ siá'₂, Diú₄ bá₄ jmo₃ jnio₂ ne'₅₄ 'nia'₂ a₂ jaun₂ ján₃. ¹⁶ Jñia'₅₄ lia'₂ ca₂ tá_g₂ jniog₄ a₂ i₁ nio₁ lia'₂ ma₂ ja₂ náu₅.

¹⁷ Rin'₅₄ jniog₄, quian₂ 'nia'₂ jui₅ co₂ lě₅ con'₂ lě₅ jui₅ ma₂ guio₃ jniá'₂, jag₄ 'nia'₂ rě₂ ján₃ ja₁ con₂ ca₂ le₃ jín₃ i₂ ma₂ chan₂ lia'₂ con'₂ lě₅ ma₂ ca₂ jme₁ tin₅ jnia'₅₄ 'nia'₂. ¹⁸ Ia₁ jui₁ lia'₂ ma₂ ca₂ juí_g₂ jniá'₂ 'nia'₂ 'lióng₂ ráun₂, con'₂ siá'₂ juá'₅ bá₄ guě₄ cón'₂ táng₃ ca₂ le₃ jě₃ dsá₂ jmí_g₂ jme₁ ne₃, ia₁ ju₁ n₅ i₂ chan₂ co₂ 'nió'₄ i₂ 'io'₅₄ a₂ ca₂ jmo₃ Cristo ne₄ cróg₄. ¹⁹ Jě₁ ca₂ tó'₂ dsi₁ lein₃ ja₁ dsi₃ 'éin₂. Ia₁ i₂ co₂ 'nió'₄ i₂ lín₅ diú₄ quián₅ co₂ 'nió'₄ a₂ lag₃ ně₁ rě₂ can'₂ tú'₅ bá₄, 'ñio₅ róin₂ jmo₂₃ a₂ 'nió'₄ jme₁ cán₂ o₂ guí'₃. Jmá'₃ lia'₂ quió'₅ a₂ cha₂ ne₄ gua'₅₄ 'uě₃ la₂ bá₄ dsi₂ jio_g₅ dsí₅. ²⁰ La₁ jniog₄ ně₃ lág₅ dsa₂ i₂ tén₅ guei'₅₄ i₂ juí_g₃, jñia'₅₄ lia'₂ a₂ jaun₂ bá₄ le₁ jñia₁ jniog₄ dsen₅₄ dsi₅ a₂ jñió'₂ ja₁ jaun₂ jan₂ i₂ lió₂, i₂ lín₅ Te₁ gui'₅₄ Jesucristo. ²¹ 'Éi₂ bá₄ jme₃ tsín₃ ni₁ 'ñi₁ jniog₄ a₂ dsi₃ 'én₂ la₂, ia₁ jaun₂ lé₂ lia'₂ jlá'₁ ni₁ 'ñi₁₂ 'ñiog₅. Jmo₃ bá₄ a₂ jaun₂ tě₂ le₃ quian'₅₄ bí₂ a₂ 'io'₂₃ a₂ tiin₂ dsia₃ o₄ gú₃ 'ñiog₅ ca₂ le₃ jě₃.

4

Jmo₄ 'nia'₂ 'io'₂ co₂ tan₅₄ le₃ quió'₅ Te₁ gui'₅₄

¹ Jaun₂ lě₃, rin'₅₄ jniog₄, 'nia'₂ i₂ 'nió_g₃ guě₄ lín₃, i₂ 'ñi₄ lě₃ 'ín₅ dsi₃ jing₅₄; 'nia'₂ bá₄ líng'₅ a₂ 'ñi₄ dse₃ 'ei₅ dsi₃, 'nia'₂ bá₄ líng'₅ co₂ 'nió'₄ premio quió'₃, ju₁ chan'₂ bá₄ 'nia'₂ le₂ ně₅ jaun₂ ně₃, tión'₂ 'nia'₂ tiá₂ le₃ quió'₅ Te₁ gui'₅₄.

² Chi₂ len'₄ jniá'₂ Evodia quian'₅₄ Síntique ján₃, jmo₄ 'nia'₂ caun₂ jág₁ jin₄ ríng'₂ o₄ quió'₄ Te₁ gui'₅₄. ³ Quian'₅₄ 'ne₂, rin'₅₄ jniog₄ i₂ co₂ dsia₅ jmo₂ ta₁, juí_g₂ jniá'₂ 'ne₂ a₂ jme₁ 'ong'₁ dsa₂ m₂ rín'₅₄ jniog₄ ně₅, ia₁ 'éi₂ ca₂ quín'₃ bí₂ i₂ quian'₄ jniá'₂ jme₁ ca₂ 'ě₃ jág₁ dse₃ a₂ lión₂ dsa₂, quian'₅₄ Clemente ně₃ quian'₅₄ guě₄ rin'₅₄

sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂
a₂le₃chain₂ co₂tan₅₄.

⁴ 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅
táng₃, i'io'₂ jmo₄ 'nia'₂! ⁵ Ju₁le₂jniá₂ a₂'ua₁ 'au'₂ 'nia'₂ jë₄ quió'₅
le₃jín₃ dsa₂, ia₁ ma₂ja₂quián₃ guan'₂ Te₁gui'₅₄.

⁶ Tsá₃ jmo'₂ 'nia'₂ 'i₅'au'₂ 'i₁caun₂. La₁ chi₂jua'₂ 'e₂ lë₅, chi₂len'₄
'nia'₂ Diú₄; mi₄ 'nia'₂ ne₄ 'éi₂ ton'₂ ján₃ guë'₂ cuë'₅₄ 'nia'₂ ti₁'mag'₄
'éi₂. ⁷ Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄
a₂qui₂dsi₂jio₅ 'au'₂ 'nia'₂ në₃, të₂le₃ quian'₅₄ Cristo Jesús. Diú₄
bá₄ jmo₃ a₂'ag₃ tei₄ 'au'₂ 'nia'₂ ñag₅₄ guë₄ lin₃ con'₂ guë₄ a₂lë₂
le₃ñí'₂ dsa₂.

Ju₁dsi₂jio₅ 'au'₂ jmá'₃ a₂dse₃

⁸ Jaun₂ lë₃, rin'₅₄ jniog₄, ju₁dsi₂jio₅ 'au'₂ 'nia'₂ ju₁'e₂ a₂tí₅
dsón'₂, ju₁'e₂ a₂ca₂tín₂ jme₃gó'₃ dsa₂, ju₁'e₂ a₂dsi₂ten₅₄, ju₁'e₂
a₂le₁jë₃, ju₁'e₂ a₂'io'₂, ju₁'e₂ a₂quen₅ jág₁ dse₃; chi₂jua'₂ cha₂
a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ ju₁dsi₂jio₅ 'au'₂ 'nia'₂.
⁹ Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅
a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂të₂ ne'₅₄ ma₂jag'₅₄
'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ në₃ i₂jmo₅ 'ag₅
tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuë₅ Pa₄ ti₁'mag'₄ cuë'₅ dsa₂ Filipenses

¹⁰ 'E₂ guë₄ të₅ dsí₃ 'io'₂ jéin₅ guë₄ lin₃ le₃quió'₅ Te₁gui'₅₄ 'a₂
lia'₂ lë₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄
jua'₅₄ a₂ma₂i₂én₂ 'au'₂ 'nia'₂ jniá₂, të₂le₃ ia₁ a₂tsá₃ ma₂cuin₃
jmig₄ jme₁'o'₁ bá₄. ¹¹ On₃jua'₅₄ rë'₂ juá'₅ jniá₂ ia₁ a₂ca₂rë₃ 'nió'₃
quió₃; ia₁ jniá₂ në₃ ma₂ca₂rë₃tín₃ bá₄ jniá₂ a₂'ei₅ dse₃ dsí₃
chi₂jua'₂ 'a₂ lia'₂ lë₅ a₂chang₂. ¹² Ma₂guion₄ bá₄ jniá₂ 'a₂ lia'₂
lë₅ jme₁rë₂chang₂ te₂ñég₂, ján₃ guë'₂ guion₄ jniá₂ 'a₂ lia'₂ lë₅
a₂qui₂rë₂tsón₂ quió₃. Jaun₂ ma₂ca₂rë₃tín₃ bá₄ a₂chéng'₅ tiá₂
ju₁lë₄ bá₄ 'a₂ lia'₂ lë₅ chang₂. Cha₂ jme₁lin₅₄ qui₂rë₂tang₅₄ dse₃
lin₃, o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rë₂tsón₂, o₃ a₂tsá₃
'e₂ cha₂ mei'₂ 'e₂. ¹³ Ca₂le₃jë₃ bá₄ qui'₅₄ jniá₂ jmig₄ të₂le₃ quian'₅₄
Cristo i₂cuë₅ bí₂. ¹⁴ La₁ia₁, dse₃ bá₄ jaun₂ ca₂quen'₄ 'nia'₂ o₂i₁ dsí₅
a₂quian₄ jniá₂.

¹⁵ Ju₁lia'₂ ma₂ñi'₅₄ 'nia'₂, rin'₅₄ jniog₄ i₂chan₂ juig₂ Fili-
pos, lia'₂ con'₂ jme₁ca₂jme₁lióg₄ jniá₂ ca₂'ë₃ jág₁ dse₃ a₂lión₂
dsa₂, jme₁ca₂o₃'ín₃ jniá₂ 'uë₃ Macedonia, 'i₁caun₂ guá'₅ tsá₃
ca₂jme₃quen'₄ të₂le₃ quian'₅₄ cu₄; jnia'₅₄ lia'₂ 'nia'₂ bá₄. ¹⁶ Ia₁
lia'₂ con'₂ jme₁'en₅₄ jniá₂ juig₂ Tesalónica, on₃jua'₅₄ co₂ráun₂
ca₂jme₁'o'₁ 'nia'₂ jniá₂, ca₂chen'₂ 'nia'₂ cu₄ 'uig₅₄ ia₁ a₂ca₂rë₃ 'nió'₃
quió₃. ¹⁷ On₃jua'₅₄ rë'₂ a₂dsi₂jio₅ dsí₃ a₂jñia'₅₄ caun₂ le₃cha₂
a₂ca₂tín₂ jniá₂ a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂
'uig₅₄ a₂jme₃'mag'₂ Diú₄ quián'₂ 'nia'₂. ¹⁸ La₁ ma₂gue₃ bá₄ jniá₂

le₃jě₃, tē₂le₃ lě₅ guě₄. Quian'₅₄ a₂ca₂chen'₂ 'nia'₂ tē₂le₃ quian'₅₄
 Epafrodito, ma₂rě₂tsón₂ bá₄ quió₃. A₂ca₂chen'₂ 'nia'₂ jaun₂
 quió₃, lě₅ jui₁lia'₂ lě₅ caun₂ a₂rě₂jen'₅₄ ne₄ Diú₄ a₂ja₂ mi₂juig₂
 a₂'ŋio₂ dsí₅ Diú₄ guéi'₅. ¹⁹ Diú₄ quiáng₃ ně₃, 'éi₂ bá₄ cuě₃ ca₂le₃jě₃
 a₂'nió'₅ quián'₂ 'nia'₂ lia'₂ con'₂ lě₅ a₂ŋí₄ lě₃ jlá'₁ a₂rě₂tsón₂ quió'₅,
 cuě'₃ 'nia'₂ tē₂le₃ quian'₅₄ Cristo Jesús. ²⁰ jui₁jme₂juin'₂ bá₄ dsa₂
 Diú₄ Jmei₂ jniog₄ ca₂lia'₂ co₂tan₅₄! A₂méi₃.

²¹ Cuin₅₄ 'nia'₂ Diú₄ o₄quió₃, ca₂le₃jín₃ i₂tén₅a le₃quió'₅ Cristo
 Jesús. Dsa₂ rin'₅₄ * i₂quian'₄ jniá₂ ně₃, cuin₂₃ Diú₄ 'nia'₂. ²² Cuin₅
 'nia'₂ Diú₄ ca₂le₃jín₃ dsa₂ jŋió₅, la₁ia₁ ja₂lin₃ guě₄ dsen₅₄ cuag₅
 Diú₄ dsa₂ i₂tián'₅ dsí₂néi₂ quió'₅ gui'₅₄ rag₅₄ emperador.

²³ Ju₁jme₂gu'₅₄ bá₄ Te₁gui'₅₄ Jesucristo jme₂dsí₂ quián'₂ 'nia'₂.
 A₂méi₃.[†]
 Co₂ně₅.

* 4:21 lit. “dsa₂ jŋió₅.” † 4:23 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂
'ein₅₄ né'₃ 'má₃

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅
Jesucristo. Co₂lēs quiang'₅₄ rin'₅₄ jniog₄ Timoteo, ² jmo₂₃ si₂
carta la₂ a₂dsiang'₅₄ ne'₅₄ 'nia'₂ rin'₅₄ jniog₄a i₂chang'₂ juig₂
Colosas, dsa₂ i₂lēs 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₁
tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂,
co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄
bá₄ jnia'₅₄ 'a₂ lia'₂ lēs a₂'én'₂ 'nia'₂ le₃quió'₅ Cristo Jesús,
'a₂ lia'₂ lēs 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄,*
⁵ ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lé₂ quián'₂ 'nia'₂
guei'₅₄ i₂juíg₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅,
⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃,
ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lē₂
jui₁lia'₂ ma₂qui₂ma₂lēs quián'₅₄ 'nia'₂ ca₂le₃ jmi₂g₄ jme₁ca₂nei'₂
'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ nē₃, 'a₂ lia'₂
lēs a₂tē₃dsón'₂ bá₄ dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃
'nia'₂ ca₂jme₃tag₅ Epafras i₂'nióg₃ guē₄ lín₃, i₂ma₂já₅ co₂lēs
quian'₅₄ jnia'₅₄ jme₂ti₃ ta₁ ne₄ Cristo. 'Ei₂ bá₄ chén'₅ ja₁con'₂ 'nia'₂
a₂lín₅ dsa₂ rē₂tí'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Ei₂
bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ nē₃, ca₂le₃ jmi₂g₄ jme₁ca₂rē₃ne₄ jnia'₅₄,
ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄
o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂
qui₂le₃ñíg'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂,
¹⁰ ia₁jaun₂ bá₄ i₁nió'₄ 'nia'₂ con'₂ dsi₂ten₅₄ jmo₃ dsa₂ quián₅
Te₁gui'₅₄, lia'₂ con'₂ lēs 'ñio₂ dsí₅ 'éi₂. Jui₁le₂rau₂ bá₄ con'₂ dse₃
ca₂le₃jē₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuíng'₂
guē₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄
jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃
'au'₂, a₂juin'₂ 'au'₂, ton'₂ o₂'ñi₃ 'au'₂ nē₃. ¹² Mi₂ jnia'₅₄ ia₁jaun₂
bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂
i₂lēs 'í₁‡ quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄

* **1:4** lit. "dsa₂ jnió₅." † **1:12** A₂lín₅₄ chog₅₄ si₂ juá'₂: "ma₂jmo₃ ma₂léi₄ jniog₄."

‡ **1:12** lit. "dsa₂ jnió₅."

jniog₄ o₄gú₃ i₂gon₂ jë₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lë₃ 'nioi₃. ¹⁴ 'Éi₂Š bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rě₃chá₃. ¹⁶ Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juíg₃ quian'₅₄ gua'₅₄ 'uě₃, ca₂le₃jě₃ a₂jniá₂ quian'₅₄ guě₄ ca₂le₃jě₃ a₂tsá₃ jniá₂ ně₃; co₂'nió'₄ a₂ca₂jmoí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂ně₅ ca₂lín₃ tě₂le₃ quian'₅₄ 'éi₂, ton'₂ o₄quió'₄ 'éi₂ ně₃. ¹⁷ 'Éi₂ bá₄ i₂jme₁ma₂chan₂ lia'₂ con'₂ né'₃ guě₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rě₂ ca₂le₃jě₃. ¹⁸ 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quiáin₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jin₄ 'lag₄, ia₁jaun₂ lén₂ 'éi₂ i₂dsen₅₄ guě₄ ne₄ quió'₅ ca₂le₃jě₃. ¹⁹ Ia₁ ca₂rě₃'ñi₃ dsí₅ Diú₄ ca₂tě₁gua₁ tě₂le₃ ja₁con₂ 'éi₂ ca₂le₃jě₃ 'a₂ lia'₂ lín₅ 'ñiog₅; ²⁰ ca₂rě₃'ñi₃ dsí₅ ján₃, tě₂le₃ quian'₅₄ 'éi₂, ca₂'ág₂ táng₃ caun₂ jág₁ quiain'₅₄ 'ñiog₅, ca₂le₃jě₃ a₂cha₂: lia'₂ ta₁caun₂ guei'₅₄ mi₂güí₃ lia'₂ quian'₅₄ ne₄ gua'₅₄ 'uě₃, ca₂jmo₃ ca₂'ág₂ táng₃ tei₄ tě₂le₃ quian'₅₄ jmí₂ 'ain₅₄ a₂ca₂tein₃ ne₄ cróg₄.

²¹ 'Nia'₂ ně₃, tsá₃ jág₁ jme₁nióg'₅ quian'₅₄ Diú₄ le₂jñiá₅; tě₂le₃ jme₁'ñiai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jio₅ 'au'₂, jui₅ 'a₂ lia'₂ jme₁jmo'₂-dsáu'₅ 'nia'₂ ně₃. ²² La₁ rě₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quiain'₅₄, tě₂le₃ quian'₅₄ 'mú₃ a₂ca₂can₃ Cristo jui₅ ñi₅₄. A₂ně₅ ca₂jmo₃ ia₁jaun₂ chein'₃ 'nia'₂ ne₅₄, jme₃jñiai₂₃ 'nia'₂ dsa₂ i₂ma₂lě₅ 'í₁,* i₂tsá₃ ma₃'e₂ rě₂'ñi₃, on₃ guě'₂ ma₂'e₂ dso₄ rin'₂ 'nia'₂. ²³ A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, ně₂ja₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ tě₂le₃ quian'₅₄ jág₁ dse₃ a₂ma₂nei'₂ 'nia'₂. Jág₁ dse₃ ně₅ ma₂qui₂rě₂'ě₂ ne₄ le₂jan₂ le₂jan₂ i₂chan₂ ne₄ gua'₅₄ 'uě₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ě₃ jág₁ jaun₂.

Jme₂tí₃ Pa₄ ja₁con₂ guá'₅

²⁴ Ně₃ ně₃ 'io'₂ jéin₅ jë₄ dsi₂ñíg₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃ 'ñi₃ó₃ a₂'nió'₅ guě₄ jui₁lia'₂ jmi₁uig₅ a₂ca₂i₃ñí₂ Cristo o₄quió'₄ guá'₅ quiáin₅, a₂lě₅ ñi₅₄. ²⁵ A₂ma₂ca₂dsi₃ó₃ jniá₂ a₂líng₅ jan₂ i₂jme₂tí₃ ja₁con₂ guá'₅ ján₃, con'₂ lě₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'ě₄ jniá₂ lia'₂ qui₂rě₂'ñia₅ jág₁ quió'₅, ²⁶ co₂'nió'₄ le₃jua'₅₄, jág₁ a₂tsá₃ jme₁ca₂rě₃jniá₂ a₂jme₁rě₂'ma₄ quió'₅ Diú₄ ca₂le₃ ma₂líg'₂ lín₃

Š 1:14 A₂lín₅₄ chog₅₄ si₂juá'₂: "Quian'₅₄ jmí₂'an₅₄'éi₂." * 1:22 lit. "dsa₂ jñi₃ó₅."

ma₂qui₂ma₂ñí₂ ju₁n₅ lin₃ tsi₁jon₂ dsa₂ ně₃. La₁ rē₂ně₃ ma₂cuē₃ a₂le₃cuí₅ dsa₂ i₂lē₅ 'í₁† quiáin₅. ²⁷ Ja₁con₂ dsa₂ quiáin₅ 'éi₂ bá₄ ca₂rē₃'ñi₃ó₃ dsí₅ Diú₄ ca₂jmo₃ a₂le₃cuí₅ dsi₂nau₂ 'e₂ jaun₂ a₂jlá'₁ lin₃ jág₁ a₂jme₂rē₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jē₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. ²⁸ Jnia'₅₄ ně₃ qui₂'ě₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jnia'₅₄ jág₁, le₂jan₂ le₂jan₂ bá₄ dsa₂ qui₂jme₂tín₁ ia₁jaun₂ le₃ñí'₂, ia₁jaun₂ lé₂ jme₁jnia₅ jnia'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quíó'₅ Cristo. ²⁹ 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con'₂ lě₅ ta₁ bēn₂ a₂jmo₅ 'éi₂ ja₁cong₂.

2

¹ Ia₁ 'nio₃ jniá₂ ju₁le₃ñi'₅₄ 'nia'₂ 'a₂ lia'₂ ñí₄ lē₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quíó'₄ i₂chan₂ juig₂ Laodicea, o₄quíó'₄ ca₂le₃jín₃ i₂tsá₃ cui₅ i₂tsá₃ jág₂ dsi₁ne₁ ně₃. ² Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsí₅ 'éi₂, caun₂ 'ei₅ jág₁ jme₂'nioi₃ rīn'₅₄; ia₁jaun₂ bá₄ 'io₃ a₂quen₅ lin₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton'₂ ia₁jaun₂ le₃ñí'₂ jág₁ a₂rē₂'ma₄ quió'₅ Diú₄. Jág₁ jaun₂ ně₃, Cristo 'ñiog₅ bá₄ 'éi₂.^{*} ³ Ia₁ tē₂le₃ ja₁con₂ 'éi₂ bá₄ qui₂rē₂'ma₄ jē₂ jág₁ a₂quen₅ lin₃ a₂lé₂ le₃ñí'₂ dsí₅ dsa₂, a₂lé₂ le₃ñi₅ dsa₂ ně₃. ⁴ A₂ně₅ juig₂ 'nia'₂ ia₁jaun₂ 'i₁jan₂ tsá₃ 'ein₂ ju₁jme₂gau₅ 'nia'₂ quian'₅₄ jág₁ a₂'io'₂ quió'₅. ⁵ Jaun₂ o₁jñia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'ñi₃ó₃ dsón'₂, la₁ 'eng₅₄ bá₄ quian'₅₄ 'nia'₂ tē₂le₃ quian'₅₄ jme₂dsí₂, jmo₂₃ 'io'₂, jág₅ 'a₂ lia'₂ tiong'₅₄ rē₂ con'₂ dsi₂ten₅₄, ton'₂ tíong'₂ bá₄ tiá₂ a₂'éng'₂ le₃quíó'₅ Cristo. ⁶ Jaun₂ lē₃, le₂ně₅ ju₁lia'₂ ca₂guen'₅₄ 'nia'₂ Cristo Jesús† a₂lín₅ juig'₂ 'nia'₂, caun₂ ju₁l₂nio'₄ bá₄ 'nia'₂ le₃quíó'₅ 'éi₂; ⁷ ju₁tē₂ton₅₄ bá₄ jmú₄ ju₁ jme₂dsí₂ quián'₂ 'nia'₂ tē₂le₃ quió'₅ 'éi₂, ju₁qui₂dsi₂cón'₃ bá₄ 'nia'₂ le₃quíó'₅ 'éi₂ tē₂le₃ ia₁ a₂'éng'₂, lia'₂ con'₂ lě₅ a₂ca₂rē₂tín'₃ 'nia'₂, a₂rē₂tsón₂ tē₂'au'₂ a₂cuē'₅₄ t₁'mag'₄ Diú₄.

A₂le₃chan₂ dsa₂ caun₂ ju₁'mí₂ le₃quíó'₅ Cristo

⁸ 'Í₁ jmo₄ 'nia'₂, ia₁ con'₂ tsá₃ ñó₅ nē₁ca₂tág₃ dsa₂† tē₂le₃ quian'₅₄ jág₁ a₂jñia'₅₄ ñí₂ dsí₅ dsa₂ mi₂güí₃g, a₂jme₂gau₅, a₂tsá₃ ta₁ t₁á₄, lia'₂ con'₂ lě₅ tag₄ chí₅ quió'₅ dsa₂, a₂cha₂ 'uig₅₄ 'a₂ con'₂ jñia'₅₄ lě₂ a₂cha₂ mi₂güí₃g la₂, on₃jua'₅₄ rē'₂ lia'₂ con'₂ lě₅ jág₁ quió'₅ Cristo. ⁹ Ia₁ ja₁con₂ Cristo bá₄ tē₁gua₁ chi₁dsáim₃ ca₂le₃jē₃ lia'₂ con'₂ lě₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'ñia'₅ 'nia'₂ le₃quíó'₅

† 1:26 lit. "dsa₂ ñjío₅." * 2:2 A₂lín₅₄ chog₅₄ si₂: "jág₁ a₂rē₂'ma₄ quió'₅ Diú₄ Jmei₂, quió'₅ Cristo ně₃." † 2:6 o₃, "Jesucristo." ‡ 2:8 o₃, "nē₁ca₂'ang₃ a₂'én₂ 'nia'₂."

'éi₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂u_{ing}₄ quián'₂ 'nia'₂, ma₂lē₅ léi₄. La₁ on₃jua'₅₄ rē'₂ lia'₂ lē₅ jmo₅ dsa₂ mi₂güig₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ñí'₁; ma₂qui₂le₃lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂jñó'₂ 'nia'₂ jmig₂, § nē₂jag₄ bá₄ ca₂i₃'on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi₂, ia₁ ca₂rē₃'én'₂ 'nia'₂ ju₁bí₂ quió'₅ Diú₄ a₂ca₂jme₃jein'₅₄ ja₁jme₁rē₂'liin₅₄. ¹³ Lia'₂ con'₂ jme₁rē₂'lín'₄ 'nia'₂ le₃quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂u_{ing}₄ lo'₄ 'nia'₂ jme₁chang'₂; la₁ Diú₄ nē₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂jñiá'₂ cau₅ co₂ñei'₅₄, nē₂jag₄ bá₄ a₂ca₂i₃ba₅₄ mi₂ñí₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'u_{in}₃ jme₂dsí₂ i₂jme₁gon₂, i₂jme₁jio₅'éi'₃ nē₃, jaun₂ ca₂jio₃ cha₂ juí₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tian'₃ 'éi₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juí₃

¹⁶ Jaun₂ lē₃, i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ quē'₂, o₃ ju₁lia'₂ 'e₂ qui₂'ág'₂ 'nia'₂, o₃ quian'₅₄ ju₁lia'₂ jmig₄ jme₁niog₅ jmig₄, o₃ ju₁lia'₂ jmig₄ tsí'₂ 'io'₅₄, † o₃ ju₁lia'₂ jmig₄ sa₅₄ nē₃. ¹⁷ Ca₂le₃jē₃ a₂nē₅, lē₅ co₂'nió'₄ caun₂'én'₁ quió'₅ a₂'i₄ 'éi'₃ jiá₃ bá₄ jaun₂, la₁ ia₁ ju₁lia'₂ a₂tí₅ tē₃dsón'₂, Cristo bá₄ 'éi₂. ¹⁸ Tsá₃ cuē'₂ 'nia'₂ jmig₄ jua'₅₄ 'liog'₃ dsa₂ cau₅ 'nia'₂, ju₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles nē₃. Qui₂tián'₂ 'ñio₅ lin₃ a₂cha₂ tē₅ ne₅₄ a₂lē₅ qui₂jág₅, ‡ 'ñio₅ jme₂cain'₅₄ jmo₂₃ róin₂ a₂qui₂ñí'₂ dsí₅ guoin₅₄. ¹⁹ Dsa₂ i₂le₂'éi₂ nē₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jē₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ñi₁₂, lia'₂ con'₂ lē₅ 'ñio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig₅₄ lia'₂ ñí'₂ dsí₅ dsa₂ mi₂güig₃, ¿'e₂ guē'₂ 'uig₅₄ lē₃ nē₃, qui₂tián'₅ guē₄ 'nia'₂ 'éi'₃ nē₂jag₄ a₂lín₅' bá₄ guē₄ 'nia'₂ dsa₂ mi₂güig₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quē'₂ má₃ ó₃, tsá₃ i₂jmá'₂ a₂ó₃ nē₃.” ²² Ta₁jē₂ bá₄ a₂nē₅ dsiá₃ ju₁lia'₂ jē₁jmó'₂ ta₁. Tē₂le₃ ia₁ con'₂ lē₅ 'éi'₃ a₂jme₂tag₅ dsa₂ mi₂güig₃ bá₄ jaun₂. ²³ Jág₁ a₂le₃ñí'₂ dsí₅, jág₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmig₄ 'ñio₅ lin₃ a₂jmo₃ dsa₂ a₂ñí₄ cui_{in}₂₃ Diú₄,

§ 2:12 lit. “lia'₂ con'₂ jme₁ca₂i₃tian'₃ 'nia'₂ jmig₂.” * 2:15 'Nio'₂ ja₁ton₅ Efesios 4:8. † 2:16 lit. “tsí'₂ guen₂.” ‡ 2:18 A₂lin₅₄ chog₅₄ si₂ juá'₂: “qui₂tián'₂ 'ñio₅ lin₃ ju₁lia'₂ a₂tsá₃ ma₂jág₃.”

a₂qui₂jmo₂₃ mei'₂, a₂qui₂cuě'₅ uig₅ ni₁ŋi₁₂ ně₃; la₁ 'i₁ca₂juig₄ tsá₃
'e₂ ta₁ jmo₃ jua'₅₄ quian'₅₄ a₂ně₅ lé₂ le₃guia'₃ dsa₂ cau₅ a₂'ág'₄ dsí₅
a₂mi₅ ni₁ŋi₁₂.

3

¹ Le₂ně₅ bá₄ jaun₂, ia₁ a₂ma₂ca₂jen'₅₄ guě'₂ 'nia'₂ quian'₅₄
Cristo, 'nio'₂ 'nia'₂ jaun₂ a₂lě₅ le₃quió'₅ guei'₅₄ i₂juíg₃, ja₁guá₄
Cristo tē₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂
a₂ca₂tín₂ guei'₅₄ i₂juíg₃, on₃jua'₅₄ rē'₂ a₂ca₂tín₂ ne₄ gua'₅₄ 'uě₃. ³ Ia₁
ma₂dsan'₃ bá₄ 'nia'₂, jaun₂ ma₂rē'₂ma₄ a₂chan'₂ 'nia'₂ quian'₅₄
Cristo ja₁con₂ Diú₄. ⁴ Jē₁ma₂tē₂ rē₁jme₃jnia₅ Cristo ně₃, i₂lín₅
i₂jmo₅ a₂chong₂ jniog₄, jaun₂ ně₃, já₃ guě'₂ le₂jaun₂ 'nia'₂
le₃jniág'₂ co₂lě₅ quian'₅₄ jē₄ co₂tág₅ co₂'né'₅ quió'₅.

Jui₅ gui'₅₄, quian'₅₄ jui₅ 'mí₂

⁵ Jaun₂ lě₃, co₂dsia₅ jmo₄ 'nia'₂ jui₁dsian₂ gog'₂-tag'₅₄ a₂jmo₅-
dsáu₅ jui₁lia'₂ a₂lě₂ gua'₅₄ 'uě₃ la₂: jui₁lia'₂ a₂nió'₅ dsa₂ já₃
a₂tsá₃ dsi₂ten₅₄ nió'₃; jui₁lia'₂ a₂jmo₅ dsa₂ cosa lē₁'iog₅, jui₁lia'₂
a₂'ín₅ dsí₅ cosa 'lig'₅₄, jui₁lia'₂ a₂'ín₅ dsí₅ dsa₂ jme₃'ŋi₁ó'₃ a₂ca₂tín₂
i₂sián'₂. Ia₁ a₂co₂jaun₂ bá₄ ně₅ jui₁lia'₂ a₂jme₂gan₃ dsa₂ diú₄ lag₄.
⁶ Ia₁ 'uig₅₄ quió'₄ a₂le₂ně₅ bá₄ já₅ uig₅ gau₂ a₂'ě₂ Diú₄ ne₄ quió'₅
jaun₅ dsa₂ i₂tsá₃ ne'₅₄. * ⁷ Jui₅ le₂ně₅ jme₁i₂nio'₄ 'nia'₂ lia'₂ lě₅
jme₁chan'₂ 'nia'₂ le₂jniág₅. ⁸ La₁ rē₂ně₃, ně₃, tí₃ ca₂le₃jě₃ a₂le₂ně₅:
jui₁lia'₂ a₂'i₄ 'nei₂ 'au'₂ 'nia'₂, jui₁lia'₂ a₂lě₁qui₂rē'₂'neg'₂, jui₁lia'₂
a₂'lig'₅₄ a₂qui₂dsi₂ŋia₅ 'au'₂ 'nia'₂, jui₁lia'₂ a₂'ín₅ 'nia'₂ uig₅ ríng'₂,
jui₁lia'₂ já₃ ga₂ a₂'uě₂ mi₂'o'₅₄. ⁹ Tsá₃ ma₃dsia₂ 'nia'₂ já₃ tē₂jág₁
quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅
dsa₂ 'ón₅ 'a₂ lia'₂ jme₁lín'₄ 'nia'₂ le₂jniág₅, quian'₅₄ guě₄ ca₂le₃jě₃
a₂jme₁jmo₅-dsáu₅, ¹⁰ co₂'nió'₄ ma₂ca₂qui'₂ táng₃ 'nia'₂ caun₂
a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rē'₂'mag'₂ 'nia'₂,
ia₁jaun₂ dsi₁nóg'₅ ja₁le₃cuin'₂ 'nia'₂ dse₃ lín₃ Diú₄, ja₁le₃lén'₂
'nia'₂ lia'₂ lín₅ 'éi₂ i₂ca₂j mó'₂ 'nia'₂. ¹¹ Ja₁jaun₂ tsá₃ 'ein₂ jmo₅
jma₃quén₅ jui₁lia'₂ dsi₂nau₂ o₃ dsa₂ judíos 'e₂, jui₁lia'₂ dsa₂
i₂rē₂uing₄ o₃ tsá₃ rē₂uing₄ quió'₅ 'e₂, jui₁lia'₂ dsa₂ i₂chan₂ uíng₂, o₃
i₂chan₂ má'₂ 'e₂, jui₁lia'₂ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein₂
ne₄ jme₂ti₃; la₁ Cristo bá₄ quen₅ ne₄ ca₂le₃jě₃, ton'₂ 'ein₅₄ ja₁con₂
ca₂le₃jín₃.

¹² Jaun₂ lě₃, rín'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quión'₂
Diú₄, i₂ma₂lě₅ 'í₁ quiáin₅, i₂ŋí₄ lě₃ 'nioi₃ 'éi₂: qui'₂ 'nia'₂ a₂rē₂lín'₅₄
a₂ŋéi₂ 'au'₂, a₂'ua₁ 'au'₂, a₂j mó'₂ meg'₂, a₂jme₁gan₃ 'nia'₂ ríng'₂,
a₂juin'₂ 'au'₂ 'nia'₂ ně₃. ¹³ Jmo₄ 'nia'₂ tió'₃ 'au'₂ quian'₅₄
ríng'₂ le₂jang'₂ le₂jang'₂, ton'₂ 'én₃ 'nia'₂ dsáu₁ ríng'₂, ně₃ jua'₂

* 3:6 A₂lín₅₄ chog₅₄ si₂ tsá₃ chi₁ton₅ já₃i: "ne₄ quió'₅ jaun₅ dsa₂ i₂tsá₃ ne'₅₄."

chan₂ i₂dsia₅ dsáu₁ rin'₅₄. Jui₁lia'₂ ca₂'én₂ Te₁gui'₅₄ dsáu'₂ 'nia'₂ guiong'₅₄, le₂jaun₂ jmo₄ 'nia'₂ ján₃. ¹⁴ A₂dsen₅₄ guë₄ jë₄ ca₂le₃jë₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂,† a₂në₅ bá₄ jmo₃ 'ag₃ co₂dsia₅ caun₂ jág₁ 'nia'₂. ¹⁵ Jui₁le₂gon₂ të₂'au'₂ 'nia'₂ a₂'ei₅ tei₄ quió'₅ Cristo,‡ ia₁ ta₁ jaun₂ ma₂qui₂rë₂té₄ 'nia'₂ a₂lén'₂ caun₂ bá₄ n̄₅. Jaun₂ jmo₄ 'nia'₂ 'au'₂ cuë'₅₄ ti₁'mag'₄. ¹⁶ Jui₁të₂gua₄ të₂'au'₂ 'nia'₂ lia'₂ rë₂tsón₂ jág₁ dse₃ quió'₅ Cristo; quian'₅₄ ca₂le₃jë₃ a₂n̄₅'₂ dsí₅ Diú₄, jë₁jme₂tín'₂ 'nia'₂ ríng'₂, jë₁qui₂ton'₂ 'nia'₂ jág₁ ríng'₂ të₂le₃ quian'₅₄ salmos, himnos, son₅₄ a₂gu₂dsí₂ n̄₃, a₂qui₁'ë'₂ 'nia'₂ a₂cuë'₅₄ ti₁'mag'₄ Diú₄ jui₅ të₂'au'₂ 'nia'₂. ¹⁷ Jui₁'e₂ guë₃ a₂jmo'₂, o₃ 'e₂ jág₁ dsiá'₁ 'nia'₂, jmo₄ 'nia'₂ ca₂le₃jë₃ o₄quió'₄ Te₁gui'₅₄ Jesús, qui₁cuë'₅₄ 'nia'₂ ti₁'mag'₄ Diú₄ Jmei₂ jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quian'₅₄ r̄in'₅₄

¹⁸ 'Nia'₂ dsa₂ m̄₂ i₂chan₂ dsi₂l₂gu₂, tión'₂ 'nia'₂ 'éi'₃ quió'₅ dsa₂ n̄e'₂ quiáng'₂, jui₁lia'₂ dsi₂ten₅₄ ia₁ líng'₅ dsa₂ 'én₂ le₃quió'₅ Te₁gui'₅₄. ¹⁹ 'Nia'₂ guë'₂ dsa₂ n̄e'₂ i₂chan₂ dsa₂ m̄₂ quián₅, jme₁'nió₄ 'nia'₂ dsa₂ m̄₂ quiáng'₂, tsá₃ jmo'₂ 'nia'₂ 'ua'₂ 'au'₂ ja₁coin₂. ²⁰ 'Nia'₂ chi'₂-guein₂, nei₂ 'nia'₂ gau₂ jág₁ quió'₅ chog'₂-n̄éi'₅ jë₄ le₃jë₃, ia₁ a₂në₅ bá₄ të₅ dsí₅ Te₁gui'₅₄. ²¹ 'Nia'₂ guë'₂ n̄ë₃, jmei₂ chi'₂, tsá₃ tó'₂ 'nia'₂ 'nei₂ dsí₅ chi'₂-guein₂ quián'₂ 'nia'₂, ia₁jaun₂ tsá₃ jén₂ dsí₅. ²² 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂ ca₂le₃jë₃ 'e₂ ta₁ ti₂néi'₂ juig'₂ i₂lín₅ juig'₂ të₂le₃ ne₄ gua'₅₄ 'uë₃ la₂, on₃jua'₅₄ jmá'₃ jme₁jág₅ ia₁jaun₂ të₃tsin'₅₄ 'nia'₂ dse₃ quian'₅₄, la₁ jmo₄ bá₄ jui₅ të₂'au'₂ a₂tí₅ të₃dsón'₂, ia₁ të₂le₃ a₂gang'₃ Te₁gui'₅₄. ²³ Jui₁'e₂ guë'₃ caun₂ a₂jmo'₂ 'nia'₂, jmo₄ 'nia'₂ a₂'ñio₂'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂. ²⁴ Ia₁ ma₂n̄ji'₅₄ bá₄ 'nia'₂, Te₁gui'₅₄ bá₄ cuë'₃ 'liang'₅₄ a₂ma₂lë₅ jág₁ ca₂tíng'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con₂ lë₅ 'lig'₅₄ a₂jmo₂₃. Ia₁ tsá₃ jma₃quén₅ j̄ín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín₅ juig'₅₄ quián₅ dsa₂, ca₂tín'₂ 'nia'₂ jmó'₂ lia'₂ con₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂ ján₃ i₂guá₅ guei'₅₄ i₂juíg₃.

² Caun₂ chi₂len'₄ 'nia'₂ Diú₄ a₂léi₄ rë₂jnio₄ ne'₅₄ 'nia'₂, cuë'₅₄ ti₁'mag'₄. ³ Mi₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuë'₃ Te₁gui'₅₄ jui₅ rë₂na₄ jnia'₅₄ ia₁jaun₂ lé₂ le₃qui₁'ë₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rë₂'ma₄ quió'₅ Cristo; 'uig'₅₄ jág₁

† 3:14 'Nió'₂ ja₁ton₅, 1 Corintios 13:13. ‡ 3:15 o₃, "quió'₅ Diú₄."

ně₅ bá₄ 'eng₅₄ rě₂jní₅.⁴ Chi₂len'₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rě₂jíá₃ já₁g₁ lia'₂ con'₂ dsi₂ten₅₄ jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ ju₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jě₁cuin₅ jmíg₄. ⁶ Já₁g₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, já₁g₁ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ já₃n₃ le₃ñi'₅₄ 'a₂ lia'₂ qui₁jein'₄ já₁g₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jě₁ca₂tó'₂

⁷ Tíquico rin'₅₄ jniog₄ i₂'nióg₃ guě₄ lín₃, i₂ma₂já₅ jme₂'o₅₄ qui₂rě₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. ⁸ 'Uig₅₄ jaun₂ tsín₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cuě'₃ 'nia'₂ lián'₂; ⁹ quiaín'₅₄ Onésimo ně₃, jan₂ rin'₅₄ jniog₄ i₂rě₂ti'₅₄, i₂lín₅ jan₂ i₂quian'₄ 'nia'₂: i₂ně₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

¹⁰ Aristarco, i₂quiong'₅₄ jniá₂ né'₃ má₃, dsiáin'₂ já₁g₁ a₂cuin₂₃ Diú₄ 'nia'₂, já₃n₃ bá₄ le₂jaun₂ Marcos, i₂lín₅ chi'₂ rin'₅₄ * Bernabé. Tě₂le₃ quió'₅ Marcos 'éi₂ ně₃, ma₂gue'₅₄ bá₄ 'nia'₂ já₁g₁ 'a₂ lia'₂ jmó'₂; ně₁juá'₂ ca₂dsióg₃ dsi₁jiin₁₂ 'nia'₂, guein₅₄ bá₄ 'nia'₂ dse₃. ¹¹ Já₃n₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo já₃n₃. Jñia'₅₄ lia'₂ i₂ně₅ bá₄ lín₅ i₂ún₂ tan₅₄ i₂rě₂uig₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹² Epafras ně₃ jan₂ i₂lín₅ rín'₂ 'nia'₂, dsiáin'₂ já₁g₁ a₂cuin₂₃ Diú₄ 'nia'₂, jan₂ rin'₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rě₂'ñiag'₅, 'ei₅ caun₂ já₁g₁ 'nia'₂ jě₄ ca₂le₃jě₃ 'a₂ lia'₂ 'ñio₂ dsi₅ Diú₄. ¹³ Lé₂ já₁ng'₄ jniá₂ já₁g₁ dsau₅ 'a₂ lia'₂ ma₂já₅ 'éi₂ dsan₂ dsi₅ 'nia'₂, já₃n₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guě'₂ i₂tián'₅ Hierápolis já₃n₃. ¹⁴ Lucas, i₂lín₅ tě₅mí₅ i₂'nió₄ guě₄ lín₃, cuin₂₃ Diú₄ 'nia'₂; já₃n₃ guě'₂ le₂jaun₂ i₂tě'₂ Demas. ¹⁵ Cuin₅₄ 'nia'₂ Diú₄ rin'₅₄ i₂tián'₅ juig₂ Laodicea. Cuin₅₄ 'nia'₂ Diú₄ já₃n₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ ně₃. ¹⁶ Jě₁ma₂ca₂'í'₂ 'nia'₂ si₂ la₂ jě₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rin'₅₄ jniog₄ ja₁jaun₂; ton'₂ já₃n₃ guě'₂ 'í₂ 'nia'₂ si₂ a₂ca₂dsióg₃ ne₄ i₂chan₂ Laodicea. ¹⁷ A₂la₂ chei'₅₄ Arquipo: "Tion'₂ 'ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₁ti'₄ rě₂."

¹⁸ Jniá₂ Pa₄, cúng₅ Diú₄ 'nia'₂ quian'₅₄ letra quió'₃ 'ñió₃.† Ju₁dsiog'₂ bá₄ 'au'₂ 'nia'₂ a₂'eng₅₄ rě₂jní₅. Ju₁jme₂gu'₅₄ bá₄ Diú₄ 'nia'₂.

Co₂ně₅.

* 4:10 o₃, "primo." † 4:18 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ dsa₂ TESALONICENSES

*Pablo quiaín₅₄ riin₅₄ jmo₂₃ si₂ a₂chein₃ ne₄ Guá₅ i₂chan₂ juig₂
Tesalónica*

1 Jniá₂ Pa₄, quian₅₄ Silvano,* Timoteo ně₃, jmo₂₃ si₂ la₂
a₂dsiang₅₄ ne₄ dsa₂ i₂ma₂'én₂ le₃quíó₅ Jesús, i₂chan₂ juig₂
Tesalónica, dsa₂ i₂'ei₅ caun₂ jág₁ quian₅₄ Diú₄, quian₅₄ Te₁gui₅₄
Jesucristo ně₃. Ju₁jme₂gu₅₄ Diú₄ 'nia₂. Ju₁'ei₅ bá₄ tei₄ tion₅₄
'nia₂ quian₅₄ 'éi₃ quió₅ Diú₄ Jmei₂ jniog₄, quian₅₄ 'éi₃ quió₅
Te₁gui₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

2 Ca₂le₃jě₃ jmig₄ bá₄ cuě₂ jnia₅₄ ti₁'mag₄ Diú₄ o₄quíán₂ 'nia₂
ca₂le₃jíng₃. Jě₃ma₂tě₂ rě₁chi₁len₄ jnia₅₄ Diú₄, dsau₂ bá₄ dsi₅
jnia₅₄ 'nia₂. 3 Dsau₂ bá₄ dsi₅ jnia₅₄ 'nia₂ ne₄ Diú₄ Jmei₂ jniog₄,
ia₁ 'ñio₅ lin₃ ma₂jmo₅₄ 'nia₂ ta₁ cha₂ léi₄ ja₁con₂ 'nia₂ ia₁ 'éng₂,
ia₁ 'ñio₅ lin₃ jme₂ti₅₄ 'nia₂ ta₁ ne₄ Te₁gui₅₄ 'uig₅₄ ia₁ a₂'nió₃ 'nia₂.
Jaun₂ caun₂ bá₄ le₁'ág₄ 'au₂ 'nia₂ a₂'ín₂ 'au₂ le₃quíó₅ Te₁gui₅₄
Jesucristo quián₂ jniog₄. 4 Rin₅₄ jniog₄, 'nio₃ bá₄ Diú₄ 'nia₂,
ne₄ bá₄ jnia₅₄ a₂ma₂quíóin₂ 'nia₂. 5 Lia₂ con₂ jme₁ca₂jme₁tin₅
jnia₅₄ 'nia₂ jág₁ dse₃, on₃jua₅₄ jmá₃ quian₅₄ jág₁ jaun₂ jme₁né₄.
Ia₁ jme₁quian₅₄ bá₄ ju₁bí₂ quió₅ Jme₂dsí₂ Jñio₅ ján₃, ca₂'ě₄ jág₁
dse₃ la₂ jin₄ 'nia₂. Jaun₂ caun₂ bá₄ 'ei₅ dsi₅ jnia₅₄ ia₁ Jme₂dsí₂
Jñio₅ bá₄ jmo₃ jme₃'uá₂ 'au₂ 'nia₂ a₂le₃'éng₂. Nj₅₄ bá₄ 'nia₂ dse₃
'a₂lia₂ ca₂tió₄ jnia₅₄ jin₄ 'nia₂ a₂dse₃ quián₂ bá₄ 'nia₂ jaun₂.

6 'Nia₂ ně₃, ca₂quian₂ 'nia₂ ju₁'i₅ a₂ca₂quíán₁ jnia₅₄, a₂ca₂can₃
Te₁gui₅₄ ně₃. Ca₂gue₅₄ bá₄ 'nia₂ a₂'ñio₂ 'au₂ jág₁ dse₃. Chan₂
bá₄ 'nia₂ o₂'ñio₃ o₂jña₃ 'au₂ a₂jmo₅ Jme₂dsí₂ quián₅ Diú₄, tsá₃
a₂nag₅₄ jaun₂ ca₂quín₂ a₂ca₂i₃ñí₂ 'nia₂ uig₅ 'ñio₅ lin₃ 'uig₅₄ jág₁
dse₃. 7 Jaun₂ le₂ně₅ bá₄ ca₂dsi₃nó₅ 'nia₂ ca₂cuě₅₄ 'nia₂ caun₂
ju₁'i₅ dse₃ jaun₂ ca₂cáun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁
'uě₃ Macedonia quian₅₄ le₂tan₅₄ 'uě₃ Acaya ně₃. 8 Jaun₂ le₂ně₅
ma₂ca₂'ě₅₄ 'nia₂ dsa₂ jág₁ dse₃ quió₅ Te₁gui₅₄, on₃jua₅₄ jmá₃
dsa₂ chan₂ Macedonia quian₅₄ Acaya ma₂qui₂ma₂'ě₅₄ 'nia₂
jág₁, ia₁ ca₂le₂con₂ ja₁siá₂ bá₄ ján₃ le₁ñi₅ dsa₂ a₂lín₂ 'nia₂ dsa₂
i₂'én₂ quián₅ Diú₄. Jaun₂ tsá₃ ma₃'e₂ jua₅₄ 'nió₅ guě₄ chei₅₄ jnia₅₄
'i₁caun₂ 'nia₂. 9 Tě₂le₃ dsia₅ bá₄ 'éi₂ guioin₅₄ a₂ca₂guei₅₄ 'nia₂
dse₃ jnia₅₄, dsia₂₃ 'a₂lia₂ ca₂tí₃ a₂jme₁'éng₂ tě₂le₃ quió₅ diú₄
lag₄, a₂ca₂rě₃'én₂ 'nia₂ tě₂le₃ quió₅ Te₁gui₅₄, ca₂jme₁tí₄ ne₄ Diú₄

* 1:1 Lia₂ chen₂ Silvano, co₂rě₂ quian₅₄ Silas.

jén'₃ dsón'₂ i₂chan₂. 10 Dsia₂₃ bá₄ ján₃ 'a₂ lia'₂ tion'₅₄ 'nia'₂ le₁jan'₄
a₂jñió'₂ táng₃ jui₅ guei'₅₄ i₂juíg₃ Jesús Ja₁ñi'₅₄ Diú₄ i₂ca₂jme₃jein'₅₄
jin₄ 'lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

1 Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄
a₂lë₁ca₂i₁náu₄ jnia'₅₄ ca₂i₁jin'₁ 'nia'₂. 2 Ia₁ ma₂ñi'₅₄ bá₄ 'nia'₂, tē₂le₃
ca₂jme₃'o₅₄ bá₄ Diú₄ ca₂nio₃ tiá₂ dsí₅, ca₂'ě₄ jnia'₅₄ ja₁con'₂ 'nia'₂
jág₁ dse₃ a₂lión₂ dsa₂, o₁jñia'₅₄ ca₂jmóg'₂ dsa₂ ca₂tē₂ca₂'o'₂ juig₂
Filipos le₂jñiá₅. 3 Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃
'uig'₅₄ ia₁ a₂i₂gon₂ jnia'₅₄, on₃ guē'₂ o₄quió'₄ ia₁ a₂dsi₂jñia₅ dsí₅
a₂'lig'₅₄, on₃ guē'₂ jua'₅₄ ia₁ a₂jme₂gán₁ jnia'₅₄ 'nia'₂. 4 Tē₂le₃ ia₁
Diú₄ bá₄ ca₂cáun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui'ě₄
jág₁ dse₃. Jaun₂ le₂nē₅ jui₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂
ia₁jaun₂ 'ñio₂ dsí₅ dsa₂ mi₂güíg₃, tē₂le₃ ia₁jaun₂ 'ñio₂ dsí₅ Diú₄
bá₄ i₂con₂ 'í₁ tē₂dsí₅ jniog₄. 5 Ñi'₅₄ bá₄ 'nia'₂, 'i₁cón'₂ tsá₃ jua'₅₄
ca₂dsiá₁ jnia'₅₄ jág₁ rau₂, on₃ guē'₂ jua'₅₄ ca₂'má₂ jnia'₅₄ jág₁ a₂tsá₃
dsi₂ten'₅₄ 'má₂ ia₁jaun₂ léi₂ cu₄. Jág₅ bá₄ Diú₄ ca₂le₃jě₃ a₂ca₂jmó₁.
6 Tsá₃ a₂jaun₂ 'niog₂ jnia'₅₄ jua'₅₄ a₂jme₃juag'₂ dsa₂ 'ñio₅ lin₃,
on₃ guē'₂ 'nia'₂, on₃ guē'₂ dsa₂ sián'₂ nē₃, o₁jñia'₅₄ jme₁ca₂tág₂
rē'₂ jnia'₅₄ jmó₁ 'éi'₃ jaun₂ ia₁ a₂lág₅ dsa₂ i₂chen₄ quián₅ Cristo.
7 Tē₂le₃ ca₂jmó₁ bá₄ jnia'₅₄ 'ua₁ dsí₅ ja₁con'₂ 'nia'₂, jui₁lia'₂ lín₅
jan₂ chog₅₄ chi'₂, a₂jme₂cain'₅₄ chi'₂ quiáin₅ qui₂jmo₂₃ 'í₁. 8 Jaun₂
lě₃ 'ñio₅ lin₃ ca₂rě₃'niog₃ jnia'₅₄ 'nia'₂, ca₂lia'₂ jñia'₅₄ on₃jua'₅₄ jmá'₃
jág₁ dse₃ quió'₅ Diú₄ nē₅ ca₂tág₂ jnia'₅₄ cuē₁, le₂jjiog₅ jme₂dsí₂
quián₂ jnia'₅₄ 'ñio₂ dsí₅ cuē₁ ján₃. Ia₁ ma₂dsi₂nó'₅ 'nia'₂ léng'₂
dsa₂ i₂'nió₄ lin₃ quián₂ jnia'₅₄. 9 Jua'₂ jnia'₅₄ le₂nē₅, rin'₅₄ jniog₄,
ia₁jaun₂ dsá₂ bá₄ 'au'₂ 'nia'₂ 'a₂ lia'₂ ca₂jmó₁ jnia'₅₄ ta₁ a₂ca₂lag₃
a₂que₅₄. Lia'₂ 'uē₂-jmi₂ bá₄ qui₂ca₂jmó₁ jnia'₅₄ ta₁, ia₁jaun₂
'i₁jan'₂ 'nia'₂ tsá₃ jua'₅₄ 'ein₂ 'ñio₅ guei₂ ca₂can₃ quian'₅₄ jnia'₅₄,
tē₁lia'₂ ca₂tió'₄ ca₂'ě₄ jág₁ dse₃ quió'₅ Diú₄.

10 Ca₂tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂tió'₄ jnia'₅₄
quian'₅₄ 'nia'₂ dsa₂ i₂én₂, a₂lág₅ jnia'₅₄ dsa₂ jñiō₅, dsa₂ dsen₃,
i₂tsá₃ 'ein₂ lé₂ le₃bóg'₂ dso₄. 11 Ñi'₅₄ bá₄ 'nia'₂ ján₃, ca₂jmó₁
jnia'₅₄ jin'₄ 'nia'₂ jui₁lia'₂ jmo₅ jan₂ jmei₂ dsa₂ jmái'₂ chi'₂
quiáin₅, qui₂ca₂cuē₅₄ jnia'₅₄ bí₂ 'nia'₂, ca₂tion'₅₄ jnia'₅₄ jág₁ 'nia'₂
jaun₂ náu'₁ tiá₂ jui₅ dse₃. 12 Jaun₂ qui₂ma₂chei₅₄ bá₄ jnia'₅₄
'nia'₂ a₂i₁niog'₄ lia'₂ con'₂ dsi₂ten'₅₄ i₂nio₄ dsa₂ quián₅ Diú₄ i₂tē₂
a₂jme₁quiain'₄ 'nia'₂ ja₁jmo₂₃ 'éi'₃ guei'₅₄ i₂juíg₃ ja₁lě₄ co₂tág₅
co₂'né'₅ quió'₅.

13 Jaun₂ lě₃, ca₂le₃jě₃ jmi₂g₄ bá₄ cuē₂ jnia'₅₄ ti₁'mag'₄ Diú₄. Ia₁
le₂'uig'₅₄ jme₁ca₂nei'₂ 'nia'₂ jág₁ dse₃ quió'₅ Diú₄ a₂ca₂jua'₅₄ jnia'₅₄,
ca₂gue'₅₄ bá₄ 'nia'₂ con'₂ lě₅ jág₁ dse₃ quió'₅ Diú₄, on₃jua'₅₄ con'₂

lě₅ jág₁ quió'₅ dsa₂ mi₂güí_g₃. Ia₁ dsón'₂ bá₄ jág₁ dse₃ quió'₅ Diú₄
 nē₅, a₂jmo₃ léi₄ tē₂'au'₂ 'nia'₂ dsa₂ i₂'én₂. ¹⁴ Rín'₅₄ jniog₄, lia'₂
 con'₂ ca₂ñag'₅₄ 'nia'₂ uig₅ qui₂ca₂'ein₃ dsa₂ go'₄ 'nia'₂, ca₂i₃ñí'₂
 'nia'₂ jui₁lia'₂ ca₂jmá'₂ dsa₂ guá'₅ quián₅ Diú₄ i₂tián'₅ Judea
 i₂ma₂lín₅ quián₅ Cristo Jesús. Le₂jaun₂ bá₄ ca₂qui₂co₂'ein₃ dsa₂
 judíos dsa₂ go₅₄. ¹⁵ Dsa₂ judíos 'éi₂ bá₄ i₂ca₂jñí'₃ Te₁gui'₅₄ Jesús,
 i₂ca₂jme₃dsian₅ dsa₂ i₂chen₄ quián₅ Diú₄ ně₃. Jaun₂ ca₂'uág'₂
 bá₄ jnia'₅₄. Tsá₃ 'nioi₃ Diú₄. 'Ñiai₅₄ bá₄ ca₂le₃jín₃ dsa₂. ¹⁶ Cha₂
 jme₁lín₅₄ 'niog₂ jnia'₅₄ chei₅₄ jág₁ dsí₂nau₂, ia₁jaun₂ líón₂ 'éi₂ ján₃.
 La₁ 'éi₂ bá₄ jné₅ jui₅. Jaun₂ le₂nē₅ caun₂ dsí₂juē'₂ bá₄ dsáu₁.
 Co₂ñei'₅₄ ma₂já₅ a₂'i₄ 'nei₂ dsí₅ Diú₄ ja₁coin₂.

Dsi₂jio_g₅ dsí₅ Pablo dsó₃ táng₃ jui₅ Tesalónica

¹⁷ Rín'₅₄ jniog₄, lia'₂ con'₂ jme₁ca₂tén₄ co₂'na₂ rín'₅₄, o₁jñia'₅₄
 tsá₃ né₅ jnia'₅₄ 'nia'₂, la₁ tion₅₄ bá₄ jme₁dsau'₂ dsí₅ jnia'₅₄, 'ñio₅
 lín₃ jme₁'niog₂ jnia'₅₄ dsau₅₄ táng₃ dsí₁né₄ 'nia'₂. ¹⁸ Jaun₂ dsón'₂
 bá₄ jme₁'niog₂ jnia'₅₄ dsau₅₄ dsí₁jín₁ 'nia'₂. Jniá₂ Pa₄ 'lióng₂ ráun₂
 jme₁ca₂quín'₃ bí₂ a₂nei₅₄. La₁ i₂sē₃dsen₃ bá₄ ca₂jné₃ jui₅. ¹⁹ Jaun₂
 ċ'e₂ jaun₂ a₂'ín₂ dsí₅ jnia'₅₄ chong₂, a₂jmo₅ jnia'₅₄ 'io'₂, o₃ premio
 o₄quió'₄ a₂jmó₁ jnia'₅₄ táu'₅ jē₁ma₂tē₂ rē₁guan₂ Jesús Te₁gui'₅₄
 quián₂? ¿On₁jua'₅₄ o₄quián'₂ 'nia'₂ bá₄? ²⁰ 'Uig₅₄ quián'₂ 'nia'₂ bá₄
 ñí₄ 'io'₂ jēin₅ jnia'₅₄; o₄quián'₂ 'nia'₂ bá₄ jme₂go₃ dsa₂ sián'₂ ně₃

3

¹ Jaun₂ ně₃, ia₁ tsá₃ ma₃tián₂ jnia'₅₄, ca₂rē₃'ñio₃ bá₄ dsí₅ jnia₁
 guio₅₄ juig₂ Atenas. ² Jaun₂ ca₂chen₅₄ jnia'₅₄ Timoteo rín'₅₄
 ca₂i₁jín₁₂ 'nia'₂, ia₁ i₂ma₂lín₅ quián₅ Diú₄ bá₄ 'éi₂, ia₁ jmo₂₃ ta₁
 co₂lě₅ quian'₅₄ jnia'₅₄ a₂jme₂tiñ₂₃ dsa₂ jág₁ dse₃ quió'₅ Cristo.
 Lé₂ le₂juá'₂ 'éi₂ lia'₂ tí₅ jág₁ cué'₃ bí₂ 'nia'₂ a₂le₃'én'₂ guē₄ 'nia'₂,
³ ia₁jaun₂ 'i₁jan'₂ 'nia'₂ tsá₃ dsí₃lén₂ cau₅ 'uig₅₄ a₂co₂'ein₅ dsa₂.
 Ia₁ ñi'₅₄ bá₄ 'nia'₂ guiong'₅₄, 'éi'₃ ně₅ tio'₅₄. ⁴ Lia'₂ con'₂ jme₁tio'₅₄
 jnia'₅₄ quian'₅₄ 'nia'₂ le₂jñiá₅, ca₂jua'₅₄ jnia'₅₄ a₂tion₅₄ niog₅ ñag₅₄
 'uig₅₄, jaun₂ le₂jaun₂ ca₂lě₃ ně₃, jaun₂ ma₂ñi'₅₄ bá₄ 'nia'₂. ⁵ Jaun₂
 lě₃, ia₁ tsá₃ ma₃tió₅ 'i₅ dsí₃, ca₂tsíng₂ dsa₂ ca₂i₁ñag₁₂ 'a₂ lia'₂ lě₅
 ma₂'én'₂ 'nia'₂ tióng'₅₄, ia₁ con'₂ tsá₃ ñó₅ ně₁ca₂'liog'₃ i₂sē₃dsen₃
 a₂jmó'₂ 'nia'₂ cosa 'lig'₅₄. Tsá₃ ma₃ta₁ tí₄ ta₁ quián₂ jnia'₅₄, jua'₅₄
 mei'₂ guē₃ le₂jaun₂.

⁶ La₁ ma₂guán'₅ bá₄ táng₃ Timoteo juig₂ Tesalónica, quion₂
 jág₁ dse₃ 'én'₂ bá₄ 'nia'₂ jág₁ quió'₅ Diú₄, 'nió'₃ bá₄ 'nia'₂ ríng'₂
 le₂jang'₂ le₂jang'₂. Juá'₂ bá₄ ján₃, jmo'₂ 'nia'₂ 'io'₂ a₂dsau'₂ 'au'₂
 'nia'₂ jnia'₅₄ ca₂le₃jě₃ jmig₄, a₂'ín₅ 'au'₂ 'nia'₂ 'ñio₅ lín₃ jag'₅₄ jnia'₅₄,
 le₂jaun₂ bá₄ jnia'₅₄ ján₃ jui₁lia'₂ 'nia'₂ 'ín₅ dsí₅ jin₄ 'nia'₂. ⁷ Jaun₂
 le₂nē₅, rín'₅₄ jniog₄, tē₃jě₄ uig₅ chong₂ 'i₅ dsí₅ jnia'₅₄, la₁ ca₂'ág₂
 lián'₂ dsí₅ jnia'₅₄ jme₁ca₂rē₃ne₄ 'a₂ lia'₂ lě₅ a₂'én'₂ 'nia'₂. ⁸ 'Io'₂ jēin₅

jnia'⁵⁴ chong₂ jme₁ca₂rē₃ne₄ tión'₂ bá₄ 'nia'₂ tiá₂ tē₂le₃ quió'⁵ Te₁gui'⁵⁴. ⁹ Ca₂lia'₂ tsá₃ ne₄ jnia'⁵⁴ 'a₂ lia'₂ cuē⁵⁴ ti₁'mag'⁴ Diú₄ con'₂ dsi₂ten⁵⁴ o₄quió'₄ a₂'io'₂ jmo₂ jnia'⁵⁴ le₃ne₄ Diú₄ quián₂ o₄quián'₂ 'nia'₂. ¹⁰ Ca₂le₃jě₃ dsi₅ bá₄ jnia'⁵⁴ mi₂ lia'₂ 'uē₂-jm₂ne₄ Diú₄ a₂cuē₃ jmig₄ dsi₁jin₁ 'nia'₂, jaun₂ jme₁'ñia₅ guē₄ jnia'⁵⁴ a₂'nió'⁵ le₃tin'₂ guē₄ 'nia'₂ a₂le₃'éng'₂.

¹¹ 'Niog₂ jnia'⁵⁴, Diú₄ Jmei₂ 'ñiog₅ quian'⁵⁴ Te₁gui'⁵⁴ Jesu-cristo, jme₃'o₅₄ cuē₃ jmig₄ dsi₁náu₅ dsi₁jing⁵⁴ 'nia'₂. ¹² Jui₁jmo⁵⁴ bá₄ Te₁gui'⁵⁴ jui₁dsi₂cón₃ a₂jme₁'nió'₄ guē₄ 'nia'₂ ríng'₂ le₂jan'₂ le₂jan'₂ 'nia'₂ quian'⁵⁴ ca₂le₃jín₃ guē₄ jui₁'ein₂ guē₃ dsa₂ jui₁lia'₂ 'nio₃ jnia'⁵⁴ 'nia'₂. ¹³ Jui₁jmo⁵⁴ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lě₅ 'í₁ quiáin₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂ jniog₄ jē₁ma₂tē₂ rē₁jnió'₂ Te₁gui'⁵⁴ Jesús quian'⁵⁴ ca₂le₃jín₃ i₂quiáin₅.*

4

'A₂ lia'₂ dsi₂ten⁵⁴ le₃chan₂ dsa₂ con'₂ 'ñio₂ dsí₅ Diú₄

¹ Nē₃ nē₃ rin'⁵⁴ jniog₄, mi₂ jnia'⁵⁴ ne'⁵⁴ 'nia'₂ tē₂le₃ o₄quió'₄ Te₁gui'⁵⁴ Jesús, a₂i₁nió'₄ 'nia'₂ lia'₂ con'₂ 'ñio₂ dsí₅ Diú₄, jui₁lia'₂ ca₂jme₁tag₅ jnia'⁵⁴. Le₂jaun₂ caun₂ jmo₄ 'nia'₂ ca₂le₃jě₃ jmig₄.

² Nj'⁵⁴ bá₄ 'nia'₂ 'a₂ lia'₂ lě₅ jág₁ ca₂jme₁tag₅ jnia'⁵⁴, 'éi'₃ ca₂cuē₃ Te₁gui'⁵⁴ Jesús. ³ A₂'nio₃ Diú₄ a₂i₁nió'₄ 'nia'₂ líng'₅ dsa₂ i₂ma₂lě₅ 'í₁ ca₂ne₅₄ i₂ma₂quiáin₅ 'ñiog₅; 'i₁jan₂ tsá₃ 'ein₂ jui₁'nió'₄ jág₁ a₂tsá₃ dsi₂ten⁵⁴ nió'₃. ⁴ Jui₁le₂ñi'⁵⁴ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'⁵⁴ dsa₂ mí₂ quiáng'₂, lě₅ 'í₁, jme₁gain₃ 'nia'₂. * ⁵ On₃jua'⁵⁴ a₂lě₁qui₂dsi₂jein₅ 'au'₂ 'nia'₂ 'lig'⁵⁴ jui₁lia'₂ jmo₅ dsi₂nau₂ i₂tsá₃ Diú₄ cuin₅. ⁶ Jaun₂ 'i₁jan₂ tsá₃ 'ein₂ jui₁qui₂dsi₂jui₁n⁵⁴ jua'⁵⁴ jme₃gain₂₃ riin'⁵⁴, quian'⁵⁴ 'i₁caun₂. Ia₁ Te₁gui'⁵⁴ bá₄ jéin'₃ uig₅ ca₂le₃jě₃ a₂le₂ně₅, jui₁lia'₂ ma₂chei₅₄ jnia'⁵⁴ 'nia'₂ le₂jñiá₅. ⁷ Ia₁ on₃jua'⁵⁴ jaun₂ ma₂tē₅ Diú₄ a₂qui₂dsi₂jniog₅ dsi₅ 'lig'⁵⁴; a₂jaun₂ bá₄ ca₂tě₃ a₂le₃chong₂ jniog₄ jnió₅. ⁸ Jaun₂ le₂ně₅, jui₁lia'₂ i₂tsá₃ gue₅ jág₁ a₂jme₂tág₁ jnia'⁵⁴ la₂, on₃jua'⁵⁴ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuin₃ Jme₂dsí₂ Jnió₅ quiáin₅.

⁹ Tsá₃ 'e₂ tion⁵⁴ 'nió'⁵ jua'⁵⁴ a₂juá'₄ jniá₂ tó'₄ ne₄ si₂ la₂, jua'⁵⁴ a₂juá'₄ jniá₂ 'a₂ lia'₂ dsi₂ten⁵⁴ jme₁'nió'₄ 'nia'₂ dsa₂ i₂'én₂ ríng'₂. Ia₁ ma₂ca₂jme₃tag₅ bá₄ Diú₄ 'ñiog₅ 'a₂ lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰ Jaun₂ le₂ně₅ bá₄ jmo'₂ 'nia'₂ ja₁con₂ rín'₂ 'nia'₂ i₂'én₂ i₂tián'₅ 'uē₃ Macedonia. La₁ mi₂ jnia'⁵⁴ ja₁con'₂ 'nia'₂, rin'⁵⁴ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹ Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tin'₂ 'nia'₂ jmó'₂ guiong'⁵⁴, jmo₄ 'nia'₂ ta₁ quiáng'₂ quian'⁵⁴

* **3:13** lit. "dsa₂ jnió₅ quiáin₅."

* **4:4** o₃, "Jui₁le₂ñi'⁵⁴ 'nia'₂ le₂jang'₂ le₂jang'₂ 'a₂ lia'₂ jme₁'uang'⁵⁴ ni₁ñi'₁ guiong'⁵⁴, lě₅ 'í₁, con'₂ dsi₂ten⁵⁴."

gog'₂-tag'₅₄, ju₁lia'₂ qui₂ma₂jua'₅₄ nia'₅₄ le₂jñiá'₅, ¹² ia₁jaun₂ i₁nio'₄ 'nia'₂ caun₂ ju₁5 a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lě₅ jua'₅₄ cha₂ a₂'nio'₅ quián'₂ 'nia'₂.

A₂jñi'ó'₂ Te₁gui'₅₄

¹³ Rin'₅₄ jniog₄, tsá₃ 'niog₂ jnia'₅₄ jua'₅₄ tsá₃ ñi'₅₄ 'nia'₂ 'e₂ lé₂ quián'₅₄ dsa₂ 'én₂ i₂ma₂dsan₃, ia₁jaun₂ tsá₃ jm'ó'₂ 'nia'₂ 'lia'₂ 'au'₂ ju₁lia'₂ 'lia'₂ dsí₅ dsa₂ i₂tsá₃ jmig₄ cha₂ quió'₅ jua'₅₄ tñn'₄. ¹⁴ Jaun₂ le₂ně₅, ju₁lia'₂ 'éin₂ jniog₄ a₂ca₂jón₃ Jesús, a₂ca₂jein'₅₄ táng₃ ně₃, le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quián'₅₄ Jesús dsa₂ i₂ca₂dsan₃ i₂'én₂ le₃quió'₅.

¹⁵ Jaun₂ lě₃ chei₂ jnia'₅₄ 'nia'₂ ju₁lia'₂ ca₂jme₃tag₅ Te₁gui'₅₄, con'₂ jniog₄ i₂chong₂ ca₂lia'₂ ca₂tě₂ jmig₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃jñiá₄ con'₂ guě₄ dsa₂ i₂ma₂dsan₃. ¹⁶ Ia₁ 'ñiog₅ bá₄ Te₁gui'₅₄ sióin₃ guei'₅₄ i₂juí₃guió'₃ tiá₂ jmo₃ 'éi'₃, quián'₅₄ jág₁ quió'₅ ángel i₂'uan'₂ guě₄, dsí₃'ein₅₄ ñi₁ trompeta quió'₅ Diú₄ ně₃. Jaun₂ guě₄ ca₂le₃jín₃ dsa₂ i₂'én₂ le₃quió'₅ Cristo i₂ma₂dsan₃, qui₃jein'₅₄ le₂'uig₅₄. ¹⁷ Jaun₂ jniog₄ i₂chong₂ guě₄, i₂tě₁'ñiá₄ guě₄ ně₃, chó'₂ co₂lě₅ jě₄ jnei₅ quián'₅₄ dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁guig₂. Jaun₂ le₂ně₅ dsi₁tió'₄ co₂tan₅₄ quián'₅₄ Te₁gui'₅₄. ¹⁸ Jaun₂ lě₃, cuě₅₄ 'nia'₂ lián'₂ ríng'₂ quián'₅₄ jág₁ la₂.

5

¹ La₁ tsá₃ tion₅₄ jua'₅₄ a₂juá'₄ jniá₂ tó'₄ ne₄ si₂ 'e₂ 'ió'₄ 'e₂ jmig₄ a₂lé₂ jaun₂. ² Jaun₂ ma₂le₁ñi'₅₄ bá₄ 'nia'₂ dse₃ guiong'₅₄, jmig₄ a₂jñi'ó'₂ Te₁gui'₅₄ con'₂ tsá₃ ján₅ bá₄ dsa₂, ju₁lia'₂ ja₁já₄ jan₂ dsa₂ 'ang₂ caun₂ 'uě₂. ³ Jě₁ma₂tě₂ rě₁juá'₂ dsa₂: “Ca₂le₃jě₃ lě₅ 'í₁, tei₄ bá₄ 'ei₅”, tě₃jě₄ jaun₂ 'én₂ con'₂ tiá₂ ne₄ quió'₅ dsa₂ 'éi₂. Lé₂ ju₁lia'₂ ja₁jén'₅ 'io₅₄ i₂quián₅ guein₂. Con'₂ tsá₃ rě₂jáin₁ jě₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ñág₃ jmi₁uig₅ jaun₂. ⁴ La₁ 'nia'₂ rin'₅₄ jniog₄, tsá₃ tion'₅₄ 'nia'₂ jě₄ qui₁né'₃, jaun₂ tsá₃ lě₅ jua'₅₄ jo₅₄ jmig₄ jaun₂ quián'₂ 'nia'₂, ju₁lia'₂ ja₁jo₅ jan₂ 'ang₂. ⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quián'₅₄ a₂jmí₂ ně₃. Tsá₃ téi₅ jniog₄ a₂'uě₂, on₃ guě'₂ jě₄ qui₁né'₃. ⁶ Jaun₂ tsá₃ 'nió'₅ guág₃ jniog₄ ju₁lia'₂ güin₂ i₂lin₅₄. Le₁jnio₂ ne₄ bá₄ jniog₄ 'nió'₅ jm'ó₁, lei₅₄, 'en₅₄ dsí₅. ⁷ A₂'uě₂ bá₄ güin₂ dsa₂, ján₃ guě'₂ a₂'uě₂ bá₄ 'ín'₂ dsa₂ 'en₅. ⁸ La₁ jniog₄ ně₃, i₂téi₅ a₂jmí₂, 'nió'₅ lei₅₄, 'en₅₄ dsí₅. 'Nió'₅ qui₁jm'ó₁ 'í₁ quián'₅₄ a₂'éin₂ quián'₅₄ a₂jme₁'nió₄ rin'₅₄ ně₃, ně₂jag₄ bá₄ qui₂rě₂lióg₃ ñi₁ le₁dsí₅, lě₅ 'í₁; a₂'ín₂ dsí₅ jniog₄ a₂tág'₄ ně₃, lě₅ co₂'nió'₄ ñi₁ a₂'i₄ mi₂dsi₄ 'lióg₂, lě₅ 'í₁. ⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsí₅; a₂jaun₂ bá₄ ca₂'ag₃ a₂lió₂ jniog₄ tě₂le₃ quián'₅₄ Te₁gui'₅₄ Jesucristo quián₂. ¹⁰ O₄quián₂ jniog₄ ca₂join₃ ia₁jaun₂ dsi₁'io₁

co₂lě₅ quiain'₅₄, tē₁lia'₂ chong₂, o₃ jē₁ma₂dsau₃ 'e₂.^{*} 11 Jaun₂ caun₂ dsia₄ 'nia'₂ tiá₂ 'au'₂, cuē'₅₄ bí₂ ríng'₂ le₂jang'₂ le₂jang'₂, jui₁lia'₂ ma₂jmo'₂ nē₅.

Ton'₂ Pablo jág₁ dsa₂ rín'₅₄

12 Rín'₅₄ jniog₄, mi₂ jnia'₅₄ a₂jme₁gang'₃ dsa₂ i₂jmo₅ ta₁ jē₄ quián'₂ 'nia'₂, i₂jjiog₅ ne₄ jui₅ le₃quíó'₅ Te₁gui'₅₄, i₂to'₂ jág₁ dse₃ nē₃. 13 Ca₂tín'₂ 'nia'₂ jme₁gain'₃ 'ñio₅ lín₃, a₂jme₁'nió₄ nē₃, o₄quíó'₄ ta₁ a₂jmo₂₃. Jui₁'ei₅ bá₄ tei₄ tion'₅₄ 'nia'₂ le₂jang'₂ le₂jang'₂.

14 Ján₃ guē'₂ le₂jaun₂ rín'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuē'₅₄ 'nia'₂ bí₂ dsa₂ i₂tsá₃ lín₄ niog₅ tiá₂ dsí₅, jme₁'on₁ 'nia'₂ dsa₂ 'uan₅₄, jme₁juin'₂ 'nia'₂ 'au'₂ quian'₅₄ ca₂le₃jín₃ ríng'₂.

15 Jmo₄ 'nia'₂ 'í₁, ia₁jaun₂ 'i₁jan₂ tsá₃ jéin'₃ 'lig'₅₄ quió'₅ i₂jmóg'₂ 'lig'₅₄. Tē₂le₃ caun₂ o₂nó'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rín'₂ 'nia'₂ le₂jang'₂ le₂jang'₂ quian'₅₄ guē₄ ca₂le₃jín₃ dsa₂.

16 Tián'₂ bá₄ 'nia'₂ 'io'₂ jéng'₂ co₂tan₅₄. 17 Chi₁len'₅₄ 'nia'₂ Diú₄ lia'₂ tsá₃ 'na₂. 18 Cuē'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂nē₅ bá₄ 'ñio₂ dsí₅ Diú₄ tē₂le₃ quián'₂ 'nia'₂ o₄quíó'₄ Cristo Jesús.

19 Tsá₃ lē₂ag₂ 'nia'₂ si₂ quió'₅ Jme₂dsí₂ Jñió₅. 20 Nē₁jua'₂ 'ein₂ 'ē₂ jág₁ a₂guéi'₅ quió'₅ Diú₄, tsá₃ lē₁jmo₂ 'nia'₂ jua'₅₄ a₂tsá₃ jeng'₅₄. 21 Quion₂ de'₂ 'nia'₂ 'í₁ ca₂le₃jě₃ a₂nē₅, jaun₂ chan'₂ bá₄ 'nia'₂ jmá'₃ a₂dse₃. 22 Co₂dsia₅ jmo₄ 'nia'₂ cau₅ ca₂le₃jě₃ ne₅₄ a₂'lig'₅₄.

23 'Ñiog₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñió₅ co₂ñei'₅₄; jui₁le₅₄ bá₄ 'í₁ 'nia'₂, ta₁jang'₂: lia'₂ jme₂dsí₂, lia'₂ 'au'₂, lia'₂ 'ñi'₄ 'nia'₂; ia₁jaun₂ tsá₃ 'ein₂ lē₂ le₃bóg'₂ dso₄ jē₁ma₂tē₂ rē₂guan'₂ Te₁gui'₅₄ Jesucristo quián₂. 24 I₂ma₂tē₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂nē₅.

'Ág'₅ jág₁ jē₁ca₂tó'₂

25 Rín'₅₄ jniog₄, chi₁len'₄ 'nia'₂ Diú₄ o₄quíán₂ jnia'₅₄.

26 Cuín₅₄ Diú₄ ca₂le₃jín₃ rín'₅₄ a₂qui₁chén'₁† 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

27 Mi₅ jniá₂, lia'₂ con'₂ lě₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rín'₅₄.

28 Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín₃ 'nia'₂.

Co₂nē₅.

* 5:10 lit. "chi₁jua'₂ le₁jñio₂ ne₄ jniog₄, o₃ le₁guág₃ 'e₂."

† 5:26 Caun₂ tag₄ a₂jme₁chí₄ lia'₂ con'₂ ca₂jmo₃ Pa₄ si₂ la₂.

Si₂ carta jë₁ca₂të₂ tin₃ a₂ca₂jmo₃ San Pablo ne₄ dsa₂ TESALONICENSIS

*Pablo quiaín⁵⁴ riin⁵⁴ jmo₂₃ si₂ a₂chein₃ ne₄ Guá⁵ i₂chan₂ juig₂
Tsalónica*

¹ Jniá₂ Pa₄, quian⁵⁴ Silvano,* quian⁵⁴ Timoteo ně₃, dsian⁴ jnia⁵⁴ si₂ la₂ ne⁵⁴ 'nia'₂ riin⁵⁴ jniog₄ i₂chan₂ juig₂ Tsalónica, 'nia'₂ dsa₂ 'ei₅ caun₂ jág₁ quian⁵⁴ Diú₄ Jmei₂ jniog₄, quian⁵⁴ Te₁gui⁵⁴ Jesucristo. ² Jui₁jme₂gu⁵⁴ bá₄ Diú₄, jui₁jme₂gu⁵⁴ Te₁gui⁵⁴ Jesucristo ně₃, jmo₃ 'ua₁ dsi⁵ ja₁con² 'nia'₂, jui₁'ei₅ dse₃ 'au'₂, tiong⁵⁴ 'ei₅ tei₄.

*'Ĕ₂ Diú₄ uig₅ ja₁con₂ dsa₂ i₂le₁cán⁴ dso₄ jë₁ma₂të₂ rë₁guan² táng₃
Cristo mi₂güig₃*

³ Rin⁵⁴ jniog₄, ca₂le₃jë₃ jmig₄ bá₄ ca₂tág₂ jnia⁵⁴ cuë⁵⁴ ti₁'mag⁴ Diú₄ o₄quián² 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón³ bá₄ 'nia'₂ a₂rë₂'éng² jág₁ quió⁵ Diú₄, caun₂ jme₂'nióg³ bá₄ 'nia'₂ ríng² 'ŋio₅ lín₃ le₂jang² le₂jang². ⁴ Jaun₂ lë₃, jmá³ lia² jág₁ dse₃ bá₄ dsia₂ jnia⁵⁴ 'ín₅ 'nia'₂ jin₄ guá⁵ quián⁵ Diú₄, 'a₂ lia² ma₂ca₂tian³ 'nia'₂ a₂ma₂ca₂jme₁juing² 'au'₂ a₂'én² 'nia'₂ ne₄ ca₂le₃jë₃ a₂co₂'ein⁵ dsa₂, a₂qui₂jmóg² dsa₂ ně₃. ⁵ Jaun₂ le₂në₅ cuë⁵ léi₄, con² dsi₂ten⁵⁴ bá₄ qui₂dsi⁵ Diú₄ 'éi³, ia₁jaun₂ lén² 'nia'₂ dsa₂ i₂ca₂tín² dsi₁niog³ ja₁gon₂ Diú₄; o₄quió⁴ a₂jaun₂ ŋag⁵⁴ 'nia'₂ uig⁵.

⁶ Ján₃ bá₄ le₂jaun₂ dsi₂ten⁵⁴, Diú₄ bá₄ jme₃rë₃ cuë³ uig⁵ a₂ca₂tín² dsa₂ i₂ma₂jmá² 'nia'₂. ⁷ Jaun₂ 'nia'₂ dsa₂ i₂qui₂ma₂ŋag⁵⁴ uig⁵, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi⁵ jnia⁵⁴ ján₃ jë₁ma₂të₂ rë₁ŋi² Te₁gui⁵⁴ Jesús jui⁵ guei⁵⁴ i₂juig₃ jë₄ si₂ ca₂jo⁵⁴, quiaín⁵⁴ ángeles i₂'uan² quiáin⁵. ⁸ Jnió² a₂cuë³ uig⁵ dsa₂ i₂tsá₃ cuin⁵ Diú₄, ia₁ on₃ guë² jui⁵ ca₂tón³ jág₁ dse₃ quió⁵ Te₁gui⁵⁴ Jesucristo. ⁹ Ca₂le₃jín₃ 'éi₂ gue₃ 'liain⁵⁴ a₂dsi³'éin₂ co₂ŋei⁵⁴, co₂dsia⁵ jniai³ ne₄ Te₁gui⁵⁴, dsi₃toin⁵⁴ úing₂ ja₁tsá₃ ma₃'e₂ bí₂ jlá¹ quió⁵ Diú₄ jniá₂. ¹⁰ Jmig₄ jaun₂, jë₁ma₂të₂ rë₁guan² Te₁gui⁵⁴, a₂jme₃juag² ca₂le₃jín₃ dsa₂ i₂'én₂ quiáin⁵, † jaun₂ dsa₂ i₂'én₂ ně₃ qui₂dsi³g³ dsi⁵ jág₃ jin₂ Te₁gui⁵⁴. Ján₃ bá₄ o₁ton⁴ 'nia'₂ ja₁jaun₂, ia₁ a₂ma₂ca₂rë₃'én² 'nia'₂ jág₁ dsau₅ quián₂ jnia⁵⁴.

¹¹ Uig⁵⁴ jaun₂ bá₄ ján₃, chi₂len⁴ jnia⁵⁴ Diú₄ ca₂le₃jë₃ jmig₄ o₄quián² 'nia'₂, jui₁i₂nio⁴ 'nia'₂ con² dsi₂ten⁵⁴ i₃nio₄ dsa₂

* 1:1 Lia² chen₂ Silvano, co₂rë₂ quian⁵⁴ Silas. † 1:10 lit. "dsa₂ jnió₅ quiáin⁵."

i₂ma₂tě₃ quiáin₅; jui₁jme₂ti₃ tē₂le₃ quian'₅₄ bí₂ quió'₅ ca₂le₃jě₃
a₂dse₃ a₂ŋi₀2 'au'₂ 'nia'₂ jmó'₂, quian'₅₄ ca₂le₃jě₃ ta₁ a₂jmo'₂ 'nia'₂
ia₁ a₂'éng'₂. ¹² Jaun₂ le₂ně₅ bá₄ lé₂ le₃juin'₂ Te₁gui'₅₄ Jesucristo
quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con'₂ 'éi₂, lia'₂
con'₂ lě₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

¹ Jaun₂ ně₃, 'nia'₂ rin'₅₄ jniog₄, jui₁lia'₂ jě₁ma₂tě₂ rě₂guan'₂
Te₁gui'₅₄ Jesucristo, jě₁ma₂tě₂ rě₁tió'₄ lo'₂ quian'₅₄, mi₂ jnia'₅₄
chei₂ 'nia'₂, rin'₅₄ jniog₄, ² a₂tsá₃ caun₂ lě₁jme₁tsín₄ 'nia'₂
a₂dsi₃jio₅ 'au'₂ le₂siá'₂, on₃ guě'₂ can'₂ 'nia'₂ go₂'i₃, ně₁'e₂ guě₃ jág₁
a₂já₅ tē₂le₃ quian'₅₄ jan₂ jme₂dsí₂, on₃ guě'₂ jág₁ a₂dsia₅ dsa₂, on₃
guě'₂ ně₁'e₂ si₂ carta a₂chen₅ dsa₂ ne'₅₄ 'nia'₂ ně₂jag₄ bá₄ a₂jmo₂
jnia'₅₄, jě₁juá'₂ dsa₂ a₂ma₂ca₂tě₂* jmig₄ quió'₅ Te₁gui'₅₄. ³ Tsá₃
lě₁cuín₅ 'nia'₂ jmig₄ a₂jme₃gau₅ dsa₂. Ia₁ né'₃ a₂te₅₄ jmig₄ jaun₂,
jmo₃ dsa₂ caun₂ jág₁ a₂jme₃ŋiai₅₄ Diú₄, jaun₂ le₃jniá₂ jan₂ dsa₂
i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃
quein₅ ne₄ ca₂le₃jě₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂
dsa₂ 'e₂. Ca₂lia'₂ dsió₄ guá₃ tē₂ dsi₂néi₂ guá'₅ templo quió'₅ Diú₄,
a₂jmo₂₃ lín₅ Diú₄.

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄
'nia'₂, ca₂juá'₃ jniá₂ le₃jě₃ a₂ně₅? ⁶ Jaun₂ ně₃, ma₂ŋi'₅₄ bá₄ 'nia'₂
'ein₂ 'éi₂ i₂ŋné₅ jui₅, jaun₂ tsá₃ jme₃jniog₂₃ jniá₅ né'₃ a₂tě₅₄ jmig₄
quió'₅. ⁷ La₁ tion₅₄ bá₄ ma₂jmo₅ i₂'lín₅₄ 'éi₂ bí₂ rě₂'ma₄ quió'₅
ia₁jaun₂ tsá₃ le₃jí₅₄ dsa₂ 'éi'₃ quió'₅ Diú₄. Jŋia'₅₄ lia'₂ chi₁ŋia₂₃
a₂ŋia'₃ i₂chén₅ dsi₂jo₂ i₂jmo₅ jnág₅ jui₅. ⁸ Jaun₂ guě₄ jme₃jnia₅
dsa₂ 'lín₅₄ 'éi₂. Jaun₂ Te₁gui'₅₄ Jesús ně₃ jŋag'₃ quian'₅₄ dsí₂
tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né₅ quió'₅ ně₃ jě₁ŋi₀í'₂.
⁹ Satanás bá₄ jmo₃ jiá₃ dsa₂ 'lín₅₄ 'éi₂, ia₁ guáin₂ ján₃ quian₅
bí₂ a₂o₂dsain₂ jmo₃ léi₄ juě'₂ jme₃gau₂₃. ¹⁰ Ca₂le₃jě₃ ne₅₄ cosa
'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guě'₂
ca₂rě₃'nio₃ gue₃ jág₁ tí₅ dsón'₂ a₂jme₁lió₂. ¹¹ Jaun₂ bá₄ lě₃ cuě₃
Diú₄ jmig₄ a₂le₃gain₂, ia₁jaun₂ jui₁le₂'éin₂ co₂ŋei'₅₄ jág₁ tē₂jág₁,
¹² ia₁jaun₂ 'ě₂ Diú₄ uig₅ quió'₅ ca₂le₃jjin₃ ia₁ tsá₃ guě'₂ ca₂rě₃'éin₂
jág₁ tí₅ dsón'₂, ia₁ ja₂lín₃ guě₄ tē₅ dsí₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³ La₁ jnia'₅₄ ně₃, ca₂le₃jě₃ jmig₄ bá₄ cuě₂ ti₁'mag'₄ Diú₄
o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂
lě₃ lia'₂ con'₂ jme₁ca₂rě₃lió₃ jmig₄ bá₄ ca₂quión'₂ Diú₄ 'nia'₂
ia₁jaun₂ tín'₄ 'nia'₂, lén'₂ 'nia'₂ dsa₂ i₂le₃jě₃ tē₂dsí₅ tē₂le₃ quian'₅₄
Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂

* 2:2 o₃, "a₂ma₂ja₂quián₃."

ně₃. ¹⁴ Ta₁ jaun₂ ca₂tě₃ Diú₄ 'nia'₂ tě₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rín'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃. ¹⁶ Jaun₂ 'ñiog₅ Te₁gui'₅₄ Jesucristo quian'₅₄ Diú₄ Jmei₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂ín₂ dsi₅ jniog₄ tág'₄ ně₃, ¹⁷ jui₁cuě'₄ bí₂ tě₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jě₁dsiá'₁ jág₁, jě₁jmo'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹ Jě₁ca₂tó'₂ rín'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsió₄ jág₁ dse₃ quió'₅ Te₁gui'₅₄ ca₂le₃jě₃ jui₁g₂. Jui₁gue₅₄ bá₄ dsa₂ 'ñio₂ dsí₅ jui₁jme₂juě'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmo₃'g'₂ mi'₅₄, ia₁ tsá₃ 'én₂ ca₂le₃jín₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmo₃'g'₂ i₂sě₃dse₃. ⁴ Caun₂ bá₄ 'ei₅ dsi₅ jnia'₅₄ tě₂le₃ quió'₅ Te₁qui'₅₄, a₂jmo₂' ton'₂ a₂jmo₂' 'nia'₂ ně₃, ca₂le₃jě₃ 'e₂ a₂ma₂jua'₂ jnia'₅₄ jmo₂' 'nia'₂. ⁵ Jui₁jio₅ bá₄ Te₁gui'₅₄ tě₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsí₅ Cristo ně₃.

Ca₂tín₂ bá₄ dsa₂ jmo₃ ta₁

⁶ Rín'₅₄ jniog₄, cuě₂ jnia'₅₄ 'éi'₃ tě₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rín'₅₄ jniog₄ juín'₅ jmo₃ ta₁ on₃ guě'₂ jmo₂₃ con'₂ lě₅ a₂ca₂jme₁tín₅ jnia'₅₄ 'nia'₂. ⁷ Jaun₂ ñi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmo₂' con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmo₁' jnia'₅₄ ta₁ tě₁lia'₂ ca₂tió'₄ quian'₅₄ 'nia'₂, ⁸ on₃ guě'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rín'₅₄, jua'₅₄ tsá₃ ca₂qui₅₄. Tě₂le₃ qui₂ca₂jmo₁' bá₄ jnia'₅₄ ta₁ 'ñio₅ lín₃ lia'₂ 'uě₂-jmi₂ ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄. ⁹ On₃jua'₅₄ ia₁ a₂tsá₃ ca₂tág₂ jnia'₅₄; a₂jnia'₅₄ lia'₂ ca₂quián₁ jnia'₅₄ caun₂ jui₅ ne₄ 'nia'₂, ia₁jaun₂ 'nia'₂ ně₃ cán'₁ jui₅ jaun₂ a₂ca₂quián₁ jnia'₅₄. ¹⁰ Ia₁ lia'₂ con'₂ jme₁tio'₅₄ jnia'₅₄ quian'₅₄ 'nia'₂, ca₂cuě'₁ 'éi'₃ la₂: Jui₁lia'₂ dsa₂ i₂juín'₅ jmo₃ ta₁, tsá₃ jui₁guě'₄. ¹¹ Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lín₅₄ tián'₅ tsá₃ ta₁ 'nio₃ jmo₃, 'ñio₅ bá₄ tsá₃ jjin₅₄ qui₂tián₂ ja₁tsá₃ ca₂tín₂. ¹² Jaun₂ dsa₂ 'éi₂ ně₃ chei₂ jnia'₅₄ le₃quió'₅ Te₁gui'₅₄ Jesucristo quián₂, jui₁jmo₁₂ ta₁ quió'₅ ia₁jaun₂ cha₂ a₂qui₂dsi₃ñi₂.

¹³ Rín'₅₄ jniog₄, tsá₃ jmo₂ 'nia'₂ a₂ca₂'ong'₃ jmo₂' cosa dse₃. ¹⁴ Chi₂jua'₂ chan₂ i₂tsá₃ tón'₂ jui₅ a₂jua'₂ jnia'₅₄ ne₄ si₂ la₂,

jag₄ 'nia'₂ 'ein₂ 'éi₂ jaun₂ tsá₃ ma₃jme₁quian'₅₄ 'nia'₂, ia₁jaun₂
le₃gui'₅₄. ¹⁵ La₁ tsá₃ jme₁'ñiai'₅₄ 'nia'₂, tē₂le₃ cuē'₅₄ tioin'₂ 'nia'₂
já_g₁ dse₃ co₂'nió'₄ ríng'₂.

Jui₁jme₂gu'₅₄ bá₄ Diú₄: Já_g₁ jē₁ca₂tó'₂ quió'₅ Pa₄

¹⁶ 'Niog₅ Te₁gui'₅₄ i₂jmo₅ 'ag₅ tei₄ dsí₅ dsa₂, jui₁jmo₁₂ le₁'ág₄
tei₄ 'au'₂ 'nia'₂ quian'₅₄ ca₂le₃jě₃ a₂jmo'₂ 'nia'₂. Jui₁'en₅₄ bá₄ Diú₄
quian'₅₄ ca₂le₃jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cúing₅ Diú₄ 'nia'₂,
co₂'nió'₄ léi₄ a₂tó'₅ jniá₂ ne₄ ca₂le₃jě₃ si₂ a₂jmo₂₃. Le₂la₂ lě₅
letra quió₃. ¹⁸ Jui₁jme₂gu'₅₄ Te₁gui'₅₄ Jesucristo quián₂ jniog₄
ca₂le₃jín'₃ 'nia'₂.

Co₂ně₅.

* **3:17** 'Nió'₂ ja₁ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄. ² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ n₂éi₂ dsí₅ ja₁cong'₂, a₂'ag₃ tei₄ 'au'₂ nē₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂g₂ Efeso ia₁jaun₂ jui₂g'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmig₄ dsian₅. Jñia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃o₅₄ a₂lē₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃jua'₅₄ a₂lē₁jmo₂ a₂'éin₂ nē₃, jaun₂ guë'₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rín'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. ⁶ Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄ jág₁ a₂tsá₃ ta₁ tí₄. ⁷ 'Nio₃ léin₂ tē₅juá'₅, la₁ jñia'₅₄ guioin₅₄ bá₄ tsá₃ n₂í'₂ 'e₂ juá'₂ a₂jme₂tiin₂₃ dsa₂, n₂ag₅₄ rē'₂ 'ei₅ caun₂ dsí₅, nē₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ nē₁jua'₂ ca₂jmó'₂ dsa₂ ta₁ con'₂ dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ nē₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ nē₂ i₂nió'₅ jág₁ 'lig'₅₄ quian'₅₄ dsa₂ nē₂ rín'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rín'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ guë'₄ cosa a₂tsá₃ lē₅ con'₂ lē₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quín₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jñi₅ o₄gu₃ jniá₂.

Ia₁ 'ua₁ dsí₅ Diú₄ jaun₂ cuë₅ Pa₄ ti₁'mag'₄

12 Cuě₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuě₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄. 13 Ca₂jmo₃ Cristo ca₂le₃jě₃ nē₅ ja₁con₂ jniá₂, o₁ñia'₅₄ jme₁dsia₅ jniá₂ 'lig'₅₄ jme₁'iin₅ le₂jniá₅, qui₂ca₂'éng₃ dsa₂ i₂jme₁quiain'₅₄, qui₂ca₂jmai'₄ jniá₂ tsau₂ dsi₃ nē₃. La₁ ca₂dsia₃ Te₁gui'₅₄ nē₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. 14 Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ guē₄ lin₃.

15 Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ guē₄ dso₄. 16 La₁ Diú₄ ca₂dsia₃ nē₂ dsí₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo nē₂ dsí₅ lióin₂ dsa₂ i₂ñí₄ rin₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ juí₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄. 17 Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmig₄ jón₂, on₃ guē'₂ jniá₂, i₂jan₂ tan₅₄ Diú₄ i₂ñí'₂ dsí₅: juí₁jme₂go₃ dsa₂, juí₁jme₂juag'₂ dsa₂ ca₂le₃jě₃ jmig₄ ñi₂ a₂já₅. A₂méi₃.

18 Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lē₅ jág₁ dse₃ a₂ca₂cuě₃ jme₂dsí₂ Jñiós₅ ca₂cuě'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jniá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuě₃ dsa₂ jaun₂: 19 a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ nē₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂, nē₂jag₄ bá₄ caun₂ ni₁barco a₂ca₂lē₃ le₁juig₁ le₁dsog'₅₄ ne₄ jmí₁ñí'₄. 20 Le₂nē₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chí₃lén'₂ dsa₂ Diú₄

1 Jē₁le₂'uig₅₄, chí₁quian₅₄ jniá₂ jmig₄ a₂mí'₁ 'nia'₂ ne₄ Diú₄, a₂chí₁lein'₅₄ 'nia'₂, a₂cuē'₅₄ 'nia'₂ ti₁'mag'₄ nē₃, o₄quió'₄ ca₂le₃jín₃ dsa₂, 2 o₄quió'₄ juí₁lia'₂ rag₅₄, o₄quió'₄ ca₂le₃jín₃ juí₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mí'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jě₃ jme₂dsí₂ quián₂ ne₄ ca₂le₃jě₃, le₃ne₄ Diú₄. 3 Ia₁ le₂nē₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, 4 i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₂ñí'₂ dsí₅ jág₁ tí₅. 5 Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅

Cristo Jesús.* ⁶ 'Éi₂ ně₃ ca₂jín'₂ 'ñiog₅ ca₂quí₃ 'lia'₅₄ ia₁jaun₂ líón₂ ca₂le₃jín₃ dsa₂. Já_{g1} dsau₅ ně₅ ně₃, ca₂rē₃ñi₅ dsa₂ jme₁ca₂tē₂ jmig₄ a₂le₃ñi₅. ⁷ Ta₁ jaun₂ ca₂rē₃ 'ín₁ jniá₂ ia₁jaun₂ léng₂ jan₂ i₂'ē₂ já_{g1}, jan₂ i₂chen₄ quián₅ Jesús ně₃, jan₂ tē₅ i₂jme₂tin₅ dsi₂nau₂ jui₁lia'₂ 'a₂ lia'₂ lē₅ a₂'én₂ dsa₂, 'a₂ lia'₂ lē₅ já_{g1} tí₅ ně₃. Já_{g1} dsau₅ bá₄ a₂juá'₅,† tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jě₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guē'₂ a₂qui₂tsin₂₃ quian'₅₄ riin'₅₄. ⁹ 'Io₅₄ guē'₂ ně₃ 'nió'₅ qui'₃ tsin'₅₄ con'₂ dsi₂ten₅₄, dse₃ jniá₂, li'₅₄ quió'₅. Jui₁jmoi'₅₄ a₂rē₂liin₅₄, on₃jua'₅₄ quian'₅₄ a₂ñi₄ lē₃ jlá'₁ qui₂rē₂lag₄ dsi₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ míg₂ perlas a₂tó'₅ lag₅₄, on₃ guē'₂ quian'₅₄ tsin'₅₄ 'mu'₅₄ ně₃; ¹⁰ tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mí₂ i₂ma₂jín'₂ ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ já_{g1} quió'₅ Diú₄ a₂jme₂tag₅ dsa₂, a₂caun₂ nei'₅₄ jē₄ ca₂le₃jě₃. ¹² Tsá₃ cuē₅ jniá₂ jmig₄ jua'₅₄ a₂jme₃tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmó'₂ Diú₄; cang₂ bá₄ ca₂jmói'₂ Eva. ¹⁴ Jaun₂ on₃jua'₅₄ Adán i₂ca₂rē₃gán₃; 'io₅₄ bá₄ i₂ca₂rē₃gán₃ jaun₂ ca₂táin'₂ dso₄. ¹⁵ La₁ia₁, líón₂ bá₄ 'io₅₄ ně₃jua'₂ jme₂cain'₅₄ chi'₂-guein₂ quiáin₅, chi₂jua'₂ caun₂ 'éin₂ já_{g1} quió'₅ Diú₄, caun₂ 'nioi₃ riin'₅₄, caun₂ chain₂ le₁jě₃ jme₂dsí₂ quió'₅, a₂li'₅₄ quió'₅ ně₃.

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

¹ Dsón'₂ bá₄ dsau₅ já_{g1} la₂: chi₂jua'₂ 'ein₂ 'nia'₂ 'nio₃ cán₂ ne₄ jui₅ jñia₃ rin'₅₄,* ta₁ dse₃ bá₄ jaun₂ 'ín₅ dsi₅. ² Jaun₂ lē₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅ jua'₅₄ cha₂ ja₁coin₂ a₂lē₂ le₃bóg'₂ dsa₂ dso₄, jua'₅₄ a₂'ag₃ 'lig'₅₄. Já_{n3} guē'₂, jan₂ bá₄ 'io₅₄ quiáin₅ i₂guá₅ quiaín₅₄; 'en₅₄ dsí₅ 'nió'₅ léin₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂ dsi₂néi₂ quió'₅, qui'₅₄ jmig₄ jme₃tiin₂₃ dsa₂. ³ Tsá₃ 'nió'₅ ñi₃ 'ein₅, on₃ guē'₂ qui₃'no₃ mi'₅₄, on₃ guē'₂ 'nió'₅ jmo₃ 'ín₅ dsí₅ jua'₅₄ a₂lē₁ 'nio₃ lí'₂ cu₄ quió'₅ dsa₂. Tē₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄ riin'₅₄, tsá₃ 'nió'₅ jmo₃ jua'₅₄ a₂ñi₄ lē₃ 'ín₅ dsí₅ cu₄. ⁴ 'Nió'₅ ñi₅ 'a₂ lia'₂ jñiai₃ dsa₂ dsi₂néi₂ quió'₅, 'a₂ lia'₂ co₂jéin'₂ chi'₂ quiáin₅ ia₁jaun₂ bá₄ jme₂go₃ chi'₂ quiáin₅ ne₄ ca₂le₃jě₃. ⁵ Ia₁ ně₃jua'₂ tsá₃ ñi₅ 'a₂ lia'₂ jñiai₃ dsa₂ dsi₂néi₂ quió'₅ ně₃, ¿'a₂ bá₄ lia'₂ lē₂ le₃jmo₃ 'í₁ guá'₅ quián₅ Diú₄? ⁶ Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂tē₂ca₂rē₃'én₂. Ia₁ con'₂ tsá₃ ñó₅ ně₃jua'₂ 'ñiog₅ ca₂jmo₃ róin₂, tiáin'₃ jui₁lia'₂ ca₂tán'₂ i₂sē₃dsen₃. ⁷ Já_{n3} bá₄

* 2:5 o₃, "Jesucristo." † 2:7 A₂lin₅₄ chog₅₄ si₂juá'₂ ján₃: "le₃quió'₅ Cristo." * 3:1 griego: episkopos.

'nió'₅ 'ei'₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ n_ó₅
 nē₁ca₂táin'₂ jág₁ lia'₂ chain₂, a₂tiáin'₂ ts₁cág'₅ quió'₅ i₂sē₃dsen₃
 nē₃.

'A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂nē₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅,
 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃
 'nió'₅ lén₂ dsa₂ i₂lē₁qui₂co₅ jág₁ quió'₅, on₃ guē'₂ 'nió'₅ i₃nioi₅₄
 'ein₅, tsá₃ 'nió'₅ jmo₃ 'ín₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂.
⁹ 'Nió'₅ jmo₃ 'í₁ jág₁ dse₃ a₂rē₂'ma₄ quió'₅ Diú₄ a₂'éin₂ jniog₄,
 a₂le₁jē₃ tē₂dsí₅. ¹⁰ 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂
 dsa₂ i₂lén₂ i₂jme₂'o₅₄ nē₁jua'₂ 'a₂ lia'₂ lín₅. Nē₁jua'₂ tsá₃ 'e₂ riin₂,
 jaun₂ guē₄ dsi₂ten₅₄ lén₂ dsa₂ i₂jme₂'o₅₄a quián₅ guá'₅. ¹¹ Jui₁lia'₂
 dsa₂ mí₂ guē'₂ nē₃, ján₃ bá₄ le₂jaun₂ 'nió'₅ lí'₅₄ quió'₅, tsá₃ 'nió'₅
 a₂lē₁bóg'₂ dso₄. 'Nió'₅ 'en₅₄ dsí₅ lén₂, rē₂tí'₅₄ jē₄ ca₂le₃jē₃ nē₃.
¹² I₂jme₂'o₅₄ quián₅ guá'₅a 'nió'₅ jmo₃ ján₃, jan₂ bá₄ 'io₅₄ quiáin₅
 i₂rē₂jen'₂ gu₂ quiáin'₅₄. Jaun₂ 'nió'₅ η₅ 'a₂ lia'₂ co₂jéin'₂ con'₂
 dsi₂ten₅₄ chi'₂ quiáin₅, quian'₅₄ dsa₂ dsi₂néi₂ quió'₅ nē₃. ¹³ Ia₁
 jui₁lia'₂ dsa₂ i₂jme₂'o₅₄† i₂rē₂tí'₅₄ dse₃ ta₁ quió'₅ a₂lín₅, lí'₄ a₂'ag₃
 dsa₂ dse₃ quió'₅, ton'₂ ján₃ guē'₂ caun₂ guē₄ 'ag₃ dsí₅ a₂dsia₃ 'a₂
 lia'₂ 'éin₂ tē₂le₃ quió'₅ Cristo Jesús.

Le₂la₂ lē₅ jág₁ quió'₅ Diú₄ a₂'éin₂ jniog₄

¹⁴ 'fn₂ dsi₃ jniá₂ nei₅₄ η₅₄ ta₁ i₁jing₁₂ 'ne₂. La₁ né'₃ a₂dsióg₄,
 jmo₂₃ si₂ la₂, ¹⁵ ia₁jaun₂ nē₁jua'₂ ca₂rē₃'ing₅₄, le₃η₅₄ bá₄ 'a₂ lia'₂
 ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄
 jén'₃, co₂'nió'₄ 'uig₅₄ 'ia'₂, 'ma₂dsi₅ nē₃, quió'₅ jág₁ tí₅. ¹⁶ Dsón'₂
 bá₄ juē'₂ juá'₅ a₂'éin₂ jniog₄, a₂jme₂rē₂'ma₄ le₂jñiá'₅:
 Ca₂guan₃ Diú₄ chi₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;

ca₂jág₂ ángeles;

ca₂rē₃'ē₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güig₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juig₃ nē₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄
 'a₂ lia'₂ lé₂ jmig₄ jē₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁
 a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂juigan₂, jág₁ juá'₅
 a₂já₅ quió'₅ je₂na'₅₄ nē₃, ² a₂jme₂tag₅ dsa₂ i₂jñia'₅₄ qui₂le₁'ág₄
 dse₃ o₁ne₁, i₂co₂jmo₅ jág₁ tē₂jág₁, i₂tsá₃ ma₃'e₂ qui₂dsi₂jñi₅ dsí₅
 ia₁ ma₂lē₅ dsí₅ nē₂jag₄ bá₄ a₂ma₂cáu₂ quian'₅₄ ni₁η₁ dséi₂.

† 3:13 griego: diákonous.

³ Jme₃tag₂₃ a₂tsá₃ ma₃jén'₂ dsa₂ gu₂; a₂lin₅₄ má₃ gué'₂ ně₃ tsá₃ ma₃cuē₃ jmig₄ jua'₅₄ a₂gué'₃ gué₄ dsa₂, o₁ñjia'₅₄ ca₂jmo₃ Diú₄ ca₂le₃jě₃ ne₅₄ cosa ia₁jaun₂ gué'₃ dsa₂ i₂'én₂ i₂cuí'₅ jág₁ dsau₅, a₂cuē₃ ti'₁mag'₄ ně₃. ⁴ A₂dse₃ jě₂ bá₄ a₂ca₂jmo₃ Diú₄. Jaun₂ dse₃ bá₄ gué'₁ jniog₄ cuē₅₄ ti'₁mag'₄ Diú₄, tsá₃ 'nió'₅ jua'₅₄ a₂tsá₃ gué'₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jě₃ bá₄ jaun₂. Jme₂jnió₃ bá₄ Diú₄ jme₁cuē₅ dsa₂ ti'₁mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂ně₅, léng'₂ dsa₂ dse₃ i₂jme₂ti₃ ta₁ ne₄ Jesucristo. Qui₂rě₂tang'₅₄, rě₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lě₁tón'₂ jui₅ jág₁ co₄ a₂lě₁dsia₅ dsa₂ mi₂güig₃, on₃ gué'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ñi₁₂ jui₁lia'₂ jme₁co₂₃. La₁ 'ñio₅ lin₃ gué₄ dse₃ jme₃dsau₅ dsa₂ tē₂le₃ quió'₅ jme₂dsi₂ quió'₅ a₂'nioi₃ Diú₄. Ia₁ a₂ně₅ bá₄ cuē₃ a₂dse₃ quián₂ jniog₄ mi₂güig₃ caun₂, on₃jua'₅₄ jmá'₃ ne₄ gua'₅₄ 'uē₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰ A₂jaun₂ bá₄ lě₃ dsen₅₄ dsí₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsí₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ gué₄ quián₅ dsa₂ i₂'én₂.

¹¹ Jág₁ ně₅ ca₂tíng'₂ juig'₅₄ dsa₂, jme₁tiin'₂ ně₃. ¹² Tsá₃ lě₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'ñio₅ lin₃ gué₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'₂ 'a₂ lia'₂ lě₅ jág₁ quiáng'₂, jme₁dsia'₂ jág₁, jui₁lia'₂ 'a₂ lia'₂ chang'₂ ñi'₂, jui₁lia'₂ 'a₂ lia'₂ 'nió'₃ 'ne₂ dsa₂ ríng'₂, jui₁lia'₂ 'a₂ lia'₂ 'éng'₂, jui₁lia'₂ 'a₂ lia'₂ chang'₂ a₂le₁jě₃ tē₂'au'₂ ně₃. ¹³ Tē₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tioen'₂ jág₁ dse₃ jme₁tiin₅ ně₃. ¹⁴ Tsá₃ jui₁dsi₂'én₂ 'au'₂ a₂ma₂cuē₃ Diú₄ a₂ma₂tíng'₂ a₂ca₂ñig'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí'₄ dsa₂ a₂ma₂dsi₂jñiág'₄ a₂tíng'₂. ¹⁶ Jmo₄ 'í₁ 'ñiag'₂, ján₃ gué'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti'₄ ca₂le₃jě₃ a₂ně₅, long'₅₄ 'ñiag'₂, ján₃ gué'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂ lia'₂ 'nió'₅ jmo₃ jin₄ dsa₂ 'én₂ riin'₅₄

¹ Tsá₃ lě₁tē₂jén₅ jui₁lia'₂ dsa₂ ma₂guen'₂. Tē₂le₃ 'nió'₅ tioen'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ gué'₂ le₂jaun₂ dsa₂ ñe'₂ chi'₂, jmo₄ 'au'₂ jiin₅₄ lia'₂ ja₁jíng'₅₄ ríng'₂. ² Ján₃ gué'₂

le₂jaun₂ jui₁lia'₂ dsa₂ mí₂ ma₂guen'₂ ně₃, jme'₁nió₁₄ jui₁lia'₂ 'nióg'₃ chog'₂. Le₂jaun₂ guē'₂ jui₁lia'₂ 'io₅₄ chi'₂, jiin₅₄ jme'₁nió₁₄ jui₁lia'₂ ja₁'nióg'₃ 'io₅₄ ríng'₂ ján₃, a₂le₁jě₃ 'au'₂ co₂ņei'₅₄.

³ Jui₁lia'₂ 'io₅₄ 'nág₂ guē'₂ ně₃, jme'₁oin₅₄ ně₁jua'₂ léi₄ a₂'nió'₅ dsón'₂ quió'₅. ⁴ La₁ ně₁jua'₂ jan₂ dsa₂ mí₂ 'nág₂ chan₂ chi'₂ quiáin₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tín₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'ņio₂ dsí₅ Diú₄. ⁵ Io₅₄ 'nág₂ i₂tě₃dsón'₂ tsá₃ 'ein₂ chan₂ quiáin₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uē₂-jmí₂ mi₂₃ 'e₂ 'nió'₅ quió'₅. ⁶ La₁ ně₁jua'₂ 'io₅₄ 'nág₂ i₂lě₁ņi₅ cuē'₅ o₂'ņi₃ o₂ņia₃ dsí₅ 'ņiog₅ ně₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jě₃ a₂ně₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuin₃ jmig₄ 'ag₃ dsa₂ 'lig'₅₄. ⁸ Ně₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quiain'₅₄ i₂chan₂ quiáin₅, la₁ 'ņio₅ lin₃ guē₄ ně₁jua'₂ tsá₃ tóin'₂ jui₅ i₂chan₂ dsi₂néi₂ quió'₅ 'ņiog₅ ně₃, ma₂dsia₃ cau₅ a₂'ein₂; i₂le₂'éi₂ lín₅ tson₂ guē₄ lia'₂ dsa₂ i₂tsá₃ 'én₂.

⁹ 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lě₅ guē₄ ma₃'nag'₂ ne₂guióg₂ ŋi₂, i₂ma₂ņia₃ jan₂ bá₄ dsi₂l₂gu₂. ¹⁰ 'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jě₁ma₂já₅, jui₁lia'₂ chi₂jua'₂ ma₂ca₂jme₃cain'₅₄ chi'₂-guein₂ quiáin₅, chi₂jua'₂ ma₂qui₂ma₂cuē₃ bá₄ 'ņio₂ dsí₅ dsi₂néi₂ quió'₅ ma₂qui₂ma₂ņia₃ dsa₂, chi₂jua'₂ ma₂ca₂jme₃ti₃ bá₄ ta₁ 'ņio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ guē₄ con'₂ guē₄ riin'₅₄, chi₂jua'₂ ma₂ca₂jme₃oin₅₄ bá₄ i₂chan₂ o₂i₁ dsí₅, chi₂jua'₂ ma₂jmo₃ ca₂le₃jě₃ ne₅₄ a₂dse₃ ně₃. ¹¹ La₁ tsá₃ tē₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ guē₄ ŋi₂, ia₁ jě₁ma₂ca₂lě₃ dsí₅ 'ņio₅ lin₃ guē₄ tón'₂ jui₅ a₂mi₅ dsí₅ con'₂ guē₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃. ¹² Le₂ně₅ bá₄ rě₂cáin'₄ ia₁ tsá₃ ca₂rě₃ti'₅₄ jág₁ quió'₅ a₂ma₂cuē₃. ¹³ Ján₃ guē'₂ con'₂ tsá₃ ŋó₅ ně₁jua'₂ ca₂rě₃tín₃ dsí₅ ŋia'₅₄ i₂nioi₅₄ tē₂juin₂ tsi₁jin₁₂. Ján₃ guē'₂ le₂jaun₂, on₃jua'₅₄ rě'₂ ŋia'₅₄ tñin₂ i₂nioi₅₄ tsi₁jin₁₂, dsi₂lén₂ le₂'í₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tñin₂. ¹⁴ Jaun₂ lě₃ 'nio₃ jniá₂ co₂ņei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅, jui₁lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cuin₃ jmig₄ jmo₃ i₂sě₃dse₃ lě₂ dsí₅ dsa₂ 'ag₃ 'lig'₅₄. ¹⁵ Ia₁ i₂lin₅₄ ma₂i₂lén₂ cau₅, 'ein₂₃ Satanás.

¹⁶ Chi₂jua'₂ chan₂ rin'₅₄ jniog₄ dsa₂ ŋe'₂, o₃ dsa₂ mí₂ 'e₂,† chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ŋí₄ lě₃ guei₂ cán₂ guá'₅, ia₁jaun₂ bá₄ cuin₃

* 5:10 lit. "chi₂jua'₂ ma₂qui₂ma₂rang₃ mi₂tag₄ dsa₂ jnió₅." † 5:16 A₂lin₅₄ chog₅₄ si₂: "Chi₂jua'₂ chan₂ dsa₂ mí₂ rin'₅₄ jniog₄."

jmig₄ lé₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

17 Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lě₅ guě₄ 'nió'₅ jme₃go₃ dsa₂, jág₂ dsa₂ dse₃. La₁ 'njo₅ lin₃ guě₄ ca₂tin₂ dsa₂ jíin₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃. 18 Ia₁ ne₄ Si₂ quió'₅ Diú₄ juá'₂: “Tsá₃ lě₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uí₂ míg₂ trigo.” † Ján₃ guě'₂ le₂jaun₂ juá'₂ Si₂: “Ca₂tin₂ bá₄ dsa₂ i₂jmo₅ ta₁ gue₃ 'liain'₅₄.” §

19 Tsá₃ lě₁tón'₂ jui₅ nē₁jua'₂ chan₂ 'ein₂ dsa₅ dso₄ 'ni₂₃ jan₂ gui'₅₄ can'₅₄ nē₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅. *

20 La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₃jē₄ ja₁le₁ñi'₂ 'nia'₂ ca₂le₃jíng'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. 21 O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jín₃ ángeles i₂ma₂quióin'₂, cuē₅ jniá'₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jíng'₅₄ jma₃quén₅ ríng'₂ a₂jmó'₂ i₂lin₅₄ tē₁jéng'₄, i₂lin₅₄ guē'₂ tsá₃ tē₁jéng'₄. Co₂rē₂ bá₄ tē₁jéng'₄ con'₂ i₂ca₂tin₂ dsí₃jen₅₄. 22 Tsá₃ caun₂ lē₁'ín₅† de'₂ tē₂le₃ dséi₂ dsa₂ i₂jio₃ cán₂ ne₄ jui₅ guá'₅, con'₂ tsá₃ njo₅ nē₁jua'₂ le₃jio₄ 'ne₂ ca₂rē₃cáng'₂ dsáu₁ i₂sián'₂. Jmo₄ 'Í₁ a₂chang'₂ le₁jě₃ tē₂'au'₂.

23 Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma₃'nió'₅ 'ag'₅₄ jmá'₃ jmig₂; 'én'₂ ca₂la₂ vino ján₃.

24 Dso₄ a₂'no₅ dsa₂ i₂lin₅₄ a₂léi₄, jniá'₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lin₅₄ guē'₂ tsá₃ léi₄ dsí₂jui₅. Cang₂ bá₄ rē₂léi₄. 25 Ján₃ guē'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá'₂ bá₄. O₁jñia'₅₄ tsá₃ qui₂rē₂jniá'₂ dsí₂jui₅, tion₅₄ bá₄ rē₂jniá'₂ jui₁la₂ 'ióg₃.

6

1 Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'₅₄ 'iin₃ Diú₄, on₃ guē'₂ 'ē₃ dsa₂ 'lig'₅₄ 'e₂ jme₂tin₁ jniog₄ dsa₂. 2 Chi₂jua'₂ chan₂ juig₅₄ i₂'én₂ nē₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ guě₄ ia₁ lín₅ dsa₂ 'én₂ riin'₅₄. Co₂rē₂ bá₄ 'nió'₅ jme₃gan₃ dsa₂ riin'₅₄ con'₂ riin'₅₄ i₂'én₂ tē₂le₃ quió'₅ Cristo. Tē₂le₃ 'nió'₅ jme₃ti₃ guě₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rin'₅₄ i₂'nió₄. Le₂nē₅ jme₁tin₅ dsa₂, tioen'₂ jág₁ nē₃.

'Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

3 Chi₂jua'₂ chan₂ i₂jme₂tag₅ le₂siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁gui'₅₄ Jesucristo, on₃ guě₄ juá'₅ quió'₅ Diú₄ nē₃, 4 a₂jñia'₅₄ con'₂ jme₂rón₂ 'niog₅ bá₄ dsa₂ 'éi₂, 'i₁ca₂juig₄ tsá₃ 'e₂ ñí'₂ dsí₅. Nē₂jag₄ bá₄ i₂dso'₅₄ bá₄ i₂le₂'éi₂, ia₁ a₂jñia'₅₄ 'nio₃ dsia₃

† 5:18 Deuteronomio 25:4. § 5:18 Lucas 10:7. * 5:19 'Nio'₂ ja₁ton₅ Números 35:30, Deuteronomio 17:6. † 5:22 lit. “Tsá₃ caun₂ dsíá'₁ gog'₂ de'₂ tē₂le₃ dséi₂.”

mi⁵⁴ quian⁵⁴ jág₁. 'Uig⁵⁴ jaun₂ ja₂ uig₅ dsí₅ dsa₂, qui₂tsin₅ dsa₂, qui₂iná₂' dsa₂ jág₁ uig₅ riin⁵⁴, tsá₃ 'e₂ dse₃ jín₂ dsa₂ riin⁵⁴ ně₃. ⁵ Lě₅ bá₄ caun₂ jñia⁵⁴ niog₅ mi⁵⁴ tsá₃ dsian₅ lě₅ jin₄ dsa₂ i₂tsá₃ dse₃ qui₂dsi₂jio₅ dsí₅. Tsá₃ ma₃'e₂ jág₁ dsau₅ cuí⁵; lín₂ quian⁵⁴ juá⁵ a₂jme₂tag₂₃, a₂tě₃dsi⁵⁴ quió⁵. [Co₂dsia₅ jñiag³ cau₅, tsá₃ lě₅'ú₅ quian⁵⁴ dsa₂ i₂le₂'éi₂.]* ⁶ Dsau₅ bá₄ jaun₂ a₂quen₅ juá⁵, la₁ia₁ a₂tě₃dsi⁵⁴ guě₄ lín₃ le₃quió⁵ dsa₂ i₂le₁'ág₄ tei₄ dsí₅, i₂chan₂ ma₂dsau₅ dsí₅ 'e₂ cha₂ quió⁵. ⁷ Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mi₂güig₃ la₂, on₃ guě₂ cha₂ juá⁵⁴ a₂lě₂ le₃quiong⁵⁴ 'i₁caun₂ táng₃. ⁸ Ia₁ ně₁juá² cha₂ bá₄ a₂que⁵⁴, cha₂ bá₄ tsin⁵⁴ jniog₄ ně₃, co₂jaun₂ bá₄ guě₂ jñia⁵⁴ 'nió⁵ le₃'éi₁ jniog₄ tei₄ dsí₅ jmó¹ 'io². ⁹ La₁ jui₁lia² dsa₂ i₂'ín₅ dsí₅ le₃cha₂ cu₄ ně₃, tsi₂séin² dso₄, tsi₂séin² 'ñi³ tsi₁cág⁵ quió⁵ i₂sě₃dsen₃, ne₄ ca₂le₃jě₃ a₂'ín₅ dsí₅ a₂tsá₃ ta₁ tí₄, a₂jmóg² dain⁵⁴, a₂dsi₂'éin₂ ně₃. ¹⁰ Ia₁ a₂ñi₄ lě₃ 'ín₅ dsí₅ dsa₂ le₃cha₂ cu₄, 'uig⁵⁴ jaun₂ lé₂ le₃jio₃ ca₂le₃jě₃ ne⁵⁴ jui₅ 'lig⁵⁴. Chan₂ i₂lín⁵⁴ ia₁ a₂'ín₅ dsí₅ a₂jaun₂, ma₂i₂lén₂ cau₅ jui₅ a₂jme¹'éin₂; a₂'uin⁵⁴ guioin⁵⁴ ma₂chain₂ jmi₁uig₅ 'ñio₅ lín₃.

Dsa₂ i₂quín⁵ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuin⁵⁴ ca₂le₃jě₃ a₂ně₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng² tě₂le₃ quió⁵ Diú₄, caun₂ 'én₂ bá₄, chan² tiá₂ jág₁, caun₂ jme¹'nió₄ ríng², jme₁juin² 'au², jmo₄ meg² ně₃. ¹² Quen² bí₂ dse₃ o₄quió⁴ jág₁ a₂'éin₂ jniog₄, jui₁lia² jan₂ 'lió₂ quín⁵ bí₂ ne₄ 'nei₂. Tio² gog² ja₁le₃chan₂ co₂tan⁵⁴ jme₂dsí₂ quiáng², ia₁ ta₁ jaun₂ ca₂tě₃ Diú₄. Ia₁ dse₃ bá₄ ma₂ñe³ jmo² jin₄ dsa₂, a₂cuě² léi₄ a₂'éng². ¹³ Ně₃ ně₃, jág₅ bá₄ Diú₄ i₂jmo₅ jén³ ca₂le₃jín₃, jág₅ bá₄ Jesucristo ně₃ i₂ca₂jáng³ dse₃ jág₁ dsau₅ ne₄ Poncio Pilato, juig₂ jniá² 'ne₂ ¹⁴ a₂jme¹ti⁴ 'éi³ ně₅ tsá₃ qui₂rě²ió₄ ia₁jaun₂ tsá₃ cuin₅ jmig₄ jua⁵⁴ tě₃jí₂ dsa₂ ca₂lia² ca₂tě₂ jmig₄ i₁guan² Te₁gui⁵⁴ Jesucristo quián₂. ¹⁵ Jě₁ma₂ca₂tě₂ jmig₄ jaun₂, ia₁ jñia⁵⁴ lia² 'ñiog₅ bá₄ Te₁gui⁵⁴ Diú₄ jmo₃. 'Ñiog₅ bá₄ lín₅ i₂jñi³ i₂'uan², i₂lín₅ Rag⁵⁴ quián₅ rag⁵⁴, Te₁gui⁵⁴ quián₅ ca₂le₃jín₃ juig⁵⁴ can⁵⁴ i₂chan₂ ne₄ gua⁵⁴ 'uě₃ la₂. ¹⁶ Jñia⁵⁴ lia² jan₂ 'éi₂ bá₄ i₂chan₂ i₂ca₂lia² o₁líg² jmig₄ tsá₃ jón₂, i₂chan₂ i₂guá₅ ja₁jniá² si₂ ja₁ca₂lia² 'i₁jan₂ tsá₃ 'ein₂ qui⁵⁴ jmig₄ jme₃quián₃, i₂tsá₃ 'ein₂ dsa₂ mi₂güig₃ ma₂jág₂, on₃ guě₂ qui⁵⁴ jmig₄ jág₂. ¡Ca₂tín₂ bá₄ Diú₄ ca₂le₃jě₃ bí₂! ¡Quió⁵ 'éi₂ bá₄ jme₃juag² dsa₂ co₂tan⁵⁴! ¡A₂méi₃! ¹⁷ Jui₁lia² i₂cha₂ cu₄ mi₂güig₃ la₂, chei⁵⁴ tsá₃ lě₁jui₁jmo₁₂ róin₂, on₃ guě₂ jui₁jmo⁵⁴ 'ín₂ dsí₅ le₃quió⁵ cu₄, ia₁ a₂lě₁lé₂ dsí₃'én₂ bá₄ cu₄. Co₂dsia₅ guě₄

* 6:5 A₂lín⁵⁴ chog⁵⁴ si₂ tsá₃ le₁ton₅ jág₁ ně₅.

jmo₅ jui₁jmo₁₂ 'ín₂ dsí₅ të₂le₃ quió'₅ Diú₄ jén'₃ i₂jén'₅ ca₂le₃jě₃ lia'₂
 qui₂rě₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂
 a₂dse₃ 'ñio₅ lin₃, jui₁jmo₁₂ 'ñio₂ dsí₅ jui₁jme₂'oin₅₄ riin'₅₄ quian'₅₄
 'e₂a₂cha₂ ca₂la₂ quió'₅. ¹⁹ Jaun₂le₂ně₅ qui₂dsi₃tsón₃'uig₅₄ ja₁náu₃
 tiá₂ të₂le₃ ne₄ jui₅ ja₁ñó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guě₄ Timoteo jě₁ca₂tó'₂

²⁰ Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lě₁tón'₂
 jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güig₃ i₂tsá₃ 'én₂. Ní₂
 dse₃, tsá₃ tón'₂ jui₅ jág₁ quió'₅ dsa₂ i₂ñí₄ lě₃ 'ñio₅ ñi₅ jmo₅, ia₁
 on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂
 lě₅ juá'₅ dse₃ dsón'₂. ²¹ Ia₁ i₂lin₅₄ dsa₂ i₂ca₂rě₃ 'én₂ jág₁ quió'₅ dsa₂
 le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.

Jui₁jme₂gu'₅₄ bá₄ Diú₄ quiáng'₂.

Co₂ně₅.

Si₂ carta jë₁ca₂të₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui'₅₄ Jesucristo, cheng₅₄ con'₂ nē₅ 'nio₃ Diú₄ bá₄, con'₂ lě₅ jág₁ ca₂cuē₃ Diú₄ jniog₄ a₂le₃chong₂ të₂le₃ quian'₅₄ Cristo Jesús. ² Jmo₅ jniá₂ si₂ la₂ ne'₅₄ 'ne₂ jón₃ quiáng₃ Timoteo, 'nio₃ jniá₂ jui₁chang'₂ bá₄ nēi₂ dsi₅ Diú₄, jui₁jme₂gu'₅₄ bá₄, jui₁chang'₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian'₅₄ Te₁gui'₅₄ Jesucristo quián₂.

'A₂ lia'₂ dsi₂ten₅₄ jáng'₃ dsa₂ jág₁ dsau₅ të₂le₃ quió'₅ Cristo

³ Dsau'₂ dsi₃ co₂tan₅₄ bá₄ 'ne₂ jë₄ chi₂leng'₅₄ Diú₄ lia'₂ 'uë₂-jmi₂. Jaun₂ lě₃ cuē₅ jniá₂ ti₁'mag'₄ jme₂tí₁ ta₁ ne₅₄ a₂ma₂le₁jě₃ a₂qui₂dsi₂jni₅ të₂dsi₃ jui₁lia'₂ ca₂jmo₃ dsa₂ can'₅₄ quiáng₃ ma₂líg'₂. ⁴ Ca₂le₃jě₃ jmi₃ bá₄ dsau'₂ dsi₃ lia'₂ con'₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io'₂. ⁵ Dsau'₂ bá₄ dsi₃, ia₁ 'éng'₂ të₃dsón'₂. Chi₁'io'₄ Loida quian'₅₄ chog'₂ Eunice, ján₃ bá₄ le₂nē₅ ca₂rě₃ 'éin₂ le₂'uig₅₄. Jaun₂ të₃dsón'₂ lín₂ jniá₂ ján₃ bá₄ le₂jaun₂ 'én'₂ 'ne₂.

⁶ Jaun₂ lě₃ juá'₅ jniá₂, cuē'₅₄ bí₂ ca₂le₃jě₃ a₂ma₂cuē₃ Diú₄ të₂'au'₂, a₂lě₅ lia'₂ lě₅ si₂ të₂'au'₂ a₂ca₂ñig'₂ lia'₂ con'₂ jme₁ca₂co₃ jniá₂ gu₃ ne₄ quiáng'₂. ⁷ Ia₁ on₃juá'₅₄ jme₂dsi₂ i₂gó'₅ ma₂cuin₃ Diú₄ jniog₄. Jme₂dsi₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin'₅₄, i₂jmo₃ a₂jme₂'uán₄ dsi₅ guio₅₄. ⁸ Tsá₃ lě₁jmo₂ gueng'₅₄ ja₁jang'₅₄ jág₁ dsau₅ o₄quió'₄ Te₁gui'₅₄ quián₂, on₃ guē'₂ jmo₂ gueng'₅₄ o₄quió₃ jniá₂ ia₁ 'eng₅₄ né₃ 'má₃ o₄quió'₄ 'éi₂. Të₂le₃ guen₅₄ bá₄ ján₃ jë₂ jmi₁uig₅ a₂já₅ o₄quió'₄ jág₁ dse₃, con'₂ lě₅ bí₂ a₂cuē₅ Diú₄ ⁹ i₂ca₂lió₂ jniog₄ ton'₂ ca₂të₃ ia₁jaun₂ le₃chong₂ jniog₄ jnió₅. On₃juá'₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lě₃ dsi₅ 'ñiog₅ ca₂jmo₃ 'ua₁ dsi₅ ca₂rě₃'nio₃ jniog₄ të₂le₃ 'uig₅₄ o₄quió'₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jniá₅ lia'₂ con'₂ tsá₃ mi₂güig₃ ma₂jmo₃. ¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú; ton'₂ ca₂jme₃jnia₂₃ të₂le₃ quian'₅₄ jág₁ dse₃, 'a₂ lia'₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rě₃ 'ín₁ jniá₂, ia₁jaun₂ qui₂i₁'ë₃ jág₁ dse₃ la₂, a₂lěng₂ jan₂ të₅ i₂chen₄ quiáin₅. * ¹² 'Uig₅₄ jaun₂ bá₄ a₂ñag₅₄ ca₂le₃jě₃ ne₅₄ uig₅ la₂. La₁ tsá₃ o₂guí'₃ jéin₅ jniá₂, ia₁ guion₅₄ bá₄

* 1:11 A₂lín₅₄ chog₅₄ si₂ juá'₂ ján₃: "a₂jme₁tin₂₃ dsi₂nau₂."

'ein₂ tē₂le₃ quió'₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅ jniá₂ ta₁ a₂ma₂ca₂dsia₃ gu₃,† ca₂lia'₂ ca₂tē₂ jmig₄ jaun₂.

¹³ Caun₂ jmo₄ bá₄ jui₁lia'₂ ma₂ca₂jme₁ting₂₃ 'ne₂. Jui₁chang'₂ bá₄ 'éng'₂, jme₁'nió₄ ríng'₂ le₃quió'₅ Cristo Jesús. ¹⁴ Quian'₅₄ bí₂ quió'₅ Jme₂dsi₂ quián₅ Diú₄ i₂jio₅ tē₂dsi₅ jnio₄, jmo₄ 'í₁ a₂ma₂dsia₃ Diú₄ gog'₂.

¹⁵ Ma₂ñi'₅₄ bá₄, ca₂le₃jín₃ bá₄ dsa₂ chan₂ 'uē₃ Asia ma₂ca₂téi₂ bá₄ jniá₂, i₂lin₅₄ 'éi₂ Figelo quian'₅₄ Hermógenes nē₃. ¹⁶ Jui₁dsia₅₄ bá₄ Te₁gui'₅₄ ñéi₂ dsí₅ ca₂le₃jín₃ dsa₂ dsi₂néi₂ quió'₅ Onesíforo, ia₁ 'lióng₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rē₃güig'₂ jme₂dsi₂ quió₃. On₃jua'₅₄ a₂jaun₂ gui'₅₄ ja₃jag₅₄ ia₁ a₂'eng₅₄ né'₃ 'má₃. ¹⁷ Tē₂le₃ ca₂o₃'niog'₂ bá₄ jniá₂ jme₁guain₃ Roma. Ca₂lia'₂ ca₂dsáu'₂ bá₄ ca₂jmo₃. ¹⁸ Jui₁dsia₅₄ bá₄ Te₁gui'₅₄ ñéi₂ dsí₅ ja₁coin₂ jē₁ma₂tē₂ jmig₄ jaun₂. Dsá₂ bá₄ 'au'₂ 'ne₂, ca₂jme₃'o₅₄ 'ñio₅ lin₃ jnio₄ lia'₂ con'₂ jme₁tio'₅₄ juig₂ Efeso.

2

Jan₂ 'lióg₂ dsen₃ quián₅ Jesucristo

¹ La₁ 'ne₂ nē₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ tē₂le₃ quian'₅₄ Cristo Jesús. ² Ca₂le₃jě₃ a₂ma₂nei'₂ ma₂juá'₃ jniá₂ tē₃jín₄ juin₅ dsa₂ i₂ca₂tē₂ ne₄, jág₁ jaun₂ dsia₄ gu₂ dsa₂ i₂rē₂ti'₅₄ i₂qui'₅₄ jmig₄ jme₃tin₅ i₂sián'₂ táng₃. ³ 'Nia₂g'₂ guē'₂ nē₃, tiang'₃ jmo₄ ñag'₅₄ uig₅ o₄quió'₄ Jesucristo, jmo₄ bá₄ jui₁lia'₂ ja₁jmo₅ jan₂ 'lióg₂ tió'₃ dsí₅ jui₁lia'₂ jme₁'ein₅₄ ne₄ 'nei₂. ⁴ 'I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁jaun₂ bá₄ lé₂ jme₃ti₃ con'₂ 'ñio₂ dsí₅ juig₅₄. ⁵ Ján₃ bá₄ le₂jaun₂ jui₁lia'₂ dsa₂ i₂co₅, tsá₃ a₁jaun₂ jua'₅₄ a₂lí₂ 'e₂ lí₂ nē₃ jua'₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃. ⁶ Ján₃ bá₄ le₂jaun₂ jui₁lia'₂ dsa₂ i₂jmo₅ ta₁ ja₁nau₂, ca₂tíin₂ bá₄ gue₃ le₂'uig₅₄ con'₂ ca₂tíin₂ jē₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñig'₂ ca₂le₃jě₃.

⁸ Dsau'₂ 'au'₂ jmo₄, tsá₃ jui₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jin₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ě₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió'₅ dsi₃ ñag₅₄ uig₅. Rē₂'ñeg'₅₄ quian'₅₄ ñí₁ cadena co₂jmóg'₂ dsa₂ jui₁lia'₂ ja₁jmá'₂ dsa₂ jan₂ dsa₂ i₂rē₂cán'₄ dso₄ juē'₂. La₁ jág₁ dse₃ quió'₅ Diú₄ nē₃, tsá₃ rē₂'ñe'₅₄ quian'₅₄ ñí₁ cadena. ¹⁰ Jaun₂ bá₄ lē₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsi₃ ca₂le₃jě₃, ia₁jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lē₄ co₂tág₅ co₂'né'₅ co₂tan₅₄.

¹¹ Tē₃dsón'₂ bá₄ dsau₅ a₂la₂:

† 1:12 o₃, "a₂jmo₃ 'í₁ a₂ma₂ca₂dsia₃ jniá₂ gu₂ 'éi₂."

Në₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quian'₅₄.

12 Në₁jua'₂ ca₂náu₂ jniog₄ tiá₂,
ján₃ bá₄ le₂jaun₂ jme₁gon₂ jniog₄ quian'₅₄.

Në₁jua'₂ tsá₃ tión₅ jniog₄ a₂cuin₅,
ján₃ bá₄ le₂jaun₂ tsá₃ 'ag₃ jniog₄ ján₃.

13 Në₁jua'₂ tsá₃ ca₂rë₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Jui₁lia'₂ dsa₂ i₂jme₂ti₃ dse₃ ta₁ ne₄ Diú₄

14 A₂la₂ chei'₅₄ dsa₂ i₂jme₂ting'₁: dsá₂ dsí₅ jui₁jmo₁₂ o₄quió'₄
Te₁gui'₅₄ a₂tsá₃ tsin₃ quian'₅₄ dsa₂, jág₁ a₂tsá₃ ta₁ tí₄, ia₁ në₁jua'₂
tsin₅ dsa₂ ně₃, tsá₃ 'e₂ a₂dse₃ jmo₂₃, jñia'₅₄ con'₂ jmo₂₃ a₂gon₃
a₂'én₂ dsa₂ i₂nag₅ bá₄. 15 Jmo₄ dsen₅₄ 'au'₂ a₂jme₁jñiag'₅ ne₄ Diú₄
a₂léi₄ ma₂ca₂tiang'₃ táu₂ a₂ma₂i₂ñig'₂, a₂líng'₅ jan₂ dsa₂ i₂jmo₅
ta₁, i₂tsá₃ 'e₂ jua'₅₄ cha₂ a₂jéin'₂ o₂gui'₃, i₂jme₂tag₅ rë₂ jág₁ tí₅.
16 Tsá₃ lë₁cuin₅ jmig₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃
ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃lëin₂ ne₄ jui₅ jë₄
cosa 'lig'₅₄. 17 Cosa a₂jme₂tag₂₃ qui₂dsi₂jón₃ lia'₂ jë₁qui₂dsi₂jón₃
caun₂ dso₄ a₂jmo₅ a₂dsa₂ ni₁ñi₁ dsa₂. Le₂në₅ bá₄ ca₂lë₃ quian'₅₄
Himeneo quian'₅₄ Fileto ně₃. 18 Ma₂i₃lëin₂ të₂le₃ cau₅ ja₁tsá₃
tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂të₂ bá₄ jmig₄ a₂jen'₅₄
'lag₄, jmo₂₃ a₂qui₂nió₅ i₂lin₅₄ 'a₂ lia'₂ 'éin₂. 19 La₁ Diú₄ ma₂chi'₃
caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂:
“I₂cuin₅ bá₄ Te₁gui'₅₄ i₂lín₅ dsa₂ quiáin₅”;† jaun₂ ně₃: “Ca₂le₃jín₃
i₂quian₅ lia'₂ chen₂ Cristo‡ ca₂tiin₂ jmo₃ cau₅ ca₂le₃jë₃ ja₁jmo₅
dsa₂ cosa 'lig'₅₄.”

20 Jui₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa
jlá'₁ a₂lë₅ quian'₅₄ cu₄nióg₄ quian'₅₄ cu₄tiog₂ tio'₅₄, ia₁ ján₃ bá₄
tio'₅₄ cosa a₂lë₅ quian'₅₄ ni₁'ma₂, a₂lë₅ quian'₅₄ ti₁gua'₅₄ ján₃.
A₂lin₅₄ a₂lë₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lin₅₄ guë'₂
qui₂jmó'₂ dsa₂ ta₁ lia'₂ 'ei₅ ne₅₄ cosa. § 21 Në₁jua'₂ ca₂jñiá'₃ 'ne₂
ca₂le₃jë₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂
guë'₄ léng'₂ lia'₂ lë₅ caun₂ ni₁uing₅ jlá'₁ a₂lë₅ 'í₁, jaun₂ guë'₄ téng'₃
ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

22 Cuin'₅₄ 'ne₂ ca₂le₃jë₃ ne₅₄ cosa 'lig'₅₄ a₂ja₂ dsí₅ dsa₂ jmo₃
të₁lia'₂ mei'₂. Quian₂ caun₂ jui₅ co₂dsau₅ a₂'éng'₂, a₂'nióg'₃
rínng'₂, a₂'ei₅ tei₄ 'au'₂ quian'₅₄ ca₂le₃jín₃ dsa₂ i₂ma₂le₁jë₃ të₂dsí₅,
i₂jme₂juin'₂ Te₁gui'₅₄. 23 Tsá₃ lë₁tón₂ jui₅ 'e₂ jág₁ tsá₃ ta₁ tí₄
a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi'₅₄, a₂jñia'₅₄ dsiog₅

* 2:12 o₃, “Në₁jua'₂ ñag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃
i₂mi₅ ne₄ Te₁gui'₅₄.” § 2:20 'Nio'₂ ja₁ton₅ Romanos 9:21.

mi⁵⁴ bá₄ a₂jaun₂. ²⁴ Jan₂ dsa₂ i₂jme₂ti₃ ta₁ ne₄ Te₁gui⁵⁴ tsá₃ ca₂tín₂ tsi₃nei₃ jë₄ mi⁵⁴, tē₂le₃ 'nió'⁵ jme₃dsein₃ bá₄ quian⁵⁴ ca₂le₃jín₃. 'Nió'⁵ léin₂jan₂ dsa₂ i₂qui⁵⁴ jmi₄g₄ jme₃tín₂₃ dsa₂, juin² dsí⁵, ²⁵ jmo₃ 'ua₁ dsí⁵ jë₁chein³ juí⁵ rē₂ juí₁lia² dsa₂ i₂nau₂ quen⁵, con² tsá₃ ñó⁵ nē₁jua² ca₂cuē₃ Diú₄ jmi₄g₄ a₂le₃tsín₃ dsí⁵ dsa₂ 'éi₂, ia₁jaun₂ le₂nē₅ le₃cuí⁵ jág₁ tí₅; ²⁶ ia₁jaun₂ líoin₂ 'uíin₃ tsi₁cág⁵ quió⁵ i₂sē₃dsen₃ i₂ca₂jō₃ ia₁jaun₂ jmo₃ a₂ñio₂ dsí⁵ 'éi₂.

3

'A₂ lia² niog₅ lén₂ dsa₂ jmi₄g₄ jë₁ca₂tó²

¹ 'Nió'⁵ le₃ñi⁵⁴ 'ne₂ ján₃, jë₁ma₂ja₂quián₃ jmi₄g₄ jë₁ca₂tó², 'ñio₅ lin₃ le₃gau₂, quian⁵ ta₁ lé₂. ² Jmi₄g₄ jë₁ca₂tó² le₃chan₂ dsa₂ i₂ñia⁵⁴ 'nioi₃ guioin⁵⁴ bá₄ quian⁵⁴ cú₁; le₃chan₂ dsa₂ i₂ñia⁵⁴ jme₃jlán¹ jmo₃ róin₂ guioin⁵⁴; le₃chan₂ dsa₂ i₂lētē₂'o² tē₂'oin² riin⁵⁴; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog⁵⁴-jmei₂ nē₃. Le₃chan₂ dsa₂ i₂tsá₃ 'e₂ ti₁'mag⁴ cha₂ ja₁coin₂, on₃ guē² ma₃jme₃gó³ juá⁵ quió⁵ Diú₄. ³ Le₃chan₂ dsa₂ i₂tsá₃ 'nio₃ rin⁵⁴, i₂tsá₃ ma³'e₂ ñéi₂ dsí⁵ dsa₂ mi₂güí₃ rin⁵⁴; le₃chan₂ dsa₂ i₂tsá₃ ma₃jme₃ti₃ 'e₂ jág₁ lí⁵⁴ quian⁵⁴ riin⁵⁴; le₃chan₂ dsa₂ tē₂jág₁ i₂lë₁qui³'ni₃ rin⁵⁴; le₃chan₂ dsa₂ i₂tsá₃ ñi₅, tsá₃ tñin² 'a₂ lia² jme₃'uán₂ dsí⁵; le₃chan₂ dsa₂ i₂lén₂ juí₁lia² já² tsau₂ dsí⁵; le₃chan₂ dsa₂ i₂le₃'io⁵⁴ ca₂le₃jë₃ cosa dse₃. ⁴ Le₃chan₂ dsa₂ i₂qui₃jín² rin⁵⁴; le₃chan₂ dsa₂ i₂tsá₃ 'en⁵⁴ dsí⁵ jmo₃ tē₂le₃ dséi₂ nē₁'e₂ caun₂ cosa jmo₃ juí₁le⁵⁴ bá₄ 'e₂ ca₂lë₃; 'ñio₅ cain⁵⁴ 'ñio₅ ñi₅ jmo₃; le₃chan₂ dsa₂ i₂'no² jmá³ juí₅ ja₁le₃chain₂ o₂'ñió₃ o₂ñia₃ dsí⁵ bá₄ 'nió'⁴ jme₁'niai² Diú₄. ⁵ Le₃chan₂ dsa₂ i₂jmo₃ a₂ñi₄ lë₃ cuiin²³ Diú₄, la₁ le₃léi₄ bá₄ 'a₂ lia² tē₁i₃nioi⁵⁴ le₃chain₂, tsá₃ 'e₂ bí₂ quió⁵ Diú₄ cha₂ ja₁coin₂.

Co₂dsia₅ jñiag³ cau₅, tsá₃ lë₁'ú₅ quian⁵⁴ dsa₂ i₂le₂'éi₂. ⁶ Jë₄ quió⁵ dsa₂ le₂'éi₂, chan₂ i₂lin⁵⁴ i₂qui₂dsi₂ton⁵⁴ tsi₁'né₅, qui₂jme₂gain²³ 'io⁵⁴ 'uan⁵⁴ i₂qui₂rē₂cán⁴ dsá_{u1} 'ñio₅ lin₃, i₂ma₂lë₅ dsí⁵ jmo₃ ca₂le₃jë₃ guē₄ cosa 'lig⁵⁴. ⁷ Co₂tan⁵⁴ bá₄ jmo₂₃ lia² jmo₅ dsa₂ i₂ñi₄ lë₃ 'nio₃ le₃tin₂ jág₁, la₁ tsá₃ a₁jaun₂ qui⁵⁴ jmi₄g₄ le₃cuí⁵ jág₁ tí₅ dsón². ⁸ Juí₁lia² ca₂jmo₃ on₃ dsa₂ 'lin⁵⁴ i₂jme₁chen₂ Janes quian⁵⁴ Jambres ca₂rē₃'ñiai⁵⁴ Moisés, ján₃ bá₄ le₂jaun₂ 'io⁵⁴ dsa₂ 'éi₂ jág₁ dsau₅ dsón². Dsa₂ i₂le₂'éi₂ nē₃ co₂dsia₅ ma₂ñi² tē₂le₃ jen₅ bá₄ dsí⁵, 'uig⁵⁴ jaun₂ tsá₃ ma²'e₂ tió⁵ a₂le₃ñi² dse₃ dsí⁵ juí₁lia² ja₁ñi² dsí⁵ dsa₂ i₂'én₂. ⁹ La₁ tsá₃ jua⁵⁴ ja₁uíng₂ dsi₁léin₂, ia₁ ca₂le₃jín₃ bá₄ dsa₂ le₃cuig⁵ a₂líin⁵ dsa₂ co₄, juí₁lia² ca₂i₃ñi² le₃on₃ i₂ca₂jme₃'ñia⁵⁴ Moisés.

Jág₁ jë₁ca₂tó² a₂ca₂cuē₃ guē₄ Pa₄ ca₂tsí₃ Timoteo

10 La₁ 'ne₂ ně₃ ma₂ca₂rě₃tíng'₃ bá₄ dse₃ jě₂ lia'₂ lě₅ juá'₅ a₂ca₂jme₁tag₅ jniá₂; ma₂ŋi'₅₄ 'a₂ lia'₂ líng₅, chang₂ ma₂guio₃; ma₂cuíng'₂ bá₄ 'e₂ ta₁ ma₂guio₃ jniá₂ jmo₂₃; 'éng'₂ bá₄ ján₃ 'a₂ lia'₂ 'én₂ jniá₂; jme₂juíng'₁ bá₄ 'au'₂ jui₁lia'₂ ma₂ca₂jme₁juín'₂ jniá₂ dsi₃; jme₂'nióg'₃ bá₄ ríng'₂ jui₁lia'₂ ma₂jmo₃ jniá₂; tiang'₃ bá₄ ján₃ jui₁lia'₂ ca₂tió₃ jniá₂. 11 Ma₂qui₂ma₂'ein₃ dsa₂, ma₂qui₂ma₂ŋag₅₄ uig₅, jui₁lia'₂ ca₂i₃ŋíg₂ juig₂ ciudad Antioquía, juig₂ Iconio quian'₅₄ juig₂ Listra ně₃. Qui₂ca₂co₃'ein₃ dsa₂, la₁ ne₄ ca₂le₃jě₃ a₂ně₅, ca₂lió₂ bá₄ Te₁gui'₅₄. 12 Jaun₂ a₂dsón'₂ bá₄ jaun₂, ca₂le₃jín₃ i₂'nio₃ le₃chan₂ lě₅ 'í₁ quián₅ Cristo Jesús, tion₅₄ le₂jaun₂ dsi₃ŋí₂ uig₅ co₂'ein₃ dsa₂. 13 La₁ dsa₂ 'lin'₅₄ ně₃ quiaín'₅₄ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua'₅₄ le₃chain₂, ia₁ caun₂ le₃'lín'₅₄ bá₄, qui₂jme₃gau₂₃, qui₂rě₂gain₂ guioín₅₄ ně₃.

14 La₁ 'ne₂ ně₃, nau₂ tiá₂ a₂ma₂ca₂rě₃tíng'₃, caun₂ bá₄ 'ei₅ 'au'₂ jág₁ a₂ma₂ca₂rě₃'éng'₂, 'Ŋiag'₂ bá₄ ŋi'₅₄ 'ein₂ ca₂jme₃tag₅. 15 Lia'₂ con'₂ bing'₅₄ bá₄ ma₂ŋe'₃ cuíng'₂ Si₂ jnió₅ quió'₅ Diú₄. Si₂ ně₅ bá₄ a₂jio₃ quiáng'₂, a₂tíng'₄ tě₂le₃ quian'₅₄ Cristo Jesús ia₁ 'éng'₂. 16 Ca₂le₃jě₃ bá₄ Si₂ quió'₅ Diú₄ ca₂lě₃ tě₂le₃ quian'₅₄ Jme₂dsí₂ quiáín₅, a₂tí₅ ta₁ jme₃tag₅ a₂dse₃, těj₂l₂, cheín'₂ dsa₂ caun₂ jui₅ rě₂, jme₃tag₅ 'a₂ lia'₂ i₂'nio₄ dsa₂ jui₅ co₂dsau₅, 17 ia₁ jaun₂ lén₂ dsa₂ quián₅ Diú₄ jan₂ dsa₂ ma₂ron₂, rě₂ rě₂qui₂rě₂'an₂ dsí₅, rě₂ŋia₅ ca₂le₃jě₃ a₂'nió'₅ quió'₅ jaun₂ jmo₃ ca₂le₃jě₃ ne₅₄ a₂dse₃.

4

1 Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lě₅ jág₁ jnió'₂ ja₃goin₂, i₂qui₃dsí₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lě₃ chi₂quian₅₄ jniá₂ jmi₄g₄ 'ne₂: 2 'Ě₃ jág₁ dse₃. Ma₂rě₂jáng'₁ 'nio'₂ jui₅ 'a₂ lia'₂ jme₁tíng'₂ dsa₂ jme₁cuín₅ jmi₄g₄ o₃ tsá₃ cuín₅ jmi₄g₄ 'e₂. Jmó'₂ jme₁'uang'₅₄ dsí₅ dsa₂, těj₂jén₃ dsa₂, tióin'₂ jág₁ dse₃, o₁líg'₂ jmi₄g₄ jua'₅₄ a₂jmó'₂ a₂tsá₃ jme₁juín'₂ 'au'₂ quiaín'₅₄ jě₂jme₂tíin'₂. 3 Ia₁ já₅ jmi₄g₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tě₂le₃ lia'₂ con'₂ lě₅ dsí₅ guioín₅₄ qui₃'nai'₂ juín₅ lín₃ tě₅ i₂jme₃tag₅ j má'₃ a₂'ín₅ dsí₅ guioín₅₄ nag₃ bá₄. 4 Cau₅ bá₄ jéin'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ jui₅ dsi₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. 5 La₁ 'ne₂ ně₃, 'en₅₄ 'au'₂ jmo₄, tiang'₃ jmo₄ ŋag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

6 Jniá₂ ně₃, ca₂tě₂ jmi₄g₄ jě₁o₃'íng₅ mi₂güí₃ la₂, ia₁ ně₃ guě₄ ŋag'₃ dsa₂ jui₁lia'₂ ja₁ŋi'₂ dsa₂ já'₂ i₂jén'₂ dsa₂ ne₄ Diú₄. 7 Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ŋi₃ jniá₂ lia'₂ con'₂ lě₅ jui₅ quió'₅ Te₁gui'₅₄, ca₂dsióg₃ jniá₂ tě₂ jě₁ca₂tó'₂ jui₅; ma₂ca₂j má'₃ tiá₂ a₂'éng₂. 8 Ně₃ guě₄ ně₃ ma₂lě₅ co₂ŋia₅₄ ja₁le₃chang₃ dse₃, co₂'nió'₄ caun₂

corona a₂cuë₃ Te₁gui'₅₄ jmig₄ jaun₂. Ia₁ Te₁gui'₅₄ 'éi₂ bá₄ i₂qui₃dsi₅'éi'₃ co₂rë₂ jmig₄ jaun₂, on₃jua'₅₄ a₂cuë₃ jmá'₃ jan₂ jniá₂ corona; a₂cuë'₃ ca₂le₃jín₃ i₂le₁jniog₅ 'ñio₂ dsí₅ ca₂lia'₂ ca₂të₂ jmig₄ jaun₂ a₂guain'₂ táng₃.

Cuë'₅ jág₁ riin'₅₄ con'₂ ca₂tín₂ guoin₅₄

⁹ Jmo₄ dsen₅₄ 'au'₂ a₂i₁jag'₄ jniá₂ ñi'₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guë₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente guë'₂ ně₃, ma₂ñó₅ jui₅ 'uë₃ Galacia; Tito guë'₂ ně₃ ma₂ñó₅ jui₅ Dalmacia. ¹¹ Ñnia'₅₄ lia'₂ jan₂ Lucas bá₄ i₂quian'₅₄ guë₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ñe'₅₄ quiaín'₅₄, ia₁ téin₅ ta₁ jme₃ti₃. ¹² Tíquico guë'₂ ně₃ ca₂tsín₂ jui₅ juig₂ Efeso. ¹³ Jë₁ma₂të₂ rë₁ñe'₅₄, quian₂ co₂nio₄ tsi₁'mi'₂ dsiog₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rë₂bín₅ quió₃. La₁ 'ñio₅ guë₄ dsen₅₄ 'nió'₅ ni₁lo₁ já'₂ a₂lë₅ tsi₁mi₂si₂.

¹⁴ Alejandro i₂lín₅ të₅ñí₁ 'ñio₅ lin₃ tsá₃ 'e₂ dse₃ ma₂jmo₃'₂. Te₁gui'₅₄ bá₄ qui₃ quió'₅ lia'₂ con'₂ lë₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ queín₅ a₂'io'₅₄ jág₁ dse₃ quián₂.

¹⁶ Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jë₁ca₂cáun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ jui₁quion₂ bá₄ Diú₄ 'í₁ quió'₅ ia₁ ca₂jmo₃'₂ le₂jaun₂. ¹⁷ La₁ 'ñiog₅ bá₄ Te₁gui'₅₄ ca₂jme₃quiong'₅₄ ca₂cuë₃ bí₂ ia₁jaun₂ të₂le₃ quian'₅₄ jniá₂ ca₂rë₃ti₃ ca₂jme₁ting₂₃ dsi₂nau₂, ca₂lia'₂ rë₂'ña₅ jág₁ dse₃. Jaun₂ le₂në₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂. ¹⁸ La₁ Te₁gui'₅₄ bá₄ caun₂ lió₂ guë₄ ia₁jaun₂ tsá₃ dsi₃ñig₂ ca₂le₃jë₃ cosa 'lig'₅₄, jaun₂ jniá₂ i₂lë₅ 'í₁ quiáin₅, të₂ guei'₅₄ i₂juig₃ ja₁goin₂. ¡Jui₁jme₂juag'₂ bá₄ dsa₂ co₂tan₅₄! ¡A₂méi₃!

'Ág'₅ jág₁ jë₁ca₂tó'₂, cuag₂₃ Diú₄ ně₃

¹⁹ Dsian'₄ jniá₂ jág₁ cuíng₅ Diú₄ Priscila* quian'₅₄ Aquila ně₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo ně₃. ²⁰ Juig₂ Corinto bá₄ ca₂ñia₃ Erasto. I₂chen₂ Trófimo guë'₂ ca₂të₁'ña₄ dso'₅₄ jme₁o₃'íng₃ juig₂ Mileto. ²¹ Quen'₂ bí₂ ñe'₅₄ ñi'₅₄ ta₁ né'₃ a₂të₅₄ jein₂ güig₂. Eubulo quiaín'₅₄ Pudente, Lino quiaín'₅₄ Claudia ně₃ quiaín'₅₄ ca₂le₃jín₃ rin'₅₄ jniog₄ dsiáin'₂ jág₁ ne'₅₄ a₂cuin₂₃ Diú₄ 'ne₂.

²² Jui₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄ 'nia'₂.

Co₂në₅.

* 4:19 griego: Prisca.

Si₂ carta a₂ca₂jmo₃ San Pablo ne₄ TITO

Jmo₅ Pa₄ si₂ a₂chein₃ ne₄ Tito

1 Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quión'₂ Diú₄, ia₁jaun₂ le₃cuí'₅ jág₁ tí₅ a₂jjiog₅ jui₅ dse₃, ² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ tē₂jín₁, ca₂cuē₃ jág₁ quió'₅, a₂ca₂i₃jjiog₅ dsí₅ lia'₂ con'₂ né'₃ guē₄ a₂nio₃ mi₂güí₃, a₂le₃chong₂ jniog₄ co₂tan₅₄. ³ Nē₃ guē₄ nē₃, ca₂tē₂ jmi₂g₄ a₂le₃ne₄ jniog₄ jág₁ dse₃ tē₂le₃ quian'₅₄ jág₁ a₂'ē₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia'₂ con'₂ lē₅ 'éi'₃ quió'₅. ⁴ Jmo₅ jniá₂ si₂ la₂ dsiang'₅₄ ne'₅₄ 'ne₂ Tito i₂líng'₅ co₂'nió'₄ jan₂ jón₃ quiáng₃ tē₃dsón'₂, ia₁ 'éin₂ jniog₄ le₃o₃. Jui₁jme₂gu'₅₄ Diú₄ 'ne₂, jui₁'ei₅ tei₄ 'au'₂, jmo₅ Diú₄ Jmei₂ jniog₄, jmo₅ Te₁gui'₅₄ Jesucristo i₂ma₂ca₂lió₂ jniog₄ nē₃.

Ta₁ quió'₅ Tito a₂jmo₃ 'uē₃ Creta

⁵ Ca₂dsián₃ jniá₂ 'ne₂ 'uē₃ Creta ia₁jaun₂ jme₁rē₂ 'ne₂ a₂'nió'₅ lé₂ guē₄ dse₃, a₂dsiáng'₄ dsa₂ can'₅₄ * i₂nio₃ ne₄ jmo₃ 'í₁ le₂caun₂ le₂caun₂ guá'₅ lia'₂ con'₂ lē₅ jág₁ a₂ma₂juá'₃ jniá₂, ⁶ jui₁lia'₂ i₂chan₂ i₂tsá₃ cha₂ jua'₅₄ lé₂ le₃bóg'₂ dsa₂ dso₄, i₂'ñio₅ jan₂ bá₄ dsa₂ mí₂, i₂'ñio₅ chi'₂ quián₅ i₂'én₂, i₂tsá₃ 'e₂ qui₂rē₂'ni₄ jua'₅₄ a₂lē₁qui₂i₂nioi₅₄, jua'₅₄ nau₂ 'nei₂ nē₃. ⁷ Dsa₂ i₂niog₅ gu₂ guá'₅, † ca₂tín₂ ñi₃ le₃ne₄ Diú₄ tsá₃ 'e₂ jág₁ cha₂ jua'₅₄ lé₂ le₃bóg'₂ dsa₂ dso₄, on₃jua'₅₄ i₂tsá₃ jág₁ cán₂, on₃ guē'₂ i₂caun₂ lē₁rē₂'ne₂, on₃ guē'₂ 'nió'₅ lén₂ jan₂ dsa₂ 'en₅, on₃ guē'₂ dsa₂ i₂tín₂ dsí₅ 'no₅ mi'₅₄, on₃ guē'₂ dsa₂ i₂lē₁'nio₃ lí'₂ cu₄ quió'₅ dsa₂ nē₃. ⁸ Tē₂le₃ 'nió'₅ qui₂guein₃ dsa₂ i₂dsi.lén₂ quió'₅. 'Nió'₅ lén₂ jan₂ dsa₂ i₂tē₅ dsí₅ jmá'₃ a₂dse₃, li'₅₄ quió'₅, i₂quian₅ caun₂ jui₅rē₂, i₂jñio₅, i₂con₂ dsí₅ nē₃. ⁹ 'Nió'₅ lén₂ jan₂ dsa₂ i₂chan'₂ tiá₂ jág₁ tí₅ dsón'₂ lia'₂ con'₂ lē₅ ca₂rē₃tín₃, ia₁jaun₂ bá₄ lé₂ le₃cuē'₃ lián'₂ dsí₅ dsa₂ sián'₂ jmá'₃ lia'₂ con'₂ lē₅ juá'₅ dse₃, lé₂ le₃jme₃'uáin₂ dsí₅ dsa₂ i₂juá'₂ 'lig'₅₄ 'ē₂₃ jág₁ dse₃.

¹⁰ Ia₁ juin₅ bá₄ dsa₂ i₂tsá₃ ne'₅₄, i₂dsia₅ jág₁ a₂tsá₃ ta₁ tí₄, i₂jui₁gan₂ nē₃, tē₂le₃ lē₅ guē₄ jē₄ quió'₅ dsa₂ judíos. ‡ ¹¹ Dsa₂ i₂le₂'éi'₂ 'en₄ jne₃ dsa₂ mi₂'o₄, ia₁ ta₁jma₃caun₂ cho'₅₄ dsa₂ dsi₂néi₂ ma₂le₁gáin₃ ma₂le₁'ág₄ caun₂-tín₃ dsí₅ a₂jme₁ma₂'éin₂, ia₁ i₂'éi'₂ i₂nio₄ jme₂tag₂₃ a₂tsá₃ ca₂tín₂ a₂jñia'₅₄ 'nio₃ lí'₂ cu₄ bá₄. ¹² Dsón'₂

* 1:5 griego: presbíteros. † 1:7 griego: episkopos. ‡ 1:10 lit. "jē₄ quió'₅ dsa₂ i₂rē₂uīng₄ lo₄."

bá₄ dsau₅ jui₁lia'₂ ca₂juá'₂ jan₂ dsa₂ go₅₄ guoin₅₄ ma₂lig'₂ jme₁ca₂juá'₂: “Dsa₂ chan₂ Creta 'ŋio₅ lin₃ tē₂jīn₁, līn₅ jui₁lia'₂ līn₅ já'₂ tsau₂ dsí₅, juín'₅, jlén₂ ně₃.” ¹³ Jaun₂ tí₅ bá₄ já₁ ca₂juá'₂ 'éi₂. Jaun₂ lē₃ juá'₅ jniá₂ tē₂jéin₃ 'ne₂ 'ŋio₅ lin₃, ia₁jaun₂ náu₃ táng₃ tsán'₂ tiá₂ já₁ dse₃, ¹⁴ ia₁jaun₂ tsá₃ ma₃tón'₂ jui₅ já₁ a₂lē₁'no'₂ dsa₂ judíos dsí₅ guoin₅₄, on₃ guē'₂ 'nió'₅ tón'₂ jui₅ 'e₂ 'éi'₃ cuē₅ dsa₂ i₂tsá₃ jī'₅₄ já₁ tí₅. ¹⁵ Tē₂le₃ quió'₅ dsa₂ i₂le₁jě₃ tē₂dsí₅, ca₂le₃jě₃ bá₄ cosa ma₂le₁jě₃. La₁ tē₂le₃ quió'₅ i₂dsi₂jio₅ 'lig'₅₄ dsí₅, i₂tsá₃ 'én₂ ně₃, 'i₁caun₂ tsá₃ 'e₂ le₁jě₃. Ia₁ ma₂le₁'ióg₄ a₂dsi₂jio₅ dsi₅₄, le₂jio₅ a₂qui₂dsi₂ŋi₅ dsí₅ ně₃. ¹⁶ Juá'₂ bá₄ a₂cuin₂₃ Diú₄, la₁ tē₂le₃ quian'₅₄ a₂jmo₂₃ guē'₂ ně₃, jáng'₅ léi₄ a₂tsá₃ dsau₅. 'Lig'₅₄ lin₃ bá₄ jmo₂₃ ne₄ Diú₄, 'io'₅₄ já₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia'₂ juá'₅ tí₅ dsón'₂

¹ La₁ 'ne₂ ně₃, chei'₅₄ dsa₂ lia'₂ con'₂ lē₅ juá'₅ dse₃. ² Jui₁lia'₂ dsa₂ can'₅₄, jui₁jmo₁₂ 'en₅₄ dsí₅, tsá₃ caun₂ lē₁līn₅, jui₁jmo₁₂ li'₅₄ quió'₅, jui₁le₂'éin₂ bá₄ juá'₅ dse₃, jui₁jme₂'nioi₃ riin'₅₄, jui₁jmo₁₂ bá₄ juin'₂ dsí₅. ³ Ján₃ guē'₂ le₂jaun₂ tē₂le₃ quió'₅ dsa₂ mí₂ ma₂can'₅₄, jui₁i₂nioi₅₄ ŋjió₅, tsá₃ jui₁'iin₁₂ riin'₅₄ jua'₅₄ a₂lē₁bóg'₂ dso₄, on₃ guē'₂ 'nió'₅ jme₂tiin₂₃ dsí₅ 'ín'₂ ti₁jmíg₃, tē₂le₃ ca₂tiin₂ 'ē₃ caun₂ jui₅ dse₃, ⁴ ia₁jaun₂ lé₂ le₃jme₃tiin₂₃ jui₁lia'₂ 'io₅₄ chi'₂ 'a₂ lia'₂ jme₃'nioi₃ dsi₂i₂gu₂, a₂jme₃'nioi₃ chi'₂-guein₂ quiáin₅ ně₃, ⁵ 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ma₂le₁jě₃ tē₂dsí₅, 'a₂ lia'₂ jmo₃ 'í₁ dse₃ dsi₂néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsi₂i₂gu₂ ně₃, ia₁jaun₂ bá₄ tsá₃ 'ein₂ juá'₂ 'lig'₅₄ 'ē₃ já₁ quió'₅ Diú₄.

⁶ Ján₃ guē'₂ le₂jaun₂ chei'₅₄ dsa₂ ŋe'₂ chi'₂ ca₂tiin₂ jmo₃ 'en₅₄ dsí₅. ⁷ Jniá₅ de'₂ 'ne₂ ca₂ting'₂ 'ē'₅₄ jui₅ dse₃ 'a₂ lia'₂ ca₂tiin₂ jmo₃: A₂jme₁tiin₅ on₃jua'₅₄ a₂cha₂ 'e₂ 'ín₂ 'au'₂, on₃jua'₅₄ a₂caun₂ lē₁líng'₄, ⁸ chei'₅₄ jmá'₃ lia'₂ quian'₅₄ já₁ rē₂ a₂tsá₃ 'ein₂ lé₂ le₃'ē₃ 'lig'₅₄, ia₁jaun₂ le₃gui'₅₄ jui₁lia'₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig'₅₄ jniog₄.

⁹ Jui₁lia'₂ dsa₂ i₂jme₂ti₃ ne₄ juig₅₄, tiin₂ já₁ dse₃ jui₁jme₂ti₃ ca₂le₃jě₃ 'e₂ ta₁ te₂néi'₂ dsa₂ juig₅₄, jui₁jmo₁₂ bá₄ jē₂ a₂tē₅ dsí₅ juig₅₄, tsá₃ 'nió'₅ a₂caun₂ lē₁qui₂ŋag₃ ne₄ 'éi₂. ¹⁰ Tsá₃ 'nió'₅ qui₃ŋiá'₂ 'e₂ cha₂ quió'₅ juig₅₄. Ca₂le₃jě₃ bá₄ 'nió'₅ jmo₃ tí₅ já₁ quió'₅ ia₁jaun₂ bá₄ rē₂ jniá₂ qui₂rē₂lag₄ juá'₅ quió'₅ Diú₄ quián₂ jniog₄ i₂lió₂.

¹¹ Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güí₃, ¹² jme₂tag₂₃ a₂tí₄ jniog₄ ca₂le₃jě₃ a₂'lig'₅₄, ca₂le₃jě₃

a₂'ín₅ dsí₅ dsa₂ mi₂güig₃ la₂; a₂le₃chong₂ jniog₄ mi₂güig₃ la₂ 'en₅₄ dsí₅, quián₁ caun₂ juí₅ co₂dsau₅, qui₂rē₂jín₅₄ jniog₄ ja₁con₂ Diú₄ ně₃. ¹³ Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsí₅ a₂le₃ti₃ jág₁ jlá₁ jaun₂, a₂le₃jniá₂ a₂co₂tág₅ co₂'né₅ quió₅ Diú₄ 'uan₂, Cristo Jesús* i₂lió₂ jniog₄. ¹⁴ 'Éi₂ ně₃, ca₂jín₂ 'ñiog₅ o₄quián₂ jniog₄, ca₂quí₃ ca₂lió₂ jē₄ ca₂le₃jē₃ a₂'lig₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quián₅ 'ñiog₅, a₂dsen₅₄ dsí₅ jmó₁ má₃ a₂dse₃. ¹⁵ Jág₁ ně₅ bá₄ dsia₄ tiá₂ 'au₂ jmo₄ 'éi₃ chei₅₄ dsa₂ qui₁cuē₅₄ bí₂, a₂tē₁jén₄ ně₃. Tsá₃ lē₁cuē₂ jmi₄g₄ jua₅₄ a₂tsá₃ jme₃go₃ dsa₂.

3

Ju₁lia₂ a₂ca₂tín₂ dsa₂ i₂'én₂ jmo₃.

¹ Chei₅₄ 'ne₂ juí₁dsiog₂ bá₄ dsí₅ juí₁tioin₅₄ 'éi₃ quió₅ dsí₂tan₅₄ dsa₂ can₅₄, juí₁nei₅₄ gau₂ jág₁ quió₅, juí₁chain₂ co₂jñia₅₄ a₂jmo₃ ca₂le₃jē₃ ne₅₄ ta₁ dse₃. ² Tsá₃ juí₁'iín₁₂ 'lig₅₄ 'i₁jan₂ dsa₂, tsá₃ 'ein₂ 'en₄ jmái₂ mi₅₄ ně₃. Juí₁lein₅₄ bá₄ dsa₂ juin₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂nē₅ bá₄ jme₁lág₄ jniog₄ guio₅₄ le₂jñiá₅ ján₃, tsá₃ 'en₅₄ dsí₅, tsá₃ né₂ jniog₄ ja₁con₂ Diú₄. I₂jme₁ma₂i₂cón₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rē₂'ñei₅₄ quian₅₄ ca₂le₃jē₃ ne₅₄ cosa 'lig₅₄ jme₁'ín₅ dsí₅ jniog₄ jmó₁. 'Ñio₅ 'lag₅₄ jniog₄ jme₁chong₂. Jme₁uig₅ dsí₅ jniog₄, jme₁'iog₅₄ dsa₂ jniog₄, ton₂ jme₁'ñia₅₄ jniog₄ rin₅₄ le₂jau₂ le₂jau₂. ⁴ La₁ jme₁ca₂jme₃jnia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güig₃, ⁵ jaun₂ ca₂lió₂ jniog₄, on₃jua₅₄ ia₁ 'e₂ dse₃ a₂ma₂jmó₁. Tē₂le₃ 'ñiog₅ bá₄ ca₂dsia₃ néi₂ dsí₅ jniog₄ ca₂lió₂ tē₂le₃ quian₅₄ a₂qui₂ca₂chéi₂ jniog₄, a₂ca₂rē₃chóng₃ táng₃, a₂le₃chong₂ quián₁ caun₂ juí₅ 'mí₂, ca₂jmo₃ Jme₂dsí₂ Jñió₅ ⁶ i₂ca₂tein₃ lia₂ rē₂tsón₂ ne₄ quián₂ jniog₄ tē₂le₃ quian₅₄ Jesucristo i₂lió₂. ⁷ Tē₂le₃ ia₁ a₂'ua₁ dsí₅ ma₂ca₂juá₂ ně₃, dsa₂ ma₂le₃jín₃ bá₄ jniog₄, jaun₂ guéi₂ bá₄. Jaun₂ le₂nē₅ bá₄ 'ín₂ dsí₅ jniog₄ guéi₁ ja₁le₃chong₂ co₂tan₅₄.

⁸ Jág₁ dsau₅ dsón₂ bá₄ ně₅, jaun₂ 'nio₃ jniá₂ caun₂ 'éi₂ 'au₂ caun₂ jme₁tín₅ jág₁ ně₅, ia₁jaun₂ i₂'én₂ le₃quió₅ Diú₄ quín₃ bí₂ jmo₃ a₂dse₃. Ca₂le₃jē₃ cosa ně₅ dse₃, tí₅ ta₁ quió₅ ca₂le₃jín₃. ⁹ La₁ tsá₃ lē₁cuē₂ jmi₄g₄ jua₅₄ a₂lē₁qui₂ñag₃ dsa₂ jág₁ a₂tsá₃ 'e₂ ta₁ tí₄, juí₁lia₂ jág₁ a₂'ín₅ dsa₂ dsa₂ i₂qui₂ma₂ñi₂ ma₂lig₂, juí₁lia₂ jág₁ a₂tsín₅ dsa₂ a₂nio₅ mi₅₄, juí₁lia₂ jág₁ a₂já₅ o₄quió₄ Si₂ 'Éi₃ ně₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Nē₁jua₂ chan₂ jan₂ i₂jmo₅ le₁dson₅₄ dsa₂, te₂ co₂ráun₂, tín₃ ráun₂, 'ě₃ jág₁ chei₅₄ tsá₃ dse₃ jmo₃ le₂jaun₂. Chi₂jua₂ tsá₃ tón₂ juí₅ jág₁ quiáng₂, co₂dsia₅ dsein₅₄ jē₄ quián₂ 'nia₂. ¹¹ Jñia₅₄ lia₂

* 2:13 o₃, "Jesucristo."

co₂ně₅ bá₄ ma₂ca₂rě₃ŋi'₅₄ 'ne₂, dsa₂ i₂le₂'éi₂ ně₃ tsá₃ ma₃'e₂ dse₃
 dsi₂jein₃ dsí₅; tē₂le₃ quian'₅₄ dsáu₁ 'ŋiog₅ bá₄ a₂'liog'₅ quió'₅.

Cuě'₅ jág₁ riin'₅₄ con'₂ ca₂t'in₂ guioin₅₄

¹² Jě₁ma₂tě₂ rě₁tsin₅₄ jniá₂ i₂chen₂ Artemas ne'₅₄, o₃ i₂chen₂
 Tíquico 'e₂, ně₅ i₂ŋe'₂ dsi₂jui₅ i₁jag'₄ jui₅ Nicópolis, ia₁ ja₁jaun₂
 ma₂i₂jiog₅ dsi₃ ŋig₅₄ jein₂ güig₂. ¹³ Zenas i₂chén'₅ ne₄ jág₁,
 quian'₅₄ Apolos ně₃, 'a₂ con'₂ lé₂ quiáng'₂ jme₁'oin₁₂ 'a₂ con'₂
 jŋia'₅₄ len₅ quió'₅ tioen'₅₄ jui₅. ¹⁴ Jui₁le₂tin₂ bá₄ dsa₂ quián₂ jniog₄
 jmo₃ a₂dse₃ jme₂'oin₅₄ riin'₅₄ jui₁lia'₂ jme₁'nió'₅, ia₁ con'₂ tsá₃ ŋó₅
 ně₁tsá₃ 'e₂ dse₃ ca₂rau₂ lia'₂ chain₂.

'Ág'₅ jág₁ jě₁ca₂tó'₂, cuag₂₃ Diú₄ ně₃

¹⁵ Ca₂le₃jín₃ i₂quian'₅₄ jniá₂ ja₁lá₃ chein₂₃ jág₁ a₂cuin₂₃ Diú₄
 'ne₂. Cuin₅₄ Diú₄ ca₂le₃jín₃ i₂'nio₃ jniog₄ i₂'én₂. Jui₁jme₂gu'₅₄ bá₄
 Diú₄ 'nia'₂ ca₂le₃jíng'₃.

Co₂ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né'₃ 'má₃ o₄quió'₄ Cristo Jesús. Jmo₅ jniá₂ si₂ carta la₂ quiang'₅₄ rin'₅₄ jniog₄ Timoteo, ne'₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin'₅₄ jniog₄ Apia, quian'₅₄ Arquipo ně₃, co₂'nió'₄ bá₄ jan₂ 'lióg₂ rin'₅₄ jniog₄, quian'₅₄ ne₄ guá'₅ i₂ŋi'₂ dsi₂néi₂ quiáng'₂. ³ Jui₁jme₂gu'₅₄ bá₄ Diú₄ 'nia'₂, jui₁tion'₄ bá₄ 'nia'₂ 'ei₅ tei₄, jmo₅ Diú₄ Jmei₂ jniog₄ quian'₅₄ Te₁gui'₅₄ Jesucristo.

A₂ lia'₂ jme'₁ nio₃ Filemón rin'₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag'₄ Diú₄, 'ín₅ jniá₂ 'ne₂ jě₁ma₂chi₁ca₂lein'₄ jniá₂. ⁵ Ia₁ ma₂ca₂rě₃guion₅₄ jág₁ a₂'nióg'₃ Te₁gui'₅₄ Jesús, 'éng'₂ bá₄ tē₂le₃ quió'₅, ján₃ bá₄ le₂jaun₂ 'nióg'₃ ca₂le₃jín₃ i₂ma₂tén₅ tē₂le₃ quió'₅ Diú₄.^{*} ⁶ Mi₅ jniá₂ ján₃ a₂jmó'₂ dsen₅₄ 'au'₂ a₂quen'₅₄ a₂'éng'₂ jn₄ dsa₂ sián'₂, ia₁jaun₂ le₃cuí'₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió'₄ Cristo Jesús. ⁷ Njio₅ lín₃ 'io'₂ jéin₅, 'ei₅ lián'₂ dsi₃, ia₁ a₂'nióg'₃ jniá₂, ia₁ 'uig₅₄ quián'₂ 'ne₂ bá₄ rin'₅₄ jniog₄, ma₂qui₂le₁'ág₄ tei₄ dsí₅ dsa₂ i₂'én₂.[†]

Mi₅ Pa₄ ne₄ Filemón a₂jmo₃ 'éi₂ dse₃ dsí₅ le₃quió'₅ Onésimo

⁸ Jaun₂ lě₃, o₁ŋja'₅₄ jme₁ca₂tín₂ jniá₂ le₃quió'₅ Cristo a₂jmo₅₄ 'éi'₃ ne'₅₄ 'ne₂, jui₁lia'₂ 'e₂ dsi₂ten₅₄ jmó'₂, ⁹ la₁ tē₂le₃ ia₁ a₂ŋi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len'₄ jniá₂ 'ne₂, lín₂ jniá₂. Jniá₂ Pa₄ ma₂gueng'₂ 'eng₅₄ né'₃ 'má₃ o₄quió'₄ Cristo Jesús. ¹⁰ Mi₅₄ jmó'₂ dse₃ 'au'₂ tē₂le₃ quió'₅ Onésimo i₂ca₂lín₃ co₂'nió'₄ jan₂ chi'₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo[‡] jan₂ dsa₂ i₂tsá₃ ta₁ tén₄ jme₃ti₃ ta₁ ne'₅₄. La₁ rě₂ně₃ ně₃, ma₂téin₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiaín₅₄ táng₃ jniá₂ ne'₅₄, jaun₂ guein₅₄ bá₄ co₂nio₄ co₂'nió'₄ bá₄ a₂jme₁guéi'₄ jniá₂ 'ŋi₃o₃. ¹³ O₁jñia'₅₄ jme₁'ín₅ dsi₃ jme₁'í₂ guě₄ ja₁lá₃ jme₃ti₃ ta₁ ne₃ co₂'nió'₄ bá₄ a₂jme₁jme₁ti'₄ 'ne₂ tē₁lia'₂ 'eng₅₄ guě₄ né'₃ 'má₃ 'uig₅₄ quió'₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua'₅₄ a₂tíng₂ 'ŋi₃o₃ jua'₅₄ a₂tsá₃ 'ei₅ caun₂ jág₁ quian'₅₄ 'ne₂. Jaun₂ tsá₃ o₁leng'₂ jua'₅₄ a₂chi₂quiong₅₄ jniá₂ jmig₄ a₂jmó'₂ tion₅₄; jaun₂ 'a₂ con'₂ 'ŋio₂ 'au'₂ 'ŋiag'₂ bá₄ 'ne₂. ¹⁵ An₁ Diú₄ bá₄ ca₂cuě₃ jmig₄ ca₂téi₂ Onésimo co₂'na₂ quián'₂ 'ne₂, ia₁jaun₂ guéin'₄ jme₃quiong'₅₄ co₂tan₅₄, ¹⁶ on₃jua'₅₄ ma₃lín₅

* 1:5 lit. "ca₂le₃jín₃ dsa₂ jñi₃o₅." † 1:7 lit. "dsa₂ jñi₃o₅." ‡ 1:11 Jág₁, jui₁lia'₂ chen₂ Onésimo co₂'nió'₄ a₂juá'₂, Dsa₂ i₂tén₅ ta₁, quian'₅₄ jág₁ jmei₅ griego.

ca₂ne₅₄ dsa₂ i₂lë₁jme₂ti₃ ta₁ ne'₅₄, ton'₂ tē₂le₃ dse₃ guē₄ ma₂lín₅
 jan₂ ríng'₂ i₂'nio₃'₃ tē₂le₃ quian'₅₄ jme₂dsí₂. Jniá₂ 'ñio₅ lin₃ 'nió₃,
 la₁ 'ne₂ nē₃ 'ñio₅ lin₃ guē₄ ca₂tíng'₂ jme₁'nió₄'₄ jaun₂ tsá₃ ma₃jín'₅₄
 jui₁lia'₂ ja₁jíng'₄ jan₂ dsa₂ lē₁dsa₂. Jjín₅₄ bá₄ jui₁lia'₂ ja₁jíng'₄ jan₂
 ríng'₂ tē₂le₃ quió'₅ Te₁gui'₅₄.

¹⁷ Le₂nē₅ jaun₂, chi₂jua'₂ dsón'₂ jmo'₂ 'au'₂ a₂lín₅ jniá₂ jan₂
 dsa₂ i₂jmo'₂ ta₁ quiang'₅₄, jaun₂ guein₅₄ bá₄, jmo₄ 'au'₂ co₂'nió'₄
 a₂gué₁'₅ jniá₂ 'ñio₃. ¹⁸ Chi₂jua'₂ 'e₂ dain₅₄ ma₂jmóg'₂, o₃ chi₂jua'₂
 cha₂ a₂rín₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñio₃
 tē₃dsón'₂ quian'₅₄ gu₃. § Jniá₂ bá₄ qui₄, ñja'₅₄ jme₁'nio₃ jniá₂
 jmo₅₄ dsio₂'₂ 'au'₂ a₂ríng'₂ quiáng'₂ 'ñiag'₂ quió₃ ján₃. ²⁰ Jaun₂
 le₂nē₅ bá₄, 'ne₂ rin'₅₄ jniog₄, jmo₄ dse₃ 'au'₂ quian'₅₄ jniá₂ jui₁lia'₂
 dsi₂ten₅₄ jmo₃ dsa₂ i₂'én₂ le₃quió'₅ Te₁gui'₅₄, jmo₄ jui₁le₂güig'₂
 dsi₃ jui₁lia'₂ jan₂ ríng'₂ le₃quió'₅ Cristo.

²¹ Dsian'₄ jniá₂ si₂ la₂ ne'₅₄, ia₁ dsón'₂ bá₄ líng₂ jme₁ti'₄ bá₄
 ca₂le₃jē₃, tē₂le₃ lē₅guē₄ jmó'₂ con'₂ guē₄ a₂juá'₅. ²² Jmo₄ dse₃ 'au'₂,
 jmo₄ co₂ñja₅₄ caun₂ dsi₂né₂ ja₁i₁ñja₁₂, ia₁ 'ín₂ dsi₃ jniá₂ a₂ñág'₃
 Diú₄ a₂mi'₂ 'nia'₂, jmo₃ bá₄ a₂dsió₄ jniá₂ i₁jag₁₂.

Ág'₅ jág₁ jē₁ca₂tó'₂, cuag₂₃ Diú₄ nē₃

²³ Ríng'₃ i₂chen₂ Epafras i₂quiang'₅₄ 'eng₅₄ né'₃ 'má₃ 'uig₅₄
 quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Ján₃ bá₄
 le₂jaun₂ Marcos, Aristarco, Demas quian'₅₄ Lucas nē₃ i₂jme₂'o₅₄
 jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂.

Co₂nē₅.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ të₂le₃ quian'₅₄ Ja₁ñi'₅₄

1 'Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ě₂ të₂le₃ quian'₅₄ dsa₂ i₂ca₂chein₃. 2 La₁ jmig₄ jë₁ca₂tó'₂ rë₂ně₃ ně₃, ma₂ca₂juá'₂ tság₅ jniog₄ të₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güig₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. 3 'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ tē₃dsón'₂ i₂jáng'₅ léi₄ 'a₂ lia'₂ lín₅ Diú₄. Já₁n₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá'₂ guei'₅₄ i₂juíg₃ con₂ Diú₄ të₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guě₄ lia'₂ con'₂ guě₄ ángeles

4 Ma₂ca₂lín₃ Ja₁ñi'₅₄ Diú₄ i₂juin'₂ guě₄ lia'₂ con'₂ guě₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guě₄ lia'₂ con'₂ guě₄ ángeles.

5 Tsá₃ líg'₂ ca₂juá'₂ Diú₄ ca₂tsí'₃ ángeles quiáin₅ 'i₁jan₂ le₂la₂: lín'₅ 'ne₂ chi'₂-guein₂ quiáng₃;

jmig₄ ně₃ ma₂lín₅ jniá₂ ñéi'₅.*

On₃ guě₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guě'₂ lén₂ chi'₂-guein₂ quiáng₃.†

6 La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:

Jui₁jme₂juag'₂ ca₂le₃jín₃ ángeles quián₅ Diú₄.‡

7 Jui₁lia'₂ të₂le₃ quió'₅ ángeles guě'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂tí₃ ne₅₄

co₂'nió'₄ le₁tsí'₅₄ si₂.§

8 La₁ jui₁lia'₂ të₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

9 A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'i₅₄ dsau₅."

ca₂jmo₃ Diú₄ a₂rë₂rin₅ 'au'₂ a₂jmo'₂ 'io'₂.†

¹⁰ Ján₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güí₃;

guei'₅₄ i₂juí₃ guë'₂ ně₃,

ta₁ a₂ca₂lë₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jě₃ a₂në₅,

la₁ 'ne₂ ně₃, con'₂ tan₅₄ bá₄ lín'₅ 'ne₂;

rë₃ 'áu₂ a₂jaun₂ juí₁lia'₂ ni₁tsin'₅₄ dsa₂.

¹² A₂jóng'₅ a₂jaun₂ juí₁lia'₂ jë₁jón'₂ dsa₂ tsi₁'mi'₂.

La₁ 'ne₂ ně₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmig₄ dsiá₃ a₂chan'₂ 'ne₂.‡

¹³ Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.§

¹⁴ Ia₁ lín'₅ ángeles jme₂dsí₂ i₂jme₂'o₅₄ i₂chen₄ a₂jme₂tí₃ ta₁ ne₄
i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ juí₅

¹ 'Uig₅₄ jaun₂ bá₄ tion₅₄ niog₅ tion'₂ jniog₄ juí₅ 'ñio₅ lín₃ guë₄,
jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ juí₅.

² Ia₁ chi₂juá'₂ tion₅₄ jme₁jme₂tí₃ dsa₂ 'éi'₃ jaun₂ a₂ca₂quiog₂
Diú₄ ma₂líg'₂ tē₂le₃ quian'₅₄ ángeles quiáin₅, jaun₂ chi₂juá'₂
qui₂ca₂gue₃ dsa₂ uig₅ 'a₂ con'₂ ca₂tín₂ jme₁ca₂'náu₂ dso₄, ³ ¿'₂
bá₄ lia'₂ lé₂ le₃lió₂ jniog₄ ně₁juá'₂ tsá₃ tion'₂ jniog₄ juí₅ jág₁ a₂ñí₄
lë₃ quen₅ a₂lió₂ jaun₂? Ia₁ 'ñiog₅ bá₄ Te₁gui'₅₄ 'éi₂ i₂ca₂juá'₂
le₂'uig₅₄ jág₁ a₂lió₂ jaun₂. Jaun₂ guë₄ qui₂ca₂cuë₃ jág₁ dsau₅ tság₅
jnia'₅₄ dsa₂ i₂ca₂nág₂.

⁴ Ján₃ bá₄ ca₂cuë₃ Diú₄ jág₁ dsau₅ tē₂le₃ quian'₅₄ léi₄ a₂dsi₃gó'₃
dsí₅ dsa₂ ca₂jmo₃ 'lióng₂ ráun₂, ján₃ bá₄ tē₂le₃ quian'₅₄ Jme₂dsí₂
Jñió₅ i₂ma₂qui₂ma₂cuíin₃ jniog₄ le₂jau₂ le₂jau₂ lia'₂ con'₂ lë₅
a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

⁵ On₃juá'₅₄ o₄gú₃ ángeles ca₂dsia₃ mi₂güí₃ a₂já₅, a₂'ë₂ jnia'₅₄.

⁶ La₁ia₁ cha₂ bá₄ caun₂ ja₁ma₂cuë₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güí₃,

a₂ñí₄ lë₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güí₃,

† 1:9 Salmo 45:6-7. ‡ 1:12 Salmo 102:25-27. § 1:13 Salmo 110:1.

a₂ñí₄ lë₃ tón'₂ 'ne₂ jui₅ 'éi₂?

⁷ Ca₂jmoi'₅₄ ca₂tiá₂ mei'₂ guë₄
con'₂ guë₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ guë₄,
[ca₂dsiain'₅₄ a₂nio₃ gu₂ a₂ca₂jmo'₅₄ 'ne₂ quian'₅₄ gog'₂],*

⁸ ma₂dsia'₅₄ 'ne₂ ca₂le₃jë₃ o₄tag₁₂.†

Jaun₂ në₃, jme₁ca₂dsia₃ Diú₄ ca₂le₃jë₃ o₄tag₄ dsa₂ mi₂güig₃, tsá₃
ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rë₂në₃ në₃, tsá₃
ma₂léi₄ guë₄ a₂niog₅ gu₂ 'éi₂ le₃jë₃.

⁹ La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ guë₄ con'₂
guë₄ ángeles, ca₂rë₃juin'₂, ca₂lín₃ i₂dsen₅₄ guë₄ në₃ ia₁ ca₂i₃ñí₂
uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jín₃, ia₁ a₂'ua₁
dsí₅ Diú₄.

¹⁰ Quió'₅ Diú₄ bá₄ le₃jë₃; tē₂le₃ quian'₅₄ 'éi₂ ca₂lë₃ le₃jë₃.
Jaun₂ 'nio₃ Diú₄ chóin'₂ ca₂le₃jín₃ chi'₂-guein₂ quiáin₅, a₂lén₂ 'éi₂
jláin'₁ co₂lë₅ quiain'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ñia₅
Diú₄ ca₂jme₃'ñiai₂₃ Jesucristo tē₂le₃ quian'₅₄ jmi₁uig₅ a₂ca₂i₃ñí₂
jme₁ca₂niá₃ jui₅ a₂lióin₂ 'éi₂.

¹¹ Ia₁ jui₁lia'₂ i₂jme₂jñi₃ quian'₅₄ i₂rë₂jñi₃ në₃, jan₂ bá₄ Jmei₂
chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tē'₂ dsa₂ 'éi₂ riin'₅₄.

¹² Le₂la₂ juá'₂ ne₄ si₂;

'ñ₄ jniá₂ 'ne₂ jin₄ ríng'₃,

te₂jë₄ ja₁le₁ñi'₂ dsa₂

'ë₅₄ jniá₂ son₅₄ a₂jme₁juag'₂ quiáng'₂.‡

¹³ Ján₃ bá₄ juá'₂:

Caun₂ bá₄ 'ag₁₂ dsi₃ ja₁con₂ 'éi₂.§

Con'₂ siá'₂ táng₃ juá'₂;

ja₁lá₃ bá₄ chén'₅ jniá₂,

ca₂lia'₂ ma₂quian'₅₄ chi'₂-guein₂

i₂ma₂cuin₃ Diú₄ jniá₂.*

¹⁴ Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃
caun₂ jmi₂ 'ain₅₄, ján₃ bá₄ le₂në₅ ca₂tín₂ Jesús caun₂ jmi₂ 'ain₅₄
quian'₅₄ dsa₂ mi₂güig₃, ia₁jaun₂ tē₂le₃ quian'₅₄ 'mú₃ quió'₅ lé₂
le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃jua'₅₄ i₂së₃dsen₃.

¹⁵ Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂
i₂në₂jag₄ bá₄ i₂qui₂rë₂'ñe'₅₄, ia₁ ca₂le₃jë₃ jmi₃g₄ a₂chain₂, gó'₅ 'mú₃
quió'₅.

¹⁶ Ia₁ dsón'₂ bá₄ on₃jua'₅₄ jaun₂ ca₂guain₃ jua'₅₄ a₂jme₃'oin₅₄
ángeles; ta₁ jaun₂ bá₄ ca₂guain₃ a₂jme₃'oin₅₄ tsi₁jon₂ Abraham.

* **2:7** Chog₅₄ si₂ a₂dse₃ guë₄, tsá₃, le₁ton₅ jág₁ a₂tio'₅₄ 'ñi₃o₃ corchetes [le₂la₂]. † **2:8**

Salmo 8:4-6. ‡ **2:12** Salmo 22:22. § **2:13** Isaías 8:17. * **2:13** Isaías 8:18.

17 'Uig⁵⁴ jaun₂, tion⁵⁴ bá₄ ca₂lín₃ ca₂le₃jě₃ jui₁lia'₂ lín₅ dsa₂ mi₂güig₃ riin'⁵⁴, ia₁jaun₂ dsióg₄ léin₂ jan₂ jme₂dsa₂ dsen⁵⁴ i₂ñéi₂ dsí₅, i₂rě₂ti'⁵⁴ ně₃, ia₁jaun₂ jniá'₂ dsáu₁ dsa₂ tē₂le₃ quian'⁵⁴ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂ně₅ qui'⁵⁴ jmi₃g₄ jme₃'oin⁵⁴ jui₁lia'₂ dsa₂ i₂cáun₂ dsa₂ táu₂.

3

Jesús bá₄ i₂dsen⁵⁴ guě₄ con'₂ guě₄ Moisés

1 Le₂jaun₂ 'nia'₂ rin'⁵⁴ jniog₄ i₂ma₂rě₂tson₄ quián₅ Diú₄, 'nia'₂ i₂ca₂tín₂ tē₂ Diú₄ guei'⁵⁴ i₂juíg₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅ jme₂dsa₂ dsen⁵⁴ i₂'ín₅ jniog₄.

2 'Niog₅ Jesús ma₂ca₂rě₃ti'⁵⁴ ja₁con₂ Diú₄ i₂ca₂'ag₃ a₂jmo₃ ta₁ ně₅, jui₁lia'₂ ca₂jme₃ti₃ Moisés con'₂ ta₁ jme₁chéin'₄ ja₁con₂ ca₂le₃jín₃ chi'₂-guein₂ quián₅ Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guě₄ Moisés, jui₁lia'₂ quen₅ guě₄ dsa₂ i₂jmo₅ 'né₅ con'₂ guě₄ tsi'₁ 'né₅ 'ñiog₅.

4 Jui₁lia'₂ caun₂ 'né₅, tion⁵⁴ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jě₃ 'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁ a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo ně₃, rě₂ti'⁵⁴ bá₄ a₂lín₅ Ja₁ñi'⁵⁴ Diú₄ i₂chén'₅ ne₄ ca₂le₃jín₃ chi'₂-guein₂ quián₅ Diú₄. Chi'₂-guein₂ 'éi₂ lág₅ jniog₄ guio⁵⁴ ně₁juá'₂ chan'₂ jniog₄ tiá₂ a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂ bá₄ 'io'₂ jein₂ jniog₄.

7 'Uig⁵⁴ jaun₂, lě₅ jui₁lia'₂ juá'₂ Jme₂dsí₂ Jñió₅ ne₄ si₂: Jmi₃g₄ ně₃ ně₁juá'₂ nag'₂ 'nia'₂ jág₁ quió'₅ Diú₄,

8 Tsá₃ lě₁jme₂'uá'₂ 'nia'₂ 'au'₂ jui₁lia'₂ ca₂jmo₃ i₂lín⁵⁴ ca₂nau₂ 'nei₂ ca₂cain₃ táu₂ Diú₄ 'uě₃ co₂'ñiog₅ jaun₂.

9 Ja₁jaun₂ ca₂caun₃ táu₂ jniá₂ dsa₂ can'⁵⁴ quián'₂ 'nia'₂ ma₂líg'₂, o₁jñia'⁵⁴ ma₂qui₂ma₂jág₃ ta₁ quió'₃ ma₂tē₂láu₃ ñi₂.

10 'Uig⁵⁴ jaun₂ ca₂jén₂ dsi₃ quian'⁵⁴ dsa₂ i₂jme₁chan₂ jmi₃g₄ jaun₂, jaun₂ ca₂juá'₃ jniá₂:

“Con'₂ tan⁵⁴ bá₄ i₂nio₄ dsa₂ ně₅ qui₂dsi₂cón'₅ dsi₅,

tsá₃ 'nio₃ le₃cuí'₅ jui₅ quió₃.”

11 'Uig⁵⁴ jaun₂ ca₂'ín₃ jniá₂ 'ñió₃

jme₁ca₂'í₃ 'nei₂ dsi₃,
a₂tsá₃ dsi₁len₃ 'éi₂

jua'₅₄ a₂jñia₃ ja₁con₂ jniá₂.*

12 Rin'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsi₅, jua'₅₄ a₂'nio₃ náu₃ cau₅ ja₁con₂ Diú₄ jén'₃ ia₁ tsá₃ 'éin₂ jág₁ quió'₅.

13 Të₂le₃ cuë'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmig₄, të₁lia'₂ jiog₅ "jmig₄ nē₃" a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂ 'nia'₂ quian'₅₄ dso₄.

14 Ia₁ i₂ma₂quián₅ Cristo bá₄ jniog₄, nē₁jua'₂ ca₂tián₃ jniog₄ të₂ jë₁ca₂tó'₂ caun₂ bá₄ 'ei₅ dsi₅ jniog₄ jág₁ quió'₅ lia'₂ con'₂ lë₅ jme₁ca₂rë₃'éin₂ le₂'uig₅₄.

15 Ju₁lia'₂ ma₂nē₂juá'₂:

Jmig₄ nē₃, nē₁jua'₂ ca₂nei'₂ 'nia'₂

jág₁ quió'₅ Diú₄,

tsá₃ jme₁'ua'₂ 'nia'₂ 'au'₂,

ju₁lia'₂ ca₂jmo₃ i₂lin₅₄

ca₂nau₂ 'nei₂ ne₄ Diú₄.†

16 ĸ'Ei₂'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂? Ca₂le₃jín₃ dsa₂ i₂ca₂'uín'₂ Moisés 'uë₃ Egipto, i₂'éi₂ bá₄.

17 ĸ'Ei₂ quian'₅₄ ca₂rë₃'né₃ Diú₄ con'₂ të₂láu₃ ñi₂? Quian'₅₄ dsa₂ i₂ca₂'náu₂ dso₄ bá₄, i₂ca₂dsan₃ 'uë₃ co₂'ñiog₅ jaun₂.

18 ĸJa₁con₂ 'ein₂ ca₂cuë₃ Diú₄ jág₁ quió'₅ a₂tsá₃ dsi₁lein₃ jua'₅₄ jñia₃ quiong'₅₄? Ja₁con₂ dsa₂ i₂tsá₃ ca₂nág₂ gau₂ jág₁ quió'₅ bá₄.‡

19 Jaun₂ ne₄ jniog₄, le₂jaun₂ bá₄ ca₂i₃ñi₂: tsá₃ a₁jaun₂ ca₂i₃toin'₅₄, 'uig₅₄ ia₁ a₂tsá₃ ca₂rë₃'éin₂.

4

1 'Uig₅₄ jaun₂, të₁lia'₂ ron₅ guë₄ jág₁ a₂ma₂cuë₃ Diú₄ a₂dsi₁no₃ jniog₄ ja₁dsi₁jñia₁ ja₁coin₂, 'nió'₅ jmó₁ jniog₄ 'í₁ con'₂ tsá₃ ñó₅ nē₁jua'₂ 'ein₂ 'nia'₂ tsá₃ ca₂tíng'₂ ja₁jaun₂.

2 Ia₁ ján₃ bá₄ le₂jaun₂ ma₂ca₂rë₃'ë₂ jág₁ a₂lió₂ ja₁con₂ jniog₄ ju₁lia'₂ ma₂ca₂rë₃'ë₂ ja₁con₂ 'éi₂; la₁ia₁ tsá₃ ta₁ ca₂jmo₃ co₂ñi₂ a₂ca₂nág₂ jág₁, 'uig₅₄ ia₁ a₂tsá₃ ca₂'an₂ dsi₅ jág₁ jaun₂ jua'₅₄ a₂ca₂rë₃'éin₂.

3 La₁ jniog₄ i₂ma₂ca₂rë₃'éin₂ nē₃, dsi₁no₃ bá₄ jniog₄ dsi₁jñia₁₂ ja₁jaun₂ ju₁lia'₂ a₂ma₂juá'₂ Diú₄:

'Uig₅₄ jaun₂ ca₂'ín₃ jniá₂ 'ñi₃ó₃,

jme₁ca₂'í₃ 'nei₂ dsi₃,

a₂tsá₃ dsi₁len₃ 'éi₂

jua'₅₄ jñia₃ ja₁con₂ jniá₂.*

La₁ia₁ ma₂ca₂'i₃ó₃ ta₁ quió'₅ Diú₄ ca₂le₃ ca₂'nio₃ mi₂güí₃.

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números

14:22-23. * 4:3 Salmo 95:11; ján₃ bá₄ le₂nē₅

⁴ Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂të₂ guio₃ jmig₄: “Ca₂jñia₃ Diú₄ jë₁ca₂të₂ guio₃ jmig₄, jme₁ca₂lë₃ ca₂le₃jë₃ ta₁ quió'₅.”† ⁵ Con'₂ siá'₂ táng₃ juá'₂ ne₄ Si₂: “Tsá₃ dsilein₃ jua'₅₄ a₂jñia₃ ja₁con₂jniá₂.”

⁶ La₁ jui₁lia'₂ chan₂ i₂lin₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, ⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'lióng₂ ñi₂ cang₂ jaun₂ ca₂të'₃ “jmig₄ në₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅: Jmig₄ në₃ në₁jua'₂ ca₂nei'₂ 'nia'₂ jág₁ quió'₅ Diú₄, tsá₃ lë₁jme₂'uá'₂ 'nia'₂ 'au'₂.‡

⁸ Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

⁹ Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsijñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ jui₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ jui₅ a₂ca₂i₁no₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ñio₅ chen'₂ con'₂ guë'₄ caun₂ ñi₁tág₂ 'mu₃ le₃tin₃ ton₂, dsí₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ në₃, jme₂jñia₅ ca₂le₃jë₃ 'e₂ dsí₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jniá₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'₂

¹⁴ Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uíg₂ guei'₅₄ i₂juíg₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ ñéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsí₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ñéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

¹ I₂rë₂quion'₅₄ jin₄ dsa₂ mi₂güí₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'ín₄ a₂chéin'₅ ne₄ jág₁ o₄quió'₄ dsa₂ mi₂güí₃ ne₄ Diú₄

† 4:4 Génesis 2:2. ‡ 4:7 Salmo 95:7-8.

ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsáin'₂ já'₂ ně₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güig₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ŋi₅, jui₁lia'₂ dsa₂ i₂ma₂i₂nio₄ cau₅ jui₅ ně₃.

³ 'Uig₅₄ ia₁ a₂lín₅ dsa₂ mi₂güig₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ŋiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ juë'₂ jaun₂ jua'₅₄ a₂le₃'i_{in}₃ 'ŋiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'i_{in}₃ Aarón.*

⁵ Já_n₃ bá₄ le₂ně₅ lě₅ quian'₅₄ Cristo. Tsá₃ ca₂jme₃ju_{iin}'₂ 'ŋiog₅ jua'₅₄ ca₂'i_{in}₃ 'ŋiog₅ a₂lén₂ jme₂dsa₂ dsen₅₄; Diú₄ bá₄ ca₂'ag₃ ta₁ juë'₂ jaun₂. Jaun₂ ca₂juá'₂ Diú₄:

Lín'₅ 'ne₂ chi'₂-guein₂ quiáng₃;

Jm_ig₄ ně₃ ma₂lín₅ jniá₂ ŋéi'₅.†

⁶ Já_n₃ bá₄ le₂ně₅ juá'₂ ja₁siá'₂ táng₃:

Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.‡

⁷ Lia'₂ con'₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

⁸ O₁ŋja'₅₄ jme₁lín₄ Ja₁ŋi'₅₄ Diú₄, ca₂rě₃tín₃ a₂nag₃ gau₂ tē₂le₃ quian'₅₄ uig₅ a₂ca₂i₃ŋí₂.

⁹ Jaun₂ jme₁ca₂rě₃'ŋia₅ quió'₅, jaun₂ guě₄ ca₂liin₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅, ¹⁰ ia₁ Diú₄ bá₄ ca₂'ag₃ a₂lén₂ jme₂dsa₂ dsen₅₄ ca₂ne₅₄ lia'₂ jme₁lín₄ Melquisedec.

Go'₂ ně₃ jua'₂ ca₂tí₂ dsa₂ a₂'éin₂

¹¹ 'Lióng₂ bá₄ jág₁ le₂ně₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tín₅ jnia'₅₄ 'nia'₂ jág₁ ně₅, ia₁ a₂ca₂lín'₃ 'nia'₂ cang₄ dsei'₂.

¹² Ma₂líg'₂ bá₄ ca₂rě₃'én'₂ 'nia'₂ jág₁; rě₂ně₃ le₃jua'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₃tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, ně₂jag₄ bá₄ a₂'nió'₅ 'ag'₅₄ 'nia'₂ jmá'₃ dsi'₅₄, 'nió'₄ a₂jme₁quíg'₂ 'nia'₂ ŋí₅.

¹³ Jaun₂ jui₁lia'₂ dsa₂ i₂'ín'₂ jmá'₃ dsi'₅₄, lín₅ jui₁lia'₂ lín₅ guein₂ i₂tsá₃ lín₄ tín₂ jág₁ quió'₅ jui₅ co₂dsau₅.

¹⁴ Jui₁lia'₂ má₃ quió'₅ dsa₂ can'₅₄ ně₃, lě₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rě₃tín₃ i₂ca₂rě₃ŋi₅ na₂ jui₅ dse₃, na₂ jui₅ 'lig'₅₄ 'e₂.

* 5:4 Aarón: 'Nio'₂ ja₁ton₅ Éxodo 4:14. † 5:5 Salmo 2:7. ‡ 5:6 Salmo 110:4.

6

¹ Jaun₂ ně₃, ju₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ ju₁₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ ju₁lia'₂ jē₂jme₂tsín₃ dsa₂ dsí₅ a₂tsá₃ ma₂jmo₂₃ ju₁lia'₂ a₂jio₂₃ ju₁₅ 'mú₃, ju₁lia'₂ 'a₂lia'₂ rē₂'én₂ dsa₂ jág₁ quió'₅ Diú₄ ně₃; ² tsá₃ ma₃'nió'₅ jua'₅₄ caun₂ jme₁tag₅ jniog₄ ju₁lia'₂ a₂chon₅ dsa₂ jmig₂, ju₁lia'₂ a₂quiog₂ dsa₂ gu₂ ne₄ quió'₅ dsa₂, ju₁lia'₂ a₂jen'₅₄ dsa₂ jin₄ 'lag₄, on₃ guě₄ ju₁lia'₂ a₂qui₃dsi₅ Diú₄ 'éi'₃ co₂tan₅₄ ně₃.

³ Le₂jaun₂ jmó₁ bá₄ jniog₄, a₂dsau₅₄ ne₄ ju₁₅, chi₂jua'₂ jme₃'o₅₄ Diú₄.

⁴ Ia₁ ju₁lia'₂ dsa₂ i₂ma₂ca₂rē₃ñí'₂ dsí₅, dsa₂ i₂ma₂ca₂rē₃cuí'₅ 'a₂lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jnió₅, ⁵ dsa₂ i₂ma₂ca₂rē₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rē₃cuí'₅ bí₂ quió'₅ mi₂güig₃ a₂jiá₃; ⁶ ně₁jua'₂ ca₂i₃lén₂ táng₃ cau₅ ju₁₅, * tsá₃ ma₃lé₂ dsi₁te₁ jniog₄ jaun₂ jéin'₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jin₄ dsa₂ ia₁jaun₂ cán₂ 'éi₂ o₂guí'₃.

⁷ A₂lín₅ dsa₂ 'éi₂lia'₂ lē₅ gua'₅₄ 'uē₃ a₂'ín₅ jmí₅lia'₂ co₂ráun₂ téin₃ ne₄ quió'₅. Ně₁jua'₂ ca₂rau₂ dse₃ gua'₅₄ 'uē₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂le₃jmó'₂ ta₁ 'a₂con'₂ ca₂rau₂, jaun₂ jme₃gu'₅₄ bá₄ Diú₄.

⁸ La₁ ně₁jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uē₃ jaun₂; go'₂ a₂'ě₂ Diú₄ uig₅. Jē₁ca₂tó'₂ jaun₂, dsí'₂ bá₄ dsa₂.

A₂'éin₂ bá₄ jniog₄ jmo₅ a₂tióng₂ tiá₂

⁹ Rin'₅₄ jniog₄, o₁jñia'₅₄ ma₂nē₂jua'₅₄ jnia'₅₄ le₂nē₅, caun₂ bá₄ 'ei₅ dsi₅ jnia'₅₄ a₂jmo'₂ 'nia'₂ dse₃ guě₄ con'₂ guě₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

¹⁰ Ia₁ dse₃ bá₄ dsí₅ Diú₄, tsá₃ jua'₅₄ a₂dsi₃'én₂ dsí₅ ca₂le₃jě₃ a₂ma₂jmo'₅₄ 'nia'₂, quian'₅₄ ca₂le₃jě₃ 'a₂lia'₂ lē₅ a₂'nióí'₃, a₂rē₂jniá₂ ia₁ a₂ma₂jme₂'on'₅₄ 'nia'₂ dsa₂ rin'₅₄ jniog₄ i₂'én₂, ju₁lia'₂ caun₂ jmo'₂ 'nia'₂ rē₂ně₃.

¹¹ 'ñ₅ bá₄ dsí₅ jnia'₅₄ a₂jmó'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tē₂ jē₁ca₂tó'₂, ia₁jaun₂ lén'₄ 'nia'₂ co₂ñei'₅₄ ca₂le₃jě₃ a₂'ín₂ 'au'₂ 'nia'₂.

¹² Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃o₁nó'₅ 'nia'₂ ne₄ ju₁₅ quió'₅ dsa₂ i₂ma₂'én₂ i₂ma₂juin'₂ dsí₅ ně₃ jaun₂ ca₂tín₂ a₂dse₃ lia'₂ con'₂ lē₅ jág₁ quió'₅ Diú₄ a₂ma₂cuē₃.

¹³ Lia'₂ con'₂ jme₁ca₂cuē₃ Diú₄ jág₁ quió'₅ ca₂cuē'₃ Abraham, ca₂'iin₃ 'ñiog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ guě₄ jua'₅₄ i₂'iin₃.

* 6:6 'Nio'₂ ja₁ton₅ 2 Pedro 2:21.

14 Jaun₂ ca₂juá'₂: “Të₃dsón'₂ bá₄ jme₁gu'₅₄ jniá'₂ 'ne₂ 'ñio₅ lín₃, jaun₂ cuín₄ jniá'₂ 'ne₂ juin₅ tsi₁jon₂.”†

15 Juin'₂ bá₄ dsí₅ Abraham ca₂jñia₃, jaun₂ ca₂gue₃ bá₄ lia'₂ con'₂ lë₅ jág₁ a₂jme₁ma₂cuë₃ Diú₄.

16 Ju₁lia'₂ jë₁'in₅ dsa₂ mi₂güí₃ Diú₄, 'in₂₃ ju₁lia'₂ i₂lín₅ i₂juin'₂ con'₂ guë₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂në₅ bá₄ dsan₂ mi₅₄ a₂nió'₅ quian'₅₄ riin'₅₄.

17 Ján₃ bá₄ le₂në₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tín₂ gue₃ lia'₂ con'₂ lë₅ jág₁ a₂ca₂cuë₃, a₂tsá₃ jme₂tsiin₃ 'a₂ lia'₂ dsi₂jio₅ dsí₅ jmo₃ ja₁coin₂. Ca₂'iin₃ 'ñio₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuë₃.

18 Jaun₂ në₃, të₂le₃ quian'₅₄ tin₃ ne₅₄ jág₁ në₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ të₂jün₁, (co₂'nió'₄ le₃jua'₅₄ jág₁ a₂ca₂cuë₃ Diú₄, quian'₅₄ jág₁ a₂ca₂'iin₃ 'ñio₅), jaun₂ gué₁ bá₄ jnio₄ lián'₂ bën₂ ju₁lia'₂ jnio₄ i₂ma₂cuíng₅₄ a₂dsi₁lion₅₄ ja₁coin₂, ia₁jaun₂ chan'₅₄ jnio₄ tiá₂ jág₁ a₂'ín₂ dsi₅ jnio₄.

19 A₂bén₂ bá₄ jág₁ jaun₂ a₂jmo₅ a₂tíong₂ tiá₂ të₂dsi₅ jnio₄, ju₁lia'₂ bën₂ ni₁'lá'₂ quió'₅ ni₁barco jë₁ma₂ca₂quian₃ tiá₂ ca₂të₂ 'uig₅₄ jmi₁ñí'₄. Jág₁ a₂'ín₂ dsi₅ jnio₄ jaun₂, a₂'í₂ bá₄ ca₂të₂ ja₁jñio₅ guë₄ ca₂të₂ 'ñio'₃ 'mi'₂ jñio₅, ²⁰ ja₁ca₂'í₃ Jesús o₄quián₂ jnio₄, ca₂dsiáin'₃ ne₄ ju₁quián₂ jnio₄, ia₁ a₂ca₂lín₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

1 Melquisedec 'éi₂ në₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ në₃ quián₅ Diú₄ i₂juin'₂ guë₄ lín₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'ín₃ Melquisedec ca₂jme₃quiong'₅₄ ca₂jme₃gu'₅₄ quió'₅.

2 Ca₂cuë₃ Abraham ca₂cuë'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jë₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

3 Tsá₃ jág₁ cha₂ jua'₅₄ chan₂ jmei₂ on₃ guë'₂ chog₅₄, on₃ guë'₂ dsa₂ can'₅₄ quiáin₅; ján₃ bá₄ tsá₃ jág₁ cha₂ 'e₂ jmi₄ ca₂rë₃cháin₃, on₃ guë₄ 'e₂ jmi₄ ca₂join₃ në₃. Jaun₂ caun₂ lín₅ jme₂dsa₂ co₂tan₅₄ lia'₂ lín₅ Ja₁ñi'₅₄ Diú₄.

† 6:14 Génesis 22:17.

⁴ Nĕ₃ nĕ₃, quion₂ 'nia'₂ 'í₁, 'ñio₅ lín₃ jme₁juin'₂ Melquisedec, ca₂lia'₂ jñia₅ 'ñiog₅ Abraham, dsa₂ juin'₂ quián₂ jniog₄, ca₂cuĕ'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jĕ₄ 'nei₂.

⁵ Dsau₅ bá₄, lia'₂ con'₂ lĕ₅ 'Éi'₃ quió'₅ Moisés nĕ₃, ju₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tĕin₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jĕ₃ a₂jme₁cha₂ quió'₅, o₁jñia'₅₄ jme₁lín₄ dsa₂ tsi₁jon₂ Abraham riin'₅₄, ju₁lia'₂ lín₅ guoin₅₄ táng₃.

⁶ La₁ia₁ Melquisedec nĕ₃, o₁jñia'₅₄ guĕ₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ nĕ₃ quió'₅ i₂jme₁ma₂ca₂gue₃ jág₁ a₂ma₂cuĕ₃ Diú₄.

⁷ Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guĕ₄ dsa₂ i₂jme₂gu'₅₄ con'₂ guĕ₄ dsa₂ i₂gue₅ a₂jme₂gu'₅₄ jaun₂.

⁸ Jaun₂ jin₄ jniog₄, ju₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ tĕ₂le₃ quió'₅ Melquisedec juá'₂ ne₄ Si₂ 'iin₂₃ 'éi₂ nĕ₂jag₄ bá₄ jan₂ dsa₂ i₂caun₂ chan₂.

⁹ Mei'₂ tsá₃ lé₂ le₃jua'₅₄, ju₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, ju₁lia'₂ i₂gue₅ qui'₅₄ a₂guia₃ rĕ₂nĕ₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guĕ₄ tsá₃ jme₁ma₂chain₂, lia'₂ con'₂ jme₁ca₂cuĕ₃ Abraham qui'₅₄ a₂guia₃ ca₂cuĕ'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tĕ₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ nĕ₃, jua'₅₄ mei'₂ guĕ₃ 'éi₂ ca₂tió'₃ jmo₃ a₂ma₂ron₂ dsa₂ tĕ₂le₃ quian'₅₄ 'Éi'₃ jaun₂, jaun₂ tsá₃ jme₁ma₃'nió'₅ jua'₅₄ a₂jme₁rĕ₃jniá₂ táng₃ jan₂ jme₂dsa₂ sián'₂ i₂ca₂ne₅₄ ju₁lia'₂ Melquisedec, on₃jua'₅₄ ju₁lia'₂ Aarón.

¹² Ia₁ jĕ₁rĕ₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ nĕ₃, ju₁lia'₂ juá'₂ Si₂ le₂nĕ₅ 'iin₂₃ 'éi₂, a₂tĕin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rĕ₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ĕ₂₃ ju₁lia'₂ ta₁ quió'₅ jme₂dsa₂.

¹⁵ 'Ñio₅ guĕ₄ rĕ₂ léi₄ táng₃ jme₁ca₂rĕ₃jniá₂ jan₂ jme₂dsa₂ sián'₂ i₂lín₅ ju₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsi₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

18 Jaun₂ ně₃, co₂ŋei'₅₄ ca₂'ná₂ 'Éi'₃ a₂jme₁lě₄ le₂ŋiá₅, ia₁ a₂tsá₃ jme₁bén₂, a₂tsá₃ ta₁ tí₄ ně₃.

19 Ia₁ tsá₃ ca₂tió'₃ 'Éi'₃ jua'₅₄ a₂jme₃'ŋiai₂₃ ta₁. Tě₂le₃ ca₂rě₃chá₃ quián₂ jniog₄ caun₂ jág₁ a₂dse₃ guě₄ a₂'ín₂ dsi₅ jniog₄, tě₂le₃ quian'₅₄ a₂lě₂ jme₁quián₄ jniog₄ ja₁con₂ Diú₄.

20 Tsá₃ ca₂cuě₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ŋiog₅. Ju₁lia'₂ jme₂dsa₂ le₂ŋiá₅ ně₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

21 La₁ tě₂le₃ quió'₅ Te₁gui'₅₄ quián₂ jniog₄ ně₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂: Ca₂'in₃ Diú₄ 'ŋiog₅,

jaun₂ tsá₃ lé₂ jme₃tsiin₃ dsi₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

22 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li'₅₄ a₂dse₃ guě₄ jaun₂.

23 Ju₁lia'₂ jme₂dsa₂ i₂ca₂rě₃chán₃ gua'₅₄ 'uě₃ ně₃, ju₁in₅ ca₂lín₃, ia₁ tsá₃ ca₂cuě₃ 'mú₃ jmig₄ jua'₅₄ caun₂ lín₅ ta₁ jaun₂.

24 La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con'₂ tan₅₄ bá₄ lín₅ ta₁ jme₂dsa₂.

25 'Uig₅₄ jaun₂ lé₂ le₃lióin₂ co₂ŋei'₅₄ le₃jín₃ i₂jme₂quián₃ ja₁con₂ Diú₄ tě₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

26 Jaun₂ ně₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂ŋi₂ó₅, 'i₁caun₂ a₂'lig'₅₄ tsá₃ 'e₂ cha₂ ja₁coi₂, on₃ guě'₂ dso₄ rě₂cáin'₄, i₂rě₂ŋia'₅₄ cau₅ tsá₃ quian'₅₄ dsa₂ i₂'no₅ dso₄, i₂ca₂ron'₂ guě₄ ŋei₅ con'₂ guě₄ guei'₅₄ mi₂güig₃.

27 Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmig₄, o₄quió'₄ dsáu₁ guioin₅₄ le₂ŋiá₅, jaun₂ guě₄ o₄quió'₄ dsáu₁ dsa₂ juig₂. La₁ia₁ Jesús ně₃ co₂ráun₂ tan₅₄ bá₄ ca₂jmo₃ jme₁ca₂jén'₂ 'ŋiog₅.

28 Jaun₂ Si₂ 'Éi'₃ quió'₅ Moisés ně₃, 'iin₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guě₄ jaun₂, ca₂cuě₃ Diú₄ jág₁ quió'₅ ca₂'iin₃ 'ŋiog₅ jme₁ca₂'iin₃ Ja₁ŋi'₅₄ a₂lén₂ 'éi₂ jme₂dsa₂ dsen₅₄ con'₂ tan₅₄ ia₁ ca₂jme₃'ŋiai₂₃ co₂ŋei'₅₄.

8

Jesús bá₄ i₂chén'₅ ne₄ jág₁ 'mí₂ a₂li'₅₄ quian'₅₄ Diú₄

* 7:17 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ŋi₂ó₃ corchetes [le₂la₂]. † 7:21 Salmo 110:4. Chog₅₄ si₂ a₂dse₃ guě₄ tsá₃ le₁ton₅ jág₁ a₂tio'₅₄ 'ŋi₂ó₃ corchetes [le₂la₂].

¹ A₂la₂ bá₄ jág₁ dsen₅₄ guě₄ a₂ma₂ja₂ná₅ jnia'₅₄ jua'₂: a₂chan₂ bá₄ jan₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juíg₃.

² Ján₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá'₅ jnió'₅ tē₃dsón'₂ a₂ca₂chi'₃ 'ñiog₅ Te₁gui'₅₄, on₃jua'₅₄ a₂ca₂j móg'₃ dsa₂ mi₂güíg₃.

³ Le₃jín₃ jme₂dsa₂ dsen₅₄ rē₂'iin₁ ia₁jaun₂ qui₃jén'₃ 'e₂ cuě'₃ Diú₄, qui₃dsín'₂ já'₂ ně₃ ne₄ Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄'éi₂.

⁴ Jua'₅₄ mei'₂ guě₃ 'éi₂ ně₃, 'ein₅₄ gua'₅₄ 'uě₃, on₃ guě'₂ jme₁lén₂ jme₂dsa₂, ia₁ chan₂ bá₄ guě₄ jme₂dsa₂ i₂qui₂jén'₅ 'e₂ cuě₃ lia'₂ con'₂ lě₅ qui'₅ Si₂ 'Éi'₃ quió'₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá'₅, a₂lě₅ nió'₄ a₂rē₂'uin₄ quió'₅ ja₁jnió'₅ a₂cha₂ guei'₅₄ i₂juíg₃; a₂lě₅ co₂'nió'₄ 'en'₂ a₂cuě₅ léi₄ quió'₅ a₂ma₂já₅. Ma₂ne₄ bá₄ jniog₄ a₂rē₂'uin₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂ Diú₄: "Jag₄ de'₂ tion'₂ jui₅ jmo₄ con'₂ lě₅ nió'₄ a₂ca₂'ě₃ jniá₂ ne₄ má'₂."*

⁶ La₁ia₁ jme₂dsa₂ dsen₅₄ quián₂ jniog₄ guě'₂ ně₃, ma₂ca₂'iό'₃ ta₁ a₂jlá'₁ guě₄ lín₃. Ján₃ bá₄ le₂ně₅ a₂jlá'₁ guě₄ lín₃ jág₁ a₂li'₅₄ a₂chén'₅ 'éi₂ ne₄, ia₁ a₂'iό'₅ 'uig₅₄ bēn₂ a₂dse₃ guě₄ a₂lě₅ jág₁ a₂ma₂cuě₃ Diú₄.

⁷ Ia₁ jua'₅₄ mei'₂ guě₃ jág₁ a₂jme₁li'₅₄ le₂'uig₅₄ tsá'₃ 'e₂ jme₁'nió'₅, jaun₂ tsá'₃ 'uig₅₄ cha₂ jua'₅₄ a₂jme₁lé₂ jág₁ jē₁ca₂tě₂ táng₃.

⁸ Ia₁ Diú₄ ně₃ ca₂dsó'₂ ja₁con₂ dsa₂ 'éi₂ caun₂ a₂tsá'₃ rē₂'ñia₅, jaun₂ ca₂juá'₂:

Jiá₃ caun₂ jmig₄, juá'₂ Te₁gui'₅₄,

a₂jmo₅₄ jniá₂ caun₂ jág₁ 'mí₂

a₂li'₅₄ quian'₅₄ dsa₂ juig₂ Israel

quian'₅₄ dsa₂ juig₂ Judá ně₃.

⁹ On₃jua'₅₄ a₂lé₂ lia'₂ lě₅ jág₁

jme₁ca₂jmo₃ jniá₂ quian'₅₄ dsa₂ can'₅₄ quiáin₅

lia'₂ con'₂ jmig₄ jme₁ca₂tě₅₄ jniá₂

ca₂jmá'₃ gu₂ ca₂'uin'₅₄ 'uě₃ Egipto.

La₁ tsá'₃ ca₂jme₃ti₃ con'₂ lě₅ jág₁ quió'₃

a₂jme₁ca₂jmo₃ jniá₂ quian'₅₄.

'Uig₅₄ jaun₂ bá₄ ca₂téin₃ jniá₂,

juá'₂ Te₁gui'₅₄.

¹⁰ Jág₁ a₂jmo₅₄ jniá₂ quian'₅₄ dsa₂ juig₂ Israel

jē₁ma₂ñi₂ jmig₄ jaun₂ lé₂ le₂la₂, juá'₂ Te₁gui'₅₄:

Co₅₄ jniá₂ 'éi'₃ quió'₃ ja₁'i₄ dsi₄ dsa₂.

Ján₃ bá₄ le₂jaun₂ taun₅₄ jniá₂ né'₃ tē₂dsí₅.

Jaun₂ guě₄ lén₂ jniá₂ Diú₄ quiáin₅,

* 8:5 Éxodo 25:40.

dsa₂ 'éi₂ guë'₂ ně₃ léin₂ dsa₂ juig₂ quiáng₃.

11 Tsá₃ 'nió'₅ jua'₅₄ jme₃tiin₂₃

le₂jan₂ le₂jan₂ dsa₂ go₅₄, on₃ guë'₂ riin'₅₄,

ia₁jaun₂ le₃cuin₂₃ Te₁gui'₅₄,

ia₁ le₃jín₃ bá₄ le₃cuig₅ jniá₂

lia'₂ i₂me'₂ guë'₄ lia'₂ i₂juin'₂ ně₃.

12 Jniá₂ ně₃ a₂ñéi₂ dsi₃ 'éng₄

le₃jě₃ a₂'lig'₅₄ a₂qui₂rě₂cáin'₄,

lia'₂ o₁líg'₂ jmig₄ tsá₃ ma₃dsiog'₂ dsi₃

dsáu₁ dsa₂.†

13 Jui₁lia'₂ jě₁'ě₅ Diú₄ jág₁ 'mí₂ a₂li'₅₄, co₂'nió'₄ a₂jmo₂₃ a₂tsá₃ ma₃ta₁ tí₄ jág₁ a₂jme₁li'₅₄ le₂'uig₅₄. Jui₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄, a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uě₃ la₂, quian'₅₄ guá'₅ a₂cha₂ guei'₅₄ i₂juíg₃

1 Ně₃ ně₃, jui₁lia'₂ jág₁ a₂jme₁li'₅₄ le₂'uig₅₄, jme₁quian'₅₄ 'éi'₃ jui₁lia'₂ 'a₂ lia'₂ jme₁ti₃ dsa₂ ne₄ Diú₄, ján₃ bá₄ jme₁cha₂ caun₂

ja₁jñiós₅ a₂ca₂jmo₃ dsa₂ mi₂güig₃. ² Jui₁lia'₂ guá'₅ tabernáculo

jaun₂: dsi₂néi₂ le₂'uig₅₄ jaun₂ jme₁chí'₄ ni₁ñí₁ a₂le₁dsi₅₄ tag₄

ja₁le₁gui'₂ si₂, quian'₅₄ ni₁mesa₁ ja₁niog₅ i₁ñí'₄ jñiós₅; “ja₁jñiós₅”

jme₁chei₂ dsi₂néi₂ le₂'uig₅₄ jaun₂. ³ Le₃co'₅₄ 'mí'₂ cortina ja₁ca₂tě₂

táng₃, jme₁lě₄ ja₁chei₂ ja₁jñiós₅ Lin₃ Guě₄. ⁴ Ja₁jaun₂ jme₁chí'₄

caun₂ ne₄chei₂ a₂lě₅ jmá'₃ quian'₅₄ cu₄nióg₄ ja₁qui₂dsi'₂ chen₂,

quian'₅₄ tsi₁gu₅ quió'₅ jág₁ a₂li'₅₄ quian'₅₄ Diú₄. Rě₂lióg₃ ta₁caun₂

tsi₁gu₅ quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁ cu₄nióg₄

a₂jme₁tio'₅₄ i₁ñí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂

tsin₅ ně₃. Ján₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂li'₅₄

quian'₅₄ Diú₄. ⁵ Ne₄ tsi₁gu₅ jaun₂ jme₁tión₂ le₁jné₅ querubines,

co₂'nió'₄ léi₄ a₂tág₅ co₂'né'₅ quió'₅ Diú₄. Jme₁le₁jné₅ qui₂rě₂jlě₅

quian'₅₄ tsi₁rě₂cu₅ ja₁'én₂ Diú₄ dsáu₁ dsa₂. La₁ia₁ tsá₃ jě₄ jua'₅₄

le₃jua'₅₄ guě₄ jnia'₅₄ jág₁ 'lióng₂ jui₁lia'₂ ca₂le₃jě₃ a₂ně₅, ne₄ si₂ la₂.

⁶ Jme₁ma₂lě₅ co₂jnia₅₄ le₃jě₃ a₂jaun₂ ně₃, jaun₂ guě₄

qui₂dsi₂ton'₅₄ i₂gú'₃ jme₂dsa₂ dsi₂néi₂ le₂'uig₅₄ qui₂dsi₂jmó₂ lia'₂

con'₂ lě₅ ta₁ a₂lín₅. ⁷ La₁ia₁ jě₁ca₂tě₂ táng₃ dsi₂néi₂, dsi₂'í₂ jnia'₅₄

lia'₂ jme₂dsa₂ dsen₅₄ co₂ráun₂ lia'₂ caun₂ ñi₂, la₁ tsá₃ 'í₂ jua'₅₄ tsá₃

quian₅ jmi₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄

dsáu₁ dsa₂ juig₂ a₂ca₂'náu₂ tě₃ tsá₃ ñi₅. ⁸ Le₂ně₅ jme₁jme₂jniá₂

Jme₂dsí₂ Jñiós₅, a₂tsá₃ jme₁ma₂rě₂na₄ guě₄ juí₅ ja₁dsi₃ton'₅₄ dsa₂

ja₁jñiós₅ lin₃ guě₄, tě₁lia'₂ jme₁chí'₄ guě₄ guá'₅ le₂'uig₅₄. ⁹ Co₂'nió'₄

a₂jáng'₅ léi₄ a₂la₂, jui₁lia'₂ quió'₅ jmig₄ rě₂ně₃, ia₁ le₃jě₃ a₂cuě'₃

dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ ně₃,

tsá₃ a₁jaun₂ tíó'₅ le₃ñia₅ dsa₂ jua'₅₄ a₂jñiá'₂ a₂qui₂dsi₂jñi₅ dsí₅.

† 8:12 Jeremías 31:31-34.

10 Jñia'₅₄ lia'₂ jaun₂ bá₄ ta₁ quí'₅ le₃jé₃ a₂jaun₂ jui₁lia'₂ 'a₂ lia'₂ lě₅ má₃ a₂gué'₅ dsa₂, a₂'ín'₂ dsa₂, quian'₅₄ le₃jé₃ gué'₄ 'e₂ a₂jmo₂₃ a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tíá₂, ca₂lia'₂ jme₃rě₃ Diú₄ le₃jé₃.

Ta₁ a₂quí'₅ jmi₄ Cristo

11 La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quíó'₅ le₃jé₃ a₂dse₃ a₂ma₂o₂lé₂. Ma₂ca₂'í₃ guá'₅ jlá'₁ gué'₄ a₂rě₂'ñia₅, on₃jua'₅₄ a₂ca₂jmo₃ dsa₂ mi₂güí₃. Co₂'nió'₄ le₃jua'₅₄, on₃jua'₅₄ quió'₅ mi₂güí₃ la₂. 12 On₃jua'₅₄ a₂ca₂'í₃ tē₂le₃ quian'₅₄ jmi₄ chein₄ lau₂ on₃ gué'₄ quian'₅₄ jmi₄ guein₂ ca₁jui₅ ně₃, la₁ tē₂le₃ quian'₅₄ jmi₂ 'ain₅₄ 'ñiog₅ bá₄ ca₂'í₃ ja₁jñió₅ gué'₄ co₂rāun₂ tan₅₄, jaun₂ le₂ně₅ bá₄ ca₂'náu₂ a₂lió₂ jniog₄ co₂tan₅₄. 13 Dsón'₂ bá₄ dsau₅ quí'₅ ta₁ jui₁lia'₂ jmi₄ ca₁jui₅, quian'₅₄ jmi₄ chein₄ lau₂, quian'₅₄ ti₁juá₃ quió'₅ guein₂ ca₁jui₅ i₂qui₂dsin'₂ ne₄chei₂, a₂qui₂rě₂séi₂ ne₄ quió'₅ dsa₂ i₂tsá₃ le₁jín₃. Quí'₅ ta₁ a₂jme₃jñió₃ jui₁lia'₂ dsa₂ i₂ma₂le₁jín₃ le₃co'₅₄. 14 La₁ ja₂lín₃ gué'₄ quen₅ jmi₄ Cristo i₂ca₂jéin'₂ 'ñiog₅ ne₄ Diú₄ tē₂le₃ quian'₅₄ Jme₂dsí₂ i₂chan₂ co₂tan₅₄, ca₂join₃ tē₃ tsá₃ 'e₂ rě₂cáin'₄. Quian'₅₄ jui₅bí₂ jmi₄ Cristo a₂jmo₅ le₁jé₃ tē₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅ 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

15 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂lí'₅₄ * quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃ a₂ca₂tíin₂ a₂jio₅ co₂tan₅₄ con'₂ lě₅ jág₁ a₂ma₂cuē₃ Diú₄ a₂cuē₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁lí'₅₄ gué'₄ jág₁ le₂'uig₅₄.

16 Jui₁lia'₂ ja₁ron₅ jág₁ a₂ma₂quiog₂ dsa₂ né'₃ gué'₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. 17 Jaun₂ lě₃, tsá₃ ta₁ tí₁ jág₁ le₂jaun₂ tē₂lia'₂ ně₅ bá₄ chan₂ dsa₂ i₂ca₂jmo₃; jñia'₅₄ lia'₂ jē₁ma₂ca₂join₃ bá₄ quí'₅ ta₁. 18 'Uig₅₄ jaun₂, jág₁ a₂jme₁lí'₅₄ ně₃, tsá₃ ca₂quí'₃ ta₁ jua'₅₄ tsá₃ ca₂tang₂ jmi₂. 19 Ia₁ cang₂ jme₁ma₂ca₂'ě₂ Moisés ca₂le₃jé₃ jág₁ quió'₅ 'Éi'₃ Juá'₅ ca₂'ě'₃ dsa₂ juig₂, jaun₂ gué'₄ ca₂can₃ ni₁jñi₂ guéin₂ quió'₅ já'₂ cha'₂, quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄ jmi₄ guein₂ ca₁jui₅ quian'₅₄ jmi₄ chein₄ lau₂ a₂rě₂cón'₅ quian'₅₄ jmi₂, † jaun₂ gué'₄ ca₂séi₂ lia'₂ ne₄ si₂ a₂rě₂bin₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ ně₃. 20 Jaun₂ gué'₄ ca₂tsí'₃ dsa₂ juig₂: "A₂la₂ bá₄ jmi₂ quió'₅ jág₁ a₂ma₂lí'₅₄ quian'₅₄ Diú₄, lia'₂ con'₂ lě₅ 'éi'₃ a₂ma₂jmo₃ Diú₄ quián'₂ 'nia'₂." ‡ 21 Ján₃ bá₄ ca₂séi₂ Moisés quian'₅₄ jmi₂ jaun₂, guá'₅ tabernáculo quian'₅₄ le₃jé₃ gué'₄ a₂j mó'₂ dsa₂ ta₁ guá'₅. 22 Dsón'₂ bá₄ jaun₂, con'₂ lě₅ ta₁ quí'₅ Si₂

* 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25.

† 9:19 'Nio'₂ ja₁ton₅ Juan 19:34. ‡ 9:20 Éxodo 24:8.

'Éi'₃, mei'₂ tsá₃ le₃jě₃ bá₄ 'nió'₅ qui₂le₃chí₂ quian'₅₄ jmi₂. Jaun₂ tsá₃ o₂én₂ dso₄ cha₂ jua'₅₄ tsá₃ qui₂l₂'o₅₄ jmi₂.

Jmi₂ a₂ca₂jén'₃ Cristo bá₄ jjiá'₂ dsá_{u1} dsa₂

²³ Jaun₂ lě₃, tion₅₄ bá₄ qui₂le₃chí₂ le₂ně₅ quian'₅₄ jmi₄ já'₂ ca₂le₃jě₃ a₂jaun₂ a₂qui₂rě₂'u_{n4} jui₁lia'₂ quió'₅ guei'₅₄ i₂juíg₃. La₁ia₁ ca₂le₃jě₃ a₂ně₅ a₂cha₂ guei'₅₄ i₂juíg₃ ně₃, tion₅₄ 'nió'₅ séi₂ quian'₅₄ jmi₂ a₂dse₃ guě₄ con'₂ guě₄ a₂jaun₂. ²⁴ Ia₁ on₃jua'₅₄ a₂ca₂'í₃ Cristo dsi₂néi₂ ja₁jñi₅ jaun₂ a₂rě₂lag₄ quian'₅₄ gu₂-tag₄ dsa₂ mi₂güig₃, a₂rě₂'u_{n4} quió'₅ ja₁jñi₅ 'ñiog₅ dsón'₂, la₁ tē₂le₃ co₂dsau₅ guei'₅₄ i₂juíg₃ 'ñiog₅ dsón'₂ bá₄ ca₂'í₃, ja₁qui₂jme₂jñiai₂₃ jmi₄ rě₂ně₃ ne₄ Diú₄ o₄quián₂ jñiog₄. ²⁵ Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jén'₂ 'ñiog₅ jui₁lia'₂ dsi₂'í₂ jme₂dsa₂ dsen₅₄ ja₁jñi₅ guě₄ lia'₂ caun₂ ñi₂ a₂qui₂dsi₂jén'₅₄ jmi₄ i₂sián'₂. ²⁶ Jua'₅₄ mei'₂ guě₃ le₂jaun₂ ně₃, tion₅₄ bá₄ jme₁'nió'₅ jóin₂ 'lióng₂ ráun₂ ca₂le₃ ca₂nio₃ mi₂güig₃. La₁ia₁ le₂la₂ bá₄ lě₅ jui₁lia'₂ rě₂ně₃, a₂jě₁ma₂ca₂dsin₃ jmi₄, ca₂jme₃jñiá₂ Cristo co₂ráun₂ tan₅₄ bá₄ ia₁jaun₂ lé₂ le₃jñiá'₂ dsá_{u1} dsa₂ tē₂le₃ quian'₅₄ a₂ca₂jén'₂ 'ñiog₅. ²⁷ Jaun₂ jui₁lia'₂ co₂ráun₂ bá₄ ca₂tín₂ dsa₂ mi₂güig₃ dsiáin₃, jaun₂ cang₂ jaun₂ jiá₃ jmi₄ jě₂tě₃ dsi₅₄ 'éi'₃, ²⁸ ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsá_{u1} dsa₂ mi₂güig₃. Cang₂ guě₄ jaun₂ jme₃jñiai₂₃ jě₁ca₂tě₂ táng₃, la₁ on₃jua'₅₄ 'uig₅₄ dsá_{u1} dsa₂, a₂ja₃lioin₅₄ jui₁lia'₂ i₂qui₂le₁jñiog₅ bá₄.

10

¹ Ia₁ Si₂ 'Éi'₃ quió'₅ Moisés ně₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂, on₃jua'₅₄ rě'₂ 'a₂ lia'₂ lě₅ dsón'₂. 'Uig₅₄ jaun₂, lia'₂ o₁líg'₂ jmi₄ tsá₃ tió'₅ 'Éi'₃ jaun₂ jua'₅₄ a₂jme₃'ñiai₂₃ jui₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂ qui₂jén'₃ jmi₄ já'₂ le₂jaun₂, lia'₂ 'í₂ ñi₂.

² Jua'₅₄ mei'₂ guě₃ tió'₅ le₂jaun₂, ¿tsa₁ jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂ 'nia'₂? Ia₁ tsá₃ ma₃'e₂ qui₂dsi₂jñi₅ dsi₅ dsa₂ dsá_{u1} i₂jme₂ti₃ le₂jaun₂ jě₁ma₂ca₂rín'₂ jme₂dsí₂ quió'₅.

³ Tē₂le₃ qui₂dsau'₂ dsi₅ bá₄ dsa₂ lia'₂ 'í₂ ñi₂ a₂jén'₂ já'₂ a₂qui₂rě₂cáin'₄ dso₄, ⁴ ia₁ tsá₃ lé₂ jñiá'₂ dsá_{u1} dsa₂ jui₁lia'₂ jmi₄ ca₁jui₅ quian'₅₄ jmi₄ chein₄ lau₂.

⁵ 'Uig₅₄ jaun₂, lia'₂ con'₂ jme₁ca₂'í₃ Cristo mi₂güig₃, ca₂juá'₂ ca₂tsí'₃ Diú₄:

Tsá₃ 'niog'₂ a₂qui₃jén'₂ dsa₂ já'₂ ne'₅₄,
on₃ guě'₂ 'niog'₂ 'e₂ jme₁cuě'₅ dsa₂ 'ne₂.

La₁ ca₂jmo'₅₄ co₂jñia₅₄ quió'₃
caun₂ ñi₄ dsa₂ mi₂güig₃.

⁶ Tsá₃ ca₂tě₂ 'au'₂ a₂qui₂dsín'₂ dsa₂ já'₂,
on₃ guě₄ ca₂tě₂ 'au'₂ 'e₂ a₂qui₂ca₂cuě'₃ dsa₂ 'ne₂

o₄quió'₄ dsáu₁ dsa₂.

7 'Uig₅₄ jaun₂ ca₂juá'₃:

“Jag₄, la₂ guio₃, jmo₅₄ a₂'ñio₂ 'au'₂ 'ne₂,

Diú₄ quiáng₃,

juí₁lia'₂ chí₁ton₅ ne₄ sí₂ a₂rë₂bin₅,

a₂'ag₂₃ jniá₂.”*

8 Le₂'uig₅₄, juá'₂: “Tsá₃ 'nio₃ Diú₄ on₃ guë'₂ të₅ dsí₅ a₂qui₃jén'₂ dsa₂ já'₂ ne₅₄, on₃ guë'₂ juí₁lia'₂ a₂jme₁cuë'₅ dsa₂ Diú₄ o₄quió'₄ dsáu₁ dsa₂”, (o₁jñia'₅₄ jén'₃ dsa₂ lia'₂ con'₂ qui'₅ 'Éi'₃ a₂'nió'₅ jmo₃ dsa₂).

9 Jaun₂ ně₃, cang₂ guë₄ jaun₂, juá'₂: “La₂ guio₃ jmo₅₄ a₂'ñio₂ 'au'₂ 'ne₂, Diú₄ quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chí'₃ já₁g₁ jë₁ca₂të₂ táng₃.

10 'Uig₅₄ ia₁ a₂ca₂jmo₃ Jesucristo a₂'ñio₂ dsí₅ Diú₄ jaun₂, ma₂ca₂rë₃jñio₄ jniog₄ jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄.

11 Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂ tsá₃ tió'₅ guë'₂ 'éin₂ dsáu₁ dsa₂.

12 La₁ Jesucristo ně₃, jme₁ma₂ca₂jén'₂ 'ñiog₅ co₂ráun₂ tan₅₄ jaun₂ o₄quió'₄ dsáu₁ dsa₂, jaun₂ guë₄ ca₂guá₂ të₂le₃ gu₂ ne₁ Diú₄.

13 Ja₁jaun₂ guá₅ chí₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chí'₃ tag₅₄ quian'₅₄ quió'₅ dsa₂ i₂'iog₅₄ quió'₅.

14 Ia₁ të₂le₃ quian'₅₄ a₂ca₂jén'₂ co₂ráun₂ jaun₂, ca₂rë₃'ñia₅ co₂tan₅₄ dsa₂ i₂lë₅ 'í₁ quiáin₅.

15 Já₃ bá₄ le₂jaun₂ jáng'₅ já₁g₁ dsau₅ Jme₂dsí₂ Jñió₅. Ca₂juá'₂ le₂'uig₅₄:

16 Já₁g₁ a₂jmo₅₄ jniá₂ a₂lí'₅₄ quian'₅₄ dsa₂ 'éi₂

cang₂ jmig₄ jaun₂,

lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ të₂dsí₅ dsa₂ 'éi₂.

Já₃ bá₄ taun₅₄ jniá₂ ja₁'i₄ dsi₅₄ táng₃.†

17 Cang₂ guë₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsí₃ jniá₂

dso₄ a₂jme₁rë₂cáin'₄,

on₃ guë'₂ 'e₂ a₂'lig'₅₄ a₂ma₂jmo₃.‡

18 Jaun₂ ně₃, chí₂juá'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ guë₄ dsa₂ o₄quió'₄ dsáu₁.

Ma₃ jme, quián₄ jniog₄ ja₁ con₂ Diú₄

19 Jaun₂ lë₃, rin'₅₄ jniog₄, 'uig₅₄ ia₁ a₂ma₂lé₂ dsí₁tió'₄ jniog₄ caun₂ bá₄ 'ei₅ dsí₅ ca₂të₂ ja₁jñio₅ lin₃ guë₄ të₂le₃ quian'₅₄ jmí₄ Jesucristo, 20 të₂le₃ quian'₅₄ juí₅ 'mí₂ jén'₃ a₂ca₂niá₃ 'éi₂ ně₂ jag₄ bá₄ të₂le₃ quian'₅₄ 'mí₂ cortina, co₂'nió'₄ le₃juá'₅₄ të₂le₃ quian'₅₄

* 10:7 Salmo 40:6-8. † 10:16 Jeremías 31:33. ‡ 10:17 Jeremías 31:34.

ni₁ŋi₁₂ 'ŋiog₅, ²¹ já₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ ŋiog₄ i₂niog₅ gu₂ dsa₂ quián₅ Diú₄, ²² 'uig₅₄ jaun₂ ně₃, ma₃ jme₁quián₄ ŋiog₄ ja₁con₂ Diú₄ ca₂le₃jě₃ ds_{i5} ŋiog₄, caun₂ bá₄ 'ei₅ ds_{i5} a₂'éin₂, a₂tsá₃ ma₃'e₂ qui₂dsi₂ŋi₅ ds_{i5} ŋiog₄, ně₂jag₄ bá₄ a₂ma₂qui₂le₁ch₄ a₂ma₂qui₂le₁séi₂ ds_{i5} ŋiog₄. Já₃ bá₄ le₂jaun₂ co₂'nió'₄ a₂ma₂ca₂rin'₂ ni₁ŋi₁ ŋiog₄ quian'₅₄ jmi₂g₂ le₁jě₃.

²³ Ju₁ná₂ ŋiog₄ tiá₂ a₂'éin₂, tsá₃ ju₁'éi₂ ŋiog₄ caun₂-tin₃ ds_{i5} ju₁lia'₂ já₃ a₂'in₂ ds_{i5}. Ia₁ i₂rě₂ti'₅₄ bá₄ Diú₄ i₂ma₂cuē₃ já₃ quió'₅.

²⁴ Já₃ bá₄ ju₁'niog'₅₄ ŋiog₄ ds_{i5} 'a₂ lia'₂ tion'₅₄ ŋiog₄ já₃ rin'₅₄ le₂jau₂ le₂jau₂ a₂jme₁'nio₃ ŋiog₄ dsa₂, a₂jmo₁ ŋiog₄ a₂dse₃.

²⁵ Tsá₃ ju₁tú₄ ŋiog₄ a₂ŋag'₂ ŋiog₄ co₂lě₅, ju₁lia'₂ ma₂tin₂ i₂lin₅₄, tē₂le₃ 'nió'₅ cuē'₅₄ ŋiog₄ bí₂ rin'₅₄ le₂jau₂ le₂jau₂, tē₂le₃ lě₅ guē₄ ia₁ ma₂léi₄ a₂ma₂ja₂quián₃ jmi₂g₂ jaun₂.

²⁶ Ia₁ ně₁jua'₂ a₂ta₁ ds_{i5} ŋiog₄ caun₂ qui₂'niog₂ dso₄ tē₃ ma₂ne₅₄ já₃ dsau₅, jaun₂ tsá₃ ma₂'e₂ cha₂ guē₄ jua'₅₄ lé₂ le₃jen'₄ ŋiog₄ o₄quió'₄ dsáu₁.

²⁷ Jŋia'₅₄ lia'₂ a₂jaun₂ bá₄ 'ei₅ guē₄ a₂jŋia₅ ŋiog₄ a₂'ei₅ gau₂ jě₁qui₃dsi₅ Diú₄ 'éi'₃, ju₁lia'₂ jě₁cau₂ si₂ a₂quió₃ i₂'iog₅₄ quió'₅ Diú₄.

²⁸ Ju₁lia'₂ dsa₂ i₂tsá₃ dsáu₅ ds_{i5} 'Éi'₃ quió'₅ Moisés, tion₅₄ bá₄ join₂ tsá₃ o₂'én₂ dso₄ cha₂ quió'₅, 'uig₅₄ já₃ dsau₅ a₂jáng'₅ on₃-ún₂.[§]

²⁹ Jaun₂ ně₃, ĺ'₂ guē₄ uig₅ ca₂tin₂, lín'₂ 'nia'₂, ju₁lia'₂ dsa₂ i₂qui₂tsón'₁ Ja₁ŋi'₅₄ Diú₄, ju₁lia'₂ dsa₂ i₂tsá₃ ji'₅₄ jmi₄ 'éi₂ a₂ca₂lí'₃ já₃ a₂con'₂ ca₂chein'₃ 'éi₂, ju₁lia'₂ dsa₂ i₂tē₂'on'₂ Jme₂dsi₂ quián₅ Diú₄ i₂'ua₁ ds_{i5}?

³⁰ Ma₂ne₄ bá₄ ŋiog₄ a₂ca₂juá'₂ Te₁gui'₅₄: “Jniá₂ bá₄ ca₂ting₂ 'ē₄ uig₅ dsa₂; já₃ bá₄ jniá₂ qui₄.”* Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ juig₂ quiáin₅.”†

³¹ jA₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

³² La₁ dsá₂ 'au'₂ 'nia'₂ jmo₄ jmi₂g₄ le₂jŋiá₅, lia'₂ con'₂ le₂'uig₅₄ jme₁ca₂rě₃ŋi'₂ 'au'₂ 'nia'₂, já₃ bá₄ 'a₂ lia'₂ juin'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o₂i₁ ds_{i5} quian'₅₄ uig₅ a₂ca₂i₃ŋi₂'g₂.

³³ I₂lin₅₄ 'nia'₂ qui₂ca₂jnaú'₂ dsa₂ já₃ qui₂ca₂jmo₂'g₂ tē₃jín₄ dsa₂ juig₂. I₂lin₅₄ guē'₂ ca₂jme₃quiong'₅₄ ca₂jme₃quian'₅₄ dsa₂ i₂qui₂ca₂ŋág₃ uig₅ le₂ně₅.

³⁴ 'Nia'₂ ně₃ ca₂dsia'₅₄ ŋéi₂ 'au'₂ i₂jme₁tion'₅₄ né₃ 'má₃. Já₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂jŋiá'₂ dsa₂ le₃jě₃ 'e₂ a₂jme₁cha₂ quián'₂ 'nia'₂. Ia₁ ŋi'₅₄ bá₄ 'nia'₂ a₂cha₂ guei'₅₄ i₂juig₃ caun₂ a₂dse₃ guē₄ a₂jio₅ co₂tan₅₄ a₂ca₂ting'₂.

[§] 10:28 'Nio'₂ ja₁ton₅ Números 35:30; Deuteronomio 17:6.
Deuteronomio 32:35. † 10:30 Deuteronomio 32:36; Salmo 135:14.

* 10:30

35 Jaun₂ lë₃, tsá₃ lë₁ dsia₂ cau₅ a₂ caun₂ 'ei₅ 'au'₂, ia₁ 'ñio₅ lin₃ bá₄ quen₅ a₂ quí₃ Diú₄ 'lia'₅₄ a₂ 'éng'₂.

36 Ia₁ 'nió'₅ quián'₂ 'nia'₂ a₂ jmó'₂ tió'₃ 'au'₂, ia₁ jaun₂ lé₂ le₃ jmó'₂ 'nia'₂ a₂ ñio₂ dsí₅ Diú₄, ia₁ jaun₂ guéi'₁ 'nia'₂ a₂ ma₂ ca₂ juá'₂ 'éi₂ cuë₃.

37 Ia₁ ñi'₅₄ ta₁, 'ñio₅ ñi'₅₄ ta₁:

Jiá₃ i₂ ma₂ lë₅ jág₁ jiá₃,

tsá₃ le₃ 'iin'₅₄.

38 La₁ dsa₂ i₂ ñi₅ jui₅ co₂ rë₂ ia₁ a₂ 'éin₂,

'éi₂ bá₄ le₃ chan₂.[‡]

Jaun₂ nē₁ jua'₂ dsi₂ lein₃ le₃ ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂. §

39 La₁ jniog₄ nē₃, tsá₃ tióng₂ quian'₅₄ dsa₂ i₂ dsi₂ len₃ le₃ ca'₃ i₂ qui₂ dsi₂ 'én₂ quió'₅. Le₃ jaun₂ bá₄ tióng₂ jniog₄ le₃ quió'₅ dsa₂ i₂ 'én₂, jaun₂ le₂ nē₅ bá₄ tín'₄ jme₂ dsi₂ quián₂.

11

Jui₁ lia'₂ a₂ 'én₂ dsa₂

1 Nē₃ nē₃, jui₁ lia'₂ dsa₂ i₂ 'én₂ nē₃, caun₂ bá₄ 'ei₅ dsí₅ a₂ gue₃ a₂ jaun₂ a₂ 'ín₂ dsí₅; ján₃ bá₄ jáng'₅ léi₄ a₂ 'éin₂, a₂ cha₂ tē₃ dsón'₂ jui₁ lia'₂ a₂ tsá₃ jniá₂.

2 Ia₁ le₂ nē₅ bá₄ ca₂ rē₃ 'én₂ dsa₂ can'₅₄ ma₂ líg'₂, jaun₂ ca₂ 'ag₃ dse₃ Diú₄.

3 Tē₂ le₃ a₂ 'éin₂ bá₄ jniog₄, ñág'₂ jniog₄ a₂ ca₂ jmo₃ Diú₄ bá₄ mi₂ güí₃ tē₂ le₃ quian'₅₄ jág₁ quió'₅. Jaun₂ lë₃, jui₁ lia'₂ a₂ jniá₂ rē₂ nē₃ ca₂ lē₃ tē₂ le₃ quian'₅₄ a₂ tsá₃ jme₁ rē₂ jniá₂.

Tē₂ le₃ a₂ 'én₂ dsa₂

4 Tē₂ le₃ a₂ 'én₂ bá₄ Abel,* ca₂ jén'₃ ne₄ Diú₄ caun₂ a₂ dse₃ gué₄ con'₂ gué₄ a₂ ca₂ jén'₃ Caín riin'₅₄. 'Uig₅₄ jaun₂ ca₂ 'ag₃ dse₃ Diú₄ co₂ 'nió'₄ dsa₂ dsen₃, lia'₂ con'₂ jme₁ ca₂ gue₃ a₂ ca₂ jén'₃ jaun₂. Jaun₂ nē₃, o₁ ñia'₅₄ gué₄ ma₂ rē₂ jon₅₄ Abel, nē₂ jag₄ bá₄ a₂ caun₂ jáng'₅ jág₁ dsau₅ rē₂ nē₃, ia₁ a₂ ca₂ rē₃ 'éin₂.

5 Tē₂ le₃ a₂ 'én₂ bá₄ Enoc,[†] ca₂ ñái'₃ mi₂ güí₃ caun₂ tē₃ tsá₃ ca₂ join₃, tsá₃ ma₂ 'ein₂ ca₂ dsáu'₂ quió'₅, ia₁ Diú₄ bá₄ i₂ ca₂ tág₃ quió'₅. Ne₄ si₂ juá'₂ a₂ ca₂ 'ag₃ dse₃ Diú₄ né'₃ gué₄ a₂ tē₂, ia₁ lia'₂ con'₂ jme₁ chain₂ ca₂ jmo₃ a₂ ca₂ tē₂ dsí₅ Diú₄.

6 La₁ ia₁ lia'₂ o₁ líg'₂ jmi₃ tsá₃ lé₂ le₃ jmo₃ dsa₂ a₂ jme₂ 'ñio₂ dsí₅ Diú₄ nē₁ jua'₂ tsá₃ 'éin₂, ia₁ jui₁ lia'₂ dsa₂ i₂ 'nio₃ jme₃ quián₃ ja₁ con₂ Diú₄, tion₅₄ 'nió'₅ le₃ 'éin₂ de'₂ a₂ chan₂ Diú₄, ján₃ bá₄ 'nió'₅ le₃ 'éin₂ a₂ quí₅ Diú₄ 'lian'₅₄ jui₁ lia'₂ i₂ 'nau'₂ a₂ dsen₅₄ dsí₅.

‡ 10:38 o₃, "La₁ tē₂ le₃ quian'₅₄ a₂ 'én₂ bá₄ dsa₂ le₃ chain₂, jág₂ Diú₄ nē₂ jag₄ bá₄ dsa₂ dsen₃." § 10:38 Habacuc 2:3-4. * 11:4 Abel: 'Nio'₂ ja₁ ton₅ Génesis 4:4. † 11:5 Enoc: 'Nio'₂ ja₁ ton₅ Génesis 5:18-24.

7 Tē₂le₃ a₂'én₂ bá₄ Noé,[‡] lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, ju₁lia'₂ a₂tsá₃ jniá₂ guě₄, ca₂tón'₃ bá₄ ju₁ a₂ca₂juá'₂ Diú₄, ca₂jmo₃ bá₄ ni₁barco ja₁lión₃ le₂jio₅ dsa₂ dsi₂néi₂ quiáin₅ ně₃. Jaun₂ le₂ně₅ ně₂ja₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güig₃, jaun₂ le₂ně₅ bá₄ ca₂tíin₂ a₂lió₂ Diú₄ co₂'nió'₄ dsa₂ dsen₃, tē₂le₃ a₂'éin₂ bá₄ ján₃.

8 Tē₂le₃ a₂'én₂ Abraham,[§] lia'₂ con'₂ jme₁ca₂tē₃ Diú₄, ca₂nág₂ bá₄. Ca₂o₃'íin₃ ca₂'í₃ ju₁ a₂dsó₃ ja₁juá'₂ Diú₄ cuě₃ caun₂ 'uě₃ a₂ca₂tíin₂ lé₂ quió'₅. Ca₂o₃'íin₃ 'uě₃ go₅₄ tē₃ tsá₃ ŋi₅ a₂já'₄ ŋó₃.

9 'Uig₅₄ ia₁ a₂jme₁'éin₂, ca₂guá₂ gua'₅₄ 'uě₃ a₂ca₂juá'₂ Diú₄ cuě₃, co₂'nió'₄ a₂lín₅ dsi₂nau₂ jē₄ 'uě₃ siá'₂. Ca₂guá₂ tsi₁'né₅ a₂lě₅ quian'₅₄ tsi₁'mi'₂; ján₃ bá₄ le₂jaun₂ ca₂jmo₃ Isaac quian'₅₄ Jacob ně₃, ia₁ ján₃ bá₄ ca₂tíin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuě₃.

10 Ia₁ jme₁chi₁ŋia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'náu'₃ dsí₅ jmo₃, ján₃ bá₄ i₂ca₂jmo₃'g₃.

11 Já₃ bá₄ tē₂le₃ a₂'én₂ 'ŋiog₅ Sara,^{*} tē₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ ju₁bi₂ a₂lěin₂ chog₅₄ guein₂ ia₁ lín₂ i₂rē₂ti'₅₄ bá₄ Diú₄ i₂ma₂cuě₃ jág₁ quió'₅.

12 Jaun₂ ně₃ Abraham, o₁ŋia'₅₄ a₂ma₂i₁jóin₂, ca₂rē₃chán₃ bá₄ guě₄ tsi₁jon₂ i₂juin₅ guě₄ lín₃ ju₁lia'₂ nei₅ a₂jniá₂ guei'₅₄ mi₂güig₃, ju₁lia'₂ mi₂tsag₄ a₂cha₂ chei'₅₄ jmi₁ŋi'₄ a₂tsá₃ lé₂ le₃'i₃ dsa₂.

13 Ca₂dsan₃ bá₄ le₃jín₃ 'éi₂ tē₃ tsá₃ ca₂gue₃ ju₁lia'₂ a₂jme₁ca₂juá'₂ Diú₄ cuě₃. La₁ia₁ jme₁'éin₂ bá₄, jaun₂ ně₂ja₄ bá₄ a₂ca₂jág₃ tē₂ uíng₂ a₂jaun₂ a₂'éin₂, tē₅ bá₄ dsí₅ a₂ca₂jág₃. Jaun₂ le₂ně₅ bá₄ ca₂jmo₃ jág₁ a₂lín₅ dsi₂nau₂ i₂con'₂ ca₂ŋi₅ mi₂güig₃ la₂.

14 Jaun₂ ju₁lia'₂ i₂dsia₅ jág₁ le₂ně₅, jáng'₅ léi₄ a₂i₂nioi₅₄ bá₄ guě₄ a₂qui₂'no'₂ caun₂ juig₂ jē₂tiain'₃.

15 Jua'₅₄ mei'₂ guě₃ caun₂ qui₂dsau'₂ bá₄ guě₄ dsí₅ gua'₅₄ 'uě₃ ja₁ca₂'uin₂, jme₁lé₂ bá₄ jme₁dsi₂lein₃ táng₃ ja₁jaun₂.

16 La₁ tē₂le₃ jme₁'ín₂ dsí₅ caun₂ 'uě₃ a₂dse₃ guě₄, co₂'nió'₄ a₂'ē₂₃ 'uě₃ a₂cha₂ guei'₅₄ i₂juig₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂ŋia₅₄ caun₂ juig₂ ciudad quió'₅ 'éi₂.

17 Tē₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac[†] quiáin₅, ne₄ Diú₄. Jme₁ma₂chéin'₅ co₂ŋia₅₄ a₂jme₁ŋi₁'₃ ja₁ŋi'₅₄ i₂jan₂ tan₅₄ quiáin₅, ¹⁸ o₁ŋia'₅₄ jme₁ca₂juá'₂ Diú₄ cuag₃ a₂ca₂juá'₂: “Tē₂le₃ quian'₅₄ Isaac le₃chan₂ tsi₁jon₂ quiáng'₂.”[‡]

‡ 11:7 Noé: 'Í₂ Génesis 6 - 9. § 11:8 Abraham: 'Í₂ Génesis 12 - 25. * 11:11 Sara: 'Í₂ Génesis 18:1-15; 21:1-7. † 11:17 Isaac: 'Í₂ Génesis 21 - 22. ‡ 11:18 Génesis 21:12.

19 Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jei_n'₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ŋi'₅₄, nē₂jag₄ bá₄ a₂ca₂jei_n'₅₄ táng₃ jin₄ 'lag₄.

20 Tē₂le₃ a₂'én₂ Isaac, ca₂jme₃gu'₅₄ quió'₅ Jacob quiain'₅₄ Esaú, ca₂cuē₃ jág₁ quió'₅ a₂cuē₃ Diú₄ a₂dse₃ tē₂le₃ ne₄ jui₅ jmig₄ a₂le₃chain₂.§

21 Ján₃ bá₄ tē₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chi'₂ ja₁ŋi'₅₄ José. Jaun₂ ca₂jme₃juin'₂ Diú₄, a₂chéin'₅ rē₂dsín₂ ne₄ 'ma₂'i₅₄ quió'₅.

22 Tē₂le₃ a₂'én₂ José,† lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂juig₂ Israelitas a₂'u₃in₃ cang₂guē₄ jaun₂ 'uē₃ Egipto, jaun₂ ca₂quio₂ 'éi'₃ 'e₂ 'nió'₅ jmo₃ dsa₂ quián'₅₄ ni₁mu₁₂.

23 Tē₂le₃ a₂'én₂ bá₄ chog₅₄-jmei₂ Moisés, jme₁ca₂rē₃chán₃ 'éi₂, ca₂'mog₃ con'₂ 'ni₅ tsí'₂. Ia₁ ca₂jág₃ a₂'ŋio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lē₅ 'éi'₃ quió'₅ rag₅₄ a₂ŋag'₃ quió'₅.‡

24 Tē₂le₃ a₂'én₂ bá₄ Moisés,§ lia'₂ con₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ŋi'₅₄ quián₅ ja₁míg₄ rag₅₄ quián₅ Egipto.

25 Co₂ŋei'₅₄ guē₄ ca₂'náu'₃ dsí₅ ŋág₃ uig₅ quiain'₅₄ dsa₂ juig₂ quián₅ Diú₄, con'₂ guē₄ a₂le₃chain₂ o₂'ŋió₃ dsí₅ ca₂tiá₂ a₂'no₃ dso₄.

26 'Ŋio₅ guē₄ quen₅, lín₂, a₂ŋág₃ uig₅ a₂tē₃'o'₂ dsa₂, lia'₂ te₃'on'₂ I₂rē₂'ín₁ quián₅ Diú₄, con'₂ guē₄ quen₅ ca₂le₃jě₃ cu₄nióg₄ a₂rē₂'ma₄ 'uē₃ Egipto. Ia₁ 'liain'₅₄ a₂cuē₃ Diú₄, co₂dsau₅ jaun₂ bá₄ ca₂jág₃.

27 Tē₂le₃ a₂'én₂ Moisés, ca₂o₃'íin₃ 'uē₃ Egipto,* tsá₃ ca₂rē₃gó'₅ a₂'ne₂ rag₅₄; ca₂nau₂ bá₄ tiá₂ nē₂jag₄ bá₄ a₂jíin₂ Diú₄ i₂tsá₃ jniá₂.

28 Tē₂le₃ a₂'én₂ Moisés, ca₂jmo₃ Jmig₄ Tē₂'in₅₄,† ca₂tsáng₂ jmí₂ o₄'né₄ nē₃, ia₁jaun₂ i₂niog₅ ne₄ jme₃dsiain₂₃ jui₁lia'₂ chi'₂ dsa₂ ŋe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Tē₂le₃ a₂'én₂ dsa₂ juig₂, ca₂ŋí₃ Jmí₁ŋí'₄ Guéin₂,‡ ne₄ 'uē₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Tē₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó,§ jme₁ma₂ca₂lě₃ i₂niói₅₄ guio₃ jmig₄ le₃lág'₃ quió'₅.

31 Ján₃ bá₄ tē₂le₃ a₂'én₂ 'io₅₄ Rahab* i₂jme₁'nag₅ quió'₅ nē₃, tsá₃ ca₂join₃ co₂lě₅ quiain'₅₄ dsa₂ i₂tsá₃ ca₂né'₂,† ia₁ ca₂guein₃ bá₄ rē₂ dsa₂ israelitas i₂jme₁i₂nió₄ tiog₅.

§ 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ja₁ton₅

Génesis 50:24-26. ‡ 11:23 'Nio'₂ja₁ton₅ Éxodo 2:1-10. § 11:24 Moisés: 'Í₂ Éxodo

2 - 11. * 11:27 Noé: 'Í₂ Génesis 6 - 9. † 11:28 Egipto, Jmig₄ Tē₂'in₅₄: 'Í₂ Éxodo

12 - 13. ‡ 11:29 Ján₃ bá₄ chei₂ "Jmí₁ŋí'₄ 'Ma₂ta₅." § 11:30 Jericó: 'Í₂ Josué 6.

* 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃, "dsa₂ i₂tsá₃ ca₂rē₂'én₂."

³² ¿E₂ gué₄ juá'₄ jniá'₂? Tsá₃ jë₄ jmi_g₄ jua'₅₄ juá'₄ jniá'₂ a₂'ing₄ Gedeón,[‡] quian'₅₄ Barac,[§] Sansón,^{*} Jefté,[†] David,[‡] Samuel,[§] quian'₅₄ dsa₂ i₂jme'₁ë₂ já_g₁ quián₅ Diú₄ në₃.

³³ Të₂le₃ a₂'éin₂ bá₄ já_n₃, ca₂lí'₃ juig₂ siá'₂ ja₁gon₂ rag₅₄, rë₂ bá₄ ca₂qui₃dsi₂₃ 'éi'₃ në₃, já_n₃ bá₄ ca₂'íó'₃ a₂ca₂jme'₃o₅₄ Diú₄ con'₂ lë₅ já_g₁ a₂ca₂cuë₃ a₂jme'₃o₅₄. Já_n₃ bá₄ le₂në₅ ca₂jnéi₃ i₂lin₅₄ 'o₄ dsi₂'ia'₂, ³⁴ ca₂ei₃ si₂ cau₂ ca₂jo'₅₄, qui₂ca₂lón₂ i₂lin₅₄ a₂jme'₁dsiáin₃ quian'₅₄ 'o₄ ñi₁tág₂ në₃. Já_n₃ bá₄ le₂jaun₂ ca₂quí_n'₃ bí₂ dsa₂ 'uan₅₄ ca₂jme'₃uáin'₃, já_n₃ bá₄ ca₂rë₃béin₂ qui_n'₂ ja₁niog₅ 'nei₂, jaun₂ ca₂tió'₃ bá₄ jme'₁ca₂quí_n'₂ quian'₅₄ 'lióg₂ dsa₂ i₂'iog₅₄ quió'₅. ³⁵ Já_n₃ bá₄ le₂në₅ chan₂ dsa₂ mí₂ ca₂guein₃ táng₃ 'lag₄ quiáin₅ jme'₁ca₂jein'₅₄ táng₃. I₂sián'₂ guë'₂ qui₂ca₂j móg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ gué₄ dse₃. ³⁶ I₂sián'₂ guë'₂ ca₂ñág₃ le₃jë₃ já_g₁ qui₂ca₂j náu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ñí₁ cadenas, ca₂to'₂ dsa₂ né'₃ 'má₃ në₃. ³⁷ I₂lin₅₄ guë'₂ ca₂dsan₃ qui₂ca₂j náu'₂ dsa₂ cang₄, i₂sián'₂ në₃ ca₂ti₃ dsa₂ ca₂'nó₁ quian'₅₄ ñí₁ chi₁jan₁, ^{*} ca₂jme'₃dsiog₅ dsa₂ quian'₅₄ ñi₁tág₂ në₃. Qui₂i₁niói₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ në₃; të₂ñéi₂, tsá₃ dse₃ qui₂le'₁ág₄ dsí₅, já_n₃ bá₄ qui₂ca₂j móg'₂ dsa₂. ³⁸ Tsá₃ lé₂ le₃jua'₅₄ jua'₅₄ jme'₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme'₁i₂niói₅₄ 'uë₃ co₂'ñiog₅, le₂con₂ má'₂ në₃, né'₃ cang₄ të₂'lau₂, né'₃ tau₂ a₂niog₅ né'₃ 'uë₃ në₃.

³⁹ Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'íó'₃ a₂jme'₁ca₂juá'₂ Diú₄ cuë₃. ⁴⁰ Jme'₁ma₂i₃jio_g₅ dsí₅ Diú₄ jmo₃ co₂ñia₅₄ caun₂ a₂dse₃ gué₄ quián₂ jniog₄, ia₁jaun₂ tsá₃ le₃'ñia₅ dsa₂ 'éi₂ jua'₅₄ tsá₃ le₃'ñiai₂₃ co₂lë₅ quian'₅₄ jniog₄.

12

Jin₄ jniog₄ Jesús

¹ Jaun₂ lë₃, ia₁ ñí₄ lë₃ juin₅ dsa₂ qui₂le₁lio₃ jniog₄ i₂ma₂ca₂jme'₃jnia₅ a₂'éin₂, jaun₂ dsíá₁ jniog₄ cau₅ ca₂le₃jë₃ lio₅₄ a₂jmo₅ jnág₅ quián₂, já_n₃ bá₄ le₂në₅ juí₁lia'₂ dso₄ a₂qui₂nió₅ jniog₄ në₃, jaun₂ dsau₅₄ jniog₄ ne₄ juí₅ a₂juin'₂ dsi₅, në₂jag₄ bá₄ a₂i₂nió₄ co₂chi'₅₄ a₂tián'₅ já_g₁ rin'₅₄.

² Jaun₂ në₃, né₄ jniog₄ Jesús, i₂ca₂niá₃ juí₅ a₂'éin₂ jniog₄, já_n₃ bá₄ i₂jme'₂'ñia₅ a₂'éin₂ jniog₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ juí₅ a₂o₂guí'₃ a₂ca₂can₃, ia₁ jme'₁ma₂ñi₅ bá₄ a₂cán₂ o₂'ñió₃

‡ 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32 Sansón: 'Í₂ Jueces 13 - 16. † 11:32 Jefté: 'Í₂ Jueces 11 - 12. ‡ 11:32 David: 'Í₂ 1 Samuel 16 - 31 quian'₅₄ 2 Samuel. § 11:32 Samuel: 'Í₂ 1 Samuel. * 11:37 A₂lin₅₄ chog₅₄ si₂ chi₂ton₅ já_n₃: "ca₂can₃ dsa₂ táu₂."

dsí₅ a₂'io'₂ jén'₅ cang₂ gué₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

³ 'Nió'₂ 'nia'₂ 'au'₂ jaun₂, 'a₂ lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rē₂cán'₄ dso₄, ja₁coin₂, ia₁ con'₂ tsá₃ ŋó₅ ně₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

⁴ Ia₁ tsá₃ gué₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

⁵ Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ ju₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lē₁o₁le₅₄, jón₃,

jua'₅₄ tsá₃ ton'₅₄ 'ne₂ ju₁

jme₁chei'₅ Te₁gui'₅₄ caun₂ ju₁ dse₃,

on₃ gué'₂ tsá₃ lē₁o₁'ag₅₄ i₁tín₄ 'au'₂

jme₁cuē₂₃ uig₅.

⁶ Ia₁ jme₂rē₃ Te₁gui'₅₄ ju₁

quió'₅ ju₁lia'₂ i₂'nioi₃,

ján₃ bá₄ cuē₂₃ uig₅ quió'₅ ca₂le₃jín₃ i₂guein₂₃

ju₁lia'₂ jan₂ chi'₂-guein₂ quiáin₅.*

⁷ Tiang'₃ 'nia'₂ jmo₄ ca₂le₃jé₃ uig₅ a₂ŋag'₅₄, ia₁ le₂jaun₂ jme₂tag₅ Diú₄ jme₂tiin₂₃ 'nia'₂ ju₁lia'₂ jan₂ chi'₂-guein₂ quiáin₅. ¿Ein₂ bá₄ ja₁ŋi'₅₄ chan₂ i₂tsá₃ jme₂tag₅ jmei₂?

⁸ Chei'₅ Diú₄ caun₂ ju₁ rē₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃, jua'₅₄ mei'₂ gué₃ Diú₄ tsá₃ chein'₂₃ 'nia'₂ caun₂ ju₁ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quiáin₅ tē₃dsón'₂, ŋjia'₅₄ lia'₂ a₂jaun₂ bá₄ lín'₅ 'nia'₂ ju₁lia'₂ jan₂ chi'₂-guein₂ i₂lē₁ca₂rē₃chán₃.

⁹ Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂ chog₅₄-jmei₂ jniog₄ i₂chan₂ gua'₅₄ 'uē₃. Jaun₂ jme₁jme₂gain₃ bá₄ jniog₄ ně₃. ¿Tsa₁ dse₃ néi₁ jniog₄ gau₂ ja₁con₂ Diú₄? Tē₂le₃ 'ē₂ gué₄ 'nió'₅ jme₁gan₃ bá₄ jniog₄ Diú₄ Jmei₂ jniog₄ tē₂le₃ quió'₅ jme₂dsí₂, ia₁jaun₂ le₂nē₅ bá₄ le₃chong₂.

¹⁰ Jme₁ca₂cuē₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uē₃, lia'₂ con'₂ lē₅ ca₂j₃niog₅ dsí₅ a₂dse₃. La₁ia₁ Diú₄ ně₃ cuē₂₃ jniog₄ uig₅ a₂dse₃ quián₂ jniog₄ guio₅₄, ia₁jaun₂ quein'₅₄ jniog₄ a₂ŋi₅ a₂lín₅ 'éi₂.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsí₅ jniog₄, tē₂le₃ 'ŋio₅ uig₅ bá₄ lág₂ jniog₄. La₁ia₁ cang₂ gué₄ jaun₂, ju₁lia'₂ i₂rē₂ti₂n₂ tē₂le₃ quian'₅₄ uig₅ a₂ŋág₅, ně₂jag₄ bá₄ caun₂ ni₁'ma₂ a₂le₁'ág₄ míg₂ dse₃, léi₄ bá₄ rē₂jniá₂ tē₂le₃ 'a₂ lia'₂ dse₃ chain₂ 'ei₅ tei₄ dsí₅.

A₂go'₂ a₂tí₁ dsa₂ jág₁ quió'₅ Diú₄

¹² 'Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

* 12:6 Proverbios 3:11-12.

13 “Jmo₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄,”†
ia₁jaun₂ tsá₃ 'e₂ qui₃nió₃ i₂sián'₂ ju₁lia'₂ i₂guian'₅₄, tē₂le₃ 'lói₂n₂
bá₄.

14 Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃,
a₂le₃chan'₂ 'nia'₂ jñi₅ó₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃
Te₁gui'₅₄ ně₁jua'₂ tsá₃ jñi₅ó₅.

15 Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tiin₃
a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jin'₄ 'nia'₂ co₂'nió'₄
caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsi₅ jmo₅
dain₅₄ a₂rē₂'lin'₅₄ juin₅.

16 Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lē₅
mi₅ ni₁ñi₁₂, on₃ guē'₂ i₃nioi'₅₄ jua'₅₄ a₂tsá₃ tón'₂ jui₅ jág₁ quió'₅
Diú₄. Le₂nē₅ bá₄ ca₂jmo₃ Esaú.[‡] O₄quió'₄ caun₂ má₃ bá₄ ca₂'nag₃
ca₂le₃jě₃ a₂jme₁ca₂tiin₂ a₂liin₅ chi'₂ dsa₂ ñe'₂ i₂ne₅₄.

17 Ma₂ñi'₅₄ bá₄ 'nia'₂, cang₂ guē'₄ jaun₂ lia'₂ con'₂ jme₁'nio₃
táng₃ Esaú gue₃ a₂jme₁ca₂tiin₂, a₂jme₃gu'₅₄ jmei₂, tsá₃ ca₂guéi'₂
jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tiin'₄ táng₃ ju₁lia'₂
a₂jme₁ca₂tiin₂, o₁jñia'₅₄ ca₂'núu'₃ 'ñio₅ lin₃ ca₂le₃jě₃ ca₂'o₃.

18 Quion₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄
'nia'₂ má'₂ ñei₅ jaun₂ a₂jniá₂, a₂cau₂ quian'₅₄ si₂, ja₁lě₄ qui₁né'₃
'ei₅ nei₂, dsi₂ ně₃, qui₁lě₂ gau₂ 'ñio₅ lin₃.

19 On₃ guē'₂ ca₂ñei'₂ 'nia'₂ a₂i₂'ein₅₄ ñi₁ trompeta, on₃ guē'₂ jág₁
quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁
jaun₂ ca₂mi₃ a₂tsá₃ ma₂juá'₂ 'éi₂ jág₁.

20 Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Ně₁jua'₂ jan₂
já'₂ ca₂'ě₃ má'₂ jaun₂, 'nió'₅ jóin₂ qui₃dsag₅ dsa₂ cang₄.”§

21 Uig₅₄ ia₁ a₂ñi₁₄ lě₃ gau₂ a₂jniá₂ ja₁jaun₂, ca₂lia'₂ ñiog₅ Moisés
ca₂juá'₂, “Ñio₅ lin₃ jlen₅ jniá₂ a₂gó₅.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄
Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃.
Ma₂ca₂jme₁quián'₄ 'nia'₂ ja₁con₂ 'lióng₂ lin₃ mei₅ ángeles i₂ñi'₂
jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂
a₂jme₃juin'₂ Diú₄, quian'₅₄ ca₂le₃jín₃ chi'₂-guein₂ quián₅ Diú₄
i₂ca₂tiin₂ ca₂le₃jě₃ lia'₂ jě₂ca₂tiin₂ ja₁ñi'₅₄ i₂ne₅₄, i₂ma₂qui₂le₁ton₅
guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅
'éi'₃ quió'₅ ca₂le₃jín₃, ja₁con₂ jme₂dsi₂ quió'₅ dsa₂ dsen₃
i₂ma₂qui₂le₁ñia₅, 24 quian'₅₄ ja₁con₂ Jesús i₂chén'₅ ne₄ jág₁
'mí₂ a₂lí'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅
guē'₄ a₂jáng'₅ léi₄ a₂'ua₁ dsí₅ con'₂ guē'₄ quen₅ jmi₄ Abel.

† 12:13 Proverbios 4:26. ‡ 12:16 Esaú: 'Í₂ Génesis 25:27-34. § 12:20 Éxodo

19:12-13. * 12:21 Deuteronomio 9:19.

25 Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tsá₃ jniog₄. Ia₁ chi₂jua'₂ tsá₃ ca₂lón₂ jui₁lia'₂ i₂tsá₃ ca₂guén'₂ i₂'éi₂ i₂ca₂'ě₂ jág₁ gua'₅₄ 'uē₃ la₂, 'ě₂ guē₄ bá₄ jniog₄ tsá₃ lé₂ le₃lió₂, nē₃jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

26 Jmíg₄ jaun₂, ca₂i₁bi₅₄ 'uē₃ jme₁ca₂juá'₂ Diú₄. La₁ia₁ rē₂nē₃ nē₃, ma₂cuē₃ jág₁ quió'₅, a₂juá'₂: “jmo₅₄ guē₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uē₃, le₂jio₅ guei'₅₄ dsi₂güig₂ bá₄ ján₃.”†

27 Jui₁lia'₂ a₂juá'₂, “con'₂ siá'₂”, dsi₂jein₃ jág₁ a₂jniá'₂ ca₂le₃jě₃ a₂jniá₂ a₂dsi₂bi₅₄ a₂lé₂ qui₂le₃jnia'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ guē'₂ lé₂ le₃jnia'₃.

28 Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄, ja₁cuē₃ jniog₄, jaun₂ cuē'₅₄ jniog₄ ti₁'mag'₄ jaun₂ nē₃, o₄quió'₄ ca₂le₃jě₃ a₂la₂, jme₁ti₁ jniog₄ ne₄ Diú₄ nē₃ 'a₂ lia'₂ 'ŋio₂ dsí₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

29 Ia₁ lín₅ Diú₄ quián₂ jniog₄ lia'₂ lě₅ caun₂ si₂ a₂'éin₂ le₃jě₃.‡

13

'A₂ lia'₂ jmo₃ a₂tě₅ dsí₅ Diú₄

1 Tsá₃ lē₂tí₅ 'nia'₂ a₂'nióg'₃ le₂jang'₂ le₂jang'₂ jui₁lia'₂ ríng'₂ 'nia'₂.

2 Tsá₃ jui₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ jui₁lia'₂ dsa₂ i₂chan₂ ja₁siá'₂, ia₁ le₂nē₅ bá₄ ma₂jmo₃ i₂lín₅₄ ma₂ca₂guein₃ ángeles tē₃ tsá₃ lí₄.

3 Dsau'₂ 'au'₂ 'nia'₂ jmo₄, jui₁lia'₂ dsa₂ i₂tion'₅₄ né₃ 'má₃, nē₂jag₄ bá₄ a₂tion'₅₄ 'nia'₂ guiong'₅₄ co₂lě₅ quiaín₅₄. 'Nio'₂ 'au'₂ jui₁lia'₂ i₂ŋí₄ lě₃ qui₂ma₂jmóg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂ i₂lé₂ le₃ŋág₃ uig₅.

4 Jui₁jme₂gó'₃ bá₄ le₃jín₃ jui₁lia'₂ a₂jén'₂ dsa₂ gu₂, ján₃ bá₄ jui₁le₅₄ bá₄ 'í₁ jui₁lia'₂ ja₁tian'₃ dsi₂i₂gu₂ co₂lě₅, ia₁ qui₃dsi₅ bá₄ Diú₄ 'éi'₃ ja₁con₂ dsa₂ i₂qui₂'no₅ dso₄, jui₁lia'₂ i₂nió'₅ jág₁ quian'₅₄ i₂sián'₂ on₃jua'₅₄ dsi₂i₂gu₂.

5 Tsá₃ jui₁chan'₂ 'nia'₂ a₂qui₂chi₁'ŋeg'₁ 'nia'₂ jua'₅₄ a₂ŋí₄ lě₃ 'ín₅ 'au'₂ 'nia'₂ cu₄. Dsau₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂ 'nia'₂, ia₁ ma₂ca₂juá'₂ Diú₄:

lia'₂ o₁líg'₂ jmíg₄ tsá₃ tón₂ jniá₂ 'nia'₂,

on₃ guē'₂ tén₄ jniá₂ 'nia'₂.*

6 Jaun₂ nē₃ lé₂ le₃jua'₅₄ a₂ma₂'ei₅ caun₂ dsi₅:

Te₁gui'₅₄ bá₄ i₂jme₂'o₅₄ jniá₂;

tsá₃ gó₅ jui₁lia'₂ 'e₂ lé₂ le₃jmóg'₂

dsa₂ mi₂güig₃.†

† 12:26 Haggeo 2:6. ‡ 12:29 Deuteronomio 4:24. * 13:5 Deuteronomio 31:6.

† 13:6 Salmo 118:6-7.

7 Dsa₂ 'au'₂ 'nia'₂ jmo₄, jui₁lia'₂ dsa₂ i₂ma₂jio₃ ne₄ jui₅, i₂ma₂juá'₂ já₁g₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í'₁ 'a₂ lia'₂ lě₅ ca₂dsióg₃ jui₅ a₂chan₂ dsa₂ 'éi'₂, jaun₂ 'én'₄ 'nia'₂ jui₅ jaun₂ jui₁lia'₂ 'én'₂ 'éi'₂.

8 Lia'₂ ma₂lín₅ jaun₂ bá₄ Jesucristo, dsióg₂, jmi₃g₄ ně₃, lia'₂ con'₂ tan₅₄ bá₄ lín₅.

9 Tsá₃ lě₁cuě₂ 'nia'₂ jmi₃g₄ jua'₅₄ jio₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lě₅ con'₂ lě₅ juá'₂ já₁g₁ quió'₅ Diú₄. Co₂ñei'₅₄ guě₄ dse₃ a₂gue₃ tē₂dsi₅ jnio₄ jui₅bí₂ tē₂le₃ quian'₅₄ a₂'ua₁ dsí'₅ Diú₄, con'₂ guě₄ tē₂le₃ quian'₅₄ 'éi'₃ jui₁lia'₂ 'a₂ lia'₂ 'nió'₅ guě'₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂i₂nio₄ le₂jaun₂.

10 La₁ia₁ cha₂ bá₄ caun₂ ne₄chei₂ quián₂ jnio₄ ja₁tsá₃ ca₂tín₂ guě'₃ jui₁lia'₂ i₂jme₂tí₃ ta₁ guá'₅ tabernáculo.

11 Ia₁ ne₄ bá₄ jnio₄, a₂dsi₂can₅ jme₂dsa₂ dsen₅₄ jmi₄ já'₂ dsi₂néi₂ ja₁ñi₅ lín₃ guě₄, a₂jén'₄ o₄quió'₄ dsáu₁ dsa₂. La₁ia₁ ni₁ñi₄ já'₂ 'éi'₂ qui₂dsí'₂ dsa₂ 'ni'₂ ja₁tián'₄ dsa₂ juig₂ Israel.

12 Ján₃ bá₄ le₂jaun₂ ca₂ñág₃ Jesús uig₅ 'ni'₂ juig₂, ia₁jaun₂ qui₂jme₃ñi₅ dsa₂ juig₂ quián₅ tē₂le₃ quian'₅₄ jmi₄ 'ñiog₅.

13 Dsi₁náu₄ jnio₄ jaun₂ ně₃ ja₁con₂ Jesús, co₂'nió'₄ cau₅ ja₁tión₂ dsa₂ juig₂ Israel, a₂quian₂ jnio₄ o₂guí'₃ o₄quió'₄ Jesús.

14 Ia₁ mi₂güig₃ la₂, 'i₁caun₂ juig₂ tsá₃ cha₂ quián₂ jnio₄ jua'₅₄ a₂jio₅ co₂tan₅₄, la₁ a₂jaun₂ bá₄ 'niog'₂ jnio₄ ciudad jaun₂ a₂ně₃ guě₄ já₃.

15 Tē₂le₃ quian'₅₄ Jesucristo jaun₂ ně₃, ma₃ jme₁juin'₂ jnio₄ Diú₄ co₂tan₅₄, co₂'nió'₄ a₂jen'₄ jnio₄ ne₄ 'éi'₂ já₁g₁ a₂'uě'₂ mi₂'o₄ jnio₄ con'₂ dsi₂ten₅₄ jmo₃ dsa₂ i₂tión₂ le₃quió'₅ 'éi'₂.

16 Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuě'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂tē₅ dsí'₅ Diú₄.

17 Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi'₂. Ia₁ jmo₂₃ 'í'₁ jme₂dsí₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi'₂ ia₁jaun₂ jmo₃ 'io'₂, on₃juá'₅₄ 'lia'₂ dsí'₅, ia₁ tsá₃ ta₁ tí₄ ja₁con₂ 'nia'₂ ně₃juá'₂ le₂jaun₂ ca₂'lia'₂ dsí'₅.

18 Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsí₂ quián₂, ia₁ 'niog₂ bá₄ jnia'₅₄ qui₂i₁nio₁ lia'₂ dsi₂ten₅₄ jě₄ ca₂le₃jě₃.

19 Ja₂lín₃ guě₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lě₂ nei₅₄ a₂i₁'ú₃ táng₃ ja₁con₂ 'nia'₂ ñi'₅₄ ta₁.

Ág'₅ já₁g₁ jě₁ca₂tó'₂, cui_{in}₂₃ Diú₄

20 Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ já₁g₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂

jniog₄ ja₁jme₁rë₂'liin₅₄, dsa₂juin'₂ 'éi₂juig₅₄ já'₂ cha'₂,²¹ jui₁jmo₅₄
 bá₄ Diú₄ jui₁jmoi'₅₄ 'nia'₂ dsa₂ rë₂ 'ñia₅ jë₄ ca₂le₃jë₃ a₂dse₃ ia₁jaun₂
 jmó'₂ a₂'ñio₂ dsí₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄
 ca₂le₃jág₃ jniog₄ tē₂le₃ quian'₅₄ Jesucristo. Jui₁le₂juin'₂ bá₄ 'éi₂
 lia'₂ co₂tan₅₄. A₂méi₃.

²² Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂
 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ñí₄
 lë₃ 'lióng₂ jág₁ ma₂në₂táun₂ jniá₂ ne₄ si₂.

²³ Jui₁le₂ñi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅
 bá₄ dsa₂ né'₃ 'má₃. Në₁jua'₂ ca₂guáin₂ ñi'₅₄ ta₁, jaun₂ jain₅₄ jniá₂
 jë₁ma₂të₂ rë₁nei₅₄ jniá₂ i₁jing₁₂ 'nia'₂.

²⁴ Cuin₅₄ 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂,
 quian'₅₄ ca₂le₃jín₃ guë'₂ dsa₂ juig₂ quián₅ Diú₄.[‡] Rin'₅₄ jniog₄
 i₂chan₂ Italia cuin₂₃ Diú₄ 'nia'₂.

²⁵ Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃. §
 Co₂në₅.

[‡] 13:24 lit. “dsa₂jñió₅,” § 13:25 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ tsi₁rë₂jan₅₄ uíng₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cuíng₅ Diú₄ ta₁guia₃-tín₂ nió'₃ tsi₁jón₂ dsa₂ juig₂ Israel i₂tián'₅ tsi₁rë₂jan₅₄ ta₁caun₂ mi₂güig₃.

Jui₁lia'₂ jme₁jau'₂ 'í₁ a₂dsi₂ñi₂ dsa₂ 'én₂ 'e₂ niog₅ dsi₂ñi₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ guë₄ lín₃, jme₁dsi₂ñi₂'₂ 'nia'₂ ca₂le₃jé₃ ne₅₄ táu₂ a₂jau'₂ 'í₁ ja₁con'₂ 'nia'₂, ³ Ia₁ ma₂ñi'₅₄ bá₄ 'nia'₂ jë₁ma₂ca₂jáu'₃ 'í₁ 'a₂ lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuñ₅₄ 'nia'₂ jmig₄ a₂le₃'ñia₅ a₂në₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rë₂'ñia₅ lia'₂ ñi'₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñi'₂ dsí₅, jui₁mi₁₂ ja₁con₂ Diú₄, jaun₂ 'éi₂ bá₄ cuë₃. Ia₁ Diú₄ i₂'ua₁ dsí₅ jmo₂₃ qui₂rë₂tín₂ ca₂le₃jín₃, on₃jua'₅₄ a₂të₂jí₂. ⁶ La₁ ca₂tín'₂ 'nia'₂ a₂mí'₁ a₂éng'₂ të₃dsón'₂ on₃jua'₅₄ a₂'ág'₁ 'nia'₂ caun₂-tín₃ 'au'₂; ia₁ jui₁lia'₂ dsa₂ i₂'ag₅ caun₂-tín₃ dsí₅, lín₅ jui₁lia'₂ lë₅ jmig₂ a₂qui₂ráun₂ ne₄ jmi₁ñi'₄, a₂qui₂jná'₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ jui₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ jui₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jé₃ guë₄ 'e₂ a₂jmo₂₃, o₃ 'e₂ jág₁ quió'₅ cuë₂₃. ⁹ Dsa₂ rin'₅₄ jniog₄ i₂te₂ñé₂, ca₂tín₂ jmo₃ dsí₅ 'io'₂ jén'₅, ia₁ të₃dsón'₂ bá₄ quein₅ le₃ja₁con₂ Diú₄. ¹⁰ Jui₁lia'₂ i₂cha₂ cu₄ guë'₂, ca₂tín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ jui₁lia'₂ lë₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₃ñi₂ bá₄ 'éi₂ jui₁la₂ 'ióg₃. ¹¹ Jë₁ma₂ca₂'ia₂* 'iog₂ dséi₅ 'ñio₅ lín₃ rë₂juíng₅ bá₄ ni₁nau₂, rë₂quein₂, ta'₂ bá₄ lí₁ ján₃, 'én₂ bá₄ 'a₂ lia'₂ jlá'₁ jme₁jniá₂. Le₂në₅ bá₄ lë₅ quian'₅₄ dsa₂ cha₂ cu₄: qui₂dsi₃ñi₂ bá₄ të₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ guë₄ dsen₃ dsa₂ i₂tió'₅ jmo₅ juín'₂ dsí₅ jë₁ma₂qui₂i₂ñi₂'₂ 'e₂ táu₂ i₂ñi₂; ia₁ jë₁ma₂ca₂ñi₅ jaun₂, gue₃ ja₁le₃chain₂ dse₃, a₂lë₅ në₂jag₄ bá₄ caun₂ corona a₂cuë₃ Diú₄ cuë'₃ ca₂le₃jín₃ i₂'nio₃ quió'₅. ¹³ Chi₂jua'₂ chan₂ i₂lín₅₄ qui₂ja₂ bí₂ 'lig'₅₄ dsí₅, tsá₃

* **1:11** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton, Salmo 8:3; Romanos 1:25.

jui₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁
 'i₁caun₂ a₂'lig'₅₄ tsá₃ qui'₅₄ jmi₄ jua'₅₄ a₂cáin₂ táu₂ Diú₄, on₃ gué'₂
 cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂
 bá₄ lě₅: guion₅₄ bá₄ dsa₂ tsi₂cuin'₂ jui₅ ja₁'in₅ dsí₅ jmo₃ a₂'lig'₅₄,
 ja₁tián'₃ dso₄, lín₅ nē₂jag₄ bá₄ jui₁lia'₂ jan₂ i₁ju₁ i₂nág'₅ mi₂cu₄.
¹⁵ Ne₄ ja₁'in₅ dsí₅ jmo₃ a₂'lig'₅₄ nē₃, tē₂le₃ ne₄ ja₁ñó₄ jaun₂ rē₂jniá₂
 dso₄ bá₄ ja₁coin₂; jē₁ma₂ca₂'ñia₅ dso₄ nē₃, rē₃cha₂'mú₃.

¹⁶ 'Nia'₂ rin'₅₄ jniog₄ i₂'nió₃, tsá₃ jui₁le₂gan'₂ 'nia'₂, ¹⁷ ia₁
 ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅
 Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂.
 La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rē₂tsín₃, jui₁la₂
 qui₂rē₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅
 jaun₂ bá₄ con'₂ lě₅ ma₂ca₂rē₃'ñio₃ dsí₅ 'ñiog₅, ma₂ca₂jmo₃
 a₂ma₂ca₂rē₃chóng₃ jniog₄ tē₂le₃ quian'₅₄ já₁ dse₃ a₂tí₅ quió'₅,
 ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jě₃
 a₂ma₂jmo₃ 'éi₂.

Jui₁lia'₂ jē₁'én₂ dsón'₂ dsa₂ co₂dsau₅

¹⁹ Jui₁le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂
 rē₂jáng'₁ a₂ñia'₅₄ nág'₁ de'₂, tsá₃ 'nió'₅ jua'₅₄ a₂ma₂tē₂chan'₅₄
 'nia'₂ já₁ a₂ñag'₅₄ dsi₂jui₅, on₃ gué'₂ 'nió'₅ tin'₃ 'nia'₂ dséng'₂ nē₃
 cón'₅. ²⁰ Ia₁ jui₁lia'₂ quian'₅₄ a₂dsén₂ dsa₂ tsá₃ lé₂ le₃jmo₃ a₂'ñio₂
 dsí₅ Diú₄. ²¹ Jaun₂ lě₃, tí₃ 'nia'₂ ca₂le₃jě₃ a₂'lig'₅₄ a₂lě₅ dso₄ a₂ñi₄
 'ñio₅ cha₂ jmi₄ nē₃, jmo₄ 'nia'₂ meg'₂ guen₅₄ co₂ñei'₅₄ já₁ dse₃
 a₂ma₂jnia₄ tē₂'au'₂ 'nia'₂; ia₁ já₁ dse₃ nē₅ bá₄ a₂'io₅ jui₅bí₂ a₂lió₂
 jme₂dsí₂ quián'₂ 'nia'₂.

²² La₁ jui₁le₂chan'₂ 'nia'₂ lia'₂ con'₂ lě₅ já₁, on₃jua'₅₄ rē'₂
 a₂ñia'₅₄ 'nió'₅ nág'₁ 'nia'₂. Ia₁ nē₁jua'₂ tsá₃ jme₂tí'₁ 'nia'₂, guion'₅₄
 bá₄ 'nia'₂ jme₂gáng'₁. ²³ Ia₁ jui₁lia'₂ dsa₂ i₂jñia'₅₄ tē₅ dsí₅ nag₂₃, tsá₃
 jmo₂₃ gué'₂ a₂nag₂₃, lín₅ lia'₂ lín₅ jan₂ dsa₂ i₂jín₂ 'ñiog₅ ne₄ ni₁'i₂;
²⁴ Ia₁ jē₁ma₂ñó₅ cau₅ nē₃, dsi₂'én₂ bá₄ táng₃ dsí₅ 'a₂ lia'₂ jniái₂.
²⁵ La₁ 'e₂ gué'₄ dsen₃ dsa₂ i₂tsá₃ dsi₂'én₂ dsí₅ 'e₂ nag₂₃ tē₂le₃ 'ñio₅
 lín₃ gué'₄ tón'₂ jui₅ rē₂ já₅ 'éi'₃ dse₃ a₂lión₂ dsa₂. Ia₁ jme₃gu'₅₄ bá₄
 Diú₄ chi₂jua'₂ jmo₅ dsa₂ 'e₂ ta₁ qui'₅ 'éi'₃ jaun₂, caun₂ nau₂ tiá₂
 bá₄.

²⁶ Chi₂jua'₂ chan₂ i₂lín₅₄ lín₂ 'ñio₅ lín₃ jme₂ti₃, ne₄ Diú₄, la₁
 nē₁jua'₂ tsá₃ con₂ gué'₂ dsí₅ 'a₂ lia'₂ dsia₂₃ já₁ nē₃, já₁n₃ bá₄
 guion₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄.
²⁷ Jui₁lia'₂ dsa₂ i₂'én₂ tē₃dsón'₂ lia'₂ dsi₂ten₅₄ 'nio₃ Diú₄ Jmei₂
 jniog₄, le₂la₂ bá₄ jmo₂₃: a₂jme₂'oin₅₄ chi'₂ 'nág₂ quian'₅₄ 'io₅₄ 'nág₂
 nē₃, 'e₂ caun₂ o₂i₁ dsí₅ chan₂ 'éi₂, ton'₂ jmo₂₃ 'í₁ a₂tsá₃ jme₃'ñioi₂₃
 quian'₅₄ a₂'lig'₅₄ cha₂ mi₂güig₃.

2

1 Rin⁵⁴ jniog⁴, i²én² le³quió⁵ Te¹gui⁵⁴ Jesucristo i²jlán¹ quián² jniog⁴, tsá³ ca²tín² 'nia² jing⁵⁴ jma³quén⁵ i²la² i²ó³.
 2 Jui¹lia² tē³jě⁴ tion⁵⁴ 'nia² le¹ñig², dsióg⁴ jan² dsa² cha² cu⁴ i²i⁴ anillo cu⁴nióg⁴ gu², i²chén⁵ jlá¹, la¹ nē¹jua² ján³ guē² tē³jě⁴ jaun² dsióg⁴ jan² dsa² te²ñé² i²chén⁵ 'lig⁵⁴,
 3 nē¹jua² ca²guen⁵⁴ 'nia² rē² lin³ i²qui² tsin⁵⁴ jlá¹, nē¹jua² ca²chei⁵⁴ 'nia²: “Nia⁵ i²né² ja¹dse³ la²”, la¹ i²te²ñé² guē² nē³ juig⁵⁴ 'nia²: “Ne² jó⁴ nau²”, o³ “ja¹lá³ i²né² 'uē³ cau⁵ ja¹tióng² tag³”;
 4 nē¹jua² le²nē⁵ jmo² 'nia², ma²jing⁵⁴ jma³quén⁵ ríng², ma²qui²caún² 'nia² 'í¹, a²ma²dsi²jio⁵ 'lig⁵⁴ 'au².
 5 'Nia² rin⁵⁴ jniog⁴, nei² 'nia² a²la²: Diú⁴ ma²ca²quióin² i²lín⁵ i²te²ñé² mi²güig³ la², ia¹jaun² léin² dsa² jlán¹ quian⁵⁴ a²éin², ia¹ tiin³ ja¹gon² Diú⁴ ja¹ma²lě⁵ jág¹ cuē³ ca²le³jín³ i²nio³ quió⁵.
 6 La¹ 'nia² nē³ tē²le³ o²guí³ bá⁴ tsíng² dsa² te²ñé². ¿Ia¹ on¹jua⁵⁴ dsa² cha² cu⁴ guē² i²jmóg² 'ang² quián² 'nia², qui²tsin² 'nia² dsi²chei² ne⁴ dsi²tan⁵⁴ nē³?
 7 ¿On¹jua⁵⁴ dsa² le²éi² guē² i²taún² 'lig⁵⁴ jmá⁵ 'iin²³ i²chen² jlán¹, i²le³quió⁵ ja¹tén⁴ 'nia²?

8 Nē¹jua² dsi²jó³ jme²tí¹ 'nia² 'éi³ dsen⁵⁴ lia² con² lě⁵ juá² ne⁴ Si²: “Jme¹nió⁴ dsa² mi²güig³ ríng² jui¹lia² 'nióg³ 'ñiag²”, * dse³ bá⁴ nē¹jua² jmo² 'nia² le²jaun².
 9 La¹ nē¹jua² jin⁴ 'nia² jma³quén⁵ i²la² i²ó³, 'nau² 'nia² dso⁴, ia¹ ma²tē¹ dsi⁵⁴ 'Éi³ ja¹con² 'nia² guiong⁵⁴; ma²tē¹tsin⁵⁴ 'nia² ma²le¹cáng⁴ bá⁴.
 10 Ia¹ jui¹lia² dsa² i²jme²ti³ ca²le³jě³ 'Éi³, la¹ nē¹jua² ca²liain² caun² 'éi³ tio⁵⁴ nē³, ja¹jaun² ca²rē³cáin² ca²le³jě³ bá⁴ 'éi³ a²tio⁵⁴ ne⁴ Si² jaun².
 11 Ia¹ Diú⁴ 'éi² bá⁴ i²ca²juá² jme¹ca²juá²: “Tsá³ nió⁴ 'nia² jág¹ quian⁵⁴ dsa² i²tsá³ lín⁵ dsi²i²gog²”, † ján³ bá⁴ i²éi² ca²juá²: “Tsá³ jñig⁴ dsa² mi²güig³ ríng²”, ‡ Jaun² le²nē⁵ chi²jua² tsá³ ca²táng² guē² dso⁴ quian⁵⁴ i²tsá³ lín⁵ dsi²i²gog², la¹ nē¹jua² ca²jñig³ guē² dsa² mi²güig³ ríng² nē³, ja¹jaun² ca²rē³cáng² bá⁴ ta¹jě² 'Éi³.
 12 Ca²tín² 'nia² jmó² ton² dsiá¹ jui¹lia² dsa² i²nē³ guē⁴ tē³dsi⁵⁴ 'éi³ quió⁵ con² lě⁵ 'éi³ a²lió².
 13 Ia¹ jui¹lia² dsa² i²tsá³ ca²dsia³ néi² dsí⁵ rin⁵⁴, ján³ bá⁴ le²jaun² tsá³ néi² dsí⁵ Diú⁴ dsia³ ja¹con² 'éi² jē² ma²tē² rē² tē³dsi⁵⁴ 'éi³ quió⁵; la¹ jui¹lia² i²ca²dsia³ néi² dsí⁵ rin⁵⁴, a²ñéi² dsí⁵ jaun² bá⁴ lí² jē² ma²tē² rē² tē³dsi⁵⁴ 'éi³ quió⁵.

'Nió⁵ le³jniá² a²én² dsa²

14 'Nia² rin⁵⁴ jniog⁴, ¿e² bá⁴ ta¹ jmo³ nē¹jua² chan² i²juá² ma²éin², nē¹jua² tsá³ guē² 'e² a²'ua¹ dsí⁵ jmo²³? ¿Lé² le³ja² jaun⁵⁴ jniog⁴ a²tín⁴ dsa² le²éi² quian⁵⁴ a²éin² le²jaun²?
 15 Jua⁵⁴ mei²

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17.

guě₃ chan₂ jan₂ dsa₂ ŋe'₂, o₃ jan₂ dsa₂ mí₂ rin'₅₄ jniog₄, 'in₂ tsin'₅₄, 'in₂ a₂guě'₃, 'oin₅₄ ŋi₂₃ le₂o₃ jmi₄; ¹⁶ nē₁jua'₂ chan'₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuē'₅₄ guē'₂ 'nia'₂ a₂dsen₅₄ a₂'nió'₅ quió'₅ ni₁ŋi₁₂, ζ'_{e2} bá₄ ta₁ jmo₃ a₂'én'₂ 'nia'₂ le₂nē₃? ¹⁷ Le₂nē₅ bá₄ lē₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rē₂jniá₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lē₅ caun₂ co₂'nió'₄ a₂'lag₄ bá₄ jaun₂.

¹⁸ An₁ chan₂ bá₄ i₂juá'₂ nē₃: “'Én'₂ bá₄ 'ne₂, la₁ jniá₂ guē'₂ jmo₂₃ a₂dse₃.” Jniá₂ juá'₅: 'Ē₄ a₂'éng'₂, on₃jua'₅₄ quian'₅₄ a₂dse₃ a₂jmo'₂, jaun₂ jniá₂ nē₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃. ¹⁹ 'Én'₂ bá₄ 'ne₂ a₂chan₂ jan₂ Diú₄; ζ'_{e2} a₂dse₃ jmo'₂ nē₁jua'₂ le₂jaun₂? Ján₃ bá₄ le₂nē₅ guē'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ nē₃ dsa₂ co₄, ζ'_{niog}'₂ cuē₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rē₂jniá₁ jmo₂₃? ²¹ ζOn₁jua'₅₄ ca₂tē₁tsin'₅₄ rē₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniai₂₃ lia'₂ con'₂ jme₁ca₂'éin'₂ Isaac ja₁ŋi'₅₄ quiáin₅ ne₄ Diú₄ a₂jme₁jŋag'₃ ne₄ ne₄chei₂? ²² Rē₂ de'₂ quion₂ 'nia'₂ 'í₁ 'a₂ lia'₂ calē₃ quian'₅₄ Abraham: ja₁jaun₂ ca₂rē₃jniá₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂'ŋia₅ a₂'éin₂ tē₂le₃ quian'₅₄ a₂ca₂rē₃jniá₂ a₂ca₂jmo₃ jaun₂. ²³ Le₂nē₅ bá₄ ca₂rē₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rē₃'én₂ Abraham ja₁con₂ Diú₄; a₂ca₂rē₃'éin₂ le₂jaun₂ nē₃, ca₂guéi'₂ Diú₄ tē₂tsin'₅₄ lín₅ dsa₂ dsen₃.” § Jaun₂ Diú₄ nē₃ ca₂caun₃ ca₂lín₃ 'éi₂ a₂mei₅₄ quiáin₅. ²⁴ Ja₁nē₅ bá₄ rē₂jniá₂ jaun₂ nē₃, 'a₂ lia'₂ tē₂tsin'₅₄ dsa₂ rē₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃jua'₅₄ rē₂ 'a₂jŋia'₅₄ 'nió'₅ juá'₂ a₂'éin₂. ²⁵ Ján₃ bá₄ le₂nē₅ ca₂lē₃ quian'₅₄ Rahab i₂jme₁'nag₅ quió'₅; * ca₂tē₁tsin'₅₄ rē₂ ne₄ Diú₄ tē₂le₃ quian'₅₄ a₂dse₃ a₂ca₂jmo₃: ca₂cuē₃ dsi₂néi₂ quió'₅ ca₂jŋia₃ dsa₂ quián₅ Diú₄, ján₃ guē'₂ ca₂jme₃'oin₅₄ dsa₂ 'éi₂ ca₂'uág'₂ jui₅ siá'₂. ²⁶ Jaun₂ le₂nē₅ bá₄ ju₁lia'₂ ni₁ŋi₁₅ a₂tsá₃ jme₂dsí₂ 'i₄, lē₅ caun₂ ni₁ŋi₁₅ 'lag₄, ján₃ bá₄ le₂nē₅ lē₅ a₂'én₂ dsa₂, nē₂jag₄ bá₄ 'lag₄ ján₃ nē₁jua'₂ tsá₃ rē₂jniá₂ a₂dse₃ a₂jmo₂₃.

3

Ju₁lia'₂ le₁tsi'₂ dsa₂

¹ Rin'₅₄ jniog₄, tsá₃ 'nió'₅ jua'₅₄ ju₁n₅ i₂lén₂ tē₅ jin'₄ 'nia'₂, ia₁ ma₂ŋi'₅₄ bá₄ 'nia'₂, 'ŋio₅ guē'₄ bēn₂ 'éi'₃ tē₃dsi₅₄ ja₁con₂ jniog₄ con'₂ lág₅ i₂jme₂tín₁ rin'₅₄. ² Ia₁ ca₂le₃jág₃ bá₄ jniog₄ co₂dsi₂'éin'₅ ne₄ 'lióng₂ ne₅₄. Nē₁jua'₂ chan₂ i₂tsá₃ ma₃dso₄ 'no₅ 'i₁ca₂juig₄ ja₁dsia₂₃ jág₁, dsa₂ le₂'éi₂ lín₅ dsa₂ rē₂'ŋia₅, i₂'io₅ bí₂ ne₄ ni₁ŋi₁₂

'ñiog₅, ta₁jain₂. ³ Jui₁lia'₂ jme₁tó'₅ dsa₂ ni₁ñí₁ mi₂'o₄ dsi₂cua₁ ia₁jaun₂ jme₃ti₃, lé₂ jéin'₂ dsa₂ ta₁jain₂ 'a₂ jui₅ 'nio₃ dsa₂ jiog₃. ⁴ Ní₂ de'₂ 'nia'₂ ján₃ ju₁lia'₂ ni₁barco ju₁'a₂ gué'₂ lia'₂ ca'₅₄ pa₁ lin₃, qui₂'lia'₂ dsi₂ tiá₂, dsa₂ i₂quian₅ ně₃ lé₂ le₃cán₂ 'a₂ jui₅ 'nio₃, quian'₅₄ caun₂ timón pí'₁ bá₄. ⁵ Le₂ně₅ bá₄ lě₅ quian'₅₄ le₁tsi'₂ dsa₂ ján₃; le₁tsi'₂ dsa₂ lě₅ caun₂ ni₁ñí₅ pí'₁ ton₅ ni₁ñí₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca'₅₄. iñí₂ de'₂ 'nia'₂ ján₃, 'e₂ gué₄ pa₁ 'ñá₁ má'₂ lé₂ le₃dsi'₂ quian'₅₄ ca₂míg₂ si₂ pí'₁!

⁶ Jaun₂ le₁tsi'₂ dsa₂ ně₃, lě₅ co₂'nió'₄ caun₂ si₂ a₂quian'₅₄ quió'₅ dsa₂. A₂lě₅ co₂'nió'₄ caun₂ mi₂güig₃ 'lig'₅₄ a₂ton₅ ni₁ñí₁ jniog₄, a₂jmo₅ ta₁ a₂qui₂rě₂'ñio₅ dsa₂ ta₁jain₂. Quian'₅₄ jág₁ dséi₂ a₂'ñiog₂ jniog₄, ně₂jag₄ bá₄ a₂guí'₂ si₂ le₁tsi'₂ jniog₄ jui₅ quián₂ tē₁lia'₂ chong₂, lě₅ ně₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂já₅ guio₃-juig₃. ⁷ Qui'₅₄ jmig₄ dsa₂ mi₂güig₃ jme₃'uáin₂ dsi'₅ ca₂le₃jě₃ ne₅₄ já'₂ i₂tsau₂ dsi'₅, já'₂ i₂'in₅, já'₂ i₂tsé'₅ quió'₅, já'₂ i₂chan₂ jmi₁ñí'₄ ně₃, ⁸ la₁ 'i₁jan₂ dsa₂ tsá₃ 'ein₂ ma₂tió'₃ jme₃'uáin₂ le₁tsi'₂ guoin₅₄. Lě₅ caun₂ a₂'lig'₅₄ a₂tsá₃ tei₄ lé₂ le₃jmo₃, qui₂rě₂can'₂ jág₁ dséi₂ ně₂jag₄ bá₄ mí₅ 'lig'₅₄ a₂dsan₂ dsa₂. ⁹ Quian'₅₄ le₁tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jmei₂ jniog₄, ton'₂ ján₃ gué'₂ 'ín₅ 'lig'₅₄ dsa₂ mi₂güig₃ i₂ma₂ca₂jmo'₂ Diú₄ lia'₂ lě₅ nió'₄ quió'₅ 'ñiog₅. ¹⁰ Quian'₅₄ mi₂'o₄ jniog₄ la₂, 'uē₂ jág₁ a₂jme₂juín'₁ Diú₄, ján₃ gué'₂ 'uē₂ jág₁ 'lig'₅₄ a₂'ín₅ dsa₂ rin'₅₄. Rin'₅₄ jniog₄, tsá₃ dsi₂ten₅₄ le₂ně₅. ¹¹ ¿'A₂ bá₄ lia'₂ chi₂jua'₂ caun₂ o₄tu₁ jmig₂ lé₂ le₃'iá₃ jmig₂ ráu₂ lia'₂ jmig₂ dsi'₃ ně₃? ¹² 'Nia'₂ rin'₅₄ jniog₄, ¿lé₂ le₃lé₂ jua'₅₄ caun₂ ni₁'ma₂ a₂'ag₅ míg₂ higo, jua'₅₄ a₂jaun₂ 'ag₃ táng₃ míg₂ aceitunas? O₃, ¿lé₂ le₃lé₂ jua'₅₄ ca₂cho'₅₄ uing₂ uvas, a₂jaun₂ 'ag₃ táng₃ míg₂ higos? Já₃n bá₄ le₂ně₅, 'i₁caun₂ tu₄ jmig₂ ja₁'ia₂ jmig₂ ñi'₅₄ tsá₃ lé₂ le₃'iá₃ jmig₂ ráu₂ ně₃.

Le₂la₂ dsón'₂ bá₄ lě₅ a₂dse₃ lia'₂ con'₂ dsi₂ten₅₄ le₃ñí'₂ dsi'₅ dsa₂

¹³ Ně₁jua'₂ chan₂ jě₄ quián'₂ 'nia'₂ jan₂ i₂ñí'₂ dsi'₅, ju₁i₁jme₂ñiai₂₃ jui₅ dse₃ 'a₂ lia'₂ ñi₂₃ tē₂le₃ quian'₅₄ a₂jmo₃ a₂dse₃, a₂jmo₃ mei'₂ lia'₂ con'₂ lě₅ ñí'₂. ¹⁴ La₁ ně₁jua'₂ tion'₅₄ 'nia'₂ jmo'₂ uin₅ 'au'₂ cha₂ a₂dsi'₃ tē₂'au'₂ 'nia'₂, tiong'₅₄ cha₂ a₂ma₂'ín₅ 'au'₂ guiong'₅₄; ně₁jua'₂ le₂ně₅, tsá₃ ca₂tín'₂ 'nia'₂ jmó'₂ táng'₅, on₃ gué'₂ jmó'₂ tē₂jíng'₁ quian'₅₄ jág₁ tí₅. ¹⁵ Ia₁ a₂ñí'₂ dsi'₅ dsa₂ le₂ně₅, on₃jua'₅₄ a₂já₅ guei'₅₄ ně₅; quió'₅ mi₂güig₃ bá₄. A₂lě₂ dsi'₅ ni₁ñí₁ dsa₂ guoin₅₄, ta₁ quió'₅ je₂na'₅₄ bá₄ ně₅. ¹⁶ Ia₁ ju₁lia'₂ ja₁tion'₅₄ dsa₂ uin₅ dsi'₅ quian'₅₄ riin'₅₄, ton'₂ co₂tan₅₄ cha₂ a₂ma₂'ín₅ dsi'₅ dsa₂ a₂lí'₂ jmá'₃ guoin₅₄, ja₁le₂jaun₂ tsá₃ 'e₂ dse₃ chí'₅ tion'₅₄ dsa₂, ton'₂ jmo₅-dsáu₅ dsa₂ ca₂le₃jě₃ ne₅₄ a₂'lig'₅₄. ¹⁷ La₁ ju₁lia'₂ ja₁ñí'₂ dsón'₂ dse₃ dsi'₅ dsa₂ a₂já₅ guei'₅₄ i₂juig₃, jě₁le₂'uig₅₄ de'₂

chan₂ dsa₂ quian₅ caun₂ jui₅ le₁jě₃; n₀5 jaun₂ táng₃ 'no'₂ jui₅ ja₁'ag₃ tei₄; 'en₅₄ dsí₅ dsa₂ lín₅ ně₃; caun₂ dsáu₅ dsí₅ bá₄ 'e₂ caun₂ a₂lě₂; chain₂ n₀éi₂ dsí₅ dsa₂ mi₂güig₃ riin₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ ně₃.¹⁸ Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁tón'₅ dsa₂ 'én₂ jmo₂₃ ján₃ a₂jmo₅ dsa₂ mi₂güig₃

¹ ¿A₂ jui₅ já₅ mi'₅₄ 'nei₂ a₂cha₂ jin'₄ 'nia'₂? ¿On₁jua'₅₄ 'uig₅₄ ia₁ a₂'niog'₂ 'nia'₂ le₃chang'₂ o₂'n₀ió₃ o₂n₀ia₃ 'au'₂, cuē₅ 'nei₂ ni₁n₀i'₁ 'nia'₂? ² Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin₅ 'au'₂ 'nia'₂ lín'₅. Ia₁ tsá₃ le₃lén'₂ 'nia'₂ a₂'ín₅ 'au'₂. Jmo'₂ 'nia'₂ mi'₅₄, dsia'₂ 'nia'₂ 'nei₂ ně₃, la₁ tsá₃ cha₂ quián'₂ 'nia'₂ ně₃, ia₁ tsá₃ mi'₂. ³ Jui₁lia'₂ jme₁mi'₂ guē'₂ 'nia'₂, la₁ tsá₃ n₀i'₂ guē'₂ 'nia'₂ 'uig₅₄ ia₁ tsá₃ mi'₂ 'nia'₂ con'₂ dsi₂ten₅₄, ia₁ a₂n₀ia'₅₄ 'niog'₂ 'nia'₂ 'éng'₄ a₂le₃chang'₂ o₂'n₀ió₃ o₂n₀ia₃ 'au'₂ bá₄. ⁴ ¡E₂ guē₄ lín'₅ 'nia'₂ jui₁lia'₂ lín₅ dsa₂ mí₂ i₂tsá₃ jen₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ n₀i'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güig₃, i₂le₂'éi₂ tē₂tsin'₅₄ lín₅ i₂'n₀ia₅₄ Diú₄ bá₄? Jaun₂ lě₃, jui₁'ein₂ guē₃ i₂jen'₂ quian'₅₄ mi₂güig₃, i₂'n₀ia₅₄ Diú₄ bá₄ 'éi₂. ⁵ ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein₅ jág₁ a₂juá'₂ ne₄ Si₂: "Jme₂dsí₂ i₂ma₂cu₁iin₃ i₂'en₅₄ jē₄ quián₂ jniog₄, dsí'₅ 'n₀io₅ lín₃ ia₁ a₂'nio₃ jniog₄?"* ⁶ La₁ tē₂le₃ 'n₀io₅ guē₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig₅₄ jaun₂ juá'₂ ne₄ Si₂: Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂.†

⁷ Tión'₂ 'nia'₂ o₄gú₃ Diú₄. Tsá₃ lē₁cuín₅ 'nia'₂ i₂sē₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂. ⁸ Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rē₂cán'₄ dso₄, rang₂ 'nia'₂ gog'₂; jmo₄ 'nia'₂ le₁jě₃ tē₂'au'₂, 'nia'₂ dsa₂ i₂le₁'ág₄ caun₂-tin₃ dsí₅. ⁹ Tión'₂ 'nia'₂ quian₂ o₂i₁ dsí₅, qui₂'-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui₂'-áu'₂ 'nia'₂; ján₃ guē'₂ le₂nē₅ nē₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂. ¹⁰ Jmo₄ 'nia'₂ meg'₂ tē₂le₃ ne₄ Te₁gui'₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í₁

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂'ín₅ 'lig'₅₄ jan₂ rin'₅₄, o₃ n₀i₂₃ qui₂con₂ 'í₁, co₂'nió'₄ 'lig'₅₄ bá₄ 'ē₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃.

* 4:5 'Nio'₂ ja₁ton₅ Éxodo 20:5. † 4:6 Proverbios 3:34.

Ia₁ nē₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ já₃ a₂líng'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ñiag'₂.
 12 Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'ñiog₅ bá₄ 'éi₂ nē₃ lé₂ le₃lió₂ o₃ 'liog'₃ 'e₂. La₁ ¿i₂'ein₂ bá₄ 'ne₂? ¿'E₂ lē₃ cáun'₂ 'í₁ quió'₅ dsa₂ mi₂güí₃ ríng'₂?

13 Nē₃ nē₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad nē₅, o₃ ciudad ó₃; ja₁jaun₂ dsi₁ñag₅₄ caun₂ ñi₂ dsi₁'ná₁g₁ dsi₁jmo₁ 'ma'₅₄ jaun₂ léi₂ cu.” 14 La₁ 'i₁ca₂juig₄ tsá₃ jaun₂ ñi'₅₄ 'nia'₂ 'e₂ lé₂ 'ióg₃, dsi₂jui₅ ja₁o₁nóg'₅. Ia₁ jui₁lia'₂ lē₅ caun₂ bē'₅₄ jnei₅ tei₂ bá₄ lín₅ 'nia'₂, nē₃ jniá₂ 'ei₅, nē₃ cón₅ tsá₃ ma₃cha₂ táng₃. 15 'Nió'₄ a₂jme₁dsiá'₂ 'nia'₂ já₁ le₂nē₅, le₂la₂ bá₄ ca₂tín₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsi₁jmo₁ a₂la₂ a₂ó₃.” 16 La₁ 'nia'₂ nē₃, ting'₂ dsia'₂ já₁ tá₅ jmo'₂ 'nia'₂ róng'₂; ca₂le₃jě₃ a₂dsia₅ dsa₂ já₁ le₂nē₅, 'lig'₅₄ bá₄. 17 Jaun₂ nē₃, dsa₂ i₂ñi₅ a₂dse₃ a₂lé₂ le₃jmo₃, la₁ nē₁jua'₂ tsá₃ ca₂jmo₃ nē₃, dso₄ bá₄ jaun₂ le₃quió'₅ 'éi₂.

5

A₂rē₂'ē₂ já₁ ja₁con₂ dsa₂ cha₂ cu

1 ¡Nei₂ 'nia'₂ a₂la₂, 'nia'₂ dsa₂ i₂cha₂ cu!₁ Qui'₂-o₄, guio'₅₄ 'nia'₂ o₄quió'₄ ca₂le₃jě₃ ne₅₄ jmi₁uig₅ a₂dsi₃ñí'₂ 'nia'₂. 2 Ca₂le₃jě₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi'₂ a₂quí'₂ 'nia'₂ ma₂quí'₅ i₁cá₁. 3 Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₄ já₃ng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ñi'₁ 'nia'₂ guiong'₅₄, lé₂ nē₂jag₄ bá₄ si₂. Ia₁ 'ñio₅ lín₃ qui₂ma₂dsia'₅₄ 'nia'₂ le₁má'₂ ca₂le₃jě₃ ne₅₄ a₂cha₂ quiáng'₂, jmi₄ jē₂ca₂tó'₂ la₂. 4 ¡jag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guió'₅ 'o₂₃; le₂jaun₂ guē'₂ já₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. 5 Ia₁ 'ñio₅ lín₃ dse₃ jlá'₁ ma₂ca₂rē₃chán₃ 'nia'₂ ne₄ gua'₅₄ 'uē₃ la₂, ma₂qui₂ma₂quian'₂ 'nia'₂ o₂'ñi₃ o₂'ñia₃ dsi₅. Ma₂ca₂jme₁'on'₁ 'nia'₂ lia'₂ 'on'₅₄ ca₁jui₅; la₁ já₅ jmi₄ ja₁dsián'₃ 'nia'₂ jui₁lia'₂ dsan₂ ca₁jui₅. 6 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rín₂; ¿tsa₁ lín'₂ 'nia'₂ jñia'₅₄ dsa₂ 'éi₂ mi₃ tē₃dsi₅₄ 'éi'₃ jmi₄ jaun₂?*

A₂chan₂ dsa₂ juin'₂ dsí₅ lín₅ caun₂ chi₁jñia₂₃ a₂jéin'₃ Diú₄ 'e₂ ma₂mi₃

7 Jaun₂ nē₃, rín₅₄ jniog₄, jmo₄ 'nia'₂ juin'₂ 'au'₂ ca₂lia'₂ ca₂tē₂ jmi₄ i₁guan'₂ Te₁gui'₅₄. Jui₁lia'₂ jan₂ dsa₂ i₂jmo₅ ta₁ ja₁nau₂ chi₁jñia₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juin'₂ dsí₅ bá₄ chi₁jñia₂₃ a₂guá₂ le₂'uig₅₄ jmí₅ tiá₄, a₂tē₅₄ jein₂ jmí₅ nē₃.

* 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

⁸ Le₂nē₅ bá₄ 'nia'₂ ján₃, jmo₄ 'nia'₂ juin'₂ 'au'₂, caun₂ 'éi'₂ 'nia'₂ 'au'₂, ia₁ ja₂quián₃ bá₄ jmig₄ a₂guan'₂ Te₁gui'₅₄. ⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui'₁ní'₄ gué'₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ jué'₄ i₂qui₃dsi₅ 'éi'₃ nē₂jag₄ i₂ma₂chén'₅ o₄'né₄ bá₄ 'éi'₂. ¹⁰ 'Nia'₂ rin'₅₄ jniog₄, quian₂ 'nia'₂ jui₅ jui₁lia'₂ jui₅ a₂ca₂can₃ dsa₂ i₂ca₂'é₂ jág₁ quián₅ Te₁gui'₅₄ ma₂líg'₂. Ca₂rē₃juín'₃ dsi₅ ne₄ ca₂le₃jē₃ jmi₁uig₅ a₂ca₂i₃ñi₂. ¹¹ Jag₄ jaun₂, jmo₂ jniog₄ dsi₅, 'e₂ gué'₄ dsen₃ dsa₂ i₂ca₂nau₂ tiá'₂ 'éi'₂. Ján₃ bá₄ ñi'₅₄ 'nia'₂ 'a₂ lia'₂ ca₂rē₃juín'₃ dsi₅ Job, ca₂nau₂ tiá'₂, ton'₂ ñi'₅₄ bá₄ 'nia'₂ ján₃ 'a₂ lia'₂ ca₂jme₃gu'₅₄ táng₃ Te₁gui'₅₄ quió'₅ 'éi'₂ jē₁ca₂tó'₂. Ia₁ le₂nē₅ bá₄ jau'₂ 'í₁ i₂'ua₁ dsi₅ lin₃ bá₄ Te₁gui'₅₄, ton'₂ ñéi'₂ dsi₅.

¹² Le₂nē₅ bá₄, jmo₄ 'nia'₂ ne₄ ca₂le₃jē₃, rin'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lē₁'ē₂ 'nia'₂ guei'₅₄ i₂juíg₃, on₃ gué'₂ 'ē₂ 'nia'₂ gua'₅₄ 'uē₃, on₃ gué'₂ 'i₁caun₂ cosa siá'₂ a₂lē₁'ē'₁ 'nia'₂ jua'₅₄ a₂'íng'₄ Diú₄. Jē₁ma₂tē₂ rē₁dsiá'₁ 'nia'₂ jág₁, jua'₅₄ 'nia'₂ "ján₅", jui₁le₂ti₃ bá₄ "ján₅" jaun₂; ján₃ bá₄ le₂nē₅ jui₁lia'₂ jme₁jua'₂ 'nia'₂ "jan₂'ón₄", jui₁le₂ti₃ bá₄ "jan₂'ón₄" jaun₂, ia₁jaun₂ tsá₃ tē₃dsi₅₄ 'éi'₃ ja₁con'₂ 'nia'₂.

¹³ Nē₁jua'₂ 'ein₂ 'nia'₂ chan₂ o₂i₁ dsi₅, jui₁chi₂lén'₂ ne₄ Diú₄. Nē₁jua'₂ 'ein₂ gué'₂ chan₂ i₂'ei₅ dse₃ dsi₅, jui₁'ē₁₂ son₅₄ a₂rē₂juin'₂ Diú₄. ¹⁴ Nē₁jua'₂ chan₂ 'ein₂ i₂dso'₅₄, ca₂tíin₂ tē'₂ dsa₂ can'₅₄ quián₅ guá'₅,† ia₁jaun₂ chi₃lén'₂ 'éi'₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lē₅ 'éi'₃ quió'₅ Te₁gui'₅₄. ¹⁵ Ia₁ jē₁chi₂lén'₂ dsa₂ Diú₄ a₂'ein₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nē₁jua'₂ 'e₂ dso₄ ma₂táin'₂ nē₃, 'én₂ bá₄ dsáu₁. ¹⁶ Jaun₂ lē₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ gué'₂ chi₂len'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rē₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷ Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jē₄ chi₂lén'₂ Diú₄ a₂co₂ñei'₅₄ tsá₃ ma₃téin₃ jmí₅, jaun₂ 'ni₅ ñi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uē₃. ¹⁸ Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uē₃.

¹⁹ 'Nia'₂ rin'₅₄ jniog₄, nē₁jua'₂ chan₂ 'nia'₂ i₂dsi₂cón'₅ dsi₅ jui₅ dsau₅, nē₁jua'₂ jan₂ gué'₂ i₂ca₂jéin'₂ táng₃, ²⁰ dsá₂ 'au'₂ 'nia'₂ jmo₄ a₂la₂: jui₁'ein₂ gué₃ i₂jén'₂ jan₂ dsa₂ i₂rē₂cán'₄ dso₄ jui₅ 'lig'₅₄ a₂jme₁ma₂ñó₅, lióin₂ jme₂dsí₂ quió'₅ 'éi'₂ ne₄ 'mú₃, jaun₂ le₂nē₅ jlē₂ 'lióng₂ dso₄ dsi₂'én₂ nē₃.

Co₂nē₅.

† 5:14 griego: presbíteros.

Si₂ carta le₂'uig₅₄ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián'₅ tsi₁rē₂jan₅₄ uíng₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rē₂jan₅₄ i₂ma₂lín₅ co₂'nió'₄ dsi₂nau₂ i₂tián'₅ uíng₂, le₂tan₅₄ 'uë₃ Ponto, quian'₅₄ Galacia, Capadocia, Asia, Bitinia ně₃, ² ne₄ ca₂le₃jín₃ dsa₂ i₂ma₂quion'₅₄ quián₅ Diú₄ Jmei₂ jniog₄ lia'₂ con'₂ lě₅ ma₂i₃jio₅ dsí₅ ca₂le₂jñiá₅. Ca₂quió'₂ Diú₄ tē₂le₃ quian'₅₄ ta₁ quió'₅ Jme₂dsí₂ quián₅ ia₁jaun₂ ma₂lě₅ 'í₁ 'nia'₂, ia₁jaun₂ le₃chang'₂ jme₁ti'₄ ne₅₄, chan'₂ 'nia'₂ qui₂le₁jě₃ jme₂dsí₂ quiáng'₂ ně₃, rē₂jñióg'₄ le₁séng'₅ jmi₂ 'an₅₄ Jesucristo. Jaun₂ juá'₅ jniá₂, ju₁chan'₂ bá₄ 'nia'₂ dse₃ ne₄ ca₂le₃jě₃ ne₅₄ a₂dse₃ jme₂gu'₅₄ Diú₄, 'ei₅ tei₄ja₁con'₂ 'nia'₂ ca₂le₃jíng'₃.

'A₂ lia'₂ chan₂ dsa₂ caun₂ bá₄ a₂le₁'ág₄ dsí₅ a₂ma₂rē₂'én₄ dsáu₁, tíin'₄ guei'₅₄ i₂juíg₃

³ Ju₁le₂juin'₂ bá₄ Diú₄ Jmei₂ Te₁gui'₅₄ Jesucristo quián₂, ia₁ ca₂dsia₃ njei₂ dsí₅ 'ñio₅ lín₃ jniog₄, ca₂cuë₃ jme₂dsí₂ 'mí₂, ma₂jmo₃ bá₄ a₂ma₂ca₂rē₃chóng₃ táng₃ jniog₄ tē₂le₃ quian'₅₄ ju₁i₅bí₂ a₂ca₂jen'₅₄ táng₃ Jesucristo jin₄ 'lag₄. 'Uig₅₄ ně₅ bá₄ a₂chong₂ jniog₄ caun₂ bá₄ qui₂le₁'ág₄ dsí₅ a₂dsi₁no₃ tág'₄ guei'₅₄ i₂juíg₃. ⁴ Ton'₂ jmo₃ a₂guéi'₁ 'nia'₂ a₂ma₂lě₅ jág₁ a₂tíng'₅₄ cuë₃ Diú₄, a₂lě₅ caun₂ a₂tsá₃ ton₅ jmig₄ dsí₃'én₂, on₃ guë'₂ lé₂ le₃'lig'₅₄, on₃ guë'₂ ton₅ jmig₄ le₃juíng₅ ně₃. Ca₂le₃jě₃ a₂ně₅ malě₅ co₂jñia₅₄ rē₂'ma₄ guei'₅₄ i₂juíg₃ quián'₂ 'nia'₂. ⁵ Tē₂le₃ ia₁ a₂'én'₂ 'nia'₂ ma₂jmo₂₃ 'í₁ quian'₅₄ ju₁i₅bí₂ quió'₅ a₂dsi₁no₃ 'nia'₂ tíng'₄ a₂le₃jniá₂ jmig₄ jē₁ca₂tó'₂ i₁lión'₂ 'nia'₂.

⁶ 'Uig₅₄ ně₅ bá₄ ně₃ ju₁chan'₂ 'nia'₂ qui₂le₁'ág₄ dse₃ 'au'₂, 'io'₂ jéng'₂, tsá₃ a₂léi₂ ju₁la₂ 'lióng₂ táu₂ a₂qui₂dsi₃ñi'₂ 'nia'₂ co₂'na₂. ⁷ Ia₁ lia'₂ lě₅ cu₄nióg₄ bá₄ lě₅ 'én'₂ 'nia'₂: jaun₂ tion₅₄ 'nió'₅ cáu₃, ñag₅ si₂, jíóg'₂ 'í₁ le₃léi₄ chi₂jua'₂ tē₃dsón'₂ bá₄ dse₃. Ju₁lia'₂ jau'₂ 'í₁ cu₄nióg₄ tē₂le₃ quian'₅₄ si₂, ján₃ bá₄ le₂ně₅ jíóg'₂ 'í₁ a₂'én'₂ 'nia'₂ tē₂le₃ quian'₅₄ uig₅ a₂niog₅ qui₂dsi₂ñig'₂. Ia₁ a₂'én'₂ 'nia'₂ ně₅, quen₅ guë'₄ 'ñio₅ lín₃ lia'₂ con'₂ guë'₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂. Jaun₂ ně₃ jē₁ma₂ca₂o₃'ág₃ jág₁ a₂'én'₂ 'nia'₂ tē₃dsón'₂, jaun₂ guë'₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂ qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄ i₂juíg₃ jē₁ma₂ca₂rē₃jniá₂ Jesucristo.

⁸ 'Nió'₃ bá₄ 'nia'₂ Cristo ju₁la₂ tsá₃ ma₂ca₂tē₂ne'₅₄ 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quió'₅ 'éi₂, jñia'₅₄ la₂ tsá₃ ma₂ca₂jñin'₅₄

'nia'₂ dsón'₂ dsi₁ne₁ la₁ 'ñio₅ lin₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂lia'₂ le₃jua'₅₄, ⁹ia₁ le₂nē₅ bá₄ ma₂lin'₂ 'nia'₂ jui₅ ja₁ma₂lón₂ jme₂dsí₂ quiáng'₂; ia₁ ja₁jaun₂ dsi₁no'₃ dsón'₂ bá₄ 'nia'₂ lia'₂ con'₂ lē₅ 'éng'₂.

¹⁰ Jui₁lia'₂ jág₁ a₂lió₂ Diú₄ nē₅, lia'₂ con'₂ lē₅ jme₁'ē₂ dsa₂ quián₅ Diú₄ jág₁ ma₂líg'₂, ca₂juá'₂ tē₃jñiá'₅ 'a₂lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ nē₃ ca₂'náu'₃ jág₁ dsau₅ ca₂caun₃ 'í₁ rē₂ lin₃, ¹¹'ein₂ dsón'₂ 'éi₂, o₃ 'e₂ 'ió'₄ a₂ñág₃ uig₅, a₂le₃juiin'₂ táng₃ cang₂ jaun₂. Ca₂jmo₃ bá₄ dsa₂ 'éi₂ nē₃ lia'₂ con'₂ lē₅ ca₂'ē₃ Jme₂dsí₂ quián₅ Cristo jui₅ tē₂dsí₅. ¹²Ca₂jme₃jnia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guoin₅₄, a₂dse₃ tē₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'ē₂ jág₁, co₂rē₂ bá₄ lia'₂ con'₂ lē₅ jág₁ a₂ma₂ca₂rē₃'ē₂ ja₁con'₂ 'nia'₂ tē₂le₃ quian'₅₄ Jme₂dsí₂ Jñió₅ i₂chen₄ já₅ guei'₅₄ i₂juíg₃. Ca₂le₂jio₅ ángeles nē₃, jme₁'ín₅ dsí₅ tē₃ ne₅₄ ca₂le₃jē₃ a₂nē₅.

Diú₄ ma₂ca₂tē₃ jniog₄ a₂le₃chong₂ le₁jē₃ jme₂dsí₂ quián₂

¹³ Jaun₂, rē₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₁jan'₄ a₂jme₃gu'₅₄ Diú₄ jmi₄ jē₁ma₂tē₂ rē₁jme₃jnia₅ Jesucristo. ¹⁴La₁ jui₁len'₅₄ 'nia'₂ chi'₂-guein₂ dsen₃ quián₅ Diú₄ i₂qui₂rē₂ti'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jñia₅ guē₄ 'lig'₅₄ 'au'₂, lia'₂ jme₁lín₄ 'le₂jñiá₅ lia'₂ con'₂ tsá₃ 'e₂ jme₁ma₂ñi'₅₄ 'nia'₂ le₃quió'₅ Diú₄. ¹⁵Tē₂le₃ jui₁le₂chan'₂ bá₄ 'nia'₂ qui₂le₁jē₃ tē₂'au'₂ qui₂rē₂jñi₄ co₂ñei'₅₄ jme₂dsí₂ quiáng'₂ quian'₅₄ ca₂le₃jē₃ guē₄ a₂jmo'₂ 'nia'₂. Ia₁ i₂jñi₅ lin₃ bá₄ Diú₄ i₂ma₂ca₂tē₃ 'nia'₂. ¹⁶Ia₁ juá'₂ ne₄ Si₂: “Jui₁le₂jñi₄ bá₄ 'nia'₂, ia₁ i₂jñi₅ bá₄ jniá₂ 'ñi₃.”*

¹⁷Chi₂jua'₂ tē'₂ 'nia'₂ “Tia₅₄” i₂qui₂con'₂ 'í₁ quió'₅ le₂jan₂ le₂jan₂ dsa₂ lia'₂ con'₂ lē₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jē₃ jmi₄ tē₂lia'₂ chan'₂ 'nia'₂ lín₄ nē₂jag₄ bá₄ dsí₂nau₂ ne₄ gua'₅₄ 'uē₃ la₂. ¹⁸Ia₁ ma₂ñi'₅₄ bá₄ 'nia'₂, on₃jua'₅₄ a₂ca₂qui₃ quian'₅₄ cosa a₂tsá₃ uē₂ jio₅, quian'₅₄ jui₁lia'₂ cu₄nióg₄ cu₄tiog₂ a₂ca₂lióin₂ 'nia'₂ ne₄ jui₅ a₂tsá₃ ta₁ tí₄ a₂jme₁le₁quian'₄ 'nia'₂, a₂ca₂rē₂tín₃ ca₂ñág₃ dsa₂ can'₅₄ quiáng'₂. ¹⁹Ca₂quín'₂ 'nia'₂ tē₂le₃ quian'₅₄ jmi₂ 'an₅₄ Cristo a₂quen₅ guē₄ lin₃, a₂ca₂ñó₃ qui₂rē₂jein'₅₄ ne₄ Diú₄ nē₂jag₄ bá₄ já'₂ cha'₂ i₂tsá₃ 'e₂ 'lig'₅₄ lín₅ 'i₁caun₂. ²⁰Ia₁ lia'₂ con'₂ né'₃ a₂nio₃ mi₂güí₃, jme₁ma₂rē₂'ín₁ bá₄ a₂lióin₂ dsa₂ mi₂güí₃. Ia₁ ma₂ca₂rē₃jñiá₂ jmi₄ jē₁ca₂tó'₂ rē₂nē₃, a₂dse₃ o₄quián'₂ 'nia'₂. ²¹Ia₁ tē₂le₃ quian'₅₄ 'éi₂ bá₄ 'én'₂ 'nia'₂ le₃quió'₅

* 1:16 Levítico 11:14,45; 19:2; 20:7.

Diú₄ i₂ca₂jme₃jen'₅₄ Cristo ja₁jme₁rē₂'liin₅₄, jaun₂ ca₂jme₃jláu'₁ nē₃. 'Uig₅₄ jaun₂, ju₁le₁'ág₄ 'au'₂ 'nia'₂ 'éng'₂ të₂le₃ quió'₅ Diú₄.

22 Nē₃ nē₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ të₃dsón'₂ bá₄ ma₂'nió'₃ 'nia'₂ ríng'₂, jme₁'nió₄ 'nia'₂ ríng'₂ le₂jang'₂ le₂jang'₂ jaun₂ nē₃ ca₂le₃jě₃ 'au'₂,† 23 Ia₁ ma₂ca₂rē₃chán'₃ 'nia'₂ táng₃, la₁ on₃jua'₅₄ lia'₂ lě₅ rē₃chan₂ jaun₅ dsa₂ i₂dsan₂. A₂ca₂lín'₃ jaun₅ Diú₄ bá₄ i₂tsá₃ líg'₂ jmíg₄ dsián₃. Ca₂rē₃cháng'₃ të₂le₃ quian'₅₄ jág₁ jén'₃ quió'₅ Diú₄ bá₄ a₂jio₅ co₂tan₅₄. 24 Ia₁ ne₄ Si₂ juá'₂:

Ca₂le₃jín₃ dsa₂ mi₂güig₃

lín₅ jui₁lia'₂ lě₅ ni₁nau₂,

ca₂le₃jě₃ 'a₂ lia'₂ jláin'₁

lě₅ lia'₂ lě₅ lí₁ jlá'₁ quió'₅ ni₁nau₂.

Jë₁ma₂ca₂rē₃quén₃ ni₁nau₂,

ca₂tá'₂ bá₄ lí₁ ján₃.

25 La₁ jág₁ quió'₅ Te₁gui'₅₄ jio₅ co₂tan₅₄ bá₄,‡

Jaun₂ jág₁ dse₃ a₂lión₂ dsa₂ nē₅ ma₂ca₂rē₃'ě₂ jin'₄ 'nia'₂.

2

1 Jaun₂ nē₃, co₂dsia₅ tí₃ 'nia'₂ ca₂le₃jě₃ ne₅₄ a₂'lig'₅₄, quian'₅₄ 'a₂ lia'₂ lě₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jě₃ guě₄ a₂lě₁chi₂dsia'₂ 'nia'₂ 'íng'₅ ríng'₂. 2 Jmo₄ 'nia'₂ nē₂jag₄ bá₄ guein₂ pí'₁ i₂ín₅ dsí₅ 'ín'₂ dsi'₅₄ jmá'₅ a₂gu₂dsí₂, jaun₂ të₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'ñia₅ i₁lión'₂ 'nia'₂, 3 chi₂jua'₂ të₃dsón'₂ bá₄ ma₂ca₂rē₃len'₄ 'nia'₂ jmá₂ a₂dse₃ dsí₅ Te₁gui'₅₄.*

Cristo bá₄ i₂lín₅ ni₁'lau₂ jén'₃

4 Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güig₃ nē₃ tsá₃ ca₂rē₃jei₅₄, la₁ të₂le₃ quió'₅ Diú₄ nē₃ lě₅ ni₁cang₁ rē₂quío'₅₄ a₂jlá'₁ a₂quen₅ guě₄ lín₃. 5 Le₂nē₅ bá₄ 'nia'₂ ján₃, jmo₄ 'nia'₂ 'au'₂ a₂lín'₅ co₂'nió'₄ ni₁cang₁ jén'₃ a₂jmó'₂ Diú₄ ta₁ a₂jui₂₃ jmóg'₅ caun₂ 'né₅ a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lě₅ 'í₁ quiáin₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lě₅ a₂'ñio₂ dsí₅ 'éi₂ gue₂₃ të₂le₃ quian'₅₄ Jesucristo. 6 Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tin₃ dsí₅.†

7 Të₂le₃ quián'₂ 'nia'₂ i₂'éng'₂, ni₁'lau₂ jaun₂ lě₅ a₂quen₅ 'ñio₅ lín₃. La₁ të₂le₃ quió'₅ i₂tsá₃ 'én₂ nē₃, rē₂tí₃ jui₁lia'₂ juá'₂ ne₄ Si₂:

† 1:22 A₂lín₅₄ chog₅₄ Si₂: "a₂le₃jě₃ 'au'₂." ‡ 1:25 Isaías 40:6-8. * 2:3 Salmo 34:8.

† 2:6 Isaías 28:16.

Ni₁cang₁ a₂tsá₃ ca₂rë₃ji'₅₄ dsa₂ i₂jme₁jmóg'₅ 'né₅,
 ca₂lë₃ ni₁cang₁ a₂dsen₅₄ gué₄ quió'₅ qui'₅₄ 'ia'₂.[‡]
 8 Rë₂ti₃ já_n₃ ja₁juá'₂ ne₄ Si:
 ni₁cang₁ a₂qui₂nió₅ dsa₂,
 ni₁'lau₂ a₂jmo₅ a₂dsi₂gan'₅₄ dsa₂.[§]
 'Uig₅₄ ia₁ a₂tsá₃ 'nio₃ jme₃ti₃ já_g₁ dse₃, qui₂nió₅ ju₁lia'₂ ma₂'i₄ 'éi'₃
 dsi₃ñí₂.

Dsa₂ i₂tén₅ le₃quió'₅ Diú₄

9 Ma₂lín'₅ bá₄ 'nia'₂ ně₃, jon₂ dsa₂ i₂rë₂quion'₅₄ quián₅ Diú₄.
 Líng'₅ co₂nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ ñjió₅,
 dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín'₅ 'nia'₂, ia₁jaun₂
 qui₂jme₁ñia'₅ 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂
 bá₄ ma₂ca₂'uí_n'₂ 'nia'₂ jë₄ qui₁né'₃, ca₂tág₃ tē₂le₃ ja₁ñiá₂ si₂
 jlá'₁ quió'₅. 10 Le₂ñiá₅ ně₃, tsá₃ dsa₂ juig₂ jme₁lín'₄ 'nia'₂; la₁
 rë₂ně₃ ně₃ ma₂ca₂dsi₃nó'₅ 'nia'₂ ma₂lín'₅ dsa₂ juig₂ quián₅ Diú₄.
 Ca₂le₂ñiá₅, 'i₁jan₂ tsá₃ 'ein₂ jme₁ñéi₂ dsí₅ 'nia'₂; la₁ rë₂ně₃, Diú₄
 ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

11 'Nia'₂ rñ'₅₄ jniog₄ i₂'nióg₃, 'nia'₂ i₂tiáng'₅ uíng₂ i₂ma₂lín'₅
 ně₂jag₄ bá₄ dsi₂nau₂, chi₂len'₄ jniá₂ 'nia'₂ co₂dsia₅ tí₃ 'nia'₂
 ca₂le₃jě₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsí₂
 quián'₂ 'nia'₂. 12 I₂nio₄ bá₄ 'nia'₂ con'₂ dsi₂ten₅₄ jin₄ dsi₂nau₂ juig₂
 ja₁tiáng'₄, ia₁jaun₂ ju₁la₂ 'ag₂₃ 'iin₂₃ 'nia'₂ 'lig'₅₄ a₂jág₂ jíin₂ 'nia'₂
 ně₂jag₄ bá₄ dsa₂ i₂le₁cán'₄ dso₄, la₁ jë₁ma₂ca₂tě₂ ne₅₄ a₂dse₃ jmo'₂
 'nia'₂, jme₃juin'₂ bá₄ Diú₄ jë₁ma₂tě₂ rë₁tě₃dsi₅₄ 'éi'₃.

13 Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃ 'éi'₃ qui'₅
 ju₁'ein₂ gué₃ dsi₂tan₅₄ i₂dsián₁ quián₅ dsa₂ ne₄ gua'₅₄ 'uë₃ la₂;
 tión'₂ 'nia'₂ 'éi'₃ qui'₅ ju₁lia'₂ gui'₅₄ dsi₂tan₅₄ emperador 14 lia'₂
 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cué'₃ uig₅ dsa₂ i₂jmo₅
 'lig'₅₄, la₁ dse₃ 'iin₃ dsa₂ i₂jmo₅ a₂dse₃. 15 Ia₁ a₂ně₅ bá₄ a₂'nio₃ Diú₄;
 a₂j mó'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅
 'lig'₅₄ 'nia'₂ ia₁ a₂tsá₃ ñi₅.

16 I₂nio₄ bá₄ 'nia'₂ jaun₂, lia'₂ jë₁i₂nio₄ dsa₂ i₂ma₂ca₂lón₂
 i₂ma₂ca₂niá₃ ju₁ quió'₅, la₁ tsá₃ o₁leng'₅₄ jua'₅₄ a₂ma₂rë₂na₄ ju₁
 ia₁jaun₂ 'náu'₁ dso₄. Ju₁le₂chan'₂ 'nia'₂ a₂lín'₅ dsa₂ i₂jme₂ti₃ ta₁
 ne₄ Diú₄. 17 Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ ríng'₂
 ně₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsi₂tan₅₄ dsa₂
 juin'₂.*

Caun₂ já_g₁ dsau₅ 'a₂ lia'₂ lě₅ jm₁uig₅ a₂ca₂i₂ñí₂ Cristo

‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄."

18 'Nia'₂ guë'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jě₃ 'e₂ te₂néi'₂ juig'₂ 'nia'₂. Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄ le₂jio₅ ne₄ dsa₂ i₂tsau₂ dsí₅ ně₃. 19 Ia₁ ja₂lin₃ guë'₄ dse₃ tē₂tsin'₅₄ dsa₂ ne₄ Diú₄ jme₁jmo₂₃ tió'₃ dsí₅ nág₅ uig₅ on₃jua'₅₄ a₂cha₂ riin₂, ne₄ ia₁ a₂l'í₄ dsí₅ a₂ñi₀₂ dsí₅ Diú₄ bá₄. 20 Ia₁ nē₁jua'₂ jmo'₂ 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, ¿'e₂ a₂dse₃ a₂lé₂ le₃guéi'₁ 'nia'₂ nē₁jua'₂ le₂jaun₂? La₁ nē₁jua'₂ nág'₅₄ 'nia'₂ uig₅ ne₄ 'uig₅₄ a₂dse₃ a₂jmo'₂, ton'₂ jmo'₂ 'nia'₂ tió'₃ 'au'₂, ia₁ le₂nē₅ bá₄ dsió₄ tē₃tsin'₅₄ 'nia'₂ dse₃ ne₄ Diú₄. 21 Ia₁ ta₁ jaun₂ ma₂ca₂rē₃tē₄ 'nia'₂, ia₁ ján₃ bá₄ ca₂nág₃ Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂nē₅ i₁nio'₄ 'nia'₂ jui₁lia'₂ ca₂ñi₃ 'ñiog₅.

22 'I₁caun₂ dso₄ tsá₃ 'e₂ ca₂'náu₂,

on₃ guë'₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

23 jme₁qui₂ca₂jnáu'₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quiain₃ dsa₂ jué'₅. Tē₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₂dsi₅ 'éi'₃ lia'₂ tí₅. 24 Le₂nē₅ bá₄ ca₂caun₃ Cristo jui₅ ni₁ñi₁₂ 'ñiog₅ dsáu₁ jniog₄ jme₁ca₂ñó₃ ne₄ cróg₄ ia₁jaun₂ dsió₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂. 25 Ia₁ le₂jñiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅;‡ la₁ rē₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁§ jme₂dsí₂ quián'₂ 'nia'₂.

3

'A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

1 Le₂nē₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ nē₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'líong₂, tē₂le₃ quian'₅₄ jui₅ 'a₂ lia'₂ lě₅ i₂nio'₄ bá₄ 'nia'₂, 2 ia₁ tē₃ ne₅₄ a₂ma₂lín'₂ 'nia'₂ dsa₂ i₂le₁jě₃ dsí₅, i₂ñi₅ 'a₂ lia'₂ jme₃go₃. 3 Tsá₃ jui₁le₅₄ jua'₅₄ a₂jñia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ jui₁lia'₂ a₂ñi₄ jlá'₁ qui₂rē₂lag₄ dsei'₂, o₃ a₂qui₂le₁lin'₄ 'nia'₂ jui₁lia'₂ quian'₅₄ mīg₂ cu₄nióg₄, tsín'₂ jlá'₁ ně₃. 4 Qui₁jmo'₅₄ bá₄ 'nia'₂ jláng'₁ tē₂le₃ quian'₅₄ a₂rē₃'ma₄ tē₂'au'₂ 'nia'₂, a₂rē₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rē₃lin₄ dsa₂ le₂nē₅ bá₄ lě₅ caun₂ a₂jlá'₁ a₂tsá₃ líg'₂ jmi₄ dsí₃'én₂, ton'₂ quen₅ 'ñio₅ lin₃ tē₂le₃ ja₁con₂ Diú₄. 5 Ia₁ le₂nē₅ bá₄ jme₁qui₂le₁lin₄ dsa₂ mí₂ i₂jme₁lě₄ 'í₁ quián₅ Diú₄ ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅ Diú₄, ton'₂ tióin'₅₄ 'éi'₃ quió'₅ dsi₂i₂gu₂. 6 Ján₃ bá₄ le₂nē₅

† 2:22 Isaías 53:9. ‡ 2:25 'Nio'₂ ja₁ton₅ Isaías 53:5,6. § 2:25 griego: epískopos.

jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂tě₃ "Gui'₅₄ quiáng₃". Le₂ně₅ bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂, ně₂jag₄ bá₄ chí'₂ quiáin₅ bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jíá₃'au'₂ 'nia'₂.

⁷ Le₂ně₅ bá₄ ján₃, 'nia'₂ dsa₂ ŋe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂, jui₁ŋei₂ bá₄ a₂ca₂tín₂ jme₁gain'₃ 'nia'₂, ia₁ lín₅ i₂'uan₅₄ guě₄ lia'₂ con'₂ guě₄ guióng'₅₄, lín₅ co₂'nió'₄ caun₂ ni₁vaso a₂go'₂ guě₄; ia₁ co₂rě₂ bá₄ lín'₅ 'nia'₂ dsa₂ i₂rě₂gon'₅₄ i₂ca₂tín₂ le₃chan₂ dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂ rě₁chi₁len'₄ 'nia'₂ Diú₄.

Dsa₂ i₂ŋág₅ uig₅ ne₄ ia₁ a₂jmo₂₃ a₂dse₃

⁸ Jě₁ca₂tó'₂ rin'₅₄ jniog₄, jui₁chan'₂ bá₄ 'nia'₂ ca₂le₃jín'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió'₄ 'nia'₂ ríng'₂; jui₁chan'₂ 'nia'₂ ŋéi₂ 'au'₂; jmo₄ 'nia'₂ meg'₂ ně₃.

⁹ Tsá₃ lě₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ tē₁'óng'₁ dsa₂ i₂tě₂'o'₂. Tě₂le₃jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂ 'nia'₂ a₂ma₂ca₂tě₃, ia₁jaun₂ bá₄ tin'₃ 'nia'₂ jme₃gu'₅₄ Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tín₂ jmo₃ 'í₁ le₁tsi'₂

jaun₂ tsá₃ 'ŋiáí₃ jág₁ 'lig'₅₄,

on₃ guě'₂ 'nió'₅ 'uě'₃ jág₁ tē₂jág₁ mi₂'o₅₄.

¹¹ Co₂dsia₅ 'nió'₅ quiá'₂ dsa₂ cau₅

jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;

'nió'₅ 'no'₂ dsa₂ jui₅ ja₁'ei₅ tei₄,

jaun₂ jui₅ jaun₂ 'en₃.

¹² Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,

ton'₂ rě₂jáin₁ nag₂₃ 'e₂ chi₂léi'₂ dsa₂ quiáin₅,

la₁ tē₂le₃ quió'₅ i₂jmo₅ a₂'lig'₅₄,

le₂cau₅ bá₄ jéin'₅ ne₅₄.*

¹³ ĺ₂'ein₂ bá₄ lé₂ le₃jmóg'₂ ně₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? ¹⁴ La₁ jui₁'a₂ guě₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ guě₄ dsen'₃ 'nia'₂ chang'₂ jua'₅₄ le₂jaun₂.

Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ guě'₂ cán'₁ 'nia'₂ juě'₅.† ¹⁵ Tě₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂ i₂jŋiós, a₂lě₅ 'í₁ tē₂'au'₂ 'nia'₂. Chan'₂ 'nia'₂ rě₂jáng'₁, a₂jein'₅₄

jág₁ quió'₅ dsa₂ i₂'nio₃ le₃ŋi₅ 'a₂ lia'₂ lě₅ a₂'ín₂ 'au'₂ 'nia'₂. Jŋia'₅₄ lia'₂ jmo₄ a₂ně₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂

dsa₂ ně₃, a₂qui₂le₁jě₃ a₂qui₂dsi₂jŋi₅ 'au'₂, ¹⁶ ia₁jaun₂ le₃gui'₅₄ dsa₂ i₂chi₂'ag₅ 'lig'₅₄ o₄quió'₄ jui₅ dse₃ a₂i₂'nio₄ 'nia'₂ le₃quió'₅ Cristo.

* 3:12 Salmo 34:12-16. † 3:14 Isaías 8:12.

17 Nē₁jua'₂ le₂jaun₂ 'nio₃ Diú₄, ja₂lin₃ guē₄ dse₃ a₂ñág₅ dsa₂ uig₅ ne₄ ia₁ a₂jmo₂₃ a₂dse₃, lia'₂ con'₂ guē₄ ne₄ a₂jmo₂₃ a₂'lig'₅₄.

18 Ia₁ le₂nē₅ bá₄ ján₃, co₂ráun₂ bá₄ ca₂jon₃ Cristo[‡] jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ñí₂ bá₄ 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tē₂ ja₁con₂ Diú₄. Ca₂join₃ juí₅ ni₁ñi₁₂, ton'₂ ca₂jein'₅₄ bá₄ táng₃ tē₂le₃ quian'₅₄ Jme₂dsí₂. 19 Jaun₂ le₂nē₅, ca₂ñei₅₄ ca₂i'ē₄ jág₁ ja₁con₂ jme₂dsí₂ i₂jme₁tion'₅₄ le₁jní₅ 20 i₂tsá₃ ca₂nág₂ gau₂ jmi₄ ma₂lig'₂ jaun₂ lia'₂ con'₂ jme₁chan₂ Noé. Uē₂ bá₄ ca₂jmo₃ Diú₄ juin'₂ dsí₅ ca₂ñia₃ tē₂lia'₂ lē₂ ni₁barco. § Jñia₃ tan₅₄ dsa₂ bá₄ lē₂ i₂ca₂lón₂ quian'₅₄ a₂jaun₂ jme₁ca₂'a₃ jmi₂ güí₃. 21 A₂jaun₂ jáng'₅ caun₂ léi₄ jme₁chó₅ jniog₄ jmi₂ güí₃ jmi₂ güí₃ rē₂nē₃, a₂ma₂ca₂lag₃ jniog₄ dsa₂ i₂ma₂ca₂lón₂; on₃jua'₅₄ a₂jñia'₃ a₂'lian₅₄ dsa₂, tē₂le₃ a₂jang'₂ jniog₄ caun₂ léi₄ a₂quián₁ jniog₄ caun₂ juí₅ a₂le₁jē₃ jme₂dsí₂ quián₂ tē₂le₃ ne₄ Diú₄ bá₄, ton'₂ ca₂lól₂ jniog₄ tē₂le₃ quian'₅₄ juí₅bí₂ a₂ca₂jen'₅₄ Jesucristo. 22 Ca₂uig'₂ táng₃ ñái'₃ guei'₅₄ i₂juí₃; ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃ guē₄ i₂'io₅ juí₅bí₂ nē₃.

4

A₂jme₂ti₃ dsa₂ lia'₂ con'₂ lē₅ juí₅bí₂ a₂ma₂cuē₃ Diú₄

1 Jaun₂ lē₃, ia₁ ca₂ñág₃ Cristo uig₅ juí₅ ni₁ñi₁₂, le₂nē₅ bá₄ 'nia'₂ ján₃ chan'₂ 'nia'₂ rē₂lín_g'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ juí₁lia'₂ dsa₂ i₂ma₂ca₂ñág₃ uig₅ juí₅ ni₁ñi₁₂, co₂dsia₅ ma₂tí₂ bá₄ juí₅ jē₁jme₁'no₂₃ dso₄. 2 A₂le₃chain₂ táng₃ tē₂le₃ ne₄ juí₅ ja₁ñó₄, a₂jme₃ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cué'₃ guē₄ o₂ñi₃ o₂jñia₃ dsí₅ con'₂ niog₅ mi₅ ni₁ñi₁₂. 3 Tió'₅, a₂ma₂ca₂ñi₂ juin₅₄ qui₂ma₂jmo'₅₄ 'nia'₂ ja₁ma₂ja₂nóg'₅, lia'₂ con'₂ lē₅ jmo₅-dsáu₅ ca₂le₃jín₃ dsa₂ i₂tsá₃ cuin₅ Diú₄. Ia₁ jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lē₂ 'au'₂ 'nia'₂ nē₃; jme₁qui₂i₂niog'₅₄ qui₂le₁'eng'₅; jme₁qui₂quē'₂ 'nia'₂ tóng'₂ chí'₅ co₂mi'₅₄ niog₅ jmi₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄ lag₄, caun₂ a₂'io'₅₄ Diú₄. 4 Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jē₄ ca₂le₃jē₃ a₂i₂juin₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. 5 La₁ já₅ bá₄ jmi₄ ja₁jáng'₃ cuenta quió'₅ ne₄ i₂ma₂lē₅ co₂jñia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ nē₃. 6 'Uig₅₄ nē₅, ca₂rē₃'ē₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂ tē₂dsi₅₄ 'éi'₃ le₃quió'₅ ni₁ñi₁₂, lia'₂ con'₂ lē₅ dsi₂jniog₅ dsí₅ dsa₂

‡ 3:18 A₂lin₅₄ chog₅₄ si₂: "ca₂ñág₃ Cristo uig₅." § 3:20 Noé: 'Í₂ Génesis 6 - 9.

mi₂güig₃, ia₁jaun₂ guë₄ le₃chain₂ jui₅ jme₂dsí₂ ně₃, lia₂ con₂ lě₅ dsi₂jio₅ dsi₅ Diú₄.

⁷ La₁ ja₂quián₃ bá₄ jmig₄ jë₁dsian₅ ca₂le₃jě₃. Jaun₂ ně₃ len₅₄ 'nia'₂ chang₂, 'en₅₄ 'au'₂, ia₁jaun₂ lé₂ chi₁léng₄ Diú₄.

⁸ La₁ a₂dsen₅₄ guë₄ 'ñio₅ lin₃, 'nió'₅ a₂jme₁'nió'₄ 'nia'₂ ríng₂ 'ñio₅ lin₃ le₂jang₂ le₂jang₂. Ia₁ ja₁'nio₃ dsa₂ rin₅₄, 'líong₂ o₂'én₂ dso₄ cha₂ ja₁con₂ rin₅₄ dsa₂.^{*} ⁹ Guen₅₄ 'nia'₂ ríng₂ i₂qui₂dsi₂jag₅₄ dsi₂néi₂ quiáng₂, on₃jua₅₄ a₂qui₂dsi₂mé₂ 'au'₂ quiaín₅₄. ¹⁰ Le₂jan₂ le₂jan₂ 'nia'₂ ca₂tíng₂ jme₁'ong₁ ríng₂ lia₂ con₂ lě₅ ma₂ca₂rě₃tíng₃ a₂'líong₂ ne₅₄ a₂ma₂ca₂jme₃gu₅₄ Diú₄, a₂nio₅ gog₂ 'nia'₂ jmó₂. ¹¹ Nějua₂ 'ein₂ 'nio₃ te₂néi₂ jág₁, jui₁te₂néi₂ bá₄ quian₅₄ jág₁ quió₅ Diú₄. Nějua₂ chan₂ guë₂ 'ein₂ 'nio₃ jme₃ o₅₄ jui₁jme₂ o₅₄ bá₄ lia₂ con₂ lě₅ jui₅ bí₂ a₂ma₂cuë₅ Diú₄, ia₁jaun₂ le₂ně₅ bá₄ le₃juín₂ Diú₄ ne₄ ca₂le₃jě₃ tē₂le₃ quian₅₄ Jesucristo. 'Éi₂ bá₄ ca₂tín₂ η₂ ca₂le₃jě₃ ti₁'mag₄, ca₂le₃jě₃ jui₅ bí₂, ca₂le₃jě₃ jmig₄ co₂tan₅₄. ¡A₂méi₃!

A₂ñág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin₅₄ jnio₄ i₂'nió₃, tsá₃ lě₁jmo₂ 'nia'₂ go₂'i₃ jme₁dsi₂ñig₂ táu₂ a₂lě₅ lia₂ lě₅ si₂ dséi₂ ja₁con₂ 'nia'₂, jua₅₄ a₂le₃jmó₂ 'nia'₂ 'au'₂ jua₅₄ a₂tsá₃ ma₂cuín₂ 'nia'₂, 'a₂ lia₂ lě₅ dsi₂ñig₂. ¹³ Tē₂le₃ jmo₄ 'nia'₂ 'io'₂, ia₁ le₂ně₅ bá₄ can₂ 'nia'₂ ján₃ jmi₁uig₅ jui₁lia₂ a₂ca₂i₃ñí₂ Cristo, ia₁jaun₂ bá₄ cán₁ 'nia'₂ ján₃ o₂'ñió₃ 'au'₂ 'ñio₅ lin₃ jë₁ma₂tě₂ rě₁jme₃jniai₂₃ 'a₂ lia₂ jláin₁. ¹⁴ 'E₂ guë₄ dsen₃ 'nia'₂ jme₁tě₂'o'₂ 'ein₂ tē₂'o'₂ o₄quió₄ Cristo, ia₁ le₂ně₅ bá₄ tē₂'ñiá₄ Jme₂dsí₂ quián₅ Diú₄ i₂tág₅ co₂'né₅ ne₄ quián₂ 'nia'₂. ¹⁵ Chi₂jua₂ 'ein₂ 'nia'₂ dsi₂ñí₂ uig₅, la₁ lag₃ ně₁jua₂ tsá₃ lě₅ dso₄ 'ang₂, o₃ a₂ca₂jñi₃ dsa₂, o₃ chan₂ i₂ca₂cuë₃ dsa₂ mi₂güig₃ rin₅₄, o₃ a₂qui₂tiáin₂ caun₂ ja₁tsá₃ ca₂tíin₂. ¹⁶ La₁ ně₁jua₂ ηag₅₄ 'nia'₂ uig₅ ca₂ne₅₄ ia₁ a₂líng₅ dsa₂ "cristianos", tsá₃ 'nió'₅ jmó₂ 'nia'₂ gueng₅₄. Diú₄ bá₄ 'nió'₅ jme₁juín₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂tě₂ jmig₄ a₂tě₂dsi₅₄ 'éi'₃ le₂'uig₅₄ de₂ ja₁con₂ dsa₂ dsi₂néi₂ quió₅ Diú₄. Chi₂jua₂ le₂'uig₅₄ jme₂líog₃ quian₅₄ jnio₄, ċ₂'a₂ bá₄ lia₂ dsió₄ dsi₁ñí₂ ca₂le₃jín₃ i₂tsá₃ jme₂ti₃ jág₁ dse₃ quió₅ Diú₄? ¹⁸ Chi₂jua₂ quian₅ ta₁ lin₃ a₂tín₅ dsa₂ dsen₃, "ċ₂'ě₂ guë₄ bá₄ dsió₄ dsi₁ñí₂ dsa₂ i₂tsá₃ Diú₄ cuín₅, i₂le₁cán₄ dso₄?"† ¹⁹ Jaun₂ ně₃, i₂ñág₅ uig₅ lia₂ con₂ lě₅ 'ñio₂ dsí₅ Diú₄, ca₂tíin₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió₅, ia₁ Diú₄ bá₄ i₂ca₂jmó₂ 'éi₂, i₂rě₂ti₅₄ ně₃.

* 4:8 'Nio'₂ ja₁ton₅ Proverbios 10:12. † 4:18 Proverbios 11:31.

5

*Toin'*₂ *jág*₁ *dse*₃ *dsa*₂ 'én₂

1 Jaun₂ ně₃, jág₁ la₂ cuě₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂ně₅ bá₄ jniá₂ 'ñi₃ ján₃ líng₅ jan₂ dsa₂ juin'₂ i₂niog₅ ne₄ guá'₅, ton'₂ líng₅ jan₂ i₂ca₂tě₂ ne₄ 'a₂ lia'₂ lě₅ jmi₁uig₅ a₂ca₂i₃ñí₂ Cristo. Jaun₂ le₂ně₅ bá₄ ján₃, líng₅ jan₂ i₂jme₃quian'₅₄ jě₁ma₂tě₂ rě₁jme₃jniai₂₃ a₂jláin'₁. Jág₁ la₂ juig'₂ jniá₂ 'nia'₂; 2 Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ ně₅ a₂'ñio₂ 'au'₂, lia'₂ con'₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmig₄, on₃ guě'₂ jmo₂ 'nia'₂ 'au'₂ jua'₅₄ a₂ñí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. 3 Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tíng'₂ jmó'₂ gong'₂ ne₄ quió'₅ guá'₅ i₂niog₅ gog'₂, tě₂le₃ ca₂tín'₂ bá₄ 'nia'₂ cuě'₅₄ caun₂ jui₅ dse₃ já'₂ cha'₂ quián₅ Diú₄. 4 Jaun₂ bá₄ jě₁ma₂tě₂ jmig₄ i₁jme₃jnia₅ i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ñe'₂ 'nia'₂ jma₃caun₃ corona a₂tsá₃ líg'₂ jmig₄ le₃juing₅.

5 Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rě₂líng'₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁:

Tsá₃ jen₅₄ Diú₄ ju₁lia'₂ dsa₂ i₂jmo₅ rón₂,

la₁ jme₂oin₅₄ a₂'ua₁ dsí₅ dsa₂ i₂jmo₅ me'₂.†

6 Jaun₂ ně₃, le₂ně₅ jmo₄ 'nia'₂ meg'₂ o₄gú₃ bén₂ quió'₅ Diú₄ ia₁jaun₂ bá₄ ch'ó'₂ 'éi₂ jmig₄ jaun₂ quió'₅. 7 O₄gú₃ 'éi₂ dsia₄ 'nia'₂ ca₂le₃jě₃ 'e₂ o₂i₁ dsí₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

8 'En₅₄ 'au'₂ 'nia'₂ jmo₄, chang'₂ rě₂jáng'₁, ia₁ i₂sě₃dsen₃ i₂'ñia₅₄ 'nia'₂ ñi₂₃ lín₅ lia'₂ lín₅ 'ia'₂ i₂ñi₅ i₂jme₂'ne₅₄ 'ñi₃g₂ a₂'nai'₂ 'ein₂ i₂'nio₃ quin'₂. 9 Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ñi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ñi₂ ríng'₂ jmi₁uig₅ le₂ně₅ ján₃. 10 Ia₁ jě₁ma₂ca₂ñi₂ 'nia'₂ co₂'na₂ uig₅ le₂ně₅, 'ñiog₅ bá₄ Diú₄ i₂'ua₁ dsí₅ lín₃ chei'₃ táng₃ rě₂ a₂jme₃'ñia₁₂₃ a₂'nió'₅ guě₄ quián'₂ 'nia'₂, cuě₃ bí₂ náu'₁ 'nia'₂ tiá₂. Jme₃gu'₅₄ bá₄ 'éi₂ jniog₄ ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quian'₄ jniog₄ co₂tan₅₄ ja₁co₂tág₅ co₂'né'₅ quió'₅. 11 'Éi₂ bá₄ ca₂tín₂ jui₅bí₂ ca₂le₃jě₃ jmig₄ co₂tan₅₄. A₂meí₃.

*Cuag*₂₃ *Diú*₄ *jě*₁*ca*₂*tó*₂ *jě*₁*ág*₅ *jág*₁

12 Tě₂le₃ quian'₅₄ Silvano[‡] i₂jing₅₄ lia'₂ ja₁jing₁₂ jan₂ ríng'₃ i₂rě₂ti'₅₄, ma₂jmo₃ si₂ la₂ja₁juá'₅ tin₃-ni₅ jon₂ jág₁ a₂cuě₃ bí₂ 'nia'₂. Jág₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅

* 5:1 griego: presbíteros. † 5:5 Proverbios 3:34. ‡ 5:12 Co₂'nió'₄ lia'₂ chen₂ Silas.

Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂ dsa₂ jui_g₂ “Babilonia” la₂, dsa₂ i₂ma₂ca₂quióin'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo. Co₂ně₅.

Si₂ carta jë₁ca₂të₂ tin₃ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rë₃'éng'₂. Ia₁ të₂le₃ a₂ñí₄ lë₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñi'₂ 'nia'₂ jág₁ dse₃ jlá'₁ a₂ca₂rë₃'éng'₂ ju₁lia'₂ 'éin₂ jnia'₅₄. ² Ju₁chan'₂ bá₄ 'nia'₂ jme₂gu'₅₄ Diú₄, ton'₂ ju₁jmo₁₂ bá₄ 'ei₅ tei₄ lia'₂ qui₂rë₂tsón₂ të₂le₃ ia₁ a₂ma₂ca₂rë₃cuin'₂ 'nia'₂ 'a₂ lia'₂ lín₅ Diú₄ quian'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quian'₅₄ bí₂ quió'₅, ca₂le₃jë₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió'₅ në₃, ton'₂ ma₂jmo₃ ján₃ a₂ma₂ca₂rë₃cuin'₂ 'nia'₂ 'a₂ lia'₂ lín₅. Ma₂ca₂të₃ jniog₄ të₂le₃ quian'₅₄ ju₁bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅. ⁴ Le₂në₅ ma₂ca₂quiog₂ 'líong₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ të₂le₃ quian'₅₄ jág₁ a₂ma₂cuë₃ jaun₂ dsi₁nó'₅ 'nia'₂ líong'₂ ju₁ ja₁tión₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵ Jaun₂ lë₃, quen'₂ 'nia'₂ bí₂ ne₄ ia₁ a₂'éng'₂, quian₂ 'nia'₂ caun₂ ju₁ dse₃; ia₁jaun₂ ne₄ ju₁ dse₃ jaun₂, ju₁len'₅₄ 'nia'₂ dsa₂ i₂ñí'₂ dsí₅; ⁶ ne₄ ja₁ñó₄ jaun₂ táng₃, ju₁le₂ñí'₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, ju₁len'₅₄ 'nia'₂ dsa₂ i₂juin'₂ dsí₅; ne₄ ju₁ ja₁ñó₄ jaun₂ táng₃, ju₁len'₅₄ 'nia'₂ dsa₂ i₂qui₂rë₂jñ'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jë₁ca₂tó'₂ guë₄ në₃, jme₁'nió₄ 'nia'₂ ríng'₂.

⁸ Ia₁ në₁jua'₂ quian'₅₄ 'nia'₂ ju₁ le₂në₅, dsi₂cang'₅₄, tsá₃ lë₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lë₁ma₂ca₂rë₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ ju₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lë₅ jág₁ në₅, lín₅ në₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jë₃ dso₄ a₂jme₁rë₂cáin'₄ le₂jñiá₅. ¹⁰ Jaun₂ në₃ 'nia'₂ rin'₅₄ jniog₄, dsen₅₄ 'au'₂ 'nia'₂ cuë'₅₄, ia₁jaun₂ bá₄ chi₁dse₃ ta₁ a₂ma₂ca₂të₃ Diú₄ a₂ma₂quióin'₂ 'nia'₂. Ia₁ në₁jua'₂ ca₂tión'₂ 'nia'₂ quian'₅₄ ju₁ në₅, o₁líg'₂ tsá₃ ma₃tsi₃sén'₂ 'nia'₂. ¹¹ Ia₁ le₂në₅ bá₄ tin'₃ 'nia'₂,

* 1:3 A₂lín₅₄ chog₅₄ si₂: "Ma₂ca₂të₃ jniog₄ a₂jme₁jnia₅ ju₁bí₂ jlá'₁ quió'₅ 'ñiog₅."

caun₂ dse₃ ja₁o₁tong'₄ co₂tan₅₄ guei'₅₄ i₂juíg₃ ja₁gon₂ Te₁gui'₅₄
Jesucristo quián₂ i₂lió₂.

¹² Ju₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄
ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂
'nia'₂ ja₂nóg'₅. ¹³ Ia₁ lín₂ jniá₂ 'ñio₃, 'ñio₅ lin₃ dsi₂ten₅₄, a₂juíg₅₄
jniá₂ 'nia'₂ të₁lia'₂ chang₂ gué₄ ni₁ñi₃ la₂, jaun₂ dsiog'₂ 'au'₂ jág₁
në₅. ¹⁴ Ia₁ a₂ma₂ca₂rë₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lë₅
ma₂ca₂jme₃jnia₅ Jesucristo Te₁gui'₅₄ quián₂ jniog₄. ¹⁵ La₁ quín'₅
jniá₂ bí₂ juá'₅ ia₁jaun₂ dsiog'₂ 'au'₂ 'nia'₂ co₂tan₅₄, jë₁ma₂jong₂₃,
ca₂le₃jë₃ jág₁ në₅ ca₂juá'₃.

Dsa₂ i₂qui₂ca₂të₂ ne₄ 'a₂ lia'₂ lë₅ jui₅bí₂ quió'₅ Cristo

¹⁶ Ca₂le₃jë₃ a₂ma₂ca₂jme₁tag₅ jnia'₅₄ 'a₂ lia'₂ lë₅ jui₅bí₂ quió'₅
Te₁gui'₅₄ Jesucristo, 'a₂ lia'₂ lë₂ i₁guain'₂ táng₃, jaun₂ tsá₃ o₁len'₂
'nia'₂ jua'₅₄ a₂lín'₂ jág₁ la₂ a₂lë₁qui₂ca₂'náu'₃ dsí₅ dsa₂ i₂ñí₄ 'io₅
mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂të₂ ne₄
ton'₂ ca₂né₄ jnia'₅₄ 'a₂ lia'₂ lë₅ jui₅bí₂ a₂ca₂jme₃jniai₂₃ a₂jláin'₁.
¹⁷ Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ juë'₂
quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lë₃ 'nióg₃ gué₄
lín₃; 'e₂ bá₄ 'ñio₂ dsi₃ quiain'₅₄.” † ¹⁸ Le₂në₅ ca₂né₁ jnia'₅₄ guio₅₄
jág₁ në₅ a₂ca₂já₃ guei'₅₄ i₂juíg₃, lia'₂ con'₂ jme₁quiain'₅₄ jnia'₅₄ ne₄
má'₂ jñio₅ jaun₂.

¹⁹ Le₂në₅ bá₄ lë₅ chi₁dse₃ 'ñio₅ lín₃ bá₄ jág₁ ron₅ quió'₅ dsa₂
i₂jme₁'ë₂ jág₁ quián₅ Diú₄ ma₂líg'₂. Jaun₂ 'nia'₂ në₃, dse₃ lín₃ bá₄
dsi₁nóg'₅ në₁jua'₂ ca₂tion'₂ 'nia'₂ jui₅, ia₁ lë₅ lia'₂ lë₅ caun₂ ni₁tsí₅
chi₁gui'₂ si₂ tág₅ jë₄ qui₁né'₃, ca₂lia'₂ ca₂jnia₃ ca₂lia'₂ ca₂'ñia₂ Nei₅
'Ióg₁ § i₂jmo₃ tág₅ të₂'au'₂ 'nia'₂. ²⁰ La₁ ne₄ ca₂le₃jë₃, dsá₂ 'au'₂
'nia'₂ jmo₄ a₂la₂: 'i₁caun₂ jág₁ a₂rë₂'ë₂ ne₄ Si₂ quió'₅ Diú₄ tsá₃
ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioin₅₄. ²¹ Ján₃
bá₄ guë'₂ le₂jaun₂, tsá₃ jág₁ cha₂ jua'₅₄ ca₂rë₃lióg₃ 'uig₅₄ con'₂ 'ñio₂
dsí₅ dsa₂ mi₂güíg₃. Dsa₂ 'éi₂ në₃, të₂le₃ ca₂dsia₃ bá₄ o₄quió'₄ Diú₄
lia'₂ con'₂ lë₅ ca₂jio₃ Jme₂dsí₂ Jñio₅.

2

*Dsa₂ i₂jme₂tag₅ jág₁ a₂tsá₃ tí₅
(Judas 4—13)*

¹ Le₂në₅ bá₄ ca₂rë₃chán₃ dsa₂ i₂jui₁gan₂ ján₃ i₂ca₂'ë₂ jág₁ a₂tsá₃
tí₅ jin₄ dsa₂ juig₂ quián₅ Diú₄ ma₂líg'₂, le₂në₅ bá₄ qui₃'uín₃ jë₄
quián'₂ 'nia'₂ rë₂në₃ të₅ i₂qui₂jme₃gau₅. Dsa₂ le₂'éi₂, 'a₂ con'₂
tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₃ jui₅ ja₁dsi₃'én₂
dsa₂. Jmo₃ ca₂lia'₂ tsá₃ ma₃le₃ji'₅₄ 'éi'₃ quió'₅ Te₁gui'₅₄ i₂ca₂láu₂.

† **1:14** lit. “tabernáculo la₂.” † **1:17** Mateo 17:5; Marcos 9:7; Lucas 9:35. § **1:19**
Nei₅ 'Ióg₁ lë₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

La₁ tsá₃ uě₂ le₃léi₄ dsi₃'éin₂ bá₄ guoin₅₄. ² Juin₅ lin₃ dsa₂ i₂'en₃ juí₅ ja₁tió_{n2} dsa₂ 'éi₂, jmo₅-dsáu₅ lia₂ 'lě₂ dsi₅, jaun₂ 'éi₂ bá₄ 'uin₄ ně₃ a₂qui₃táun₂ dsa₂ 'lig'₅₄ juí₅ tí₅. ³ Ne₄ ia₁ a₂tsá₃ o₁jau₅₄ lí₂ cu₄, qui₂jme₃tag₂₃ jág₁ a₂qui₂ma₂'náu'₃ dsi₅ guoin₅₄, a₂con'₂ njia'₅₄ lě₁'nio₃ lí₂ quián'₂ 'nia'₂. La₁ ma₂i₁jáun₃ bá₄ ma₂lě₅ co₂npjia₅₄ jág₁ a₂ma₂tioin'₅₄ 'éi'₃ a₂dsi₁qui₅ ŋi'₅₄ ta₁ ja₁dsi₃'éin₂; tion₅₄ bá₄ dsi₃'éin₂.

⁴ Chi₂jua'₂ le₂ně₅ tsá₃ ca₂'én₂ Diú₄ dsáu₁ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃léin₂ le₁'nei'₅₄ jě₄ qui₁né'₃, ja₁jaun₂ tioin'₅₄ lě₅ co₂npjia₅₄ jmig₄ i₁tě₃dsi₅₄ 'éi'₃ quió'₅; ⁵ ján₃ bá₄ le₂ně₅ chi₂jua'₂ tsá₃ ca₂'én₂ Diú₄ dsáu₁ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmig₂ ca₂'éin₂ ca₂le₃jín₃ dsa₂ i₂tsá₃ Diú₄ cuin₅, njia'₅₄ lia₂ Noé bá₄ i₂ca₂lióin₂ i₂jme₁'ě₂ jág₁ a₂'ě₂₃ caun₂ juí₅ co₂dsau₅, quian'₅₄ guě₄ guion₃ dsa₂; ⁶ chi₂jua'₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian'₅₄ Gomorra, ca₂dsi'₂ ca₂lia'₂ ca₂lě₃ jua₂ li, jaun₂ le₂ně₅ jáng'₅ caun₂ jág₁ dsau₅ co₂'nió'₄ a₂rě₂'ě₂ jág₁ ja₁con₂ dsa₂ i₂tsá₃ Diú₄ cuin₅ i₂qui₂le₃chan₂ cang₂; ⁷ chi₂jua'₂ le₂ně₅ ca₂lióin₂ bá₄ jan₂ Lot, i₂jme₁lín₄ guě₄ dsa₂ dsen₃ jme₁chain₂ quian₅ o₂i₁ dsi₅ ia₁ jme₁tě₅ ne₅₄ 'a₂ lia₂ 'lě₅ juí₅ le₁quian₅ dsa₂ 'lin'₅₄ jmig₄ jaun₂, ⁸ (jaun₂ jme₁ta'₂ qui'₂ dsi₅ bá₄ dsa₂ dsen₃ 'éi₂, ia₁ ca₂le₃jě₃ jmig₄ bá₄ jme₁tě₅ ne₅₄, jme₁nag₂₃ ně₃ ca₂le₃jě₃ ne₅₄ cosa 'lig'₅₄ a₂jme₁jmo₅-dsáu₅ dsa₂ juig₂ ja₁jme₁guá₄); ⁹ chi₂jua'₂ le₂ně₅, jaun₂ ŋi₅ bá₄ Te₁gui'₅₄ 'a₂ lia₂ 'lióin₃ dsa₂ dsen₃ ne₄ 'e₂ táu₂ dsi₂ŋí₂, ton'₂ ŋi₅ 'a₂ lia₂ 'toin'₂ dsa₂ 'lin'₅₄ lě₅ 'í₁ ca₂lia₂ 'ca₂tě₂ jmig₄ i₁gue₃ uig₅ i₁tě₃dsi₅₄ 'éi'₃ quió'₅.

¹⁰ A₂ně₅ ně₃, lě₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ juí₁lia₂ 'dsa₂ i₂i₂nió₄ jme₂tí₃ a₂'lig'₅₄ a₂mi₅ ni₁ŋi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂noi₅₄ 'ŋio₅ lín₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lě₂, ton'₂ 'ŋio₅ lín₃ tiá₂ dsi₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iin₂₃ juí₁lia₂ i₂jlán'₁ chan₂ quián₅ Diú₄, ¹¹ juí₁la₂ ángeles i₂'io₅ guě₄ bí₂, i₂'uan'₂ guě₄, tsá₃ le₂jaun₂ tiá₂ dsi₅ jua'₅₄ 'ag₃ 'lig'₅₄, a₂'nií₃ dsa₂ 'éi₂ ne₄ Te₁gui'₅₄.

¹² La₁ dsa₂ 'éi₂, lín₅ juí₁lia₂ 'lín₅ já₂ 'náu₂ i₂tsá₃ 'en₅₄ dsi₅, chain₂ tsá₃ 'e₂ ŋí'₂ dsi₅ 'e₂ jmo₅-dsáu₅, rě₂chain₂ a₂npjia'₅₄ con'₂ tsáun'₂ dsa₂ jme₃dsiog₂₃. Tě₃npjia'₅ bá₄ ma₂'ě₂₃ 'lig'₅₄ 'e₂ a₂tsá₃ ma₂ŋí'₂. La₁ le₂jaun₂ bá₄ dsián₃ ján₃ juí₁lia₂ 'dsan₂ já₂ 'náu₂. ¹³ Le₃chain₂ ŋág₃ uig₅ co₂'nió'₄ 'liain'₅₄ juí₁lia₂ qui₂ma₂jmaí'₂ i₂sián'₂. Jmo₂₃ dsi₅ 'ŋio₅ lín₃ dse₃ chain₂ lín₂ ia₁ cuě'₅ o₂'ŋio₃ o₂npjia₃ dsi₅ o₁npjia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rě₂'ióg₄ a₂quian₅ o₂guí'₃ jě₄ quián'₂ 'nia'₂, 'ŋio₅ tě₅ dsi₅ cuě'₅ o₂'ŋio₃ dsi₅ a₂jme₂gau₂₃ tóin'₅ jmo₂₃ jmig₄ jin'₄ 'nia'₂.

14 Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jē₁ma₂ca₂jīn₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lin₃ 'io₂₃ mai₅₄ ñi₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃ tiá₂ tión₂; 'ñio₅ lin₃ tiin₂ ñi₅ táng₃ 'a₂ lia'₂ jme₃'ñi_ói'₃ 'e₂ caun₂ 'nio₃ jme₃'ñi_ói'₃; ia₁ lín₅ jaun₅ i₂ma₂tion'₅₄ jui₅ dsí₃'én₂. 15 Ma₂qui₂ma₂tí₄ jui₅ co₂dsau₅, ton'₂ ma₂i₂cóin'₅, ma₂qui₂le₁quian₅ jui₅ quió'₅ Bala'am* ja₁ñi'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. 16 Jan₂ dsí₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂ lē₅ jag₄ dsa₂ mi₂güig₃. Ca₂ñé₃ jui₅ co₄ quió'₅ dsa₂ i₂'é₂ jág₁ quián₅ Diú₄ 'éi₂.

17 Dsa₂ 'éi₂ lín₅ jui₁lia'₂ lē₅ caun₂ o₄tu₁ jmi₂g₂ a₂tsá₃ 'e₂ jmi₂g₂ cha₂; o₃ le₃jua'₅₄ lín₅ jui₁lia'₂ lē₅ ti₁jnei₅ a₂lē₁qui₂ñag₅ tiá₂ quian'₅₄ dsí₂. Ma₂tioin'₅₄ jui₅ a₂dsi₁lein₅ jē₄ qui₁né'₃ 'ñio₅ lin₃, ja₁ma₂lē₅ co₂ñia₅₄ quió'₅.† 18 Ia₁ qui₂'uē'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsí₅ ni₁ñi₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin'₅. 19 Qui₂cuē₂₃ jág₁ a₂juá'₂ a₂lió₂, la₁ guioin₅₄ guē'₂ nē₃ i₂nioi₅₄ le₁'ñei'₅₄ jui₅ ja₁dsi₃'éin₂. Ia₁ le₂jaun₂ dsón'₂ lē₅ bá₄, lé₂ le₃jua'₅₄ chi₁'ñe'₅₄ dsa₂ ne₄ jui₁'e₂ caun₂ jui₅ 'lig'₅₄ a₂quian₅, ia₁ dso₄ jaun₂ ca₂lē₃ juig₅₄ bá₄ dsa₂. Ia₁ a₂jaun₂ jio₅ jmo₅ 'éi'₃ ja₁coin₂. 20 La₁ jui₁lia'₂ dsa₂ i₂ma₂ca₂rē₃cuin₅ Te₁gui'₅₄ Jesu-cristo i₂lín₅ i₂ma₂ca₂lió₂ quió'₅ ne₄ jui₅ lē₁'iog₅ a₂le₁quian₅ dsa₂ mi₂güig₃, la₁ nē₁jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ nē₁jua'₂ ca₂jme₃gón₃ táng₃ a₂'lig'₅₄ jaun₂ tē₂dsí₅, dsí₁lein₅ tsón₂ guē₄ le₃'liin'₅₄ con'₂ guē₄ le₂jñiá₅.‡ 21 Jui₁lia'₂ dsa₂ le₂'éi₂, ja₁lin₃ guē₄ dse₃ jua'₅₄ co₂ñei'₅₄ bá₄ tsá₃ ca₂rē₃cuí'₅ jui₅ co₂dsau₅, lia'₂ con'₂ guē₄ a₂ma₂ca₂rē₃ñi₅, nē₁jua'₂ cang₂ jaun₂ ca₂tí₂ bá₄ táng₃ 'éi'₃ jñi_ó5 a₂jme₁ma₂ñi₁₂.§ 22 La₁ ja₁jaun₂ rē₃ti₃ quian'₅₄ dsa₂ le₂'éi₂ jui₁lia'₂ lē₅ caun₂ jag₄ dsa₂ jme₁juá'₂: “Guē'₅ táng₃ dsí₂jí'₅₄ te₁ñi₅₄ quió'₅”, * con'₂ siá'₂ táng₃: “Jui₁lia'₂ i₂ñi₅ i₂lia'₂ ma₂nē₂sei₃ dsa₂, dsó₅ qui₂ba₂lín'₂ táng₃ jē₄ ti₁jéin₃.”

3

Jmig₄ i₁ñi_ó'₂ Te₁gui'₅₄

1 'Nia'₂ rin'₅₄ jniog₄ i₂'nió₃, jē₁ca₂tē₂ tin₃ si₂ bá₄ la₂ tsíng₂ ne'₅₄ 'nia'₂. Jē₁le₃tin₃ si₂ nē₅ ma₂ca₂jme₁jnio₂ jniá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jé₃. 2 Jui₁dsiog'₂ 'au'₂ 'nia'₂ ca₂le₃jé₃ jág₁ a₂qui₂ca₂juá'₂ dsa₂ jñi_ó5 i₂jme₁'é₂ jág₁ quián₅

* 2:15 Bala'am: 'Í₂ Números 22 - 24. † 2:17 Niog₅ a₂lín₅₄ chog₅₄ si₂ a₂juá'₂: “ja₁ma₂lē₅ co₂ñia₅₄ ja₁dsi₁toin'₄ co₂tan₅₄.” 'Nio'₂ ja₁ton₅ Judas 13. ‡ 2:20 'Nio'₂ ja₁ton₅ Mateo 12:45; Lucas 11:26. § 2:21 'Nio'₂ ja₁ton₅ Hebreos 6:4-6. * 2:22 Proverbios 26:11.

Diú₄ ma₂líg'₂ quian'₅₄ gué₄ 'éi'₃ a₂ca₂quiog₂ Te₁gui'₅₄ i₂ma₂lió₂ jniog₄, a₂ma₂ca₂ηag₅ ja₁con'₂ 'nia'₂ tē₂le₃ quian'₅₄ dsa₂ i₂chen₄ quián₅. ³ Jē₁le₂'uig₅₄ jmo₄ 'nia'₂ dsá₂ 'au'₂ a₂juá'₅ jniá₂ la₂. Jmig₄ jē₁ca₂tó'₂ tē₁ja₃lén₂ dsa₂ i₂caun₂ lē₁qui₃tsáun₂ 'lig'₅₄, le₃chain₂ jmá'₃ lia'₂ njia'₅₄ con'₂ lē₂ 'ín₅ dsí₅ guioin₅₄. ⁴ Dsa₂ 'éi₂ ηag₃, juá'₂: “¿'E₂ ca₂lē₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jniog₄, jua'₂ lia'₂ ma₂lē₅ jaun₂ bá₄ mi₂güig₃ lia'₂ con'₂ lē₅ jme₁ca₂nio₃ le₂'uig₅₄.” ⁵ La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le₃ηí'₂, a₂ca₂lē₃ tē₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güig₃ ma₂líg'₂, quian'₅₄ gua'₅₄ 'uē₃, quian'₅₄ jmi₂g₂ a₂ca₂jmo₃ jma₃quén₅ gua'₅₄ 'uē₃ quian'₅₄ jmi₂g₂ nē₃. ⁶ Ton'₂ quian'₅₄ jmi₂g₂ bá₄ ján₃, ca₂'én₂ Diú₄ mi₂güig₃ jmi₂g₄ jaun₂. ⁷ Ján₃ bá₄ le₂nē₅, tē₂le₃ quian'₅₄ jág₁ quió'₅ 'ηiog₅ bá₄ Diú₄, dsi₄ guei'₅₄ quian'₅₄ gua'₅₄ 'uē₃, ron₅ ma₂lē₅ co₂ηia₅₄ a₂cáu₃ jē₁ma₂tē₂ jmi₂g₄ i₁qui₃dsi₅ Diú₄ 'éi'₃ i₁'éin₂ co₂ηei'₅₄ dsa₂ i₂tsá₃ Diú₄ cuin₅.

⁸ Con'₂ siá'₂ rin'₅₄ jniog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lē₅ caun₂ jmi₂g₄ co₂'nió'₄ caun₂ mei₅ ηi₂; ton'₂ caun₂ mei₅ ηi₂ guē'₂, lē₅ co₂'nió'₄ caun₂ jmi₂g₄. ⁹ La₁ tsá₃ o₁lei₅₄ jniog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsí₅.

¹⁰ Ia₁ jmi₂g₄ jaun₂ quió'₅ Te₁gui'₅₄ guá'₂ con'₂ tsá₃ 'ein₂ rē₂ján₁, lé₂ jui₁lia'₂ ja₁'í₂ jan₂ 'ang₂. Jaun₂ gué₄ tē₂tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jē₃ a₂cha₂ qui₃jmág₂ quian'₅₄ si₂; lia'₂ rē₂cuá'₃* gua'₅₄ 'uē₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂nē₅ dsi₃'én₂ ca₂le₃jē₃, i₁e₂ gué₄ 'ηio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jnió₅, a₂'nióg'₃ Diú₄! ¹² Jmo₄ 'nia'₂ co₂ηiag'₅₄ rē₂jáng'₁ ia₁jaun₂ ηi'₅₄ ta₁ guá'₂ jmi₂g₄ jaun₂ quió'₅ Diú₄. Jmi₂g₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jē₃ 'e₂ a₂cha₂ qui₃jmág₂ jē₁ma₂ca₂dséi₃ 'ηio₅ lín₃. ¹³ La₁ jniog₄ nē₃, le₁ηia₁ dsi₁no₃ caun₂ guei'₅₄ i₂juig₃ 'mí₂ quian'₅₄ caun₂ gua'₅₄ 'uē₃ 'mí₂ ja₁ma₂lē₅ jág₁ cuē₃ Diú₄, ja₁tē₂'ηiá₄ jmá₃ a₂ηi₂ó₅.

¹⁴ Le₂nē₅ jaun₂ nē₃ rin'₅₄ jniog₄, tē₁lia'₂ tsá₃ ma₂tē₂ jmi₂g₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lē₅ qui₂rē₂'ióg₄ jme₂dsi₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmi₂g₄ líon'₂ 'nia'₂. Le₂nē₅ bá₄ ján₃, Pa₄ rin'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lē₅ ma₂ηí'₂ dsí₅ a₂ma₂ca₂cuē₃ Diú₄. ¹⁶ Jē₄ ca₂le₃jē₃ Si₂ quió'₅, ma₂ca₂tsi'₃ 'nia'₂ ján₃ ca₂le₃jē₃

* **3:10** A₂lín₅₄ chog₅₄ si₂: “qui₂dsi₃'én₂ cáu₃.”

a₂ně₅, o₁jŋia'₅₄ la₂ juí'₅ le₃ŋág'₂ a₂lin₅₄; 'ui_g₅₄ jaun₂ dsa₂ i₂tsá₃ lin₄ ŋí'₂ dsí'₅ i₂tsá₃ tiá'₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jě₃ guě₄ rin'₅₄ Si₂ quió'₅ Diú₄ ně₃, la₁ a₂'uiin₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lě₃ 'nia'₂ rin'₅₄ jniog₄, ia₁ tē₃jŋiá'₅ bá₄ ma₂le₁ŋi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lin'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí'₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guě₄ dse₃. 'Éi₂ bá₄ ca₂tín₂ le₃juin'₂, jmi_g₄ ně₃, co₂tan₅₄. ¡A₂méi₃!

Co₂ně₅.

Si₂ carta le₂'uig₅₄ a₂ca₂jmo₃ SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rē₃lió_{g3} ca₂le₃jě₃ a₂cha₂, ja₁'ín₅ jnia'₅₄ jan₂ i₂qui₂ma₂né₁ jnia'₅₄ jág₁ quió'₅, ma₂ca₂né₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Tē₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² Ichan₂ 'éi₂ ně₃ ca₂jme₃jniai₂₃ 'ñiog₅ jě₄ quió'₅ dsa₂ mi₂güí_{g3}. Jaun₂ jnia'₅₄ ně₃, ca₂né₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ě₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quian'₅₄ Jmei₂, ton'₂ ma₂ca₂jme₃jniai₂₃ jě₄ quián₂ jnia'₅₄. ³ Jaun₂ 'ě₅ jnia'₅₄ jág₁ jui₁lia'₂ a₂ma₂ne₅₄ a₂ma₂né₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃. ⁴ Jaun₂ bá₄ lě₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jě₃ jág₁ la₂, ia₁jaun₂ rē₂'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ě₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né'₃ tsá₃ cha₂ ja₁coin₂. ⁶ Nē₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ nē₁jua'₂ i₂nio₄ gué'₂ jniog₄ jě₄ qui₁né'₃, jmo₂ jniog₄ tē₂jág₁; tsá₃ jui₅ dsau₅ chong₂. ⁷ La₁ nē₁jua'₂ qui₂i₂nio₄ jniog₄ ja₁jníá₂ si₂, jui₁lia'₂ 'en₅₄ 'éi₂ ja₁jníá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmí₄ Jesucristo Ja₁ñi'₅₄ qui₂chéi₂ ca₂le₃jě₃ dsá₁ jniog₄.

⁸ Nē₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ nē₁jua'₂ jmo₂ jniog₄ jág₁ dsau₅ a₂rē₂cáu'₄ dso₄, rē₂tí'₅₄ bá₄ Diú₄, rē₂ bá₄ qui₂dsi₂₃ 'éi'₃, 'éi₂ bá₄ dso₄ quián₂ jniog₄, qui₃chéi₂ ca₂le₃jě₃ a₂'lig'₅₄. ¹⁰ La₁ nē₁jua'₂ jua'₂ jniog₄ tsá₃ 'e₂ dso₄ ma₂'nió_{g1}, jmo₂ jniog₄ co₂'nió'₄ tē₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chí'₂-guein₂ quiáng₃, jmo₅ jníá₂ si₂ la₂ ja₁juá'₅ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂

* 1:4 A₂lín₅₄ chog₅₄ si₂: "a₂'io'₂ jén'₂ 'nia'₂."

lín₅ Jesucristo i₂dsen₃. ² 'Éi₂ bá₄ i₂ca₂η₃ rē₂jen'₅₄ ne₄ Diú₄ 'uig₅₄ dsáu₁ jniog₄. On₃ jua'₅₄ rē'₂ jmá'₃ 'uig₅₄ dsáu₁ jniog₄, 'uig₅₄ dsáu₁ ca₂le₃ jín₃ dsa₂ mi₂güí₃ bá₄ ján₃.

³ Nē₁ jua'₂ jme₂ tí₁ 'éi'₃ quió'₅ ně₃, jaun₂ le₂ ně₅ bá₄ ne₄ a₂ ma₂ ca₂ rē₃ cuin₅ jniog₄. ⁴ La₁ nē₁ jua'₂ chan₂ i₂ juá'₂: "Cuín₅ jniá₂ Diú₄", la₁ nē₁ jua'₂ tsá₃ jme₂ ti₃ guē'₂ 'éi'₃ quió'₅, i₂ 'éi₂ lín₅ dsa₂ tē₂ jág₁, tsá₃ 'i₄ jág₁ tí₅ ja₁ coin₂. ⁵ La₁ tē₂ le₃ quió'₅ ju₁ lia'₂ i₂ jme₂ ti₃ 'éi'₃ quió'₅ Diú₄, i₂ 'éi₂ guē'₂ dsón'₂ rē₂ 'ñia₅ a₂ 'nioi₃ Diú₄. Jaun₂ le₂ ně₅ bá₄ ne₄ jniog₄ chong₂ a₂ 'ei₅ caun₂ jág₁ quiain'₅₄. ⁶ Ju₁ lia'₂ i₂ juá'₂ téin₅ le₃ quió'₅ Diú₄, 'nió'₅ i₃ nioi₅₄ ju₁ lia'₂ ca₂ η₃ Jesucristo.

Caun₂ 'éi'₃ mí₂

⁷ 'Nia'₂ rin'₅₄ jniog₄ i₂ 'nióg₃, on₃ jua'₅₄ 'éi'₃ 'mí₂ la₂ tó'₅ jniá₂ ne₄ si₂ juí₂ 'nia'₂. A₂ le₂ jaun₂ bá₄ la₂ ju₁ lia'₂ 'éi'₃ a₂ jme₁ ma₂ cha₂ ja₁ con'₂ 'nia'₂ ca₂ le₃ jmi₃ le₂ 'uig₅₄ jme₁ ca₂ rē₃ 'én'₂ 'nia'₂. 'Éi'₃ gui'₅₄ la₂ lē₅ jág₁ a₂ ma₂ nei'₂ 'nia'₂. ⁸ La₁ ia₁ a₂ tó'₅ jniá₂ ne₄ si₂ la₂ a₂ tsíng₂ ne'₅₄ 'nia'₂, lē₅ co₂ 'nió'₄ caun₂ 'éi'₃ 'mí₂, a₂ dsau₅ tē₃ dsón'₂ quió'₅ Cristo, ján₃ guē₄ dsau₅ tē₂ le₃ ja₁ con'₂ 'nia'₂ ně₃. Ia₁ ma₂ ca₂ η₃ bá₄ jē₄ qui₁ né'₃, ma₂ tág₅ si₂ a₂ dsau₅ tē₃ dsón'₂.

⁹ Chi₂ jua'₂ chan₂ i₂ juá'₂ chain₂ ja₁ jniá₂ si₂, la₁ nē₁ jua'₂ 'ñia₅₄ bá₄ guē'₂ rin'₅₄ ně₃, i₂ le₂ 'éi₂ 'ein₅₄ bá₄ guē₄ jē₄ qui₁ né'₃. ¹⁰ La₂ i₂ 'nioi₃ rin'₅₄ guē'₂ ně₃, tē₂ 'ñia₅₄ ja₁ jniá₂ si₂, ton'₂ 'i₁ caun₂ tsá₃ 'e₂ cha₂ jua'₅₄ jmo₃ a₂ qui₃ niói'₃. ¹¹ La₁ i₂ 'ñia₅₄ rin'₅₄ guē'₂ ně₃, 'ein₅₄ jē₄ qui₁ né'₃. Tsá₃ η₅ 'a₂ ju₁ i₅ dsó₃, ia₁ co₂ 'nió'₄ tein₅₄ bá₄ η₃ jē₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂ líng'₅ chi'₂ -guein₂ quiáng₃, ia₁ ma₂ rē₂ 'én₄ bá₄ dsáu'₂ 'nia'₂, ma₂ ca₂ 'én₂ bá₄ Diú₄ tē₂ le₃ o₄ quió'₄ Jesucristo. ¹³ 'Nia'₂ dsa₂ i₂ chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ ca₂ rē₃ cuin'₂ bá₄ 'nia'₂ i₂ jme₁ ma₂ chan₂ lia'₂ con'₂ jme₁ ca₂ rē₃ lióg₃ ca₂ le₃ jē₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ ca₂ tian'₃ bá₄ 'nia'₂ ne₄ quió'₅ i₂ sē₃ dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁ con'₂ 'nia'₂ ia₁ ma₂ ca₂ rē₃ cuin'₂ 'nia'₂ Diú₄ Jmei₂ jniog₄. ¹⁴ 'Nia'₂ dsa₂ i₂ chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ ca₂ rē₃ cuin'₂ 'nia'₂ i₂ jme₁ ma₂ chan₂ lia'₂ con'₂ jme₁ ca₂ rē₃ lióg₃ ca₂ le₃ jē₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂ 'i₄ 'au'₂ 'nia'₂, ia₁ ma₂ ca₂ tian'₃ 'nia'₂ ne₄ quió'₅ i₂ sē₃ dsen₃.

¹⁵ Tsá₃ lē₁ jmo₂ 'nia'₂ 'ín₅ 'au'₂ jua'₅₄ a₂ le₃ chang'₂ i₁ niog'₄ ju₁ ja₁ i₂ nio₄ dsa₂ mi₂ güí₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂ güí₃. Chi₂ jua'₂ chan₂ i₂ 'ín₅ dsí₅ a₂ jén'₅ mi₂ güí₃, i₂ le₂ 'éi₂ tsá₃ tē₃ dsón'₂ 'nioi₃ Diú₄ Jmei₂. ¹⁶ Ia₁ ca₂ le₃ jē₃ a₂ jén'₅ mi₂ güí₃, ju₁ lia'₂ ca₂ le₃ jē₃ a₂ 'lig'₅₄ a₂ mi₅ ni₁ η₁ dsa₂, a₂ 'ín₅ dsí₅ dsa₂ jmo₃

ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jě₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güí₃ bá₄ jaun₂. ¹⁷ La₁ a₂jē₁ca₂ñí₂ bá₄ mi₂güí₃, quian'₅₄ ca₂le₃jě₃ 'e₂ 'li_g'₅₄ a₂ 'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ñio₂ dsí₅ Diú₄, le₃chain₂ co₂tan₅₄.

*Jui'lia'*₂ 'a₂ lia'₂ lē₅ já_{g1} dsau₅ dsón'₂, 'a₂ lia'₂ lē₅ já_{g1} tē₂já_{g1} táng₃
¹⁸ 'Nia'₂ chi'₂-guein₂ quiáng₃, jmig₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ña₅₄ Cristo. Rē₂nē₃ nē₃, juin₅ bá₄ i₂ma₂ca₂rē₃jniá₂ i₂'ña₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmig₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guē₃ lín₅ i₂quián₂ jniog₄, jme₁'ña₃ bá₄ quian'₅₄ jniog₄. La₁ le₂nē₅ ca₂lē₃ ia₁ jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ nē₃, ma₂ca₂guen'₅₄ bá₄ 'nia'₂ Jme₂dsí₂ Jñió₅, jaun₂ cuing'₂ bá₄ 'nia'₂ ca₂le₃jíng'₃ * já_{g1} tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ já_{g1} tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ já_{g1} tē₂já_{g1} tsá₃ lē₂ le₃o₃'ag₅ jē₄ já_{g1} dsau₅. ²² ¿'Ein₂ 'éi₂ i₂lín₅ tē₂já_{g1}? I₂'éi₂ bá₄ i₂juá'₂ a₂tsá₃ lín₅ Jesús I₂rē₂ 'ín₁ quián₅ Diú₄. 'Éi₂ bá₄ i₂'ña₅₄ Cristo, i₂tsá₃ jen₅₄ Diú₄ Jmei₂, on₃ guē₂ 'Ja₁ñi'₅₄ nē₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄, já₃ bá₄ le₂jaun₂ tsá₃ quiaín'₅₄ Diú₄ Jmei₂. La₁ jui'lia'₂ i₂jme₂jnia₅ já₃ng'₅ já_{g1} dsau₅ tē₂le₃ quió'₅ Ja₁ñi'₅₄, já₃ bá₄ le₂jaun₂ quiaín'₅₄ Jmei₂ nē₃.

²⁴ Jaun₂ lē₃, 'ma₄ 'nia'₂ tē₂'au'₂ já_{g1} dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₂'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quiaín'₅₄ Jmei₂ nē₃. ²⁵ Jaun₂ a₂la₂ bá₄ já_{g1} quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁'íng₅ jui'lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jñió₅ i₂ma₂tē₁'ñiá₄ tē₂'au'₂ 'nia'₂ i₂ma₂cuin₃ Cristo. Jaun₂ tsá₃ ma₁i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñió₅ jme₃tiin₂₃ 'nia'₂ ca₂le₃jě₃ con'₂ lē₅ já_{g1} tí₅ dsón'₂, on₃jua'₅₄ já_{g1} tē₂já_{g1}.

²⁸ Jaun₂ nē₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiaín'₅₄, ia₁ jaun₂ caun₂ bá₄ le₁'ág₄ dsí₅ jniog₄ jē₁ma₂tē₂ jmig₄ i₁jme₃jniai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ já₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'₂-guein₂ quián₅ Diú₄

* 2:20 o₃, "ca₂le₃jě₃."

¹ Jag₄ 'nia'₂ jaun₂, 'ŋio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ nē₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rē₃cui₂₃ Diú₄. ² 'Nia'₂ rin'₅₄ jniog₄ i₂'niog₃, ma₂lág₅ jniog₄ chi'₂-guein₂ quián₅ Diú₄. O₁jñia'₅₄ la₂ tsá₃ ma₂ne₄ guē₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jñia₅ 'éi₂, léi₂ jniog₄ ju₁lia'₂ lín₅ 'ŋiog₅, ia₁ néi₄ jniog₄ ton'₂ le₃cui₂₃ jniog₄ 'a₂ lia'₂ jñiái₂. ³ Ca₂le₃jín₃ i₂'ín₂ dsí₅ jág₁ nē₅, jmo₂₃ le₁jē₃ tē₂dsí₅, ju₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ ju₁'ein₂ guē₃ i₂ca₂i₁juin₅₄ con'₂ lē₅ 'Éi'₃, dso₄ bá₄ jaun₂. ⁵ Ia₁ ma₂ŋi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ŋiog₅. ⁶ Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ŋi₂₃ jua'₅₄ caun₂ qui₂'no₂₃ guē₄ dso₄. La₁ ju₁lia'₂ i₂caun₂ i₂nio₄ 'no₅ dso₄ nē₃, tsá₃ ma₂ca₂jág₂, on₃ guē'₂ ma₂ca₂rē₃cui₂₃ nē₃. ⁷ 'Nia'₂ chi'₂-guein₂ quiáng₃, tsá₃ 'ein₂ ju₁jñiog₅₄ cau₅ quián'₂ 'nia'₂. Ju₁lia'₂ i₂jmo₅ con'₂ dsi₂ten₅₄, dsein₃ bá₄, ju₁lia'₂ dsen₃ 'éi₂ 'ŋiog₅. ⁸ La₁ ju₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ nē₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ŋi'₅₄ Diú₄ nē₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ ju₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ guē₄ dso₄, ia₁ ma₂ca₂rē₃cháin₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ nē₃. Ia₁ ju₁'ein₂ guē₃ i₂tsá₃ dse₃ jmo₅, O₃ ju₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Ju₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ ju₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂jñi'₃ dsó₂ riin'₅₄. ¿'E₂ lē₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'ŋiog₅; riin'₅₄ guē'₂ nē₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ ju₁dsi₂gó'₃ 'au₂ 'nia'₂ nē₁jua'₂ 'iog₅₄ dsa₂ mi₂güig₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂nē₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ŋi₅ 'lín₄ bá₄ 'éi₂. ¹⁵ Ca₂le₃jín₃ ju₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. ŋi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsí₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄

guén₄ 'mú₃ o₄ quió'₄ rin'₅₄. ¹⁷ Ju₁lia'₂ i₂cha₂ quió'₅ ne₄ gua'₅₄
'uë₃ la₂, nē₁jua'₂ chan₂ jan₂ rin'₅₄, i₂ñi₅ 'in₂ quió'₅, nē₁jua'₂ tsá₃
ca₂dsia₃ guè'₂ néi₂ dsí₅ ja₁coin₂, ç'_{a2} lia'₂ lé₂ le₃juá'₂ ma₂tē₁'ñiá₄
tē₂dsí₅ a₂'nio₃ Diú₄? ¹⁸ 'Nia'₂ guein₂ quiáng₃, on₃jua'₅₄ jmá'₃
quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄.
A₂ca₂tág₂ jniog₄ jme₁'nió₄ tē₃dsón'₂ rin'₅₄, tē₂le₃ quian'₅₄ a₂léi₄
a₂qui₂rē₂jniá₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tē₂le₃ quió'₅ Diú₄

¹⁹ Le₂nē₅ bá₄ ne₄ jniog₄ a₂téi₅ le₃quió'₅ ju₁5 dsau₅, jaun₂
gué₄ le₃'éi₁ jniog₄ caun₂ dsi₅ ne₄ Diú₄. ²⁰ La₁ nē₁jua'₂ cha₂
a₂qui₂dsi₂ñi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂
gué₄ lia'₂ con'₂ gué₄ 'e₂ a₂qui₂dsi₂ñi₅ dsi₅; 'éi₂ bá₄ ñi₅ ca₂le₃jě₃.
²¹ Le₂nē₅ jaun₂ rin'₅₄ jniog₄ i₂'nió₃ gué₄ lin₃, chi₂jua'₂ lei₅₄ jniog₄
tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le₃'éi₁ jniog₄ dsi₅ ne₄
Diú₄, ²² jaun₂ cué₃ bá₄ 'éi₂ ca₂le₃jě₃ 'e₂ a₂mi₂, tē₂le₃ ia₁ jme₂tí₁
jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tē₅ dsí₅.
²³ A₂la₂ bá₄ 'éi'₃ quió'₅; a₂le₃'éin₂ jniog₄ tē₂le₃ quió'₅ Jesucristo
Ja₁ñi'₅₄, ton'₂ ján₃ gué'₂ jme₁'nió₄ jniog₄ rin'₅₄ le₂jau₂ le₂jau₂.
Con'₂ nē₅ bá₄ lē₅ 'éi'₃ quió'₅ ca₂tság₃ jnia'₅₄. ²⁴ Ca₂le₃jín₃ i₂jme₂ti₃
'éi'₃ nē₅ ně₃, chain₂ le₃quió'₅ 'éi₂; ján₃ gué'₂ le₂jaun₂ 'éi₂ 'ñiog₅
chain₂ ja₁con₂ 'éi₂ ně₃. Le₂nē₅ bá₄ ne₄ jniog₄ a₂guá₅ 'éi₂ tē₂dsi₅
jniog₄: tē₂le₃ quian'₅₄ Jme₂dsí₂ i₂ma₂cu₁in₃.

4

Jme₂dsí₂ quián₅ Diú₄ quian'₅₄ jme₂dsí₂ i₂'ñia₅₄ Cristo

¹ 'Nia'₂ guein₂ quiáng₃ i₂'nió₃ gué₄ lin₃, tsá₃ o₁len'₂ 'nia'₂ jua'₅₄
ca₂le₃jín₃ i₂juá'₂, jiog₅ Jme₂dsí₂ quián₅ Diú₄. Rē₂ de'₂ quion₂
'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅
dsa₂ ju₁gan₂ ma₂i₂nio₄ qui₂'ě₂ jág₁ mi₂güig₃ la₂. ² Le₂la₂ bá₄
lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsí₂ quián₅ Diú₄.
ca₂le₃jín₃ jme₂dsí₂ i₂jmo₅ jág₁ a₂ca₂guan₃ Jesucristo chi₁dsáin₃
mi₂güig₃ la₂, i₂le₂'éi₂ bá₄ lín₅ i₂quián₅ Diú₄. ³ La₁ ju₁'ein₂ gué₃
jme₂dsí₂ i₂tsá₃ jmo₅ jág₁ le₂nē₅ 'iin₂₃ Jesús, on₃jua'₅₄ i₂quián₅
Diú₄ 'éi₂. I₂quián₅ i₂'ñia₅₄ Cristo bá₄ i₂le₂'éi₂, i₂ma₂nei'₂ 'nia'₂ jág₁
a₂jiá₃, i₂ma₂'en₅₄ mi₂güig₃ rē₂ně₃.

⁴ 'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁
ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lin₃ gué₄ bá₄
Jme₂dsí₂ i₂quian'₅₄ 'nia'₂, lia'₂ con'₂ gué₄ i₂quian'₅₄ dsa₂ mi₂güig₃.
⁵ Dsa₂ mi₂güig₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güig₃
bá₄ jme₂tag₂₃. Jaun₂ lē₃ dsa₂ mi₂güig₃ ně₃ nag₂₃ jág₁ a₂jme₂tag₅
dsa₂ 'éi₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, ju₁lia'₂
dsa₂ i₂cuin₅ Diú₄ ně₃, nag₂₃ jág₁ quián₂ jniog₄. La₁ dsa₂ i₂tsá₃

quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂ně₅ bá₄ rē₂cuin₅ jniog₄ ju₁lia'₂ i₂jio₅ Jme₂dsí₂ quió'₅ jág₁ tí₅. Ján₃ guē'₂ le₂jaun₂ rē₂cuin₅ jniog₄ ju₁lia'₂ i₂jio₅ jme₂dsí₂ i₂ju₁gan₂.

Diú₄ bá₄ i₂'nio₃ jniog₄

⁷ Rin'₅₄ jniog₄, ju₁jme'₁nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸ I₂tsá₃ 'nio₃ rin'₅₄ ně₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi₂ mi₂güig₃ la₂. ¹⁰ Le₂la₂ bá₄ lē₅ a₂'nio₃ Diú₄: on₃juá'₅₄ a₂ma₂ca₂jme'₁nió₄ jniog₄ ja₁ma₂ja₂náu₅. 'Njio₅ bá₄ Diú₄ ca₂dsia₃ ñéi₂ dsí₅ ca₂rē₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi₂ quí₃ a₂rag₂ jniog₄.

¹¹ Rin'₅₄ jniog₄, chi₂juá'₂ le₂ně₅ ca₂rē₃'nio₃ Diú₄, ján₃ bá₄ le₂ně₅ ca₂tág₂ jniog₄ jme'₁nió₄ rin'₅₄ le₂jau₂ le₂jau₂. ¹² I₁jan₂ tsá₃ 'ein₂ ma₂jín₂ Diú₄. La₁ ně₁juá'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsí₅ jniog₄, ton'₂ qui₂rē₂'ñia₅ bá₄ tē₂dsí₅ a₂'nio₃ Diú₄. ¹³ Le₂ně₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsí₅ jniog₄ ně₃: ia₁ ma₂cuin₃ Jme₂dsí₂ quiáin₅. ¹⁴ Jnia'₅₄ guio₅₄ ca₂néi₄, jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lioin₅₄ dsa₂ mi₂güig₃. ¹⁵ Ju₁'ein₂ guē₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiain'₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂ně₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ ně₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃. ¹⁷ Le₂ně₅ bá₄ rē₂'ñia₅ ja₁con₂ jniog₄ a₂jme'₁nió₄ jniog₄ rin'₅₄, ia₁jaun₂ jē₁ma₂ca₂tē₂ jmig₄ i₁qui₃dsí₅ Diú₄ 'éi'₃, lé₂ le₃'éi₁ jniog₄ caun₂ dsí₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Ju₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ ju₁lia'₂ jē₁'nio₃ dsa₂ riin'₅₄ lia'₂ rē₂'ñia₅, quian'₅₄ a₂ně₅ ñja'₅ a₂gó'₅ dsa₂. Ia₁ ju₁lia'₂ a₂gó'₅ dsa₂, caun₂ jm₁ui₅ bá₄ jaun₂ rē₂'ě₄ ja₁coin₂. Ia₁ ju₁lia'₂ i₂gó'₅, tsá₃ ma₂ca₂rē₃'ñia₅ ja₁coin₂ 'a₂lia'₂ jme₃'nio₃ riin'₅₄.

¹⁹ 'Nio₃ jniog₄ Diú₄ ia₁ 'njio₅ de'₂ le₂'ui₅₄ ca₂rē₃'nio₃ jniog₄. ²⁰ La₁ ně₁juá'₂ chan₂ i₂lín₅₄ juá'₂: “Nió₃ jniá₂ Diú₄”, la₁ ně₁juá'₂ 'ñia₅₄ bá₄ guē'₂ riin'₅₄ ně₃, jan₂ dsa₂ tē₂jág₁ bá₄ 'éi₂. Ia₁ ně₁juá'₂ tsá₃ 'nio₃ dsa₂ riin'₅₄ i₂jín₂, ¿'a₂ bá₄ lia'₂ lé₂ jme₃'nio₃ Diú₄ i₂tsá₃ ma₂jín₂? ²¹ 'Njio₅ bá₄ Diú₄ ma₂cuē₃ 'éi'₃ la₂: I₂'nio₃ Diú₄, ca₂tín₂ jme₃'nio₃ riin'₅₄ ján₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güig₃

1 Ca₂le₃jín₃ i₂'én₂ a₂lín₅ Jesús tē₃dsón'₂ I₂rē'_{ín}₁ quián₅ Diú₄, lín₅ chi'₂-guein₂ quián₅ Diú₄. Jui₁lia'₂ ja₁'nio₃ dsa₂jan₂ dsa₂, ján₃ bá₄ 'nio₃ chi'₂ quián₅ dsa₂ 'éi₂. 2 Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄; chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. 3 A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ nē₃, on₃jua'₅₄ 'e₂ ŋí₄ guei₂. 4 Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güig₃. 5 ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Ŋjia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ŋi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ŋi'₅₄ Diú₄

6 Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ŋi'₅₄ tē₃dsón'₂. Ia₁ ca₂cuē₃ léi₄ jme₁ca₂ŋó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂ŋó₂ jmig₂ ca₂cuē₃ léi₄. Jme₁ca₂jon₃ Jesús, jme₁ca₂i₃'o₅₄ jmi₂ 'ain₅₄ nē₃, ca₂cuē₃ léi₄ táng₃. Quian'₅₄ le₃tín₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. 7 Ún₂ i₂lín₅ i₂jáng'₅ jág₁ dsau₅ nē₅: 8 Jme₂dsí₂ Ŋjio₅ i₂ŋjia₄ jniog₄ tē₂dsi₅, Diú₄ Jmei₂ i₂ca₂cuē₃ léi₄ con'₂ jme₁ca₂ŋó₂ Jesús jmig₂, 'ŋiog₅ Jesús nē₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jmi₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió'₅.* 9 Guén₅ bá₄ jniog₄ jui₁lia'₂ 'e₂ caun₂ jág₁ dsau₅ jáng'₅ dsa₂ mi₂güig₃, la₁ 'ŋio₅ lin₃ guē₄ quen₅ jág₁ dsau₅ a₂ca₂cuē₃ Diú₄ 'ŋiog₅, ia₁ quian'₅₄ jág₁ dsau₅ a₂ca₂jáng'₃ jaun₂ nē₃, ca₂'ē₃ 'ein₂ lín₅ Ja₁ŋi'₅₄. 10 I₂'én₂ tē₂le₃ quió'₅ Ja₁ŋi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ nē₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ŋi'₅₄. 11 ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ŋi'₅₄. 12 Dsa₂ i₂quian'₅₄ Ja₁ŋi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄ Ja₁ŋi'₅₄ Diú₄, tsá₃ jéin'₃.

Toin'₂ jág₁ riin'₅₄ jē₁ca₂tó'₂

13 Jmo₅ jniá₂ si₂ la₂ tsing₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ŋi'₅₄ Diú₄, ia₁jaun₂ ŋi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.†

14 Caun₂ 'ei₅ dsí₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ nē₁jua'₂ 'e₂ caun₂ a₂mi₂ jniog₄ lia'₂ con'₂ lē₅ 'ŋio₂ dsí₅, nag₃ bá₄ jág₁

* 5:8 A₂lín₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₅ latín, juá'₂ le₂la₂: "i₂jáng'₅ jág₁ dsau₅ nē₅ guei'₅₄ i₂juig₅: Diú₄ Jmei₂, Ja₁ŋi'₅₄ i₂lín₅ jág₁ quió'₅, quian'₅₄ Jme₂dsí₂ Ŋjio₅. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₅."

† 5:13 A₂lín₅₄ chog₅₄ si₂ a₂ca₂lē₃ cang₂ guē₄, juá'₂ ján₃: "ton'₂ ia₁jaun₂ le₃'éng'₂ le₃quió'₅ Ja₁ŋi'₅₄ Diú₄."

quián₂. ¹⁵ Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, nē₂jag₄ bá₄ a₂ma₂nē₂guéi₁ 'e₂ mi₂.

¹⁶ Nē₁jua'₂ chan₂ i₂ca₂jín₂ rín'₅₄ 'no₂₃ dso₄, la₁ nē₁jua'₂ tsá₃ lě₅ dso₄ a₂jio₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá'₅ jniá'₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, ju₁lia'₂ i₂ca₂rě₃chán₃ le₃quió'₅ Diú₄, tsá₃ ma₂ŋi₂₃ jua'₅₄ caun₂ qui₂'no₂₃ guě₄ dso₄; ia₁ Ja₁ŋi'₅₄ Diú₄ bá₄ jmo₅ 'í₁, † jaun₂ tsá₃ téi₂ i₂sě₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rě₂'i₄ bí₂ quió'₅ i₂sě₃dsen₃ ta₁caun₂ mi₂güí₃.

²⁰ Já₃ bá₄ ne₄ jniog₄, ta₁ jaun₂ ca₂guan₃ Ja₁ŋi'₅₄ Diú₄ a₂jme₃tag₂₃ ia₁jaun₂ le₃ŋág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ŋi'₅₄ Diú₄, 'Éi₂ bá₄ lín₅ Diú₄ tē₃dsón'₂ i₂cuē₅ a₂le₃chan₂ dsa₂ co₂tan₅₄.

²¹ 'Nia'₂ chí'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂ně₅.

† 5:18 o₃, "ju₁lia'₂ i₂ca₂rě₃chán₃ le₃quió'₅ Diú₄, jmo₂₃ 'í₁ 'ŋio₅."

Si₂ carta jë₁ca₂të₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ riin'₅₄

¹ Jniá₂ i₂líng₅ gui'₅₄ juin'₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄ * rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ guě₄ lín₃. On₃jua'₅₄ jmá'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅. ² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂të₁'ñiá₄ të₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, jui₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.

⁴ 'Ñio₅ të₅ dsí₃ ia₁ ma₂jíng₅₄ i₂lín₅₄ chi'₂ quiáng'₂ tián'₅ bá₄ lia'₂ con'₂ lë₅ jág₁ tí₅, lia'₂ con'₂ lë₅ juá'₂ Diú₄ Jmei₂ jniog₄, 'éi'₃ a₂ma₂cuë₃. ⁵ Në₃ në₃ 'io₅₄ rin'₅₄ jniog₄, mi₅ jniá₂ juig'₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶ Le₂në₅ bá₄ jme₁'nió₄ jniog₄ rin'₅₄: a₂i₂nio₄ jniog₄ lia'₂ con'₂ lë₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güig₃ bá₄ i₂nio₄ juin₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'ñia₅₄ Cristo në₃. ⁸ Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuë₃ Diú₄.

⁹ Ia₁ jui₁'ein₂ guě₃ i₂dsi₂jñiá₄ jmo₂₃ ñag₅₄ guě₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guě'₂ quiaín'₅₄ bá₄ Ja₁ñi'₅₄ Diú₄ në₃. ¹⁰ Në₃jua'₂ chan₂ i₂ca₂dsióg₃ ja₁con'₂ 'nia'₂, la₁ në₁jua'₂ tsá₃ jme₂tag₂₃ lia'₂ con'₂ lë₅ jág₁ në₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂ jñia'₅₄ Diú₄ tsá₃ 'nió'₅ cuiín'₄ 'nia'₂. ¹¹ Ia₁ në₁jua'₂ chan₂ i₂ca₂cuiín₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsá₅ 'éi₂.

Jág₁ jë₁ca₂tó'₂

* 1:1 I₂lín₅₄ të₅sí₃ ñí₂ dsí₅ jui₁lia'₂ jág₁ në₅, co₂'nió'₄ të₂ guá'₅ në₂jag₄ bá₄ jan₂ 'io₅₄; chi'₂ quiáin₅ guë'₂ në₃, co₂'nió'₄ dsa₂ i₂tén₅ guá'₅.

¹² 'Lióng₂ bá₄ jág₁ a₂'nio₃ jniá₂ juig₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ tē₂le₃ quian'₅₄ si₂, on₃ guë'₂ quian'₅₄ jm_{i1}jné₂. Ia₁ 'ín₂ dsi₃ jniá₂ dsióg₄ bá₄ 'ñió₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuin₂₃ Diú₄ 'nia'₂.
Co₂nē₅.

Si₂ carta jë₁ca₂të₂ 'ni₅ a₂ca₂jmo₃ SAN JUAN

Dsia₅ dsa₂ dse₃ 'iin₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ të₃dsón'₂ bá₄ 'nióg₃ 'ne₂.

² Chi₁len'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃. Jui₁'ei₅ bá₄ dse₃ 'au'₂ ján₃, ju₁lia'₂ 'ei₅ 'au'₂ të₂le₃ quian'₅₄ jme₂dsi₂ quiáng'₂. ³ 'Nio₅ lin₃ 'io'₂ jéin₅ jniá₂

jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rë₂teng'₅₄ lia'₂ con'₂ lë₅ jág₁ tí₅. ⁴ 'Icaun₂ a₂siá'₂ tsá₃ cha₂ jua'₅₄ a₂lë₂ le₃jmo₃ 'ag₃ dse₃ dsi₃ 'io'₂ jéin₅, njia'₅₄ lia'₂ a₂le₃guion₅₄ a₂l₂nio₄ bá₄ chi'₂-guein₂ quiáng₃ lia'₂ con'₂ lë₅ jág₁ tí₅.

⁵ A₂mei₅₄ quiáng₃, caun₂ a₂rë₂ti'₅₄ bá₄ jaun₂ a₂jmo'₂ 'ne₂ jme₁cuë'₂ gog'₂-tag'₅₄ o₄quió'₄ rin'₅₄ jniog₄, o₁njia'₅₄ tsá₃ cuiin'₂.

⁶ Të₃ ja₁le₁ñi'₂ guá'₅, ma₂ca₂jáng'₃ 'éi₂ jág₁ dsau₅ 'a₂ lia'₂ ñi₄ lë₃ 'nió'₃. Jmo₄ dse₃ 'au'₂ jme₁oin₁₂ a₂'nió'₅ quió'₅, ia₁jaun₂ caun₂ dsi₃lén₂ bá₄ ne₄ ju₅ ja₁tioin'₅₄ ju₅ dsi₁lén₂. Jmo₄ a₂të₅ dsí₅ Diú₄.

⁷ Ia₁ tioin'₅₄ ju₅ i₂lén₂ dsi₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lë₃, jniog₄ ně₃ ca₂tág₂ dsiá₁ gu₂, jme₁oin₁₂ a₂dsi₁lén₂ ja₁tioin'₅₄ ju₅ dsi₃'ë₃ jág₁ tí₅ quió'₅ Diú₄.

Tsá₃ dse₃ jmo₅ Diótrfes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótrfes tsá₃ gue₂₃ 'éi'₃ quián₂ jnia'₅₄, ia₁ 'nio₃ jme₃góin₃ 'njio₅ jmo₃ juin'₂ cán₂ ne₄ ju₅ quió'₅ guá'₅. ¹⁰ Jaun₂ lë₃, ně₁jua'₂ ca₂ñó₃ jniá₂, i₁jéin₂ ia₁ 'e₂ lë₃ jmo₂₃ jág₁ të₂jág₁ 'ag₂₃ jnia'₅₄. Tsá₃ mag'₂ bá₄ guë₄ dsí₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsi₂lén₂ ně₃;

qui₂jné₅ bá₄ ně₁jua'₂ chan₂ guë'₂ i₂'nio₃ guei₃, 'uüin'₂ bá₄ 'éi₂ jë₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ ju₅ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rë₃cuiin₂₃ Diú₄.

Caun₂ ju₅ dse₃ a₂rë₂jniá₂ ñi₅ Demetrio

¹² Ca₂le₃jín₃ bá₄ juá'₂ dse₃ 'iin₂₃ Demetrio. Ia₁ rë₂jniá₂ bá₄ 'a₂ lia'₂ ñi₂₃. Le₂në₅ bá₄ jnia'₅₄ ně₃, dsia₂ jág₁ dse₃ 'ín₅ 'éi₂, jaun₂ ñi'₅₄ 'nia'₂, dsau₅ bá₄ jág₁ a₂jang'₂ jnia'₅₄.

Jág₁ jë₁ca₂tó'₂

¹³ 'Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quian'₅₄ jmi₁ jné₂ on₃ guë'₂ quian'₅₄ pluma; ¹⁴ ia₁ 'ín₂ dsi₃ jniá₂ jag₅₄ dsi₁ ne₁ ŋi'₅₄ ta₁ la₂ ia₁ jaun₂ dsiá₁ jág₁.

¹⁵ Ju₁ chang'₂ bá₄ 'ei₅ tei₄ 'au'₂. Dsa₂ a₂ mei₅₄ quiáng'₂ i₂ chan₂ ja₁ lá₃ chein₂₃ jág₁ a₂ cui_{in}₂₃ Diú₄ 'ne₂. Jmo₄ dse₃ 'au'₂ cui_{in}₅₄ Diú₄ le₂ jan₂ le₂ jan₂ a₂ mei₅₄ quián₂ ja₁ nē₅.

Co₂ nē₅.

Si₂ carta a ca₂ jmo₃ JUDAS

Jmo₅ Judas si₂ ne₄ dsa₂ i₂ ma₂ quion'₅₄ quián₅ Diú₄

¹ Jniá₂ Judas, líng₅ dsa₂ i₂ jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂ le₃ jín₃ i₂ tē₄ i₂ nió₄ quián₅ Diú₄ Jmei₂ jniog₄, con'₂ i₂ chan₂ lě₅ 'í₁ le₃ quió'₅ Jesucristo.

² Jui₁ le₂ tsón₂ bá₄ ja₁ con'₂ 'nia'₂ a₂ ηéi₂ dsí₅ Diú₄, a₂ 'ei₅ tei₄, a₂ 'nió'₃ 'nia'₂ ríng'₂ ně₃.

*Dsa₂ i₂ jme₂ tag₅ juá'₅ jág₁ tē₂ jág₁
(2 Pedro 2:1-17)*

³ 'Nia'₂ rin'₅₄ jniog₄ i₂ nió₃, lě₂ dsí₃ ηio₅ lín₃ a₂ jmo₅₄ si₂ tsíng₅₄ ja₁ con'₂ 'nia'₂ ja₁ juá'₄ jui₁ lia'₂ jág₁ a₂ líón₂ dsa₂ a₂ ma₂ le₁ ne₁ jniog₄. La₁ ia₁, ně₃ ně₃, 'nió'₅ jmo₅₄ si₂ a₂ chí₁ leng'₄ 'nia'₂, a₂ 'nió'₅ quin'₅₄ 'nia'₂ bí₂ o₄ quió'₄ jág₁ a₂ 'éin₂ jniog₄, jág₁ a₂ ma₂ dsia₃ Diú₄ o₄ gú₃ dsa₂ i₂ lě₅ 'í₁ quián₅.^{*} ⁴ Ia₁ ma₂ ca₂ i₃ ton'₅₄ i₂ lín₅₄ con'₂ tē₃ co'₅₄ jē₄ quián'₂ 'nia'₂, dsa₂ i₂ ma₂ ja₂ lén₂ rē₂ 'ín₄ ne₄ Si₂ ca₃ ma₂ líg'₂ i₂ ma₂ tion'₅₄ jui₅ dsí₃ 'én₂. Lín₅ dsa₂ i₂ tsá₃ Diú₄ cuin₅, i₂ nió₃ jme₂ tsín₃ jág₁ a₂ 'ua₁ dsí₅ Diú₄ quián₂ jniog₄ con'₂ tsá₃ o₁ jau₅₄ jui₅ a₂ tóin'₃ jmo₃-dsáu₅ a₂ 'lig'₅₄ a₂ ja₂ dsí₅; tsá₃ tíoin₂₃ a₂ lín₅ Jesucristo i₂ jan₂ tan₅₄ juig₅₄ jniog₄ Te₁ gui'₅₄ quián₂.

⁵ Jui₁ la₂ ma₂ le₁ ηí'₅₄ 'nia'₂, la₁ 'nio₃ jniá₂ juá'₄ táng₃ ia₁ jaun₂ dsioğ'₂ 'au'₂, ia₁ lia'₂ con'₂ jme₁ ca₂ uín'₂ Te₁ gui'₅₄† dsa₂ juig₂ Israel ma₂ líg'₂ lia'₂ con'₂ jme₁ tíoin'₅₄ 'uē₃ Egipto, la₁ ca₂ jme₃ dsia₂₃ bá₄ i₂ lín₅₄ dsa₂ 'éi₂ ia₁ tsá₃ ca₂ 'éin₃. ⁶ Le₂ jaun₂ bá₄ táng₃ quian'₅₄ ángeles i₂ tsá₃ 'í₁ ca₂ lí₃ ta₁ a₂ jme₁ lín₄, tē₂ le₃ ca₂ t₂ bá₄ ja₁ jme₁ tián'₄. 'Éi₂ ně₃ rē₂ ně₃ tíoin'₅₄ le₁ jni₅ jē₄ qui₁ né'₃, ja₁ ma₂ le₁ ηéi'₅₄ co₂ tan₅₄ quian'₅₄ ηí₁ cadenas, lě₅ 'í₁ quió'₅ Jmig₄ Juē'₂ jaun₂. ⁷ Le₂ ně₅ bá₄ ján₃ jui₁ lia'₂ ca₂ jmo₃ dsa₂ i₂ jme₁ chan₂ juig₂ Sodoma quian'₅₄ Gomorra, ca₂ le₃ jē₃ guē₄ juig₂ i₂ jén₂ ma₂ quián₅ jaun₂, ca₂ jín₂ qui₂ ca₂ nió'₃ ca₂ le₃ jē₃ ne₅₄ jág₁ 'lig'₅₄, qui₂ i₃ lén₂ chí₁ co'₅₄ quió'₅ a₂ 'ín₅ dsí₅ ni₁ ηí₁ i₂ sián'₂ a₂ tsá₃ dsí₂ ten₅₄ jmo₃. Uig₅ a₂ ηág₅ jē₄ si₂ a₂ jioğ₅ co₂ tan₅₄ a₂ ca₂ gue₃ jaun₂, 'ē₂ jág₁ ja₁ con₂ dsa₂ i₂ chan₂ jmig₄ ně₃.

⁸ Le₂ ně₅ bá₄ ján₃, tē₂ le₃ quian'₅₄ 'e₂ a₂ niog₅ qui₅ dsa₂ 'éi₂, qui₂ jme₂ i₂ óg₃ ni₁ ηí₁ guioin₅₄ quian'₅₄ dso₄ a₂ qui₂ 'no₂₃, tsá₃ jí'₅₄ 'éi'₃, 'lig'₅₄ bá₄ táun₂ le₃ quió'₅ i₂ jlán'₁ chan₂ quián₅ Diú₄. ⁹ Ia₁ ca₂ lia'₂ jnia'₅₄ ángel Mi₂ gue₅₄ i₂ lín₅ i₂ dsen₅₄ guē₄ quián₅ Diú₄, lia'₂

* 1:3 lit. "dsa₂ jnió₅." † 1:5 A₂ lín₅₄ chog₅₄ si₂ a₂ gui'₅₄ guē₄: "Jesús."

con'₂ jme₂ca₂tsiín₂ quian'₅₄ i₂sě₃dsen₃ ne₄ o₄quió'₄ ni₁ŋi₁ 'lag₄
Moisés, tsá₃ ca₂tiá₂ dsí'₅ 'éi₂jua'₅₄ 'ag₃ 'lig'₅₄ a₂'nag₃, tē₂le₃ ca₂juá'₂:
“Te,gui'₅₄ bá₄ jui₁qui₂dsi₅ 'éi'₃ ja₁cong'₂.”

10 La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, tē₃ tsá₃ ma₂ŋi₅ rē₂;
jmo₂₃-dsau₅ lia'₂ ja₁jmo₅ já'₂ náu₂ i₂tsá₃ 'e₂ ŋi'₂ dsí'₅, ia₁ jui₁lia'₂
a₂cuí'₅ con'₂ lě₅ a₂ŋi'₂ dsí'₅ guoin₅₄ a₂cha₂ mi₂güig₃ la₂, quian'₅₄
a₂jaun₂ bá₄ dsi₃'éin₂.

11 i'₂E₂ guě₄ juig₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅
Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁noi₁₂ tē₂le₃ dséi₂, 'ein₂₃
jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂
ca₂i₃'éin₂ Coré† jme₁ca₂nau₂ quein₅. 12 Co₂'nió'₄ caun₂ 'mé'₅
a₂quian₅ o₂guí'₃ bá₄ a₂jmo₅-dsau₅ dsa₂ 'éi₂ jin'₄ 'nia'₂ jme₁tóng'₅
quě'₂ jmo'₂ 'nia'₂ jmig₄ a₂'nióg'₃ ríng'₂. La₁ dsa₂ 'éi₂ quein'₅₄
jin'₄ 'nia'₂ qui₂guě'₅ qui₂'in'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃.
Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jŋia'₅₄ con'₂ dse₃
jme₂tain₅₄ guoin₅₄ bá₄. Lín₅ jui₁lia'₂ lě₅ jnei₅ a₂lě₁qui₂ŋag₅
quian'₅₄ dsí₂ tsá₃ 'e₂ jmí₅ cha₂ guě'₂; o₃ lín₅ táng₃ jui₁lia'₂
ni₁'ma₂ a₂lě₁le₁dsi₅₄ tó'₅ lí₁ jein₂ quió'₅, la₁ tsá₃ 'e₂ míg₂ cha₂
guě'₂ jaun₂ ně₃. Lín₅ co₂'nió'₄ ni₁'ma₂ a₂ma₂ca₂cang₅ le₂jioḡ₅
jmú₄, le₃jua'₅₄ a₂ma₂quian₅ tin₃ ne₅₄ 'mú₃. 13 Lín₅ jui₁lia'₂
lě₅ jmig₂ a₂lě₁qui₂jná'₅ tiá₂ ne₄ jmi₁ŋi'₄ a₂ráun₂ quian'₅₄ dsí₂,
qui₂le'₁ág₄ ne₄ jan₅ ca₂le₃jě₃ a₂lě₁'ioḡ₅ o₂guí'₃ quió'₅. Tioin'₅₄
jui₅ i₂noi₅₄ lín₅ jui₁lia'₂ lě₅ nei₅ a₂lě₁ma₂i₂nio₄, tsá₃ ma₃jui₅
co₂dsau₅ le₁quian₅. Ma₂tioin'₅₄ jui₅ a₂dsi₁lein₃ jě₄ qui₁né'₃ 'ŋio₅
lin₃, ja₁ma₂lě₅ co₂jŋia₅₄ ja₁dsi₁toin'₄ co₂tan₅₄.

14 Le₂jaun₂ bá₄ Enoc ján₃, dsa₂ i₂jě₁ca₂tě₂ jŋé₂ tsi₁jon₂
Adán i₂ca₂rě₃chán₃; 'éi₂ ca₂'ě₂ jáḡ₁ tē₃jŋiá₅ ca₂'in₃ dsa₂ le₂'éi₂
jme₁ca₂juá'₂: “Ca₂jŋg₅₄ Te₁gui'₅₄ jóin'₅ ca₂sióin₃ quian'₅₄ tē₂le₃
mei₅ bá₄ i₂jŋió₅ quiain₅, 15 a₂qui₃dsi₂₃ 'éi'₃ ne₄ quió'₅ ca₂le₃jín₃,
a₂'liain'₃ ca₂le₃jín₃ dsa₂ 'lin'₅₄, ne₄ 'uig₅₄ ca₂le₃jě₃ ne₅₄ a₂'lig'₅₄
a₂qui₂ma₂jmo₃, ne₄ ca₂le₃jě₃ jáḡ₁ lě₁'ioḡ₅ a₂qui₂ma₂'in₃ Diú₄
ně₃.” 16 Dsa₂ le₂'éi₂ ně₃ ca₂le₃jě₃ bá₄ 'i₄ dsí₅ jmo₂₃, qui₂'no'₂ dsau₁
dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guoin₅₄ bá₄
'no'₂. Tiin₂ dsia₃ jmá'₃ lia'₂ jáḡ₁ tá'₅, ton'₂ 'ŋioi₅₄ 'a₂ lia'₂ jme₃'uain₂
dsí₅ dsa₂ ia₁jaun₂ lí'₂ 'e₂ a₂'nio₃.

'Ě₂ guě₄ jáḡ₁ tē₃jŋiá₅ tsí'₅ dsa₂ 'én₂

17 La₁ 'nia'₂ ně₃ rin'₅₄ jniog₄, jui₁dsiog'₂ 'au'₂ 'nia'₂, ca₂le₃jě₃ jáḡ₁
a₂ma₂cuě₃ dsa₂ i₂chen₄ quián₅ Te₁gui'₅₄ Jesucristo quián₂ jniog₄,
18 ca₂juá'₂ ca₂tsí'₃ 'nia'₂: “Jmíg₄ jě₁ca₂tó'₂ le₃chan₂ dsa₂ i₂jŋia'₅₄
lě₁qui₃táun₂ 'lig'₅₄, a₂le₃chain₂ tiain'₃ con'₂ lě₅ mi₅ dsí₅ guoin₅₄,

ia₁ tsá₃ Diú₄ cui_{in}₂₃.” ¹⁹ Dsa₂ le₂'éi₂ bá₄ i₂jmo₃ le₁dson'₅₄ 'nia'₂; i₂nioi'₅₄ con'₂ dsi₂jio_g₅ dsi'₅ guioi_n₅₄, tsá₃ Jme₂dsi₂ quián₅ Diú₄ quiain'₅₄.

²⁰ La₁ 'nia'₂ ně₃ rin'₅₄ jnio_g₄, caun₂ jui₁dsi₂cón'₃ bá₄ 'nia'₂ quian'₅₄ a₂'éng'₂ a₂lě₅ a₂ŋi_ó₅ guě₄ lín₃. Chi₁len'₅₄ 'nia'₂ Diú₄ con'₂ lě₅ jio_g₅ Jme₂dsi₂ Jŋi_ó₅. ²¹ Jui₁chan'₂ bá₄ 'nia'₂ lě₅ 'í₁ ja₁'nio₃ Diú₄ 'nia'₂; qui₂le₁jan'₄ a₂dsia₃ ŋéi₂ dsi'₅ Te₁gui'₅₄ Jesucristo quián₂, ca₂lia'₂ ca₂tě₂ jmi_g₄ i₁cuě₃ ja₁le₃chan'₂ 'nia'₂ co₂tan₅₄.

²² Dsia₄ 'nia'₂ ŋéi₂ 'au'₂ ja₁con₂ jui₁lia'₂ dsa₂ i₂qui₂le₁'ág₄ caun₂-tín₃ dsi'₅, ²³ lion₅₄ 'nia'₂ i₂lín₅₄ ně₂jag₄ bá₄ a₂'ui_{in}₅₄ jě₄ si₂. Dsia₄ 'nia'₂ ŋéi₂ 'au'₂ ja₁con₂ i₂sián'₂, tě₃ gang'₃, tě₃ 'ŋiag'₅₄ ca₂le₂jio_g₅ ni₁tsin'₅₄ a₂rě₂'ió_g₄ quian'₅₄ ni₁ŋi₁₂.

Jág₁ a₂rě₂juin'₂ Diú₄ jě₁ca₂tó'₂

²⁴ Ně₃ ně₃, tě₂le₃ quió'₅ i₂qui'₅₄ jmi_g₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jniai₂₃ 'nia'₂ ján₃, ja₁jlá'₁ lín₃ ja₁guá'₄ Diú₄ a₂tsá₃ ma₂'e₂ dso₄ rě₂cáng'₄, ja₁jiá'₃ 'au'₂ 'nia'₂ 'io'₂ jén'₂ guě₄ lín₃, ²⁵ le₃quió'₅ Diú₄ i₂jan₂ tan₅₄ [i₂ŋi'₂ dsi'₅]š i₂lió₂ jnio_g₄, i'₂éi₂ bá₄ i₂ca₂tín₂ ca₂le₃jě₃ ti₁'mag'₄, ca₂le₃jě₃ a₂jme₂juag'₂ dsa₂, ca₂le₃jě₃ guě₄ jui₅bí₂, ca₂le₃jě₃ 'éi'₃ ně₃, [tě₂le₃ quian'₅₄ Jesucristo Te₁gui'₅₄ quián₂ jnio_g₄],* ca₂le₃jě₃ jmi_g₄ ja₁ma₂já₅, jmi_g₄ rě₂ně₃, lia'₂ co₂tan₅₄ ně₃! iA₂mei₃!

Co₂ně₅.

§ 1:25 Chog₅₄ si₂ a₂dse₃ guě₄ tsá₃ le₁ton₅ jág₁ ně₅.
le₁ton₅ jág₁ ně₅.

* 1:25 A₂lín₅₄ chog₅₄ si₂ tsá₃

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₅ jág₁ a₂chi₁ton₅, ia₁ ma₂ja₂quián₃ jmig₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmig₄ ně₃, i₂jme₁lín₄ tián₂ le₂jniá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsí₂ i₂tion'₅₄ le₃ne₄ ne₄ta₁ ja₁guá'; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃ 'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsá₁ jniog₄ quian'₅₄ jmi₂ 'ain₅₄ 'ŋiog₅; ⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tín₂ jme₃juag'₂ dsa₂, ca₂tín₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güig₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂ 'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jáun₃, i₂lín₅ co₂tan₅₄ ne₄ jui₅,* i₂'uan'₂ guě₄ lín₃.”†

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

Jan₂ i₂lín₅ lia'₂ lín₅ Jaun₅ dsa₂ mi₂güig₃

⁹Jniá₂ Juan₅₄, líng₅ rín'₂ 'nia'₂, ia₁ quein'₅₄ jniog₄ co₂dsia₅ ñag₄ uig₅, le₂jaun₂ chi₁ñia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsí₅ le₃quíó'₅ Jesús. Jme'₁eng₅₄ rē₂jníg₅ caun₂ 'uē₃ a₂rē₂quí'₅ jē₄ jmi₁ñí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ē₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuē₃ jniá₂ jág₁ dsau₅ 'íng₅ Jesucristo. ¹⁰Co₂ráun₂ ně₃ co₂jmi₂g₄ quió'₅ Te₁gui'₅₄ ja₁eng₅₄ jaun₂, ca₂lē₃ a₂jme'₁en₅₄ jniá₂ le₃quíó'₅ Jme₂dsí₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jē₁i₂'ein₅₄ ñí₁ trompeta, ¹¹ca₂juá'₂ tság₅ jniá₂:

—Jniá₂ bá₄ 'éi₂ i₂líng₅ le₂'uig₅₄ jui₁lia'₂ letra Alfa jē₁ca₂rē₃lióg₃; jniá₂ bá₄ 'éi₂ i₂líng₅ jē₁ca₂tó'₂ ně₃ jui₁lia'₂ letra Omega. Ne₄ si₂ rē₂bin₅, tióng₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uē₃ Asia, co₂'nió'₄ le₃jua'₅₄ quió'₅ guá'₅ i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹²Ca₂jen'₄ jniá₂ jaun₂ ně₃, a₂jíng₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lē₅ jmá'₃ cu₄nióg₄ ja₁le₁guí'₂ si₂. ¹³Jē₄ ta₁guio₃ mi₂tag₄ si₂ jaun₂ ně₃, jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃,[‡] i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rē₂jén'₅ le₁dsí₅ guē'₂ ně₃, jme₁lē₄ jmá'₃ cu₄nióg₄. ¹⁴Jñi₂ dsi₅₄ guē'₂ ně₃, jme₁tiog₂ lia'₂ ja₁tiog₂ jñí₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guē'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵Mi₂tag₅₄ guē'₂ ně₃ jme₁jniá₂ tág₅ lia'₂ lē₅ jmá'₃ ni₁ñí₁ nióg₂ a₂rē₂ta₄ a₂ma₂jmág₂ né₃ táu₃ si₂. Jág₁ quió'₅ guē'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. § ¹⁶Gu₂ ne₁ guē'₂ ně₃ jme₁chan'₂ guio₃ nei₅; mi₂'o₅₄ guē'₂ ně₃ jme₁jniá₂ 'ia₂ lia'₂ lē₅ caun₂ ñi₁tág₂ chen'₂ a₂'mu₃ le₃tin₃ ton₂. Ne₅₄ guē'₂ ně₃ tág₅ jmá'₅, jui₁lia'₂ tág₅ 'iog₂.

¹⁷Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jē₁ca₂tó'₂. ¹⁸Jniá₂ bá₄ 'éi₂ i₂chan₂; jme₁rē₂'lín₄ bá₄ jniá₂, la₁ i₂ag₄! ma₂chang₂ bá₄ táng₃ ca₂le₃jē₃ jmi₂g₄, ca₂lia'₂ co₂tan₅₄.^{*} Jniá₂ bá₄ chan'₄ ñí₁ llaves quió'₅ 'mú₃ quian'₅₄ guē'₂ tau₂ 'ñio₅.[†] ¹⁹Jaun₂ lē₃, ne₄ si₂, tióng₅ jui₁lia'₂ 'e₂ a₂nē₂jag'₅₄, 'a₂ lia'₂ niog₅ lē₅ rē₂nē₃ quian'₅₄ guē'₂ a₂nē₃ guē₄ niog₅ lé₂. ²⁰A₂la₂ bá₄ jág₁ dsau₅ a₂jme₁rē₂'ma₄ le₂jniá₅: jui₁lia'₂ guio₃ nei₅ a₂nē₂jag'₅₄ chi₁chan'₄ gu₃ ne₁, quian'₅₄ guē'₂ ta₁guio₃ tag₄ a₂lē₅ quian'₅₄ cu₄nióg₄ ja₁le₁guí'₂ si₂. Jáng'₅ jág₁ ta₁guio₃ nei₅ co₂'nió'₄ guion₃

‡ 1:13 'Nio'₂ ja₁ton₅ Daniel 7:13. § 1:15 o₃, "lia'₂ né'₂ 'lióng₂ jmi₂g₂." * 1:18 A₂lín₅₄ chog₅₄ si₂ juá'₂ ján₃ "A₂méi₃." † 1:18 griego: hades, co₂'nió'₄ a₂juá'₂, ja₁quió'₄ 'lag₄.

dsa₂ i₂i₃quian₄ jág₁‡ quián₅ ta₁guion₃ guá'₅; guio₃ tag₄ ja₁le₁guí'₂ si₂ guë'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅; Jág₁ a₂ñó₃ ne₄ guá'₅ chan₂ Efeso

¹ 'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan'₂ le₃guio₃ nei₅ quian'₅₄ gu₂ ne₁, i₂ñi₅ jë₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂; ² Guion₄ bá₄ jniá'₂ ca₂le₃jě₃ ta₁'ua'₂ a₂jmo'₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ ján₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ ján₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nio₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guë'₂ lín₅. Ma₂ca₂jme₁jniai'₂ a₂lín₅ dsa₂ tē₂jín₁. ³ Juin'₂ bá₄ 'au'₂ líng'₅ ma₂ja₂nóg'₅ qui₂ñag'₅₄ uig₅ jmo'₂ ta₁ 'ñio₅ lín₃ o₄quió₃ jniá'₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guë'₄ caun₂ ja₁cong'₂, a₂tsá₃ tē₅ dsi₃: ia₁ tsá₃ ma₃'nióg'₃ jniá'₂ lia'₂ jme₁'nióg'₃ le₂ne₁. ⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Ju₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ ně₃juá'₂ tsá₃ le₂jaun₂ ně₃, ñi'₅₄ ta₁ la₂ dsióg₄ i₁jniá'₃ tag₄ si₂ quiáng'₂ ja₁chí'₄, ně₃juá'₂ tsá₃ ca₂jme₁tsíng'₄ 'au'₂. ⁶ Ñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂ lia'₂ lě₅ jmo₅-dsáu₅ dsa₂ nicolaítas, a₂jaun₂ bá₄ 'io₄ guë'₂ jniá'₂ ján₃.

⁷ Ju₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅. Ju₁lia'₂ i₂ca₂tió'₃, ñei₂ guë'₃ míg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁ * quió'₅ Diú₄.

Jág₁ a₂ñó₃ ne₄ guá'₅ chan₂ Esmirna

⁸ 'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂'uig₅₄, i₂lín₅ jë₁ca₂tó'₂ guë'₂ táng₃; i₂ca₂jon₃ 'éi₂, i₂ma₂ca₂jen'₅₄ guë'₂ táng₃: ⁹ Guion₅₄ bá₄ ca₂le₃jě₃ 'a₂ lia'₂ lě₅ chang'₂ ñag'₅₄ uig₅, ton'₂ a₂te₂ñég'₂ guë'₂ ján₃. La₁ on₃juá'₅₄ a₂dsi₂jó'₃ te₂ñég'₂ jme₁né₄, ia₁ chang'₂ bá₄ dse₃ ján₃. Guion₅₄ bá₄ ján₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guë'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰ Tsá₃ jmo'₂ 'nia'₂ gang'₃ 'e₂ niog₅ a₂dsi₁ñig'₂, ia₁ tsáun'₂ i₂sě₃dse₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂caun₂ táu₂, jaun₂ ñag'₅₄ 'nia'₂ uig₅ guia₃ jmig₄. La₁ tiá₂ nau₂ 'nia'₂ o₁ñia'₅₄ ca₂quín₂ 'mú₃, ia₁ jniá'₂ bá₄ cuë'₅₄ ja₁le₃chan'₂ 'nia'₂ co₂tan₅₄ co₂'nió'₄ caun₂ corona. ¹¹ Ju₁lia'₂ i₂le₁dsi₅₄ rē₂gua₄, ju₁nei₅₄ a₂juá'₂ Jme₂dsi₂

‡ 1:20 griego: ángeles, co₂'nió'₄ i₂quian₅ jág₁. 'Nio'₂ ja₁ton₅ "ángel" ne₄ glosario.

* 2:7 griego: paradiseo (Paraíso).

tsí⁵ ca₂le₃jín₃ guá⁵. Jui₁lia₂ i₂ca₂tió³, 'i₁caun₂ uig₅ tsá₃ jén⁴
jē₁ca₂tē₂ tin₂ 'mu₃.

Jág₁ a₂ηó₃ ne₄ guá⁵ chan₂ Pérgamo

12 'Jmo₄ si₂ ne₄ dsa₂ i₂ 'ē₂ jág₁ guá⁵ i₂chan₂ juig₂ Pérgamo, chei⁵⁴
le₂la₂:

Le₂la₂ juá² i₂ 'io₅ ηi₁tág₂ 'mu₃ le₃tin₃ ton₂: 13 Guion₄ bá₄ jniá₂
ja₁tián⁵ 'nia²₂,† ja₁lě₄ ne₄ta₁ ja₁gon₂ Satanás. La₁ lia² tión²
jaun₂ bá₄ 'nia² tiá₂ quian⁵⁴ jág₁ quió₃. Tsá₃ ma₂tí³ a₂ 'éng²
le₃quió₃, ca₂lia² jnia⁵⁴ jmig₄ lia² con² jme₁ca₂ηi³ dsa₂ Antipas,
dsa₂ i₂ rē₂ti⁵⁴ quiáng₃ i₂ jme₁jáng⁵ jág₁ dsau₅, ca₂lě₃ jē₄ quián²
'nia², caun₂ juig₂ ja₁guá⁴ Satanás. 14 La₁ia₁ cha₂ a₂lin⁵⁴ ja₁cong²,
a₂tsá₃ tē₅ dsí₃: jē₄ nē₅ quián² 'nia² tion⁵⁴ i₂lin⁵⁴ i₂tsá₃ tí₂ a₂ 'lig⁵⁴
lia² jme₁jmo₅ Bala²ama a₂ca₂toin² jág₁ ca₂tsí³ Balac‡, ca₂jmo₃
ca₂tsi⁵sén² dso₄ dsa₂ israelitas a₂ca₂guē³ má₃ a₂rē₂jen⁵⁴ ne₄
diú₄ lag₄ quiáin⁵; ca₂jmo₃ ca₂can₃ dsa₂ 'éi₂ jui₅ qui₂ca₂nió³ jág₁
'lig⁵⁴. 15 Le₂nē₅ bá₄ ján₃, tion⁵⁴ jē₄ quián² 'nia² i₂lin⁵⁴ i₂jme₂tag₅
jág₁ quió⁵ dsa₂ nicolaítas. 16 Jui₁dsi₂quén⁵ 'au² jaun₂ nē₃; ia₁
nē₁jua² tsá₃ ca₂tion² 'nia² jui₅, ηi⁵⁴ ta₁ la₂ dsió₄ jniá₂ ja₁cong²
i₁quíng³ quian⁵⁴ dsa₂ 'éi₂ quian⁵⁴ ηi₁tág₂ a₂ 'ia₂ mi₂o₃. 17 Jui₁lia²
i₂le₁dsi⁵⁴ rē₂gua₄, jui₁nei⁵⁴ a₂juá² Jme₂dsí₂ tsí⁵ ca₂le₃jín₃ guá⁵.
Jui₁lia² i₂ca₂tió³, ηei₂ maná a₂rē² 'ma₄, ton² ηei₂ jma₃ca₂míg₂
ni₁cang₁ tiog₂ ja₁chi₁ton₅ jág₁ 'mí² 'a₂ lia² chein₂, a₂tsá₃ 'ein₂
cuí⁵; jmá³ lia² con² i₂gue₃ bá₄ ηí².

Jág₁ a₂ηó₃ ne₄ guá⁵ chan₂ Tiatira

18 'Jmo₄ si₂ ne₄ dsa₂ i₂ 'ē₂ jág₁ guá⁵ i₂chan₂ juig₂ Tiatira, chei⁵⁴
le₂la₂:

Le₂la₂ juá² Ja₁ηi⁵⁴ Diú₄ i₂tág₅ jme₁ne₁₂ lia² tág₅ jo⁵⁴ si₂, i₂lě₅
mi₂tag₄ lia² lě₅ ηí₁ nió₂g a₂rē₂ta₄: 19 Guion⁵⁴ bá₄ ca₂le₃jě³ 'e₂
a₂jmo², 'a₂ lia² 'nió₃ ríng², 'a₂ lia² lě₅ a₂ 'éng² nē₃, ta₁ quiáng²
a₂jme₂tí¹, juin² bá₄ 'au² chang² nē₃; guion₄ bá₄ jniá₂, 'ηio₅
guē₄ jmo² 'nia² lia² con² guē₄ le₂ne₁. 20 La₁ia₁ cha₂ guē₄
caun₂ ja₁cong² a₂tsá₃ tē₅ dsí₃: ia₁ cuē² 'nia² jmig₄ 'en⁵⁴ jin⁴
'nia² 'io⁵⁴ Jezabel i₂juá² i₂ 'ē₂ jág₁ o₄quió⁴ Diú₄. Jme₂tag₂₃
a₂ηia⁵⁴ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂
jui₅ jmo₃ dsáu₃ qui₃nió³ jág₁ 'lig⁵⁴, ia₁jaun₂ ján₃ guē₄ qui₃guē³
má₃ a₂rē₂jen⁵⁴ ne₄ diú₄ lag₄ quiáin⁵. 21 Ma₂cuē³ jniá₂ 'io⁵⁴ 'éi₂
jmig₄ ne₄ tsa₁ dsi₁quén⁵ dsí₅ 'lig⁵⁴ a₂jmo₂₃, la₁ tsá₃ 'nio₃. 22 ¡Jag₁!
Tóin₂ jniá₂ ne₄ tsi₁cama jaun₂ le₃dso⁵⁴, ján₃ guē² jmo⁵⁴ ηág₃
uig₅ dsa₂ i₂qui² 'no⁵ dso₄ quiain⁵⁴, nē₁jua² tsá₃ ca₂dsi₃quén⁵ dsí₅
a₂jmo⁵-dsáu⁵ 'io⁵⁴ 'éi₂, 23 ton² jme₁dsian⁵ jniá₂ chi² quián⁵ 'io⁵⁴
'éi₂ nē₃. Jaun₂ bá₄ le₃ηi₅ ca₂le₃jín₃ guá⁵, jniá₂ i₂con² 'í₁ 'a₂ lia²

† 2:13 A₂lin⁵⁴ chog⁵⁴ si₂: “Guion⁵⁴ bá₄ ca₂le₃jě³ 'e₂ a₂jmo², ján₃ bá₄ guion⁵⁴ ja₁tián⁵ 'nia².” ‡ 2:14 Bala²am, Balac: 'Nio² ja₁ton₅ Números 23 - 24.

lě₅ jme₂dsí₂ quió'₅ dsa₂, ca₂le₃jě₃ a₂qui₂dsi₂jio₅ dsí'₅ dsa₂ ně₃;
jaun₂ jniá₂ bá₄ cuě'₄ 'lian'₅₄ 'nia'₂ lia'₂ con'₂ lě₅ qui₂ca₂jmo'₅₄.

²⁴ La₁ juí₂ jniá₂ ca₂le₃jín₃ guě'₄ 'nia'₂ i₂tián'₅ juí₂ Tiatira i₂tsá₃
ma₂gue₃ jág₁ a₂jme₂tag₅ 'io'₅₄ 'éi'₂, on₃ guě'₂ cuí'₅ a₂tě'₂ dsa₂ 'éi'₂
jág₁ ca'₅₄ a₂rě'₂ 'ma₄ quió'₅ Satanás: co₂ně₅ bá₄ guei'₂ a₂cuě'₄ jniá₂
'nia'₂. ²⁵ Jnia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂,
ca₂lia'₂ ca₂tě'₂ jmi₄g₄ i₁dsióg₄ táng₃. ²⁶ Ju₁lia'₂ i₂ca₂tió'₃, i₂qui₂jmo'₅
'a₂ con'₂ 'nio₃ jniá₂ lé₂, ca₂lia'₂ i₁ca₂tě'₂ jmi₄g₄ jě₄ca₂tó'₂, cuě'₄ jniá₂
bí₂ jaun₂ jmo'₃ 'éi'₃ ne₄ juí₂ a₂te₁ 'i₁ gua'₅₄ 'uě₃.

²⁷ Goin₃ ne₄ quió'₅ quian'₅₄ 'ma₂'i'₅₄

a₂lě₅ quian'₅₄ ni₁ñí₁;

qui₃dsia₃ le₁juí₁ ně₂jag₄ bá₄ ni₁ti'₂, S

²⁸ lia'₂ con'₂ lě₅ ma₂gue₃ jniá₂ 'éi'₃ ma₂cuě₃ Ne'₃. Cui₄ni₄ jniá₂ ján₃
Nei₅ 'Ióg₁. * ²⁹ Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂ Jme₂dsí₂
tsí'₅ ca₂le₃jín₃ guá'₅.

3

Jág₁ a₂ñó₃ ne₄ guá'₅ chan₂ Sardis

¹ 'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juí₂ Sardis, chei'₅₄
le₂la₂;

Le₂la₂ juá'₂ i₂jio₅ ta₁guion₃ jme₂dsí₂ quián₅ Diú₄, i₂chan'₂
guio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂
a₂jén'₃ 'nia'₂, la₁ia₁ i₂rě'₂ 'lin'₄ bá₄ 'nia'₂. ² Jme₁jnio₂ ne'₅₄, tiong'₂
táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄
a₂rě₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. ³ Dsiog'₂
'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂
'nia'₂, ju₁dsi₂quén'₅ 'au'₂. La₁ ně₁juá'₂ tsá₃ ca₂jme₁jnio'₂ ne'₅₄,
ñi'₅₄ ta₁ dsióg₄ jniá₂ ja₁cong'₂ con'₂ tsá₃ rě₂jáng'₁, ně₂jag₄ bá₄ jan₂
'ang₂, ca₂lia'₂ jnia'₅₄ tsá₃ ñi'₅₄ 'nia'₂ 'e₂ hora dsióg₄. ⁴ La₁ chan₂
bá₄ guě'₄ i₂lin₅₄ jín'₄ 'nia'₂ guá'₅ Sardis ně₅ i₂tsá₃ ma₂ca₂jme₃'ióg₃
tsin'₅₄; i₂'éi'₂ ně₃ jme₃quiong'₅₄ jniá₂ i₃nio₅₄ le₁qui'₂ 'mi'₂ tiog₂,
ia₁ le₂jaun₂ ca₂tiín₂. ⁵ Ju₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃,
jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂
dsa₂ co₂tan₅₄. Jaun₂ 'ín₄ jniá₂ 'éi'₂ jme₁jniai₂₃ jniá₂ ne₄ Ne'₃, ne₄
ángeles quiáin₅ ně₃. ⁶ Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂
Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

⁷ 'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juí₂ Filadelfia,
chei'₅₄ le₂la₂;

Le₂la₂ juá'₂ 'éi'₂ i₂jñi₅, i₂tě₃dsón'₂ tí₅ jág₁ quió'₅, i₂'io₅ ñí₁
llave quió'₅ Rag₅₄ David. Ju₁lia'₂ a₂niá₅ 'éi'₂, 'i₁jan₂ tsá₃ lé₂

Š 2:27 Salmo 2:9. * 2:28 Nei₅ 'Ióg₁ lě₅ caun₂ 'a₂ lia'₂ chen₂ Jesús. 'Nio'₂ ja₁ton₅ 2
Pedro 2:21; Apocalipsis 22:16.

jnéi₃; ján₃ guè'₂ le₂jaun₂, ju₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. ⁸ Guion₅₄ bá₄ jě₂ a₂jmo'₂. ¡Jag₄! Caun₂ o₄'né₄ a₂rě₂na₄ ma₂ca₂tsí'₂ jniá'₂ ne'₅₄; 'i₁jan₂ tsá₃ 'ein₂ lé₂ le₃jnéi₃. O₁jñia'₅₄ la₂ tsá₃ ma₃lin₄ béng'₂, * ma₂ca₂tion'₂ ju₅jág₁ quió'₃, on₃jua'₅₄ jaun₂ a₂tsá₃ ma₂'ag'₅₄ jniá'₂. ⁹ ¡Jag₄! Ju₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ guè'₂ lín₅, jmo₅₄ jniá'₂ chi₃jné₃ 'éi₂ ne'₅₄, ia₁jaun₂ le₃ñi₅ a₂'nió₃ jniá'₂ 'nia'₂. ¹⁰ 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió'₃ a₂tion'₅₄ 'nia'₂ juin'₂ 'au'₂, jmo₅₄ bá₄ jniá'₂ 'í₁ 'nia'₂ a₂tsá₃ jióg'₂ 'í₁ ja₁cong'₂ ju₁lia'₂ a₂dsi₃ñi₂ dsa₂ i₂chan₂ ta₁caun₂ gua'₅₄ 'uě₃. ¹¹ Ni'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁jaun₂ tsá₃ 'ein₂ jñiá'₂ corona quiáng'₂. ¹² Ju₁lia'₂ i₂ca₂tió'₃, jmo₅₄ jniá'₂ a₂léin₂ ně₂jag₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmig₄ tsá₃ ma₃'uúin₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guè'₂ 'a₂ lia'₂ chei₂ juig₂ quió'₅ Diú₄ quiáng₃ ně₃: juig₂ Jerusalén 'mí₂ a₂sió₃ guei'₅₄ i₂juig₃ quió'₅ Diú₄ quiáng₃. Já₃n guè'₂ le₂jaun₂ taun₅₄ jniá'₂ ne₄ 'éi₂ jág₁ 'mí₂ lia'₂ cheng₂. ¹³ Ju₁lia'₂ i₂le₁dsi₅₄ rě₂gua₅₄, ju₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Laodicea

¹⁴ 'Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Le₂la₂ juá'₂ i₂lín₅ tě₃dsón'₂,† i₂jáng'₅ jág₁ dsau₅ i₂rě₂ti'₅₄, i₂lín₅ juig₅₄ ne₄ ca₂le₃jě₃ a₂ca₂jmo₃ Diú₄: ¹⁵ Guion₅₄ bá₄ jniá'₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá₃ güing'₂, on₃ guè'₂ dséng'₂ ně₃. ¡Jua'₅₄ co₂ñei'₅₄ bá₄ guè'₂ güing'₂, o₃ co₂ñei'₅₄ bá₄ guè'₂ dséng'₂! ¹⁶ La₁ 'uig₅₄ ia₁ a₂jñia'₅₄ dsió'n'₂ 'nia'₂, ia₁ tsá₃ güing'₂ guè'₂ co₂ñei'₅₄, on₃ guè'₂ dséng'₂ ně₃, jaun₂ ráun₂ i₁ñi₄ jniá'₂ 'nia'₂ ju₅ mi₂'o₃. ¹⁷ Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rě₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lě₁ñéi₂ dsí₅, i₂te₂ñé₂, i₂ten₄, i₂rě₂cuán'₃ ně₃. ¹⁸ 'Uig₅₄ jaun₂ ton'₂ jniá'₂ jág₁ 'nia'₂, i₂nó'₅ 'nia'₂ ja₁con₂ jniá'₂ i₂liá₃ cu₄nió₄ a₂rě₂lag₄ quian'₅₄ si₂, ia₁jaun₂ guě₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂ a₂qui₁qui'₅₄, ia₁jaun₂ tsá₃ le₃jniá'₂ a₂o₂gui'₃ a₂rě₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹ Tě₂jén₅ jniá'₂ tsíng'₂ táng₃ ju₅ dse₃ ca₂le₃jín₃ i₂'nió₃. Ju₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, ju₁dsi₂quén'₅ 'au'₂. ²⁰ ¡Jag₄! La₂ chén'₅ jniá'₂ o₄'né₄ tě₅; chi₂jua'₂ chan₂ i₂ca₂nág₂ jág₁ quió'₃, niá₅ o₄'né₄ ně₃, jaun₂ bá₄ 'ú₄ dsi₂néi₂ quió'₅, guè'₅₄ co₂lě₅ quian'₅₄. ²¹ Ju₁lia'₂ i₂ca₂tió'₃, cuě₄ jma₃caun₂ ja₁tiain'₃ cau₅ quió'₃ ne₄ta₁ ja₁gua₄ jniá'₂, ju₁lia'₂

* 3:8 o₃, "tsá₃ lín₄ juin'₅ 'nia'₂." † 3:14 lit. "Le₂la₂ juá'₂ ju₁lia'₂ i₂tě'₂ A₂méi₃."

ca₂tió₃ jniá₂, jaun₂ ca₂gua₃ con₂ Ñe'₃ ne₄ta₁ quió'₅. ²² Jui₁lia'₂ i₂le₁dsi₅₄ rē₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rē₂juin'₂ Diú₄ guei'₅₄ i₂juíg₃

¹ Cang₂ guē₄ jaun₂, ca₂jág₃ táng₃ jniá₂ caun₂ o₄'né₄ rē₂na₄ guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂ nē₂jag₄ bá₄ jē₁i₂'ein₅₄ ñí₁ trompeta, ca₂juá'₂ tság₅ jniá₂:

—Uig₂ ja₁lá₃, jaun₂ 'ē₅₄ ca₂le₃jē₃ a₂niog₅ lé₂ cang₂ guē₄ jē₁ma₂lē₅ a₂ma₂nē₂jag'₅₄ nē₅.

² Jaun₂ ca₂lē₃ jme₁'en₅₄ jniá₂ le₃quió'₅ Jme₂dsí₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá₄ jan₂ dsa₂. ³ Dsa₂ i₂jme₁guá₄ 'éi₂ nē₃, jme₁jniá₂ tág₅ 'ñio₅ lín₃ nē₂jag₄ bá₄ ni₁cang₁ tág₅ jaspé o₃ cornalina. Le₃lág'₃ ne₄ta₁ ja₁guá₄ jaun₂ jme₁jniá₂ mi₂jo'₅₄ si₂ a₂tág₅ lín₃, nē₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ guē₄ guió₂-quén₂ ne₄ta₁ ja₁tián'₄ guió₂-quén₂ gui'₅₄ can'₅₄ i₂le₁lín₁ le₁qui'₂ jmá'₃ 'mi'₂ tiog₂, tio'₅₄ coronas a₂lē₅ jmá'₃ cu₄nió₄ dsi₅₄. ⁵ Ja₁chí'₄ ne₄ta₁ jaun₂, qui₂lē₂ si₁ñí'₃, chí'₅ co₂mi'₅₄, quia'₂ ñí'₃ nē₃. Ne₄ ja₁chí'₄ ne₄ta₁ jaun₂, jniá₂ guio₃ si₂ ni₁tsí₅ a₂cau₂. A₂jaun₂ nē₃ lē₅ ta₁guion₃ jme₂dsí₂ quián₅ Diú₄. ⁶ Tē₂le₃ ne₄ jui₅ ne₄ta₁ nē₃, jniá₂ táng₃ lia'₂ lē₅ jmi₁ñí'₄ a₂lē₅ ui'₂ lín₃ jui₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá₂ táng₃ quén₂ i₂lín₅ lia'₂ lín₅ já'₂ i₂rē₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ nē₃. ⁷ Jē₁le₂'uig₅₄ já'₂ quén₂ 'éi₂ nē₃, jniá₂ lia'₂ jniá₂ dsi₂'ia'₂ león. Jē₁ca₂tē₂ on₃, jme₁lín₄ lia'₂ lín₅ jan₂ guein₂ ca₁jui₅. Jē₁ca₂tē₂ ún₂, jniá₂ dsi₂ne₅₄ lia'₂ jniá₂ dsi₂ne₄ dsa₂ mi₂güig₃. I₂jē₁ca₂tē₂ quén₂ nē₃, jniá₂ lia'₂ jniá₂ i₁mi₂g₂ i₂'en₅ güig₂. ⁸ Jē₁le₃ quén₂ le₂jaun₂ nē₃, le₁dsi₅₄ jma₃jñé₂ tsí₁rē₂cu₅ le₂jain₂ le₂jain₂. Qui₂rē₂lióin₃ mi₂ne₄ le₃co'₅₄ lia'₂ le₃né'₃ nē₃. Lia'₂ 'uē₂-jmi₂ bá₄ tsá₃ 'na₂ i₁juá'₄:

Jñio₅ bá₄, jñio₅ bá₄, jñio₅ bá₄,

Te₁gui'₅₄ Diú₄ i₂'uan'₂ guē₄ lín₃,

i₂jme₁lín₄, i₂lín₅ rē₂nē₃,

i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cuē₅ já'₂ 'éi₂ cuē'₅ ti₁'mag'₄ jme₂juin'₂ guē₄ lín₃ i₂guá₅ ne₄ ne₄ta₁, i₂chan₂ co₂tan₅₄ nē₃, ¹⁰ jaun₂ guē₄ qui₂tón₂ 'uē₃ ta₁guió₂-quén₂ gui'₅₄ can'₅₄ 'éi₂, ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄ ne₄ta₁, juá'₂:

¹¹ Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, jui₅bí₂ nē₃.

Ia₁ co₂jaun₂ ca₂rē₃ 'ñio₃ 'au'₂

a₂ca₂rē₃chá₃ ca₂le₃jě₃ a₂cha₂.

5

Si₂ a₂rē₂bin₅ quian'₅₄ guē'₂ Guein₂ Já'₂ Cha'₂

¹ Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rē₂bin₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bē'₅₄ mi₄cuing₅. ² Jaun₂ ca₂jing₅₄ jan₂ ángel i₂'uan'₂ lín₃ quián₅ Diú₄, jniá₂ chéin'₅ ηag₂₃ juá'₂ tiá₂:

—¿Ein₂ 'éi₂ i₂ca₂tín₂ niá₃ si₂ ně₅, qui₃choin₃ mi₄cuing₅ quió'₅ ně₃?

³ La₁ on₃ guē'₂ guei'₅₄ i₂juíg₃, on₃ guē'₂ ne₄ gua'₅₄ 'uē₃, on₃ guē'₂ le₃né'₃ guē'₄ gua'₅₄ 'uē₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guē'₂ ca₂tín₂ jág₃. ⁴ Nio₅ lín₃ ca₂'o₃ jniá₂ 'uig₅₄ ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂, * on₃ guē'₂ a₂jág₃. ⁵ Jaun₂ ně₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lē₁'au₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄ David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅ quió'₅ ně₃.

⁶ Jaun₂ ja₁lě₄ dsi₂jo₂ ne₄ta₁, jě₄ quió'₅ le₃quén₂ já'₂ 'éi₂, jě₄ quió'₅ gui'₅₄ can'₅₄ ně₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lěin₄ ně₂jag₄ i₂ca₂jon₃ ca₂jηag'₃ dsa₂. Le₁dsi₅₄ guio₃ mi₂juí₁, guio₃ guē'₂ mi₂ne₅₄. Mi₂ne₅₄ jaun₂ ně₃ co₂'nió'₄ guion₃ jme₂dsi₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uē₃. ⁷ I₂lín₅ Guein₂ Já'₂ Cha'₂ 'éi₂ ně₃, ηó₃ ca₂tín₂ mi₂si₂ rē₂bin₅ a₂jme₁chi₁chan'₂ le₂gu₂ ne₁ i₂guá₅ ne₄ta₁. ⁸ Jme₁ca₂can₃ mi₂si₂, jaun₂ qui₂ca₂tón₂ 'uē₃ le₃quén₂ já'₂ 'éi₂, quian'₅₄ guē'₂ ta₁guión₂-quén₂ gui'₅₄ can'₅₄ ně₃, ca₂tóin₂ ne₄ Guein₂ Já'₂ Cha'₂. Le₂jan₂ le₂jan₂ 'éi₂ ně₃ le₁chan'₂ jma₃caun₃ tsi₁ton₅ arpa,† le₁chan'₂ jma₃caun₃ guē'₂ ni₁uing₅ ji'₂ a₂lě₅ jmá'₃ cu₄nió₄, a₂le₁can'₂ chen₂, a₂co₂'nió'₄ jág₁ a₂qui₂rē₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡ ⁹ Tioin'₅₄ 'ě₂₃ caun₂ canto 'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,

a₂chóng'₄ mi₄cuing₅ quió'₅;

ia₁ 'ne₂ bá₄ i₂ca₂jηag'₃ dsa₂.

Quian'₅₄ jmi₂ 'ang'₅₄ a₂ca₂tein'₅₄,

ca₂liáng'₃ dsa₂ mi₂güí₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,

ca₂le₃jě₃ jág₁ jmei₅,

ca₂le₃jě₃ juig₂ te₁'i₁ mi₂güí₃,

ca₂le₃jě₃ tsi₁jon₂ ně₃.

¹⁰ Ma₂ca₂jmoi'₅₄ rag₅₄, jme₂dsa₂ ně₃,

* 5:4 A₂lín₅₄ chog₅₄ si₂ juá'₂ ján₃: “on₃ guē'₂ 'i₃.”

† 5:8 griego: kithara. ‡ 5:8

lit. “dsa₂ jnió₅.”

le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uë₃.

¹¹ Jaun₂ jme₁ca₂jág₃, ca₂nag₃ jniá₂ jág₁ quió'₅ juin₅ ángeles, i₂lë₂ tē₂le₃ mei₅, i₂lë₂ ca₂lia'₂ juin₅ lin₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guë'₂ já'₂ quén₂ 'éi₂, gui'₅₄ can'₅₄ ně₃, ¹² i₁juá'₄ tiá₂ lin₃:

i₁ca₂tín₂ Guein₂ Já'₂ Cha'₂ i₂ca₂jñag'₃ dsa₂,

a₂le₂goin₂₃, 'io₃ ca₂le₃jě₃ a₂jlá'₁,

a₂tiin₂ a₂ñí'₂ dsí₅,

a₂gue₃ jui₅bí₂, a₂jme₃juag'₂ dsa₂,

a₂lén₂ tá₅ co₂'né'₅, a₂jme₃go₃ dsa₂!

¹³ Ca₂nag₃ jniá₂ já₃, ca₂le₃jín₃ i₂chan₂ i₂ca₂jmó'₂ Diú₄ guei'₅₄ mi₂güig₃ quian'₅₄ gua'₅₄ 'uë₃, quian'₅₄ le₃né'₃ 'uë₃; ne₄ jmi₁ñí'₄, i₂chan₂ le₃né'₃ jmi₁ñí'₄ ně₃, i₁juá'₄:

i₁le₃quió'₅ i₂guá'₅ ne₄ ne₄ta₁,

le₃quió'₅ Guein₂ Já'₂ Cha'₂ ně₃,

jui₁jme₂go₃ dsa₂ jui₁jme₂juag'₂ dsa₂;

jui₁gue₁₂ a₂tág₅ co₂'né'₅,

jui₁gue₁₂ jui₅bí₂ ně₃

ca₂lia'₂ co₂tan₅₄!

¹⁴ Jaun₂ ca₂juá'₂ le₃quén₂ já'₂:

—i₂A₂méi₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uë₃
qui₂ca₂jme₃juag'₂.§

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jë₁le₂'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ rin'₅₄ i₂quén₂ já'₂ 'éi₂. Né'₂ lë₅ jág₁ quió'₅ ně₂jag₄ bá₄ jë₁quia'₂ ñí'₃, a₂juá'₂:

—i₁ñia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jñg₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ñi'₁ma₂ cág'₅. Jaun₂ ca₂ñi₂ caun₂ corona, jaun₂ ca₂o₃'ín₃ ñó₃ ne₄ 'nei₂ a₂tió'₃ a₂lí'₂ 'nei₂.

³ Jme₁ca₂niá₃ Guein₂ Já'₂ Cha'₂ jë₁ca₂të₂ tin₃ mi₄cuing₅, jaun₂ ca₂nag₃ i₁juá'₄ jë₁ca₂të₂ on₃ já'₂ 'éi₂:

—i₁ñia₅, jaun₂ jag'₅₄!

⁴ Jaun₂ ca₂jnia₃ ca₂o₃'ín₃ táng₃ jan₂ dsi₂cua₁ guén₂; dsa₂ i₂jme₁co₂dsag₅₄ guë'₂ ně₃, ca₂ñi₂ bí₂ a₂lë₂ jmo₃ a₂ñia'₃ a₂'ei₅ tei₄ ta₁caun₂ gua'₅₄ 'uë₃, ia₁jaun₂ jme₃dsian₅ dsa₂ riin'₅₄. Jaun₂ 'éi₂ ně₃ ca₂ñi₂ caun₂ ñi₁tág₂ juë'₂.

§ 5:14 A₂lin₅₄ chog₅₄ si₂juá'₂: “qui₂ca₂jme₃juin'₂ i₂chan₂ co₂tan₅₄.”

⁵ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—iŋia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂cua'₅₄ 'éi'₃. ⁶ Jaun₂ ca₂né'₂ jág₁ jë₄ quió'₅ le₃quén₂ já'₂, a₂juá'₂:

—Caun₂ kilo cuig₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂'én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jë₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jë₁ca₂tě₂ quén₂ já'₂:

—iŋia₅, jaun₂ jag'₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guè'₂ ně₃ já₅ jan₂ i₂tě'₂ Tau₂ 'Nio₅. * Le₃on₃ 'éi₂ ně₃ ca₂ŋi₂ bí₂ ne₄ quió'₅ gua'₅₄ 'uě₃ caun₂ qui'₅₄ quió'₅ quén₂, a₂jme₃dsiain₂₃ dsa₂ quian'₅₄ ŋi₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí₅ ně₃, i₂chan₂ gua'₅₄ 'uě₃.

⁹ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ŋiá₂ mi₄cuing₅, ca₂jág₃ jniá₂ né'₃ ne₄chei₂ ja₁tion'₅₄ jme₂dsi₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃. ¹⁰ Jaun₂ tiá₂ né'₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂jŋi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uě₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ŋi₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jŋi₃ guě₄ co₂'na₂, tē₁lia'₂ le₃'ŋia₅ riin'₅₄ i₂jme₂ti₃ ta₁ ne₄ Cristo, i₂'l₄ 'éi'₃ dsián₃ guě₄, jui₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂tě₂ jŋéi₂ mi₄cuing₅, ca₂jág₃ jniá₂ ca₂i₁bi₅₄ 'uě₃ tiá₂ lín₃. Ca₂tě₁tsi'₅₄ qui₁né'₃, ca₂rě₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁jŋi₂, a₂quí'₅ dsa₂ ja₁ron₅ 'lag₄. Tsi'₂ guè'₂ ně₃ ca₂jnia₃ guéin₂, lia'₂ jniá₂ jmi₂. ¹³ Nei₅ guè'₂ ně₃ qui₂tsi₂ca₂séi'₂ 'uě₃ ně₂jag₄ bá₄ tsi₂séi'₂ mīg₂ higo rě'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güig₂ ně₃ co₂dsia₅ ca₂l₃'én₂ ca₂bín₃ lia'₂ ja₁bín₅ mi₂si₂. Ca₂le₃jě₃ ni₁má'₂, ca₂le₃jě₃ 'uě₃ le₁quí'₅ jë₄ jmi₁ŋi'₄ ně₃, qui₂ca₂jŋi₂óg'₃ cau₅ ja₁jme₁niog₅. ¹⁵ Jaun₂ qui₂ca₂'ma₃ jui₅ né'₃ tau₂ 'lau₂, jui₅ jë₄ ni₁'lau₂ cha₂ má'₂, jui₁lia'₂ rag₅₄ i₂gon₂ gua'₅₄ 'uě₃, jui₁lia'₂ dsa₂ dsen₅₄, jui₁lia'₂ dsa₂ jui₅ 'lióg₂, jui₁lia'₂ dsa₂ i₂cha₂ cu₄, jui₁lia'₂ dsa₂ 'uan'₂, ca₂le₃jín₃ jui₁lia'₂ i₂jme₂ti₃ ta₁ ne₄ jui₅, jui₁lia'₂ dsa₂ i₂tsá₃ 'ein₂ ne₄ jme₂ti₃ ně₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

* 6:8 griego: hades, co₂'nió'₄ a₂juá'₂, ja₁quió'₄ 'lag₄.

—Sen⁵⁴ 'nia² ne⁴ quián² jnia'⁵⁴, 'mog⁵⁴ jnia'⁵⁴ ia¹jaun² tsá³ já²g² i²guá⁵ ne⁴ta¹ ó³, tsá³ cuë² jmig⁴ a²'ë² Guein² Já'² Cha'² ó³ uig⁵ a²'nei². ¹⁷ Ia¹ nē³ guë⁴ dsón'² gua⁵ jmig⁴ a²'ŋio⁵ jaun² a²'ë² uig⁵ a²'nei². ç'Ein² bá⁴ qui'⁵⁴ jmig⁴ tió'⁵?

7

Dsa² tsi¹jon² Israel i²lín⁵ léi⁴

¹ Jme¹ma²ca²lë³ jaun², ca²jing⁵⁴ quén² ángeles, tióin² le³quén² qui'⁵⁴ mi²güig³, a²jné⁵ le³quén² dsí² quió'⁵ gua'⁵⁴ 'uë³, ia¹jaun² tsá³ ma³lé² 'ag³ dsí² ta¹caun² ne⁴ gua'⁵⁴ 'uë³, on³ guë'² ne⁴ jmí¹ŋí'⁴, on³ guë'² ne⁴ 'i¹caun² ni¹'ma². ² Jaun² guë⁴ ca²jing⁵⁴ jan² ángel sián'², já⁵ tē²le³ ja¹'ia² * 'iog², já⁵ 'éi² quian⁵ sello quió'⁵ Diú⁴ jén'³, Ángel 'éi² guë⁴ nē³ ca²tsí'³ le³quén² ángeles i²jme¹ma²ŋi² bí² a²jmo³ dain⁵⁴ 'uë³ quian'⁵⁴ guë'² jmí¹ŋí'⁴, ca²juá'² tiá² lín³:

³ —'A³ lē¹jmo² de'² dain⁵⁴ 'uë³, on³ guë'² jmí¹ŋí'⁴, on³ guë'² ni¹'ma² a²cha² nē³, ca²lia'² ca²tiong⁵⁴ jnia'⁵⁴ léi⁴ quian'⁵⁴ sello ne⁴ chi¹quí³ dsa² i²jme²ti³ ne⁴ Diú⁴ quián².

⁴ Jaun² ca²nag³ jniá² 'a² con'² tén⁵ i²ca²lín³ léi⁴ 'éi²; lē² caun² 'ŋiá²-láu² rē²dsí² tē²láu³-quén² mei⁵ (144,000), jmá'³ dsa² tsi¹jon² dsa² juig² Israel.

⁵ Guia³-tín² mei⁵ dsa² i²ca²lë³ lén⁴ dsa² tsi¹jon² Judá;

guia³-tín² mei⁵ dsa² tsi¹jon² Rubén;

guia³-tín² mei⁵ dsa² tsi¹jon² Gad;

⁶ guia³-tín² mei⁵ dsa² tsi¹jon² Aser;

guia³-tín² mei⁵ dsa² tsi¹jon² Neftalí;

guia³-tín² mei⁵ dsa² tsi¹jon² Manasés;

⁷ guia³-tín² mei⁵ dsa² tsi¹jon² Simeón;

guia³-tín² mei⁵ dsa² tsi¹jon² Leví;

guia³-tín² mei⁵ dsa² tsi¹jon² Isacar;

⁸ guia³-tín² mei⁵ dsa² tsi¹jon² Zabulón;

guia³-tín² mei⁵ dsa² tsi¹jon² José;

guia³-tín² mei⁵ dsa² tsi¹jon² Benjamín nē³.

Dsa² i²juin⁵ lín³ le¹qui'² 'mi'² tiog²

⁹ Jme¹ca²lë³ jaun², ca²jág³ táng³ jniá², jaun² ca²jnia³ juin⁵ lín³ dsa², ca²lia'² 'i¹jan² tsá³ 'ein² qui'⁵⁴ jmig⁴ 'i³ quió'⁵: dsa² chan² ca²le³jě³ juig², ca²le³jě³ tsi¹jon², ca²le³jě³ go⁴ dsa², ca²le³jě³ já²g¹ jmei⁵ nē³. Tióin² 'uig⁵⁴ ne⁴ta¹ quian'⁵⁴ ne⁴ Guein² Já'² Cha'², i²le¹qui'² 'mi'² tiog², i²le¹chan² jma³ca²nei'⁵⁴ mog'⁵⁴ 'ma²tsín⁵.

¹⁰ Tióin'⁵⁴ co²mi'⁵⁴ juá'²:

Jui¹lia'² a²lión² dsa²,

* **7:2** Co²'nió'⁴ le³juá'⁵⁴, caun² cosa a²tsá³ 'i⁴ jme²dsí², a²ca²jmo³ Diú⁴. 'Nio'² ja¹ton, Salmo 8:3; Romanos 1:25.

já₅ quió'₅ Diú₄ quián₂ bá₄ jniog₄ i₂guá₅ ne₄ta₁;
 já₅ quió'₅ Guein₂ Já'₂ Cha'₂ ně₃.

11 Jme₁tió_{n2} ca₂le₃jǎ₃ ángeles le₃lág'₃ ne₄ta₁, le₃lág'₃ quió'₅
 gui'₅₄ can'₅₄ quian'₅₄ guë'₂ já'₂ quén₂ 'éi₂. Jaun₂ qui₂ca₂tóin₂ 'uë'₃
 rë₂'éin₂ co₂ñei'₅₄, ca₂jme₃juin'₂ Diú₄, ¹²a₂juá'₂:
 jA₂méi'₃!

Le₃quió'₅ Diú₄ quián₂ bá₄ ca₂tín₂
 ca₂le₃jě₃ a₂jme₃go₃ dsa₂,
 ca₂le₃jě₃ a₂léin₂ tág₅ co₂'né'₅,
 ca₂le₃jě₃ a₂ñí'₂ dsí'₅,
 ca₂le₃jě₃ ti'₁'mag'₄,
 ca₂le₃jě₃ a₂jme₃juag'₂ dsa₂,
 ca₂le₃jě₃ a₂le₃goin₂,
 ca₂le₃jě₃ jui₅bí₂,

ca₂lia'₂ co₂tan₅₄. A₂méi'₃.

13 Jaun₂ ně₃, jan₂ gui'₅₄ can'₅₄ 'éi₂ ca₂ñag₃ jniá₂ ca₂juá'₂:

—¿'Ein₂ bá₄ i₂le₁qui'₂ tsin'₅₄ tiog₂ tió_{n2} ně₅? ¿Já'₄ ja₂léin₂?

14 Jaun₂ ca₂ñag₄ jniá₂:

—Ñi'₅₄ bá₄ 'ne₂, gui'₅₄.

Jaun₂ ca₂ñag₃ táng₃ gui'₅₄ 'éi₂:

—I₂ně₅ bá₄ 'éi₂ i₂ma₂ñi₅ Jm₁ui₅ Juë'₂; ma₂qui₂ca₂rang₃ tsin'₅₄,
 ma₂jmo₃ tiog₂ ně₃ tē₂le₃ quian'₅₄ jm₁ 'an₅₄ Guein₂ Já'₂ Cha'₂.

15 'Uig₅₄ jaun₂ ně₃,

tióin₂ ne₄ta₁ ně₅ quió'₅ Diú₄,

jme₂ti₃ ne₅₄ lia'₂ 'uë₂-jm₁ dsi₂néi₂ guá'₅ ně₅ quió'₅;

i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁

në₂jag₄ a₂qui₃jlin₂ dsa₂ quian'₅₄ 'mi'₂ 'én'₁ quió'₅.

16 Tsá₃ ma₃qui₂i₁cón'₅ lé₂,

on₃ guë'₂ ma₃quile₃quein₂ dsí'₅, i₁'ín'₂ jmig₂,

on₃ guë'₂ ma₃qui₃ñág₂ guë'₄ uig₅

jua'₅₄ a₂dséi₂ 'iog₂.

17 Ia₁ Guein₂ Já'₂ Cha'₂

i₂guá₅ dsi₂j₀2 ne₄ta₁ ně₅ bá₄

jmo₃ 'í₁

në₂jag₄ dsa₂ i₂jmo₅ 'í₁ já'₂ cha'₂ quián₅,

jiog₃ jui₅ tu₁ jmig₂ ja₁'ia₂ jmig₂ jén'₃.

Jaun₂ qui₃chí₃ Diú₄ jme₁ne₁₂

ca₂le₃jě₃ jmig₂ a₂le₁'ág₄.

8

Mi₄cuing₅ jë₁ca₂tě₂ guio₃

1 Jme₁ca₂niá₃ guë'₂ táng₃ Guein₂ Já'₂ Cha'₂ jë₁ca₂tě₂ guio₃
 mi₄cuing₅ quió'₅ mi₂si₂ a₂rë₂bín₅, jaun₂ ca₂tě₁tsi'₅₄ tei₄ guei'₅₄
 i₂juíg₃ con'₂ ca₂jau₅₄ hora. ²Ján₃ bá₄ ca₂jin₄ jniá₂ ta₁guion₃

ángeles i₂tión₂ ne₄ Diú₄. 'Éi₂ guë'₂ ně₃ ca₂ŋi₂ guio₃ ŋ₂
trompetas. ³ Cang₂ jaun₂ ca₂já₃ táng₃ jan₂ ángel ca₂o₃náu₃
ne₄chei₂, chi₁chan'₂ caun₂ ŋ₁ tó'₅ chen₂, a₂lě₅ jmá'₃ cu₄nióg₄.
Jaun₂ ca₂ŋi₂ 'lióng₂ chen₂, jaun₂ jén'₃ co₂dsia₅ quian'₅₄ jág₁
a₂chi₂lí'₂ ca₂le₃jín₃ dsa₂ i₂tén₅ le₃quió'₅ Diú₄, * dsia₃ ne₄ ne₄chei₂
a₂lě₅ cu₄nióg₄ a₂chi'₅ 'uig₅₄ ne₄ta₁. ⁴ Jaun₂ ca₂ŋjá₂ jme₂ŋi₁ chen₂
lia'₂ jma₃quian'₅₄ jág₁ a₂chi₂lí'₂ dsa₂ quián₅ Diú₄, qui₂ca₂'uë'₂
o₄gú₃ ángel le₃ne₄ Diú₄. ⁵ Jaun₂ ca₂tín₂ ángel ŋ₁ a₂tó'₅ chen₂,
jaun₂ ca₂jme₃cain'₂ mǐg₂ si₂tá'₃ tio'₅₄ ne₄chei₂, jaun₂ ca₂guia'₃
jaun₂ ně₃, ne₄ gua'₅₄ 'uë₃. Jaun₂ ca₂lě₃ gau₂ ca₂quia'₂ ŋ₁'₃,
ca₂tě₁tsi'₅₄ co₂mǐ'₅₄, qui₂ca₂'né'₃ si₁ŋ₁'₃, ca₂1bi₅₄ 'uë₃ ně₃.

Ní trompetas

⁶ Jaun₂ ně₃, le₃guion₃ ángeles i₂le₁chan'₂ ŋ₁ trompetas,
ca₂jmo₃ co₂ŋia₅₄ a₂jéi₂ ŋ₁ quió'₅.

⁷ Jaun₂ ca₂jéi₂ jě₁le₂'uig₅₄ ángel ŋ₁ quió'₅, jaun₂ dsi₂jui₅
le₂jaun₂ ca₂séi'₂ mi₂dsí₅ quian'₅₄ mǐg₂ si₂tá'₃ a₂qui₂rě₂cón'₅ jmi₂,
ca₂tang₂ ne₄ gua'₅₄ 'uë₃. Jaun₂ guë'₄ ca₂cáu₂ ca₂qui'₅₄ quió'₅ 'ni₅
quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂
a₂cha₂ 'ŋa₁; qui₂ca₂cáu₂ guë'₄ ca₂le₃jě₃ nau₂ rě'₂.

⁸ Jaun₂ ca₂jéi₂ jě₁ca₂tě₂ on₃ ángel ŋ₁ quió'₅, jaun₂ ca₂ŋia₃ ŋó₃
ca₂qui'₃ a₂lě₅ lia'₂ lě₅ má'₂ ne₄ jmi₁ŋ₁'₄, jniá₂ chi₁guí'₂ si₂ ŋó₃.
Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ŋ₁'₄. ⁹ Jaun₂
ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ŋ₁'₄, jaun₂
ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos ján₃.

¹⁰ Jaun₂ ca₂jéi₂ jě₁ca₂tě₂ ún₂ ángel ŋ₁ quió'₅, jaun₂ ca₂tá'₂
caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂
lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jě₃ cuá₃,
ne₄ ca₂le₃jě₃ o₄tu₁ jmi₂g₂ ně₃. ¹¹ Nei₅ jaun₂ chei₂ Nei₅† Dsi'₃. Jaun₂
ca₂lě₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂g₂ cha₂ gua'₅₄ 'uë₃.
Jaun₂ juin₅ lin₃ dsa₂ i₂ca₂dsan₃ ia₁ ca₂'in'₃ jmi₂g₂ dsi'₃ jaun₂, 'uig₅₄
ia₁ a₂ca₂lě₃ dsi'₃ jmi₂g₂.

¹² Jaun₂ ca₂jéi₂ jě₁ca₂tě₂ quén₂ ángel ŋ₁ quió'₅, jaun₂ ca₂13ba₅₄
ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsí'₂,
ca₂qui'₅₄ quió'₅ 'ni₅ jui₁lia'₂ nei₅ ně₃, ia₁ jaun₂ néi₃ ca₂qui'₅₄ quió'₅
'ni₅ ca₂le₃jě₃ a₂jaun₂, ia₁ jaun₂ tsá₃ ma₃ŋia₃ ca₂qui'₅₄ quió'₅ 'ni₅
a₂jmi₂, ján₃ bá₄ le₂jaun₂ a₂'uë₂.

¹³ Jaun₂ ca₂jág₃ jniá₂ táng₃, ca₂jing₅₄ jan₂ i₁mig₂ i₂ŋi₅ 'en₅
dsi₂güig₂, ca₂'né'₂ tiá₂ jág₁ quió'₅, i₁juá'₄:

—jui₂g₂! jui₂g₂! jui₂g₂ guë'₄ lin₃ jui₁lia'₂ i₂chan₂ ne₄ gua'₅₄ 'uë₃,
'uig₅₄ ŋ₁ trompetas a₂ně₃ guë'₄ dsi₃'ein₅₄ a₂jéi₂ le₃ún₂ ángeles
i₂'nió'₅ guë'₄ 'éi₂!

* 8:3 lit. "ca₂le₃jín₃ dsa₂ jŋiós." † 8:11 Co₂'nió'₄ le₃jua'₅₄, caun₂ cosa a₂tsá₃ 'ia
jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

9

¹ Jaun₂ ca₂jéi₂ jë₁ca₂të₂ 'ñiá₂ ángel ñi₁ quió'₅, jaun₂ ca₂jín₄ jniá₂ jan₂ nei₅ i₂ca₂tán'₂ guei'₅₄ i₂juíg₃ ca₂të₂ gua'₅₄ 'uë₃. * Ca₂ñi₂ ñi₁ llave a₂ca₂tín₂ quió'₅ ja₁ca₂jein₃ chi₁dsio₅₄. ² Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñi₁ 'ñei₂ jui₁lia'₂ jme₁ñi₁ a₂'uë₂ tau₂ si₂ pa₁ lin₃ ja₁jme₂jmá₂ dsa₂ ni₁ñi₁. Jaun₂ co₂dsia₅ ca₂lë₃ qui₁né'₃ 'iog₂, dsi₄ mi₂güí₃ në₃ quian'₅₄ jme₁ñi₁ a₂ca₂'ia₂ ja₁jaun₂. ³ Jë₄ jme₁ñi₁ jaun₂ ca₂'uin₂ i₁ni'₂ ca₂l₁nioi₁₂ tsi₁co₂jë'₂ 'uë₃. I₁ni'₂ 'éi₂, ca₂ñi₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uë₃. ⁴ Jaun₂ ca₂ñi₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uë₃, on₃ guë'₂ 'i₁caun₂ a₂rë'₂ jui₁lia'₂ mog'₅₄ 'ma₂ a₂cha₂ në₃. Bí₂ jaun₂ bá₄ ca₂ñi₂, a₂jmo₃ dain₅₄ jmá'₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁quí₃. ⁵ La₁ tsá₃ 'éi'₃ jaun₂ ca₂ñi₂ jua'₅₄ a₂co₂dsia₅ jme₃dsiain₂₃ dsa₂; a₂ñia'₅₄ con'₂ 'ë₃ jmi₁uig₅ ca₂lia'₂ ca₂dsin₃ 'ñiá₂ tsi'₂. Uig₅ a₂cuë'₂₃ jaun₂ lë₅ lia'₂ lë₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂. ⁶ Jmig₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'ñ₅ dsí₅ jua'₅₄ dsiáin₃ bá₄ co₂ñei'₅₄, la₁ 'mú₃ në₃, cuing₃ ja₁coin₂.

⁷ I₁ni'₂ 'éi₂ në₃, jme₁lín₄ lia'₂ lín₅ dsi₂cua₁ i₂lë₅ co₂jñia₅₄ dsi₃lén₂ ne₄ 'nei₂. Mi₂dsi₅₄ guë'₂ në₃ jme₁le₁quian₅ a₂lë₅ lia'₂ lë₅ coronas a₂lë₅ cu₄nióg₄. Dsi₂ne₄ guë'₂ jme₁lë₄ lia'₂ lë₅ dsi₂ne₄ dsa₂ mi₂güí₃. ⁸ Jñi₂ dsi₅₄ guë'₂ në₃, jme₁lë₄ lia'₂ lë₅ jñi₂ dsi₄ dsa₂ mí₂. Mi₂jan₅₄ guë'₂ jme₁lë₄ lia'₂ lë₅ mi₂jan₄ 'ia'₂ león. ⁹ Guion₅₄ guë'₂ já'₂ qui₂rë₂lióin₃ rë₂, lë₅ 'í₁ quian'₅₄ a₂lë₅ lia'₂ lë₅ ni₁ñi₁. Mi'₅₄ a₂tó'₅ tsi₁rë₂cu₅ jë₁ma₂'íin₂ në₃, jme₁lë₄ jui₁lia'₂ lë₅ mi'₅₄ a₂tó'₅ 'líong₂ ñi₁ carretas a₂'ín₅ dsi₂cua₁ co₂'ei₅ ne₄ 'nei₂. ¹⁰ Ne₁con₅ a₂le₁dsi₅₄ guë'₂ në₃, jme₁lë₄ jui₁lia'₂ lë₅ ne₁con₅ i₁'né₅ le₁dsi₅₄ táun₂. Jui₅ nei'₅₄ con₅ jaun₂, 'io₅ bí₂ a₂le₃jmái'₂ dain₅₄ dsa₂, con'₂ 'ñiá₂ tsi'₂. ¹¹ Ne₄ i₁ni'₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ já₁g₁ jmei₅ hebreo. Le₃quian'₅₄ já₁g₁ jmei₅ griego guë'₂, chei₂ Apolión, co₂'nió'₄ i₂të'₂ I₂qui₂'én₂.

¹² Le₂'uig₅₄ jmi₁uig₅ ma₂ca₂ñag₅; la₁ 'ei₅ guë'₄ con'₂ guë'₄ tin₃, a₂në₅ guë'₄ ñág₃ dsa₂.

¹³ Jaun₂ ca₂jéi₂ jë₁ca₂të₂ jñé₂ ángel ñi₁ quió'₅. Jaun₂ ca₂nag₃ já₁g₁ a₂'ia₂ jë₄ ta₁quén₂ gua₄ a₂le₁dsi₅₄ ne₄chei₂ a₂lë₅ cu₄nióg₄ a₂chí'₅ ne₄ Diú₄. ¹⁴ Ca₂juá'₂ ca₂tsí'₃ ángel i₂jë₁ca₂të₂ jñé₂ 'éi₂, i₂chan'₂ ñi₁ trompeta, ca₂juá'₂:

—'Uin'₅₄ le₃quén₂ ángeles i₂le₁'ñe'₅₄ cau₅ cuá₃ juë'₂ Eufrates.

¹⁵ Jaun₂ qui₂ca₂'uin'₂ le₃quén₂ ángeles 'éi₂ i₂jme₁lë₄ 'í₁ o₄quió'₄ hora la₂, jmi₄g₄ në₃, tsi'₂ la₂, ñi₂ la₂ në₃, i₂jme₁lë₄ co₂jñia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ jui₁lia'₂ dsa₂ mi₂güí₃. ¹⁶ Jmá'₃

* 9:1 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

lia² 'lióg² i₂co¹dsin⁵⁴ cua¹, tén⁵ tin³ 'njá²-lón² millón. Ca²nag³ bá⁴ jniá² 'a² con² 'tén⁵ lě².

17 Le²ně⁵ bá⁴ ca²jág³ a₂lě₁ca₂jág³ jaun², qui₂ca₂jing⁵⁴ cua¹ quian⁵⁴ dsa₂i₂co₁dsag⁵⁴ 'éi₂. Le₁lióg³ le₁dsi₅ dsa₂jma₃caun³ a₂lě₅ 'í₁ a₂jniá² guéin², a₂lian², quian⁵⁴ guē² a₂nióg² lia² nióg² azufre. Mi₂dsi⁴ dsi₂cua¹ guē² 'ně³, jniá² lia² jniá² mi₂dsi⁴ 'ia² león. Jui⁵ mi₂'o⁵⁴ guē² 'ně³ 'ia₂ si₂, 'ia₂ jme₁ñi₁, azufre ně³. 18 Jaun² ca₂dsan³ ca₂qui⁵⁴ quió⁵ 'ni₅ jui₁lia² dsa₂ mi₂güig³ quian⁵⁴ 'ni₅ jmi₁uig⁵ a₂qui₂ca₂'uē₂ mi₂'o₄ dsi₂cua¹ 'éi₂: a₂lě₅ si₂, jme₁ñi₁, quian⁵⁴ azufre ně³. 19 Ia₁ bí₂ a₂jme₁le₁quian⁵ dsi₂cua¹ jme₁'io²³ jui⁵ mi₂'o⁵⁴ quian⁵⁴ jui⁵ ne₁con⁵ ně³. Ia₁ jme₁lě₄ nei⁵⁴ con⁵ 'éi₂ lia² lín⁵ dsi₂mi², a₂qui₂le₁dsi⁵⁴ mi₂dsi⁵⁴. Quian⁵⁴ a₂jaun² jmo²³ dain⁵⁴.

20 Dsa₂ i₂ca₂chón², i₂tsá³ ca₂dsan³ quian⁵⁴ jmi₁uig⁵ a₂qui₂ca₂lě₃ jaun², tsá³ jua⁵⁴ jaun² qui₂ca₂tí₂ 'e₂ jmo⁵-dsáu⁵ gu₂-tag⁵⁴, jua⁵⁴ a₂tsá³ ma₃chi₂lén² je₂na⁵⁴, on₃ guē² qui₂ca₂tí₂ a₂tsá³ ma₃jme₂juin² diú₄ lag₄ i₂lín⁵ quian⁵⁴ cu₄nióg⁴ quian⁵⁴ cu₄tioğ², quian⁵⁴ ni₁ñí₁ nióg², quian⁵⁴ ni₁cang¹, quian⁵⁴ ni₁'ma² ně³; on₃ i₂lě₂ ñi₃, on₃ i₂lě₂ dsia³ jág¹, on₃ i₂lě₂ jág³, on₃ guē² lě₂ nag³ ně³. 21 On₃ guē² qui₂ca₂tí₂ jua⁵⁴ a₂tsá³ ma₃jme₃dsiain²³ dsa₂ mi₂güig³ riin⁵⁴, on₃ guē² qui₂ca₂tí₂ ta₁ a₂jme₁jmo²³ mí⁵ a₂chan² dsí⁵.† On₃ guē² qui₂ca₂tí₂ jua⁵⁴ tsá³ ma₃nió⁵ jág¹ a₂tsá³ dsi₂ten⁵⁴ nió³, on₃ guē² qui₂ca₂tí₂ jua⁵⁴ a₂tsá³ ma₃'ang³ ně³.

10

Mi₂si₂ pí₁ rě₂bin₅

1 Jaun² ca₂jing⁵⁴ táng³ jan² ángel sián², i₂'uan² lín³, ca₂jniai³ já⁵ ca₂sióin³ gwei⁵⁴ i₂juig³, rě₂lióin³ jnei⁵ rě₂lag₄ lí₁ lia² jniá² mi₂jo⁵⁴ si₂ mi₂dsi⁵⁴. Jme₁tág⁵ dsi₂ne⁵⁴ lia² tág⁵ 'iog²; mi₂tag⁵⁴ guē² 'ně³, jme₁lě₄ lia² lě₅ tag₄ dsi₅ ni₁'ia², a₂tág⁵ si₂. 2 Jme₁chi₁chan² caun² mi₂si₂ pí₁ a₂rě₂bin⁵, a₂rě₂na⁴. Jaun² ca₂chi³ mi₂tag⁵⁴ ne₁ ne₄ jmi₁ñí⁴, tag⁵⁴ jen⁵ guē² ca₂chi³ ne₄ 'uē³. 3 Jaun² ca₂guió³ tiá², lia² jě₁'nióg¹ 'ia² león. Jaun² dsi₂jui⁵ jme₁ca₂guió³, ca₂quia² ta₁guio³ ñí³, qui₂ca₂'uē³ jág¹ quió⁵. 4 Jme₁ma₂ně₂dsia³ jág¹ ta₁guio³ ñí³, jaun² guē⁴ jme₁ma₂taun⁵⁴ ne₄ si₂. La₁ ca₂né² jág¹ a₂jág³ gwei⁵⁴ i₂juig³, ca₂juá² tság⁵ jniá²:

—'Ma₄ jág¹ a₂ně₂juá² guio³ ñí³ ně⁵, 'a₃ lě₁taun² de² ne₄ si₂.

5 Jaun² ángel i₂ca₂jing⁵⁴, i₂chén⁵ chí⁵ caun² tag⁵⁴ ne₄ jmi₁ñí⁴ caun² guē² tag⁵⁴ ne₄ 'uē³, ca₂chóg³ gu₂ ne₁ jui⁵ gwei⁵⁴ i₂juig³. 6 Jaun² ca₂juá² ca₂'iin³ i₂chan² co₂tan⁵⁴, i₂ca₂jmo³ ca₂dsia³ mi₂güig³, quian⁵⁴ ca₂le₃jě₃ a₂tio⁵⁴ ja₁jaun², i₂ca₂jmo³ gwei⁵⁴

† 9:21 griego: farmakeía.

mi₂güig₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ñí'₄,
quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uě₂ le₃'ag₄. ⁷La₁jě₁ma₂tě₂ jmig₄ jě₁ma₂ca₂jéi₂ ángel
i₂ca₂tě₂ guion₃ 'éi₂ ñ₁ trompeta quió'₅, jmig₄ jaun₂ dé₄ dsón'₂
le₃ti₃ jág₁ a₂rě₂'ma₄ quió'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁
quiáin₅, i₂ca₂jme₃ti₃ ta₁ ne₅₄.

⁸Jaun₂ jág₁ a₂ca₂nag₃ a₂já₅ guei'₅₄ i₂juig₃ jaun₂, ca₂juá'₂ táng₃
ca₂tság₃ jniá₂:

—Gua₂, o₂quian₂ mi₂si₂ pí'₁ a₂rě₂na₄ a₂chi₁chan'₂ ángel
i₂chén'₅ ne₄ jmi₁ñí'₄, ne₄ gua'₅₄ 'uě₃.

⁹Jaun₂ ñó₃ jniá₂ ja₁chén'₄ ángel, jaun₂ ca₂juig₂ jniá₂ a₂cuě₃
mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ que'₂. A₂jma₂ rau₂ bá
ně₅, la₁ jě₁ma₂dsióg₃ tě₂'au'₂, le₃dsi'₃ bá₄.

¹⁰Jaun₂ ca₂tíng₂ si₂ a₂ca₂cuě₃ ángel 'éi₂. Jaun₂ ca₂tó'₃
mi₂'o₃. Dsón'₂ bá₄ ráu₂ 'ñio₅ lin₃, lě₅ lia'₂ lě₅ jmi₁tá'₄. La₁
jme₁ma₂ně₂nág'₃ jniá₂ ně₃, ca₂rě₃léi₄ 'e₂ bá₄ dsi'₃ ca₂dsióg₃
tě₂dsi₃. ¹¹Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂,
ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

¹Jaun₂ ca₂ñig₂ ca₂'nau₅₄ 'ma₂ta₅ a₂lě₅ lia'₂ lě₅ ñi₁'ma₂ a₂quiog₂
dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃
ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ²Tsá₃
cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quió'₅ dsi₂nau₂
bá₄ ja₁jaun₂; jaun₂ 'éi₂ bá₄ dsa₂ i₂quitsó'₃ ta₁caun₂ juig₂ jñi₃
jaun₂ con'₂ ca₂dsin₃ tě₂láu₃-tin₃ tsi'₂. ³Tsin₅₄ bá₄ jniá₂ on₃ dsa₂
i₂jáng'₅ jág₁ dsau₅ o₄quió₃, a₂qui₃'ě₂ jág₁ caun₂ mei₅ rě₂dsi₂ tin₃
'ñiá₂-láu₂ rě₂dsi₂ 'nag'₂ ne₂guióg₂ (1260) jmig₄, le₁qui'₂ 'mi'₂ lia'₂
jui₁lia'₂ a₂quí'₅ dsa₂ ja₁ron₅ 'lag₄.

⁴Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ñi₁'ma₂
olivos, quian'₅₄ guě'₂ tin₃ tag₄ ja₁le₁guí'₂ si₂, a₂tióng₂ ne₄ Te₁gui'₅₄
i₂lín₅ juig₅₄ gua'₅₄ 'uě₃. ⁵Ně₁jua'₂ 'ein₂ 'nio₃ jmóg'₂ dain₅₄, la₁
quian'₅₄ si₂ a₂'uě'₅ 'o₄ bá₄ 'éi₂ co₂dsia₅ dság'₂ dsín'₂ ca₂le₃jín₃
i₂'iog₅₄. Jaun₂ le₂ně₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄
'éi₂. ⁶I₂jáng'₅ jág₁ dsau₅ 'éi₂ ně₃ 'io₃ bí₂ a₂lě₂ jnéi₂ guei'₅₄ mi₂güig₃
ia₁jaun₂ tsá₃ ma₃lé₂ téin₃ jmí₅ ca₂le₃jě₃ jmig₄ tě₂lia'₂ tě₂i₃ñioi₅₄
quí₃'ě₂ jág₁ o₄quió'₄ Diú₄. Jaun₂ 'io₃ bí₂ ján₃ a₂lě₂ le₃jmo₃ lě₂
jmi₂ jui₁lia'₂ jmig₂, a₂lě₂ qui₃cuě₃ ca₂le₃jě₃ ne₅₄ jmi₁uig₅ ne₄
gua'₅₄ 'uě₃ i₂gú'₃ ráun₂ 'a₂ con'₂ jñia'₅₄ 'nio₃. ⁷La₁ jě₁ma₂dsan₃

ta₁ quió'₅ 'éi₂ ně₃ a₂qui₃jáng'₃ jág₁ dsau₅, jaun₂ guě₄ o₃'in₅ Já'₂
'Lin'₅₄* ja₁ca₂jein₃ chi₁dsio₅₄. 'Éi₂ guě₄ cuě₃, jo₅₄, jme₃dsiog₂₃.
8 Jě₄ calle juig₂ dsen₅₄ jaun₂, le₁gain₅₄ le₁liin₁₂ lé₂, co₂'nió'₄
ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄
ja₁ca₂tion₃ dsa₂ cróg₄ Te₁gui'₅₄ quiáin₅.†⁹ Con'₂ 'ni₅ jmig₄ rě₂tón₂
con'₂ dsi₃ñí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄
dsa₂, ca₂le₃jě₃ ne₅₄ jag₄ dsa₂, jág₃ jín₂ 'lag₄ 'éi₂. La₁ tsá₃ 'ein₂ ηe₂
jmig₄ jua'₅₄ a₂dsi₃'ó₃.¹⁰ Ca₂le₃jín₃ dsa₂ i₂chan₂ guě₄ gua'₅₄ 'uě₃,
'ñio₅ tóin'₃ jmo₃ 'io'₂ o₄quió'₄ 'éi₂, jmo₃ jmig₄ a₂cha₂ qui₂dsi₃can₅
cuě'₃ riin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lin₃
jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uě₃.¹¹ La₁
jme₁ca₂dsin₃ 'ni₅ jmig₄ tón₂ con'₂ dsi₃ñí'₃ jaun₂, Diú₄ ně₃ ca₂tó'₂
táng₃ jme₂dsi₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂
ca₂l₃gó'₃ dsí₅ 'ñio₅ lin₃ dsa₂ i₂ca₂jág₂.¹² Jaun₂ qui₂ca₂nág₂ jág₁ tiá₂
a₂já₅ jui₅ guei'₅₄ i₂juíg₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂l₃lén₂ jui₅ guei'₅₄ i₂juíg₃ rě₂lióin₃ jnei₅, tě₃ jág₅ jaun₂
dsa₂ i₂jme₁'iog₅₄.¹³ Hora jaun₂ dé₄ ca₂i₁bi₅₄ 'uě₃ tiá₂ lin₃. Jaun₂
qui₂ca₂gon₃ ca₂qui'₅₄ quió'₅ guia₃ juig₂ ciudad. Guio₃ mei₅ dsa₂
i₂ca₂dsan₃ jme₁ca₂jě'₂ 'uě₃. Dsa₂ i₂ca₂chón₃ guě₄ ně₃, qui₂ca₂can₃
juě'₅ dsí₅ 'ñio₅ lin₃. Ca₂jme₃juiin'₂ Diú₄ i₂guá₅ guei'₅₄ i₂juíg₃.

¹⁴ Jaun₂ co₂ně₅ ca₂lě₃ jě₁ca₂tě₂ tin₃ jmi₁uig₅ a₂ca₂i₃ñí₂ dsa₂
jaun₂. La₁ ñi'₅₄ ta₁ jiá₃ táng₃ jě₁ca₂tě₂ 'ni₅.

Jě₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jě₁ca₂tě₂ guion₃ ángel ñí₁ quió'₅, jaun₂
qui₂ca₂ne'₂ jág₁ guei'₅₄ i₂juíg₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uě₃,

ma₂ca₂lě₃ ja₁gon₂ Te₁gui'₅₄ quián₂ jniog₄,

ja₂gon₂ dsa₂ I₂rě₂'ín₁ quiáin₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₁guión₂-quén₂ i₂lín₅ dsa₂ can'₅₄ i₂tián'₅ ne₄ta₁ quió'₅
ne₄ Diú₄, qui₂ca₂tóin₂ tě₂ 'uě₃ rě₂'éin₂ co₂ñei'₅₄, ca₂jme₃juiin'₂
Diú₄,¹⁷ qui₂ca₂juá'₂:

Cuě₂ jnia'₅₄ ti₁'mag'₄ 'ne₂,

Te₁gui'₅₄ Diú₄ i₂'Uan'₂ guě₄ lin₃,

'ne₂ bá₄ i₂lín'₅, 'ne₂ i₂jme₁lín'₄,†

ia₁ ma₂ca₂jme₁'ñió'₂ 'ne₂ bí₂ juě'₂ quiáng'₂,

ma₂ca₂jme₁lióg'₄ gong'₂.

¹⁸ Jme₁qui₂nau₂ 'nei₂ juig₂ gua'₅₄ 'uě₃,

la₁ ně₃ guě₄ já₅ 'nei₂ a₂'í₄ 'au'₂,

* **11:7** 'Í Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lin₅₄
chog₅₄ si₂: "Te₁gui'₅₄ quián₂." ‡ **11:17** A₂lin₅₄ chog₅₄ si₂ juá'₂ ján₃: "'ne₂ bá₄ i₂lén'₂
ján₃."

ia₁ ma₂ca₂tě₂ jmig₄ a₂qui₁dsi'₂ 'éi'₃ ja₁con₂ 'lag₄.
 Ton'₂ ca₂tě₂ jmig₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃tí₃ ta₁ ne'₅₄
 i₂qui₂ma₂'ě₂ jág₁ quiáng'₂.

Le₂jaun₂ guë'₂ i₂jme₂go₃ 'a₂ lia'₂ lín'₅ 'ne₂
 lia'₂ dsa₂ can'₅₄, lia'₂ dsa₂ me'₂.

Ján₃ guë'₂ ca₂tě₂ jmig₄ a₂'éng'₄
 ju₁lia'₂ i₂qui₂'én₂ ne₄ gua'₅₄ 'uë₃.

19 Jaun₂ guë₄ ca₂niá₃ dsi₂néi₂ guá'₅ quió'₅ Diú₄ guei'₅₄
 i₂juí₃. Ca₂jnia₃ tsi₁gu₅ quió'₅ jág₁ a₂li'₅₄ quian'₅₄ Diú₄ dsi₂néi₂
 guá'₅ quió'₅. Tě₃jě₄ jaun₂ qui₂ca₂lě₃ si₁ñí'₃, qui₂ca₂né'₂ jág₁,
 qui₂ca₂quia'₂ ñí'₃, qui₂ca₂i₁bi₅₄ 'uë₃, qui₂ca₂séi'₂ dsí₅ ca'₅₄.

12

Jan₂ dsa₂ mí₂ quian'₅₄ cua₁ dragón

1 Jaun₂ ca₂jnia₃ guei'₅₄ i₂juí₃ caun₂ léi₄ juë'₂ a₂dsi₃gó'₃ dsí₅:
 jan₂ 'io₅₄ i₂rě₂lión₃ co₂tág₅ lia'₂ jniá'₂ 'iog₂. Le₃né'₃ ja₁chéin'₄
 ton₅ tsí'₂. Caun₂ guë'₂ corona 'i₄ dsi₅₄, le₁ton₅ guia₃-tín₂
 nei₅. 2 'Io₅₄ 'éi₂ quian₂₃ guein₂, a₂guió'₅ co₂mi'₅₄ a₂chain₂
 uig₅ a₂le₃chan₂ guein₂. 3 Jaun₂ guë₄ ca₂jnia₃ léi₄ siá'₂ táng₃
 guei'₅₄ i₂juí₃: jan₂ cua₁ dragón* guén₂ i₂pan₅₄ lín₃ i₂quian₅
 guio₃ mi₂dsi₄ quian'₅₄ guia₃ mi₂juí₁. Jma₃caun₃ corona tio'₅₄
 lia'₂ ca₂míg₂ mi₂dsi₅₄. 4 Quian'₅₄ ne₁con₅ já'₂ 'éi₂ qui₂ca₂tsě'₃
 ca₂qui'₅₄ quió'₅ 'ni₅ ju₁lia'₂ nei₅ i₂jme₁le₁'ín₄ guei'₅₄, jaun₂
 qui₂ca₂guiain'₃ ne₄ gua'₅₄ 'uë₃. Jaun₂ ca₂nau₂ cua₁ dragón
 ne₄ 'io₅₄ i₂jě₁ca₂rě₃chán₃ guein₂, ia₁jaun₂ quín'₂ guein₂ dsi₂juí₅
 jě₁ma₂ca₂rě₃chán₃. 5 Ca₂rě₃chán₃ rě'₂ guein₂ quiáin₅, jan₂
 guein₂ dsa₂ ñe'₂ i₂'i₄ 'éi'₃ gon₃ ne₄ ca₂le₃jě₃ juig₂ quian'₅₄ 'ma₂'í'₅₄
 a₂lě₅ ni₁ñí₁ 'ua'₂.† Jaun₂ ca₂jnia'₃ bá₄ guein₂ 'éi₂ ca₂tág₃ Diú₄
 i₃guá₃ ne₄ta₁ quió'₅. 6 Jaun₂ ca₂cuing₃ 'io₅₄ juí₅ 'uë₃ quein₂
 co₂ñiog₅ ja₁ma₂lě₅ co₂jnia₅₄ quió'₅ Diú₄, ia₁jaun₂ le₃tain₅₄ ca₂lia'₂
 ca₂dsin₃ caun₂ mei₅ rě₂tón₂ tñ₃ 'ñiá₂-láu₂ rě₂dsí₂ 'nag'₂ ne₂guióg₂
 (1260) jmig₄.

7 Jaun₂ ca₂lě₃ 'nei₂ guei'₅₄ i₂juí₃: ca₂jmo₃ 'nei₂ Mi₂gue₅₄
 quian'₅₄ ángeles quiáin₅, ca₂quín'₂ ca₂cuë'₃ cua₁ dragón. Ján₃
 guë'₂ le₂jaun₂ ca₂jéin'₃ dragón quian'₅₄ ángeles quiáin₅. 8 La₁
 tsá₃ ca₂tió'₃, jaun₂ tsá₃ ma₃ja₁ca₂rě₃chá₃ guë₄ ja₁cuin₅ jmig₄
 tóin'₃ guei'₅₄ i₂juí₃. 9 Jaun₂ ja₁jaun₂ ca₂jnia'₃ cau₅ dragón juin'₂
 'éi₂, dsi₂mi'₂ gui'₅₄ i₂jme₁chan₂ ma₂líg'₂, i₂tě'₂ i₂sě₃dsen₃, i₂chen₂
 Satanás ně₃, i₂jme₂gan₅ dsa₂ ta₁caun₂ mi₂güig₃. Ca₂l₃gain'₅₄
 ca₂tě₂ gua'₅₄ 'uë₃, lia'₂ jma₃quian'₅₄ ángeles quiáin₅.‡

* 12:3 griego: drakón (dsi₂mi'₂). † 12:5 'Nio'₂ ja₁ton₅, Salmo 2:9. ‡ 12:9 'Nio'₂ ja₁ton₅, Isaías 14:12-15; Lucas 10:18; Apocalipsis 9:1.

- 10 Jaun₂ ca₂ne'₂ jág₁ tiá'₂ guei'₅₄ i₂juíg₃, i₁juá'₄:
 Nē₃ guē'₄ ca₂tē'₂ jmíg₄ quió'₅ Diú₄ a₂lión₂ dsa₂,
 ca₂dsióg₃ jmíg₄ ja₁lé₂ jui₅bí₂ 'éi'₃ quió'₅ Diú₄ quián₂
 a₂gon₂ 'éi₂ quiain'₅₄ Irē₂'in₁ quiáin₅.
 Ia₁ ca₂guiain'₃ 'uē₃ i₂jme₁bóg'₂ dso₄ quió'₅ rin'₅₄ jniog₄
 le₃ne₄ Diú₄ lia'₂ 'uē₂-jmi₂.
- 11 Ca₂tió'₃ bá₄ 'éi₂
 tē₂le₃ quian'₅₄ jmi₂ 'an₅₄ Guein₂ Já'₂ Cha'₂,
 tē₂le₃ quian'₅₄ jág₁ dsau₅ nē₃
 a₂ma₂qui₂ma₂jáng'₃ 'éi₂;
 ia₁ tsá₃ ca₂dsán₃ dsí₅ jme₂dsí₂ quió'₅
 o₁ñja'₅₄ ca₂dsain₃.
- 12 Jaun₂ lē₃, 'io'₂ jmo₄ 'nia'₂ i₂juíg₃,
 quian'₅₄ guē'₂ 'nia'₂ i₂tián'₅ ja₁jaun₂.
 jLa₁ 'e₂ guē'₄ juíg₂ jui₁lia'₂ i₂chan₂ gua'₅₄ 'uē₃,
 quian'₅₄ guē'₂ i₂chan₂ né'₃ jmi₁ñí'₄!
 Ia₁ ma₂sión₃ i₂sē₃dsen₃ ja₁con'₂ 'nia'₂;
 ma₂'i₄ 'nei₂ dsí₅, ia₁ ma₂ñi₅ rē₂ bá₄,
 ca₂juig₄ jmá'₅ jmíg₄ cha₂ guē'₄ quió'₅.
- 13 Jme₁ca₂rē₃lí'₄ dragón a₂ma₂ñó₅ jui₅ gua'₅₄ 'uē₃, jaun₂ 'éi₂ nē₃
 ca₂'ein₃ 'io₅₄ i₂ca₂rē₃chán₃ guein₂ dsa₂ ñe'₂ quián₅. 14 La₁ 'io₅₄
 'éi₂ nē₃, ca₂ñi₂ tsi₁rē₂cu₅ ca₁ca'₅₄ a₂lē₅ lia'₂ lē₅ tsi₁rē₂cu₅ i₁mi₂,
 ia₁jaun₂ 'iin₃ jui₅ ja₁quió'₄, ja₁lē₄ 'uē₃ quein₂ co₂ñiog₅, ja₁lē₄ 'i₁
 'ni₅ ñi₂ tē₂ ca₂jau₅₄ le₃ne₄ dsí₂mi'₂. 15 Jaun₂ ca₂'uē'₃ dsí₂mi'₂ jmíg₂
 jui₅ mi₂'o₅₄, nē₂jag₄ bá₄ caun₂ cuá₃ juē'₂, ia₁jaun₂ dsí₃ñi₃ 'io₅₄
 'éi₂ quian'₅₄ jmíg₂. 16 La₁ ca₂jme₃'o₅₄ gua'₅₄ 'uē₃, ca₂jme₃'oin₅₄
 'io₅₄, ca₂niá₃ 'uē₃ ca₂nág'₃ jmíg₂ cuá₃ jaun₂ a₂ca₂'uē'₃ dragón
 jui₅ mi₂'o₅₄. 17 Jaun₂ ca₂rē₃'né₃ dragón le₃ja₁con'₂ 'io₅₄, jaun₂
 ñei₅₄ i₁quiin'₅₄ quiain'₅₄ tsi₁jon₂ i₂ca₂chón₃ quián₅ 'io₅₄, co₂'nió'₄
 i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús nē₃.
- 18 Jaun₂ ca₂nau₂ 'éi₂ chei'₅₄ jmi₁ñí'₄. Š

13

Le₃on₃ Já'₂ 'Lin'₅₄

1 Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅,
 i₂le₁dsi₅₄ guio₃ mi₂dsi₄, guia₃ guē'₂ mi₂juí₁. Ne₄ mi₂juí₁ nē₃,
 jme₁le₁dsi₅₄ guia₃ coronas. Ne₄ mi₂dsi₅₄ nē₃, jme₁le₁ton₅ jág₁
 lia'₂ chein₂ a₂jmo₂₃ a₂lín₅ Diú₄. 2 Jme₁lín₄ já'₂ i₂ca₂jing₅₄ 'éi₂ lia'₂
 lín₅ dsí₂'ia'₂ leopardo. Le₁dsi₅₄ mi₂tag₅₄ lia'₂ lē₅ gu₂-tag₄ oso.
 Mi₂'o₅₄ guē'₂ lē₅ lia'₂ lē₅ mi₂'o₄ 'ia'₂ león. Ca₂cuē₃ dragón jui₅bí₂
 ca₂cuē'₃ já'₂ 'éi₂ lia'₂ jma₃quian'₅₄ ne₄ta₁ quió'₅ nē₃, a₂qui₃dsi₂₃

Š 12:18 A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ñí'₄”, a₂chi₁ton₅ jē₁le₂'uig₅₄ Capítulo 13.

'éi'₃ a₂'uain'₂ lin₃. ³ Ca₂míg₂ mi₂dsi₄ Já'₂ 'Lin'₅₄ 'éi'₂, lě₅ lia'₂ lě₅ a₂rě₂cuí'₃ 'ñio₅ lin₃, lě₅ ně₂jag₄ bá₄ a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güí₃ bá₄ ca₂i₃gó'₃ dsí₅ dsa₂, ca₂'ein₃ Já'₂ 'Lin'₅₄ 'éi'₂. ⁴ Jaun₂ ca₂jme₃juag'₂ dsa₂ ca₂jme₃juin'₂ dragón, ia₁ ca₂cué'₃ 'éi'₃ ca₂cué'₃ Já'₂ 'Lin'₅₄. Ca₂jme₃juin'₂ Já'₂ 'Lin'₅₄ ně₃, qui₂ca₂juá'₂ ca₂tóin'₂:

—ĉ'Ein₂ chan₂ i₂lín₅ lia'₂ lín₅ i₂ně₅? —'iin₂₃ Já'₂ 'Lin'₅₄ 'éi'₂—.
ĉ'Ein₂ bá₄ tió'₅ jmo₃ 'nei₂ ja₁coin₂?

⁵ Ján₃ bá₄ ca₂ñi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ ně₃ a₂qui₃dsi₂₃ 'éi'₃ con'₂ tē₂láu₃-tín₃ tsí'₂. ⁶ Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quíó'₅ Diú₄. Ca₂ton₃ rē'₂ 'lig'₅₄ ca₂'ě₃ ja₁guá₄ Diú₄; ca₂'iin₃ rē'₂ ca₂lia'₂ i₂tion₅₄ guei'₅₄ i₂juí₃ ně₃. ⁷ Ca₂ñi₂ bá₄ jmíg₄ a₂jmo₃ 'nei₂ ja₁con₂ dsa₂ i₂tén₅ le₃quíó'₅ Diú₄,* a₂j₃ ně₃; ca₂ñi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jě₃ tsí₁jon₂, ca₂le₃jě₃ go₄ dsa₂, ca₂le₃jě₃ jág₁ jmei₅, ca₂le₃jě₃ juí₂ ně₃. ⁸ Jme₃juag'₂ ca₂le₃jín₃ dsa₂ i₂chan₂ gua'₅₄ 'uě₃ jme₃juin'₂ Já'₂ 'Lin'₅₄ 'éi'₂: ca₂le₃jín₃ i₂con'₂ tsá₃ le₁ton₅ ne₄ si₂ rē₂bín₅ a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃ mi₂güí₃.

⁹ Ně₁juá'₂ 'ein₂ le₁dsi₅₄ rē₂gua₄, rē₂ jui₁nei₅₄.

¹⁰ Jui₁lia'₂ i₂jñia₅ dsa₂ jui₅ né'₃ má₃,

ján₃ bá₄ jui₅ né'₃ má₃ dsi₃léin₂;

jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,

quian'₅₄ ñi₁tág₂ dsiáin₃.†

'Uig₅₄ ně₅ ně₃, ca₂le₃jín₃ i₂tén₅ le₃quíó'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uín₂ a₂'éin₂.

¹¹ Cang₂ jaun₂ ca₂jín₄ táng₃ jniá₂ jan₂ já'₂ 'lin'₅₄ sián'₂, ca₂'ñioi₂ ne₄ gua'₅₄ 'uě₃. 'Éi₂ ně₃ jme₁le₁dsi₅₄ tít₃ mi₂juí₁ lia'₂ lě₅ mi₂juí₁ jan₂ guein₂ já'₂ cha'₂. La₁, lia'₂ lě₅ jág₁ quió'₅ dragón bá₄, jme₁lě₄ jág₁ quió'₅. ¹² Co₂jaun₂ bá₄ jme₁'io₂₃ bí₂ ján₃, jui₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quíó'₄; chi₃quíóng₂ jmíg₄ jme₃juag'₂ ta₁caun₂ mi₂güí₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rě₂cuín'₃ 'éi'₂. ¹³ Lióng₂ léi₄ juě'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güí₃ ně₃, ca₂jmo₃ tē₃ne₄ dsa₂ mi₂güí₃. ¹⁴ Tē₂le₃ quian'₅₄ léi₄ juě'₂ a₂ca₂jmo₃ o₄quíó'₄ i₂'lin'₅₄ i₂le₂ne₁'éi'₂, ca₂jme₃gain₂₃ dsa₂ i₂chan₂ gua'₅₄ 'uě₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rě₂cuín'₃ quian'₅₄ ñi₁tág₂ i₂ca₂'lón₂ 'éi'₂. ¹⁵ Ca₂ñi₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅

* 13:7 lit. "ja₁con₂ dsa₂ jñi₃ó₅." † 13:10 o₃, "Chi₂juá'₂ chan₂ i₂'i₄ 'éi'₃ jñéi₂ dsa₂, jui₅ né'₃ 'má₃ bá₄ dsó₅; chi₂juá'₂ chan₂ i₂'i₄ 'éi'₃ jñag'₃ dsa₂ quian'₅₄ ñi₁tág₂, quian'₅₄ ñi₁tág₂ gué'₂ jñag'₃ dsa₂."

'éi₂. ¹⁶ Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ñé₂, lia'₂ dsa₂ i₂jme₂ti₃ ta₁ ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ ně₃, a₂guein₃ léi₄ dso'₂ gu₂ ne₁, o₃ chi₁quí₃ 'e₂. ¹⁷ Jaun₂ tsá₃ ma₃lé₂ lá₃ 'i₁jan₂, on₃ guè'₂ ma₃lé₂ 'nag₃, jua'₅₄ tsá₃ lín₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂. ¹⁸ Le₂la₂ bá₄ jág₁ a₂ñí'₂ dsí₅: ju₁lia'₂ dsa₂ i₂'i₄ jág₁, ju₁chein'₄ cuentas 'a₂ lia'₂ lě₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig₃ bá₄ jaun₂. Le₂la₂ lě₅ número quió'₅: jñéi₂ 'ñiá₂-láu₂ rě₂dsí₂ 'nag'₂ ne₂guióg₂ rě₂dsí₂ jñéi₂ (666).

14

Canto a₂ca₂'ě₃ caun₂ 'ñiá₂-lón₂ rě₂dsí₂ tě₂láu₃-quén₂ mei₅ (144,000) dsa₂

¹ Cang₂ jaun₂ ca₂jing₅₄ táng₃ Guein₂ Já'₂ Cha'₂ jniái₂ chéin'₅ ne₄ Má'₂ Sión, quiain'₅₄ caun₂ 'ñiá₂-lón₂ rě₂dsí₂ tě₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ ně₃. ² Jaun₂ guě₄ ca₂nag₃ caun₂ mi'₅₄ a₂já₅ guei'₅₄ i₂juig₃, a₂lě₅ ně₂jag₄ bá₄ caun₂ la'₅₄ juě'₂ lin₃, * ton'₂ ně₂jag₄ bá₄ ja₁dein₅ quia'₂ tiá₂ lin₃ ñí'₃. Mi'₅₄ a₂ca₂nag₃ jaun₂ ca₂né'₂ ju₁lia'₂ ja₁jmo₅ dsa₂ son₅₄ quian'₅₄ ts₁ton₅ arpas † quió'₅. ³ Qui₂i₁'ě₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ ně₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂'ě₅ dsa₂ jaun₂, jmá'₃ lia'₂ dsa₂ 'ñiá₂-lón₂ rě₂dsí₂ tě₂láu₃-quén₂ mei₅ i₂rě₂'lian'₅₄ ne₄ gua'₅₄ 'uě₃ 'éi₂ bá₄. ⁴ Ca₂le₃jín₃ dsa₂ 'éi₂ i₂tsá₃ ca₂rě₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rě₃cháin₃ ja₂léin₂ le₁jín₃. Quiain'₅₄ bá₄ Guein₂ Já'₂ Cha'₂ ju₁'a₂ guě₃ ja₁dsó₃ 'éi₂. Qui₂le₁'liain₅₄ tě₂le₃ jin₄ dsa₂ mi₂güig₃, co₂'nió'₄ i₂le₂'uig₅₄ i₂rě₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ ně₃. ⁵ 'I₁caun₂ jág₁ tě₂jág₁ tsá₃ ca₂'uě₂ mi₂'o₄ 'éi₂; tsá₃ dso₄ qui₂rě₂cáin'₄. ‡

Jág₁ quió'₅ le₃ún₂ ángeles

⁶ Jaun₂ ca₂jing₅₄ táng₃ jan₂ ángel sián'₂ a₂ñi₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ě₃ ja₂chi'₅₄ dsa₂ i₂tián'₅ ne₄ gua'₅₄ 'uě₃: ca₂le₃jě₃ juig₂, ca₂le₃jě₃ ts₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂; ⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uě₃, jm₁ñí'₄ ně₃, quian'₅₄ guě₄ ca₂le₃jě₃ o₄tu₁ jmig₂.

* 14:2 o₃ "lia'₂ né₂ 'lióng₂ jmig₂." † 14:2 griego: kithara. ‡ 14:5 A₂lin₅₄ chog₅₄ si₂juá'₃ ján₃: "le₃ne₄ ne₄ta₁."

⁸ Chi₁quin₃ gué₄ jaun₂ ján₃, ca₂já₃ jan₂ ángel sián'₂ i₂ca₂juá'₂:
—Ma₂ca₂i₃'én₂, ma₂ca₂i₃'én₂ Babilonia jué'₂, 'uig₅₄ ia₁
a₂ca₂jmo₃ a₂qui₂ca₂'in'₃ ca₂le₃jě₃ juig₂ vino a₂ca₂jme₃cón₂ dsí₅
a₂qui₂nió'₃ jág₁ 'lig'₅₄ quió'₅.

⁹ Jaun₂ ca₂guan₃ táng₃ jě₁ca₂tě₂ ún₂ ángel, ján₃ gué'₂ tiá₂
ca₂juá'₂:

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄
quió'₅, o₃ nē₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃
'e₂, ¹⁰ ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄
a₂tsá₃ 'e₂ qui₂rě₂cón'₅ 'ñi₀'₃ copa a₂cha₂'uig₅₄ a₂le₃'nei₂; qui₃ñág₃
uig₅ quian'₅₄ si₂ quian'₅₄ azufre tē₃ne₄ ángeles jñi₀'₅ quián₅ Diú₄
quian'₅₄ gué'₂ le₃ne₄ Guein₂ Já'₂ Cha'₂. ¹¹ Jme₁ñi₁ a₂tsáu₃ ja₁ñág₃
uig₅ nē₃, dsi₅₄ co₂tan₅₄ lé₂, on₃ gué'₂ 'uē₂-jmi₂ bá₄ lé₂ jua'₅₄
a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄
'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂
nē₃.

¹² Ja₁nē₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, Š
dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús nē₃.

¹³ Jaun₂ ca₂né'₂ táng₃ jág₁ a₂já₅ guei'₅₄ i₂juig₃, ca₂juá'₂ tság₅
jniá₂:

—Jmo₄ si₂ tiong₅ ca₂le₃jě₃ a₂nē₅ a₂juá'₂: “E₂ gué₄ 'ñi₀'₅ dsen₃
dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂
Jme₂dsí₂, ia₁jaun₂ jñia₃ ca₂le₃jě₃ ta₁ quió'₅, jaun₂ qui₃le₃quen'₅ i₄
ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uē₃

¹⁴ Jaun₂ ca₂jág₃ táng₃ ca₂jñia₃ caun₂ jnei₅ tiog₂ jmá'₅, Ne₄ jnei₅
jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂
corona a₂lě₅ jmá'₃ cu₁nióg₄ mi₂dsi₅₄, chi₁chan'₂ caun₂ ñi₁ hoz
a₂'mu₃. ¹⁵ Jaun₂ o₂'ín₃ táng₃ jan₂ ángel dsi₂néi₂ guá'₅ templo,
ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ñi₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁
ma₂ca₂ron₂ a₂ráu₃ ne₄ gua'₅₄ 'uē₃. ¹⁶ Jaun₂ ca₂tiá₂ hoz ne₄ gua'₅₄
'uē₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷ Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅
guei'₅₄ i₂juig₃; ján₃ bá₄ chi₁chan'₂ caun₂ ñi₁ hoz a₂'mu₃. ¹⁸ Jaun₂
ca₂o₃'ín₃ táng₃ ne₄chei₂ jan₂ ángel sián'₂ gué₄ táng₃, i₂'io₅ bí₂ ne₄
si₂. Jaun₂ ca₂juá'₂ tiá₂ ca₂tsí'₃ i₂chan'₂ ñi₁ hoz 'mu₃, ca₂juá'₂:

—Tiá₃ ñi₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂qui₂le₁'ág₄
ni₁uing₂ a₂cha₂ gua'₅₄ 'uē₃, ia₁ ma₂ca₂juig₂ míg₂ uvas quió'₅.

¹⁹ Jaun₂ ca₂tiá₂ 'éi₂ hoz quió'₅ ne₄ gua'₅₄ 'uē₃, ca₂cág'₃ míg₂
uvas quió'₅ gua'₅₄ 'uē₃. Ca₂tó'₂ caun₂ ja₁jué'₂ ja₁qui₂jlen'₃ dsa₂,

co₂'nió'₄ le₃jua'₅₄, ja₁'i₄ 'nei₂ dsí₅ Diú₄, ²⁰Jaun₂ ca₂rē₂tso'₄ a₂jaun₂
'ni'₂ juig₂, ca₂'io₂ jmi₂. Jmi₂ jaun₂ ně₃ ca₂i₃'o₅₄ a₂ji'₂ con'₂ 'ei₅ rē₂'o₄
dsi₂cua₁, a₂juē'₂ ja₁ca₂'a₃ tí₅ con'₂ 'ni₅ 'ñiá₂-lá_u₂ (300) kilómetros.

15

Guion₃ ángeles i₂le₁quian₅ guio₃ jmi₁uig₅ jē₁ca₂tó'₂

1 Ca₂jág₃ jniá₂ guei'₅₄ i₂juig₃ caun₂ léi₄ juē'₂ a₂dsi₂gó'₃ dsi₅:
guion₃ ángeles i₂quian₅ guio₃ guē₄ jmi₁uig₅ ja₁con₂ dsa₂.
Co₂'nió'₄ a₂jaun₂ guē₄ lē₅ jē₁ca₂tó'₂, ia₁ co₂jaun₂ ca₂'ñia₅ a₂'i₄
'nei₂ dsí₅ Diú₄.

²Jaun₂ ca₂jág₃ jniá₂ jui₁lia'₂ caun₂ jmi₁ñi'₄ a₂lē₅ ni₁'i₂ a₂rē₂cón'₅
quian'₅₄ si₂. Ne₄ jmi₁ñi'₄ a₂lē₅ ni₁'i₂ jaun₂, jme₁tió_n₂ dsa₂ i₂ca₂tió'₃
ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ ně₃.
Qui₂le₁chan'₂ tsi₁ton₅ arpas* a₂ca₂cuē₃ Diú₄. ³Tiío_n₂ 'ē₂₃ canto
quió'₅ Moisés† dsa₂ i₂ca₂jme₂tí₃ quián₅ Diú₄, quian'₅₄ canto
quió'₅ Guein₂ Já'₂ Cha'₂, a₂juá'₂:

'E₂ guē₄ juē'₂ a₂jlá'₁ lin₃ ca₂le₃jē₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guē₄ lin₃.

A₂dsau₅, a₂tí₅ lin₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jē₃ juig₂.

4 Ĵ'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

Ĵ'Ein₂ bá₄ i₂tsá₃ jme₃juag'₂ guē'₂ já_n₃?

Ia₁ jan'₂ 'ne₂ bá₄ líng'₅ i₂jñi_ó₅.

Ca₂le₃jē₃ juig₂ qui₂ja₃léin₂ qui₂jme₃juin'₂ 'ne₂,

ia₁ ma₂ca₂rē₃jniá₂ 'éi'₃ a₂qui₂dsí'₂ 'ne₂.

⁵Cang₂ jaun₂ ca₂jág₃ jniá₂ guei'₅₄ i₂juig₃, ca₂niá₃ guá'₅,
co₂'nió'₄ le₃jua'₅₄ ja₁jñi_ó₅ guē₄, ja₁rē₂'ma₄ já_g₁ dsau₅ a₂li'₅₄
quian'₅₄ Diú₄. ⁶Guá'₅ jaun₂, ca₂'uin₂ guion₃ ángeles i₂le₁quian₅
le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lin₃.

A₂jme₁rē₂jén'₅ le₁dsí₅ guē'₂ ně₃, jme₁lē₄ jmá'₃ cu₄nió_g₄. ⁷Jaun₂
guē₄ jan₂ já'₂ quén₂ i₂tió_n₂ ne₄ ne₄ta₁, ca₂cuē'₃ le₂jan₂ le₂jan₂
ta₁guion₃ ángeles jma₃caún₃ ni₁uig₅ ji'₂ a₂lē₅ cu₄nió_g₄, le₁'a₁

co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. ⁸Jaun₂
ca₂can'₂ dsi₂néi₂ guá'₅ quian'₅₄ jme₁ñi₁ a₂jás ja₁con₂ a₂jlá'₁
a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂
ca₂rē₃'ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ē₂ Diú₄

¹Jaun₂ ca₂nag₃ jniá₂ já_g₁ tiá₂ lin₃ i₁juá'₄ dsi₂néi₂ guá'₅, a₂tsí'₅
le₃guion₃ ángeles 'éi₂:

* 15:2 griego: kithara. † 15:3 canto quió'₅ Moisés: 'Nio'₂ ja₁ton₅ Éxodo 15; Deuteronomio 32.

—O₂nó'₅ 'nia'₂ o₂jen₄ ne₄ gua'₅₄ 'uë'₃ 'nei'₂ a₂'i₄ dsí'₅ Diú₄ a₂le'₁a₁ ni₁uing₅ nē₅.

² Jaun₂ ca₂o₃'ín₃ jē₁le₂'uig₅₄ ángel, jaun₂ ca₂jein₃ a₂chi'₁a₄ ni₁uing₅ quió'₅ ne₄ gua'₅₄ 'uë'₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lin'₅₄, i₂jme₂juin'₂ nió'₄ quió'₄ nē₃, qui₂ca₂'ñjai₂ 'mé'₅ 'lig'₅₄ a₂qui'₂ guē₄ lin₃.

³ Jaun₂ ca₂jen₃ jē₁ca₂tē₂ on₃ ángel a₂'a₄ ni₁uing₅ quió'₅ ne₄ jmi₁ñí'₄. Jaun₂ ca₂lē₃ jmi₂, nē₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

⁴ Já₃ bá₄ le₂jaun₂ ca₂jen₃ jē₁ca₂tē₂ ún₂ ángel a₂'a₄ ni₁uing₅ quió'₅, ne₄ jmi₂g₂ cuá₃, ne₄ o₄tu₁ jmi₂g₂ nē₃; jaun₂ jmá'₃ jmi₂ bá₄ qui₂ca₂lē₃ já₃. ⁵ Jaun₂ ca₂nag₃ juá'₂ ángel i₂niog₅ gu₂ jmi₂g₂, ca₂juá'₂:

Rē₂ bá₄ cáun'₂ 'ne₂ 'í₁, Diú₄ Jñi₁ó₅;

'ne₂ i₂lín₅, i₂jme₁lín₄,*

ia₁ a₂nē₂qui₁dsi'₂ 'éi'₃ le₂nē₅.

⁶ Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'ē₂ já₁ quiáng'₂ nē₃.

Nē₃ guē₄ nē₃, nē₂'ein'₅₄ jmi₂,

ia₁ le₂nē₅ 'en₄ quió'₅ bá₄.

⁷ Ca₂nag₃ jniá₂ já₃ jē₄ ne₄chei₂, i₁juá'₄:

Dsón'₂ le₂nē₅, Te₁gui'₅₄ Diú₄ i₂'Uan'₂ guē₄ lin₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

⁸ Jaun₂ ca₂jen₃ jē₁ca₂tē₂ quén₂ ángel a₂'a₄ ni₁uing₅ quió'₅ ne₄ 'iog₂, jaun₂ ca₂ñi₂ 'iog₂ bí₂ a₂dsíin'₂ dsa₂ mi₂güig₃ quian'₅₄ si₂.

⁹ Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lin₃. Jaun₂ qui₂ca₂'ag₃ dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁uig₅ jaun₂. Tsá₃ ca₂jme₃tsiin₃ dsí'₅, jua'₅₄ ca₂jme₃juin'₂ 'éi₂.

¹⁰ Jaun₂ ca₂jen₃ jē₁ca₂tē₂ 'ñiá₂ ángel a₂'a₄ ni₁uing₅ quió'₅ ne₄ ne₄ta₁ quió'₅ Já'₂ 'Lin'₅₄, jaun₂ ca₂tē₁tsi'₅₄ qui₁né'₃ ja₁goin₂ jaun₂. Dsa₂ nē₃ qui₂ca₂quig'₂ le₁tsi'₂ a₂ca₂jme₃uí'₃. ¹¹ Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juig₃, ne₄ 'uig₅₄ a₂le₁quian₂₃ jmi₁uig₅, 'uig₅₄ ia₁ a₂lín₅ 'mé'₅ nē₃. La₁ tsá₃ ca₂dsi₃quén'₅ dsí'₅ jua'₅₄ ca₂tí₂ a₂jmo₂₃-dsáu₅.

¹² Jaun₂ ca₂jen₃ jē₁ca₂tē₂ jñé₂ ángel a₂'a₄ ni₁uing₅ quió'₅ ne₄ cuá₃ juē'₂ Eufrates. Jaun₂ co₂dsia₅ ca₂rē₃quén₃ cuá₃ jaun₂, ia₁jaun₂ ma₂lē₅ co₂jñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tē₂le₃ ja₁'ia₂† 'iog₂.

¹³ Jaun₂ ca₂jág₃ ca₂'uin₂ ún₂ jme₂dsí'₂ 'lin'₅₄, i₂jniá₂ lia'₂ jniá₂ i₁jé'₅, ca₂'uin₂ jma₃ján₃ jui₅ mi₂'o₄ já'₂ dragón, mi₂'o₄ Já'₂ 'Lin'₅₄,

* 16:5 A₂lin₅₄ chog₅₄ si₂ chi₁ton₅ já₃: "i₂lén₂ co₂tan₅₄." † 16:12 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

quian⁵⁴ mi²o⁴ i²tě² dsa² i²ě² jág¹ a²ju¹gain² ně³. ¹⁴ Jme²dsí² i²lín⁵ je²na⁵⁴ bá⁴ 'éi², i²qui³jmo³ léi⁴ juě², i²qui²dsi³lén² uíng² ja¹con² rag⁵⁴ quián⁵ dsa² i²chan² ta¹caun² mi²güig³, ia¹jaun² chi³lo³ a²dsia³ 'nei² jmig⁴ juě² jaun² quió⁵ Diú⁴ i²'Uan² guě⁴ lin³.

¹⁵ “Rě²ján¹ 'nia² ia¹ guión⁴ jniá² con² tiá², ně²jag⁴ bá⁴ jan² 'ang². 'E² guě⁴ dsen³ ju¹lia² i²rě²jnio⁴ ne⁴, i²lě⁵ 'í¹ tsin⁵⁴, con² tsá³ ŋó⁵ ně¹juá² i³ŋi⁵⁴ rě²ŋi⁵ tē³ jág⁵ dsa² o²quí³ quió⁵.”

¹⁶ Jaun² qui²ca²liain³ rag⁵⁴ caun² ja¹chei² Armagedón quian⁵⁴ jág¹ jmei⁵ hebreo.

¹⁷ Jaun² ca²jen³ jē¹ca²tě² guion³ ángel a²'a⁴ ni¹u¹ing⁵ quió⁵, ca²'éin² dsi²güig². Jaun² ca²né² dsi²néi² guá⁵ a²chí⁵ guei⁵⁴ i²juig³, jág¹ a²juá² tiá², a²já⁵ ne⁴ta¹, i¹juá⁴:

—iMa²ca²lě³ bá⁴!‡

¹⁸ Jaun² qui²ca²lě³ si¹ŋí³, ca²tě¹tsi⁵⁴ co²mi⁵⁴, ca²quia² ŋí³. Ta¹caun² gua⁵⁴ 'uě³ qui²ca²jě² ca²i¹bi⁵⁴ 'uě³ tiá² lin³, ca²lia² 'i¹cón² tsá³ le²jaun² juá⁵⁴ a²ma²i¹bi⁵⁴ 'uě³ ca²le³ ca²rě³chán³ dsa² ne⁴ gua⁵⁴ 'uě³, ia¹ a²ŋi⁴ lě³ gau² ca²lě³. ¹⁹ Ca²lě³ 'ni⁵ dso⁵⁴ ciudad dsen⁵⁴ jaun², jaun² qui²ca²i³lě² ju¹ 'uě³ ca²le³jě³ juig² ciudad jme¹te¹ 'i¹ mi²güig³. Jaun² guě⁴ ca²dsáu³ dsí⁵ Diú⁴ Babilonia juě²; ca²cuě³ copa a²'a⁴ vino a²'i⁴ 'nei² dséi² dsí⁵. ²⁰ Jaun² qui²ca²cu¹ing³ ca²le³jě³ 'uě³ a²qui²le¹quí⁵ jě⁴ jm¹ŋí⁴; ca²le³jě³ ni¹má² ně³, co²dsia⁵ ca²i³có². ²¹ Qui²ca²tang² ne⁴ quió⁵ dsa² mi²güig³ dsí⁵ ca¹ca⁵⁴ 'ŋio⁵ lin³, a²guei² jma³tě²láu³ kilo lia² ca²míg². § Ján³ bá⁴ le²jaun² qui²ca²'ag³ dsa² 'lig⁵⁴ 'iin²³ Diú⁴, 'uig⁵⁴ ia¹ a²ca²séi² dsí⁵ jaun², ia¹ a²ŋi⁴ lě³ ca²i¹juin⁵⁴ gau² jm¹uig⁵ a²ca²lě³.

17

Jē¹ca²i³'én² 'io⁵⁴ juin² i²'nag⁵ quió⁵

¹ Jaun² ca²já³ jan² ángel i²lě² guion³ i²jme¹le¹chan² ni¹u¹ing⁵ 'éi², ca²tság³ jniá²:

—Ŋia⁵, la² 'ě⁵⁴ 'a² lia² lě⁵ jm¹uig⁵ a²ě² Diú⁴ ne⁴ 'io⁵⁴ juin² i²'nag⁵ quió⁵, i²guá⁵ ne⁴ ja¹te¹ 'i¹ 'lióng² jmig². ² Ca²le³jín³ bá⁴ rag⁵⁴ i²chan² ne⁴ gua⁵⁴ 'uě³ ma²qui²ca²nió⁴ jág¹ quiain⁵⁴ 'io⁵⁴ 'éi²; ján³ bá⁴ le²jaun² ma²qui²ca²rě³'en⁵ dsa² i²tián⁵ ne⁴ gua⁵⁴ 'uě³, quian⁵⁴ vino a²co²'nió⁴ dso⁴ a²ca²jmo³-dsáu⁵ 'io⁵⁴ 'éi².

³ Jaun² ca²jiog³ ángel, tē¹lia² 'eng⁵⁴ le³quió⁵ Jme²dsí², caun² 'uě³ quein² co²ŋiog⁵. Ja¹jaun² ca²tě² ne³ ca²jing⁵⁴ jan² 'io⁵⁴, co²dsiin⁵⁴ jan² já² guén² i²jniá² gau² jmá⁵, i²le¹dsi⁵⁴ guio³ mi²dsi⁴, gua³ guě² mi²juí¹, i²jme¹quian⁵ 'lióng² jág¹ 'lig⁵⁴ lia² chein² a²jmo²³ a²lín⁵ Diú⁴ ně³. ⁴ 'Io⁵⁴ 'éi² ně³ rě²lin⁵⁴ qui² tsin⁵⁴

‡ 16:17 'Nio²ja¹ton⁵ Juan 19:30. § 16:21 lit. “a²guei² caun² talento lia² ca²míg².”

guéin₂ si₂, quian'₅₄ a₂'ui'₃. A₂lě₅ jlá'₁, tio'₅₄ cu₄nióg₄, ni₁cang₁ jlá'₁ quian'₅₄ mīg₂ perlas ně₃. Ján₃ guě₄ chi₁chan'₂ caun₂ copa a₂lě₅ jmá'₃ cu₄nióg₄, rě₂'a₄ a₂'lig'₅₄ a₂jmo₅-dsá_{u5}, quian'₅₄ jág₁ 'lig'₅₄ a₂nió'₅. ⁵ Le₁ton₅ jág₁ ne₄ chi₁quí₃, a₂juá'₂: JÁ_{G1} A₂RĚ₂ 'MA₄ BILONIA JUĚN'₂ CHO_{G54} 'IO₅₄ I₂'NAG₅ QUIÓ'₅ CHO_{G54} CA₂LE₃JĚ₃ NE₅₄ A₂LĚ₁ 'IO_{G5} NE₄ GUA'₅₄ 'UĚ₃.

⁶ Jaun₂ ca₂jín₄ jniá'₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quíó'₅ Diú₄, * quian'₅₄ guě'₂ jmi₂ 'an₅₄ i₂ma₂jáng'₃ jág₁ dsau₅ le₃quíó'₅ Jesús. Jaun₂ ca₂i₃gó'₃ dsi₃ guě₄ lín₃ jme₁ca₂tě₂ ně₃ a₂jaun₂. ⁷ Jaun₂ ca₂juá'₂ ángel tság₅ jniá'₂:

—č'E₂ lě₃ dsi₂gó'₃ 'au'₂? La₂ juá'₄ jniá'₂ jág₁ rě₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guě'₂ léi₄ jáng'₅ táng₃ Já'₂ 'Lin'₅₄ i₂jio₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ ně₃. ⁸ Já'₂ 'Lin'₅₄ i₂ně₂jing'₅₄ ně₅, jme₁chan₂ le₂jniá₅, rě₂ně₃ ně₃ tsá₃ ma₃chain₂. La₁ jě₁ma₂o₃'iín₅ uíg₂ ja₁ca₂jein₃ chi₁dsio₅₄, jaun₂ dsióg₄ ja₁dsi₃'éin₂. Dsi₃gó'₃ dsi₅ dsa₂ i₂chan₂ ne₄ gua'₅₄ 'uě₃, ca₂le₃jín₃ i₂con₂ tsá₃ le₁ton₅ ne₄ si₂ ca₂le₃ ca₂nió₃ mi₂güig₃, mi₂si₂ a₂rě₂bin₅ a₂le₃chan₂ dsa₂; dsi₂qui₂dsi₃gó'₃ dsi₅ jě₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rě₂ně₃, la₁ia₁ a₂guáin₂ táng₃.

⁹ 'Jág₁ la₂ cha₂ a₂lě₂ le₃ŋí'₂ juí₁lia'₂ dsa₂ i₂ŋí'₂ dsi₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsi₂con₂' ja₁guá'₄ 'io₅₄ 'éi₂. ¹⁰ Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ŋiá₂ rag₅₄ 'éi₂; jan₂ bá₄ i₂gon₂ rě₂ně₃; jan₂ guě'₂ i₂tsá₃ ma₂guan₅ guě₄. Jě₁ma₂tě₂ rě₁guá₃ 'éi₂ guě'₂ ně₃, ca₂tiá₂ bá₄ ca₂tíin₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rě₂ně₃ 'éi₂ guě'₂ ně₃, lén₂ i₂gon₂ i₂ca₂tě₂ jniá₃ i₂co₂'nió'₄ rin'₅₄ i₂guion₃ 'éi₂ bá₄. Ján₃ bá₄ dsióg₄ ja₁dsi₃'éin₂.

¹² 'A₂lě₅ guia₃ mi₂juí₁ a₂ně₂jag'₅₄ ně₃, co₂'nió'₄ guan₃ rag₅₄ i₂tsá₃ ma₂ŋi₂ ja₁le₃goin₂. La₁ ŋei₃ bí₂ 'éi'₃ ca₂tiá₂ le₂jaun₂, ně₂jag₄ caun₂ hora, lia'₂ ma₂quiain'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ jág₁, ton₂ qui₃cuě₃ juí₁bí₂ quian'₅₄ 'éi'₃ quió'₅ cuě'₃ Já'₂ 'Lin'₅₄. ¹⁴ Qui₃jmo₃ 'nei₂ quiín'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ juig₅₄ quián₅ ca₂le₃jín₃ juig₅₄ dsa₂; ton₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ ně₃, lín₅ i₂ma₂quióin'₂ i₂ma₂tě₃ Diú₄, tióin₂ lín₅ dsa₂ i₂rě₂tí'₅₄ quián₅.

¹⁵ Jaun₂ ca₂tság₃ jniá'₂:

—Juí₁lia'₂ a₂lě₅ 'lióng₂ jmi₂g₂ ja₁guá'₄ 'io₅₄ 'lin'₅₄ a₂ně₂jag'₅₄ ně₅, co₂'nió'₄ ca₂le₃jě₃ go₄ dsa₂, ca₂le₃jě₃ nió'₃ dsa₂, ca₂le₃jě₃ juig₂, ca₂le₃jě₃ jág₁ jmei₅ ně₃. ¹⁶ Jaun₂ jme₃'iog₅₄ dsa₂ i₂co₂'nió'₄ a₂lě₅ guia₃ mi₂juí₁ i₂ně₂jag'₅₄, jme₃'iog₅₄ Já'₂ 'Lin'₅₄ guě'₂ ně₃,

* 17:6 lit. "quian'₅₄ jmi₂ 'an₅₄ dsa₂ jŋi₃ó."

jme₃'ŋjai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tē₃tsiin'₅₄ rē₃ŋí₅;
 qui₃quí₃'₃ ni₁ŋí₁₂, jaun₂ guē₄ dság'₂ quian'₅₄ si₂. ¹⁷ Ia₁ Diú₄
 ně₃ ma₂jmo₃ dsí₅ dsa₂ 'éi₂ jui₁jmo₁₂ ca₂le₃jě₃ 'e₂ niog₅ dsí₅ jmo₃,
 ia₁jaun₂ jmo₃ caun₂ jág₁ a₂cuē₃ jui₅bí₂ a₂goin₂, cuē'₃ Já'₂ 'Lin'₅₄,
 ca₂lia'₂ ca₂dsióg₃ jmig₄ a₂le₃ti₃ jág₁ quió'₅ Diú₄ a₂ma₂ron₅. ¹⁸ 'Io₅₄
 i₂nē₂jing'₅₄ ně₃, co₂'nió'₄ ciudad juē'₂ ja₁o₂'ag₅ 'éi'₃ ne₄ quió'₅
 ca₂le₃jín₃ rag₅₄ i₂chan₂ mi₂güí₃.

18

Jē₁ca₂ŋó₃ 'uē₃ bí₂ quió'₅ Babilonia

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄
 i₂juí₃ i₂'io₅ bí₂ 'éi'₃ a₂'uain'₂ lin₃. Ta₁caun₂ mi₂güí₃ bá₄ ca₂tág'₃
 a₂co₂tág₅ co₂'né'₅ quió'₅. ² Quian'₅₄ jág₁ tiá₂ lin₃, ca₂juá'₂:
 Ma₂ca₂i₃'én₂, ma₂ca₂i₃'én₂ Babilonia juē'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lē₃;

'né₅ 'má₃ ja₁ŋí'₂ ca₂le₃jín₃ ne₅₄ jme₂dsí₂ 'lin'₅₄,

ca₂le₃jín₃ ne₅₄ i₁tan₅ 'lin'₅₄ lē₁'ŋio₅.

³ Ia₁ ma₂qui₂ma₂'in'₃ ca₂le₃jě₃ juig₂

vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uē₃

quiain'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,

ma₂qui₂ca₂rē₃chá₃ cu₄ 'ŋio₅ lin₃

tē₂le₃ quian'₅₄ jui₅bí₂ a₂ma₂i₁juin₅₄ ŋag₅₄

a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juí₃, a₂juá'₂:
 'Uin'₂ 'nia'₂ jē₄ juig₂ ně₅,

con'₂ 'nia'₂ i₂líng'₅ dsa₂ juig₂ quiáng₃,

ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ ně₅,

on₃ guē'₂ tin'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'líong₂ lin₃ dsáu₁ 'io₅₄ ně₅ ma₂rē₂juí₄,

nē₂jag₄ bá₄ ma₂tě₂ ca₂tě₂ guei'₅₄ i₂juí₃.

Jaun₂ Diú₄ ně₃ ma₂dsáu'₅ dsí₅

ca₂le₃jě₃ a₂'lig'₅₄ a₂ma₂rē₂cáin'₄.

⁶ A₂le₂jaun₂ cuē'₅₄ 'nia'₂ 'io₅₄ ně₅

jui₁lia'₂ lē₅ a₂ma₂qui₂ma₂cuē'₃ dsa₂ 'ŋiog₅.

Qui'₄ 'nia'₂ tin₃ ju'₂

lia'₂ con'₂ guē₄ a₂ma₂jmo₃.

Co₂gün'₅₄ 'nia'₂ tin₃ ráun₂ a₂'ŋio₅ guē₄

ŋió'₂ copa quió'₅ 'ŋiog₅,

con'₂ guē₄ a₂ma₂cuē'₃ i₂sián'₂.

⁷ Jui₁lia'₂ a₂ŋí₄ lē₃ ma₂qui₂ma₂chain₂ jlá'₁ a₂róin₂,

co₂jaun₂ cuē'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ tē₂dsi'₅:

“La₂ gua₅₄ a₂líng₅ jan₂ 'io₅₄ rag₅₄,
tsá₃ dsa₂ 'nág₂ líng₅.

Tsá₃ o₁líng'₂ ñag₅₄ uig₅ le₃qui'₂ dsi₃.”

8 'Uig₅₄ jaun₂ ně₃,

co₂nio₄ co₂jmig₄ bá₄ ja₃lé₂ jmi₁ uig₅ ja₁coin₂;

'mú₃, qui'₃-o₃, le₃'oin₅₄ ně₃;

jaun₂ guě₄ dsi_{in}'₂ co₂ñei'₅₄.

Ia₁ i₂'uan'₂ lin₃ bá₄ Te₁gui'₅₄ Diú₄

i₂qui₃dsi₅ 'éi'₃ ja₁coin₂ jmig₄ jaun₂.

9 'Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uě₃
i₂qui₂ca₂nió'₄ já₁ quiain'₅₄ 'io₅₄ 'éi₂, i₂qui₂ma₂ca₂rě₃cháin₃ jlá'₁
quiain'₅₄, jě₂ma₂ca₂jág₃ tsau₂ jme₁ñi₁ guei'₅₄ a₂ma₂qui₂cau₂
quió'₅ 'io₅₄. 10 La₁ uíng₂ bá₄ qui₂dsi₃náu₃, qui₃jág₃ gó'₃ 'ñio₅ lin₃,
jaun₂ juá'₂:

i'E₂ guě₄ juíg'₂, 'e₂ guě₄ juíg'₂,

'ne₂ ciudad juē'₂,

'ne₂ Babilonia i₂jme₁'uang'₂ lin₃ ně₃!

¡Quian'₅₄ ca₂tiá'₂ co₂lág₂ bá₄

gua₅ uig₅ a₂rě₂'ě₂ ja₁cong'₂!

11 'Cán₂ go₂'i₃, qui'₃-o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄
'uě₃, o₄quió'₄ 'éi₂; ia₁ tsá₃ ma₂'ein₂ le₃chan₂ qui₃lá₃ guě₄ 'e₂
lio₅₄ i₂quian₅₄: 12 lio₅₄ a₂lě₅ cu₄nióg₄, cu₄tiog₂, cang₄ jlá'₁, míg₂
perlas, ca₂le₃jě₃ ne₅₄ ju₁lia'₂ 'mí'₂ jlá'₁, ju₁lia'₂ lino quian'₅₄ seda
a₂'lióng₂ ne₅₄ jniá₂, a₂'ui'₃, a₂guéin₂ ně₃; ca₂le₃jě₃ ne₅₄ 'ma₂ jlá'₁
ně₃ a₂ja₂ mi₂juig₂ ma₂ro₂; líóng₂ ne₅₄ cosas jlá'₁ ně₃, ju₁lia'₂
a₂lě₅ ni₁mu₅, a₂lě₅ ni₁'ma₂ jlá'₁ a₂'mu'₅₄, a₂lě₅ ni₁ñí₁ 'ua'₂, a₂lě₅
ni₁ñí₁ nióg₂ ně₃, ni₁cang₁ mármol táng₃; 13 lio₅₄ canela, ca₂le₃jě₃
guě₄ a₂ja₂ mi₂juig₂ ma₂ro₂ ju₁lia'₂ chen₂, mirra, no'₅₄ mi₂juig₂
ně₃; vino quian'₅₄ no'₅₄ olivo; cui₂dse₃ quian'₅₄ trigo; já'₂
ně₃, ju₁lia'₂ ca₁jui₅, já'₂ cha'₂ quian'₅₄ cua₁; ni₁ñí₁ carrozas ně₃.
Ca₂le₂jio₅ dsa₂ mi₂güig₃ rin'₅₄ dsa₂ i₂jme₂ti₃ ta₁ ne₅₄. 14 'La₁ jmig₄

jaun₂ guě₄ ně₃, juá'₂ tsí'₃ ciudad jaun₂:

¡Ma₂ca₂jñia'₃ ja₁cong'₂, míg₂ jlá'₁

a₂ñí₄ lě₃ jme₁'ín₅ 'au'₂ quē'₅₄!

¡A₂co₂dsia₅ ca₂i₃'én₂ jaun₂ bá₄

ca₂le₃jě₃ a₂jlá'₁

a₂jme₁quen₅ cu₄ a₂jme₁cha₂ quiáng'₂!

Tsá₃ ma₃o₁líng'₂ jmig₄ dsiang'₂.

15 'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃
cu₄ 'ñio₅ lin₃ tē₂le₃ quian'₅₄ 'io₅₄ 'éi₂, qui₂dsi₃náu₃ uíng₂, qui₃jág₃
gó'₃ 'uig₅₄ jmi₁uig₅ a₂go₂'i₃ jaun₂. 16 Jaun₂ juá'₂ tiá₂:
i'E₂ guě₄ juíg'₂, 'e₂ guě₄ juíg'₂,

'ne₂ ciudad juë'₂!

j_{1a}₁ jme₁lě₄ jui₁lia'₂ lín₅ jan₂ 'io₅₄ jlán'₁

i₂jme₁qui'₂ tsin'₅₄ jlá'₁ lín₃

a₂jme₁jniá'₂ 'ui'₃ quian'₅₄ a₂guéin₂,
i₂jme₁rě₂lín₄ jlán'₁ quian'₅₄ cu₄nió_g₄,

ni₁cang₁ jlá'₁, mǐg₂ perlas ně₃!

17 j₁Quian'₅₄ ca₂tiá'₂ co₂lág₂ bá₄,

qui₂ca₂dsa₃ ca₂ag₂ a₂jlá'₁ a₂quen₅ 'lióng₂ lín₃!

'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ guě₄

dsa₂ i₂i₂nio₄ ne₄ jmi₁ñí'₄, ca₂le₃jín₃ guě₄ dsa₂ i₂'no₅ a₂dsi₂ñí'₂

ne₄ jmi₁ñí'₄, qui₂dsi₃náu₃ uíng₂, 18 jě₁ma₂ca₂jág₃ jme₁ñi₁

a₂ma₂qui₂cau₂ quió'₅, qui₃juá'₂ tiá'₂ tóin'₃:

—¿'E₂ bá₄ ciudad lé₂ le₃quin₃ quian'₅₄ ciudad juë'₂ ně₅?

19 Jaun₂ qui₂tó'₃ ti₁jui₁ ne₄ mi₂dsi₅₄ guioin₅₄, qui₂'₂-o₂₃, a₂juá'₂
tiá'₂:

j'₂E₂ guě₄ juíg₂, 'e₂ guě₄ juíg₂

ciudad juë'₂ ně₅!

Quian'₅₄ ca₂le₃jě₃ a₂jme₁cha₂ quió'₅,

ca₂rě₃chá₃ cu₄ ca₂le₃jín₃ dsa₂

i₂qui₂le₁'io₅ barcos ne₄ jmi₁ñí'₄.

j₁Quian'₅₄ ca₂tiá'₂ co₂lág₂ bá₄ ca₂'en₃ jě₂!

20 La₁ 'nia'₂ ně₃,

i₂chan'₂ guei'₅₄ i₂juíg₃,

jmo₄ 'nia'₂ 'io'₂ ne₄ quió'₅ juig₂ jaun₂.

Ca₂le₃jín'₃ guě'₂ 'nia'₂ i₂tén₅ le₃quió'₅ Diú₄,

i₂chen₄ quiáin₅, i₂qui₂'ě₂ jág₁ quió'₅ ně₃.

Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,

ma₂ně₂jme₃rě₃ ca₂le₃jě₃ a₂ma₂jmaí'₂ 'nia'₂ jaun₂.

21 Jaun₂ ca₂chóg'₃ jan₂ ángel 'uan'₂ ca₂mǐg₂ ni₁cang₁ pa₁, a₂lě₅

jui₁lia'₂ lě₅ ni₁cang₁ éi'₅ cui_g₂ 'í₅; ca₂ton₃ ne₄ jmi₁ñí'₄, ca₂juá'₂:

Quian'₅₄ 'nei₂ uig₅ le₂ně₅ bá₄

dsó₃ 'uě₃ ján₃,

Babilonia ciudad juë'₂,

tsá₃ ma₃a₁jaun₂ jua'₅₄ le₃cha₂.

22 O₁líg'₂ jmǐg₄ tsá₃ ma₃qui₂né'₂ a₂jmo₃ dsa₂ son₅₄

jui₁lia'₂ jě₄ calle quiáng'₂:

jui₁lia'₂ son₅₄ tsi₁ton₅ arpas,*

son₅₄ 'ma₂, son₅₄ ñí₁ trompeta ně₃.

Tsá₃ ma₃le₃chan₂ tē₅

i₂tín₂ ta₁ 'i₁jan₂, ja₁cong'₂;

tsá₃ ma₃qui₃né'₂ mi'₅₄

ni₁cang₁ éi'₅ cui_g₂ 'í₅, ja₁cong'₂;

23 si₂ nng'₂;

* 18:22 griego: kithara.

jág₁ quió'₅ 'io₅₄,
 quió'₅ dsa₂ ñe'₂ i₂jen'₂ gu₂,
 tsá₃ ma₃o₁lig'₂ qui₃né'₂ ja₁cong'₂.
 Ia₁ dsa₂ dsen₅₄ jin₄ dsa₂ mi₂güí₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juig₂
 tê₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rē₂cán'₄ jmi₂ 'an₅₄
 ca₂le₃jín₃ dsa₂ i₂tén₅ le₃quió'₅ Diú₄,
 i₂ma₂'ě₂ jág₁ quió'₅ ně₃,
 quian'₅₄ ca₂le₃jín₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ jág₁ quió'₅ juin₅ lín₃ dsa₂ i₂tion'₅₄
 guei'₅₄ i₂juí₃, i₁juá'₄ co₂mí'₅₄:
 ¡Aleluya!*
 Te₁gui'₅₄ Diú₄ quián₂ bá₄ jniog₄ i₂lió₂,
 i₂ca₂tín₂ gue₃ a₂jme₃juag'₂ dsa₂,
 i₂ca₂tín₂ jui₅bí₂ a₂náu₃ ne₄ 'éi'₃.
 2 Ia₁ dsau₅, ton'₂ dsi₂ten₅₄ bá₄ lě₅
 a₂qui₂dsi₂₃ 'éi'₃.
 Ia₁ ma₂ně₂qui₂dsi₂₃ 'éi'₃
 ja₁con₂ 'io₅₄ 'lín'₅₄ juin'₂,
 i₂ma₂ca₂jme₃'ió₃ ta₁caun₂ mi₂güí₃
 quian'₅₄ jág₁ 'lig'₅₄ a₂ma₂qui₂ma₂nió'₃.
 Jaun₂ 'ñiog₅ bá₄ Diú₄ ma₂ně₂quion₃ 'ma'₅₄
 ja₁con₂ 'io₅₄ 'éi₂,
 ne₄ quió'₅ jmi₂ 'an₅₄ ca₂le₃jín₃ dsa₂ quián₅ Diú₄
 i₂jme₂ti₃ ta₁ ne₅₄.
 3 Con'₂ siá'₂ táng₃ ca₂juá'₂:
 ¡Aleluya!
 Tsau₂ jme₁ñi₁ a₂con₂ 'io₅₄ 'éi₂
 ca₂lia'₂ co₂tan₅₄.
 4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂
 le₃quén₂ já'₂ i₂tión₂ le₃ne₄ ne₄ta₁, qui₂ca₂tóin₂ 'uě₃ ca₂jme₃juin'₂
 Diú₄ i₂guá₅ ne₄ta₁, qui₂ca₂juá'₂:
 —¡A₂méi₃! ¡Aleluya!
 5 Jaun₂ guě₄ ca₂né'₂ jág₁ tē₂ ne₄ta₁, i₁juá'₄:
 Jme₁juin'₂ 'nia'₂ Diú₄ quián₂
 ca₂le₃jín'₃ 'nia'₂ i₂jme₂ti₃ ne₅₄
 ca₂le₃jín'₃ 'nia'₂ i₂juin'₂ i₂me'₂
 i₂go₃ gain₃ 'éi₂.

Jmig₄ ja₁jen'₂ gu₂ Guein₂ Já'₂ Cha'₂

6 Jaun₂ ca₂nag₃ jniá₂ co₂mi'₅₄ a₂né'₂ lia'₂ né'₂ jág₁ ja₁tion'₅₄
 dsa₂ juin₅, lia'₂ né'₂ ja₁ta'₂ la'₅₄ pa₁ lin₃,* ju₁lia'₂ tē₂tsi'₅₄ co₂mi'₅₄
 quia'₂ nī'₃ tiá₂ lin₃, i₁juá'₄:

jAleluya!

Ia₁ ma₂gon₂ Te₁gui'₅₄ Diú₄ quián₂ jniog₄

i₂'Uan'₂ guě₄ lin₃.

7 jJui₁jmo₁ jniog₄ 'io'₂

o₂'nió₃ o₂ñia₃ dsi₅,

ju₁jme₁juin'₂ jniog₄ 'éi'!

Ia₁ ca₂tě₂ hora a₂jen'₂ gu₂

Guein₂ Já'₂ Cha'₂.

Dsa₂ mí₂ i₂jen'₂ gu₂ quian'₅₄ ně₃

ma₂chain₂ co₂jñia₅₄.

8 Ma₂ñi₂ tsi₁'mi'₂ lino jlá'₁

a₂tág₅, a₂le₁jě₃ lin₃, a₂rě₂lin₅₄.

(Ia₁ ju₁lia'₂ tsi₁'mi'₂ lino jlá'₁ ně₃, co₂'nió'₄ ju₁ dsau₅

a₂ma₂quian₅ dsa₂ i₂tén₅ le₃quió'₅ Diú₄.)[†]

9 Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ guě₄ dsen₃ ca₂le₃jín₃ dsa₂ i₂tě₄ jmig₄
 ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ tē₃dsón'₂ bá₄ la₂ quió'₅ Diú₄.

10 Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂
 jniá₂. La₁ ca₂juá'₂ ně₃:

—A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄
 Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂ě₂ jág₁ o₄quió'₄ Diú₄,
 quian'₅₄ i₂tón'₂ ju₁ jág₁ a₂rě₂ě₂ quió'₅ Diú₄ a₂tio'₅₄ ne₄ si₂ la₂.
 Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsi₂
 quió'₅ ju₁lia'₂ i₂ě₂ jág₁ o₄quió'₄ Diú₄.

Dsa₂ i₂ñó₅ co₁dsin₅₄ cua₁ tion₂

11 Jaun₂ ca₂jág₃ jniá₂ rě₂na₄ gwei'₅₄ i₂juig₃, jaun₂ ca₂jnia₃ jan₂
 ds₂cua₁ tion₂. Dsa₂ i₂co₂dsag₅₄ guě'₂ chen₂ I₂rě₂ti'₅₄, I₂dsau₅ ně₃.
 Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂. 12 Tág₅ jme₁ne₁₂
 lia'₂ tág₅ si₂; tio'₅₄ 'lióng₂ coronas mi₂dsi₅₄ ja₁le₁ton₅ lia'₂ chein₂,
 jñia'₅₄ lia'₂ 'niog₅ bá₄ nī'₂, tsá₃ 'ein₂ i₂sián'₂ nī'₂. 13 Qui'₂ caun₂
 'mi'₂ chen'₅₄ a₂ně₂jag₄ bá₄ ma₂i₂tia₃ jmi₂; a₂chen₂ 'éi₂ guě'₂ ně₃
 Jág₁ quió'₅ Diú₄.[‡] 14 Chi₁co'₅₄ quió'₅ 'éi₂, tē₁ja₂lén₂ juin₅ lin₃ 'lióg₂
 quián₅ gwei'₅₄ i₂juig₃. Ca₂le₃jín₃ le₁qui'₂ jmá'₃ 'mi'₂ lino tiog₂ jlá'₁
 a₂le₁jě₃, a₂ca₂'u₁in₂ qui₂co₂dsi_{in}₅₄ cua₁ tion₂. 15 Mi₂O₄ 'éi₂ dsi₅₄
 caun₂ a₂lě₅ lia'₂ lě₅ nī₁tág₂ 'mu₃ lin₃ a₂jmái'₂ ca₂le₃jín₃ juig₂ ne₄
 gua'₅₄ 'uě₃. “Goin₃ ne₄ 'éi₂ quian'₅₄ 'ma₂'i'₅₄ a₂lě₅ nī₁nī₁ 'ua'₂.”[§]

* 19:6 o₃ “lia'₂ né'₂ 'lióng₂ jmig₂.” † 19:8 lit. “a₂ma₂quian₅ dsa₂ jñi_ó'₅.” ‡ 19:13

'Nió'₂ ja₁ton₅ Juan 1:1-14. § 19:15 Salmo 2:9.

Qui₃tsó'₃ ně₂jag₄ bá₄ mīg₂ uvas a₂i₄ 'nei₂ dséi₂ dsí₅ Diú₄ 'Uan'₂.
 16 Ne₄ tsi₁'mi'₂ chen'₅₄, ne₄ mi₂qui₅₄ ně₃, chi₁ton₅ 'a₂ lia'₂ chein₂:
 RAG₅₄ QUIÁN₅ CA₂LE₃JĪN₃ RAG₅₄ JUĠG₅₄ CA₂LE₃JĪN₃ JUĠG₅₄.

17 Jaun₂ ca₂jġing₅₄ jan₂ ángel chéin'₅ dsi₂jo₂ 'iog₂. 'Éi₂ ně₃
 ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂:

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuē₃ Diú₄,
 18 ia₁jaun₂ tón'₄ 'nia'₂ quē'₅₄ jmá'₃ ħí₅: ħi₄ rag₅₄, ħi₄ ca₂le₃jín₃
 juig₅₄ 'lióg₂, ħi₄ ca₂le₃jín₃ guē₄ dsa₂ bēn₂ ně₃. Ca₂lia'₂ ħi₄ cua₁ ně₃,
 ħi₄ dsa₂ i₂jme₁co₂dsag₅₄ ně₃; ħi₄ ca₂le₃jín₃ guē₄ dsa₂: lia'₂ dsa₂
 i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂
 i₂juin'₂ lia'₂ dsa₂ me'₂.

19 Jaun₂ ca₂jġing₅₄ i₂tē'₂ Já'₂ 'Lin'₅₄, quaiin'₅₄ ca₂le₃jín₃ rag₅₄
 chan₂ ta₁caun₂ gua'₅₄ 'uē₃, quaiin'₅₄ ca₂le₃jín₃ 'lióg₂ quiáin₅.
 Ca₂liain'₃ riin'₅₄ ca₂jmo₃ caun₂ jág₁ a₂quín'₂ quaiin'₅₄ i₂co₂dsin₅₄
 cua₁ quaiin'₅₄ ca₂le₃jín₃ 'lióg₂ i₂quaiin'₅₄ ně₃. 20 Já'₂ 'Lin'₅₄
 ně₃ ca₂'néi'₃ bá₄ co₂dsia₅ quaiin'₅₄ dsa₂ i₂'ē₂ jág₁ a₂jui₁gain₂
 i₂ma₂jmo₃ 'lióng₂ léi₄ juē'₂ o₄quió'₄ 'éi₂; ia₁ tē₂le₃ quian'₅₄
 tsá₃ caun₂ o₂dsain₂ ca₂jme₃jniai₂₃ ħin₄ dsa₂, ca₂jme₃gain₂₃ dsa₂
 i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅
 'éi₂ ně₃. Le₃on₃ 'éi₂ co₂dsia₅ bá₄ ca₂tē₁dsiin₅₄ tē₃jéin'₃ le₂jaun₂
 ja₁'a₄ si₂ a₂cau₂ quian'₅₄ azufre, a₂juē'₂ lia'₂ juē'₂ ħmi₁ħí'₄.
 21 Ca₂le₃jín₃ guē₄ rin'₅₄ 'éi₂ ně₃ ca₂dsain₃ quian'₅₄ ħi₁tág₂ a₂o₂'ag₅
 mi₂'o₄ i₂co₂dsin₅₄ dsi₂cua₁ 'éi₂. Jaun₂ guē₄ qui₂ca₂guē'₃ ca₂le₃jín₃
 já'₂ i₂'in₅, lia'₂ mag'₂ dsí₅, ħi₄ i₂ca₂dsan₃ 'éi₂.

20

Caun₂ mei₅ ħi₂

1 Jaun₂ ca₂jġing₅₄ táng₃ jan₂ ángel, ca₂sióin₃ guei'₅₄ i₂juig₃.
 Chi₁chan'₂ ħi₁ llave quió'₅ ja₁ca₂jein₃ chi₁dsio₅₄, caun₂ guē'₂
 cadena pa₁ quian₅. 2 Jaun₂ ca₂jġai'₃ i₂tē'₂ já'₂ dragón, dsi₂mi'₂
 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂
 mei₅ ħi₂. 3 Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂
 ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guē₄ juig₂
 a₂cha₂ ne₄ gua'₅₄ 'uē₃, ca₂lia'₂ ca₂dsin₃ caun₂ mei₅ ħi₂. Cang₂
 jaun₂ jē₁ma₂ca₂dsin₃ caun₂ mei₅ ħi₂, jaun₂ guē₄ chein'₂ táng₃
 co₂'na₂.

4 Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅
 i₂ma₂ħi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsí₂ quió'₅
 dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃
 jág₁ dsau₅ quió'₅ Jesús, o₄quió'₄ jág₁ quió'₅ Diú₄ ně₃. Tsá₃
 ca₂jme₃juin'₂ Já'₂ 'Lin'₅₄, on₃ guē'₂ ca₂gue₃ tē₃ton₅₄ léi₄ quió'₅,
 dso'₂ chi₁quí₃, on₃ guē'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂,
 ca₂rē₃goin₂ quaiin'₅₄ Cristo caun₂ mei₅ ħi₂. 5 (La₁ ca₂le₃jín₃ guē₄

'lag₄ sián'₂ guë'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ŋi₂.) Co₂'nió'₄ a₂jaun₂ bá₄ le₃juá'₅₄ jë₁le₂'uig₅₄ a₂jen'₅₄ 'lag₄. ⁶ i'E₂ guë'₄ dsen₃, 'e₂ guë'₄ jñi₅, jui₁lia'₂ dsa₂ i₂quen'₄ jë₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guë'₄ ně₃ tsá₃ ma₃jui₅bí₂ 'io₃ jë₁ca₂tě₂ táng₃ 'mú₃. Dsa₂ 'éi₂ guë'₄ ně₃ léin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quiaín'₅₄ 'éi₂ caun₂ mei₅ ŋi₂.

⁷ Jë₁ma₂ŋi₂ caun₂ mei₅ ŋi₂ jaun₂, jaun₂ guë'₄ chen'₂ táng₃ Satanás ja₁rë₂jñi₅, ⁸ a₂o₃'iin₅, dsi₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uë₃: ca₂tě₂ ja₁chei₂ Gog quian'₅₄ Magog.* Ja₁jaun₂ guë'₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lin₃ lě₂, lia'₂ ja₁lě₄ mi₂tsag₄ a₂cha₂ chei'₅₄ jmi₁ŋi'₄.

⁹ Jaun₂ ca₂i₃léin₂ ta₁caun₂ jui₅ con'₂ lě₅ 'i₂ gua'₅₄ 'uë₃, jaun₂ ca₂jě₂li'₅₄ le₃lág'₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juig₃, ca₂dsiin'₂ co₂nei'₅₄. ¹⁰ Jaun₂ i₂sě₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'iin₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quiaín'₅₄ dsa₂ i₂'ě₂ jág₁ a₂jui₁gain₂, a₂ŋág₃ uig₅ lia'₂ 'uë₂-jmi₂ ca₂lia'₂ co₂tan₅₄.

Jë₁tě₃dsi₅₄ 'éi'₃ ne₄ta₁ tiog₂ a₂juë'₂

¹¹ Jaun₂ ca₂jág₃ táng₃, ca₂jnia₃ caun₂ ne₄ta₁ juë'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uë₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂. ¹² Ja₁jaun₂ guë'₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniá₂ tióin₂ ne₄ Diú₄. Jaun₂ qui₂ca₂niá₃ mi₂si₂ rë₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂tě₁dsi₅₄ 'éi'₃ ja₁con₂ 'lag₄ lia'₂ con'₂ lě₅ ca₂jmo₃ le₂jain₂ le₂jain₂ con'₂ lě₅ le₁ton₅ ne₄ mi₂si₂ jaun₂. ¹³ Ca₂jín'₂ jmi₁ŋi'₄ ca₂jün'₂ 'lag₄ i₂jme₁tion'₅₄ jë₄ jaun₂; qui₂ca₂jín'₂ 'Mú₃ quian'₅₄ guë'₂ Tau₂ 'Nio₅a qui₂ca₂jün'₂ 'lag₄ i₂jme₁tion'₅₄ ja₁jaun₂. Jaun₂ ca₂tě₁dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lě₅ a₂ca₂jmo₃. ¹⁴ Jaun₂ qui₂i₃gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lě₅ jë₁ca₂tě₂ táng₃ 'mú₃. ¹⁵ Ju₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'iin₃.

21

Caun gua'₅₄ 'uë₃ 'mí₂, quian'₅₄ caun₂ dsi₄ 'mí₂

¹ Cang₂ jaun₂, ca₂jág₃ táng₃ jniá₂ caun₂ gua'₅₄ 'uë₃ 'mí₂, caun₂ dsi₄ 'mí₂ táng₃, ia₁ jë₁le₂'uig₅₄ dsi₄ quian'₅₄ guë'₂ le₂'uig₅₄ gua'₅₄ 'uë₃ co₂dsia₅ ca₂i₃'én₂ bá₄ jaun₂, on₃ guë'₂ jmá'₃ jmi₁ŋi'₄ ma₃cha₂ ně₃. ² Jaun₂ ca₂jág₃ jniá₂* Juig₂ Ciudad Jñi₅, Jerusalén 'mí₂,

* **20:8** o₃, “Magog ja₁gon₂ Gog”. 'Nio'₂ ja₁ton₅ Ezequiel 38:2 - 39:16. † **20:14** griego: hades, co₂'nió'₄ a₂juá'₂, ja₁quió'₄ 'lag₄. * **21:2** Cha₂ a₂lin₅₄ chog₅₄ si₂ me'₂, a₂juá'₂: “jniá₂, Juan₅₄, ca₂jág₃.”

a₂ca₂jnia₃ ca₂sio₃ guei'₅₄ i₂juíg₃ ne₄ Diú₄. Jniá₂ ma₂lě₅ co₂jñia₅₄ jlá'₁ lin₃, nē₂jag₄ bá₄ jan₂ dsa₂ mí₂ i₂rě₂lin₄ quián₅ dsa₂ ñe'₂ i₂lí'₅₄ jág₁ quiaín'₅₄. ³Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quián₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quián₅, ⁴Jaun₂ qui₃chí₃ jme₁ne₁ 'éi₂ ca₂le₃jě₃ jmig₂ a₂le₁ág₄. Tsá₃ ma₃le₃cha₂ guě₄ 'mú₃, on₃ guě'₂ jua'₅₄ nē₅ qui₃tón'₃ guě₄ dsa₂ qui'₂-o₂₃, on₃ guě'₂ nē₅ i₃nioi₅₄ guě₄ chain₂ o₂i₁ dsi₅, on₃ guě'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jě₃ 'e₂ a₂jme₁cha₂ le₂jñiá₅.

⁵Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jě₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rě₂ti'₅₄ bá₄ la₂.

⁶Jaun₂ ca₂tság₃ jniá₂:

—Ca₂lě₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jē₁ca₂tó'₂ nē₃. Jui₁lia'₂ i₂rě₂quein₂ dsí₅, cuě₅₄ jniá₂ a₂'ín'₂ 'éi₂ jmig₂ a₂'ia₂ o₄tu₁ jmig₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂. ⁷Jui₁lia'₂ i₂ca₂tió'₃, a₂lě₁ñei₃ cuě₅₄ jniá₂ ca₂le₃jě₃ a₂nē₅, jaun₂ jniá₂ bá₄ léng₂ Diú₄ quián₅, 'éi₂ guě'₂ lén₂ chí'₂-guein₂ quiáng₃. ⁸La₁ jui₁lia'₂ dsa₂ i₂tén'₅, jui₁lia'₂ dsa₂ i₂tsá₃ 'én₂, jui₁lia'₂ i₂li₁'ñio₅, jui₁lia'₂ i₂jme₂dsian₅ rín'₅₄, jui₁lia'₂ i₂nió'₅ jág₁ a₂tsá₃ dsi₂ten₅₄ nió'₃, jui₁lia'₂ i₂tín₂ mí₅ a₂chan₂ dsí₅, jui₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ tē₂jág₁ nē₃; ca₂le₃jín₃ dsa₂ nē₅ tñin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lě₅ jē₁ca₂tě₂ táng₃ 'mú₃.

Caun₂ Jerusalén 'mí₂

⁹Jaun₂ ca₂guan₃ jan₂ ángel i₂lě₂ i₂guion₃ i₂jme₁le₁chan'₂ guio₃ ni₁uing₅ le₁can'₂ le₃guio₃ jmi₁uig₅ jē₁ca₂tó'₂ 'éi₂, ca₂juá'₂ ca₂tság₃ jniá₂:

—Ñia₅, la₂ 'ín₄ jniá₂ dsa₂ mí₂ i₂lě₂ dsi₂i₂gu₂ Guein₂ Já'₂ Cha'₂.

¹⁰Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂tě₂ ja₁lě₄ má'₂ juě'₂ a₂ñei₅. Ja₁jaun₂ ca₂'ě₃ Juig₂ Jñio₅, Jerusalén, a₂síó₅ guei'₅₄ i₂juíg₃ ne₄ Diú₄. ¹¹A₂jniá₂ tág₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né'₅ jui₁lia'₂ jniá₂ ni₁cang₁ jlá'₁, jui₁lia'₂ ni₁cang₁ Jaspe a₂rě₂jě₃ lia'₂ lě₅ ni₁'i₂. ¹²Le₃lág'₃ juig₂ jaun₂, chí'₅ caun₂ ni₁'ia'₂ pa₁ lin₃ a₂ñei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. ¹³'Ni₅ o₄'né₄ le₁dsi₅₄ tē₂le₃ ja₁'ia₂† 'iog₂, 'ni₅ guě'₂ tē₂le₃ ca₂ton₂ norte, 'ni₅ guě'₂ tē₂le₃ ca₂ton₂ sur, 'ni₅ guě'₂

† 21:13 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

táng₃ të₂le₃ ja₁rín₂ 'iog₂. ¹⁴ Jme₁lě₂ guia₃-tín₂ 'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. ¹⁵ Chi₁chan'₂ ángel i₂dsia₅ jniá'₂ jág₁ quiang'₅₄ caun₂ ni₁'ma₂ a₂quiog₂ dsa₂ 'éi'₃, a₂lě₅ jmá'₃ cu₄nióg₄, a₂qui₃quióg₃ 'éi'₃ juig₂ jaun₂, ca₂le₃jě₃ o₄'né₄ quió'₅, dso'₂ ni₁'ia'₂ ně₃. ¹⁶ Ta₁caun₂ juig₂ jaun₂ lě₅ cha₂ qui'₅₄, co₂jaun₂ bá₄ 'í₂ con'₂ cu₂. Ca₂quiog₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂tě₁ron₅₄ 'éi'₃, ca₂dsióg₃ tin₃ mei₅ rě₂dsí₂ tin₃ 'ñiá₂-láu₂ (2,200) kilómetros con'₂ të₂le₃ jang₄ juig₂. Con'₂ jaun₂ bá₄ ján₃, ca₂dsióg₃ të₂le₃ 'í₂ quian'₅₄ guē'₂ të₂le₃ ñei₅ niog₅ juig₂. ¹⁷ Jaun₂ ca₂quiog₂ 'éi'₃ jmá'₃ ni₁'ia'₂. Jaun₂ ca₂dsióg₃ caun₂ 'ñiá₂-láu₂ rě₂dsí₂ të₂láu₃-quén₂ (144) lě₂, 'éi'₃ quió'₅ dsa₂ mi₂güig₃, 'éi'₃ a₂jmó'₂ ángel ta₁.[‡]

¹⁸ Ni₁'ia'₂ ně₃, jme₁lě₄ jmá'₃ quian'₅₄ ni₁cang₁ jaspe; ta₁caun₂ ciudad guē'₂ ně₃, jmá'₃ cu₄nióg₄ jmá'₅, a₂tág₅ lia'₂ tág₅ ni₁'i₂ rě₂jě₃. ¹⁹ 'Uig₅₄ ni₁'ia'₂ ciudad ně₃, qui₂rě₂lag₄ quian'₅₄ ca₂le₃jě₃ ne₅₄ ni₁cang₁ jlá'₁.

Jě₁le₂'uig₅₄ rě₂lag₄ quian'₅₄ jaspe;

jě₁ca₂tě₂ tin₃ ně₃, quian'₅₄ zafiro;

jě₁ca₂tě₂ 'ni₅ ně₃, quian'₅₄ ágata;

jě₁ca₂tě₂ quén₂ guē'₂, quian'₅₄ esmeralda;

²⁰ jě₁ca₂tě₂ 'ñiá₂ rě₂lag₄ quian'₅₄ ónice;

jě₁ca₂tě₂ jñé₂ guē'₂ ně₃, quian'₅₄ cornalina;

jě₁ca₂tě₂ guio₃ táng₃, quian'₅₄ crisólito;

jě₁ca₂tě₂ jñia₃ ně₃, quian'₅₄ berilo;

jě₁ca₂tě₂ ñi₃ ně₃, quian'₅₄ topacio;

jě₁ca₂tě₂ guia₃ guē'₂ ně₃, quian'₅₄ crisoprasa;

jě₁ca₂tě₂ guia₃-cáun₃ ně₃, quian'₅₄ jacinto;

jě₁ca₂tě₂ guia₃-tín₂ guē'₂ ně₃, rě₂lag₄ quian'₅₄ amatista.

²¹ Ta₁guia₃-tín₂ o₄'né₄ ně₃, jme₁lě₄ míg₂ perlas, ia₁ jma₃cáun₃ o₄'né₄ jme₁lě₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lě₄ cu₄nióg₄ a₂le₁jě₃ ně₂jag₄ bá₄ ni₁'i₂ rě₂jě₃.

²² Tsá₃ ca₂jág₃ jniá'₂ i₁caun₂ guá'₅, jua'₅₄ chí'₅ jě₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ gué₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅. ²³ Tsá₃ si₂ quió'₅ 'iog₂ on₃ guē'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá'₂ ja₁jaun₂, quian'₅₄ guē'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅. ²⁴ Jaun₂ qui₂i₃nio₄ ca₂le₃jě₃ juig₂ S ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uě₃, qui₂le₁quian₅ a₂jlá'₁ quió'₅ jě₄ jaun₂. ²⁵ Lia'₂ o₁líg'₂ jmig₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uě₂ le₃cha₂. ²⁶ Ja₁jaun₂

‡ 21:17 o₃, “‘éi'₃ quió'₅ dsa₂ mi₂güig₃, co₂'nió'₄ 'éi'₃ quió'₅ ángel.”

§ 21:24 A₂lín₅₄

chog₅₄ si₂: “ca₂le₃jě₃ juig₂ a₂ma₂lón₂.”

qui₂dsi₃to'₅₄ ca₂le₃jě₃ a₂jlá'₁, a₂quen₅ quió'₅ juig₂ a₂te'₁i₁ gua'₅₄
'uě₃. ²⁷ La₁ ja₁jaun₂ tsá₃ qui₂dsi₃to'₅₄ 'i₁caun₂ a₂lě'₁iog₅, on₃
guě'₂ 'i₁jan₂ dsa₂ i₂qui₂jmo₅ a₂o₂guí'₃, i₂jui₁gan₂ ně₃. Jmá'₃ lia'₂
con'₂ i₂ma₂tion'₅₄ le₁ton₅ lia'₂ chein₂ ne₄ m₁si₂ a₂le₃chan₂ dsa₂
co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃
ja₁jaun₂.

22

Cuá₃ ja₁ñi₅ jmig₂ a₂chan₂ dsa₂

¹ Jaun₂ ca₂'ě₃ ángel caun₂ cuá₃ ja₁ñi₅ jmig₂ a₂chan₂ dsa₂,
a₂rě₂jě₃ lia'₂ lě₅ ni₁i₂; a₂já₅ ja₁lě₄ ne₄ta₁ quió'₅ Diú₄ quian'₅₄
Guein₂ Já'₂ Cha'₂, ² a₂ñi₅ dsi₂jo₂ jě₄ calle dsen₅₄ quió'₅ ciudad
jaun₂. Lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂;^{*}
a₂'ag₅ guia₃-tín₂ ne₅₄ míg₂, jma₃ca₂ne₅₄ míg₂ le₂'í₁ tsi'₂.[†] Mog'₅₄
guě'₂ ně₃, jmo₅ ta₁ a₂'lón₂ ca₂le₃jě₃ juig₂. ³ Ia₁ ja₁jaun₂ guě₄ ně₃,
tsá₃ ma₃jág₁ uig₅ le₃cha₂. Jě₄ juig₂ ciudad tě₃tsi'₅₄ ne₄ta₁ quió'₅
Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅
ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅
chi₁quí₃. ⁵ Tsá₃ ma₃a₂'uě₂ cha₂ ja₁jaun₂; le₂jaun₂ guě'₂ táng₃
jui₁lia'₂ i₂tían'₅ ja₁jaun₂ tsá₃ ma₃si₂ ni₁tsi₅ 'nió'₅ quió'₅, on₃ guě'₂
si₂ quió'₅ 'iog₂. Ia₁ 'ñiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂
qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rě₂ti'₅₄ bá₄ la₂ a₂juig₂ jniá₂ 'ne₂. 'Ñiog₅
bá₄ Te₁gui'₅₄, i₂lín₅ Diú₄ i₂cuě₅ bí₂ jme₂dsi₂ quió'₅ dsa₂
i₂qui₂'ě₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃,
a₂ca₂jme₃jniá₂₃ ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lé₂
ñi'₅₄ ta₁.

Ni'₅₄ ta₁ guan'₂ bá₄ Te₁gui'₅₄ Jesucristo

⁷ —jag₄! iñi'₅₄ ta₁ la₂ bá₄ guióng'₄! i'E₂ guě₄ dsen₃ i₂tón'₂ jui₅
jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂!

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa
ně₅. Jaun₂ jme₁ma₂ně₂jág₃ ma₂ně₂nag₃, jaun₂ ca₂tón₂ jniá₂ 'uě₃
ja₁tión₂ mi₂tag₄ ángel, a₂jme₁jme₁juin'₂. ⁹ La₁ jaun₂ ca₂tság₃
jniá₂:

—'A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄
Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄,
quian'₅₄ i₂tón'₂ jui₅ jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá₂:

* **22:2** o₃, “a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jě₄ calle dsen₅₄ quió'₅ ciudad jaun₂, con'₂ guě'₂ lia'₂ ca₂ton₂ jmig₂ cuá₃ ně₃, dsi₅₄ ni₁'ma₂ a₂chan₂ dsa₂.”
† **22:2** o₃, “a₂'ag₅ míg₂ guia₃-tín₂ ráun₂, co₂ráun₂ le₂'í₁ tsi'.”

—Tsá₃ lë₁'ma₂ tei₄ jág₁ a₂rë₂'ë₂ quió'₅ Diú₄ a₂tio'₅₄ mi₂si₂ rë₂bín₅ la₂. Ia₁ ma₂ja₂quián₃ jmíg₄ jaun₂. ¹¹ Ju₁lia'₂ i₂jmo₅ a₂'lig'₅₄, caun₂ ju₁jmo₂₃ a₂'lig'₁₂; ju₁lia'₂ i₂rë₂'ñió₄, caun₂ ju₁jme₂'ñió₃. Le₂jaun₂ guë'₂ táng₃, ju₁lia'₂ i₂ñ₅ ju₁ co₂dsau₅, ju₁ñi₁₂ lia'₂ ma₂ñi₂₃ jaun₂, ju₁ co₂dsau₅; jaun₂ ju₁lia'₂ i₂lín₅ i₂jñió₅, caun₂ ju₁lein₅₄ bá₄ rë₂jñió₅.

¹² —iDón'₂ bá₄ ñi'₅₄ ta₁ guióng'₄! Quion₅₄ 'lia'₅₄ premio quió'₃; dsio'₄ cuë₄ le₂jan₂ le₂jan₂ lia'₂ con'₂ lë₅ ma₂jmo₃. ¹³ Jniá₂ bá₄ líng₅ Alfa quian'₅₄ Omega; i₂le₂ne₁, i₂jë₁ca₂tó'₂ në₃; i₂le₂'uig₅₄, i₂jë₁ca₂dsan₃ táng₃. ¹⁴ 'E₂ guë'₄ dsen₃ ju₁lia'₂ i₂ma₂le₁jë₃ tsin'₅₄, ia₁jaun₂ bá₄ ñei₃ bí₂ a₂tñin₃ ni₁'ma₂ a₂le₃chan₂ dsa₂, a₂tñin₃ dsitoin'₅₄ le₃o₄'né₄ ju₁g₂ ciudad në₃. ¹⁵ Ca₁'né₄ bá₄ tion'₅₄ ju₁lia'₂ i₂lín₅ lia'₂ lín₅ dsi₂jí'₅₄, ju₁lia'₂ i₂tñin₂ mí₅ a₂chan₂ dsí₅,[‡] ju₁lia'₂ i₂qui₂nió'₅ jág₁ 'lig'₅₄, ju₁lia'₂ i₂jme₂dsian₅ rin'₅₄, ju₁lia'₂ i₂jme₂juin'₂ diú₄ lag₄, ca₂le₃jín₃ guë'₄ i₂të₅ dsí₅ qui₂jme₂gan₅ rin'₅₄, a₂qui₂jmo₂₃ jág₁ tē₂jág₁ në₃.

¹⁶ 'Jniá₂ Jesús, ma₂ca₂tsíng₂ ángel quiáng₃, a₂jáng'₃ jág₁ dsau₅ në₅ ja₁con'₂ 'nia'₂ ne₄ ca₂le₃jín₃ guá'₅. Jniá₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Tóg₁ i₂tág₅ quió'₅.

¹⁷ Jme₂dsí₂ Jñió₅, quian'₅₄ dsa₂ mí₂ quián₅ Guein₂ Já'₂ Cha'₂ juá'₂:

—Ñia₅.

Le₂jaun₂ guë'₂ ju₁lia'₂ i₂nag₅ juá'₂ i₂në₅, ju₁jua'₅₄:

—Ñia₅.

Chi₂jua'₂ 'ein₂ i₂rë₂quein₂ dsí₅, ju₁jia₂; chi₂jua'₂ 'ein₂ 'nio₃, ju₁ja₂'én₃ jmíg₂ a₂le₃chain₂, on₃jua'₅₄ cha₂ quín₃ 'i₁caun₂.

¹⁸ Ca₂le₃jín₃ i₂nag₅ jág₁ dse₃ a₂rë₂'ë₄ quió'₅ Diú₄, a₂tio'₅₄ mi₂si₂ la₂, 'ë₅ jniá₂ jág₁ dsau₅ la₂: chi₂jua'₂ 'ein₂ ca₂jmo₃ ñag₅₄ con'₂ lë₅ jág₁ a₂ma₂tio'₅₄, Diú₄ bá₄ jme₃juë'₂ jm₁uig₅ quió'₅ lia'₂ con'₂ lë₅ le₁ton₅ ne₄ mi₂si₂ la₂. ¹⁹ Në₁jua'₂ 'ein₂ guë'₂ ca₂jñiá'₂, ca₂jmo₃ me'₂ jág₁ a₂rë₂'ë₂ ne₄ si₂ la₂, Diú₄ bá₄ jñiá'₂ a₂jme₁ca₂tñin₂ quió'₅ ni₁'ma₂ a₂chan₂ dsa₂, quian'₅₄ guë'₄ quió'₅ ciudad jñió₅ a₂le₁ton₅ ne₄ si₂ la₂.

²⁰ I₂jáng'₅ jág₁ dsau₅ la₂ juá'₂:

—Dón'₂ bá₄ ñi'₅₄ ta₁ guióng'₄.

A₂jaun₂ guë'₂ dsón'₂. iñiá'₅ 'ne₂, Te₁gui'₅₄ Jesús!

²¹ Ju₁jme₂gu'₅₄ bá₄ Te₁gui'₅₄ Jesucristo ca₂le₃jín₃ 'nia'₂.

Co₂në₅.

‡ 22:15 griego: farmakeía.